


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

# Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

## Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files dated 29 Jan 2022

e9c4c3a0-6dec-54a4-aaba-fb395e5eddc7

## Contents

SAN MATEO . . . . .	1
SAN MARCOS . . . . .	147
SAN LUCAS . . . . .	227
SAN JUAN . . . . .	360
HECHOS . . . . .	455
ROMANOS . . . . .	569
1 CORINTIOS . . . . .	632
2 CORINTIOS . . . . .	690
GÁLATAS . . . . .	728
EFESIOS . . . . .	749
FILIPENSES . . . . .	771
COLOSENSES . . . . .	785
1 TESALONICENSES . . . . .	799
2 TESALONICENSES . . . . .	811
1 TIMOTEO . . . . .	818
2 TIMOTEO . . . . .	835
TITO . . . . .	846
FILEMÓN . . . . .	854
HEBREOS . . . . .	857
SANTIAGO . . . . .	907
1 SAN PEDRO . . . . .	922
2 SAN PEDRO . . . . .	937
1 SAN JUAN . . . . .	947
2 SAN JUAN . . . . .	960
3 SAN JUAN . . . . .	962
SAN JUDAS . . . . .	964
APOCALIPSIS . . . . .	970

## Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi (Lc 3.23-38)*

<sup>1</sup> Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwanapin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwanapin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

<sup>2</sup> Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba. <sup>3</sup> Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi. <sup>4</sup> Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi. <sup>5</sup> Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi. <sup>6</sup> Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urías xeina.

<sup>7</sup> Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi. <sup>8</sup> Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi. <sup>9</sup> Bapon Uzías Jotam paxa tatsi. Bapon Jotam Acaz paxa tatsi. Bapon Acaz Ezequías paxa tatsi. <sup>10</sup> Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi. <sup>11</sup> Bapon Josías Jeconías paxa tatsi, iru Jeconías peweicho jiwi bapontha cae axaba. Bapon Jeconías poxonae israelmonae teicaeya capoinchi Babilonia nacua beya, barapo jinaebotha Jeconías naexana epatotha.

<sup>12</sup> Bapoxonae pirapae Jeconías tanaexantsi pexanto Babilonia nacuatha. Jeconías Salatiel paxa tatsi. Bapon Salatiel Zorobabel paxa tatsi. <sup>13</sup> Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi. <sup>14</sup> Bapon Azor Sadoc paxa tatsi. Bapon Sadoc Aquim

paxa tatsi. Bapon Aquim Eliud paxa tatsi. <sup>15</sup> Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi. <sup>16</sup> Bapon Jacob José paxa tatsi. Bapon José piowa tatsi pewan María. Barapowa María Jesús pena tatsi. Bapon Jesús icha wan wan dutatsi, po wan “Mesías”, jei, po wan xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

<sup>17</sup> Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jeconías naexana. Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wuto barapo cae pin nacuathe*  
(Lc 2.1-7)

<sup>18</sup> Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewan José, poxonae abu cataunxuae jopa peru nacoyabiyo, bapoxonae María pexuyo bupana taecatsi. Barapo pexuyo Nacom pia Pejumope tuxaxu tatsi María tsiperu weeca exanatsi. Barapo pexuyo pewan Jesús. <sup>19</sup> José, María pia pebin tatsi tsane, poxonae pichina pon pejuntu coyene xanepanaein. Daxota bapon José, María jopa beyabara pae-bichi xua catsa pexuyo pecapoponaexae xua bupana taecatsi xua María aura peexanaenexa tsainchi jiwi peitatha tatsi. Bapoxonae José namicha moyiya najuntu cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa. <sup>20</sup> Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitatatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwanapin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope tuxaxu tatsi pia pexuyo tatsi. <sup>21</sup> Bapowa tanaexanaeinchi pexanto. Bapon wan dutsiname, po wan ‘Jesús’, jei. Barapo wan, wan dutsiname tsipei bapon pijimonae capanepaena xua abe pia peexanae cuiru coyenein weya tatsi,

xua daxota Nacom jopa petsitanexatsi xua barapomonae pexeinaewa penatsicuentsiwa”, jei matatsunpin.

<sup>22</sup> Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiw<sub>h</sub>nae muxu duta Nacom nexa, xua jeye:

<sup>23</sup> “Matha taema, yab<sub>h</sub>yo pexuyo b<sub>h</sub>pana taecatsi powa jopa per<sub>h</sub> naco<sub>h</sub>yabiyo pebin.

Yawa tanaexanatsi pexanto, po pexuyo w<sub>h</sub>n dutatsi, po w<sub>h</sub>n ‘Emanuel’, jei”,

jei Nacom pia peitorobi jume pepaebin.

(Barapo w<sub>h</sub>n jei: “Nacom naca bar<sub>h</sub> popona”, jei.)

<sup>24</sup> Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi. <sup>25</sup> Bequein cae botha nabar<sub>h</sub> poponabe dai-chitha jopa came imoxoyo naper<sub>h</sub> cuicuinaeyobe beya poxonae pexanto tanaexanatsi. José pexuyo w<sub>h</sub>n duta, po w<sub>h</sub>n “Jesús”, jei.

## 2

*Meje yabara poxonae pomonae opitei pecayabara w<sub>h</sub>nae yaputaewi barapomonae Jesús siwa poinchi xua petaenexatsi*

<sup>1</sup> Jesús naexana Belén tomaratha, Judea nacuatha. Barapoxonaer<sub>h</sub> Herodes pon Judea nacuapiwi pia peyanacua ewatsinchi popona barapo Judea nacuatha. Poxonae Jesús naexana pebiwi pata Jerusalén tomaratha. Barapomonae opitei pecayabara w<sub>h</sub>nae yaputaewi. Barapomonae pia tomara taj<sub>h</sub> taenatsi ichaxota pocotsiwa xometo weecoina.

<sup>2</sup> Barapomonae ichawa beya yayainyaba tsiniya, jeye:

—¿Exota naexana pexuyo, po pexuyo judiomonae itorobiya pia pepa peewatsinchi exanaeinchi poxonae pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacuatha ichaxota pocotsiwa xometo weecoina. Papatan xua pata w<sub>h</sub>nae jainchiwa tsane barapo pexuyo, jei.

<sup>3</sup> Herodes, pon Judea nacuapiwi pia peyanacua ewatsinchi poxonae bapon yabara jume tane xua ich<sub>h</sub>n naexana pon jiwi itorobiya pia pepa peewatsinchi, bapoxonae bapon bichocono <sub>h</sub>n<sub>h</sub>th<sub>h</sub> deideijeji Ir<sub>h</sub> Jerusalem tomarapiwino daxita bichocono <sub>h</sub>n<sub>h</sub>th<sub>h</sub> deideijeji pejume taexae baxua.

<sup>4</sup> Nexata Herodes waba sacerdotemonae pia pentacaponae tatsi xua pia petanacaetutsinexa tsainchi pia botha. Mata<sub>h</sub>tano wabano pomonae jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

<sup>5</sup> Barapomonaе jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaebin caena bayatha tsiwɩnaeya yabara muxu dutsiya tina xua Mesías yabara, Nacom nexa. Nacom jeye:

<sup>6</sup> Belén tomara bequein po tomariyo tsiqui tomariyo jiwana tomara xua Judea nacuatha, daichitha Judea nacia pentacaponae wi yabara nanta xeinaena xua Belén tomara peainya cui tomariyo tsane.

Baxua nanta xeinaena tsipei barapo tomariyotha naexanaena, pon jiwi pia Pecanamataxeinaeinchi tatsi.

Xan Nacom bapon itorobin tamonaetha, pomonaе Israel nacuapiwixae,

xua bapon barapo israelmonae itorobiya

pia pepa Peewatsinchi tsainchi', jei Nacom,

xua Nacom tatinatsi pon Nacom peitorobi jume

pepaebin, jei sacerdotemonaе irɩ pomonaе jiwi

pecuidubiwi Moisés pia peitorobi coyenewa tatsi.

<sup>7</sup> Nexata Herodes namicha moyiya waba pomonaе opitei pecayabara wɩnae yaputaewi. Herodes yainyaba barapomonaetha: “¿Eta poxonaе yatsicaewa barapo opiteito paca tsita naitɩta?” jei bapon. <sup>8</sup> Poxonaе barapomonaе jume nota bapontha bapoxonaе Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajeire barapo pexuyo. Poxonaе pataebiname barapo pexuyo, nexata pana netsipaebare, tsipei xan irɩ ponaein wɩnae tajainchinexa tsanerɩ barapo pexuyo, jei Herodes.

<sup>9</sup> Poxonaе Herodes najume weta, barapo pebiwi bara ponarɩcɩpa, pomonaе opitei pecayabara wɩnae yaputaewi. Bapoxonaе po opiteito bayatha tane pia nacuatha, barapo opiteito jemeicha caewa naitɩtaba. Yawa barapomonaе matabapoinchi. Barapo opiteito ducuaпona beya matabainya matatsun ducuatatica ichaxota barapo pexuyo boca.

<sup>10</sup> Poxonaе barapo pebiwi tane barapo opiteito, barapo pebiwi bichocono jɩntɩ coyene weiweina. <sup>11</sup> Barapomonaе bo joniya ichaxota tane barapo pexuyo xua pena barɩ ecatsi, barapowa María. Bapoxonaе barapo pebiwi pentabocotontha ena xua barapo pexuyo wɩnae pejainchinexa

tsainchi, tsipei barapoyo pon Pecanamataxeinaein peex-anaexae tsainchi poxonae pinyo tsane. Bapoxonae barapomonae piawan coibo isacapenta xua cajjinca. Barapo pexuyo catsibatsi xuan pocotsiwa pewan oro nain. Catsibatsino xua pocotsiwa pewan incienso xua pocotsiwa tuxusi tuxuei benata poxonae tauta exana. Matautano muxuna catsibatsi icha petuxueiwa pocotsiwa pewan mirra xua pocotsiwa anaincuito. <sup>12</sup> Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonae pia nacua beiyiya, icha namto iyiya.

*Meje yabara poxonae Jesusbaru panenebiya Egipto nacua beya*

<sup>13</sup> Poxonae barapo pebiwi ponarucapa bapoxonae Nacom itoroba matatsunpin Josetha. Matatsunpin tsita naitata poxonae José amachinae. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacua bebaru naetsiriwiyama. Ecare barapo nacuatha, beya abu poxonae equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

<sup>14</sup> Poxonae cataunxuae merawi, José nacosataxuba. José pexuyo pita, yawano José pita yabuyo María xua pexuyo pena tatsi. Daxita barapoyobe warapa Egipto nacua beya poxonae cataunxuae quirei tsuncuae. <sup>15</sup> Barapo nacuatha, Egipto nacuatha, barapoyobe ecabe beya poxonae juinya Herodes tupa. Baxua José cana exanatsi xua bayatha Nacom pia peitorobi jume pepaebin petsiwanae yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwí Pecanamataxeinaeinchi.

*Meje yabara poxonae Herodes itoroba, ichamonae itorobatsi xua pejutebinexatsi pexui*

<sup>16</sup> Poxonae Herodes yaputane xua pomonae opitei pecayabara wanae yaputaewi muxujainyabiya tsipaeba bapontha xua itara patapaeba, bapoxonae Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wutixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, iru po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wutixi daxita poxi Belén tomara cuariya beya. Herodes baxua exana yaitama bayatha pomonae opitei pecayabara wanae yaputaewi yopita xua pinae tane pexuyo pia opiteito tatsi barapo dos



po weibetha poxonae peputha taponā, opiteito peputha tatsi xua jinaebotha, poxonae Judea nacua beya pona. <sup>17</sup> Baxua Herodes cana cui wetsiya exanatsi, xua bayatha Jeremías pon Nacom pia peitorobi jume pepaebin petsiwanae yabara paebixae, xua jeye:

<sup>18</sup> “Jume tan xua wecoyei Ramá tomaratha, po tomara eca imoxoyo Belén tomaratha.

Powa xua wecoyei, bapowa Raquel, powa bayatha tupa.

Bapowa Raquel pia pemomoxi susatopiwi siwa wecoyei, tsipei daxita tajutebatsi.

Barapowa jopa naitawanae copatsiyo tsipei pexui bayatha werapa bequein ichamonae jume matawenta”, jei Jeremías.

<sup>19</sup> Herodes bapoxonae pirapae tupa. Bapoxonae matatsunpin pon Nacom itoroba, José tsita naitatatsi poxonae José amachinae Egipto nacuatha. Matatsunpin jeye Josetha: <sup>20</sup> “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiyama. Tsipei bayatha werapa pomonae ichichipa xua barapo pexuyo pebexubiwatsi”, jei matatsunpin.

<sup>21</sup> Bapoxonae José natsixitaba. José pita pexuyo yawa coxiwa. Israel nacua beya caibe nawiya. <sup>22</sup> José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacuatha daxota José junuwa xua peponaewa barapo nacuatha. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacuatha. <sup>23</sup> Poxonae José patopa barapo nacuatha, bapoxonae popona po tomaratha, po tomara pewan Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwanae muxu dutsiya jeye: “Bapon wan dutinchi po wan jei: ‘Nazaret tomarapin’, jei”, jei barapo Nacom pia peitorobi jume pepaebiwi.

### 3

*Meje yabara poxonae Juan, pon Pebautisabin jiwī, cuiduba ira xuepana susato tsurucuae nacuatha*  
(Mr 1.1-8; Lc 3.1-9, 15-17; Jn 1.19-28)

<sup>1</sup> Pirapae poxonae ainya wei yapucaewa, poxonae abun cataunxuae Jesús eca Nazaret tomaratha, bapoxonae Juan pon jiwī Pebautisabin patopa ira xuepana susato tsurucuae

nacua beya xua Judea nacuatha. Bapon Juan Nacom Pejume Diwesi paebe ducuaenaebiya. <sup>2</sup> Juan namchi: “¡Icha jũntũ coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonae Nacom itorobiya peewatsixae”, jei Juan.

<sup>3</sup> Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume wũnaeya tina, xua caena bayatha Juan yabara jume wũnaeya tinatsi. Isaías jeye: “Jume tan pon wawai ira xuepana susato tsurucuae nacuatha. Bapon wawaya jeye: ‘Patsi najũntũ cui coyene wũnaere pon jiwi pia pepa Pecanamataxeinaeinchi pia pepatopae wũnaeya tsane’, jei pon wawai”, jei Isaías petinae diwesitha.

<sup>4</sup> Juan jumaina duwein nabocoto, po duwein pewan camello. Coreinya bocoto maraina. Juan xane pocotsiwan yapupuna, pocotsiwan be sure, mataũtano bana daebano. <sup>5</sup> Jiwi pata Jerusalén tomara weya, irũrũ pata xua daxita tomaranpiwi xua Judea nacua weya, irũrũ pata po tomaranpiwi xua imoxoyo Jordán mene weya. Barapomonae pata Juan pejume taenexatsi. <sup>6</sup> Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

<sup>7</sup> Ichitha poxonae Juan tane xua nawita pata fariseomonae jiwana irũrũ xua saduceomonae jiwana pata ichaxota Juan bautisaba, Juan jeye barapomonaetha: “¡Paxam pomonae pemuxutorobi jiwi pam! ¡Paxam be bara jomomonae pam, tsipei jomo ba cuitaya dũcũpa nawa! Bara paichim anoxuae, paichichipame Nacom pacuitaya dũcũpame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajũntũ coyene xanepanaem Nacomtha. <sup>8-9</sup> Xaniwaicha pajinompare xain ichamonae paca cui tane, xua icha jũntũ coyene painya nexeiaewa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowũntsim Nacom. Daxota Nacom itacũpatsi xua paca cui matawenta pia jopa paca nepaca capanenebiyaenexa tsane. Mataũtano barichino Nacom itacũpatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemoxi susato jiwi tatsi, pomonae pejume

cowantsiwixaetsi Nacom. <sup>10</sup> Poxonae pebin naein uba sipari ba canacui wñaeta xua pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca j̄ta ichiya paca cana exanaena. Nacom paca yabara nacui wñaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem. <sup>11</sup> Xan xaniwaicha paca bautisabatsi meratha painya neauraxae xua abe paexaname xua daxota icha j̄ntu coyene painya nexainaewa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesías. Bapon paca bautisabina Nacom pia Pejumope t̄nax̄tha tatsi poxonae Nacom paca najumope catsibina. Bapon paca jiwana cui copatsinchi xua atene tsane Cristo pejume cowantsixaetsi xua ichamonae atene exanaena. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Daxota bapon bichocono tsita pin ura xeinan xua tataxu m̄ isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae baru cui itura jina pia pentacaponae wichi. <sup>12</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabotha. Matapepe jehebapona petautsinexa isototha, ichaxota po isoto jopa cuinaya itacounayiyo. Bapon bara j̄ta cana ichi tsane jiwitha icha trigo xu cana ichiya ichi. Jiwi Nacom tsana nobina pomonae pejume cowantsixaetsi pia nacuatha nexa. Ichamonae tsana nobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonae Jesús bautisabatsi  
(Mr 1.9-11; Lc 3.21-22)*

<sup>13</sup> Nexata Jesús patopa ichaxota Juan uncuca Jordán mentha xua Galilea nacuatha. Jesús patopa xua Juan pebautisabinexa tsane. <sup>14</sup> Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeje Jesthath:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

<sup>15</sup> Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonae Juan jume jejei xua Jesús bautisabatsi. <sup>16</sup> Nexata poxonae Jesús bautisabatsi, Jesús nainya mene wejuina. Bapoxonae nainya peitaboco nayausanaxuba. Jesús tane xua Nacom pia Pejumope t̃nax̃ tatsi Jesús tapatopeicatsi, be topiboto yaruneica. <sup>17</sup> Bapoxonae Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nej̃nt̃ coyene weiweina exana”, jei Nacom.

## 4

*Meje yabara poxonae Jesús j̃nt̃ coyene j̃j̃t̃atsi caurimonae pia pentacaponaein tatsi xua Jesús abe coyeneya petaexanaenexa tsane*  
(Mr 1.12-13; Lc 4.1-13)

<sup>1</sup> Nexata Nacom pia Pejumope t̃nax̃ tatsi Jesús matacayatsi ira xuepana susato tsurucuae nacua beya. Baxotiya caurimonae pia pentacaponaein tatsi Jesús piraichi j̃nt̃ coyene j̃j̃t̃atsi xua Jesús abe coyeneya petaexanaenexa tsane.

<sup>2</sup> Jesús jopa nabanaeyo baraxotiya cuarenta po matacabi-betha matautano cuarenta po merawibetha. Poxonae barapo matacabin yapucaewaba bapoxonae Jesús bichocono jainpa.

<sup>3</sup> Caurimonae pia pentacaponaein tatsi imoxoyo patopa Jestustha. Bapon Jesús piraichi j̃nt̃ coyene j̃j̃t̃atsi xua Jesús abe coyeneya petaexanaenexa tsane. Bapon Jesús baraichi:

—Icha xam yatsicaya Nacom Pexantom, netsita it̃re. Barapo iboton itorobare xain pan naexanapenta, jei caurimonae pia pentacaponaein tatsi.

<sup>4</sup> Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara ir̃ yawano Nacom Pejume Diwesi jiwi betiya yaj̃nt̃ cui coyeneya j̃nt̃emiya jinompa’, jei Nacom Pejume Diwesitha, jei Jesús.

<sup>5</sup> Nexata caurimonae pia pentacaponaein tatsi Jesús matacapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi. <sup>6</sup> Caurimonae pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxor-einque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha, poxonae wenaxorecame’, jei Nacom Pejume Diwesitha, jei caurimonae pia pentacaponaein tatsi.

<sup>7</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa jũntũ coyene jũjũtsiya wũcaeinde Nacom pon jinya Necanamataxeinaein, xua necajume jejeiwa tsane xua necayawenaewa tsane poxonae jopa xapain exanaem’, jei Nacom Pejume Diwesitha, jei Jesús.

<sup>8</sup> Equeicha caurimonae pia pentacaponaein tatsi Jesús matacapoinchi ichaxota po demxuwa bichocono atororo. Baraxotiya Jesús tsita itũtatsi daxita nacuan xua barapo cae pin nacuathe. Mataũtano Jesús tsita itũtatsi daxita nacuan pia peitũpanae coyenewan. <sup>9</sup> Caurimonae pia pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua mataũtano ichaunxuae newũnae jaintsiname xua nenanta xeinaewaxae xua xan jinya tacacanamataxeinaeinchi. Bapoxonae barapo nacuan yawa muxuna nacuan pia peitũpanae coyenewan, baxuan cacatsinchi xua jinya necanamataxeinaenexa barapo nacuan, jei caurimonae pia pentacaponaein tatsi.

<sup>10</sup> Nexata Jesús jume nota:

—Xam pon caurimonae pia pentacaponaein, bara nexubiriware. Yaitama Nacom Pejume Diwesitha namchi, jeye: ‘Meisa wũnae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>11</sup> Bapoxonae caurimonae pia pentacaponaein tatsi Jesús pia xainya weya tatsi napitaba. Matatsunpiwi pata Jesthũthũ xua Jesús pecui matateicaenexa tsainchi, mataũtano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea nacuathe*

*(Mr 1.14-15; Lc 4.14-15)*

<sup>12</sup> Poxonae Jesús jume tane xua Juan jiwi pecũbi botha eca, bapoxonae Jesús pona Galilea nacua beya. <sup>13</sup> Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepoponaenexa. Barapo tomara eca, Galilea pucua itapatha ichaxota ainya nacuabe nacaquita ecabe po nacuiyo pewũn Zabulũn nacuiyo, yawa po nacuiyo irũ pewũn Neftalĩ nacuiyo. <sup>14</sup> Pocotsiwa Jesús exana poxonae Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaias, pecayabara cui wũnae tsiwũnaeya tinaexae poxonae jeye:

<sup>15</sup> “Po ainya nacuabe pewũn Zabulũn nacuiyo mataũtano Neftalĩ nacuiyo, barapo nacuabe

ecabe ichaxota po namtotha pucua  
imoxoyo caquita ducuiya.

Barapo nacuabe ecabe ichaxota po pin nacua,  
pew<sub>h</sub>n Galilea nacua.

Barapo Galilea nacua icha muxunenetha  
eca xua Jordán mentha.

Barapo Galilea nacua weya jinompa pomonae  
jopa judiomonae naexanaeyo.

<sup>16</sup> Barapomonae caena bayatha jopa yaputaeyo Nacom,  
matautano caena bayatha jopa nayabara yaputaeyo  
xua muxu bara nama pewerapaeba abe peexanaexae.

Daxita barapomonae be pocotsi jiwimonae poxonae  
pona pequireiwatha xua poxonae matautano jopa  
xeinaeyo xua penatsiwana itiyobiwa.

Daichitha daxita barapomonae nama jume  
cow<sub>h</sub>ntsina, xua jume cow<sub>h</sub>ntsinchi  
pon Nacom itoroba.

Bapon barapomonae jant<sub>u</sub> cui coyene babatsiya  
xanepanaya jinompaeya exanaeinchi ichi be jiwi  
ichi xua poxonae pin pecoichatha jinompa”,  
jei Isaías, pon Nacom pia peitorobi jume pepaebin.

<sup>17</sup> Bapoxonae Capernaum tomaratha Jesús tamropata  
pitaba xua jiwi cuidubatsi. Jesús namchi, jeye: “Icha  
jant<sub>u</sub> coyene paxeinare Nacomtha, painya neuraxae  
xua abe paexaname. Tsipei Nacom paca waba painya  
nenaexanaenexa piamonae tatsi pomonae Nacom itorobiya  
peewatsixae”, jei Jesús.

*Meje yabara poxonae Jesús waba cuatro poyobe pebiwi,  
pomonaewe peyamonaewi*

*(Mr 1.16-20; Lc 5.1-11)*

<sup>18</sup> Jesús pona Galilea pucua itapatha. Jesús tane ponbe  
ainya caepipeweichobe. Ich<sub>h</sub>n pew<sub>h</sub>n Simón pon icha w<sub>h</sub>nno  
Pedro. Ich<sub>h</sub>n pew<sub>h</sub>n Andrés. Baponbe duwei peyamona-  
einbe. Baponbe mentha yamonauyabe duwei pocotsiwatha  
xua peyamonaewa. <sup>19</sup> Nexata Jesús baraipe baponbe, jeye:

—Anetha, pana nepuna pondebe. Paca cuidubinchibe.  
Anoxuae nama xan paca exanaeinchibe xua pinmonae  
payawenaenamebe xua barapomonae pejume cow<sub>h</sub>ntsiwa  
tsane Nacom icha bayatha paichimbe poxonae payamon-  
amebe duwei nawita, jei Jesús.

<sup>20</sup> Nainya caena baraponbe peyamonaewan xubotabe. Na-  
puna ponabe Jesththa.

<sup>21</sup> Bapoxonae pirapae Jesús tane ich<sub>h</sub>nbe, ponbe ainya  
caepipeweichobe. Ich<sub>h</sub>n pew<sub>h</sub>n Santiago. Ich<sub>h</sub>n pew<sub>h</sub>n  
Juan. Baponbe Zebedeo pexantobe tatsi. Baponbe jeratha

paxa baru ecabe. Baponbe peyamaewan wunaetauyabe. Jesús waba, baponbe wabatsibe. <sup>22</sup> Caena nainya jera xubotabe matautano paxa cuenta ponabe. Baponbe Jesús puna poinchibe.

*Meje yabara poxonae Jesús pin bicheitomonae cuiduba (Lc 6.17-19)*

<sup>23</sup> Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacaetutsi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaenexatsi piamonae pomonae Nacom juntu coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae. <sup>24</sup> Pin bicheitomonae jiwi jume tane xua juinya Jesús exana daxita carepaya Siria nacua. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mabatsi. Jesús axaibi exana daxita barapomonae. <sup>25</sup> Pin bicheitomonae jiwi Jesús puna poinchi pomonae Galilea nacua weya pona. Iruru Jesús puna poinchi pomonae Decápolis nacua tomaran weya pona, iruru pomonae Jerusalén tomara weya pona, iruru pomonae Judea nacua weya pona. Iruru Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajuthiya.

## 5

*Meje yabara poxonae Jesús cuiduba jiwi demxuwatheicha*

<sup>1</sup> Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacaetutarucupatsi pomonae pia pepuna ponaewichi. <sup>2</sup> Jesús tamropata pitaba xua diwesi cuiduba barapo pin bicheitomonae.

*Meje poxonae Jesús yabara cuiduba pomonae pejuntu coyene weiweinae jiwi (Lc 6.20-23)*

<sup>3</sup> Jesús barai barapo pin bicheitomonae pomonae pijimonaexae tatsi, jeye: “Maisa bichocono juntu coyene weiweina pomonae yaputane xua Nacom pecanantawenonaewatsi xua xanepanaya pejinompaewa tsane. Tsipei barapomonae naexanaena Nacom piamonae pomonae Nacom juntu coyene itorobiya ewata.

4 “Maisa bichocono jantꝯ coyene weiweina pomonae bequein anthꝯthꝯrewe xua siwa wecoyei petaexae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthꝯthꝯrewe, xua ichamonae siwa wecoyeichi.

5 “Maisa bichocono jantꝯ coyene weiweina pomonae Nacom bichocono pebarꝯ cui itura jinaewatsi xua jopa Nacom yabara ajantꝯcoyenetsacatsi. Barapomonae nama patsina pena iratha po ira Nacom bayatha yabara paeba.

6 “Maisa bichocono jantꝯ coyene weiweina pomonae ichichipa nawita xua exaneiba xua Nacom ichichipa, pexeinaenexa tsane pejantꝯ coyene xanepanaewa Nacomtha xua Nacom jopa petsitanexatsi xua barapomonae pexeinaewa penatsicuentsiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

7 “Maisa bichocono jantꝯ coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

8 “Maisa bichocono jantꝯ coyene weiweina pomonae pejantꝯ xeicae jiwi xua pomonae jopa pecayabara nanta xeinaexae abe peexanae cuiru coyene. Barapomonae Nacom necotsinchi.

9 “Maisa bichocono jantꝯ coyene weiweina pomonae jantema pejinompaexae xua peyawenaexae xua iꝯ ichamonae jantema jinompa peexanaexaetsi pomonae copiya abe nata exaneiba. Barapomonae pomonae jantema pejinompaexae Nacom unuta ‘Tapexui’, jei Nacom.

10 “Maisa bichocono jantꝯ coyene weiweina pomonae bequein bara aperꝯtane exainchi mataꝯtano bequein bara anthꝯthꝯtane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom jantꝯ coyene itorobiya ewata.

11 “Maisa bichocono pajantꝯ coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, mataꝯtano poxonae bequeinno canaerabiya paca yabara paeba tapanean-tobemxaem. 12 Pajantꝯ coyene weiweinare. Mataꝯtano jantema painompare tsipei Nacom paca catsina pia pexeinya peitꝯpanaewan pocotsiwan Nacom paca jantana jeba pia nacuatheicha. Icha ichamonae abe pacata exana payabara nanta xeinare, matha caena barichi poxonae ichamonae abe exana pomonaetha pomonae Nacom pia peitorobi jume



pepaebiwi. Barapomonae caena bayatha jinompa poxonae paxam cataunxuae jopa pajinompaem”, jei Jesús.

*Meje yabara poxonae Jesús diwesi paeba xua sare yabara yawa xua pecoicha yabarano*

*(Mr 9.50; Lc 14.34-35)*

<sup>13</sup> Equeicha Jesús barai barapo pin bicheitomonae, pomonae pijimonaexae tatsi jeye: “Sare beno bara beno wɛnae. Ichitha icha barapo sare beno jopa abenataeyo bapoxonae jopa peitacɔpaewatsi xua equeicha peabenataewa. Bapoxonae jiwi barapo sare beno xuba iratha. Mataɔta beno taxunaunaba iratha. Paxam pomonae tamonae pam be bara jɔtiya ichiya pam, icha sare beno cana ichichi. Paxam payawende jiwi pomonae jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonae jopa xapain payawenaem tsane, Nacom bara paca bebai tsane. Tsipei jopa wɛnae pam, Nacom bara paca bebai tsane icha jiwi ichi poxonae bebai sare beno mataɔta xua beno taxunaunaba, tsipei jopa abenataeyo.

<sup>14</sup> “Icha pecoicha ichi poxonae pentha xua poxonae baxota jiwi yawenatsi, paxam bara jɔta ichiya paichim poxonae beta painompame. Barapocotsi coyenewatha jiwi payawename xua beta jinompa. Po tomara ba demxuwatha eca, barapo tomara ba jiwi tajɔ tane. Bara paca yabara jɔta coyene ichi, jiwi paca tane xua poxonae beta painya nejinompaewa.

<sup>15</sup> Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonae bomɔxɔtha ena.

<sup>16</sup> Bara paca yabara jɔta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexaname painya neantobemxae Nacom. Bapoxonae barapo jiwi Nacom wɛnae jainchinchí, pon painya Axa, pon itabocotha eca”, jei Jesús.

*Meje yabara poxonae Jesús jiwi yabara cuidubatsi Moisés pia peitorobi diwesi jume*

<sup>17</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jopa pananta xeinaeinde xua xan patopeican xua apara Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano irɔ bara cana ichin tsane pomonae Nacom pia peitorobi jume pepaebiwi pia pecuidubiwan tatsi. Jame apara patopeican tanayabara jume cui yabara wetsinexan tsane pocotsiwa caena bayatha neyabara tsiwɛnae paeba po diwesintha Moisés pia peitorobi coyenewa tatsi, irɔno Nacom pia peitorobi jume pepaebiwi pia penacuidubiwan

jumeintha. <sup>18</sup> Bara xaniyeya paca tsipaebatsi poxonae cataunxuae barapo itaboco ducue, matautano poxonae cataunxuae barapo ira ducue, Moisés pia peitorobi diwesi jopa weraweracae tsane. Matautano jopa cae itanetiyo aichurucuae tsane beya poxonae wetsina pocotsiwa bayatha Nacom tsiwuna yabara paeba xua wetapaeba. <sup>19</sup> Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana juntu cui ita xexenecaeinchi. Ichitha nama pomonae cuiduba ichamonaetha Nacom pia peitorobi coyenewan, matautano xua exana pocotsiwa Nacom itoroba, barapomonae peainya cui jwi tsane Nacom pia peitorobi nacuatheicha tatsi. <sup>20</sup> Paca tsipaebatsi jame bewa juntu coyene xanepanaya paexaneibiname ichamonaetha be pocotsi coyeneya xua Nacom paca itoroba, beyacaincha poxonae exana pomonae pecuidubiwi Moisés pia peitorobi coyenewa tatsi, matautano xua poxonae beyacaincha jinompa fariseomonae. Icha jopa yatsicaewa beta juntu coyene xanepanaya paexanaem tsane beyacaincha xua poxonae barapomonae itara mexeya wunaeya exana, jopa papatsim tsane Nacom pia peitorobi nacua beicha tatsi”, jei Jesús.

*Meje yabara poxonae Jesús yabara cuiduba xua peanaepanae cui coyene*  
(Lc 12.57-59)

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ichan anaya bexubinde. Tsipei pon xua ichan bexotsi, ichamonae yabara paebina xua bapon natsicuenta xua abe peexanaexae’, jei. <sup>22</sup> Ichitha nama seicaya paca tsipaebatsi xua pon caseba ichantha ichamonae yabara paebina xua bapon natsicuenta xua abe peexanaexae. Iruru pon biatane ichantha ichamonae yabara paebina xua bapon natsicuenta xua abe peexanaexae. Pomonae pecanamata caitorobi bicheito bapon yabara paebinchi xua bapon natsicuenta tsipei bapon bichocono unthuthu anaepana. Matautano iruru pon namchi xua ichan jeichichi: ‘Xam nabene came’, jei pon, bapon xubinchi po nacua beya ichaxota isoto bapana jopa itacounayiyo.

<sup>23-24</sup> “Equeicha paca tsipaebatsi. Ichacuitha ichan duwein becapona ichaxota xua be pexaethopaewa xua tuxusi exana Nacom nexa poxonae tauta. Poxonae cataunxuae jopa exanaeyo baxua, matha copiya tsiwanaya yabara nanta

xeinaena pocotsiwa icha metha bayatha abe exana ich<sub>h</sub>ntha. Matha be ichi tsane meje xuaje: B<sub>u</sub> ab<sub>u</sub> cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ich<sub>h</sub>n beya xua pia penaita coxone exanaewa tsanebe. Bapoxonae bapon caibeya bewa ponaena xua duwein petuxusi exanaewa tsane Nacom nexa poxonae tauta.

<sup>25</sup> “Icha ichamonae be paca itoroba paca necacapon-aenexa pontha pon jiwi peyabara paebin penatsicuentsiwa, nexata patsipaebare barapomonae, poxonae cataunxuae namtotha paca bar<sub>u</sub> pona xua painya nenaita coxone exanaewa tsanebe. Xain bapoxonae barapomonae jopa paca caponaebe tsane pontha pon jiwi peyabara paebin penatsicuentsiwa. Tsipei icha barapomonae bara beya paca caponaetsipa, bapoxonae pon jiwi peyabara paebin penatsicuentsiwa equeicha dabeya policiamonae beya paca itorobichipa. Bapoxonae nama policiamonae jiwi pec<sub>u</sub>bi bo beya paca itorobichipa. <sup>26</sup> Bara xaniyeya paca tsipaebatsi. Paxam jopa paca pu copabi tsane jiwi pec<sub>u</sub>bi bo weya, beya ab<sub>u</sub> poxonae pana pu matomacaename daxita paratixi cuntha po paratixi xua paxeiname”, jei Jesús.

*Meje yabara poxonae Jesús yabara cuiduba xua jiton pita, powa ich<sub>h</sub>n piowa tatsi, powa bequein piseuri xeina taetha*

<sup>27</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ich<sub>h</sub>n piowa tatsi, powa piseuri xeina taetham’, jei Moisés. <sup>28</sup> Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taisa maituncuaewa tsane, bequein bapowa jopa taseuriyo’, jei, bapoxonae barapara abe exana Nacomtha, icha be pocotsi coyene ichi, poxonae pita yab<sub>u</sub>yotha powa jopa bequein piseuriyo tatsi.

<sup>29</sup> “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucuaе, barapo itamaiqueiton yawa taj<sub>u</sub> beya pabebande. Metha w<sub>u</sub>nae xua painya nebebeiwa tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame w<sub>u</sub>nae yatsicaewa, beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyo. <sup>30</sup> Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa taj<sub>u</sub> beya

pabebande. Metha w̄nae xua cae cobexi painya nebebeiwa tsane, xua cae cobexi painya neyawa patsinexa Nacom pia nacua beicha. Baxua jame w̄nae beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounaiyo”, jei Jesús.

*Meje yabara poxonae Jesús yabara cuiduba xua jiwi piseurixi pepunapenteibiyainwa*

(Mt 19.9; Mr 10.11-12; Lc 16.18)

<sup>31</sup> Equeicha Jesús barai barapo pin bicheitomonae, pomonae pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peaichaxaibixae xua pocotsiwa bapowa exana, bapon barab̄u piowa catsina papera, po paperatha tina xua pexubiwa tsane piseuri’, jei barapo Moisés pia peitorobi coyenetha. <sup>32</sup> Ichitha nama seicaya icha coyeneya paca tsipaebatsi. Icha pebin piowa punaxuba xua saya peaichaxaibixae poxonae bequein bapowa jopa nasi cui coyene exanaeyo bapoxonae Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae ich̄n piowa tatsi bequein punaxuba”, jei Jesús.

*Meje yabara poxonae Jesús yabara cuiduba xua jiwi xainyeya penacui w̄nae tsiw̄naeya yabara paebiwa xua peexanaewa pocotsiwa exanapaeba*

<sup>33</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: ‘Paxam jopa bewa naerabiya pana cui w̄nae tsiw̄naeya yabara paebim tsane xua painya neexanaewa pocotsiwa paexanapaebeibame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebeibame xua Nacom peitabaratha tatsi’, jei Moisés pijimonaetha. <sup>34</sup> Ichitha xan seicaya icha coyeneya paca tsipaebatsi. Poxonae jiwi peitabaratha tatsi pana nacui w̄nae tsiw̄naeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cow̄ntsinexa. Jopa yawa muxuna icha jumein papaebinde. Jopa pajande ich̄ntha: ‘Bara xaniyan xua exanaein. Nacui w̄nae tsiw̄naeya xaniyeya yabara paeban Nacom peitabaratha xua exanaein’, jopa pajande. Matautano jopa pajande: ‘Bara xaniyan. Baraxua paeban po w̄ntha xua Nacom pia nacua w̄ntheicha

tatsi', jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi. <sup>35</sup> Matautano barapocotsi coyenewa jopa bewa pana cui wuna tsiwanaeya yabara paebim ichantha xua ira yabara. Tsipei barapo ira apara Nacom pia ira. Barapo iratha nataxu yuyteca. Barichi matautano barapocotsi coyenewa jopa bewa pana cui wuna tsiwanaeya yabara paebim ichantha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya pia pepa Peewatsinchi. <sup>36</sup> Matautano barapocotsi coyene jopa bewa pana naci wuna tsiwanaeya yabara paebim ichantha xua painya nentasipa yabara. Saya meisa Nacom paca yabara matasipa yaputane. Pomonae pam xua pewowi pam xua pantana tsaebiam jopa paca itacupaeyo xua equeicha pantana inyapaname. Matautano pomonae pam pomonae amomonae pam xua pantana inyapaname jopa itacupaetsi xua equeicha pantana tsaebiam. Matautano jopa baxua daichiyo xua caentanatoxitha. Saya meisa Nacom itacupatsi xua cana exana baxua. <sup>37</sup> Saya meisa barapo jumethabe patsipaebare ichantha ichaxota po jumetha jei 'Je, bara exanaein', jei, matautano ichaxota po jumetha jei 'Jume jopa exanaein tsane', jei. Tsipei poxonae pamuxuna paebame poxonae pana tsiwanae yabara paebame ichamonaetha Nacom pia wantha tatsi xua painya neexanaewa pocotsiwa paexanapaebame baraxua apara caurimonae pia pentacaponaein tatsi paca tsimuxu duba xua painya nepaebiwa baxua", jei Jesús.

*Meje yabara poxonae Jesús yabara cuiduba xua penayantomocae coyene*

*(Lc 6.29-30)*

<sup>38</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Paxam pajume taneme xua bayatha Moisés paeba xua jeye: 'Pon itamaiquei esanopa ichan peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ichan wano teranopatsi, bapon xuya wano teranopaeinchi', jei. <sup>39</sup> Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitacueinta, pon peaitabein. Matautano icha ichan paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. <sup>40</sup> Icha ichan paca yabara yopichiya paeba pontha pon jiwi peyabara paebin xua penatsicuentsiwa xua painya nentoma amanayabixae bapon, bapoxonae bara pacare xua paca

itoroba. Icha painya camisa pacata pita bara yawa muxuna pacare camisa po camisa peamutiya camisa, po camisa xua athawe peruyaewa. <sup>41</sup> Icha soldadomonaе paca itoroba xua jeye: ‘Painta caponde pocotsiwa arewe xua saya cae kilómetro beya’, jei, bara moya pacaponde pocotsiwa arewe xua equeicha icha cae kilómetrono pantaropatabare. <sup>42</sup> Daxita coyenexi pocotsiwa ichamonaе paca wuca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan”, jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonaе pia peaitafaetabi jiwichi (Lc 6.27-28, 32-36)*

<sup>43</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Matautano pajume taneme xua caena bayatha Moisés namchi, xua jeye: ‘Paantobeinde pomonaе painya jiwi. Matautano pacasebare pomonaе painya nepaca caaitafaetabi jiwi’, jei xua Moisés paeba. <sup>44</sup> Ichitha icha coyeneya paca tsipaebatsi: Paantobeinde pomonaе bequein painya nepaca caaitafaetabi jiwi. Matautano Nacomtha patawucare pomonaе bequein abe pacata exana. <sup>45</sup> Icha paexanaename daxita barapo coyenexi bapoxonaе yatsicaewa Nacom piamonaе tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomonaе pejuntucoyene xanepanaе jiwi nexa irucuy pomonaе peajuntucoyenebe jiwi nexa. Matautano Nacom ema taitorobicano daxita jiwi pomonaе xaniwaicha pejuntucoyene xeicaе jiwi nexa irucuy pomonaе peajuntucoyenebe jiwi nexano. <sup>46</sup> Icha saya meisa paantobem pomonaе painya nepaca antobexae, Nacom jopa paca cui yabara matomacaе tsane. Tsipei irucuy barapo coyene exana pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa, bequein jiwi yabara nanta xeina xua bapomonaе peajuntucoyenebewi. Barapomonaе antobe pomonaе xua pia peantobewixaetsi. <sup>47</sup> Matautano icha saya meisa painyamonae pajacobame pomonaе irucuy pejume cowantsiwi poxonae paca siwa pona, xuano xua jopa pajacobim ichamonaе, pomonaе jopa pejume cowantsiwi, barapo coyene jopa xanepanaeyo. Tsipei pomonaе Nacom jopa peyaputae jiwi, barapomonaе irucuy ba jacoba piamonaе. Ichitha nama bewa toxeinchiya pananta xeinaem beyacaincha barapomonaе poxonae nanta

xeina. <sup>48</sup> Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi juta coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa”, jei Jesús.

## 6

*Meje yabara poxonae Jesús jiwi yabara cuidubatsi xua jiwi xanepanaya peexanaewan*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae paxam paexaname pocotsiwan xua ichamonae tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi u painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

<sup>2</sup> “Daxota poxonae peacopeibiwi xoxi pacatsibeibame jopa ichamonae patsipaebinde xua baxua painya neexanaexae. Jopa barapocotsi coyeneya bara paichinde icha be pomonae pemuxuitorobiwi ichi, poxonae itara mexeya pomonae xanepanaya pepaebiwi. Tsipei barapocotsimonae saya ichawa beya paeba xua pinae yawena nawita peacopeibi jiwitha. Barapomonae matha jiwi wabeibatsi xua barapomonae pejume taenexa tsainchi, bapoxonae judiomonae pia penacaetutsi botha yawa namtontha baxua yabara paeba nawita xua pinae yawena nawita pomonaetha pomonae peacopeibi jiwi. Barapomonae baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonae betiya exana, xua pejeinexa jiwi. Ichitha xaniwaicha paca tsipaebatsi, barapomonae xeina pia pecui yabara matomacaewatsi poxonae jiwi baxua caunuta tsipei jopa moicha exanaeyo Nacom nexa. <sup>3-4</sup> Ichitha poxonae paxam payawenename peacopeibiwi namicha moicha pacare barapomonaetha xua painya jiwimonae jopa paca necacui taenexa. Matautano poxonae Nacom painya Axa paca tane poxonae namicha moicha paexaname baxua bapoxonae bapon Nacom paca catsina pocotsiwa pia pecui yabara matomacaewa”, jei Jesús.

*Meje yabara poxonae Jesús jiwi yabara cuidubatsi po coyene xua Nacom pew<sub>u</sub>caewatsi*

*(Lc 11.2-4)*

<sup>5</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae Nacom paw<sub>u</sub>came, jopa barapocotsi coyeneya paexanaeinde icha be pomonae pemuxitorobiwi ichi, pomonae itara mexeya beta pepaebiwi. Barapomonae saya ichichipa xua jiwi pecui taenexa poxonae barapomonae Nacom w<sub>u</sub>catsi. Barapomonae ichichipa umena pew<sub>u</sub>caenexa Nacomtha judiomonae pia penacaetutsi bontha tatsi xua mata<sub>u</sub>tano barichino namtontha. Barapomonae baxua exana xua pecui taenexatsi xua ichamonae pecui taenexa. Bara xaniyei paca tsipaebatsi. Barapomonae barompaya xeina pia pecui yabara matomatsiwatsi poxonae jiwi yabara paeba xua barapomonae pinae bara xanepanaeya exana. Nama bapoxonae Nacom jopa catsiyo pia pematomatsiwa barapomonaetha tsipei barapomonae jopa moicha exanaeyo Nacom nexa. <sup>6</sup> Ichitha poxonae Nacom paw<sub>u</sub>came, barompaya painya tutu beya paponde yawa bom<sub>u</sub>xu tutu pacoibo xatababare. Bapoxonae painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha paexaname. Bapoxonae bapon Nacom paca catsina pocotsiwa pia paca yabara cui matomacaewa, xua beta painya neexanaexae poxonae Nacom patsipaebame.

<sup>7</sup> “Poxonae Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonae ichi pomonae jopa peyaputaewi Nacom. Barapomonae nanta xeina xua bara Nacom jume tane pocotsiwa barapomonae tsipaeba xua matowa pepaebixae. <sup>8</sup> Nexata jopa barapocotsi coyeneya bara paichinde icha be poxonae barapomonae icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonae paw<sub>u</sub>came Nacom. <sup>9</sup> Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaen.

Barab<sub>u</sub> daxita jiwi cabar<sub>u</sub> cui itura jina nejunt<sub>u</sub> coyene xanepanaeinxae.

<sup>10</sup> Barab<sub>u</sub> jopaena matababi, po matababitha poxonae xam jiwi itorobiya ewatsiname barapo cae pin nacuathe.

Barab<sub>u</sub> jiwi exanaena pocotsiwa jinya neichichipae coyenewa xua barapo cae pin nacuathe tsique.



Barabũ jiwĩ exanaena icha peitabocotha ichi xua exana pocotsiwa jinya neichichipae coyenewa.

<sup>11</sup> Daxita maticabin pexaewa pana catsibeibare xua po pexaewa daxita maticabin pata canantawenonaewa tsaibi tsane.

<sup>12</sup> Pana neyabara cui cana jũntemainare xua abe pata catsita exanaewatsi.

Bapoxonae pana neyabara cui cana exaname xua jopa equeicha pata catsita natsicuentisiwatsi xua abe pata catsita exanaexaetsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamona jopa pana netsita natsicuentisiyo xua abe pata tanetsita exanaexae.

<sup>13</sup> Jopa pana copatsinde xua abe pata exanaewa tsane poxonae jiwĩ pana nejũntũ coyene jũjũta, xua abe pata exanaewa tsane.

Ichitha pana necapanenebiya exande barapo abe peexanae coyene weya', pajande poxonae

Nacomtha patsipaebame", jei Jesús.

<sup>14</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Tsipei icha paxam pacui yabara jũntemainame pocotsiwa ichamona pacata abe exana, nexata xuya painya Axa Nacom pon peitabocotha peecaexae, xuya paca cui yabara jũntemainaena pocotsiwa abe paexaname. <sup>15</sup> Ichitha icha paxam jopa pacui yabara jũntemainaem pocotsiwa ichamona abe pacata exana, nexata xuya painya Axa Nacom jopa paca cui yabara jũntemaina tsane pocotsiwa abe paexaname", jei Jesús barapo pin bicheitomonaetha pomonae pijimonaexae tatsi.

*Meje yabara poxonae Jesús yabara cuiduba po coyene peyabara nainbotsi cui coyenewa*

<sup>16</sup> Equeicha Jesús barai barapo pin bicheitomonae pomonae pijimonaexae tatsi, jeye: "Poxonae paxam payabara nainbotame xua Nacom beta painya newũcaenexa tsane, jopa bara jũta ichiya coyeneya paexanaeinde icha be pomonae ichi pomonae itara mexeya betiya peexanaewi daichitha abe exana. Barapomonae piyain itabara aenaenaca xua poxonae bequein peyabara nainbotiwatha Nacom. Barapomonae jopa nanta cachetsiyo yawa jopa naitabara quiatsiyo. Barapomonae ichipa xua ichamona yaputane xua barapomonae cou bara nainbota. Bara xainyeya paca tsipaebatsi xua barapomonae bayatha xeina barompaya pia peyabara cui matomacaewatsi xua poxonae jiwĩ yabara wũnae jainta xua barapomonae

cou bara nainbota. <sup>17</sup> Ichitha paxam poxonae payabara nainbotame, xua Nacom betiya painya new<sub>u</sub>caenexa tsane, pana naitabara iquicare yawa beta pananta caichere. <sup>18</sup> Bapoxonae jiwi jopa paca cui yaputae tsane xua paxam bara cou payabara nainbotame. Namicha painya netsita exanaexae Nacom barapo coyene. Meisa saya painya Axa Nacom paca cui yaputane, tsipei daxita yaputane pocotsiwa namicha paexaname. Bapon paca catsina pocotsiwa pia paca yabara cui matomacaewa”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pej<sub>u</sub>ntana jebiwatsi pia nacuatheicha*  
(Lc 12.33-34)

<sup>19</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Barapo cae pin nacuathe copei jopa pacaetubinde xua painya nexeinaewa tsane nawita barapo cae pin nacuathe. Tsipei bocobocowaton abe exanaena poxonae xane pocotsiwan xua paxeiname. Ichacuitha abe exanaena poxonae painyawan axumainbatsi. Ichacuitha painyawan pocotsiwa paxeiname baxuan pomonae pecaibiwi paca caibina. <sup>20</sup> Ichitha jame paexande barapo pej<sub>u</sub>nt<sub>u</sub> coyene xanepanaewa po pej<sub>u</sub>nt<sub>u</sub> coyene xanepanaewa Nacom ichichipa. Bapoxonae Nacom paca catsibina pocotsiwa painya nepaca j<sub>u</sub>ntana jebiwa pia nacuatheicha. Baraxoteicha bapocotsiwa bocobocowaton jopa xaeyo. Yawa jopa axumainbichi. Mata<sub>u</sub>tano pomonae pecaibiwi jopa paca caibiyo baxuan xuan Nacom paca necayabara cui matomacaewan. <sup>21</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

*Meje yabara poxonae Jesús yabara cuiduba jiwi po coyene xanepanaeya peexanaewa pej<sub>u</sub>nt<sub>u</sub> coyene wetsina*  
(Lc 11.34-36)

<sup>22</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton w<sub>u</sub>nae, bara beta pataneme. <sup>23</sup> Ichitha icha painya itamaiqueiton abe, jopa beta pataetsipaem. Barichir<sub>u</sub> painya j<sub>u</sub>nt<sub>u</sub> coyenewan xua painya nenanta xeinaewan. Icha painya j<sub>u</sub>nt<sub>u</sub> coyenewan xanepanaetsipa bara beta Nacom payabara naj<sub>u</sub>nt<sub>u</sub> coyene xeinaetsipame. Ichitha icha painya j<sub>u</sub>nt<sub>u</sub> coyenewan jopa xanepanaetsipae jopa beta Nacom payabara naj<sub>u</sub>nt<sub>u</sub> coyene xeinaetsipaem. Painya

juntũ coyenewan paca cana exanaetsipa xua bichocono abe paexanaetsipame”, jei Jesús.

*Meje yabara poxonae Jesús yabara cuiduba jiwi, xua pon nantaũta ainya pia pecanamataxeinaeinchibe tatsi*

(Lc 16.13)

<sup>24</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeинchi poxonaе itorobatsi. Icha pia pecanamataxeinaeинchi jopa taraichiyo. Cae pia pecanamataxeinaeинchi xanepanaeya taexana. Icha pia pecanamataxeinaeинchi abeya taexana. Barichi jiton pon bichocono antobe Nacom jopa itacũpaetsi xua bichocono peantobewa paratixi poxonaе yawa bichocono antobetsi Nacom”, jei Jesús barapo pin bicheitomonaetha, pomonaе pijimonaexae tatsi.

*Meje yabara poxonae Jesús yabara cuiduba po coyene xua Nacom eena pijimonaе*

(Lc 12.22-31)

<sup>25</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Paca tsipaebatsi, jopa bichocono payabara najuntũ coyene exabinde pexaewa xua painya neuna jinompaewa tsane yawano xua painya neapaewanno tsane. Barichi jopa bichocono payabara najuntũ coyene exabinde papabũrũ xua painya pepon nexa. Po coyene xua asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha papabũrũ xua pepon nexa. <sup>26</sup> Pataema peyarupunaewi. Barapoxi jopa mũbiyo pabitha. Yawa xua penawetsiwa jopa notsiyo. Yawa jopa xeinaeyo bomũxũn xua pejebinexa pexaewan. Ichitha Nacom apata peyarupunaewi pexaewa. ¡Paxam nama bichocono Nacom patsita ainya cuim, beyacaincha peyarupunaewi xua Nacom tsita ainya cuichi, po Nacom painya Axa pon itabocotha eca! <sup>27</sup> Dapon aibi pon paxam jiwana pon itacũpatsi xua xeinaena icha matababi xua po matababitha pepoponaewa tsane poxonaе tũpaena. Bequein bapon bichocono nayabara najuntũ exaba baxua, ichitha jopa itacũpaetsi xua xeinaena caentacabi equeicha.

<sup>28</sup> “Paxam bichocono payabara najuntũ exabame papabũrũ. Jame pacayabara nanta xeinare pentonon, po pentonon wexotha xuwa, xua matono itũpana. Pentonon jopa nacuichiyo yawa jopa natsiexanaeyo papabũrũ penama

xatabinexa. <sup>29</sup> Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tupa. <sup>30</sup> Pentonon po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wuna barabequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae, be conotha pajume cowuntame Nacom! <sup>31</sup> Jopa paunthuthu deideijeya jinompaenexa xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde. <sup>32</sup> Tsipei barapo cae pin nacuathe jiwi saya ubaxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantauntame. Barapon Nacom pon peitabocopin, pon yaputane daxita pocotsiwa xua xoxi panantawenoname. <sup>33</sup> Saya meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiwi itorobiya pia pepa peewatsinchi. Matautano jame bichocono payabara nanta xeinare painya nexeinaenexa pejuntu coyene xanepanaewa Nacomtha. Icha paexanaename barapo coyenewan nexata bapoxonae Nacom paca catsibina xua daxita pocotsiwa panantawenoname. <sup>34</sup> Jopa payabara muxuna najuntu exabinde anoxuae pocotsiwa baya tsane pocotsiwa painya neexanaewa tsane, tsipei barapo matacabi nama xeina pocotsiwa bichocono pacata ayapube. Daxita matacabi tsoponeibi pocotsiwa xua pacata ayapube xua pocotsiwa painya neexanaewan”, jei Jesús.

## 7

*Meje yabara poxonae Jesús cuiduba xua jiwi jopa bewa yabara paebi xua ichamonae penatsicuentisiwa (Lc 6.37-38, 41-42)*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya neexanaexae. <sup>2</sup> Nacom pia coya paca yabara paebina xua painya nenatsicuentisiwa xua abe painya neexanaewa

icha po coyeneya paichim poxonae ichamonae payabara paebame xua penatsicuentsiwa xua abe peexanaexae. Icha daunweya payabara paebiname xua penatsicuentsiwa ichamonae xua abe peexanaexae, Nacom barichi daunweya paca yabara paebina xua painya nenatsicuentsiwa xua abe painya neexanaexae”, jei Jesús. <sup>3</sup> Equeicha Jesús paeba caeintha pomonae pijimonae jiwana pecayabara juta pepaebi diwesiyo jeye: “Xam ba jinya jiton itata taneme poxonae itata jopiyatsi naeputiyo, ichitha jopa taem xua iruru xam nama pin naeputo neitamaiqueitha ducua. Barapocotsi juta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam baraichim nama bichocono abe exaname. <sup>4</sup> Icha jopa taem pin naeputo xua neitamaiqueitha ducua jopa caitacupaeyo xua nejeiwa jinya jitontha: ‘Tajiton, cata jutinchi naeputiyo xua ducua neitamaiqueitha’, xua nejeiwa. <sup>5</sup> Xam nepaebim xua ichun exana xua baxua neexanaewatha iru. Xam copiya nata jure barapo pin naeputo xua neitamaiqueitha ducua. Bapoxonae beta taename nejutsinexa tsane naeputiyo xua jinya jiton peitamaiqueitha tarucuatsi.

<sup>6</sup> “Jopa patsipaebinde Nacom Pejume Diwesi pomonae anaya paca aeba, xuano anaya aeba Nacom Pejume Diwesi pomonae jopa pejume cowantsiwi Nacom. Tsipei barapomonae peajuntacoyenebe jiwi bichocono. Barapomonae bara abe exana be barapocotsi juta coyeneya ichiya exana icha be auri ichi xua poxonae anaepanaya nawano webaba pocotsiwa pacatame. Matautano barapomonae bara abe exana be barapocotsi juta coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

*Meje yabara poxonae Jesús yabara paeba xua jiwi bewa matowa wunqueibi Nacomtha*

*(Lc 11.9-13; 6.31)*

<sup>7</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Matowa Nacom pawacare, bapoxonae paca catsibina pocotsiwa xua pawacame. Baraxua matowa paexande icha paichim poxonae matowa pajeiteibame beya poxonae pataebame yawa icha paichim poxonae matowa pawawam bomuxutha beya poxonae ichun paca jume nota. <sup>8</sup> Tsipei pon matowa waca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai, bara tacoibo sarana xorenatsi, matauta jume notatsino.

<sup>9</sup> “Paxam pomonae pexui paxeiname paca muxuwetatsi. Poxonae painya pexui paca wɥsa pan, ɥpacatsipame iboto? ¡Jume! <sup>10</sup> Ichacuitha tsipae, poxonae painya pexui paca wɥsa duwei, ɥpacatsipame jomo wito? ¡Jume! Jopa baxua paraichim tsane. <sup>11</sup> Bara bequein peajɥntɥcoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha peecaein bichocono jopa juniya paca catsiyo pejɥntɥcoyene xanepanaewan poxonae rawɥsame beyacaincha poxonae painya pexui pacatsibeibame poxonae paca wɥqueiba.

<sup>12</sup> “Paexande ichamonaetha xua po coyene painya ne-ichichipaewa xua barapomonae beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, mataɥtano Nacom pia peitorobi jume pepaebiwi bayatha paca cui itoroba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

*(Lc 13.24)*

<sup>13-14</sup> Nexata equeicha Jesús barai barapo pin bicheitomonae, pomonae pijimonaexae tatsi, jeye: “Poxonae jiwi pona tomara beya, pomonae itapeta pin namto iya pona, barapo jiwi pinmonae, tsipei barapo tomara namto boupa iya xua jopa ayapubeyo. Pomonae nama itapeta, po namto tsica namtiyo iya pona, barapo jiwi tsiquimonaeyo tsipei barapo tsica boupayo ayapube iya. Barichi poxonae jiwi patsina Nacom pia nacua beicha saya tsiquimonaeyo patsina tsipei ichamonaetha jopa tsita jɥntɥcui coyene xanepanaetsi xua xanepanaeya pejinompaewa Nacomtha. Daxota pomonae Satanás pia nacua beya patsina pinmonae tsane tsipei jopa taayapubetsi xua barapo Satanás pia jɥntɥcoyenyatha tatsi jinompa. Nama itapeta pacananta xeinaeya jinompare Nacom pia jɥntɥcoyenewa tatsi xua icha jiwi ichi poxonae seicaya irɥɥbarompaya pona tomara tsica namtiyo boupayo iya”, jei Jesús.

*Meje yabara poxonae Jesús yabara cuiduba xua jiwi yaputane nae, penacoichixae*

*(Lc 6.43-44)*

<sup>15</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Dota pam, dota pomonae penaerabiwi, pomonae xua jeye: ‘Paxan papaeban Nacom nexa’, jei. Barapomonae painya xainya beya pata itara mexeya jopa jɥntɥcoyene anaepanaeyo icha be ichi pomonae xua Nacom pejume jejei jiwichi xua peexanaewa pocotsiwa Nacom itoroba xua mataɥtano icha be ovejamonae ichi xua pia cui coyene xeina xua jopa anaepanaeyo. Daichitha

barapomonae bichocono antꞑcuicoyeneyapube xua anaepana, icha be neuthꞑ ichi poxonae bichocono anaepana. <sup>16</sup> Ichitha paxam pacayabara ita coxoname barapomonae poxonae pataneme pocotsiwa barapomonae exana, icha be jiwi ichi xua poxonae yaputane nae, po nae penacoichixae. Matautano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa ꞑnbototha po ꞑnbo jopa e dubenaeyo. Matautano jiwi jopa bapana teracae higo thei naexitha, tsipei apara higo thei xuwa higo naetha. <sup>17</sup> Tsipei daxita naein, po naein pexeinya naein bara nacoita po pethei pexeinya thei. Matautano daxita naein, po naein camatsa naein bara nacoita po pethei camatsa thei. <sup>18</sup> Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei. <sup>19</sup> Daxita naein, po naein jopa nacoichiyo po pethei pexeinya thei, jiwi barapo naein ꞑncata. Bapoxonae jiwi barapo naein tauta isototha. <sup>20</sup> Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantꞑ cui coyene yaputaneme poxonae pataneme pocotsiwa barapomonae exana”, jei Jesús.

*Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha (Lc 13.25-27)*

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsicamonaeyo patsina Nacom pia peitorobi nacua beicha. Saya meisa patsina pomonae exana xua pocotsiwa Taxa ichichipa. Barapomonae patsina ichaxota Taxa po nacuatheicha ewatsiya itorobeibeca. <sup>22</sup> Poxonae barapo matakabi jopaena, po matakabitha poxonae Nacom yabara paebina xua jiwi penatsicuentsiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Matautano cauri paitawetan newꞑntha. Matautano jinya newꞑntha papaeban poxonae pexeinya petsita itꞑtsi coyenewa paexanan’, nejei tsane. <sup>23</sup> Daichitha barapomonae jume notsin. Jan tsane: ‘Bꞑ canta bapana jopa paca yaitaetsi. ¡Taxainya weya pana natsixibarꞑꞑpare pomonae abe painya neexanae jiwi pamxaem!’ jan tsane”, jei Jesús.

*Meje yabara poxonae Jesús ainya bomuxu be yabara paeba  
(Mr 1.22; Lc 6.47-49)*

<sup>24</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pon nejume naitomata pocotsiwa paeban matautano exanano pocotsiwa ichichipan barapon beta popona Nacom nexa. Bara barapon barapocotsi jata coyeneya nacana exana icha be pocotsin peyaputaein ichi, pon bo acabanota peira matatsucaewatha xua ichaxota ira daunwei. Meje jeye: Copiya muthan tajm exanareca pecuaranobinexa bomuxu naeton. <sup>25</sup> Poxonae ema duneica yawa mene matacaewaxuba yawa joibo bomuxu daunweya capubabanota, barapo bomuxu jopa joparenaeyo, poxoru naeton tajm umenareca xuano poxoru barapo bomuxu peira matatsucaewatha uncua ichaxota ira daunwei. <sup>26</sup> Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi jata coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafatsana xuano naeton jopa tajm umenarecaeyo poxoru taetowa. Baraxota mene pateiba poxonae awubo tsaibi. <sup>27</sup> Poxonae ema duneica, yawa mene matacaewaxuba, yawa pin joibo capubabanota barapo bo, bapoxonae barapo bomuxu joparena poxoru naeton jopa tajm umenarecaeyo xuano poxoru bomuxu uncua ichaxota ira matafatsana. ¡Maisa bomuxu bichocono abe!” jei Jesús barapo pin bicheitomonaetha, pomonae pijimonaexae tatsi.

<sup>28</sup> Poxonae Jesús barapo diwesi najume weta, pomonae Jesús jume tainchi, barapomonae yabara najuntu coyene cabenaeca xua Jesús pia pecuidubiwani tatsi. <sup>29</sup> Tsipei Jesús ba cuiduba be peyaputaein pia peayapusu itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

## 8

*Meje yabara poxonae Jesús axaibi exana pon peperu sawinchi  
(Mr 1.40-45; Lc 5.12-16)*

<sup>1</sup> Poxonae Jesús peitapatororo wejuinca, pin bicheitomonae Jesús puna poinchi. <sup>2</sup> Jesús imoxoyo caquita poinchi pebin, pon peperu sawinchi. Bapon pentabocototha uncua Jesús peitabaratha tatsi xua Jesús pebaru cui itura jinaexaetsi. Bapon namchi Jesús beya, jeye:



—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusa itorobi coyenewa nexainaem, jei bapon.

<sup>3</sup>Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaperaxaibi exanatsi! jei Jesús.

Bapoxonae bapon nainya taaichurucuaetsi xua peperu sawiwatsi. <sup>4</sup>Nexata Jesús barai peperu sawinchi:

—Taema, jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua peru wunaem, jei Jesús.

*Meje yabara poxonae Jesús axaibi exana pon soldadomonae romanomonae pia pentacaponaein tatsi tanacuitatsi*  
(Lc 7.1-10)

<sup>5</sup>Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomonae soldadomonae pia pentacaponaein tatsi. Bapon nantauta pon tanacuiteibatsi pia botha. <sup>6</sup>Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabohta. Bapon mubatsi yawa bichocono atene, jei barapo pentacaponaein.

<sup>7</sup>Jesús namchi:

—Bara beya tha ponaetsi taaxaibi exanaenexa bapon, jei Jesús.

<sup>8</sup>Barapo soldadomonae pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabohta tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba. <sup>9</sup>Xan barichi xeinan tanecanamataxeinaein pon neitoroba. Barichiru xeinan soldadomonae pomonae itorobeiban. Poxonae ichan itoroban: ‘ponde’, jan, bara bapon pona. Poxonae ichan waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

<sup>10</sup>Poxonae Jesús baxua jume taeba, jume cui yabara cananthuthu nanta xeinanaya cabenaeca, beta pepaebixae

romanomonaē soldadomonaē pia pentacaponaein tatsi. Jesús necotaba pomonaē puna poinchi, barai, jeye:

—Xaniyeya paca tsipaebatsi, Israel nacuatha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi. <sup>11</sup> Paca tsipaebatsi, pinmonae patsina Nacom pia peitorobi nacuatha penabanaenexa tsane. Ichamonaē pomonaē ichaxota xometo ecoina, barapomonaēpiwi patsinano. Ichamonaē pomonaē ichaxota xometo jopeica, barapomonaēpiwi patsinano. Daxita carepaya barapomonaē Abraham baru equiyaena, iru Isaac baru equiyaena iru Jacob baru equiyaena. Daxita carepaya barapo nacuanmonaēpiwi baru nabanaeinchi peitaboco beicha. Abraham, baru nabanaena barapomonaē ichaxoteicha Nacom itorobiya ewateiba jiwi. <sup>12</sup> Ichamonaē nanta xeina xua bepa pinae patsina Nacom pia peitorobi nacia beicha tatsi, bara bequein jopa xanepanaeya peexanaewi. Daxota barapomonaē bebai tsainchi ichawatha waxainya weya ichaxota pequireiwatha. Baraxota barapomonaē bichocono wecoyeyi tsane yawa nantanuweya nantu jayabina, jei Jesús.

<sup>13</sup> Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonaē barapo pentacaponaein pia petanacuichin tatsi bara caena taaxaibi exanatsi.

*Meje yabara poxonaē Jesús axaibi exana Pedro pamiyo tatsi (Mr 1.29-31; Lc 4.38-39)*

<sup>14</sup> Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi. <sup>15</sup> Jesús cobe pita, barapowa cobe pitatsi. Domae taichurucuaetsi bapowa. Nainya barapowa nanta cotaxuba. Bapoxonaē bapowa pexaewa apata barapomonaetha.

*Meje yabara poxonaē Jesús axaibi exana pin bicheitomonaē (Mr 1.32-34; Lc 4.40-41)*

<sup>16</sup> Poxonaē tabopiya tsanaicha, ichamonaē pomonaē cauri xeina barapomonaē Jesús becarendenatsi. Jesús pia jumetha itaweta caurimonaē. Barichi Jesús axaibi exana daxita pomonaē peatenewi. <sup>17</sup> Poxonaē Jesús barapo coyenein exana, bara nayabara jume cui weta exana caena bayatha Isaías peyabara cui tsiwanaeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota wajantu coyene bojeiwa. Matautano bapon naca wenota waatene coyenewan”, jei Isaías pejume diwesitha.

*Meje yabara poxonae Jesús yabara paeba pomonae  
ichichipa xua pepuna ponaewatsi*

*(Lc 9.57-62)*

<sup>18</sup> Poxonae Jesús tane xua pin bicheitomonae nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epatauta iya. <sup>19</sup> Poxonae cataunxuae Jesusbaru jopa torobabiyaeyo xua icha muxunene beya nexa, bapoxonae Jesús imoxoyo caquita uncuatabutsi pon jiwi pecuidubin Moisés pia peitorobi coyene. Jesús baraichi:

—Pon jiwi Necuidubim, capuna ponaeinchi daxita jupaeyantha xua ichaxotan neponaewa tsane, jei.

<sup>20</sup> Jesús jume nota:

—Namomonae ba pia muthun xeina ichaxota pemaitathopeibiwa. Iru peyapupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaeinbo bo xua tabo xua xota nafinacaecan, jei Jesús.

<sup>21</sup> Bapoxonae ichun pon iru Jesús pijimonae jiwana bapon Jesthathamchi, jeye:

—Tanecanamataxeinaem, bara nepu copare tha taxa matha muthutha xubichi copiya xua bapoxonae tacapuna ponaewatsi tsainchi, jei.

<sup>22</sup> Jesús jume nota:

—Maisa jame nepuna ponde. Bara copare xua petupaewi bara muthucaeinchi, pomonae be pewerapaewi, jopa be tana nejume cowantsiwixae, barapomonae muthucaena, jei Jesús.

*Meje yabara poxonae Jesús xainya ducuanaya exana joibo  
yawa maratsacano xainya mene ducuanaya exanano*

*(Mr 4.35-41; Lc 8.22-25)*

<sup>23</sup> Nexata Jesús jeratha nontabiya. Jesús pijimonae baru pona jeratha. <sup>24</sup> Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua. <sup>25</sup> Bapoxonae Jesús pijimonae yaubaxotsi, jeichichi Jesús:

—¡Pata Necanamataxeinaem, pana capanepare!  
¡Yanabunarecatsi! jei Jesús pijimonae tatsi.

<sup>26</sup> Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cowantsim xua bara tana neitacupaewa xua tapaca yawenaewatsi? jei Jesús.

Nexata Jesús asiya uncua. Bapoxonae Jesús itawetaxuba joibo, maratsacano. Daxita caewanaya joibo yawa marat-sacano. <sup>27</sup> Bapoxonae barapo pebiwi yabara najuntu coyene

cabenaecarucupa xua pocotsiwa Jesús peexanaexae. Barapomonaenajei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonaen.

*Meje yabara poxonaen pebinben ponben caurimonaen pexinaeinben, ponben Gadara nacua pinben*

(Mr 5.1-20; Lc 8.26-39)

<sup>28</sup> Poxonaen Jesús patopa pucua icha muxunene beya xua ponacuatha Gadara nacua, bapoxonaen pebinben Jesús imoxoyo caquita uncuatabutsibe. Baponben ibo wountha poponeibabe. Caena bayatha baponben xeinaben caurimonaen. Barapo caurimonaen baponben anaepana cana exanatsibe daxota daxita jiwi junuwa xua peponaewa barapo namtotha ichaxota baponben poponaben. <sup>29</sup> Bapoxonaen jemeicha caurimonaen baponben wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pewnaeya xua ponatacabitha xua poxonaen Nacom atene pana exanaena xua abe pata exanaexae? jei baponben xua caurimonaen wawaya exana.

<sup>30</sup> Tsiwiyo tajuyo beya pin marrano duweimonaen xayompa.

<sup>31</sup> Caurimonaen Jesús jeichi:

—Icha pana itawetame, moya pana nepu copabare marrano duweimonaetha, jei caurimonaen.

<sup>32</sup> Nexata Jesús jume nota caurimonaetha, jeye:

—Moya pataema, jei.

Nexata caurimonaen pebinben wepu ponatsibe, yawa marrano duweimonaetha pata. Barapo marrano duweimonaen ducupa, pin pitapatororo othopareca. Pucuatha bunothopa. Caurimonaen cabunothopatsi.

<sup>33</sup> Pomonaen yapu eena barapo marrano duweimonaen, junuwiya cuinaenouta peyabara paebinexa tomarapiwitha. Barapomonaen yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponben xua cauri pexinaeinben.

<sup>34</sup> Bapoxonaen daxita tomarapiwi pona ichaxota Jesús eca. Poxonaen Jesús tainchi, barapomonaen Jesús jeichichi: “Maisa bewa warapaename Gadara nacua weya, ponacua pata nacua weya”, jei daxita barapomonaen.

## 9

*Meje yabara poxonaen Jesús axaibi exana ponpecuenobinchi*  
(Mr 2.1-12; Lc 5.17-26)

<sup>1</sup> Nexata Jesús jeratha nontabiya. Jeratha pona icha muxunene beya xua pucua epatauta iya. Jesús pia tomara beya patopa, barapo tomara icha muxunenetha eca. <sup>2</sup> Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonaē barapocotsiwatha pecuenobinchi carendenatsi. Poxonaē Jesús tane xua barapomonaē yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonaē Jesús barai pecuenobinchi:

—Tajiton, najuntu coyene tsacatabare. Cacui yabara juntemainaya juntu puxana exanatsiba jinya abe neexanaē cuiro coyenein, jei Jesús.

<sup>3</sup> Bapoxonaē pomonaē jiwi pecuidubiwi Moisés pia peitorobi coyenewa tatsi, barapomonaē daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumbetsi. Jiton dapocotsin aibi pon xua jiwi cacui yabara juntemainaya juntu puxana exanatsi abe pia peexanaē cuiro coyenein tatsi”, najei barapomonaē. <sup>4</sup> Daichitha Jesús yaputane xua barapomonaē pijuntu coyeneintha natsipaeba. Jesús barai barapomonaē, jeye:

—¿Eta xua metha baxua abeya pana neyabara cananta xeiname? <sup>5</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanaē cuiro coyenein cata juntemainatsi’, jan tsane? Ichacuitha ¿metha jan tsane: ‘Nontaponare, yawa bara ponare’, jan tsane? <sup>6</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui juntemainaya juntu puxana exanaewa abe pia peexanaē cuiro coyenein tatsi pomonaē jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

<sup>7</sup> Bapoxonaē pon pecuenobinchi caena nainya nontapona barapomonaē peitutha tatsi, yawa pita xua pemaituncuaewa. Bapoxonaē pia bo be-iya. <sup>8</sup> Poxonaē jiwi tane baxua, barapomonaē yabara najuntu coyene cabenaeca yawa Nacom wunaē jaintatsi. Barapomonaē nabarai:

—Anoxuae waxainchi tainchi pocotsiwa pewunaewa pocotsiwa jopa yaputaetsi, yawa wunaē jaintatsi xua Nacom barapo jitontha pecatsixae pia peayapusu itorobi coyenewa, jei barapomonaē.

*Meje yabara poxonae Mateo wabatsi, Jesús waba  
(Mr 2.13-17; Lc 5.27-32)*

<sup>9</sup> Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewan Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonaе itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jestustha.

<sup>10</sup> Pirapaeyo Jesús baru ecatsi, Mateo baru eca pia botha pexaethopeibiwatha xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa. Iru ru Jesús baru eca ichamonae pomonae abe peexanae cuiru coyenein peexanaewi. Daxita barapomonae Jesús baru eca pexaethopeibiwatha yawa Jesús pijimonae baru ecano penabanaenexa. <sup>11</sup> Ichitha poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

<sup>12</sup> Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene barapomonae jame canantawenona pon jiwi peyawabin. Bara juta coyene ichi barapomonae pomonae nebaru xane. Barapomonae nenantawenona xua tayabara cui jantemainaenexa abe pia peexanae cuiru coyenein tatsi. <sup>13</sup> Panacuidubaponde xua Nacom Pejume Diwesi paeba. Meje xua Nacom namchi, jeye: ‘Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa’, jei Nacom. Barichinno xan patopan apara tha jopa tawabinexa tsane pomonae pejantu coyene xanepanaewi. Apra jame patopan tha meisa tawabinexa tsane pomonae peajantucoyenebe jiwi, xua barapomonae icha jantu coyene pexeinaenexa tsane peuraxae xua abe exana, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mr 2.18-22; Lc 5.33-39)*

<sup>14</sup> Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Apara paxan iru fariseomonaeru jopa juniya Nacom payabara nainboteibinyo poxonae Nacom pawuqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

<sup>15</sup> Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha, bapoxonae jiwi ba peburuya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon taju pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

<sup>16</sup> “Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. <sup>17</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabnyo iru axaibi exanatsi poxonae Jesús pia paparuwa tajayabatsiru*

*(Mr 5.21-43; Lc 8.40-56)*

18 Poxonae cataunxuae Jesús cueicueijei barapomonaetha, bapoxonae pebin patopa. Bapon judiomonaetha pia penacae-tutsi bo pia pecanamataxeinaein tatsi. Bapon pewun Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tupa. Icha xam ponaename yawa necobetha mata jayabiname, bapoxonae barapowa equeicha asu tsane xua equeicha nacosatsina, jei Jairo.

19 Jesús bapoxonae nontapona. Jairo puna poinchi. Iru Jesús pijimonaetha puna poinchi. 20 Poxonae Jesús iya iru yabuyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabu janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi. 21-22 Baxua exana tsipei bapowa nanta xeina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena juntuabu jana naruntaba.

Nexata Jesús napatomeicha necota, yawa yabuyo tainchi. Jesús namchi bapowatha:

—Yabuyo, najuntemiya xore. Caaxaibi exanatsi jinya tana neyabara jume cowantsixaem xua bara tana neitacupaewa xua tacaaxaibi exanaewatsi, jei Jesús.

23 Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabuyo bayatha tupa. Barapo pebiwi pomonaetha pecapu obiwi pewerapeibiwi. Matautano Jesús tane pomonaetha pesiwa namtsebiya wecoyei jiwi. 24 Jesús namchi jiwitha:

—Tutu weya paponde. Yabuyo apara jopa tupaeyo, maituncua apara, jei Jesús.

Poxonae Jesús baxua paeba, jiwi Jesús jume cui caponatsi. 25 Ichitha Jesús itoroba xua barapomonaetha tutu wejojoniya pesato beya. Bapoxonae Jesús bo tutu joniya. Jesús cobe pita, yabuyo cobe pitatsi yawano asiya cuaranotatsino penacosatsixae. 26 Xua Jesús yabuyo axaibi exanatsi, barapo diwesi daxita jiwi jume taetaepona pomonaetha barapo nacutha jinompa.

*Meje yabara poxonae Jesús axaibi exana ponbe nantiyabe itata nacutabe*

27 Poxonae Jesús bara weya pona ichaxota yabuyo caewa asu exanatsi, pebinbe Jesús puna poinchi. Baponbe peitata nacutsinbe. Baponbe wawaya jeibe:



—Xam Jesús, David pia pemomoxi susatopin jiwanam ponxaem Nacom necaitapetsin pana neyabara najuntũ coyene xeinarebe xua pata tana neyawenaenexamebe, jeibe baponbe ponbe peitata nacũtsinbe.

<sup>28</sup> Poxonae Jesús bomũxũ bejoniya, ponbe peitata nacũtsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowantamebe xua bara tana neitacũpaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowantatsibe, jeibe.

<sup>29</sup> Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowantamebe xua bara tana neitacũpaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

<sup>30</sup> Bapoxonae caena nainya aitamaiqueixaibibe. Jesús jume daunweya baraipe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

<sup>31</sup> Daichitha poxonae Jesús weya ponabe, pejume taewathabe xua Jesús paeba, tsipaebabe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

*Meje yabara poxonae Jesús axaibi exana pon pemuxusi-panaein*

<sup>32</sup> Poxonae Jesús bo wejoniya irũrũ ponbe aitamaiqueixaibi exanatsibe, bapoxonae ichamonae Jesthã pata. Barapomonae capona pebin, pon muxusipana, matautano jopa paebiyo, tsipei cauri xeina. <sup>33</sup> Bapoxonae Jesús itaweta cauri xua barapo pebin muxusipana exainchi. Caena nainya bapon cueicueije. Nexata pomonae xua tane xua Jesús exana, barapomonae yabara najuntũ coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonae.

<sup>34</sup> Ichitha poxonae fariseomonae jume tane baxua, barapomonae namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peayapusũ itorobi coyene tatsi, jei fariseomonae.

*Meje yabara poxonae Jesús nantanuweya yabara cui nanta xeina jiwi xua peyawenaewa tsane*

<sup>35</sup> Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaeta judiomona pia penacaetsi bontha tatsi. Matautano bapon paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamona pomona Nacom juntu coyene itorobiya ewata. Matauta bapon jiwi axaibi exana ducuaeta pomona xua atene yawa xua cuenecuenona. <sup>36</sup> Poxonae Jesús jiwi tainchi, Jesús yabara nanta xeina barapomona xua peyawenaewa tsane. Tsipei barapomona natsepa matautano jopa itacupaetsi xua pia coutha penayawenaewa. Barapomona bara be juta coyeneya ichi, icha be ovejamona ichi xua poxonae iratha bobena tsipei natsepa matautano tsipei dapon aibi, pon pe-enaen ovejamona xua peyawenaenexa. <sup>37</sup> Nexata Jesús namchi pijimonaetha:

—Bara xainyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomona jota pinmona aibi. Bara juta ichi barapo cae pin nacuathe. Jiwi pinmona jinompa pomona nantawenona xua pejume taewa tsane Nacom pia pexeinya jume diwesi tatsi. Daichitha pomona Nacom Pejume Diwesi cueicueije tsurubenaebiya ichamonaetha, barapomona pinmona aibi, saya tsiquimonaeyo. <sup>38</sup> Daxota Nacom pawucare xua pecaitorobinexa tsane ichamona xua petacamuxu tsipaebinexa tsainchi pia pejume diwesi pomonaetha pomona barapo cae pin nacuathe pejinompaewi, jei Jesús.

## 10

*Meje yabara poxonae Jesús itapetsiya waba pia peitorobiwi tatsi xua doce poyobe*

(Mr 3.13-19; Lc 6.12-16)

<sup>1</sup> Nexata Jesús pijimona waba. Barapomona jiwana itapetatsi doce poyobe, pomona baraichi: “Jesús pia peitorobi jiwi tatsi”, jeichichi. Jesús barapomona cata pia peayapusu itorobi coyenewa xua cauri ichamona petaitawetsinexatsi pomona xua cauri xeina. Matautano Jesús cata pia peayapusu itorobi coyenewa xua pijimona tatsi axaibi peexanaenexa pomona xua atene, xuano xua cuenecuenona.

<sup>2</sup> Barapomona pomona doce poyobe pomona peitorobiwichi, ichun pewun Simón, pon icha wanno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho tatsi. Baponbe Zebedeo pexantobe tatsi. <sup>3-4</sup> Iru

ichan pewan Felipe, iru ichan pewan Bartolomé, iru ichan pewan Tomás, iru ichan pewan Mateo. Barapon Mateo pon paratixi pentoma noteibin po paratixi jiwi bewa catsibina pon romanomonaе itorobiya pia pepa peewatsinchi nexa. Iru ichan pewan Santiago, pon Alfeo pexanto tatsi. Iru ichan pewan Tadeo. Iru ichan pewan Simón, pon celotemonaepin. Iru ichan pewan Judas Iscariote, pon Jesús caenaetaxubatsi ichamonaetha xua pebexubinexatsi.

*Meje yabara poxonaе Jesús itoroba pijimonaе xua barapomonaе peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonaе tatsi (Mr 6.7-13; Lc 9.1-6)*

<sup>5</sup> Barapo doce poyobe Jesús itoroba, Jesús jeje:

—Jopa paponaeinde po nacua ichaxota jinompa pomonaе jopa judiomonaе naexanaeyo. Jopa paponaeinde po tomaran ena Samaria nacuatha. <sup>6</sup> Meisa saya paponde pomonaе Israel nacuamonaepiwitha. Barapomonaе payawende tsipei barapomonaе Nacom tajru wepu jinompatsi xua pipato jinompa. Icha be pocotsi juta coyeneya ichi oveja, barapo ovejamonaе napuxana poxoru wepu pona tajru beya, xua pon pe-enaein barapo ovejamonaе bapon tajru wepu poinchi icha xua poxonaе napuxana. <sup>7</sup> Poxonaе papaeba dubenanaebiyame, papaebare barapomonaetha po coyene xua anoxuae Nacom waba jiwi xua petanaexanaenexatsi piamonaе pomonaе itorobiya peewatsixae. <sup>8</sup> Matautano Nacom pia peayapusu itorobi coyenewatha po coyenewe meje baxua paexande: Axaibi paexande pomonaе peatenewi; equeicha asu paexande pomonaе werapeibina; axaibi paexande pomonaе xua peperu sawichimonaе; matautano caurimonaе pata taitawere pomonaе caurimonaе pexeinaewi. Nacom amanaya paca cata barapo pia peayapusu itorobi coyene, daxota poxonaе jiwi payawenname Nacom pia peayapusuwatha, jopa jiwi paratixi pawucaeinde.

<sup>9</sup> “Jopa pacaponaeinde paratixi xua poxonaе painya newarapaenexa. <sup>10</sup> Jopa pacaponaeinde cote xua painya nejeyaenexa paparuwan poxonaе pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxonaе jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

<sup>11</sup> “Poxonaе papanenebiyam pin tomaratha, ichacuitha tsiqui tomariyotha, pajeire pon jiwi baru cui itura jina xuano xua paca tsiwaba pia botha tatsi pia paca apatsinexa tsane.

Bapon pia botha tatsi painya nepu enaeinde beya tsane poxonae barapo tomara weya pawarapaename. <sup>12</sup> Poxonae bomuxutha pajoniyame, barapo bopiwi pajacobare, pajande: ‘Barabux Nacom jntema jinompa paca cana exanaena’, pajande. <sup>13</sup> Icha baxota jinompa pomonae pomonaetha jiwi barux cui itura jina, bara baxua Nacom barapomonae taexanaeinchi pocotsiwa papaebame. Ichitha icha baxota jinompa pomonae pomonaetha jopa jiwi barux cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenaena xua pocotsiwa papaebame. <sup>14</sup> Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitaewatsiyo, nexata bapoxonae panatsixibare. Namto beya paponde xua bomuxux weya xua ichacuitha icha tomara weya. Po tsorobo painya taxutha dubena pana nataxu wenunbabare barapo tomaratha. Poxonae baxua paexaname patsita itapeinya xeinaename, apara xua barapomonae abe exana painya xainya berena xua poxonae barapomonae paca jume itaweta. <sup>15</sup> Bara xainyeya paca tsipaebatsi matabi patopaena, po matabitha Nacom yabara paebina jiwi petsita natsicuentsexiaetsi xua abe petsita exanaexaetsi. Barapo matabitha jopa juniya bichocono atene tsane pomonae paca jume itaweta. Caena bayatha Sodoma tomarapiwi irux Gomorra tomarapiwi bichocono abe exana. Daxota Nacom atene exanaena barapo tomaramonaebe. Bara bequein Sodoma tomarapiwi atene matauta irux Gomorra tomarapiwi bequein atene tsipei bichocono abe exana barapomonae. Ichitha nama pomonae barapo tomaratha jinompa, pomonae paca jume itaweta, jopa juniya peraxa jubebi tsainchi, beyacaincha poxonae Sodoma tomarapiwi yawa Gomorra tomarapiwi peraxa jubebatsi”, jei Jesús.

*Meje yabara poxonae Jesús yabara paeba xua ichamonae abe exanaena Jesús pijimonaetha tatsi*

<sup>16</sup> Equeicha Jesús jeye: “Paponde ichaxota paca itorobatsi. Paca caitorobatsi pia xainya beya pomonae jopa pejume cowantsiwi, pomonae itacupatsi xua abe painya nepaca exanaewa, icha ovejan ichi xua poxonae pona ichaxota neuthu jinompa xua itacupatsi xua abe peexanaewatsi. Paxam pananthuthu cui wnaetsiya tsaquiya jinompare, tsipei ichamonae beya paca pepeichipa. Baxua bara paichinde icha jomo ichi xua peita coxonaein poxonae waxouto cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua jntema yapoponeca.

17 Paxam dota pam, dota pomonae peajuntucoyenebe jiwi. Barapomonae paca teicaena pepaca caponaenexa tsane pomonaetha pomonae tomaran pentacaponawewi. Bapoxonae barapomonae paca cuainchina judiomonae pia penacaetutsi bontha tatsi. 18 Matauta barapomonae paca caponaena pomonae peyanacua ewatsi jiwi peitabaratha tatsi. Matauta paca caponaena pomonae jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo pentacaponawewi peitabaratha tatsi paca itacupaena xua pata neyabara paebiwani pocotsiwa bayatha tapacata exanaewatsi paxam. Matautano paca itacupaena xua pata neyabara paebiwani pomonae jopa judiomonae naexanaeyo peitabaratha tatsi. 19 Ichitha poxonae paca caponaena pentacaponawewi beya, jopa payabara najuntucoyene exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina pojume xua painya nacaunutsiwam tsane. 20 Tsipei beta jopa papaebimchipae painya coutha, ichitha Nacom pia Pejumope tana tatsi paca tsimuxu cueicueijeji tsane. Bapon paca catsina pojumetha xua patsipaebiname.

21 “Jiwi caenaetsina barompaya peweicho jiwi ichamonaetha xua ichamonaetha pejutebinexa tsane. Iru coxiyewi ichamonaetha caenaetsina pia pexui xua ichamonaetha pejutebinexa tsane. Iru pexui paxewi caenaetsina ichamonaetha xua ichamonaetha pejutebinexa tsainchi. 22 Daxita nacuanpiwi paca casebina painya tana nejume cowantsixaemxae. Ichitha icha awiya paantuyapusa nejume cowantsiya jinompaename xua beya payacuiya werapaeya othopaename, poxonae bequein abe pacata exana ichamonaetha Nacom napaeba paca cana exanaena. 23 Icha cae tomarapiwi paca abe exanaena, parucypare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abu poxonae cataunxuae jopa panacui wetsim tsane xua paponame daxita israelmonae pia nacua tomarantha tatsi, xua papaeba dubenanaebiyame Nacom Pejume Diwesi.

24 “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaenexa. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi. 25 Pon ba penacuidubin bewa nanta xeinae, bewa najei: ‘Maisa ichamonaetha inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maisa

ichamonae inta abe exanatsi pon tanecanamataxeinaein. Metha bara neichi tsane', bewa najei. Icha pocotsi coyeneya baponbe ichi poxonae baxua nayabara nanta xeinabe, bara pocotsi coyeneya paca cana ichiya exana jiwi icha poxonae neyabara ichiya namchi. Tsipei jiwi abe neyabara paeba xua jeye: 'Maisa bapon Beelzebú tsecae pon caurimonae pia pentacaponaein tatsi', jei. Matauta paca yabara jei tsane: 'Maisa barapomonae Beelzebú pijimonae tatsi po Beelzebú caurimonae pia pentacaponaein tatsi', paca yabara jei tsane", jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina*

*(Lc 12.2-7)*

<sup>26</sup> Equeicha Jesús jeye: "Jopa jiwi pacunuwinde xua tapana neyabara paebiwam. Tsipei daxita diwesin, xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>27</sup> Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonae mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande. <sup>28</sup> Tamonae pam, paca tsipaebatsi, jopa pacunuwinde pomonae itacupatsi xua paca jutebina xua saya meisa painya pepontha. Ichitha barapomonae jopa itacupaetsi xua equeicha paca jumopein tñaxñ jutebina. Jame paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itacupatsi xua paca bebai pin isototha po pin isototha jopa bapana itacounayiyo xua weraweraca painya nepaca exanaenexa painya pepon yawa painya nejumope tñaxñ.

<sup>29</sup> "Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonae barapo sitobe jiwana iratha yajopeica xua yatapa. <sup>30</sup> Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexeiaewa. <sup>31</sup> Jopa pajunuwinde tsipei paxam bichocono Nacom patsita ainya cuim, beyacaincha siri", jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonae peitabaratha tatsi*

*(Lc 12.8-9)*

<sup>32</sup> Equeicha Jesús namchi: "Yabara paca tsipaebatsi pomonae xua nayopita ichamonaetha pomonae xua najei:

'Apara paxan Jesús pijimonae tatsi pan', najei. Barichi xan xuya jan tsane Nacomtha: 'Barapomonae apara tana nejume cowantsiwi', jan tsane xuya barapo Nacom peitabaratha pon Taxa, pon peitabocotha peecaexae. <sup>33</sup> Ichitha pomonae xua neyabara jei ichamonaetha: 'Jopa bapon yaitaeinyo', jei, xan xuya barapomonae yabara jan tsane: 'Apara barapomonae jopa yaitaeinyo', jan tsane xuya Taxa beicha, pon peitabocotha peecaexae", jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonaе jopa pejume cowantsixaetsiru*  
(Lc 12.51-53; 14.26-27)

<sup>34</sup> Equeicha Jesús namchi: "Jopa pananta xeinaeinde xua patopeican saya meisa xua jiwi jntema jinompa tacana exanaewa tsane. Jopa baxua tsipatopaeinyo. Apara jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomonae jopa nejume cowantsiyo ita aenae-aenei pomonaetha pomonae tana nejume cowantsiwi. <sup>35</sup> Coxiyān pexanto ita aenae-aenei tsainchi. Iru coxiwa pexantiyo ita aenae-aenei tsainchi. Iru ru ichowayo pecopeinyo ita aenae-aenei tsainchi. <sup>36</sup> Daxota pebin barompaya piamonae penaaifaetabi jiwi nacana exanatsi.

<sup>37</sup> "Pon antobe paxa yawa pena beyacaincha xua neantobe bapon jopa naexanae tsane pon tajiwimonae jiwanapin. Pon antobe pexanto beyacaincha xua neantobe, bapon jopa naexanae tsane pon tajiwimonae jiwanapin. Yawa pon antobe pexantiyo beyacaincha xua neantobe bapon jopa naexanae tsane pon tajiwimonae jiwanapin. <sup>38</sup> Matautano pon jopa awiya exana ducuaenaebiyayo pocotsiwa itoroban, tsipei jopa be peraxa exanaetsi icha be xua poxonae neichi nexata bapon jopa tajiwimonaepinyo. <sup>39</sup> Pon naantobeya nata exana pocotsiwa bapon ichichipa bapon jopa xeinaeyo peajuntayapusuwa, po peajuntayapusuwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan taneantobexae bapon xeinaena peajuntayapusuwa, po peajuntayapusuwa ataya tsiteca xua Nacom pia nacua beicha", jei Jesús.

*Meje yabara poxonae Jesús yabara paeba xua pocotsiwan peyabara cui matomatsiwa*  
(Mr 9.41)

<sup>40</sup> Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa paepabiname, barapara bapon yawa neweyatanerũ. Barapon pon xua neweyatane, barapara matautano weyataenarũ xua weyatainchi pon xua tana neitorobixae, bapon Nacom. <sup>41</sup> Pon cueicueijeí Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta irũ pon xua pejuntũ coyene xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntũ coyene xeicaein. <sup>42</sup> Pon xua apatsina tajiwiwimonaé jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwiwimonaé jiwapanin yawenatsi”, jei Jesús.

## 11

*Meje yabara poxonae Juan pon jiwi Pebautisabin itoroba pijimonaé Jesús beya, peyainyabinexa tsainchi Jesús*  
(Lc 7.18-35)

<sup>1</sup> Jesús najume weta xua pijimonaé muxuwetsiya cuiduba, po jiwimonaé tatsi xua doce poyobe tatsi. Bapoxonaé Jesús bara weya natsixitaba xua tomarantha peponaenexa po tomaran ena barapo nacuatha xua jiwitha pecuidubinexa Nacom pia pexeinya jume diwesi tatsi.

<sup>2</sup> Juan pon jiwi Pebautisabin, bapon jiwi pecubi botha etatsi. Poxonaé cataunxuae jiwi pecubi botha eca, bapon jume tane xua juinya Cristo exana. Bapoxonaé Juan itorobabe Jesús beya ponbe pia pepuna jinompaewichi jiwanaé tatsibe xua petayainyabinexatsibe Jesús beya.

<sup>3</sup> Barapomonaé Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichan pawanaé ewatan jampa? jei baraponbe xua Juan najume caruta.

<sup>4</sup> Jesús jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno. <sup>5</sup> Matautano patsipaebarebe xua pomonaé



peitata nacutsi jiwi equeicha tane, matauta xua pomonae pejayujayujeiwi beta pona equeicha, matautano xua pomonae peperu sawichimonae equeicha peru wuna, matauta pomonae xua pemuxusipanaewi equeicha muxu nasaba, matauta pomonae xua pewerapaewi equeicha asu tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume. <sup>6</sup> Patsipaebarebe Juan xua xan janje: 'Juntu coyene weiweinaena pon jopa ainya unthuthunyo, pon xaniwaicha neyabara jume cowanta', xua jan", jei Jesús.

<sup>7</sup> Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: "Ira xuepana susato tsurucuae nacuatha paponame. Poxonae bara beya poponame, zeta xua painyatsi, painya jume taetsi pebin pon ainya unthuthuto cui xeina icha be naepanaewa ichi xua saya joibo ba jubabiya caya tsaibi? Jume apara. <sup>8</sup> Bara paichim. Paponame zepainya nejumetaenexa pebin pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwixaetsi. <sup>9</sup> Jume. Jopa baxua patsiponaem xua jopa painya jume taenexa pebin pon ainya unthuthuto cui xeina, matautano xua jopa painya jume taenexa pebin pon peitupanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin. <sup>10</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

'Catsiwanae itorobinchi copiya pon tana nacajume carutsin.

Barapon juntu cui wanaetsina jiwi xua daxita jiwi najuntu cui wanaetsina xam nexa, xua necantenta weyataeya wabinexa poxonae patopaename', nejei Nacom Pejume Diwesitha.

<sup>11</sup> Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueije po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beya-

caincha xua Juan cueicueije, bequein jiwi nanta xeina xua tamonae jopa ainya cui jiwi.

<sup>12</sup> “Juan pon jiwi Pebautisabin, poxonae bapon tamropata pitaba xua cueicueije Nacom Pejume Diwesi xua beya anoxuae pin bicheitomonae nejume cowanta pia penaex-anaenexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein ichamonae ayapube taexana barapomonaetha. <sup>13</sup> Daxita po petinae diwesi Nacom peitorobi jume pepaebiw tina iruru Moisés pia peitorobi coyenewa tatsi barapo naxobe peitorobi coyenewathabe yabara tsiwanae muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom janta coyene itorobiya cana-mataxeinaena jiwi. Matapainya Juan patopa. Bapoxonae iru Nacom tamropata pitaba xua exana pocotsiwa bayatha yabara tsiwanae muxu duta. <sup>14</sup> Icha paxam xaniwaicha paichichipame xua payabara jume cowantame xua pocotsiwa barapomonae bayatha yabara paeba, bapoxonae bara panejume cowantsiname xua paeban, xua jan: ‘Apara Juan bapon Elías pon caena bayatha tupa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena’, jan. <sup>15</sup> Icha pamuxu dubename moya pana nejume naitaware pocotsiwa tapaca tsipaebiwatsi.

<sup>16</sup> “¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? Barapomonae be pexui, pocotsixi panatha nabaru jinompa. Nabaru wawai tsurubenanaebiya. <sup>17</sup> Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyechiba icha be ichi poxonae ichun tatupatsi ichitha jopa pana itanuwe jume notsim xua painya newecoyeinexaru’, jei barapoxi. <sup>18</sup> Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: ‘Apara Juan xeina cauri’, pajam. <sup>19</sup> Bapoxonae xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: ‘Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi, iru pomonae paratixi pentoma noteibiwi, barapomonae pia jiton tatsi’, pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi”, jei Jesús.

*Meje yabara poxonae Jesús yabara paeba po tomaranpiwi  
jopa pejume cowantsiwichi  
(Lc 10.13-15)*

<sup>20</sup> Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itutsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peuraxae xua abe exana. <sup>21</sup> Daxota barapo tomaranpiwi beya, jeye: “¡Pai jaibo, Corazín tomarapiwi tsobenae! ¡Iru Betsaida tomarapiwi tsobenae! Po tsita itutsi coyenewan exanan Corazín tomaratha iru Betsaida tomarathano, ichun jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha juntu coyenein Nacom petsita xeinaewatsi peuraxae abe peexanaexae bapontha. <sup>22</sup> Paxam pomonae Corazín tomarapiwi pam iru Betsaida tomarapiwi pam, bara xaniyeya paca tsipaebatsi. Poxonae barapo matabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi, Tiro tomarapiwi iru Sidón tomarapiwi daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. <sup>23</sup> ¡Incane iru Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itutsi coyenewan painya tomaratha exanan icha bayatha barapo petsita itutsi coyenewan exanaetsipa Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonae metha bayatha xeinaetsipa icha juntu coyene xua peuraxae xua abe exana Nacomtha. Metha bapoxonae Nacom jopa jutebichipae barapo tomarapiwi. <sup>24</sup> Ichitha paca tsipaebatsi paxam Capernaum tomarapiwi pam, matabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi. Barapo mataqueitha bichocono paca peraxa

jɔbɛbina, beyacaincha xua Sodoma tomarapiwi peraxa jɔbɛbinchi bichocono”, jei Jesús.

*Meje yabara poxonae Jesús waba jiwi: “Anetha xan berena tapaca yawenaewa tsainchi”, jei*  
(Lc 10.21-22)

<sup>25</sup> Bara caena bapoxonae Jesús jɔntɔ coyene weiweina exanatsi Nacom pia Pejumoƨe tɔnaxɔ tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wɔnae cajaintatsi tsipei jopa tsita itɔbim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame tsita itɔtame barapo pexainyei coyenewa xua xan yabara pomonaetha pomonae jopa bichocono penacuidubiwi, pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita. <sup>26</sup> Axa, baxua exaname necatsita xanepanaexae baxua”, jei Jesús Paxatha.

<sup>27</sup> Equeicha Jesús namchi pijimonaetha, jeye: “Taxa daxita necata xua pia peitorobi coyenewa tatsi, mataɔtano xua pia peyaputae coyenewa tatsi. Dapon aibi pon xaniwaicha nejɔntɔ cui coyene yaputane. Jame saya meisa Taxa Nacom, nejɔntɔ cui coyene yaputane. Dapon aibi pon Taxa jɔntɔ cui coyene yaputainchi. Saya jame meisa Taxaxae jɔntɔ cui coyene yaputan. Mataɔtano barichi Taxa meisa jɔntɔ coyene yaputainchi pon saya bara copatan xua bara Taxa rejɔntɔ cui coyene yaputaewa tsainchi. <sup>28</sup> Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca jɔntɔ coyene natsepa exana painya abe neexanae cuiru coyene baxua paca jɔntɔ cui coyene canapuxanaeya yabara jɔntemainaechi xua painya nenafinacaewatsinexa. Equeicha pena jɔntɔ coyene paca cana exanaechi, xua painya nejɔntɔ coyene weiweinaeya jinompaewa tsane. <sup>29</sup> Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamonae. Baxuan paexande tsipei xan jopa bapana jɔntɔ cui coyene anaepanaeya tacuidubin jiwi. Mataɔta bapana jopa tajɔntɔ cui coyene atsacaein. Mataɔtano jopa rajɔntɔ coyene deideijeya jinompaem tsane. Saya jame xanepanaeya painompaename tsipei paexanaename tacuidubi cui coyenein. <sup>30</sup> Barapo tacuidubi cui coyenewan jopa ayarubeyo painya jɔntɔ cui coyenetha. Bara paca itacɔpa xua painya neexanaewa tsane barapo tacuidubi cui coyenewan”, jei Jesús.

## 12

*Meje yabara poxonae Jesús pijimonae tatsi yaboto nota trigo xujudiomonae barompaya pia pentaquei seicae mataqueitha tatsi*

(Mr 2.23-28; Lc 6.1-5)

<sup>1</sup> Caentacabi poxonae judiomonae barompaya pia pentaquei seicae matabitha tatsi barapo mataqueitha Jesús iru pijimonae tatsino pabi iyiya. Jesús pijimonae tatsi jainpa. Barapomonae tamropata notarucupa xua yaboto xunume- napona trigo xu, bapoxonae pecobetha xu mata pepeta yawa xu xane. <sup>2</sup> Poxonae fariseomonae cui tane xua Jesús pijimonae tatsi exana, bapoxonae barapomonae Jesús tsipae- batsi, jeye:

—Jamaisa jinya jiwimonae nacuita barapo matabithe poxonae yaboto nota trigo xu. Apara jiwi jopa yabara copatichi xua penacuichiwa po mataqueithe xua judiomonae barompaya pia pentaquei seicae matabi tatsi, jei fariseomonae. <sup>3</sup> Jesús jume nota, jeye:

—Barapo tajiwiwonae jopa apara abe exanaeyo. Jopa payabara yorobim pocotsiwa bayatha David exana poxonae jainpa, poxonae iru pijimonae tajainpatsiru. Bapon David, pon caena bayatha israelmonae itorobiya pia pepa Peewatsinchi. <sup>4</sup> Bapon David iru pijimonae tatsi barapomonae Nacom pin pia botha tatsi jojoniya. David xane pan, po pan ichamonae cana exana xua Nacomtha pecatsiwatsi. Iru barapo pan David pijimonae cata xua pexaenexaru. Barapomonae xane bequein bara Nacom pia peitorobi coyenewatha copata xua saya meisa sacerdotemonae itacupatsi xua pexaewa tsane barapo pan. <sup>5</sup> Matautano bequein payabara yorobame Moisés pia peitorobi coyenewatha ichaxota jei: ‘Sacerdotemonaepiwi nacuita judiomonae barompaya pia pentaquei seicae matabitha tatsi poxonae Nacom pin pia botha tatsi duwei tauta xua petuxusi exanaenexa Nacom nexa’, jei. Apara barapo coyene jopa peabe coyenewiyo. Jiwi bara copata. Jopa cui matawentsiyo bequein bara barapo judiomonae barompaya pia pentaquei seicae matabitha tatsi exana taetha. <sup>6</sup> Ichitha paca tsipaebatsi xua nama taayapusu itorobi coyenewa ainya cui beyacaincha Moisés pia peitorobi coyenewan tatsi, xuano beyacaincha barapo coyene po coyene poxonae Nacom pin pia botha exana. <sup>7</sup> Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xeinae unthato xua ichamonae painya neyawenaewa tsane. Baxua jame bichocono ichichipan

beyacaincha xua duwei petautsiwa xua petuxusi exanaewa xan nexa', jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxonae barapo tamonae jopa abe payabara paebimchipae pomonae bequein bara jopa abe exanaeyo.  
<sup>8</sup> Xan ponxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicae matakabitha, jei Jesús, fariseomonaetha.

*Meje yabara poxonae Jesús cobe wɔnae exana pon pecobe mɔbinchi*

(Mr 3.1-6; Lc 6.6-11)

<sup>9</sup> Poxonae Jesús najume weta xua fariseomonaе tsipae-batsi, bapoxonae Jesús bara weya natsixitabiya ponataba trigo pabi weya. Bapoxonae pona judiomonaе pia penacaetutsi bo tatsi beya, bapoxonaeno joniya barapo botha.  
<sup>10</sup> Barapo botha pebin eca pon pecobe mɔbinchi. Baxotarɔ fariseomonaе ena. Barapo fariseomonaе ichipa piraichi Jesús yainyabatsi xua icha Jesús jume notsina icha jumetha xua bapoxonae Jesús pecui yabara paebinexatsi jiwitha xua Jesús abe exana. Barapo fariseomonaе Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae mataqueitha jampa? jei.

<sup>11</sup> Jesús jume nota, jeye:

—¿Jintam metha pon paxam jiwana, pon xeina cae oveja, xua poxonae jopa jutsipae icha barapo oveja mɔthɔtha tajoparecatsi? Apará bara awiya jutsipa pia ovejaxae bara bequein pentaquei seicae matakabi taetha. <sup>12</sup> Nama apara bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanae coyene exaneibina, bara bequein xua poxonae pentaquei seicae matakabintha taetha, jei Jesús fariseomonaetha.

<sup>13</sup> Nexata Jesús barai pontha pon pecobe mɔbinchi jeye:

—Nacobe doire, jei.

Poxonae bapon nacobe doita, bapoxonae nainya cobe wɔnae tsanaya icha icha cobe ichi. <sup>14</sup> Bapoxonae fariseomonaе Jesús weya ponarɔcɔpa xua Jesús pecui yabara paebinexatsi xua po cui coyenewatha Jesús pebexubiwa tsainchi.

*Meje yabara xua Jesús peyabara tsiwɔnae cui paebiwatsi*

<sup>15</sup> Poxonae Jesús yaputane xua yabara cui paebatsi xua abe exana mataɔtano xua bexubapaebatsi, bapoxonae Jesús bara weya ponataba. Mataɔtano Jesús pinmonaeno puna poinchi. Jesús axaibi exana ducuaenaebiya daxita pomonae

peatenewi. <sup>16</sup> Matauta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús. <sup>17</sup> Jesús itoroba pomonae xua axaibi peexanaexae xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaías pejume diwesitha bayatha yabara tsiw<sub>h</sub>naeya tina Nacom nexa pon Nacom peitorobi jume pepaebin. Nacom jeye, Jesús yabara:

<sup>18</sup> “Bapon apara pon inta nacuita, pon itapetan, pon bichocono antobein yawa xua nej<sub>h</sub>nt<sub>h</sub> coyene weiweina exana pon.

Taitorobicaein tajumope t<sub>h</sub>na<sub>h</sub>x<sub>h</sub> xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonae jopa judiomonae naexanaeyo.

Barapon barapo pexeinya jume diwesi caponaena, xua pejume cow<sub>h</sub>nts<sub>h</sub>inexa tsane pomonae poxonae jume taibina barapo pexeinya jume diwesi xua bapoxonae barapomonae tayabara j<sub>h</sub>ntem<sub>h</sub>ain<sub>h</sub>enexa abe pia peexanae cuiru coyenein tatsi.

<sup>19</sup> Matauta bapon jopa jume matsontsonobeibi tsane.

Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitawatsinexa tsaibi tsainchi.

<sup>20</sup> Pomonae jopa peaj<sub>h</sub>nt<sub>h</sub>coyenes<sub>h</sub>wi xua tana nejume cow<sub>h</sub>ntsiwa, bapon jopa bebai tsaibi tsane.

Barapomonae capanenebiya tsainchi.

Matautano pijimonae tatsi poxonae j<sub>h</sub>nt<sub>h</sub> coyene faefaenena, jopa anaya jutebi tsane.

Bara bapon yawenaena barapomonae.

Bapon baxua exanaena xua pijimonae yayawenaponaena beya tsane xua cui amanayabina pia peaitafaetabi jiwichi.

<sup>21</sup> Matauta daxita nacuanpiwi jiwamonae pomonae jopa judiomonae naexanaeyo barapomonae bapon w<sub>h</sub>nae ewatatsi xua bara bapon barapomonae pecapanenebiwa tsainchi Nacom beicha”, jei Nacom Jesús yabara Isaías pejume diwesitha.

*Meje yabara poxonae Jesús baraichi xua pinae xeina Beelzebú pia peayapus<sub>h</sub> itorobi coyenewa tatsi (Mr 3.20-30; Lc 11.14-23; 12.10)*

<sup>22</sup> Bapoxonae jiwi Jesús tacapat<sub>h</sub>tsi pebin pon muxusi-pana exainchi cauri, matautano xua itata nac<sub>h</sub>ta exainchino.

Bapon Jesús axaibi exana. Bapoxonae pebin muxu nasaba, beta necota, matautano paebano. <sup>23</sup> Daxita pomonae cui tane baxua, pocotsiwa Jesús exana, daxita barapomonae yabara najuntũ coyene benaecaeya najei: “Jina, ¿bapon apara David pia pemomoxi susato jiwi jiwanapin tatsi jampa, pon Nacom yabara wãnae tsiwãnaeya paeba xua pinae patopeicaena jampa?” jei.

<sup>24</sup> Poxonae baxua fariseomonae jume tane, jeye: “Bapon caurimonae itawetatsi apara pexeinaexae Beelzebú pia peayapusũ itorobi coyenewa tatsi pon caurimonae pia pe ntaçaponaein tatsi”, jei fariseomonae.

<sup>25</sup> Jesús yaputane xua fariseomonae nanta xeina poxonae natsipaeba baxua, daxota jei fariseomonaetha: “Icha cae nacuapiwi nawepu tsatabe matauta nababe, bapoxonae jopa xaexaenaecaeyo. Matauta irũũ icha cae tomarapiwi nababe, bapoxonae jopa xapain jinompaeyo barapo tomarapiwi. Matauta irũũ icha cae bo matabũũyomonaebe nababe, yawa nawepu tsatajopabe bapoxonae jopa xaexaenaecaeyo.

<sup>26</sup> Barichi icha Satanás pijimonae tatsi nawepu tsatajopabe, matautano nababe, bapoxonae jopa xaexaenaecaeyo. Satanás jopa itacũpaetsi xua itoroba pijimonae, tsipei amsiya exana. <sup>27</sup> Paxam pana neyabara jam: ‘Apara bapon itaweta cauri tsipei bapon xeina Beelzebú pia peayapusũ itorobi coyenewa tatsi, pon Beelzebú caurimonae pia pentacaponaein tatsi’, pana neyabara jam. Icha baxua bara xainyei, ¿nexata eta po peayapusũ itorobi coyeneya tatsi painyamonae itaweta cauri? ¿Irũũ barapomonae itaweta cauri Beelzebú pia peayapusũ itorobi coyenewatha tatsi? Daxota painyamonae paca yaputane xua apara paxam panaerabame. <sup>28</sup> Ichitha nama xan cauri itawetan Nacom pia pejumope tũnaxũ tatsi pia peayapusũ itorobi coyenewatha tatsi, xua barapo pejumope tũnaxũ tana necatsixae pia peayapusũ itorobi coyenewa. Baxua apara paca tsipaebatsi painya neyaputaenexa xua painya xantha patopan ponxaein Nacom Tananeitapetsin.

<sup>29</sup> “Dapon aibi pon itacũpatsi xua botha joniya po botha pon bichocono maxũ daunwei pia bo tatsi xua daxita penotsiwa tsane pocotsiwa bapon xeina pon maxũ daunwei, icha jopa copiya matha maxũ cãtanotsiyo. Barapocotsi jũta coyeneya ichin. Xan cui amanayaban Satanás daxota neitacũpa xua torotsiya itawetan bapon pijimonae tatsi pomonae caurimonae.

<sup>30</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowũntsiwa tsane. Barapomonae jopa yawenaeyo xua ichamonae nenacaetutsina tajiwiwonaexae tsane.



31 “Daxota paca tsipaebatsi xua pocotsiwa jiwi abe peexanae cuiru coyenein exana matautano pocotsiwa xua jiwi abe paeba, barapo coyene Nacom itacupatsi xua yabara jüntemainaena daxita barapo coyenein. Pon abe yabara paeba Nacom pia Pejumope tɨnaxɨ tatsi Nacom bapana jopa yabara jüntemaina tsane xua bapon paeba. 32 Matautano xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara jüntemainaewatsi pocotsiwa bapon abe neyabara paeba. Ichitha pon nama bichocono abe yabara paeba Nacom pia Pejumope tɨnaxɨ tatsi, Nacom jopa bapana yabara jüntemaina tsane bapon, anoxuae matautano xua bexa tsane”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae*  
(Lc 6.43-45)

33 Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae. 34 ¡Paxam pomonae bichocono abe peexanaewi pam! Icha jomomonae ichi xua abe exana jiwitha bara paichim, abe paexaname jiwitha. Paxam jopa paca itacupaeyo xua xanepanaeya painya nepaebiwa, tsipei pocotsiwa painya coibototha papaebame barapara baxua painya jüntɨ coyenetha pacayabara nanta xeiname. 35 Pon ba pejüntɨ coyene xanepanaein bapon ba xua xanepana paeba, tsipei ba pejüntɨ coyene xeicaein. Pon ba peajüntɨcoyenebein bapon ba xua abe paeba tsipei ba peajüntɨcoyenebein. 36 Ichitha paca tsipaebatsi xua matabi patopeicaena po mataqueitha Nacom yabara paebina daxita jiwi penatsicuentisiwa abe peexanaexae bapontha. Barapo matabitha daxita jiwi bewa atene tsane pepaebixae po jumein jopa xanepanaeyo. 37 Poxonae Nacom yabara paebina daxita jiwi penatsicuentisiwa abe peexanaexae bapontha, Nacom tsanaya tsabina pia pepaebixae jumeintha tsane. Pomonae paxam xanepanaya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara jei tsane. Paxam pomonae bayatha abe papaebame poxonae cataunxuae pajinompame po irathe Nacom xuya paca yabara jei tsane: ‘Maisa barapomonae abe pepaebiwi’, paca yabara jei tsane”, jei Jesús.

*Meje yabara poxonae pomonae peajüntɨcoyenebe jiwi Jesús cui itorobatsi xua peexanaewa tsane pexeinya petsita itɨtsi*

*coyenewa*

(Mr 8.12; Lc 11.29-32)

<sup>38</sup> Nexata fariseomonaē jīwanamonaē iruru pomonaē jīwi pecuidubiwi Moisés pia peitorobi coyene tatsi jīwanamonaē, daxita barapomonaē Jesús cui itorobatsi, jeichichi:

—Pon jīwi Pecuidubim, paichichipan xua pata taewa tsane xua tapanā netsita itutswam tsane cae jīnya pexeinya netsita itutswi coyenewa pocotsiwa Nacom cacatsina pia peayapusu itorobi coyenewatha. Bapoxonaē paca jume cowantsinchi, jei.

<sup>39</sup> Daxita barapomonaētha Jesús barai, jeye:

—Pomonaē peajuntucoyenebe jīwi iruru pomonaē jopa tana nejume cowantsi jīwi barapomonaē necui itoroba xua taexanaewa cae coyenewa tapexeinya tsita itutswi coyenewa. Ichitha jopa tsita itutswin tsane icha tapexeinya tsita itutswi coyenewa. Saya meisa exanaein icha bayatha jūta coyene cana ichichi Jonás pon Nacom peitorobi jume pepaēbin, pon caena bayatha tupa. <sup>40</sup> Nacom Jonás itorobatsi Nínive tomarapiwi beya petsipaēbinexa Nacom Pejume Diwesi barapomonaētha. Jonás jopa baxua peexanaēxae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acobi po matabiyobe, matautano acobi po merawiyobe, beya poxonaē equeicha yacabaxotsi xua asu popona. Barichi tsane xan ponxaein Nacom Tananeitapetsin tupaēin. Bapoxonaē muthutha nebotsina acobi po matabiyobe nexa tsane, matautano acobi po merawiyobe nexa tsane, beya poxonaē equeicha Nacom asu juina neexanaena. <sup>41</sup> Matabi patopeicaena po matabitha Nacom yabara paēbina daxita jīwi peperaxa exanaenexatsi penatsicuentsexae abe peexanaēxae. Barapo mataqueitha Nínive tomarapiwi pomonaē caena bayatha jīnompā barapomonaē abeya paca yabara paēbina poxonaē umenaena Nacom peitabaratha. Baxua exanaena tsipei barapo Nínive tomarapiwi icha juntu coyene xeina Nacomtha peuraxae xua abe exana caena bayatha poxonaē Jonás muxuwetsiya tsipaēba barapomonaētha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jīwitha. Bara pocotsi coyenewa toxechiya ainya cui coyenewa beyacaincha Jonás po cui coyene exana poxonaē Nacom Pejume Diwesi capona Nínive tomarapiwitha. <sup>42</sup> Matauta barapo matabitha tsane petsiriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia

nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueijei tsane pomonae xua anoxuae jinompa poxonae uncuena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi, tsipei ajuntacoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina tsipei bapowa bayatha taju werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuane ponxaein taexanaein pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxeinchiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

*Meje yabara poxonae Jesús yabara paeba cauri xua caewa nauyata pebintha*

*(Lc 11.24-26)*

43-44 Equeicha Jesús jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxonae caibeya pona cauri caxina, pebin caxinatsi xua xanepanaeya popona. <sup>45</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe beyacaincha bapon pon copiya. Daxita barapo caurimonae pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane caurimonae abe cana exanaena pomonaetha pomonae anoxuae jinompa, pomonaetha pomonae peajuntacoyenebe jiwi, icha barapo caurimonae ichi poxonae pebin abe cana exainchi”, jei Jesús.

*Meje yabara xua Jesús pena tatsi iruru peyapin jiwi tatsino*  
*(Mr 3.31-35; Lc 8.19-21)*

<sup>46</sup> Jesús cataunxae cueicueijei tsuncuae poxonae beya iruru pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús baru cueicueijeichi canta pin bicheito. <sup>47</sup> Ichun Jesús baraichi, jeye:

—Ena, iruru neyapin jiwino pesato beya umena. Bepara bequein cataei, necatsipaebinexa tsane, jei bapon.

<sup>48</sup> Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonae pia pepuna jinompaewichi.

<sup>49</sup> Nexata Jesús pijimonae cowai yawa jei jiwitha:

—Pomonae xua cowan apara barapomonae be taena tsi-cotan matautano iru be tayapin jiwi tsicotanno. <sup>50</sup> Pomonae xua exana pocotsiwa Taxa Nacom itoroba, pon peitabo-cotha peecaeinxae, barapomonae be tayapin jiwi tsicotan, matautano iru be tayapixi tsicotanno, matautano iru be taena tsicotanno, jei Jesús.

## 13

*Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara*

*(Mr 4.1-9; Lc 8.4-8)*

<sup>1</sup> Barapo mataqueitha caena Jesús bo weya pona, bapoxonae pucua itapatha ecopa. <sup>2</sup> Tsipei pin bicheito nacaetuta Jesustha daxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena. <sup>3</sup> Jesús barapo pin bicheito cuiduba pecayabara juta pepaebi diwesintha.

Cae diwesiyotha Jesús namchi, jeye: “Pebin pon peubin pontaba pia ubichi pabitha. <sup>4</sup> Poxonae pon peubin ubauya, icha xu namtotha xu othopeica. Peyapupunaewi yapata yawa xu xane. <sup>5</sup> Icha xu, xu othopeica ibowantha ichaxota ira itafafana. Barapoxonae barapo xu caena nainya xu xuwa tsipei jopa tajru xu xuwarecaeyo. <sup>6</sup> Ichitha poxonae xometo atsa tsina bapoxonae yaboto tsaquiwa yawa tupa tsipei jopa tajru tabru opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wruuae. Poxonae barapo xu, xu xuwa, xu nawruuae. Icha xun, xu nanacoitapona cien po xu matabruhuoyobe tsiniya. Icha xun, xu nanacoitapona sesenta po xu matabruhuoyobe tsiniya. Icha xun, xu nanacoitapona treinta po xu matabruhuoyobe tsiniya. <sup>9</sup> Icha pamuxu dube-name, moya pana nejume naitaware pocotsiwa tapaca tsi-paebiwatsi”, jei Jesús.

*Meje yabara poxonae Jesús namchi xua exua metha pecayabara j̄ta pepaebi diwesiyo yabara jane, jei*  
(Mr 4.10-12; Lc 8.9-10)

<sup>10</sup> Nexata Jesús pijimonaе imoxoyo caquita ume-nar̄cupatsi yawa yainyabatsi, jeichichi:

—¿Eta xua metha jiwitha paebame pecayabara j̄ta pepaebi diwesin? jei Jesús pijimonaе tatsi.

<sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n xeinaewa. Barapo moya peyaw̄n xeinaewa xua jiwi jopa peyaputaewa apara xua Nacom paca cana exana xua painya nepaca itac̄paewa xua painya ne-naexanaewa Nacom piamonaе tatsi pam, pomonaе pamxae Nacom itorobiya paca ewata. Ichitha jame ichamonae pomonaе jopa nejume cow̄ntsiyo jopa daichichi. Nacom jopa copatsiyo xua barapomonaе peyabara yaputaewa baxua. Daxota barapomonaе cuiduban pecayabara j̄ta pepaebi diwesintha xua Nacom peyabara yaputaenexatsi.

<sup>12</sup> Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonaе bapon equeicha bichocono Nacom pejume cow̄ntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cow̄ntsiwa tsainchi. <sup>13</sup> Daxota jiwitha paeban pecayabara j̄ta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. <sup>14</sup> Barapomonaе baxua exana bayatha petsiw̄nae cui yabara paebixaetsi, xua bayatha Isaías pon Nacom peitorobi jume pepaebin, petsiw̄nae cui yabara paebixae pejume diwesintha pocotsiwa barapomonaе poxonaе baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaputaem tsane xua jopa painya tana nejume cow̄ntsinexam tsane.

Pana necui taename ichitha xaniwaicha jopa bepayaputaem tsane xua painya tana necui yabara jume cow̄ntsinexam tsane.

<sup>15</sup> Paxam bichocono paainya unth̄atom, xua jopa painya tana neyaputaexae jiwim.

Matautano jopa xanepanaeya pajume taem tsane, be pomonaе penamuxujematsi jiwi pam tsane.

Panaichaquetsiname icha be pomonaе peitata

nacutsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowantsinexa tsane.

Yawano matauta, baxua paexanaename tsipei jopa bepainya tana necui taewam tsane xua jopa painya tana nejume cowantsinexam tsane. Matauta baxua paexanaename tsipei jopa bepainya tana neyaputaewam tsane painya itamaiqueitontha.

Matautano jopa painya neauraxae xua abe paexaname daxota jopa paca juntu coyene xanepana exanaetsi', jei Isaías barapomonaetha xua Mesías nexa", jei Jesús.

<sup>16</sup> Nexata Jesús pijimonaetha jeye: "Paxam pajuntu coyene weiweiname tsipei poxonae pana necui taneme pocotsiwa exanan bapoxonae pana necui yaputaneme. Matautano pajuntu coyene weiweiname tsipei poxonae pana nejume taneme pocotsiwa paeban bapoxonae pana nejume cowantame. <sup>17</sup> Xaniwaicha paca tsipaebatsi pin bicheitomona, pomona Nacom peitorobi jume pepaebiwi, matautano irutu pomona pejuntu coyene xeicae jiwi, pomona caena bayatha jinompa barapomonaewanae ewata xua tapatopeicaewa. Daxita barapomona bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo", jei Jesús.

*Meje yabara poxonae Jesús pijimona muxu yaputane exana po diwesi xua pecayabara juta pepaebi diwesiyo pon peubin yabara*

*(Mr 4.13-20; Lc 8.11-15)*

<sup>18</sup> Equeicha Jesús jeye: "Pajume taema xua paca tsipaebatsi pecayabara juta pepaebi diwesiyo xua pon peubin yabara: <sup>19</sup> Pomona bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomona daichitha jopa yaputaeyo barapo coyenewa. Daxota barapomona jopa xanepanaya exanaeyo icha be pocotsi juta coyeneya ichi xua pexuton xua po xuton namto othopeica. Bara juta coyeneya cana ichichi pomona jopa yaputaeyo tacuidubiwa. Caurimona pia pentacaponaein tatsi barapomona omeicha bara juntu coyene weichichi tacuidubi coyenewa daxota barapomona jopa nejume cowantsiyo. <sup>20-21</sup> Po xuton xua xu othopa ibowantha, barapo xuton yabara caunuta po jiwi xanepanaya

jume tane Nacom Pejume Diwesi xuano jũntũ coyene weiweina Nacom jume cowũntatsi. Ichitha bara caeto jume cowũnta poxoru barapomonaē antũfaetabiya jume jeba Nacom pejume diwesi pejũntũ coyeneintha. Poxonaē yaitama barapomonaē bichocono peatenexae, mataũtano poxonaē barapomonaē yaitama abe petaexanaexaetsi ichamonaē xua pejume cowũntsixaē Nacom, bapoxonaē caurimonaē abe exana barapomonaētha xua barapomonaē jũntũ coyene wejũntemaina exanatsi xua Nacom pecayabara jũntemainaewatsi. <sup>22</sup> Po xuton xua xu othopa pesoiwantha, barapo xuton caunuta xua pomonaē Nacom Pejume Diwesi jume tane ichitha saya barompaya pia jũntũ coyenetha jinompa. Mataũtano saya Ʃ copei cayabara nanta xeina. Mataũtano saya exana pocotsiwa jũntũ coyene weiweina cana exainchi. Po coyene pebiwi exana baxuan barapocotsi jũta coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi jũta coyeneya ichi barapo jiwi. Jopa xanepanaya Nacom tsita jinompaetsi. <sup>23</sup> Po xuton xua xu othopeica peira wũnaewatha, bara nacoita. Barapo xuton yabara caunuta pomonaē jume tane Nacom Pejume Diwesi, mataũtano jume cowũntano poxoru jũntũ coyene xanepanaeya jume tane. Mataũtano beta exana dubenanaebiya beya matapainya jiwi cui tane xua barapomonaē bara jũntũ coyene xanepana Nacom peitabaratha tatsi. Bapoxonaē ichamonaē barapomonaē jiwana beta yawena ichamonaētha icha barapo xuto ichi xua cien po xu matabũxũyobe tsiniya tsoponaē. Mataũtano ichamonaē barapomonaē jiwana beta yawena ichamonaētha icha barapo xuto ichi xua sesenta po xu matabũxũyobe tsiniya tsoponaē xua jume cowũnta. Mataũtano ichamonaē barapomonaē jiwana beta yawena ichamonaētha icha barapo xuto ichi xua treinta po xu matabũxũyobe tsiniya tsoponaē”, jei Jesús.

*Meje yabara poxonaē Jesús cuiduba pecayabara jũto pepaebi diwesiyo xua trigo xu yabara xua irũ baxoyo xuwina ayabo xu*

<sup>24</sup> Bapoxonaē Jesús equeicha cuiduba jiwi icha pecayabara jũta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobixaetsi. Bapon yabara paebina daxita jiwi penatsicuentsexae abe peexanaexae. Barapo coyenewa jũpa, icha be pocotsi coyeneya jũta ichi poxonaē pebin ba Ʃbapona pabitha peubi xuton po peubi xuton pexeinya xuton. <sup>25</sup> Ichitha poxonaē cataunxuae jiwi maitumena, bapoxonaē pon pabi pexinaein pia peaitafaetabi jitontsi tapatopatsi pia pabitha tatsi.

Bapoxonae bapon ayabo xu taubarecatsi ichaxoyo ubareca po pexu pexeinya xu. Poxonae nacobe weta xua uba ayabo xu, bapoxonae napitabiya ponataba. <sup>26</sup> Poxonae trigo xu yaothopa bapoxonae iru ayabo xuwina. <sup>27</sup> Bapoxonae pon pabi pexeinaein baraichi pomonae pia petanacuichixaetsi: ‘Pata Tanecanamataxeinaem, icha bara metha ubame po xu pexeinya xu, ¿nexata eta werena metha ayabo pona xua xuwa?’ jei. <sup>28</sup> Pon pabi pexeinaein jume nota pomonae pia petanacuichiwiixaetsi jeye: ‘Apara baxua inta exana pon tana neaitafaetabi jiton’, jei. Bapoxonae bapon baraichi pomonae pia petanacuichiwichi, jeye: ‘¿Ichichipame xua pata ponaewa tsane bara beya pata xunaenexa barapo ayabo?’ jei. <sup>29</sup> Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu. <sup>30</sup> Bara saya yawa umenaena barapo ayabo beya abu poxonae yawa nawetsina trigo xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinexa tabotha xua trigo xu matabotha’, jei pon pabi pexeinaein”, jei Jesús.

*Meje yabara poxonae Jesús cuiduba pecayabara juta pepaebi diwesiyo po peabi xutiyo pewun mostaza xutiyo*

*(Mr 4.30-32; Lc 13.18-19)*

<sup>31-32</sup> Equeicha Jesús jiwi cuiduba icha pecayabara juta pepaebi diwesiyo, jeye: “Nacom waba jiwi xua petanaexanaenexatsi pijimonae tatsi, pomonae itorobiya peewatsixae beya pinmonae tsoponae xua pomonae jume cowuntapona Nacom. Barapo coyene jura icha be poxonae pebin ichi poxonae ubanota pabitha po peabi xuto tsica xutiyo. Barapo xuto xuwa beya pin nae tsoponae. Barapo nae pepinnaexae daxota siri pemaxuranantha coton exana”, jei Jesús.

*Meje yabara poxonae Jesús cuiduba pecayabara juta pepaebi diwesiyo xua levadura yabara xua pan cotowa exana*

*(Lc 13.20-21)*

<sup>33</sup> Jesús equeicha cuiduba jiwi icha pecayabara juta pepaebi diwesiyo, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae naenaexanapona. Barapo coyene bara juta ichi, icha levadura matawun ichi pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauwentaba levadura matawun pocotsiwa xua cotowa exana pan. Bapoxonae pentabu naexananaya cocotowapona tsipei levadura matawun muxunaxuba”, jei Jesús.



*Meje yabara poxonae Jesús cuiduba jiwi pecayabara j̄uta pepaebi diwesixitha*

*(Mr 4.33-34)*

<sup>34</sup> Jesús cuiduba jiwi daxita barapo coyenein xua xuan saya ɯ pecayabara j̄uta pepaebi diwesixitha. Jesús jopa cuidubeibiyo poxonae jopa paebeibiyo pecayabara j̄uta pepaebi diwesixitha. <sup>35</sup> Bara barapo coyeneintha Jesús cueicueijeji xua penayabara jume wetsinexa xua bayatha pon Nacom peitorobi jume pepaebin pecui yabara w̄nae tsiw̄naeya paebixae, xua jeye:

“Jiwitha tsipaebin pecayabara j̄uta pepaebi diwesintha. Matautano muxuna yabara tsipaebin pocotsiwa moya yaw̄n xeina xua jiwi jopa peyaputaewa, po coyene caena bayatha moya yaw̄n xeina xua poxonae aena Nacom forota po cae pin nacuathe xua pocotsiwa beya anoxuae tsoponae”, jei bapon xua saya Jesús tapaebatsi.

*Meje yabara poxonae Jesús pijimonaе yaputane exana po pecayabara j̄uta pepaebi diwesiyo xua ayabo yabara*

<sup>36</sup> Nexata Jesús napeyaba pin bicheito jiwimonaе. Bapoxonaе botha joniya. Iɯ baxota Jesús pijimonaе tatsi barapo botha najojoniyarɯ. Jesús pijimonaе baraichi, jeye:

—Yabara pana neyaputane exande po diwesiyo xua ayabo po ayabo xuwa trigo pabitha, jei.

<sup>37</sup> Nexata Jesús namchi, jeye: “Pon ɯba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin. <sup>38</sup> Matautano po pabitha ichaxota ɯba jan, apara jiwi pia j̄untɯ coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonaе xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonaе caurimonaе pia pentacaponaein tatsi pijimonaе tatsi. <sup>39</sup> Pon ɯba po xuton abe xua ayabo xu jan, apara bapon caurimonaе pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matcabitha Nacom yabara paebina jiwi penatsicuentsiwa abe peexanaexae bapontha. Pomonaе xua trigo xu, xu siraca jan, apara yabara caunutan matatsunpiwimonaе. <sup>40</sup> Copiya matha xuexuetapona ayabo petautsinexa isototha. Jiwi bara j̄utiya ichainchi po matcabitha tsane Nacom daxita yabara paebina jiwi penatsicuentsiwa abe peexanaexae bapontha. Matautano barapo cae pin nacue werawera-caena. <sup>41</sup> Xan ponxaein Nacom Tananeitapetsin itorobin

tamatatsunpiwi xua jiwi penotsinexa tsainchi pomonae abe peexanaewi, pomonae xua cana exana ichamonaetha xua ichamona xuya iru abe peexanaenexaru. Barapo matatsunpiwi wenotsina pomonae abe peexanaewi pomonae tajiwi-monae baru jinompatsi. Barapo abe peexanaewi jopa tamonaeyo pomonae itorobiya taewatsixae. <sup>42</sup> Daxita barapo jiwi pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wecoyei tsane matauta baxota nantanuweya nantu jayabina, poxoru bichocono atene tsane. <sup>43</sup> Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuatha ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itupana icha be xometo ichi xua poxonae pentha. Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús pecayabara juta pepaebi diwesiyo paeba xua po peitupanaewa pocotsiwa bichocono ainya matoma xua ira buxupanatha boca panatha*

<sup>44</sup> Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejuntu coyene canamataxeinaexae pon jiwi itorobiya pia pepa peewatsinchi. Barapo coyene bara juta ichi, icha be pocotsiwa peitupanaewa ichi pocotsiwa ainya matoma xua ira buxupanatha boca pabitha. Poxonae pebin barapo peitupanaewa jemeicha ira buxupanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonaetha. Bichocono juntu coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi, po pabitha boca barapo peitupanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntu yapusawa, icha poxonae pebin ichi xua pitapeitupanaewatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua po warowa pewun perla*

<sup>45</sup> Equeicha Jesús namchi, jeye: “Barichiru yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wuna. Barapo coyene bara juta icha be ichi poxonae jiton warowan matowa jeita. Barapo warowan xua bapon jeita, pewun perla. Bapon jeita pecomotsinexa tsane barapo warowan, po warowan

ainya matoman. <sup>46</sup> Poxonae bapon cae warowaxuto taebota, po warowaxuto perla matawun xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewun perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntayapuswa po peajuntayapuswa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pecayamaewa yabara*

<sup>47</sup> Equeicha Jesús namchi, jeye: “Yabara paca tsipaebatsi po coyene xua Nacom exana pon jiwi ewatsiya peitorobix-aetsi xua poxonae yabara paebina jiwi penatsicuentsexae abe peexanaexae. Barapo coyene bara juta ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa. <sup>48</sup> Poxonae bichocono wuncaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaubiya tsana pejehebaponaenexa. Po duwei pepa duwei tsana naitaubiya jehebapona corotontha. Po duwei pocotsiwa camatsawan bebai tsoponae. <sup>49</sup> Barapocotsi juta coyeneya ichi tsane poxonae matabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentsexae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi. <sup>50</sup> Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounayiyo. Baraxota wecoyei tsane matautano baxota nantanuweya nantu jayabina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pena peitapanaewa yawa xua peru peitapanaewa yabara*

<sup>51</sup> Nexata Jesús pijimonaе yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecanamataxeinaemxaem, jei barapomonae.

<sup>52</sup> Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonaе yabara cuiduba ichamonaetha xua po coyene Nacom exana pon itorobiya peewatsin jiwi. Barapomonaе xeina ainya diwesi coyenewabe, po diwesi xua xan yabara, peru diwesi poxonaе cataunxuae aibin tsica po cae pin nacuathe tsique yabara. Matautano xeina pena diwesi poxonaе xua anoxuae poponan yabara. Barapo ainya diwesi coyenewabe barapomonaе paeba jiwitha. Barapomonaе bara be juta ichi icha be poxonaе pon bo pexeinaein ichi. Poxonaе piamonaе tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonaе nexa, jei Jesús.

*Meje yabara poxonaе Jesús Nazaret tomaratha popona  
(Mr 6.1-6; Lc 4.16-30)*

<sup>53</sup> Poxonaе Jesús najume weta xua cuiduba jiwi barapo pecayabara juta pepaebi diwesixi bapoxonaе Jesús tomara weya pontaba. <sup>54</sup> Bapoxonaе Jesús patopa pia tomaratha, po tomara pewan Nazaret tomara. Baraxota Jesús cuiduba jiwi, judiomonaе pia penacaetutsi botha tatsi. Pomonaе jinompa Nazaret tomaratha yabara najuntа coyene cabenaeca xua pocotsiwa Jesús cuiduba. Barapomonaе natsipaeba, najei:

—¿Exota metha bapon nacuiduba jane, xua daxota bapon daxita peyaputaein? ¿Jintam metha pia peyapusuwatha tatsi jane, poxonaе po petsita itatsi coyene bapon exana?

<sup>55</sup> Apra saya bapon pexanto tatsi pon xua pecobe coxonaein xua naepan pematobowiwa. Apra bapon pena tatsi María. Apra bapon Santiago pentapin tatsi, iru José pentapin tatsi, iru Simón pentapin tatsi, iru Judas pentapin tatsitu iru.

<sup>56</sup> Matautano iru pamcho jiwi tatsi apra jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonaе.

<sup>57</sup> Daxota barapomonaе Jesús casebatsi pecui uwixaetsi. Barapomonaе uwa tsipei Jesús bichocono peyaputaein. Jesús namchi jiwitha, xua nayabara paeba, jeye:

—Daxita jiwi ba baru cui itura jina pontha pon Nacom peitorobi jume pepaebin. Nama pia nacuapiwi tatsi iru pia bomonaе matabhуomonaepiwi tatsi barapomonaе ba jopa bapon baru cui itura jinaetsi, jei Jesús, xua nayabara paeba.

<sup>58</sup> Nazaret tomaratha, barapo tomaratha Jesús saya be conotha exana pexeinya petsita itatsi coyenewan tsipei barapo tomarapiwi Jesús jopa jume cowantichi.

## 14

*Meje yabara poxona Juan bexotsi*  
(Mr 6.14-29; Lc 9.7-9)

<sup>1</sup> Bapoxona caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana. <sup>2</sup> Herodes tsipaeba pomona petanacuichiwiwaetsi pia botha tatsi, xua Jesús yabara pae-batsi. Herodes Jesús catsawiya yabara pae-batsi, jeye: “Apara bapon Juan, pon jiw i Pebautisabin, pon bequein bayatha tupa, pon equeicha asu juina. Tsipei bapon peayapusu itorobi coyenewa xeina daxota petsita itutsi coyenewa exana”, jei Herodes.

<sup>3</sup> Baxua Herodes paeba tsipei caena bayatha Herodes cui itoroba xua Juan pewaetabinexatsi, matautano xua pemaxu cabinexatsi, matautano xua jiw peabi botha peetsinexatsi. Baxua Herodes exana tsipei piowa tatsi powa pewan Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabayo. <sup>4</sup> Juan bayatha paeba Herodesta, jeye: “Nacom pia peitorobi coyenewa jopa copatsiyo xua nexainaewa bapowa tsipei ichun piowa tatsi”, jei Juan.

<sup>5</sup> Daxota Herodes bichocono anaepana. Herodes ichichipa xua Juan pebexubiwaetsi. Daichitha Herodes jopa baxua exanaeyo tsipei junuwa, jiw cunuwaetsi. Tsipei daxita jiw nanta xeina xua Juan apara pon Nacom pia peitorobi jume pepaebin. <sup>6</sup> Ichitha poxona Herodes yantacabi jopa po matabitha poxona caena bayatha nowaeunca, barapo matabitha pinmonae nacaetuta xua pexaewa yabara nacaetuta pia xaetsi. Barapo penacaetutsiwi peitutha tatsi Herodías pexantiyo tatsi nawiraba. Herodes baxua bichocono ita cui xanepanatsi. <sup>7</sup> Herodes barapowa beya paeba, jeye:

—Nacom peitutha cata tsiwinae yabara pae-batsi xua pocotsiwa tacacatsiwa tsainchi pocotsiwa xua tana newucaewam tsane tsipei inta pexeinya penawirabi coyene exaname, jei Herodes.

<sup>8</sup> Bapoxona pocotsiwa pena itorobatsi barapowa Herodes wucatsi baxua. Bapowa namchi, jeye:

—Necare Juan pentasipa xua yutabore paratontha, pon jiw Pebautisabin matasipa, jei Herodías pexantiyo tatsi.

<sup>9</sup> Ichitha baxua Herodes jume taya wecoyei tsanareca poxoru jopa ichipaeyo xua Juan petupaewa tsane. Tsipei mexeya poxoru bayatha Nacom peitutha peyabara tsiwinae pae-bixae xua bepa pinae catsina xua pocotsiwa pewucaewaxae tsainchi, matautano mexeya poxoru barapo pin bicheitha

peitatha pepaebixae baxua, daxota itoroba xua bapowa bara catinchi baxua. <sup>10</sup> Daxota Herodes pomonae petanacuichi-wixaetsi, barapomonae Herodes cui itoroba xua Juan pewisi ucuibinexatsi jiwi pecabi botha iya. <sup>11</sup> Bapoxonae barapomonae paratontha matasipa yatabota yawa carendena. Bapoxonae Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha tupa.

<sup>12</sup> Nexata pomonae Juan pia pepuna jinompaewichi, barapomonae pata jiwi pecabi botha. Juan petupaein pitatsi. Barapoxonae barapomonae Juan muthatha xotsi. Barapoxonae barapomonae pona Jesús beya xua baxua Jesús peyabara tsipaebinxatsi.

*Meje yabara poxonae Jesús apata pexaewa cinco mil pebiwi (Mr 6.30-44; Lc 9.10-17; Jn 6.1-14)*

<sup>13</sup> Poxonae Jesús yaputane xua Juan tupa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecae iya pona, ichaxota Jesús ponaena jeratha. <sup>14</sup> Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi. <sup>15</sup> Tsipei yaitama bayatha tabopiya tsanaichaba, daxota Jesús imoxoyo caquita umenaruchratsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomaxan ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

<sup>16</sup> Jesús jume nota pijimonae, jeye:

—Apara jopa bewa ponae barapomonae, paxam jame maisa paapare pexaewa, jei.

<sup>17</sup> Jesús jume notatsi pijimonae, jeye:

—Xote jopa pexaewa paxeinaeinyo. Saya apara cinco po panyobe paxeinan matauta saya ainyobe paxeinan duweiyobe, jei.

<sup>18</sup> Jesús jume nota:

—Painta xawena baxua, jei. <sup>19</sup> Bapoxonae Jesús najume caitoroba xua bepa daxita barapo jiwi iratha taenaetsei. Bapoxonae Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Axa, juntu coyene weininan xua pexaewa pata tanecatxiwaxaem”, jei. Poxonae Jesús najume weta xua Paxatha tsipaeba, bapoxonae pan epa janaca, yawano duwei epa janaqueba. Bapoxonae Jesús pijimonae caitoroba pexaewa xua pijimonae tatsi xuya

pecacataponaenexa barapo jiwi. <sup>20</sup> Daxita barapo jiwi nabane beya barapo jiwi jain cowantarcupatsi. Bapoxonae Jesús pijimonae tatsi doce po cote matabuxuyobe wamba xua bayatha nacopaba pocotsiwa xua bayatha barapo jiwi jopa xaeyo petonsanaexae. <sup>21</sup> Pomonae xua pexaewa nabane barapomonae cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

*Meje yabara poxonae Jesús mene matatsun jumatha pona (Mr 6.45-52; Jn 6.16-21)*

<sup>22</sup> Nexata bapoxonae Jesús jera beitorobiya pijimonae, xua pijimonae copiya petsiwana warapaenexa tsainchi icha muxunene beya xua pucua iya. Poxonae barapomonae ponarcupaba bapoxonae Jesús barapo jiwi pu itoroba xua penawibiyaenexa pia tomaran beya. <sup>23</sup> Bapoxonae Jesús demxuwaba beicha pona xua baxota compa petsipaebinexa Nacomtha. Poxonae quirei tsuxubi Jesús demxuwatha compa eca. <sup>24</sup> Poxonae Jesús Paxa tsipaebauya, bapoxonae caena iruru Jesús pijimonae tatsi cataunxuae tuwatha yana pona. Jera maratsaca caewa carena tsabi tsipei joibo dawerena daunwei. <sup>25</sup> Mataquei wnaeyo Jesús mene matatsun jumatha pona, pijimonae itiya pona. <sup>26</sup> Poxonae Jesús pijimonae taercupatsi, barapomonae nanthuthu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonae.

<sup>27</sup> Jesús pijimonaetha caena nainya tsipaeba, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

<sup>28</sup> Bapoxonae nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun jumatayaenexa nexainya beya, jei Pedro.

<sup>29</sup> Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi. <sup>30</sup> Daichitha poxonae Pedro yabara nanta xeinanareca pin joibo, bapoxonae bichocono junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

<sup>31</sup> Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowantame xua bara tana neitacupaewa xua tacayawenaewa tsainchi! ¿Eta xua metha ainya juntu coyeneintha nanta xeiname? jei Jesús.

<sup>32</sup> Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana. <sup>33</sup> Daxita pomonae jeratha ena, barapomonae Jesús wanae jaintatsi. Barapomonae Jesús baraichi, jeye:

—Bara yatsicaya apara xam Nacom Pexantom tatsim, jei barapomonae.

*Meje yabara poxonae Jesús axaibi exana pomonae peatenewi, pomonae Genesaret nacuapiwi*  
(Mr 6.53-56)

<sup>34</sup> Bapoxonae Jesús iru pijimonae tatsi jeratha yana enapona beya poxonae Genesaret nacua beya pata. <sup>35</sup> Pomonae baxota jinompa, barapomonae Jesús caena yaitainchi. Daxota barapomonae najume caitoroba ichamonaetha daxita barapo Genesaret nacuapiwitha beya, xua Jesús pepatopaexae. Bapoxonae daxita jiwi carendena peatenewi ichaxota Jesús pucua itapatha uncua. <sup>36</sup> Barapomonae pomonae peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonae daxita barapomonae axaibi tsane. Pomonae Jesús pia paparuwa tajayabatsi daxita barapomonae equeicha axaibi exanatsi pocotsiwa bayatha atene.

## 15

*Meje yabara poxonae Jesús yabara paeba xua pebin abe pia peexanae cuiru coyene juntu coyene webocatsi*  
(Mr 7.1-23)

<sup>1</sup> Fariseomonae iru pomonae jiwi pecuidubiwi Moisés pia peitorobi coyene tatsi, barapomonae jiwana Jerusalén tomara werendena. Barapomonae Jesús imoxoyo caquita umenarucupiya yainyabatsi, jeye:

<sup>2</sup> —¿Eta xua metha jinyamonae jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonae pomonae jinyamonae barapo cui jopa exanaeyo. Barapomonae jopa matha tsiwanaya nacobe quiateibiyo poxonae beya xaiba xua jopa penataxobinexa tsane pia juntu coyenewantha, jei daxita fariseomonae, iruru pomonae jiwi pecuidubiwi Moisés pia peitorobi coyene tatsi.

<sup>3</sup> Nexata Jesús xuya yainyaba, jeye:

—Iruu paxamdu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia



peitorobi cui coyenewantha tatsi itoroba? <sup>4</sup>Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: 'Axatha baru cui itura jinare, iruru enatha baru cui itura jinare', jei Nacom. Yawa equeicha Nacom jeye: 'Pon paxa abe yabara paeba matautano xua pena abe yabara paeba, bapon bewa tupaena', jei Nacom Pejume Diwesitha. <sup>5-6</sup>Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: 'Jopa neitacupaeyo xua tapaca cayawenae-watsi bara bequein paacopeibim, tsipei daxita pocotsiwa xeinan baxua yabara tsiwanae paeban xua Nacomtha bexa catsin', xua pejeiwa. Matautano ba pajam: 'Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha', ba pajam. Poxonae baxua pacaunutsiya paebame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene. <sup>7</sup>Itara mexeya pomonae xanepanaeya pepaebi jiwi pam, daichitha apara peajantucoyenebe jiwi pam! Bara apara Isaías caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonae tina pejume diwesitha:

<sup>8</sup>'Barapomonae itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonae pia juntu coyenewatha jopa xaniwaicha neyabara baru cui itura jinae tsane.

<sup>9</sup>Bequein barapomonae newanae jainteibina poxonae nacaetuteibina, daichitha baxua jopa yawenae tsaiibi tsainchi tsipei barapomonae peajantucoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane', jei Isaías xua paca yabara paeba, jei Jesús.

<sup>10</sup>Nexata bapoxonae Jesús waba daxita jiwi xua imoxoyo peumendenaenexa. Yawa namchi barapo jiwitha, jeye:

—Pana nejume naitaeware, painya neyaputaenexa pocotsiwa paca tsipaebatsi. <sup>11</sup>Pocotsiwa ba pebin pecoiboto deca tsijain jojonecatsi pexaewan, bequein jopa tsiwanaeya

matha nacobe quiatsiyo poxonae xaiba, barapo coyene apara ba jopa bapana pebin jũntũ coyene taxobichi xua poxonae pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin jũntũ coyene taxobatsi xua poxonae pecueicueijeixae baxua, jei Jesús.

<sup>12</sup> Nexata Jesús imoxoyo caquita umenarũcupatsi pijimonae. Jesús pijimonae yainyabatsi, jeichichi:

—¿Bara yaputaneme xua fariseomonaе cayabara muxu coniquiya anaepana, xua nepaebixae baxuan? jei.

<sup>13</sup> Jesús jume nota pijimonae, jeye:

—Taxa pon peitabocotha peecaexae xubina pon jopa pejume cowantsinchi. Taxa barapocotsi jũta coyeneya cana ichi tsane jiwitha icha pebin ichi xua poxonae pabitha pona, mataũta poxonae naeyo tabũ opina jonta daxita, pexubinexa. <sup>14</sup> Bara barabũ neyabara muxuconacaena, fariseomonaе. Jopa payabara jume naitaewatsinde pocotsiwa barapomonaе paeba. Tsipei barapomonaе jopa xanepanaya peyawenae jiwi ichamonaetha. Barapomonaе barapocotsi jũta coyeneya exana, icha be pon peitata nacũtsin ichi, xua poxonae matacapona ichũn xua pon peitata nacũtsin matacapoinchi. Barapoxonaе barapo cae peitata nacũtsinbe napuna joparecabe mũthũtha deca, jei Jesús.

<sup>15</sup> Nexata Pedro Jesús baraichi, jeye:

—Yabara pana yaputane exande po pecayabara jũta pepaebi diwesiyo xua pexaewa yabara, jei Pedro.

<sup>16</sup> Jesús biataeya jume nota pijimonae, jeye:

—¿Paxam bara paichimdũ icha jiwi ichi? ¿Cataunxuae jopa painya yaputae jiwi pamdũ? <sup>17</sup> Bayatha paxam payaputaneme pocotsiwa pebin tsijain jojonecatsi pexaewa pecoiboto deca baraxua jopa jũntũ coyene taxobichi, tsipei barapo pexaewa jopa ponaeyo pia jũntũ coyenewatha. Jame barapo pexaewa pecotsorotha pona, barapoxonaе nawexacaeca. <sup>18</sup> Ichitha pocotsiwa pecoiboto tsina caunuta peabe jume, baxua apara seicaya pejũntũ coyene wetsina jume pichapa. Tsipei baxua penanta xeinae coyenewa, daxota pebin abeya paeba. Daxota Nacom tsitatsi xua bapon peajũntũcuicoyenebein Nacomtha. <sup>19</sup> Tsipei pejũntũ coyene wetsina jume pichapa pocotsiwa abeya penanta xeinae coyenewan, pocotsiwe meje: Ichũn anaya pebexotsi coyenewa, irũ ichũn piseuri tatsi pepichi coyene, irũ peita coxanae coyenewatsi coyene xua poxonae penayaputae jiwi naperũ nacoyoba, irũ ichũn piawa tatsi pecaibi coyene, irũ ichũn yabara penaerabiwatsi coyene, irũ ichũn yabara peabiwatsi coyene. <sup>20</sup> Nacom tsitatsi xua daxita barapocotsi

coyenein pebin ajuntꞫcoyenebe exanatsi xua juntꞫ coyene taxobatsi xua daxota jopa itacꞫpaetsi xua beta exana. Ichitha pocotsiwa pebin nabane matautano xua poxonae bequein tsiwanaya matha jopa nacobe quiatsiyo, barapocotsi coyenein pebin jopa juntꞫ coyene taxobichi Nacom peitꞫtha tatsi, jei Jesús.

*Meje yabara poxonae yabꞫyo powayo penanapaincha poponaewayo Jesús jume cowꞫntatsi*  
(Mr 7.24-30)

<sup>21</sup> Nexata bapoxonae Jesús barapo ira weya warapa Gensaret nacua weya. Matautano pona icha nacua beya po nacuatha ichaxota Tiro tomara eca yawa Sidón tomara ecano. <sup>22</sup> YabꞫyo, powayo barapo cananeamonaewayo patopa Jesús pia xantha tatsi. Bapoxonae barapowa wawaya Jesthathajeje:

—¡Tanecanamataxeinaem, David pia pemomoxi susato jiwi jiwanam! Neyabara najuntꞫ cui coyene cananta xeinare, xua tana neyawenaenexam tsane. Taxantiyo inta cauri xeina; inta bichocono atene exanatsi, jei bapowa.

<sup>23</sup> Daichitha Jesús jopa jume notsiyo, saya moya uncuca. Nexata bapoxonae Jesús imoxoyo caquita umenarꞫcꞫpatsi pijimonae. Matautano jume daunweya baraichichi pijimonae, jeje:

—Barapowa itawere, tsipei barapowa waputha jume daunweya wawai, jei.

<sup>24</sup> Nexata Jesús jume nota pijimonae, jeje:

—Nacom meisa saya neitoroba Israel piamonae susato saineiwitha pomonae judiomonae xua tayawenaenexa barapomonae, tsipei barapomonae Nacom tsitatsi xua barapomonae nacabeta icha be ovejan ichi xua poxonae pipato napuxanompa, jei.

<sup>25</sup> Ichitha barapowa pentabocotha uncuca yawa irabe taeuncuareca Jesús peitabaratha tatsi tsipei bapowa barꞫ cui itura jina peauraxae, yaitama tsipei Jesús pon jiwi pepa Pecanamataxeinaein. Bapowa namchi, jeje:

—¡Pon Tanecanamataxeinaem, neyawende! jei.

<sup>26</sup> Jesús jume nota barapowa, jeje:

—Jopa xanepanaeyo icha matha cayawenatsi powayo nenanapaincha poponaewayom poxonae cataunxuae matha jopa yawenaeyo pepa tamonae judiomonae. Icha baxua exanaetsipan, bapoxonae be pitan pexui pia pexaewa taapatsinexa aurimonae, jei.

<sup>27</sup> Barapowa Jesús jume notatsi, jeje:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia

pexaewa tatsi, yaitama auri iru xane pocotsiwa pexui sorobaba barapo pepurawixi pocotsiwa pexaethopaewa pebuxpana tsica. Daxota bara ichiya neichinde: Neyawende, tsipei bara neayapusu itorobi coyenewa nawita xeiname jinya axaibi exanaenexa judiomonae. Po neayapusu itorobi coyenewa judiomonae jopa canantawenonaeyo barapo neayapusu itorobi coyenewatha inta axaibi exande taxantiyo, jei.

<sup>28</sup> Nexata Jesús jume nota, jeye:

—Yabuyo, maisa bichocono neyabara jume cowantame xua bara tana neitacupaewa xua tacayawenaewatsi tsainchi! Bara cata exainchi pocotsiwa aunxuae newacame, jei Jesús.

Poxonae Jesús baxua paeba, bapoxonae nainya barapo yabuyo pexantiyo tatsi taaxaibi tsuxubichi.

*Meje yabara poxonae Jesús axaibi exana pin bicheitomonae peatenewi*

<sup>29</sup> Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa. <sup>30</sup> Ichaxota Jesús eca baxota pin bicheito jiwi ayei pata. Barapo bicheito jiwi carendena pejayujayujeiwi, iru peitata nacutsi jiwino, iru pemuxusipanaewino, matauta pomonae iru peacowaebi jiwi xua pomonae jopa xeinaeyo xua xota nacowaeba. Matautano iru icha bicheitomonae, pomonae peatenewi. Pomonae peatenewi Jesús pexainya tajibarecatsi. Daxita barapomonae Jesús axaibi exana.

<sup>31</sup> Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthuthu cabenaeca. Bapoxonae Jesús xanepanaya peexanaexae, barapomonae Nacom wanae jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús equeicha paeba cana exanaeya exana pomonae pemuxusipanaewi. Matauta tsipei Jesús taduba exana pomonae bayatha jopa xeinaeyo xua xota nacowaeba. Matautano tsipei pomonae pejayujayujei jiwi equeicha beta pona. Matautano tsipei pomonae peitata nacutsi jiwi equeicha beta tane.

*Meje yabara poxonae Jesús pexaewa apata cuatro mil pebiwi*

(Mr 8.1-10)

<sup>32</sup> Nexata Jesús waba pijimonae, jeye:

—Yabara cui cananta xeinan barapo pin bicheitomonae tayawenaenexa, tsipei barapomonae acoibi po matabiyobe jinompa taxantha, maisa ajibi xua barapomonae penabanaewa tsane. Jopa jainbotha bepu itorobinyo pia bon beya

tatsi, tsipei icha barapomonae jainbotha pu itorobichipan, metha piyain namtotha xuirabathopaetsipa, jei Jesús.

<sup>33</sup> Jesús baraichi pijimonae, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijeitinchi pexaewa barapomonae pomonae pinmonaexae? jei.

<sup>34</sup> Jesús yainyaba pijimonae jeye:

—¿Eta po panyobe paxeiname? jei.

Barapomonae Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

<sup>35</sup> Nexata Jesús pijimonae najume caitoroba xua bepa pinae barapo pin bicheito jiwi iratha taenaetsei. <sup>36</sup> Jesús pecobetha pita barapo siete panyobe yawa duweixino. Bapoxonae Jesús Paxatha tsipaeba: “Axa, juntu coyene weiweinan xua pexaewa pata tanecatxiwaxaem”, jei Jesús. Bapoxonae Jesús pijimonae tsicobe epa nantarabiya jajanaquiya catsibapona xua xuya pijimonae tatsi pecatsibaponaenexa barapo jiwitha. <sup>37</sup> Daxita barapomonae nabane, beya barapomonae bichocono jain cowantaracupatsi. Bapoxonae Jesús pijimonae tatsi siete po cotebe wunba pocotsiwa xua barapo jiwi jopa xaeyo petonsanaexae. <sup>38</sup> Pomonae xua nabane pexaewa barapomonae cuatro mil pebiwi. Matautano iru yabuxi nanabane matautano iru pexui nanabane, daichitha daxita jopa ununaeyo. <sup>39</sup> Bapoxonae Jesús pu itoroba xua barapo jiwi penawibiyaenexa pia tomaran beya. Bapoxonae Jesús jeratha nontabiya, peponaenexa Magadán nacua beya.

## 16

*Meje yabara poxonae fariseomonae iru saduceomonae Jesús cui itorobatsi pia pexeinya petsita itatsi coyene xua peitabocotha*

*(Mr 8.11-13; Lc 12.54-56)*

<sup>1</sup> Fariseomonae iru saduceomonae, barapomonae pona Jesús beya xua Jesús pejuntu coyene jujutsinexatsi. Barapomonae Jesús cui itorobatsi pia petsita itatsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonae pepaebinexa tsane xua deta cou Jesús jopa apara Nacom Pexanto tatsi. <sup>2</sup> Daichitha Jesús jume nota barapomonaetha, jeye: “Poxonae tabopiya paxam ba pajam: ‘Baya tsane pexeinya matabi tsane tsipei anoxuae quiripitha itaboco tso-bia’, ba pajam. <sup>3</sup> Ichacuitha tsipae poxonae baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. ¡Itara mexeya pomonae

xanepanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunaeyaputaneme. Matautano pexeinya matacabino ba payabara wunaeyaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itutsi coyenewan. <sup>4</sup> Barapo peajuntacoyenebe jiwi iru pomonae jopa tana nejume cowantsi jiwi, barapomonae necui itoroba tapexeinya tsita itutsi coyenewa pocotsi coyene cana exanan itaboco wetsica daichitha jopa baxua beexanaeinyo pocotsiwa barapomonae necui itoroba. Saya meisa barapo petsita itutsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonae pin duweintha tsijuntutha eca acoibi po matabibibe beya equeicha poxonae yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoibi po merawithabe.

Bapoxonae Jesús ponataba, yawa cuenta pona barapomonae.

*Meje yabara poxonae Jesús pijimonae yabara yaputane exana, pocotsiwa pan cotowa exana*  
(Mr 8.14-21)

<sup>5</sup> Poxonae Jesús pijimonae tatsi icha muxunene beya pona jeratha xua pucua iya, barapomonae jantemaina xua pan capana. <sup>6</sup> Nexata Jesús pewunaeya muxuweta pijimonae xua jopa pejume cowantsinexa tsane fariseomonae iru saduceomonae pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitawatsinde fariseomonae pia pecuidubi coyenewa tatsi xua painya nejume cowantsiyainwa. Matauta dota pam xua saduceomonae pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntacuicoyeneyapube cana exanapoinchi icha be pocotsi coyene ichi xua levadura matawan xua pan cotowa exanapona beya poxonae pin pan, jei Jesús.

<sup>7</sup> Poxonae Jesús yabara paeba pocotsiwa xua pan cotowa exana, bapoxonae Jesús pijimonae tatsi catsawiya nanta xeinaeya natsipaeba caemonae, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonae.

<sup>8</sup> Jesús yaputane pocotsiwa barapomonae natsipaeba, daxota Jesús barai, jeye:

—Pocotsiwa pana natsipaebame xua jopa painya necaponae xae pan, apara poxoru jopa pana nejume cowantsim.

<sup>9</sup> ¡Cataunxuae jopa pana necui yabara yaputaem! Paxam pana necui yabara jantemainame poxonae cinco mil pebiwi apatan pexaewa xua yabara jantemainame poxonae saya cinco po panbe. Matautano pana necui yabara jantemainame poxonae equeicha doce po cotebe pawuwunbaponame pocotsiwa jiwi jopa xaeyo. <sup>10</sup> Matautano paxam pana necui yabara jantemainame xua poxonae cuatro mil pebiwi apatan pexaewa xua poxonae saya siete po panbe. Matautano pana necui yabara jantemainame poxonae equeicha siete po cotebe pawuwunbaponame pocotsiwa jiwi jopa xaeyo. <sup>11</sup> Matautano jopa payaputaem xua poxonae yabara paca tsipaebatsi fariseomonaē pia pecuidubi coyenewa tatsi, iru saduceomonaē pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

<sup>12</sup> Baroxonaē matapainya Jesús jume yaputaerucypatsi pijimonaē, xua apara yabara paeba fariseomonaē pia pecuidubi coyenewan yainwa tatsi, iruru saduceomonaē pia pecuidubi coyenewan yainwa tatsi. Matautano matapainya yaputaerucypa xua apara Jesús jopa yabara paebiyo pocotsiwa pan cotowa exana.

*Meje yabara poxonae Pedro namchi Jesustha jeye: “Xam apara Mesías Nacom caitorobica”, jei (Mr 8.27-30; Lc 9.18-21)*

<sup>13</sup> Baroxonaē pirapae Jesús pona. Poxonaē Jesús patopa Cesarea de Filipo tomara pecuariya xua pepa tomaratha, baroxonaē Jesús yainyaba pijimonaē, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

<sup>14</sup> Jesús jume notatsi pijimonaē, jeye:

—Ichamonaē cayabara jeye: ‘Apara bapon Juan pon jiwi Pebautisabin, pon equeicha petypaein asu juina’, jei. Iru ichamonaē cayabara jeye: ‘Apara bapon Elías pon equeicha petypaein asu juina’, jei. Iruuru ichamonaē cayabara jeye: ‘Apara bapon Jeremías pon equeicha petypaein asu juina’, jei. Iruuru ichamonaē cayabara jeye: ‘Apara bapon jiwana pomonaē Nacom peitorobi jume pepaebiwi’, jei, jei Jesús pijimonaē tatsi.

<sup>15</sup> Nexata Jesús pijimonaē barai, jeye:

—¿Incane iru paxamdu? ¿Eta pana neyabara jumichimdu xua xan eta pondun? jei Jesús.

<sup>16</sup> Simón Pedro Jesús jume notatsi, jeye:

—Xam apara Mesías. Nacom caitorobica, pon asu popona. Xam apara Nacom Pexanto tatsim, jei Simón Pedro.

<sup>17</sup> Jesús barai, Simón Pedro baraichi, jeye:

—Simón, Jonás pexantom, maisa Nacom cajuntũ coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca. <sup>18</sup> Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawũn dutatsi po wũn xua jei: ‘Pedro’, jei, po wũn caunuta xua jei: ‘iboto’, jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jũtiya paebame poxonae jam: ‘Xam apara Mesías. Nacom caitoroba, pon asũ popona. Xam apara Nacom Pexanto tatsim’, jam. Daxita pomonae xua neyabara jume cowũnta barapo pexainyeya jume tana neyabara paebiwathaxaemxae, barapomonae tajiwiwimonae exanaein. Tajiwiwimonae catsin taayapusũ itorobi coyenewa xua barapo tajiwiwimonae jopa peamanayabinexa tsainchi pia peaitafaetabi jiwichi pomonae petũpae cuiru nacua beya ponaena. <sup>19</sup> Xam Pedrom, cacatinchi taayapusũ itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiomonaetha mataũtano caponaename pomonaetha pomonae jopa judiomonae naexanaeyo. Mataũtano xam pon tajitonxaem, pocotsiwa xam jopa copatsim barapo cae pin nacuathe, xua pocotsiwa tamonae exana, baxuan bara irũ Nacom jopa copatsiyo pia peitorobi nacua beicha xua barapomonae bara peexanaenexa baraxua. Pocotsiwa copatame xua tajiwiwimonae peexanaenexa barapo cae pin nacuathe, bapocotsiwa irũ Nacom copata pia peitorobi nacua beicha xua barapomonae bara peexanaenexa baxua, jei Jesús.

<sup>20</sup> Nexata Jesús pijimonae muxu barai xua pijimonae jopa peyabara pepaebinxatsi ichamonaetha baxua xua po coyene bapon apara Mesías.

*Meje yabara poxonae Jesús nayabara diwesi paeba po coyene xua petũpaewa tsane*

*(Mr 8.31-9.1; Lc 9.22-27)*

<sup>21</sup> Bapoxonae barapo matakabi weya Jesús tamropata pitaba xua pijimonaetha tsipaeba pocotsi coyene Jesús cana exanaeinchi ichamonaetha, jeye:

—Bewa ponaein Jerusalén tomara beya ichaxota pitiri jiwi, irũũ sacerdotemonae pia pentacaponaei tatsi, irũũ pomonae jiwi pecuidubiwi Moisés pia peitorobi coyene tatsi, daxita barapomonae bichocono neperaxa jubina. Mataũtano barapomonae nebexubina. Daichitha poxonae acoibi po



matacabiyobe tsuxubi tsane equeicha Nacom tatsupaein asu neexanaena, jei Jesús.

<sup>22</sup> Ichitha bapoxonae Pedro, Jesús baru natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiwi cata exanaena baxua, jei Pedro.

<sup>23</sup> Nexata Pedro peitabara beya tatsi Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Nejuntu coyene jajutame xua jopa xanepanaya taexanaewa tsane neaichaxaibixae xua tatsitupaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiwi, jei Jesús.

<sup>24</sup> Nexata Jesús barai pijimonae, jeye:

—Icha pebin ichichipa xua tajiwimonae jiwapanin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwimonae jitonxae. <sup>25</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuayapuswa, po peajuntuayapuswa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntuayapuswa, po peajuntuayapuswa ataya tsiteca xua Nacom pia nacua beicha. <sup>26</sup> Icha

pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyeneswa po peajuntucoyeneswa ataya tsiteca, bapoxonae bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha matomatsina Nacomtha xua bapon pecatsinexa tsainchi peajuntucoyeneswa xua barapoxonae pepatopaewanexa tsane Nacom pia nacua beicha tatsi.

<sup>27</sup> Tsipei xan ponxaein Nacom Tananeitapetsin bewa yawa muxuna patopeicaein Nacom pia peitupanaewa tatsi. Matauta matatsunpiwi baru patopeicaein. Daxita carepaya jiwitha catsibin pocotsiwa peyabara cui matomatsiwatsi. Pomonae jopa xapain exanaeyo ichamonaetha xuya barapocotsi coyeneya exanaein xua antomabeya catsin. Pomonae xua xanepanaya exana ichamonaetha pocotsiwa cui itoroban xuya barapocotsi coyeneya exanaein matoma xanepanaya catsibin. <sup>28</sup> Bara xaniwaicha paca tsipaebatsi

xua pomonae xote umene barapomonae jiwana abu, copiya matha yabara yaputaena poxonae xan ponxaein Nacom Tananeitapetsin tamropata pitabin xua itorobiya taewatsiwa tsane pomonae tana nejume cowantsiwi, jei Jesús.

## 17

*Meje yabara poxonae Jesús pijimonae peitutha pexeinya itupanae coicha tsanaya naexana*

*(Mr 9.2-13; Lc 9.28-36)*

<sup>1</sup> Poxonae seis po matabibibe jopa, po matabin weya poxonae Jesús paeba baxua, bapoxonae icha matabitha Jesús pona demxuwa beicha. Pedro Jesús baru pona, irano Santiago Jesús baru pona, irano Juan Jesús baru pona, pon Santiago peweicho tatsi. Barapo acoibi poyobe Jesús matabapona demxuwatha, po demxuwatha bichocono tancha ichaxota jiwaibi. <sup>2</sup> Baxoteicha daxita Pedrobaru peitutha tatsi Jesús pexeinya itupanae coicha tsanaya. Bichocono itabara daedaena icha be xometo ichi poxonae pentha. Matautano pocotsiwa penama xatatsiwa bichocono inyapana tsanaya icha pecoicha ichi. <sup>3</sup> Bapoxonae Pedrobaru taerucupa Moisés iru Elías xua baponbe Jesús baru cueicueijeichibe. <sup>4</sup> Bapoxonae Pedro namchi Jesustha, jeye:

—Pata Tanecanamataxeinaem, maisa wnae xua xote pata umenaewa. Icha ichichipame, bapoxonae pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>5</sup> Poxonae cataunxuae Pedro cueicueijeji, xua Jesús baru cueicueijeichi, bapoxonae daxita barapomonae bematawacaicha taruneicatsi tsaquinaebowa po tsaquinaebowa bichocono pentha. Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana. Bapon beta pajume taema pocotsiwa paca tsipaeba”, jei Nacom.

<sup>6</sup> Poxonae Jesús pijimonae tatsi jume taerucupa baxua, bapoxonae barapomonae pia coutha iratha nabebeya, irabe taebobendeca. Barapomonae bichocono pijunuwi. <sup>7</sup> Bapoxonae Jesús pijimonae imoxoyo caquita uncuataba yawa pijimonae waraba, jeye:

—Panonobaponde, painya xoba pajunuwame, jei Jesús.

<sup>8</sup> Poxonae barapomonae necobarucupa beya meisa Jesús compa uncua, ichamonae aichurubena.

<sup>9</sup> Poxonae Jesús pijimonae baru duneica demxuwa wetsica, pijimonae barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita itatatsi, beya abu poxonae xan ponxaein Nacom Tananeitapetsin equeicha asan poponaein tatupae coyene weya, jei Jesús.

<sup>10</sup> Nexata Jesús yainyabatsi pijimonaе, jeye:

—Pomonaе jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonaе tatsi.

<sup>11</sup> Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Matautano bapon cana exana jiwitha xua jiwi cana juntu coyene weta exanaya exanatsi xua tana nejume cowantsiwa tsane xua tapatopaewa tsane. <sup>12</sup> Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonaе bara neichi tsane ponxaein Nacom Tananeitapetsin. Barapomonaе iru nebeubina, jei Jesús.

<sup>13</sup> Jesús pijimonaе tatsi matapainya yaputane xua poxonae Jesús pijimonaе tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonae Jesús cauri taitaweta xua pewowin xeina*

*(Mr 9.14-29; Lc 9.37-43)*

<sup>14</sup> Poxonae demxuwa weya pona, bapoxonae Jesús pijimonaе baru patopa ichaxota pin bicheito jiwi jinompa. Bapoxonae pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

<sup>15</sup> —Tanecanamataxeinaem, inta taxanto yabara najuntu coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsaibichino. Matautano mentha inta bebai tsaibichino. <sup>16</sup> Bequein barapo taxanto xote caponanje jinyamonaetha yawa janje: ‘Painta taxanto taitawere cauri’, jan, daichitha jopa itacupaetsi xua taxanto petaitawetsinexatsi cauri, jei bapon.

<sup>17</sup> Jesús namchi daxita barapomonaetha, jeye:

—¡Paxam barapomonaе pam pomonaе jopa xapain cataunxuae pana nejume cowantsim! ¡Paxam barapomonaе pam, peajuntucoyenebe jiwi pam! ¿Eta po weibe nantawenonan

xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano zeta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

<sup>18</sup> Bapoxonae Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

<sup>19</sup> Bapoxonae pirapaeyo Jesús compa tsipaebatsi pijimonae. Jesús jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonae tatsi.

<sup>20</sup> Jesús jume barai pijimonae jeye:

—Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo jata ichi xua tsica xutiyo, ichitha bara paca itacupa xua urutotha painya nejeiwa: 'Uruto bara jincoutha natabu jonde, icha ira beya naxore', xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiname tapana nejume cowantsiwam xua peya jume cowantsiwiyo. <sup>21</sup> Barapo cauri saya paca itacupa xua painya neitawetsiwa poxonae matha payabara nainbotame matautano poxonae matha Nacomtha matowa pawhcame, jei Jesús.

*Meje yabara poxonae equeicha Jesús nayabara paeba xua poxonae tupaena*

(Mr 9.30-32; Lc 9.43-45)

<sup>22</sup> Poxonae cataunxae Jesús pijimonae baru popona Galilea nacuatha, pijimonae tsipaeba, jeye:

—Xan ponxaein Nacom Tananeitapetsin, jiwi necaenaetsina ichamonaetha. <sup>23</sup> Bapoxonae bequein nebexubina, ichitha poxonae acoibi po matakabiyobe yapucaewina Nacom equeicha tatupaen asu neexanaena, jei Jesús.

Bichocono Jesús pijimonae tatsi anthuthutane, xua poxonae Jesús pejume taexaetsi poxonae baxua paeba.

*Meje yabara poxonae Jesús cata paratiyo xua Nacom pin pia bo nexa*

<sup>24</sup> Jesús baru patopa pijimonae Capernaum tomaratha. Bapoxonae pomonae paratixi penoteibiwi po paratixi judiomonae bewa catsibeibina xua Nacom pin pia bo nexa, barapomonae Pedro pexainya beya taponatsi. Barapomonae Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

<sup>25</sup> Pedro jume nota, jeye:

—Aa, bepa paca catsei, jei Pedro.

Poxonae Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wꞛcatsi paratixi, po paratixi xua jiwi bewa catsibeibina pomonaetha pomonae jiwi itorobiya pia pepa peewatsiwichi poxonae pomonae jiwi itorobiya pia pepa peewatsiwichi wꞛca? ¿Metha bara piamonae matabꞛꞛꞛ wꞛca? Ichacuitha, ¿metha bara ichamonae wꞛcatsi pomonae penanapaincha jinompaewi xua icha nacua werena peponaewi? ¿Eta pomonae cuita wꞛcatsi? jei Jesús.

<sup>26</sup> Pedro Jesús jume notatsi, jeye:

—¡Apara jame wꞛcaetsipa ichamonaetha! jei Pedro.

Equeicha Jesús jume nota, jeye:

—Nexata barapomonae jopa wꞛcaeyo piamonae matabꞛꞛꞛyo. <sup>27</sup> Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonae jopa wanaca casebinexa, matha mene beya ponde. Curupobo xoyama mentha bapoxonae po duwein copiya wana pichina curupobo, pire barapo duwein. Bapoxonae barapo duwein coiboto tsina paratiyo taename po paratiyo xua naca yajꞛpabe xua wamatomatsiwabe tsane Nacom pin pia bo nexa. Bapoxonae barapo paratiyo caponde pomonae paratixi penotebiwi beya bara careno, jei Jesús.

## 18

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

*(Mr 9.33-37; Lc 9.46-48)*

<sup>1</sup> Nexata bapoxonae Jesús imoxoyo caquita ume-narꞛꞛꞛpatsi pijimonae, yawa pijimonae yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonae Nacom wabina jiwi xua petanaexanaenexatsi pijimonae pomonae itorobiya pecanamataxeinaexae? jei Jesús pijimonae tatsi.

<sup>2</sup> Nexata Jesús waba pexuyo, yawa pijimonae tatsi peitabarayo deca tatsi tacuaranoreca. <sup>3</sup> Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha jꞛntꞛ coyenewa xua jopa pananta xeinaem peainya cui coyenewa yabara. Barapocotsi jꞛntꞛ coyenewa pexui ba xeina

xua jopa taayapubetsi poxonae nejume cowanta. Bewa pananta xeinaem icha pexui ichi poxonae nanta xeina, icha paichichipame xua Nacom painya nepaca wabiwa xua pijimonaе tatsi painya nepaca exanaewa pomonaе pamxaem Nacom itorobiya paca ewata. <sup>4</sup> Po jiton pon najuntа coyene acaura, xua daxota bichocono Nacom canantawenonatsi xua pejume cowantsiwatsi, bapon jame ainya cui xua pecana exanaewatsi Nacom pijimonaе tatsi jiwanapin pomonaе pejume cowantsiwichi pomonaе Nacom itorobiya peewatsixae. <sup>5</sup> Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae, xua pon bara Nacom, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*  
(Mr 9.42-48; Lc 17.1-2)

<sup>6</sup> “Nacom tsitatsi xua pebin bichocono abe exana poxonae ichan cana exanatsi xua abe peexanae cuiru coyene exana, po barapo ichan pon cataunxuae aena tana nejume cowantsixae. Metha jame wnae tsipae xua barapo pebin pon abeya cana exanaeya taexana ichantha, barapon pin iboto wisi cutsipatsi yawa xua tuwatha xua pin mar mentha barapo iboto cayawa cabutabachipatsino. Tsipei jopa wnae tsipae xua bapon cana exana xua ichamonaе abe peexanae cuiru coyene exana pomonaе cataunxuae aena nejume cowanta. <sup>7</sup> Maisa bichocono jopa xanepanaeyo barapo cae pin nacuathe nexa pomonaе abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonaе cana exana xua barapo jiwi pecana exanaexaetsi xua ichamonaе cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon abe taexana xua ichan abe exanaeya taexanaetsi.

<sup>8</sup> “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa taju beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacia beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuatha isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa taju

beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuatha isoto jopa itacounayiyo. <sup>9</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane painya ne-taexae painya itamaiqueitha, maisa pana naitamaiquei jucua. Yawa taju beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

*Meje yabara poxonae Jesús tsipaeba pijimona pecayabara juta pepaebi diwesiyo xua oveja yabara pon penapuxanaein (Lc 15.3-7)*

<sup>10</sup> Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonae aena pejume cowantsiwi Nacom jopa pacayabara jande: ‘Maisa barapomona jopa peainya cuimonaeyo’, jopa pajande. Paca tsipaebatsi pomona Nacom pejume cowantsiwi barapomona nantauta pia matatsunpiwi po matatsunpiwi barapomona yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuatheicha, xua barapo pejume cowantsiwi peyawenaenexa tsaibi tsainchi. <sup>11</sup> Tsipei xan, ponxaein Nacom Tananeitapetsin patopeican tayawenaenexa pomona jopa pejume cowantsiwi xua barapomona napaeba tacana exanaewa tsane.

<sup>12</sup> “Pana nejume naitaeware po pecayabara juta pepaebi diwesiyo xua paca tsipaebinchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewenaweneinexa oveja, pon catsawa jopa, beya matapainya taeba. <sup>13</sup> Xaniwaicha paca tsipaebatsi poxonae jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonae weiweina poxonae saya noventa y nueve poyobe po ovejamona jopa catsawa othopaeyo. <sup>14</sup> Barichi barapocotsi juta coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimona xua pejume cowantsiwatsi

matautano xua bara caeinno iru, pomonae aena pejume cowantsiwixaetsi”, jei Jesús.

*Meje yabara poxonae Jesús yabara paeba xua jiton eta bichi tsane poxonae cayabara jntemainaena pontha pon abe petaxanaetsi*

(Lc 17.3)

<sup>15</sup> Equeicha Jesús barai pijimona, jeye: “Icha ichun pon iru pejume cowantsindu, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonae paca itacoxonaena. <sup>16</sup> Ichacuiha icha ichun pon pejume cowantsindu, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinexa bapon xua abe peexanaexae. <sup>17</sup> Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonae Nacom pejume cowantsiwichi, xua barapomona bapon peyabara paebinexatsi. Icha bapon awiya cataunxuae jopa came jume cowantsiya jejeyo barapomonaetha barapoxonae barapomona bewa yabara nanta xeinae xua bapon bara be pocotsi jiton pon jopa bapana pejume cowantsin Nacom. Ichacuiha bewa yabara nanta xeinae xua bapon bara be pocotsi jiton jiwana, pomonae peajntucoyenebewi, pomonae paratixi pentoma noteibiwi, po paratixi jiwi bewa catsibeibina pon romanomona itorobiya pia pepa peewatsinchi nexa.

<sup>18</sup> “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonae tana nejume cowantsiwi, bapocotsiwa bara iru Nacom jopa copatsiyo pia peitorobi nacua beicha xua barapomona peexanaewa tsane baxua. Pocotsiwa pacopatame xua tajiwimona peexanaenexa barapo cae pin nacuathe bapocotsiwa iru Nacom copata pia peitorobi nacua beicha xua barapomona bara peexanaewa tsane baxua.

<sup>19</sup> “Matautano paca tsipaebatsi icha paxam jiwana nacueyatabe barapo cae pin nacuathe icha baponbe peburuya juraya yabara nanta xeinabe xua Nacomtha pewucaewabe, baponbe bara baxua taexanaeinhibe pocotsiwa pewucaexaebe xua Taxa Nacom bara taexanaena pon peitabocotha eca. <sup>20</sup> Tsipei ichaxota ba nayantabe xua nacueyatabe poyobe, xua poxonae pewucaenexabe Nacom xua ichacuiha ichaxota acoibi poyobe, xua pomonae taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.



<sup>21</sup> Nexata Pedro Jesús yainyabatsi, jeye:

—Tanecanamataxeinaem, icha inta abe exana pon iruru jume cowanta, ¿eta po cuiyobe tsipaebocuaein xua bewa tacui yabara jantemainaewa tsane pocotsiwa inta abe exana? ¿Metha saya beya poxonae siete po jume cuiyobe tsipae? jei Pedro.

<sup>22</sup> Jesús jume nota, jeye:

—Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara jantemainaewa tsane pocotsiwa cata abe exana. Seicaya apara jame catsipae-batsi, xua jopa cuinaya najume baraxubim tsane xua jinya necui yabara jantemainaewa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

*Meje yabara poxonae Jesús cuiduba pecayabara juta pepaebi diwesiyo xua pon jopa yabara jantemainaeyo ichantha*

<sup>23</sup> Equeicha Jesús pijimonaе barai pecayabara juta pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonaе bichocono yabara jantemaina po abe peexanae coyenein pijimonaе tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon wuca xua caewa equeicha pematomatsinexatsi xua po matoman caena bayatha penacowaebixaetsi. <sup>24</sup> Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaеbe. <sup>25</sup> Barapon pon copiya pon petanacuichinxae pon jiwi itorobiya pia pepa peewatsinchi nexa jopa xeinaeyo paratiximonaе xua pon jiwi itorobiya pia pepa peewatsinchi caewa petacanawichinexa tsainchi. Daxota pon jiwi itorobiya pia pepa peewatsinchi itoroba ichantha xua barapo petanacuichinchi caenaetaxubinchi ichantha xua ichan pecomotsinexa tsane xua pon pebusi cui taetaeinchi pecanaexanaenexa tsainchi. Barapon pon jiwi itorobiya pia pepa peewatsinchi matauta cui itoroba xua yabuyo pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi. <sup>26</sup> Nexata pon petanacuichin pentabocototha uncuа pon jiwi itorobiya pia pepa

peewatsinchi itabaratha tatsi matautano jume daunweya namchiya jeye: 'Tanentacaponae, ab<sub>u</sub> necayabara najunt<sub>u</sub> coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi', jei pon petanacuichin. <sup>27</sup> Pon jiwi itorobiya pia pepa peewatsinchi bara yabara najunt<sub>u</sub> coyene xeina peyawenaenexa, yawa yabara j<sub>u</sub>ntemaina barapo paratiximona, matautano bara saya pu copata.

<sup>28</sup> "Daichitha bapon pon petanacuichinxae poxonae pontaba pon jiwi itorobiya pia pepa peewatsinchi weya, jemeicha caxina pia jiton pon penabar<sub>u</sub> nacuichinxaebe. Pon caxinatsi bapon matoma amanayaba saya cien po paratiximonaebe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotath<sub>u</sub> waetaba, muxu penaichatabi. Pon pecoibotath<sub>u</sub> waetabixae bapon jei: '¡Equeicha inta caewa canawire xua bayatha nentoma amanayabame!' jei. <sup>29</sup> Bapoxonae pon coibotath<sub>u</sub> waetabatsi pentabocototha uncuia pia jiton itabaratha tatsi, matautano jeye: 'Ab<sub>u</sub>, neyabara najunt<sub>u</sub> coyene xeinare, xua jopa bepijawa neaitaconaenexa. Barapara bexa pentoma cacatsinchi', jei pon coibotath<sub>u</sub> waetabatsi. <sup>30</sup> Ichitha pon jiwi itorobiya pia pepa peewatsinchi weya pona bapon aichaxaibi xua ab<sub>u</sub> came pentoma ewatsiwa. Daxota bapon pia jiton capona jiwi pec<sub>u</sub>bi bo beya, beya ab<sub>u</sub> poxonae matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi. <sup>31</sup> Poxonae ichamonae pomonae ir<sub>u</sub>u petanacuichiwi baxua cui tane, barapomonae unth<sub>u</sub>th<sub>u</sub> wecoyei, tsipei ich<sub>u</sub>n pon ir<sub>u</sub> petanacuichin jiwi pec<sub>u</sub>bi botha etatsi. Bapoxonae barapomonae pon jiwi itorobiya pia pepa peewatsinchi beya pona. Barapomonae tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ich<sub>u</sub>ntha pon ir<sub>u</sub>u petanacuichin. <sup>32</sup> Bapoxonae pon jiwi itorobiya pia pepa peewatsinchi itoroba pijimonae xua petawabinexa tsainchi pon petanacuichinxaetsi pontha xua pon peyabara j<sub>u</sub>ntemainaexae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: '¡Maisa pon inta nacuitame maisa bichocono abem! Xan cayabara j<sub>u</sub>ntemainsi daxita barapo ainya paratiximona tsipei tanebar<sub>u</sub> jumichimxae. <sup>33</sup> Xam bewa bayatha barichim. Bewa yabara najunt<sub>u</sub> coyene xeinaem jinya jiton xua ne j<sub>u</sub>ntemainaenexa pocotsiwa bapon cantoma amanayaba, icha xan ichin xua bayatha cayabara najunt<sub>u</sub>

coyene xeinatsi tacayawenaenexa tsainchi', jei. <sup>34</sup> Pon jiwi itorobiya pia pepa peewatsinchi bichocono anaepana. Daxota bapon cui itoroba ichamonae, xua barapon pon petanacuichinxatsi caponaeinchi jiwi pecubi bo beya. Baraxota peraxa exanaeinchi xua beya ab̄a poxonae barapon pon petanacuichinxatsi matoma catsinchi daxita po pentoma bayatha jopa caewa petacanawichixaetsi", jei Jesús.

<sup>35</sup> Equeicha Jesús jeye:

—Bara j̄ata coyeneya ichi tsane icha be pon jiwi itorobiya pia pepa peewatsinchi ichi. Poxonae bapon peraxa exana barapo pia petanacuichinxatsi xua bapon pia j̄iton jopa pecui yabara j̄antemainaexae, Nacom pon itaboco peecaein barichi tsane pijiwitha. Nacom exanaena baxua poxonae barapomonae jopa xapain yabara j̄antemainaeyo pomonaetha pomonae abe petaexanaexatsi, jei Jesús.

## 19

*Meje yabara poxonae Jesús cuiduba xua jiwi piseurixi pepunapenteibiyainwa.*

*(Mr 10.1-12; Lc 16.18)*

<sup>1</sup> Poxonae Jesús najume weta xua tsipaeba pijimonae, bapoxonae Galilea nacua weya warapa. Bapoxonae Jordán mene deca bara bereca pona, equeicha dabeya barapo Jordán mene, mene epa uncatabiya xua patopa Judea nacuatha, po nacua eca ichaxota pocotsiwa xometo bejopiya xua po nacua Jordán mene weya eca. <sup>2</sup> Pin bicheitomonaepuna poinchi. Baxotiya Judea nacuatha Jesús axaibi exana peatenewi.

<sup>3</sup> Bapoxonae fariseomonaepiraichi Jesús imoxoyo caquita umenarucupatsi xua Jesús pejunta coyene j̄aj̄utsinexatsi daxota jeye Jestutha:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonaep.

<sup>4</sup> Jesús fariseomonaepjume notatsi, jeye:

—¿Jopa payorobim Nacom Pejume Diwesi? Barapo diwesitha jeye: 'Poxonae aena Nacom forota, Nacom forota pebin yawa forota petsiriwa', jei barapo Nacom Pejume Diwesitha.

<sup>5</sup> Matauta jeyeno Nacom Pejume Diwesitha: 'Daxota baxuaxae pebin paxa wepu natsata yawa pena wepu natsata xua piowabe imoxoyo penaper̄a nacoyobinexabe. Baraponbe be cae jiwimonae naexanabe', jei Nacom Pejume Diwesitha.

<sup>6</sup> Bapoxonae baponbe xua ainya jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

<sup>7</sup> Nexata fariseomonaē Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonaē.

<sup>8</sup> Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi jiwixae Nacom. Aparā caena bayatha Nacom jopa baxua copatsiyo poxonaē aena foforatapona jiwi. <sup>9</sup> Nama paca tsipaebatsi pon piowa punaxuba xua poxonaē yabayo bequein jopa nasi cui exanaeyo ichantha, icha bapon ichowa pita, bapon abe exana Nacom peitatha tatsi tsipei Nacom tsitatsi xua powa copiya barā popona apara bara piowa tatsi, jei Jesús.

<sup>10</sup> Nexata Jesús tsipaebatsi pijimonaē, jeye:

—Icha Nacom jopa copatsiyo xua pebin piowa punaxubina poxonaē barapowa saya ɱ exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonaē.

<sup>11</sup> Jesús barai pijimonaē, jeye:

—Daxita jiwi ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonaē Nacom yabara yaputane exana barapo coyene, barapomonaē itacupatsi xua pecana exanaewa barapo coyenetha xua jopa jitha peenaewa.

<sup>12</sup> Barichi acoibi po cui coyenewabe xua pebiwi jopa penotsiwa pecotsiwaxi jiwi. Ichamonaē aichaxaibi xua jitha peenaewa tsipei barapocotsi jiwimonaē bara yacuiya naexana xua jopa penotsiwa yabuxitha. Ichamonaē jopa itacupaetsi xua pecotsiwaxi penotsiwa tsipei bayatha tobū jucuatsi, xua ichamonaē tobū jucua. Daxota jopa itacupaetsi xua pexui pecanaexanaewa. Ichamonaē aichaxaibi xua pecotsiwaxi nota, peichichipaexae xua saya ɱ peexanaewa pocotsiwa Nacom itoroba. Pon itacupatsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanaē tsane xua pepichiwa tsane pecotsiwa, jei Jesús.

*Meje yabara poxonaē Jesús jeye pexuitha: “Barabū Nacom beta paca yawenaena”, jei*

*(Mr 10.13-16; Lc 18.15-17)*

<sup>13</sup> Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewɱcaenexa barapo pexui nexa xua pejeinexa: “Barabū Nacom beta paca yawenaena”, pejeinexa. Ichitha Jesús pijimonaē tatsi poxonaē baxua tane, tamropata notarɱcɱpa xua barapomonaē

cui matawentatsi pomonae pexui carendena tsaibi. <sup>14</sup> Ichitha Jesús jume barai pijimonaе, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaе nexa pomonaе rejantа coyene xanepanaewi icha pexui ichi. Pexui pia cui xua tayapu xanepanatsi xua pia jantа coyeneintha jume cowanta Nacom, jei Jesús pijimonaetha.

<sup>15</sup> Poxonaе Jesús nacobe weta xua pexui jayabatsi yawa xua Nacomtha tawuca barapo pexui, xua jeye: “Barabu Nacom beta paca yawenaena”, jei. Baroxonaе Jesús wepu pona barapomonaе.

*Meje yabara poxonaе pewowin pon copei pexeinaein Jesús tsipaebatsi*

*(Mr 10.17-31; Lc 18.18-30)*

<sup>16</sup> Pewowin pona xua Jesús petaenexatsi. Barapo pewowin jeye Jestutha:

—Ja Tanecuidubim, maisa nejantа coyene xanepanaem. ¿Eta xua copiya matha exanocuaein xua ajantayarusya tapoponaewa tsane xua ataya tsane? jei.

<sup>17</sup> Jesús jume barai, jeye:

—¿Eta xua nebaram: ‘Nejantа coyene xanepanaem’, jam? Apara ichan dapon aibi pon rejantа coyene xanepanaein. Jame meisa apara bapon Nacom compa rejantа coyene xanepanaein. Icha ichichipame xua ajantayarusya nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

<sup>18</sup> Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—‘Jopa ichan bexubinde. Jopa ichowa pichinde ichan piowa tatsi. Jopa caibinde ichan piawan tatsi. Jopa naerabiya cayabara paebinde pocotsiwa ichamonaе exana. <sup>19</sup> Axatha baru jume cui itura jinare. Antobeinde necatsicuarabu enaewi icha ichim xua jincoutha naantobem’, jei Moises, jei Jesús.

<sup>20</sup> Pewowin Jesús jume baraichi, jeye:

—Daxita caena bayatha barapo coyenein exaneiban. Poxonaе pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

<sup>21</sup> Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata

acoibiyo nexa tsane xua pocotsiwa xanepanaya neexanaewa, matha daxita caenaere pocotsiwa xeiname yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco be-icha pocotsiwa Nacom necajuntana botsiwa pocotsiwa bichocono wuna, jei Jesús.

<sup>22</sup> Poxonae barapo pewowin baxua jume taeba bichocono unthuthu wecoyeya ponataba tsipei bichocono copei pexeinaein.

<sup>23</sup> Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono aya-  
pubecai xua pomonae bichocono copei pexeinaewi naex-  
ana Nacom pijimonaetha tatsi jiwana pomonae Nacom itoro-  
biya peewatsixae. Tsipei barapomonae bichocono antasi-  
wayatane barapo pia copei beyacaincha xua Nacom anto-  
betsi. <sup>24</sup> Equeicha paca tsipaebatsi. Bichocono acuiruyapube  
xua duwein pon pewun camello xua pejoniyaewa acuicheto  
peetabu wan iya. Ichitha nama yatsicaewa pon bichocono  
copei pexeinaein taacuiruyapubetsi xua naexana Nacom  
pijimonaetha tatsi jiwana pomonae Nacom itorobiya peewat-  
sixae beyacaincha xua poxonae acuiruyapube xua poxonae  
camello acuicheto peetabu wan iya pejoniyaewa, jei Jesús.

<sup>25</sup> Poxonae baxua Jesús jume taerucupatsi pijimonaetha, bara-  
pomonaetha yabara najuntu cui coyene cabenaeca, yawa Jesús  
jeichichi:

—Bapoxonae ¿jintam metha nexata itacupatsi xua penaca-  
panepaewa pia coutha? jei barapomonae.

<sup>26</sup> Jesús necotsiya jeye:

—Pebiwi ba jopa itacupaetsi xua baxua exana, saya jame  
meisa Nacom compa itacupatsi xua jiwi napaeba cana ex-  
anatsi. Tsipei daxua ajibi pocotsiwa Nacom taacuiruyapu-  
betsi, jei Jesús.

<sup>27</sup> Nexata Pedro jeye Jesustha:

—Pata Tanecanamataxeinaem, paxan daxita pacuenta po-  
nan pocotsiwa paxeinan pata paca puna ponaewa tsainchi.  
Tsipei baxua bayatha paexanan ¿eta pocotsiwa metha nexata  
pana necatsiname? jei.

<sup>28</sup> Jesús jume nota, jeye:

—Bara xaniyeya paca tsipaebatsi. Po mataqueitha  
tsane Nacom pena ira exanaena, barapo mataqueitha,  
xan ponxaein Nacom Tananeitapetsin ecaein tapexeinya  
itupanae ecaethopaewatha po tapexeinya itupanae  
caecaethopaewa bichocono itupana. Paxam pomonae  
tapana nepuna jinompaewim doce po itupanae  
eneibithopeibiwatha paenaename painya yabara

paebinxam tsane pomonae doce po matabuxayobe israelmonae pia penatsicuentsiwa abe peexanaexae. <sup>29</sup> Daxita pomonae taneantobe jiwixae xua pecueicuejei tsurubenanaebiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, matauta ichacuitha ichamonae peweicho jiwi pecuenta ponaexae, matautano ichacuitha pamcho jiwi pecuenta ponaexae, matautano ichacuitha paxeiwi pecuenta ponaexae, matautano ichacuitha pena jiwi pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntucoyeneyapuswa, po peajuntucoyeneyapuswa ataya tsiteca. <sup>30</sup> Pomonae xua anoxuae pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

## 20

*Meje yabara poxonae Jesús paeba pecayabara juta pepaebi diwesiyo pomonae uva pabitha petanacuichiwi*

<sup>1</sup> Equeicha Jesús tsipaeba pijimonae pecayabara juta pepaebi diwesiyotha, jeye: “Nacom pijimonae matomatsina pia nacuatheicha xua be pematomatsiwa petaexanaexaetsi pia petanacuichiwa tatsi icha pon pabi pexeinaein ichi xua poxonae matoma catsiba pomonaetha pomonae petanacuichixaetsi. Pon pabi pexeinaein caemumbotha pona xua jeita pomonae pia petanacuichinexa tsainchi pia uva bacabo. <sup>2</sup> Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebinchi pocotsi paratiyo xua caentaqueitha nexa’, jei. Bapoxonae bapon pia petanacuichiwichi itoroba pia uva bacabo beya. <sup>3</sup> Bapoxonae equeicha bapon pona poxonae xometo tajubeequeina xua pejeichinexa ichamonae pomonae petanacuichiwichinexa tsainchi pia uva bacabo. Bapoxonae bapon tane ichamonae, pomonae panatha saya jinompa xua jopa nacuitompaeyo. <sup>4</sup> Bapon barai barapomonae jeye: ‘Paxam iruru painta nacuire ta uva pabi. Nexata beta paca matoma catsibinchi, xua pocotsi

paratiyo po horatha panacuitame nexa', jei. Bapoxonae barapomonae pona pabi beya penacuichinexa. <sup>5</sup> Bapon mateinyaxae equeicha pona xua pejeichinexa ichamonae pomonae pia petanacuichiwichi tsainchi. Barichi equeicha poxonae tabopiya pona xua pejeichinexa ichamonae pomonae pia petanacuichiwichi tsainchi. <sup>6</sup> Bapon equeicha pona pana beya poxonae xometo iriya ducuaaicha xua pejeichinexa ichamonae pomonae pia petanacuichiwichi tsainchi. Bapon equeicha tane ichamonae pomonae xua jopa iru nacuitompaeyo. Bapon barai barapomonaetha, jeye: '¿Eta xua metha came saya anoxuae paumename po panathe, xua jopa panacuitompaem?' jei pabi pexeinaein. <sup>7</sup> Barapomonae jume nota, jeye: 'Canta dapon aibi pon pata tana neitorobiwa tsane', jei. Nexata bapon barai barapomonae, jeye: 'Paxam paponare, iruru painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane', jei pon pabi pexeinaein.

<sup>8</sup> "Poxonae quirei tsanaicha pon pabi pexeinaein, bapon itoroba pon pia petayapucaeaeinchi uva pabi, jeye: 'Inta wabare pomonae inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonae opi dubena pomonae inta cotacaya nacuita poxonae xometo iriya ducuaaicha, beya poxonae papataponaena pomonae copiya inta nacuita caemambotha', jei. <sup>9</sup> Nexata copiya pata pomonae cotacaya nacuita poxonae xometo iriya ducuaaicha. Daxita barapoyobe pomonae cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuichiyo. <sup>10</sup> Nexata bara iru bapoxonae pata pomonae tamropata notarucupa xua nacuita poxonae tabopiya, bara barapomonae iru beta matoma catsibatsi pocotsi paratiyo caentaqueitha nexa. Bapoxonae iru pata pomonae tamropata notarucupa xua nacuita poxonae mateinyaxae, bara barapomonae iru beta matoma catsibatsi, pocotsi paratiyo caentaqueitha nexa. Bapoxonae iru pata pomonae tamropata notarucupa xua nacuita poxonae xometo taju beequina, bara barapomonae iru beta matoma catsibatsi, pocotsi paratiyo caentaqueitha nexa. Bapoxonae iru nama pata pomonae tamropata notarucupa xua nacuita caemambotha. Barapomonae najei: 'Metha equeicha mataropeichiya naca catsibina paratixi tsipei nacuitatsi caemambotha', najei barapomonae. Dametha barapomonae saya matoma catsibatsi, pocotsi paratiyo caentaqueitha nexa. <sup>11</sup> Ichitha poxonae barapomonae matoma nota, itaconacaruca pontha pon peitorobixae



barapomonaetha. <sup>12</sup> Barapomonaē anaya jei bapontha: ‘Pomonaē nacuita cotacaya, saya cae horatha nacuita, barapomonaē matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan’, jei barapomonaē. <sup>13</sup> Ichitha pon pabi pexeinaein jume nota caeintha barapomonaē jiwanapintha, jeye: ‘Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi. <sup>14</sup> Bara jinya matoma pire. Bara nawiyama. Xan ichichipan tacoya matoma catsiban pomonaē quiripitha nacuita barapocotsi matoma, pocotsi matoma jupa paca catsibatsi. <sup>15</sup> Apara xan tawaxae itacoxonan xua tantoma exanaewa. Apara pauwame ichamonaē xua jopa taasiwaxae xua tantoma exanaewa ichamonaetha’, jei pon pabi pexeinaein.

<sup>16</sup> “Nacom barapocotsi juta coyeneya cana ichi tsane ji-witha icha pon pabi pexeinaein ichi poxonaē cana exana pomonaetha pomonaē pia petanacuichiwichi. Pomonaē xua anoxuae pepawi naexana, pomonaē jiwi jopa petsita ainya cui jiwichi po cae pin nacuathe, barapomonaē Nacom pia peitorobi nacuatheicha peainya cui jiwi tsane. Pomonaē xua anoxuae pomonaē xua jiwi petsita ainya cui jiwichi po cae pin nacuathe, barapomonaē bexa Nacom pia peitorobi nacuatheicha jopa peainya cui jiwi tsane”, jei Jesús.

*Meje yabara poxonaē Jesús nayabara paeba acoibi po coyenebetha xua poxonaē tupaena*  
(Mr 10.32-34; Lc 18.31-34)

<sup>17</sup> Bapoxonaē pirapae Jesús pona Jerusalén tomara beya. Poxonaē cataunxuae Jesús pijimonaē baru ecapona nam-totha pomonaē doce poyobe tatsi, barapo doce poyobe Jesús meisa waba aisowa beya petsipaebinexa.

<sup>18</sup> Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonaē pia pentacaponawitha tatsi yawa pomonaetha pomonaē jiwi pecuidubiwi Moisés pia peitorobi coyene tatsi. Barapomonaē necaenaetsina ichamonaetha xua ichamonaē tana nebexubiwa tsane. <sup>19</sup> Bapoxonaē daxita barapomonaē necaenaetsina pomonaetha pomonaē penanapaincha jinompaewi xua icha nacua werena peponaewi xua barapomonaē tana necui caponaenexa. Matautano barapo penanapaincha jinompaewi nebena yawano tupaerucua nexanaena naetha. Daichitha poxonaē acoibi po matabibe

yapu jopaena equeicha Nacom asu neexanaena petupaee cuiru coyene weya, jei Jesús.

*Meje yabara poxonae Jesús wuacatsi powa, Santiago pena tatsi xua iru Juan pena tatsi (Mr 10.35-45)*

<sup>20</sup> Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesthath. Barapo petsiriwa pentabocototha uncua Jesús peitabaratha tatsi, xua Jesús pewucaenexa tsainchi. <sup>21</sup> Jesús barai bapowatha, jeye:

—¿Eta pocotsiwa jinya newucaetsi? jei.

Barowa Jesús jume notatsi, jeye:

—Poxonae matakabi patopaena po mataqueitha itorobiya ewatsiname jiwí barapo mataqueitha cawucaetsi xua bara itorobiname barapo taxantobe, xua nantiyabe peecaewa tsanebe xamtha, xua ichun necoxa weya peecaewa tsane, xua ichun netsocona weya peecaewa tsane, jei.

<sup>22</sup> Ichitha Jesús baraipe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonae ichamonae abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonae tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

<sup>23</sup> Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonaenae caena bayatha tsiwunaeta xua peenaewa tsane, jei Jesús.

<sup>24</sup> Jesús pijimonaenae pomonaenae umena, pomonaenae diez poyobe jume tane xua Santiago iru Juan Jesús wuacatsibe. Barapoxonaenae barapo diez poyobe, Santiago iru Juan yabara anaepanacupatsibe. <sup>25</sup> Ichitha Jesús pia xainya berena pijimonaenae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae, xua daxota bichocono jiwi taayapubetsi. <sup>26</sup> Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. <sup>27</sup> Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon bewa copiya matha daxita paxam amanaya pacata nacuichina pia coya peichichipaexae. <sup>28</sup> Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apra jopa baxua tsipatopaeinyo xua ichamonae inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe*

*(Mr 10.46-52; Lc 18.35-43)*

<sup>29</sup> Poxonae Jesús pijimonae baru pontaba Jericó tomara weya, bapoxonae Jesús puna poinchi pin bicheito. <sup>30</sup> Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—¡Pon jiwi Necanamataxeinaem, ponxaem David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>31</sup> Barapo peitata nacutsinbe jume matawentatsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—¡Pon jiwi Necanamataxeinaem, ponxaem David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>32</sup> Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

<sup>33</sup> Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe. <sup>34</sup> Nexata baponbe Jesús yabara najuntũ coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jesustha napuna ponabe.

## 21

*Meje yabara poxonae Jesús Jerusalén tomaratha patopa*  
(Mr 11.1-11; Lc 19.28-40; Jn 12.12-19)

<sup>1</sup> Poxonae bara itiya pona Jerusalén tomara, Jesús bara muxu pebaru patopae pijimonae Betfagé tomaratha. Barapo Betfagé tomara demxuwa itapatororotha eca po demxuwa pewun Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwanaabe. <sup>2</sup> Jesús baraibe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penun quetanotatsi pon pebto. Barapo burra paisanaxorebe yawa payama carenandebe coxiwa yawa penunno. <sup>3</sup> Icha ichun paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwi Pecanamataxeinaein bepa pata yama cayiyaeinjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

<sup>4</sup> Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

<sup>5</sup> “Patsipaebare Sión tomarapiwi. Pajande: ‘Pataename pon itorobiya painya pepa paca Ewatsin.

Pacata juntea patopaena, xua burriyotha equeicaena, penantha xua burra pesowato coxi tatsi’ pajande”, jei pon Nacom pia peitorobi jume pepaebin, bapon Isaías, xua Mesías yabara paebatsi.

<sup>6</sup> Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba.

<sup>7</sup> Baponbe yama carenabe burra pesowato yawa yama

carenabe pen<sub>un</sub>. Baponbe pia paparuwan tsijuma jebicabe po paparuwan matha weruyabe coxiwathano yawa pen<sub>un</sub>thano. Bapoxonae Jesús equeica pen<sub>un</sub>tha. <sup>8</sup> Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jejebabapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jejebabapoinya. Daxita barapomonae barapo coyene exana xua Jesús pebaru cui itura jinaenexa tsainchi. <sup>9</sup> Pomonae, xua Jesús tsiwana enapoinchi ir<sub>ur</sub> pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barab<sub>u</sub> jiwi bar<sub>u</sub> cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon jiwi itorobiya pia pepa peewatsinchi, maisa w<sub>un</sub>ae! ¡Bapon patopa Nacom peitorobixae! ¡Maisa Nacom bichocono w<sub>un</sub>ae jain-tatsi pon athabeicha eca! jei barapomonae.

<sup>10</sup> Poxonae Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomonae nayainyaba, jeye:

—¿Jintam metha bapon jane? najei.

<sup>11</sup> Ichamonae jume nota, jeye:

—Apara bapon Jesús pon Nacom pia peitorobi jume pepae-bin, pon Nazaret tomarapin po tomara eca Galilea nacuatha, jei ichamonae xua ir<sub>u</sub> ichamonae jume notatsi.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi  
(Mr 11.15-19; Lc 19.45-48; Jn 2.13-22)*

<sup>12</sup> Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tab<sub>u</sub> tayebiya bebai iratha pocotsiwa pexaethopaewan, po pexaethopaewantha nantiya nacatsiba paratixi yawa xua tab<sub>u</sub> tayebiya bebai iratha peenaewan po peenaewan ichaxota ena pomonae caenaeta topibo. <sup>13</sup> Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia m<sub>ath</sub>u tutu pacana exaname ichaxota pijunuwi nantsiyabeibathopa tsipei baxota panacaetutame saya <sub>u</sub> xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

<sup>14</sup> Barapo Nacom pin pia botha tatsi, Jesús imoxoyo caquita umenar<sub>u</sub>c<sub>u</sub>ratsi pomonae peitata nac<sub>u</sub>tsiwi. Ir<sub>ur</sub> Jesús

imoxoyo caquita umenarucupatsi pomonae pejayuyajujeiwi. Jesús axaibi exana daxita barapomonae. <sup>15</sup> Sacerdotemonae pia pentacaponae wi tatsi irurur pomonae jiwi pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itatsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabur jiwi barur cui itura jinaena bapon pon David pia pemomoxi susato jiwanapin tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae wi tatsi irurur pomonae jiwi pecuidubiwi Moisés pia peitorobi coyenewa tatsi anaepana poxonae Jesús cui tainchi yawa xua jume tainchino. <sup>16</sup> Daxita barapomonae jopa ichipaeyo xua pexui paeba, daxota anaya Jesús jeichichi:

—¿Bayatha jume taneme xua baxua pexui cayabara wawaya namchi? jei barapomonae.

Jesús jume nota barapomonae, jeye:

—Aa, bara bayatha jume tan xua pexui newunae jainta. Paxam bayatha payorobame Nacom Pejume Diwesi xua pexui bara cui copatatsi xua bara wurunae pejainteibiwa tsane. David pexui yabara jeichichi Nacom Pejume Diwesitha, jeye: ‘Xam Nacom, cana exaname pexui poxi isainatsi, irur poxi jinompena, xua barapoxi pexeinya weixi cayabara caununaya naxuna poxonae cawunae jainchina’, jei David Nacom Pejume Diwesitha, jei Jesús daxita barapomonaetha.

<sup>17</sup> Nexata Jesús daxita barapomonae wepu pona Jerusalén tomara weya. Bapoxonae Betania tomara bewarapiya. Baxota merawi maiteca.

*Meje yabara poxonae Jesús biatane higuera nae xua jopa penacoichixae*

*(Mr 11.12-14, 20-26)*

<sup>18</sup> Poxonae Jesús caemumbotha equeicha caibe iya Jerusalén tomara beya, bichocono jainpa pona. <sup>19</sup> Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapomonaetha Jesús jopa taeyo pethei, saya ur noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yununcua. <sup>20</sup> Poxonae Jesús cui tainchi pijimonae baxua barapomonae

yabara najunt<sub>u</sub> coyene cui cabenaeca bichocono. Yawa Jesús yainyabatsi pijimonaē, jeye:

—¿Eta xua metha higuera nae nainya y<sub>u</sub>nuncua? jeichichi Jesús pijimonaē.

<sup>21</sup> Jesús jume nota pijimonaē, jeye:

—Bara xaniyeya paca tsipaebatsi. Icha xanepanaya payabara jume cow<sub>u</sub>ntame xua Nacom painya nepaca cayawenaewa xuano xua jopa ainya unth<sub>u</sub>ton paxeinaem bara paca itac<sub>u</sub>paena xua painya nepaebiwa icha ichin xua cana exanan higuera nae. Matautano bara paca itac<sub>u</sub>paena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonaē bara baxua jopa bayathiyo tsane. <sup>22</sup> Daxita xua xuan pocotsiwan Nacom beya paw<sub>u</sub>came, icha bara xanepanaya pajume cow<sub>u</sub>ntsiya w<sub>u</sub>came, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina  
(Mr 11.27-33; Lc 20.1-8)*

<sup>23</sup> Nexata bapoxonaē Jesús joniya Nacom pin pia botha tatsi. Poxonaē cataunxuae Jesús baxota cuidubuncua jiwi, bapoxonaē Jesús imoxoyo caquita umenar<sub>u</sub>c<sub>u</sub>patsi sacerdotemonaē pia pentacaponae wi tatsi ir<sub>u</sub> judiomonaē pia pitiri jiwi tatsi. Daxita barapomonaē Jesús yainyabatsi, jeye:

—¿Eta po peayapus<sub>u</sub> itorobi coyenewatha cuidubame baxuan? ¿Jintam cacata barapo peayapus<sub>u</sub> itorobi coyenewa?

<sup>24</sup> Jesús jume nota barapomonaē, jeye:

—Xan ir<sub>u</sub>u tha barichichi paca yainyabinchi. Icha beta pana nejume notsiname, bapoxonaē xuya yabara paca tsipaebinchi xua po peayapus<sub>u</sub> itorobi coyeneyatha taexanaewa baxuan. <sup>25</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha t<sub>u</sub>pa.

Nexata daxita barapomonaē caemonaē najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cow<sub>u</sub>ntsim Juan?’ metha naca jei tsipae Jesús. <sup>26</sup> Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonaē jiwi naca casebichipa anaya. Tsipei daxita jiwi Juan yabara jume cow<sub>u</sub>ntatsi xua bapon apara pon Nacom pia peitorobi jume tatsi pepaebi jiton”, najei barapomonaē. <sup>27</sup> Nexata barapomonaē Jesús baraichi, jeye:

—Canta jopa payaputaeyino, jei barapomonaē.

Nexata Jesús barai barapomonaē, jeye:

—Nexata barichin tsane, jopa yabara paca tsipaebi tsainchi po peayapusu itorobi coyenyatha xua daxita taexanaewan, jei Jesús.

*Meje yabara poxonaē Jesús cuiduba pecayabara j̄uta pepaebi diwesiyo xua pebin ainya pexantobe tatsi*

<sup>28</sup> Equeicha Jesús namchi Nacom pin pia botha daxita barapomonaetha, xua sacerdotemonaē pia pentacaponawitha tatsi, iru judiomonaē pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei. <sup>29</sup> Bapon jume notatsi pexantobe jeye: ‘Bara, aichaxaibin’, jeichichi bapon pexantobe. Daichitha equeicha bapon pexantobe tatsi nanta xeinataba, bapoxonaē pona xua penacuichinexa uva pabi, paxa tatsi pia pabi tatsi. <sup>30</sup> Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantobetha. Bapon paxa jume nota, jeye: ‘Je, moya daichane, methaunxuae ponaēin’, jei paxatha. Daichitha bapon jopa ponaeyo. <sup>31</sup> Incane yabara paca yainyabinchi xua bapon barapo pexantobe tatsi, zeta po pewowinda pon exana pocotsiwa paxa itorobatsi? jei Jesús.

Barapomonaē Jesús jume notatsi, jeye:

—Pon copiya paxa itorobatsi, jeichichi Jesús barapomonaē.

Nexata Jesús jume barai barapomonaē, jeye:

—Bara xaniyan yabara paca tsipaebatsi, pomonaē paratixi pentoma noteibiwi po paratixi jiwi bewa catsibina pon romanomonaē itorobiya pia pepa peewatsinchi nexa, iruru yabuxi powaxi pesi cui weiweinaewaxi. Bara bequein barapomonaē peantucoyenebewi, daichitha barapomonaē naexanaena Nacom piamonaē tatsi jiwana tatsi, beya poxonaē paxam iru panaexaname Nacom piamonaē tatsi jiwana tatsi. <sup>32</sup> Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexainaenexa tsane po juntu coyene pexanepanaē juntu coyene. Daichitha paxam jopa pajume cowantsim pocotsiwa Juan paeba. Ichitha Juan yabara jume cowantatsi pomonaē paratixi pentoma noteibiwi po paratixi jiwi bewa catsibina pon romanomonaē itorobiya pia pepa peewatsinchichi nexa. Iruru yabuxi powaxi pesi cui weiweinaewaxi Juan yabara jume cowantatsi po coyene Nacom Juan peitorobatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonaē abe



paexaname. Daxota icha juntu coyene jopa paxeinaem xua painya nejume cowantsinexa Nacom, jei Jesús.

*Meje yabara poxonae Jesús paeba pecayabara juta pepaebi diwesiyo pomonae xua abe exana, pomonae petayapucae-naewi uva pabi*

*(Mr 12.1-12; Lc 20.9-19)*

<sup>33</sup> Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara juta pepaebi diwesiyo. Matha iruru pebin pia pabi xeina. Bapon uba po unbo pewun uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonae barapo pabitha. Yawano baxota ibo fetoto exana, xua barapo ibo fetotha pecubinexa uva cuei. Matautano baxota exananota bo po bo taucha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucae-naewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona. <sup>34</sup> Barapo matacabi tsuxubi po matacabitha uva cuei naweta. Bapoxonae barapo mataqueitha pomonae pabi petayapucae-naewi jiwana itapetanota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya, pomonae pabi petayapucae-naewichi. <sup>35</sup> Ichitha barapomonae, pomonae pabi petayapucae-naewichi teica, teiquebatsi pomonae itorobatsi, pomonae pabi pexeinaein itoroba uva pabi petayapucae-naewichi tatsi beya. Barapomonae pomonae petayapucae-naewi pabi, cuainta caeinta pomonae penajume carutsi jiwichi jiwana pintha. Ichun bexotsi. Ichun ibotontha cuinbabatsi. <sup>36</sup> Pon pabi pexeinaein barichi equeicha itoroba ichamonae pomonae pia petanacuichiwichi. Equeicha barichi pomonae pabi petayapucae-naewi bara jutiya cana exana barapomonaetha.

<sup>37</sup> “Bara nama matapainya pexanto itoroba. Bapon najei: ‘Barapomonae metha taxanto inta yabara baru cui itura jinaeinchi, daxota itoroban bapon’, najei bapon. <sup>38</sup> Dapo jumetha pomonae pabi petayapucae-naewi poxonae bapon tainchi barapomonae najei: ‘Apara bapon paxa copiniwa pichina. Daxota bapon bu bexotsi xainya xeinatsi barapo uva pabi’, najei barapomonae. <sup>39</sup> Barapo pexanto tatsi uva pabi juma bemaxu cayiyatsi. Baxotiya bexotsi”, jei Jesús.

<sup>40</sup> Nexata Jesús barai barapo jiwu Nacom pin pia botha, jeye: “Poxonae pabi pexeinaein patopaena, zeta be cana ichi

tsane pomonaetha pomonae barapo uva pabi pia petayapu-caenaewichi?" jei Jesús.

<sup>41</sup> Barapomonaē Jesús jume notatsi, jeye:

—Bapon bewa jutebina barapomonaē, jopa weyatae tsane barapomonaetha xua peantꞩcoyeneyapube jiwixae. Bapoxonaē itorobina ichamonaē xua petayapucaenaenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonaē tsabina pabi pex-einaein nexa yawa irꞩꞩ barapomonaē nexarꞩ, jei barapo jiwitha pomonaē peenaexae Nacom pin pia botha.

<sup>42</sup> Nexata Jesús barai barapomonaē xua nayabara paeba, jeye:

—¡Paxam bara bayatha payorobameba Nacom Pejume Diwesitha! Barapo diwesitha neyabara caunuta poxonaē iboto yabara paeba, xua jeye:

‘Pebiwi pomonaē ibo bon peacabiwi,  
barapo pebiwi xuba po iboto tabꞩ caboca  
po iboto peainya cui iboto.

Ichitha Nacom itapeta barapo iboto xua  
petabꞩ cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana’,  
jeichichi, jei Nacom Pejume Diwesitha  
xua neyabara caunuta.

<sup>43</sup> Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonaē jiwana tatsi pam. Barapo coyenewa xua Nacom piamonaē jiwana tatsi penaexanaē coyenewa Nacom pichina painya xainya weya xua ichamonaetha pecatsinexa pomonaetha pomonaē pet-sita jꞩntꞩ coyene xanepanaewichi. <sup>44</sup> Incane iboto yabara paca tsipaebinchi. Barapo ibototha poxonaē ichauyo jope-ica pepꞩꞩꞩwixi tsanaya. Mataꞩtano poxonaē barapo iboto ichauyo matatsun jopeicatsi pebeno tsanaya. Icha barapo iboto ichi poxonaē cana exana ichauxitha peainya cui ibotoxae, xan barapocotsi jꞩta coyeneya barichin pomonaetha pomonaē jopa tana nejume cowꞩntsiwi. Pia jopa tana neyaputaexae barapomonaē daxota peraxa exanaein, jei Jesús.

<sup>45</sup> Sacerdotemonaē pia pentacaponawewi tatsi irꞩ fariseomonaē, poxonaē jume tane barapo pecayabara jꞩta pepaebi diwesi, xua Jesús paeba, barapomonaē yaputane xua apara bara Jesús yabara paeba barapomonaē.

<sup>46</sup> Bequein barapomonaē Jesús muxu pewaetabichi, ichitha barapomonaē junuwa. Jiwi cunuwatsi, tsipei daxita jiwi

Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

## 22

*Meje yabara poxonae Jesús cuiduba pecayabara j̄ta pepaebi diwesiyo xua pin penabanaewa peexanaewa tsane (Lc 14.15-24)*

<sup>1</sup> Equeicha Jesús tsipaeba jiwitha pecayabara j̄ta pepaebi diwesiyo, jeye:

<sup>2</sup> “Nacom cana exana piamonaetha pomonae j̄ntu coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonae wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae. <sup>3</sup> Barapon pon jiwi itorobiya pia pepa peewatsinchi itoroba pomonae pia petanacuichiwichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane. <sup>4</sup> Bapoxonae barapon pon jiwi itorobiya pia pepa peewatsinchi equeicha itoroba ichamonae pomonae pia petanacuichiwichi, jeye barapomonaetha: ‘Pomonae bayatha tsiwaban pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui w̄naeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponnem bara beya xua painya nenanabanaenexa pexaewa, yaitama tsipei pinae pexanto tatsi pichina pecotsiwa, pajande’, jei barapon pon jiwi itorobiya pia pepa peewatsinchi. <sup>5</sup> Daichitha barapomonae pomonae tsiwabatsi pexaewa, barapomonae jume naitemata, saya meisa u naitomatsiya exana piawan. Barapomonae jiwana pin pia pabitha pona. Iru ichun piawa caenaetauya. <sup>6</sup> Ichamonaeru teica, pomonae pon jiwi itorobiya pia pepa peewatsinchi itoroba, barapomonae teicatsi. Yawano bichocono abe exainchi beya poxonae nama werapa. <sup>7</sup> Nexata bapon pon jiwi itorobiya pia pepa peewatsinchi bichocono caseba pomonae petajutebixaetsi pomonae bapon itoroba. Nexata bapon itoroba pia soldadomonae xua barapomonae xuya pejutebinexa tsainchi matauta xua tomara petatautsinexa tsainchi. <sup>8</sup> Bapon pirapae equeicha barai ichamonaetha pomonae pia petanacuichiwichi jiwitha, jeye: ‘Bayatha bequein daxita wetan xua penabanaewa tsane, daichitha

pomonaē waban jopa xanepanaya nejume jejeyo daxota jopa bewa patsi tsane xua penabanaenexa. <sup>9</sup> Daxota paponde tomara namtontha, po namtontha pin namtontha, baxotiya pomonaē poxonaē pacaxibeibame, barapomonaē painta wabare', jei bapon. <sup>10</sup> Pomonaē petanacuichiwi, barapomonaē pona namton beya. Bapoxonaē barapomonaē, daxita pomonaē caxiba namtontha, matacayiya pon jiwi itorobiya pia pepa peewatsinchi pia bo tatsi beya. Pomonaē abe peexanaewino carendenatsi, pomonaē xanepanaya peexanaewino carendenatsi, beya poxonaē bo tutu nayucaxuba.

<sup>11</sup> "Nexata pon jiwi itorobiya pia pepa peewatsinchi bo tutu joniya petaenexa tsane pomonaē pata. Bapon itabara tane pebin xua irurū pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonaē, tsipei ichamonaē pexeinya paparuwa nama xataba xua po paparuwa jiwi ba nama xataba poxonaē pona penacætutsiwatha xua penabanaenexa pexaewa poxonaē pebin pecotsiwa pita. <sup>12</sup> Pon jiwi itorobiya pia pepa peewatsinchi barai bapon, jeye: 'Tajiton, ¿eta xua metha xote naecame xua matauta jopa pexeinya paparuwa nama xatatsim?' jei bapon. Ichitha bapon saya moya eca. <sup>13</sup> Bapoxonaē pon jiwi itorobiya pia pepa peewatsinchi barai pomonaetha pomonaē pexaewa carena tsaihi pexaethopaewatha, jeye: 'Bapon pacobe caecunta cūre yawa pataxu caecunta cūre, yawa aisowa beya paxore ichaxota quirei. Baxota bapon wecoyei tsane yawa baxota nantanuweya nanta jayabina, bichocono peatenexae tsane', jei pom jiwi itorobiya pia pepa peewatsinchi. <sup>14</sup> Barapon pon jiwi itorobiya pia pepa peewatsinchi bequein pinmonaē waba ichitha saya tsiquimonaeayo pata penabanaewatha. Icha barapon ichi Nacom bara jata coyene ichiya cana ichi tsane jiwi. Nacom bequein waba pin bicheitomonaē, daichitha saya tsicamonaeyo itapetatsi, pomonaē Nacom pijimonaē tatsi penaexanaenexa tsane", jei Jesús.

*Meje yabara poxonaē Jesús yabara cuiduba paratixi matoma po paratixi jiwi bewa catsibina pontha pon romanomonaē itorobiya pia pepa peewatsinchi*  
(Mr 12.13-17; Lc 20.20-26)

<sup>15</sup> Nexata fariseomonaē pona Jesús weya, caemonaē natsipaeba najei: "¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonaē waxainchi xain yopitatsi ichamonaetha xua bapon abeya wanaca

jume notsiwaxae”, najei fariseomonae. <sup>16</sup> Bapoxonae barapomonae itoroba pia pepuna ponaewichi, matautano barapomonae itorobano pomonae Herodes pia pepuna jinompaewichi. Daxita barapo matabuxayobe pata Jesustha pomonae fariseomonae itoroba. Barapomonae Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najupa. <sup>17</sup> Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena peponaein? Icha jopa tsipae ¿metha daxua abe tsipae? jeichichi Jesús barapomonae pomonae fariseomonae itoroba.

<sup>18</sup> Daichitha Jesús yaputane xua bichocono barapomonae abeya nanta xeina xua Jesús abe pecanaexanaenexa tsainchi. Jesús barai barapomonae, jeye:

—Paxam pomonae itara mexeya xanepanaya pepaebiwi pam, daichitha abeya pepaebiwi pam. ¿Eta xua metha pana nejuntu coyene jujatame poxonae baxua yabara pana neyainyabame? <sup>19</sup> Incane moya painta xawena tha taetsi barapo paratiyo, jei Jesús.

Bapoxonae barapomonae barapo paratiyo Jesús tacapoinchi. <sup>20</sup> Poxonae Jesús tane barapo paratiyo, bapoxonae yainyaba barapomonae, jeye:

—¿Jintam pejumopere? ¿Yawano jintam wun ducuaere? jei Jesús.

<sup>21</sup> Nexata Jesús jume notatsi barapomonae, jeye:

—Apara romanomonae itorobiya pia pepa peewatsinchi, jei barapomonae.

Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

<sup>22</sup> Poxonae barapomonae jume tane xua Jesús beta xanepanaya jume nota, bapoxonae barapomonae yabara najuntu cui coyene cabenaeca. Bapoxonae ponarucupa Jesús weya.

*Meje yabara poxonae Jesús yabara yainyabatsi po coyene xua equeicha asu pomonae pewerapeibiwi*  
(Mr 12.18-27; Lc 20.27-40)

<sup>23</sup> Bapoxonae caena barapo mataqueitha saduceomonae jiwana pata Jesús pia xantha tatsi xua Jesús piraichi petsipae-binexatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota barapo saduceomonae Jesús tsipaebatsi jeye:

<sup>24</sup> —Pon jiwi Necuidubim, Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>25</sup> Barichi, matha iruru cae peweicho caepiwi nabaruru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonae pentapin pecoutha pexui pexeinaenexa. <sup>26</sup> Bapon iruru cuenta tupa, iruru jopa xeinaeyo pexui. Bapoxonae ichuru xuyapin xuya barapowa pita xua pentapin coseuri pita. Bapon barichi iruru cuenta tupa, iruru pexui jopa xeinaeyo. Daxita barapo siete poyobe cuenta nanapentapona bapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>27</sup> Bapoxonae matapainya iruru bapowa tupa. <sup>28</sup> Xam Jesús, ba paebame, ba jam: Matacabi jopaena po matacabitha Nacom asu exanaena, xua jiwi asu exanaeinchi mathuru wetsina, ba jam. Poxonae barapo matacabi jopaena xua daxita jiwi asu jujuinaena, barapo matacabitha jintam metha bapowa xuya pichinchi, xua ichuru pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>29</sup> Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi. <sup>30</sup> Poxonae petupaewi equeicha asu jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuathe-icha jinompa, xua po matatsunpiwi jopa jitha enaeyo.

<sup>31</sup> Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asu jujaina. Barapo diwesitha Nacom jeye: <sup>32</sup> ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowantsiwixaetsi Nacom barapomonae jame pia Nacom tatsi, pon itabocotha eca, jei Jesús.

<sup>33</sup> Poxonae jiwi jume tane pocotsiwa Jesús cuiduba, barapomonae yabara najuntu cui coyene cabenaeca.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*  
(Mr 12.28-34)

<sup>34</sup> Poxonae fariseomonae yaputane xua saduceomonae moya umena xua Jesús beta pejume notsixae, bapoxonae fariseomonae nacaetuta xua equeicha peyainyabiwanexa tsainchi Jesús. <sup>35</sup> Barapo fariseomonae caein jiwana, pon peyabara yaputaein Moisés pia peitorobi coyene tatsi, bapon ichichipa xua Jesús pejuntu coyene jajutsiwatsi xua icha bara metha Jesús abeya jume notsina. Bapon jeye Jestusta:

<sup>36</sup> —Ja pon jiwi Necuidubim, zeta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

<sup>37</sup> Jesús jume nota bapon, jeye:

—Po peitorobi cui coyenewa pepa ainya cui coyenewa jeye: ‘Antobeinde pon jiwi Pecanamataxeinaein, bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha’, jei. <sup>38</sup> Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba. <sup>39</sup> Po peitorobi coyene cotacaya itoroba ichaxota ba ‘dos’ jei, barapo peitorobi coyene be jume jupa po peitorobi coyene copiya ducua. Iruu barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha naantobem’, jei barapo peitorobi coyenewatha. <sup>40</sup> Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, iru

pomonae Nacom peitorobi jume pepaebiwi pia pecuidubi coyenewatha baxua yabara paebar<sub>u</sub>, jei Jesús.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei*

*(Mr 12.35-37; Lc 20.41-44)*

<sup>41</sup> Poxonae fariseomonaе cataunxuae nacaetutompa bapoxonae Jesús yainyaba barapo fariseomonaе, jeye:

<sup>42</sup> —¿Eta xua pacayabara nanta xeiname Mesías pon Nacom pia Peitapetsin? ¿Jintam pia pemomoxi susato jiwanapin tatsira? jei Jesús.

Barapomonaе Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemomoxi susato jiwanapin tatsi, jei fariseomonaе.

<sup>43</sup> Bapoxonae Jesús barai barapomonaе, jeye:

—David yabara paeba xua Mesías apara pia Pecanamataxeinaeinchi tatsi poxonae David cueicueijeі exanatsi Nacom pia Pejumope t<sub>u</sub>nax<sub>u</sub> tatsi.

<sup>44</sup> David salmos penax<sub>u</sub>nae wei diwesitha bayatha jeye:

‘Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya ab<sub>u</sub> tsane poxonae necaaitafaetabi jiwi pia pecanamataxeinaeinchi tatsi caexanaeinchi, jei Nacom’, jei David salmos penax<sub>u</sub>nae wei diwesitha.

<sup>45</sup> Icha David Mesías yabara jei: ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

<sup>46</sup> Daxita barapomonaе jopa itac<sub>u</sub>paetsi xua Jesús pejume notsiwatsi tsainchi, poxonae pinae David paeba xua pinae jei: ‘Bapon Mesías Tanecanamataxeinaein’, jei. Bara nama barapo matabitha weya, equeicha nama Jesús jopa bepeyainyabiwatsi barapomonaе.

## 23

*Meje yabara poxonae Jesús muxuweta jiwi xua pomonaе fariseomonaе ir<sub>u</sub> pomonaе jiwi pecuidubiwi Moisés pia peitorobi coyene tatsi barapomonaе pecuiyainwa tatsi*

*(Mr 12.38-40; Lc 11.37-54; 20.45-47)*

<sup>1</sup> Nexata Jesús barai pin bicheito jiwi ir<sub>u</sub> pijimonaе, jeye:

<sup>2</sup> “Pomonaе jiwi pecuidubiwi Moisés pia peitorobi coyene tatsi ir<sub>u</sub> fariseomonaе daxita barapomonaе pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba. <sup>3</sup> Pacui yabara



jume cowande pocotsiwa barapomonae pia pecuidubi coyenewan tatsi. Matautano paexande pocotsiwa barapomonae paca itoroba. Daichitha jopa paexanaeinde pocotsiwa barapomonae exana tsipei barapomonae itara beta pepae-biwi daichitha yabara jume toxechiya catsawiya exana, barapo peitorobi coyenewan. <sup>4</sup> Barapomonae be pocot-simonae poxonae ichamonae itorobatsi xua pecaponaewa pocotsiwa arewe, pocotsiwa jiwi bapana jopa itacupaetsi xua pecaponaewa. Daichitha barapomonae jopa yawe-naeyo pocotsiwa ichamonae itorobatsi. Matautano barapomonae jopa tayoichaeyo cae cobesitiyotha. Icha barapomonae ichi poxonae ichamonae itorobatsi xua pecaponaewa pocotsiwa bichocono arewe, barapocotsi juta coyeneya ichi pomonae jiwi pecuidubiwi Moisés pia peitorobi coyene tatsi, iru fariseomonae, daxita barapomonae itoroba pia pecuidubi coyenewatha pocotsiwa paxam painya neexanaenexa. Ichitha barapomonae jopa exanaeyo baxua. Pocotsiwa barapomonae paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan. <sup>5</sup> Barapomonae ichichipa nawita xua jiwi pecui taewa tsane pocotsiwa poxonae barapomonae exana xua bapoxonae jiwi penanta xeinaenexa xua barapomonae bara pejantu coyene xanepanaewi. Daxota barapomonae tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxutha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Matauta barapomonae nama xataba po paparuwan bichocono apipiya deca, beyacaincha xua poxonae ichamonae nama xataba po paparuwan apipiya. <sup>6</sup> Matauta barapomonae nanta caxunaeneiba ichaxota nanta caxunaeneiba pomonae peainya cui jiwi penaexanaewi. Matautano barapomonae judiomonae pia penacaetutsi bontha ichichipa nawita xua nanta caeneiba ichaxota enathopeiba pomonae peainya cui jiwi penaexanaewi. <sup>7</sup> Matauta barapomonae ichichipa xua jiwi pejacobeibiwa tsane namtontha barapomonaetha, xua jiwi pebaru cui itura jineibinexa barapomonae. Matautano barapomonae ichichipa nawita xua jiwi ainya cui pecana exanaewa barapomonae poxonae jiwi pejei tsaibinexa 'Pomonae jiwi pecuidubiwi' poxonae pejei tsaibinexa jiwi.

8 "Ichitha nama paxam jopa bewa pacopatsim xua bara jiwi jacobiya paca necajei tsaibinexa: 'Pata pecuidubi jiwi pam', paca necajei tsaibinexa xua ainya cui jiwi painya nepaca

exanae jiwixae. Painya xoba jiwi baxua bara pajume copatame, tsipei apara paxam be caemonae jiwi pam, saya jame panantaütame bara caein pon ainya cui penaexanaein painya itütha. <sup>9</sup> Pomonae po irathe jinompe jopa bewa wabi pajam 'Axa', jopa bewa pajam xua painya baru cui itura jinaexae pomonae jopa bequein barompaya painya axeiwi. Painya xoba jiwi baxua bara pajume copatame, tsipei paxam panantaütame bara caein painya Axa, pon pabarü cui itura jiname pon peitabocotha eca. <sup>10</sup> Mataütano jopa bewa pacopatsim xua bara jiwi jacobiya paca necajei tsaibiwa: 'Pata necanamataxeinaewi pam', paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam panantaütame bara caein pon painya Necanamataxeinaein, jame apara bapon meisa Cristo. <sup>11</sup> Icha pon paxam jiwana, icha bapon ichichipa naexana be pocotsin canamataxeina ichamonae bapon matha bewa copiya daxita paxam beta amanaya pacata nacuichina. <sup>12</sup> Pon xua pia coutha peainya cui jiton naexana pejüntü coyenetha, Nacom exanaena xua bapon pecui pawi jiton naexanaena. Ichitha pon xua pecui pawi jiton naexana, pejüntü coyenetha, Nacom exanaena xua bapon peainya cui jiton naexanaena.

<sup>13</sup> "¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irü pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyenyepubeya paexaname xua poxonae jiwi bequein ichichipa naexana Nacom piamonae tatsi jiwana. Paxam jopa pajume cowantsim Nacom yawa jopa pacopatsim xua ichamonae irü pejume cowantsiwa Nacom.

<sup>14</sup> "¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irü pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta werapaewaxichi piseurixi, barapowaxi pacueranta ename pia bon. Naemata Nacom pawüqueibame. Jopa cuinaya pana najume copababeibim poxonae pawüqueibame Nacom tsipei paichichipame nawita xua jiwi xanepanaya paca necayabara paebiwa xua bara cou paxam pejüntü coyene xanepanae jiwi pam. Daxota poxonae po mataqueitha Nacom yabara paebina daxita jiwi penatsicuentsiwa barapo mataqueitha Nacom bichocono paca peraxa jubina, beyacaincha poxonae peraxa jubinchi pomonae pacuidubame.

15 “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam tajw beya paponame daxita carepayan beya, xua painya cana exanaenexa ichantha xua bapon pejume cowantsiwa tsane painya necuidubi coyenewan xua bapoxonae bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyo, icha paca cana ichi tsane poxonae paca bebai tsane barapo nacuatha.

16 “¡Paxam abe peexanae jiwi tsobenae pam! Paxam barapocotsi coyeneya jwta panacana exaname, icha be pon peitata nacutsin ichi xua poxonae ichan matacapoinchi pon iruw peitata nacutsin. Paxam ichamonae ba pacuidubeibame ba pajam tsaibim: ‘Icha ichan nayabara cui wnae tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wnthaxae tatsi, poxonae jei, baxua ba jopa ainya cuiyiyo poxonae ichan nayabara cui wnae tsimuxu duta bapocotsi wantha’, ba pajam tsaibim xua ichamonae poxonae pacuidubeibame. Matautano ba pajam tsaibim: ‘Icha ichan nayabara cui wnae tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wantha pocotsiwa daedaena po oro nain coroton Nacom pin pia botha tatsi eca, poxonae jei, baxua ba xua bapon exana bapocotsi wantha, baxua jame ainya cui poxonae barapon barapo wantha nayabara cui wnae tsimuxu dubeibina’, ba pajam tsaibim poxonae pacuidubeibame. 17 ¡Paxam barapocotsi coyeneya jwta panacana exaname, icha be pomonae matasipa daunwei ichi poxonae jopa beta jume cowantsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonae aisowa beequiya Nacom pin pia bo weya jopa ainya cuiyiyo. Jame saya meisa poxonae bo tututha eca bapoxonae ainya cui barapo oro nain, tsipei barapo bo ainya cui cana exanatsi. 18 Matauta ba pajam tsaibim: ‘Icha ichan nayabara cui wnae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wantha xua ichaxota duwei tauteiba xua tuxusi exaneiba Nacom nexa, poxonae jei, baxua ba bapon jopa bewa exanae poxoru baraxua xua be pexaethopaewa jopa ainya cuiyiyo poxonae ichan nayabara cui wnae tsimuxu duta bapocotsi wantha’, ba pajam tsaibim

poxonae ichamonae pacuidubeibame. Matautano ba pajam tsaibim: 'Icha ichan nayabara cui wnae tsimuxu duta xua jeye: Xaniwaicha bara exanaein pocotsiwa xua catsipae-batsi duwei wantha po duwei xua bocopiya ichaxota xua be pexaethopaewa wantha, poxonae jei, baxua ba bapon jame bewa exanae poxoru po duwei xua bocopiya ichaxota xua be pexaethopaewa, baxua jame ainya cui poxonae bapon barapo wantha nayabara cui wnae tsimuxu dubeibina', ba pajam tsaibim poxonae pacuidubeibame. <sup>19</sup> ¡Paxam barapocotsi coyeneya jata pana cana exaname, icha be pomonae matasipa daunwei ichi poxonae jopa beta jume cowantsiyo Nacom! Pocotsiwa xua be pexaethopaewa ichaxota duwei tauteiba xua tuxusi exana Nacom nexa, poxonae tauta baraxua xua be pexaethopaewa bichocono ainya cui, beyacaincha ainya cui poxonae duwein aisowatha bexuba xua saya pexaenexa. Tsipei duwei saya ainya cui poxonae pocotsiwa xua be pexaethopaewatha bocopiya poxonae petuxusi exanaewa tsane Nacom nexa. Baroxonae barapo duwein ainya cui, tsipei baraxua xua be pexaethopaewa ainya cui cana exanatsi. <sup>20</sup> Daxota pon nayabara cui wnae tsimuxu duta xua be pexaethopaewa wantha, xua ichaxota duwei tauteiba xua tuxusi exaneiba Nacom nexa, saya meisa jopa barapo wanthiyo, matautano jame nayabara cui wnae tsimuxu dutsina duwei wantha, po duwein baxota bocopiya. <sup>21</sup> Matautano pon nayabara cui wnae tsimuxu duta Nacom pin pia bo wantha tatsi, saya jopa meisa barapo wanthiyo, matautano jame nayabara cui wnae tsimuxu dutsina Nacom pewantha tatsi. Tsipei bara Nacom pin pia bothaxae eca. <sup>22</sup> Daxota pon nayabara cui wnae tsimuxu duta itaboco wantha, saya meisa jopa barapo wanthiyo, matautano jame nayabara cui wnae tsimuxu dutsina Nacom pia pexeinya peecaethopeibiwa tatsi wantha beicha matauta Nacom pewantha tatsi pon baxoteicha eca.

<sup>23</sup> "¡Paxam pomonae Moisés pia peitorobi coyene painya necuidubi jiwi pam tsobenaem! ¡Paxam pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam ba caewaxi pajiwana wetsabeibame xua painya catsibeibinexa Nacom poxonae diez xoyobe paxeineibame xua pocotsiwa painya neubiwan. Barichi pacana exaname tsiqui xutixitha po xutoxi pewan menta, matautano po pexuno pewan anís barichi matautano po pexuno pewan comino. Bara bequein barapo coyene paexaneibame, daichitha jopa paexanaem pocotsiwa bichocono ainya cui coyenewa pocotsiwa Nacom

pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najuntu coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cowantsinexa Nacom. Daxita barapo coyenein jame maisa paexanare, muxuna paexanaponde po coyene copiya pa-eexanaponaem, po coyene poxonaem pajiwana nonotaponeibame poxonaem pocotsiwan diez xoyobe paxeineibame, xua pocotsiwa painya neubiwan. <sup>24</sup> ¡Paxam barapocotsi coyeneya juta pana cana exaname, icha be pon peitata nacutsin ichi xua poxonaem ichan matabapoinchi pon iruru peitata nacutsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi juta coyeneya paexaname icha jiton ichi poxonaem mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

<sup>25</sup> “¡Paxam pomonaem Moisés pia peitorobi coyene tatsi painya necuidubi jiwi pam tsobenaem! ¡Paxam pomonaem iru fariseomonaem pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaem jiwi pam. Paxam jopa ba juniya paexaneibim poxonaem meisa panaperu iquicame. Daichitha burana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam pocotsimonaem coroton saya matawacaicha iquica yawa paratonno, ichitha atutuxuira bichocono. <sup>26</sup> Paxam fariseomonaem pam, pocotsi jiwimonaem pam pomonaem be peitata nacutsi jiwi pam. Copiya matha pana najuntu cui coyene barapende barapo painya neajuntu coyenebewan, bapoxonaem jame xanepanaya painompaename.

<sup>27</sup> “¡Paxam pomonaem Moisés pia peitorobi coyene tatsi painya necuidubi jiwi pam tsobenaem! ¡Paxam iru pomonaem fariseomonaem pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaem jiwi pam. Jiwi ba inyapana exana xua pocotsiwa jiton petupaem peyamathu acatabiwatsi. Bequein bara baxua inyapana daichitha xua matha bocareca bichocono ayei xua jiton petupaem. <sup>28</sup> Barapocotsi juta coyeneya paexaname, icha be pocotsi coyene peayeiwa ichi xua jiton petupaem. Bequein panaperu wunaetame, daichitha painya juntu coyene abe bichocono. Bequein jiwi paca yabara nanta

xeina poxonae paca cui tane xua paxam deta cou pejuntu coyene xanepanae jiwi pam Nacomtha, daichitha painya juntu coyene bichocono paajuntucoyenebem. Matautano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

<sup>29</sup> “iPaxam pomonae Moisés pia peitorobi coyene tatsi painya necuidubi jiwi pam tsobenaem! iPaxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam petupaewi pomonae Nacom pia peitorobi jume pepaebiwi payamuthu acabame boutixi. Matautano pomonae pejuntu coyene xeicae jiwi payamuthu itupana exaname. <sup>30</sup> Matauta naerabiya pana najam: ‘Icha caena bayatha jinompaetsipatsi poxonae wamo susato jiwi jinompa metha jopa cueicha yawenaetsipaetsi poxonae barapo Nacom peitorobi jume pepaebiwi jutebatsi’, pana najam. <sup>31</sup> Barapo jumetha poxonae baxua pacaunutame, barapara barapo cui coyene paexaname, icha painya amo susato jiwi ichi poxonae barapo juntu coyeneya exana poxonae jutebatsi Nacom pia peitorobi jume pepaebiwi. <sup>32</sup> iPainya amo susato jiwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jiwi ichi poxonae tamropata notarucupa xua barapo Nacom pia peitorobi jume pepaebiwi jutebatsi.

<sup>33</sup> “iMaisa paxam pomonae pemuxitorobi jiwi pam! iDaxota be jomomonae pacui jurame poxoru jomo ba cuitaya ducupa nawa! Bara paichim anoxuae bequein paichichipame xua Nacom pacuitaya ducupame xua abe paca exanaeyainwa. Ichitha Nacom paca itorobina ichaxota isoto jopa itacounayiyo. Jopa papanenebiyaem tsane barapo isoto weya. <sup>34</sup> Itorobicaein painya xantha pomonae taitorobi jume pepaebiwi. Matauta itorobicaein pomonae peyaputaewi. Matautano itorobicaein pomonae jiwi pecuidubiwi Moisés pia peitorobi coyene tatsi. Ichitha barapomonae pajiwana jutebiname. Ichamonae naetotha pacobe matabobiname painya jutebinexa tsane. Ichamonae judiomonae pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonae taitorobi jiwi. <sup>35</sup> Daxota Nacom paca cana exanaena xua paca peraxa exanaena xua daxita pomonae pejuntu coyene xeicae jiwi pejujutebaponaexaetsi painya nacuatha. Painya amo susato jiwi jujutebapona pomonae pejuntu coyene xeicae jiwi. Copiya matha Abel bexotsi pon pejuntu coyene xeicaein pon bequein jopa

abe exanaeyo, beya poxonae iruru Zacarías bexotsiru pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocotsiwa be pexaethopaewa xua ichaxota tuxusi exana Nacom nexa xua iru baxota uncua pepa Nacom pia boyo tatsi xua naitama taeuncuabe. <sup>36</sup> Bara xaniwaicha paca tsipaebatsi pomonae xua anoxuae pajinompage bichocono paca peraxa jubebina tsipei daxita paxam barapara Nacom tsitatsi xua paxam patsita xeiname penatsicuentsiwa xua painya amo susato jiwi pejujutebaponaexae pomonae pejuntu coyene xanepanae jiwi xua iruru paxam painya nejutebaponaexaeru”, jei Jesús.

*Meje yabara poxonae Jesús Jerusalén tomarapiwi siwa we-coyeichi*

*(Lc 13.34-35)*

<sup>37</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam pajutebeibame pomonae Nacom pia peitorobi jume pepaebiwi! ¡Matauta paxam pajutebeibame ibontha pomonae Nacom pacata itoroba! ¡Maisa be paca caetucaetuteibinchi, tapaca cayawenaewatsi tsainchi, icha wacara ichi poxonae nacoxi caetucaetuteta pecuarafetha! ¡Maisa be barichocuaein tsane, daichitha jopa paichichipaem! <sup>38</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. <sup>39</sup> Paca tsipaebatsi xua equaicha jopa pana netaem tsane beya abu poxonae pana neyabara jam tsane: ‘¡Maisa bapon jiwi juntu coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 24

*Meje yabara poxonae Jesús yabara paeba xua ichamonae abe exanaena Nacom pin pia bo tatsi*

*(Mr 13.1-2; Lc 21.5-6)*

<sup>1</sup> Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita ume-narucupatsi pijimonae. Yawa pijimonae jeichichi:

—Maisa Nacom pin pia bo tatsi bepa wuna, jei barapomonae.

<sup>2</sup> Daichitha Jesús jume barai barapomonae, jeye:

—¡Moya caepatiyo pataema! Bara xaniyan paca tsipaebatsi. Matabi jopaena barapo mataqueitha ichamonae pomonae

penanapaincha jinompaewi xua icha nacua werena pepon-  
aewi abe cana exanaena Nacom pin pia bo tatsi po bo anox-  
uae pataneme. Apra jopa cae ibotiyoy nacopatuncuae tsane  
icha iboto peymatha. Daxita abe tsane, jei Jesús.

*Meje yabara poxonae Jesús yabara paeba xua copiya matha  
pewnaeya exanaena petsita itutsi coyenewa poxonae daxita  
weraweracaenaba*

(Mr 13.3-23; Lc 21.7-24; 17.22-24)

<sup>3</sup> Baroxonae Jesús pijimonae baru pona demxuwatheicha  
po demxuwa pewna demxu Olivowa tsipei baxota umena  
olivo naein. Poxonae Jesús demxuwatheicha ecopiya, bapox-  
onae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ¿eta  
poxonae metha ichamonae baxua exanaena poxonae abe  
cana exanaena Nacom pin pia bo tatsi? ¿Eta pocotsiwa tsane  
metha xua pewnaeya tsita itapeinya xeinaena xua poxonae  
patopeicaename, matautano xua poxonae imoxoyo daxita  
weraweracaenaba? jei Jesús pijimonae tatsi.

<sup>4</sup> Nexata Jesús barai, jeye:

—Dota pam bu ichamonae naerabiya paca muxu tsipaeba  
xua daxota abe paexanaetsipame. <sup>5</sup> Tsipei tsana patsina  
aye bicheito jiwi pomona natsicotaena icha be xan ichin.  
Barapomona jei tsane: ‘Apra xan Mesías’, jei tsane. Pox-  
onae barapomona muxuitorobiya paebina bapoxonae pin-  
monae jume cowantsina. <sup>6</sup> Pajume taename xua jiwi juinya  
nabenoutsina xote yawa xua juinya iruru nabenoutsina  
icha ira beya. Daichitha jopa pajunuwinde, tsipei baxua  
pewnaeya matha copiya tsane. Daichitha cataunxuae dapo  
matacabi aichica tsane xua poxonae daxita weraweracaen-  
aba yatsicaewa. <sup>7</sup> Cae nacuariwi iru icha nacuariwino,  
barapo ainya nacuariwibe nabenoutsina. Matautano iru pon  
nacua peewatsin iru ichandu pon icha nacua peewatsin, bara-  
ponbe iruru nantiya nabenabe. Matautano ainya nacuantha  
pin jainbo nacua tsane tsipei pin mayayo tsane. Matautano  
domae tsurucuae tsane ainya nacuantha. Matautano ainya  
nacuantha ira jijiyatsina. <sup>8</sup> Baraxua copiya matha tsane xua  
jiwi atene tsopona tsane bichocono, xua beya jopa nama  
juniya tsane.

<sup>9</sup> “Baroxonae jiwi paca teiquebina, paca atene exanaena  
matautano paca jutebina. Daxita nacuanpiwi paca casebina  
painya tana nejume cowantsixaemxae. <sup>10</sup> Barapo mata-  
cabintha jiwi pentsina xua Nacom pejume cowantsiwatsi.  
Matautano daxita jiwi nacasebina, matauta barapomona  
pamona caenaetsina ichamonaetha. <sup>11</sup> Pinmonae tsana  
pateibina, pomonae jiwi pemuxuitorobiwi. Tsana jei tsane:



'Xan Nacom peitorobi jume tapaebin, Nacom yabara paca cuidubinchí', jei tsane. Barapo pemuxuitorobi diwesi jume pinmonae jume cowantsina barapo diwesi. <sup>12</sup> Pinmonae jopa juniya abe exanaponae tsane daxota jiwi, jopa caemonae nantiya naantobe tsaibi tsane. <sup>13</sup> Ichitha pon awiyya xua antuyapusa nejume cowantsiya poponaena xua beya yacuiya tupaeya jopaena poxona bequein abe taexanatsi ichamonae, bapon jame Nacom napaeba cana exanaena. <sup>14</sup> Tamonae capanaena tapexeinya jume diwesi po diwesi xua Nacom waba jiwi petanaexanaenexatsi pijimonae pomonae itorobiya peewatsixae. Barapo diwesi tajiwimonae pomonae tanejume cowantsi jiwi paebinoutsina daxita jiwitha. Poxona barapo diwesi daxita nacuanpiwi jume taena, bapoxona daxita barapo jiwi yaputaena xua bara matabi imoxoyo jopaena po mataqueitha poxona daxita weraweracaenaba.

<sup>15</sup> "Daniel, pon Nacom peitorobi jume pepaebin bapon caena bayatha yabara tsiwinaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichan Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matabi jopaenaba poxona daxita weraweracaenaba", jei Jesús. (Xan Mateon, paca baraichi: "Pon yorobina po jume diwesi tinan, moya jume naitaewatsina pia peyaputaenexa tsane", paca jeichi.)

<sup>16</sup> Cataunxuae Jesús cueicueije, jeye: "Poxona bara pocotsiwa pataename bapoxona pomonae Judea nacuatha jinompa, barapomonae bewa demxuan berucupaena. <sup>17</sup> Barapo matabitha pon bo matatupatha uncua bapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricuaena. <sup>18</sup> Iru pon pabitha popona bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricuaena. <sup>19</sup> ¡Pai yabuxi tsobenae powaxi pexui bupana taenatsi barapo matabitha! ¡Pai powaxi iru pexui isaina, barapowaxi tsobenae! Tsipei acabe tsobenae tsane pexui. <sup>20</sup> Poxona pewanaeya tsane baxua Nacom pawucare xua jopa painya nerucupaewa tsane poxona awubo peaquexae bichocono, matautano xua jopa painya nerucupaewa tsane poxona pentaquei seicae matabitha. <sup>21</sup> Tsipei barapo matabintha jiwi bichocono pin peraxa exanaeinchi. Atene tsane beyacaincha poxona jiwi atene tsaibi poxona Nacom aena nacua exana, xua equeicha nama bichocono pin peraxa

tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa. <sup>22</sup> Icha Nacom jopa be caentacabiyobe exanaetsipae, metha dapomonae ajibi tsi-pae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>23</sup> “Bapoxonae icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, baxuan jopa pajume cowantsinde barapo jumein.

<sup>24</sup> Tsipei pomonae pemuxuitorobi jiwi tsana patsina. Barapomonae natsicotaena icha be xan ichi ponxaein Mesías. Matautano barapomonae natsicotaena icha be pomonae Nacom peitorobi jume pepaebiwi ichi tsane. Barapomonae pexeinya petsita itutsi coyenewan exanaena peitabocotha, po irathe tsaneno xua jiwi pemuxuitorobinexa tsainchi, xua jiwi pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwi tatsi pemuxuitorobinexa tsainchi, xua iruru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupaetsi tsainchi xua barapomonae pemuxuitorobiwa tsainchi.

<sup>25</sup> Baxua tsiwanaya yabara paca tsiwanae muxu dutatsi. <sup>26</sup> Daxota icha jiwi paca jei tsane: ‘Pataema bapon Mesías uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesías xote uncue bomuxu tututha’, icha paca jei, jopa baxua pajume cowantsinde.

<sup>27</sup> Icha yamuxu ichi poxonae jemeicha yacoicha uncueica xua coicha nayotaxuba itabocotha, barichi tsane po matababitha patopeicaein jemeicha. Xan ponxaein Nacom Tananeitapetsin tsita naitutsin daxita jiwi. <sup>28</sup> Quequeremonae ba nacaetuta ichaxota baurin boca. Bara juta paichim tsane. Paxam pomonae tana nejume cowantsi jiwi pam, pana newnae ewatsiname po mataba-itha patopeicaein. Bara po mataba-itha pana nacaetutsiname”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin*  
(Mr 13.24-37; Lc 21.25-33; 17.26-30, 34-36)

<sup>29</sup> Equeicha Jesús namchi: “Po matababin poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane. Opiteiton peitaboco weothopeicaena. Matauta Nacom napuna torobabiyaena xua xuan itabocotha dubena. Bapoxonae jopa xapain dubenae tsane. <sup>30</sup> Bapoxonae daxita jiwi

taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonae daxita nacuanpiwi netaena xua patopaein, barapomonae pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peayapus<sub>u</sub> itorobi coyenewatha, matautano bichocono pexeinya itupanae coichatha patopeicaein. <sup>31</sup> Matautano itorobin tamatatsunpiwi xua bichocono daunweya peobinexa tsane, po peobiwa pewun trompeta. Poxonae baxua jume taena tamatatsunpiwi inta caetutsina pomonae taitapetsiwi. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana”, jei Jesús.

<sup>32</sup> Equeicha Jesús jeye: “Pajume taema barapo pecayabara juta pepaebi diwesiyo xua higuera nae xua painya nenacuidubiwa tsane. Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa. <sup>33</sup> Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxonae payaputaename, xua bara imoxoyo tsane xua tapatopae wuna tsane. <sup>34</sup> Bara xainyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena. <sup>35</sup> Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesús.

<sup>36</sup> Equeicha Jesús jeye: “Po matabitha baxua exanaena, matauta po horatha baxua exanaena jiwi jopa baxuan yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matabitha baxua exanaena, matautano yaputane poxonae po horatha daxita exanaena baxua xuaunxuae paca tsipaebatsi”, jei Jesús.

<sup>37</sup> Equeicha Jesús jeye: “Icha matha ichi poxonae Noé caena bayatha popona jiwi jopa tsaqueinaeyo xua Nacom pin awabo exanaena methaunxuae. Saya barompaya icha juntu

cuiitha jinompa daxota jiwi werapa. Barichi jata ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowantsiyoxaetsi. <sup>38</sup> Barapo matacabintha poxonae Noé popona poxonae cataunxuae pin ema jopa duneicaeyo, jiwi jopa tsaqueinaeyo xua bexa pin awabo tsane. Barapo jiwi jantema nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxonae po matacabitha Noé pin jera naetha joniya. Bapoxonae pin ema mu jopa. Daxita Noé wepu bunothopatsi pomonae jinompa poxonae Noé popona. <sup>39</sup> Barapo jiwi jopa awabo yabara tsaca jinompaeyo. Barapoxonae jemeicha pin ema uncueica. Matauta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein. <sup>40</sup> Barapo mataqueitha ainya pebinbe nacuara nacuitauyaenabe pabitha. Ichun matatsunpin pichina, pejume cowantsixaetsi Nacom. Ichun saya cuenta ponaeinchi jopa pejume cowantsixaetsi Nacom. <sup>41</sup> Iruru ainya yabayobe nacuara yacatoyorobauyaenabe. Ichowa matatsunpin pichina, pejume cowantsixaetsi Nacom. Ichowa saya cuenta ponaeinchi, jopa pejume cowantsixaetsi Nacom.

<sup>42</sup> “Tsaca pajinompeibare xua tapatopae wnae tsane, tsipei jopa payaputaem po mataqueitha patopaein ponxaein jiwi Tacanamataxeinaein. <sup>43</sup> Meje pocotsiwe payaputaema. Icha pon bo pexeinaein yaputaetsipa xua poxonae patopaena pon jiwi pecaibin, bapoxonae bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>44</sup> Daxota bara paichinde. Tawanaetha pana nacui wnaere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

*Meje yabara poxonae Jesús yabara diwesi paeba ponbe xua bo peyapucaecaeinbe pon xua beta peexanaein iru xua pon jopa beta peexanaein*

*(Lc 12.41-48)*

<sup>45</sup> Equeicha Jesús namchi pijimonaetha pecayabara jata pepaebi diwesiyo xua pepatopaewa tsane, jeye: “Yabara paca tsipaebatsi pon matacapopona pomonae bo pexeinaein

tanacuitatsi. Barapon xanepanaya yaputaeya matakaponna. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucae-caeinchi, jeye: 'Inta beta matakapoponde, yawa inta beta pexaewa apare daxita matakabi pomonae xua inta nacuita', jei bo pexeinaein. <sup>46</sup> Pon bo petayapucae-caein bara juntu coyene weiweinaena poxonae patopaena pon bo pexeinaein petaexaetsi xua bara beta tayapucae-ca bo, xuano bara beta peexanaexae pocotsiwa xua bo pexeinaein itoroba. <sup>47</sup> Xaniwaicha paca tsipaebatsi. Bo pexeinaein itorobina xua pon petayapucae-caexaetsi bo xua bapon cana exanaeinchi xua equeicha daxita piawan beta petayapuenawatsi xua xuan xaina pon bo pexeinaein. <sup>48</sup> Ichitha ichacuitha pon bo petayapucae-caein bapon peantucuiyapubein tsipae. Bapon pia coutha nanta xeinaetsipa, najei tsipae: 'Metha bo pexeinaein jopa cuinaya patopae tsane', najei tsipae pon bo petayapucae-caein. <sup>49</sup> Bapoxonae bapon cueinta pomonae pon bo pexeinaein tanacuitatsi. Matautano bapon nana-banaetsipa nawita ichamonae yawa cupatsi nanaexanaetsipano. <sup>50</sup> Bapoxonae pon bo pexeinaein jemeicha patopaena poxonae pon bo petayapucae-caein jopa wanae tsaqueinaeyo. Poxonae bara po hora tsuxubi jopa yaputaeyo yawa poxonae barapo matakabi tsuxubi jopa yaputaeyo. <sup>51</sup> Pon bo pexeinaein itoroba ichamonaetha xua pebenexatsi yawa peperaxa jubinexatsi tsainchi pon bo petayapucae-caeinchi. Matautano itoroba xua barapomonae bapon pexubinexatsi ichaxota jinompa pomonae itara mexeya wanaeya pepaebiwi ichitha abe peexanaewi. Barapo nacua bereca jiwu bichocono wecoyeyi pomonae abe peexanaewixae, matautano nantanuweya nantu jayabina bichocono peatenexae", jei Jesús.

## 25

*Meje yabara poxonae Jesús cuiduba pecayabara juta pepaebi diwesiyo xua diez powayobe xua penowaxi*

<sup>1</sup> Nexata Jesús equeicha icha pecayabara juta pepaebi diwesiyo cuiduba pijimonae, jeye: "Nacom cana exanaena jiwu xua pomonae pejuntu coyene itorobiya ewatsixae, icha pebin ichi poxonae diez powayobetha xua penowaxi cana exana powaxi bapana jopa peru nacoyabiyo pebiwi. Barapo diez powayobe nota pia lámpan xua peewatsinexa pon pia pecotsiwa nacoyobina. Barapowaxi barompaya capona pia lámpan xua aceite epaca. <sup>2</sup> Icha cinco powayobe barapo diez powaxi jiwana, barapowaxi ita coxanatsi xua penacui wanaetsiwa. Icha cinco powayobe

ita coxone xua penacui w̄naetsiwa. <sup>3</sup> Barapowaxi powaxi ita coxanatsi xua penacui w̄naetsiwa barapowaxi poxonae lámpanan cajijınca jopa muxuna cajijıncaeyo icha aceite xua equeicha pemene epacaenexa poxonae ameneibi tsurubena. <sup>4</sup> Saya meisa powaxi yaputane xua penacui w̄naetsiwa jame barapowaxi pia lámpanan muxuna cajijınca aceite xua equeicha pemene epacaenexa poxonae ameneibi tsurubena. <sup>5</sup> Tsipei pon imoxoyo pecotsiwa nacoyobina bapon jopa cuinaya patopaeyo, daxota daxita barapo diez powayobe itamaipanaꝛꝛpa. Matapainya maitaꝛꝛpa. <sup>6</sup> Poxonae papae tsuxubi poxonae barapowaxi cataunxuae maita, bapoxonae jume tane pon wawai xua barapowaxi jeichichi: ‘Bara juinya dawerena pebin pon pecotsiwa nacoyobina. Bapon panta enare painya necobe jacobinexa’, jei pon wawai. <sup>7</sup> Daxita barapo diez powayobe nacosabaꝛꝛpa. Mataũta equeicha icha aceite epacaꝛꝛpa xua bapoxonae pecoicha exanaenexa. <sup>8</sup> Bapoxonae icha cinco powayobe, powaxi jopa nacui w̄naetsiyo jeye ichawaxitha xua cinco powayobetha: ‘Panecatsibare icha aceite meraxi pata tha equeicha mene epacaetsi, yaitama pata lámpanan acueicheibi’, jei barapowaxi. <sup>9</sup> Ichitha powaxi penacui w̄naetsiwaxi jume barai, jeye: ‘Aibi apara, canta peyaxi barompaya pacajijincan patauxi, jopa pacajijincaeyo xua paxam nexaꝛ. Maisa ichaxota pecaenaetsithopaewa aceite bara bepawayande matha pacomocare aceite xua painya nemene epacaenexa’, jei barapowaxi poxonae xua jume barai ichawaxitha. <sup>10</sup> Poxonae cataunxuae ichawaxi enapona xua pecomocaenexa aceite ichamonaetha, bapoxonaerũ pebin pecoutha patopa, pon pecotsiwa imoxoyo nacoyobina. Powaxi bayatha nacui w̄naeta napuna joniya bapontha xua penanabanaenexa pexaewa xua poxonae barapo pexaewa jiwĩ tsinacaetuta xua penabanaenexa poxonae barapo pebin pecotsiwa nacoyobina. Bapoxonae bomũxũ bichocono boupa cateitabanota. <sup>11</sup> Bapoxonae pirapaeyo ichawaxi pata powaxi aceite siwayiya, jeye: ‘Pata Tanecanamataxeinaem, painta boupa saranaxorena’, jei bapowaxi. <sup>12</sup> Ichitha bapon barapowaxi jume baraichichi, jeye: ‘Canta jopa paca yaitaetsi’, jei bapon”, jei Jesús, xua pijimona tsipaeba.

<sup>13</sup> Bapoxonae Jesús barai pijimonaetha, jeye: “Tawanaetha pana najũntũ coyene w̄naere, tsipei jopa payaputaem po matabaitha patopaein, mataũtano jopa payaputaem po horatha patopaein ponxaein Nacom Tananeitapetsin”, jei Jesús.

*Meje yabara poxonae Jesús paeba pecayabara jũta pepaebi*

*diwesiyo xua paratixi yabara*  
(Lc 19.11-27)

<sup>14</sup> Equeicha Jesús pijimonaе cuiduba pecayabara juta pepaebi diwesiyo xua paratixi, jeye: “Anoxuae ichichipan xua tapaca tsipaewi watsi po coyene xua xan beta matomacan pomonaе inta beta penacuichiwi pomonaе Nacom juntu coyene itorobiya ewata. Barapo coyene jupa icha be poxonaе pebin ichi poxonaе bara juntucuru warapaenaba icha nacua beya. Pewunaeya poxonaе warapaenaba matha waba pomonaе pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonaе cataunxuae wunaе ewatatsi xua pepatopaewa tsane. <sup>15</sup> Ichantha pomonaе barapomonaе jiwana cata cinco mil po paratiximonaеbe. Iru ichantha cata dos mil po paratiximonaеbe. Iru ichantha cata saya be cae mil po paratiximonaеbe. Bapon daxita barapomonaetha barompaya catsiba be pocotsi coyeneya barapomonaе yapu jupatsi xua poxonaе pecacomocaewa tsane barapo paratiximonaetha. Bapoxonaе bapon warapa. <sup>16</sup> Pon catatsi cinco mil po paratiximonaеbe, barapo cinco mil po paratiximonaеbetha equeicha icha cinco mil po paratiximonaеbe matoma exana. <sup>17</sup> Barichi pon catatsi dos mil po paratiximonaеbe, barapo dos mil po paratiximonaеbetha equeicha matoma exana icha dos mil po paratiximonaеbe. <sup>18</sup> Ichitha pon catatsi cae mil po paratiximonaеbe, bapon mutha cua iratha. Bapoxonaе barapo muthatha bota barapo cae mil po paratiximonaеbe”, jei Jesús.

<sup>19</sup> Equeicha Jesús jeye: “Poxonaе ainya matakabin yapucaewa, bapoxonaе patopa pon paratixi catsiba barapomonaetha pon barapomonaе pia pecanamataxeinaeinchi tatsi. Bapon pia petanacuichiwichi pia paratixi matoma yabara yainyaba. <sup>20</sup> Copiya patopa pon cinco mil po paratiximonaеbe catatsi. Bapon icha cinco mil po paratiximonaеbe cata pia pecanamataxeinaeinchitha, yawa jeye: ‘Tanecanamataxeinaem, caena bayatha cinco mil po paratiximonaеbe necatame, equeicha icha cinco mil po paratiximonaеbe cata matoma exainchi’, jei bapon. <sup>21</sup> Pon pecanamataxeinaein jume nota, jeye: ‘Maisa juntu coyene wunaem matautano xam ponxaem cayabara jume cowantatsi xua xanepanaya neexanebiwam pocotsiwa caitorobatsi. Tsipei inta xanepanaya beta exaname bequein poxonaе be conotha caitorobatsi, daxota equeicha ichawa caitorobatsi xua bichocono nawita. Moya taboatha nebaru jonyama yawa nebaru juntu coyene weiweinare’, jei pon pecanamataxeinaein. <sup>22</sup> Bapoxonaе pirapae ichan patopa pon dos mil po paratiximonaеbe

catatsi yawa jeye pia pecanamataxeinaeinchitha: ‘Tanecanamataxeinaem, caena bayatha dos mil po paratiximonaebe necatame, equeicha icha dos mil po paratiximonaebe cata matoma exainchi’, jei bapon. <sup>23</sup> Pon pecanamataxeinaein jume nota, jeye: ‘Maisa juntu coyene wunaem matautano xam ponxaem cayabara jume cowantatsi xua xanepanaya neexanebiwam pocotsiwa caitorobatsi. Tsipei inta xanepanaya beta exaname bequein poxona be conotha caitorobatsi, daxota equeicha ichawa caitorobatsi xua bichocono nawita. Moya tabohta nebaru jonyama yawa nebaru juntu coyene weiweinare’, jei pon pecanamataxeinaein”, jei Jesús.

<sup>24</sup> Equeicha Jesús jeye: “Bapoxonae matapainya patopa pon cae mil po paratiximonaebe catatsi. Bapon atsaquiya jei pia pecanamataxeinaeinchitha: ‘Tanecanamataxeinaem, xan yaputan xua xam be barapocotsim pon jopa jiwi juniya itorobeibim. Matautano jiwi cobe itorobeibame xua penoteibiwa pocotsiwa jopa jinyawiyo. Matautano pexaewa xua naweta noteibame ichaxota jopa ubim. <sup>25</sup> Daxota cacunuwatsi baxua neexanaeinxae tsipei metha inta pichipame barapo paratiximonaebe poxona equeicha icha paratiximonaebe cata matoma exainchi daxota jinya paratiximonaebe muthutha xubotan. Xote barapo paratiximonaebe caewa cata canawitatsi’, jei bapon. <sup>26</sup> Nexata pon pecanamataxeinaein namchi jeye: ‘¡Bepa maisa dapon abem, pon fifiname poxona inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ubeibinyo. Matautano xua ichamonae cobe itorobeiban xua noteiba pocotsiwa jopa tawiyo. <sup>27</sup> Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxona equeicha patopan, icha paratiximona equeicha matoma xeinaetsipan xua equeicha inta pemataropeicha botsixaetsipae poxona ichamonae nacowaeta barapo taparatiximonaebe’, jei pon pecanamataxeinaein. <sup>28</sup> Bapoxonae pon pecanamataxeinaein barai pomonae baxota umena jeye: ‘Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina. <sup>29</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxona bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon



yaputane xua beya daxota Nacom jopa pejume cowantsiwa tsainchi. <sup>30</sup> Matauta bapon pon inta beta jopa nacuichiyo bapon paxore peitaquirei nacuatha, xua barapo nacuatha pewecoyeinexa, xua nantanuweya penantu jayabinexa tsane', jei pon pecanamataxeinaein", jei Jesús.

*Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiwi*

<sup>31</sup> Equeicha Jesús pijimonae tsipaeba, jeye: "Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitupanae ecaewatha xua tawa tayabara paebinexa daxita jiwi xua penatsicuentsiwa abe peexanaexae Nacomtha. <sup>32</sup> Jiwi nacaetutsina taitabaratha pomonae daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonaе, matautano tsaba icha duweimonaeno, po duweimonaе pewun cabra. <sup>33</sup> Pon ovejamonaе peewatsin, bapon ovejamonaе cuaranoba pecoxa weya. Cabra duweimonaе petsocona weya cuaranoba. Bara cana jutiya ichin tsane jiwitha, icha pon ovejamonaе peewatsin ichi. Pomonae xanepanaya peexanaewi tsana nobin. Pomonae abe peexanaewi tsana nobin. <sup>34</sup> Bapoxonaе xan ponxaein jiwi itorobiya pepa Taewatsin baran tsane pomonae tacoxa weya inta umena, jan tsane: 'Anetha paxam pomonae Nacom, Taxa, paca juntu coyene weiweina exana. Pajojoniyama Nacom pia peitorobi nacuatheicha. Bara xoteicha caena bayatha Nacom paca tsiwanaeta pocotsiwa xua paxam nexa, beya poxonaе barapo nacue forota. <sup>35</sup> Paca itacupa xua papatame baxoteicha, tsipei poxonaе jainpan bayatha, bapoxonaе pana neapatame pexaewa. Matauta tsipei poxonaе meratsipan, bapoxonaе mera pana neapatame. Matauta tsipei bayatha poxonaе patopan painya botha poxonaе be wawatsiyo coyeneya patopan dai-chitha pana nententa weyataeya wabame. <sup>36</sup> Matautano tsipei poxonaе bayatha jumasa patopan, bapoxonaе paparuwa pana necatame. Matautano tsipei poxonaе bayatha neromaeba yawa poxonaе atenein bara pana nesiwa poname painya tana neyawenaenexam. Matautano tsipei poxonaе jiwi pecubi botha neeta, paxam papatame painya tana nenecotsinexam', jan tsane xua ponxaein jiwi itorobiya pepa Taewatsin. <sup>37</sup> Nexata barapomonaе, pomonae tacoxa weya inta peumenaexae pomonae xanepanaya peexanaewi, nejei tsane: 'Pata Tanecanamataxeinaem, ¿eta poxonaе paca tainchi xua jainpame matauta xua poxonaе paca apatatsi pexaewa? ¿Eta poxonaе paca cui tainchi xua meratsipame xua bapoxonaе mera paca apatatsi? <sup>38</sup> ¿Eta

poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? ¿Eta poxonae paca tainchi xua poxonae jumasa patopame xua bapoxonae paca catatsi paparuwa? <sup>39</sup> ¿Eta poxonae paca tainchi poxonae caromaeba xua poxonae atenemno xua bapoxonae paca siwa poinchi pata paca cayawenaenexatsi? ¿Eta poxonae paca tainchi poxonae jiwi pecubi botha caeta xua bapoxonae papatan pata cataenexatsi?’ nejei tsane barapomonae. <sup>40</sup> Bapoxonae xan ponxaein jiwi itorobiya pepa Taewatsin, jume notsin barapomonaetha jan tsane: ‘Xaniyan paca tsipaebatsi. Daxita po coyenewan paxam bayatha paexaname tamonae jiwitha poxonae bequein barapomonae jopa peainya cui jiwiyo, apara bara painta exaname’, jan tsane ponxaein jiwi itorobiya pepa Taewatsin.

<sup>41</sup> “Nexata xan ponxaein jiwi itorobiya pepa Taewatsin baran tsane pomonae tatsocona weya peumenaewi, pomonae jopa beta peexanaewi, jan tsane: ‘Panatsixibaracypare taxainya weya, tsipei paxam pomonae abe painya neexanae jiwi pam. Maisa po nacuatha isoto jopa cuinaya itacounayiyo baxota paponare. Barapo iso nacua caena bayatha Nacom yabara wynaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae. <sup>42</sup> Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim. <sup>43</sup> Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matauta tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jiwi pecubi botha ecan, paxam jopa pana nesiwa ponaem’, jan tsane. <sup>44</sup> Nexata pomonae abe peexanaewi nejume notsina, jei tsane: ‘Pata Tanecanamataxeinaem, ¿eta poxonae xua pata paca cui taewathatsi xua jopa paca yawenaetsi? ¿Eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecubi botha caeta? Daxita baxuan, ¿eta poxonae xua poxonae jopa paca yawenaetsi?’ nejei tsane barapomonae. <sup>45</sup> Xan ponxaein jiwi itorobiya pepa Taewatsin jume notsin barapomonae

jan tsane: 'Xaniyan paca tsipaebatsi. Daxita po coyenewa bayatha jopa paexanaem tamonaе jiwitha xua barapomonaе jopa peainya cui jiwiyoxae, apara bara jopa painta exanaem', jan tsane ponxaein jiwi itorobiya pepa Taewatsin. <sup>46</sup> Bexa bapoxonaе tsane barapo abe peexanae jiwi ponaena po nacuatha bapana jopa nacui copatsi xua atene. Pomonaе pentu cui xanepanae jiwi ponaena po nacuatha jiwi xeineiba peantucoyenyapusuwa, po peantucoyenyapusuwa ataya tsiteca", jei Jesús.

## 26

*Meje yabara poxonaе fariseomonaе iru sacerdotemonaе pia pentacaponae wi tatsi daxita barapomonaе Jesús yabara nanta xeinatsi po coyeneya xua Jesús pewaetabiwa tsainchi*

(Mr 14.1-2; Lc 22.1-2; Jn 11.45-53)

<sup>1</sup> Poxonaе Jesús baxua daxita najume weta, bapoxonaе pijimonaе barai, jeye:

<sup>2</sup> —Paxam payaputaneme xua poxonaе po baya tsane, jiwi nacaetutsina penabanaenexa pexaewa peyabara nanta xeinaenexa barapo matacabi xua poxonaе caena bayatha matha judiomonaе Egipto nacua weya panenebiya, po mat-acabi pewun Pascua matacabi wun. Barapo mataqueitha ichamonaе necaenaetsina xua teparucua tanaexanaenexa tsane naetotha, ponxaein Nacom Tananeitapetsin, jei Jesús.

<sup>3</sup> Poxonaе Jesús pijimonaе baxua tsipaebuncua, bara caena barapo mataqueitha sacerdotemonaе pia pentacaponae wi tatsi nacaetuta. Iru ru baxota nacaetuta judiomonaе pia pitiri jiwi tatsi. Barapomonaе daxita nacaetuta po tututha pon pewun Caifás pon sacerdotemonaе pia pepa pentacaponaein tatsi pia pexeinya tutu botha tatsi. <sup>4</sup> Daxita barapomonaе nabaru muxu jei xua bepa pinae eta bichi tsane poxonaе Jesús nameicha waetabinchi xua pebexubiwa tsainchi. <sup>5</sup> Barapomonaе najei:

—Abu jopa waetabi tsainchi poxonaе jiwi Pascua matacabi wuntha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonaе.

*Meje yabara poxonaе petsiriwa Jesús mata epatabatsi penasiwa, po penasiwa petuxueiwa*

(Mr 14.3-9; Jn 12.1-8)

<sup>6</sup> Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peperu sawinchi. <sup>7</sup> Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo wun bosibu

atsato, xua bichocono w<sub>h</sub>nc<sub>a</sub> penasiwa xua petuxueiwa, po petuxueiwa bichocono ainya matoma. Poxonae Jesús eca pexaethopaewatha, bapoxonae barapo petsiriwa Jesús mata eatabatsi barapo petuxuei tuxusi nasiwatha. <sup>8</sup> Poxonae Jesús pijimonae tatsi tane baxua, barapomonae bichocono anaepana, yawa caemonae najeino:

—¿Eta pocotsiwa metha saya baxua xuba jane? <sup>9</sup> Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawe-naetsipatsi peacopeibi jiwi, najei barapomonae.

<sup>10</sup> Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayar<sub>u</sub> xua pexeinya coyene inta exana. <sup>11</sup> Barapo irathe peacopeibi jiwi paca bar<sub>u</sub> jinompeibina painya neyawenaenexa tsaibi tsane barapo jiwi. Ichitha nama paxam jopa ataya paca bar<sub>u</sub> poponae tsainchi xua pata tana neyawenaenexam barapo irathe. <sup>12</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui w<sub>h</sub>naeta xua m<sub>th</sub><sub>u</sub> tana neboyawenaenexa poxonae t<sub>p</sub>aein. <sup>13</sup> Bara xaniyan paca tsipaebatsi, daxita nacuantha poxonae jiwi cueicueije tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae barapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi  
(Mr 14.10-11; Lc 22.3-6)*

<sup>14</sup> Nexata Jesús pijimonae tatsi pomonae doce poyobe tatsi, barapo doce poyobe jiwana bara caein, bapon pew<sub>h</sub>n Judas Iscariote. Bapon Judas pona sacerdotemonae pia pentacaponae wi tatsi beya xua petsipaebinx<sub>a</sub> barapomonaetha. <sup>15</sup> Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonae Judas pentoma catatsi treinta po paratiximonaebe, xua po paratixi bichocono matoma nawita. <sup>16</sup> Barapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonae bar<sub>u</sub> nabane Pascua  
w<sub>h</sub>n matacabitha  
(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Nexata copiya matacabi jopa po matacabi tsiwana penantacarucuae matacabi, xua po matacabintha poxonae

jiwi tsinacaetutsina xua penabanaewa tsane pan, po pan jopa muxunapentsiyo levadura matawɛn, pocotsiwa xua cotowa exana pan. Jesús imoxoyo caquita umenarɛɛɛpatsi pijimonae yawa Jesús jeichichino:

—¿Exota ichichipame xua ichaxota pexaewa paca tsinacui wɛnaetsinchi wanabanaenexa tsane xua Pascua wɛn matabi nexa? jei barapomona.

<sup>18</sup> Jesús barai pijimonae, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tatɛpae wɛnae tsane. Jinya tututha tajiwimonae tha barɛ nabanaetsi pexaewa Pascua wɛn matabi nexa’, cajei pon jiwi Pecuidubin, pajande, jei Jesús pijimonaetha.

<sup>19</sup> Jesús pijimonae tatsi bara exana pocotsiwa bayatha Jesús pijimonae peitorobixae. Matautano barapomona pexaewa nacui wɛnaetajeba Pascua wɛn matabi nexa xua penabanaenexa.

<sup>20</sup> Poxonae quirei tsanaicha bapoxonae Jesús pijimonae barɛ eca pexaethopaewatha pomona doce poyobe tatsi.

<sup>21</sup> Poxonae Jesús pijimonae barɛ xunaeca bapoxonae barai pijimonae, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamona, jei.

<sup>22</sup> Nexata bapoxonae Jesús pijimonae tatsi ɛnthɛthɛ wecoyei tsɛrɛɛpae, nexata daxita tsana jei tsoponae Jesthath:

—Tanecanamataxeinaem, apara ¿xan cacaenaetaxubinchi? jei daxita barapomona xua Jesús tsana yainyabapoinchi.

<sup>23</sup> Jesús jume nota barapomona, jeye:

—Pon cae parattha pana nabarɛ jajaucuncuaponanbe pan, bapon apara pon necaenaetaxubina ichamonaetha.

<sup>24</sup> Xan ponxaein Nacom Tananeitapetsin bewa tɛpaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wɛnae tsipae icha bapon bayatha jopa naexaenae tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>25</sup> Nexata Judas pon Jesús caenaetaxubinchi bapon itacaretaba, jeye Jesthath:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

<sup>26</sup> Poxonae Jesús pijimonae barɛ xunaeca, bapoxonae Jesús pecobetha pita pan yawa Paxatha tsipaeba, jeye: “Axa, maisa

juntũ coyene weiweinan xua pan pata tana necatsiwam”, jei. Bapoxonae Jesús pecobetha pan epa janaca yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara yabara caunuta tapepon xua poxonae tapaca tsitũpaewatsi tsainchi, jei Jesús.

<sup>27</sup> Bapoxonae Jesús equeicha pecobetha pita corotiyoyawa Nacomtha tsipaeba, jeye: “Axa, maisa juntũ coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyoyawa pejiwana aapaponaenexa. Bapoxonae jeye pijimon-aetha:

—Daxita pa-aapaponde xua barapo cae corotiyotha. <sup>28</sup> Pena peyabara tsiwũnae muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonae tũpaein. Barapo jana tsita itapeinya xeinaena xua jiwi pinmonae, yabara jũntemainaein abe pia peexanae cuiru coyenein tatsi. <sup>29</sup> Daxota paca tsipaebatsi barapo uva mera jopa equeicha paca barũ apae tsainchi anoxuae. Meisa abũ bexa tsane equeicha pena coyenewatha paca barũ apaeinchi, barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mr 14.26-31; Lc 22.31-34; Jn 13.36-38)*

<sup>30</sup> Poxonae Jesús pijimonae barũ najume weta xua naxũna Nacom nexa, bapoxonae Jesús pijimonae barũ pona demxuwa beya. Barapo demxuwa pewũn demxu Olivowa, olivo naein peumenaexae baxota. <sup>31</sup> Nexata Jesús barai pijimonae, jeye:

—Anoxuae barapo merawithe daxita pam pana necuentarũcũpaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwũnaeya jeye: ‘Poxonae ovejamonae peewatsin bexubinchi, bapoxonae ovejamonae tsanarũcũpaena’, jei Nacom. Penamchixae poxonae ichamonae newaetabina tana nebexubinexa pana necuentarũcũpaename. <sup>32</sup> Ichitha taeyarapaeyo poxonae equeicha asũ neexanaena, bapoxonae paca tsiwana patopiyaeinchi Galilea nacia beya poxonae bara beya paponaname, jei Jesús.

<sup>33</sup> Nexata Pedro Jesús jume notatsi, jeye:

—Bequein ichamonae cacuentarucapaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

<sup>34</sup> Nexata Jesús Pedro jume baraichi, jeye:

—Bara xainyeya catsipaebatsi po merawithe, pewnaeya poxonaе beya ainya jume cuiyobetha wacara pebto fibina, bapoxonaе xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>35</sup> Pedro Jesús baraichi:

—Bara bequein capuna tupaеinchi ichitha baxua jopa cayabara paebi tsainchi, jei Pedro.

Iruu daxita Jesús pijimonaе tatsi bara jumichi, nanta jupiya paeba.

*Meje poxonaе Jesús Paxa tsipaeba ichaxota tsica iriyo, po iriyo pewun Getsemaní*

(Mr 14.32-42; Lc 22.39-46)

<sup>36</sup> Nexata Jesús pijimonaе baru patopa ichaxota tsica iriyo, po iriyo pewun Getsemaní. Baxota Jesús barai pijimonaе, jeye:

—Xote abu paenare tha matha Taxatha tsipaebichi painya cuariyatha xotiye, jei Jesús.

<sup>37</sup> Jesús baru pona Pedro. Iru Zebedeo pexantobe tatsi Jesús baru pona. Bapoxonaе Jesús bichocono unthuthu wecoyei, yawa bichocono unthuthu deideije. <sup>38</sup> Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatupaе. Xote paenare, yawa payoyocare xua painya tana nebaru naitaewatsinexam, jei Jesús.

<sup>39</sup> Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajuntataneyo. Bapoxonaе Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthuthutane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

<sup>40</sup> Nexata Jesús equeicha caibe iya pijimonaе tatsi beya poyobe xua acoibi poyobe, ichitha barapomonaе maita. Jesús Pedro baraichi, jeye:

—Maisa jopa paca itacupaeyo xua pata tana nebaru yoyocaewam xua poxonaе bequein bara cae horatha. <sup>41</sup> Maisa payoyocare. Nacom patsipaebare xua jopa abe painya neexanaewa tsane poxonaе caurimonaе pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa

ichitha painya pepon bichocono paacoyenefaetabim xua painya netsipaebiwa Nacom, jei Jesús.

<sup>42</sup> Equeicha Jesús bara nama caeto pona xua Paxa petsipae-binexa. Poxonae Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajuntutane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

<sup>43</sup> Bapoxonae equeicha Jesús pijimonae beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua itamaipana.

<sup>44</sup> Bara nexata Jesús equeicha saya cuentapona. Equeicha Jesús pona xua Paxa petsipaebinexa xua equeicha acoibi po cuiyobetha, barapo jumetha equeicha Jesús Paxa tsipaeba.

<sup>45</sup> Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaende aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaein Nacom Tananeitapetsin ichun necaenaetaxubina ichamonaetha, pomonaetha pomonae peantucoyenebe jiwi.

<sup>46</sup> Panacosapende, panonobapondeno. Antha bu poinchi. Dota dawerena pon necaenaetaxubina ichamonaetha, jei Jesús pijimonaetha.

*Meje yabara poxonae Jesús waetabatsi*

*(Mr 14.43-50; Lc 22.47-53; Jn 18.2-11)*

<sup>47</sup> Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae baru patopa. Ichamonaе cusin cajjinca. Ichamonaе iwabi cajjinca. Daxota daxita barapomonae pata, tsipei sacerdotemonae pia pentacaponae wi tatsi iru pitiri jiwiru daxita barapo pentacaponae wi itoroba barapomonae.

<sup>48</sup> Judas, pon Jesús caenaetaxubinchi, pewunaeya tsane xua poxonae patopa bapon cou tsiwanaya paeba barapo pin bicheitha, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei. <sup>49</sup> Daxota poxonae patopa, bapoxonae Judas Jesús imoxoyo caquita poinchi, matauta nainya Jesús jeichichi:

—Pon jiwi Pecuidubim, xamda, jei Judas.

Bapoxonae nainya Judas Jesús tsutsubatsi. <sup>50</sup> Nexata Jesús jume nota, jeye:

—Ponxaeim tajitom, moya bara exande xua jinya necana exanaetsi, jei.



Nexata barapomonaē pomonaē Judas pebaru patopaexae barapomonaē Jesús imoxoyo caquita umenarucupatsi, bapoxonaē Jesús waetabatsi.

<sup>51</sup> Caein pon Jesús pijimonaē tatsi jiwana, pon Pedro, bapon nainya cusi namara wejonta. Bapoxonaē bapon muxuyoro catsoniba, pon sacerdotemonaē pia pepa pentacaponaein tatsi tanacuitatsi, bapon muxuyoro catsonibatsi. <sup>52</sup> Nexata Jesús barai pijimonaē jiwana jitontha, pon Pedro, jeye:

—Maisa cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha. <sup>53</sup> ¡Maisa xam jopa yaputaem! Icha ichichipan bara neitacapa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheitomonaē xua tana neyawenaewa tsane. <sup>54</sup> Icha Taxa wucaetsipan xua bapon tana neyawenaewa tsane bapoxonaē jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

<sup>55</sup> Nexata Jesús barai pomonaetha pomonaē Judas baru patopa, jeye:

—Pacapatame cusin yawa iwabi be poxonaē pacana ichim pontha pon jiwi pecaibin. Daxita matakabin Nacom pin pia botha tatsi paca baru poponeibatsi, paca cuidubeibatsino, daichitha bapoxonaē jame jopa pana newaetabim. <sup>56</sup> Ichitha daxita baxuan neyabara canacui jume weta exana, bayatha penecui yabara wanae tsiwanaya paebixae pomonaē Nacom peitorobi jume pepaebiwi, Nacom Pejume Diwesitha, jei Jesús.

Bapoxonaē Jesús cuentarucupatsi pijimonaē, meisa Jesús baru umeinchi pomonaē Judas bayatha baru patopa.

*Meje yabara poxonaē Jesús capoinchi judiomonaē pia pecanamata caitorobi jiwi bicheito tatsi pia peitabaratha tatsi (Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Pomonaē Jesús teicatsi barapomonaē Jesús capoinchi pon pewun Caifás itabaratha tatsi. Bapon Caifás, pon sacerdotemonaē pia pepa pentacaponaein tatsi pon peainya cuin yatsicaya. Baxota iru nanacaetuta pomonaē judiomonaē pecuidubiwichi Moisés pia peitorobi coyene tatsi, iruru pitiri jiwi pomonaē judiomonaexae. <sup>58</sup> Iru Pedro Jesús tsiwiyo tajū pu taetae tsiniyatsi beya poxonaē patopa panatha, po panatha ichaxota sacerdotemonaē pia pepa pentacaponaein tatsi tauncuatsi bo. Poxonaē Pedro pana tututha joniya bapoxonaē imoxoyo naeca policiamonaetha pecui taenexa xua po coyeneya Jesús cana exanaeinchi pomonaē nacaetuta.

<sup>59</sup> Sacerdotemonae pia pentacaponae wi tatsi iru ichamonae, pomonae pecanamata caitorobi jiwi bicheito, daxita barapomonae jeita ichamonae pomonae xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi. <sup>60</sup> Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe. <sup>61</sup> Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acobi po matacabibe barapo Nacom pin pia bo tatsi xanabin’, jei, jeibe baponbe.

<sup>62</sup> Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

<sup>63</sup> Daichitha saya Jesús moya uncua. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

<sup>64</sup> Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>65</sup> Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebi-watsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa

ichipaeyo. <sup>66</sup> ¿Eta xua pacayabara nanta xeiname xua paex-  
anaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Na-  
com tsitatsi xua bapon tsita natsicuentatsi. Daxota bapon  
bewa tupaena, jei barapo pecanamata caitorobi jiwi bicheito.

<sup>67</sup> Poxonae barapomonae Jesús itacuere catatsi, bapoxonae  
peonetha Jesús itabara subabatsi, yawano butfino. Icha-  
monae Jesús itabara tsaquibacotatsi. <sup>68</sup> Bapoxonae bara-  
pomonaes Jesús baraichi:

—Xam jam: ‘Xan Mesías’, jam, incane pana netsipaebare:  
¿Jintam caitabara tsaquibobara xua bequein paca itacuere  
catatsi? jei barapomonae.

*Meje yabara poxonae Pedro Jesús yabara paebatsi xua jeye:*  
*“Jopa dapon yaitaeinyo”, yabara jeichichi Jesús*  
*(Mr 14.66-72; Lc 22.56-62; Jn 18.15-18, 25-27)*

<sup>69</sup> Poxonae cataunxuae Jesús cana exanompatsi bapoxonae  
iruru Pedro panatha eca xua pesato beya. Bapoxonae iruru  
yabuyo, powa sacerdotemonae pia pepa pentacaponaein  
tatsi tanacuitatsi, bapowa Pedro imoxoyo caquita poinchi.  
Bapowa Pedro jeichichi:

—Apara xam bayatha iruru napuna poneibame Jesús, pon  
Galilea nacuapin, jei yabuyo.

<sup>70</sup> Ichitha Pedro jume matawenta bapowa, daxita jiwi  
peitatha tatsi. Pedro jeye:

—Jopa yaputaeinyo pocotsiwa xua yabara paebame, jei  
Pedro.

<sup>71</sup> Poxonae cataunxuae Pedro ecapona xua pia ponaetsi  
bomaxu coiboto beya, bapoxonae iru ichawayo Pedro tainchi.  
Barapowa tsipaeba ichamonae pomonaes baxota iru umena,  
Pedro yabara paebatsi, jeye:

—Apara bapon, pon napuna poponeiba Jesús pon Nazaret  
tomarapin, jei barapowayo.

<sup>72</sup> Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae  
payabara paebame, jei Pedro.

<sup>73</sup> Equeicha bapoxonae pirapaeyo Pedro imoxoyo caquita  
poinchi pomonaes baxota umena. Barapomonae Pedro je-  
ichichi:

—Apara bara xam iruru bapon pijimonae tatsi jiwanam,  
daxota barapo jume coyeneya paebame, icha barapomonae  
ichi, jei.

<sup>74</sup> Nexata Pedro daunweya jeye:

—Bara Nacom peitabaratha xainyeya paca tsipaebatsi  
pocotsiwa bara xaniwaicha tapaebiwa. Icha jopa xainyeya

paca tsipaebichipaetsi metha barabꝰ Nacom abe necana ex-  
anaetsipa. Equeicha paca tsipaebatsi, jopa dapon yaitaeinyo  
xuaunxuae pon payabara paebame, jei Pedro.

Baroxonae irꝰꝰ caena nainya wacara pebto fibarꝰ.  
75 Nexata Pedro nanta xeinataba xua bayatha Jesús  
Pedro tsipaebatsi poxonae jeye: ‘Xam barapo merawithe,  
pewꝰnaeya poxonae wacara pebto fibina xam copiya  
acoibi po jume cuiyobetha neyabara jam tsane: Jopa  
dapon yaitaeinyo, neyabara jam tsane. Baroxonae irꝰꝰ  
nainya wacara pebto fibina’, jeichichi Pedro, xua Jesús  
paeba. Nexata Pedro pesato bejoniya bichocono wecoyei,  
peajꝰntꝰtanexae xua Jesús yabara paebatsi.

## 27

*Meje yabara poxonae Jesús capoinchi Pilato beya*  
(Mr 15.1; Lc 23.1-2; Jn 18.28-32)

1 Poxonae pentha tsina sacerdotemonae pia pentacapon-  
aewi tatsi irꝰꝰ judiomonae pia pitiri jiwi tatsi, daxita bara-  
pomonae yabara nacaetuta xua nanta jꝰpaeya pebꝰꝰya  
penanta xeinaenexa po coyeneya xua Jesús pebexubiwa  
tsainchi. 2 Daxita barapomonae equeicha Jesús maxꝰ catatsi.  
Baroxonae Jesús yamaxꝰ cꝰtsiya capoinchi Pilato beya, pon  
Judea nacuariwi peyanacua ewatsinchi xua romanomonae  
peitorobixae.

*Meje yabara poxonae Judas pia coutha nabexuba*

3 Judas Jesús caenaetaxubatsi ichamonaetha. Poxonae  
bapon jume tane xua ichamonae Jesús yabara paebatsi  
xua bewa tꝰpaena abe peexanaexae, poxonae bequein jopa  
abe exanaeyo, baroxonae Judas bichocono aura xua Jesús  
pecaenaetaxubixaetsi. Daxota Judas equeicha caewa capona  
barapo treinta po paratiximonaebe. Sacerdotemonae pia  
pentacaponaewi catatsi irꝰꝰ pitiri jiwi catatsi. 4 Judas barai  
barapomonae, jeye:

—Poxonae pebin caenaetaxuban, xua jopa pon abe ex-  
anaeyo, xua poxonae ichamonae pebexubinexa xua pejana  
pichapabarena, xan apara bara abe exanan, jei.

Ichitha barapomonae Judas jume notatsi, jeye:

—Apara baxua jopa painta ainya cuiyiyo. Jame apara xam  
jinya coyam poxonae baxua cana exaname, jei.

5 Nexata Judas barapo treinta po paratiximonaebe anaya  
xoya Nacom pin pia botha. Poxonae Nacom pin pia bo weya  
pona, baroxonae Judas nabexuba pia coutha, nacoibo tathꝰ  
catataba athawetsica.

<sup>6</sup> Bapoxonae sacerdotemonae pia pentacaponae wi tatsi nota po paratixi Judas bebaya. Bapoxonae barapomonae najei:

—Jopa naca copatsiyo xua barapo paratixi bara wajebinxaxa Nacom pin pia botha tatsi nexa. Tsipei apara barapo paratixi taxoba poxonae barapo paratixitha comotatsi pebin xua ichamonae pebexubinexa, xua pejana pichapabarenaenexa, jei barapomonae.

<sup>7</sup> Bapoxonae daxita barapomonae pebuxaya nanta xeinaruxapa, najei: “Waxainchi barapo paratixitha comotinchi tsica iriyo, po iriyotha jiton tsorobon noteiba xua juruwaton peexaneibinxaxa. Barapo iriyotha tsane xua pemuthathaqueibinxaxa tsainchi poxonae werapeibina pomonae penanapaincha jinompae wi xua icha nacua werena peponae wi”, najei. <sup>8</sup> Daxota barapo iriyo barapomonae wun duta po wun jeye: “Pejana ira”, jei. Po iriyo barapo wuntha cataunxuae jiwi wun ununutapona beya anoxuae. <sup>9-10</sup> Baraxua barapomonae exana xua bayatha pecui yabara tsiwunaeya wuna tsimuxu dutsiya jeixae pon Nacom peitorobi jume pepae bin, pon pewun Jeremias pon caena bayatha tupa. Bapon Jeremias jeye: “Israelmonae pia pentacaponae wi tatsi catsina treinta po paratiximonae be ichantha xua poxonae pecaenaetsixae tsainchi pon pejuntay coyene xeicaein. Barapo matomatha cana matomatsinchi pon pejuntay coyene xeicaein. Barapomonae baxua cana exanaena bapontha tsipei barapomonae pebuxaya nanta xeinaruxapa pecana matomatsinexa. Bapoxonae equeicha barapomonae caewa pichina barapo treinta po paratiximonae be. Barapo paratixitha barapomonae iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonae exana be pocotsi coyeneya Nacom pon jiwi Pecanamataxeinaein nejume cui itoroba”, jei Jeremias.

*Meje yabara poxonae Jesús uncuca Pilato peitabaratha tatsi (Mr 15.2-5; Lc 23.3-5; Jn 18.33-38)*

<sup>11</sup> Jesús cataunxuae uncuca Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainya-batsi, jeye:

—¿Bara yatsicaya xam judiomonae itorobiya pia pepa Nee-watsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

<sup>12</sup> Sacerdotemonae pia pentacaponae wi tatsi iru judiomonae pia pitiri jiwi tatsi, daxita barapomonae Jesús

abe yabara paebatsi xua pinae abe exana. Daichitha Jesús jopa jume barabotsiyo barapomona. <sup>13</sup>Nexata daxota Pilato Jesús baraichi, jeye:

—¿Jopa jume taem pocotsiwa barapomona bichocono abe cayabara paeba? jei.

<sup>14</sup>Ichitha Jesús jopa jume notsiyo Pilato xua pocotsiwa ichamonae Jesús abe peyabara paebiwatsi xua matauta cae jume coyenewatha jopa jume notsiyo. Daxota Pilato bichocono yabara nantã coyene cui cabenaeca baxua.

*Meje yabara poxona Pilato jume barã jejei xua Jesús bara pebexubiwa tsainchi ichamonae*

*(Mr 15.6-20; Lc 23.13-25; Jn 18.38-19.16)*

<sup>15</sup>Bara nama, Pilato ba pia cui xeina poxona ba jiwi tsinacaetuta pexaewa penanabanaenexa. Barapo matabitha Pilato ba caein jiwana pu sotaba pomona jiwi pecubi botha peenaewi. Pilato ba pu sotaba pon ba jiwi itapeta cowai xua Pilato peisanaxubinexa. <sup>16</sup>Barapo jiwi pecubi botha irũã eca pon bichocono abe peexanaein, pon peyaputaainchi daxita jiwi poxona abe exaneiba. Bapon pewan Barrabás. <sup>17</sup>Poxona jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

<sup>18</sup>Baxua Pilato paeba tsipei bapon yaputane xua pomona pecanamata caitorobi bicheito, Jesús peuwixaetsi, caenataxubatsi Pilatotha.

<sup>19</sup>Poxona Pilato cataunxuae pia peecaethopeibiwatha eca xua Jesús peyabara paebinxatsi penatsicuentisiwa bapoxona Pilato piowa tatsi najume caitoroba ichantha xua jeye: “Jopa copatsinde xua bapon pebexubinexatsi ichamonae, tsipei apara bapon pejũntã coyene xeicaein. Yaitama tsipei merawi bapon camaitan daxota bichocono anthũthũrewein, tsipei bapon dacotsiwa bexotsi”, jei bapon xua Pilato piowa tatsi najume caitoroba.

<sup>20</sup>Ichitha sacerdotemona pia pentacaponae tatsi, irũã judiomona pia pitiri jiwi tatsi, daxita barapomona jiwi cui tsacarabatsi, xua barapo jiwi Pilato pecui itorobinxatsi xua Barrabás pepu sotabinxatsi, matautano xua Jesús pebexubinexatsino. <sup>21</sup>Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomona Pilatotha jeye:

—Maisa Barrabás pu sotabare bara, jei barapomona.

<sup>22</sup>Equeicha Pilato yainyaba barapomona, jeye:

—¿Eta xua cana exanocuaein Jesús pon Mesías baraichi? jei.

Nexata pinmonae Pilato jume daunweya jume notatsi, jeye:

—¡Bewa maisa naetotha t̃parucua exanaem! jei barapomonaē.

23 Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daumetha barapomonaē jume daunweya jeye:

—¡Bewa maisa naetotha t̃parucua exanaem! jei.

24 Poxonaē Pilato yaputane xua nama taaibichiba pocotsiwa bapon pepaebinxaxa picoya, xua peajumetsacaxae barapomonaē, daxota Pilato itoroba ichun xua petaxawenaenexa tsainchi mera. Bapoxonaē barapo meratha nacobe quiataxuba barapo jiwi peitatha tatsi. Bapoxonaē bapon namchi, jeye:

—Xan apara jopa tacoutha bexuba exanaeinyo bapon xua daxota pejana pichapabarena pon jopa bequein abe exanaeyo. Poxonaē nacobe quiataxuban meratha, baxua tsita itapeinya xeinan xua apara jopa tacouthinyo. Apara jame painya coutha pam poxonaē bexuba paexaname pon abe jopa exanaeyo, jei Pilato.

25 Daxita barapomonaē equeicha namchi, jeye:

—¡Paxan iru pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

26 Nexata Pilato nama pu sotaba Barrabás. Bapoxonaē itoroba xua soldadomonaē bara Jesús moya bichocono pecuainchinexatsi pocotsiwatha eewa xua bichocono am̃piya xua xota ba jiwi cuainteibatsi poxonaē abe exaneiba. Matautano itorobano xua moya bara Jesús t̃parucua exanaeinchi naetotha.

27 Bapoxonaē soldadomonaē Jesús capoinchi Pilato pia bo tatsi beya po soldadomonaē yapu eena Pilato pia bo tatsi. Bapoxonaē barapo soldadomonaē waba icha soldadomonaē xua daxita barapo soldadomonaē Jesús pematawacaicha umenaenexa tsainchi. 28 Bapoxonaē Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi. 29 Bapoxonaē cuane tepa xua pee tepa, yawa bapoxonaē Jesús canamitontsiya mata xatatatsi baxua xua cana exanatsi icha be ichi pon jiwi itorobiya pepa peewatsin poxonaē mata xatatatsi tepa. Matautano Jesús cobenatsi naewa icha be ichi pon jiwi itorobiya pepa peewatsinchi poxonaē naewa cobenatsi poxonaē itoroba jiwi. Bapoxonaē Jesús peitabaratha tatsi pentabocototha taenatsi xua Jesús naerabiya pebaru cui itura jinaenexa tsainchi. Bapoxonaē Jesús cui caponatsi, jeye:

—¡Jaco judiomonaē itorobiya pepa Neewatsim! jei barapomonaē xua Jesús canamitontatsi.

<sup>30</sup> Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi. <sup>31</sup> Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua t̄parucua peexanaenexatsi naetotha.

*Meje yabara poxonae Jesús t̄parucua exanatsi naetotha  
(Mr 15.21-32; Lc 23.26-43; Jn 19.17-27)*

<sup>32</sup> Poxonae Jesús namtotha caenapoinchi soldadomona, bapoxonae barapo soldadomona taeba pebin, pon Cirene tomarapin. Bapon pew̄n Simón. Bapoxonae barapo soldadomona Simón itorobatsi xua pecaponaenexa Jesús pia naeto tatsi, po naetotha t̄parucua peexanaenexatsi Jesús.

<sup>33</sup> Bapoxonae Jesús bar̄ patatsi ichaxota po uruto be jiton matasipa piwa. Daxota barapo uruto jiwi w̄n unuta “Gólgota”, jei. <sup>34</sup> Baraxotiya Jesús apatatsi vino mera, po vino mera equeicha muxuna epareca hiel mera mataw̄n po mera bichocono atsu w̄wa. Poxonae Jesús mene pana, bapoxonae Jesús aichaxaibi apa barapo mera.

<sup>35</sup> Poxonae Jesús canacobe wetatsi xua naetotha t̄parucua exanatsi, bapoxonae soldadomona nata tsaba Jesús pia paparuwan tatsi. Barapomona ibotixi bebeya penacueranta notsinexa Jesús pia paparuwan tatsi. Pon beta xoya ibotiyi bapon copiya pita Jesús pia paparuwan tatsi. <sup>36</sup> Nexata barapo soldadomona Jesús yapu caenatsi poxoru jopa ichipaeyo xua Jesús pepanepaewa tsane. <sup>37</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomona itorobiya pia pepa Peewatsinchi”, jei barapo petinadutsiwa xua napaewatha tinaduta.

<sup>38</sup> Ir̄r̄ ponbe jiwi pecaibinbe t̄parucua exanatsibe naetotha ichaxota imoxoyo Jesús ducua. Ich̄n Jesús petsocona wetauncuiyatsi, ich̄n pecoxa wetauncuarenatsi. <sup>39</sup> Pomona Jesús xentapoinchi barapomona Jesús cui capoinchi, yawa Jesús yabara itata naichaquebatsi. <sup>40</sup> Barapomona Jesús jeichichi:

–Xam bayatha jam: ‘Nacom pin pia bo abe exanaein, bapoxonae equeicha acoibi po matabibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomona.

<sup>41</sup> Ir̄r̄ barichi sacerdotemona pia pentacaponaewi tatsi ir̄r̄ pomona jiwi pecuidubiwi Moisés pia peitorobi coyene



tatsi iruru judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

<sup>42</sup> —Bapon cain capanepeibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, bu bapon pia coutha naeto wetsica ecoinca, xainya bapoxonae jume cowantatsi. <sup>43</sup> Bapon jume cowanta Nacom, xua bepa pinae capanepaeinchi, xua Nacom capanepaena. Icha Nacom ichichipa, bu bara moya capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonae.

<sup>44</sup> Barichiru baxua paeba ponbe jiwi pecaibinbe, ponbe xua iruru cobe matatabarutatsibe naetotha. Baponbe iruru Jesús cui caponatsi.

*Meje yabara poxonae Jesús tupa*

*(Mr 15.33-41; Lc 23.44-49; Jn 19.28-30)*

<sup>45</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mataeinyaxae weya, beya yatabopiya. Tres po horabe quirei tsuncuae. <sup>46</sup> Bapoxonae Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>47</sup> Ichamonae pomonae Jesús baxota jume taeumeinchi, barapomonae jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha tupa, jei.

<sup>48</sup> Bapoxonae caein nainya cuinaepoinya pon barapomonae jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa.

<sup>49</sup> Ichitha ichamonae namchi, jeye.

—Abu, abu jopa apatsinde. Waxainchi abu matha taeinchi icha Elías patopeicaena xua bapon pecapanepaenexatsi, jei barapomonae.

<sup>50</sup> Equeicha Jesús jume daunweya wawai, bapoxonae nama tupanaicha Jesús. <sup>51</sup> Bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica ainya epatobe naexanabe. Matautano ira jijiyataxuba, matauta ibo wacapouna. <sup>52</sup> Po muthantha pomonae pewerapeibiwi bobena, barapo muthan coibo tupa wacapouna pocotsiwa coibo xatababanoba xua pin ibo panawan. Barapo muthantha cataunxuae abu saya bobena pomonae caena bayatha werapa. Pirapaeyo acoibi po matacabiyoibe poxonae Jesús asu juina exanatsi, xua Nacom exana,

baroxonae iruru pomonae bayatha pejume cowantsiwichi Nacom pomonae xua bayatha pewerapaexae barapomonae iru asu jujaina exanatsi xua Nacom exana. <sup>53</sup> Baroxonae daxita barapomonae muthu we-iyiya. Daxita barapomonae, Jerusalén tomara beya pona po tomaratha xeina Nacom pin pia bo tatsi. Barapomonae naituta pinmonaetha Jerusalén tomarapiwitha.

<sup>54</sup> Baroxonae soldadomonae pomonae Jesús yapu enatsi iruru barapo soldadomonae pia pentacaponaein tatsi, pon romanomonaepin poxonae daxita barapomonae tane xua ira jijiyata yawa xua tane ichawanno, baroxonae barapomonae bichocono junuwa. Baroxonae barapomonae jeye:

—¡Apara bara yatsicaya bapon Nacom pepa Pexanto tatsi! jei barapo soldadomonae.

<sup>55</sup> Barichi iru ainyawaxi yabuxi, barapowaxi Jesús tsiwiyo tajū wetaeumeinyatsi. Barapowaxi Jesús bayatha matha puna jinompatsi xua poxonae Galilea nacua weya pona xua Jesús peyawenaenexatsi. <sup>56</sup> Barapowaxi jiwana, ichowayo pewun María Magdalena, powa Magdala tomarapiwayo. Ichowayo pewun María, Santiago iru José baponbe penabe tatsi. Ichowayo pewun Salomé bapowa Zebedeo piowa tatsi, xua iru bapowa Santiago iru Juan baponbe pena tatsibe.

*Meje yabara poxonae Jesús petupaenin ibo muthutha yauxatatabotatsi*  
(Mr 15.42-47; Lc 23.50-56; Jn 19.38-42)

<sup>57</sup> Poxonae quirei tsanaicha, pebin patopa ichaxota Jesús naetho thaparucua. Bapon copei pexeinaein. Bapon pewun José. Bapon Arimatea tomarapin. Matauta bapon iru Jesús pia pepuna jinompaewichi jiwanaepin tatsi pomonae Jesús pia pejume cowantsiwichixaetsi. <sup>58</sup> Bapon pona Pilato beya pewucaenexa xua Jesús petupaenin. Nexata Pilato najume caruta xua bara José pecatsinexatsi Jesús petupaenin. <sup>59</sup> José nexata pita Jesús petupaenin. Baroxonae pena paparuwatha mata quiyontabareca xua pexeinya paparuwa. <sup>60</sup> Baroxonae José muthu iya Jesús botatsi pena ibo muthutha, po muthu bequein José pia muthu tatsi xua poxonae petupaewa tsane. Poxonae José nacobe weta xua yauxatatabota pin ibo panawatha, baroxonae ponataba. <sup>61</sup> Baxotiya ibo muthu itapatha eca María Magdalena, powa Magdala tomarapiwayo. Iru ichowayoru María baxota naeca.

*Meje yabara poxonae Pilato itoroba soldadomonae xua Jesús peyamuthu eenaenexa tsainchi*

<sup>62</sup> Icha matabitha po matabitha pentaquei seica matabi baroxonae sacerdotemonae pia pentacaponawewi tatsi

iruru fariseomonaē daxita barapomonaē pona Pilato beya.  
 63 Barapomonaē Pilato jeichichi:

—Pon pata Tanecanamataxeinaem, pananta xeinan xua barapo pemuxuitorobin poxonaē cataunxuae popona, pana tsipaeba, jeye: ‘Poxonaē acoibi po matabibē tsuxubi tsane equeicha asu tsane petupae coyene cuiru weya’, pana jei bapon. 64 Daxota xam itorobare soldadomonaē xua xaniwaicha peyapu eenaenexa muthu xua beya poxonaē acoibi po matabibē tsuxubi tsane. Baxua exande xua jopa pepatsinexa tsane muthu beya Jesús pia pepuna jinompaewichi, tsipei bu merawi barapomonaē pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha asu exanatsi petupae cuiru coyene weya’, jei tsipae xua Jesús yabara naerabatsi. Barapomonaē baxua naerabichipa jiwitha, baxua bichocono abe tsipae, beyacaincha poxonaē Jesús bayatha pocotsiwa paeba xua pemuxuitorobiwa, jei barapomonaē.

65 Pilato barai barapomonaē, jeye:

—Bara moya pataema. Moya panore soldadomonaē. Moya muthu beya pabarū ponde. Paexande pocotsiwa panantawenoname xua bu moya barapo soldadomonaē xaniwaicha yapu eenaena, jei Pilato.

66 Nexata barapomonaē iru soldadomonaē bara be-iyiya. Bapoxonaē muthu coibo daunwei exananota. Bichocono barapomonaē cateitabanota xua pin ibo panawa xua muthu boupa ata. Matautano bichocono barapomonaē pemacatha epatautarena boupa cutabarena barapo peboupa patsiwa, xua peyaputaenexa icha ichu namicha patopa xua pecaibinexa Jesús petupaein. Bapoxonaē barapomonaē cuentadendena soldadomonaē xua barapo soldadomonaē peyapu eenaenexa muthu.

## 28

*Meje yabara poxonaē Jesús equeicha asu juina exanatsi petupae cuiru coyene weya*

*(Mr 16.1-8; Lc 24.1-12; Jn 20.1-10)*

1 Poxonaē po pentaquei seicaē matabi yapu caewaba, bapoxonaē matabi jopa po matabi xua nanta carucua xua cae semanatha xua penacuichi matabi. Barapo matabi María Magdalena, powa Magdala tomarapiwayo iru ichawayo María, barapowayobe caemumbotha siwa ponabe muthu ichaxota Jesús yamuthu uncuā. 2 Bapoxonaē nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yau-pataxubanota barapo pin ibo panawa. Bapoxonaē barapo

ibo panawatha ecopiya. <sup>3</sup> Barapo matatsunpin bichocono daedaena icha be yamuxu coicha ichi. Paparua bichocono inyapana. <sup>4</sup> Poxonae soldadomonaе baxua taeruxapa bichocono cuitaya jijiyei tsuruxapae, mexeya poxi werapa iratha bobena, tsipei bichocono junuwa. <sup>5</sup> Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon tupa exanadutatsi naethotha jiwí. <sup>6</sup> Xote apara bapon aibi. Apara bayatha equeicha asu juina exanatsi petupae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon petupaein botatsi bayatha. <sup>7</sup> Nainya papondebe weye, patsipaebarebe Jesús pijimonaе tatsi. Pajandebe: ‘Bara bequein bapon bayatha tupa ichitha equeicha asu juina exanatsi petupae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename, pana nejei matatsunpin’, pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apara xaniyei, jeí matatsunpin.

<sup>8</sup> Bapoxonae barapo yabayobe mathu weya nainya pontababe. Junuwiya juntu coyene weiweinabe. Barapowayobe cuinaepoinyabe Jesús pijimonaе tatsi beya xua diwesi caponabe pocotsiwa matatsunpin paeba. <sup>9</sup> Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: “Jaco”, jeí Jesús. Barapowayobe imoxoyo caquita ponabe Jesthа bapoxonae pentabocototha uncuabe yawa taxu waetababe xua Jesús wunae pejainchinexatsi. <sup>10</sup> Jesús barai barapowayobe, jeye:

—Jopa pana necunuwindebe. Paponarebe tajiwimonae beya. Patsipaebarebe pajandebe: Jesús paca itoroba bepa pinae paponae Galilea nacua beya. Bepa pinae baxotiya pataem, pajandebe, jeí Jesús.

*Mejeyabara poxonae soldadomonaе naerabiya paeba, jeye: “Jesús pijimonaе petupaein pitatsi”, jeí*

<sup>11</sup> Poxonae barapo yabayobe cataunxuae namtotha ecaponabe, bapoxonae icha soldadomonaе jiwana, po soldadomonaе Jesús yamuthu eenatsi, barapo soldadomonaе tomara beya pona. Matauta sacerdotemonaе pia pentacaponae wi tatsi tsipaebatsi daxita pocotsiwa xua xuan tane. <sup>12</sup> Barapo sacerdotemonaе pia pentacaponae wi tatsi pona pitiri jiwí beya xua caemonaе peyabara natsipaebinexa xua Jesús petupaein yabara. Bapoxonae daxita barapomonaе

soldadomonaē paratixi nawita catsibatsi xua jiwi naerabiya petsipaebinxatsi. <sup>13</sup> Bapoxonaē barapomonaē soldadomonaē baraichi, jeye:

—Patsipaebare jiwi xua merawi poxonaē pamaitumename Jesús pijimonaē tatsi pata, yawa xua bapoxonaē pet̃paēin pitatsi. <sup>14</sup> Icha Pilato pon peyanacua ewatsin jiwi jume taebina xua Jesús pet̃paēin aichurucuae, yawa icha bapon baxua yabara paca yainyabina, bapoxonaē nexata paca yabara jume yawenaēinchi xua bapon jopa paca jutebi tsane, jei barapomonaē.

<sup>15</sup> Nexata barapo soldadomonaē nota paratixi yawa jiwi tsipaeba tsiniyatsi xua sacerdotemonaē pia pentacapon-aewi tatsi peitorobixae. Barapo penaerabi diwesi jume, judiomonaē jume cocow̃ntapona. Anoxuae barichi po judiomonaē anoxuae jinompa, jume cocow̃ntapona barapo diwesi.

*Meje yabara poxonaē Jesús cui itoroba pijimonaē xua pia diwesi tatsi daxita nacuantha petapaēbiwa tsainchi (Mr 16.14-18; Lc 24.36-49; Jn 20.19-23)*

<sup>16</sup> Nexata once poyobe pomonaē xua Jesús pijimonaē tatsi barapomonaē nawibiya Galilea nacua beya. Bapoxonaē barapomonaē demxuwa beya pona, po demxuwa pinae Jesús caunuta xua pinae baxota patopaena. <sup>17</sup> Poxonaē barapo once poyobe baxota Jesús taer̃nc̃patsi, ichamonaē Jesús w̃naē jaintatsi, bequein ichamonaē ainya j̃nt̃u coyenein xeina xua Jesús xapain beta jopa yabara jume cow̃ntichi. <sup>18</sup> Nexata Jesús pijimonaē imoxoyo caquita pona. Bapoxonaē jeye:

—Nacom necata daxita peayapus̃u itorobi coyene xua peitabocotha nexa, matautano po cae pin nacuathe tsiquenexano. <sup>19</sup> Paponare daxita carepaya jiwitha xua daxita nacuantha. Jiwi pacana exande xua tana nejume cow̃ntsiwa tsane. Daxita pomonaē tana nejume cow̃ntsiwi pabautisabare. Poxonaē pabautisabame Taxa pew̃n paw̃n taibare, matautano pana new̃n taibare, ponxaein Nacom Pexanton, matautano Nacom pia Pejumope t̃nax̃u tatsi paw̃n taibare xua barapo acoibi w̃nthabe painya paca nepaca yawenaenexa pia peayapus̃u itorobi coyenewatha. <sup>20</sup> Daxita barapomonaē pacuidubare daxita xua xuan pocotsiwa bayatha paca itorobatsi. Matautano painya xoba raj̃ntemainame xua daxita matakabin bara ataya paca bar̃u poponeibinchi beya poxonaē tsane xua equeicha patopeicaēin, jei Jesús pijimonaē.

Baja Mateo.

## Jesucristo Pia Pexeinya Diwesi Jume Tatsi Marcos Petinae Diwesi

*Meje yabara poxonae Juan pon Pebautisabin jiwí cuiduba ira xuepana susato tsurucuae nacuatha (Mt 3.1-12; Lc 3.1-9, 15-17; Jn 1.19-28)*

<sup>1</sup> Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

<sup>2</sup> Bayatha Nacom pia peitorobi jume pepaebin, pon pewan Isaías, bapon tina petinae diwesitha. Isaías tina Nacom nexa, Nacom barapo diwesitha jeye Pexantotha: “Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jiwí yabara aura tsane abe pia peexanae cuiru coyenein tatsi, xua poxonae nepatopae w̄naeya tsane.

<sup>3</sup> Pon itorobin bapon jume tan pon xua wawai ira xuepana susato tsurucuae nacuatha.

Bapon wawaya jeye: ‘Patsinajuntũ cui coyene w̄naere, pon jiwí pia pepa Pecanamataxeinaeinchi nexa pia pepatopae w̄naeya tsane’, jei pon xua wawai”, jei Isaías petinae diwesitha.

<sup>4</sup> Nexata Juan pon Isaías peyabara paebixae bapon ira xuepana susato tsurucuae nacuatha patopa. Bapon Juan bautisaba ducuaenaebiya, xua jiwí bautisabatsi merantha. Matautano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntũ coyene paxeinare painya neauraxae xua abe paexaname. Bapoxonae Nacom paca yabara j̄ntemainaena abe painya neexanae cuiru coyenein”, jei Juan. <sup>5</sup> Daxita Judea nacuamonae, irũ Jerusalén tomarapiwí, daxita barapomonae pona ichaxota beya Juan bautisaba jiwí ira xuepana susato tsurucuae nacuatha. Poxonae barapomonae nayopita Nacomtha xua bepa pinae Nacom tsita auratsi xua abe peexanaexae bapoxonae barapomonae Juan bautisaba Jordán mentha.

<sup>6</sup> Juan jumaina duwein nabocoto, po duwein pewan camello. Coreinya bocoto maraina. Xane pocotsiwa yapupuna pocotsiwan be sure poxi. Matautano bana daeba. <sup>7</sup> Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayapusũ itorobi coyenewa xaina beyacaincha xan. Bapon pon jiwí pia Pecanamataxeinaeinchi. Xan

bichocono tapawin daxota bapon bichocono tsita pin ura xeinan xua tataxu m̄ isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae bar̄ cui itura jina pia pentacaponae wichi. <sup>8</sup> Paca bautisabatsi meratha, ichitha nama barapon Mesías paca bautisabina Nacom pia Pejumope t̄nax̄tha tatsi poxonae Nacom paca najumope catsibina”, jei Juan jiwitha xua Jesús yabara.

*Meje yabara poxonae Jesús bautisabatsi*

*(Mt 3.13-17; Lc 3.21-22)*

<sup>9</sup> Barapo dapaetha Jesús Nazaret tomara weya pona, po tomara eca Galilea nacuatha. Bapon Jordán mentha patopa, ichaxota Juan bautisaba. Baraxota Jesús bautisabatsi. <sup>10</sup> Poxonae mene wejuina barapoxonae caena nainya Jesús itaboco necoicha xua peitaboco nayausanaxuba. Jesús tane xua Nacom pia Pejumope t̄nax̄ tatsi patopa bapontha xua be topiboto yaruneica. <sup>11</sup> Barapoxonae Jesús jume tane pocotsiwa peitaboco wetsipaebicatsi, jeichichi: “Xam apara Taxantom, pom bichocono caantobetsi, pom caitapetatsi. Nejt̄n̄ coyene weiweina exaname”, jei Nacom.

*Meje yabara poxonae Jesús j̄nt̄ coyene j̄jt̄tatsi caurimonae pia pentacaponae in tatsi xua Jesús abe coyeneya petaexanaenexa tsane*

*(Mt 4.1-11; Lc 4.1-13)*

<sup>12</sup> Poxonae Jesús nanacui wetatsi xua bautisabatsi bapoxonae Nacom pia Pejumope t̄nax̄ tatsi Jesús nainya itorobatsi ira xuepana susato tsurucuae nacua beya. <sup>13</sup> Jesús ira xuepana susato tsurucuae nacuatha popona cuarenta po matabibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponae in tatsi pon Satanás Jesús piraichi j̄nt̄ coyene j̄jt̄tatsi xua Jesús abe coyeneya petaexanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jesth̄tha xua Jesús pecui matateicaenexa tsainchi, matautano xua peapatsinexatsi tsainchi.

*Meje yabara poxonae Jesús tamropata pitaba pia penacuichiwa xua Galilea nacuatha*

*(Mt 4.12-17; Lc 4.14-15)*

<sup>14</sup> Nexata poxonae ichamonae Juan max̄ waetabatsi xua peetsinexatsi jiwi pecubi botha, bapoxonae Jesús Galilea nacuatha patopa. Jesús paeba ducunaeta jiwitha Nacom pia pexeinya jume diwesi tatsi. <sup>15</sup> Jesús namchi jeye: “Nacom bayatha yabara necana cui weta exana po coyeneya xua

poxonae tapatopaewa. Daxota jiwi itacupatsi xua naexana Nacom piamonae, pomonae Nacom itorobiya peewatsixae. Daxota icha juntu coyene paxeinare Nacomtha xua painya neauraxae xua abe paexaname, Nacom piamonae painya ne-naexanaenexa tsane. Pajume cowande Nacom pia pexeinya jume diwesi tatsi”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi*

*(Mt 4.18-22; Lc 5.1-11)*

<sup>16</sup> Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ichun pewun Simón, ichun pewun Andrés. Baponbe bara cae peweichobe. Baponbe peweichobe duwei yamonauyabe pucuatha.

<sup>17</sup> Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>18</sup> Bara caena baraponbe botabe barapo peyamaewa. Bapoxonae napuna ponabe Jestustha.

<sup>19</sup> Jesús equeicha pona. Bapoxonae equeicha ichunbe tainchibe. Baraponbe ichun pewun Santiago, iru ichun pewun Juan. Baponbe Zebedeo pexantobe tatsi. Jeratha mataquerabauyabe peyamaewa xua ucupouna. <sup>20</sup> Jesús nainya waba, baponbe wabatsibe: Jesús baraibe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon pewun Zebedeo. Matautano cuenta ponabe pomonae Zebedeo pia peyawenae jiwichi tatsi xua yamona duwei. Baponbe Jestustha napuna ponabe.

*Meje yabara poxonae pebin pon cauri xeina*

*(Lc 4.31-37)*

<sup>21</sup> Bapoxonae Jesús pijimonae baru pona Capernaum tomara beya. Bapoxonaeru judiomonae barompaya pia pentaquei seicae matabi tatsi tsuxubi. Barapo matabitha Jesús pijimonae baru joniya judiomonae pia penacaetutsi botha tatsi. <sup>22</sup> Barapo jiwi yabara najuntu coyene cabenaeca, tsipei pocotsiwa Jesús barapomonae cuidubatsi be pon peyaputaen pia peyapusu itorobi jume coyeneya tatsi paeba. Jesús jopa cuidubiyo be judiomonae pia pecuidubiwi pia coyeneya tatsi. <sup>23</sup> Pebin pon cauri xeina barapon eca barapo judiomonae pia penacaetutsi botha tatsi.

<sup>24</sup> Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata



neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapuxanepanaem, jei pebin pon cauri xeina.

<sup>25</sup> Jesús taitaweta, pebin taitawetatsi cauri. Jesús cauritha jeye:

—¡Moyande! ¡Barapon wepu ponde! jei Jesús cauritha.

<sup>26</sup> Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi. <sup>27</sup> Daxita barapomonae yabara najant<sub>u</sub> coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peayapus<sub>u</sub> itorobi coyenewa pexeinaein. Mataantano caurimonae jume cowanta poxonae pocotsiwa bapon itoroba, najei barapomonae.

<sup>28</sup> Bapoxonae caena nainya daxita pomonae jinompa Galilea nacuatha jume taeruc<sub>u</sub>pa pocotsiwa juinya Jesús exana.

*Meje yabara poxonae Jesús axaibi exana Simón Pedro pamiyo tatsi*

*(Mt 8.14-15; Lc 4.38-39)*

<sup>29</sup> Jesús caena nainya pona judiomonae pia penacaetutsi bo tatsi weya. Bapoxonae Jesús joniya Simón pia botha tatsi po bo xua ir<sub>u</sub> Andrés pia bo tatsi. Barapo botha Santiago ir<sub>u</sub> Juan Jesús bar<sub>u</sub> joniya. <sup>30</sup> Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei. <sup>31</sup> Jesús caquita pona Simón pamiyo tatsi. Bapoxonae bapowa cobe pitatsi. Barapowa asiya cuarano-tatsi. Bapoxonae barapowa caena nainya taichurucuaetsi domae. Nexata barapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*

*(Mt 8.16-17; Lc 4.40-41)*

<sup>32</sup> Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, ir<sub>u</sub> pomonae caurimonae xeina. <sup>33</sup> Daxita barapo tomarapiwi nacaetuta bom<sub>u</sub>x<sub>u</sub> boupatha. <sup>34</sup> Jesús axaibi exana pinmonae pomonae xeina daxita coyenexi xua xoxi peatenewa. Mataantano Jesús taitaweta pomonae cauri xeina. Jesús jopa copatsiyo xua pecueicueiweiwa caurimonae, tsipei caurimonae Jesús cui yaputainchi.

*Meje yabara poxonae Jesús cueicueijeji Nacom Pejume Diwesi judiomonae pia penacaetutsi bontha tatsi*

*(Lc 4.42-44)*

<sup>35</sup> Baya poxonae caemambotha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaibi bara beya pona. Baraxotiya Jesús tsipaebauya, Nacom tsipaebatsi. <sup>36</sup> Nexata Simón iru pomonae Jesús pepuna jinompae jiwichi, barapomonae Jesús pu barainatsi. <sup>37</sup> Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

<sup>38</sup> Jesús jume nota jeye:

—Barabu ponaeinchi icha tomaran beya, barapo tomarantha iru tacueicueijejinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

<sup>39</sup> Bapoxonae Jesús siwa pona ducuaeta daxita tomaran Galilea nacuatha. Judiomonae pia penacaetutsi bontha tatsi Nacom pia pexeinya jume diwesi Jesús tsipaeba barapo judiomonaetha. Matautano Jesús taitaweta caurimonae.

*Meje yabara poxonae Jesús axaibi exana pon peperu sawinchi*

*(Mt 8.1-4; Lc 5.12-16)*

<sup>40</sup> Bapoxonaeru pebin, pon peperu sawinchi, Jesús caquita poinchi. Bapoxonae bapon pentabocototha uncua Jesús peitabaratha tatsi xua Jesús pebaru cui itura jinaexaetsi. Bapon matowa Jesús wucatsi, jeye:

—Icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexainaem, jei bapon.

<sup>41</sup> Jesús yabara najantu coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

<sup>42</sup> Bapoxonae bapon nainya taaichurucuaetsi xua peperu sawiwatsi. Matautano axaibi tsanayano. <sup>43-44</sup> Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotepintha xua nenaitutsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi caya-putaena xua tsita itapeinya xeinatsi xua xam bara jumem yawa xua peru wunaem, jei Jesús.

45 Daichitha poxonae bapon pona jopa moya yawun xeinaeyo. Bapon yabara tsipaebapona ichamonaetha pocotsiwa xua bayatha peaxaibiwa. Daxota Jesús jopa itacupaetsi xua naitatsiya pata ducuaanaebiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

## 2

*Meje yabara poxonae Jesús axaibi exana pon pecuenobinchi (Mt 9.1-8; Lc 5.17-26)*

1 Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca. 2 Pin bicheito nacaetuta ichaxota po botha Jesús patopa, beya poxonae matauta bo coibo quecona. Barapomonaetha Jesús tsipaeba Nacom pia pexeinya jume diwesi tatsi. 3 Bapoxonae pebiwi pata cuatro poyobe. Barapo pebiwi yapaparuwa capata pon pecuenobinchi. 4 Tsipei pin bicheito, daxota barapo pebiwi jopa itacupaetsi xua Jesús imoxoyo pecaquita ponaewatsi. Daxota barapo pebiwi bomaxutha pentatupa wereca atsa caxinaxoreca ichaxoya Jesús uncuareca. Barapo mathu deca pon pecuenobinchi yapaparuwa yorecatsi. 5 Poxonae Jesús yaputane xua barapomonae yabara cui jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae pecuenobinchitha Jesús tsipaebiya jeye:

—Tajitom cacui yabara jantemainaya juntu puxana exanatsiba abe jinya neexanae cuiru coyenein, jei Jesús.

6 Ichitha baraxota iru naena pomonae jiwi pecuidubiwi Moisés pia peitorobi coyene tatsi. Barapomonae nanta xeinaeya najei: 7 “Maisa bapon bichocono abe tsipei pocotsiwa bapon paeba bichocono Nacom tsita ajumbetsi. Jiton dapocotsin aibi pon xua jiwi cacui yabara jantemainaya juntu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jantemainaya juntu puxana exanatsi abe pia peexanae cuiru coyenein tatsi”, najei. 8 Barapoxonae caena nainya Jesús yaputane pejuntu coyenewatha pocotsiwa barapomonae pia coutha nayainyaba. Jesús jeye barapomonaetha:

—¿Eta pocotsiwa metha baraxua pana natsipaebame? 9 ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jantemainatsi’, jan tsane? Ichacuitha ¿metha jan tsane: ‘Nontaponde, bara pire jinya nemaituncuawewa, yawa bara ponare’, jan tsane?

<sup>10</sup> Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya jantu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bapoxonae Jesús tsipaeba pontha pon pecuenobinchi. Jesús jeye:

<sup>11</sup> —Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>12</sup> Bapoxonae bapon caena nainya nontapona barapomonae peitutha tatsi, yawa pita xua pemaituncuaewa. Bapoxonae bapon bo tutu weya pona barapo pin bicheito peitutha tatsi. Daxita barapomonae yabara najantu coyene cabenaeca, yawa Nacom wanae jaintatsi, jeye:

—Maisa waxainchi bapana bayatha jopa taetsi pocotsiwa wanae pocotsiwe icha be iche, jei barapomonae.

*Meje yabara poxonae Leví wabatsi, Jesús waba  
(Mt 9.9-13; Lc 5.27-32)*

<sup>13</sup> Barapoxonae Jesús pona Galilea pucua itapatha. Bapoxonae baxotiya pin bicheito pata Jesús pia xantha tatsi. Barapomonaetha Jesús cuiduba. <sup>14</sup> Poxonae Jesús cataunxuae ecapona Galilea pucua itapatha, bapoxonae Leví tainchi. Bapon Leví Alfeo pexanto tatsi. Bapon Leví eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi. Jesús Leví tsipaebatsi, Jesús jeye:

—Nepuna ponde, jei Jesús.

Bapoxonae Leví nontapona, yawa Jesús puna poinchino.

<sup>15</sup> Pirapaeyo Jesús Leví baru eca pexaethopeibiwatha, xua Leví pia botha tatsi xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanae jiwi. Matautano Jesús pijimonae baru eca barapo pexaethopaewatha. Pinmonae Jesús baru eca tsipei pinmonae Jesús puna poinchi. <sup>16</sup> Ichitha pomonae jiwi pecuidubiwi Moisés pia peitorobi coyenewa tatsi iruru fariseomonae, daxita barapomonae Jesús tainchi poxonae Jesús baru xayeca pomonae paratixi pentoma noteibiwi, iru pomonae abe peexanae cuiru coyenein peexanae jiwi. Pomonae Jesús tainchi daxita barapomonae Jesús pijimonae tatsi jeichichi:

—Maisa Jesús pon painya nepaca cacuidubin abe exana poxoru baru xayeca pomonae paratixi penotebiwi, matautano, baru xayeca pomonae peajuntucoyenebe jiwi, jei barapomonae.

<sup>17</sup> Poxonae Jesús jume tane baraxua, bapoxonae Jesús jume nota, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawabin. Saya jame meisa pomonae ba atene barapomonae jame canantawenona pon jiwi peyawabin. Barichi xan patopan apara tha jopa tawabinexa tsane pomonae pejuntucoyene xanepanae jiwi. Saya apara tawabinexa pomonae abe peexanae cuiru coyene peexanaewi tayawenaenexa tsane barapomonae, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Lc 5.33-39)*

<sup>18</sup> Caentaqueitha Juan pia pepuna jinompaewichi, iruru fariseomonae, nainbota Nacomtha xua saya pewucaenexa Nacomtha. Poxonae barapomonae nainbota, bapoxonae ichamonae Jesús siwa poinchi. Barapomonae Jesús yabara yainyabatsi barapo penainbotsi coyene. Barapomonae jeye Jesustha:

—Juan pia pepuna jinompaewichi, iruru fariseomonae jopa juniya Nacom peyabara nainbotsiwatsi poxonae Nacom wucqueibatsi. Ichitha jinyamonae jopa daichiyo, jopa nainbotsiyo Nacomtha xua saya pewucaenexa Nacomtha, jei barapomonae Jesustha.

<sup>19</sup> Jesús jume nota barapomonae, jeye:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha bapoxonae jiwi ba peburaya nabane. Jopa bewa yabara nainbotsi tsane. <sup>20</sup> Ichitha icha pon aena piowa pita, caena nainya waetabatsi, ichamonae waetaba xua tajuru bapon pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane.

<sup>21</sup> “Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo

dorouto. Bapoxonae equeicha nama bichocono pin wan tsanaya beyacaincha xua poxonae copiya. <sup>22</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeeyo poxonae barapo vino mera atsaxa. Barapo pena vino mera naxuba xuano barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo. Yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara poxonae Jesús pijimonae tatsi yaboto nota trigo xujudiomonae barompaya pia pentaquei seicae mataqueitha tatsi*

(Mt 12.1-8; Lc 6.1-5)

<sup>23</sup> Caentacabi poxonae judiomonae barompaya pia pentaquei seicae matabi tatsi, barapo matabitha Jesús, iru pijimonae tatsino pabi iyiya. Jesús pijimonae tatsi jainpa. Barapomonae tamropata notarucupa xua yaboto xunumnapona trigo xu. Bapoxonae pecobetha xu mata pepeta. <sup>24</sup> Poxonae fariseomonae cui tane xua Jesús pijimonae tatsi exana, bapoxonae fariseomonae Jesús tsipaebatsi, jeye:

—Jamaisa jinya jiwimonae nacuita barapo matabithe, poxonae yaboto nota trigo xu. Apra jiwi jopa yabara cui copatsiyo xua ichamonae penacuichiwa barapo matabithe xua judiomonae barompaya pia pentaquei seicae matabi tatsi, jei fariseomonae.

<sup>25</sup> Jesús jume nota, jeye:

—Barapomonae tajiwiwonae jopa apra abe exanaeyo. ¿Jopa payabara yorobim pocotsiwa bayatha David exana poxonae jainpa, poxonae iru pijimonae tajainpatsiru? Bapon David, pon caena bayatha israelmonae itorobiya pia pepa peewatsinchi. <sup>26</sup> Bapon David, iru pijimonae tatsi, barapomonae jojoniya Nacom pin pia botha tatsi poxonae pon pewan Abiatar tanacuita Nacom. Bapon Abiatar sacerdotemonae pia pepa pentacaponaein tatsi. David xane pan, po pan ichamonae cana exana xua Nacom pecatsiwatsi. Iru barapo pan David pijimonae cata xua pexaenexaru. Barapomonae xane bequein bara Nacom pia peitorobi coyenewatha copata xua saya meisa sacerdotemonae itacupatsi xua pexaewa tsane barapo pan, jei Jesús.

<sup>27</sup> Equeicha Jesús namchi, jeye:

—Nacom, jiwi pewanaeya taexanatsi pentaquei seicae matabi. Barapo pentaquei seicae matabi Nacom tsiexana jiwi, xua barapo matabitha jiwi penafinacaewatsinexa.

Nacom jopa ainya cui cana exanaeyo pentaquei seicae mat-acabi xua beyacaincha jiwi. <sup>28</sup> Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicae matakabitha, jei Jesús fariseomonaetha.

### 3

*Meje yabara poxonae Jesús cobe wɥnae exana pon pecobe mɥbinchi*

(Mt 12.9-14; Lc 6.6-11)

<sup>1</sup> Jesús equeicha joniya judiomonaē pia penacaetutsi botha tatsi. Baraxota pon pecobe mɥbinchi eca. <sup>2</sup> Barichi pomonaē jiwi pecuidubiwi Moisés pia peitorobi coyene tatsi, irɥ fariseomonaē baxota ena. Daxita barapomonaē Jesús necotēnatsi pecui taenexatsi icha bara metha Jesús cobe wɥnae exanaena pentaquei seicae mataqueitha pon pecobe mɥbinchi. Icha Jesús pon pecobe mɥbinchi axaibi exanatsi, bapoxonaē barapomonaē xeinaena po coyenewa xua Jesús abe peyabara paebiwatsi tsainchi. <sup>3</sup> Bapoxonaē Jesús barai pontha pon pecobe mɥbinchi, jeye:

—Nontaponare. Uncuare xote, jei Jesús.

<sup>4</sup> Pomonaē Jesús tainchi Jesús barai barapomonaē, jeye:

—Paca yainyabinchi, ¿eta xua copata pentaquei seicae matakabitha? ¿Wɥnae jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

Ichitha barapomonaē jopa jume notsiyo, saya moya umena. <sup>5</sup> Nexata Jesús necota barapomonaē. Anaya Jesús caseba barapomonaē. Matautano juntu coyene wecoyeyi, tsipei barapomonaē jopa beyaputaeyo pocotsiwa bapon exana. Jesús barai pon pecobe mɥbinchi:

—Nacobe doire, jei Jesús.

Bapon nacobe doita. Bapoxonaē bapon nainya cobe wɥnae tsanaya. <sup>6</sup> Bapoxonaē fariseomonaē Jesús weya ponarɥcɥpa. Bapoxonaē barapomonaē nacaetuta Herodes pijimonaetha tatsi xua pecui yabara paebinexatsi xua po cui coyenewatha Jesús pebexubiwa tsainchi.

*Meje yabara poxonae pin bicheito nacaetuta Galilea pucua itapatha*

<sup>7</sup> Jesús pijimonaē barɥ pona Galilea pucua itapa beya. Irɥɥ pin bicheitomonaē Jesús puna poinchi pomonaē Galilea nacua weya pona. <sup>8</sup> Irɥɥ pomonaē Judea nacua werena pona irɥɥ pomonaē Jerusalén tomara werena pona, daxita barapomonaē Jesús puna poinchi. Irɥɥ Idumea nacuapiwi Jesús puna poinchi. Irɥɥ ichamonaē Jesús puna poinchi pomonaē

icha muxunenetha jinompa xua Jordán mentha. Iruru Tiro tomarapiwi Jesús puna poinchi. Iruru Sidón tomarapiwi Jesús puna poinchi. Daxita barapo bicheito Jesús itata patatsi poxonae jume tane daxita xua juinya pocotsiwan Jesús exana. <sup>9</sup> Tsipei pin bicheito, daxota Jesús pijimonae itoroba xua jera petaxawenaewa tsainchi xua petsaquibabiyainwatsi barapo pin bicheito. <sup>10</sup> Yaitama Jesús axaibi exaneiba pin bicheito pomonae atenemonae, daxota iru ichamonae Jesús imoxoyo caquita poinchi. Barapomonae ichichipa xua Jesús pejayabiwatsi xua barapomonae iru axaibi peexanaenexatsiru.

<sup>11</sup> Pomonae caurimonae pexeinaewi, poxonae barapomonae Jesús tainchi, barapomonae pentabocototha umena Jesús peitabaratha tatsi. Barapomonae wawaya jeye xua caurimonae wawai peexanaexaetsi:

—¡Maisa bara xam Nacom Pexantom! jei barapomonae xua wawaya exanatsi caurimonae.

<sup>12</sup> Jesús jume daunweya itoroba barapomonae, jeye:

—Jopa pana neyabara paebinde ichamonaetha xua xan Nacom Pexanton, jei Jesús.

*Meje yabara poxonae Jesús itapetsiya waba pia peitorobi jiwi tatsi pomonae xua doce poyobe*  
(Mt 10.1-4; Lc 6.12-16)

<sup>13</sup> Bapoxonae Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Barapoxonae barapomonae Jesús pia xantha tatsi tapatatsi. <sup>14</sup> Jesús itapetsiya waba doce poyobe xua pomonae pebaru jinompaenexatsi. Matautano barapomonae Jesús itoroba xua daxita jiwitha petacueicueijeinexatsi Nacom Pejume Diwesi. <sup>15</sup> Barapomonaetha Jesús cata pia peayapusu itorobi coyenewa tatsi, xua cauri ichamonae petaitawetsinexatsi pomonae xua cauri pepuna jinompaewichi. <sup>16</sup> Meje barapomonae pewunxi tatsi pomonae Jesús waba: Simón pon icha wun wun dutatsi “Pedro”, baraichi. <sup>17</sup> Ichun pewun Santiago. Ichun pewun Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wuntha xua jei: “Yamuxu pexantobe tatsi”, jei). Barapo wun wun duta tsipei peajuntucoyenesunbe. <sup>18</sup> Ichun pewun Andrés. Iru ichun pewun Felipe. Iru ichun pewun Bartolomé. Iru ichun pewun Mateo. Iru ichun pewun Tomás. Iru ichun pewun Santiago pon Alfeo pexanto tatsi. Iru ichun pewun Tadeo. Iru ichun pewun Simón pon celotemonaepin. <sup>19</sup> Iru ichun pewun Judas Iscariote. Barapon Judas pon Jesús caenaetaxubatsi ichamonaetha pebexubinexatsi.



*Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi (Mt 12.22-32; Lc 11.14-23; 12.10)*

<sup>20</sup> Bapoxonae Jesús, iru pomonae pia peitapetsiwi tatsi botha joniya. Bapoxonae equeicha pin bicheito nacaetuta Jesús pia xantha tatsi. Daxota Jesús iru pijimonae tatsi jopa itacupaetsi xua penabanaewa tsane. <sup>21</sup> Jesús piamonae matabuxuyo tatsi jume tane xua jiwi paeba xua pinae juinya Jesús matayaibatsi. Daxota barapomonae pata, xua Jesús pewaetabinexatsi, xua pia bo beya pecaponaenexatsi.

<sup>22</sup> Matautano pomonae jiwi pecuidubiwi Moisés pia peitorobi coyene tatsi, pomonae Jerusalén werena pona, barapomonae jiwitha jeye Jesús yabara: “Bapon caurimonae itawetatsi, apara pexeinaexae Beelzebú pia peayapusu itorobi coyene tatsi, pon caurimonae pia pentacaponaein tatsi”, jei barapomonae pomonae jiwi pecuidubiwi Moisés pia peitorobi coyenewa tatsi.

<sup>23</sup> Bapoxonae Jesús waba barapomonae pia xainya berena. Yawano Jesús pecayabara juta pepaebi diwesiyo tsipaeba, jeye: “Caurimonae pia pentacaponaein tatsi jopa itacupaetsi xua peitawetsiwa icha caurimonaetha, xua pecae caurimonaexae. <sup>24</sup> Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. <sup>25</sup> Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenaecaeyo. <sup>26</sup> Barichi icha Satanás, pijimonae tatsi nawepu tsatajopabe matautano xua nababe, bapoxonae jopa xaexaenaecaeyo. Satanás jopa itacupaetsi xua itoroba pijimonae, tsipei amsiya exana.

<sup>27</sup> “Dapon ajibi, pon itacupatsi xua botha joniya po botha pon bichocono maxu daunwei pia bo tatsi xua daxita notsina pocotsiwa bapon xeina pon maxu daunwei icha jopa copiya matha maxu cutanotsiyo.

<sup>28</sup> “Bara xaniyeya paca tsipaebatsi. Pocotsiwa jiwi abe peexanae cuiru coyenein exana, matautano pocotsiwa xua jiwi abe paeba, barapo coyenein Nacom itacupatsi xua yabara jantemainaena xua barapo jiwi abe exana. <sup>29</sup> Pon abe yabara paeba Nacom pia Pejumope tuxu tatsi, Nacom bapana jopa yabara jantemainaena tsane xua bapon paeba. Bara bapon ataya atene tsane ichaxota jopa itacounayiyo isoto xua bapon abe peexanaexae”, jei Jesús.

<sup>30</sup> Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope tuxu tatsi. Daxota barapomonae Nacom pia Pejumope tuxu tatsi tsita

natsicuentatsi, tsipei Nacom pia Pejumope t̃nax̃ tatsi abe yabara paebatsi.

*Meje yabara Jesús pena tatsi, ir̃r̃r̃ peyapin jiwi tatsino  
(Mt 12.46-50; Lc 8.19-21)*

<sup>31</sup> Pirapae Jesús pena tatsi, ir̃r̃r̃ peyapin jiwi tatsi pata Jestha. Ichitha barapomonaē pesato beumeinya. Bapoxonaē najume caruta ichamonaetha xua petawabinexa tsainchi Jesús. <sup>32</sup> Po bicheito Jesús matawacaicha enatsi, barapomonaē Jesús tsipaebatsi, jeye:

—Ena, ir̃r̃r̃r̃ neyapin jiwino, pesato beya umena. Bepara bequein cataei. Bepara bequein catsipaebai, jei.

<sup>33</sup> Ichitha Jesús jume barai barapomonaē, jeye:

—¿Jintam powa be taena natsicotanera? ¿Jintam pomonaē be tayapin jiwi natsicotanera? jei Jesús.

<sup>34</sup> Bapoxonaē Jesús necota pomonaē pematawacaicha enaewichi. Jesús jeye:

—Barapomonaē pomonaē xote umene apara be taena tsicotan, matautano be tayapin jiwi tsicotan. <sup>35</sup> Pomonaē exana pocotsiwa Nacom itoroba, pon peitabocotha peecaeinxae, barapomonaē be tayapin jiwi tsicotan, matautano ir̃r̃r̃r̃ be tayapixi tsicotanno, matautano ir̃r̃r̃r̃ be taena tsicotanno, jei Jesús.

## 4

*Meje yabara poxonaē Jesús cuiduba jiwi pecayabara j̃ta  
pepaebi diwesiyo xua pon peubin yabara  
(Mt 13.1-9; Lc 8.4-8)*

<sup>1</sup> Equeicha Jesús tamropata pitaba xua cuiduba Galilea pucua itapatha. Bapoxonaē pin bicheito nacaetuta ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa, po nae mentha ducuiya. Barapo pin bicheitomonaē taetabo itapatha umena. <sup>2</sup> Jesús barapomonaetha cuiduba pecayabara j̃ta pepaebi diwesintha.

Poxonaē Jesús cuiduba barapomonaē, jeye: <sup>3</sup>“Pana nejume naitaeware barapo diwesiyo: Pebin pon peubin ponataba pia ubichi pabitha. <sup>4</sup> Poxonaē pon peubin ubauya, icha xu namtotha othopeica. Pepupunaewi yapata. Bapoxonaē barapo xu xu xane. <sup>5</sup> Icha xu, xu othopeica ibowantha ichaxota xua ira itafafana. Barapoxonaē barapo xu caena nainya xu xuwa, tsipei jopa taj̃r̃r̃r̃ xu xuwarecaeyo. <sup>6</sup> Ichitha poxonaē xometo atsa tsina, bapoxonaē yaboto tsaquiwa yawa t̃pa tsipei jopa taj̃r̃r̃r̃ tab̃r̃r̃r̃ opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxorū yawa muxuna xuwina pesoiwan. Daxota barapo xu jopa xu nacoichiyo. <sup>8</sup> Icha xu,

xu othopeica ichaxota ira wuna. Poxonae barapo xu, xu xuwa, xu nawunaeta. Icha xun, xu nanacoitapona treinta po xu matabuxnyobe tsiniya. Icha xun, xu nanacoitapona sesenta po xu matabuxnyobe tsiniya. Icha xun, xu nanacoitapona cien po xu matabuxnyobe tsiniya”, jei Jesús barapo pin bicheitomonaetha.

<sup>9</sup> Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonae pijimona. muxuconaquiya tsipaeba.

*Meje yabara poxonae Jesús namchi xua exua metha pecayabara jata pepaebi diwesin*

*(Mt 13.10-17; Lc 8.9-10)*

<sup>10</sup> Nexata poxonae Jesús pipatoha eca, bapoxonae baru eca pomona. pia pepuna ponaewichi, irano pijimona. tatsi pomona. doce poyobe. Barapomona. Jesús yainyabatsi jeye: “¿Eta pocotsiwa yabara caunutame poxonae barapo pecayabara jata pepaebi diwesiyo cuidubame?” jei barapomona. <sup>11</sup> Jesús jume nota barapomona. jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apara xua Nacom paca cana exana xua painya nepaca itacupaewa xua painya nenaexanaewa Nacom piamona. tatsi pam, pomona. pamxaem Nacom itorobiya paca ewata. Ichitha meisa jame ichamona. pomona. jopa nejume cowantsiyo jopa daichichi. Nacom jopa copatsiyo xua barapomona. peyabara yaputaewa baxua. Daxota barapomona. cuiduban pecayabara jata pepaebi diwesintha, xua Nacom peyabara yaputaenexatsi. <sup>12</sup> Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru barapomona. jopa icha juntu coyene xeinaeyo Nacomtha, daxota barapomona. Nacom tsita natsicuentatsi abe petsita exanaexaetsi xuano Nacom jopa yabara jantemainaeyo abe pia peexana. coyenein tatsi”, jei Jesús.

*Meje yabara poxonae Jesús pijimona. muxu yaputane exana po diwesi xua pecayabara jata pepaebi diwesiyo, pon peubin yabara*

*(Mt 13.18-23; Lc 8.11-15)*

<sup>13</sup> Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara jata pepaebi diwesiyo xua peubin yabara paeban daxota jopa payaputaemt-sipae bequein ainya pecayabara jata pepaebi diwesin paca tsipaebichipatsi. <sup>14</sup> Paca tsipaebatsi pecayabara jata pepaebi

diwesiyo xua iche: Pon peabin japa, icha be ichi pon Nacom Pejume Diwesi pepaebi ducuaanaebiyaein. <sup>15</sup> Po xuton xua namto beothopiya, aichurubena. Barapo xuton yabara caunuta xua jiwi bara juntu weichichi caurimonae pia pentacaponaein tatsi, pon Satanás. Jiwi juntu coyene weajumet-surubena exanatsi Nacom Pejume Diwesi xua bayatha po jume jume tane, xua baroxonae jopa petajume cowantsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena. <sup>16-17</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi, xuano juntu coyene weiweinaya Nacom jume cowantatsi. Ichitha bara caeto jume cowanta, poxoru barapomona ajuntufaetabiya jume jeba Nacom Pejume Diwesi pejuntu coyeneintha. Poxonae yaitama barapomona bichocono peatenexae, matautano poxonae barapomona yaitama abe petaexanaexaetsi ichamona xua pejume cowantsixae Nacom, baroxonae caurimonae abe exana barapomonaetha, xua barapomona juntu coyene wejuntemaina exanatsi xua Nacom pecayabara juntemainawatsi. <sup>18-19</sup> Po xuton xua xu othopeica pesoiwantha, barapo xuton caunuta xua pomona Nacom Pejume Diwesi jume tane, ichitha saya barompaya pia juntu coyeneyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exainchi. Po coyene pebiwi exana baxuan bara jutiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi. Jopa xanepanaya jinompaeyo Nacom nexa. <sup>20</sup> Po xuton xua xu othopeica peira wunaewatha, bara nacoita. Barapo xuton yabara caunuta pomona jume tane Nacom Pejume Diwesi, matautano jume cowantano poxoru juntu coyene xanepanaya jume tane. Matautano beta exana dubenanaebiya beya matapainya jiwi cui tane xua barapomona juntu coyene xanepana Nacom peitabaratha tatsi. Baroxonae ichamona barapomona jiwana beta yawena ichamonaetha icha barapo xuto ichi xua treinta po xu matabuxnyobe tsiniya tsopona. Matautano ichamona barapomona jiwana beta yawena ichamonaetha icha barapo xuto ichi xua sesenta po xu matabuxnyobe tsiniya tsopona. Matautano ichamona barapomona jiwana beta yawena ichamonaetha icha barapo xuto ichi xua cien po xu matabuxnyobe tsiniya tsopona”, jei Jesús.

*Meje yabara poxonae Jesús pijimona tsipaeba pecayabara juta pepaebi diwesiyo xua pecoicha yabara  
(Lc 8.16-18)*

<sup>21</sup> Equeicha Jesús barapomonaetha tsipaeba, jeye: “Poxonae jiton pecoicha, coicha exana, bapoxonae jopa coicha matakatsiyo cajatha. Yawa jopa coicha exanaeyo cama peupana deca. Jame asiya coicha exanatsi, xua pecoicha taenexa pomonae jojoneibarena. <sup>22</sup> Daxita pocotsiwa xua moya peyawan xeinaewa bexa tsane jiwi yabara yaputaena. Barichi po diwesin xua pecayabara juta pepaebi diwesin xua paebapona jiwi barapo diwesin jiwi itacupaeinchi xua peyabara yaputaewa tsane. <sup>23</sup> Icha pamuxu dubename, moya pana nejume naitaeware pocotsiwa tapaca tsipae-biwatsi”, jei Jesús poxonae pijimonaе muxuconaquiya tsi-paeba.

<sup>24</sup> Equeicha Jesús barapomonaе barai, jeye: “Pana nejume naitaeware painya neexanaenexa pocotsiwa paca tsipae-batsi. Icha ichamonaе daunweya payabara paebiname penatsicuentsiwa xua abe peexanaexae Nacom barichi daunweya paca yabara paebina painya nenatsicuentsiwa xua abe painya neexanaexae. Matautano equeicha ichawano mataropeicha paca catsina. <sup>25</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonaе bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonaе Jesús pecayabara juta pepaebi diwesiyo paeba xua peubi xuto yabara*

<sup>26</sup> Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamonaе. Barapo coyene bara juta coyeneya ichi, icha pebin ichi poxonaе peubi xu xu bebeya. <sup>27</sup> Poxonaе nacobe weta xua uba, bapoxonaе pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonaе pebin maitequeiba, daichitha awiya barapo xu xuxuwapona. <sup>28</sup> Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonaе pepato naexana. Bapoxonaе pepa xu xu dubena xua bichocono axucucy. <sup>29</sup> Poxonaе pepa xu xu naweta barapo matabitha pebin pona xua penotsinexa pocotsiwa naweta”, jei Jesús.

*Meje yabara poxonaе Jesús cuiduba pecayabara juta pepaebi diwesiyo po peubi xutiyo pewan mostaza xutiyo (Mt 13.31-32; Lc 13.18-19)*

<sup>30</sup> Jesús barapomonaе tsipaeba, jeye: “Poxonaе Nacom waba jiwi xua petanaexanaenexatsi piamonaе tatsi pomonaе

itorobiya peewatsixae, ¿eta po coyene nacoyene japabe? ¿Eta xua paca cuidubinchi xua baxua yabara? <sup>31-32</sup> Nacom pijimonae tatsi mataropeicha bichocono pinmonae tsoponae xua pomonae jume cowantapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin uba pia pabitha. Xuwa beya pin nae tsoponae. Pepinnaexae daxota siri coton exana pemaxranantha. Icha mostaza xutiyo ichi xua beya pin nae tsoponae, bara jata ichi Nacom pejume cowantsiwichi, pomonae bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba jiwi pecayabara jata pepaebi diwesixitha*  
(Mt 13.34-35)

<sup>33</sup> Jesús jiwitha ainya pecayabara jata pepaebi diwesixi tsipaeba poxonae cuiduba Nacom Pejume Diwesi, icha barapocotsi diwesixi ichi xuaunxuae po diwesixi paeba. Awiya cuidudubapona beya poxonae barapomonae xainwaicha yaputane. <sup>34</sup> Saya meisa barapomonaetha Jesús cuidubeiba pecayabara jata pepaebi diwesixi coyenexitha. Poxonae Jesús meisa pijimonae baru eca, bapoxonae Jesús pijimonae yabara muxu yaputane exana pecayabara jata pepaebi diwesixi coyenexi.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*  
(Mt 8.23-27; Lc 8.22-25)

<sup>35</sup> Barapo mataqueitha poxonae quirei tsanaicha Jesús pijimonae tsipaeba, jeye:

—Antha poinchi icha muxunene beya, pucua beicha, jei Jesús.

<sup>36</sup> Bapoxonae Jesús pijimonae baru wepu pona barapo pin bicheito. Bapoxonae Jesús pijimonae baru poinchi jeratha, po jeratha Jesús cuidubeca barapo pin bicheito. Barichi icha jeranno naponano. <sup>37</sup> Bapoxonae mentha jemeicha naetaba pin joibo. Maratsacan jeratha mene othopa, muxu jera pebunarecae. <sup>38</sup> Ichitha Jesús jera tafetha maituncua, nantasipa yuyutuncua paparuwatha xua xota nacuenacuena. Jesús pijimonae yaubatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomonae.

<sup>39</sup> Bapoxonae Jesús asiya uncua, yawa joibo itawetaxuba. Jesús jeye maratsacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya. <sup>40</sup> Nexata Jesús barai pijimonae, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

<sup>41</sup> Barapomonae bichocono najants coyene cabenaeca, yawa caemonae natsipaeba najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

## 5

*Meje yabara xua pebin pon caurimonae xeina pon Gerasa nacuapin*

(Mt 8.28-34; Lc 8.26-39)

<sup>1</sup> Jesús, ira pijimonae tatsi pata icha muxunene beya xua barapo pucuathiya. Po iratha Jesusbaru pata barapo ira pewan Gerasa nacua. <sup>2</sup> Poxonae Jesús jera wenontouna bapoxonae patopa pebin pon caurimonae xeina. Bapon ibo wou weya patopa Jestusta. <sup>3</sup> Barapo pebin poponeiba ibo wountha. Dapon aibi pon itacupatsi xua bapon pecatsiwatsi, matautano metha bequein penaintotha tsipae. <sup>4</sup> Bapon matawata penaintotha taxu cubeibatsi, yawa maxu cubeibatsi xua bapon peyapucaeeneibinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi. <sup>5</sup> Barapon mataqueitha poponeiba, yawa merawitha poponeiba. Matautano atororotha yawa ibo wountha wawai tsopoponeibi. Matautano ibotixitha pia coutha nathabeiba. <sup>6</sup> Poxonae barapo pebin Jesús tajua taebatsi, bapoxonae cuinaepona Jesús beya. Bapon pentabocototha uncua Jesús peitabaratha tatsi xua Jesús pebaru cui itura jinaexaetsi peainya cuinxae. <sup>7</sup> Bapon wawaya jeye Jestusta:

—Jesús pon Nacom Pexantom, pon peitabocototha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

<sup>8</sup> Bapon baxua paeba tsipei Jesús copiya namchi, jeye:

—¡Caurimonae pam, bapon pawepu ponare! jei Jesús.

<sup>9</sup> Jesús yainyaba bapontha:

—¿Eta po wam? jei.

Bapon jume nota jeye:

—Tawan Ayei, tsipei paxan caurimonae pan ayei jiwi pan, jei bapon xua paeba exanatsi caurimonae.

<sup>10</sup> Barapo caurimonae Jesús muxu fayacotatsi xua bepa pinae barapomonae jopa bewa itawetichi icha nacua beya.

<sup>11</sup> Ichaxota imoxoyo peitapatororotha baxota jinompa pin marranomonaē. Barapo marrano duweimonaē xayompa peitapa tororotha. <sup>12</sup> Caurimonaē Jesús wꞛcatsi, jeye:

—Icha pana itawetame, moya pana nepu copabare marrano duweimonaētha, jei caurimonaē.

<sup>13</sup> Bapoxonaē Jesús copata xua bara caurimonaē pon-aena marrano duweimonaētha pebin weya. Barapo marranomonaē dꞛꞛpa. Pin pitapatororo othopareca. Pucuatha bunothopa. Yawa caurimonaē cabunathopatsi. Barapo marranomonaē dos mil po duweimonaēbe.

<sup>14</sup> Bapoxonaē pomonaē peyapu eenaewi marranomonaē, barapomonaē bichocono junuwiya cuinaepona tomara beya, jiwi petsipaebinxatsi baxua yabara, yawa jiwi petsipaebinxatsi tomara cuariya beya. Bapoxonaē jiwi pata petaenexa pocotsiwa Jesús cana exana pebintha. <sup>15</sup> Poxonaē barapomonaē pata Jesthath, bapoxonaē barapomonaē tane pebin pon bayatha cauri xeina. Barapo pebin moya eca, paparuwa nama xatatano, mataꞛtano jꞛntema eca. Bapoxonaē barapomonaē bichocono junuwa. <sup>16</sup> Pomonaē bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaētha pomonaē pata. Mataꞛtano yabara paeba pocotsiwa Jesús cana exana marrano duweimonaētha. <sup>17</sup> Bapoxonaē barapomonaē tamropata notarꞛꞛpa xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomonaē.

<sup>18</sup> Poxonaē Jesús jeratha nontabiya, bapo pebin pon bayatha caurimonaē xeina, bapon Jesús wꞛcatsi xua bepa pinaē Jesús puna ponaetsi. <sup>19</sup> Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamonae matabꞛꞛyo beya. Barapomonaētha tsipaebare daxita pocotsiwa Nacom cacana exana. Mataꞛtano barapomonaētha tsipaebare xua Nacom bara cayabara najꞛntꞛ coyene xeina pia necayawenaenexa, jei Jesús.

<sup>20</sup> Bapoxonaē barapo pebin ponataba. Mataꞛtano tamropata pitaba xua cueicueijei daxita pocotsiwa bayatha Jesús cana exana bapontha. Barapon baxua tsipaeba Decápolis tomarantha, po tomaran xua diez po tomaranbe xua imoxoyo nacacuita ena. Daxita jiwi barapo tomaran najꞛntꞛ coyene cabenaeca poxonaē jume tane xua barapon paeba.

*Meje yabara xua poxonaē Jairo pexantiyo taaxaibi exanatsi; yawa yabara xua bapoxonaē irꞛ icha yabꞛyo axaibi*



*exanatsi poxonae Jesús pia paparuwa tajayabatsiru*  
(Mt 9.18-26; Lc 8.40-56)

<sup>21</sup> Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha. <sup>22</sup> Bapoxonae caein patopa pon judiomonae pia penacaetutsi bo tatsi pecanamataxeinaewi jiwana monaepin. Bapon pewun Jairo. Poxonae bapon Jesús tainchi, Jesús peitabaratha tatsi pentabocototha tauncuatsi. <sup>23</sup> Bapon Jairo bichocono Jesús wncatsi. Jairo jeye:

—Taxantiyo muxu imoxoyo petupae. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asu pepoponaenexa tsane, jei Jairo.

<sup>24</sup> Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi. <sup>25</sup> Barapo pin bicheitho iru napona yabuyo powa atene. Barapowa caena bayatha beya yadoce po weiyobe jopa xua pentabu janatha boca xua be nantawane. <sup>26</sup> Barapowa bichocono atene tsaibi bequein siwa poneiba pomonaetha pomona peyawubiwijiwi. Barapomona bapowa daxita cobe matapaeteibatsi paratixi xua bapowa peyawubixaetsi, daichitha bapowa jopa yawenaetsi baxua. Saya equeicha bichocono abe tsona bapowa. <sup>27</sup> Poxonae bapowa jume tane xua pinae juinya Jesús axaibi exana jiwi, bapoxonae bapowa imoxoyo caquita uncuataba Jesús peputha tatsi xua pin bicheitho. Barapowa Jesús pia paparuwa tatsi tajayabatsi xua peopirawa. <sup>28</sup> Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei. <sup>29</sup> Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi. <sup>30</sup> Jesús pia coutha nayaputane xua ichun axaibi peexanaewatsi, tsipei pia pepon weya taajiwana surucuaetsi pia peayapusu itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

<sup>31</sup> Nexata Jesús pijimona jume notatsi, jeye:

—Apara xam bayatha taneme xua pin bicheito catsa quibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimona tatsi.

<sup>32</sup> Ichitha Jesús daxita jupaya tane peyaputaenexa pon pejayabiwatsi. <sup>33</sup> Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jestutha, yawa pentabocototha uncua Jesús peitabaratha tatsi xua Jesús pebaru cui itura jinae xatsi

peainya cuinxae. Barapowa bara xainyeya paeba daxita pocotsiwa xua exana. <sup>34</sup>Jesús jeye barapowatha:

—Yab<sub>nyo</sub>, caaxaibi exanatsi tana neyabara jume cow<sub>ntsixaem</sub> xua bara tana neitac<sub>paewa</sub> xua tacaaxaibi exanaewatsi. Saya j<sub>ntemiya</sub> ponde. Bara axaibim tsaibim tsane xua bara nepu tsitecae tsane, jei Jesús.

<sup>35</sup> Poxonae Jesús cataunxuae cueicueijei tsuncuae barapowatha, bapoxonae pata pomonae Jairo pia botha petanacuichi jiwichi. Bapon Jairo pecanamataxeinaein judiomonae pia penacaetutsi bo tatsi. Barapomonae jeye Jairotha pon pexantiyo taatenetsi:

—Nexantiyo bayatha cata t<sub>pa</sub>. ¿Eta xua metha came fayacotame pon jiwi Pecuidubin? jei barapomonae.

<sup>36</sup> Bequein bara baxua Jesús jume tane, ichitha baxua Jesús jopa jume naitaewatsiyo. Jesús jeye Jairotha:

—Jopa junuwinde, saya maisa nejume cow<sub>nde</sub>, jei Jesús.

<sup>37</sup> Bapoxonae Jesús jopa copatsiyo xua pepuna ponaewatsi tsainchi ichamonae. Saya meisa Jesús copata, xua pepuna ponaenexa tsainchi Pedro, ir<sub>u</sub> Santiago ir<sub>u</sub> Juan pon Santiago peweicho tatsi. <sup>38</sup> Poxonae Jesusbar<sub>u</sub> pata Jairo pia botha tatsi, bapoxonae Jesusbar<sub>u</sub> tane pin bicheito xua ajumeyaexa. Barapomonae bichocono wecoyeyi, yawa wawai xua Jairo pexantiyo petat<sub>pa</sub>exaetsi. <sup>39</sup> Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa t<sub>pa</sub>eyo, apara maituncua, jei Jesús.

<sup>40</sup> Ichitha barapomonae Jesús jume cui caponatsi. Nexata barapo pin bicheito Jesús pesato beitaweya. Meisa saya Jesús bar<sub>u</sub> joniya coxiy<sub>u</sub>n, coxiwano ichaxota Jairo pexantiyo tatsi pet<sub>pa</sub>eyo tabocatsi. Matautano Jesús pijimonae bar<sub>u</sub> joniya poyobe acoibi poyobe. <sup>41</sup> Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yab<sub>nyo</sub>, asiya uncuare, catsipaebatsi”, jei Jesús.)

<sup>42</sup> Barapoxonae barapowa caena nainya nontapona, powa xua doce po weibe xeina powayo Jairo pexantiyoxae tatsi. Barapowa asiya uncuca, yawa itac<sub>pa</sub>tsi xua peponaewa. Barapoxonae barapo pin bicheito poxonae baxua Jesús cui tainchi naj<sub>nt</sub><sub>u</sub> coyene cabenaeca. <sup>43</sup> Bapoxonae Jesús jume daunweya itoroba jiwitha xua baxua jopa peyabara paebinexatsi ichamonaetha pocotsiwa Jesús cana exana barapowayotha. Bapoxonae Jesús itoroba xua barapo pexuyo bara peapatsiwa tsainchi pexaewa.

## 6

*Meje yabara poxonae Jesús Nazaret tomaratha popona  
(Mt 13.53-58; Lc 4.16-30)*

<sup>1</sup> Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Iruru Jesús pijimonaе puna poinchi. <sup>2</sup> Poxonaе judiomonaе barompaya pia pentaquei seicaе maticabi tatsi tsuxubi, barapo maticabitha Jesús tamropata pitaba xua cuiduba judiomonaetha judiomonaе pia penacaetutsi botha tatsi. Pinmonaе pomonaе Jesús jume tayenatsi, barapomonaе najuntu coyene cabenaeca, jeye:

—¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itutsi coyenewa exana?

<sup>3</sup> Apara bapon pon naepan pematabobin. Bapon apara María pexanto tatsi, apara iru Santiago pentapin tatsi, iru José pentapin tatsi, iru apara Judas pentapin tatsi, iru Simón pentapin tatsi. Apara bara iru pamchowaxi tatsi watomaratha jinompa, jei barapomonaе.

Daxota barapomonaе jopa xapain Jesús yabara jume cowantsichi. <sup>4</sup> Ichitha Jesús jeye barapo jiwitha:

—Daxita jiwі ba baru cui itura jina pontha pon Nacom peyapusu itorobi jume pepaebin. Nama pia tomarapiwi tatsi, iru piamonaе tatsi iru pia bomonaе matabuxuyomonaepiwi tatsi, barapomonaе ba jopa bapon baru cui itura jinaetsi, jei Jesús.

<sup>5</sup> Daxota Jesús jopa itacupaetsi xua pexeinya petsita itutsi coyenewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tsicamonaeyo pomonaе peatenewi. <sup>6</sup> Jesús najuntu coyene cabenaeca, tsipei barapomonaе jopa yatsicaewa jume cowantsichi.

*Meje yabara poxonaе Jesús pijimonaе itoroba xua barapomonaе peyabara cueicueijeinexa jiwitha po coyene xua Nacom waba jiwі xua petanaexanaenexatsi pijimonaе tatsi  
(Mt 10.5-15; Lc 9.1-6)*

Daxota Jesús cuidubapona tsiqui tomaraxitha po tomaraxi ena Nazaret tomara pecuariya. <sup>7</sup> Jesús waba pijimonaе pomonaе doce poyobe tatsi. Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonaе cata pia peyapusu itorobi coyenewa, xua pijimonaе tatsi peitawetsinexa caurimonaе. <sup>8</sup> Jesús pijimonaе itoroba, xua pijimonaе tatsi jopa pecaponaenexa pocotsiwan xua poxonaе namtontha peponaenexa. Itoroba xua saya meisa pecaponaenexa naeton po naeton penacobena bababi

naeton. Jopa bewa barapomonaē pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi. <sup>9</sup> Yawa Jesús pijimonaē itoroba xua bara nataxu xatabina sapaton, po sapaton pebaxumabiwan. Matautano barapomonaē bewa nama xatabina saya be cae camisan. Jopa bewa caponaē icha camisan. <sup>10</sup> Jesús pijimonaē barai, jeye:

—Poxonaē papatame tomaratha moya bara paenare po botha papatame, xua beya abu poxonaē pawarapaenama barapo tomara weya. <sup>11</sup> Icha, icha tomarapiwi jopa paca matenta weyataeya wabiyo, matautano icha jopa paca jume naitaewatsiyo pocotsiwa papaebame, nexata bapoxonaē barapo tomara weya pawarapare. Po tsorobon painya taxutha dubena panataxu wenunbabare barapo tomaratha. Baxua paexande xua barapomonaē peyaputaenexa xua apara barapomonaē abe exana paxamtha, jei Jesús.

<sup>12</sup> Bapoxonaē Jesús pijimonaē tatsi ponarucupa Jesús pia xainya weya tatsi. Barapomonaē cueicueijeji jiwitha xua bewa pinae jiwi icha juntu coyene xeinae Nacomtha xua peauraxae xua abe peexanae cuiru coyene exana Nacomtha. <sup>13</sup> Barichino barapomonaē taitaweta cauri pomonaē cauri xeina. Matautano barapomonaē caxueba penasiwatha pomonaetha pomonaē peatenewi. Bapoxonaē barapomonaē axaibi exana pinmonaē pomonaē peatenewi.

*Meje yabara poxonaē Juan bexotsi pon Pebautisabin jiwi (Mt 14.1-12; Lc 9.7-9)*

<sup>14</sup> Herodes pon Galilea nacuapiwi itorobiya pia pepa peewatsinchi bapon jume tane xua juinya jiwi daxita jume tane pocotsiwa Jesús exana. Daxota bapon jeye:

—Juan pon jiwi Pebautisabin pon bequein bayatha tupa, equeicha asu juina. Daxota barapon Jesús xeina barapo peayapusu itorobi coyenewa xua exana pexeinya petsita itabi coyenewan, jei Herodes.

<sup>15</sup> Ichamonaē Jesús yabara jeichichi:

—Bapon apara Elías xua equeicha asu, pon bayatha tupa, jei. Iru ru ichamonaē jeye:

—Bapon apara pon Nacom peitorobi jume pepaebin icha pomonaē ichi pomonaē Nacom peitorobi jume pepaebiwi pomonaē caena bayatha jinompa, jei xua ichamonaē paeba.

<sup>16</sup> Poxonaē Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibiwatsi. Anoxuae bapon equeicha asu petupae cuiru coyene weya, jei Herodes.

<sup>17</sup> Herodes baxua paeba, tsipei caena bayatha Herodes cui itoroba xua Juan pewaetabinexatsi, matautano xua pemaxu

cabinexatsino matautano xua jiwi pecabi botha peetsinexatsi. Herodes baxua exana tsipei piowa tatsi powa pewan Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabuyo. <sup>18</sup> Daxota Juan jiwi pecabi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xeiname bapowa tsipei bapowa eweicho piowa tatsi”, jei Juan.

<sup>19</sup> Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubiwatsi xua ichamona pebexubiwatsi tsainchi, ichitha jopa itacupaetsi bapowa. <sup>20</sup> Herodías jopa itacupaetsi xua peexanaewa baxua, tsipei Herodes Juan cunuwatsi. Bapon yaputane xua Juan bara xaniwaicha peexanaein, xuano matautano bara juntu coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara unthuthu deideije pocotsiwa Juan pepaebixae, daichitha awiya ichichipa pocotsiwa Juan pepaebiwa. <sup>21</sup> Ichitha matabi jopa, po matabitha Herodías itacupaetsi xua Juan abe pecana exanaewatsi. Herodes yantacabi jopa, po matabitha caena bayatha Herodes naexana poxona peyuyo. Barapo matabitha Herodes exana pin penabanaewa. Bapon waba pomonae iru pentacaponae, pomonaetha itoroba xua iru tacanamataxeinatsi icha tomarantha. Irano wabano pomonae soldadomona pia pepa pentacaponae tatsi. Irano wabano pomonae ainya cui penaexanae jiwi Galilea nacuatha. <sup>22</sup> Herodías pexantiyo tatsi patopa po tutha ichaxota nabanathopa. Barapowa tsita yaweibuncua xua barapomonae tane. Baxua Herodes ichichi xeica xua bapowa yaweibuncua. Iruru pomonae baxota naxayena, ichichi xeica baxua. Barapoxonae Herodes jeye bapowatha.

—Newcare pocotsiwa xua neichichipaewa, barapoxonae cacatsinchi jinya beta neyaweibixae, jei Herodes.

<sup>23</sup> Bapon Herodes yabara tsiwanae muxu dutsiyo jeye:

—Bara cacatsinchi pocotsiwa xua newcame. Metha bequein newcaetsipame xua tanacua epa toyatsipan baraxua bara cacatsinchi, jei.

<sup>24</sup> Barapowa pona xua peyainyabinexa pena, jeye:

—Ena, ¿eta pocotsiwa metha wacacuaein? jei.

Barapowayo pena jume notatsi, jeye:

—Wcare Juan pentasipa tatsi, pon jiwi Pebautisabin matasipa, jei Herodías.

<sup>25</sup> Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatziwam tsane paratontha Juan pentasipa tatsi, pon jiwi Pebautisabin matasipa, jei.

<sup>26</sup> Barapoxonae Herodes bichocono unthuthu wecoyei. Ichitha tsipei bayatha yabara petsiwuna muxu dutsixae xua bepa pinae catsina pocotsiwa wucaeinchi, matautano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa wucatsi. <sup>27</sup> Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwi pecubi bo beya. Baraxotiya Juan wisi ucuibatsi. <sup>28</sup> Barapo soldadomonaepin matasipa carena paratontha. Bapon cata yabuyotha. Barapowayo xuya pena cata.

<sup>29</sup> Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonae pona jiwi pecubi bo beya xua Juan pepichinexa tsainchi petupaein, yawano xua peboyaenexa tsainchi ibo wou mathu iya.

*Meje yabara poxonae Jesús apata pexaewa cinco mil pebiwi (Mt 14.13-21; Lc 9.10-17; Jn 6.1-14)*

<sup>30</sup> Barapoxonae pirapae Jesús pia peitorobiwi tatsi, Jesús baru nacaetutatsi. Barapomonae Jesús tsipaebatsi xua daxita pocotsiwan barapomonae peexanaexae, yawano pocotsiwa xua bayatha barapomonae cuiduba. <sup>31</sup> Jesús pijimonae tsi-paeba, jeye:

—Anetha poinchi, xua wanafifina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús iru pijimonae tatsi jopa itacupaetsi xua pexaewa tsane. <sup>32</sup> Barapoxonae Jesús, iru pijimonae tatsi compa ponarucupa jeratha ichawatha beya xua ichaxota jiwaibi beya. <sup>33</sup> Ichitha pin bicheitomonae tane poxonae Jesús iru pijimonae tatsi jeratha pona. Barapo pin bicheitomonae Jesusbaru yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonae tsiwanaya patatsi Jesús. <sup>34</sup> Poxonae Jesús jera wenontouna bapoxonae Jesús tane pin bicheito. Jesús yabara najuntu coyene xeina xua barapomonae peyawenaenexatsi. Barapomonae jopa xeinaeyo pon peyawenaein barapomonaetha icha be oveja ichi poxonae jopa xeinaeyo pon peyapu eenaein. Daxota Jesús barapomonaetha cuiduba ainya coyenein. <sup>35</sup> Poxonae tabopiya tsanaichaba Jesús pijimonae itata patatsi, jeye Jesustha:

—Bayatha tabopiya tsanaicha. Xote apara bon ajibi xua ichaxota jiwi jinompa. <sup>36</sup> Barapomonaē itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonaē pecomocaewa pexaewa. Tsipei xote pexaewa ajibi, jei pijimonaē tatsi.

<sup>37</sup> Ichitha Jesús pijimonaē barai, jeye:

—Paxam jame moya paapare pexaewa, jei.

Barapomonaē jeye:

—¿Xam ichichipame xua pata upain comocaewa tsane barapo bicheitomonaē ainya panmonaēin xua pata como-caenexa doscientos po paratiximonaebetha pocotsi paratiximonaēbe xeineiba pomonaē nacuiteiba doscientos matacabibetha? jei barapomonaē.

<sup>38</sup> Jesús barai pijimonaē, jeye:

—Pan ¿eta xoyobe paxeiname? Incane matha pataema, jei.

Poxonaē barapomonaē yaputane jeye Jesthath:

—Cinco po panyobe, yawa dos poyobe duweiyobe, jei barapomonaē.

<sup>39</sup> Jesús pijimonaē najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya. <sup>40</sup> Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya. <sup>41</sup> Barapoxonaē Jesús pecobetha pita pan cinco po panyobe. Yawa pita duweiyobe xua dos poyobe. Bapoxonaē Jesús peitaboco benecoicha, Nacomtha tsipaeba jeye: “Axa maisa juntu coyene weiweinan, xua pexaewa pata tanecatsiwaxaem”, jei Jesús. Barapoxonaē Jesús epa janaxuba pan. Jesús pijimonaē cata barapo pan, xua pijimonaē tatsi xuya pecatsibaponaenexa barapo pin bicheitha. Barichi Jesús duweiyobe epa janaxubabe. Bapoxonaē apata barapo pin bicheitha. <sup>42</sup> Barapo pin bicheito bara daxita nabane. Bara jain cowhntarucypatsi. <sup>43</sup> Barapoxonaē Jesús pijimonaē tatsi doce po cotebe wumba xua nacopaba xua bayatha barapo jiwi jopa xaeyo petonsanaexae. <sup>44</sup> Pomonaē xua barapo pan pexaexae barapomonaē cinco mil pebiwimonaē.

*Meje yabara poxonaē Jesús mene matatsun jumatha pona (Mt 14.22-27; Jn 6.16-21)*

<sup>45</sup> Pirapae Jesús pijimonaē itoroba xua peponaenexa jeratha, xua icha muxunene beya. Barapomonaē Jesús tsiwana payatsi Betsaida tomara beya. Barapoxonaē Jesús napeyaba barapo pin bicheito. <sup>46</sup> Poxonaē Jesús napeyaba barapo pin bicheito, bapoxonaē Jesús pona demxuwatheicha xua petsipaebinxaxa Nacomtha. <sup>47</sup> Poxonaē bayatha quirei tsanaicha, bapoxonaē Jesús pijimonaē tatsi iru jeratha

tuwatha yanapona. Jesús iru compa pecaetha popona.  
<sup>48</sup> Jesús tane xua barapomonae bichocono daunweya  
 nowaeta tsipei dawerena bichocono joibo daunwei. Poxonae  
 mataqueiwunaeyo tsoponae, Jesús pijimonae imoxoyo  
 caquita pona. Bapon mene matatsun jumatha pona.  
 Jesús juntucuru xenta iya barapomonae. <sup>49</sup> Poxonae Jesús  
 pijimonae tainchi xua mene matatsun jumatha pona,  
 barapomonae itaraerowiya nanta xeina, xua Jesús itara  
 mexeya dowatsiwejei. Yawa barapomonae wawai. <sup>50</sup> Daxota  
 barapomonae bichocono wawai, tsipei daxita barapomonae  
 tane, yawa bichocono cuitaya junuwa. Ichitha Jesús barai  
 barapomonae, jeye:

—¡Apara xan! ¡Jopa pajunuwinde! ¡Maisa pajuntu coyene  
 weiweinare! jei Jesús.

<sup>51</sup> Bapoxonae Jesús jeratha nontabiya barapomonae  
 pia xantha tatsi. Barapoxonae joibo caewanaya exana.  
 Barapomonae bichocono najuntu coyene cabenaeca.  
<sup>52</sup> Barapomonae baxua exana, tsipei barapomonae  
 cataunxuae jopa yaputaeyo xua apara Jesús pon Nacom  
 itoroba. Bequein bapon pexeinya petsita itatsi coyenewa  
 exana poxonae apata pan pin bicheitomonaetha,  
 barapomonae jopa beyaputaeyo pia juntu coyenewantha.

*Meje yabara poxonae Jesús axaibi exana pomonae peate-  
 newi, pomonae Genesaret nacuapiwi*

*(Mt 14.34-36)*

<sup>53</sup> Jesús, iru pijimonae tatsi bara pitapa berubenathopiya  
 xua pucua weya. Genesaret nacuatha pata. Baxota jera  
 quetanota pitapatha. <sup>54</sup> Poxonae Jesús jera wenontouna,  
 bapoxonae caena nainya pinmonae Jesús yaitaerucupatsi.  
<sup>55</sup> Bapoxonae barapo jiwi bara wecuinaeyiya daxita  
 barapo ira weya. Matautano carendena pocotsiwa  
 pemaichiwatha pomonae atenemonae, Jesús pia xainya  
 betacayiyatsi. <sup>56</sup> Daxitantha ichaxota Jesús ponaena,  
 ichaxota bequein tsica tomaraxi, ichaxotano bequein  
 pin tomaran, ichaxotano bequein tomaran cuariya,  
 daxita barapomonae capona peatenewimonae. Barapo  
 peatenewimonae jebatsi namtontha. Barapomonae Jesús  
 wucatsi xua Jesús petajayabinexatsi pia paparuwa peopirato  
 tatsi. Daxita pomonae Jesús pia paparuwa tajayabatsi daxita  
 barapomonae axaibi tsurucupeibi.

## 7

*Meje yabara poxonae Jesús yabara paeba xua pebin abe  
 peexanae cuiru coyene juntu webocatsi*

*(Mt 15.1-20)*



<sup>1</sup> Nexata fariseomonaē, iru pomonaē jiwī pecuidubiwi Moisés pia peitorobi coyene tatsi xua pomonaē Jerusalén tomara werendena, daxita barapomonaē Jesús imoxoyo caquita poinchi. <sup>2</sup> Barapomonaē tane xua Jesús pijimonaē tatsi jiwana najant<sub>u</sub> coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonaē xane. Daxota barapomonaē nanta xeina xua Jesús pijimonaē tatsi pomonaē peant<sub>u</sub>cuiruyapube jiwī. <sup>3</sup> (Barapomonaē aichaxaibi xua Jesús pijimonaē tatsi jopa matha nacobe quiatsiyo poxonaē xane, tsipei fariseomonaē iru daxita judiomonaē jopa daichiyo. Barapomonaē pia cui xeina xua jopa xaibiyo poxonaē jopa matha tsiwanaya daunweya nacobe quiateibiyo. Barapomonaē barapo cui coyene exana xua po cui coyene pia pamo susato jiwī tatsi copiya cananta forota. <sup>4</sup> Poxonaē barapomonaē caibe nawibeibarena ichaxota po bon xua pexaewa pecaenaetsiwan weya, bapoxonaē copiya tsiwanaya merantha naperu tsicababeiba xua poxonaē xane. Barichi barapomonaē icha coyeneinno exanapona xua peitorobi coyenewantha itoroba xua poxonaē corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.) <sup>5</sup> Bapoxonaē fariseomonaē, iru pomonaē jiwī pecuidubiwi Moisés pia peitorobi coyene tatsi, jeye Jesustha:

—¿Eta xua metha jinya jiwimonaē jopa exanaeyo xua pocotsiwa wamo susato jiwī pia peitorobi cui coyenewatha itoroba xua penajant<sub>u</sub> coyene taxobiyainwa? Jinyamonaē barapo cui jopa exanaeyo xua jopa matha tsiwanaya nacobe quiateibiyo poxonaē beya xaiba. Daxota jinyamonaē pomonaē peant<sub>u</sub>cuiruyapube jiwī xua penajant<sub>u</sub> coyene taxobixae, jei barapomonaē.

<sup>6</sup> Jesús jume nota barapomonaē, jeye:

—Bara Isaías pon Nacom peitorobi jume pepaebin beta xaniwaicha paca yabara paeba xua paxam pomonaē itara mexeya xanepanaeya pepaebi jiwī pam, daichitha apara abeya peexanaē jiwī pam. Bapon paca yabara tinaeya jeye, xua Nacom paeba:

‘Barapomonaē neyabara baru cui itura jina poxonaē cueicuei jei tsaibi, ichitha pejant<sub>u</sub> coyenewantha jopa neantobeyo.

<sup>7</sup> Pocotsiwa poxonaē barapomonaē w<sub>u</sub>naē nejainta saya pejume pawī.

Po pecuidubiwa xua barapomonaē cuiduba jiwitha saya apara jiwī pia peitorobi coyenewa tatsi’, jei Nacom xua Isaías tatina Nacom, jei Jesús.

<sup>8</sup> Equeicha Jesús jeye barapo fariseomonaetha iru pomonaetha pomonae pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quiateibinexa poxonae xaiba penajuntu coyene taxobiyainwa, jei Jesús.

<sup>9</sup> Equeicha Jesús barapomonaetha jeye:

—Itapetsiya painya neexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi. <sup>10</sup> Bayatha Moisés pia peitorobi coyenewatha itoroba, jeye: ‘Axa baru cui itura jinare, iru ena baru cui itura jinare’, jei. Equeicha bapon Moisés jeye: ‘Pon abe yabara paeba paxa, xua jopa peyawenaewa paxa ichacuitha tsipae xua penatha, bara bapon bewa tupaena’, jei Moisés. <sup>11</sup> Ichitha paxam papaebame, xua pinae pebin bara itacupatsi xua paxatha tsipaeba, ichacuitha xua penatha xua jeye: ‘Jopa neitacupaeyo xua tapaca cayawenaewatsi, tsipei daxita pocotsiwa xeinan xua bequein pocotsiwatha tapaca cayawenaewatsi tsainchi baxuan daxita Nacomtha catan’, xua jei pebin. <sup>12</sup> Poxonae peburaya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, iruru xua penatha. <sup>13</sup> Poxonae paexanaponame pocotsiwa painya amo susato jiwi pia peitorobi coyenewatha itoroba, xuano xua ichamonae pacana exaname xua baxua iru exana bapoxonae paxam Nacom pia peitorobi jume pecui paw jume pacana exaname. Barichi ichawanno xua be jupa xua peabe coyenein paexanamenno, jei Jesús.

<sup>14</sup> Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi. <sup>15</sup> Pocotsiwa ba pebin pecoiboto deca tsijain jonecatsi pexaewan, barapo coyene apara ba jopa bapana pebin antacuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antacuiruyapube exanatsi xua poxonae pecueicueijeixae baxua. <sup>16</sup> Icha pamuxu dubename, moya pana nejume naitaeware pocotsiwa tapaca tsipaebiwatsi, jei Jesús.

<sup>17</sup>Poxonae Jesús jiwi cuenta pona yawa bo bejoniya, bapoxonae Jesús pijimonae yabara yainyabatsi barapo pecayabara j̄ta pepaebi diwesiyo. <sup>18-19</sup>Jesús jume nota pijimonae jeye:

—j̄Paxam bara paichim icha fariseomonae ichi! Jopa payabara yaputaem barapo pecayabara j̄ta pepaebi diwesiyo xua pexaewa yabara. Bayatha paxam payaputaneme pocotsiwa pebin tsijain jojonecatsi pexaewa pecoiboto deca, barapo pexaewa jopa abe cana exanaeyo pebin pia j̄nt̄u coyenewa. Barapo pexaewa pebin jopa ant̄ucuiruyapube exanaetsi. Barapo pexaewa jopa ponaeyo pia j̄nt̄u coyenewatha. Jame barapo pexaewa pecotsorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara w̄nae pexaenexa. Jopa jiwi ant̄ucuiruyapube exanaetsi. <sup>20</sup>Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin ant̄ucuiruyapube exanatsi. <sup>21-22</sup>Tsipei pej̄nt̄u coyenewatha pebin nanta xeina, xua meje bapocotsiwanje: Abe penanta xeinae coyenewa, ir̄u peita coxanae coyenewatsi coyenewa xua poxonae penayaputae jiwi naper̄u nacoyaba, ir̄u ich̄un piawa tatsi pecaibi coyenewa, ir̄u ich̄un anaya pebexotsi coyenewa, ir̄u ich̄un piseuri tatsi pepichi coyenewa, ir̄u ich̄un piawa tatsi peichichipae coyenewa, ir̄u abe peexanae coyenewa, ir̄u ich̄un pemuxitorobiwatsi coyenewa, ir̄u peȳnȳu jei coyenewa, ir̄u peuwi coyenewa, ir̄u ich̄un peyabara naerabiwatsi coyenewa, ir̄u ichamonae peaebe coyenewatsi, ir̄u jopa xainyeya peexanae coyenewa poxonae bequein yaputaetha xua jopa bewa exanae. <sup>23</sup>Daxita barapo coyenein pej̄nt̄u coyene weya jume pichapa. Barapo jume coyeneintha pebin ant̄ucuiruyapube exanatsi, jei Jesús.

*Meje yabara poxonae yab̄nyo powayo penanapaincha poponaewayo Jesús jume cow̄ntatsi*  
(Mt 15.21-28)

<sup>24</sup>Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aichaxaibi xua jiwi yaputane ichaxota bapon eca, ichitha Jesús jopa itac̄upaetsi xua nameicha eca. <sup>25</sup>Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jesthath. Yawa pentabocototha uncua Jesús peitabaratha tatsi xua bapowa petsita ainya cuixaetsi. <sup>26</sup>Barapowa penanapaincha poponaewayo pecueicueijeixae griegojume. Jopa judiomonae jitowaiyo. Bapowa sirofeniciamonaewayo naexana penaexanaexae

Fenicia tomaratha xua Siria nacuatha. Barapowa Jesús wɛcatsi jeye:

—Taxantiyo inta taitawere cauri, jei barapowa.

<sup>27</sup> Ichitha Jesús jume nota barapowatha pecayabara jɛta pepaebi diwesiyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeban xua jopa bewa catsin tsane pomonaetha pomonae penanapaincha jinompaewi pomonae jopa judiomonae naexanaeyo xua pocotsiwa barompaya judiomonae piawa tatsi. Daxota jopa wɛnaeyo xua cayawenatsi, jei Jesús.

<sup>28</sup> Barapowa jume nota Jesustha pecayabara jɛta pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamataxeinaem. Xainyei paebame. Jopa ba bewa auri catsibi pexui pia pexaewa tatsi. Daichitha auri ba xane pocotsiwa pexui sorobaba barapo pepɛɛwixi pocotsiwa pexaethopaewa peɛɛɛpana tsica othopeica. Bara jɛtiya ichiya necana ichinde, daichitha neyawende, jei bapowa.

<sup>29</sup> Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

<sup>30</sup> Poxonae barapowa patopa pia botha, pexantiyo taebota xua camatha jɛntema boca. Mataɛtano tane xua bapowayo bayatha wepu poinchi cauri.

*Meje yabara poxonae Jesús axaibi exana pon pemuxusipanaein*

<sup>31</sup> Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Mataɛtano ichaxota diez po tomaranbe iya pona po tomaran pewɛn Decápolis. Bapoxonae Galilea pucuatha patopa. <sup>32</sup> Baraxotiya Jesús pia xainya berena tacapoinchi pebin pon muxusipana, mataɛtano xua jopa itacɛpaetsi xua pecueicueijejewa. Pomonae pecarendenaexae bapon, barapomonae Jesús wɛcatsi, xua Jesús penta jayabiwa tsane xua bapon axaibi peexanaenexa tsainchi. <sup>33</sup> Barapo pebin Jesús aisowa bebaru poinya pin bicheito pia xainya weya tatsi. Jesús pecobesitobetha nantiyabe muxu yauxatata. Poxonae naone sutaba peone pecobetha bapoxonae barapo cobetha ebato jayaba bapontha. <sup>34</sup> Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efata!” jeichichi, (xua jeichichi: “¡Muxu nasabare!” jeichichi.)

<sup>35</sup> Bapoxonae caena nainya bapon muxu nasaba nantiyabe. Mataɛtano bara ebato xanepana. Mataɛtano

bara itacꝥatsi xua pecueicueijeiwa beta. <sup>36</sup> Bapoxonae Jesús barai barapomonae, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, daichitha barapomonae awiya baxua yabara paebeiba ichamonaetha beyacaincha xua Jesús jume matawenta. <sup>37</sup> Barapomonae najuntꝥ coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonae pemuxusipanaewi equeicha beta jume tane, yawa bara cueicueijei”, jei barapomonae.

## 8

*Meje yabara poxonae Jesús pexaewa apata cuatro mil pebiwi*

(Mt 15.32-39)

<sup>1</sup> Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

<sup>2</sup> —Barapomonae yabara najuntꝥ coyene xeinan tayawenaenexa, tsipei barapomonae bayatha xote nebaru jinompa acoibi po matabibe. Anoxuae jopa xeinaeyo xua pocotsiwa pexaewa tsane. <sup>3</sup> Icha barapomonae jainbotha pu itorbichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamonaetha bayatha tajꝥ werendena, jei Jesús.

<sup>4</sup> Jesús pijimonae jume notatsi, jeye:

—Paxan jopa pana itacꝥaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

<sup>5</sup> Jesús yainyaba pijimonae, jeye:

—¿Eta po panyobe paxeiname? jei.

Jesús jume notatsi pijimonae, jeye:

—Siete po panyobe paxeinan, jei.

<sup>6</sup> Nexata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa juntꝥ coyene weiweinan xua pexaewa pata tanecatsiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheitha.

<sup>7</sup> Barichino barapomonae be conotha xeina duweixi poxi tsiquirixi. Jesús Paxa tsipaeba jeye: “Axa, maisa juntꝥ coyene weiweinan xua pata tanecatsiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsibaponaenexa barapo bicheitha. <sup>8</sup> Daxita barapomonae bara xane. Daxita bara jain cowꝥntarꝥꝥatsi.

Pirapae awiya equেicha wamba siete po cotebe xua nacopaba pocotsiwa xua barapomonae bayatha jopa xaeyo petonsanaexae. <sup>9-10</sup> Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomaran beya. Bapoxonae caena nainya Jesús, iru pijimonae tatsi, jeratha nonobabiya pewara-paenexa Dalmanuta nacua beya.

*Meje yabara poxonae fariseomonae Jesús cui itorobatsi xua peexanaewa tsane pexeinya petsita itutsi coyenewa*  
(Mt 16.1-4; Lc 12.54-56)

<sup>11</sup> Bapoxonae fariseomonae pata Jesththa. Barapomonae tamropata notarucupa xua najume matsontsonoba exana Jesththa. Barapomonae Jesús pejuntu coyene jujutsinexatsi, daxota Jesús piraichi cui itorobatsi pia petsita itutsi coyenewa pocotsi coyenewa xua cana exana itaboco wetsica. Barapomonae jopa bapon jume cowantsichi icha jopa itacupaetsi xua exana petsita itutsi coyenewa. <sup>12</sup> Jesús najumeicauna pejuntu coyene weya poxoru barapomonae bapon amuxu-coyenefaetabi exanatsi. Bapoxonae jeye:

—¿Eta pocotsiwa metha barapomonae tapexeinya tsita itutsi coyenewa necui itoroba jane? Bara xainyeya paca tsipaebatsi jopa bapana beexanaeinyo baxua, xua barapomonae necui itoroba, jei Jesús.

<sup>13</sup> Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

*Meje yabara poxonae Jesús pijimonae yabara yaputane exana pocotsiwa pan cotowa exana*  
(Mt 16.5-12)

<sup>14</sup> Jesús pijimonae tatsi juntemaina xua capona pan. Meisa cae pan capona jeratha, po nae pin naetha. <sup>15</sup> Jesús itoroba pijimonae, jeye:

—Dota pam, jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Matautano dota pam, xua Herodes pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntacuicoyenyapube cana exanapoinchi icha be pocotsi coyene ichi xua levadura matawun xua pan cocotowa exanapona beya poxonae pin pan, jei Jesús.

<sup>16</sup> Jesús pijimonae tatsi tamropata notarucupa xua caemonae natsipaeba, najei: “Metha apara poxoru juntemainatsi xua caponatsi po pan xua levadura cotowa exana, daxota metha baxua Jesús juntu coniquiya naca muxu tsipaeba”, najei barapomonae.

<sup>17</sup> Jesús yaputane pocotsiwa pijimonae tatsi natsipaeba. Ichitha poxoru Jesús yabara paeba xua fariseomonaē iru Herodes pia pecuidubiwan tatsi daxota Jesús yainyaba pia-monaē:

—¿Eta xua metha pana natsipaebame xua jopa painya necaponaexae pan? Baxua papaebame apara poxoru jopa pana nejume yabara cowantsim pocotsiwa paca cuidubatsi. Cataunxuae jopa pana necui yabara yaputaem poxoru jopa paichichipaem xua painya neyaputaewa tsane painya juntu coyeneintha. <sup>18</sup> Paxam bequein pana necui taneme, ichitha jopa xaniwaicha pana necui yaputaem. Matautano bequein bara pana nejume taneme ichitha jopa xaniwaicha pana nejume copi yaputaem. Matautano pajantemainame poxonaē pexeinya petsita itutsi coyenewa exanan jiwi nexa poxonaē pan catan jiwitha. <sup>19</sup> Poxonaē janacan pan xua cinco po panbe xua cinco mil pebiwi nexa, ¿eta po cotethabe pawanbaponame xua pocotsiwa nacopaba? jei Jesús.

Barapomonaē Jesús jume notatsi, jeye:

—Doce po cotebe apara, jei Jesús pijimonae tatsi.

<sup>20</sup>—Poxonaē janacan pan xua siete po panbe xua cuatro mil jiwi nexa, ¿eta po cotethabe pawanbaponame xua pocotsiwa nacopaba? jei Jesús.

Barapomonaē Jesús jume notatsi jeye:

—Siete po cotebe apara, jei Jesús pijimonae tatsi.

<sup>21</sup> Nexata Jesús pijimonae barai xua muxu jei:

—Metha matapainya payaputaename xua apara jopa yabara paca tsipaebichi pan. Apara jame paca tsipaebatsi xua jopa bewa pajume cowantsim tsane fariseomonaē iru Herodes pia pecuidubiwan tatsi, jei Jesús.

*Meje yabara poxonaē Jesús itacuere wunaeta pon peitata nacutsin Betsaida tomaratha*

<sup>22</sup> Jesús pijimonae baru botouna jeratha Betsaida tomaratha. Barapo tomarapiwi jiwana carendena pon peitata nacutsin, Jesús pia xantha tatsi. Barapomonaē Jesús wncatsi, xua bapon pemata jayabinexatsi xuano xua axaibi peexanaenexatsi. <sup>23</sup> Jesús cobe pita pon peitata nacutsin. Bapon cobe capoinchi aisowa beya xua tomara weya. Bapoxonaē Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caitacupa xua netaewa? jei Jesús.

<sup>24</sup> Bapon necotaxuba, bapoxonaē Jesús jume notatsi, jeye:

—Pebiwi tan, daichitha itanonojan. Jiwi saya be naewan jinompa, jei bapon.

<sup>25</sup> Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonaē

itamaiquei xanepana. Bapon bara beta matapainya wanae tane. <sup>26</sup> Jesús itorobiya jeye bapon xua penawiyaenexa pia bo beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.

*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei*

*(Mt 16.13-20; Lc 9.18-21)*

<sup>27</sup> Bapoxonae Jesús, iru pijimonae tatsi pata tsiqui tomaraxitha, po tomaraxi pewun Cesarea de Filipo. Poxonae namtotha cataunxuae enapona, bapoxonae Jesús pijimonae yainyaba, jeye:

—¿Eta jiwi neyabara jei po coyene xua xan bapon aparan? jei Jesús.

<sup>28</sup> Barapomonae Jesús jume notatsi, jeye:

—Ichamonae cayabara jei: ‘Apara bapon Juan, pon jiwi Pebautisabin pon equeicha petupaein asu juina’, jei. Iru ichamonae cayabara jei: ‘Apara bapon Elías, pon equeicha petupaein asu juina’, jei. Iru ru ichamonae cayabara jei: ‘Apara bapon jiwana, pomonae Nacom peitorobi jume pepae-biwi’, jei, jei Jesús pijimonae tatsi.

<sup>29</sup> Bapoxonae Jesús pijimonae yainyaba, jeye:

—¿Incane iru paxamdu? ¿Eta paneyabara jumichimdu xua xan eta pondun? jei Jesús.

Bapoxonae Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

<sup>30</sup> Jesús pijimonae muxu barai xua pijimonae jopa peyabara paebinexatsi ichamonaetha baxua.

*Meje yabara poxonae Jesús nayabara diwesi paeba po coyene xua petupaewa tsane*

*(Mt 16.21-28; Lc 9.22-27)*

<sup>31</sup> Bapoxonae Jesús tamropata pitaba xua pijimonae tsi-paeba pocotsi coyene xua Jesús cana exanaeinchi ichamonae, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iruru sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po mat-acabiyobe tsuxubi tsane”, jei Jesús. <sup>32</sup> Baxua Jesús pijimonae wunaeya muxu tsipaeba xua barapomonae bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinexa baxua. <sup>33</sup> Jesús pijimonae napatome-icha necota. Bapoxonae jume daunweya jeye Pedrotha:



—¡Xam be pon caurimonae pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

<sup>34</sup> Bapoxonae Jesús waba pin bicheito, matautano wabano pijimonae, yawa jeye daxita barapomonaetha:

—Icha pebin ichichipa xua tajiwiwimonae jiwanapin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwiwimonae jitonxae. <sup>35</sup> Pon naantobeya nata exana pocotsiwa bapon ichichipa, bapon jopa xeinaeyo peajantuyarusawa, po peajantuyarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena peajantuyarusawa, po peajantuyarusawa ataya tsiteca xua Nacom pia nacua beicha. <sup>36</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajantucoyenesawa po peajantucoyenesawa ataya tsiteca, bapoxonae bapon jopa itacupaetsi xua penajantu coyene capanepaewa xua peweraweracaewa tsane. <sup>37</sup> Tsipei pebin jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajantucoyenesawa xua barapoxonae pepatopaewa tsane Nacom pia nacua beicha tatsi. <sup>38</sup> Icha ichan neacaura, yawa nejume diwesi acaurano jiwi peitabaratha tatsi, pomonaetha pomonae jopa tana nejume cowantsi jiwi, pomonaethano pomonae bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitpanae susato patopaetsicaein. Taxa pia peitpanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

## 9

<sup>1</sup> Barichino Jesús jeye:

—Bara xaniwaicha paca tsipaebatsi xua pomonae xote umene barapomonae jiwana abu copiya matha yabara yaputaena xua po coyene Nacom waba jiwi xua petanaexanaenexatsi piamonae pomonae itorobiya taewatsixae taayarusawatha. Bapoxonae barapomonae werapaena, jei Jesús.

*Meje yabara poxonae Jesús pijimonaē peit̃tha pexeinya it̃panae coicha tsanaya naexana*

*(Mt 17.1-13; Lc 9.28-36)*

<sup>2</sup> Poxonae seis po matabibe jopa, xua Jesús paeba baxua bapoxonae pirapae Jesús bar̃ pona Pedro, ir̃ Santiago ir̃ Juan. Barapoyobe Jesús compa bar̃ pona demxuwatheicha po demxuwa bichocono tãcha. Baxoteicha barapoyobe peit̃tha tatsi, Jesús pexeinya it̃panae coicha tsanaya. <sup>3</sup> Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana. <sup>4</sup> Bapoxonae Pedro, ir̃ Santiago ir̃ Juan Elías taer̃c̃patsi, ir̃ Moisés ponbe caena bayatha naxubabe. Baponbe Jesús bar̃ cueicueijeichibe. <sup>5</sup> Bapoxonae Pedro namchi, jeye Jest̃tha:

—Pon jiwi Necuidubim maisa w̃nae xua xote pata ume-naewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>6</sup> Pedro baxua paeba, bequein jopa yaputaeyo pocotsiwa yabara cueicueijeji, tsipei poxoru saya barapomonae bichocono pijunuwi. <sup>7</sup> Bapoxonae daxita barapomonae pia xainya bematawacaicha taruneicatsi tsaquinaebowa. Barapo tsaquinaebowatha pejume jume tane, xua Nacom Jesús yabara cueicueijeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsipaeba”, jei Nacom. <sup>8</sup> Barapoxonae caena nainya poxonae necobar̃c̃pa barapomonae, baponbe jopa taetsi, meisa saya Jesús compa uncua. <sup>9</sup> Poxonae Jesús pijimonaē bar̃ juinca demxuwa wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunxuae pataneme xua tapaca catsita exanaewatsi. Jopa payabara paebinde beya ab̃ poxonae equeicha as̃n poponaēin tat̃pae coyene weya, xan ponxaein Nacom Tananeitapetsin”, jei Jesús. <sup>10</sup> Daxota barapoyobe jopa yabara paebiyo ichamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae pet̃pae coyene weya as̃ tsane?” najeibe. <sup>11</sup> Barapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, ¿eta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

<sup>12</sup> Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Matautano paeba xua bapon cana nantu coyene weta exanaena jiwi pia juntu coyenewantha xua jiwi pejume cowantsinexa Nacom. Matautano barapo Nacom Pejume Diwesitha paeba xua xan ponxaein Nacom Tananeitapetsin ichamonae neperaxa jubina. Matautano bichocono abeya neyabara paebina. <sup>13</sup> Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamonae, icha be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiwanae muxu dutsixae, jei Jesús.

*Meje yabara poxonae Jesús cauri taitaweta xua pewowin xeina*

*(Mt 17.14-21; Lc 9.37-43)*

<sup>14</sup> Bapoxonae pirapaeyo barapo acoibi poyobe Jesús baru nawiya ichaxota ichamonae pijimonae tatsi tajinompatsi. Bapoxonae barapomonae tane xua Jesús pijimonae tatsi pomonae baxota petajinompaewixaetsi baru nacaetutatsi pin bicheito. Iru baxota naena pomonae jiwi pecuidubiwi Moisés pia peitorobi coyene tatsi. Barapo pecuidubiwi Jesús pijimonae tatsi jume matsontsonobatsi. <sup>15</sup> Barapo pin bicheito najuntu coyene nabenaeca poxonae Jesús taerucupatsi. Bapoxonae barapo pin bicheito caena nainya Jesús pexainya betacuinaeyiyatsi xua Jesús pejacobinexatsi. <sup>16</sup> Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwimonae pajume matsontsonobame? jei Jesús.

<sup>17</sup> Caein pon uncua baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi. <sup>18</sup> Poxonae taxanto taibatsi cauri, inta iratha bebai tsaibichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wucan jinyamonae, janje: 'Painta taxanto taitawere cauri', jan, daichitha jopa itacupaetsi xua inta taxanto petaitawetsinexatsi cauri, jei bapon.

<sup>19</sup> Bapoxonae Jesús anaya barai pijimonae, jeye:

—¡Paxam barapomonae pam, pomonae jopa xapain cataunxuae pana nejume cowantsim! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua

tapaca cayawenaewatsi tsainchi? Pon cauri xeina painta baru awena, jei Jesús.

<sup>20</sup> Bapoxonae Jesús pexantha tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi. <sup>21</sup> Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae. <sup>22</sup> Matowa cauri inta taxanto isototha bebai tsaibichi. Matautano inta mentha bebai tsaibichi pebexubinexatsi. Icha caitacupa xua neexanaewa tsane baxua, pana yabara najantu coyene xeinare jinya tapana neyawenaenexam tsane, jei pexuyo paxa tatsi.

<sup>23</sup> Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

<sup>24</sup> Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bi-chocono matowa tacajume cowantsinexa tsainchi, jei pexuyo paxa tatsi.

<sup>25</sup> Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

<sup>26</sup> Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petupaeyo boca iratha. Daxota daxita barapo pin bicheito paeba xua pinae barapo pewowin apara tupa. <sup>27</sup> Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

<sup>28</sup> Bapoxonae Jesús joniya botha. Jesús pijimonae compa seicaya tsipaebatsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

<sup>29</sup> Jesús pijimonae jume nota, jeye:

—Barapocotsimonae caurimonae paca itacapa xua painya neitawetsiwa saya meisa poxonae memecabiya matowa pawacame Nacomtha, jei Jesús.

*Meje yabara poxonae equeicha Jesús nayabara paeba xua poxonae tupaena*

*(Mt 17.22-23; Lc 9.43-45)*

<sup>30</sup> Poxonae Jesús, iru pijimonae tatsi bara weya pona, bapoxonae Galilea nacua iya pona. Bapon jopa beyaputaetsi xua ichaxota ponaena, xua ichamonae yaputaena. <sup>31</sup> Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamonaetha. Yawano nebexubina. Ichitha poxonae acoibi po matabibibe yapucaewina, bapoxonae equeicha asu poponaein, jei Jesús.

<sup>32</sup> Ichitha barapomonae pomonae Jesús pijimonae jopa jume yaputaetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

*(Mt 18.1-5; Lc 9.46-48)*

<sup>33</sup> Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobaponame? jei Jesús.

<sup>34</sup> Barapomonae saya moya umena peuraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae. <sup>35</sup> Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui pawí jiton naexanae petanacuichinexa ichamonae, jei Jesús.

<sup>36</sup> Bapoxonae Jesús pita pexuyo, yawa pijimonae tatsi peitabarayo deca tatsi tacuaranoreca. Jesús isaeca barapo pexuyo, jeye:

<sup>37</sup> —Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei (Mt 10.42; Lc 9.49-50)*

<sup>38</sup> Nexata Juan namchi Jesustha, jeye:

—Ja Tanecuidubim, paxan caein patan pon caw<sub>h</sub>n taiba poxonae itaweta caurimonae, xua caurimonae itawetatsi. Paxan baxua pacui itawetan, tsipei jopa naca puna popon-  
aeyo, jei Juan.

<sup>39</sup> Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita it<sub>u</sub>t<sub>s</sub>i coyenewan exana poxonae new<sub>h</sub>n taiba xua bapoxonae cotacaya abeya neyabara paeba. <sup>40</sup> Tsipei pon abe jopa nacata exanaeyo, bapon apara naca yawena. <sup>41</sup> Pon paca yawena xua mera paca cata xua bequein tsica corotiyotha xua ir<sub>h</sub> pejume cow<sub>h</sub>ntsixae, xua xan Criston tajiwimonae pamxaem, baxua peexanaexae, Nacom catsina bapontha pematomatsiwa baxua nexa, jei Jesús.

*Meje yabara poxonae Jesús paeba xua jiton jopa bewa cana exanae ich<sub>h</sub>ntha xua ir<sub>h</sub> abe peexanaewa tsane (Mt 18.6-9; Lc 17.1-2)*

<sup>42</sup> Equeicha Jesús namchi, jeye: “Nacom tsitatsi xua pebin bichocono abe exana poxonae natsicuenta ich<sub>h</sub>n cana exanatsi xua abe peexanae cuiru coyene exana, po barapo ich<sub>h</sub>n pon cataunxuae aena tana nejume cow<sub>h</sub>ntsixae. Metha jame w<sub>h</sub>nae tsipae xua barapo pebin pon abeya cana exanaeya taexana ich<sub>h</sub>ntha, barapon pin iboto wisi catsipatsi yawa xua tuw<sub>h</sub>tha xua pin mar menetha barapo ibototha cayawa cabutabachipatsino. <sup>43-44</sup> Icha painya cobe paca exana xua abe painya neexanaewa tsane, maisa panacobe ucubobare. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacia beicha tatsi. Baxua jame yatsicaya xanepana beyacaincha xua ainya cobebe painya necayawa bebaiwa tsane ichaxota po nacuatha isoto jopa itacounayiyo, xua ataya tsiteca. <sup>45-46</sup> Matautano icha painya taxu paca exana xua abe painya neexanaewa tsane, maisa panataxu ucubobare. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacia beicha tatsi. Baxua jame yatsicaewa xanepana beyacaincha xua ainya taxube painya necayawa bebaiwa tsane ichaxota po nacuatha isoto jopa itacounayiyo xua ataya tsiteca. <sup>47</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane, painya netaexae painya itamaiqueitha,

maisa pana naitacuere jucuare. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia peitorobi nacua beicha tatsi. Baxua jame yatsicaewa xanepana, beyacaincha xua poxonaе аinya itamaiqueitobe painya necayawa bebaiwa tsane ichaxota isoto jopa itacounayiyo. <sup>48</sup> Barapo nacuatha isoto jopa itacounayiyo xua ataya tsiteca yawa oro jopa tupaeyo.

<sup>49</sup> “Tsipei daxita jiwi pia pejuntа coyenein tatsi nacui wаnаetsina Nacom nexa pocotsi coyenewantha xua jiwi taayapubetsi bichocono xua jiwi atene exanatsi pocotsiwa icha be isoto ichi. Matautano daxita pocotsiwan jiwi tauta xua petuxusi exanaewa Nacomtha, barapocotsiwa copiya yawa muxuna nacui xaxainchina sare beno. <sup>50</sup> Sare beno, bara bena wаnаe. Ichitha icha barapo sare beno jopa abenataeyo baroxonaе jopa peitacupaewatsi xua equeicha peabenataewa. Bara paichinde poxonaе icha be sare beno ichi. Paxeinare pocotsi coyene pexeinya juntа coyene xua jopa po juntа coyene abeyo. Matautano junteма nantiya pana nabaгa jinompare”, jei Jesús.

## 10

*Meje yabara poxonaе Jesús cuiduba xua jiwi piseurixi pepunapenteibiyainwa*

*(Mt 19.1-12; Lc 16.18)*

<sup>1</sup> Jesús ponataba Capernaum tomara weya. Bapoxonaе Judea nacuatha patopa. Yawa patopa Jordán mene iya icha muxunenetha, po muxunene xua Judea nacua weya. Baxotiya equeicha jiwi pin bicheitomonaе nacaetuta ichaxota Jesús uncua. Equeicha Jesús cuiduba barapomonaetha, tsipei pia cui xua cuidubeiba. <sup>2</sup> Bapoxonaе ichamonaе fariseomonaе, barapomonaе piraichi Jesús imoxoyo caquita umenarucupatsi xua Jesús pejuntа cui coyene jujatsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha ichichipa jampa? jei.

<sup>3</sup> Jesús jume epa pita barapomonaе, jeye:

—¿Eta xua bapon Moisés paca itoroba? jei.

<sup>4</sup> Barapomonaе Jesús jume notatsi, jeye:

—Moisés copata xua jiton itacupatsi xua pecatsiwa papera piseuri, po paperatha tina xua pexubiwa tsane piseuri. Bara bapoxonaе bapon xubina piseuri, jei barapomonaе.

<sup>5</sup> Bapoxonaе Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepajume cowantsim painya juntа coyenewatha.

<sup>6</sup> Tsipei poxonae Nacom aena forota daxita, pejume diwe-sitha jeye: ‘Nacom exana pebin, matautano exana yabuyo’, jei. <sup>7</sup> Equeicha Nacom jeye: ‘Daxota pebin paxa wepu natsata, yawa pena wepu natsata xua piowabe imoxoyo penaperu nacoyobinexabe. <sup>8</sup> Baraponbe be cae jiwimonae naexanabe’, jei. Bapoxonae baponbe xua ainya jiwibe aibi, bara be caein naexanabe. <sup>9</sup> Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

<sup>10</sup> Poxonae Jesús, iru pijimonae tatsi botha jinompa, bapoxonae Jesús pijimonae yabara yainyabatsi baxua. <sup>11</sup> Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona, apara bara piowa tatsi. <sup>12</sup> Barichi icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitatha tatsi, tsipei Nacom tsitatsi xua pon copiya xeina, apara bara pia pebin tatsi, jei Jesús.

*Meje yabara poxonae Jesús jeye pexuitha: “Barabu Nacom beta paca yawenaena”, jei*  
(Mt 19.13-15; Lc 18.15-17)

<sup>13</sup> Nexata jiwi Jesús pexui tacaponatsi xua Jesús pejayabinexa pecobetha, yawa xua Nacomtha pewucaenexa barapo pexui nexa xua pejeinexa: “Barabu Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonae cui matawentatsi pomonae pexui carendena tsaibi. <sup>14</sup> Poxonae Jesús baxua jume tane, jopa ichipaeyo pocotsiwa pijimonae tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejantu coyene xanepanaewi icha pexui ichi. Pexui pia cui xua tayapu xanepanatsi xua pia jantu coyeneintha jume cowanta Nacom. <sup>15</sup> Bara xainyeya paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cowanta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

<sup>16</sup> Bapoxonae Jesús tsana tamropata nonotapona pexui, yawa pecobetha pexui jayabiya tawucatsi Nacom. Jeye: “Barabu Nacom beta yawenaena barapo pexui”, jei.



*Meje yabara poxonae pewowin pon copei pexeinaein Jesús tsipaebatsi*

*(Mt 19.16-30; Lc 18.18-30)*

<sup>17</sup> Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncua Jesús peitabaratha tatsi, xua pebar<sub>u</sub> cui itura jinaenexatsi Jesús, tsipei Jesús pon peainya cuin. Bapon jeye Jestusta:

—Ja Tanecuidubim, maisa nej<sub>u</sub>nt<sub>u</sub> coyene xanepanaem. ¿Eta xua copiya matha exanocuaein xua aj<sub>u</sub>nt<sub>u</sub>yap<sub>u</sub>s<sub>u</sub>ya tapo-ponaewa tsane xua ataya tsane? jei bapon.

<sup>18</sup> Bapoxonae Jesús jume nota, jeye:

—¿Eta xua nebaram: ‘Nej<sub>u</sub>nt<sub>u</sub> coyene xanepanaem’, jam? Apra ich<sub>u</sub>n dapon aibi pon rej<sub>u</sub>nt<sub>u</sub> coyene xanepanaein. Jame meisa apra bapon Nacom compra rej<sub>u</sub>nt<sub>u</sub> coyene xanepanaein. <sup>19</sup> Xam bara yaputaneme po coyene Moisés pia peitorobi coyenewatha itoroba, xua jeye: ‘Jopa ich<sub>u</sub>n bexubinde. Jopa ichowa pichinde ich<sub>u</sub>n piowa tatsi. Jopa caibinde ich<sub>u</sub>n piawan tatsi. Jopa naerabiya cayabara pae-binde pocotsiwa ichamonae exana. Jopa ichamonae yabara muxujainyabinde xua caibame. Axatha bar<sub>u</sub> jume cui itura jinare. Mata<sub>u</sub>tano enatha bar<sub>u</sub> jume cui itura jinare’, jei Moisés, jei Jesús.

<sup>20</sup> Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

<sup>21</sup> Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necaj<sub>u</sub>ntana botsiwa pocotsiwa bichocono w<sub>u</sub>nae, jei Jesús.

<sup>22</sup> Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaein.

<sup>23</sup> Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaetha tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi, jei Jesús.

<sup>24</sup> Jesús pijimonaē tatsi yabara najuntū coyene cabenaeca pocotsiwa xua Jesús paeba. Ichitha Jesús pijimonaē equeicha tsipaeba, jeye:

—Pomonaē tamonaē pamxaem, j̄maisa bichocono ayapube-cai xua pomonaē copei pexeinaewi jume cowantsina Nacom! Barapomonaē nanta xeina xua pia copeitha nayawena xua daxota jopa canantawenonaeyo xua Nacom pejume cowantsiwatsi. <sup>25</sup> Bichocono acuiruyapube xua duwein, pon pewan camello xua bapon pejoniyaewa acuicheto peetabū wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaē tatsi jiwana pomonaē itorobiya canamataxeina beyacaincha xua poxonaē acuiruyapube xua poxonaē camello acuicheto peetabū wan iya pejoniyaewa, jei Jesús.

<sup>26</sup> Poxonaē Jesús pijimonaē jume taerucypatsi xua paeba baroxonaē najuntū coyene cabenaeca bichocono. Barapomonaē caemonaē nayainyaba, najei:

—Baroxonaē j̄jintam metha nexata itacypatsi xua pecapanepaewa pia coutha? jei barapomonaē.

<sup>27</sup> Jesús tane barapomonaē, yawa jeye:

—Pebiwi ba jopa itacypaetsi xua baxua exana, saya jame meisa Nacom compa itacypatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Nexata Pedro Jesús jume notatsi, jeye:

—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

<sup>29</sup> Jesús Pedro jume notatsi, jeye:

—Bara xainyeya paca tsipaebatsi. Nacom beta cana exanaena daxita pomonaē pecueicueijeixae Nacom pia pecapanenebiyae diwesi yawa taneantobexae beyacaincha xua ichamonaē antobetsi. Nacom beta cana exanaena barapomonaē pia bon pecuenta ponaexae inta peexanaexae. Matautano beta cana exanaena pomonaē peweichowi pecuenta ponaexae. Matautano beta cana exanaena pomonaē pamchowi pecuenta ponaexae. Matautano beta cana exanaena pomonaē paxeiwi pecuenta ponaexae, matautano peniwi pecuenta ponaexae. Matautano beta cana exanaena pomonaē pia pexui yawa pia iran pecuenta ponaexae. <sup>30</sup> Nacom barapomonaetha catsina po irathe pentoma xua cien po cuiyobe tsane. Barapomonaē xeinaena bon, matautano nantauntsina peweichowi, irū pamchowi tatsi, irū peniwi tatsi, irū pia pexui tatsi, yawa iranno. Daxita barapomonaetha tsicotane be barompaya piamonaē tatsi. Barapo cae pin nacuathe barapomonaē peraxa jubinchi taneantobexae, daichitha barapomonaē xeinaena

Nacom pia peitorobi nacuatheicha peajantayapuswa po peajantayapuswa ataya tsiteca. <sup>31</sup> Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana pomonae jiwi jopa petsita ainya cui jiwichi, po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mt 20.17-19; Lc 18.31-34)*

<sup>32</sup> Poxonae Jesús pijimonae cataunxuae namtotha baru ecapona xua Jerusalén tomara beya, Jesús pijimonae tsiwana nantacapona. Bapoxonae Jesús pijimonae tatsi najantu coyene cabenaeca, tsipei Jesús nainya nantacapona. Iru pomonae Jesús puna poinchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonae compa waba aisowa beya xua pomonae doce poyobe tatsi. Jesús tamropata pitaba xua tsipaeba pijimonae xua pocotsiwa imoxoyo ichamonae Jesús cana exanaeinchi. <sup>33</sup> Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonae pia pentacaponae witha tatsi, yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae itorobina xua nebexubina. Matautano necana cobenatsina pomonaetha pomonae penanapaincha jinompaewi xua pomonae icha nacua werena peponaewi. <sup>34</sup> Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matabibe weraweracaena equeicha asu poponaein petupae coyene weya”, jei Jesús.

*Meje yabara poxonae Santiago iru Juan Jesús yainyabatsibe*  
*(Mt 20.20-28)*

<sup>35</sup> Bapoxonae Santiago iru Juan ponbe Zebedeo pexantobe tatsi, baponbe Jesús imoxoyo caquita uncuatabatsibe, jeibe Jesthath:

—Pon jiwi Necuidubim, paichichipan xua painta exanaename pocotsiwa paca wucaeinchi, jei.

<sup>36</sup> Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

<sup>37</sup> Baponbe Jesús jume notatsi, jeye:

—Matacabi jopaena, po mataqueitha itorobiya ewatsiname jiwi poxonae ecaename jinyawa xua pexeinya itupanae ecaethopaewatha. Barapo mataqueitha copare xua paxanbe nantiyabe paecaeinbe patawantha xua pexeinya itupanae ecaethopaewatha. Ichun pocotsiwa necoxa weya ecaena. Ichun pocotsiwa netsocona weya ecaena, jeibe baponbe.

<sup>38</sup> Baropoxonae Jesús baraibe baponbetha, jeye:

—Paxambe jopa payaputaembe pocotsiwa pana newucamebe. Poxonae ichamonae abe inta exanaena, xan bara saya copatsin xua barapomonae bara neperaxa jubina. Barichi poxoru paxambe tapana neantobexaembe, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua pacopatsinamebe xua bara ichamonae tupa paca exanaenabe? jei Jesús.

<sup>39</sup> Barapoyobe jume notabe Jesththa, jeye:

—Aa, bara baxua pana neitacupabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa jubinabe. Matautano ichamonae bara tupa paca exanaenabe, icha xan necana ichi tsane. <sup>40</sup> Nama xua xantha nantiya paecamebe xua ichun pocotsiwa tacoxa weya eca, yawa xua ichun tasocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaenexa tsane, jei Jesús.

<sup>41</sup> Jesús pijimonae tatsi pomonae umena, pomonae diez poyobe, barapomonae jume tane xua Santiago iru Juan Jesús wucatsibe. Baropoxonae barapo diez poyobe, Santiago iru Juan yabara anaepanarucupatsibe. <sup>42</sup> Ichitha Jesús pia xainya berena pijimonae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae xua daxota bichocono jiwi taayapubetsi. <sup>43</sup> Ichitha nama paxam barapocotsi coyeneya jopa bara paichinde. Seicaya nama icha juntu coyeneyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. <sup>44</sup> Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein

xua beyacaincha ichamonae, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi. <sup>45</sup> Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apará jopá baxua tsipatopaeinyo xua ichamonae inta penacuichiwánexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús.

*Meje yabara poxonae Jesús axaibi exana pon peitata nacútsin, pon pewán Bartimeo*

*(Mt 20.29-34; Lc 18.35-43)*

<sup>46</sup> Bapoxonae Jesús iru pijimonae tatsi pata Jericó tomaratha. Jesús iru pijimonae tatsi tomara we-iyiya xua iruru pin bicheitomonae naponá. Iru bapoxonae pebin pon pewán Bartimeo, pon Timeo pexanto tatsi, bapon namtotha eca. <sup>47</sup> Poxonae Bartimeo jume tane xua juinya Jesús imoxoyo pona, pon Nazaret tomarapin, bapoxonae bapon Bartimeo tamropata pitaba xua wawaya jeye:

—¡Jesús, David pia pemomoxi susato jiwánapim, ponxaem Nacom necaitapetsim neyabara najantu coyene xeinare jinya tana neyawenaenexam! jei.

<sup>48</sup> Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—¡Jesús, David pia pemomoxi susato jiwánapim, ponxaem Nacom Necaitapetsim neyabara najantu coyene xeinare jinya tana neyawenaenexam tsane! jei bapon.

<sup>49</sup> Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nacútsin wabatsi, yawa barapomonaetha jeye bapontha:

—Bara najantu tsacatabare, jopá amurande. Nontaponare, aunxuae cawaba, jei barapomonaetha.

<sup>50</sup> Bapoxonae pon peitata nacútsin pia penaupatsiwa xubiriwa, yawa jirawana. Bapoxonae pona Jesustha. <sup>51</sup> Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

<sup>52</sup> Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowantsixaemxae xua bara tana neitacupaewa xua tacayawenaewatsi, jei Jesús.

Bapoxonae caena nainya pon peitata nacatsin necotaxuba. Bapoxonae bapon Jesús puna poinchi namtotha.

## 11

*Meje yabara poxonae Jesús Jerusalén tomaratha patopa (Mt 21.1-11; Lc 19.28-40; Jn 12.12-19)*

<sup>1</sup> Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecabe. Barapo tomarabe cuariya demxuwa eca, po demxuwa pewan Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana. <sup>2</sup> Jesús barai baponbetha, jeye:

—Paponarebe, po tomara painya itabaraya equiya. Poxonae papatopaenamebe barapo tomaratha, bapoxonae pacaxinaenamebe burro pon penan pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebe.

<sup>3</sup> Icha ichan paca yainyabiya jeye: ‘¿Eta xua payama isanaxubamebe burro?’ paca jei, nexata pajandebe: ‘Pon jiwi Pecanamataxeinaein bepa pata yama cayiyaeinjei tsipei pinae nantawenona. Bexa nainya equeicha payama carenaein’, pajandebe, jei Jesús.

<sup>4</sup> Barapomonae ponarucupa. Yawa caxinarucupa barapo burro pebto, pon quetanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

<sup>5</sup> Pomonae baxota jinompa barapomonae baponbe yainya-batsi jeye:

—¿Eta xua paexanamebe? ¿Eta xua burro paisanaxubamebe? jeichichibe baponbe.

<sup>6</sup> Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe. <sup>7</sup> Bapoxonae baponbe tayama cayabe burro Jesús tayama cayatsibe. Bapoxonae pia paparuwan tsijuma jebicabe, yawa Jesús tsijuma equeica. <sup>8</sup> Bapoxonae jiwi pinmonae namtotha yerababa jejabapoinya pia paparuwan. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi. <sup>9</sup> Pomonae Jesús tsiwana nanta cajinjincatsi, iru pomonae Jesús peputha tajinjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wanae, bapon patopa Nacom peitorobixae!<sup>10</sup> ¡Bara wanae jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wanae jaintatsi pon athabeicha eca! jei barapomona.

<sup>11</sup> Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonae baru ponataba Betania tomara beya, poyobe xua doce poyobe, tsipei bayatha tabopiya.

*Meje yabara poxonae Jesús biatane higuera nae xua jopa penacoichixae*

*(Mt 21.18-19)*

<sup>12</sup> Icha matabitha baya, poxonae Jesús iru pijimonae tatsi Betania tomara weya pona, Jesús jainpagona. <sup>13</sup> Tajm weya Jesús tane higuera nae xua noxu tsuncuae. Jesús higuera nae beya pona piyain petaenexa pethei, ichitha saya noxu tane, tsipei cataunxuae dapu dapae aibi po dapaetha higuera nae nacoita. <sup>14</sup> Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús.

Jesús pijimonae jume tainchi baxua poxonae higuera nae barai.

*Meje yabara poxonae Jesús aisowa benapuna torobabiya Nacom pin pia botha pomonae pecaenaetsiwi*

*(Mt 21.12-17; Lc 19.45-48; Jn 2.13-22)*

<sup>15</sup> Bapoxonae pirapaeyo Jesús pijimonae baru patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonae pecaenaeta jiwi baxota. Jesús tabu tayebiya bebai iratha pocotsiwa pexaethopaewa po pexaethopaewantha nantiya nacatsiba paratixi, yawa xua iruru baxota topibo caenaeta. <sup>16</sup> Jesús jopa copatsiyo xua jiwi piawan capona Nacom pin pia bo tatsi tutiya iya. <sup>17</sup> Jesús cuiduba barapomona, jeye:

—Nacom Pejume Diwesitha jeye: ‘Tabo apara po botha xua daxita nacuanpiwi tanetsipaebinxata tsaihi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantiyabeibathopa. Tsipei baxota panacaetutame saya u xua painya necaibinxam tsane paratixi pomonaetha pomonae xua pateiba xua Nacom petsipaebeibinxatsi, jei Jesús.

18 Sacerdotemonae pia pentacaponae wi tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae jume tane xua Jesús paeba. Bapoxonae barapomonae tamropata notarucapa xua jeita po coyenewatha Jesús bexubinchi. Barapomonae bequein ichichipa Jesús bexotsi ichitha baxua jopa exanaeyo tsipei barapomonae junuwa xua jiwi anaepana xua barapo sacerdotemonae pia pentacaponae wi tatsi pecasebiwatsi irano xua pecasebiwatsi pomonae jiwi pecuidubiwi Moisés pia peitorobi coyene. Tsipei barapomonae jiwi cunuwatsi, xua daxita jiwi peichichipaexae nawita pocotsiwa Jesús cuiduba. 19 Poxonae xometo iriya ecanaicha bapoxonae Jesús pijimonae baru ponataba barapo tomara weya.

*Meje yabara poxonae higuera nae yununcia  
(Mt 21.20-22)*

20 Baya poxonae pentha tsina, Jesús pijimonae baxoyo baru ecapona yawa tane xua higuera nae yununcia xua daxita petabaca opina wetsina. 21 Bapoxonae Pedro yabara nanta xeinataba xua mexuae Jesús biatane higuera nae. Bapoxonae jeje Jesththa:

—Pon jiwi Necuidubim, taema po higuera nae mexuae biataneme, bayatha yununcia, jei Pedro.

22 Bapoxonae Jesús jeje pijimonaetha:

—Paxam bichocono pajume cowunde Nacom. 23 Bara xainyeya paca tsipaebatsi. Icha xanepanaeya pana neyabara jume cowantame xua Nacom painya nepaca cayawenaewa xuano xua jopa ainya unthuton paxeinaem, bara paca itacupaena xua painya nepaebiwa icha ichin xua cana exanan higuera nae. Matautano bara paca itacupaena xua painya nejeiwa uruto beya, xua pajam: 'Uruto, natsixitabare, mar mene beya jopare', xua painya nejeiwa. Bapoxonae bara baxua jopa bayathiyo tsane. 24 Daxita xua xuan pocotsiwan Nacom beya pawucame, icha bara xanepanaeya pajume cowantsiya wucame, bara Nacom paca catsibina baxuan. 25 Poxonae Nacomtha patsipaebame, icha ichan abe pacata exana, copiya payabara jantemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara jantemainana pocotsiwa abe painya nexanae cuiru coyenein paexaname. 26 Ichitha icha jopa payabara jantemainam ichan pocotsiwa pacata abe exana, barichi Nacom pon itabocotha eca, jopa paca yabara jantemainae tsane pocotsiwa abe painya neexanae cuiru coyenein paexaname, jei Jesús.



*Meje yabara xua Jesús pia peitorobi coyenewa xeina  
(Mt 21.23-27; Lc 20.1-8)*

<sup>27</sup> Bapoxonae Jesús, iru pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdotemonae pia pentacaponae tatsi, iru pomonae jiwi pecuidubiwi Moisés pia peitorobi coyene tatsi iru pitiri jiwi, barapomonae Jesús imoxoyo caquita umenarucupatsi.

<sup>28</sup> Barapomonae Jesús yainyabatsi, jeichichi:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa? jei barapomonae.

<sup>29</sup> Jesús jume nota barapomonae, jeye:

—Xan iruru tha barichichi paca yainyabinchi. Icha beta pana nejume notsiname, bapoxonae xuya yabara paca tsi-paebinchi xua po peayapusu itorobi coyeneyatha exanan baxuan. <sup>30</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

<sup>31</sup> Nexata daxita barapomonae caemonae najume mat-sontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús. <sup>32</sup> Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonae jiwi naca casebichipa anaya”, najei barapomonae. Barapomonae jiwi cunuwatsi tsipei daxita jiwi Juan yabara jume cowantatsi, xua apara bapon Nacom pia peitorobi jume tatsi pepaebi jiton. <sup>33</sup> Bapoxonae barapomonae namchi Jesús beya, jeye:

—Canta jopa payaputaeyinyo, jei barapomonae.

Nexata Jesús barai barapomonaetha, jeye:

—Nexata barichin tsane jopa yabara paca tsipaebi tsainchi po peayapusu itorobi coyeneyatha exanan xua daxita taexanaewan, jei Jesús.

## 12

*Meje yabara poxonae Jesús paeba pecayabara juta pepaebi diwesiyo pomonae xua abe exana, pomonae petayapucaenaewi uva pabi*

*(Mt 21.33-46; Lc 20.9-19)*

<sup>1</sup> Bapoxonae Jesús tamropata pitaba xua cuiduba jiwitha pecayabara juta pepaebi diwesiyotha, jeye: “Matha iruru pebin pin uva pabi xeina. Bapon uba po unbo pewun uva cuei unbo. Yawa yapucurarata barapo pia uva pabi

ibowantha xua jopa pejojondenaenexa ichamonae barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo, po bo bichocono taucha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona.<sup>2</sup> Barapo matabi tsuxubi, po matabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapeta nota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya pomonae pabi petayapucaenaewichi.<sup>3</sup> Ichitha barapomonae pomonae uva pabi petayapucaenaewi barapomonae waetaba pon copiya patopa, pon uva pabi pexeinaein itoroba. Yawa bapon batsino. Bapoxonae bapon caibe cobesa itorobiyatsi.<sup>4</sup> Pon uva pabi pexeinaein equeicha itoroba ichan pon pia petanacuichinchi. Barichiru bapon ibotontha matasipa cuinbabatsi, yawa abe jumetha biatainchi.<sup>5</sup> Equeicha pon uva pabi pexeinaein itoroba ichan pon pia petanacuichinchi. Barichiru bapon bexotsiru. Equeicha ichamonae itorobatsi. Ichamonae batsi, iru ichamonae jutebatsi.

<sup>6</sup> “Cataunxuae awiya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomonae taxanto inta yabara baru cui itura jinaeinchi’, jei coxiyan.<sup>7</sup> Dapo jumetha pomonae uva pabi petayapucaenaewi poxonae bapon tainchi, barapomonae najei: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomonae.<sup>8</sup> Bapoxonae barapomonae pon uva pabi pexeinaein pexanto tatsi tawaetabatsi. Poxonae bexotsi bapoxonae petupaein aisowa beya xotsi uva pabi pecuariya beya”, jei Jesús.

<sup>9</sup> Bapoxonae Jesús yainyaba, jeye: “Pon uva pabi pexeinaein, zeta be cana ichi tsane pomonaetha pomonae barapo uva pabi pia petayapucaenaewichi? Apara bapon patopaena xua pejutebinexa tsane pomonae uva pabi pia petayapucaenaewichi. Bapoxonae barapo uva pabi catsina ichamonaetha xua petayapucaenaenexa tsainchi barapo uva pabi”, jei Jesús.

<sup>10-11</sup> Equeicha Jesús nayabara paeba barapomonaetha, jeye: “¡Paxam bara bayatha payorobameba Nacom Pejume Diwesi! Barapo diwesitha neyabara caunuta poxonae iboto

yabara paeba, jeye:

'Pebiwi pomonae ibo bon peacabiwi, barapo pebiwi xuba po iboto tabu caboca, po iboto peainya cui iboto.

Ichitha Nacom itapeta barapo iboto xua petabu cabocaenexa peainya cui ibotoxae.

Waxainchi nanta xeinatsi jeichichi: Maisa pocotsiwa Nacom exana naca tsita xanepana, jeichichi', jei Nacom Pejume Diwesitha", jei Jesús.

<sup>12</sup> Poxonae bapomonae jume tane xua Jesús paeba, Jesús muxu pewaetabichi. Tsipei bapomonae yaputane xua apara barapomonae yabara paebatsi poxonae Jesús cueicueijeji barapo pecayabara juta pepaebi diwesiyo. Daxota Jesús casebatsi. Tsipei barapomonae jiwi cunuwatsi, daxota Jesús jopa waetabichi. Bapoxonae bara saya ponarucupa.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi (Mt 22.15-22; Lc 20.20-26)*

<sup>13</sup> Bapoxonae pirapaeyo Jesús pia xainya betaitorobiyatsi fariseomonae jiwana, iruru pomonae Herodes pia pepuna jinompaewichi jiwana tatsi, xua daxita barapomonae piraichi Jesús petsipaebinxatsi xua Jesús xuya abeya pejume notsinexa. <sup>14</sup> Bara barapomonae Jesús pia xantha tatsi tapatatsi, jeye Jesustha:

—Pon jiwi Necuidubim. Bara payaputan xua bara jume xainyeya tsipaebame jiwi, xua matautano jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najapa. Xam jume xainyeya cuidubeibame jiwi Nacom pia peitorobi coyenewa. Incane yabara pana netsipaebare xua nanta xeiname, xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena pona? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

<sup>15</sup> Daichitha Jesús yaputane, xua barapomonae itara mexeya xanepanaeya pepaebi jiwi ichitha abeya peexanae jiwi. Jesús jeye:

—¿Eta pocotsiwa metha painya daichi pana nejuntá coyene jujutame? Moya painta xawena paratiyo, tha taetsi, jei Jesús.

<sup>16</sup> Bapoxonae barapomonae barapo paratiyo Jesús tacapoinchi. Poxonae Jesús tane barapo paratiyo, bapoxonae Jesús yainyaba barapomonae, jeye:

—¿Jintam pejumopere? ¿Yawano jintam wñ ducuaire? jei Jesús.

Barapomonae Jesús jume notatsi, jeye:

—Apara romanomonae itorobiya pia pepa peewatsinchi, jei barapomonae.

<sup>17</sup> Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae tatsi. Matañtano bara Nacom pacare xua baxua irñ piawaxae tatsi, jei Jesús.

Barapomonae yabara najuntá cui coyene cabenaeca pocotsiwa xua Jesús xanepanaeya beta jume nota.

*Meje yabara poxonae Jesús yabara yainyabatsi po coyene xua equeicha asñ pomonae pewerapeibiwi*

*(Mt 22.23-33; Lc 20.27-40)*

<sup>18</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asñ tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asñ jinompaena poxonae werapa. Daxota barapomonae Jesús tsipaebatsi, jeye:

<sup>19</sup> —Pon jiwi Pecuidubim. Moisés nacata tina, namchi: ‘Icha pebin piowa cuenta tñpa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>20</sup> Barichi, matha irñ cae peweicho caepiwi nabañ jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>21</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon irñ cuenta tñpa, irñ jopa xeinaeyo pexui. Bapoxonae ichñ xuyapin xuya barapowa pita xua pentapin coseuri pita. Bapon barichi irñ cuenta tñpa, irñ pexui jopa xeinaeyo. <sup>22</sup> Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonae matapainya irñ bapowa tñpa. <sup>23</sup> Xam, Jesús, ba paebame, ba jam: ‘Matacabi jopaena po matacabitha Nacom asñ exanaena, xua

jiwi asu exanaeinchi muthan wetsina', ba jam. Poxonae barapo matacabi jopaena xua daxita jiwi asu jujuinaena, barapo matacabitha ¿jintam metha bapowa xuya pichinchi, xua ichan pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomonaе.

<sup>24</sup> Bapoxonae Jesús jume nota barapomonaе, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi. <sup>25</sup> Poxonae petupaewi asu jujuinaena jopa jitha eenaponae tsane. Yawa barapomonaе pexantixi jopa jitha cuarebaponae tsane. Tsipei barapomonaе barichi tsane icha be matatsunpiwimonae ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo. <sup>26</sup> Paxam bequein bara bayatha payorobame pocotsiwa Nacom yabara namchi pejume diwesitha xua pomonaе equeicha asu jujuina pomonaе pewerapeibiwi. Barapo diwesitha Nacom cueicueijei ichaxota xua poxonae po naewa taxuncua, Nacom jeye: 'Xan Abraham pia Nacomán tatsin, iru Isaac pia Nacomán tatsin, iru Jacob pia Nacomán tatsin', jei Nacom. <sup>27</sup> Baxua Nacom paeba, tsipei Abraham, iru Isaac, iru Jacob pewerapaewi anoxuae equeicha caewa asu jinompa, Nacom pia nacuatheicha tatsi. Pomonaе pewerapaewi, pomonaе caewa equeicha asu jopa pejinompaewi, barapomonaе jopa pia Nacom tatsi, pon itabocotha eca. Saya jame meisa pomonaе pewerapaewi caewa equeicha asu pejinompaewi, barapomonaе jame pia Nacom tatsi, pon itabocotha eca. Daxota paxam catsawa papaebame, jei Jesús.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mt 22.34-40)*

<sup>28</sup> Caein pon jiwana monaepin pomonaе jiwi pecuidubiwi Moisés pia peitorobi coyene tatsi, bapon jume tane xua Jesús iru saduceomonaе najume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jestustha, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

<sup>29</sup> Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: 'Paxam Israel nacuamonaepiwi pam pajume taema

xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi. <sup>30</sup> Antobeinde Jinya Necanamataxeinaein bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha, matautano daxita nedaunwei coyenewatham', jei barapo peitorobi coyenewatha, po peitorobi coyenewa pepa peainya cui coyenewa. <sup>31</sup> Po peitorobi coyene cotacaya itoroba ichaxotaba 'dos' jei, barapo peitorobi coyene be jume jupa po peitorobi coyene copiya ducua. Iruru barapo peitorobi coyenewatha jeye: 'Antobeinde jinya necatsicuarabu ecaein icha ichim xua jinya coutha naantobem', jei barapo peitorobi coyenewatha. Icha peitorobi coyenewa aibi po peitorobi coyene peainya cui coyenewa, po peitorobi coyenewa xua beyacaincha po peitorobi coyenewe, jei Jesús.

<sup>32</sup> Bapoxonae caein jiwana monaepin pomonae jiwi pecuidubiwi Moisés pia peitorobi coyene tatsi, bapon jeye Jesustha:

—Bara beta paebame pocotsiwa aunxuae paebame ponxae jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi. <sup>33</sup> Matautano bara xainyeya paebame xua pinae bewa Nacom antobetsi xua daxita wajuntu coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabu enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon. <sup>34</sup> Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowantsinexa xua nenantauntsinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

*Meje yabara poxonae Jesús nayabara jei: "Mesías, ¿jintam pia pemomoxi susato jiwana pin tatsira?" jei*  
(Mt 22.41-46; Lc 20.41-44)

<sup>35</sup> Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwanapin tatsi? <sup>36</sup> Nacom pia Pejumope t̃nax̃ tatsi David cueicueijejei exanatsi. David jeye: ‘Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya ab̃ tsane poxonae necaaitafaetabi jiwi pia pecanamataxeinaeinchi tatsi caexanaeinchi, jei Nacom pia Pejumope t̃nax̃ tatsi’, jei David.

<sup>37</sup> Icha David Mesías yabara jei, ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

Barapo pin bicheito bichocono tsimuxu w̃naetsi pocotsiwa Jesús cueicueijejei.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

*(Mt 23.1-36; Lc 11.37-54; 20.45-47)*

<sup>38</sup> Poxonae Jesús cuiduba jiwitha, jeye: “Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha bapomonae ichi xua barapomonae bichocono ichichipa xua penama xatabiwa po paparuwan apipiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtontha jacobebina barapomonaetha xua jiwi pebar̃ cui itura jineibinexa barapomonae. <sup>39</sup> Barapomonae bichocono ichichipa xua nanta caeneiba judiomonae pia penacaetutsi bontha tatsi ichaxota ba enathopeiba pomonae peainya cui jiwi penaexanaewi. Matautano barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba penabaneibinexa tsane. <sup>40</sup> Matautano barapomonae powaxi pecuenta werapaewaxichi piseurixi barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom jiwi yabara paebina penatsicuentsiwa xua abe peexanaexae Nacomtha. Barapomonae atene tsane beyacaincha poxonae ichamonae atene exanaeinchi xua jopa pejume cowantsixaetsi Nacom”, jei Jesús.

*Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta t̃paewatsi piseuri (Lc 21.1-4)*

<sup>41</sup> Poxonae Jesús eca Nacom pin pia botha tatsi xua peitabara weya, xua ichaxota jiwi jeyeiba paratixi Nacom nexa, bapoxonae Jesús tane xua pinmonae pomonae copei pexeinaewi paratixi nawita jeya ichaxota jiwi jeyeiba paratixi Nacom nexa. <sup>42</sup> Barapoxonaeru yabnyo patopa, powa pecuenta tupaewatsi piseuri. Barapowa bichocono peacopeibiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe. <sup>43</sup> Bapoxonae Jesús pijimonae waba, yawa jeye barapomonaetha:

—Bara xainyeya paca tsipaebatsi. Barapo yabnyo, powa pecuenta tupaewatsi piseuri, bapowa peacopeibiwayo. Dai-chitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae xua jeya xua Nacom nexa. <sup>44</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeibiwayo, jei Jesús pijimonaetha.

## 13

*Meje yabara poxonae Jesús yabara paeba xua ichamonae abe cana exanaena Nacom pin pia bo tatsi*  
(Mt 24.1-2; Lc 21.5-6)

<sup>1</sup> Poxonae Jesús Nacom pin pia bo wejoniya, bapoxonae caein Jesús pijimonae jiwana tatsi, Jesús tsipaebatsi jeichi:

—¡Pon jiwi Necuidubim, taema maisa pexeinya iboton, yawa pexeinya ibo bo! jei bapon.

<sup>2</sup> Ichitha Jesús jume nota bapontha, jeye:

—Aunxuae pataebename barapo iboton yawa xua pexeinya bon. Apará jopa cae ibotiyó nacopatuncuae tsane icha iboto peumatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewnaeaya exanaena petsita itatsi coyenewa poxonae daxita weraweracaenaba*  
(Mt 24.3-28; Lc 21.7-24; 17.22-24)

<sup>3</sup> Bapoxonae Jesús pijimonae baru pona demxuwatheicha, po demxuwa pewna demxu Olivowa tsipei baxota umena olivo naein. Poxonae Jesús ecopiya demxuwatheicha, po demxuwa Nacom pin pia bo itama tayecatsi, bapoxonae Jesús pijimonae tatsi Pedro, iru Santiago iru Juan, iru Andrés, barapoyobe Jesús namicha tsipaebatsi. <sup>4</sup> Barapoyobe jeye:

—Paichichipan xua xam tapata netsipaebiwam tsane ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane



metha xua pewnaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonae tatsi.

<sup>5</sup> Jesús jume nota barapomonaetha, jeye: “Dota pam, bu ichamonae naerabiya paca muxu tsipaeba, xua daxota abe paexanaetsipame. <sup>6</sup> Tsipei tsana patsina ayei bicheito jiwi pomonae natsicotaena icha be xan ichin. Barapomonaetha jei tsane: ‘Apara xan Mesías’, jei tsane. Poxonae barapomonaetha muxutorobiya paebina, bapoxonae pinmonaetha jume cowantsina.

<sup>7</sup> “Pajume taename xua jiwi juinya nabenoutsina xote, yawa xua juinya iru nabenoutsina icha ira beya. Daichitha jopa pajunuwinde, tsipei baxua pewnaeya matha copiya tsane. Daichitha cataunxuae dapu matacabi aichica tsane xua poxonae daxita weraweracaenaba yatsicaewa. <sup>8</sup> Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichundu pon icha nacua peewatsin, baponbe iru nantiya nabenabe. Matautano ainya nacuantha ira jijiyatsina. Matautano ainya nacuantha jainbo nacua tsane tsipei pin mayayo tsane. Baxua copiya matha tsane xua jiwi atene tsoponae tsane bichocono xua beya jopa nama juniya tsane.

<sup>9</sup> “Ichitha dota pam, tsipei poxonae baxua pewnaeya tsane jiwi paca teiquebina painya nepaca caenaetsinexa pomonaetha pomonaetha tomaran pentacaponae. Matautano paca cuainchina judiomonaetha pia penacaetutsi bontha tatsi. Yawa paca caponaena nacua peewatsiwi peitabaratha tatsi, painya tana nejume cowantsixaemxae. Yawa paca caponaena pentacaponae peitabaratha tatsi pomonaetha iru itoroba jiwitha xua pon nacua peewatsin nexa painya tana nejume cowantsixaemxae. Barapoxonae bara paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. <sup>10</sup> Barapo pecapanenebiyae diwesi, tamonaetha bewa paebinoutsina daxita nacuanpiwitha xua poxonae pewnaeya tsane xua daxita weraweracaenaba. <sup>11</sup> Poxonae barapomonaetha paca caponaena pomonaetha pomonaetha tomara pecanamataxeinaewi xua pia painya nepaca cayabara paebinexa tsane xua painya nenatsicuentsiwa xua abe painya neexanaexae bapoxonae jopa patsiwanaya junuwiya najantu coyene exabinde xua painya netsipaebiwa tsane barapomonaetha. Paxam jame papaebare pocotsiwa xua caena bapoxonae Nacom cueicueijei paca exanaena. Bapoxonae po jume pacueicueijam tsane apara jopa poxoru painya coya paichichipaem, apara jame Nacom pia Pejumo

tunaxu tatsi baxua paca cueicueijejei exanaena. <sup>12</sup> Jiwi barompaya pia peweicho jiwi caenaetsina ichamonaetha xua pejutebinexa tsainchi. Iruru coxiyeiwi ichamonaetha caenaetsina pia pexui. Iru pexui paxa jiwi caenaetsina ichamonaetha pejutebinexa tsainchi. <sup>13</sup> Daxita nacuanpiwi paca casebina painya tana nejume cowantsixaemxae. Ichitha pomonae awiya antayapusuaya nejume cowantsiya jinompaena xua beya yacuiya werapaeya othopaena poxonae bequein abe taexanatsi ichamonaee barapomonae jame Nacom napaeba cana exanaena.

<sup>14</sup> “Daniel pon Nacom peitorobi jume pepaebin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichun Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matacabi jopaenaba poxonae daxita weraweracaenaba”, jei Jesús. (Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesús jeye: “Poxonae barapocotsiwa pataename bapoxonae pomonae Judea nacuatha jinompa, barapomonae bewa demxuwan berucupiyaena. <sup>15</sup> Barapo matacabitha pon bo matatupatha uncua, bapon jopa bewa botha joniyae tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsircuaena. <sup>16</sup> Iruru pon pabitha popona, bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsircuaena. <sup>17</sup> ¡Pai yabuxi tsobenae powaxi pexui burana taenatsi barapo matacabitha! ¡Pai iru powaxi pexui isaina barapowaxi tsobenaeru! Tsipei acabe tsobenae tsane pexui. <sup>18</sup> Poxonae pewunaeya tsane baxua Nacom pawucare xua jopa painya nerucupaewa tsane poxonae awubo peaquexae bichocono. <sup>19</sup> Tsipei barapo matacabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa. <sup>20</sup> Icha Nacom jopa be caentacabiyobe exanaetsipae metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>21</sup> “Bapoxonae icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun

paca jei: ‘Pataema bapon Mesías xota uncuiye’, paca jei, barapo jumein jopa pajume cowantsinde. <sup>22</sup> Tsipei pomonae pemuxitorobi jiwi tsana patsina. Barapomonae natsicotaena icha be xan ichin ponxaein Mesías. Matautano barapomonae natsicotaena icha be pomonae Nacom peitorobi jume pepaebiwi ichi tsane. Barapomonae pexeinya pet-sita itutsi coyenewan exanaena peitabocotha, po irathe tsaneno xua jiwi pemuxitorobinexa tsainchi xua jiwi pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwi tatsi pemuxitorobinexa tsainchi xua iruru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupae tsainchi xua barapomonae pemuxitorobiwa tsainchi. <sup>23</sup> Tsaca pajinompare, tsipei baxua tsiwanaya yabara paca tsiwanae muxu dutatsi”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin (Mt 24.29-35, 42, 44; Lc 21.25-36)*

<sup>24</sup> Equeicha Jesús namchi, jeye: “Po matakabintha poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane. <sup>25</sup> Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonae jopa xapain dubenanaeyo tsane. <sup>26</sup> Bapoxonae daxita jiwi taena peitabocotha xua po coyene apara tapatopeicaewa tsaneba tsaquinaebowatha peitaboco wetsica ponxaein Nacom Tananeitapetsin. Nacom pia peayapusu itorobi coyenewatha matautano bichocono pexeinya itupanae coichathano patopeicaein. <sup>27</sup> Matautano itorobin tamatatsunpiwi xua inta pecaetutsinexa pomonae taitapetsiwi. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi, jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana.

<sup>28</sup> “Payaputaema barapo pecayabara juta pepaebi diwe-siyo xua higuera nae. Jeye: Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa. <sup>29</sup> Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi pocotsiwa bexa exanaena, bapoxonae payaputaename, xua bara imoxoyo tsane xua tapatopae wanae tsane.

<sup>30</sup> Bara xainyeya paca tsipaebatsi daxita judiomonae naitapataya naexanaponaena beya yacuiya othopaena poxona Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae werawera-caena pomonae poxonaer<sub>u</sub> barapo matakabitha jinompa. <sup>31</sup> Peitaboco aichurucuae tsane. Matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>32</sup> “Po matakabitha baxua exanaena, matautano po horatha baxua exanaena jiwi jopa baxua yabara yaputaeyo. Ir<sub>u</sub> matatsunpiwi pomonae peitaboco beicha jinompa baxuan ir<sub>u</sub> jopa yabara yaputaeyo. Ir<sub>u</sub> xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonae po matakabitha baxua exanaena. Matautano yaputane poxonae po horatha daxita exanaena baxua xuaunxuae paca tsipaebatsi.

<sup>33</sup> “Tsaca pajinompeibare xua tapatopae w<sub>u</sub>nae tsane. Yawa Nacomtha patsipaeba dubenanaebiyama, tsipei jopa payaputaem po mataqueitha patopaein. <sup>34</sup> Barapocotsi coyeneya j<sub>u</sub>ta ichi poxonae xan patopeicaein taitorobinexa tsane jiwi, icha be poxonae pebin ichi poxonae warapaena icha nacua beya. Poxonae bapon pew<sub>u</sub>naeya tsane xua warapaena pia bo weya, copiya matha waba pia petanacuichiwichi. Bapon daxita pia petanacuichiwichi barompaya cobenata petanacuichiwantsi tatsi. Matautano bapon itoroba pon bo coiboto eena xua xanepanaeya bo pe-eeenaenexa. <sup>35</sup> Paxam tsaca pajinompare, tsipei jopa payaputaem poxonae patopeicaein, icha be barapomonae ichi poxonae jopa yaputaeyo poxonae pepatopaewa tsane pia pecanamataxeinaeinchi pon bo pexeinaeinxae. Barapomonae jopa yaputaeyo icha barapon patopaena poxonae quirei tsanaicha, ichacuitha icha bapon patopaena papaetha, ichacuitha icha bapon patopaena mataqueiw<sub>u</sub>naeyo, ichacuitha icha bapon patopaena baya tsane. <sup>36</sup> Barapomonae jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonae maitumena. <sup>37</sup> Meje xuaje paca tsipaebatsi, xua paca jeichi: “Tsaca pajinompare”, paca jeichi, baxua ir<sub>u</sub> daxita jiwitha tsipaeban”, jei Jesús.

## 14

*Meje yabara poxonae fariseomonae ir<sub>u</sub> sacerdotemonae pia pentacaponaei tatsi daxita barapomonae Jesús yabara nanta*

*xeinatsi po coyeneya xua Jesús pewaetabiwa tsainchi*

*(Mt 26.1-5; Lc 22.1-2; Jn 11.45-53)*

<sup>1</sup> Acoibi po matakabiyobe cataunxuae seica poxonae jiwi nacaetutsina penabanaenexa pexaewa, peyabara nanta xeinaenexa barapo matakabi xua poxonae caena bayatha matha judiomonae Egipto nacua weya panenebiya. Barapo matakabi pew<sub>un</sub> Pascua matakabi w<sub>un</sub>. Barapo Pascua matakabi w<sub>un</sub>tha jiwi xane pan, po pan xua jopa cotowiyo. Sacerdotemonae pia pentacaponaeawi tatsi, ir<sub>u</sub> pomonae jiwi pecuidubiwi Moisés pia peitorobi coyene tatsi, daxita barapomonae nabar<sub>u</sub> muxu jei xua bepa pinae eta bichi tsane poxonae Jesús nameicha waetabinchi pebexubinexatsi. <sup>2</sup> Ichitha barapomonae najeye:

—Ab<sub>u</sub> jopa waetabi tsainchi poxonae jiwi Pascua matakabi w<sub>un</sub>tha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae xua Jesús yabara paebatsi.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mt 26.6-13; Jn 12.1-8)*

<sup>3</sup> Poxonae Jesús Betania tomaratha popona, bapoxonae Jesús Simón pia bo tatsi betajoniyatsi, pon peper<sub>u</sub> sawinchi. Poxonae Jesús eca pexaethopaewatha, bapoxonae patopa petsiriwa. Bapowa capatopa alabastro ibo bosib<sub>u</sub> atsato, xua bichocono w<sub>un</sub>ca penasiwa xua petuxueiwa. Barapo petuxueiwa bichocono ainya matoma. Poxonae wacataba barapo bosib<sub>u</sub>, bapoxonae Jesús mata epatabatsi barapo petuxuei nasiwatha. <sup>4</sup> Pomonae ir<sub>u</sub> baxota ena, barapomonae jiwana anaepana, yawa caemonae najei:

—¿Eta pocotsiwa metha saya xuba jane barapo petuxuei nasiwa? <sup>5</sup> Barapo petuxuei nasiwa becaenaetsipatsi. Bapoxonae hexeinaetsipatsi trescientos po paratiximonaebe po paratiximonaebe xua namatomata xua poxonae trescientos matakabibe nexa xua poxonae nacuita. Barapo paratixitha beyawenaetsipatsi peacopeibi jiwi, najei barapomonae.

Bapoxonae barapomonae barapowa casebatsi.

<sup>6</sup> Ichitha Jesús jeye barapomonaetha:

—Moya pande, bara pacopare. ¿Eta pocotsiwa metha barapowa pabiataneme? Pocotsiwa barapowa inta exana apara seicayar<sub>u</sub> xua pexeinya coyene inta exana. <sup>7</sup> Barapo irathe peacopeibi jiwi paca bar<sub>u</sub> jinompeibina ataya tsaibi tsane. Paca itac<sub>u</sub>pa xua beta pata exaname barapomonae poxonae paichichipame. Ichitha nama paxam jopa ataya paca bar<sub>u</sub> poponae tsainchi barapo irathe poxonae paca itac<sub>u</sub>pa xua

pana neyawename. <sup>8</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui w<sub>h</sub>naeta xua m<sub>u</sub>th<sub>u</sub> tana neboyaenexa poxonae t<sub>u</sub>paein. <sup>9</sup> Bara xainyeya paca tsipaebatsi. Daxita nacuanthan poxonae jiwi cueicueijejei tsane Nacom pia pecapanenebiyae diwesi barapo jiwi yawa yabara paebina xua pocotsiwa poxonae bapowa inta exana xua jiwi bapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi*  
(Mt 26.14-16; Lc 22.3-6)

<sup>10</sup> Barapoxonae Judas Iscariote pon doce poyobe jiwana, pomonae Jesús pijimonaexae tatsi, bapon sacerdotemonae pia pentacaponae tatsi beya pona. Bapon pona xua pet-sipaebinexa xua Jesús caenaetaxubinchi barapomonaetha. <sup>11</sup> Poxonae barapomonaexae baxua jume taerucupa bichocono ichichiparucupa baxua. Yawa barapomonaexae Judas Iscariote muxu tsipaebatsi xua paratixi catsibapaebatsi. Bapoxonae Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha.

*Meje yabara poxonae Jesús pijimonaexae bar<sub>u</sub> nabane Pascua w<sub>h</sub>n matacabitha*  
(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup> Nexata copiya matacabi jopa po matacabi tsiwana penanta carucuae matacabi xua po matacabintha poxonae jiwi tsinacaetutsina, xua penabanaenexa pan, po pan jopa muxuna pentsiyo levadura mataw<sub>h</sub>n, pocotsiwa xua cotowa exana pan. Barapo penanta carucuae matacabitha ba corderoxi pebtoxi xua oveja coxi jutebatsi xua jiwi pexaenexa. Bapoxonae barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonae panenebiya Egipto nacua weya. Barapo matacabitha Jesús pijimonaexae yainyabatsi, jeye:

—¿Exota ichichipame xua xota pexaewa paca tsiw<sub>h</sub>naetsinchi wanabanaenexa tsane xua Pascua w<sub>h</sub>n matacabi nexa? jei barapomonaexae.

<sup>13</sup> Bapoxonae Jesús itoroba nacueyatabe poyobe ponbe xua doce poyobe jiwana, pomonae Jesús pijimonaexae tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatho. Bara bapon papuna pondebe. <sup>14</sup> Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwiwimonaexae bar<sub>u</sub> nabanaein pexaewa Pascua w<sub>h</sub>n matacabi

nexa?’ jei bapon, pajandebe. <sup>15</sup> Bapoxonae bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui w̃naetajebare xua wanabanaenexa pexaewa barapo Pascua w̃n matakabi nexa, jei Jesús.

<sup>16</sup> Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui w̃naetajebabe Pascua w̃n matakabi nexa xua penabanaenexa.

<sup>17</sup> Poxonae quirei tsanaicha bapoxonae Jesús pijimonae bar̃ patopa barapo tututha. <sup>18</sup> Poxonae Jesús pijimonae cataunxuae bar̃ xunaboca pexaethopaewatha, bapoxonae Jesús pijimonae barai, jeye:

—Bara xainyeya paca tsipaebatsi caein pon paxam jiwana pam pon nebar̃ xaeuncua bapon necanaetaxubina ichamonaetha, jei Jesús.

<sup>19</sup> Nexata bapoxonae Jesús pijimonae tatsi unthuth̃ wecoyeyi ts̃r̃uc̃p̃ae, nexata daxita tsana jei tsoponae Jesustha:

—¿Apara xan cacaenaetaxubinchi? jei daxita barapomonae xua Jesús tsana yainyabaponatsi.

<sup>20</sup> Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabar̃ jajaucuncuaponanbe pan aparta bapon necaenaetaxubina ichamonaetha. <sup>21</sup> Xan ponxaein Nacom Tananeitapetsin bewa t̃p̃aein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame w̃nae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>22</sup> Poxonae Jesús pijimonae bar̃ xaeuncua, bapoxonae Jesús pecobetha pita pan. Yawa Paxatha tsipaeba, jeye: “Axa, maisa j̃nt̃ coyene weiweinan xua pan pata tanecatsiwam”, jei. Bapoxonae Jesús pecobetha pan epa janaca, yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan aparta neyabara caunuta tapepon xua poxonae tapaca tsit̃p̃aeuwatsi tsainchi, jei Jesús.

<sup>23</sup> Bapoxonae Jesús equeicha pecobetha pita corotiyo, yawa Nacomtha tsipaeba, jeye: “Axa, maisa j̃nt̃ coyene weiweinan xua corotiyotha ecareca pepa uva mera xua pata tanecatsiwam”, jei. Bapoxonae Jesús pijimonae cata corotiyo xua pejiwana aapaponaenexa. Daxita barapomonae bara jiwana aapapona. <sup>24</sup> Bapoxonae Jesús jeye pijimonaetha:

—Pena petsiwanae muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othoparenaein poxonae tɔpaein. Barapo jana tsita itapeinya xeinaena xua jiwi pinmonae yabara jantemainaen abe pia peexanae cuiru coyenein tatsi. <sup>25</sup> Bara xainyeya paca tsipaebatsi, barapo uva mera jopa equeicha paca barɔ apae tsainchi anoxuae. Meisa abɔ bexa tsane pena coyenewatha paca barɔ apaeinchi barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mt 26.30-35; Lc 22.31-34; Jn 13.36-38)*

<sup>26</sup> Poxonae Jesús pijimonae barɔ najume weta xua naxɔna Nacom nexa, bapoxonae Jesús pijimonae barɔ pona demx-uwa beya. Barapo demxuwa pewɔn demxu Olivowa, olivo naein peumenaexae baxota. <sup>27</sup> Nexata Jesús pijimonae barai, jeye:

—Anoxuae barapo merawithe daxita pam pana necuentarɔɔɔpaename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca yabara cui tsiwanaeya jeye: ‘Poxonae ovejamonae peewatsin bexubin, bapoxonae ovejamonae tsanarɔɔɔpaena’, jei Nacom. Penamchixae poxonae ichamonae newaetabina tanebexubinexa pana necuentarɔɔɔpaename. <sup>28</sup> Ichitha taeyarapaeyo Nacom equeicha asɔ neexanaena. Bapoxonae paca tsiwana patopiyaeinchi Galilea nacua beya, poxonae bara beya paponaname, jei Jesús.

<sup>29</sup> Nexata Pedro Jesús jume notatsi, jeye:

—Bequein ichamonae cacuentarɔɔɔpaena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

<sup>30</sup> Nexata Jesús Pedro jume baraichi, jeye:

—Bara xainyeya catsipaebatsi, po merawithe pewɔnaeya poxonae ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>31</sup> Ichitha Pedro equeicha jume daunweya, jeye:

—Bara bequein capuna tɔpaeinchi ichitha baxua jopa cayabara paebi tsainchi, jei Pedro.

Iɔɔɔ daxita Jesús pijimonae tatsi bara jumichi, nanta jɔpiya paeba.



*Meje yabara poxonae Jesús Paxa tsipaeba ichaxota tsica iriyo, po iriyo pewan Getsemaní*  
(Mt 26.36-46; Lc 22.39-46)

<sup>32</sup> Nexata Jesús pijimonaе baru patopa ichaxota tsica iriyo po iriyo pewan Getsemaní. Baxota Jesús barai pijimonaе, jeye:

—Xote abu paenare tha matha Taxatha tsipaebichi, jei Jesús.

<sup>33</sup> Jesús baru pona Pedro iru Santiago iru Juan. Bapoxonaе Jesús bichocono unthuthu wecoyei, yawa bichocono unthuthu deideije. <sup>34</sup> Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatupe. Xote paenare, yawa payoyocare xua painya tanebaru naitawatsinexam, jei Jesús.

<sup>35</sup> Nexata Jesús tsiwiyo dabe natsixitabiya, irabe taеuncuareca, tsipei jopa juniya ajuntutaneyo. Jesús yaputane xua bichocono tsiatene tsane xua daxita jiwi abe pia peexanae coyenein tatsi. Daxota Jesús Paxa wuca xua icha itacupatsi xua jopa penantawenonaewa xua peatenewa.

<sup>36</sup> Bapoxonaе Jesús Paxa tsipaeba, jeye: “Axa caitacupa xua daxita exaname. Icha ichichipame xua taneyawenaewam tsane, newepire pocotsiwa neajuntutane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

<sup>37</sup> Nexata Jesús equeicha caibe iya ichaxota pijimonaе jiwana tatsi taenatsi xua acoibi poyobe. Ichitha barapomonaе maita. Jesús Pedro baraichi, jeye:

—Simón, ¿maituncuame? ¿Jopa caitacupaeyo xua yoyocame xua jinya tanebaru naitawatsinexam, matautano xua baracae horathano? <sup>38</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonaе pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaеbiwa, ichitha painya pepon bichocono paacyenefaetabim xua painya netsipaеbiwa Nacom.

<sup>39</sup> Equeicha Jesús bara nama caeto caibeya pona xua Paxa petsipaеbinexa barapo jumetha, po jumetha copiya Paxa tsipaeba. <sup>40</sup> Bapoxonaе equeicha Jesús pijimonaе beya pona xua acoibi poyobe. Daichitha barapo acoibi poyobe came maitumena, tsipei bichocono itata tsacatsaquei xua itaмаipana. Barapomonaе jopa yaputaeyo xua Jesús petsipaеbiwatsi poxonae yaichamaicha mata taenanaboumeinchi. <sup>41</sup> Bara nexata equeicha Jesús saya cuenta pona pijimonaе, xua Paxa equeicha petsipaеbinexa. Equeicha pijimonaetha patopa acoibi po cuiyobetha. Jesús jeye pijimonaetha:

—¡Moya bara painya nepu maitumenaende, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom Tananeitapetsin, ichan necaenaetaxubina ichamonaetha, pomonaetha pomonae peantꞩcoyenebe jiwi.<sup>42</sup> Panacosabapende, panonobapondeno. Antha bꞩ poinchi. Dota dawerena pon necaenaetaxubina ichamonaetha, jei Jesús.

*Meje yabara poxonae Jesús waetabatsi  
(Mt 26.47-56; Lc 22.47-53; Jn 18.2-11)*

<sup>43</sup> Poxonae Jesús cataunxuae tsipaebuncua pijimonaе, bapoxonae Judas patopa. Bapon Judas doce poyobe jiwana caein pomonae Jesús pepa pijimonaexae tatsi. Judas pinmonae barꞩ patopa Jesthа. Ichamonaе cusin cajinjinca. Ichamonaе iwabi cajinjinca. Daxota daxita barapomonaе pata tsipei sacerdotemonae pia pentacaponae wi tatsi, irꞩ pomonae jiwi pecuidubiwi Moisés pia peitorobi coyene tatsi, irꞩ pomonae pitiri jiwirꞩ daxita barapo pentacaponae wi itoroba barapomonaetha. <sup>44</sup> Judas pon Jesús caenaetaxubinchi beya poxonae bapon patopa cou tsiwanaya paeba barapo pin bicheithotha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomonaе xainwaicha pecꞩtsinexa tsane”, jei Judas.

<sup>45</sup> Nexata Judas Jesús imoxoyo caquita poinchi. Bapoxonae nainya Jesús jeichichi:

—Pon jiwi Necuidubim, ¿xamda? jei Judas.

Bapoxonae nainya Judas Jesús tsutsubatsi. <sup>46</sup> Nexata barapomonaе pomonae Judas pebarꞩ patopaexae, Jesús imoxoyo caquita umenarꞩꞩpatsi. Bapoxonae Jesús waetabatsi.

<sup>47</sup> Caein pon Jesús pijimonaе tatsi jiwana, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponae in tatsi tanacuitatsi bapon muxuyoro catsonibatsi. <sup>48</sup> Bapoxonae Jesús jeye jiwitha:

—Pacapatame cusin, yawa iwabi ichi be poxonae pacana ichim pontha pon jiwi pecaibin. <sup>49</sup> Daxita matababin Nacom pin pia botha tatsi paca barꞩ poponeibatsi. Paca cuidubeibatsino. Daichitha bapoxonae jame jopa pana newaetabim. Ichitha daxita baxuan neyabara canacui jume weta exana, bayatha Nacom Pejume Diwesitha tana necui yabara wꞩnae tsiwanaya paebixae pomonae Nacom peitorobi jume pepaebiwi.

<sup>50</sup> Bapoxonae Jesús daxita pijimonaе cuentarꞩꞩpatsi.

<sup>51</sup> Bapoxonae pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomonae Judas baru patopa. <sup>52</sup> Ichitha barapo pewowin nama xuetacuta pia paparuwa epato. Tamasa naetsiricua.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi (Mt 26.57-68; Lc 22.54-55, 63-71; Jn 18.12-14, 19-24)*

<sup>53</sup> Pomonae Jesús teicatsi, barapomonae Jesús capoinchi pon sacerdotemonae pia pepa pentacaponaein tatsi pia bo tatsi beya, pon yatsicaya peainya cuin. Baxota iru sacerdotemonae pia pentacaponaei tatsi nanacaetuta. Iru pitiri jiwino nanacaetuta. Baxota iru nanacaetuta pomonae jiwi pecuidubiwi Moisés pia peitorobi coyene tatsi. Daxita barapo penacaetutsi jiwi, barapomonaetha jiwi wun duta “Pecanamata caitorobi jiwi bicheito”, jei. <sup>54</sup> Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-eenaewi. Pedro cui tane po coyeneya xua Jesús cana exanatsi pomonae nacaetuta. Pedro nonopeca isotoha.

<sup>55</sup> Sacerdotemonae pia pentacaponaei tatsi, iru ichamonae aeno pomonae pecanamata caitorobi jiwi bicheito, daxita barapomonae jeita ichamonae pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi jiwi bicheito came jopa xeinaeyo po diwesi xua daxota Jesús pebexubinexatsi. <sup>56</sup> Pinmonae bequein Jesús yabara naerabiya paebatsi, ichitha tsanaya barompaya pia diwesi paeba. <sup>57</sup> Ichamonae asiya umena, yawa naerabiya Jesús yabara paebatsi.

<sup>58</sup> Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwi pia coutha acaba. Acoibi po matabibibe icha bo equeicha exanaein po bo jiwi jopa exanaeyo’, jei Jesús, jei barapomonae.

<sup>59</sup> Daichitha barapomonae awiya came cataunxuae tsanaya barompaya ichawan paeba. Barapomonae pia pepaebiwan xua Jesús peyabara paebiwatsi jopa peburaya nanta jupaya nanta xeinaeyo.

<sup>60</sup> Bapoxonae sacerdotemonae pia pepa pentacaponaein tatsi asiya uncuataba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei bapon.

<sup>61</sup> Daichitha Jesús saya moya uncua. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesthath:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wanae pajainteiban? jei bapon.

<sup>62</sup> Bapoxonae Jesús jume nota bapontha jeye:

—Aa, bara xan tsocuaein apara, Nacom Pexanton apara. Paxam pana netaename xua xan ponxaein Nacom Tananeitapetsin ecaein Nacom pexoxa weya tatsi, pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>63</sup> Nexata bapoxonae sacerdotemonae pia pepa pentacaponaein tatsi, pin anaetha anaya pia paparuwa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta. <sup>64</sup> Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>65</sup> Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere cutatsi, bapoxonae Jesús itabara tsaquibacotatsi pecobetha. Barapomonae jeye Jesthath:

—Incane pana netsipaebare: ¿Jintam caitabara tsaquibobara xua bequein paca itabara cutatsi? jei barapomonae.

Bapoxonae iru policiamonae pomonae Nacom pin pia bo tatsi peenaewi Jesús itabara cuaintatsi.

*Meje yabara poxonae Pedro Jesús yabara paebatsi xua jeye: "Jopa dapon yaitaeyno", xua yabara jeichichi Jesús (Mt 26.69-75; Lc 22.56-62; Jn 18.15-18, 25-29)*

<sup>66</sup> Poxonae cataunxuae Jesús cana exanompatsi bapoxonae iru Pedro eca panatha tsica xua bo peuma werena.

Bapoxonae yabũyo patopa powa sacerdotemonaē pia pepa pentacaponaein tatsi tanacuitatsi. <sup>67</sup>Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha irũũ napuna poneibame Jesús, pon Nazaret tomarapin, jei yabũyo.

<sup>68</sup>Ichitha Pedro jume matawenta bapowa, jeye:

—Jopa dapon yaitaeinyo, mataũtano jopa yaputaeinyo pocotsiwa xua yabara paebame, jei Pedro.

Bapoxonae Pedro pona bomũũ coiboto beya. Bapoxonae wacara pebto fiba. <sup>69</sup>Equeicha bapowa Pedro tainchi. Bapoxonae bapowa tamropata pitaba xua tsipaeba pomonaetha pomonaē baxota irũ umena. Bapowa Pedro yabara paebatsi, jeye:

—Apara bapon pomonaē Jesús pijimonaē tatsi jiwanapin, jei.

<sup>70</sup>Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomonaē umena baxota equeicha Pedro tsipaebatsi jeichichi:

—Bara xaniwaicha barapomonaē jiwanam. Apara xam Galilea nacupim, jei pomonaē umena.

<sup>71</sup>Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapaebiwa. Icha jopa xainyeya paca tsipaebichipaetsi metha barabũ Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara paebame, jei Pedro.

<sup>72</sup>Bapoxonae irũũ caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewũnaeya poxonae ainya jume cuiyobetha wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya irũ wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyei peanthũthũtanexae xua Jesús peyabara paebiwatsi.

## 15

*Meje yabara poxonae Jesús uncuā Pilato peitabaratha tatsi (Mt 27.1-2, 11-14; Lc 23.1-5; Jn 18.28-38)*

<sup>1</sup>Poxonae pentha tsina sacerdotemonaē pia pentacaponaeawi tatsi, irũũ judiomonaē pia pitiri jiwi tatsi, irũ pomonaē jiwi pecuidubiwi Moisés pia peitorobi coyenein tatsi, irũũ

ichamonae pomonae pecanamata caitorobi bicheito jiwi jiwana, daxita barapomonae yabara nacaetuta xua nanta jupaya peburaya penanta xeinaenexa po coyeneya xua Jesús pebexubiwa tsainchi. Bapoxonae barapomonae Jesús maxu catatsi. Bapoxonae capoinchi Pilato beya. <sup>2</sup> Pilato Jesús yainyabatsi, jeye:

—¿Bara xam yatsicaya judiomonae itorobiya pia pepa neewatsin? jei.

Jesús jume nota, jeye:

—Xuaunxuae paebame bara baxua apara, jei Jesús.

<sup>3</sup> Sacerdotemonae pia pentacaponaeawi tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomonae. <sup>4</sup> Equeicha Pilato yainyaba Jesustha, jeye:

—¿Jopa jume notsim pocotsiwa barapomonae abe cayabara paeba? Maisa barapomonae bichocono abe cayabara paeba, jei Pilato.

<sup>5</sup> Ichitha Jesús jopa equeicha jume notsiyo, Pilato jopa jume notichi. Daxota Pilato najuntu coyene cabenaeca poxoru Jesús jopa nayabara paebiyo xua pia coya penayawenaenexa.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

*(Mt 27.15-31; Lc 23.13-25; Jn 18.38-19.16)*

<sup>6</sup> Bara nama matabi jopa poxonae ba Pilato pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba pu sotaba pon ba jiwi itapeta cowai xua Pilato peisanaxubinexa pomonae jiwi pecubi botha peenaewi jiwanamonaepin. <sup>7</sup> Barapo jiwi pecubi botha iruru eca pon pewun Barrabás. Bapon bichocono abe peexanaein tsipei caena bayatha matabi pon ichamonae xua barapomonae najume tsacaba cana exanatsi xuano xua jiwi jutebatsi. <sup>8</sup> Bapoxonae pin bicheito jiwi pata Pilatotha, xua Pilato pewucaenexa tsainchi xua bapon exanaena pia cui coyeneya poxonae xua isanaxubina caein pomonae jiwi pecubi botha peenaewi jiwanapin. <sup>9</sup> Bapoxonae Pilato yainyaba barapomonae Jesús yabara, jeye:

—¿Paichichipame xua tapu sotabiwa tsane pon judiomonae itorobiya pia pepa peewatsinchi? jei. <sup>10</sup> Baxua Pilato paeba, tsipei bapon yaputane xua sacerdotemonae pia pentacaponaeawi tatsi Jesús uwatsi. Daxota barapomonae Jesús caenaetaxubatsi Pilatotha. <sup>11</sup> Ichitha barapo sacerdotemonae pia pentacaponaeawi tatsi jiwi jume cui tsacabatsi xua anaepana cana exanatsi, xua Pilato pecui itorobinexatsi xua Barrabás pepu sotabinexatsi, xua Jesús jopa pepu sotabinexatsi. <sup>12</sup> Equeicha Pilato yainyaba barapo jiwi, jeye:

—¿Eta xua cana exanocuaein pon paw<sub>h</sub>n dutame, xua pajam: ‘Judiomonae itorobiya pia pepa peewatsinchi?’ pajam, jei.

<sup>13</sup> Barapomonae Pilato daunweya jume notatsi, jeye:

—¡Bewa maisa naetotha t<sub>h</sub>parucua exanaem! jei.

<sup>14</sup> Bapoxonae Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha da<sub>h</sub>metha jume daunweya, jeye:

—¡Bewa maisa naetotha t<sub>h</sub>parucua exanaem! jei.

<sup>15</sup> Pilato ichichipa xua bapon jopa peita aenea-aeneiwatsi jiwi. Daxota Pilato Barrabás nama pu sotabatsi. Bapoxonae Pilato itoroba xua soldadomonae bara Jesús moya pecuainchinexatsi pocotsiwatha eewa xua bichocono am<sub>h</sub>piya xua xota jiwi cuainteibatsi poxonae abe exaneiba. Mata<sub>h</sub>tano itorobano xua moya bara Jesús t<sub>h</sub>parucua exanaeinchi naetotha.

<sup>16</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. <sup>17</sup> Bapoxonae Jesús pia paparuwa juma xuenatsi. Yawa juma xatatatsi icha paparuwa po paparuwa tsobia xua Jesús be pecana exanaenexatsi pon jiwi itorobiya pia pepa peewatsinchi. Yawa poxonae nacobe weta xua fata pee bapoxonae Jesús muxuna mata xatatatsi barapo pee tepa. <sup>18</sup> Bapoxonae barapomonae tamropata notar<sub>h</sub>cupa xua Jesús cui caponaeya jeichichi:

—¿Xamda? ¡Apara xam barapom pon judiomonae itorobiya pepa Neewatsin! jei.

<sup>19</sup> Po naewa xua Jesús cobenatatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Mata<sub>h</sub>tano Jesús yabara naone subabatsi. Bapoxonae barapomonae Jesús peitabaratha tatsi pentabocototha taumeinchi, xua Jesús naerabiya w<sub>h</sub>nae pejainchinexa tsainchi. <sup>20</sup> Poxonae Jesús cana cui wetatsi xua cui caponatsi equeicha bapoxonae Jesús caewa juma wejon-tatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua pecobe matabobinexatsi naetotha pebexubinexatsi.

*Meje yabara poxonae Jesús t<sub>h</sub>parucua exanatsi naetotha (Mt 27.32-44; Lc 23.26-43; Jn 19.17-27)*

<sup>21</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pew<sub>h</sub>n Simón. Bapon wexua werena pona.

Bapon Alejandro paxa tatsi, iru xua Rufo paxa tatsi. Bapoxonae barapo soldadomonae Simón itorobatsi xua pecapon-aenexa Jesús pia naeto tatsi, po naetotha t̄parucua peexanaenexatsi Jesús.

<sup>22</sup> Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwi w̄an unuta “Gólgota”, jei. <sup>23</sup> Baraxotiya Jesús apatatsi vino mera, po vino mera equeicha muxuna epareca mirra mera mataw̄an po mera bichocono atsu. Ichitha Jesús jopa apaeyo. <sup>24</sup> Matautano bapoxonae Jesús t̄parucua exanatsi. Bapoxonae barapo soldadomonae nata tsaba Jesús pia paparuwan tatsi. Barapomonae bebeya ibotixi penacueranta notsinexa Jesús pia paparuwan tatsi.

<sup>25</sup> Poxonae baya a las nueve tsuxubi, bapoxonae Jesús t̄parucua exanatsi naetotha. <sup>26</sup> Jesús pentutu wetsica tadutatsi napaewa xua barapo napaewatha tina. Barapo petinae dutsiwa Jesús yabara jeichichi: “Baponje apara judiomonae itorobiya pia pepa peewatsinchi”, jei barapo petinae dutsiwa. <sup>27</sup> Ir̄ur̄u ponbe jiwi pecaibinbe t̄parucua exanatsi naetotha imoxoyo ichaxota Jesús ducua. Ich̄un Jesús petsocona wetarucuiyatsi, ich̄un pecoxa wetarucueinatsi. <sup>28</sup> Poxonae barapomonae baxua exana, bara barapomonae yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonae abe peexanaewi jiwana”, jei.

<sup>29</sup> Pomonae Jesús xenta poinchi barapomonae Jesús cui capoinchi. Yawa Jesús yabara itata naichaquebatsi. Barapomonae jeye Jestustha:

—¡Xam bayatha jam: ‘Nacom pin pia bo abe exanaein, bapoxonae equeicha acoibi po matabibibe xanebin’, jam!  
<sup>30</sup> ¡Moya bara jinya coutha nacapanepare naeto wetsica icha bara metha Nacom Pexantom tsipaem! jei barapomonae.

<sup>31</sup> Ir̄u sacerdotemonae pia pentacaponae tatsi, ir̄u pomonae jiwi pecuidubiwi Moisés pia peitorobi coyene tatsi, barapomonae Jesús cui capoinchi, yawa najei Jesús yabara:

—Bapon cain capanepeibabei ichamonae, came jopa nacapanepaeyo. <sup>32</sup> ¡Icha bara bapon Mesías, pon israelmonae itorobiya pia pepa peewatsinchi, b̄u bapon bara pia coutha naeto wetsica ecoinca! ¡Xainya bapoxonae jume cow̄antatsi xua wataexae tsane! najei barapomonae.

Barichir̄u baxua paebabe ponbe jiwi pecaibinbe, ponbe xua ir̄ur̄u cobe matatabadutatsibe naetotha. Baponbe ir̄ur̄u Jesús cui caponatsi.



*Meje yabara poxonae Jesús tupa**(Mt 27.45-56; Lc 23.44-49; Jn 19.28-30)*

<sup>33</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>34</sup> Bapoxonae Jesús jume daunweya wawai jeye: “Eloi, Eloi, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>35</sup> Ichamonae pomonae baxota Jesús jume taeumeinchi, barapomonae jeye:

—Pajume taema, bapon waba, Elías wabatsi, pon Elías Nacom peitorobi jume pepaebin pon caena bayatha tupa, jei.

<sup>36</sup> Bapoxonae caein bapomonae jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abu, abu jopa apatsinde. Waxainchi abu matha taeinchi icha Elías patopeicaena xua bapon pepichinexatsi naeto wet-sica, jei.

<sup>37</sup> Bapoxonae Jesús jume daunweya wawai. Bapoxonae nama tupaicha Jesús. <sup>38</sup> Bapoxonae paparuwa, po paparuwa Nacom pin pia botha tatsi ducua, barapo paparuwa nainya bopiya epa matonta tsitsiqueica ainya epatobe naexanabe. <sup>39</sup> Soldadomonae pia pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús tupaucua, bapon jeye:

—Apara bara yatsicaya bapon Nacom pepa Pexanto tatsi, jei.

<sup>40</sup> Barichi iru ainyawaxi yabuxi barapowaxi Jesús tsiwiyo tajü wetaeumeinyatsi. Barapowaxi jiwana, ichowayo pewun María Magdalena, powa Magdala tomarapiwayo. Ichowayo iru pewun María, Santiago pon xuyapin, iru José matapin, baponbe penabe tatsi. Ichowayo iru pewun Salomé.

<sup>41</sup> Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Iru ichowaxi yabuxi pinmonae powaxi Jesús baru patopa Jerusalén tomaratha.

*Meje yabara poxonae Jesús petupaein ibo mathatha yaux-atabobotatsi*

*(Mt 27.57-61; Lc 23.50-56; Jn 19.38-42)*

<sup>42</sup> Po mataqueitha pewun penacui xaxainchi matababi poxonae judiomonae ba weta daxita xua penacuichiwa pewunaeya poxonae jopaena pentaquei seicae matababi,

poxonae quirei tsanaicha barapo penacui xaxainchi matacabitha bapoxonae patopa pebin Pilatotha. <sup>43</sup> Bapon pon pepatopaexae bapon pew<sub>h</sub>n José, pon Arimatea tomara-pin. Bapon pomonae pecanamata caitorobi jiwi bicheito jiwanapin. Bapon bar<sub>u</sub> cui itura jineibatsi jiwi. Bapon yabara jume cowantsiya w<sub>h</sub>nae ewateiba po coyenewa xua poxonae Mesías patopaetsica pon jiwi itorobiya peewetsinexatsi. José aj<sub>h</sub>nt<sub>u</sub>coyenetsaquiya patopa Pilato pia xantha tatsi pew<sub>h</sub>caenexa Jesús pet<sub>u</sub>paein. <sup>44</sup> Bapoxonae Pilato yabara naj<sub>h</sub>nt<sub>u</sub> coyene cabenaecataba xua bayatha Jesús t<sub>u</sub>pa. Daxota bapon itoroba soldadomonae pia pentacaponaein tatsi pia yaputaetsi po coyene xua eta poxonae bayatha t<sub>u</sub>pa. <sup>45</sup> Poxonae barapo soldadomonae pia pentacaponaein tatsi paeba xua pinae bayatha Jesús t<sub>u</sub>pa, bapoxonae Pilato copata xua José bara pichina Jesús pet<sub>u</sub>paein. <sup>46</sup> Bapoxonae José pexeinya paparuwa comota. José naeto wepichica Jesús pet<sub>u</sub>paein. Yawa mata quiyontabareca barapo pexeinya paparuwatha. Bapoxonae José ibo m<sub>h</sub>th<sub>u</sub> iya boya Jesús pet<sub>u</sub>paein. Yawa torenababapoinya pin ibo panawa. Yawa barapo ibo panawatha yauxatatabanota. <sup>47</sup> María Magdalena, powa Magdala tomarapiwayo ir<sub>u</sub> icha María powa José pena tatsi, barapowabe tanebe ichaxota Jesús pet<sub>u</sub>paein boyatsi.

## 16

*Meje yabara poxonae Jesús equeicha as<sub>u</sub> juina exanatsi pet<sub>u</sub>pae cuiru coyene weya*

*(Mt 28.1-10; Lc 24.1-12; Jn 20.1-10)*

<sup>1</sup> Nexata barapo judiomonae pia pentaquei seicae matabi tatsi yapucaewaba poxonae quirei tsanaicha xua icha matabi jopa. Bapoxonae María Magdalena, powa Magdala tomarapiwayo, ir<sub>u</sub> icha María powa Santiago pena tatsi, ir<sub>u</sub> ichowayor<sub>u</sub> powa pew<sub>h</sub>n Salomé, daxita barapowaxi comoca petuxueiwan peponaenexa xua Jesús peper<sub>u</sub> epababinexatsi pet<sub>u</sub>paein. <sup>2</sup> Bapoxonae baya caem<sub>u</sub>botha, po matabitha xua nanta carucua cae semanatha, barapowaxi capata petuxueiwan ichaxota Jesús ibo m<sub>h</sub>th<sub>u</sub> iya boyatsi. Bapoxonae xometo pichatabina. <sup>3</sup> Barapowaxi caewaxi natsipaebe- napona, najei:

—¿Jintam metha nacata pataxubina barapo ibo panawa xua yauxatatabobotatsi? najei.

<sup>4</sup> Daichitha poxonae barapowaxi taer<sub>u</sub>cy<sub>u</sub>pa xua po pin ibo panawatha yauxatatabota barapo ibo m<sub>h</sub>th<sub>u</sub> bayatha cou yaupataxubanota. <sup>5</sup> Barapowaxi jojoniya barapo ibo m<sub>h</sub>th<sub>u</sub> iya. Barapo ibo m<sub>h</sub>th<sub>u</sub> tutu iya pewowin eca po muxunene

pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yabuxi bichocono junuwa, pewowin cunuwatsi. <sup>6</sup> Ichitha barapo pewowin jeye barapo yabuxitha:

—Jopa pajunuwinde. Paxam pajeitame Jesús Nazaret tomarapin, pon bayatha naetotha tupa. Ichitha bapon anoxuae xote jopa bocaeyo. Bayatha asu petupae cuiru coyene weya. Pataema ichaxota Jesús bayatha botatsi petupaein. <sup>7</sup> Bara paponare, yawano patsipaebare Pedro iru ichamonae pomonae Jesús pijimonae tatsiru. Nexata pajande: ‘Bepa Jesús paca tsiwana patopiyaei Galilea nacua beya poxonae bara bepaiyiyaename. Bapoxonae baxotiya pataename bapon icha be pocotsi coyeneya paca tsipaeba bayatha’, pajande, jei pewowin barapo yabuxitha.

<sup>8</sup> Barapo yabuxi ibo mathu wejojondena. Yawa bara weya ducupa tsipei bichocono pijunuwi jijiyei. Barapo yabuxi jopa paebiyo ichamonaetha poxoru bichocono junuwa.

*Meje yabara poxonae Jesús María tsita naitutatsi powayo  
Magdala tomarapiwayo  
(Jn 20.11-18)*

<sup>9</sup> Poxonae Jesús asu exanatsiba petupaewa weya po mataqueitha opi carucua xua cae semanatha poxonae aena pentha, bapoxonae Jesús tsita naituta María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa. <sup>10</sup> Poxonae Jesús tainchi bapowa pona pemuxu tsipaebinexa pomonaetha pomonae anoxuae anthuthutane yawa wecoyeyi xua Jesús petupaexae. Barapomonae bayatha Jesús pepuna jinompaewichi. <sup>11</sup> Poxonae barapomonae jume tane xua juinya Jesús asu popona, yawa xua bapowa bayatha Jesús tainchi, barapomonae baxua jopa yabara jume cowantsiyo.

*Meje yabara poxonae Jesús pebinbe tsita naituta namtotha  
poxonae Emaús tomara beya ponabe  
(Lc 24.13-35)*

<sup>12</sup> Pirapae bapoxonae equeicha Jesús tsita naituta pijimonae tatsi jiwanabetha icha cui coyeneyatha xua poxonae jopa xapain yaitaetsi poxonae namtotha pipatotha ecaponabe aisawatha. <sup>13</sup> Bapoxonae baponbe caipe nawiyabe. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitutatsibe. Ichitha barapomonae barichiru iru jopa jume cowantsiyoru barapo diwesi pocotsiwa baponbe paebabe.

*Meje yabara poxonaē Jesús cui itoroba pijimonaē xua pia diwesi tatsi daxita nacuantha petapaebiwa tsainchi (Mt 28.16-20; Lc 24.36-49; Jn 20.19-23)*

<sup>14</sup> Pirapae Jesús tsita naitata pijimonaē pomonaē once poyobe poxonaē barapomonaē pexaethopaewatha iratha ena. Jesús pin jumetha muxutaenaquiya exana xua jopa pejume cowantsixaetsi matautano peyabara muxusipanaexaetsi matauta xua jopa peyabara jume cowantsixaetsi pocotsiwa paeba pomonaē tane xua Jesús equeicha bayatha asu popona petapae cuiru coyene weya. <sup>15</sup> Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume. <sup>16</sup> Pomonaē neyabara jume cowantsina xua xan apara Nacom Pexanton tatsi, matautano xua bautisabatsi, barapomonaē capanenebiyaeinchi xua jopa peweraweracaenexa. Ichitha pomonaē jopa neyabara jume cowantsiyo xua xan Nacom Pexanton tatsi, barapomonaē peraxa jubebinchi xua Nacom peyabara paebixae xua pinae barapomonaē jopa jume cowantsiyo. <sup>17-18</sup> Pomonaē neyabara jume cowantsina xua xan Nacom Pexanton tatsin muxuna exanaein xujaje pocotsiwe: Barapomonaē taitawetsina ichamonaē cauri poxonaē tawantha waqueibina; matautano barapomonaē pena jumeintha cueicueijeji tsane; icha barapomonaē jomon notsina pecobetha, jopa barapomonaē tupa exanaē tsainchi jomon; matautano icha barapomonaē apaena po mera jiwi tupa exanatsi barapo mera jopa abe exanaē tsainchi barapomonaē; matautano barapomonaē itacupaeinchi xua jayabina pecobetha pomonaē peatenewi, xua bapoxonaē barapo peatenewi peaxaibinexa tsaibi tsane”, jei Jesús.

*Meje yabara poxonaē Jesús athabe juinya Nacom pia peitorobi nacua beicha tatsi (Lc 24.50-53)*

<sup>19</sup> Jesús pon jiwi Pecanamataxeinaeinchi, poxonaē bapon najume weta xua cueicueijeji pijimonaetha, bapoxonaē Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi. <sup>20</sup> Bara barapomonaē Jesús pijimonaē tatsi ponarucupa. Yawano barapomonaē cueicueijeji tsurubenanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwi pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonaē muxuna exana pexeinya petsita itatsi coyenewan xua daxota pocotsiwa barapomonaē cueicueijeji jiwitha bara pexainyei jumein. Je, bara ichi tsane.

**Baja Marcos.**

## Jesucristo Pia Pexeinya Diwesi Jume Tatsi Lucas Petinae Diwesi

*Meje po diwesi yabara xua Lucas tamropata pitaba poxonae tina*

<sup>1</sup>Jaco Teófilo. Ponxaem nent<sub>u</sub> cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxonae xanepanaya popona pata xantha. <sup>2</sup>Pomonae cou xua baxua pepae-bixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba. <sup>3</sup>Xan netsita w<sub>u</sub>nae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsoponae xuano xua bapoxonae tsoponaeno. <sup>4</sup>Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

*Meje yabara poxonae matatsunpin w<sub>u</sub>nae yabara tsiw<sub>u</sub>nae paeba xua Juan naexanaena pon jiwi Pebautisabin tsane*

<sup>5</sup>Caena bayatha poxonae Herodes popona Judea nacuatha, xua pon Judea nacuapiwi peyanacua ewatsinchi, bapoxonaer<sub>u</sub> barichi popona barapo nacuatha sacerdotepin pon pew<sub>u</sub>n Zacarías. Bapon jiwana po sacerdotepiwi pia matab<sub>u</sub>x<sub>u</sub> jiwi pew<sub>u</sub>n Abías. Piseuri tatsi pew<sub>u</sub>n Isabel. Piseuribe pia pamo susato jiwana pin tatsibe, bapon pew<sub>u</sub>n Aarón pon yatsicaya tab<sub>u</sub> ducua sacerdotepin. <sup>6</sup>Piseuribe Nacom tsita j<sub>u</sub>nt<sub>u</sub> coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe. <sup>7</sup>Ichitha pexui jopa xeinaeyobe, tsipei Isabel mawecowa, matautano tsipei bayatha acuewa ir<sub>u</sub> tsipei pebin bayatha amo tsecae.

<sup>8</sup>Caentacabi poxonae Zacarías <sub>u</sub> pia matab<sub>u</sub>x<sub>u</sub> jiwi pia cuitha exana Nacom nexa, bapon Zacarías xuya piamonae itapetatsi. <sup>9</sup>Barapomonae sacerdotemonae, pia cui coyene xeina xua caein piamonae jiwana itapetatsi poxonae daxita barapomonae nacuita Nacom pon jiwi Pecanamataxeinaein

pin pia botha tatsi. Bapon Zacarías itapetatsi xua pe-  
 joniyaenexa po tutu peainya cui tutu Nacom pin pia botha  
 po tututha ichaxota exaneiba xua Nacom nexa. Barapo  
 tututha Zacarías tauta petuxusi exanaenexa Nacom nexa xua  
 Nacom peitorobixae. <sup>10</sup> Poxonae Zacarías cataunxuae tuxusi  
 exanawiya petuxueiwa xua tauta Nacom nexa, barapoxonae  
 daxita pomonae aisowa beumeinya barapomonae Nacom  
 tsipaebompa. <sup>11</sup> Bapoxonae Zacarías tsita naitutatsi matat-  
 sunpin pon Nacom pon jiwi Pecanamataxeinaein itoroba. Po  
 muxunene pecoxa weya matatsunpin iboto caquita uncua  
 po ibototha xua ichaxota tauteiba petuxueiwa Nacom nexa.  
<sup>12</sup> Poxonae Zacarías taeba matatsunpin jopa yaputaeyo xua  
 peexanaewa, bichocono pejunuwixae. <sup>13</sup> Ichitha matatsun-  
 pin Zacarías baraichi, jeichichi:

—Zacarías, jopa junuwinde. Nacom bara cajume tane pox-  
 onae tsipaebibame bapon. Methaunxuae jinseuri Isabel  
 tanaexanaeinchi pexuyo. Jinseuri cata pabetsina pebin wato.  
 Xam wun dutsiname bapontha, po wun Juan, jei. <sup>14</sup> Juntu  
 coyene weiweinaename. Barichi pinmonae juntu coyene  
 weiweinaena xua bapon penaexanaexae tsane. <sup>15</sup> Bapon  
 Juan Nacom pon jiwi Pecanamataxeinaein tsita ainya cui  
 tsainchi. Bapon peatsaxae mera jopa apae tsane. Vino  
 mera jopa apae tsaneno. Poxonae cataunxuae batiyotha  
 eca bichocono juntu coyene ycaeinchi Nacom pia Peju-  
 mope tñaxu tatsi pia peayapuswa tatsi. <sup>16</sup> Bapon cana  
 exanaena xua ainya Israel nacuapiwi jume cowantsina Na-  
 com pon Pecanamataxeinaein jiwi xua barapomonae barapo  
 Nacom pia Nacom tatsi tsainchi. <sup>17</sup> Juan tsiwanaya po-  
 ponaena xua pon xua Nacom itorobina bapon tsiwanaya  
 poponaeinchi. Juan xeinaena Nacom pia Pejumoje tñaxu  
 tatsi pia peayapuswa tatsi icha cain Elías ichi pon Nacom  
 peitorobi jume pepaebin. Bapon Elías bayatha tupa. Juan ex-  
 anaena xua pexui paxeiwi antobe tsaibi tsainchi. Matautano  
 Juan cana exanaena xua jume cowantsina Nacom pomonae  
 copiya Nacom pejumefebiwichi. Tsipei exanaena baxua,  
 barapomonae tsiwanaya jume cui yabara najuntu coyene  
 wñaetsina, xua barapomonae pejume cowantsinexa Nacom  
 pon Pecanamataxeinaein jiwi, jei matatsunpin.

<sup>18</sup> Zacarías yainyaba matatsunpin, jeye:

—¿Eta nejumichim yatsicaewara xua inta naexanaena pex-  
 uyo? Apara xan amo tsecaein. Iru tapetsiriwa apara inta acue  
 tsecaeba, jei.

<sup>19</sup> Matatsunpin Zacarías jume notatsi, jeye:

—Apara xan Gabriel. Barapara Nacom ba imoxoyo caquita  
 uncueiban. Nacom neitoroba bepara catsipaebichei barapo

pexeinya jume diwesi. Daxota yatsicaya naexanaenaba nexanto. <sup>20</sup>Incane jume taema. Yaitama jame maisa aunxuae jopa yabara nejume cowantsim, daxota methaunxuae jopa cuinaya paebim tsane. Yajume aunyeibiya yantacabi jopae-name poxonae beya abɛ nexanto naexanaena xuaunxuae catsipaebatsi, jei.

<sup>21</sup> Poxonae Zacarías tsipaebauyatsi, Zacarías pesato beya ewatumeinchi pomonae Nacom tsipaeba pesatotha. Barapomonae nabarai: “¿Eta pocotsiwa metha Zacarías came jopa jondenaeyo Nacom pin pia bo werena?” najei. <sup>22</sup> Poxonae Zacarías matapainya jondena jopa itacɔpaetsi xua petsipae-biwa barapomonaetha. Bapoxonae barapomonae nanta xeina xua metha bara Zacarías tsita naitutatsi xua wɛnae barapo tututha poxoru Zacarías pecobetha cowai barapomonaetha. Ichitha awiya came jopa cueicueiyeiyo.

<sup>23</sup> Poxonae Zacarías daxita nacobe weta xua exana Nacom nexa, Nacom pin pia botha, bapoxonae pia botha pona. <sup>24</sup> Pirapaeyo Zacarías piseuri tatsi Isabel bɔpana taecatsi pexuyo. Barapowa jopa naitutsiyo cinco po xometiyobe. Saya pia botha eca. <sup>25</sup> Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

*Meje yabara poxonae matatsunpin wɛnae tsiwanaya paeba xua Jesús naexanaena*

<sup>26</sup> Poxonae Isabel seis po xometiyobe yapucaewa poxonae pexuyo bɔpana taecatsi, bapoxonae Nacom itoroba matatsunpin, pon pewɛn Gabriel. Gabriel Nazaret tomara beitorobiyatsi po tomara eca Galilea nacuatha. <sup>27</sup> Gabriel patopa pesiwa ponaenexa yabɔyo, powa bapana jopa pebin pichiyo. Bapowa muxu pepichi pecotsiwa, pon pewɛn José. Bapon José David pia pemomoxi susato jiwana tatsi. Caena bayatha David Israel nacuamonae itorobiya pia pepa pee-watsinchi. Barapowa powa José pecotsiwaxae tatsi pewɛn María. <sup>28</sup> Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita jɛntɛ coyene xanepanatsi beyacaincha icha yabɛxi. Matautano barapara Nacom pon jiwi Pecanamataxeinaein cabarɛ popona, jei matatsunpin.

<sup>29</sup> Ichitha poxonae jume taeba bapowa, yabara jume cuitaya nabenaeca. Pia coutha nayainyaba jeye: “¿Eta xua bapon nejacoba jane?” najei. <sup>30</sup> Matatsunpin María baraichi, jeichichi:



—María, jopa junuwinde, Nacom cayabara tsita juntu coyene xanepanatsi. <sup>31</sup> Matha taema xam methaunxuae pexuyo yapurawa jinaename xuano bara pabetsiname nexanto. Baroyo wun dutsiname po wun Jesús. <sup>32</sup> Bapon ainya cui peexanaeinchi tsainchi. Bapon wun dutinchi, icha wun jei tsainchi: ‘Nacom Pexanto tatsi pon peitabocotha eca’, jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi. <sup>33</sup> Bapon yacui tsitecaena xua jiwi peewatsinchi penaexanaewa tsane Israel piamonae susato saineiwi pexantha tatsi. Pia peitorobi coyenewa tatsi jopa weraweracae tsane, jei Gabriel, pon matatsunpin.

<sup>34</sup> Nexata María jume nota matatsunpin, jeye:

—¿Eta xua yapurawa jinocuaein pexuyo? Apara cataunxuae jopa nacueyabinyo, jei María.

<sup>35</sup> Matatsunpin jume nota, jeye:

—Nacom pia Pejumope tñaxu tatsi cata patopeicaena. Matautano Nacom pon bichocono pepa pejuntu coyene xanepanaein bapon, pia peayapusawa tatsi cantatsun matawacaicha nontsicaena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita juntu coyene xanepanaeinchi. Barapo pexuyo yabara jei tsainchi: ‘Nacom Pexanto tatsi’, jei tsainchi. <sup>36</sup> Iruru barichi jinyamonaewayo Isabel, bequein bara acue tsecae, ichitha anoxuae pexanto yapurawa jina. Anoxuae barapowa seis po xometiyobe yapuraewa xua yapurawa jina bequein copiya mawecowa. <sup>37</sup> Dapocotsiwa aibi pocotsiwa Nacom tsita ayapubetsi, tsipei bapon daxita bara yaputane.

<sup>38</sup> Nexata María namchi, jeye:

—Xan bara barapowayun xua taexanaewayon pocotsiwa Nacom pon jiwi Pecanamataxeinaein neitoroba. Bu moya bara Nacom inta exanaena xuaunxuae netsipaebame, jei María, matatsunpintha.

Baroxonae matatsunpin napitaba.

*Meje yabara poxonae María siwa pona, xua Isabel siwa poinchi*

<sup>39</sup> Pirapaeyo María nainya pontaba tomara beya, po tomara eca ichaxota ira marafowawa xua Judea nacuatha. <sup>40</sup> Baxota barapowa María joniya Zacarías pia botha tatsi. Baroxonae Isabel jacobatsi. <sup>41</sup> Poxonae Isabel jume tane xua María jacobae, baroxonae pia pexuyo tsiperu natsixibecatsi Isabel. Baroxonae Nacom pia Pejumope tñaxu tatsi pia peayapusawa tatsi Isabel juntu coyene yucatsi. <sup>42</sup> Baroxonae Isabel jume daunweya wawai xua María baraichi, jeye:

—¡Nacom cayabara tsita juntu coyene xanepanatsi beyacaincha icha yabuxi! ¡Barichi nexanto Nacom yabara tsita juntu coyene xanepanatsi! <sup>43</sup> ¡Xam powa Tanecanamataxeinaein pena tatsim, bichocono auran xua tana nesiwa pon-aewam tsipei jopa taainya cuiwayon! <sup>44</sup> Poxoru poxonae cajume tainchi xua nejacobame bapoxonae pexuyo netsiperu weiweinaya natsixibeca. <sup>45</sup> Juntu coyene weiweiname ne-jume cowuntsixae tsipei bara nayabara jume cui wetsina pocotsiwa Nacom pon jiwi Pecanamataxeinaein yabara catsiwnae muxu duta pon Pecanamataxeinaein jiwi xua poxonae matatsunpin catsipaeba, jei Isabel.

<sup>46</sup> Nexata María namchi, jeye:

“Tajuntu coyene Nacom wnae jaintatsi pon jiwi Pecanamataxeinaein.

<sup>47</sup> Matautano tajuntu coyene Nacom yabara weiweinatsi pon Tanecapanepaein.

<sup>48</sup> Nacom neweyatane xua xan saya tapawin.

Bara barapowayun, powayun xua taexanaewa pocotsiwa Nacom neitoroba. Anoxuae xuano bexa tsaneno daxita jiwi pomonae naitapataya naexanaponaena wnae nejainchina tsipei Nacom nejuntu coyene weiweina exana bichocono beyacaincha icha yabuxi.

<sup>49</sup> Bapon Nacom pon peayapusu itorobi coyene pexeinaein inta bichocono wnae exana.

Bapon Nacom pepe pejuntu coyene xanepanaein.

<sup>50</sup> Bapon Nacom yaweneibina jiwi pia peantobewaxae pomonaetha pomonae copiya pecunuweibixaetsi.

<sup>51</sup> Nacom tsita ituba xua peayapusu itorobi coyenewa xeina.

Baxua exana poxonae juntu coyene amanayaba pomonaetha pomonae atsaquiya penayabara paebiwi xua ichamonae peabiwichi.

<sup>52</sup> Nacom cui pita cana exana pomonaetha pomonae pecanamataxeinaewi xua equeicha barapomonae jopa naexanae tsane xua pecanamataxeinaewa jiwi. Ichitha nama pomonaetha pomonae pecui pawi naexana barapomonaetha Nacom cana exana xua barapomonae penaexanaewa pomonae pecanamataxeinae jiwi.

<sup>53</sup> Pomonae xua piyain barapomonaetha Nacom cana exana xua barapomonae petonsanaewa xua penabanaewa po pexaewa pexeinya pexaewan. Matautano copei pexeinaewi barapomonaetha Nacom cana exana xua barapomonae pecobesainaewa.

<sup>54</sup> Nacom yaweneiba pijimonae Israel nacuapiwi pomonae pia pamo susatopin tatsi, bapon Israel pon tanacuita Nacom.

Nacom jopa yabara j<sub>nt</sub>emainaeyo xua peyaweneibiwa barapo pijimonae peantobexae.

<sup>55</sup> Nacom daxita exana pocotsiwa Abraham wamo susatopin yabara tsiw<sub>nae</sub> muxu dutatsi xuano xua yabara tsiw<sub>nae</sub> muxu dutatsi pia pemomoxi susato jiwi tatsi”, jei María.

<sup>56</sup> María cataunxuae acoibi po xometiyobe eca Isabel pia botha tatsi. Bapoxonae equeicha caibe nawiya pia bo beya.

*Meje yabara poxonae Juan naexana pon jiwi Pebautisabin*

<sup>57</sup> Nexata Isabel xua b<sub>na</sub>pana taecatsi pexuyo, pe<sub>na</sub> cui nauchitane. Bapoxonae pexuyo tanowaeincuatsi xua pexanto. <sup>58</sup> Pomonae Isabel pia botha petaenaewichi, ir<sub>na</sub> piamonae tatsi pomonae pecuariya petaenaewichi daxita barapomonae Isabel siwa poinchi xua pejacobinexa tsainchi. Barapomonae yaputane xua Nacom pon Pecanamataxeinaeinxae jiwi Isabel beta taexanatsi poxonae Isabel dacotsiwa taitorobatsi pexuyo. <sup>59</sup> Poxonae ocho po matabibe yapucaewa barapoxonae pexuyo wi thabatsi xua pebin w<sub>to</sub>xae xua ichaxota nareixacaeca. Barapomonae nanta xeina xua pexuyo w<sub>na</sub> dutsinchi po w<sub>na</sub> pexuyo paxa tatsi xeina, xua po w<sub>na</sub> “Zacarias”, jei. <sup>60</sup> Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

<sup>61</sup> Bapoxonae barapomonae Isabel baraichi, jeye:

—¿Exua? Jinyamonae dapocotsi w<sub>na</sub> aibiba, po w<sub>na</sub>: ‘Juan’, jei, jei barapomonae.

<sup>62</sup> Nexata barapomonae moya pecobetha cowai Zacaristha. Matautano pecobetha cowaya yainyaba, Zacarias yainyabatsi jeichichi: “¿Eta po w<sub>na</sub> jinya nexanto w<sub>na</sub> dutsichi?” jei barapomonae. <sup>63</sup> Zacarias w<sub>ca</sub> napaewa petinaenexa tsane. Bapoxonae barapo napaewatha jei xua tina: ‘Apara pe<sub>na</sub> Juan’, jei. Bapoxonae barapomonae naj<sub>ntu</sub> coyene benaeca xua ir<sub>na</sub> bapon namchi: ‘Bara pe<sub>na</sub> Juan’, jei.

<sup>64</sup> Poxonae baxua exana, caena bapoxonae jemeicha Zacarias equeicha caewa paeba. Equeicha ebato sad<sub>u</sub>jei xua cueicueije. Zacarias tamropata pitaba xua w<sub>nae</sub> jainta Nacom.

<sup>65</sup> Bapoxonae daxita pomonae imoxoyo jinompa ichaxota Zacarias piseuribe poponabe, daxita barapomonae junuwa. Matautano pomonae xua pejinompaewi daxita ichaxota po ira xua marafowawa xua barapo Judea nacuatha, daxita barapomonae paebinouta pocotsiwa xua bayatha petaexae.

66 Daxita pomonae jume tane, barapomonae najuntũ coyene yabara nanta xeina nawita. Matautano caemonae nantiya nayainyaba najei: “¿Eta bichane metha pexuyo poxonae wichabina?” najei barapomonae. Aparaxo poxorũ Nacom pon Pecanamataxeinaein jiwi bichocono pexuyo petsita jũntũ coyene xanepanaexaetsi daxota barapomonae baxua paeba.

*Meje yabara xua Zacarías pia wei*

67 Pexuyo paxa tatsi Zacarías, jũntũ coyene yũcatsi Nacom pia Pejumope tũnaxũ tatsi pia peayapusũwata tatsi. Matautano bapon cueicueijei po jumetha po jume Nacom cata. Zacarías namchi, jeye:

68 “Nacom pon Pecanamataxeinaein jiwi, pon Israel pia Nacom tatsi, barabũ wũnae jainchinchĩ barapo Nacom. Tsipei bapon bayatha patopeica waxantha. Bapon bara piamonaetsi.

Matautano bapon bayatha naca capanepa.

69 Pon Nacom nacata itorobica bapon pon jiwi pecapanenebiyaein pia peayapusũwatha. Bapon David pia pemomoxi susato jiwana tatsi. Bapon David pon Nacom pia petanacuitinchi xua peexanaewa pocotsiwa Nacom itoroba.

70 Caena bayatha Nacom yabara naca tsiwũnae muxu duta, poxonae itoroba pia peitorobi jume petapaebiwichi xua wanaca tsipaebinxaxa.

71 Bara naca tsipaeba xua pinae bapon pon Nacom wanacata itorobicaexae, pinae naca capanepaena pomonae wanaca aitafaetabi jiwi pia xainya weya tatsi.

Matautano pinae naca capanepaena pomonae wanaca ita aenae-aenei jiwi pia xainya weya tatsi.

72 Matautano Nacom naca tsipaeba xua pinae wamo susatopiwi yabara canantaxeinaeinchi xua peyawenaenexatsi.

Matautano pinae jopa jũntemainae tsane xua wamo susatopiwi peyawenaponaewatsi xua bayatha Nacom yabara petsiwũnae muxu dutsixae baxua.

73 Baraxua Nacom naca tsiwũnae muxu duta xua xainyeya bara paeba poxonae Abraham tsipaebatsi, pon wamo susatopin.

74 Nacom Abraham tsipaebatsi xua pinae naca capanenebiya tsane wanaca aitafaetabi jiwi weya.

Baxua pinae nacata exanaena xua pinae  
waexanaewa tsane pocotsiwa naca itoroba,  
xuano jopa wacunuwinexa tsane  
ichamonae pinae.

<sup>75</sup> Matautano nacata exanaena xua pinae beta  
jinompaeinchi bapon peitabaratha, xuano xua  
juntũ coyene xeicaeya jinompaeinchi daxita  
matacabintha xua jopa abe waexanaponaewa.

<sup>76</sup> Irũ xam taxantom Juan jiwi cayabara wũn  
dutsina pon Nacom peitorobi jume pepaebin,  
pon itabocotha eca, cayabara jei tsane.  
Baxua cayabara jei poxoru xam tsiwanaya  
patopaename pon jiwi pia pepa  
Pecanamataxeinaein.

Daxita jiwi juntũ coyene wũnaetsiname  
pepatopaenexa tsane pon jiwi pia pepa  
Pecanamataxeinaein, pon Mesías.

<sup>77</sup> Nacom caitoroba Juan xua jiwi neyaputane  
neexanaenexa tsane xua Nacom jũntemainaena  
jiwi abe pia peexanae cuiru coyenein tatsi.  
Baroxonae Nacom barapomonae capanenebiya  
exanaeinchi bapon beya xua jopa Nacom petsita  
natsicuentsexiaetsi xua abe peexanaexae.

<sup>78</sup> Wanacom jopa juniya wanaca antobexae xuano  
xua wanaca yawenaexae nacata itorobicaena  
pexanto itaboco wetsica.

Nacata wũnae exanaena icha xometo ichi xua  
nacata wũnae poxonae pentha pena matacabixae.

<sup>79</sup> Poxonae patopeicaena pon Nacom itorobicaena,  
baroxonae bapon jiwi juntũ cui  
weiweinaya exanaeinchi.

Baxua exanaeinchi, pomonaetha pomonae pejume  
cowũntsiwi bequein copiya barapomonae  
muxu pewerapae bichocono abe peexanaexae.

Yawa Nacom naca jumope antasũ exanaena,  
xua jũntema wajinompaeinchi”,  
jei Zacarías xua pexanto barai pon Juan.

<sup>80</sup> Barapo pexuyo Juan wichabeca. Matautano  
ajũntũyapũsũya popona xua Nacom yabara yaputaepona.  
Juan ira xuepana susato tsurucuae nacuatha tsana popona,  
beya poxonae po mataqueitha poxonae Juan tsita patopa  
Israel nacuapiwi pebautisabinexa barapomonae.

## 2

*Meje yabara poxonae Jesús nowaeuncua pebin wuto barapo cae pin nacuathe (Mt 1.18-25)*

<sup>1</sup> Iruru bapoxonae popona romanomonaе itorobiya pia pepa peewatsinchi, pon pewan Augusto. Bapon itoroba piamonae peexanaenexa censo matawun xua pewan tinaewan xua daxita carepaya tomaran jiwi wan tinaeinchi. <sup>2</sup> Barapo censo matawun xua pewan tinaewan jiwi, baxua mata-painya nacobe cui juta poxonaе Cirenio Siria nacuapiwi pia peyanacua ewatsinchi naexana. <sup>3</sup> Daxita jiwi tsanaya barompaya pia pepa tomaran bewa benawibiyaena, ichaxota pia pamo jiwi tatsi tanowaeumeinchi. <sup>4</sup> Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacuatha. Baraxota caena bayatha David pon judiomonaе itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tabu ducua. <sup>5</sup> José pecotsiwa baru pona pewan tinaenexa tsainchibe. Barapowa pewan María. Barapowa pexuyo burana taecatsi. <sup>6</sup> Poxonaе cataunxuae baraxota Belén tomaratha ecabe, bapoxonaе María xua burana taecatsi pexuyo, bara weaperutanetsiba. <sup>7</sup> Bara bapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bomaxutha ichaxota jiwi maiteiba pomonaе pateiba pomonaе siwa poneiba.

*Meje yabara poxonaе matatsunpiwi patsica ichaxota pomonaetha pomonaе oveja duweimonaе peyapu eenaewi*

<sup>8</sup> Imoxoyo Belén tomaratha, pebiwi oveja duweimonaе yapu eeneiba wexotha poxonaе merawi. <sup>9</sup> Nexata jemeicha barapo pebiwi tsita naitutatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peiturpanae coicha tatsino barapomonaе matawacaicha uncueicatsi. Barapo pebiwi bichocono junuwa. <sup>10</sup> Nexata matatsunpin barapomonaе baraichi jeye: “Jopa pajunuwinde. Apra paca tsipaebatsi pexeinya jume diwesi xua po diwesi daxita jiwi juntu coyene weiweina exanaeinchi. <sup>11</sup> Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apra pewan Mesías pon Pecanamataxeinaein jiwi, pon Nacom weitorobicatsi. <sup>12</sup> Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo

pexuyo xua paparuwatha mata quiontababotatsi jeriyotha ichaxota po naeyotha vaca naepanaewan xayathopa”, jei matatsunpin.

<sup>13</sup> Baroxonae jemeicha equeicha icha matatsunpiwi pin bicheito naitubarucupa ichaxota icha matatsunpin uncua. Barapo matatsunpiwi itaboco wepatsica. Barapomonae Nacom wɛnae jaintatsi. Barapo matatsunpiwi namchi, jeye:

<sup>14</sup> “¡Maisa bichocono Nacom wɛnae jaintatsi pon itabocotha peecaein, peitorobixae pexanto! ¡Barabu jiwi jɛntema jinompa barapo irathe pomonae xua Nacom jɛntɛ coyene weiweina exanatsi!” jei matatsunpiwi.

<sup>15</sup> Poxonae matatsunpiwi athabe ichicha caibeicha itaboco beicha, baroxonae pomonae oveja duweimonae peyapu eenaewi barapomonae nabarai, jeye:

—Bɛ poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwi Pecanamataxeinaein nexa, jei barapomonae pomonae oveja duweimonae peyapu eenaewi.

<sup>16</sup> Barapoxonae oveja duweimonae peyapu eenaewi nainya ponarucupa. Barapoxonae María irɛ José caxibarucupatsi. Irɛ pexuyo poyo boqueca jeriyotha vaca matabotha caxibarucupatsi. <sup>17</sup> Poxonae barapomonae taerucupa pexuyo, barapomonae tsipaeba nawita ichamonaetha pocotsiwa bayatha barapomonae petsipaebixaetsi matatsunpin xua pexuyo yabara. <sup>18</sup> Daxita pomonae jume taerucupa baxua yabara najɛntɛ coyene cabenaeca xua pomonae oveja duweimonae peyapu eenaewi pepaebixae baxua. <sup>19</sup> María barapo diwesi moya yawɛn xeina pejɛntɛ coyenewatha xua jume cui cayabara nanta exaba. <sup>20</sup> Baroxonae oveja duweimonae peyapu eenaewi caibe nawibiya. Barapomonae Nacom wɛnae jaintatsi petaexae xuano pejume taexaeno xua bayatha matatsunpiwi pepaebixae. Barapomonae namchi, jeye:

—Maisa Nacom pon pepa yatsicaewa pejɛntɛ coyene xanepanaein, jei.

*Meje yabara poxonae María irɛ José caponabe Jesús Nacom pin pia botha tatsi*

<sup>21</sup> Poxonae ocho po matabibibe yapucaewa, pexuyo wi thabatsi, xua pebin wɛtoxae xua ichaxota nareixacaeca. Baxua judiomonae pia cui coyenetha tatsi. Barapoyo wɛn dutatsi pewɛn Jesús, po wɛn bayatha matatsunpin wɛn unuta xua María muxu tsipaebatsi poxonae María cataunxuae abɛ jopa bɛpana taecaetsi pexuyo.

22 Nexata matacabi jopa, xua po mataqueitha María iru José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonae María iru José pexuyo caponabe Jerusalén tomara beya pecatsinexa tsanebe pexuyo Nacomtha pon jiwi Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane. 23-24 Baxua exana tsipei Nacom pia peitorobi diwesitha tatsi tina, jeyei: “Daxita jiwi pia pexui tatsi, pebin wutixi, poxi copiya nacatsiwená, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara iru ainya tsaqueintobe care. Ichacuitha icha tsaqueintobe aibi, bara iru ainya topibotobe care”, jei.

25 Iruu barapoxonae pebin popona Jerusalén tomaratha, bapon pewun Simeón. Bapon pejuntu coyene xanepanaein. Bapon wuna jainteiba Nacom. Bapon wuna ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonaewe ya. Barapo romanomonaecha nacua werena pona xua Israel nacuapiwi cueranta enatsi. Tsipei barapo romanomonaecha Israel nacuapiwi canamataxeinatsi. Nacom pia Pejumope tuxu tatsi Simeón baru popoinchi. 26 Nacom pia Pejumope tuxu tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pirapaeyo tupaena. 27 Nacom pia Pejumope tuxu tatsi Simeón joniya exanatsi Nacom pin pia botha tatsi. Bara José iru pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba. 28 Simeón isapita pexuyo. Nacom wuna jaintatsino. Simeón namchi, jeye:

29 “Nacom pon Tanecanamataxeinaem, bara anoxuae caitacupa xua tanecopatsiwam xua bara junte miya tatupaewa tsane. Tsipei anoxuae bara nayabara jume wetame pocotsiwa bayatha yabara netsiwuna muxu dutame.



Poxoru xan bapon tsocuaein xua  
exanan xua neitorobame.

<sup>30</sup> Xan yatsicaewa bara tanba,  
pon Pecapanenebiyaein jiwi.

<sup>31</sup> Bapon tan pon xua itorobicapaebame,  
xua daxita jiwi taena xua bapon taeinchi.

<sup>32</sup> Bapon yaputane exanaena xua Nacom yaputaeinchi  
pomonaе jopa judiomonaе naexanaeyo.

Tsipei bapon be bapocotsin, xua poxonaе jiwi  
beta tane exainchi merawi xua xota yonoyonei.  
Yawano bapon exanaena xua Israel nacuapiwi,  
pomonaе jinyamonaе xua w<sub>h</sub>nae jaintinchi  
xua ichamonaе w<sub>h</sub>nae jainchina”, jei Simeón.

<sup>33</sup> María ir<sub>h</sub> José yabara naj<sub>h</sub>nt<sub>h</sub> coyene cabenaecabe pocot-  
siwa Simeón pexuyo yabara paebatsi. <sup>34</sup> Nexata Simeón barai,  
Nacom baraichi xua María yabara yawano xua José yabara,  
jeye: “J<sub>h</sub>nt<sub>h</sub> coyene weiweina exande baraponbe”, jei. Nexata  
Simeón, María baraichi xua pexuyo pena tatsi:

—Barapo pexuyo Nacom itapeta xua bapon peexanaenexa  
tsane po coyene xua Israel nacuapiwi ichamonaе Nacom  
beya peponaenexa xua ichacui<sub>h</sub>tha icha ichamonaе Nacom  
beya jopa peponaenexa tsane. Yawa Nacom itoroba  
barapo pexuyo, peit<sub>h</sub>binexa Nacom pia peayapus<sub>h</sub>wa  
ichitha ichamonaе jume cui aitaetaebi tsaibi tsane.

<sup>35</sup> Daxota barapo pexuyo yaputaena pocotsiwa jiwi pej<sub>h</sub>nt<sub>h</sub>  
coyeneintha nanta xeineibina. Ichitha xam, María, daxita  
baxuan caaj<sub>h</sub>nt<sub>h</sub>coyenerewe exanaena be poxonaе ich<sub>h</sub>n  
canth<sub>h</sub>ts<sub>h</sub> tsapinopaena cusitha, jei Simeón xua María  
tsipaebatsi.

<sup>36</sup> Ir<sub>h</sub>h<sub>h</sub> baxota poponar<sub>h</sub> petsiriwa, pew<sub>h</sub>n Ana. Bara-  
powayo Nacom peitorobi jume pepaebiwayo. Barapowa  
Faniel pexantiyo tatsi. Aser pon yatsicaya tab<sub>h</sub> ducua bapon  
pia pemomoxi susato jiwana tatsi. Barapowa bara nama  
penapataewa tsoponaе. Barapowa caena bayatha poxonaе  
penowayo tsecae jitha eca. Pia pebinbe siete po weiyobe  
nabar<sub>h</sub> poponabe. Bapoxonaе pebin t<sub>h</sub>pa. <sup>37</sup> Barapowa caena  
bayatha piseuri cuenta t<sub>h</sub>patsi. Anoxuae nama barapowa  
yaochenta y cuatro po weiyobe jopaba. Barapowa Nacom  
pin pia bo weya jopa pichapeibiyo. Saya exaneiba pocotsiwa  
Nacom itoroba merawintha yawa matakabintha. Najain-  
boteibano poxonaе tsipaеbeiba Nacomtha. <sup>38</sup> Poxonaе Jesús  
caponatsi Nacom pin pia botha xua Nacom pecatsinexatsi  
bapoxonaе Ana imoxoyo caquita uncua barapomonaetha.  
Barapowa tsipaeba Nacomtha, jeye: “Nacom maisa j<sub>h</sub>nt<sub>h</sub>  
coyene weiweinan xua painta itorobame barapo pexuyo”,

jei Ana. Bapoxonae Ana yabara paebaxoya pexuyo jiwitha pomonaetha pomonae w̄nae ewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomonae weya.

*Meje yabara poxonae Jesusbar̄u caibe iyiya Nazaret tomara beya*

<sup>39</sup> Nexata María ir̄u José wetabeba daxita xua Nacom, pon jiwi Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya xua pia tomara beyabe, Nazaret tomara beyabe. <sup>40</sup> Pexuyo wichabeca. Matautano bichocono daunwei nawita, peyaputae coyene xexeinaponano. Nacom tsita j̄unt̄u coyene xanepanapoinchi.

*Meje yabara poxonae Jesús siwa pona Nacom pin pia bo tatsi*

<sup>41</sup> Jesús pena tatsi ir̄u paxa tatsi daxita weitha poneiba Jerusalén tomara beya xua nataiba Pascua w̄n̄n matababin. Barapo Pascua w̄n̄n jei, poxonae Israel nacuapiwi nanta xeina xua poxonae pinae bayatha pia pamo susato jiwi tatsi capanenebiya exanatsi Egipto nacua weya, xua Nacom capanenebiya. <sup>42</sup> Poxonae Jesús doce po weiyobe yapu jopa, María ir̄u José ir̄u Jesús, Jerusalén tomara beiyiya. Tsipei barapomonae pia cui xua poneiba barapo Pascua w̄n̄n matababin nexa. <sup>43</sup> María ir̄u José caibe nawirenabe pia tomara berena poxonae barapo matababin weta. Ichitha pewowin Jesús naruntaba Jerusalén tomaratha. Jesús pena tatsi ir̄u José jopa taeyobe xua Jesús nacopataba. <sup>44</sup> Nanta xeinabe xua Jesús mexeya itara napunaecaponawei pin bicheitha. Caentacabitha María ir̄u José namtotha naecaponabe, bapoxonae itaxanawiyabe pexanto. Necobauyabe pexanto pin bicheitha pia matabax̄uho jiwimonaetha, pijiwimonaethano. <sup>45</sup> Jopa pexanto caxinaebe. Bapoxonae equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

<sup>46</sup> Poxonae acoibi po matababiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichaxota pomonae jiwi pecuidubiwi Nacom pia peitorobi jume. Jesús jume tane barapomonae. Matautano yainyabano nawita barapomonaetha. <sup>47</sup> Daxita pomonae jume tane, naj̄unt̄u coyene cabenaeca tsipei Jesús peyaputaein tsecae, matautano tsipei Jesús beta jume nota. <sup>48</sup> María ir̄u José poxonae baxua cui tanebe naj̄unt̄u coyene cabenaecabe. María pexanto barai, jeye:

—Owae, ¿eta xua metha baxua painta exaname? Axa iru xan paca yabara najuntu coyene exabatsibe, paca jeitompatsi, jei.

<sup>49</sup> Jesús jume nota pena, jeye:

—¿Eta pocotsiwa metha ichawa beya pana nejeitompame? ¿Metha bara jopa payaputaem jampa xua bewa necui eenaena xua Taxa pia cui yabara tatsi? jei.

<sup>50</sup> Ichitha María iru José jopa xapain yaputaeyobe pocotsiwa Jesús paeba.

<sup>51</sup> Jesús caibe nanawiya pena tatsibarutha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntu coyenewatha. <sup>52</sup> Nexata Jesús wiwichabapona yawa juntu coyene ayapusuya exanapoinchino Nacom pia Pejumopetha tñaxu tatsi. Nacom iru jiwi Jesús antobe tsozonaetsi.

### 3

*Meje yabara poxona Juan pon Pebautisabin jiwi cuiduba ira xuepana susato tsurucuae nacuatha*

(Mt 3.1-12; Mr 1.1-8; Jn 1.19-28)

<sup>1</sup> Iru Tiberio pon romanomona itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxona iru Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Iru Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichiru Lisania Abilinia nacuapiwi peyanacua ewatsinchi naexana. <sup>2</sup> Barichiru Anás iru Caifás baponbe sacerdotemona pia pepa pentacaponaeinbe tatsibe. Barapoxonaeru Nacom Juan tsipaebatsi poxona ira xuepana susato tsurucuae nacuatha popona. Juan bapon Zacarías pexanto tatsi. <sup>3</sup> Juan popona ducuaeta Jordán nacuatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeye:

—Icha juntu coyene paxeinare painya neauraxae xua abe paexaname. Paca bautisabina ichamona xua Nacom paca necayabara junteinaenexa abe painya neexanae cuiru coyenein, jei Juan.

<sup>4</sup> Baxua exana, peyabara jeichixaetsi xua peyabara jeixae pon Nacom peitorobi jume pepaebin Isaías poxona bapon tina pejume diwesi. Barapo diwesitha Isaías caena bayatha

wɨnae tsiwɨnaeya yabara paeba xua Juan yabara. Isaías namchi, jeye:

“Jume tan pon wawai ira xuepana susato tsurucuae nacuatha. Bapon wawai jeye: ‘Patsinajuntɨ cui coyene wɨnaere pon jiwi pia pepa Pecanamataxeinaeinchi pia pepatopae wɨnaeya tsane.

<sup>5</sup> Daxita pamarafotontha paatsa jejebapoinyama.

Daxita petsuton paatsa caxiquiyama. Pejeyajeyowa namton bopiya dubeinya paexande. Pamarafotofotowa namton, panamto dameyama. Apra jopa yabara janyo namton, jame apra yabara jan painya juntɨ coyenein. Ichi paichim xua namton paxanebame bara paichinde pana najuntɨ cui wɨnaere painya Nepacacanamataxeinaein nexa poxonae bapon patopeicaena.

<sup>6</sup> Daxita nacuariwimonae yaputaena Nacom pia pecapanenebiyae coyene tatsi’, jei pon wawai”, jei Isaías pejume diwesitha.

<sup>7</sup> Pin bicheito pata, xua Juan pebautisabinexa tsane. Juan barai barapomonaе jeye: “¡Paxam pomonaе pemuxitorobi jiwi pam! ¡Paxam be bara jomomonaе pam, tsipei jomo ba cuitaya dɨcupa nawa! Bara paichim anoxuae paichichipame Nacom pacuitaya dɨcupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntɨ coyene xanepanaem Nacomtha.

<sup>8</sup> Xaniwaicha painompare xain ichamonae paca cui tane xua icha juntɨ coyene painya nexainaewa Nacomtha, pon jiwi Pecanamataxeinaein. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowɨntsim Nacom. Daxota Nacom itacɨpatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacɨpatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonaе pejume cowɨntsixaetsi Nacom. <sup>9</sup> Poxonaе pebin naein ɨba, sipari ba canacui wɨnaeta pecaucubobinexa po naein jopa nacoichiyo. Poxonaе barapo naein ucuboba nantatsun eta xua petautsinexa isototha. Paxam bara paca jɨta ichiya paca cana exanaena. Nacom paca yabara nacui wɨnaeta xua paca bebai tsane isototha, ichaxota po isototha

jopa cuinaya itacounayiyo tsipei Nacom jopa xanepanaya pata taexanaem”, jei Juan.

<sup>10</sup> Nexata barapomonaе Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonae pata necui taenexa tsane xua bara rajuntũ coyene xanepanaein Nacomtha? jei barapomonaе.

<sup>11</sup> Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa naũma xatatsiyo camisa. Irũrũ pon tamatecatsi penabanaewa bapon becatsipa ichũn pontha pon jopa xeinaeyo penabanaewa, jei Juan.

<sup>12</sup> Barichirũ pata, pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa. Barapomonaе pata xua Juan pebautisabinexa tsanerũ barapomonaе. Barapomonaе Juan yainyabatsi, jeichichi:

—Pon jiwi Necuidubim, ¿eta pocotsiwa Nacom ichichipa pocotsiwa pata exanaewa tsane? jei barapomonaе.

<sup>13</sup> Juan jume nota, jeye:

—Saya meisa jiwi paw̃caename paratixi xua romanomonaе paca itoroba. Jopa yabara muxitorobiya paw̃caeinde ichawan, jei Juan.

<sup>14</sup> Barichirũ soldadomonaе Juan yainyabatsi, jeichichi:

—Irũ paxan, ¿eta pocotsiwa Nacom ichichipa pocotsiwa pata exanaewa tsane? jei barapomonaе.

Juan jume nota, jeye:

—Jopa payabara jume daunweya wecobe noteibinde ichamonae piawan tatsi. Mataũtano ichamonae jopa pacui yopiteibinde pocotsiwa exana ichamonae poxonaе apara jopa exaneibiyo. Bara saya rajuntũ coyene weiweinare poxonaе paratixi paxeiame poxonaе ichamonae xua pata exaname xua soldadomonaе pamxaem, jei Juan.

<sup>15</sup> Daxita pomonaе w̃nae ewateiba xua Mesías pepatopeicaewa tsane, barapomonaе poxonaе Juan jume tainchi, barapomonaе pejuntũ coyeneintha nanta xeina, xua apara Juan metha apara Mesíaswei. <sup>16</sup> Ichitha Juan barai daxita barapomonaе, jeye: “Xan paca bautisabatsi meratha. Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu m̃ isanaxubiwa pia penataxu xatatsiwa. Bapon paca jiwana bautisabina Nacom pia Pejumope t̃naxũtha tatsi. Bapon paca jiwana cui copatsinchi xua atene tsane Jesús pejume cow̃ntsixaetsi tsane. <sup>17</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe

jehebapona. Trigo xu jehebapona, trigo xu mataboŋtha. Matapepe jehebapona petautsinexa isotoŋtha, ichaxota po isoto jopa cuinaya itacounayiyo. Bara juta cana ichi tsane jiwitha icha trigo xu cana ichiya ichichi jiwi Nacom tsananobina pomonaē pejume cowantsixaetsi pia nacuatha nexa. Ichamonae tsananobinchi pomonaē jopa pejume cowantsiwichi, petautsinexa isotoŋtha ichaxota xua jopa itacounayiyo”, jei Juan.

<sup>18</sup> Icha diwesi yabara jumeno Juan barapomonaetha paeba Nacom pia pexeinya jume diwesi tatsi. <sup>19</sup> Matautano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yabuyo powa Herodías. Herodes peweicho tatsi pewan Felipe. Matautano Juan biatane poxoru bayatha Herodes abe exana nawita jiwitha. <sup>20</sup> Ichitha dammetha equeicha Herodes abe exana xua Juan caenaetatsi ichamonaetha xua pecapon-aenexa tsainchi jiwi pecabi botha.

*Meje yabara poxonae Jesús bautisabatsi*

(Mt 3.13-17; Mr 1.9-11)

<sup>21</sup> Poxonae cataunxuae Juan jopa ecaeyo jiwi pecabi botha, Juan bautisaba ducuaeta jiwi. Barichi iru Jesús nabautisabatsi. Poxonae Jesús tsipaebuncua paxa, peitaboco nayausaranaxuba. <sup>22</sup> Nacom pia Pejumope tanaxu tatsi patopeica Jesustha, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejutu coyene weiweina exaname, jei Nacom.

*Meje yabara pomonaē Jesús pia pamo susatopiwi tatsi*

(Mt 1.1-17)

<sup>23</sup> Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanaē coyenewan po coyene Nacom Pejume Diwesi pecueicueijeiwa xuano jiwi axaibi exana ducuaenaebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi. <sup>24</sup> Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi. <sup>25</sup> Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi. <sup>26</sup> Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi. <sup>27</sup> Bapon Judá, Joanán pexanto tatsi. Bapon Joanán, Resa pexanto tatsi. Bapon

Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi. <sup>28</sup> Bapon Neri, Melqui pexanto tatsi. Bapon Melqui, Adi pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi. <sup>29</sup> Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi. <sup>30</sup> Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi. <sup>31</sup> Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi. <sup>32</sup> Bapon Natán, David pexanto tatsi. Bapon David, Isaí pexanto tatsi. Bapon Isaí, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wɥn Salmón. Bapon Sala, Naasón pexanto tatsi. <sup>33</sup> Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi. <sup>34</sup> Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi. <sup>35</sup> Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi. <sup>36</sup> Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi. <sup>37</sup> Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi. <sup>38</sup> Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

## 4

*Meje yabara poxonae Jesús jɥntɥ coyene jɥjɥtatsi caurimonaepia pentacaponaein tatsi xua Jesús abe coyeneya petaxanaenexa tsane*

(Mt 4.1-11; Mr 1.12-13)

<sup>1</sup> Poxonae Jesús jɥntɥ coyene yɥcatsi Nacom pia Pejumope tɥnaxɥ tatsi bapoxonae caibe nawiya Jordán mene weya. Nacom pia Pejumope tɥnaxɥ tatsi Jesús mata cayatsi ira xuepana susato tsurucuae nacua beya. <sup>2</sup> Baraxotiya Jesús

popona cuarenta po matakabibe. Caurimonae pia pentacaponaein tatsi Jesús piraichi juntu coyene jujutatsi xua Jesús abe coyeneya petaexanaenexa tsane. Barapo cuarenta po matakabibetha Jesús jopa nabanaeyo. Poxonae barapo mat-acabin yapucaewa Jesús bichocono jainpa. <sup>3</sup> Caurimonae pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita iture. Barapo iboto itorobare xain pan naexanaxoya, jei caurimonae pia pentacaponaein tatsi.

<sup>4</sup> Jesús jume nota. Caurimonae pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan’, jei Nacom Pejume Diwesi, jei Jesús.

<sup>5</sup> Caurimonae pia pentacaponaein tatsi Jesús matakapoinchi ichaxota po demxuwa bichocono atororo. Baraxotiya Jesús tsita itutarabatsi daxita nacuan, xua barapo cae pin nacuathe. <sup>6</sup> Bapoxonae caurimonae pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewunaewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ichantha pontha pon xua ichichipan xua tacatsiwa.

<sup>7</sup> Ichaunxuae nentabocototha uncuaename taitabaratha, xuano ichaunxuae newunae jainchiname xua nenanta xeinaewaxae xua xan jinya tacacanamataxeinaeinchi, bapoxonae baxuan daxita bara cacatsinchi jinya Necanamataxeinaenexa barapo nacuan, jei caurimonae pia pentacaponaein tatsi.

<sup>8</sup> Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa wunae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>9</sup> Cotacaya nama equeicha Jesús matakapoinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatsim, wenaxor-einque. <sup>10</sup> Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

<sup>11</sup> Barapo matatsunpiwi asiya cawaetaboutsina pecobetha, xua jopa necataxu tsaqituncuaenexa tsane ibototha poxonae



wenaxorecame', jei Nacom Pejume Diwesitha, jei caurimonae pia pentacaponaein tatsi.

<sup>12</sup> Jesús jume nota, jeye:

—Barichi Nacom Pejume Diwesitha namchi, jeye: 'Jopa juntu coyene jujutsiya wucaeinde Nacom pon jinya Necanamataxeinaein, xua cajume jejei tsane necayawenaenexa poxonae jopa xapain exanaem', jei Nacom Pejume Diwesitha, jei Jesús.

<sup>13</sup> Poxonae caurimonae pia pentacaponaein tatsi yaputane xua jopa xeinaeyo po coyenetha equeicha Jesús pejuntu coyene jujutsiwa tsainchi, bapoxonae nama Jesús wepu poinchiba xua saya bara caeto nexa.

*Meje yabara poxonae Jesús tamropata pitaba pia penacuichiwa Galilea nacuatha*

*(Mt 4.12-17; Mr 1.14-15)*

<sup>14</sup> Jesús caibe iya Galilea nacua beya. Matautano jopa juniya xeinaeyo Nacom pia Pejumope tanaxu tatsi pia peayapusu itorobi coyenewa tatsi. Daxita jiwí pomonae jinompa barapo nacuatha Jesús yabara paebinoutatsi. <sup>15</sup> Jesús cuidubeiba barapomonae judiomonae pia penacaetutsi bontha tatsi xua daxita tomarantha. Barapomonae Jesús wanae jainteibatsi.

*Meje yabara poxonae Jesús Nazaret tomaratha popona*

*(Mt 13.53-58; Mr 6.1-6)*

<sup>16</sup> Nexata Jesús Nazaret tomara beya pona, po tomaratha ichaxota wichaba. Judiomonae barompaya pia pentaquei seicae matabitha tatsi Jesús joniya judiomonae pia penacaetutsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyobinexa Nacom Pejume Diwesi, xua barapomonae pejume taenexa. <sup>17</sup> Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tupa. Poxonae Jesús diboro pataxuba baxota taeba pocotsiwa baxota paeba, xua jeye:

<sup>18</sup> "Nacom pia Pejumope tanaxu tatsi neyanta popona.

Nacom neitapeta tatacueicueijeinexa tsane pia pexeinya jume diwesi tatsi pomonaetha pomonae peacopeibi jiwí.

Matautano neitoroba xua tayawenaenexa pomonae anthathatane.

Matautano neitorobano xua tayawenaenexa pomonae caurimonae itorobatsi nawita xua barapomonae pepanenebiyaenexa.

Matautano neitorobano xua tane tacana

exanaenexa pomonae peitata nacutsi jiwi.  
 Matautano neitorobano xua tayawenaenexa  
 pomonae xua bichocono taayapubetsi xua  
 pejinompaewa tsane xua barapomonae jopa pexeinae  
 dubenanaebiyaenexa tsane barapo coyenein.

<sup>19</sup> Matautano neitorobano xua jiwi  
 tatsipaebinxexa po coyene xua Nacom nacui  
 wunaeta xua jiwi peyawenaewa tsainchi  
 pomonae ichichipa xua Nacom pejume taewatsi”,  
 jei Isaiás pejume diwesitha, jei Jesús xua yoroba.

<sup>20</sup> Poxonae Jesús barapo diboro acataraba, bapoxonae cata  
 pontha pon jiwi peyawenequeibin judiomonae pia penacae-  
 tutsi botha tatsi. Bapoxonae Jesús econeca. Daxita pomonae  
 baxota ena, Jesús necotenatsi xua cui ewatenatsi xua pecue-  
 icueijejiwa tsane Jesús. <sup>21</sup> Bapoxonae Jesús tamropata pitaba  
 xua paeba, jeye:

—Anoxuae xuaunxuae pajume taneme baxua apara  
 barapo mataqueithe Nacom nayabara jume cui weta painya  
 itutha, jei Jesús.

<sup>22</sup> Daxita carepaya jiwi Jesús xanepanaya yabara paebatsi.  
 Daxita barapomonae najuntu coyene cabenaeca xua pejume  
 taexae xua po jume barapomonae petsipaebixaetsi. Bara-  
 pomonae nantiya nabarai, jeye:

—Maisa jume xeica bapon, jume wunaeya paeba. ¿Bara  
 bapon José pexanto tatsi jampa? najei barapomonae.

<sup>23</sup> Jesús barai barapomonae, jeye:

—Metha pana netsipaebichipame icha be pocotsi diwe-  
 siyo iche xua pecayabara juta pepaebi diwesiyo xua ba jei:  
 ‘Pon jiwi neyawabin, jinya coutha nayawabare’, xua ba jei.  
 Barichi anoxuae pana nejam tsane: ‘Xua paxan pajume tan  
 xua juinya Capernaum tomaratha exaname, barichinde xote  
 exande jinya tomaratha’, pana nejam tsane, jei Jesús.

<sup>24</sup> Awiya cataunxuae Jesús cueicueijeji. Equeicha namchi,  
 jeye:

—Xaniwaicha paca tsipaebatsi pon ba Nacom peitorobi  
 jume pepaebin pia nacuamonaepiwi ba aitafaetabichi.

<sup>25</sup> Xaniyan paca baraichi xua caena bayatha poxonae  
 Elías popona pon Nacom peitorobi jume pepaebin,  
 ainyawaxi powaxi pecuenta werapaewaxichi pia seuriwi  
 Israel nacuatha jinompa. Barapo nacuatha cuinaya  
 jopa duneicaeyo acoibi po weiyobe xuano seis po  
 xometiyobethano. Daxita jiwi piyain barapo nacuatha  
 Israel nacuatha. <sup>26</sup> Nacom jopa itorobiyo, Elías jopa  
 itorobichi xua peyawenaenexa tsane caewayo jiwana  
 powaxi pecuenta werapaewaxichi pia seuriwi xua Israel

nacuatha. Ichitha saya meisa Nacom itoroba, Elías itorobatsi powatha powa pecuenta tupaewayotsi piseuri, powa popona Sarepta tomaratha, xua Sidón nacuatha xua barapowayo peyawenaenexatsi. <sup>27</sup> Barichi Israel nacuatha pinmonae jinompa pomonae peperu sawatsi jiwimonae, poxonae Eliseo popona pon Nacom peitorobi jume pepaebin. Eliseo jopa jiwana axaibi exanaeyo. Ichitha meisa Eliseo Naamán axaibi exanatsi pon bichocono peperu sawinchi. Bapon Naamán, Siria nacupin, jei Jesús.

<sup>28</sup> Poxonae barapomonae jume tane pocotsiwa Jesús paeba pomonae judiomonae pia penacaetutsi botha ena, bapoxonae barapomonae Jesús casebatsi. <sup>29</sup> Asiya umenarucupa barapomonae. Jesús tomara pecuma beitaweyatsi. Jesús capoinchi pitapatororo itapa beya, po tsututha bomaxun jeba, xua bara wepexorecaenexa tsainchi Jesús. <sup>30</sup> Ichitha Jesús barapomonae xenta iya, pu seicataba.

*Meje yabara poxonae pebin pon cauri xeina  
(Mr 1.21-28)*

<sup>31</sup> Nexata Jesús pona Capernaum tomara beya po tomara eca Galilea nacuatha. Baxotiya Jesús cuiduba jiwi po mataqueitha pentaquei seicae matabitha. <sup>32</sup> Barapomonae yabara najuntu coyene cabenaeca tsipei pocotsiwa bapon barapomonae cuidubatsi be pon peyaputaen pia peayapusu itorobi jume coyeneya tatsi paeba.

<sup>33</sup> Judiomonae pia penacaetutsi botha tatsi pebin baxota eca, pon cauri xeina. Bapon bichocono wawaya exanatsi cauri. Bapon Jesús baraichi xua namtsebiya wawai, jeye:

<sup>34</sup> —¡Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruyapuxanepanaem, jei cauri.

<sup>35</sup> Jesús itaweta cauri, jeye:

—¡Moyande! ¡Bapon wepu ponde! jei Jesús.

Nexata cauri pebin iratha xotsi barapomonae peitatha tatsi. Pebin wepu poinchi cauri, saya jantema. Equeicha jopa ateneyono. <sup>36</sup> Daxita barapomonae yabara najuntu coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonae pia peayapusuya itorobi coyenewatha. Matautano barapo caurimonae bara pona.

<sup>37</sup> Daxita jiwi paebinouta Capernaum tomara cuariyatha pocotsiwa Jesús exana.

*Meje yabara poxonae Jesús axaibi exana Simón Pedro pamiyo tatsi*

*(Mt 8.14-15; Mr 1.29-31)*

<sup>38</sup> Bapoxonae Jesús judiomonae pia penacaetutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domaebatsi. Barapowa piamonae tatsi Jesús jume daunweya wacatsi xua bapowa axaibi peexanaenexa tsainchi. <sup>39</sup> Jesús imoxoyo caquita uncua pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Nainya barapowa nantacotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*

*(Mt 8.16-17; Mr 1.32-34)*

<sup>40</sup> Poxonae tabopiya tsanaicha pomonae piamonae barompaya taatenetsi pomonae xua jopa nayaromae jupaeyo, daxita barapomonae Jesús betacarendenatsi. Jesús ichawa beya jayabapona pecobetha, bapoxonae daxita carepaya axaibi. <sup>41</sup> Barichi pomonae cauri pexeinaewi Jesús taitaweta barapomonae. Barapo caurimonae wawaya jeye:

—Apara xam Nacom Pexantom, jei.

Bequein caurimonae baxua paeba ichitha Jesús awiwa daumetha itaweta caurimonae. Jesús jopa najume copatsiyo xua equeicha pepaebiwa tsane poxoru barapo caurimonae yaputane xua bapon yatsicaewa Mesías pon Nacom itorobica.

*Meje yabara poxonae Jesús cueicueijei Nacom Pejume Diwesi judiomonae pia penacaetutsi bontha tatsi*

*(Mr 1.35-39)*

<sup>42</sup> Poxonae baya juntucuru penta tsina, Jesús tomara weiya ichaxota jiwaibi bara beya pona. Ichitha jiwi Jesús jeitatsi. Barapoxonae bapomonae pata ichaxota Jesús popona. Barapomonae aichaxaibi xua Jesús pewepu warapaewa barapomonae. <sup>43</sup> Ichitha Jesús namchi, jeye:

—Bewa iru yabara paebin Nacom pia pexeinya jume diwesi tatsi, po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Apara baxua netsiyabara itorobica, jei Jesús.

<sup>44</sup> Daxota Jesús paeba ducuaeta Nacom Pejume Diwesi Judea nacuatha xua judiomonae pia penacaetutsi bontha tatsi.

## 5

*Meje yabara poxonae Jesús piamonae yawena xua duwei yamona*

*(Mt 4.18-22; Mr 1.16-20)*

<sup>1</sup> Caentacabi Jesús Genesaret pucua itapatha uncua. Pin bicheito pata bichocono nacucunaxuba Jestutha, tsipei barapomonaе ichichipa jume tane Nacom Pejume Diwesi tatsi. <sup>2</sup> Jesús ainya jerabe tane pucuatha taetabo itapatha, po jera saya naebe. Tsipei duwei peyamaewi bayatha nacui wetarucupa, matautano poxoru bayatha nonobouna taetabotha. Barapomonaе pia peyamaewan iquicompа. <sup>3</sup> Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonaе Jesús eca jeratha. Jesús mene wecuidubecarena jiwi Nacom Pejume Diwesi. <sup>4</sup> Poxonaе Jesús najume weta, Simón baraichi, jeye:

—Jeratha ponde ichaxota pentatheibu. Paxoyama painya neyacamonaewa painya necapirenaenexa duwei, jei Jesús.

<sup>5</sup> Simón, Jesús jume notatsi, jeye:

—Pon jiwi Necuidubim, bequein barapo merawithe payamonompan, pacobesa patan. Yaitama aunxuae neitorobame, methaunxuae xoyaein tayamaewa, jei Simón.

<sup>6</sup> Poxonaе barapomonaе xoya, duwei pin tunto capirena, muxu peucubabi xua peyamaewa. <sup>7</sup> Nexata barapomonaе moya pecobetha itacowaeba pomonaе penabaruxaxunobompaexae, pomonaе icha jeratha jinompa itacowaebatsi, penayawenaenexa. Barapomonaе pata. Jera ainya naebe wantabe duwei. Muxu pebunopaebe jerabe. <sup>8</sup> Simón pon Jesús icha wan duta, xua Pedro baraichi, bapon tane baxua. Bapoxonaе bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abetaexanaein, jei Simón Pedro.

<sup>9</sup> Poxoru Simón Pedro junuwiya najuntuxoyene cabenaeca yaitama peyacamaewatha capirena duwei pin tunto. Iru pomonaе Simón Pedro pia jeratha petaenaewichi barapomonaе iruxa junuwiya najuntuxoyene cabenaeca. <sup>10</sup> Iru Zebedeo pexantobe tatsi, Santiago iruxa Juan baponbe iruxa junuwiya najuntuxoyene cabenaecabe. Baponbe ponbe Simón pebaruxayamaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonaе yawenaename xua barapomonaе pejume cowantsiwa tsane Nacom icha bayatha ichim poxonaе yamonaе duwei nawita, jei Jesús.

<sup>11</sup> Nexata poxonaе barapo jerabe botounabe, barapoxonaе barapomonaе baxuan daxita nacui barapenta. Bapoxonaе barapomonaе Jesús puna poinchi.

*Meje yabara poxonae Jesús axaibi exana pon peperu sawinchi*

*(Mt 8.1-4; Mr 1.40-45)*

<sup>12</sup> Jesús icha tomara siwa pona. Bapoxonae pebin patopa pon peperu sawinchi. Poxonae Jesús taebatsi, bapon Jesús peitabaratha tatsi pentabocototha tauncuatsi yawa ira betaeuncuareca. Bapon Jesús jume daunweya wuacatsi, jeichichi:

—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexainaem, jeichichi Jesús bapon.

<sup>13</sup> Nexata Jesús, nacobe yota, yawa mata jayaba bapon, pon peperu sawinchi. Jesús barai, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

Bapoxonae bapon nainya taaichurucaetsi xua peperu sawiwatsi. <sup>14</sup> Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitutsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi caya-putaena xua tsita itapeinya xeinatsi xua xam bara jumem yawa xua peru wunaem, jei Jesús.

<sup>15</sup> Ichitha daxita jiwi tajú beya jume taetaepona pocotsiwa Jesús exana. Pin bicheiton nacaetutapona Jestutha pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomona.

<sup>16</sup> Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi*  
*(Mt 9.1-8; Mr 2.1-12)*

<sup>17</sup> Caentacabi Jesús cuidubauya. Iruu baxotiya ena pomona fariseomona jiwana tatsi. Iru baxota ena pomona jiwi pecuidubiwi Moisés pia peitorobi coyenewa tatsi. Barapomona daxita tsiqui tomaraxi werendena po tomaraxi ena Galilea nacuatha. Iru daxita tsiqui tomaraxi werendena po tomaraxi ena Judea nacuatha, iru ichamona Jerusalem tomara werendena. Nacom pia peayapusu itorobi coyenewa tatsi Jesús yawenatsi, daxota axaibi exana peatene jiwi. <sup>18</sup> Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomona barapocotsiwatha carendenatsi pecuenobinchi. Barapomona bepa bomuxutha cajojonyaei

xua bepa Jesús peitabaratha tabotichei. <sup>19</sup> Ichitha barapomonae jopa cajojoniyayo bomux̄tha tsipei pin bicheito boupa quecona. Barapo bo matatupa pereca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe b̄macatha barapo pemaiteibiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi. <sup>20</sup> Jesús tane xua barapomonae yabara cui jume cow̄nta xua Jesús bara peitac̄paewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui j̄ntemainatsiba abe jinya neexanae cuiru coyenein, jei Jesús.

<sup>21</sup> Nexata pomonae jiwi pecuidubiwi Moisés pia peitorobi coyene, ir̄u fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara j̄ntemainaya j̄nt̄u puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara j̄ntemainaya j̄nt̄u puxana exanatsi abe pia peexanae cuiru coyenein tatsi”, najei barapomonae.

<sup>22</sup> Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame? <sup>23</sup> ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiru coyenein cata j̄ntemainatsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane? <sup>24</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapus̄u itorobi coyenewa xua bara tana neitac̄paewa xua jiwi tayabara cacui j̄ntemainaya j̄nt̄u puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>25</sup> Bapoxonae pon pecuenobinchi caena nainya nontapona barapomonae peit̄tha tatsi, yawa pita xua pemaituncuaewa. Pia bo be-iya yawa Nacom w̄nae jaintatsi poxonae namtotha ecapona. <sup>26</sup> Barapomonae daxita yabara naj̄nt̄u coyene cabenaeca yawa Nacom w̄nae jaintatsi. Barapomonae junuwiya namchiya jeye:

—Anoxuae waxainchi tainchi xua pewunaewa pocotsiwa jopa yaputaetsi, jei barapomonaе.

*Meje yabara poxonae Leví wabatsi, Jesús waba  
(Mt 9.9-13; Mr 2.13-17)*

<sup>27</sup> Poxonae baxua Jesús nacui weta, bapoxonae Jesús pontaba. Jesús tane pebin pon pewan Leví. Leví bapon pon paratixi pentoma noteibin po paratixi jiwi bewa catsibina pon romanomonaе pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

<sup>28</sup> Bapoxonae Leví nontapona. Daxita baxua xubota, cuenta pona. Bapoxonae Jesús puna poinchi.

<sup>29</sup> Pirapaeyo Leví pin penabanaewa exana pia botha xua Jesús tsiexanatsi. Iru pebiwi pinmonae pomonaе paratixi pentoma noteibiwi po paratixi jiwi bewa catsibina pon romanomonaе pia pepa peyanacua ewatsinchi nexa, barapomonaе Jesús baru eca pexaethopeibiwatha, iru ichamon-aeno baru enatsi penabarú nabanaenexa tsane. <sup>30</sup> Ichitha fariseomonaе iru pomonaе jiwi pecuidubiwi Moisés pia peitorobi coyenewa, daxita barapomonaе Jesús pijimonaе abeya tsipaebatsi xua Jesús yabara. Barapomonaе namchi, Jesús pijimonaе tatsi baraichi, jeichichi:

—Maisa Jesús abe exana poxoru baru xayeca pomonaе paratixi pentoma noteibiwi po paratixi jiwi bewa catsibina pon romanomonaе pia pepa peyanacua ewatsinchi nexa. Matautano baru xayeca pomonaе abe peexanae cuiru coyene peexanaewi, jeichichi Jesús pijimonaе tatsi barapomonaе.

<sup>31</sup> Jesús jume nota barapomonaе, jeye:

—Pomonaе ba xua xaniwaicha jinompa xua jopa ateneyo barapomonaе ba jopa canantawenonaeyo pon jiwi peyawabin. Saya jame meisa pomonaе ba atene canantawenona pon jiwi peyawabin. <sup>32</sup> Barichinno xan patopan apara tha jopa tawabinexa tsane pomonaе pejuntú coyene xanepanae jiwi. Apará tha meisa tawabinexa tsane pomonaе peajuntúcoyenebe jiwi, xua barapomonaе icha juntú coyene pexeinaenexa tsane Nacomtha, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Mr 2.18-22)*

<sup>33</sup> Nexata barapomonaе fariseomonaе iru pomonaе jiwi pecuidubiwi Moisés pia peitorobi coyene, daxita barapomonaе Jesús yainyabatsi, jeichichi:

—Pomonaе Juan pia pepuna jinompaewichi jopa juniya nainboteibiyo xua jopa juniya tsipaеbeibiyo Nacomtha. Iru



pomonae fariseomonae barichiru. Ichitha nama jinyamonae daxua jopa cou daichiyo, saya cou u penabaneibi xvano saya u peapeibi cou, jeichichi Jesús.

<sup>34</sup> Jesús jume nota barapomonae, jeye:

—Paxam jopa bewa paexanaem tsane xua ichamonae nainbotsina, pomonae patsiwabame pexaewa xua pena-banaenexa xua poxonae pebin pecotsiwa pita. Poxonae cataunxuae awiya bapon eca poxonae jiwi nabane, jopa ba bapoxonae nainbotsi. <sup>35</sup> Ichitha icha pon aena piowa pita, bapon caena nainya waetabatsi, ichamonae waetaba xua bapon taj u pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

<sup>36</sup> Matautano Jesús pecayabara juta pepaebi diwesiyo tsi-paeba barapomonae, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsanaya. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha pin wan tsanaya beyacaincha xua poxonae copiya. <sup>37</sup> Matautano jiwi ba pena vino mera jopa eparecaeyo peru bocoto, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xvano barapo bocotono naxuba poxonae barapo bocoto tsitsica. <sup>38</sup> Daxota bewa jame pena vino mera eparecae pena bocoto. Bapoxonae pena vino mera jopa naxubiyo, xvano pena bocoto jopa nacubiyo poxoru boco yeyena xvano poxoru pena bocoto. <sup>39</sup> Pon ba xua peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

## 6

*Meje yabara poxonae Jesús pijimonae tatsi yaboto nota trigo xujudiomonae barompaya pia pentaquei seicae mataque-itha tatsi*

(Mt 12.1-8; Mr 2.23-28)

<sup>1</sup> Caentacabitha judiomonae barompaya pia pentaquei seicae matabitha tatsi Jesús pijimonae bar u iya pabi iyiya. Jesús pijimonae tatsi xunumenapona trigo xu, bapoxonae

barapomonaē pecobetha xu mata pepeta yawa xu xane.  
<sup>2</sup> Nexata Jesús pijimonaē tatsi tayainyabatsi, fariseomonaē yainyaba, jeye:

—¿Eta pocotsiwa baxua paexaname? Apra jiwī jopa yabara cui copatsiyo xua ichamonaē penacuichiwa barapo matakabithē, xua judiomonaē barompaya pia pentaquei seicaē matakabi tatsi, jei barapomonaē.

<sup>3</sup> Jesús jume nota barapomonaē, jeye:

—Barapo tajimonaē jopa apra abe exanaeyo. ¿Jopa payabara yorobim pocotsiwa bayatha David exana poxonaē jainpa poxonaē iru pijimonaē tajainpatsiru? Bapon David pon caena bayatha Israel nacuamonaē itorobiya pia pepa peewatsinchi. <sup>4</sup> Bapon David iru pijimonaē tatsi barapomonaē Nacom pin pia botha joniya. David xane pan, po pan ichamonaē cana exana xua Nacomtha pecatsiwatsi. Iru barapo pan David pijimonaē cata xua pexaenexaru. Barapomonaē xane bequein barapo Nacom pia peitorobi coyenewatha copata xua saya meisa sacerdotemonaē itacupatsi xua pexaewa barapo pan.

<sup>5</sup> Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwī tacoya taitorobiwa pentaquei seicaē matakabitha, jei Jesús fariseomonaetha.

*Meje yabara poxonaē Jesús cobe wunaē exana pon pecobe mabinchi*  
 (Mt 12.9-14; Mr 3.1-6)

<sup>6</sup> Icha matakabitha judiomonaē pia pentaquei seicaē matakabitha tatsi Jesús joniya judiomonaē pia penacuetutsi botha tatsi. Matautano tamropata pitaba xua cuiduba barapomonaē. Barapo botha eca pon pecoxa weya pecobe mabinchi. <sup>7</sup> Pomonaē jiwī pecuidubiwi Moisés pia peitorobi coyene tatsi, iru fariseomonaē baxota ena. Daxita barapomonaē Jesús necotenatsi pecui taenexatsi icha bara metha Jesús cobe wunaē exanaena pentaquei seicaē mataqueitha pon pecobe mabinchi. Icha Jesús pon pecobe mabinchi axaibi exanatsi, bapoxonaē barapomonaē xeinaena po coyenewa xua Jesús abe peyabara paebiwatsi tsainchi. <sup>8</sup> Ichitha Jesús yaputane pocotsiwa barapomonaē nanta xeina. Jesús barai pontha pon pecobe mabinchi, jeye:

—Nontaponde, uncuare xote, jei Jesús.

Bapon nontapona, asiya uncuā Jesús peitabaratha tatsi.

<sup>9</sup> Nexata Jesús barai ichamonaē, jeye:

—Paca yainyabinchi, ¿eta xua copata pentaquei seicaē matakabitha? ¿Wunaē jampa? ¿Abe jampa? ¿Eta xua, xua exana

jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

<sup>10</sup> Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe mabinchi, jeye:

—Nacobe doire, jei Jesús.

Bapon nacobe doita. Nainya cobe wanae tsanaya.  
<sup>11</sup> Ichitha barapomonae bichocono Jesús casebarucapatsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

*Meje yabara poxonae Jesús itapetsiya waba pia peitorobiwi tatsi pomonae xua doce poyobe*

*(Mt 10.1-4; Mr 3.13-19)*

<sup>12</sup> Barapo matabintha Jesús pona demxuwatha petsipaebinexa Paxa. Baraxotiya Jesús Paxa matowa tsipaeba barapo merawitha. <sup>13</sup> Poxonae baya xometo pentha tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobi jiwí tatsi”, yabara jeichichi. <sup>14</sup> Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha wán “Pedro”, baraichi, iru ichun pewun Andrés, pon Simón peweicho tatsi, iru ichun pewun Santiago, iru ichun pewun Juan, iru ichun pewun Felipe, iru ichun pewun Bartolomé. <sup>15</sup> Iru ichun pewun Mateo, iru ichun pewun Tomás, iru ichun pewun Santiago, pon Alfeo pexanto tatsi, iru ichun pewun Simón, pon celotemonaepin. <sup>16</sup> Iru ichun pewun Judas, pon Santiago pexanto tatsi, iru ichun pewun Judas Iscariote, pon Jesús caenaetaxubatsi ichamonaetha xua Jesús pebexubinexatsi.

*Meje yabara poxonae Jesús pin bicheitomonaе cuiduba*

*(Mt 4.23-25)*

<sup>17</sup> Barapo doce poyobe Jesús demxuwa webaru dunareca, peira matafatanaewatha baru patopa. Baxota peira matafatanaewatha pin bicheito Jesús ewatumeinchi. Ichamonae pomonae Jesús pejume cowantsiwichi baxota umena. Iru Jerusalén tomarapiwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueijejei xuano xua Jesús pia axaibi exanaetsi peatene jiwí. <sup>18</sup> Pomonae cauri pex-einaewi barapomonae Jesús taitaweta cauri. <sup>19</sup> Daxita jiwí ichichipa xua Jesús pejayabiwatsi tsipei Jesús daxita jiwí axaibi exana pia peayapusawatha.

*Meje yabara poxonaē Jesús yabara cuiduba pejuntũ coyene weiweinaewa, xuano jopa pejuntũ coyene weiweinaewa (Mt 5.1-12)*

<sup>20</sup> Nexata Jesús pijimonaē necota. Jesús barai pijimonaē, jeye:

“Pajuntũ coyene weiweiname bequein anoxuae peacopeibi jiwi pam. Tsipei Nacom pia pejume cowantsiwichi tatsi piamonaē tatsi pam, pomonaē Nacom juntũ coyene itorobiya ewata.

<sup>21</sup> “Pajuntũ coyene weiweiname, bequein bara anoxuae pajainpame, bexa tsane patonsanaename.

“Pajuntũ coyene weiweiname, bequein bara anoxuae pawecoyam, bexa tsane bichocono pajuntũ coyene weiweinaename.

<sup>22</sup> “Pajuntũ coyene weiweiname poxonaē bequein jiwi paca ita aenaē-aenei, bequein paca itaweta bo weya xuano poxonaē bequein abeya paca muxutainyaba. Matauntano poxonaē bequein jiwi paca yabara abe paeba. Barapomonaē baxua paca cana exana tamonaē jiwi pamxaem xua xan ponxaein Nacom Tananeitapetsin. <sup>23</sup> Bichocono pajuntũ coyene weiweinare barapo matabitha, tsipei peitabocothicha Nacom paca catsibina pia pexeinya peitũpanaewan pocotsiwan Nacom paca jantana jeba pia nacuatheicha. Icha barapomonaē paca ichi, barapomonaē pia pamo susato jiwi tatsi, Nacom pia peitorobi jume pepaebiwi barichichi abeya biatainchi yawa abe exanatsi.

<sup>24</sup> “iIchitha pai jaibo paxam, anoxuae copei paacabem tsobenaem poxoru methaunxuae equeicha jopa painya neraichiwa tsane!

<sup>25</sup> “iPai jaibo, paxam pomonaē anoxuae patonsanabename tsipei methaunxuae bexa tsane pajainpabenaename!

“iPai jaibo, paxam pomonaē pajuntũ coyene weiweinabename tsipei anoxuae methaunxuae pajuntũ coyene wecoyam tsane!

<sup>26</sup> “iPai jaibo, pomonaē jiwi wũnaē paca jainteibena painya necueicueijeixae po diwesi jopa Nacom Pejume Diwesiyo! iIcha barapomonaē paca ichi barichi barapomonaē pia pamo susato jiwi tatsi, wũnaē jainta pomonaetha pomonaē naerabiya paeba xua pinaē barapomonaē Nacom pia peitorobi jume pepaebiwi!” jei Jesús.

*Meje yabara poxonaē Jesús yabara cuiduba xua jiwi bewa antobe pomonaetha pomonaē pia peitafaetabi jiwichi (Mt 5.38-48; 7.12)*

<sup>27-28</sup> Equeicha Jesús namchi, jeye: “Paxamtha pomonaē beta pana nejume taneme, barapomonaē paca baraichi: Paantobeinde pomonaē bequein painya nepaca

caaitafaetabi jiwi. Matautano beta pata taexande pomonae paca ita aenae-aenei. Matautano amanaya beta papaebare pomonaetha pomonae paca yabara abe paeba. Nacomtha patawncare pomonae xua paca biatane. <sup>29</sup> Icha ichun paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ichun pacata pita peamutiya camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa. <sup>30</sup> Daxita coyenexi pocotsiwa ichamonae paca wncamoya bara pacaichabeibare. Pon pacata pita painyawa jopa equeicha caewa pawncaeinde. <sup>31</sup> Paexande ichamonaetha xua po coyene painya neichichipaewa xua barapomonae beta painya nepacata exanaewa tsane.

<sup>32</sup> “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara iru pomonae peajuntucoyenebewi antobe ichamonae pomonae peantobewixaetsi. <sup>33</sup> Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwi barapocotsi coyene iru exana ichamonaetha pomonae peaitabe jiwitha. <sup>34</sup> Barichi icha saya pacatsibame ichamonae xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonae peaitabe jiwi barichi icha peaitabe jiwitha catsiba xua xuya equeicha pecatsibeibinexatsi. <sup>35</sup> Paxam jame bewa paantobem tsane painya nepaca caaitafaetabi jiwi, xuanano jame beta bewa paexanaem ichamonaetha. Matautano jame bewa bara pacatsibim ichamonae xua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca juntana jeba pia nacuatheicha. Matautano Nacom paca cana exanaena pia pexanton jiwi tatsi pam, pon peitabocotha eca. Tsipei Nacom pejantu coyene xanepanaein, daxota yawena barapomonaetha, pomonae bequein xua jopa wecobe noteibiya jacobeihiyo xuanano xua peaitabe jiwi. <sup>36</sup> Payabara cui nanta xeinare po coyene xua ichamonae painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jiwi, bara paichinde”, jei Jesús.

*Meje yabara poxonae Jesús cuiduba xua jiwi jopa bewa yabara paebina ichamonae xua penatsicuentsiwa xua abe pexanaexae*

(Mt 7.1-5)

<sup>37</sup> Equeicha Jesús namchi, jeye: “Jopa ichamonae payabara paebinde xua penatsicuentsiwa xua abe peexanaexae. Nexata bapoxonae Nacom jopa paca yabara paebi tsane painya xua nenatsicuentsiwa xua abe painya exanaexae. Ichamonae jume daunweya jopa pajande: ‘Apara bapon picoya, apara bapon picoya’, jopa pajande. Nexata Nacom jopa paca daichi tsane baxua. Pacui yabara jüntemainare po coyene ichamonae pacata abe exana, nexata Nacom paca cui yabara jüntemainaena xua abe painya neexanaewa. <sup>38</sup> Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata nancutaxuina. Yawa pacata wanca exanaena. Icha daunweya payabara paebiname xua penatsicuentsiwa ichamonae xua abe peexanaexae, Nacom barichi daunweya paca yabara paebina xua painya nenatsicuentsiwa xua abe painya neexanaexae”, jei Jesús.

<sup>39</sup> Jesús tsipaeba barapomonae pecayabara juta pepaebi diwesiyo, jeye: “Pon ba peitata nacutsin jopa itacupaetsi xua pematacaponaewa ichan pon iru peitata nacutsin. Icha bapon baxua exanaetsipabe, baponbe fetotha joparecaetsipabe. <sup>40</sup> Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwí, pon peyaputaein. Ichitha pon poxonae wetsina xua nacuiduba, bapon be pia pecuidubin cui jupa”, jei Jesús.

<sup>41</sup> Barichi equeicha Jesús paeba caeintha pomonae pijimonae tatsi jiwana icha pecayabara juta pepaebi diwesiyo, jeye: “Xam be jinya jiton itata taneme poxonae naeputiyo itata jopiyatsi, ichitha jopa taem xua iruru xam nama pin naeputo neitacueretha ducua. Barapocotsi juta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam bara ichim nama bichocono abe exaname. <sup>42</sup> Icha jopa taem pin naeputo xua neitacueretha ducua, jopa caitacupaeyo xua nejeiwa jinya jitontha: ‘Tajiton, cata jutinchi naeputiyo xua ducua neitacueretha’, xua nejeiwa. Xam nepaebin xua ichan exana xua baxua neexanaewatha iru. Xam copiya nata jure barapo pin naeputo xua neitacueretha ducua. Bapoxonae beta taename nejutsinexa tsane naeputiyo xua jinya jiton peitacueretha tarucuatsi”, jei Jesús.

*Meje yabara poxonae Jesús yabara cuiduba xua pinae jiwí yaputane nae penacoichixae*

*(Mt 7.17-20; 12.34-35)*

<sup>43</sup> Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein

camatsa naein jopa bapana nacoichiyo po pethei pexeinya thei. <sup>44</sup> Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara juta ichi jiwi yaputane xua pebin pejuntꞑ coyene xanepanaein pon xanepanaya peexanaeinxae. <sup>45</sup> Pon ba pejuntꞑ coyene xanepanaein, bapon ba jame ba paeba pocotsiwa pexeinya coyene, pejuntꞑ coyene xanepanaeinxae. Barichi pon ba peajuntꞑcoyenebein bapon ba abe paeba, peajuntꞑcoyenebeinxae. Pocotsiwa jiwi nanta xeina pejuntꞑ coyenetha, baxua ba pecoiboto tsina cueicuei-jei”, jei Jesús.

*Meje yabara poxonae Jesús ainya bomꞑꞑꞑbe yabara paeba*  
(Mt 7.24-27)

<sup>46</sup> Equeicha Jesús namchi, jeye: “Paxam pana neyabara jam: ‘Patatanecanamataxeinaem’, pajam, daichitha jopa paexanaem pocotsiwa paca itorobatsi. <sup>47</sup> Incane yabara paca tsipaebinchi pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa. <sup>48</sup> Bapon barapocotsi juta coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya mꞑꞑꞑꞑ tajꞑ exanareca pecuaranobinexa bomꞑꞑꞑ naeton. Poxonae mene matacaewaxuba, barapo bomꞑꞑꞑ jopa joparenaeyo poxoru naeton tajꞑ umenareca xuano poxoru bomꞑꞑꞑ uncuca pematatsucaewatha ichaxota ira daunwei. <sup>49</sup> Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa tajꞑ umenarecaeyo. Poxonae mene matacaewaxuba, barapo bomꞑꞑꞑ joparena poxoru naeton jopa tajꞑ umenarecaeyo, xuano poxoru bomꞑꞑꞑ uncuca ichaxota ira matafatsana. Barapo bomꞑꞑꞑ nainya joparena. ¡Maisa bomꞑꞑꞑ bichocono abe!” jei Jesús.

## 7

*Meje yabara poxonae Jesús axaibi exana pon soldadomonae romanomonae pia pentacaponaein tatsi tanacuitatsi*  
(Mt 8.5-13)

<sup>1</sup> Poxonae Jesús baxuan najume weta xua barapomonae jume tane, bapoxonae Capernaum tomara beya pona. <sup>2</sup> Baxotiya popona romanomonae soldadomonae pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon

pon petanacuiteibin bichocono atene, xua awatha pet<sub>u</sub>pae.  
<sup>3</sup>Poxonae romanomonae soldadomonae pia pentacaponaein tatsi Jesús yabara jume tainchi, bapoxonae itoroba pitiri jiwí judiomonae jiwánapiwi Jesús beya xua petaxaibi exanaenexa tsainchi pia petanacuichin tatsi. <sup>4</sup>Barapomonae Jesús imoxoyo caquita poinchi. Barapomonae Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende. <sup>5</sup>Poxoru bapon wanacuamonae w<sub>u</sub>nae yabara cananta xeineibatsi. Mata<sub>u</sub>tano bapon itoroba xua acaba pata penacaetutsi bo pia paratixitha, jei barapo pitiri jiwí.

<sup>6</sup>Nexata Jesús bar<sub>u</sub> poinchi barapomonae. Ichitha poxonae Jesús muxu pepatopae, romanomonae soldadomonae pia pentacaponaein tatsi pia botha tatsi, barapo soldadomonae pia pepa pentacaponaein tatsi, bapon itoroba pia jiwí xua petacajume jeichinexa tsainchi Jesth<sub>a</sub>: “Tanecanamataxeinaein, xan saya tacui pawin. Auran xua xam nepatopaewa tsane tabotha tsipei xam ainya cuim. <sup>7</sup>Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxonae bapon axaibi bara tsane pon inta nacuiteiba. <sup>8</sup>Xan bichi xeinan tanecanamataxeinaein, pon neitoroba. Barichir<sub>u</sub> xeinan soldadomonae pomonae itorobeiban. Poxonae ich<sub>u</sub>n itoroban: ‘ponde’, jan, bapon pona. Poxonae ich<sub>u</sub>n waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonae penacajume caitorobixaetsi.

<sup>9</sup>Poxonae Jesús baxua jume taeba, jume cui yabara cananth<sub>u</sub>th<sub>u</sub> nanta xeinanaya cabenaeca beta pepaebixae romanomonae soldadomonae pia pentacaponaein tatsi. Jesús necotaba pomonae puna poinchi, barai, jeye:

—Xaniyan paca tsipaebatsi Israel nacuatha ir<sub>u</sub> dapocotsin jopa caxinaeinyo pocotsin icha pon iche pon tana necui yabara jume cow<sub>u</sub>nts<sub>u</sub>n xua bara neitac<sub>u</sub>pa xua axaibi taexanaewa jiwí, jei Jesús.

<sup>10</sup>Poxonae barapomonae botha caibe nawibiya, barapomonae taeba d<sub>u</sub>c<sub>u</sub>pa xua axaibiya boca romanomonae soldadomonae pia pentacaponaein tatsi pia petanacuichin tatsi.

*Meje yabara poxonae Jesús pet<sub>u</sub>paein as<sub>u</sub> exana pexanto tatsi powa pecuenta t<sub>u</sub>paewayotsi piseuri*

<sup>11</sup>Poxonae Jesús baxua nacui weta, bapoxonae Naín tomara beya pona. Jesús cueyabatsi pijimonae, ir<sub>u</sub> pin bicheitomonaeno napona. <sup>12</sup>Poxonae Jesús muxu pepatopae tomaratha, Jesús tane xua pewowin pet<sub>u</sub>paein cajojondenatsi



xua pemathathu xubinexa tsainchiba, pon pena tsita compa. Barapo pewowin powa pecuenta tupaewayotsi piseuri barapowa pexanto tatsi. Barapowa puna poinchi pin bicheito. <sup>13</sup> Bapon Jesús pon Pecanamataxeinaeinxae jiwí, barapowa yabara cui nanta xeinatsi. Jesús barai bapowa, jeye:

—Jopa wecoyande, jei Jesús.

<sup>14</sup> Nexata Jesús imoxoyo caquita pona petupaein, yacaja jayabano. Pomonae yacaja capona yacaja caumenarucupa. Jesús barai petupaein, jeye:

—Pewowin catsipaebatsi, nontaponde, jei Jesús.

<sup>15</sup> Nexata pewowin pon tupa, nantacotecataba, yawa tamropata pitaba xua pecueicueijeíwa. Jesús coxiwatha cana cobenata pexanto. <sup>16</sup> Poxonae pin bicheito taerucupa baxua, barapo pin bicheito bichocono junuwa. Barapoxonae barapo pin bicheito Nacom wuna jaintatsi, barapomonae namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonae pomonae pia pejume cowantsiwichi, jei barapomonae.

<sup>17</sup> Daxita jiwí jume tane xua Jesús exana Judea nacuatha, iru po nacuan imoxoyo caquita ena Judea nacuatha.

*Meje yabara poxonae Juan itoroba pijimonae Jesús beya peyainyabinexa tsainchi Jesús*

*(Mt 11.2-19)*

<sup>18</sup> Juan pijimonae tsipaebatsi daxita baxua xua Jesús exana. Juan waba ainya pebinbe pijimonae jiwana tatsi. <sup>19</sup> Baponbe Juan itoroba Jesús beya xua najume caruta baponbetta matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichan jampa, xua pawuna ewatsin jampa jei. <sup>20</sup> Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiwí Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichan pawuna ewatan jampara?’ jei Juan, jei baponbe.

<sup>21</sup> Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina. Matautano yawenano xua equeicha tane pomonae jopa necotsiyo. <sup>22</sup> Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tanemebe, matautano xuaunxuae pocotsiwa pana nejume tanemebeno. Matautano patsipaebarebe xua pomonae peitata nacutsi jiwí equeicha tane, matautano xua pomonae pejayujayujeimonae beta pona

equeicha. Matautano xua pomonae peperu sawichimonae equeicha peru wanae, matautano xua pomonae pemuxu-sipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume. <sup>23</sup> Patsipaebare Juan xua xan janje: 'Juntu coyene weiweinaena pon jopa ainya unthathanyo, pon xaniwaicha neyabara cui jume cowanta', xua jan, jei Jesús.

<sup>24</sup> Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: "Ira xuepana susato tsurucuae nacuatha paponame. Poxonae bara beya paponame, zeta xua painyatsi? zPainya jume taetsi pebin pon ainya unthathuto cui xeina icha be naepanaewa ichi xua saya joibo ba jubabiya caya tsaibi? Jume apara. <sup>25</sup> Bara paichim paponame, zPainya nejume taenexa pebin, pon peitapanae paparuwa nama xatata? Jume apara. Payaputaneme pomonae peitapanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewatsiwixaetsi. <sup>26</sup> Jume. Jopa baxua patsiponaem xua jopa painya jume taenexa pebin pon ainya unthathuto cui xeina, matautano xua jopa painya jume taenexa pebin pon peitapanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin. <sup>27</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

'Catsiwanae itorobinchi copiya pon tana nacajume carutsin.

Barapon juntu cui wanaetsina jiwi, xua daxita jiwi najuntu cui

wanaetsina xam nexa, xua necantenta

weyataeya wabinexa poxonae patopaeneme',

nejei Nacom Pejume Diwesitha.

<sup>28</sup> Paca tsipaebatsi, xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueije po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueije, bequein jiwi nanta xeina xua tamonae jopa ainya cui jiwi.

29 “Daxita barapomonae baxua jume taer<sub>u</sub>cupa. Ir<sub>u</sub>u jume taer<sub>u</sub>cupa pomonae paratixi pentoma noteibiwi romanomonae pia pepa peyanacua ewatsinchi nexa, pomonae bayatha Juan bautisaba. Daxita barapomonae nanta xeinar<sub>u</sub>cupa xua Nacom bara pepa pentacui xanepanaein. 30 Ichitha fariseomonae ir<sub>u</sub> pomonae jiwi pecuidubiwi Moisés pia peitorobi coyene tatsi, barapomonae jume itaweta, Nacom jume itawetatsi pocotsiwa xua Nacom beexanaena barapomonae nexa. Matautano barapomonae cui itaweta, Juan cui itawetatsi xua pia pebautisabi coyenewa.

31 “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe j<sub>u</sub>ta ichi barapomonae? 32 Barapomonae be pexui, pocotsixi panatha nabar<sub>u</sub> jinompa. Nabar<sub>u</sub> wawai tsurubenanaebiya. Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichan tat<sub>u</sub>patsi, ichitha jopa pana itanuwe jume notsim xua painya newecoyeinexar<sub>u</sub>’, jei barapoxi. 33 Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam. 34 Bapoxonae xan, ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanae jiwi pia jiton tatsi, ir<sub>u</sub> pomonae paratixi pentoma noteibiwi barapomonae pia jiton tatsi’, pana neyabara jam. 35 Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana baxua Nacom tsita pexeinya coyenetsi”, jei Jesús.

*Meje yabara poxonae Jesús siwa pona Simón fariseomonae pin pia bo beya tatsi*

36 Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane. 37 Nexata pet-siriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nana-banaeicha fariseomonae jiwana pintha. Barapowa alabastro ibo wan bosib<sub>u</sub> atsato capatopa Jesth<sub>u</sub> xua petuxuei nasiwa xua bichocono wanca. 38 Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonae barapowa pia pentanatha

baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecanamataxeinaein jiwi. Bapoxonae barapowa Jesús taxu epatabatsi petuxuei nasiwatha. <sup>39</sup> Poxonae fariseomonaе jiwana pin pon Jesús pewabixaetsi petaxaenexa tsane pia botha, poxonaе bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi apara powa pesi cui weiweinaewa, mataantano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin. <sup>40</sup> Nexata Jesús barai fariseomonaе jiwana jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

<sup>41</sup> Jesús barai, jeye:

—Pebinbe nacueyatabe nacowaetabe paratixi ichuntha. Ichun jopa cataunxuae xuya catsiyo quinientos po paratiximonaеbe po paratixi quinientos po matabibibe nexa poxonaе nacuita. Ichun jopa cataunxuae xuya catsiyo cincuenta po paratiximonaеbe pontha pon penacowaetsixaetsi. <sup>42</sup> Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaеbe, daxota pon penacowaetsixaetsi paratixi, bapon namchi, jeye: ‘Metha basaya paca cui yabara jantemainatsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ichun antobetsi xua antobe pon nacowaetatsi paratixi? jei Jesús.

<sup>43</sup> Simón jume nota, Jesús jume notatsi, jeye:

—Bн, metha moya pon bichocono cacui yabara jantemainatsi bichocono pon penacowaetsixae quinientos po paratiximonaеbe, jei Simón.

Jesús barai:

—Bara beta nejume notame, jei Jesús.

<sup>44</sup> Nexata Jesús necota barapo petsiriwa, bapoxonaе Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomonaе pamxae. Nama barapowa peitacuere mentha netaxu atasica exana yawa pia pentanatha netaxu tsewa exana. <sup>45</sup> Xam jopa netsutsubim, ichitha bapowa poxonaе caena jonarenan awiya came netaxu tsutsuba.

<sup>46</sup> Jopa nenta epatabim petuxuei tuxusi nasi mera. Ichitha barapowa petuxuei tuxusi nasi mera netaxu epataba.

<sup>47</sup> Daxota catsipaebatsi xua bapowa matowa nasi cui

matacaeta. Daxita baxuan yabara j̄ntemainan, daxota bichocono neantobe. Ichitha nama pon be conotha nasi cui matacaeta, be conotha yabara cui j̄ntemainan. Bapon be conotha neantobe, jei Jesús.

<sup>48</sup> Equeicha Jesús namchi bapowatha. Petsiriwa baraichi, jei:

—Cacui yabara j̄ntemainaya j̄nt̄u puxana exanatsiba abe jinya neexanae cuiru coyenewan, jei Jesús.

<sup>49</sup> Pomonae Jesús pebar̄u nabanaexaetsi, barapomonae nabarai, jeye:

—Bapon, ¿jintamda, jamaisa bapowa cacui yabara j̄ntemainaya j̄nt̄u puxana exanatsi abe pia peexanae cuiru coyenewan tatsi? jei barapomonae pomonae baxota naena.

<sup>50</sup> Jesús barai petsiriwa, jeye:

—Bayatha necacapanepaewa caexainchi tsipei yabara tana nejume cowantsixaem. Saya j̄ntemiya poponde, jei Jesús.

## 8

### *Meje yabara yab̄uxi powaxi Jesús yanabatsi*

<sup>1</sup> Bapoxonae pirapae Jesús daxita tomarantha pona ducua-naeta, tsica tomaraxithano po tomarantha pin tomaran-thano. Matautano paeba ducua-naeta Nacom pia pex-einya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom j̄nt̄u coyene itorobiya ewata. Jesús yanabatsi pia peitorobiwi tatsi pomonae doce poyobe. <sup>2</sup> Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pew̄n María Magdalena, tsipei pia tomara tatsi pew̄n Magdala. Barapowa María powa bayatha taitawetatsi siete poyobe cauri. <sup>3</sup> Bichir̄u petsiriwa, powa pew̄n Juana, bapowa napona. Bapowa Juana, Cuza piowa tatsi. Bapon Cuza pon Herodes pia bo tatsi tayapucaecatsi. Ir̄u ichowa pew̄n Susana, bapowa napona. Ir̄u ichowaxi ainya yab̄uxir̄u napona. Daxita barapowaxi Jesús upain exaneibatsi xua xoxi barapowaxi pexeinaexae.

*Meje yabara poxonae Jesús cuiduba jiwi pecayabara j̄ta pepaebi diwesiyo xua pon pēubin yabara*

*(Mt 13.1-9; Mr 4.1-9)*

<sup>4</sup> Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara j̄ta pepaebi diwesiyo. <sup>5</sup> Jesús barai: “Pebin pon pēubin pontaba pia ubichi pabitha. Poxonae pon pēubin ubauya, icha xu nam-totha othopeica, pexu jiwi taxunaunaba, yawa pepupunaewi xu xane. <sup>6</sup> Icha xu, xu othopeica ibowantha. Poxonae barapo

xu xuwa, barapo xu, xu yɨnna poxoru jopa taju xuwarecaeyo poxoru ibotixi nasɨɨna yawa poxoru ira tsewa. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wɨnae. Poxonae barapo xu, xu xuwa, xu nawɨnaeta. Cae xuto nacoita cien po xu matabɨɨyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara jɨta pepaebi diwesiyo yabara, jane jei*

*(Mt 13.10-17; Mr 4.10-12)*

<sup>9</sup> Nexata Jesús yainyabatsi pijimonae, barapomonae namchi, jeye: “¿Eta pocotsiwa yabara caunutame poxonae pana netsipaebame barapo pecayabara jɨta pepaebi diwesiyo?” jei barapomonae. <sup>10</sup> Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawɨn xeinaewa. Barapo moya peyawɨn xeinaewa apara xua Nacom exana xua paca cana exana xua painya nepaca itacɨpaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae meisa pomonae jopa nejume cowantsiyo jopa daichichi Nacom jopa copatsiyo xua barapomonae peyabara yaputaewa baxua. Daxota barapomonae cuiduban pecayabara jɨta pepaebi diwesintha xua Nacom peyabara yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

*Meje yabara poxonae Jesús pijimonae muxu yaputane exana po diwesi xua pecayabara jɨta pepaebi diwesiyo pon peɨbin yabara*

*(Mt 13.18-23; Mr 4.13-20)*

<sup>11</sup> Equeicha Jesús namchi: “Meje apara baxua yabara caunutan poxonae paeban pecayabara jɨta pepaebi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonae pebin jɨntɨ coyene webocatsi pebin wɨnaeya xanepanaya cana exanatsi. <sup>12</sup> Po xuton xua namto beothopiya, aichurubena. Barapo xuton yabara caunuta xua jiwi bara jɨntɨ coyene weichichi caurimonae pia pentacaponaein tatsi. Jiwi jɨntɨ coyene weajumetsurubena exanatsi Nacom Pejume Diwesi xua bayatha po

jume jume tane, xua bapoxonae jopa petajume cowantsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena. <sup>13</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano juntu coyene weiweinaya Nacom jume cowantsi. Ichitha bara caeto jume cowanta poxoru barapomonae antaetabiya jume jeba Nacom Pejume Diwesi pejuntu coyeneintha. Matauta cauri juntu coyene wemuxu paeba xua abe peexanaenexa tsane. Daxota barapomonae cayabara jumentaina Nacom. <sup>14</sup> Po xuton xua xu othopa pesoiwantha barapo xuton caunuta xua pomonae Nacom Pejume Diwesi jume tane ichitha saya barompaya pia juntu coyeneyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exanatsi. Po coyene pebiwi exana baxuan barapocotsi juta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi jopa xanepanaya jinompaeyo Nacom nexa. <sup>15</sup> Po xuton xua xu othopeica peira wunaewatha, bara nacoita. Barapo xuton yabara caunuta pomonae jume tane Nacom Pejume Diwesi xuano jume cowantano poxoru juntu coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonae juntu coyene xanepana Nacom peitabaratha tatsi”, jei Jesús.

*Meje yabara poxonae Jesús pijimonae tsipaeba pecayabara juta pepaebi diwesiyo xua pecoicha yabara*  
(Mr 4.21-25)

<sup>16</sup> Equeicha Jesús namchi: “Poxonae jiton pecoicha coicha exana bapoxonae jopa coicha matacatsiyo. Matauta jopa coicha exanaeyo cama peupana deca. Jame asiya coicha exanatsi, pecoicha taenexa pomonae jojoneibarena. <sup>17</sup> Daxita pocotsiwa xua moya peyawun xeinaewa bexa tsane jiwi yabara yaputaena. Barichi barapo diwesi xua pecayabara juta pepaebi diwesi xua paebaponan jiwi itacupaeinchi xua peyabara yaputaewa tsane.

<sup>18</sup> “Pana nejume naitaeware painya neexanaenexa pocotsiwa paca tsipaebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara Jesús pena tatsi iruru peyapin jiwi tatsino  
(Mt 12.46-50; Mr 3.31-35)*

<sup>19</sup> Nexata Jesús pena tatsi iruru peyapin jiwi tatsino pata ichaxota Jesús uncuá. Ichitha jopa Jesús imoxoyo caquita ponaetsi tsipei bichocono pin bicheito. <sup>20</sup> Ichun Jesús baraichi:

—Ena, iruru neyapin jiwino pesato beya umena. Bepara bequein cataei, jei bapon.

<sup>21</sup> Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonae xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonae Jesús xainya ducuanaya exana joibo,  
yawa maratsacano xainya mene ducuanaya exanano  
(Mt 8.23-27; Mr 4.35-41)*

<sup>22</sup> Caentacabi Jesús baru pona pijimonae jeratha. Jesús pijimonae barai:

—Anthá, poinchi icha muxunene beya, pucua beya, jei Jesús.

Bara ponarucupaba. <sup>23</sup> Poxonae cataunxuae jeratha yana enapona bapoxonae Jesús maituncuataba. Bapoxonae jeme-icha pin joibo naetaba mentha. Matauta bichocono jera mene wunca, muxu pebunarecae. <sup>24</sup> Nexata Jesús yaubaxotsi. Jesús baraichi:

—¡Jesús, Patatanecuidubim, yana bunarecatsi! jei barapomonaé.

Nexata Jesús nacosataxuba. Jesús itawetaxuba joibo maratsacano. Daxita caewanaya joibo yawa maratsacano.

<sup>25</sup> Nexata Jesús barai pijimonae:

—¿Jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

Barapomonaé bichocono junuwa yawa najantu coyene cabenaecarucupa. Barapomonaé caemonaé natsipaeba, jeye:

—¿Jintam metha baponda? ¡Jamaisa bapon itaweta joibo yawa maratsacan xua daxita xainya dubenanaya! najei barapomonaé.

*Meje yabara xua pebin yabara pon caurimonae pexeinaein  
pon Gerasa nacuapin  
(Mt 8.28-34; Mr 5.1-20)*

<sup>26</sup> Pirapaeyo jebouna Gerasa nacua itapatha, po itapa eca Galilea nacua icha itapa panawa beya. <sup>27</sup> Poxonae Jesús muxu penontounae jeratha, pebin pon copiya tomarapin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonae. Paparua jopa yawa poponaeyo, matautano botha



jopa poponaeyo, saya ibo wountha poponeiba. <sup>28</sup> Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocotha eca. ¿Eta pocotsiwa metha patopame taxantha? ¡Jume daunweya cabaraichi jopa neperaxa exanaeinde! jei.

<sup>29</sup> Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jiwi taxu cubeiba yawa pemaxano penaintotha xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri. <sup>30</sup> Jesús yainyaba:

—¿Eta po wam? jei Jesús.

Bapon jume nota exanatsi Jesustha. Bapon namchi, jeye:

—Tawun ayei, jei.

Baxua namchi tsipei bayatha cauri bicheito cunto pata bapontha. <sup>31</sup> Equeicha barapo pebin cueicueije exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiwi atene tsaibi”, jei bapon xua cueicueije exanatsi cauri. <sup>32</sup> Pin marrano duweimonae pitapatororotha jinompa xua yawa xayompano. Caurimonae Jesús jume daunweya wacatsi, jeye: “Pana nepu copabare marrano duweimonae”, jei. Jesús namchi: “Moya pataema”, jei. <sup>33</sup> Nexata caurimonae pebin wepu ponatsi, yawa marrano duweimonae pata. Barapo marrano duweimonae nacupa, pin pitapatororo othopareca. Pucuatha bunothopa. Caurimonae cabunothopatsi.

<sup>34</sup> Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinexa xua baxua exana. <sup>35</sup> Jiwi poxonae baxua tane, pata baxota ichaxota Jesús uncua. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axaibiya eca, be pocotsin jopa matsiyaibichi. Barapo jiwi junuwa nawita. <sup>36</sup> Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa. <sup>37</sup> Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poxoru barapomonae junuwa bichocono. Daxota Jesús jeratha nontabiya bara warapano. <sup>38</sup> Pebin, pon wepu poinchi caurimonae, Jesús wacatsi xua bepara puna ponaetsei Jesús.

Ichitha Jesús jopa copatsiyo xua pepuna ponaewa tsainchi bapon.

<sup>39</sup> —Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru*

*(Mt 9.18-26; Mr 5.21-43)*

<sup>40</sup> Poxonae Jesús caibe patoparena Galilea nacua berena, jiwi Jesús matenta weiweinaya wabatsi, tsipei daxita barapomonae Jesús ewatatsi. <sup>41</sup> Nexata pebin patopa pon pewan Jairo. Bapon Jairo pon canamataxeina judiomonae pia penacaetutsi bo tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antha tabothena ponare”, jei Jairo. <sup>42</sup> Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu petupa.

Poxonae Jesús iya iru pin bicheito napon. Bichocono jiwi acucu. <sup>43</sup> Barapo pin bicheitha yabuyo iru napon. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonae jiwi peyawubiwi cobe caewita daichitha jopa axaibi exanaetsi.

<sup>44</sup> Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonae caena nainya bapowa ajaneibi tsanareca. <sup>45</sup> Nexata Jesús yainyaba barapo pin bicheitha, jeye:

—¿Jintam nejayabara? jei.

Daxita barapomonae paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acucu canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

<sup>46</sup> Ichitha Jesús jume nota:

—Ichun nejayaba tsipei taayapusuwa newepu jiwana aichurucuae xua axaibi exanan, jei Jesús.

<sup>47</sup> Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototha uncua ira betaeuncuarecano Jesús petaxutha tatsi. Baxua exana bapowa poxoru Jesús

ainya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya ax-aibin, jei. <sup>48</sup> Nexata Jesús barai, barapowa baraichi, jeye:

—Yab<sub>u</sub>yo caaxaibi exanatsi tana neyabara jume cow<sub>u</sub>ntsixaem xua bara tana neitac<sub>u</sub>paewa xua tacaaxaibi exanaewatsi. Saya j<sub>u</sub>ntemiya poponde, jei Jesús.

<sup>49</sup> Poxonae cataunxuae Jesús tsipaebauya bapowatha, pebin patopar<sub>u</sub> pon Jairo pia bo tatsi weya pona. Bapon tsi-paeba pontha pon pecanamataxeinaeinxae judiomonae pia penacaetutsi botha tatsi pon Jairo. Jairo baraichi, jeichichi:

—Nexantiyo bayatha cata t<sub>u</sub>pa. Jopa came fayacotsinde pon jiw<sub>i</sub> Pecuidubin, jeichichi Jairo bapon.

<sup>50</sup> Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cow<sub>u</sub>nde. Nexantiyo cata axaibi tsane, jei Jesús.

<sup>51</sup> Poxonae botha pata, Jesús jopa juntucuru bebar<sub>u</sub> joniyaeyo ichamonae. Saya meisa Pedro ir<sub>u</sub> Santiago ir<sub>u</sub> Juan ir<sub>u</sub> powayo t<sub>u</sub>pa paxa tatsi, bapon Jairo yawa pena tatsi, Jesús bar<sub>u</sub> joniya barapomonae. <sup>52</sup> Daxita barapomonae yab<sub>u</sub>yo siwa wawaya wecoyeichi. Ichitha Jesús barai barapomonae, jeye:

—Jopa pawecoyande, yab<sub>u</sub>yo apara jopa t<sub>u</sub>paeyo, maituncua apara, jei Jesús.

<sup>53</sup> Ichitha Jesús jume caponatsi barapomonae. Tsipei barapomonae yaputane xua yatsicaewa apara t<sub>u</sub>pa barapowayo.

<sup>54</sup> Nexata Jesús jume daunweya cobe pichiya barai, jeye:

—¡Ja, owa<sub>e</sub> asiya uncuatabare! jei Jesús.

<sup>55</sup> Barapowayo equeicha pet<sub>u</sub>paewa nacosataxuba, caena nainya asiya uncuataba. Jesús itoroba barapomonae xua barapowayo peapatsinexatsi pexaewa. <sup>56</sup> Barapowayo paxa tatsi ir<sub>u</sub> pena tatsi naj<sub>u</sub>nt<sub>u</sub> coyene cabenaecaeya tanebe. Jesús barapomonae tsipaeba xua jopa cui yopichi tsainchi ichamonaetha xua po coyene bapon peexanaexae.

## 9

*Meje yabara poxonae Jesús pijimonae itoroba xua barapomonae peyabara cueicueijeinexa jiwitha po coyene xua Nacom waba jiw<sub>i</sub> xua petanaexanaenexatsi pijimonae tatsi*

*(Mt 10.5-15; Mr 6.7-13)*

<sup>1</sup> Jesús pijimonae caetuta pomonae xua doce poyobe. Yawa pijimonae cata pia peayapus<sub>u</sub>wa. Mata<sub>u</sub>tano catano peitorobi coyenewa xua barapomonae peitaweteibinexa tsane cauri xuano xua peaxaibi exanaenexa tsaibi tsane

jiwi pomonae atene. <sup>2</sup> Jesús itoroba barapomonae xua barapomonae peyabara cueicueijeinexa tsane jiwitha xua po coyene Nacom waba jiwi xua petanaexanaenexatsi pijimonae pomonae itoroba peewatsixae. Matautano itoroba xua barapomonae peaxaibi exanaenexa tsane jiwi pomonae atene. <sup>3</sup> Jesús barai pijimonae:

—Jopa pacaponaeinde ichawa xua painya necawara-paenexa. Matautano jopa iwabi pacaponaeinde, yawa jopa cote pacaponaeinde. Matautano jopa pacaponaeinde pexaewa, yawa jopa pacaponaeinde paratixi. Saya cae camisa panama xatabare, jopa icha camisan pacaponaeinde. <sup>4</sup> Botha po botha papatsiname, bara po botha painya nepu enaeinde bapoxonae barapo botha painya nepu warapaeinde. <sup>5</sup> Pomonae xua ichaxota jopa paca matenta weyataya wabiyo barapo tomara weya pawarapare. Pana taxu wenubabare tsorobon po tsorobon painya taxutha dubena. Baxua paexande xua barapomonae peyaputaenexa xua abe exana paxamtha, jei Jesús.

<sup>6</sup> Bara barapomonae ponarucupa. Matautano barapomonae pona daxita carepaya peya tomaraxitha. Matautano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jiwi pomonae atene.

*Meje yabara poxonae Herodes Juan yabara jume unthuthu deideijeichi pebexubixaetsi bayatha*  
(Mt 14.1-12; Mr 6.14-29)

<sup>7</sup> Bapoxonae Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonae catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei. <sup>8</sup> Iru ichamonae namchi: “Bapon apara Elías, pon tsita naituta jiwitha”, jei. Iru ichamonae namchi: “Apara pomonae bayatha Nacom peitorobi jume pepaebiwi, barapomonae jiwana, bapon apara, pon petupaein equeicha juina”, jei barapomonae. <sup>9</sup> Ichitha Herodes namchi:

—Bara bayatha ichamonae cobe itorobacumba xua Juan pewisi ucubiwatsi. ¿Jintam metha bapon xua yabara jume tan nawita xua pinae peitupanaewan exana? jei.

Herodes bichocono beyaitaena, Jesús beyaitaeinchi pon wuna peexanaein.

*Meje yabara poxonae Jesús apata pexaewa cinco mil pebiwi*  
(Mt 14.13-21; Mr 6.30-44; Jn 6.1-14)

<sup>10</sup> Poxonae pata pomonae Jesús itoroba, barapomonae Jesús tsipaebatsi pocotsiwa xua barapomonae exana. Jesús

tsana baru jopa barapo pijimonae tatsi xua pin bicheito weya. Ichaxota jiwi aibi, Jesús bara beya baru pona pijimonae, Betsaida tomara pecuariya beya baru pona. <sup>11</sup> Ichitha poxonae barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinyaya waba barapo pin bicheito. Matautano Jesús yabara tsipaeba barapo bicheitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae. Matautano Jesús axaibi exana atenemonae.

<sup>12</sup> Poxonae imoxoyo tabopiya Jesús barompaya pijimonae tatsi pomonae xua doce poyobe, barapoyobe Jesús imoxoyo caquita umenarucupatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomaranxitha yawa po bon pipatotha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonae.

<sup>13</sup> Ichitha Jesús barai pijimonae:

—Paxam paapare pexaewa, jei Jesús.

Jesús jume notatsi pijimonae:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonae nexa, jei.

<sup>14</sup> Barapo bicheito be cinco mil pebiwi. Nexata Jesús pijimonae barai:

—Pana nantaure xua ichamonae tsana eeniyaena be cincuenta po matabuxuyobe tsiniya, jei.

<sup>15</sup> Bara Jesús pijimonae tatsi exana pocotsiwa xua Jesús paeba. Bapoxonae barapo pin bicheito iratha ena.

<sup>16</sup> Bapoxonae Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Poxonae Jesús epa janaquiya nacobe weta, pijimonae caitoroba xua pecatsibaponaenexa tsane barapo bicheitha. <sup>17</sup> Bara daxita nabane, yawa bara daxita jain cowantarucupatsi. Bapoxonae Jesús pijimonae tatsi doce po cote matabuxuyobe wunba xua bayatha nacopaba pocotsiwa xua bayatha barapo jiwi jopa xaeyo petonsanaexae.

*Meje yabara poxonae Pedro namchi Jesththa jeye: “Xam apara Mesías pon Nacom caitorobica”, jei Pedro (Mt 16.13-19; Mr 8.27-29)*

<sup>18</sup> Caentacabitha Jesús Nacom tsipaebawiya, meisa pijimonae baru pona. Bapoxonae Jesús yainyaba pijimonae, jeye:

—¿Eta jiwi neyabara jei po coyene xua xan bapon aparan? jei Jesús.

<sup>19</sup> Barapomonae Jesús jume notatsi, jeye:

—Ichamonae cayabara, jei: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara, jei: ‘Apara bapon Elías, pon equeicha petupaein asu juina’, jei. Iruu ichamonae cayabara, jei: ‘Apara bapon jiwana pomonae Nacom peitorobi jume pepae-biwi, pon petupaein equeicha asu juina’, jei, Jesús pijimonae tatsi.

<sup>20</sup> Nexata Jesús pijimonae yainyaba, jeye:

—Incane iru paxamdu, ¿eta pana neyabara jumichimdu xua xan eta pondun? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

*Meje yabara poxonae Jesús nayabara diwesi paeba po coyene xua petupaewa tsane*

*(Mt 16.20-28; Mr 8.30-9.1)*

<sup>21</sup> Jesús pijimonae muxu barai, xua pijimonae jopa peyabara paebinexatsi ichamonaetha baxua. <sup>22</sup> Yawa barai pijimonae po coyene xua bexa ichamonae Jesús cana exanaeinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonae pia pentacaponaei tatsi, iruru pomonae jiwi pecuidubiwi Moisés pia peitorobi coyenewa tatsi, daxita barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po matabiyobe tsuxubi tsane, jei Jesús poxonae nayabara paeba.

<sup>23</sup> Bapoxonae Jesús barai daxita pijimonae, jeye:

—Icha pebin ichichipa xua tajiwiwimonae jiwana pin penaex-anaewa tsane bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae daxita matabi pocotsiwa itoroban bequein bara bapon bexotsi ichamonae, tajiwiwimonae jitonxae. <sup>24</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyarusuwa, po peajuntuyarusuwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntuyarusuwa, po peajuntuyarusuwa ataya tsiteca xua Nacom pia nacua beicha. <sup>25</sup> Icha pebin bichocono copei xeina pocotsiwa xeina po cae pin

nacuathe, ichitha jopa xeinaeyo peajuntꞫcoyenesꞫwa, po peajuntꞫcoyenesꞫwa ataya tsiteca, bapoxonae bapon jopa itacꞫpaetsi xua penajuntꞫ coyene capanepaewa xua jopa peweraweracaewa. <sup>26</sup> Icha ichꞫn neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonae patopaetsicaein be jiwi pia pecanamataxeinaein tatsi yaitꞫpanae susato patopaetsicaein. Taxa pia peitꞫpanaewa tatsi yawa patopeicaein. MataꞫtano Taxa pia matatsunpiwi tatsi nebarꞫ patsicaena, jei Jesús. <sup>27</sup> Bara xaniwaicha paca tsipaebatsi xua pomonae xote umene abꞫ barapomonae jopa werapae tsane. Barapomonae jiwana copiya matha necotsina xua po coyene Nacom waba jiwi xua petanaexanaenexatsi piamonae pomonae itorobiya peewatsixae, bapoxonae barapomonae werapaena, jei Jesús.

*Meje yabara poxonae Jesús pijimonae peitꞫtha pexeinya itꞫpanae coicha tsanaya naexana*  
(Mt 17.1-8; Mr 9.2-8)

<sup>28</sup> Poxonae ocho po matababibe jopa xua poxonae Jesús barapo diwesi paeba, bapoxonae Jesús pona demxuwa be-icha petsipaebinxexa Nacom. Pedro irꞫ Juan irꞫ Santiago barapo matabꞫxꞫyobe barꞫ poinchibe. <sup>29</sup> Poxonae Jesús cataunxuae Nacom tsipaebauya, bapoxonae icha itabara tsanaya. MataꞫta penama xatatsiwano inyapana tsanaya yawa bichocono daedaena tsanaya. <sup>30</sup> Nexata pebinbe yaitꞫpanae be damacu patopabe. Baponbe, irꞫ Jesús, bapoyobe nabarꞫ cueicueijeibe. Ponbe xua Jesús jemeicha tsita patopatsibe, bapon Moisés irꞫ ichꞫn pewꞫn Elías, ponbe xua caena bayatha naxubabe. <sup>31</sup> Baponbe yabara barꞫ cueicueijeibe xua Jesús petꞫpaewa tsane xua peraxa jꞫbinchi ichamonae Jerusalén tomaratha. <sup>32</sup> Bequein PedrobarꞫ bichocono itamaipana daichitha nacosatumena. PedrobarꞫ tane xua Jesús yamatawacaicha pexeinya itꞫpanae be damacu tsuncuaetsi. MataꞫtano PedrobarꞫ tane ponbe Jesús barꞫ uncuu, Moisés irꞫ Elías. <sup>33</sup> Moisés irꞫ Elías, poxonae baponbe Jesús weya naetababe, bapoxonae Pedro Jesús baraichichi, jeye:

—Jiwi Necuidubin, maisa wꞫnae xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba. <sup>34</sup> Poxonae Pedro cataunxuae barꞫ cueicueijeije Jesús, bapoxonae daxita pexainya bematawacaicha taruneicatsi tsaquinaebowa. Poxonae barapomonae tsaquinaebowa tututha nataerꞫcꞫpa bichocono junuwa. <sup>35</sup> Nexata

barapomonaē tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

<sup>36</sup> Poxonaē Nacom najume weta, Pedrobarꝰ necobarꝰcupa xua Jesús beya compa uncua. Pedrobarꝰ saya moya. Jopa pejumeyo ichamonaetha xua tane.

*Meje yabara poxonaē Jesús cauri taitaweta xua pewowin xeina*

*(Mt 17.14-21; Mr 9.14-29)*

<sup>37</sup> Baya poxonaē Jesús barapo acoibi poyobe pijimonaēbe dabe barꝰ dunareca Jesús pin bicheito matenta poinchi.

<sup>38</sup> Nexata barapo bicheitho jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin. <sup>39</sup> Taxanto inta waetabatsi cauri, inta papai exanatsi, yawa inta iratha bebaichi. Matauta inta coibo thamthamei exanatsi poxoru matayaibatsi exanatsi. Inta taxanto cui tatainchi jopa bepu sorobabeibichi barapo cauri. <sup>40</sup> Bayatha bequein jinyamonaē jume daunweya cui itoroban: ‘Painta taxanto taitawere cauri’, jan. Ichitha jopa itacupaetsi xua taxanto inta petaitawetsiwatsi cauri, jei pewowin paxa tatsi.

<sup>41</sup> Jesús barai pin bicheitho, jeye:

—¡Paxam barapomonaē pam pomonaē jopa xapain cataunxuae pana nejume cowantsim! ¡Paxam barapomonaē pam, peajantꝰcoyenebe jiwi pam! ¿Eta po weibe nantawenonan xua bewa tapaca barꝰ ecaewa tsainchi xua beya poxonaē tapana nejume cowantsiwam tsane? ¿Matautano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—¡Nexanto inta carenande! jei Jesús.

<sup>42</sup> Poxonaē pewowin cataunxuae Jesús itiya poinchi, bapoxonaē equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxiyan caewa catatsi pexantoxae. <sup>43</sup> Daxita barapo pin bicheito yabara najantꝰ coyene cabenaeca pocotsiwa pewowin pexeinya coyene taexanatsi Nacom.

*Meje yabara poxonaē equeicha Jesús nayabara paeba xua poxonaē tꝰpaena*

*(Mt 17.22-23; Mr 9.30-32)*



Poxonae awiya cataunxuae yabara najuntũ coyene cabenaecompa barapo pin bicheito pocotsiwa Jesús exana, bapoxonae Jesús pijimonae barai:

44 —Incane beta pajume taema, yawa jopa pana nejume cayabara jũntemainaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

45 Ichitha Jesús pijimonae jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane pe-exanaenexa xuaunxuae paeba.

*Meje yabara poxonae Jesús yabara yainyabatsi pijimonae po coyene xua pon peainya cui peexanaeinchi*  
(Mt 18.1-5; Mr 9.33-37)

46 Nexata Jesús pijimonae tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichun?” jei. 47 Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuaranoreca. 48 Nexata Jesús barai pijimonae:

—Pon matenta weyataeya waba peyawenaenexa pontha pon tana nejume cowũntsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara irũ matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*  
(Mr 9.38-40)

49 Nexata Juan Jesús baraichi, jeye:

—Ja Tanecuidubim, paxan caein patan pon cawũn taiba poxonae itaweta caurimonae, xua caurimonae itawetatsi. Paxan baxua pacui itawetan tsipei jopa naca puna poponae-eyo, jei Juan.

50 Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

*Meje yabara poxonae Jesús jume itaweta, Santiago irũ Juan jume itawetatsibe*

51 Poxonae imoxoyo matabi jopaena, po matabitha Jesús athabe icha tsane, xua Nacom exanaena, bapoxonae

Jesús bichocono awiya nantusaba xua peponaewa tsane Jerusalén tomara beya. <sup>52</sup> Jesús nawanae jume caitoroba pia jitonbe tatsi. Barapo Jesús pia jitonbe tatsi ponabe Samaria nacua beya. Ponabe xua bo tutu pewucaenexa tsanebe po tomara barapo Samaria nacuatha eca xua Jesús peecaenexa. <sup>53</sup> Ichitha barapo tomarapiwi xua Samaria nacuatha jinompa, barapomonae aichaxaibi xua Jesús weinaya pententa wabiwatsi baxota poxoru barapomonae yaputane xua Jesús pona Jerusalén tomara beya. <sup>54</sup> Ichitha Santiago iru Juan poxonae baxua tanebe, ponbe bequein tawucabe bo tutu Jesús nexa, baponbe Jesús baraichi, jeye:

—Patatanecanamataxeinaem, xam ichichipame xua paxan isoto pawucaein po isoto xua itaboco wetsica xua petautsinexatsi barapomonae? jei baponbe.

<sup>55</sup> Nexata Jesús pijimonae napatomeicha necota yawa jume itaweta. <sup>56</sup> Nexata equeicha Jesús pijimonae baru pona icha tsiqui tomariyo beya.

*Meje yabara poxonae Jesús yabara paeba pomonae ichichipa xua pepuna ponaewatsi*  
(Mt 8.19-22)

<sup>57</sup> Poxonae namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin. <sup>58</sup> Jesús jume nota, jeye:

—Namomonae ba pia muthun xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafinacaecan, jei Jesús.

<sup>59</sup> Jesús barai ichantha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha muthatha xubichi copiya xua bapoxonae tacapuna pon-aenexatsi, jei.

<sup>60</sup> Jesús jume nota, jeye:

—Bara copare xua petupaewi muthucaeinchi, pomonae xua be pewerapaewi jopa betanejume cowantsiwixae, barapomonae muthucaena. Ichitha xam ponare jinya neyabara tsipaebinexa jiwitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae, jei Jesús.

<sup>61</sup> Nexata ichun Jesús baraichi, jeye:

—Tanecanamataxeinaem, ichichipan xua tacapuna ponae-watsi. Ichitha copiya bara necopare xua tana napeyabiwa tsane tamonae, tabopiwi, jei bapon.

<sup>62</sup> Jesús jume nota:

—Pebinba jopa itacapaetsi xua beta penacuichiwa pabi icha saya napatomeicha necobiya nacuita. Barapocotsi juta coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

## 10

*Meje yabara poxonae Jesús pijimonae itoroba setenta y dos poyobe pebiwi*

<sup>1</sup> Barapoxonae Jesús pon jiwi Pecanamataxeinaeinxae tatsi, bapon itapeta equeicha icha pijimonae tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena. <sup>2</sup> Jesús barai barapomonae poxonae muxu peitorobi, jeye: “Bara xaniyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonae jota pinmonae aibi. Bara juta ichi barapo cae pin nacuathe. Jiwi pinmonae jinompa pomonae nantawenona pejume taenexa Nacom pia pexeinya jume diwesi tatsi. Daichitha pomonae Nacom Pejume Diwesi cueicueiji tsurubenanaebiya ichamonaetha barapomonae pinmonae aibi saya tsiquimonaeyo. Daxota Nacom pawucare xua pecaitorobinexa tsane ichamona xua petacamuxu tsipaebinxexa tsainchi pia pejume diwesi pomonae barapo cae pin nacuathe pejinompaewi nexa. <sup>3</sup> Paponde ichaxota paca itorobatsi. Paca itorobatsi pia xainya beya pomonae jopa jume cowantsiyo, pomonae itacupatsi xua abe painya nepaca exanaewa icha oveja ichi xua poxonae pona ichaxota neuthu jinompa xua itacupatsi xua abe peexanaewatsi. <sup>4</sup> Jopa pacaponaeinde cote. Yawa paratixi jopa pacaponaeinde. Yawa jopa pacaponaeinde painya nenataxu xatabiwan. Matauta jopa ichamona namtotha pawatumeyaeinde xua saya painya netsipaebinxexa. <sup>5</sup> Poxonae bomuxutha pajoniyaename, barapo bopiwi pajacobare, pajande: ‘Barabu Nacom jantema jinompa paca cana exanaena’, pajande. <sup>6</sup> Icha baxota jinompa pomonae jantema jinompa, baxua Nacom taexanaena xua papaebame. Ichitha icha baxota

jinompa pomonae jopa jantema jinompaeyo, baxua Nacom jopa taexanae tsane xua papaebame. Equeicha caewa pacata parenaena xua baxua papaebame. <sup>7</sup> Barapo botha paenare. Paxaema paapareno pocotsiwa barapomonaе paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare. <sup>8</sup> Poxonae tomaratha papanenebiyam, icha barapomonaе paca matenta weyataeya waba, moya paxaema pocotsiwa barapomonaе paca apata. <sup>9</sup> Axaibi paexande peatene jiwi, pomonaе xua barapo tomaratha ena. Barapomonaе pabarande: ‘Anoxuae Nacom waba jiwi xua petanaexanaenexatsi piamonaе tatsi pomonaе itorobiya peewatsixae’, pajande. <sup>10-11</sup> Ichitha poxonae icha tomaratha papatsiname icha barapo tomarapiwi jopa paca matenta weyataeya wabiyo, pajande barapomonaetha: ‘¡Po tsorobon panataxu wenunubaban painya tomaratha, apara xua abe paexaname pata xainya berena poxonae pana nejume itawetame! Payaputaema, anoxuae Nacom waba jiwi petanaexanaenexatsi piamonaе tatsi pomonaе itorobiya peewatsixae ichitha pana nejume itawetame pomonaе Nacom pata tana neitorobiwi panxaein’, pajande. <sup>12</sup> Xaniyeya paca tsipaebatsi matabi patopaena. Barapo matabitha Nacom yabara paebina jiwi xua penatsicuentiwa xua petsita exanaexaetsi. Barapo matabitha jopa juniya bichocono atene tsane pomonaе paca jume itaweta. Ichitha nama pomonaе barapo tomaratha jinompa pomonaе paca jume itaweta jopa juniya atene tsane, beyacaincha poxonae Sodoma tomarapiwi atene”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi*  
(Mt 11.20-24)

<sup>13</sup> Jesús equeicha pijimonaetha namchi, pomonaе setenta y dos poyobe xua ichamonae yabara paebatsi, jeye: “¡Pai jaibo Corazín tomarapiwi tsobenae! ¡Iru Betsaida tomarapiwi tsobenae! Po tsita itutsi coyenewan exanan Corazín tomaratha yawa Betsaida tomaratha ichan jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinae coyenewatha yabara nanta pentsipa Nacomtha. Barapomonaе iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonaе baxua exanaetsipa xua ichamonae pet-

sita itapeinya xeinaenexa tsainchi xua icha jũntũ coyenein Nacom petsita xeinaewatsi peauraxae xua abe peexanaexae. <sup>14</sup> Poxonae barapo matacabi patopeicaena po matacabitha Nacom yabara paebina daxita jiwi xua petsita natsicuentisix-aetsi xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, irũũ Betsaida tomarapiwi pamdũ, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi irũ Sidón tomarapiwi. <sup>15</sup> ¡Incane irũ Capernaum tomarapiwi pamdũ! ¿Bara pananta xeiname xua paca capanenebiya tsane peitaboco beicha? Jume, apara paca itorobina petũpae coyene cuiru bereca.

<sup>16</sup> “Pon xua paca jume naitaewata, barapara nejume naitaewatarũ. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

*Meje yabara poxonae equeicha caibe parenaena Jesús pijimonaе tatsi pomonae setenta y dos poyobe pebiwi*

<sup>17</sup> Barapo setenta y dos poyobe jũntũ coyene weiweinaya caibe nawibarena, jeye:

—Patatanecanamataxeinaem, caurimonae pana nejume cowũnta xua paitawetan poxonae paca wũn wũn taibatsi, jei Jesús pijimonaе tatsi.

<sup>18</sup> Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamũxũ ichi poxonae uncueica. <sup>19</sup> Paxam paca catatsi taayapusũwa painya netaxunaunabaponaewa tsane jomon yawa pũtonno, xua jopa painya nepaca capepeichinexa. Po peayapusũwa paca catatsi bichocono daunwei, beyacaincha painya nepaca caaitafaetabi jiton, pon cauri pia pentacaponaein pia peayapusũwa tatsi xua xota jiwi abe exanatsi. Jiwi dapomonae aibi pomonae abe paca cana exana. <sup>20</sup> Jopa pajũntũ coyene weiweinaeinde xua caurimonae pia paca jume jejeixae xua dũcũpa poxonae paitawetame, saya jame pajũntũ coyene weiweinare xua Nacom painya nepaca wũn dubixae pia di-borotha itabocotha.

*Meje yabara poxonae Jesús jũntũ coyene weiweina exanatsi Nacom pia Pejumope tũnaxũ tatsi*

(Mt 11.25-27; 13.16-17)

<sup>21</sup> Bara caena baroxonae Jesús jũntũ coyene weiweina exanatsi Nacom pia Pejumope tũnaxũ tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wũnae cajaintatsi tsipei jopa tsita itũbim

pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame nama tsita itatame barapo pexainyei coyenewa xan yabara pomonaetha pomonae jopa bichocono penacuidubiwi pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita. Axa baxua exaname necatsita xanepanaexae baxua”, jei Jesús Paxatha.

<sup>22</sup> Equeicha Jesús pijimonae barai pomonae xua setenta y dos poyobe, jeye: “Taxa daxita necata xua pia peitorobi coyenewa tatsi matautano xua pia peyaputae coyenewan tatsi. Dapon aibi pon xaniwaicha nejüntu cui coyene yaputane. Jame saya meisa Taxa Nacom, nejüntu cui coyene yaputane. Dapon ajibi pon Taxa jüntu cui coyene yaputainchi ichun, saya meisa Taxaxae jüntu cui coyene yaputan. Matauta barichi Taxa meisa jüntu coyene yaputainchi pon saya bara copatan xua bara Taxa pejüntu cui coyene yaputaewa tsainchi pomonae ichichipan”, jei Jesús.

<sup>23</sup> Nexata Jesús pijimonae napatomeicha necota pomonae xua doce poyobe. Meisa barapomonaebetha barai, jeye: “Jüntu coyene weiweina pomonae xua tane, pocotsiwan xua pataneme. <sup>24</sup> Poxoru paca tsipaebatsi, xua Nacom pia peitorobi jume pepaebi jiwimonae iru nacuan peewatsiwimonae, pomonae bayatha napenta barapomonaebetha bequein betaena pocotsiwa pataneme ichitha jopa taeyo. Matauta barapomonaebetha bequein bejume taena pocotsiwa pajume taneme ichitha jopa jume taeyo”, jei Jesús.

*Meje yabara poxonae Jesús yabara paeba Samaria nacuapin, pon winae exana*

<sup>25</sup> Nexata iruru pon jiwi pecuidubin Moisés pia peitorobi coyene tatsi, barapon Jesús piraichi jüntu coyene jujatsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajüntuyapusaya taroponaewa tsane xua ataya tsane? jei.

<sup>26</sup> Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

<sup>27</sup> Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejüntu coyene wetsina, matautano xua daxita jinya nepoponae coyenewatha, matautano xua nanta

xeiname, daxita xua nenanta xeinaewatha nentasiopatha, matautano daxita xua nedaunwei coyenewatham, matautano antobeinde necatsicuarabꞰ ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

28 Nexata Jesús jume nota, jeye:

—Bara beta nejume notame. Icha baraxua exanaename peajꞰntꞰyapusꞰwa xeinaename po peajꞰntꞰyapusꞰwa xua ataya tsiteca, jei Jesús.

29 Ichitha pon jiwi pecuidubin Moisés pia peitorobi coyene tatsi, barapon awiya nanta xeina nawita, pia jiwi nanta xeinaetsi xua bapon xeina pexeinya peyainyabiwa. Bapon Jesús yainyabatsi, jeye:

—¿Jintam baru pomonae tanetsicuarabꞰ enaewi? jei.

30 Nexata Jesús jume nota, jeye:

—IruꞰ pebin Jericó tomara bereca pona, Jerusalén tomara namtotha weya pona. Poxonae awiya namtotha ecapona jemeicha waetabatsi pomonae jiwi pecaibiwi. Barapon daxita wecobe notatsi xua pocotsiwa xeina, yawa butsi. Barapomonae aichurubena, tsica cuiyotha copatabatsi. 31 Baropoxonae irꞰ sacerdotemonaepin barapo namto ecapona. Poxonae barapon yasusꞰinya taebotatsi sacerdotemonaepin tajꞰ matawacaicha toquetaba. 32 IrꞰ levimonaepin baxoyo ecapona, bapon irꞰ tajꞰ matawacaicha toquetaba poxonae yasusꞰinya taebota. 33 Ichitha Samaria nacuapin baxoyo irꞰ ecapona poxonae yasusꞰinya taebota, yabara najꞰntꞰ coyene xeinanareca peyawenaenexa. 34 Nexata Samaria nacuapin imoxoyo caquita uncuataba pon yasusꞰinya boca. Bapon wan yawꞰbecapona penasiwatha vino merathano. Baropoxonae paparuwatha wan yarabecapona. Baropoxonae burrotha cuaretsica piyꞰntha. BomꞰꞰ beya capona ichaxota jiwi maiteibathopa. Baxota xanepanaeya bota. 35 Baropoxonae baya poxonae juntucuru Samaria nacuapin ponaenaba, pita ainya paratixi. Baropoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

36 Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wꞰnae exana xua peantobexaetsi pon waetabatsi pomonae jiwi pecaibiwi, yawa xua butsino?” jei Jesús.

37 Pon jiwi pecuidubin Moisés pia peitorobi coyene tatsi, bapon Jesús jume notatsi, jeye:

—Pon xua yabara najuntũ coyene xeinanareca xua peyawe-naenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

*Meje yabara poxonae Jesús, Marta yawa María siwa poinchibe*

<sup>38</sup> Jesús pijimonaecataunxuae barũ ecapona namtotha Jericó tomara beya barũ pona. Pijimonaecataunxuae barũ patopa tsica tomariyotha ichaxota petsiriwa popona powa pewũn Marta. Barapowa Jesús matenta weyataeya wabatsi pia botha. <sup>39</sup> Marta peyapiyo nantaũta powa pewũn María. Barapowa María Jesús caquita ecatsi xua Jesús pejume taenexatsi pocotsiwa paeba. <sup>40</sup> Ichitha Marta enatsi pia penacuichiwa xua Jesús tsiexanatsi pexaewa xuano xua pijimonaecataunxuae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bũ neyawena, jei Marta.

<sup>41</sup> Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa. <sup>42</sup> Saya cae coyene ainya cui xua xam nantawenoname pocotsiwa xua María exana xua barompaya itapeta xua wũnae exana poxonaecataunxuae nejume tayeca. Jiton dapocotsin aibi xua pon María jũntũ coyene weaichurubenaecataunxuae exainchi xua nejume tayeca, jei Jesús.

## 11

*Meje yabara poxonae Jesús pijimonaecataunxuae yabara cuiduba xua Nacomtha petsipaebiwa*

(Mt 6.9-15; 7.7-11)

<sup>1</sup> Caentacabi Jesús tsipaebauya Nacom ichawatha. Jesús najume weta, bapoxonaecataunxuae pijimonaecataunxuae tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimonaecataunxuae cuiduba, jei bapon.

<sup>2</sup> Jesús barai barapomonaecataunxuae, jeye:

—Poxonaecataunxuae Nacom patsipaebame, pajande:

‘Pata Taxam xam ponxaem peitabocotha athabeicha neecaen.

Barabũ daxita jiwĩ cabarũ cui itura jina nejũntũ coyene wũnaewa nexeinaexae.

Barabũ jopæna matakabi po matakabi xua



poxonae xam jiwi itorobiya canamataxeinaename barapo cae pin nacuathe.

<sup>3</sup> Daxita matakabin pexaewa pana catsibeibare po pexaewa daxita matakabi pata canantawenonaewa.

<sup>4</sup> Pana neyabara cui cana jüntemainare xua abe pata catsita exanaewatsi.

Bapoxonae pana neyabara cui cana exanare xua jopa equeicha pata catsita natsicuentisiwatsi tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamonae jopa pana netsita natsicuentisiyo xua abe pata tanetsita exanaewa.

Jopa pana copatsinde xua abe pata exanaewa

tsane poxonae jiwi pana nejünta coyene

jüjuta xua abe pata exanaewa tsane',

pajande poxonae Nacomtha patsipaebame, jei Jesús.

<sup>5-6</sup> Equeicha Jesús barai, jeye:

—Metha beya tsipae xua caein paxam jiwana bapon nantauta pon peyaputaeinchi. Bapon pia peyaputaeinchi beya pona papaetha. Pia peyaputaeinchi barai: 'Tamo, cacowaetatsi acoibi po panbe, yaitama icha taneyaputaein patopa pon anoxuae warapa tabo berena. Jopa xeinaeinyo xua taapatsiwa bapon', jei pebin. <sup>7</sup> Metha pon bomuxu tututha boca bapon jume notsipa, jei tsipae: 'Jopa nejume fayacotsinde bomuxu boupa daunwei, tapexui baru maituncuan camatha. Jopa benontaponaeyo xua pan tacacatsiwa tsane', jei tsipae pon bomuxu tututha boca. <sup>8</sup> Paca tsipaebatsi bequein bapon bomuxutha jopa benontaponaeyo, bequein bara pia peyaputaeinchi, daichitha cata poxoru jume fayacotsi pia peyaputaeinchi. Matautano cata daxita xua pia peyaputaeinchi nantawenona. <sup>9</sup> Daxota paca tsipaebatsi. Matowa pawucare Nacom, bapoxonae paca catsibina pocotsiwa xua pawucame. Baraxua matowa paexande icha paichim poxonae matowa pajeiteibame beya poxonae pataebame, yawa icha paichim poxonae matowa pawawam bomuxutha beya poxonae ichun paca jume nota. <sup>10</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai bara tacoibo sarana xorenatsi yawa jume notatsino.

<sup>11-12</sup> "Paxam pomonae pexui paxeiname paca yainya-batsi. Poxonae painya pexui paca wuca duwei, ¿painya pexui pacatsipame jomo? Jume. Ichacuitha tsipae poxonae painya pexui paca wuca petobu, ¿painya pexui pacatsipame puto? Jume, jopa baxua paraichim tsane. <sup>13</sup> Bara bequein

peajantꝯcoyenebe jiwi pam, ichitha paxam payaputaneme xua pewꝯnaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumope tꝯnaxꝯ tatsi poxonae pawꝯcame. Nacom paca cata beyacaincha poxonae painya pexui pacatsibeibame poxonae paca wꝯqueiba”, jei Jesús.

*Meje yabara poxonae Jesús baraichi xua pinae xeina Beelzebú pia peayapusꝯ itorobi coyenewa tatsi (Mt 12.22-30; Mr 3.20-27)*

<sup>14</sup> Irꝯꝯ Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najꝯntꝯ coyene cabenaeca poxonae baxua tane. <sup>15</sup> Ichitha ichamonae namchi: “Bapon caurimonae itawetatsi apara pexeinaexae Beelzebú pia peayapusꝯ itorobi coyenewa tatsi pon caurimonae pia pentacaponaein tatsi”, jei barapomonae.

<sup>16</sup> Ichamonae Jesús wꝯcatsi: “Pana netsita itꝯre peitꝯpanaewa xua peitaboco wetsica jopeicaena”, jei. Barapomonae baxua paeba poxoru ichichipa xua Jesús tsita itꝯtsina, pia yaputaetsi icha barapon pon yatsicaewa Nacom itoroba. <sup>17</sup> Ichitha Jesús yaputane xua barapomonae nanta xeina. Jesús barai:

“Icha cae nacuapiwi nawepu tsatabe xua mataꝯta nababe, bapoxonae jopa xaexaenaecaeyo. Mataꝯta irꝯꝯ icha cae bo matabꝯxꝯyomonaebe nababe yawa nawepu tsatajopabe, bapoxonae jopa xaexaenaecaeyo. <sup>18</sup> Barichi icha Satanás pijimonae tatsi nawepu tsatajopabe mataꝯtano xua nababe bapoxonae jopa xaexaenaecaeyo. Satanás jopa itacꝯpaetsi xua itoroba pijimonae tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peayapusꝯ itorobi coyenewa tatsi pexeinaexae pon cauri pia pentacaponaein tatsi’, pana neyabara jam. <sup>19</sup> Icha Beelzebú pia peayapusꝯ itorobi coyeneya tatsi cauri itawetan pon cauri pia pentacaponaein tatsi, ¿nexata eta po peayapusꝯ itorobi coyeneya tatsi painyamonaе cauri itaweta? ¿Irꝯꝯ barapomonae cauri itawetatsi Beelzebú pia peayapusꝯ itorobi coyeneya tatsi? Daxota painyamonaе paca yaputane xua apara paxam panaerabame. <sup>20</sup> Ichitha nama xan cauri itawetan Nacom pia Pejumope tꝯnaxꝯ tatsi pia peayapusꝯ itorobi coyenewatha tatsi xua barapo pia pejumope tꝯnaxꝯ tatsi tanecatsixae. Baxua apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

21 “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi. 22 Ichitha icha ichu patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomxu pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

23 “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowantsiwa tsane. Barapomonae jopa neyawenaeyo xua ichamonae nenacaetutsina tajiwimonaexae tsane”, jei Jesús.

*Meje yabara poxonae Jesús yabara paeba cauri xua caewa nauyata pebintha*  
(Mt 12.43-45)

24 Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. 25 Poxonae caibeya pona cauri caxina, pebin caxinatsi xua xanepanaya popona. 26 Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe, beyacaincha bapon pon copiya. Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

*Meje yabara poxonae Jesús yabara paeba po coyene pepa pejuntu coyene weiweinaewa*

27 Poxonae Jesús cataunxuae cueicueijei tsuncuae barapo diwesi, baxota pin bicheitha petsiriwa jume daunwei wawai Jesustha, jeye:

—¡Maisa ena juntu coyene weiweina powayo xua bayatha caexana yawa xua mito caapatano! jei petsiriwa.

28 Ichitha Jesús barai petsiriwa, jeye:

—¡Bequein barichi, jame yatsicaewa juntu coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

*Meje yabara poxonae pomonae peajuntu coyenebe jiwi Jesús cui itorobatsi xua peexanaewa tsane pexeinya petsita itutsi coyenewa*  
(Mt 12.38-42; Mr 8.12)

29 Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajuntucoyenebe jiwi. Barapomonae necui itoroba xua bepa pinae tsita exanaein tatsita itutsi coyenewa xua pexeinya coyenewa. Ichitha jopa exanaein tsane icha tatsita itutsi coyenewa xua pexeinya coyenewa, saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. 30 Caena bayatha Nínive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonae anoxuae jinompa barapomonae neyaputane po coyene xua xan Nacom neitorobica peitaboco wetsica. 31 Matacabi patopeicaena po matacabitha Nacom yabara paebina jiwi xua penatsicuentsiwa daxita peperaxa exanaenexa xua abe peexanaexae. Barapo mataqueitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca tajú bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueijeji tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajuntucoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina poxoru bapowa bayatha tajú werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinea Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara. 32 Barichi barapo matacabitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha juntú coyene xeina Nacomtha peauraxae xua abe exana caena bayatha poxonae Jonás muxu-

wetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha jũntũ coyene paxeinaem. Nama apara xote uncuanjẽ ponx-aein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxechiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha”, jei Jesús.

*Meje yabara poxonae Jesús yabara cuiduba jiwi po coyene xanepanaya peexanaewa pejũntũ coyene wetsina (Mt 5.15; 6.22-23)*

<sup>33</sup> Jesús namchi jiwitha jeye: “Jiton dapon aibi pon pecoicha cueicha exana xua quirei pebũxũ pana wetsina, yawa xua cueicha matacateta cajatha. Jume, jame, asiya cueicha exanatsi xua pecoicha taenexa pomonae jojoneibarena. <sup>34</sup> Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wũnae bara beta pataneme. Ichitha icha painya itacuereton abe jopa beta pataetsipaem. Barichirũ painya jũntũ coyenewan xua painya nenanta xeinaewan. Icha painya jũntũ coyenewan xanepanaetsipa bara beta Nacom payabara najũntũ coyene xeinaetsipame. Ichitha icha painya jũntũ coyenewan jopa xanepanaetsipae jopa beta Nacom payabara najũntũ coyene xeinaetsipaem. <sup>35</sup> Painya jũntũ coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapeichipame. Barichi pam, painya xoba pajinompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame. <sup>36</sup> Icha painya jũntũ coyene wũnae, xuanõ xua jopa paxeinaem peabe coyenewa painya jũntũ coyenewa, bara xaniwaicha Nacom payabara yaputaneme icha poxonae pecoicha paca cana ichi xua beta pataneme”, jei Jesús.

*Meje yabara poxonae Jesús muxuweta jiwi fariseomonaẽ irũ pomonaẽ jiwi pecuidubiwi Moisés pia peitorobi coyene tatsi barapomonaẽ pecuiyainwa tatsi*

*(Mt 23.1-36; Mr 12.38-40; Lc 20.45-47)*

<sup>37</sup> Poxonaẽ Jesús najume weta, fariseomonaẽ jiwana-pin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha. <sup>38</sup> Fariseomonaẽ najũntũ coyene cabenaecaeya necotecataba xua Jesús jopa matha tsiwanaya penacobe quiatsiyoxaẽ poxonaẽ xane icha

judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha natsicuentisipa. <sup>39</sup> Nexata Jesús pon Pecanamatax-einaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperu iquicame. Dai-chitha bupana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam, pocotsimonae coroton saya matawacaicha iquica yawa paratonno, ichitha atutuxuira bichocono. <sup>40</sup> Jopa peyaputae jiwi pam. Nacom exana wapepon yawa exana wajuntu coyewewa. ¡Baxua payaputanemeba! <sup>41</sup> Xua xoxi paxeineibame matha abu copiya pajiwana tsabeibare pomonae peacopeibiwi nexa. Bapoxonae xua xoxi nacopabeiba baxua panata copabeibare. Icha bara paichim tsane, bara xaniwaicha rajuntu coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitutha xua be panatsicotaneme pocotsi pebin pejuntu coyene wunaein.

<sup>42</sup> Equeicha Jesús namchi, jeye: “¡Paxam fariseomonaepiwi pam tsobenae, xua peperaxa peru jubuwa bexa paxeinaename! Daxita xua painya neubiwa Nacom pacatsibeibame caewaxi poxonae diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Matauta ichamonae jopa xapain pata exanaem. Bewa paexanaem xua Nacom pacatsibeibame caewaxi poxonae diez xoyobe paxeiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

<sup>43</sup> Bapoxonae Jesús fariseomonaepintha, jeye: “¡Paxam fariseomonaepiwi pam tsobenae! Bexa paxeinaename xua peperaxa peru jubuwa. Paxam paichichipeibame xua painya nenanta caeneibiwa pexeinya peenaewantha judiomonae pia penacaetutsi botha po peenaewan ichaxota enathopeiba pomonae ainya cui penaexanaewi. Matautano paichichipeibame xua jiwi paca wuna jainteiba poxonae paca jacobana namtotha, xua jiwi painya nepaca baru itura jinaenexa”, jei Jesús.

<sup>44</sup> Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobenae! ¡Iru fariseomonaepintha pam tsobenae! Poxonae jiton ba pona namtotha jopa tsaqueinaeyo xua jiton piwa baxoyo bocareca mutha deca, xua peayeiwa poxoru jopa wunaeyo. Paxam bara paichim. Jiwi imoxoyo paca caquita pona jopa

tsaqueinaeyo xua pocotsiwa painya jantũ coyenetha pananta xeiname xua abe xua jopa pecui wanaewiyo”, jei Jesús.

<sup>45</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwana caein bapon Jesús baraichi, jeye:

—Jiwi Necuidubin, poxonae baxua paebame, apara irũ pana neyabara jam poxonae catsawiya paebame, jei.

<sup>46</sup> Nexata Jesús jume nota, jeye:

—¡Irũ paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamonae paitorobame xua capona pocotsiwa arewe pocotsiwa jiwi bapana jopa itacũpaetsi xua pecaponaewa, ichitha paxam jopa pata yoichaem, mataũta bara cae cobesityoŧha jopa pata yoichaem. Jiton ba itoroba ichũnthũ xua pecaponaenexa pocotsiwa jopa juniya arewiyo, xua pocotsiwa jopa itacũpaetsi xua pecaponaewa pon itoroba. Bara paichim paxam ichamonae pacuidubame xua jopa itacũpaetsi xua peexanaenexa baxuan xua pocotsiwa irũ xua jopa paca itacũpaeyo xua painya neexanaewa baxuan.

<sup>47</sup> “¡Paxam patsobenaem! Paxam petũpaewi pomonae Nacom peitorobi jume pepaebiwi payamũthũ acabame boutixi bequein painya amo susato jiwi juteba barapomonae.

<sup>48</sup> Poxonae baxua paexaname, ichamonae patsita itapeinya xeiname xua paxam bara irũ paichichipamerũ pocotsiwa xua painya amo susato jiwi juteba xua barapomonae pomonae Nacom peitorobi jume pepaebiwi jutebatsi. Daxota barapo petũpaewi payamũthũ acabame boutixi.

<sup>49</sup> “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi irũ pomonae taitorobiwi. Ichamonae pomonae taitorobi jume pepaebiwi jutebinchi. Ichamonae pomonae taitorobi jume pepaebiwi abe exanaeinchi. Ichamonae, pomonae taitorobiwi jutebinchi. Ichamonae, pomonae taitorobiwi abe exanaeinchi’, jei Nacom peyaputae jumetha”, jei Jesús.

<sup>50</sup> Equeicha Jesús namchi, jeye: “Pomonae anoxuae jinompa Nacom cana exanaena xua barapomonae peraxa jubebinchi petsitaxaetsi xua barapomonae penatsicuentisiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonae Nacom aena forota barapo cae pin nacue. <sup>51</sup> Painya amo susato jiwi jujutebapona xua pomonae pejantũ coyene xeicae jiwi jutebatsi. Copiya matha Abel bexotsi beya poxonae irũrũ Zacarías bexotsirũ. Barapon Zacarías pabexubame Nacom pin pia botha ichaxota xua barapo bo tututha naitama tauncuabe xua be pexaethopaewa xua ichaxota duwei

tauteiba Nacom nexa iru ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompage paca peraxa jubebina tsipei Nacom patsitame xua paxeiname penatsicuentsiwa xua painya amo susato jiwi pejutebixae barapomonae”, jei Jesús.

<sup>52</sup> Equeicha Jesús namchi, jeye: “iPaxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyo. Paxam jopa pajume cowantsim Nacom matauta jopa pacopatsim xua ichamonae iru pejume cowantsiwa Nacom”, jei Jesús.

<sup>53</sup> Poxonae Jesús baxua paeba poxonae cataunxuae jopa natsixatabiyo, fariseomonae iru pomonae jiwi pecuidubiwi Moisés pia peitorobi coyene, daxita barapomonae Jesús bichocono casebatsi. Barapomonae Jesús muxu fayacotatsi xua yainyabatsi nawita, peamuxuconae exanaenexa tsainchi.

<sup>54</sup> Barapomonae Jesús piraichi matowa yainyabatsi peyaputaenexa icha Jesús ajumebeya jume bara botsina.

## 12

*Meje yabara poxonae Jesús yabara cueicueijeji jiwitha xua fariseomonae itara beta paeba ichitha jopa xapain exanaeyo*

<sup>1</sup> Poxonae cataunxuae Jesús cueicueijeji tsuncuae, bapoxonae ayei jiwi nacaetutapona Jesustha. Jiwi nataxu taxunaunaba. Jesús tamropata pitaba xua cueicueijeji jiwitha. Copiya matha Jesús pijimonae tsipaeba, jeye: “Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Barapomonae itara beta paeba ichitha jopa xapain exanaeyo.

<sup>2</sup> Daxita diwesi xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua.

<sup>3</sup> Paxam xua po diwesi merawi nameicha pana natsipae-bame, barapo diwesi ichamonae mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonae panatha paca jume canawabiya wawai tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina*

(Mt 10.26-31)

<sup>4</sup> Equeicha Jesús pijimonae barai, jeye: “Tamonae paxam paca tsipaebatsi jopa pacuitaya cunuwinde pomonae xua



itacꞥpatsi xua paca necajutebiwa xua meisa painya pepontha. Ichitha barapomonaē jopa itacꞥpaetsi xua equeicha paca jumopein tꞥnaxꞥ jutebina. <sup>5</sup> Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacꞥpatsi xua painya nepaca bebaiwa pin isototha po pin isototha jopa bapana itacounayiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

<sup>6</sup> “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara jꞥntemainaeyo siri, mataꞥtano caeyono jopa yabara jꞥntemainaeyo. <sup>7</sup> Iꞥꞥ daxita painya nentanan Nacom daxita matapaeicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesús pijimonaetha.

*Meje yabara poxonaē Jesucristo yabara paeba xua pomonaē peyabara paebiwichi ichamonaē peitabaratha tatsi (Mt 10.32-33; 12.32; 10.19-20)*

<sup>8</sup> Equeicha Jesús namchi pijimonaetha, jeye: “Yabara paca tsipaebatsi pomonaē xua nayopita ichamonaetha, pomonaē xua najei: ‘Apara paxan Jesús pijimonaē tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonaē apara tana nejume cowꞥntsiwi, jan tsane xuya barapo Nacom pia matatsunpiwi tatsi peitabaratha tatsi. <sup>9</sup> Ichitha pomonaē xua neyabara jei ichamonaetha: ‘Jopa dapon payaitaeinyo’, jei, xan ponxaein Nacom Tananeitapetsin xuya barapomonaē yabara jan tsane Nacom pia matatsunpiwi peitabaratha tatsi: ‘Apara barapomonaē jopa yaitaeinyo’, jan tsane.

<sup>10</sup> “Xan ponxaein Nacom Tananeitapetsin pon abe neyabara paeba Nacom itacꞥpatsi xua bapon peyabara jꞥntemainaewatsi pocotsiwa bapon abe neyabara paeba. Ichitha pon nama Nacom pia Pejumope tꞥnaxꞥ tatsi bichocono abe yabara paebatsi Nacom jopa bapana yabara jꞥntemainaē bapon.

<sup>11</sup> “Paca caponaena judiomonaē pia penacaetutsi bontha ichaxota nacaetuteiba pentacaponaei. Paca caponaena pomonaetha pomonaē peyabara paebi jiwi xua penatsicuentsiwa xua abe peexanaexae yawa tomara pia pentacaponaei peitabaratha tatsi paca caponaena. Poxonaē baxua paca exanaena, jopa payabara najꞥntꞥ coyene exabinde pocotsiwa xua painya nejume notsiwa xuano xua painya netsipaebiwa tsane barapomonaetha. <sup>12</sup> Poxonaē

juntucuru pacaunutsiya paebiname, bapoxonae Nacom pia Pejumope t̃nax̃ tatsi paca tsijume dubina pocotsiwa painya netsipaebiwa tsane”, jei Jesús.

*Meje yabara poxonae Jesús pijimonae yabara tsipaeba pon copei pexeinaein*

<sup>13</sup> Caein pin bicheitho, bapon Jesús baraichi, jeye:

—Jiwi Necuidubim, taeweicho inta itorobare b̃ necata xua tawa xua taxa pecopiniwa xua xuan taxa bayatha pana nej̃ntana jeba, jei.

<sup>14</sup> Jesús jume epa pita, jei:

—Maisacai, apara dapon aibi pon necana exana xua xan tapaca yabara paewatsi xua painya nenatsicuentisiwa xua abe painya neexanaexae. Matãtano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca j̃ntana jebeiba painya axa, jei Jesús.

<sup>15</sup> Yawa Jesús namchi, jeye:

—Dota xua asiwiya paantobem xua xoxi paxeiname. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

<sup>16</sup> Nexata Jesús tsipaeba jiwitha pecayabara j̃ta pepaebi diwesiyo, xua jeye: “Ĩr̃ matha pebin popona pon copei pexeinaein. Pia pabi tatsi pexaewa tanawetatsi nawita.

<sup>17</sup> Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei. <sup>18</sup> Pia coutha najume nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan.

<sup>19</sup> Nexata naj̃nt̃ coyene baran tsane: Bara daxita xeiname ainya wei dapaein nexa. Nafifinacaecare, xaibare, apeibareno, j̃nt̃ coyene weiweineibare’, najei xua naj̃nt̃ coyene barai pon copei pexeinaein.

<sup>20</sup> Ichitha pon copei pexeinaein Nacom barai bapon, jeye: ‘Pebin pon jopa xapain nenanta xeinaem, methaunxae anoxuae merawi t̃paename. Daxita baxuan xua yabo notame, ¿j̃ntam metha piawa tsane?’ jei Nacom.

<sup>21</sup> Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pej̃nt̃ coyene tatsi tsocuae xua Nacom jopa pej̃nt̃ cow̃ntsixaetsi”,

jei Jesús.

*Meje yabara poxonae Jesús yabara cuiduba po coyene xua Nacom eena pijimonae*

(Mt 6.25-34)

22 Bapoxonae Jesús pijimonae tsipaeba, jeye: “Paca tsi-paebatsi, jopa bichocono payabara najuntũ coyene exabinde pexaewa xua painya neuna jinompaewa tsane. Barichi jopa bichocono payabara najuntũ coyene exabinde parabũrũ xua painya pepon nexa. 23 Pocotsi asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha parabũrũ xua pepon nexa. 24 Uni payabara yaputaema. Baromonae jopa ɰbiyo pabitha. Mataũtano jopa jotsiyo pocotsiwa penawetsiwa. Jopa xeinaeyo bomũxũn xua pe-jebinecha pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi. 25 Dapon aibi pon paxam jiwana pon itacũpatsi xua xeinaena icha matabi xua po matabitha pepoponaewa tsane poxonae tũpaena. Bequein bapon nayabara nantũ exaba nawita baxua, ichitha jopa itacũpaetsi xua xeinaena caentacabi equeicha. 26 Icha jopa paca itacũpaeyo xua paexaname xua be conotha xua caentacabi nexa, ¿eta xua metha equeicha yabara panantũ exabame ichawan xua daunwei bichocono?

27 “Jame pacayabara nanta xeinare pentonon xua xuwa, xua matono itũpana. Pentonon jopa nacuichiyo yawa jopa natsiexanaeyo parabũrũ penamaxatabinecha. Ichitha paca tsipaebatsi xua pentonon matono itũpana bichocono beyacaincha pocotsi paparuwa Salomón nama xatata xua pex-einya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tũpa. 28 Pentonon, po matonon wexotha anoxuae xuwa, Nacom cana exana xua matono itũpana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wũnae bara bequein saya pentonon. Barichi Nacom itacũpatsi xua beta paca neca-eenaewa xua beta painya nejinompaenexa. Mataũtano Nacom paca catsina paparuwan. ¡Maisa pebiwi pam tsobenae be conotha pajume cowũntame Nacom! 29 Jopa payabara najuntũ coyene exabinde pexaewa xuano xua painya neapaewan yabara. Jopa panthũthũ deideijeya jinom-paeinde xua ichawa pacayabara nanta xeiname. 30 Tsipei barapo cae pin nacuathe jiwi, saya i baxua pecayabara najuntũ coyene exabi pocotsiwa nantawenona. Ichitha nama paxam painya Axa Nacom panantaũtame pon yaputane daxita pocotsiwa xua xoxi panantawenoname. 31 Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimonae pomonae itorobiya pecana-

mataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha*  
(Mt 6.19-21)

<sup>32</sup> Equeicha Jesús namchi, jeye: “Tamonaе pomonaе be ovejamonaе pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimonaе tatsi jiwana pam pomonaе pejume cowantsiwichi pomonaе itorobiya pecanamataxeinaexae. <sup>33</sup> Pacaenaere xua paxeiname. Barapo paratixi pomonaе acopeibiwi pacatsibare. Poxonaе baxua paexaname, bapoxonaе xuya Nacom athabeicha paca catsibina pocotsiwa xua painya nepaca juntana jebiwa pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Matautano ofo jopa xaeyo pocotsiwa xua pajebame bara xoteicha. <sup>34</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

*Meje yabara poxonae Jesús yabara paeba xua pinae bewa nacui wnaetichi*

<sup>35-36</sup> Equeicha Jesús namchi, jeye: “Pana najuntu coyene cui wnaere xua tapatopaewa tsane. Barapocotsi juta coyeneya paichinde, icha pomonaе petanacuichiwi ichi xua nacui wnaeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacaeta xua pexaenexa pexaewa poxonaе pebin piowa pita. Bapon nawirena bara werena, pomonaе pia petanacuichiwichixaetsi nainya tayausanaxorenatsi pecoiboto poxonaе bapon patopa pia botha. Barapocotsi juta coyeneya paichinde. Paxam panacui wnaetsiya jinompare xua tapatopeicaewa tsane. <sup>37</sup> Poxonaе bo pexeinaein patopa icha bapon tane xua pomonaе pia petanacuichiwichixaetsi jopa maichiyo bapoxonaе barapomonaе juntu coyene weiweina. Bara xaniwaicha paca tsipaebatsi bapon pon bo pexeinaeinxae pia petanacuichiwichi cuareba pexaethopae-watha, bapoxonaе апatsina pexaewa. <sup>38</sup> Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei wnaeyo, ichitha barapomonaе pomonaе petanacuichiwi juntu coyene weiweinaetsipa poxonaе bo pexeinaein tane xua jopa maichiyo barapomonaе. <sup>39</sup> Barichi payaputaema, icha bo pexeinaein yaputaetsipa xua poxonaе patopaena pon jiwi pecaibin jopa

maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>40</sup> Bara paichinde. Tawanaetha pana nacui wunaere tsipei xan ponxaein Nacom Tananeitapetsin patopeicaein poxonaе jopa tsaca payabara jinompaem tsane poxonaе jopa payabara nanta xeinaem tsane xua tapatopaewa tsane”, jei Jesús

*Meje yabara poxonaе Jesús yabara diwesi paeba ponbe xua bo peyapucaeaeinbe pon xua beta peexanaein, iru xua pon jopa beta peexanaein*

*(Mt 24.45-51)*

<sup>41</sup> Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara juta pepaebi diwesiyo, ¿saya meisa paxan nexa? ¿Iru ichamonaе nexano? jei Pedro.

<sup>42</sup> Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha pepatopaewa tsane yabara, jeye: “Yabara catsipaebatsi pon matacapopona pomonaе bo pexeinaein tanacuitatsi. Barapon xanepanaya yaputaeya matacapopona. Poxonaе bo pexeinaein wepu warapa barapomonaе, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matacabi pomonaе xua inta nacuita’, jei bo pexeinaein. <sup>43</sup> Pon bo petayapucaeaein bara juntu coyene weiweinaena poxonaе patopaena pon bo pexeinaein, petaexaetsi xua bara beta tayapucaeaca bo, xuano bara beta peexanaexae xua bo pexeinaein itoroba. <sup>44</sup> Xaniwaicha paca tsipaebatsi. Bo pexeinaein itorobina, xua pon petayapucaeaein bo, bapon cana exanaeinchi xua equeicha daxita piawa beta petayapunaewatsi xua xuan xeina pon bo pexeinaein. <sup>45-46</sup> Ichitha ichacuitha pon yapucaeca bo bapon peantucuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonaе bapon cueinta pomonaе pon bo pexeinaein tanacuitatsi, pebiwi yawa petsiriwaxi. Matautano bapon nanabanaetsipa nawita ichamonaе yawa cupatsi nanaexanaetsipano. Bapoxonaе bo pexeinaein jemeicha patopaena poxonaе pon bo petayapucaeaein jopa wunaе tsaqueinaeyo. Poxonaе barapo hora tsuxubi jopa yaputaeyo yawa poxonaе barapo matacabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaeaein icha cana ichichi pomonaе jopa pejume cowantsiwi.

<sup>47</sup> “Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa

exanaeyo pocotsiwa itorobatsi, xua bo pexeinaein itoroba. Barapon bichocono peraxa jubinchi xua jopa peexanaexae pocotsiwa itorobatsi. <sup>48</sup> Ichitha ichan pon bo yapucaeca jopa cono yaputaeyo pocotsiwa bo pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be conotha, tsipei abe exana be conotha. Pon ba be conotha Nacom yabara yaputaecinchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixae*  
(Mt 10.34-36)

<sup>49</sup> Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopae-waxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto! <sup>50</sup> Xan barichin tsane daxita matapaeicha aperaxatanein tsane poxonae tɔpaein. Awiya bichocono anthathɔrewein xua beya baxua inta exanaena. <sup>51</sup> ¿Pananta xeiname xua xan apara patopan xua jiwi jantema pejinompaewa tsane? Apara aibi, jopa baxua tsipatopaeinyo. Apara jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane. <sup>52</sup> Anoxuae, yawa bexa tsane cinco poyobe cae matabɔxɔyo xua bomɔxɔtha jinompa barapomonae nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabɔxɔyobe naita aenae-aenei tsanebe. Baxua exanaena xua ichamonae tana nejume cowantsi jiwixae xua irɔ ichamonae jopa tana nejume cowantsixae. <sup>53</sup> Coxiyen pexanto ita aenae-aenei tsane. Coxiyen xuya pexanto ita aenae-aenei tsainchi. Coxiwa pexantiyo ita aenae-aenei tsane. Coxiwa xuya pexantiyo ita aenae-aenei tsainchi. Irɔrɔ pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

*Meje yabara poxonae Jesús diwesi paeba xua jiwi itaboco tane peitaboco yaputaenexa*  
(Mt 16.1-4; Mr 8.11-13)

<sup>54</sup> Yawa Jesús barai jiwitha, jeye: “Poxonae tsaquinaebowa pataneme xua pocotsiwe wejopeine: ‘Ema dawa jopeina’, pajam. Jopa jume bara duneica. <sup>55</sup> Poxonae joibo jopa: ‘Wei imoxoyo’, pajam. Jopa jume bara coicha jopa. <sup>56</sup> Itara mexeya pexeinya j̄nt̄u coyene paxename ichitha peaj̄nt̄u coyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matacabi. Ichitha jopa payabara yaputaem xua bequein peit̄upanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

*Meje yabara poxonae Jesús paeba xua ich̄un j̄nt̄u cui xanepanaya j̄nt̄ema popona cana exana xua pon peaitafaetabixaetsi*

*(Mt 5.25-26)*

<sup>57</sup> Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha w̄nae painya neexanaewa? <sup>58</sup> Icha ich̄un bepaca itoroba paca necaponaenexa pontha pon jiwi peyabara paebin xua penatsicuentsiwa xua abe peexanaexae nexata bapon patsipaebare poxonae cataunxuae namtotha paca bar̄u ecapona xua painya nenaita coxone exanaenexa. Xain bapoxonae bapon jopa paca caponae tsane pontha pon jiwi peyabara paebin xua penatsicuentsiwa xua abe peexanaexae. Tsipei icha bapon bara beya paca caponaetsipa, bapoxonae pon jiwi peyabara paebin xua penatsicuentsiwa xua abe peexanaexae equeicha dabeya policiamonae beya paca itorobichipa. Bapoxonae nama policiamonae jiwi pec̄ubi bo beya paca itorobichipa. <sup>59</sup> Bara xaniyeya paca tsipaebatsi. Paxam jopa paca pu copabi tsane jiwi pec̄ubi bo weya, beya ab̄u poxonae panatsipu matomacaename daxita paratixi cuntha po paratixi xua paxename”, jei Jesús.

## 13

*Meje yabara poxonae Jesús yabara paeba xua ainya cui xua icha j̄nt̄u coyene pexeinaewa Nacomtha*

<sup>1</sup> Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa xua petuxusi exanaenexa Nacom nexa. Ichitha poxonae cataunxuae baxua exanompa Galilea nacuapiwi pon Galilea nacuapiwi peyanacua ewatsinchi, pon pew̄un Pilato poxonae bapon baxua jume taeba, xua Galilea nacuapiwi exanompa Nacom pin pia botha, bapoxonae bapon pia soldadomonae itoroba Nacom pin pia bo

beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwi jana cae jana naex-ananaya, jei barapomonae.

<sup>2</sup> Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peex-anaewixae beyacaincha pomonae abe peexanaewi pomonae jinompa Galilea nacuatha? <sup>3</sup> Apara aibi. Icha jopa Nacom patsita xeinaem icha juntu coyene, bara paichipaem, paca weraweraca exanaetsipa. <sup>4</sup> Ichacuitha metha pacui cananta xeiname pomonae dieciocho poyobe, pomonae bayatha bomuxuitha mata perababatsi xua po botha bichocono taicha po bo pewun Siloé. ¿Barapomonae mata tsapababatsi bichocono abe peexanaexae beyacaincha pomonae jinompa Jerusalén tomaratha? <sup>5</sup> Apara aibi. Icha Nacom jopa patsita xeinaem icha juntu coyene, paxam bara paichipaem paca weraweraca exanaetsipa”, jei Jesús.

*Meje yabara poxonae Jesús yabara paeba higuera nae xua po diwesi pecayabara jnta pepaebi diwesiyo*

<sup>6</sup> Nexata Jesús tsipaeba pecayabara jnta pepaebi diwesiyo. Bapon namchi, jeye: “Matha iruru pebin higuera nae xeina po nae ubanota pia pabitha. Barapo pebin pia pabitha pona pia taetsi icha yacuei dubena. Ichitha poxonae tane jopa yacuei dubenaeyo. <sup>7</sup> Nexata pon pabi pexeinaein tsipaeba pontha pon pabi petayapu eenaeinchi, namchi, jeye: ‘Taema acoibi po weibe pabitha poneiban tha bequein taibichi pethei ichitha jopa yacuei dubeneibiyo. Uncataxore. Jopa ichichipaeinyo xua came barapo nae saya uncua ichaxota ubanotinchi icha nae, po nae penacoichi nae’, jei pon pabi pexeinaein poxonae tsipaeba pon pabi petayapu eenaeinchi. <sup>8</sup> Ichitha pon pabi petayapu eenaein jume nota: ‘Tanentacaponae, abu barapo nae uncuaena barapo weithe. Tha yaira tabaca nacuenacuena exanaetsi paraparatotha, bapoxonae duwei petasin jebarecaetsi petabaca deca. <sup>9</sup> Metha bapoxonae matono dubenaetsipa icha weitha. Icha jopa matono dubenae tsane icha weitha nexata moya beuncataxotsi’, jei pon pabi petayapu eenaein”, jei Jesús.

*Meje yabara poxonae Jesús axaibi exana yabuyo pentaquei seicae matabitha powayo naepasi xurutsiya pona*

<sup>10</sup> Caentacabitha judiomonae barompaya pia pentaquei seicae matabitha tatsi Jesús cuidubauya Nacom Pejume Diwesi judiomonae pia penacaetutsi botha tatsi. <sup>11</sup> Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua



juntucuru epasi boipana ajibi. <sup>12</sup> Poxonae barapowa Jesús tane, Jesús waba barai, jeye:

—Yab<sub>u</sub>yo anoxuae jopa neraichiwa, bayatha w<sub>u</sub>naem, jei Jesús.

<sup>13</sup> Nexata barapowa Jesús pecobetha jayaba. Bapoxonae yab<sub>u</sub>yo epasi naroitaba yawa barapowa w<sub>u</sub>nae jainta, Nacom w<sub>u</sub>nae jaintatsi. <sup>14</sup> Ichitha pon pecanamataxeinaein judiomonae pia penacaetutsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara ir<sub>u</sub> seis po matabibibe xua be cae semanatha tso-  
poneibi xua barapo matabintha benacuitatsi. Jame barapo seis matabintha moya papare xua axaibi painya nepaca exanaewa tsane. Nama jopa papatsinde pentaquei seicae matabitha, jei bapon pon pecanamataxeinaein judiomonae pia penacaetutsi bo tatsi.

<sup>15</sup> Bapoxonae Jesús jume nota, jeye:

—Itara mexeya pexeinya j<sub>u</sub>nt<sub>u</sub> coyene painya nexeiaewi ichitha peaj<sub>u</sub>nt<sub>u</sub>coyenebe jiwi pam. Ichitha paxam ir<sub>u</sub> panacuitame pentaquei seicae matabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matabitha. <sup>16</sup> Barapowa powayo Abraham pia pemomoxi susatopiwi jiwanawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota ir<sub>u</sub> barapowa xan axaibi exanan pentaquei seicae matabitha, jei Jesús.

<sup>17</sup> Poxonae Jesús baxua caunuta, bapoxonae pomonae Jesús pia peitafaetabiwichi aura tsumenae. Ichitha daxita jiwi j<sub>u</sub>nt<sub>u</sub> coyene weiweina petaexae xua Jesús pexeinya pew<sub>u</sub>naewa exana.

*Meje yabara poxonae Jesús cuiduba pecayabara j<sub>u</sub>ta pepaebi diwesiyo po pe<sub>u</sub>bi xutiyo pew<sub>u</sub>n mostaza xutiyo (Mt 13.31-32; Mr 4.30-32)*

<sup>18</sup> Equeicha Jesús namchi, jeye: “Poxonae Nacom waba jiwi petanaexanaenexatsi pijimonae tatsi, pomonae itorobiya peewatsixae, ¿eta po coyene nacoyene j<sub>u</sub>pabe? ¿Eta xua paca cuidubinchi xua baxua yabara? <sup>19</sup> Baraxua apara icha be mostaza xutiyo ichi po mostaza xuto pebin <sub>u</sub>ba pia pabitha. Xuwa beya pin nae tsoponae. Pepinnaexae daxota siri exana coton pemax<sub>u</sub>ranantha. Icha mostaza xutiyo ichi xua beya pin nae tsoponae, bara j<sub>u</sub>ta ichi Nacom pejume cow<sub>u</sub>ntsiwi. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba pecayabara j̄uta pepaebi diwesiyo xua levadura yabara xua pan cotowa exana (Mt 13.33)*

<sup>20</sup> Barichi Jesús namchi, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonaenae naenaexanapona. ¿Eta po coyene nacoyene j̄upabe? <sup>21</sup> Barapo coyene bara j̄uta ichi icha levadura mataw̄un ichi, pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauwentaba levadura mataw̄un pocotsiwa xua cotowa exana pan. Barapoxonae pent̄ub̄u naexananaya, cocotowapona tsipei levadura mataw̄un muxunaxuba”, jei Jesús.

*Meje yabara poxonae Jesús yabara cuiduba po boupayo tsica boupayo dena (Mt 7.13-14, 21-23)*

<sup>22</sup> Poxonae Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano. <sup>23</sup> Pomonae Jesús cuiduba barapomonae caein jiwana Jesús yainyabatsi, jeichichi:

—Patatanecanamataxeinaem, ¿saya tsiquimonaeyo pomonae capanenebiyatsi? jeichichi Jesús.

Nexata Jesús namchi jiwitha, jeye:

<sup>24</sup> —Bequein bichocono ayapube xua naexana Nacom pijimonae pomonae Nacom itorobiya ewata, ichitha bichocono paj̄j̄are xua panaexaname Nacom pijimonae tatsi. Baraxua be poxonae pin bicheitomonaenae ichichipa xua pejojondenaewa tsica boupayo dena. Bichocono ayapube. Bequein barapomonae ichichipaena xua pejojondenaewa tsane ichitha jopa itac̄p̄ae tsainchi. <sup>25</sup> Barapoxonae matabi jopaena po matabitha poxonae pon bo pexeinaein pecoiboto daunwei exanaena. Paxam pomonae aisowatha paumename pecoiboto padacadacatsiname, pajam tsane: ‘Patatanecanamataxeinaem, painta coibo saranaxorena bom̄x̄u’, pajam tsane. Ichitha bapon paca jume notsina. Jei tsane: ‘B̄u canta jopa paca yaitaetsi xua jopa paca yaputaetsi xua ichaxota werena painya neponaewi’, jei tsane. <sup>26</sup> Paxam pajam tsane: ‘Bara cain bayatha paca bar̄u xainchiba yawa paca bar̄u apatsiba, yawa bayatha jiwi cuidubameba namtotha pata tomaratha’, pajam tsane. <sup>27</sup> Ichitha Nacom pon painya Nepacacanamataxeinaein paca jume notsina: ‘Aunxuae bayatha paca baraichiba: B̄u canta jopa paca yaitaetsi. Jopa paca yaputaetsi xua ichaxota werena painya neponaewi’, jan. ‘Taxainya weya panatsixibar̄uc̄pare. Apra paxam peaj̄nt̄uc̄oyenebe

jiwi pam, xua abe painya neexanaewi', paca jei tsane.  
<sup>28</sup> Barapoxonae pataename xua Abraham, iru Isaac, iru Jacob, iru daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasinaename poxoru paca bebai tsane Nacom pia peitorobi nacua weya.  
<sup>29</sup> Poxoru pinmonae patsina, Nacom pia peitorobi nacuathe penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Ichamonae pomonae ena pocotsiwa bereca, barapomonaepiwi patsinano. Ichamonae pomonae pocotsiwa beweyabeicha ena, barapomonaepiwi patsinano.  
<sup>30</sup> Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe barapomona Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomona bexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomarapiwi siwa wecoyeichi*

*(Mt 23.37-39)*

<sup>31</sup> Barapoxonae fariseo jiwanamonae pata. Jesús tsipae-batsi. Jeichichi:

—Bewa warapaetsipame barapo tomara weya. Dota bepa Herodes cabexubei, jei.

<sup>32</sup> Ichitha Jesús jume nota, jeye:

—Paponare painya netsipaebinexa pon jiwi pemuxujainyabin, bapon Herodes. Pana nejume yopire pajande: 'Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin', jei pajande. <sup>33</sup> Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonae popobaya patopiyaein Jerusalén tomaratha. Jopa tana neitacupaexae xua tatupaewa tajru Jerusalén tomara pepuya beya ponxaein Nacom peitorobi jume tapaebin. Bewa tapaecin Jerusalén tomaratha, jei Jesús fariseomonaetha.

<sup>34</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: "¡Maisa Jerusalén tomarapiwi pam, pajutebeibame pomonae Nacom pia peitorobi jume pepaebiwi! ¡Matautano paxam pajutebeibame ibotontha pomonae Nacom pacata itoroba! ¡Maisa bepaca

caetucaetuteibinchi, tapaca cayawenaewa tsainchi, icha wacara ichi poxonae nacoxi caetucaetuteta pecuarafetha! ¡Maisa bebarichocuaein tsane daichitha jopa paichichipaem!  
 35 Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya ab<sub>u</sub> poxonae pana neyabara jam tsane: ‘¡Maisa bapon jiwi j<sub>u</sub>nt<sub>u</sub> coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 14

*Meje yabara poxonae Jesús axaibi exana pon per<sub>u</sub> putsuna*

1 Caentacabi pentaquei seicae matakabitha Jesús pona fariseomonaetha pia pentacaponawewi tatsi jiwanapin pia botha tatsi penanabanaenexa. Baxota fariseomonaetha ichamonaetha Jesús amanayabiya tainchi pecui yaputaenexa tsainchi xua exana. 2 Ir<sub>u</sub> baxota pebin patopa ichaxota Jesús naeca. Barapo pebin pon per<sub>u</sub> putsuna. 3 Nexata Jesús yainyaba pomonaetha jiwi pecuidubiwi Moisés pia peitorobi coyene, yainyabano fariseomonaetha, jeye:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae matakabitha jampa? ¿Ichacuitha metha jopa yabara copatsiyo jampa? jei Jesús.

4 Ichitha barapomonaetha moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa. 5 Jesús tsipaeba, barapo fariseomonaetha, jeye:

—Paxam panantawenoname xua panacuitame pentaquei seicae mataqueitha xua poxonaetha pajutsiname painya nexanto xua poxonaetha butecatsi ir<sub>u</sub>ba bueyno bara bequein pentaquei seicae matakabi, jei Jesús.

6 Barapomonaetha jopa itac<sub>u</sub>paetsi xua Jesús pejume notsiwatsi.

*Meje yabara poxonaetha Jesús yabara paeba pomonaetha pexaewa petsiwabiwichi penabanaenexa poxonaetha pebin piowa pita*

7 Nexata Jesús tsipaeba barapomonaetha pecayabara j<sub>u</sub>ta pepaebi diwesiyo pomonaetha pomonaetha xua pata penabanaenexa. Baxua tsipaeba poxonaetha tane xua barapomonaetha nanta caeniya, copiya penabanaenexa. Jesús namchi barapomonaetha, jeye:

<sup>8</sup>—Poxonae ichun cawaba jinya nenabanaenexa tsane, jopa nantacaecaeinde ichaxota enothopeiba pomonae peainya cui jiwi. Poxoru metha iru patopaetsipa pon bichocono jiwi tsita ainya cuichi pon beyacaincha xam. <sup>9</sup> Pon xua cawaba, iru xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua paca mata canabane. Nexata icha muxunenetha uranaya ecoundecaetsipame. <sup>10</sup> Daxota poxonae cawaba nenabanaenexa, cotacaya ecareinca necajeinexa poxonae patopa pon paca mata canabane: ‘Tajiton, icha muxunenetha ecare ichaxota xaiba pomonae jiwi tsita ainya cui naexanatsi’, jei. Bapoxonae pomonae pata xua penabanaenexa barapomonae cayaitaena xua xam pon jiwi tsita ainya cui naexaname. <sup>11</sup> Pon pia coutha peainya cui jiton naexana pejuntu coyenetha, Nacom exanaena xua bapon pecui pawi jiton naexanaena. Ichitha pon xua pepawi naexana pejuntu coyenetha Nacom exanaena xua bapon peainya cui jiton naexanaena, jei Jesús.

<sup>12</sup> Yawano Jesús barai pontha pon pexaewa petsiwabix- aetsi, jeye:

—Poxonae pexaewa tsiexaname yawano ichacuitha xua poxonae pin penabanaewa tsiexaname, jopa wabinde jinya jiwimonae penabanaenexa. Iru jopa wabinde eweichomonae iru jinyamonae iru pomonae copei pexeinaewi. Poxoru barapomonae pentoma exanaetsipa xua xuya catsi wabichipa penabanaewa. <sup>13</sup> Jame maisa poxonae jiwi pexaewa tsiexaname yawano ichacuitha pin penabanaewa tsiexaname, wabare pomonae peacopeibi jiwi. Yawa wabare pomonae jopa peainya cui jiwi, iru pejajuyajujei jiwino, iru pomonae peitata nacatsi jiwino. <sup>14</sup> Bapoxonae juntu coyene weiweinaename. Barapomonae jopa itacupaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonae jiwi asu exanaeinchi pomonae pejuntu coyene wuna jwi, xuano xua exana pocotsiwa Nacom itoroba, jei Jesús.

*Meje yabara poxonae Jesús cuiduba pecayabara juta pepaebi diwesiyo xua pin penabanaewa peexanaewa tsane (Mt 22.1-10)*

<sup>15</sup> Poxonae baxua jume tane, pomonae xua xayena, barapomonae caein jiwana Jesús baraichichi, jeichichi:

—jPon xua nanabane Nacom pia peitorobi nacuatheicha tatsi, bapon bichocono jantũ coyene weiweina! jeichichi Jesús bapon.

<sup>16</sup> Nexata Jesús jume nota, jeye:

—Pebin pin penabanaewa tsixana jiwi. Barapo pebin itoroba ichũn, xua pewabinexa ayei bicheito. <sup>17</sup> Poxonae barapo hora tsuxubi poxonae pexaewa nacui wũnaeta, bapon itoroba pia petanacuichinchi xua pewabinexatsi pomonae bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane. <sup>18</sup> Ichitha daxita barapomonae paeba xua pinae enatsi xua peexanaewa. Ichũn namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>19</sup> Ichũn namchi: ‘Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>20</sup> Ichũn namchi: ‘Canta anoxuaetha taseuri pitan. Nexata nejume yopire pinae jopa itacũpaetsi xua pepatopaewa tsane, jande’, jei. <sup>21</sup> Poxonae caibe nawiya pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonae bequein pewabixae, xua jopa pepat-sixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabenaewi caponde, pejayuyajujeimonae caponde, pomonae peitata nacũtsi jiwi berene caponde’, jei pon pecanamataxeinaein. <sup>22</sup> Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: ‘Tanecanamataxeinaem, xua neitorobame bayatha exanan, ichitha bomũxũ jopa tutu canaũpaxubiyo, jiwi yayatha’, jei. <sup>23</sup> Nexata bapon jume notatsi pia pecanamataxeinaeinchi: ‘Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canaũpaxubinexa tsane. <sup>24</sup> Catsipaebatsi, pomonae bequein waban ichitha jopa patsiyo, barapomonae jopa nabanae tsane tabotha’, jei pon pecanamataxeinaein, jei Jesús.

*Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi*

(Mt 10.37-38)

<sup>25</sup> Pin bicheitomonae Jesús puna poinchi. Jesús napatome-icha necota, namchi barapomonaetha, jeye: <sup>26</sup> “Icha pebin

ichichipa xua tajiwiwimonaē jiwana pin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwiwimonaē pin. Ichitha icha jopa baxua exanaeyo xua bichocono nama tana neantobewa, bapon jopa tajiwiwimonaeyo. <sup>27</sup> Matautano pon jopa awiya exana ducuaenaēbiyaeyo pocotsiwa itoroban, tsipei jopa beperaxa exanaetsi icha be xua poxonaē neichi nexata bapon jopa tajiwiwimonaē pinyo. <sup>28</sup> Poxonaē pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecubaponaenexa pomonaē nacuita bo. <sup>29</sup> Ichacuitharu saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonaē bo taenota. Poxonaē tane barapomonaē cui capona, bapon cui caponatsi. <sup>30</sup> Barapomonaē namchi tsane, jei tsane: ‘Barapon tamropata pitaba bo xua acaba, ichitha jopa itacupaetsi xua pewetsiwa’, jei tsane”, jei Jesús. <sup>31</sup> Equeicha Jesús namchi: “Iru ru pon jiwi itorobiya pia pepa peewatsinchi ichichipa xua jiwi naba exana ichun beya pontha pon iru jiwi itorobiya pepa peewatsin. Poxonaē bapon baxua exana, copiya nanta xeina, najei tsane: ‘Jamaisa, saya beisa diez mil po soldadomonaē bicheitobe neyaewatacua, bapon netsi veinte mil po soldadomonaē bicheitobe yaewatatsi. Metha tamonaē jopa inta itacupaetsi xua peamanayabiwa barapo veinte mil bicheitha xua taxainya berena ponaena’, najei tsane. <sup>32</sup> Icha barapon jopa itacupaetsi xua peamanayabiwa, bapon najume caitorobina ichuntha, poxonaē cataunxuae tajru eca, ichun pon icha nacuapiwi itorobiya pia pepa peewatsinchi xua petapaebinexa tsainchi xua jopa penabiwa tsane yabara, xua equeicha junte ma pejinompaenexa. <sup>33</sup> Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxeiname, jopa paca itacupaeyo xua tajiwiwimonaē painya nenaexanaewam”, jei Jesús.

*Meje yabara poxonaē Jesús diwesi yabara paeba xua bequein sare xoya pexaewatha ichitha awiya axaibi*  
(Mt 5.13; Mr 9.50)

<sup>34</sup> Equeicha Jesús jeye: “Sare beno, bara beno wru naē. Ichitha icha barapo sare beno jopa abenataeyo, barapoxonaē jopa peitacupaewatsi xua equeicha peabenataewa. <sup>35</sup> Barapo

sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaeware pocotsiwa tapaca tsipaebi-watsi”, jei Jesús.

## 15

*Meje yabara poxonae Jesús paeba pecayabara j̄uta pepaebi diwesiyo xua oveja pe-eenaen yabara xua poxonae pia oveja taeba*

(Mt 18.10-14)

<sup>1</sup> Pomonaē paratixi pentoma noteibiwi, po paratixi jiwi bewa catsibina pon romanomonaē itorobiya pia pepa peewatsinchi nexa, ir̄u pomonaē abe peexanaē cuiru coyene peexaneibiwi daxita barapomonaē Jesús imoxoyo caquita umenar̄uc̄upatsi xua Jesús pejume taenexatsi. <sup>2</sup> Daxota fariseomonaē ir̄u pomonaē jiwi pecuidubiwi Moisés pia peitorobi coyene tatsi daxita barapomonaē Jesús abe yabara paebatsi. Barapomonaē namchi, jeye:

—Barapo pebin naponā pomonaētha pomonaē abe peexanaē cuiru coyene peexanaēwi, yawa barapomonaētha nanabane, jei.

<sup>3</sup> Tsipei Jesús yabara paebatsi barapomonaē, daxota nexata Jesús tsipaeba pecayabara j̄uta pepaebi diwesiyo jeye: <sup>4</sup> “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba. <sup>5</sup> Poxonaē jiton oveja taeba pon aichurucuae, j̄unt̄u coyene weiweinaya bota peutucuratha. <sup>6</sup> Poxonaē jiton oveja capatopa botha bapoxonaē piamonaē waba pomonaē petaenaewichi pia botha, pia jiwi wabano, wabano pomonaē petsicuarab̄u enaewichi. Jiton daxita barapomonaētha barai, jeye: ‘Panebar̄u j̄unt̄u coyene weiweinare tsipei oveja bayatha taeban pon bayatha inta aichurucuae’, jei bapon piamonaētha. <sup>7</sup> Xaniyan paca tsipaebatsi. Icha jiton ichi poxonaē j̄unt̄u coyene weiweina petaebixae oveja, barichi pomonaē peitaboco beicha ena. Bapomonaē bichocono j̄unt̄u coyene weiweina poxonaē ich̄an Nacom tsita xeinatsi icha j̄unt̄u coyene pon copiya penacui matacaetsin xua abe peexanaē cuiru coyene exana. Barapomonaē bapon yabara toxeinchiya j̄unt̄u coyene weiweinatsi beyacaincha poxonaē yabara j̄unt̄u coyene weiweinatsi pomonaē xua noventa y nueve poyobe jiwi pomonaē xanepanaya peexanaēwi, pomonaē jopa Nacom pentichi”, jei Jesús.

*Meje yabara poxonae Jesús paeba pecayabara j̄uta pepaebi diwesiyo xua yab̄u yabara xua poxonaē taeba paratiyo*



<sup>8</sup> Equeicha Jesús paeba pecayabara j̄uta pepaebi diwesiyo, jeye: “Petsiriwa diez po paratiyobe xeina xua pecacomocae paratixi. Cae paratiyo taichurucuaetsi, daxota pecoicha coicha exana. Bo tutu camona bewayo, beya matapainya taeba. <sup>9</sup> Poxonae barapowa paratiyo taeba bapoxonae pia jitowaxi waba, wabano powaxi petsicuarab̄u enaewaxichi. Barapowa namchi barapowaxitha: ‘Pana nebar̄u j̄unt̄u coyene weiweinare poxoru bayatha taeban paratiyo, po paratiyo bayatha inta aichurucuae’, jei. <sup>10</sup> Paca tsipaebatsi barichi peitabocothaicha Nacom pia matatsunpiwimonae tatsi bichocono j̄unt̄u coyene weiweina poxonae ich̄un Nacom tsita xeinatsi icha j̄unt̄u coyene pon copiya penacui matacaetsin xua abe peexanae cuiru coyene peexanaein”, jei Jesús.

*Meje yabara poxonae Jesús paeba pecayabara j̄uta pepaebi diwesiyo xua pebin yabara pon pexanto cayabara cui j̄unt̄umaina xua abe exana*

<sup>11</sup> Barichi equeicha Jesús paeba icha pecayabara j̄uta pepaebi diwesiyo, jeye: “Jiton xeina pexantobe. <sup>12</sup> Pon xuyapin paxa barai: ‘Axa, necare xua necopiniwa tsane pocotsiwa xua pana nej̄untana jebame bequein cataunxuae poponame’, jei xuyapin. Nexata barapo jumetha coxiyan pexantobe tsata catabe. <sup>13</sup> Pirapaeyo xuyapin piawa caenaeta xua paxa catatsi. Barapo paratixi cuntha taj̄u beya pona icha nacua beya. Icha nacuaatha abe exana. Barapo paratixi cobe caewitatsi xua nasi cui matacaeta yab̄uxitha. <sup>14</sup> Poxonae bapon daxita paratixi wetaxuba, ir̄ūū mayayo tsuxubir̄ū barapo nacuaatha, barapon muxu piyain pet̄upae. <sup>15</sup> Nexata bapon jeita penacuichiwa ich̄untha xua barapo nacuaatha. Bara barapon itorobatsi xua petayapu eenaenexa marranomona. <sup>16</sup> Bapon piyain ichichipa xane marranomona pexunenowa xua petsebocoton, tsipei bapon jopa catichi pexaewa. <sup>17</sup> Nexata bapon pia coutha nanta xeinanaya najei: ‘¡Maisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tat̄upae. <sup>18</sup> Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino. <sup>19</sup> Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin. <sup>20</sup> Nexata bapon paxa beya caibe nawiya.

“Poxonae cataunxuae taj̄u jiniya, paxa taebiyatsi, coxiyan pexanto yabara nantanuweya cui nanta xeina. Coxiiyan pexanto matenta cuinaepoinya. Nexata pexanto cobe jayaba. J̄unt̄u coyene weiweinaya pexanto naisa cateita waetaba peantobexae. <sup>21</sup> Nexata barapo xuyapinxae paxa barai:

'Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan', jei barapo xuyapin. <sup>22</sup> Ichitha coxian barapo jumetha barai pia petanacuichi-wichi: 'Nainya papire pexeinya paparuwa pamaxatare taxanto. Yawa anillo pacobesi xatare. Yawa pataxu xatare xua penataxu xatatsiwa. <sup>23</sup> Vacayo pebtiyo poyo nasiteca pacarenande. Pabexore. ¡B<sub>u</sub> xainchi! <sup>24</sup> Poxoru barapo taxanto mexeya nacata t<sub>u</sub>pawejan, ichitha anoxuae as<sub>u</sub>. Bay-atha nacata aichawiya, anoxuae matapainya netsita patopa', jei coxian. Nexata bapoxonae tamropata notar<sub>u</sub>c<sub>u</sub>pa xua weiweina poxonae xane", jei Jesús.

<sup>25</sup> Equeicha Jesús namchi, jeye: "I<sub>u</sub>r<sub>u</sub> pin penabanaewa exanompa, i<sub>u</sub>r<sub>u</sub> matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba. <sup>26</sup> Nexata barapon pon matapinxae waba caein pomonae penacuichiwi. Yainyaba, jeye: '¿Eta xua juinya busi exanompa?' jei. <sup>27</sup> Nexata barapon pon penacuichiwi jiwana jume nota. Jeye: 'Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya as<sub>u</sub>ya pepatopaexae', jei. <sup>28</sup> Ichitha barapon pon matapinxae barapo jumetha anaepana. Jopa bejoniyaeyo botha. Coxian pesato bejoniya, pexanto jume daunweya waba: 'Owae, antha, antha jonarena', jei coxian. <sup>29</sup> Nexata barapo coxian pexanto jume notatsi: 'Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweinyo cabritiyo, tajiwi-monae tabar<sub>u</sub> nabanaenexa. <sup>30</sup> Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yab<sub>u</sub>xitha. Xam penacuichiwi itorobame xua vacayo pebtiyo bexubina poyo nasiteca tayapin nexa', jei barapon pon matapinxae.

<sup>31</sup> "Nexata coxian jume nota pexanto: 'Owae, apara xam cabar<sub>u</sub> poponeibatsi. Daxita pocotsiwan xeinan, apara bara jinyawa. <sup>32</sup> Ichitha anoxuae w<sub>u</sub>nae nawita xua pin penabanaewa, yawa j<sub>u</sub>n<sub>u</sub>t<sub>u</sub> coyene weiweinaeinchi poxoru barapo neyapin, pon xua mexeya nacata t<sub>u</sub>pawejan, anoxuae as<sub>u</sub> popona. Caena bayatha nacata aichurucuae, yawa anoxuae matapainya naca tsita patopa', jei coxian poxonae pexanto tsipaeba", jei Jesús.

## 16

*Meje yabara poxonae Jesús paeba pecayabara j<sub>u</sub>ta pepaebi*

*diwesiyo xua pebin yabara pon jopa xanepanaya peyapucae-caein bo*

<sup>1</sup> Equeicha Jesús tsipaeba pijimonae pecayabara juta pepaebi diwesiyo. Jesús jeye: “Matha iru pebin popona pon copei pexeinaein. Bapon xeina pon bo petayapucaeacaeinchi. Bapon pon copei pexeinaein tsipaebatsi ichamonae xua pinae pon bo petayapucaeacaeinxatsi jopa pinae xapain exanaeyo, saya pinae abe exana, jei ichamonae. <sup>2</sup> Nexata bo pexeinaein pon copei pexeinaeinxae, bapon waba pia petayapucaeacaeinchi bo. Bapon barai pontha pon bo petayapucaeacaeinchi, jeye: ‘¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan’, jei. <sup>3</sup> Nexata pon bo peyapucaeacaeinxae nacui yabara nanta xeina pia coutha, nabarai: ‘¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxainaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i tawuqueibiwa paratixi. <sup>4</sup> Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha’, jei. <sup>5</sup> Nexata bapon pon bo petayapucaeacaein daxita tamropatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: ‘¿Eta xoyobe matoma amanayabame xua jopa cataunxuae catsim pontha pon tanecanamataxeinaein?’ jei. <sup>6</sup> Bapon jume nota, pon bo peyapucaeacaein, jume notatsi, jeye: ‘Cien po penasi mera bosibube xua pin bosixibun tha baxua catichi, ichitha cataunxuae jopa baxota matomatsinyo barapo penasi mera bosibun’, jei. Pon bo petayapucaeacaein xuya jume nota: ‘Taema xote xeinanje jinya papera xua tinadutame, cien po nasi bosixibun, jam, xua bexa matomatsiname. Xote nainya ecoundeinqe barapo netinadutsiwa, iquinaxore. Icha itaneto dure xua saya cincuenta po penasi mera bosixibube, jande’, jei pon bo petayapucaeacaein. <sup>7</sup> Bapoxonae equeicha ichuntha yainyaba: ‘Incane iru xamdu, ¿eta xoyobe tanecanamataxeinaein taacoibichi xua catsiname bapon?’ jei. Bapon jume nota, pon bo petayapucaeacaein jume notatsi, jeye: ‘Tha catichi cien po sacube aro sacun’, jei bapon. Nexata pon bo petayapucaeacaein xuya jume nota: ‘Taema xote xeinanje jinya papera xua bayatha tinadutame

xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinque barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaeaein. <sup>8</sup> Ichitha bo pexeinaein yabara paeba pon bo petayapucaeaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cowantsiwi nama barichi. Barapomonae yabara najuntũ coyene wñaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowantsiwi.

<sup>9</sup> "Paca tsipaebatsi ichamonae pacatsibeibare paratixi xua painya jiwi painya neexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawenname barapomonae paca matenta weiweinaya wabina po bontha xua ataya tsitecaeya pajinompaename.

<sup>10</sup> "Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa. <sup>11</sup> Icha paxam jopa xanepanaya patayapuenaem xua paratixi xua barapo cae pin nacuathe nexa, Nacom jopa paca itorobiyo xua patayapuenaename xua bapon pia pexainya pexeinaewa tatsi. <sup>12</sup> Icha jopa xanepanaya payapucaeaein ichun piawa, metha nexata jopa paca catsipae xua painyawa nexa tsane painya neyapucaeaeinamxae.

<sup>13</sup> "Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom", jei Jesús.

<sup>14</sup> Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi. <sup>15</sup> Nexata Jesús fariseomonae

baraichi, jeye: “Paxam barapomonae pam, xua ichamonae paca yabara nanta xeina xua peꝓantꝓ coyene xanepanae jiwi pam. Ichitha Nacom paca ꝓantꝓ coyene yaputane xua peꝓantꝓcoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi”, jei Jesús.

*Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanataxeinaexae*

<sup>16</sup> Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia pecuidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najꝓntꝓ coyene sꝓbi awiya xua pepatsinexa Nacom pia peitorobi nacua beicha tatsi.

<sup>17</sup> “Yapu xanepana xua itaboco yawa ira pewerawera-caewa. Nama Nacom peitorobi jume ajumeyapꝓsꝓ bapana jopa peweraweracaewa bequein bara cae peitorobi coyene”, jei Jesús.

*Meje yabara poxonae Jesús cuiduba xua jiwi piseurixi pepuna penteibiyainwa*

*(Mt 19.1-12; Mr 10.1-12)*

<sup>18</sup> Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peitꝓtha tatsi, tsipei Nacom tsitatsi xua powa copiya barꝓ popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsixana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

*Meje yabara poxonae Jesús diwesi yabara paeba xua pon copei pexeinaein irꝓ ichꝓn pon Lázaro*

<sup>19</sup> Equeicha Jesús tsipaeba icha diwesi, jeye: “Matha irꝓꝓ barichi pebin pon copei pexeinaein. Pexeinya paparuwan xua pena paparuwa nama xatabapona. Mataꝓta daxita matakabi peitꝓpanae nabanaewa exaneiba. <sup>20</sup> Irꝓꝓ ichꝓn pebin popona, pon pewꝓn Lázaro pon peacopeibin. Bapon Lázaro wan nawita xeina peparꝓtotha. Bapon iratha eca pon copei pexeinaein pia bo boupatha weya tatsi. <sup>21</sup> Xua pon copei pexeinaein pia pexaethopaewatha taothopeicatsi pexaewa pepꝓꝓwan, baraxua Lázaro ichichipa xaiba. Yawa

aurimonae pata xua Lázaro pewan daebineaxatsi. <sup>22</sup> Icha mat-acabitha Lázaro tupa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Iruru pon copei pexeinaein tupa, yawa muthutha xotsi.

<sup>23</sup> “Pon copei pexeinaein patopa ichaxota pateiba pomonae pewerapeibiwi barapo petupae cuiru coyene nacuatha. Bapon bichocono atene. Bapon athabeicha necoicha. Bapoxonae Abraham tajru taebiyatsi asiyeicha, yawa xua Lázaro baru equiyatsi. <sup>24</sup> Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeynatsinexa meratha poxoru bichocono netaxua po isotothe uncuan’, jei. <sup>25</sup> Ichitha Abraham jume nota: ‘Tamonae susato jiwanam, nanta xeinatabare xua caena bayatha poxonae cataunxuae asu poponame, xeiname xua acabem xua pocotsiwan ichichipame xua nexainaewa. Xanepanaya poponame. Ichitha nama Lázaro jopa daichiyo poxonae cataunxuae asu popona. Jopa xanepanaya poponaeyo. Xote bapon wunae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caperu weyawa. <sup>26</sup> Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacupaetsi xua bara beparecaena nexainya bereca. Iru pomonae nexainya weruneina jopa itacupaetsi xua taxainya betsina pepatsinaenexa’, jei.

<sup>27</sup> “Nexata pon copei pexeinaein jume nota: ‘Nexata tamo susatopim cawucatsi inta Lázaro itorobare taxa pia bo beya. <sup>28</sup> Baxota xeinan cinco poyobe tayapin jiwi. Abraham Lázarotha najume carure xua bu tayapin jiwi jopa pepatsinexaru tsane ichaxota uncuan xua bichocono atenein’, jei. <sup>29</sup> Ichitha Abraham jume nota: ‘Apara neyapin jiwi xaina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonae exana pocotsiwa baraxua pejume coya’, jei Abraham. <sup>30</sup> Pon copei pexeinaein jume nota: ‘Aa, tamo susato jitom, Abraham, ichitha icha petupaewi jiwana caein siwa ponaena barapomonae beya, barapomonae jume cowantsina yawa icha juntu coyene pexeinaenexa tsane Nacomtha’, jei. <sup>31</sup> Ichitha Abraham jume nota: ‘Icha barapomonae jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaebiwi pia pecuidubiwan tatsi, barapomonae jopa jume cowantsipae bara bequein Nacom taitorobichipa xua jiwana caein pomonae petupaewi’, jei

Abraham”, jei Jesús.

## 17

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane (Mt 18.6-7, 21-22; Mr 9.42)*

<sup>1</sup> Jesús namchi pijimonaetha, jeye: “Barapo nacuathepiwi ataya xeineiba po jiwi pecana exanaexaetsi xua ichamonaе cana exana xua barapo jiwi abe peexanae cuiru coyene pe-exaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichan cana exanatsi, xua ichan abe peexanaewa tsane. <sup>2</sup> Metha jame wanae tsipae xua barapo pebin pin iboto wisi cutsipatsi pin mar mentha barapo iboto cayawa cabutabachipatsino. Tsipei jopa wanae tsipae xua bapon cana exana xua ichamonaе abe peexanae xuiru coyene exana pomonaе cataunxuae aena nejume cowanta. <sup>3</sup> ¡Dota pam, xua jopa bara paichim tsane!

“Icha ichan pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peauraxae xua pacata exana, baroxonaе pacui yabara jntemainare pocotsiwa bapon pacata exana. <sup>4</sup> Bequein bara bapon abe pacata exana, siete po cuiyobe xua cae matabitha, yawa paca tsipaeba siete po jumeyobe, bapon jeye: ‘Maisa auran tsocuae xua abe pacata exanatsi, equeicha jopa pacata abe exanae tsainchi’, jei pon abe exana. Daxota paca jeichi xua nantawenona peyabara jntemainawa baxua xua po coyene bapon pacata abe exana”, jei Jesús.

*Meje yabara poxonae Jesús yabara paeba xua pin pejume cowantsi coyenewa*

<sup>5</sup> Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonaе.

<sup>6</sup> Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo jata ichi xua tsica xutiyo ichitha bara paca itacupa xua naewatha painya nejewa: ‘Ee, naewa jinya coutha natabu jonde yawa pin mar mene beya equeicha uncuare’, painya nejewa. Bapoxonaе barapo nae jopa bayatha tsipae poxonaе pajam tsipae baxua, jei Jesús.

*Meje yabara poxonae Jesús paeba xua pocotsiwa jiwi bewa exanae pocotsiwa pentacaponaein itoroba*

<sup>7</sup> Equeicha Jesús namchi, jeye: “Metha ba paxam jiwana caein xeina pia petanacuichinchi pon penacuichin bapon ira cacobauya, mataata vaca yapu capopona. Bapoxonae bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: ‘Anetha, jondena matha xaema’, jopa jei tsipae bapon. <sup>8</sup> Jame bapon jei tsipae: ‘Pexaewa netsiupain exanare. Inta carena tsaibinde pexaewa pexaethopaewatha poxonae xunaecan. Bapoxonae cotacaya bexa nabanare’, jei tsipae pon paxam jiwana. <sup>9</sup> Pon penacuichin jopa jei tsipaetsi: ‘Jaco xua taneyawenaewam’, jopa jei tsipae pon paxam jiwana. Tsipei saya taexanatsi xua bapon peitorobixae. <sup>10</sup> Icha pon petanacuichin ichi xua taexana peitorobixaetsi pia pentacaponaein, paxam bara juta paichinde. Poxonae pawetame pocotsiwa Nacom paca itoroba, pajande: ‘Paxan pata nebusi cui tataewimonae pan xuano pata pecui pawí pan, tsipei saya paexanan xua pocotsiwa bewa paexanaein’, pajande”, jei Jesús.

*Mejeyabara poxonae Jesús axaibi exana diez poyobe pebiwi, pomonae peperu sawichimonae*

<sup>11</sup> Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona. <sup>12</sup> Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonae, ichitha barapomonae Jesús taju wetaeumendenatsi. <sup>13</sup> Barapomonae wawai, jeye:

—Jesús, pon Patatanecuidubim, pana neyabara najuntu coyene xeinare jinya pata tana neyawenaenexam, jei barapo peperu sawichimonae.

<sup>14</sup> Poxonae Jesús tane barapomonae, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonae peru jume tsurucupae xua peperu sawiwatsi barapomonae. <sup>15</sup> Barapo diez poyobe jiwana caein, poxonae bapon taeba xua axaibi tsurucupae, bapoxonae Jesús beya pona, xua caibeya pona, yawa jume daunweya Nacom wuna jaintatsi. <sup>16</sup> Barapon pentabocototha uncua Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacuapin. <sup>17</sup> Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane? <sup>18</sup> Bapon apara penanapaincha jinompaewi jiwana pin. Yawa cou compa caiberena pia wuna jainchichi Nacom, jei Jesús.



<sup>19</sup> Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowantsixaemxae xua bara tana neitacapaewa xua axaibi tacaexanaewatsi, jei Jesús.

*Meje yabara poxonae Jesús yabara paeba po coyene xua poxonae Nacom itorobiya ewatsina jiwi*  
(Mt 24.23-28, 36-41)

<sup>20</sup> Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwi, barapo coyene jiwi jopa itacapaetsi xua petaewa baxua. <sup>21</sup> Daxota jiwi jopa jei tsane: ‘Baraxote bayatha patope’, jopa jei tsane. Matautano jopa jei tsane ‘Xoteiche bayatha patope’, jopa jei tsane. Tsipei apara po coyene xua Nacom itorobiya ewatsina jiwi barapo coyene patopa jiwitha. Daxota Nacom juntu coyene itorobiya ewatsina jiwi pomonae pejume cowantsiwixaetsi Nacom, jei Jesús.

<sup>22</sup> Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacapaewa tsane xua painya tana netaewam tsane xuano xua caentacabi xua barapo matacabin jiwana. <sup>23</sup> Ichamonae paca jei tsane: ‘Baraxote bayatha patopa bapon’, paca jei tsane. Ichacuiitha paca jei tsane: ‘Baraxoteicha bayatha patopa bapon’, paca jei tsane, ichitha jopa paponaeinde bara beya yawa jopa pajume cowantsinde. <sup>24</sup> Icha yamxh ichi xua jemeicha yacoicha uncueica, xua coicha nayotaxuba itabocototha, barichi tsane po matacabitha poxonae patopeicaein ponxaein Nacom Tananeitapetsin. <sup>25</sup> Ichitha copiya nantawenona xua neperaxa jubina ichamonae. Yawa neitawetsinano pomonae xua anoxuae jinompa. <sup>26</sup> Icha matha ichi poxonae Noé caena bayatha popona jiwi jopa tsaqueinaeyo xua Nacom pin awbo exanaena methaunxae. Saya barompaya icha juntu cuitha jinompa daxota jiwi werapa. Barichi jnta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowantsiyoxaetsi. <sup>27</sup> Pomonae jinompa poxonae Noé popona, barapomonae

jantema nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonae po matacabitha Noé pin jera naetha joniya. Bapoxonae pin ema m̄a jopa. Daxita Noé wepu bunothopatsi pomonae jinompa poxonae Noé popona. <sup>28</sup> Barichir̄a jiw̄i pocotsiwa ichamonae exana poxonae ich̄an pebin popona pon pew̄an Lot. Barapomonae nabaneiba, yawa apeiba, yawa comaqueiba, yawa caenaeteiba, yawa pexaewa ̄ubeiba, yawa bom̄ax̄an acabeiba. <sup>29</sup> Poxonae bapon Lot Sodoma tomara wenaetabiya, barapoxonae iso itere m̄a, m̄a othopeica tomaratha, yawa pocotsiwa be ibo p̄ur̄a baxua itaboco weothopeicano xua bichocono atou. Daxita Sodoma tomarapiwi werapa. <sup>30</sup> Icha Sodoma tomaratha ichi xua jemeicha iso itere m̄a, m̄a othopeica yawa xua jemeicha ibo p̄ur̄a itaboco weothopeica, bara j̄uta ichin tsane jemeicha patopeicaein ponxaein Nacom Tananeitapetsin poxonae jiw̄i tsita nait̄atsin.

<sup>31</sup> “Barapo matacabitha icha ich̄an bo matatupatha uncua, barapon jopa bewa botha joniya tsane xua penotsiwa tsane pocotsiwa tabobeinchi bom̄ax̄u tututha. Ir̄a pon pabitha popona jopa bewa caibeya ponae tsane botha, saya jame nainya benaetsiricuaena. <sup>32</sup> Pacui yabara nanta xeinare Lot piseuri tatsi xua t̄upa poxonae jopa nainya naetsiricuaeyo piawan caibe pesiwa necoyaexae. <sup>33</sup> Pon naantobeya nata exana pocotsiwa bapon ichichipa, bapon jopa xeinaeyo peaj̄ant̄ayapus̄awa po peaj̄ant̄ayapus̄awa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peaj̄ant̄ayapus̄awa, po peaj̄ant̄ayapus̄awa ataya tsiteca xua Nacom pia nacua beicha.

<sup>34</sup> “Paca tsipaebatsi po mataqueitha patopaein, ainya pebinbe ponbe xua nanta j̄upaya maitecabe, caein matatsunpin pichina, pon pejume cow̄antsixae Nacom. Ich̄an saya cuenta ponaeinchi jopa pejume cow̄antsiyoxae Nacom. <sup>35</sup> Ir̄ur̄a ainya yab̄yobe nacuara yacatoyorobauyaenabe, ichowa matatsunpin pichina pejume cow̄antsixae Nacom. Ichowa saya cuenta ponaeinchi jopa pejume cow̄antsixae Nacom. <sup>36</sup> Ir̄ur̄a ainya pebinbe nacuara nacuitauyaenabe pabitha, ich̄an matatsunpin pichina, ich̄an saya cuenta ponaeinchi”, jei Jesús.

<sup>37</sup> Poxonae baxua Jesús pijimonae jume tainchi, Jesús yainyabatsi jeichichi, jeye:

—Pata Tanecanamataxeinaem, ¿exota metha baxua exanaena? jeichichi pijimonae.

Jesús pijimonae jume nota pecayabara j̄uta pepaebi diwe-siyotha, jeye:

—Quequeremonae ba nacaetuta ichaxota baurin boca. Bara j̄ta paichim tsane paxam pomonae tana nejume cowantsi jiwi pam pana newanae ewatsiname po mataqueitha patopeicaein, barapo mataqueitha panacaetutsiname, jei Jesús.

## 18

*Meje yabara poxonae Jesús paeba pecayabara j̄ta pepaebi diwesiyo xua yab̄yo yabara powa pecuenta t̄paewayotsi piseuri xua ir̄ pon jiwi peyabara paebin xua penatsicuentsiwa xua abe peexanaexae*

<sup>1</sup> Jesús pijimonae tsipaeba pecayabara j̄ta pepaebi diwesiyo xua pecuidubinexa, jeye: “Paxam daxita matakabi bewa paw̄queibim Nacom. Painya xoba paaj̄nt̄coyenefaetabim tsaibim poxonae paw̄queibame”, jei Jesús. <sup>2</sup> Equeicha Jesús pijimonae barai, jeye: “Matha ir̄r̄ tomaratha popona pon jiwi peyabara paebin xua penatsicuentsiwa xua abe peexanaexae. Bapon jopa Nacom cunuwichi. Yawa bapon jopa beta yabara nanta xeinaeyo jiwitha xua peyawenaenexa. <sup>3</sup> Barapo tomaratha ir̄r̄ popona petsiriwa, powa pecuenta t̄paewayotsi piseuri. Barapowa siwa poneiba pontha pon jiwi peyabara paebin xua penatsicuentsiwa xua abe peexanaexae. Barapowa jei tsaibi bapontha: ‘Neyawende, ich̄n inta abe exana’, jei tsaibi. <sup>4</sup> Pon jiwi peyabara paebin xua penatsicuentsiwa xua abe peexanaexae bapon ainya matacabin juntucuru jopa beexaneibiyo pocotsiwa barapowa w̄queiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Matauta jopa beta tayabara nanta xeineibin jiwi xua tayawenaenexa. <sup>5</sup> Ichitha barapo pecuenta t̄paewayotsi piseuri matowa nefayacota daxota neamuxufaetabi exana. Metha moya barapowa yawenaein, xua equeicha barapowa jopa penesiwa ponaenexa, tsipei bichocono amuxufaetabin’, najei pon jiwi peyabara paebin xua penatsicuentsiwa xua abe peexanaexae”, jei Jesús.

<sup>6</sup> Jesús pon Pecanamataxeinaein jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentsiwa xua abe peexanaexae xuano pon jopa beta yabara nanta xeinaeyo jiwitha xua peyawenaenexa. Pajume naitaeware pocotsiwa bapon paeba. <sup>7</sup> ¿Eta xua metha pananta xeiname? ¿Metha bara Nacom came bayatha tsaibi poxonae jiwi yaweneibatsi pomonae xua pew̄queibixaetsi? ¡Jume, apara! Nacom nainya

jiwi yaweneiba poxonaē barapo jiwi abe exaneibatsi icha-  
monae, beyacaincha xua barapowa yawenatsi. Jame yat-  
sicaewa Nacom yaweneiba pomonaetha pomonae peitapet-  
sixae pew<sub>h</sub>queibixaetsi merawitha yawa mataqueithano.  
8 Paca tsipaebatsi xua Nacom jopa bayatha tsaibiyo xua  
peyaweneibinexa pomonae nejume cow<sub>h</sub>nta. Xan ponxaein  
Nacom Tananeitapetsin poxonaē patopeicaein, ¿metha bara  
pin bicheito taeyopeicaein jampa, pomonae xua xanepanaya  
beta tana nejume cow<sub>h</sub>ntsiya jinompaewi pomonae Nacom  
pew<sub>h</sub>queibiwichi?” jei Jesús pijimonaetha.

*Meje yabara poxonaē Jesús paeba pecayabara j<sub>h</sub>ta pepaebi  
diwesiyo yabara xua fariseomonaē ir<sub>h</sub> pon paratixi matoma  
penoteibin*

9 Jesús icha pecayabara j<sub>h</sub>ta pepaebi diwesiyo tsipaeba  
pomonaetha pomonae jiwi peaebiwi pomonae xua nayabara  
nanta xeina xua pinae beta jume cow<sub>h</sub>nta xua pinae icha-  
monae jopa daichiyo. 10 Jesús namchi, jeye: “Ir<sub>h</sub> ainya  
pebinbe Nacom pin pia bo beya ponabe, xua baxotiya  
pew<sub>h</sub>caenexabe Nacom. Ich<sub>h</sub>n fariseomonaepin, ich<sub>h</sub>n  
bapon jiwana pomonae paratixi pentoma noteibiwi po  
paratixi jiwi bewa catsibina pon romanomonaē itorobiya  
pia pepa peewatsinchi nexa. 11 Fariseomonaepin nanta-  
cotuncua yawa pent<sub>h</sub>totha w<sub>h</sub>ca Nacomtha. Poxonaē tsi-  
paeba Nacom, jeye: ‘Nacom meisa xam nej<sub>h</sub>nt<sub>h</sub> coyene  
xanepanaein. J<sub>h</sub>nt<sub>h</sub> coyene weiweinan xua tana neyawe-  
naewam tsipei xan jopa be ichamonaēinyo pomonae xua  
jiwi pecaibiwi, yawa xua peabewi, xuano xua penasi cui  
matacaetsiwi yab<sub>h</sub>xitha. Mata<sub>h</sub>tano xan jopa dapomonae  
jiwananyo pomonae xua paratixi pentoma noteibiwi po  
paratixi jiwi bewa catsibina pon romanomonaē itorobiya  
pia pepa peewatsinchi nexa. 12 Xan cayabara nainbotatsi  
ainya cuiyobe xua cae semanatha, beta tacaw<sub>h</sub>queibinexatsi.  
Mata<sub>h</sub>tano cae paratixi jiwana wetsabeiban xam nexa pox-  
onaē diez po paratiximonaēbe xeineiban. Yawano daxita xua  
xeinan baxuano jiwana tsaban xam nexa’, jei fariseomon-  
aepin. 13 Ichitha pon paratixi pentoma noteibin auranaya  
taj<sub>h</sub> beuncuiya. Saya irabe necoreca yawa jopa athabe  
necoichaeyo. Saya <sub>h</sub> penantanuweya penanth<sub>h</sub>th<sub>h</sub> jayabi  
abe peexanaeinxae. Bapon Nacom w<sub>h</sub>ca, jeye: ‘Jaibo, Na-  
com neyabara naj<sub>h</sub>nt<sub>h</sub> coyene cui xeinare xua tana neyawe-  
naewam tsane bequein bara taaj<sub>h</sub>nt<sub>h</sub>coyenyapubein’, jei  
pon paratixi matoma penoteibin. 14 Barapon pon paratixi  
penoteibin poxonaē najume weta xua w<sub>h</sub>ca Nacom, nawiya  
pia bo beya. Paca tsipaebatsi xua barapon Nacom tsitatsi xua  
jopa xeinaeyo xua penatsicuentsiwa xua abe peexanaexae.

Ichitha fariseomonaepin jopa daichichi tsipei bapon awiya peajuntꞫcoyenebein. Pon xua pia coutha peainya cui jiton naexana pejuntꞫ coyenetha, Nacom exanaena xua bapon pecui pawí jiton naexanaena. Ichitha pon xua pepawi naexana pejuntꞫ coyenetha, Nacom exanaena xua bapon peainya cui jiton naexanaena”, jei Jesús.

*Meje yabara poxonae Jesús jeye pexuitha: “BarabꞫ Nacom beta paca yawenaena”, jei*

*(Mt 19.13-15; Mr 10.13-16)*

<sup>15</sup> Nexata jiwí Jesús tacaponatsi pexui, xua Jesús pejayabinexa pecobetha yawa xua Nacomtha petawꞫcaenexa barapo pexui xua pejeinexa: “BarabꞫ Nacom beta paca yawenaena”, pejeinexa. Ichitha Jesús pijimonaе tatsi poxonaе baxua tane, tamropata notarꞫcꞫpa xua barapomonaе cui matawentatsi pomonaе pexui carendena tsaibi. <sup>16</sup> Ichitha Jesús waba pexui. Jesús pijimonaе barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaе nexa pomonaе pejuntꞫ coyene xanepanaewí icha pexui ichi. Pexui pia cui xua tayapu xanepanatsi xua pia juntꞫ coyeneintha jume cowꞫnta Nacom. <sup>17</sup> Xaniyan paca tsipaebatsi. Pon jopa yabara jume cowꞫntsiyo xua icha be jopa pexui ichiyo xua ba pexui tayapu xanepanatsi xua jume cowꞫnta, bapon bapana jopa naexanae tsane Nacom pijimonaе tatsi pomonaе Nacom itorobiya ewata, jei Jesús.

*Meje yabara poxonaе pewowin pon copei pexeinaein Jesús tsipaebatsi*

*(Mt 19.16-30; Mr 10.17-31)*

<sup>18</sup> Caein pon pentacaponaewí jiwanapin bapon Jesús yainyabatsi, jeichichi:

—Ja Tanecuidubim, maisa nejuntꞫ coyene wꞫnaem. ¿Eta xua copiya matha exanocuaein xua ajuntꞫyapꞫsꞫya tapoponaewa tsane xua ataya tsane? jei.

<sup>19</sup> Jesús jume epa pita, jeye:

—¿Eta xua nebaram: ‘NejuntꞫ coyene xanepanaem’, jam? Apará ichꞫn dapon aibi pon pejuntꞫ coyene xanepanaein. Jame meisa apara bapon Nacom compa pejuntꞫ coyene xanepanaein. <sup>20</sup> Xam yaputaneme po coyene Moisés pia peitorobi coyenewatha itoroba xua jeye: ‘Jopa ichowa pichinde ichꞫn piowa tatsi, jopa ichꞫn bexubinde, jopa caibinde ichꞫn piawan tatsi, jopa naerabiya cayabara paebinde pocotsiwa ichamonaе exana. Axatha jume barꞫ cui itura jinare. MataꞫtano enatha jume barꞫ cui itura jinare’, jei Moisés, jei Jesús.

21 Pon pentacaponaein jume epa pita, jeye:

—Daxita caena bayatha barapo coyenein exaneiban, poxonaē pexuyothan tamropata pitaban, beya anoxuae yacuiya pinyon, jei.

22 Poxonaē Jesús baxua jume tane, Jesús barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyonexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonaē peacopeibi jiwi. Bapoxonaē jame moya anetha, nepuna ponde. Bequein bara bapoxonaē acopeibim tsane, daichitha Nacom cacatsina peitaboco beicha, pocotsiwa Nacom necajantana botsiwa pocotsiwa bichocono wanae, jei Jesús.

23 Poxonaē barapo pebin jume taeba, bichocono jantū wecoyei, tsipei bichocono copei pexeinaein. 24 Poxonaē Jesús tane xua barapon jantū coyene wecoyei, Jesús barai, jeye:

—¡Maisa bichocono ayapubecai xua copei pexeinaewi naexana Nacom pijimonae tatsi jiwana pomonaē itorobiya canamataxeina! Tsipei barapomonaē bichocono antasiwayatane barapo pia copei, beyacaincha xua Nacom antobetsi.

25 Nama bichocono acuiruyapube xua duwein pon pewan camello xua bapon pejoniyaewa acuicheto peetabū wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonaē itorobiya canamataxeina beyacaincha xua poxonaē acuiruyapube xua poxonaē camello acuicheto peetabū wan iya pejoniyaewa, jei Jesús.

26 Pomonaē xua baxua jume taerucpa, barapomonaē Jesús yainyabatsi, jeye:

—Bapoxonaē ¿jintam metha nexata itacupatsi xua penacapanepaewa pia coutha? jei barapomonaē.

27 Jesús jume nota, jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

28 Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

29 Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonaē peyabara cueicueijeixae po diwesi xua Nacom waba jiwi petanaexanaenexatsi pijimonae tatsi

pomonaē itorobiya peewatsixae. Nacom beta cana exanaena barapomonaē pia bon pecuenta ponaexae, yawa piseuri pecuenta ponaexae. Matautano beta cana exanaena pomonaē peweichowi pecuenta ponaexae. Matautano beta cana exanaena pomonaē pamchowi pecuenta ponaexae. Matautano beta cana exanaena pomonaē paxeijiwī pecuenta ponaexae, matautano peniwī pecuenta ponaexae. Matautano beta cana exanaena pomonaē pia pexui pecuenta ponaexae. <sup>30</sup> Barapomonaē barapo coyenein exana tanean-tobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuathe-icha peajuntucoyeneyapusawa po peajuntucoyeneyapusawa ataya tsiteca, jei Jesús.

*Meje yabara poxonaē Jesús nayabara paeba acoibi po coyenebetha xua poxonaē tupaena*

*(Mt 20.17-19; Mr 10.32-34)*

<sup>31</sup> Bapoxonaē Jesús pijimonaē compa waba aisowa beya xua pomonaē doce poyobe tatsi. Jesús barai barapomonaē, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwī newanaē tsiwanaya yabara tina xua xan ponxaein Nacom Tananeitapetsin. <sup>32</sup> Yawa necaenaetsina pomonaetha pomonaē penanapaincha jinompaewi, xua icha nacua werena peponaewi xua barapomonaē tanecui caponaenexa. Matautano abe neyabara paebina. Yawa neyabara naone subabina. <sup>33</sup> Yawa necuainchina, barapomonaē nebexubina. Daichitha poxonaē acoibi po matabibē yapu caewina equeicha asu neexanaena petupae cuiru coyene weya”, jei Jesús.

<sup>34</sup> Ichitha Jesús pijimonaē tatsi jopa yaputaeyo baxua xua pocotsiwa Jesús pijimonaē tsipaeba. Barapomonaē jopa jume ita cui cupaetsi poxoru Jesús barompaya nabaꝛu jume yabara canamchi, baxua barapomonaē taayapubetsi bichocono.

*Meje yabara poxonaē Jesús Jericó tomaratha axaibi exana pon peitata nacutsin*

*(Mt 20.29-34; Mr 10.46-52)*

<sup>35</sup> Poxonaē Jesús itiya pona Jericó tomara, pon peitata nacutsin namtotha eca, yawa jiwī waqueibeca paratixi. <sup>36</sup> Poxonaē bapon ponxae peitata nacutsin jume tane xua juinya pin bicheito pona, bapoxonaē bapon yainyaba, ichamonaē yainyabatsi, jeye: “¿Eta xua metha juinya pin bicheito pona?” jei pon peitata nacutsin. <sup>37</sup> Bapon ponxae peitata nacutsin jume notatsi, jeye: “Apara Jesús, Nazaret tomarapin

xote imoxoyo patope”, jei. <sup>38</sup> Nexata bapon pon peitata nac̣tsin jume daunweya wawai, jeye:

—Jesús, David pia pemomoxi susato jiwanaapim, ponxaem Nacom necaitapetsim neyabara najunṭa coyene xeinare jinya tana neyawenaenexam, jei pon peita nac̣tsin.

<sup>39</sup> Pomonae xua pin bicheito matacaenapoinchi, barapomonae pon peitata nac̣tsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanaapim ponxaem Nacom Necaitapetsim neyabara najunṭa coyene xeinare jinya tana neyawenaenexam, jei pon peitata nac̣tsin.

<sup>40</sup> Nexata Jesús naruntaba. Jesús namchi, jeye:

—Painta max̣a xawena, jei.

Poxonae pon peitata nac̣tsin imoxoyo patopa Jesustha, Jesús yainyaba, barai, jeye:

<sup>41</sup> —¿Eta xua jinya tacata exanaetsi? jei.

Pon peitata nac̣tsin jume nota, jeye:

—Jesús Tananecanamataxeinaem, benecotsin cuinaya, jei.

<sup>42</sup> Jesús jume nota, barai, jeye:

—Moya necore antha. Axaibi caexanatsi tana neyabara jume cowuntsixaemxae xua bara tana neitac̣paewa xua tacayawenaewatsi, jei.

<sup>43</sup> Caena nainya bapon necotaxuba. Yawa Jesús puna poinchi. Matautano Nacom ẉnae jaintatsi. Poxonae pin bicheito baxua cui tane, iṛṇa daxita barapo bicheito Nacom ẉnae jaintatsi.

## 19

*Meje yabara poxonae pebin pon peẉn Zaqueo Jesús jume coẉntatsi*

<sup>1</sup> Jesús Jericó tomaratha patopa. Barapoxonae bapon barapo tomara xenta iya. <sup>2</sup> Baxota Jericó tomaratha pebin popona, pon copei bichocono pexeinaein. Bapon peẉn Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. <sup>3</sup> Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matautano poxoru Zaqueo xataxatequeca. <sup>4</sup> Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús ponaena, xua Jesús barapo naetheicha xaniwaicha peyaitaenexatsi. <sup>5</sup> Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:



—Zaqueo, nainya ecoinca tha jinya botha ecaetsi anoxuae, jei Jesús.

<sup>6</sup> Bapoxonae Zaqueo nainya dunatabica. Matautano Jesús matenta weiweinaya wabatsi pia botha. <sup>7</sup> Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponae barapo botha, tsipei bapon abe peexanae cuiru coyene peexanaein, jei barapo bicheito.

<sup>8</sup> Nexata Zaqueo nantacotuncua pia botha, yawa jeye Jestushta:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopebiwi. Matautano pomonae xua naerabiya wɥcan cae paratixi equeicha caewa tha catsibichi cuatro po paratixibe, jei Zaqueo.

<sup>9</sup> Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanam.

<sup>10</sup> Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

*Meje yabara poxonae Jesús paeba pecayabara juta pepaebi diwesiyo xua diez po paratixibe yabara (Mt 25.14-30)*

<sup>11</sup> Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara juta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

<sup>12</sup> Bapoxonae Jesús jeye: “Matha irɥɥɥ pebin popona. Barapo pebin jiwana pin pomonae peainya cui jiwi pomonae barompaya piamonae matabɥɥmonae. Barapo pebin tajɥ pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha. <sup>13</sup> Poxonae cataunxuae jopa tajɥ ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwichi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinaponaenexa paratixi. Payacobe cui othopare poxonae beya patopaein’, jei barapo pebin.

<sup>14</sup> Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetayiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaem jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

<sup>15</sup> “Daichitha barapon cana exanatsi, pon jiwi itorobiya pia pepa peewatsinchi, xua ichun cana exana pon iru jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba. <sup>16</sup> Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa. <sup>17</sup> Pon pecanamataxeinaein jume nota, jeye: ‘Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei. <sup>18</sup> Iru icha petanacuichinchi patopa. Bapon jeye: ‘Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe’, jei. <sup>19</sup> Pon pecanamataxeinaein jume nota. Bapontha jeye: ‘Xam pentacaponaein caexanaeinchi xua necanamataxeinaenexa cinco po tomariyobepiwi’, jei.

<sup>20</sup> “Iru icha pia petanacuichinchi patopa, bapon jeye: ‘Tanecanamataxeinaem, taema xote xeinanje jinya paratiyo, cata mata quiyontabatsi painyaweratha. <sup>21</sup> Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa ubim’, jei. <sup>22</sup> Nexata pon jiwi itorobiya pia pepa peewatsinchi namchi: ‘Bepa maisa dapon abem. Apara xam jinya coutha nanatsicuentzi exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacoya ubeibinyo, matautano xua ichamonae cobe itorobeiban xua noteiba pocotsiwa jopa tawiyo. <sup>23</sup> Tsipei catsawiya neyabara nanta xeiname xua

bichocono daunweya itoroban daxota bayatha inta bewa barapo paratiyo banco botha botsipame xua equeicha poxonae patopan, icha paratiyo equeicha matoma xeinaetsipan xua equeicha inta pemataropeichabotsixae tsipae poxonae ichamonae nacowaeta barapo paratiyo', jei. <sup>24</sup> Pon jiwi itorobiya pia pepa peewatsinchi barai, pomonae xua ena baxota baraichi: 'Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina', jei pon jiwi itorobiya pia pepa peewatsinchi. <sup>25</sup> Pomonae ena, barapomonae jume epa nota, jeye: 'Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apara diez po paratixibe xeina', jei barapomonae. <sup>26</sup> Pon jiwi itorobiya pia pepa peewatsinchi barapomonae jume notatsi, jeye: 'Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. <sup>27</sup> Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarenenande ichaxota ecan. Barapomonae pajutebare ichaxota ecan', jei pon jiwi itorobiya pia pepa peewatsinchi", jei Jesús.

*Meje yabara poxonae Jesús Jerusalén tomaratha patopa (Mt 21.1-11; Mr 11.1-11; Jn 12.12-19)*

<sup>28</sup> Poxonae Jesús baxua najume weta, bapoxonae pona Jerusalén tomara beya. <sup>29</sup> Jesús itiya patopa Betfagé tomara, Betania tomarano xua saya patopa demxuwatha po demx-uwa pewan Olivowa tsipei baxota umena olivo naein. Bapoxonae nacueyatabe poyobe itoroba poyobe xua pijimonaexae tatsi jiwanae pomonae xua doce poyobe. <sup>30</sup> Jesús barai baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha, pacaxinaenamebe burro pon penan pon pequetanotsin, pon jopa ichamonae tsijuma enaeyo. Payama isanaxorebe bepayama carenandebe. <sup>31</sup> Icha ichan paca barai: '¿Eta pocotsiwa payama isanaxubamebe burro?' icha paca jei bapon, nexata pajandebe: 'Pon Wanacanamataxeinaein bepa pata yama cayiyaeinjei, tsipei pinae nantawenona', pajandebe, jei Jesús.

<sup>32</sup> Poxonae baponbe tomaratha patopabe, tanebe be pocotsi coyeneya bayatha Jesús namchi. <sup>33</sup> Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

<sup>34</sup> Baraponbe jume notabe barapomonaetha, jeye:

—Pon Pecanamataxeinaein jiwi bepa pinae patayama caiyaein, tsipei pinae nantawenona, jeibe baponbe.

<sup>35</sup> Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiya xua baponbe pia paparuwan tatsi, bapoxonae Jesús cuaretsicatsi. <sup>36</sup> Jesús burrotha ecapona. Jiwi paparuwan namtotha yerababa jejebabapoinya. Barapo paparuwan Jesús matatsun ecapona burrotha. Barapomonaе baxua exana tsipei Jesús matenta weyatainchi xua patopa. <sup>37</sup> Poxonae Jesús muxu perunadecae demxuwa wereca, po demxuwa pewan Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonaе janta coyene weiweinaya jume daunweya wawai. Yawano Nacom wanae jaintatsi xua bayatha pexeinya petsita itatsi coyenewan petaexae xua Nacom exana. <sup>38</sup> Barapomonaе jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wanae, bapon patopa Nacom peitorobixae! ¡Pomonae xua peitabocotha jinompa janta coyene weiweina bichocono! ¡Maisa Nacom bichocono wanae jaintatsi pon athabeicha eca! jei Jesús pijimonaе tatsi.

<sup>39</sup> Nexata fariseo jiwanamonaе, pomonaе naenapona pin bicheitha, barapomonaе Jesús baraichi:

—Pon jiwi Necuidubim, jinya jiwimonaе baxua jume matawende: ¡Moya pande! jande, jei fariseo jiwanamonaе.

<sup>40</sup> Ichitha Jesús jume epa pita, jeye:

—Paca tsipaebatsi, icha barapomonaе metha moya tsipae bara nexata iboton jume daunweya wawai tsipae, jei Jesús.

<sup>41</sup> Poxonae Jesús imoxoyo Jerusalén tomaratha patopa, poxonae tomara tane, Jesús janta coyene wecoyei tsanareca, poxoru Jerusalén tomaramonaе yabara wecoyeichi. <sup>42</sup> Jesús namchi, jeye: “¡Pai maisa bepayaputaename xua pocotsi janta coyene jantema jinompa paca cana exana! Nama anoxuae baxua nantsiyata. Jopa paca itacapaeyo xua painya nexainaewa painya janta coyenetha. <sup>43</sup> Meisa matabi pacata jopaena po matabi abe. Barapo matabitha painya

nepaca caaitafaetabi jiwi paca yatomara yatoxoroto exanax-ubina. Tsorobo paca yacaincha acabina. Yawa paca yacaincha umenaena daxita muxuneneintha. <sup>44</sup> Paxam Jerusalén tomarapiwi pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi (Mt 21.12-17; Mr 11.15-19; Jn 2.13-22)*

<sup>45</sup> Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota. <sup>46</sup> Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwi tanetsipaebinexa tsalbi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia m̄th̄a tutu pacana exaname, ichaxota pi-junuwi nantsiyabeibathopa, tsipei baxota panacaetutame saya ɱ xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

<sup>47</sup> Nacom pin pia botha daxita matacabi Jesús cuidubeiba. Ichitha sacerdotemonae pia pentacaponae, ir̄a pomonae jiwi pecuidubiwi Moisés pia peitorobi coyene tatsi, ir̄a tomara pia pentacaponae daxita barapomonae Jesús yabara nanta xeinatsi nawita xua pebexubinexa tsainchi. <sup>48</sup> Ichitha jopa itac̄paetsi barapomonae xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

## 20

*Meje yabara xua Jesús pia peitorobi coyenewa xeina (Mt 21.23-27; Mr 11.27-33)*

<sup>1</sup> Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicueije. Bapoxonae ir̄a sacerdotemonae pia pentacaponae tatsi pata. Ir̄a pata pomonae jiwi pecuidubiwi xua Moisés pia peitorobi coyenewa tatsi. Ir̄a pata pomonae penapatae jiwi. <sup>2</sup> Daxita barapomonae Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿Jintam cacata barapo peitorobi coyene? jei.

<sup>3</sup> Nexata Jesús jume nota, jeye:

—Xan iraru tha barichichi paca yainyabinchi pana nejume nore. <sup>4</sup> ¿Jintam Juan cui itorobatsi jane xua jiwi pebautisabinexa tsainchi? ¿Metha bara Nacom cui itoroba jampa? ¿Metha bara jiwi cui itoroba jampa? jei Jesús.

<sup>5</sup> Barapomonae caemonae yabara natsipaeba pocotsiwa Jesús pepaebiwa. Barapomonae jeye: “¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. <sup>6</sup> Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomonae. <sup>7</sup> Barapomonae Jesús jume notatsi, jeye:

—Canta jopa payaputaeyino xua pon Juan cui itorobatsi xua jiwi pebautisabiwatsi, jei barapomonae.

<sup>8</sup> Nexata Jesús barai barapomonae, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

*Meje yabara poxonae Jesús paeba pecayabara juta pepaebi diwesiyo pomonae xua abe exana, pomonae petayapucae-naewi uva pabi*

*(Mt 21.33-44; Mr 12.1-11)*

<sup>9</sup> Nexata Jesús diwesi tsipaeba jiwitha po diwesi pecayabara juta pepaebi diwesiyo. Jesús jeye: “Matha iru pebin pin uva pabi xeina. Bapon uba po unbo pewun uva cuei unbo. Bapoxonae bapon itoroba pomonae pia uva pabi petayapucae-naewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona ainya wei nexa.

<sup>10</sup> Matabi tsuxubi xua uva cuei naweta. Bapoxonae barapo mataqueitha pomonae pabi petayapucae-naewi jiwana itapeta nota xua penawetsiwa. Bapoxonae pon uva pabi pexeinaein, caein jiwana itoroba pomonae pia petanacuichiwichi jiwana, xua petawucaenexa tsainchi uva cuei pomonae beya pomonae pabi petayapucae-naewichi. Ichitha barapon pon najume caitorobatsi, bapon butsi. Bapon caibe cobesa iya. <sup>11</sup> Pon uva pabi pexeinaein bapon equeicha caein jiwana itoroba pomonae pia petanacuichiwichi jiwana.

Bapon barichi bichocono butsi, caibe cobesa nawiya yawa jopa catichi. <sup>12</sup> Pon uva pabi pexeinaein equeicha caein jiwana itoroba pomonae pia petanacuichiwichi jiwana. Barichi pomonae pabi petayapucae-naewi barapon butsi yawa wan exanatsi yawa pabi weya xotsi.

13 “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxonae taxanto taeinchi, metha inta yabara bar<sub>u</sub> cui itura jinaeinchi’, najei. 14 Dapo jumetha pomonae uva pabi petayapucaenaewi poxonae bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomonae. 15 Barapo pexanto tatsi uva pabi juma bemax<sub>u</sub> cayiyatsi. Baxotiya bexotsi”, jei Jesús.

Nexata Jesús barai barapomonae, pomonae jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaenaewichi? 16 Pon uva pabi pexeinaein patopaena pia uva pabitha, pomonae uva pabi peyapucaenaewi daxita barapomonae jutebinchi. Barapoxonae barapo uva pabi ichamonae xuya catinchi xua petayapucaenaenexa tsainchi barapo uva pabi”, jei Jesús.

Pomonae Jesús jume tayenatsi poxonae baxua jume tane xua Jesús paeba, barapomonae Jesús jume itawetatsi, jeye:

—¡Bara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonae! jei barapomonae.

17 Ichitha Jesús tane, barapomonae tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonae iboto yabara paeba, jeye:

‘Pebiwi pomonae ibo bon peacabiwi,

barapo pebiwi xuba po iboto tab<sub>u</sub>

caboca, po iboto peainya cui iboto.

Ichitha Nacom itapeta barapo iboto xua

petab<sub>u</sub> cabocaenexa peainya cui ibotoxae’,

jei Nacom Pejume Diwesitha.

18 Incane iboto yabara paca tsipaebinchi. Barapo ibototha poxonae ichauyo jopeica pep<sub>u</sub>r<sub>u</sub>wixi tsanaya. Matautano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jata coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaeinchi, jei Jesús.

19 Sacerdotemonae pia pentacoponaewi tatsi, ir<sub>u</sub> pomonae jiwi pecuidubiwi xua Moisés pia peitorobi coyenewa tatsi, daxita barapomonae juntucuru Jesús teicatsi poxoru barapomonae yaputane xua yabara paebatsi xua Jesús paeba. Nexata Jesús jopa teicaetsi poxoru jiwi cunuwatsi.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

*(Mt 22.15-22; Mr 12.13-17)*

<sup>20</sup> Barapomonae itoroba, ichamonae itorobatsi xua petataenexa tsainchi. Pomonae xua itorobatsi, barapomonae naexana itara mexeya pentu cui xanepanaewi. Barapomonae pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonae Jesús waetabichi yawa pia caponaetsi pontha pon Judea nacuapiwi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonae itorobiya pia pepa peewatsinchi. <sup>21</sup> Daxota barapomonae Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi catsita najura. <sup>22</sup> Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara pon penanapainchi poponaein? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

<sup>23</sup> Ichitha Jesús yaputane xua piraichi baxua yainyabatsi.

<sup>24</sup> Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wan ducuaire? jei Jesús.

Barapomonae jume nota, jeye:

—Apara romanomonae itorobiya pia pepa peewatsinchi, jei barapomonae.

<sup>25</sup> Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua iru piawaxae tatsi, jei Jesús.

<sup>26</sup> Barapomonae jopa itacupaetsi xua Jesús pewaetabiwatsi daxita jiwi peitutha, tsipei Jesús beta jume nota barapomonae. Barapomonae yabara najuntu cui coyene cabenaeca pocotsiwa xua Jesús xanepanaya beta jume nota, daxota barapomonae saya moya umena.



*Meje yabara poxonae Jesús yabara yainyabatsi po coyene xua equeicha asu pomonae pewerapeibiwi*

*(Mt 22.23-33; Mr 12.18-27)*

<sup>27</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubiwa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota saduceomonae Jesús siwa poinchi. Saduceomonae Jesús baraichi:

<sup>28</sup>—Pon jiwi Necuidubim. Moisés nacata tina, namchi: 'Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui', jei Moisés. <sup>29</sup> Barichi, matha iru cae peweicho jiwi xua caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>30</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. <sup>31</sup> Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>32</sup> Bapoxonae matapainya iru barapowa tupa. <sup>33</sup> Xam, Jesús, ba paebame, ba jam: 'Matacabi jopaena po matacabitha Nacom asu exanaena xua jiwi asu exanaeinchi muthu wetsina', ba jam. Poxonae barapo matacabi jopaena xua daxita jiwi asu jujuinaena, barapo matacabitha, ¿jintam metha barapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>34</sup> Nexata saduceomonae, Jesús jume nota. Jesús jeye:

—Barapo nacuathe pebiwi yawa yabuxi, barapomonae jitha eenapona. <sup>35</sup> Pomonae xua Nacom itapeta waba, poxonae barapomonae patsina Nacom pia nacuathe, barapomonae jopa equeicha jitha eenapona tsane, yawa jopa pexantixi jitha cuarebapona tsane. <sup>36</sup> Tsipei barapo nacuatheicha, barapomonae bexa jopa werapae tsane icha matatsunpiwi ichi xua jopa werapaeayo. Matauta barapomonae Nacom pia pexui, tsipei barapomonae equeicha asu barapo petapae coyene weya. <sup>37</sup> Caena bayatha Moisés yabara naca cuiduba xua pomonae pewerapeibiwi

xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. <sup>38</sup> Baxua Nacom paeba tsipei Abraham iru Isaac, iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi caewa equeicha asu pejinompaewi pomonae pejume cowantsiwixaetsi Nacom, barapomonae jame pia Nacom tatsi, pon itabocotha eca, jei Jesús.

<sup>39</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwanamonae Jesús baraichi, jeye:

—Pon jiwi Necuidubim, maisa bara beta xanepanaya pae-bame, jei barapomonae.

<sup>40</sup> Saduceomonae equeicha jopa Jesús yainyabichi xua equeicha beta pejume notsiwatsiyainwa.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei (Mt 22.41-46; Mr 12.35-37)*

<sup>41</sup> Equeicha Jesús nayabara paeba pomonaetha pomonae jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwanapin tatsi? <sup>42-43</sup> Tsipei David jei salmos penaxunaeweixi diwesintha:

‘Nacom pon Pecanamataxeinaein jiwi Tanecanamataxeinaein baraichi pon Mesías jeichichi:

Tacoxa werena ecare, beya abu tsane poxonae necaitafaetabi jiwi pia Pecanamataxeinaeinchi tatsi caexanaeinchi, jei Nacom’,

jei David salmos penaxunaeweixi diwesintha.

<sup>44</sup> Icha David yabara jei xua Mesías yabara jeichi: Bapon Mesías Tanecanamataxeinaein, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

*(Mt 23.1-36; Mr 12.38-40; Lc 11.37-54)*

<sup>45</sup> Pomonae xua umena daxita barapomonae Jesús jume taeumeinchi poxonae Jesús pijimonae tsipaeba. Jesús namchi, jeye: <sup>46</sup> “Dota pam, dota pomonae jiwi pecuidubiw Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha barapomonae ichi xua barapomonae bichocono ichichipa xua penama xatabiwa po paparuan apipiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtotha jacobebina xua barapomonae pejacobinexatsi xua jiwi pebar<sub>u</sub> cui itura jineibinexa barapomonae xua barapomonae pebar<sub>u</sub> cui itura jineibinexatsi. Barapomonae bichocono ichichipa xua nanta caeneiba judiomonae pia penacaetutsi bontha tatsi ichaxota ba enathopeiba pomonae peainya cui jiwi penaexanaewi. Matauta barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba xua poxonae penabaneibinexa tsane. <sup>47</sup> Matautano barapomonae powaxi pecuenta werapaewaxichi piseurixi, barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom yabara paebina jiwi xua pia penatsicuentsiwa xua abe petsita exanaexaetsi. Barapomonae bichocono atene tsane xua poxonae beyacaincha ichamonae atene exanaeinchi xua jopa pejume cowantsixaetsi Nacom”, jei Jesús.

## 21

*Meje yabara poxonae Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri (Mr 12.41-44)*

<sup>1</sup> Nacom pin pia botha Jesús tane xua baxota pomonae copei xeinaewi paratixi jeya Nacom nexa ichaxota jiwi jebiba paratixi. <sup>2</sup> Barichi Jesús tane xua ir<sub>u</sub> ainya tsica paratiyobe jeca baxota powa pecuenta tupaewatsi piseuri, yawa bapowa peacopebiwayo. <sup>3</sup> Jesús jeye:

—Bara xaniyeya paca tsipaebatsi. Barapo yabuyo powa pecuenta tupaewatsi piseuri, bapowa peacopebiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae nawita jeya xua Nacom nexa. <sup>4</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca po

paratiyobe bequein canantawenona xua pexaewa tsane, bequein bichocono peacopebiwayo, jei Jesús pijimonaetha.

*Meje yabara poxonae Jesús yabara paeba xua ichamonae abe exanaena Nacom pin pia bo tatsi*  
(Mt 24.1-2; Mr 13.1-2)

<sup>5</sup> Ichamonae yabara natsipaeba nawita Nacom pin pia bo tatsi. Barapomonaе najei: “¡Maisa Nacom pin pia bo tatsi bepa w̃nae! ¡Maisa bepa w̃nae xua jiwi tutu pepena peit̃panaewan barapo Nacom pin pia botha xua Nacom nexa!” jei barapomonaе. Nexata Jesús jeye:

<sup>6</sup> –Matacabi jopaena po mataqueitha tsane ichamonae pomonaе penanapaincha jinompaewi pomonaе xua icha nacua werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyō naco-patuncuae tsane icha iboto peumatha, daxita abe tsane, jei Jesús.

*Meje yabara poxonae Jesús yabara paeba xua copiya matha pew̃naeya exanaena petsita it̃t̃si coyenewa poxonaе daxita weraweracaenaba*  
(Mt 24.3-28; Mr 13.3-23)

<sup>7</sup> Nexata jiwi Jesús yainyabatsi, jeye:

–Pon jiwi pata Pecuidubim, ¿eta poxonaе metha ichamonae baxua exanaena poxonaе abe cana exanaena Nacom pin pia bo tatsi? ¿Eta pocotsiwa tsane xua pew̃naeya tsita itapeinya xeinaena po coyene xua poxonaе imoxoyo daxita weraweracaenaba? jei Jesús pijimonaе tatsi.

<sup>8</sup> Jesús jume barai: “Dota pam b̃ ichamonae naerabiya paca muxu tsipaeba xua daxota abe paexanaetsipame. Tsipei tsane patsina ayei bicheito jiwi pomonaе natsicotaena icha be xan ichin. Barapomonaе jei tsane: ‘Apara xan, Mesías’, jei tsane. Ich̃n jei tsane: ‘Anoxuae Mesías patopaena’, jei tsane. Ichitha paxam jopa payabara jume cow̃antsinde pocotsiwa xua barapomonaе paeba. <sup>9</sup> Pajume taename xua jiwi juinya nabenoutsina xote, yawa xua juinya ir̃r̃ nabenoutsina icha ira beya. Daichitha jopa pajunuwinde, tsipei baxua pew̃naeya matha copiya tsane. Daichitha cataunxuae dapo matacabi aichica tsane xua poxonaе daxita weraweracaenaba yatsicaewa”, jei Jesús.

<sup>10</sup> Equeicha Jesús namchi: “Cae nacuapiwi ir̃ icha nacuapiwino barapo ainya nacuapiwibe nabenoutsina. Matautano ir̃ pon nacua peewatsin ir̃ ich̃nd̃ pon icha nacua pee-watsin baponbe ir̃ nantiya nabenabe. <sup>11</sup> Matautano ainya nacuantha ira jijiyatsina. Matautano ainya nacuantha jainbo

nacua tsane, tsipei pin mayayo tsane. Matautano domae tsurucuae tsane ainya nacuantha. Matautano Nacom peitabocotha peitapanawwan itatsina, xua jiwi bichocono cunuwa.

12 “Poxonae baxua pewanaeya tsane jiwi paca teiquebina, paca atene exanaena. Judiomonae pia penacaetutsi botha paca caponaena painya paca yabara paebinexa painya nenatsicuentsiwa xua abe painya neexanaexae. Yawa paca caponaena jiwi pecubi botha. Paca caponaenano nacua peewatsiwi peitabaratha tatsi, painya tana nejume cowantsixaemxae. Yawano paca caponaena pentacaponawwi peitabaratha tatsi, pomonae iru itoroba jiwitha xua pon nacua peewatsin nexa painya tana nejume cowantsixaemxae. 13 Barapoxonae paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. 14 Pananta xeinare painya juntu coyenetha, pana najande: ‘Jopa tsiwanaya yabara nacui wanaetsi tsainchi xua ichamonae watsipaebiwatsi xua abe wanaca yabara paebiwa’, pana najande. 15 Tsipei xan paca tsimuxu dutinchi po jume xua pacaunutsiname, xua po jumetha beta paca yaputane exanaena. Barapo jume pacata exanatsi xua painya paca ncaaitafaetabi jiwi jopa paca jume matanonopentsi tsane, xuano xua jopa peitacupaenexa tsainchi xua abe painya nepaca yabara paebiwa. 16 Paca caenaetsina ichamonae icha jiwitha pomonaetha pomonae jiwi pecanamataxeinaewi. Iru painya axeiwi yawa painya ena jiwi paca caenaetsina ichamonaetha. Iru painya eweicho jiwi paca caenaetsina ichamonaetha. Iru painya amoyo jiwi paca caenaetsina ichamonaetha. Iru painya jiwimonae paca caenaetsina ichamonaetha. Barichi ichamonae pomonae paxam jiwana pam jutebinchi. 17 Daxita nacuanpiwi paca casebina, painya tana nejume cowantsixaemxae. 18 Ichitha Nacom paca capanenebiyaena painya nejuntu coyenein panenebiyaenexa. 19 Awiya paantuyarusuya nejume cowantsiya jinompare poxonae bequein ichamonae abe pacata exana xua beya payacuiya werapaeya othopaename xua painya xainaewa tsane peajntuyarusuwa po peajntuyarusuwa ataya tsiteca.

20 “Poxonae pataename xua soldadomonae xua icha nacuapiwi yacaincha matawacaicha yatoxoroto naexanaxubina Jerusalén tomara bapoxonae payaputaename xua barapo tomara bara imoxoyo abe exanaeinchi. 21 Barapo mataqueitha, daxita pomonae Judea nacuatha jinompa barapomonae bewa demxuwan berucupaena. Iru pomonae Jerusalén tomarapiwi, barapomonae bewa bara berucupaena. Iru pomonae pabitha jinompa, barapomonae



tsane poxonae xua tapatopae wanae tsane poxonae jiwi itorobiya ewatsin.

<sup>32</sup> “Bara xaniyeya paca tsipaebatsi daxita judiomonaе naitapataya naexanaponaena beya yacui othopaena poxonaе Nacom exanaena daxita baxuan pocotsiwa xuaunxuae paca tsipaebatsi. Baroxonaе barapo judiomonaе weraweracaena. <sup>33</sup> Peitaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>34</sup> “Dota pam, pana neyabara cananta xeinaeya jinompare. Painya xoba pana najunta coyene ararana exaname xua pana nasi cui matacaetame yabuxitha xuano xua pana nacupa exaname peatsaxae meratha, yawano xua saya i pananta xeiname xua panantawenoname xua saya paxam nexa. Baroxonaе barapo matabi xain jopa paca benaecae tsane poxonaе jopaena. <sup>35</sup> Tsipei barapo matabi jemeicha jopaena, icha be pocotsi juta coyeneya ichi poxonaе duwein jemeicha autabatsi mayatha. Barapo matabi jopaena daxita barapo cae pin nacuathe yajiwi canaupaxuinchichi. <sup>36</sup> Tsaca pajinompeibare xua tapatopae wanae tsane. Matowa patsipaebe dubenanaebiyama Nacom. Patsipaebebare xua Nacom paca capanenebiya exanaena baxua weya xua poxonaе Nacom cana exanaena ichamonaetha xuaunxuae paca tsipaebatsi. Barichi patsipaebebareno xua painya nepaca itacupaewa tsane xua painya neumenaewa taitabaratha ponxaein Nacom Tananeitapetsin”, jei Jesús pijimonaetha.

<sup>37</sup> Daxita matabi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuwa beya poneiba xua baxotiya peecaenexa tsaibi tsane, po demxuwa pewun Olivos. <sup>38</sup> Daxita matabi jiwi caemumbotha tsaibi pateiba Nacom pin pia botha xua Jesús pejume taenexa tsaibi tsainchi.

## 22

*Mejeyabara poxonaе fariseomonaе iru sacerdotemonaе pia pentacaponae watsi daxita barapomonaе Jesús yabara nanta xeinatsi po coyeneya xua Jesús pewaetabiwa tsainchi*  
(Mt 26.1-5, 14-16; Mr 14.1-2, 10-11; Jn 11.45-53)

<sup>1</sup> Bara nama imoxoyo matabi jopa po matabitha xua jiwi nacaetuta pexaenexa pan xua jopa cotowiyo. Barapo matabi pewun Pascua matabi wun. Barapo Pascua matabi wuntha jiwi yabara nanta xeina po matabi poxonaе caena bayatha matha judiomonaе Egipto nacua weya

panenebiya. <sup>2</sup> Sacerdotemonae pia pentacaponae wi tatsi, iru pomonae jiwi pecuidubiwi Moisés pia peitorobi coyene tatsi, daxita barapomonae nabaru muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

<sup>3</sup> Bapon Judas caein jiwana pomonae doce poyobe pomonae Jesús pijimonaexae tatsi. Judas icha wun xeina, po wun "Iscariote", baraichi. Nexata bapoxonae Satanás caurimonae pia pentacaponaein tatsi, Judas imoxoyo peinya caquita uncuatabatsi peitorobinexatsi xua abe peexanaewa tsane. <sup>4</sup> Judas siwa pona sacerdotemonae pia pentacaponae wi tatsi, iru policiamonae xua pebaru cueicueijeinexa tsane. Barapomonae policiamonae pentacaponae wi, xua pomonae peyabara umenaewi Nacom pin pia bo tatsi. Daxita barapomonaetha Judas tsipaeba xua pocotsi coyeneya poxonae Jesús caenaetinchi barapomonaetha. <sup>5</sup> Barapomonae bichocono ichichiparuçupa baxua. Yawa barapomonae Judas muxu tsipaebatsi xua paratixi catsibapaebatsi. <sup>6</sup> Judas bara yabara jejei xua barapomonae paeba. Bapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha poxonae jiwaibi tsaruçupae.

*Meje yabara poxonae Jesús pijimonae baru nabane Pascua wun matabitha*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Nama matabi jopaba po matabitha poxonae jiwi tsinacaetutsina xua penabanaenexa pan po pan jopa muxuna pentsiyo levadura matawun pocotsiwa xua cotowa exana pan. Barapo penantacarucuae matabitha ba corderoxi pebtoxi xua oveja coxi jutebatsi xua jiwi pexaenexa. <sup>8</sup> Pedro iru Juan itorobatsibe, Jesús itoroba. Jesús barai, jeye:

—Paponarebe panacui wunaerebe pexaewa Pascua wun matabi nexa waxaenexa tsainchi, jei Jesús.

<sup>9</sup> Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matabi nexa? jei barapomonae.

<sup>10</sup> Jesús jume nota. Jeye:

—Poxonae tomaratha papatopaenamebe, pataenamebe pebin. Barapo pebin juruwatotha yantana ponaena mera. Bapon papuna ponarebe bo beya ichaxota bapon joniyaena.

<sup>11</sup> Pon bo pexeinaein pabarande: 'Pon jiwi Pecuidubin cabarai: ¿Incane tutura, po tututha tajiwi monae baru xaein



Pascua w<sub>h</sub>n matacabi nexa? jeye Pecuidubin', pajandebe, jei Jesús. <sup>12</sup> Equeicha Jesús jeye:

—Bapoxonae pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui w<sub>h</sub>naetajebare xua wanabanaenexa pexaewa barapo Pascua w<sub>h</sub>n matacabi nexa, jei Jesús.

<sup>13</sup> Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonae pexaewa nacui w<sub>h</sub>naetajebabe Pascua w<sub>h</sub>n matacabi nexa xua penabanaenexa.

<sup>14</sup> Poxonae barapo hora tsuxubi poxonae quirei tsanaicha, Jesús bar<sub>u</sub> ecoundeca pexaethopaewatha pijimonae pomonae doce poyobe pomonae pia peitorobiwixae tatsi Jesús. <sup>15</sup> Nexata Jesús barai, jeye:

—Maisa bichocono j<sub>h</sub>nt<sub>u</sub> coyene weiweinan xua tapaca cabar<sub>u</sub> nacaetutsiwatsi, yawa tapaca cabar<sub>u</sub> nabanaewatsi barapo Pascua w<sub>h</sub>n nabanae matacabithe, xua baxua matha pew<sub>h</sub>naeye tsane xua poxonae tat<sub>u</sub>paewa tsane. <sup>16</sup> Daxota paca tsipaebatsi xua equeicha jopa tapaca bar<sub>u</sub> nacaetutsiwatsi tsainchi xua wanabanaewa tsane Pascua w<sub>h</sub>n matcabitha. Equeicha exanaeinchi barapo penabanaewa po mataqueitha poxonae Nacom neexanaena xua jiwi itorobiya ewatsin, jei Jesús.

<sup>17</sup> Nexata Jesús pecobetha pita corotiyo, Nacomtha tsi-paeba, jeye:

—Axa, maisa j<sub>h</sub>nt<sub>u</sub> coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonae, jeye:

—Barapo corotiye pana nacobe wenonotaponde tamropata tsiwixi pa-aapaponde. <sup>18</sup> Daxota paca tsipaebatsi barapo uva mera jopa equeicha paca bar<sub>u</sub> apae tsainchi anoxuae. Meisa ab<sub>u</sub> bexa tsane pena coyenewatha paca bar<sub>u</sub> apaeinchi barapo uva mera poxonae Nacom neexanaena xua jiwi itorobiya ewatsin, jei Jesús.

<sup>19</sup> Jesús pecobetha pita pan, Nacomtha tsipaeba, jeye:

—Axa, maisa j<sub>h</sub>nt<sub>u</sub> coyene weiweinan xua pan pata tanecat-siwam, jei.

Bapoxonae Jesús pecobetha epa janaca pan, yawa catsiba pijimonae. Pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsit<sub>u</sub>paewatsi tsainchi. Baxua paexaneibare bapocotsiwa xuaunxuae pan paca bar<sub>u</sub> xainchi. Barapo coyene paexaneibare painya tana neyabara j<sub>h</sub>ntanaineibinexa tsaibi tsane, jei Jesús.

<sup>20</sup> Poxonae Jesusbaru najain weta, barapoxonae Jesús yabara paeba corotiyo, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaapaewiyotha uva mera paapame, xuaunxuae paapame, apara natsicotane be tajana xua tatupaein jana jopeicaein. Barapo pejanatha paca juntu coyene cui capanepaeinchi abe painya neexanae cuiru coyenein weya. <sup>21</sup> Pebin taxantha necacuita namaxu yutabota pexaethopaewatha, barapo pebin necaenaetsina ichamonaetha xua tanebexubinexa tsane ichamona. <sup>22</sup> Xan ponxaein Nacom Tananeitapetsin bewa tupaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha, jei Jesús.

<sup>23</sup> Nexata barapomonaе caemonaе nantiya nayainyaba, jeye: “¿Jintam metha caenaetatsi Jesús?” najei barapomonaе.

*Meje yabara poxonae Jesús pijimonaе tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana*

<sup>24</sup> Pirapaeyo Jesús pijimonaе tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana. <sup>25</sup> Nexata Jesús jume barai: “Pomonaе jopa judiomonaе naexanaeyo, barapomonaе ba nantauta piamonaе pomonaе nacua peewatsiwi. Barapomonaе pomonaе jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonaе pomonaе jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonaе pomonaе jiwi itorobiya pia pepa peewatsiwichi wɯnae nacata exana xua naca itoroba’, pia jeichi jiwi. <sup>26</sup> Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamonaе bapon bewa naexanaena be pon pecui pawi. Pon xua jiwi itorobeiba, bapon bewa naexanaena be pon amanaya tanacuita ichɯn nexa. <sup>27</sup> Iru ainya pebinbe. Ichɯn pexaethopaewatha ecoundeca. Ichɯn pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ichɯn? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichɯn. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

28 “Paxam barapomonaē pam, pomonaē meisa pana nebarū jinompeibame poxonae bequein ichamonaē inta abe exana. 29 Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan. 30 Barapo peitorobi coyenewan paca catatsi, painya nenabarū nabanaenexa taitorobeibi nacuatheica. Paenaename pexeinya peitūpanae enaewantha, painya neyabara paebinxā tsane pomonaē doce po bicheito cuntiyobe, pomonaē Israel pia pemomoxi susato jiwimonaē tatsi xua penatsicuentsiwa abe pia peexanaexae”, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mt 26.31-35; Mr 14.27-31; Jn 13.36-38)*

31 Equeicha Jesús jeye:

—Simón jan, caurimonaē pia pentacaponaein tatsi, bapon Satanás newuca: ‘Jinyamonaepin necare’, nejei. Bapon ichichipa xua abe cata exanaena xua taneitawetsinexam tsane. Icha jiwi ichi xua pebeno daunweya yasisita pexubinexa pesiberapewa. Barichi caurimonaē pia pentacaponaein tatsi ichichipa cajūntū coyene itorobina xua taneitawetsinexam tsane. 32 Ichitha xan Taxa beicha cata tsipaebatsi xua jopa tana neyabara jūntemaināenexam tsane xua tana nejume cowūntsiwam. Ichitha Satanás cacana exanaena xua tana nejumefebiwam saya bara caeto tsane. Bapoxonae equeicha caewa nejume cowūntsiname. Poxonae equeicha caewa nejume cowūntsiname, nexata ichamonaē pomonaē tana nejume cowūntsiwi barapomonaē yawenaename xua ajūntūyapusūya tana nejume cowūntsiwa tsane, jei Jesús.

33 Simón Jesús jume notatsi, jeye:

—Tanecanamataxeinaem, maisa be cabarū poponaēinchi. Bara bequein ichamonaē cacaponaena jiwi pecūbi botha ichitha awiya capuna tūpaeinchi. Mataūta bequein tūpaeinaē ichitha awiya capuna tūpaeinchi, jei Simón Pedro.

34 Jesús jume nota, jeye:

—Pedro, catsipaebatsi bexa necaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonae irū tsane wacara pebto fibina, jei Jesús.

*Meje yabara poxonae bara nama barapo matacabi tsane po matacabitha Jesús waetabatsi*

35 Nexata Jesús pijimonaē yainyaba, jeye:

—Poxonae bayatha paca itorobatsi paca jeichi: ‘Jopa paratixi dorō pacaponaēinde, jopa cote pacaponaēinde, jopa

panataxu xatabinde xua penataxu xatabiwa', jan. ¿Eta xoyo pacata seica xua xoyo pacobena poname? jei Jesús.

Barapomonaē Jesús jume notatsi, jeye:

—Ajibi, bara paxeinan pocotsiwa panantawenonan, jei.

<sup>36</sup> Nexata Jesús jume nota. Barapomonaē jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponaē. Pon xeina paratixi doro, moya bewa caponaē. Pon peaitiy<sub>u</sub> camisa xeina, bapon bewa caenaetsina barapo camisa, barapo paratixitha bewa comotsina cusi. <sup>37</sup> Poxoru paca tsipaebatsi caena bayatha Nacom Pejume Diwesitha neyabara paeba, jeye: 'Bapon cayabara cananta xeinaeinchi jei tsane bapon jiwana caein pomonaē peabewi', jei Nacom Pejume Diwesitha xua pinae jiwi jei tsane. Jiwi nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

<sup>38</sup> Barapomonaē Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

*Meje yabara poxonaē Jesús Paxa tsipaeba ichaxota tsica iriyo po iriyo pew<sub>u</sub>n Getsemaní*  
(Mt 26.36-46; Mr 14.32-42)

<sup>39</sup> Nexata Jesús tomara weya pona. Bapon pona demxuwa beya po demxuwa pew<sub>u</sub>n demxu Olivowa, olivo naein peumenaexae baxota poxoru pia cui xua poneiba baxota petsipaebeibinexa Paxa. Jesús pijimonae puna poinchi. <sup>40</sup> Poxonaē barapo demxuwatha patopa, Jesús pijimonae barai:

—Nacom patsipaebare xua jopa abe painya neexanaewa tsane xua caurimonae paca itoroba.

<sup>41</sup> Nexata Jesús pijimonae tsiwiyo wepu natsixitaba. Saya jopa tajuyo. Be poxonaē pebin ibotiyoyoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba. <sup>42</sup> Jesús namchi: "Axa, icha ichichipame xua tana neyawenaewam, inta pire xua ajunt<sub>u</sub>coyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame", jei Jesús.

<sup>43</sup> Bapoxonaē Jesús tsita nait<sub>u</sub>tatsi matatsunpin pon itaboco wetsica pona. Barapo matatsunpin Jesús ant<sub>u</sub>suya cana exanatsi poxonaē yawenatsi. <sup>44</sup> Bichocono Jesús ajunt<sub>u</sub>tane tsipei Paxa copatatsi xua jiwi petsitupaewa tsainchi. Paxa

beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothopeica.

<sup>45</sup> Poxonae najume wetaba xuano xua asiya uncuano bapoxonae pijimonae beya pona. Jesús tane pijimonae xua tamaitumeinchi. Barapomonae maita tsipei juntu cuerona xua wecoyei, xua Jesús yaitama petupapaebixae. <sup>46</sup> Nexata Jesús pijimonae barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonae paca itoroba, jei Jesús.

*Meje yabara poxonae Jesús waetabatsi  
(Mt 26.47-56; Mr 14.43-50; Jn 18.2-11)*

<sup>47</sup> Cataunxuae abu Jesús pijimonae tsipaebuncua poxonae jiwí pin bicheito pata. Caein Jesús pijimonae tatsi jiwana, pon pewun Judas, pomonae xua doce poyobexae, bapon pin bicheito matabapona. Judas Jesús imoxoyo caquita uncuatabatsi xua Jesús petsutsubinexa tsainchi. <sup>48</sup> Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

<sup>49</sup> Pomonae Jesús pijimonae tatsi caquita umeinchi, poxonae barapomonae baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonae Jesús baraichi:

—Pata Tanecanamataxeinaem, ¿barapomonae cusitha paucuboban? jei Jesús pijimonae tatsi.

<sup>50</sup> Jesús pijimonae tatsi jiwana caein, bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya. <sup>51</sup> Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya.

<sup>52</sup> Jesús tsipaeba, sacerdotemonae pia pentacaponaein tatsi tsipaebatsi. Yawano tsipaebano pomonaetha pomonae penapataewi. Barichi tsipaebano pomonaetha pomonae Nacom pin pia bo peyapu enaewi. Daxita barapomonaetha Jesús cueicueijei, pomonae ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwí pecaibin! <sup>53</sup> Poxonae daxita matabi Nacom pin pia botha paca baru poponeibatsi, jopa pana newaetabim. Ichitha anoxuae barapo matabi tsuxubi

nama po matabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Nexata daxita barapomonaе Jesús teicatsi. Yawano capoinchino sacerdotemonaе pia pepa pentacaponaein tatsi pia bo beya tatsi. Pedro, Jesús tsiwiyo taj<sub>u</sub> pu taetae tsiniyatsi. <sup>55</sup> Baraxotiya sacerdotemonaе pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonaе barapomonaе nayatoroto exanaxubiya ena isototha. Baraxota ir<sub>u</sub> Pedro naeca. <sup>56</sup> Yab<sub>u</sub>yo powa sacerdotemonaе pia pepa pentacaponaein tatsi tanacuitatsi, poxonaе Pedro tainchi barapowa, xua ir<sub>u</sub> naeca baxota isototha barapowa Pedro caununaya baraichichi, jeichichi:

—Bapon ir<sub>u</sub> apara bayatha Jesús puna poponeibatsi, jei.

<sup>57</sup> Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

<sup>58</sup> Bapoxonaе pirapaeyo ir<sub>u</sub> ich<sub>u</sub>nd<sub>u</sub> pebin patopa. Bapon Pedro ir<sub>u</sub> tainchi xua ir<sub>u</sub> naeca baxota. Pedro baraichi bapon, jeye:

—Xam apara ir<sub>u</sub> Jesús pijimonaе tatsi jiwanam, jei.

Ichitha Pedro jume barai, jeye:

—¡Pebin, jopa dapomonaе jiwananya apara! jei Pedro.

<sup>59</sup> Poxonaе cae hora yapucaewa, ir<sub>u</sub>ru ich<sub>u</sub>n Pedro matowa baraichichi:

—Bapon apara napuna poneiba Jesús, tsipei bapon Galilea nacuapind<sub>u</sub>, jei.

<sup>60</sup> Ichitha Pedro jume barai, jeye:

—¡Pebin, da<sub>u</sub>metha jopa taeinyo xua paebame! jei Pedro.

Poxonaе Pedro cataunxuae baxua cueicueije, bapoxonaе caena nainya wacara pebto caein fiba. <sup>61</sup> Nexata Jesús napatomeicha necota, Pedro necoyatsi. Nexata Pedro nanta xeinataba xua bayatha Jesús Pedro tsipaebatsi, poxonaе jeye: “Xam barapo merawithe, pew<sub>u</sub>naeya poxonaе wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonaе ir<sub>u</sub> nainya wacara pebto fibina”, jeichi Pedro xua Jesús paeba. <sup>62</sup> Nexata Pedro pesato bejoniya. Bichocono wecoyei, peaj<sub>u</sub>nt<sub>u</sub>tanexae xua Jesús yabara paebatsi.

*Meje yabara poxonaе Jesús cui caponatsi*

*(Mt 26.67-68; Mr 14.65)*

<sup>63</sup> Pomonae Jesús yapucaumeinchi, daxita barapomonae Jesús cui caponatsi, yawa butsinó. <sup>64</sup> Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

<sup>65</sup> Daxita barapomonae Jesús tsuṃṃ jume baru paebatsi ainya jumeintha.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi (Mt 26.59-66; Mr 14.55-64; Jn 18.19-24)*

<sup>66</sup> Poxonae pentha tsina nabaru nacaetuta penapataewi judiomonae, iru sacerdotemonae pia pentacaponawewi tatsi, iruru pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

<sup>67</sup> —Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowantsitsipaem. <sup>68</sup> Icha paca yainyabichipatsi tayainyabawan apara jopa pana nejume notsipaem. <sup>69</sup> Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapusu itorobi coyenewa pexeinaein, jei Jesús.

<sup>70</sup> Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

<sup>71</sup> Nexata barapomonae caemonae natsipaeba najei:

—Anoxuae jopa nantawenonaetsi xua ichamonae Jesús peyabara paebiwatsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonae.

## 23

*Meje yabara poxonae Jesús uncuá Pilato peitabaratha tatsi (Mt 27.1-2, 11-14; Mr 15.1-5; Jn 18.28-38)*

<sup>1</sup> Nexata daxita penayatoxoroto exanaxubiya enae jiwi barapomonae asiya umenarucupa, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi. <sup>2</sup> Baxota daxita barapomonae Jesús cui yopitatsi xua abe exana, jeye:

—Barapo pebin patan xua wajiwimonae jume cui tsacabatsi xua anaepana cana exanatsi. Yawano pajume tanno

pocotsiwa jopa bewa pinae paratixi matoma catsi pontha pon romanomonae itorobiya pia pepa peewatsinchi. Matauta bapon nayabara paeba: 'Xan apara Mesías pon jiwi itorobiya pepa Taewatsin', jei, jei barapomonae.

<sup>3</sup> Nexata Pilato Jesús yainyabatsi, jeye:

—¿Xam judiomonae itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

<sup>4</sup> Nexata Pilato barai sacerdotemonae pia pentacaponae tati yawa baraino jiwi, jeye:

—Jopa jume itaraerowinyo bapon xua po jumetha pe-nayaita anae exanaewa, xua pebexubinexatsi barapo pebin, jei.

<sup>5</sup> Ichitha barapomonae jume daunweya cueicueije, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becu joparene, jei.

*Meje yabara poxonae Jesús uncu Herodes peitabaratha tati*

<sup>6</sup> Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitota.

<sup>7</sup> Barapo bicheito namchi, jeye:

—Aa, bapon Galilea nacuapin, jei barapomonae.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara. <sup>8</sup> Poxonae Jesús taebatsi Herodes, bapon bichocono juntu coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itatsi coyenewa exanaena. <sup>9</sup> Herodes Jesús matowa yainyabatsi. Ichitha Jesús jopa jume notsiyo. <sup>10</sup> Baraxota iru ena sacerdotemonae pia pentacaponae tati. Iru baxota ena pomonae jiwi pecuidubiwi Moisés pia peitorobi coyenewa tati. Daxita barapomonae Jesús bichocono abe yabara paebatsi Herodes pia xantha tati. <sup>11</sup> Nexata Herodes yawano pia soldadomonae tatsino daxita barapomonae Jesús tsu jume baru paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonae peyanacua ewatsi jiwi. Equeicha Jesús itorobatsi Pilato peitabaratha beya, Herodes bara beitorobiya. <sup>12</sup> Barapo



matacabitha Herodes iruno Pilato naitacoxonabe. Baponbe caena bayatha saya penaita aenae-aenei jitonbe.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

*(Mt 27.15-26; Mr 15.6-15; Jn 18.39-19.16)*

<sup>13</sup> Sacerdotemonae pia pentacaponaeawi tatsi iruru judiomonae pia pentacaponaeawi, iruru daxita jiwi, daxita barapo bicheito Pilato waba xua barapo bicheito penacae-tutsinexa. <sup>14</sup> Pilato barai barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita jiwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame. <sup>15</sup> Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi. <sup>16</sup> Tha cueintichi bapon. Tha bapoxonae pu copatichi, jei Pilato.

<sup>17</sup> Poxonae Pascua matacabintha ichun ba bewa isanaxubichi. Pilato barapo Pascua matacabintha nantawenona xua isanaxubina caein pon jiwi pecubi botha pecaein, pon xua jiwi ichichipa, xua bapon peisanaxubinexa tsainchi.

<sup>18</sup> Bapoxonae daxita jiwi jume daunweya wawai, jeye:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

<sup>19</sup> Barrabás jiwi pecubi botha etatsi, tsipei caena bayatha matacapona ichamonae xua barapo tomarapiwi najume tsacaba cana exanatsi xuano xua jiwi jutebatsi. <sup>20</sup> Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi. <sup>21</sup> Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha tūparucua exanaem! ¡Bewa maisa naetotha tūparucua exanaem! jei.

<sup>22</sup> Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

<sup>23</sup> Barapo bicheito jopa juniya wawayo xua naetotha tūparucua peexanaenexatsi Jesús. Iruru sacerdotemonae pia pentacaponaeawi tatsi jume daunweya wawairu, beya

capanepa po coyene ichichipa pecana exanaewa. <sup>24</sup> Daxota Pilato namchi: “Moya paexande be pocotsi coyeneya paichichipame”, jei Pilato. <sup>25</sup> Nexata Pilato nama pu sotaba pon jiwi pecabi botha peecaein, pon jiwi ichichipa xua bapon peisanaxubiwa tsainchi. Bapon pewan Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús tɔparucua exanatsi naetotha (Mt 27.32-44; Mr 15.21-32; Jn 19.17-27)*

<sup>26</sup> Poxonae Jesús cataunxuae caenapoinchi tɔpa peexanadutsinexatsi naetotha, pebin waetabatsi, soldadomonae waetaba. Bapon pewan Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

<sup>27</sup> Jesús peputha tapoinchi pin bicheito, irɔ ainya yabuxino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús. <sup>28</sup> Ichitha Jesús necotabiya barai barapowaxi, jeye:

—Yabuxi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande. <sup>29</sup> Tsipei maticabin othopaena po maticabintha jiwi atene tsane. Barapo mataqueintha, jiwi jei tsane: ‘Juntɔ coyene weiweina po yabuxi jopa pexui xeinaeyo. Juntɔ coyene weiweina po yabuxi jopa bapana butixitha taenaetsi pexui. Juntɔ coyene weiweina po yabuxi bapana pexui jopa isainae’, jei tsane jiwi barapo maticabintha. <sup>30</sup> Yawano jiwi namchi tsane: ‘Maisa xanepana xua wawerapaewa xua wanaca canababiwa demxuan, yawano tsorobon naca matatsun wetoxebabina xua jopa wanaca itɔtsiwa tsane’, jei tsane jiwi barapo maticabintha. <sup>31</sup> Xan wɔnae exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

<sup>32</sup> Cataunxuae Jesús ecapona. Irɔrɔ ponbe abe matowa peexanaeinbe, baponbe Jesús peputha tacapoinchibe, xua baponbe irɔ pebexubinexa tsainchibe poxonae Jesús bexotsi.

<sup>33</sup> Daxita jiwi Jesús barɔ patatsi ichaxota po uruto be jiton matasipa piwa. Po uruto wɔn caunuteiba xua jei tsaibi: “La Calavera”, jei. Barapo uruto matasoittha Jesús tɔparucua exanatsi naetotha. Irɔrɔ ponbe jiwi pecaibinbe tɔparucua exanatsibe naetotha ichaxota imoxoyo Jesús ducua. Ichɔn Jesús petsocona wetauncuiyatsi, irɔ ichɔn pecoxa wetauncuare-natsi. <sup>34</sup> Poxonae Jesús naetotha ducua, Jesús jeye:

—Axa yabara cui jantemainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonae nata tsaba Jesús pia paparuwan tatsi. Bapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>35</sup> Baraxota Jesús taeumeinchi jiwi. Ichitha nama pentacaponaeawi Jesús cui caponatsi, barapomonae jeye:

—Bapon cain capanepeibabei ichamonae, came jopa nacapanepaeyo. Icha bara bapon Mesías, pon Nacom pia peitapetsin, b̄ bara bapon pia coutha nacapanepa naeto wetsica, jei barapomonae.

<sup>36</sup> Soldadomonae ir̄ Jesús cui capoinchi, imoxoyo caquita umenapoinchino. Barapo soldadomonae Jesús apatatsi po mera pew̄n vino, po mera mene atsu. <sup>37</sup> Barapo soldadomonae Jesús baraichi, jeye:

—¡Icha xaniwaicha judiomonae itorobiya pia pepa Nee-watsim, moya jinya coutha nacapanepare! ¡Naeto wetsica ecoinca! jei soldadomonae.

<sup>38</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa peewatsinchi”, jei barapo petinadutsiwa.

<sup>39</sup> Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ich̄n, bapon Jesús biatainchi pet̄paeyainwa naetotha. Bapon namchi:

—¡Icha xaniwaicha xam Mesías, ponxaem Nacom caitapeta, moya jinya coutha nacapanepare! ¡Yawano pana necapaneparebe! jei bapon.

<sup>40</sup> Pon icha naetotha ducua, bapon jume matawenta, pon Jesús casebatsi, bapon jume matawentsi. Pon icha naetotha ducua namchi, jeye:

—¿Xam jopa cuitaya junuwim Nacom? Aparauxuae t̄paeinhibe ichaunxae Jesús ichi tsane. <sup>41</sup> Waxainhibe jopa juniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

<sup>42</sup> Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matabathita poxonae patopeicaename xua jiwi neitorobinexam tsane, jei bapon.

<sup>43</sup> Jesús jume nota, jeye:

—Xaniwaicha bara catsipaebatsi, anoxuae tsane cabaru ecaeinchi ichaxota jiwi juntu coyene weiweinathopeiba, peitupanae nacuatheicha, jei Jesús.

*Meje yabara poxonae Jesús tupa*  
(Mt 27.45-56; Mr 15.33-41; Jn 19.28-30)

<sup>44</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>45</sup> Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica. <sup>46</sup> Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús tūpanaicha.

<sup>47</sup> Soldadomonaē pia pentacaponaein tatsi Roma nacuapin, poxonae bapon baxua taeba, bapoxonae Nacom wūnae jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

<sup>48</sup> Daxita pomonaē xua baxua taeumena baxota, barapomonaē pia bo benawibiya. Poxonae namtotha enapona, daxita barapomonaē nantacari cuainbobenapona poxoru bichocono ajuntucoyenetane xua Jesús pewisiwatsi. <sup>49</sup> Ichitha pomonaē Jesús peyaitae jiwi, irū yabūxino, powaxi Jesús puna dendenatsi Galilea nacua werena, daxita barapomonaē Jesús tajū wetaeumeinyatsi poxonae ichamonae Jesús bexotsi.

*Meje yabara poxonae Jesús petūpaein ibo mūthūtha yauxatatabotatsi*

(Mt 27.57-61; Mr 15.42-47; Jn 19.38-42)

<sup>50</sup> Irūnū pebin popona, bapon pewūn José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta pepoponaein Nacom peitūtha tatsi. José, bapon jiwana caein pomonaē judiomonaē pia pecanamata caitorobi bicheito tatsi.

<sup>51</sup> Barapon José yabara jume cowūntsiya wūnae ewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonaē pecanamata caitorobi bicheito exana poxonae Jesús bexotsi, baxua José jopa pebūnyaya nacayabara nanta xeinaeyo. <sup>52</sup> José Pilato siwa poinchi. Pilato wūcatsi Jesús petūpaein, José wūca. <sup>53</sup> José naeto wepichica Jesús petūpaein. Bapoxonae José mata quiyontabareca barapo pexeinya paparuwatha. Bapoxonae José ibo mūthū iya boya, po mūthū jiwi mūthū

tofobobapona. Barapo m̄th̄tha cataunxuae pet̄paein ich̄n jopa boyaetsi. <sup>54</sup> José baxua exana po mataqueitha pew̄n penacui xaxainchi m̄tacabi poxonae judiomonae ba weta daxita xua penacuitsiwa pew̄naeya poxonae jopaena pentaquei seicae m̄tacabi. Barapo pentaquei seicae m̄tacabi imoxoyo jopaena.

<sup>55</sup> Powaxi Jesús puna dendenatsi Galilea nacua werena, barapowaxi pona m̄th̄tha, pet̄aenexa xua Jesús m̄th̄tha xotsi. <sup>56</sup> Poxonae barapowaxi bo benawibiya, bapoxonae nacui w̄naetajeba petuxueiwan yawa penasiwanno, xua Jesús pet̄paein tsixaxaintajebatsi.

## 24

*Meje yabara poxonae Jesús equeicha as̄ juina exanatsi pet̄pae cuiru coyene weya*

(Mt 28.1-10; Mr 16.1-8; Jn 20.1-10)

<sup>1</sup> Barapowaxi botha cuicuina peseicae m̄tacabitha, Moisés pia peitorobi coyeneya pepaebixae, barapo m̄tacabi yabara.

Poxonae judiomonae pia pentaquei seicae m̄tacabi tatsi yapu caewaba bapoxonae patopa m̄tacabi po m̄tacabi xua copiya ducua cae semanatha. Barapo m̄tacabitha poxonae aena pentha tsina, yab̄xi pona m̄th̄ beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yab̄xi. <sup>2</sup> Poxonae barapowaxi barapo m̄th̄ beya pata, barapowaxi taer̄cupa xua po ibo panawatha yauxatatababota xua pin ibo panawa barapo ibo m̄th̄ bayatha cou yaupataxubabota. <sup>3</sup> Barapowaxi joniya m̄th̄iya ichitha barapowaxi jopa taeyo xua Jesús pon Pecanamataxeinaein pet̄paein pebocuaewa. <sup>4</sup> Barapowaxi yabara naj̄nt̄ coyene cabenaeca. Jopa yaputaeyo xua exana tsipei jopa taeyo xua Jesús pet̄paein boca. Barapowaxi tsita nait̄tatsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena. <sup>5</sup> Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha pet̄pae cuiru coyenewatha panecobompame pon equeicha as̄ barapo pet̄pae cuiru coyene weya? <sup>6</sup> Xote jopa bocaeyo bapon. Bayatha bapon as̄ pet̄pae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuatha popona. <sup>7</sup> Paca jeye: ‘Xan ponxaein Nacom Tananeitapetsin, bewa necaenaetsina pomonaetha pomonaе abe peexanaewi. Barapo abe peexanaewi naetotha t̄parucua neexanadutsina. Ichitha equeicha po m̄tacabi

acoibibetha asun juina neexanaena petupae cuiru coyene weya', paca jei Jesús, jei barapo pebinbe xua barapowaxi tsipaebatsi.

<sup>8</sup> Nexata barapowaxi baxua jume cui yabara nanta xeinarucupa xua bayatha barapowaxi tsipaebatsi, xua Jesús tsipaeba. <sup>9</sup> Poxonae barapowaxi muthu wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonae xua once poyobe barapomonae tsipaebatsi, ichamonaeno tsipaebatsino, pomonae Jesús jume cowuntatsi. <sup>10</sup> Powaxi yopita, xua powaxi Jesús pia peitorobiwi tsipaebatsi, ichowayo pewun María Magdalena powa Magdala tomarapiwayo, iru ichowayo Juana, ichowayo María, Santiago pena tatsi, yawanoru ichowaxino powaxi saya napona. <sup>11</sup> Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cowantsichi barapowaxi.

<sup>12</sup> Bapoxonae Pedro muthu becuinaepoinya. Muthu tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

*Meje yabara poxonae Jesús pebinbe tsita naituta namtotha poxonae Emaús tomara beya ponabe*

*(Mr 16.12-13)*

<sup>13</sup> Barapo matabitha Jesús pijimonae tatsi jiwanaabe namtotha ecaponabe, siwa ponabe tomara, po tomara pewun Emaús. Barapo tomara eca once po kilómetrobe xua Jerusalén tomara weya. <sup>14</sup> Baraponbe yabara natsipaebecaponabe namtotha xua mexuaetha exana. <sup>15</sup> Poxonae cataunxae yabara natsipaebecaponabe yawa yabara najume matsonobecaponabe, bapoxonae Jesús imoxoyo caquita uncuatababe yawa naponano. <sup>16</sup> Bequein baraponbe Jesús tainchi, ichitha baponbe jopa ita cui canaupetsibe xua Jesús peyaitawatsi. <sup>17</sup> Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntu wecoyeya naruntababe peyabara natsipaebecaponaexaebe xua mexuaetha exana. <sup>18</sup> Ponbe penacueyatsixaebe caein pewun Cleofas. Bapon Cleofas Jesús jume notatsi, jeye:

—Daxita pomonae jinompa Jerusalén tomaratha, daxita barapomonae yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

<sup>19</sup> Nexata Jesús baraibe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peitapanae petsita itutsi coyenein exana Nacom pia peayapusu itorobi coyeneya tatsi’, pajan. ‘Pon xanepanaya pecueicueijein Nacom peitatha tatsi, xuano xua jiwi peitatha tatsi’, pajan. <sup>20</sup> Sacerdotemonae pata tanecanamataxeinaewi iru pata pecanamata caitorobiwi piraichi Jesús cobe waetabatsi pia Pilato peitorobinexa soldadomonae xua Jesús teparucua pe-exanaenexa tsainchi naetotha. <sup>21</sup> Bequein pawunaewi ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaeyo barapomonae. Yawano acoibi po matabibe pu caewa poxonae Jesús bexotsi. <sup>22</sup> Yabuxi, powaxi xua paxan jiwana pan, barapowaxi pona muthu beya poxonae aena pentha tsina. Pona ichaxota Jesús boca. Barapowaxi pana tsipaeba xua tane. Daxua pana nenabenaeca exana bichocono. <sup>23</sup> Barapowaxi pinae jopa taeyo Jesús petapaein. Bapoxonae pana netsipaeba xua pinae barapowaxi tsita naitutatsi matatsunpiwi. Pinae matatsunpiwi namchi: ‘Bayatha Jesús asu’, jei pinae. <sup>24</sup> Bapoxonae pata jiwimonae, barapomonae jiwana muthu beya pona. Barapomonae bara tane baxua, xua yabuxi yopita. Ichitha Jesús petapaein jopa taetsi, jeibe xua Jesús tsipaebatsi.

<sup>25</sup> Nexata Jesús jume nota baraponbe, jeye:

—Paxam pomonae jopa peyaputae jiwi pam, xuano xua bewayo pajume cocowantaponame pocotsiwa bayatha Nacom peitorobi jume pepaebiwi paeba. <sup>26</sup> Paxam payaputaneme xua Mesías pon Nacom itapeta, copiya bewa peraxa exanaeinchi. Nacom cana exanaena xua bapon patopaena Nacom pia peitorobi nacua beicha xua pexeinaenexa tsane Nacom pia peayapusu itorobi coyenewa tatsi, jei Jesús.

<sup>27</sup> Nexata Jesús tsipaeba baraponbe xua daxita i dapu diborontha Jesús yabara paebatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paebatsi. Bapoxonae equeicha Jesús yaputane exana xua po diwesi Nacom peitorobi jume pepaebiwi tina, xua Jesús yabara paebatsi.

<sup>28</sup> Jesús, iru barapo pebinbe imoxoyo pata tomaratha, po tomara siwa ponaena. Barapo pebinbe naruntababe, ichitha Jesús mexeya maisa pona namto tomara weya. <sup>29</sup> Ichitha baponbe Jesús jume daunweya baraichi, jeye:

—Pana nebaru ecare, aparta bayatha tabopiya tsanaicha, quirei tsanaicha aparta, jeibe.

Daxota Jesús puna joniya ichaxota baraponbe patopabe xua barponbe pebaru ecaenexa tsainchibe. <sup>30</sup> Nexata poxonae Jesús baru eca pexaethopaewatha baponbe, bapoxonae Jesús wecobe pita pan. Paxa barai: “Axa, maisa juntu coyene weiweinan xua pata tana necatsiwam barapo pan”, jei. Bapoxonae Jesús epa janaxuba pan. Baponbe catatsibe. <sup>31</sup> Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuinaya jemeicha aichurucuae tsanaya. <sup>32</sup> Baponbe natsipaebabe, najeibe:

—Maisa juntu coyene weiweinatsibe poxonae namtotha naca tsipaebecaponabe. Bapon naca yaputane exanabe xua bapon peyabara paebiwatsi Nacom Pejume Diwesitha, jei baponbe.

<sup>33</sup> Bapoxonae caena yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitorobiwi tatsi. Iruu nanacaetuta pomonae cueyaba xua pomonae once poyobe pia pecueyabiwichi.

<sup>34</sup> Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamataxeinaein, asu. Apara bapon Jesús Simón tsita naitatsi, jei barapo penacaetutsimonae.

<sup>35</sup> Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Matauta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

*Mejeyabara poxonae Jesús tsita naitata pijimonae Jerusalén tomaratha*

*(Mt 28.16-20; Mr 16.14-18; Jn 20.19-23)*

<sup>36</sup> Poxonae cataunxuae tsipaebabe barapo diwesi, bapoxonae Jesús jemeicha tsita naitata barapomonae peitabaratha. Jesús jacoba barapomonae, jeye:

—Barabu Nacom juntea jinompa paca cana exana, jei Jesús barapo penacaetutsimonaetha.

<sup>37</sup> Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi. <sup>38</sup> Ichitha Jesús barai barapo penacaetutsimonae, jeye:

—¿Eta xua metha junuwiya pana nabenaecame? ¿Eta xua metha ainya unthuton pam? <sup>39</sup> Pana necobe taema, yawa pana netaxu taema. Apara bara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa



ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

<sup>40</sup> Poxonae baxua Jesús najume weta, nacobe wan ituba, yawa nataxu wan ituba. <sup>41</sup> Ichitha came awiya barapomonae jopa jume cowantsiyo poxoru barapo diwesi barapomonae tsita jume xeicatsi yawa barapo diwesi yabara najuntu coyene cabenaeca exanatsi. Jesús jeye:

—¿Paxam xote penabanaewiyo paxename? jei Jesús.

<sup>42</sup> Nexata barapomonae Jesús catatsi duweiyo, poyo seba. <sup>43</sup> Jesús wecobe pita, yawa xane barapomonae peitutha tatsi.

<sup>44</sup> Bapoxonae Jesús namchi barapomonaetha:

—Caena bayatha paca tsipaebatsi poxonae cataunxuae paca baru ecatsi. Paca jeichiche: 'Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxuae weixi diwesintha neyabara tina, bewa necana exanaena', paca jeichiche, jei Jesús.

<sup>45</sup> Jesús barapomonae yaputane exana xua Nacom Pejume Diwesi paeba. <sup>46</sup> Jesús barai barapomonae, jeye:

—Nacom Pejume Diwesitha neyabara jei: 'Mesías bewa tupaena, yawa equeicha asu tsane po matabi acoibibe petupae coyene cuiru weya. <sup>47</sup> Yawano bewa barapomonae Mesías pia pejume cowanchiwichi bewa tsipaebina daxita nacuantha Nacom Pejume Diwesi tatsi Mesías pia peayapusu itorobi coyeneyatha tatsi. Copiya petamropata notsinexa Jerusalén tomara weya. Barapomonae jei tsane jiwitha: Bewa icha juntu coyene Nacom patsita xeinaem xua bapoxonae Nacom painya nepaca cayabara junteinaewa tsane abe painya neexanae cuiru coyenewa, jei tsane barapomonae', jei Nacom Pejume Diwesitha, jei Jesús.

<sup>48</sup> Equeicha Jesús barai pijimonae, jeye:

—Paxam daxita jiwi patsipaebiname daxita xua pataneme.

<sup>49</sup> Matauta pataemano xua pacata itorobicaeinchi Nacom pia Pejumope tunaxu tatsi xua bayatha Taxa yabara paca tsiwanae muxu duta. Barapo Nacom pia Pejumope tunaxu tatsi yawa patopaena peayapusu itorobi coyenewa. Paenare xote Jerusalén tomaratha, beya poxonae barapon yawa pacata patopaena pia peayapusu itorobi coyenewa Nacom pia nacua tatsi wetsica, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi*

*(Mr 16.19-20)*

<sup>50</sup> Nexata Jesús pijimonae baru pona Jerusalén tomara weya, Betania tomara bebaru iya. Jesús namaxu yoicha itaboco beicha yawa tsipaeba Nacomtha xua pijimonae tatsi nexa, xua pijimonae petayawenaenexatsi. <sup>51</sup> Poxonae cataunxuae Jesús tsipaebuncua Nacom xua pijimonae tatsi nexa, bapoxonae Jesús athabe juinya exanatsi peitaboco beicha, Nacom exana. <sup>52</sup> Poxonae Jesús pijimonae tatsi baxua tane, bapoxonae barapomonae Jesús pecoutha tatsi namchi: “Maisa Wanacanamataxeinaein wɛnae”, jei. Barapomonae Jerusalén tomara beya juntu coyene weiweinaya caibe naw-ibiya. <sup>53</sup> Barapomonae Jesús pia peitorobi jiwu tatsi Nacom pin pia botha, baxota Nacom jopa juniya wɛnae jainteibichi.

Baja Lucas.

## Jesucristo Pia Pexeinya Diwesi Jume Tatsi Juan Petinae Diwesi

*Meje yabara poxonae Mesías jiwi forotatsi, pon pewun “Pejume”, baraichi*

<sup>1</sup> Poxonae cataunxuae daxita nacuan jopa forotsiyo, bapoxonae iruru caena bayatha Mesías popona, pon Nacom Pexanto tatsi, pon pewun “Pejume”, baraichi. Bapon Nacom caena bayatha baru poponeiba. Bapon apara bara Nacom.

<sup>2</sup> Poxonae aena copiya, bapoxonae bapon caena bayatha Nacom baru popona. <sup>3</sup> Nacom cana exana xua Mesías daxita nacuan foforota. Dapocotsiwa aibi xua yaseicanaya xua pocotsiwa bapon jopa exanaeyo. <sup>4</sup> Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeno cana catsiya taexanano jiwi xua jiwi yaputaena po coyene pexainyei coyenewa. <sup>5</sup> Icha pecoicha ichi xua jiwi yaweinchi xua beta pejinompaenexa poxonae quirei, bara jata ichi Mesías. Bapon jiwi yaweinchi xua beta xanepanaya pejinaponenexa poxonae bapon Mesías cuiduba jiwi. Caurimonae pia pentacaponaein tatsi bequein ichichipa xua Mesías peamanayabiwatsi, ichitha caurimonae pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapuswa xeina.

<sup>6</sup> Bapoxonae iru Nacom itoroba pebin, pon pewun Juan.

<sup>7</sup> Bapon patopa xua Mesías peyabara paebinexatsi, po wan xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewunaeya tatsi, penajuntu cui wunaetsinexa xua daxita jiwi Mesías pejume cowantsinexa tsainchi. <sup>8</sup> Juan apara Mesías aibi. Apara saya pia Mesías wunaeyabara paebichi xua Juan peitorobixaetsi baxua. <sup>9</sup> Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

<sup>10</sup> Bapon popona barapo cae pin nacuathe tsique. Bara bequein bapon exana pia coya barapo nacue, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita. <sup>11</sup> Bequein bapon bara pia nacuathe patopeica, daichitha barapo cae pin nacuaapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom

itoroba. <sup>12</sup> Ichitha ichamonae pomonae bapon matenta weiweinyaya wabatsi xuano xua bapon jume cowantatsi, barapomonae Mesías cana exana xua po coyeneya barapomonae Nacom piamonae tatsi penaexanaewa tsane. <sup>13</sup> Tsipei barapomonae jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomonae jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomonae jopa naexanaeyo Nacom pia pexui xua poxoru coxiyın peichipaexae xua pexeinaewa pia pexui. Saya jame barapomonae Nacom pia pexui tatsi naexana, tsipei Nacom cana exana baxua.

<sup>14</sup> Barapon Mesías pon pewın “Pejume”, baraichichi, bapon poxona naexana po cae pin nacuathe tsique bara bapon yatsicaya pepa jiton. Matautano naca barı popona bapon. Bapon wın ununatatsi “Jesús” baraichichi. Matautano bapon pejıntı coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan xua Jesús exaneiba pia pexeinya peayapusıwatha po pexeinya peayapusıwa Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto. <sup>15</sup> Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxona janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxona xan aibin xua poxona abı cataunxuae jopa naexanaeyo’, janje”, jei Juan.

<sup>16</sup> Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi jıntema watsita jinompaenexa tsane bapon. <sup>17</sup> Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume. <sup>18</sup> Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputae-watsi, paxa imoxoyo pebarı poponaexaetsi.

*Meje yabara poxona Juan pon jiwi Pebautisabin Jesucristo yabara cueicueijeichi*

*(Mt 3.11-12; Mr 1.7-8; Lc 3.15-17)*

<sup>19</sup> Judiomonae pomonae ena Jerusalén tomaratha barapomonae sacerdotemonae itorobatsi irı levitamonae itorobatsi Juan beya, xua Juan peyainyabinexatsi xua

pejeinexatsi: “¿Xam jintamũmda?” pejeinexatsi. <sup>20</sup> Juan beta nayabara paeba, jeye:

—Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

<sup>21</sup> Nexata equeicha Juan yainyabatsi, jeichichi:

—¿Metha nexata xam jintamũmda? ¿Bara xam bapom pon Nacom peitorobi jume pepaebim pon pewan Elías, pon bay-atha tũpa? jei barapomonaē.

Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomonaē.

Equeicha Juan jume nota, jeye:

—Jume, xan apara aibin dapon, jei Juan.

<sup>22</sup> Nexata daxita barapomonaē Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonaē pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomonaē.

<sup>23</sup> Nexata Juan jume nota, jeye:

—Xan bapon aparan pon wawan ichaxota ira xuepana susato tsurucuae nacua beya, xua jan: ‘Patsi najũntũ cui coyene wũnaere, pon jiwi pia pepa Pecanamataxeinaēinchi nexa pia pepatopae wũnaeya tsane’, xua jan ponxaein xua wawan ira xuepana susato tsurucuae nacua beya. Bay-atha Isaías pejume diwesitha taneyabara jume cui wũnaē tsiwanaya paebixae pon Nacom peitorobi jume pepaebim, jei Juan.

<sup>24</sup> Daxita pomonaē Juan barũ cueicueijeichi, barapomonaē fariseomonaē itoroba. <sup>25</sup> Daxita barapomonaē Juan yainyabatsi, jeichichi:

—Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebim, ¿nexata jintam cacui itoroba xua nebautisabiwa jiwi? jei barapomonaē.

<sup>26</sup> Juan jume nota, jeye:

—Xan meratha bautisaban, ichitha ichũn beta exanaena beyacaincha xan. Bapon bara bequein painyamonaē pia xantha tatsi popona ichitha bapon jopa payaitaem. <sup>27</sup> Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu mũ isanaxubiwa tsane pia penataxu xatatsiwa tatsi, jei Juan.

<sup>28</sup> Daxita baxuan Juan yainyabatsi ichaxota po tomara pewan Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

*Meje yabara xua poxonae Jesús pon “Cordero”, baraichichi*

<sup>29</sup> Icha mataqueitha Juan tane, Jesús tainchi xua Juan pexainya tarenatsi. Bapoxonae Juan jiwitha jeye: “Incane pataema pon pejunta coyene xeicaein pon Nacom itorobica, pon ‘Cordero’, baraichichi xua oveja pebto penan. Apra bapon pon jiwi petsitapaewa tsainchi xua abe pia peexanae cuiru coyenein tatsi icha poxonae ovejiyo ichi poxonae tsitapa jiwi abe pia peexanae cuiru coyenein tatsi. <sup>30</sup> Bara bapon apra pon bayatha yabara paeban poxonae janje: ‘Pon cotacaya patopa xua xan tsiwuna patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abu cataunxuae jopa naexanaeinyo’, janje. <sup>31</sup> Xan copiyatha jopa yaputaeyno xua Jesús bapon barapara Mesías, pon icha wan Cristo, pon Nacom itorobica. Ichitha xan patopan tabautisabinexa meratha Israel piamonae susato saineiwi xua barapomonae bapon peyaputaewa tsainchi”, jei Juan.

<sup>32</sup> Juan yawa namchi, jeye: “Poxonae bapon bautisaban bapoxonae tan Nacom pia Pejumope tnanaxu tatsi xua peitaboco weruneica xua be topiboto yaruneica. Barapo Nacom pia Pejumope tnanaxu tatsi, bapon pexantha tapatopatsi. <sup>33</sup> Xan cataunxuae bapoxonae xaniwaicha jopa yaitaeinyo bapon. Ichitha pon xua necui itoroba xua jiwi bautisaban meratha, nejei bapon: ‘Taename tajumope tnanaxu xua be topiboto tsecae xua peitaboco weruneica, po tajumope tnanaxu bapon pia xantha tapatopatsi. Poxonae baxua taename bapoxonae yaputaename xua barapo pebin apra pon jiwi pebautisabiwa tsainchi tajumope tnanaxutha. Bapon barompaya pia pebautisabi coyenewa exanaena xua poxonae barapo tajumope tnanaxu catsibina pomonaetha pomonae piamonaethaxae. Barapoxonae barapo tajumope tnanaxu barapomonae yanaba jinompaeinchi’, jei Nacom. <sup>34</sup> Bapoxonae bapon yaitan xua deta cou apra Mesías, yaitama tan xua poxonae bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi”, jei Juan jiwitha.

*Meje yabara xua poxonae Jesús itapeta pomonae copiya pomonae Jesús pijimonae tatsi*

<sup>35</sup> Icha mataqueitha equeicha Juan pon jiwi Pebautisabin pecoutha patopa xuano xua pebinbe nacueyatabe puna

poinchi ponbe xua pia pepuna ponaewichi jiwanabe tatsi.  
<sup>36</sup> Poxonae Juan tane xua Jesús dawerena ichaxoyo Juan dena, bapoxonae Juan jeye xua Jesús yabara jeichi:

—¡Pataema apara bapon pon ‘Cordero’ baraichi xua oveja pebto penun pon Nacom itorobica xua petsitapaenexa jiwi abe pia peexanae cuiru coyenein tatsi! jei Juan.

<sup>37</sup> Barapo pebinbe ponbe Juan pia pepuna ponaewichi jiwanabe tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe. <sup>38</sup> Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

<sup>39</sup> Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

<sup>40</sup> Ponbe Juan pejume taexaetsibe xuano pepuna ponaexaetsibe Jesús, caein pewun Andrés, Simón Pedro peweicho tatsi. <sup>41</sup> Andrés copiya matha peweicho wenawenei pon pewun Simón. Andrés barai peweicho, jeye:

—Paxan pacaxinan pon pewun Mesías, jei Andrés. (Barapo wun yabara caunuta xua jei “Cristo”, jei.)

<sup>42</sup> Bapoxonae Andrés peweicho capona, Simón capoinchi ichaxota Jesús uncua. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae newun Cefas tsane, barapo wun Cefas wun jei: ‘Iboto’, jei, jei Jesús. Seicaya griego jume wun ‘Pedro’, jei barapo wun iru jei: ‘Iboto’, jei.

*Meje yabara poxonae Jesús Felipe wabatsi, iru Natanael wabatsi*

<sup>43</sup> Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

<sup>44</sup> Barapon Felipe Betsaida tomarapin, po tomaratha iru Andrés popona iru Pedro. <sup>45</sup> Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiwunae cui tina pia peitorobi diwesi jume coyenewatha. Matautano pon bayatha iruru Nacom peitorobi jume pepaebiwi yabara

tsiwanae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

<sup>46</sup> Natanael jeye:

—Dapon pebin pon pejantꝯ coyene xanepanaein Nazaret tomara weya bapana jopa pona. Tsipei daxita barapo tomarapiwi apara peajantꝯcuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

<sup>47</sup> Poxonae Jesús tane xua Natanael imoxoyo caquita pona, Jesús jeye:

—Patopa pebin pepa israelmonaepin, pon jopa jiwi pemuxitorobin, pon xaniwaicha pejume cowantsin Nacom, jei Jesús.

<sup>48</sup> Nexata Natanael Jesús yainyabatsi. Natanael jeye:

—¿Eta ichim xua taneyaitawam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

<sup>49</sup> Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Nee-watsim! jei Natanael.

<sup>50</sup> Jesús jume nota, jeye:

—Xam nejume cowantame poxonae xua saya catsipaebatsi xua cacataewatsi higuera naetha. Ichitha bexa necotsiname xua exanaein pocotsiwa pexeinya peitꝯpanae tsita itꝯtsiwan, beyacaincha xua saya aunxuae catsipaebatsi, jei Jesús.

<sup>51</sup> Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

## 2

*Meje yabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa*

<sup>1</sup> Poxonae acoibi po matabibibe yapucaewa, bapoxonae irꝯꝯ pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi irꝯꝯ baxota natane pewabixaetsi. <sup>2</sup> Irꝯꝯ Jesús wabatsi, irꝯꝯ pijimonae tatsi wabatsi xua penaponaewa tsane barapo pexaewa petsinacaetutsiwatha xua poxonae pebin pecotsiwa



pita. <sup>3</sup> Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

<sup>4</sup> Jesús jume nota, jeye:

—Ena, ab<sub>u</sub> bexab<sub>u</sub> ab<sub>u</sub> jopa yabara neyainyabinde baxua. Canta daxua aichica xua petsita itabiwa taexanaewa, jei Jesús.

<sup>5</sup> Bapoxonae barapowa barai pomonaetha pomonae pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

<sup>6</sup> Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosib<sub>u</sub> matab<sub>u</sub>x<sub>u</sub>yobe tutu cana<sub>u</sub>pa. Icha juruwatontha tsiniya setenta po mera bosib<sub>u</sub> matab<sub>u</sub>x<sub>u</sub>yobe tutu cana<sub>u</sub>pa. Barapo juruwatontha ba judiomonae mene yaebeiba xua barapo merantha penacobe quiateibinexa xua daxota jopa Nacom petsita naj<sub>u</sub>nt<sub>u</sub> coyene taxobeibinexatsi.

<sup>7</sup> Pomonae pexaewa carena tsaibi barapomonae Jesús barai, jeye:

—Barapo saya juruwatontha paw<sub>u</sub>n<sub>u</sub>bare mera, jei.

Bapoxonae barapomonae barapo juruwaton w<sub>u</sub>n<sub>u</sub>ba.

<sup>8</sup> Bapoxonae Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonae bara baxua exana xua Jesús peitorobixae. <sup>9</sup> Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonae mene eepacaponae barapo juruwatontha barapomonae yaputane xua barapo juruwatontha jiwana mene nota xua po mera vino mera naexana. Bapoxonae pon mata canabane pexaewa waba, pon pecotsiwa pita bapon wabatsi. <sup>10</sup> Bapon barai, pon pecotsiwa pita baraichi, jeye:

—Daxita jiwi ba poxonae aena copiya matha apata po vino mera mene xeica. Poxonae jiwi ba wenaxuba po vino mera xeica, bapoxonae ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonae barapo vino mera jiwi wenaxuba po vino mera be conotha mene xaexaeca bapoxonae apatame po vino mera bichocono xeica, jei bapon.

<sup>11</sup> Baxua xua Jesús exana Caná tomaratha xua Galilea nacuatha. Barapo pexeinya petsita itutsi coyenewa poxonae xua aena copiya matha exana pia peayapuswatha. Poxonae baxua Jesús pijimonae cui tainchi, Jesús jume cowantatsi pijimonae.

<sup>12</sup> Poxonae baxua pexaewa najain weta bapoxonae Jesús pona Capernaum tomara beya. Bapon pena baru pona yawa peweicho jiwi baru pona, matautano pijimonae baru pona. Baxota Capernaum tomaratha daxita Jesusbaru be caentacabiyobe ena.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mt 21.12-13; Mr 11.15-18; Lc 19.45-46)*

<sup>13</sup> Tsipei poxoru imoxoyo barapo matakabi tsaneba xua Pascua wñ matakabin daxota Jesusbaru Jerusalén tomara beya pona. Barapo Pascua wñ matakabin, po matakabin poxonae judiomonae yabara nanta xeina xua pinae caena bayatha pia pamo susato jiwi tatsi panenebiya Egipto nacua weya. <sup>14</sup> Baxota Jesús caxina Nacom pin pia botha pomonae baxota caenaeta buey duweimonae, yawa ovejamaeno yawa topibomonae caenaetano. Matautano Jesús tane xua pomonae ena pexaethopaewantha ichaxota paratixi nantiya nacatsiba jiwi. <sup>15</sup> Poxonae Jesús tane barapomonae, Jesús bapoxonae exana xua pocotsiwa xota cuainta xua duwein peru mto. Daxita barapomonae Jesús Nacom pin pia bo wenapuna torobabiya. Yawano Jesús muxuna itaweta xua barapomonae piawanxae, bueymonaeno, ovejamaeno. Pomonae xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan. <sup>16</sup> Pomonae baxota caenaeta topibo, Jesús barai barapomonae, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

<sup>17</sup> Bapoxonae Jesús pijimonae tatsi yabara jume cui nanta xeinarucpa xua Nacom Pejume Diwesitha namchi xua Cristo yabara jeichichi xua jeye: “Yabara nejuntu coyene yuca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

<sup>18</sup> Nexata judiomonae Jesús yainyabatsi, jeye:

—¿Eta po pexeinya petsita itutsi coyenewa pana netsita itutsiname? Bapoxonae xain payaputaein xua bara cou xam

deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

<sup>19</sup> Jesús jume nota, jeye:

—Icha barapo bo weraweraca paexanaename, equeicha acoibi po maticabibetha beta caewa xanebin, jei Jesús.

<sup>20</sup> Nexata barapo judiomonae Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po maticabibetha equeicha w<sub>h</sub>nae exanaetsi? jei judiomonae.

<sup>21</sup> Po bo xua Jesús yabara paeba apara xua nayabara paeba pia pepon. <sup>22</sup> Daxota poxonae Jesús equeicha as<sub>h</sub> juina pet<sub>h</sub>pa<sub>e</sub> cuariyatha Jesús pijimonae yabara jume cui nanta xeinatsi xua bayatha Jesús paeba. Daxota jume cow<sub>h</sub>nta Nacom Pejume Diwesi. Yawano Jesús jume cow<sub>h</sub>ntatsi pocotsiwa xua paeba.

*Meje yabara xua po coyene Jesús daxita j<sub>h</sub>nt<sub>h</sub> coyene yaputane jiwi*

<sup>23</sup> Poxonae Jesús Jerusalén tomaratha popona xua Pascua w<sub>h</sub>n maticabintha bapoxonae pin bicheitomonae Jesús jume cow<sub>h</sub>ntatsi. Daxota barapo bicheiton jume cow<sub>h</sub>nta tsipei tane Jesús pia pexeinya petsita it<sub>h</sub>t<sub>h</sub>si coyenewan tatsi. <sup>24</sup> Jesús jopa yabara jume cow<sub>h</sub>ntsiyo barapomonae bequein jume cow<sub>h</sub>ntatsi taetha. Tsipei Jesús daxita j<sub>h</sub>nt<sub>h</sub> coyene yaputane jiwi xua ainya j<sub>h</sub>nt<sub>h</sub> coyene pexeinaewa. <sup>25</sup> Daxota jopa nantawenonaeyo xua ichamonae Jesús petsipaebiwatsi icha jiwi yabara. Tsipei bapon Jesús daxita j<sub>h</sub>nt<sub>h</sub> coyenein yaputane jiwi.

### 3

*Meje yabara poxonae Nicodemo Jesús tsipaebatsi*

<sup>1</sup> Ir<sub>h</sub>n<sub>h</sub> pebin popona pon fariseomonaepin, pon pew<sub>h</sub>n Nicodemo. Bapon judiomonae canamataxeinatsi. <sup>2</sup> Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ich<sub>h</sub>n jopa itac<sub>h</sub>paetsi xua pexeinya petsita it<sub>h</sub>t<sub>h</sub>si coyenewan peexanaewa Nacom pia peayapus<sub>h</sub>watha tatsi icha Nacom jopa yantsiyo bapon icha be xua poxonae ichim poxonae xua exaname Nacom necayantsixae, jei Nicodemo.

<sup>3</sup> Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itac<sub>h</sub>paetsi xua Nacom piamonae tatsi penaexanaewa pomonae Nacom itorobiya peewatsixae, jei Jesús.

<sup>4</sup> Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itacɥpatsi xua pena equeicha tsiperɥ wepatopa xua equeicha caewa penaexanaena pena jiton? jei Nicodemo.

<sup>5</sup> Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xeinaeyo Nacom pia Pejumope tɥnaxɥ tatsi po jumope tɥnaxɥ bapon icha jɥntɥ coyene xeina pecana exanaenexatsi, bapon jopa itacɥpaetsi xua Nacom piamonae tatsi penaexanaewa pomonae Nacom itorobiya peewatsixae.

<sup>6</sup> Pomonae pena jiwi tsiperɥ wenaexana bara jiwi coyeneya yacuiya naexana. Pomonae naexana Nacom piamonae tatsi barapomonae Nacom pia Pejumope tɥnaxɥ tatsi cana exana xua barapomonae pexeinaewa icha jɥntɥ coyene. Barapomonae yacuiya naexana Nacom piamonae tatsi tsipei exana pocotsiwa Nacom pia Pejumope tɥnaxɥ tatsi itoroba.

<sup>7</sup> Jopa najɥntɥ coyene cabenaecaeinde xua tacatsipaebiwatsi xua tacajeiwatsi: ‘Daxita jiwi bewa pena jiwi naexanae equeicha’, tacajeichiwatsi xua. <sup>8</sup> Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa taeyo Nacom pia Pejumope tɥnaxɥ tatsi. Saya jiwi yaputane xua icha jiwi jɥntɥ coyene xeica cana exainchi barapo Nacom pia Pejumope tɥnaxɥ tatsi, jei Jesús.

<sup>9</sup> Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumope tɥnaxɥ tatsi? jei Nicodemo.

<sup>10</sup> Jesús jume barai, Nicodemo jume baraichi, Jesús jeye:

—Xam pon daxita neyaputaem israhelmonae pexantha tatsi yawa pon jiwi necuidubim barapomonae pexantha tatsi. Bequein barapo jitom ichitha jopa baxua yabara yaputaem xua tacatsipaebiwatsi. <sup>11</sup> Xaniyan catsipaebatsi xua paxanbe, Juan, pon jiwi Pebautisabin, irɥ xan Jesús paca tsipaebatsi xua pocotsiwan payaputanbe. Matautano paxanbe bara yatsicaewa pata paebinbe xua patanbe bayatha. Ichitha paxam pomonae judiomonae pam jopa yabara pana nejume cowɥntsim pocotsiwa paxanbe paca tsipaebatsi. <sup>12</sup> Icha jopa pana nejume cowɥntsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cowɥntsi paem icha yabara paca tsipaebichipatsi pocotsiwan Nacom pia peitorobi nacua beicha tatsi.

13 “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi. 14-15 Caena bayatha ira xuepana susato tsurucuae nacuatha, pinmonae werapa poxoru jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetha tɔparucua neexanaena. Barichi tsane pomonae yabara nejume cowantsina po coyene xua xan naetha tatsitɔpaewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peajuntɔyapusɔwa, po peajuntɔyapusɔwa ataya tsiteca”, jei Jesús.

*Meje yabara xua Nacom daxita jiwi bichocono antobetsi barapo cae pin nacuathe*

16 Equeicha Jesús nayabara paeba poxonae Nicodemo tsi-paebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cowantatsi, bapon jopa weraweracae tsane. Bapon peajuntɔyapusɔwa xeinaena, po peajuntɔyapusɔwa ataya tsiteca. 17 Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuentsexae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentsiwa weya.

18 “Pon Nacom Pexanto tatsi yabara jume cowantatsi, bapon jopa Nacom tsitatsi xua atene peexanaewa tsainchi xua penatsicuentsexae xua abe peexanaexae Nacomtha. Ichitha nama pon Nacom Pexanto tatsi jopa yabara jume cowantsichi bapon Nacom bayatha tsitatsi xua atene peexanaewatsi tsainchi xua penatsicuentsexae jopa peyabara jume cowantsixaetsi Nacom Pexanto tatsi, pon bara compa. 19 Pomonae jopa Nacom Pexanto tatsi yabara jume cowantichi, barapomonae Nacom bayatha tsitatsi xua atene peexanaewatsi xua penatsicuentsexae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin nacuathe tsique, barapomonae ichichipa exana abe peexanaewan beyacaincha xua peexanaewa pocotsiwa Nacom itoroba.

<sup>20</sup> Tsipei daxita pomonae abe peexanaewi barapomonae Nacom Pexanto tatsi aichaxaibichi daxota jopa imoxoyo caquita ponaetsi bapon. Barapomonae jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonae abe exana. <sup>21</sup> Ichitha pomonae pejume cowantsiwi, pomonae yatsicaewa beta xanepanaya exana, barapomonae Nacom Pexanto tatsi imoxoyo caquita poinchi. Tsipei barapomonae ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonae wuna peexanaexae, xua pocotsiwa Nacom peitorobixae”, jei Jesús Nicodemotha poxonae nayabara paeba.

*Meje yabara poxonae Juan pon jiwi Pebautisabin equeicha Jesús yabara cueicueijeichi*

<sup>22</sup> Poxonae Jesús najume weta xua poxonae Nicodemo tsipaebatsi, bapoxonae pirapae Jesús pijimonae baru pona Judea nacia beya. Barapo nacuaथा Jesús ainya matababintha pijimonae baru popona. Matautano baxota Jesús pijimonae cui itoroba xua jiwi pebautisabiwa tsainchi. <sup>23</sup> Iru Juan bautisaba jiwi Enón tomaratha, po tomara eca ichaxota imoxoyo po tomara pewun Salim. Tsipei baxota menein nawita. Pinmonae Juan itata patatsi, yawa Juan bautisaba barapomonae. <sup>24</sup> Juan baxua pewanaeya exana xua poxonae jiwi pecabi botha etatsi.

<sup>25</sup> Bapoxonae pomonae Juan pia pepuna jinompaewichi tatsi iru judiomonaeno, barapomonae yabara baru najume matsontsonobatsi pebautisabi coyenewa. <sup>26</sup> Barapomonae Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabaru popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonae tatsi xua Jesús yabara paebatsi.

<sup>27</sup> Nexata Juan barai barapomonae, jeye:

—Jiwi ba jopa xeinaeyo icha Nacom jopa catsiyo. <sup>28</sup> Paxam bara yatsicaewa pana nejume taneme xua paca jeichi: ‘Xan dapon aibin Mesías’, jan. ‘Apara bapon pia pewanaeya tatsi Nacom neitoroba’, jan. <sup>29</sup> Poxonae ba pebin pecotsiwa pita bapon pona yabayo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxonae jume taeuncua xua pia jiton tatsi piowa pita. Icha pebin cana ichichi pia jiton, bara jata ichin Jesucristoथा anoxuae. Bichocono juntu coyene weiweinan tsipei daxita jiwi Mesías puna poinchi. <sup>30</sup> Bapon

bewa mataropeicha ainya cui naexanaponae jiwi peitutha tatsi. Xan bewa jopa ainya cui naexanaponaein tsane jiwi peitutha tatsi, jei Juan.

*Meje yabara poxonae Juan yabara paeba pon peitaboco wetsica pona*

<sup>31</sup> Equeicha Juan piamonae barai, jeye:

—Pon peitaboco wetsica pona, bapon jame bichocono peyaputaen beyacaincha xua ichamonae. Pon xua po irathepin bapon apara saya jiton. Bapon saya yabara cueicueijei pocotsiwa po irathe yabara. Ichitha pon peitaboco wetsica pona, bapon daxita canamataxeina. <sup>32</sup> Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba. <sup>33</sup> Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonaetha, xua apara Nacom bara xaniwaicha pepaebin. <sup>34</sup> Pon xua Nacom itoroba bara bapon cueicueijei Nacom pejumein tatsi, tsipei Nacom jopa juniya nacana jumope tñaxu catsiyo xua bapon peyawenaewa tsainchi. <sup>35</sup> Nacom bichocono antobe Pexanto. Pexanto cata peayapusu itorobi coyenewa xua bapon daxitan pecanamataxeinaewa tsane. <sup>36</sup> Pon Nacom Pexanto tatsi yabara jume cowantinchi, bapon peajuntuyapusuwa xeinaena, po peajuntuyapusuwa jopa bapana weraweracaeyo. Ichitha pon Nacom Pexanto tatsi jopa yabara jume cowantichi, bapon jopa xeinae tsane barapo peajuntuyapusuwa. Nama bapon Nacom cana exanaena xua bapon bichocono atene peexanaewa tsainchi, jei Juan.

## 4

*Meje yabara poxonae Jesús tsipaeba powayo Samaria nacuapiwayo*

<sup>1</sup> Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxechiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha. <sup>2</sup> (Dumetha Jesús apara jopa bautisabiyo. Apara jame Jesús pijimonae tatsi bautisaba jiwi.) <sup>3</sup> Poxonae Jesús jume yaputane xua jiwi paeba fariseomonaetha, bapoxonae Jesús pijimonae Judea nacua webaru warapiya. Caibeya warapa Galilea nacua beya.

<sup>4</sup> Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya.

<sup>5</sup> Bapoxonae Jesús pijimonae baru patopa Sicar tomaratha,

po tomara eca Samaria nacuatha. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewan José. Jacob iru pexanto tatsi caena bayatha tɔpabe. <sup>6</sup> Barapo iriyotha mene muthu eca, barapo mene muthu pewan, “Jacob pia muthu”, jei. Tsipei Jesús natseparona namto dena, tsipei taju werena pona, daxota barapo mene muthu mɔxuburutha ecora. Matautano baroxonae mateinyaxae tsuxubi iru. <sup>7-8</sup> Iru baroxonae Jesús pijimonae tatsi tomara be-iyiya pecomo-caenexa pexaewa. Barapomonae pecoutha tatsi yabuyo Samaria nacuariwayo patopa ichaxota Jesús po mene muthu mɔxuburutha eca. Jesús barai bapowa, jeye:

—Mera necare, jei Jesús.

<sup>9</sup> Baroxonae barapo Samaria nacuamonaepiwayo Jesús jume notatsi. Barapowa jeye:

—¿Eta pocotsiwa metha mera nebaru ununame? Apará judiomonaepim iru xan apara Samaria nacuamonaewayon, jei.

Barapowa baxua paeba tsipei judiomonae iru Samaria nacuamonaae daxita barapomonae jopa naita coxonaeyo. <sup>10</sup> Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera cawcatsi, baroxonae jame newuetsipame mera, xua icha mera, po mera jiwi peajntuyaruswa xeina cana exainchi, po peajntuyaruswa jopa bapana weraweracaeyo, jei Jesús.

<sup>11</sup> Bapowa Jesús jume notatsi, jeye:

—Pon jiwi Necanamataxeinaem, apara jopa xeinaem xua xota mene capatame. Yawa po mene muthu apara taju deca. ¿Jinya exota po mene boca inta mene capitichi, po mera jiwi ajntuyaruswa exainchi? <sup>12</sup> Barapon Jacob pata tamo susatopin pana cata barapo mene muthu. Bapon barapo mene muthu mene capaneiba peapeibinexa, iru pia pexui tatsi mene capaneiba xua peapeibinexa, matautano mene capaneiba peapateibinexa pia duweimonaein. ¿Metha bara Jacob toxecha ainya cuim, beyacaincha bapon? jei bapowa.

<sup>13</sup> Jesús jume nota, jeye:

—Daxita pomonae xua po mene muthu the mene capaneiba xua peapeibinexa equeicha meratsipouneibina. <sup>14</sup> Ichitha pon apa xua po mera catan, bapon equeicha jopa caewa meratsipae tsane. Barapo mera icha ira bapana mene ichi xua epatoya mene jujuina poxoru bichocono ira bɔxɔpana mene nauca. Barichi po coyene xua cacatinchi barapo coyene sajntu coyene yuca cacana exanaena, baroxonae



xeinaename peajantayapusawa, po peajantayapusawa xua ataya tsiteca, jei Jesús.

<sup>15</sup> Nexata bapowa Jesús jume notatsi, bapowa jeye:

—Pon jiwi Necanamataxeinaem, dapō mera necare xua jopā caewa tameratsipouneibiwa tsane yawa xua equeicha pō mene m̄th̄the jopā tapateibiwa tsane xua mera tacapanathopeibinexa, jei barapowa.

<sup>16</sup> Jesús jume nota, jeye:

—Moya matha iyande, matha jinseuri wabare. Nexata bapoxonae xote papatoparebe, jei Jesús.

<sup>17</sup> Bapowa jume nota, Jesús jume notatsi, jeye:

—Taseuri apara jopā xeinaeinyo, jei.

Nexata Jesús jume barai, jeye:

—Bara xainyeya paebame poxonae jam, ‘Taseuri jopā xeinaeinyo’, jam. <sup>18</sup> Tsipei caena bayatha cinco poyobe pebiwi punaxubame. Pon xua anoxuae barā poponame, apara jinseuri aibi. Poxonae paebame baxua bara xainyeya paebame, bara jopā naerabim, jei Jesús.

<sup>19</sup> Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim. <sup>20</sup> Pata tamo susato jiwi, Samaria nacuamonaepiwi, barapomonae w̄nae jainteiba Nacom xote pō demxuwathe. Ichitha paxam judiomonae pam, papaebame xua pinae bewa jiwi w̄nae jainteibina Nacom bom̄x̄tha pō bō uncua Jerusalén tomaratha pō bō Nacom pin pia bō tatsi, jei barapowa.

<sup>21</sup> Jesús jume nota, jeye:

—Yab̄yo moya yabara nejume cow̄nde xua tacatsipae-biwatsi. Tsipei barapo matacabi imoxoyo patopaena, pō mataqueitha xua w̄nae pajainteibiname Nacom. Nama jopā painya nenantawenonaewam tsane xua painya neponaewa, pō demxuwathe yawa Jerusalén tomara beya xua w̄nae painya nejainteibiwa tsane Nacom. <sup>22</sup> Paxam Samaria nacuamonaē pam, jopā payarutaem pon w̄nae pajainteibame. Paxan nama judiomonae pan payarutan pon w̄nae pajainteiban, tsipei pon pecapanenebiyaein jiwi apara bapon judiomonae jiwanapin. <sup>23</sup> Ichitha anoxuae nama patopa pō mataqueitha poxonae pomonae xaniwaicha w̄nae pe-jainchiwa Nacom, barapomonae icha coyene cuitha Nacom w̄nae jaintinchi, xua barapomonae pia Paxaxae tatsi. Barapomonae xaniwaicha pia pejant̄ coyenewatha w̄nae jainchina Nacom. Tsipei Nacom baxua ichichipa xua w̄nae pejainchiwatsi xua jiwi w̄nae pejainchiwa pejant̄ coyenewatha. <sup>24</sup> Nacom pejant̄ coyene xanepanaein pon peinya

jumopein. Daxota pomonae Nacom w<sub>h</sub>nae pejainchiwatsi, barapomonae bewa xaniwaicha pej<sub>h</sub>nt<sub>h</sub> coyenewatha w<sub>h</sub>nae jainchina Nacom, jei Jesús.

<sup>25</sup> Barapowa jume nota, jeye:

—Yaputan xua patopeicaena pon pew<sub>h</sub>n Mesías, (xua pon icha w<sub>h</sub>n “Cristo” baraichi). Poxonae bapon patopeicaena daxita yabaran pana necuidubina, jei bapowa.

<sup>26</sup> Jesús jume nota, jeye:

—Apara xan bapon, pon aunxuaein catsipaebatsi, jei Jesús.

<sup>27</sup> Bapoxonae equeicha Jesús pijimonae tatsi pata. Daxita barapomonae yabara naj<sub>h</sub>nt<sub>h</sub> cui coyene cabenaeca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesustha, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa. <sup>28</sup> Nexata bapowa juruwato cuenta iya tomara be-iya, nainya yacuinaya iya. Bapowa jiwi tsipaeba, jeye:

<sup>29</sup> —Anetha, pataema pebin ichaxota m<sub>h</sub>th<sub>h</sub> mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

<sup>30</sup> Bapoxonae jiwi tomara we-iyiya peponaenexa ichaxota Jesús popona. <sup>31</sup> Ir<sub>h</sub>h<sub>h</sub> Jesús pijimonae jume daunweya baraichichi, jeye:

—Pon Patatanecuidubim, matha xaema, jeichichi pijimonae.

<sup>32</sup> Jesús jume barai pijimonae, jeye:

—Xan xeinan pexaewa, po pexaewa jopa payaputaem, jei Jesús.

<sup>33</sup> Jesús pijimonaexae tatsi nexata bara caemonae nayainyaba, jeye:

—¿Metha bara ich<sub>h</sub>n Jesús apatatsi pexaewa? najei barapomonae.

<sup>34</sup> Ichitha Jesús pijimonae jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Mata<sub>h</sub>tano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanej<sub>h</sub>nt<sub>h</sub> coyene y<sub>h</sub>caewa tsane be poxonae pebin xua pexaewa una tonsana. <sup>35</sup> Paxam ba pajam: ‘Ab<sub>h</sub> cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi j<sub>h</sub>ta coyeneya paca jeichi: ‘Jiwi barapo cae pin nacuathe bayatha naj<sub>h</sub>nt<sub>h</sub> cui coyene w<sub>h</sub>naetaba xua pejume taenexa Nacom Pejume Diwesi xua pejume cow<sub>h</sub>nts<sub>h</sub>inexa’, paca jeichi. <sup>36</sup> Catsibin pomonae

tamonaexae pocotsiwa xua pematomatsiwa xua inta ichamonae peyawenaexaetsi xua iruru be tamonae jiwi penaexanaenexa. Pomonae nejume cowanta barapomonae catsibin peajuntayapuswa, po peajuntayapuswa jopa werawera-caeyo. Tsipei pomonae tajume diwesi pecueicueijiwi copiya xuano iru pomonae tajume diwesi cotacaya xuya yaputane cana exana xua daxota jiwi nejume cowanta, daxita barapomonae matabuxyobe naba ru juntu coyene weiweina xua ichamonae nejume cowanta pecana exanaexaetsi. <sup>37</sup> Tsipei po diwesiyo xua tsica diwesiyo, po diwesiyo yabara cananta jutsiya pepaebiwa bara apara xaniwaicha, po diwesiyo xua ba jeye: ‘Ichun uba, iru ichun xuya jota poxonae naweta’, xua jei po diwesiyo. <sup>38</sup> Paca itorobatsi xua inta payawenename jiwi xua tajiwimonae penaexanaenexa xua po coyene jopa pacata ayapubeyo xua poxonae paexaname baxua. Baxua paexanename bequein bara jopa dapomonae pam pocotimonae copiya tajume diwesi paeba barapo jiwitha. Jame paxam apara barapomonae pam, xua xuya cotacaya yaputane pacana exaname barapo tajiwimonae. Baraxua icha be poxonae ichi poxonae ichun xuya jota cotacaya poxonae ichun copiya uba, jei Jesús.

<sup>39</sup> Bapoxonae pin bicheitomonae pomonae barapo tomaratha jinompa xua Samaria nacuatha, Jesús jume cowantatsi, tsipei barapo petsiriwa pejeixae: “Bapon Jesús yabara netsipaeba daxita pocotsiwa bayatha caena exanan”, jei. <sup>40</sup> Poxonae barapo Samaria nacuapiwi Jesustha pata, bapoxonae Jesús jume daunweya jeichichi: “Pana baru ecare pata tomaratha”, jeichichi. Daxota Jesús ainya matabibenaeca barapo tomaratha. <sup>41</sup> Bichocono pinmonae Jesús jume cowantaponatsi poxonae jume tane xua Jesús paeba. <sup>42</sup> Nexata barapomonae bapowa tsipaebatsi, jeichichi:

—Anoxuae nama pajume cowantan jopa meisa saya poxoru pata tanetsipaebiwam. Matautano bara pajume cowantan tsipei yatsicaewa pata muxutontha pajume tan pocotsiwa bapon paeba. Matautano bara payaputan xua bapon pon jiwi Pecapanenebiyaeinchi abe pia peexanae cuiru coyenein tatsi weya xua barapo jiwi jopa peweraweracaenexa, jei barapomonae.

*Meje yabara poxonae Jesús axaibi exana pon pentacaponaein pexanto tatsi*

<sup>43</sup> Poxonae barapo ainya matabibenaeca yapucaewa, bapoxonae Jesús pijimonae Samaria nacua webaru warapiya xua baru pona Galilea nacua beya. Ichitha pijimonae jopa baru patopaeyo pia tomaratha Nazaret tomaratha. <sup>44</sup> Tsipei Jesús bayatha pijimonae tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa baru cui itura jinaetsi, jei Jesús. <sup>45</sup> Poxonae Jesús pijimonae baru patopa Galilea nacuatha, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonae jiwi nacaetuta xua penabanaenexa pexaewa po maticabintha pewun Pascua wun maticabin poxonae jiwi yabara canantana xeina xua caena bayatha pia pamo susato jiwi tatsi panenebiya Egipto nacua weya. Matautano tsipei poxoru bayatha barapomonae tane daxita pocotsiwa Jesús exana baxota.

<sup>46</sup> Bapoxonae Jesús pecoyo baru pona pijimonae Caná tomara beya xua po tomara eca barapo Galilea nacuatha. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonae Jesús Caná tomaratha eca, iruru pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacuitatsi. <sup>47</sup> Barapon pon pentacaponaein yaputane xua Jesús pijimonae baru patopa Galilea nacuatha xua Judea nacua weya pona. Bapoxonae Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo peturpae, jei bapon.

<sup>48</sup> Nexata Jesús barai bapon xua piamonae tatsiru, jeye:

—Paxam jopa yabara pana nejume cowantsim. Saya poxonae pexeinya petsita itatsi coyenewan paca tsita exaneibatsi bapoxonae deta pana nejume cowanteibame, jei Jesús.

<sup>49</sup> Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewunaeya tsane poxonae taxanto turpaena, jei.

<sup>50</sup> Nexata Jesús jume barai bapon, jeye:

—Moya caibe nawiyama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya. <sup>51</sup> Poxonae barapo pentacaponaein cataunxuae ecapona namtotha xua pia bo beya pona, bapoxonae bapon matenta poinchi pomonae pia petanacuichiwiwixatsi pia botha. Bapon jeichichi:

—Nexanto bayatha cata axaibi, jei barapomonae.

<sup>52</sup> Nexata bapon yainyaba pia petanacuichiwichi, jeye:

—¿Eta poxonae inta taxanto axaibi? ¿Eta xoyo poxonae ecatabiya xometo? jei bapon.

Barapomonae jume nota, jeye:

—Mexuae axaibi tsuxubi poxonae mateinyaxae pepuya weya bapoxonae yasataxotsi domae, jei barapomonae.

<sup>53</sup> Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiyama jinya bo beya, bayatha nexanto cata axaibi”, jei Jesús. Bapoxonae bapon iru pomonae pia botha petaenaewichi Jesús yabara jume cowantatsi.

<sup>54</sup> Barapo pexeinya petsita itutsi coyenewa xua poxonae equeicha Jesús cotacaya exana poxonae caibe warapiya Galilea nacua beya poxonae Judea nacua wewarapiya.

## 5

*Meje yabara poxonae Jesús axaibi exana pon pecuenobinchi ichaxota po fetiyo pewun Betzata*

<sup>1</sup> Bapoxonae pirapae Jesús pona Jerusalén tomara beya. Barapo tomaratha judiomonae nacaetuta xua penabanaenexa pexaewa. <sup>2</sup> Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei. Barapo fetiyotha cinco po boutiyobe umena. <sup>3</sup> Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayujayuwei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa. <sup>4</sup> Tsipei ichacuiha tsaibi matatsunpin patopeiqueiba barapo mene fetiyotha xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi. <sup>5</sup> Baxota pebin iru boca pon caena bayatha atene treinta y ocho po weiyobetha. <sup>6</sup> Jesús tane xua bapon iratha boca. Matautano Jesús yaputane xua bapon ainya dapaen bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

<sup>7</sup> Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonae matatsunpin mene najirababa exana. Poxonae tacoutha taepatotha iya tsabin ichun copiya netsiwana patopeiba. Bapon axaibi, copiya pecaxinaexae mene, jei pon atene.

<sup>8</sup> Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

<sup>9</sup> Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matacabi apara po matacabi pentaquei seicae matacabi. <sup>10</sup> Daxota judiomonae barai pontha pon axaibi exainchi. Jeichichi:

—Apara anoxuae po matacabi xua pentaquei seicae mat-acabi. Barapo mataqueitha jopa cacopatsiyo xua bara necaponaewa jinya nebocaewa, jei judiomonae.

<sup>11</sup> Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebo-caewa, bara ponde’, nejei bapon, jei bapon judiomonaetha.

<sup>12</sup> Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

<sup>13</sup> Ichitha bapon jopa wun taeyo pon peaxaibi exanaexaetsi, tsipei Jesús pin bicheitho naita cafetaba. <sup>14</sup> Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenem tsipae beyacaincha xua poxonae copiya atenem, jei Jesús.

<sup>15</sup> Nexata barapo pebin pona judiomonae beya xua pe-jeinexa:

—Apara pon neaxaibi exana bapon apara Jesús, jei bapon.

<sup>16</sup> Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataque-itha pentaquei seicae mataqueitha. <sup>17</sup> Ichitha Jesús jeye barapomonaetha:

—Taxa, apara cataunxuae nacuiteiba daxita matacabintha. Xan barichin bara bequein pentaquei seicae matacabi tan, jei Jesús.

<sup>18</sup> Daxota bichocono nama judiomonae jopa juniya anaepanaeyo, yawa ichichipa xua Jesús pebexubiwa tsainchi. Barapomonae anaepana tsipei yaitama Jesús po mataqueitha pentaquei seicae matacabitha nacuita poxonae bequein barapomonae jopa copatsiyo. Matautano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

*Meje yabara poxonae Jesús yabara paeba xua pexeinaewa pia peayapusu itorobi coyenewa*

<sup>19</sup> Nexata equeicha Jesús barai barapo judiomonae, jeye: “Xaniyan paca tsipaebatsi xua xan Nacom Pexanton jopa ex-anaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsi-wan baxua exanan. <sup>20</sup> Taxa bichocono neantobe, yawa net-sita itata daxita xua bapon pocotsiwa exana. Taxa equeicha ichawanno netsita itatsina pocotsiwa xua bichocono wanae

beyacaincha xua bayatha exanan. Bapoxonae yabara pana najant<sub>u</sub> cui coyene cabenaecaename. <sup>21</sup> Taxa equeicha as<sub>u</sub> cana exana pomonae caena bayatha werapa. Xan barichin tsane Nacom Pexantonxaein equeicha as<sub>u</sub> cana exanaein pomonae pewerapaewi, pomonae xua ichichipan xua as<sub>u</sub> tacana exanaewa. <sup>22</sup> Taxa jopa ba yabara paebiyo jiwi xua penatsicuent<sub>u</sub>siwa xua abe peexanaexae. Saya meisa xan Pexanto tatsixaein necata barapo peayapus<sub>u</sub> itorobi coyenewa xua tayabara paebiwa jiwi xua penatsicuent<sub>u</sub>siwa xua abe peexanaexae Nacomtha. <sup>23</sup> Baxua Taxa barapo peayapus<sub>u</sub> itorobi coyenewa necata xua daxita jiwi tana nebar<sub>u</sub> cui itura jinaenexa xua icha barapo jiwi ichi xua poxonae Taxa bar<sub>u</sub> cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebar<sub>u</sub> cui itura jinaeyo bapon barichi Taxa jopa bar<sub>u</sub> cui itura jinaetsi.

<sup>24</sup> “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitaewata pocotsiwa paeban xuano xua Taxa jume cowantatsi bapon peajant<sub>u</sub>ayapus<sub>u</sub>wa xeinaena po peajant<sub>u</sub>ayapus<sub>u</sub>wa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuent<sub>u</sub>siwa xua daxota bapon bewa t<sub>u</sub>paena abe peexanaexae. Tsipei bapon be barapocotsin, bara be pocotsin xua equeicha as<sub>u</sub> exanan pet<sub>u</sub>pa<sub>e</sub> cuiru coyene weya. <sup>25</sup> Xainyeya paca tsipaebatsi. Apará anoxuae barapo matacabi patope, po mataqueitha pomonae be pewerapaewi jopa pexeinaexae peajant<sub>u</sub>ayapus<sub>u</sub>wa, barapomonae nejume taena. Yawano icha barapomonae nejume cowantsina bapoxonae xeinaena peajant<sub>u</sub>ayapus<sub>u</sub>wa. <sup>26</sup> Taxa xeina xua peajant<sub>u</sub>ayapus<sub>u</sub>wa, po pia peajant<sub>u</sub>ayapus<sub>u</sub>wa tatsi jopa weraweracaeyo. Daxota bara tayapu xanepanatsi xua ich<sub>u</sub>n pecatsinexatsi barapo peajant<sub>u</sub>ayapus<sub>u</sub>wa. Mata<sub>u</sub>tano Taxa necata barapo peajant<sub>u</sub>ayapus<sub>u</sub>wa xua daxota xuya jiwi catan. <sup>27</sup> Taxa pia peayapus<sub>u</sub> itorobi coyenewa necata xua jiwi tayabara paebinexa xua penatsicuent<sub>u</sub>siwa xua abe peexanaewixae Nacomtha. Tsipei naexanan pepa Jiton daxota necui j<sub>u</sub>pa xua barapo pia peayapus<sub>u</sub> itorobi coyenewatha jiwi tayabara paebiwa xua penatsicuent<sub>u</sub>siwa xua abe peexanaexae. <sup>28</sup> Jopa baxua payabara najant<sub>u</sub> coyene cabenaeca<sub>e</sub>inde pocotsiwa tapaca tsipaebiwatsi. Tsipei patopaena icha matacabi po mataqueitha pomonae pewerapaewi nejume taena. <sup>29</sup> Barapomonae pomonae pewerapaewi m<sub>u</sub>th<sub>u</sub> wejujuinaena. Pomonae xua xanepanaya exana xua poxonae caena bayatha jinompa, barapomonae as<sub>u</sub> exanaeinchi xua pexeinaewa tsane peajant<sub>u</sub>ayapus<sub>u</sub>wa.

Ichitha nama pomonae abe exana xua poxonae caena bayatha jinompa, barapomonae asu exanaeinchi xua peyabara paebinxatsi xua penatsicuentsiwa xua abe peexanaexae Nacomtha”, jei Jesús.

*Meje yabara poxonae Jesús tsita itapeinya xeina jiwi xua bara xeina peayapusu itorobi coyenewa*

<sup>30</sup> Cataunxuae awiya Jesús cueicueijei judiomonaetha. Jesús jeye: “Jopa exanaeinyo pocotsiwa tacoutha ichichipan. Jiwi yabara paeban xua penatsicuentsixae xua abe peexanaexae Nacomtha be pocotsi coyeneya Taxa tanecui itorobixae. Baxua xua pocotsiwa poxonae jiwi yabara paeban xua penatsicuentsiwa xua abe peexanaexae apara bara xanepana. Tsipei jopa exanaeinyo pocotsiwa tacoutha ichichipan jame saya exanan pocotsiwa Taxa ichichipa, pon tana neitorobixae. <sup>31</sup> Icha saya meisa nayabara paebichipan tacoutha, yawa icha ichun jopa neyabara jume yawenaetsipae metha bapoxonae pana neyabara jam tsipaem: ‘Apara pocotsiwa bapon pia coutha nayabara paeba jopa xainyeyo’, pana neyabara jam tsipaem. <sup>32</sup> Ichitha ichun neyawena xua tana neyabara paebiwa tsipei paeban xua pocotsiwa bapon paeba. Nanta juraya papaebanbe. Apara bapon Nacom bara Taxa. Bara yaputan po coyene bapon xua tana neyabara paebiwa apara bara xainyei. <sup>33</sup> Paxam ichamonae paitorobame Juan beya, xua Juan peyainyabiwa tsainchi, pocotsiwa Juan yabara paca jume nota xua xan yabara, bara apara xainyei. <sup>34</sup> Xan jopa jiton nantawenonaeinyo xua tana nebaru jume yawenaewa xua jiwi yabara tana nejume cowantsiwa xua bara xainyeya tapaebin. Saya yabara paca tsipaebatsi pocotsiwa Juan tana neyabara paebiwa. Poxonae baxua pajume cowantsiname pocotsiwa Juan tana neyabara paebiwa bapoxonae paca capanenebiyaena abe painya neexanae cuiru coyenein weya xua jopa painya atene tsaibiwa tsane abe painya neexanaewantha. <sup>35</sup> Poxonae pecoicha itanata, jiwi ba caeto juntu coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntu coyene weiweiname caeto, poxoru paichichipame barapo diwesi pocotsiwa bapon paca tsipaeba. <sup>36</sup> Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa Taxa neitoroba. Po pexeinya petsita itabiwan xua exanan poxonae baxuan jiwi necui tane bapoxonae nejume cowanta xua Taxa necata barapo peayapusu itorobi coyenewa. <sup>37</sup> Matautano Taxa, pon tana neitorobixae, beta xanepanaya neyabara paeba. Ichitha paxam jopa



bapana Nacom pajume taem xua pejume. Matautano jopa bapana pataem pia pepon. <sup>38</sup> Nacom Pejume Diwesi jopa paxeinaem painya juntu coyeneintha tsipei jopa pana nejume cowantsim ponxaein xua Nacom tana neitorobixae. <sup>39</sup> Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajuntuyarusawa, po peajuntuyarusawa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa. <sup>40</sup> Ichitha jopa bapana pana nejume cowantsim xua tapaca catsibinexatsi barapo peajuntuyarusawa, po peajuntuyarusawa jopa weraweracaeyo.

<sup>41</sup> “Jopa netsita ainya cuiyiyo xua bara jiwi tana nebaru cui itura jinaewa xua ainya cuin tanaexanaexae. <sup>42</sup> Matautano paca juntu coyene yaputainchi xua painya juntu coyeneintha jopa Nacom paantobem. <sup>43</sup> Xan, Nacom Taxa tana neitorobixae, pacata patopatsi, daichitha jopa pana nejume cowantsim. Ichitha icha ichun pacata patopaetsipa pon pia coutha naitoroba, bapon xanepanaya pajume cowantsipame. <sup>44</sup> Jopa paca itacupaeyo xua pana nejume cowantsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane. <sup>45</sup> Jopa pananta xeinaeinde xua Taxatha tapaca yabara paewatsi xua po coyene abe painya neexanaewa. Xan dapon apara aibin xua abe tapaca yabara paewatsi. Paxam pananta xeiname, pana najam: ‘Caena bayatha Nacom nacana jume diwesi cata Moiestha xua jiwi pejume cowantsiwa tsane. Jume cowantatsi barapo diwesi, daxota Nacom naca capanenebiya tsane’, pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowantsim daxota Nacomtha abe paexaname. <sup>46</sup> Icha pajume cowantsipame pocotsiwa Moisés neyabara tinaeya paeba, metha iruru pana nejume cowantsipame, tsipei Moisés neyabara tina. <sup>47</sup> Icha jopa pajume cowantsim pocotsiwa Moisés neyabara paeba, bara paichipaem jopa pana nejume cowantsipaem”, jei Jesús xua judiomonae tsipaebatsi.

## 6

*Meje yabara poxonae Jesús apata pexaewa cinco mil pebiwi (Mt 14.13-21; Mr 6.30-44; Lc 9.10-17)*

<sup>1</sup> Poxonae Jesús najume weta judiomonaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wun Tiberias pucua.

<sup>2</sup> Pin bicheito Jesús puna poinchi, tsipei Jesús cui tainchi xua exana pia pexeinya petsita itutsi coyenewan, poxonae axaibi exana peatenewi. <sup>3</sup> Nexata Jesús pijimonaē barua ecoinya demxuwa icha. Bapoxonae baxoteicha Jesús pijimonaē barua ecopiya. <sup>4</sup> Imoxoyo bara nama patopaena matacabi xua judiomonaē pia Pascua wun matacabi tatsi. <sup>5</sup> Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonaē upain como-caeinchi? jei Jesús Felipetha.

<sup>6</sup> Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa. <sup>7</sup> Nexata Felipe Jesús jume notatsi, jeye:

—Bequein doscientos po pan matabaxumonaē comocaetsi-pathatsi jopa awiya jupaetsipae xua daxita barompaya pexeinaponaewa barapo bicheito. Barapo denario paratiyo matawun xua bichocono matoma nawita xua caentaqueitha nexa xua matoma xeineiba pomonaē penacuichiwi, jei Felipe.

<sup>8</sup> Bapoxonae Andrés pon iruru Jesús pijimonaē tatsi jiwana jiton, pon Simón Pedro peweicho tatsi, bapon Jesús jeichichi:

<sup>9</sup> —Meje pewowin wato uncue. Bapoyo cinco po panbe xeina, po pan xua cebada beno pan. Matautano bapoyo duweiyoye ainyobe capana. ¡Ichitha apara jopa yapu jupaeyo xua pin bicheito! jei Andrés.

<sup>10</sup> Nexata Jesús jume nota pijimonaē, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi. <sup>11</sup> Nexata Jesús pecobetha pita pan, po pan xua pexuyo capatopa. Bapoxonae Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxonae Jesús pijimonaē tsicobe jajanacapona pan. Equeicha Jesús pijimonaē tatsi cacatsibapona barapo pan barapo cinco mil pebiwitha. Jesús barichiya exana poxonae duweiyoye pita. Matautano pijimonaē tsicobe jajanacapona barapo bicheito nexa. Barapo cinco mil pebiwi bara xane xua ichichipa piyainxae. <sup>12</sup> Poxonae daxita tonsanarucpa, bapoxonae Jesús pijimonaē barai:

—Panore xua barapomonaē jiwana xane. Pajebare, jopa pabebande, jei Jesús.

<sup>13</sup> Barapomonaē Jesús pijimonaē tatsi nonotapona pocotsiwa barapo pin bicheito jiwana xaexaepona. Jesús pijimonaē tatsi doce po cotebe wunba xua bayatha po cinco

panbe jiwana xaexaepona pin bicheito po pan xua cebada beno pan. <sup>14</sup> Barapo cinco mil jiwi poxonae Jesús cui tainchi xua pexeinya petsita itutsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinae patopaena po nacuathe xua wanacuatha tsica, jei.

<sup>15</sup> Ichitha Jesús yaputane xua barapomonae ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuathe tatsi. Daxota equeicha Jesús ponataba demxuwa beya, xua compa peecaenëxa.

*Meje yabara poxonae Jesús mene matatsun jumatha pona*  
(Mt 14.22-27; Mr 6.45-52)

<sup>16</sup> Poxonae quirei tsanaicha Jesús pijimonae tatsi pucua itapa bepareca. <sup>17</sup> Bapoxonae jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo. <sup>18</sup> Bapoxonae pin joibo tsuxubi. Yawa maratsaca muxunenababa jera. <sup>19</sup> Poxonae Jesús pijimonae tuwatha yana panenebiya, bapoxonae Jesús pijimonae tainchi. Jesús mene matatsun juma dena pona jera dena. Bapoxonae barapomonae bichocono junuwa. <sup>20</sup> Ichitha Jesús pijimonae barai, jeye:

—¡Apara xan! ¡Jopa pajunuwinde! jei Jesús.

<sup>21</sup> Bapoxonae Jesús pijimonae yaitaerucupatsi. Bapoxonae Jesús juntu coyene weiweinaya wabatsi pijimonae xua jeratha penontabinaenëxa. Bapoxonae nainya patarucupa Capernaum tomaratha.

*Meje yabara poxonae jiwi Jesús wenaweneichi*

<sup>22</sup> Icha mataqueitha pin bicheito, pomonae umena pucua itapatha xua icha muxunenetha, barapomonae tane xua Jesús pijimonae cuenta ponarucupatsi jeratha, po jera saya bara cae nae xua po nae baxota boca. <sup>23</sup> Poxonae cataunxuae Jesús yabara nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntu coyene weiweinana xua pata tanecat-siwam pan”, xua jei, xuano xua baxota Jesús apata pan jiwitha. <sup>24</sup> Barapomonae yaputane xua Jesús aichurucuae. Mataatano yaputane xua Jesús pijimonae tatsi aichurubena. Daxota jeran notarucupa Capernaum tomara be-iyiya xua Jesús pewenaweneiwa tsainchi.

*Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobicatsi*

<sup>25</sup> Poxonae barapomonaе pata icha muxunene beya xua pucua iya, bapoxonae Jesús tainchi. Barapomonaе Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonaе.

<sup>26</sup> Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apará jopa baxua patsipatsim xua bayatha tapaca tsita exanaexaetsi pexeinya tatsita itútsi coyenewan. <sup>27</sup> Jopa pananta xeinaeinde xua saya pexaewa pana natsiupain nacuitame, po pexaewa saya nainya weraweraca. Saya meisa jame payabara nanta xeinare xua peajuntuyapusu coyenewa, po peajuntuyapusu coyenewa jiwi ajuntuyapusu exanatsi, po peajuntuyapusuwa jopa weraweracaeyo. Taxa, Nacom, barapo peajuntuyapusuwa necata, po peajuntuyapusuwa xuya paca catsinchi ponxaein Nacom Tananeitapetsin, jei Jesús.

<sup>28</sup> Nexata barapomonaе Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

<sup>29</sup> Nexata Jesús jume nota barapomonaе, jeye:

—Jame Nacom baxua ichichipa xua pata tanejume cowantsiwam tsane ponxaein xua barapon Nacom, Taxa, neitoroba, jei Jesús.

<sup>30</sup> Nexata barapomonaе Jesús yainyabatsi, jeye:

—¿Eta po jinya pexeinya netsita itútsi coyenewa, pana netsita itútsiname? Icha paca cui taeinchi baxua xua pana netsita itútsiname nexata bapoxonae xua xain paca jume cowantatsi. <sup>31</sup> Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawan. Barapomonaе baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomonaе.

<sup>32</sup> Nexata Jesús jume barai barapomonaе, jeye:

—Xaniyan paca tsipaebatsi, Moisés barapo pexaewa apara jopa wamo susato jiwi catsichi, po pexaewa xua itaboco wetaitorobicatsi. Apará jame Nacom, Taxa, barapo pexainyei nabanae pexaewa taitorobica. <sup>33</sup> Po pexaewa Nacom itaboco wetaitorobica, apara neyabara wanae caunuta. Nacom neitorobica xua tacana exanaewa tsane jiwi barapo cae pin

nacuathe xua jiwi pexeinaewa tsane peajantayapusuwa, po peajantayapusuwa jopa weraweracaeyo, jei Jesús. <sup>34</sup> Nexata barapomonaе Jesús baraichichi, jeye:

—Patatanecanamataxeinaem, barapo pexaewa pana catsibeibare daxita maticabi tsaibi, jei.

<sup>35</sup> Jesús jume nota, jeye:

—Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajantayapusuwa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenonaewa. <sup>36</sup> Bara bayatha bequein paca tsipaebatsi, daichitha jopa pana nejume cowantsim bequein pana netaneme. <sup>37</sup> Daxita pomonaе xua Taxa necata, barapomonaе bara tamonaе. Barichi pomonaе nejume cowanta, barapomonaе jopa beban tsane. <sup>38</sup> Xan apara jopa baxua tsipatopeicaeinyo itaboco wetsica xua taexanaewa tsane pocotsiwa tacoutha ichichipan. Apra saya jame baxua tsipatopan xua taexanaewa tsane pocotsiwa Taxa ichichipa. <sup>39</sup> Tsipei Taxa ponxae neitoroba, barapon ichichipa xua daxita jiwi beta ta-enaewa tsane pomonaе tana necatsixae. Matautano Taxa jopa ichipaeyo xua barapomonaе jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomonaе tana necatsixae xua poxonaе po maticabi opi ducuaenaba po cae pin nacuathe. <sup>40</sup> Paxam yabara paca tsipaebatsi xua pocotsiwa Taxa peichichipaewa. Daxita pomonaе neyabara paebina po coyene xua xan apara Nacom Pexanton, xuano xua nejume cowanta, barapomonaе xeinaena peajantayapusuwa xua ataya tsiteca. Barapomonaе asu exanaein petupae coyene cuariya weya poxonaе maticabi opi ducuaenaba po cae pin nacuathe, jei Jesús.

<sup>41</sup> Poxonaе Jesús baxua nayabara paeba bapoxonaе judiomonaе Jesús abe yabara paebatsi, tsipei Jesús jeye: “Xan apara bapon po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajantayapusuwa tacatsin”, jei Jesús. <sup>42</sup> Barapomonaе najei caemonaе:

—Apra bapon Jesús, José pexanto tatsi. Apra coxiyan bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomonaе.

<sup>43</sup> Nexata Jesús jume barai, jeye:

—Jopa caemonae pana natsipaebinde xua abe papae-bame. <sup>44</sup> Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonae asu exanaein petupae coyene cuariya weya poxonae po mataqueitha daxita weraweracaena po nacuathe. <sup>45</sup> Nacom peitorobi jume pepaebiwi pia petinae diwesintha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesintha. Daxota daxita pomonae Taxa jume tainchi xuano xua jume cowantatsino barapomonae bara pata taxantha.

<sup>46</sup> “Dapon aibi pon Taxa tainchi. Jame meisa ponxaein itaboco wepatopeican bara Taxa tan. <sup>47</sup> Xaniyan paca tsipaebatsi, pon nejume cowanta bapon jame xeinaena peajuntayapuswa, po peajuntayapuswa jopa weraweracaeyo. <sup>48</sup> Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajuntayapuswa tacatsin. <sup>49</sup> Painya amo susato jiwi pexaewa xane ichaxota ira xuepana susato tsurucuae nacuatha. Barapo pexaewa maná matawan. Bequein bara barapo pexeinya pexaewa nabane daichitha matapainya werapa. <sup>50</sup> Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wnae caunutsixae. Pon nejume cowantsina jopa weraweracae tsane icha ichun ichi xua poxonae xane barapo pexaewa jopa tupaeyo. <sup>51</sup> Xan apara bapon xua po pexaewa Nacom itaboco wetaitorobica jiwi, po pexaewa ayapusu, xua po pexaewa tana neyabara wnae caunutsixae. Pon xua nejume cowanta bara ataya poponaena icha ichun ichi xua poxonae xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaein xua jiwi pexeinaewa tsane peajuntayapuswa”, jei Jesús.

<sup>52</sup> Nexata judiomonae caemonae najume matsontsonoba, najei:

—¿Eta pocotsiwa metha bapon naca tsipaeba xua naca cata-paeba pia pepon xua wanabanaewa tsane? jei barapomonae.

<sup>53</sup> Jesús barai barapomonae, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajuntayapuswa, po peajuntayapuswa jopa weraweracaeyo. <sup>54</sup> Pon xua tapepon xane yawa xua

apa tajana, bapon xeinaena peajuntuyapusuwa, po peajuntuyapusuwa jopa weraweracaeyo. Yawa bapon asu exanaein petupae coyene cuariya weya po mataqueitha poxonae daxita weraweracaena po cae pin nacuathe. <sup>55</sup> Tsipei tapepon be pexeinya pexaewa poxonae xua jiwi pexaewa tsane. Yawa tajana be pexeinya peapaewa xua jiwi peapaewa tsane. <sup>56</sup> Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitupan, yawano xua tajana othoparenaewa bapon nexa xua abe pia peexanae cuiru coyenein tatsi nexa. <sup>57</sup> Taxa ponxae neitoroba bapon ataya asu poponeiba. Iruru xan barichin ataya asu poponeiban tsipei Taxa necata pia peajuntuyapusuwa, po peajuntuyapusuwa jopa weraweracaeyo. Barichiru pon xane tapepon, xua poxonae tana nejume cowantsiwa, bapon asu poponeibina tacatsixae peajuntuyapusuwa. <sup>58</sup> Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa juraeoyo, xua icha be maná matawan ichi, po pexaewa rainya amo susato jiwi xane. Daichitha barapomonae matapainya werapa. Po pexaewa yabara paeban icha ichan xane barapo pexaewa, bapon xeinaena peajuntuyapusuwa, po peajuntuyapusuwa jopa weraweracaeyo, jei Jesús.

<sup>59</sup> Baxuan Jesús cuiduba judiomonae pia penacaetutsi botha tatsi xua Capernaum tomaratha.

*Meje yabara poxonae Jesús yabara paeba peajuntuyapusuwa, po peajuntuyapusuwa jopa weraweracaeyo*

<sup>60</sup> Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacupatsi xua peexanaewa tsane pocotsiwa bapon paeba? najei.

<sup>61</sup> Ichitha Jesús yaputane pocotsiwa xua peyabara pae-biwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube? <sup>62</sup> ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin? <sup>63</sup> Jiwi asu jinompa poxoru xeina pejumope tuxaxu. Poxonae pejumope tuxaxu panepa jiton ba pia pepon tupa. Icha pejumope tuxaxu ichi xua jiton asu exainchi pia pepon, barichi xua xan pocotsiwa tapaca tsipaebiwatsi barapo jume paca juntu

coyene ayapusu cana exana xua jopa painya neweraweracaewa tsane. <sup>64</sup> Ichitha cataunxuae pinmonae pomonae paxam jiwana pam, jopa nejume cowantsiyo, jei Jesús.

Caena bayatha Jesús copiya wanae tsiwanaya yaputane pomonae jopa pejume cowantsiwa tsainchi. Matautano caena bayatha Jesús copiya wanae tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús. <sup>65</sup> Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

<sup>66</sup> Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi. <sup>67</sup> Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya iru ponaetsiru? jei Jesús.

<sup>68</sup> Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua meisa xam compam yabara pana netsipaebame peajuntayapusuwa, po peajuntayapusuwa jopa weraweracaeyo. <sup>69</sup> Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

<sup>70</sup> Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamonae jiton tatsi, jei Jesús.

<sup>71</sup> Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

## 7

*Meje yabara poxonae Jesús jopa yabara jume cowantichi peweicho jiwi*

<sup>1</sup> Bapoxonae Jesús popona ducuaeta baxota xua Galilea nacuatha. Jesús aichaxaibi xua pepoponaewa Judea nacuatha, tsipei judiomonae, pomonae baxota jinompa, ichichipa xua Jesús pebexubiwatsi. <sup>2</sup> Bara nama imoxoyo tsurucuae tsozonaeba po maticabintha judiomonae



jinompa tsica bomuxuxitha xua penabanaenexa pexaewa. Barapo matabin ba judiomonae cayabara nanta xeina xua caena bayatha pinae pia pamo susato jiwi tatsi jinompa tsica bomuxuxitha ira xuepana susato tsurucuae nacuatha. <sup>3</sup> Jesús baraichi pia peweicho jiwi, jeye:

—Jopa xote poponaeinde. Judea nacia beya warapiyama xain baxotiya jinyamonae cacui tane pocotsiwa exaname xua jinya netsita itatsiwa. <sup>4</sup> Pon xua ba ichichipa peyaputaewatsi daxita jiwi, bapon ba daxita jiwi peitutha exana po coyene xua moya peyawun xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam iruru barichinde. Daxita jiwi peitutha exande xain cacui tane xua jinya netsita itabiwa neexanaewam, jeichichi Jesús peweicho jiwi.

<sup>5</sup> Baxua Jesús baraichichi peweicho jiwi, tsipei Jesús jopa jume cowantichi peweicho jiwi. <sup>6</sup> Nexata Jesús jume barai peweicho jiwi, jeye:

—Apara inta cataunxuae dapo matabi aichica, po mataqueitha tana naitatsiwa judiomonaetha xua Judea nacuatha. Ichitha poxonae paichichipame xua painya neponaewa moya bara paponde Judea nacia beya. <sup>7</sup> Pomonae jopa Nacom jume cowantichi barapomonae jopa paca casebiyo. Ichitha xan necaseba tayabara paebixae xua po coyene pocotsiwa barapomonae exana pejuntu coyeneintha apara abe. <sup>8</sup> Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeinyo cataunxuae canta tamatabi aichica, jei Jesús.

<sup>9</sup> Poxonae Jesús baxua najume weta, bapoxonae abu cataunxuae Galilea nacuatha popona be caentacabiyobe xua pecoyo weya peponaenexa.

*Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa*

<sup>10</sup> Poxonae Jesús peweicho jiwi tatsi bayatha ponaba penanabanaenexa pexaewa iru Jesús bara beya pona. Jesús compa nameicha pipatotha pona. Jopa peburu naponaeyo jiwitha. <sup>11</sup> Barapo judiomonae penacaetutswatha Jesús wewaweneichi. Barapo judiomonae pia pentacaponae wi tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

<sup>12</sup> Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuntu

coyene xanepanaein”, jei. Ichamonaē jeye: “Buu, metha jume, apara jiwi muxujainyabeibatsi”, jei barapomonaē.

<sup>13</sup> Ichitha dapon aibi pon pentha pejume jinaewa jiwi peitūtha xua Jesús peyabara paebiwatsi, tsipei judiomonaē pia pentacoponaewi tatsi cunuwatsi.

<sup>14</sup> Poxonaē cuatro po matakabinbe yapucaewa xua poxonaē judiomonaē po matakabintha nacaetuba, bapoxonaē Jesús joniya Nacom pin pia botha. Matautano baxota tamropata pitaba xua pecuidubiwa jiwitha.

<sup>15</sup> Bapoxonaē judiomonaē yabara najuntū cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidubiwatsi diwesi? jei.

<sup>16</sup> Jesús jume nota barapomonaē, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua. <sup>17</sup> Icha ichūn ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusū itorobi coyenewatha po coyene xua tawa xua saya tacoutha ichichipan. <sup>18</sup> Pon barompaya pia diwesi pia coutha nayabara paeba, apara bapon pia xua wūnaē yabara paebichi xua jiwi wūnaeya peyabara paebiwa tsane. Ichitha ichūn pon ichichipa xua jiwi Nacom wūnaē pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxuitorobin jiwi.

<sup>19</sup> “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwam?” jei Jesús.

<sup>20</sup> Daxita barapomonaē Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonaē.

<sup>21</sup> Jesús jume barai barapomonaē, jeye:

—Daxita paxam payabara najuntū cui coyene cabenaecame, tsipei pebin axaibi exanan po matakabitha pentaquei seicaē matakabitha. <sup>22</sup> Ichitha paxam irū panacuiteibame barapo matakabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi

xeinatsi xua ichaxota nareixacaena xua ocho po matacabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwi tamropata notarucupa baxua. Poxonae ocho po matacabibe yapu othopeiba pawi thabame pebin wutixi bequein poxonae pentaquei seicae matacabi pataetham. <sup>23</sup> Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wutixi pawi thabame ichaxota pebiwichi xeinatsi xua ichaxota nareixacaena bequein pentaquei seicae matacabi pataetham poxonae. Icha bara paichim pentaquei seicae matacabitha, ¿eta pocotsiwa metha pana necasebame xua pebin axaibi taexanaexae pentaquei seicae matacabitha? <sup>24</sup> Painya xoba pebin payabara paebame xua penatsicuentisiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copiya pacui yaputaema xua icha bara metha pebin abe exana tsipei methapara barapo pebin xanepanaya exana.

*Meje yabara xua Jesús yabara paeba xua ichaxota copiya popona*

<sup>25</sup> Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi? <sup>26</sup> Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponae wi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae? <sup>27</sup> Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

<sup>28</sup> Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponae. Apará jopa tsipatopaeinyo xua taexanaewanexa pocotsiwan ichichipan tacoutha. Mexeya apara daxota tsipatopan ichan tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem. <sup>29</sup> Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

<sup>30</sup> Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunx-uae Jesús pia maticabi jopa tapatopeicaetsi. <sup>31</sup> Pin bicheitomonae Jesús yabara jume cowuntatsi xua Jesús apara bara Mesías. Barapomonae Jesús yabara jeichichi:

—Barapo pebin pexeinya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

*Meje yabara poxonae fariseomonae itoroba policiamonae xua Jesús pewaetabiwa tsainchi*

<sup>32</sup> Bapoxonaeru fariseomonae jume tane pocotsiwa jiwi Jesús yabara baraichi: “Bapon apara Cristo”, xua jei jiwi. Nexata bapoxonae fariseomonae iruru sacerdotemonae pia pentacaponae wi tatsi, daxita barapomonae itoroba policiamonae Nacom pin pia bo beya xua Jesús pewaetabiwa tsainchi. <sup>33</sup> Nexata Jesús jei jiwitha:

—Saya caeto paca baru popoinchi. Bapoxonae pirapaeyo equeicha tacoya beicha Taxa beicha ponaein pon tana neitorobixae. <sup>34</sup> Paxam pana newenawenam tsane ichitha jopa pana necaxinaem tsane. Tsipei jopa paca itacupae tsane xua painya neponaewa xua ichaxota taponaeewa tsane, jei Jesús.

<sup>35</sup> Nexata judiomonae caemonae nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomonaetha ponaena jampa po judiomonae icha nacza werena pona po judiomonae griegomonae baru jinompa jampa? Metha pia bapoxonae bapon cuidubichi barapo judiomonae, griegomonaeno.

<sup>36</sup> ¿Eta xua metha baxua caunuta poxonae naca jei: ‘Paxam pana newenawenam tsane ichitha jopa pana necaxinaem tsane, tsipei jopa paca itacupae tsane xua painya neponaewa xua ichaxota taponaeewa tsane’, poxonae xua naca jei? najei judiomonae.

*Meje yabara poxonae Jesús yabara paeba xua ira buxupana mene epatoyaya ichawa beya mene pona*

<sup>37</sup> Po maticabi opi ducuanayaba xua po mataqueitha judiomonae nacaetuta xua penabanaenexa pexaewa, barapo maticabi bichocono peainya cui maticabi. Barapo maticabitha Jesús uncua jiwi peitabaratha tatsi. Matautano jume daunweya wawaya jeye:

—Icha ichun meratsipa, bu pona xan berena xua peapenexa mera. <sup>38</sup> Nacom Pejume Diwesitha paeba: Pinae pon tana nejume cowuntsiwa bichocono juntu coyene yuyuca exanaponaeinchi po coyene xua tana nejume cowuntsiwa,

icha be pinae mene ichi tsane po mene ira бѣхѣрѣна mene, po mene xua ichawa beya epatoyaya mene pona bichocono pemene nayѣca ponaexae, jei Jesús.

<sup>39</sup> Baxua Jesús paeba, xua pomonae pejume cowѣntsiwa tsainchi, barapomonae pinae xeinaena Nacom pia Pejumope тѣнахѣ tatsi. Ichitha cataunxuae Nacom pia Pejumope тѣнахѣ tatsi aichica. Tsipei cataunxuae Jesús jopa тѣраеуо naetotha. Mataѣntano tsipei cataunxuae jopa ponaеуо Nacom beicha. Baroxonae bexa tsane barapomonae pomonae Jesús pejume cowѣntsiwichi xeinaena Nacom pia Pejumope тѣнахѣ tatsi.

*Meje yabara poxonae jiwi Mesías yabara najume matsontsonobatsi*

<sup>40</sup> Baxota irѣrѣ ena ichamonae pomonae Jesús jume tainchi poxonae yabara paeba mera. Barapoxonae barapomonae najume matsontsonobiya paeba. Ichamonae jeye:

—Apara barapo pebin pon Nacom peitorobi jume pepaebin, pon wѣnae ewatatsi, pon bewa juinya patopaena, jei.

<sup>41</sup> Ichamonae jeye:

—Apara barapo pebin, bapon apara Mesías pon Nacom itorobeicapaeba peitaboco wetsica, jei.

Ichitha ichamonaerѣ jeye:

—Jume apara, apara Mesías aibi, tsipei Mesías jopa patopaеуо Galilea nacua werena. <sup>42</sup> Tsipei Nacom Pejume Diwesitha jeye: ‘Bapon Mesías itorobarecaeин. Bapon Mesías David pia pemomoxi susato jiwanapin tatsi, pon caena bayatha Judea nacuamonae itorobiya pia pepa peewatsinchi tatsi naexana. Bapon Mesías Belén tomaratha naexanaena, po tomaratha David ichaxota popona bayatha’, jei Nacom Pejume Diwesitha, jei barapomonae.

<sup>43</sup> Daxota pinmonae najume matsontsonoba, tsipei daxita barapomonae Jesús ichawa beya barompaya yabara nanta xeinatsi. <sup>44</sup> Barapomonae jiwanamonae bequein ichichipa xua Jesús pewaetabiwatsi, ichitha dapon aibi pon Jesús pewaetabiwatsi.

*Meje yabara poxonae pentacaponaeви jopa Jesús yabara jume cowѣntichi*

<sup>45</sup> Baroxonae policiamonae pomonae Nacom pin pia bo peyapu eenaewi nawibiya fariseomonae beya yawa sacerdotemonae pia pentacaponaeви tatsi beyano. Daxita barapomonae policiamonae yainyabatsi, jeichichi:

—¿Eta xua metha jopa pacarendenaem Jesús? jei daxita.

<sup>46</sup> Barapo policiamonae jume nota barapomonae, jeye:

—¡Dapon aibi ichѣn pon beta pepaеbiwa, icha bapon ichi xua beta wѣnaeya paeba! jei.

<sup>47</sup> Daxita nexata barapomonaе policiamonae jume notatsi, jeye:

—¿Paxam irurur jiwі pacui jurame, xua irurur pajume cowuntame bequein bara bapon paca muxuitoroba?

<sup>48</sup> Tsipei apara jopa payaputaem xua judiomonaе pia pentacaponaewi tatsi jopa yabara jume cowuntsiyo bapon. Irurur fariseomonaе pia pentacaponaewi tatsirurur jopa yabara jume cowuntsiyo bapon. <sup>49</sup> Pomonaе Jesús jume cowuntatsi apara barapomonaе jopa yaputaeyo pocotsiwa Nacom paeba pia peitorobi jumeintha. Barapomonaе apara Nacom atene cana exanaena xua petsita natsicuentsexatsi xua abe petsita exanaexatsi, jei daxita fariseomonaе.

<sup>50</sup> Barapo fariseomonaе jivanapin baxota eca, pon pewurur Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

<sup>51</sup> —Waitorobi coyenewatha ba jeichichi: ‘Jopa bewa yabara paebichi pebin xua penatsicuentsiwa xua abe peexanaexae poxonaе cataunxuae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana’, ba jeichichi, jei Nicodemo.

<sup>52</sup> Nexata fariseomonaе Nicodemo jume notatsi, jeye:

—¿Xam irurur barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacia werena pona, jei fariseomonaе.

*Meje yabara poxonaе yaburur abe exana poxonaе nasi cui wainmeinta icha pebintha bequein pia pebin xeinaetha*

<sup>53</sup> Nexata daxita barapomonaе barompaya pia bon beiyi.

## 8

<sup>1</sup> Nexata Jesús pona demxuwa beya, po demxuwa pewurur demxu Olivowa. <sup>2</sup> Icha matabitha poxonaе pentha tsina, bapoxonaе equeicha Jesús caibeya pona Nacom pin pia bo tatsi beya. Pinmonaе Jesús imoxoyo caquita poinchi. Jesús eca yawa tamropata pitaba xua pecuidubiwa jiwі.

<sup>3</sup> Bapoxonaе judiomonaе, pomonaе jiwі pecuidubiwi Moisés pia peitorobi coyene tatsi, irurur fariseomonaе, daxita barapomonaе carendena petsiriwa Jesús pia xantha tatsi. Barapomonaе cui taepona poxonaе barapo petsiriwa nasi cui wainmeinta icha pebintha bequein pia pebin xeinaetha. Bapoxonaе daxita barapomonaе barapo petsiriwa cuarano-tatsi pin bicheito itabarayo deca xuano xua Jesús peitabarayo

deca tatsi. <sup>4</sup>Daxita fariseomonae iruru judiomonae, pomonae jiwi pecuidubiwi Moisés pia peitorobi coyene tatsi daxita barapomonae Jesús baraichi, jeye:

—Pon jiwi Necuidubim, paxan jemeicha pacui taeponan xua barapo yabuyo abe exana, poxonae nasi cui wainmeinta icha pebintha bequein pia pebin xeinaetha. <sup>5</sup> Moisés pia peitorobi coyenewatha naca tsipaeba xua pinae bewa tupa exanaetsi ibowantha powaxi poxonae barapo coyene exana xua abe exana. ¿Incane iru xamdu? ¿Jinya eta xua pana netsipaebichi xua pata cana exanaewa bapowatha? jei.

<sup>6</sup> Baxua naemata Jesús yainyabatsi, pia poxonae Jesús abeya jume notsina bapoxonae pia barapomonae Jesús abe yabara paebichi. Nexata bapoxonae Jesús irabe taeuncuareca yawano ira tinano pecobesitha. <sup>7</sup> Tsipei barapomonae matowa Jesús yainyabatsi, daxota Jesús equeicha nantacotaxuba. Yawano barai barapomonae, jeye:

—Caein paxam jiwana pam, pon bapana jopa abe exanae, bu bapon jame copiya matha bapowa cuintabatsi ibototha, jei Jesús.

<sup>8</sup> Equeicha Jesús irabe taeuncuareca. Yawano equeicha Jesús ira tina pecobesitha. <sup>9</sup> Ichitha poxonae barapomonae Jesús jume tainchi, bapoxonae daxita barapomonae barompaya nanthuthu cayabara nanta xeina xua iruru abe exanaru barapomonae. Daxita barapomonae Jesús pia xainya weya tatsi tsana nanatsixibapona. Copiya penapataewi pona, bapoxonae cotacaya ichamonae nawibiya, beya jiwaibi. Saya meisa barapo yabuyo compa uncua Jesús pia xantha tatsi. <sup>10</sup> Bapoxonae Jesús equeicha nantacotaxuba. Yawa Jesús tane barapo yabuyo xua compa uncua pia xantha tatsi. Jesús barai yabuyo, jeye:

—¿Incane dapomonae? ¿Dapomonae aibi pomonae cayabara paeba xua nenatsicuentsiwa xua abe neexanaexae Nacomtha? jei Jesús.

<sup>11</sup> Barapowa Jesús jume notatsi, jeye:

—Jume, Tanecanamataxeinaein, dapomonae aibi pomonae neyabara paeba xua tanatsicuentsiwa xua abe taexanaexae Nacomtha, jei.

Nexata Jesús barai bapowa, jeye:

—Xan iruru jopa cayabara paebi tsainchi xua nenatsicuentsiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

*Mejeyabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús*

<sup>12</sup> Equeicha Jesús tsipaeba jiwi Nacom pin pia botha. Jesús jeye:

—Icha peçoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomonae jinompa po cae pin nacuathe. Pon nejume cowanta, bapon xeinaena peajuntayaruswa, po peajuntayaruswa ataya tsiteca xua bapon jopa abe peexanaenexa, jei Jesús.

<sup>13</sup> Nexata fariseomonae Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowantichi tsipei jopa ainya cuiyo pocotsiwa paebame, jei fariseomonae.

<sup>14</sup> Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponaeewa xuano xua ichaxota beya taponaeewa tsane. Ichitha paxam jopa payaputaem ichaxota werena taponaeewa xuano xua ichaxota beya taponaeewa tsane. <sup>15</sup> Paxam jiwi payabara paebame xua penatsicuentisiwa xua abe peexanaexae Nacomtha saya xua poxonae pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentisiwa xua abe peexanaexae Nacomtha saya xua poxonae tan xua exana. <sup>16</sup> Icha jiwi yabara paeban xua penatsicuentisiwa xua abe peexanaexae Nacomtha bara pexainyei coyeneyatha exanan. Tsipei jopa bapana companyo poxonae jiwi yabara paeban xua penatsicuentisiwa xua abe peexanaexae Nacomtha tsipei Taxa Nacom nebaru exana baxua pon tana neitorobixae. <sup>17</sup> Painya itorobi coyenewatha jeye: 'Icha ichunbe nanta jupaeya yabara paebabe pocotsiwa tanebe bewa baponbe pajume cowantsiname tsipei baxua apara ainya cui', jei. <sup>18</sup> Xan tacoutha nayabara diwesi paeban. Iruru Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

<sup>19</sup> Nexata barapomonaetha Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonae metha payaitaetsipame Taxa, jei Jesús xua fariseomonae tsipaebatsi.

<sup>20</sup> Baxuan Jesús caunuta poxonae tsipaeba jiwi Nacom pin pia botha tatsi. Jesús imoxoyo uncua ichaxota jiwi jeba paratixi Nacom nexa. Dapon aibi pon Jesús pewaetabiwatsi, tsipei Jesús pia matabi cataunxuae taaichicatsi.



*Meje yabara poxonae Jesús namchi: “Jopa paca itacɥpae tsane xua painya neponaewa tsane ichaxota taponawa tsane”, jei Jesús*

<sup>21</sup> Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawenaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonae pawerapaename. Jopa paca itacɥpae tsane xua painya neponaewa ichaxota taponawa tsane, jei Jesús fariseomonaetha.

<sup>22</sup> Nexata judiomonae caemonae najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itacɥpae tsane xua waponawa ichaxota bapon peponaewa tsane? ¿Metha pia coutha pia nabexuichi? jei judiomonae.

<sup>23</sup> Nexata Jesús barai judiomonae, jeye:

—Paxam saya betsiqepiwi pam. Xan seicaya nama athabeicha tapoponaein. Paxam seicaya nama po cae pin nacuathepiwi pam. Xan nama po cae pin nacuathepin aibi. <sup>24</sup> Daxota bayatha paca jeichi: ‘Paxam jopa paca capanepae tsainchi abe painya neexanae cuiru coyenein weya poxonae pawerapaename’, jan. Tsipei jopa pana neyabara jume cowantsim po coyene xua bara tana neitacɥpaewa xua tapaca cayawenaewatsi, daxota pamuxuna werapaename abe painya neexanae cuiru coyenein, jei Jesús judiomonaetha.

<sup>25</sup> Nexata barapomonae Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomonae, jeye:

—Poxonae aena tamropata pitaban xua paca cuidubatsi, bapoxonae bayatha nayopichiya paca tsipaebatsi po coyene xua ichaxota werena taponawa. <sup>26</sup> Acoibi nawita xua yabara tapaca tsipaebiwatsi po coyene xua abe peexanae cuiru coyenein painya neexanaewa xua daxota Nacom pat-sita natsicuentame xua abe painya neexanaexae Nacomtha. Taxa neitoroba xua jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

<sup>27</sup> Ichitha barapomonae jopa yaputaeyo poxonae Jesús jeye Nacom yabara: “Taxa”, jei xua apara Paxa caunuta, pon Nacom. <sup>28</sup> Daxota Jesús barai barapomonae, jeye:

—Poxonae paxam naetotha pana necobe matatabarutsi-name xan ponxaein Nacom Tananeitapetsinxae, bapoxonae pana neyaputaename xua deta cou apara barapo jiton xan.

Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba. <sup>29</sup> Tsipei pon neitoroba apara nebar<sub>u</sub> popona. Taxa bapana jopa compa popona neexanae tsipei saya exaneiban pocotsiwa Taxa tsita xanepanatsi, jei Jesús.

<sup>30</sup> Poxonae Jesús baxua caunuta pinmonae judiomonae Jesús jume cow<sub>u</sub>ntatsi.

*Meje yabara poxonae Jesús yabara paeba Nacom pijimonae tatsi ir<sub>u</sub> pomonae caurimonae pia pentacaponaein tatsi piamonae tatsi*

<sup>31</sup> Nexata bapoxonae Jesús barai judiomonae, po judiomonae Jesús pejume cow<sub>u</sub>ntsixaetsi. Jesús jeye:

—Icha paxam xanepanaya pana nejume cow<sub>u</sub>ntsiya exanaponaeya jinompaename pocotsiwa tapaca tsipaebiwatsi, bapoxonae bara pepa tajimonae pam tsane. <sup>32</sup> Bapoxonae payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

<sup>33</sup> Barapo judiomonae, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonae pana itoroba xua poxonae pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomonae Jesús jopa jume cow<sub>u</sub>ntichi.

<sup>34</sup> Jesús barai barapomonae, jeye:

—Xaniyan paca tsipaebatsi daxita pomonae xua abe peexanae cuiru coyenein exana barapomonae bara exana po coyenein pia pepon itorobatsi icha jiton ichi pon amanaya tanacuita ich<sub>u</sub>n xua poxonae bewa exanae pocotsiwa peitorobixaetsi poxonae busi cui tatainchi. <sup>35</sup> Pon ba amanaya tanacuita ich<sub>u</sub>n, bapon ba apara piamonae aibi pomonae peitorobixaetsi, tsipei bapon pebusi cui taetaeinchi. Ichitha pon ba xua ich<sub>u</sub>n pexantoxae tatsi, bapon ba ataya pexanto tatsi bara piamonae pexeinaexae bapon. <sup>36</sup> Daxota xan Nacom Pexanton, icha panenebiya paca cana exainchi caurimonae pia pentacaponaein tatsi weya, pon xua paca itorobeiba xua abe painya neexanaewa, barapoxonae bara ataya paca capanenebiya tsoponeibi tsainchi bapon pexainya weya tatsi. <sup>37</sup> Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi. <sup>38</sup> Xan yabara paeban po coyenein xua Taxa

netsita itata. Paxam paexaname xua po coyenein painya axa paca itoroba, jei Jesús.

<sup>39</sup> Barapomonaē Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonaē.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana. <sup>40</sup> Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apara Abraham jopa bapana baxua daichi. <sup>41</sup> Paxam bara barapocotsiwa paexaname pocotsiwa painya axa exana, jei Jesús.

Nexata barapomonaē Jesús baraichi, jeye:

—Paxan dapomonaē pan aibi pomonaē piacoibi jiwi pan, tsipei pata taena jopa nasi cui wainmeinchiyo. Paxan xaniwaicha payaputan xua bara compa painta pata taxa, bapon Nacom, jei barapomonaē.

<sup>42</sup> Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wet-sica ponan, anoxuaeno bara uncuante. Apara jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba. <sup>43</sup> Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi. <sup>44</sup> Caurimonaē pia pentacaponaein tatsi, bapon apara painya axa. Barapo caurimonaē pia pentacaponaein tatsi bapon piamonaē tatsi pam daxota paexaname pocotsiwa bapon paca itoroba. Barapo caurimonaē pia pentacaponaein tatsi jiwi jutebapoinchi poxonaē Nacom aena nacia forota weya, xua beya anoxuae. Bapon bapana jopa xainyeya pepaebin tsipei po juntá coyene Nacom xainyeya peyabara paebiwatsi jopa xeinaeyo. Poxonaē bapon naerabiya paeba, baxua paeba tsipei barapo penaerabi juntá coyene xeina. Bapon jiwi itorobatsi xua jiwi naerabiya pepaebiwiwa tsane. <sup>45</sup> Paxam bapon piamonaē tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa. <sup>46</sup> Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowantsim. <sup>47</sup> Pon ba Nacom piamonaē tatsi baraba namuxu naewata pocotsiwa Nacom paeba. Paxam apara jopa Nacom piamonaē tatsi pam, daxota jopa bepajume cowantsim pocotsiwa Nacom paeba, jei Jesús xua judiomonaē tsipaebatsi.

*Meje yabara poxonae Jesús namchi: “Poxonae cataunxuae Abraham jopa poponaeyo, caena bayatha tsiwanaya ataya poponeiban”, jei Jesús*

<sup>48</sup> Nexata equeicha judiomonae Jesús baraichi, jeye:

—Bara xainyeya paca yabara paebatsi poxonae pana najan: ‘Bapon apara Samaria nacuamonaepin, apara cauri xeina’, poxonae paca yabara jeichichi, jei judiomonae.

<sup>49</sup> Jesús jume nota, jeye:

—Xan apara cauri jopa nebaru poponaeyo. Saya xua exanan bara pocotsiwa jiwi cana exanan xua Taxa wuna pe-jainchiwatsi, ichitha nama paxam pana necasebame, saya abeya pana neyabara paebame. <sup>50</sup> Jopa netsita ainya cuiyiyo xua jiwi wuna tana nejainchiwa. Bequein Taxa ichichipa xua jiwi wuna tana nejainchiwa. Bapon Taxa yabara paebina jiwi pomonae xua abe peexanaewa xua penat-sicuentisiwa xua abe petsita exanaexaetsi. <sup>51</sup> Xaniyan paca tsipaebatsi pon nejume cowantsiya exanaena pocotsiwa paeban, bapon jopa bapana tupa tsane, jei Jesús.

<sup>52</sup> Bapoxonae judiomonae Jesús jume notatsi, jeye:

—Bara xaniwaicha payaputan xua xam cabaru popona cauri. Abraham iruru pomonae Nacom peitorobi jume pepaebiwaxita barapomonae caena bayatha werapa. Ichitha xam pana nejam: ‘Pon nejume cowantsiya exanaena pocotsiwa paeban, bapon jopa bapana tupa tsane’, pana nejam. <sup>53</sup> Xam apara jopa toxecha ainya cuim Abraham pon pata tamo susatopin! Bapon caena bayatha tupa iruru caena bayatha werapa pomonae Nacom peitorobi jume pepaebiwaxi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

<sup>54</sup> Jesús jume nota, jeye:

—Icha saya compa xan tacoutha wuna najaintan baxua jopa xapain wunaeyo. Jame pon wuna nejainta bapon apara Nacom, pon payabara jam: ‘Apara pata Taxa, bapon Nacom’, pajam. <sup>55</sup> Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaein: ‘Bapon jopa yaputaeyo’, jan tsipaein, metha apara naerabichipan icha paichim xua naerabiya papaebame poxonae. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom. <sup>56</sup> Abraham painya amo susatopin bayatha yabara wuna yaputane xua tapatopaewa tsane po cae pin nacuathe tsique. Daxota bapon bichocono juntu coyene weiweina. Bara xainyei patopan

po cae pin nacuathe tsique daxota bichocono juntu coyene weiweina bapon.

<sup>57</sup> Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham tɔpaba, jei judiomonae.

<sup>58</sup> Jesús jume nota, jeye:

—Xaniyan paca tsipaebatsi poxonae cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonaetha.

<sup>59</sup> Nexata bapoxonae barapomonae anaepanaya ibowan notarɔcɔpa pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

## 9

*Meje yabara poxonae Jesús axaibi exana pon peitata nacɔtsin, pon xua pexuyotha yawa naexana*

<sup>1</sup> Iɔɔɔɔ Jesús Nacom pin pia bo weya barɔ pona pijimonae xua poxonae namtotha barɔ ecapona. Bapoxonae Jesús caxina pebin pon peitata nacɔtsin xua pon pexuyotha yawa naexana. <sup>2</sup> Jesús pijimonae yainyabiyatsi, jeye:

—Patatanecuidubim, ¿eta pocotsiwa metha bapon itata nacɔtsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomonae.

<sup>3</sup> Jesús pijimonae jume barai, jeye:

—Jume apara, jopa apara itata nacɔtsiyo poxoru abe pe-xanaexae bapon. Mataɔtano jopa apara baxua xua paxa tatsi abe peexanaexae. Mataɔtano jopa apara baxua xua pena tatsi abe peexanaexae. Jame apara bapon itata nacɔta xua jiwi peyaputaenexa xua Nacom peayapusɔwa xeina xua axaibi peexanaenexa tsainchi bapon. <sup>4</sup> Jiton ba nacuita poxonae cataunxuae pentha tsuncuae. Poxonae quirei tsuxubi pebin ba jopa itacɔpaetsi xua penacuichiwa. Xan barichin. Poxonae cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonae tɔpaein jopa neitacɔpae tsane xua taexanaewa barapo tanacuichiwa xua bayatha Nacom neitoroba. <sup>5</sup> Poxonae cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimon-aetha.

<sup>6</sup> Poxonae Jesús baxua najume weta, bapoxonae iratha naone sutaba, yawa peonetha tsoroboyo nacobena ponaxuba. Bapoxonae Jesús barapo tsoroboyotha itacuere caxueba peitata nacútsin. <sup>7</sup> Nexata Jesús barai bapon, jeye:

—Ponare fetiyo beya, po fetiyo pewan Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wán jei: “Po fetiyo Nacom itoroba”, jei.)

Pon peitata nacútsin pona fetiyo beya naitata waexubano. Poxonae equeicha bapon caibe iya Jesús beya, nama bara itacupatsi xua petaewa. <sup>8</sup> Bapon pia petsicuarabw enaewichi tatsi, iruno pomonae pecui yaputaexaetsi xua poxonae bapon aitatabeya popona daxita barapomonae bapon yabara natsipaebatsi. Ichamonae jeye:

—¿Apara baponda pon iratha jiwi wunquequeibara paratixi? jei.

<sup>9</sup> Ichamonae jeye:

—Aa, apara bapon, pon iratha jiwi wunquequeiba paratixi, jei.

Ichamonae jeye:

—Apara bapon aibi. Saya apara be bapon, jei.

Ichitha pon peitata nacútsin pia coutha jeye:

—Apara bara xan tsocuaein, jei.

<sup>10</sup> Nexata daxita barapomonae peitata nacútsin yainyabatsi, jeichichi:

—¿Eta xua metha anoxuae taneme? jei daxita barapomonae.

<sup>11</sup> Pon peitata nacútsin jume nota barapomonae, jeye:

—Pon pewan Jesús, bapon tsoroboyo peonetha nacobena pontaba, bapoxonae barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewan Siloé. Barapo fetiyotha naitacuere waexore’, nejei. Bara barabeya ponan. Poxonae baxota naitacuere waexuban, bapoxonae bara tan, jei bapon.

<sup>12</sup> Bapoxonae peitata nacútsin yainyabatsi barapomonae, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonae, jeye:

—Bw, canta jopa taeinyo, jei bapon.

*Meje yabara poxonae pon equeicha xua itata wwnae matowa yainyabatsi xua fariseomonae matowa yainyaba*

<sup>13</sup> Pon xua equeicha itata wwnae, pomonae pia petsicuarabw enaewichi tatsi barapomonae bapon capoinchi fariseomonae beya. <sup>14</sup> Ichitha po mataqueitha Jesús axaibi exana pon peitata nacútsin, xua poxonae tsoroboyo peonetha nacobena pontaba, barapo matabi apara judiomonae pia

pentaquei seicae maticabi tatsi. <sup>15</sup> Bapoxonae bapon yainya-batsi fariseomonae, jeye:

—¿Eta bichim xua anoxuae jamaisa necotame? jei fariseomonae.

Bapon jume barai, jeye:

—Bapon tsoroboyo peonetha neitacuere caxueba. Bapoxonae naitacuere waexuban meratha. Bapoxonae yawa bara necotan, jei fariseomonaetha.

<sup>16</sup> Bapoxonae fariseo jiwanamona bapon baraichi, jeye:

—Pon caaxaibi exana apara Nacom jopa bapon itorobi-caeyo, tsipei bapon jopa yabara baru cui itura jinaeyo barapo pentaquei seicae maticabi, jei fariseo jiwanamona.

Ichamonae jeye:

—Icha bapon peajuntucoyenebein, ¿metha nexata eta pocotsiwa pexeinya petsita itutsi coyenewa exana? jei.

Daxita barapo fariseomonae nantiya najume matsontsonoba. <sup>17</sup> Equeicha fariseomonae, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinameru pon caaitacuereaxaibi exana? jei fariseomonae.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

<sup>18</sup> Ichitha judiomona jopa bejume cowantsiyo pocotsiwa pon peitata nacutsin bayatha itacuere axaibi exainchi xuano xua anoxuae itacupatsi xua petaewa. Daxota bapoxonae barapo judiomona pon itacuere axaibi exainchi paxa tatsi wabatsi, yawa pena tatsi wabatsi. <sup>19</sup> Barapo judiomona jeye coxiyambetha:

—¿Baponje bara yatsicaya painya nexanto? ¿Apara bara bapon pon bayatha yaitata nacutsiya naexana? ¿Eta bichi xua anoxuae itacupatsi xua penecotsiwa? jei judiomona.

<sup>20</sup> Barapo coxiyambe jume notabe, jeibe:

—Bara yatsicaewa payaputan xua bapon barapara pata taxanto. Matautano payaputan xua bayatha bapon itata nacutsiya naexana. <sup>21</sup> Daichitha jopa payaputaeyo xua eta bichi xua bapon anoxuae necota. Matautano jopa payaputaeyo xua pon pata taxanto itacuere axaibi exainchi. Paxam moya bara bapon payainyabare. Bu nexata bapon pia coya paca jume notsina tsipei apara bayatha pinyo, jeibe coxiyambe.

<sup>22</sup> Barapo coxiyambe cunuwa judiomona cunuwatsi. Tsipei judiomona bayatha jei: “Pomona Jesús yabara jume cowantatsi, pomona xua jeye: ‘Jesús apara bapon Mesías pon Nacom itorobica’, pomona jeye, barapomona paitawetan

pata penacaetutsi bo weya”, jei barapo judiomona. Daxota barapo coxiy<sub>un</sub>be pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe. <sup>23</sup> Daxota barapo coxiy<sub>un</sub>be barapo judiomonaetha jeibe: “Paxam moya bapon payainyabare. B<sub>u</sub> nexata bapon pia coya paca jume nota tsipei bayatha pinyo”, jeibe coxiy<sub>un</sub>be.

<sup>24</sup> Bapoxonae equeicha judiomona pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua ir<sub>uru</sub> Nacom necajume taenexa. Paxan payaputan xua Jesús bapon apara pon peaj<sub>unt</sub>coyenebein, jei judiomona.

<sup>25</sup> Bapon jume nota barapo judiomonaetha, jeye:

—Xan jopa yabara yaputaeinyo xua icha metha bapon pon peaj<sub>unt</sub>coyenebein. Saya meisa yaputan xua copiya taitata nac<sub>utsin</sub> xuano xua anoxuae neitac<sub>upa</sub> xua tanecotsiwa, jei bapon.

<sup>26</sup> Equeicha barapo judiomona bapon yainyabatsi, jeichichi:

—¿Eta caitacuere ichi poxonae caaitacuerexaibi exana? jei judiomona.

<sup>27</sup> Bapon jume nota barapo judiomona, jeye:

—Bara bayatha paca tsipaebatsiba. Came jopa yabara pana nejume cow<sub>untsim</sub>. ¿Eta xua metha equeicha bepa baxua matowa paca tsipaebichi? ¿Painya ir<sub>uru</sub> naexanaetsi Jesús pijimona tatsi? jei bapon.

<sup>28</sup> Ichitha barapo judiomona bapon biatainchi, jeichichi:

—Xam moya Jesús piamona jiton tatsi naexande, nama paxan Moisés pia peitorobi coyenewa pata exanaponae jiwi.

<sup>29</sup> Paxan payaputan xua Nacom Moisés itorobatsi. Ichitha nama pon caaitacuerexaibi exana jopa payaputaeinyo xua ichaxota werena peponaewa xua ich<sub>un</sub> peitorobixae, jei judiomona.

<sup>30</sup> Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neitacuerexaibi exanaewa. <sup>31</sup> Waxainchi yaputainchi bara, xua Nacom jopa jume naitaewatsiyo pomonaetha pomona abe peexanaewi xua peyawenae-wanexa. Nacom saya meisa jume naitaewata pomonaetha pomonae w<sub>anae</sub> pejainchixaetsi. Mata<sub>utano</sub> Nacom saya jume naitaewata pomonaetha pomona peitorobixae xua pia petaexanaewa tsainchi pocotsiwa bapon peichichipaexae. <sup>32</sup> Poxonae aena Nacom nacua forota, bapoxonae xua beya anoxuae, dapon aibi pon ich<sub>un</sub> itacuere axaibi exainchi pon peitata nac<sub>utsin</sub>. <sup>33</sup> Icha bapon Nacom jopa itorobichipae,



metha bapon jopa itacupaetsipaetsi xua ichun itacuere axaibi peexanaewatsi, pon peitata nacutsin, jei bapon.

<sup>34</sup> Nexata bapon baraichi, jeichichi:

—Daxota itata nacutsiya naexaname tsipei ajuntucoyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penacaetutsi bo tatsi weya.

*Meje yabara poxonae Jesús yabara paeba pomonae jopa Nacom yaputaetsi*

<sup>35</sup> Jesús yaputane xua pon bayatha itacuere axaibi exainchi itawetatsi judiomonae pia penacaetutsi bo tatsi weya, xua judiomonae itaweta. Poxonae bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

<sup>36</sup> Bapon jume barai Jesús, jeye:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nacutsin.

<sup>37</sup> Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

<sup>38</sup> Nexata bapon pentabocototha uncuca Jesús peitabaratha tatsi xua Jesús wnae pejainchinexatsi. Bapon jeye:

—¡Tanecanamataxeinaem, cajume cowantatsi bara! jei bapon.

<sup>39</sup> Bapoxonae Jesús barai, jeye:

—Barapo cae pin nacuathe patopeican xua jiwi tayabara paebinxexa xua penatsicuentsiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaeinchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

<sup>40</sup> Bapoxonae fariseo jiwanamonae, pomonae Jesús baru uncuca, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaein tsane Nacom? jei fariseo jiwanamonae.

<sup>41</sup> Jesús jume nota, jeye:

—Icha paxam bayatha jopa payabara yaputaemtsipae Nacom, jopa apara painya coutham tsipae xua poxonae abe

painya neexanaewa. Ichitha mexeya poxoru pajam: 'Paya-putan Nacom', pajam daxota apara painya coutham xua bara abe painya neexanaewa, jei Jesús.

## 10

*Meje yabara poxonae Jesús yabara paeba pon oveja pe-eenaein*

<sup>1</sup> Equeicha Jesús namchi: "Xaniyan paca tsipaebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apara pon pecaibin oveja. <sup>2</sup> Pon jame joniya pepa boupa iya bapon apara pon pe-eenaein oveja. <sup>3</sup> Pon peboupa xatababin, bapon boupa saranaxorena pon oveja pe-eenaein taboupa saranaxorenatsi. Poxonae pon oveja pe-eenaein junuta oveja, barapo oveja jume copi yaputane baxua. Pon oveja pe-eenaein, bapon daxita barapo oveja barompaya pia wɛnɔxitha junuta. Bapoxonae bapon curara weya mata coniya ovejamonae. <sup>4</sup> Poxonae curara weya mata coniya daxita bapon mata cae-capona yawa punaenapoinchi pejume copi yaputaexaetsi. <sup>5</sup> Ichitha barapo ovejamonae jopa puna ponaeyo ichɛntha, pontha pon jopa yaitaeyo. Saya cuitaya dɛsɛpa tsipei ichɛn jopa jume copi yaputaetsi", jei Jesús.

<sup>6</sup> Jesús tsipaeba barapomonae barapo pecayabara juta pepaebi diwesiyo poxonae oveja yabara paeba, daichitha came barapomonae jopa yaputaeyo barapo diwesi.

*Meje yabara xua Jesús pon beta pe-eenaein jiwi*

<sup>7</sup> Nexata equeicha Jesús tsipaeba barapomonae, jeye: "Icha oveja ichi xua curaratha jojoniya xua peboupa peyawenaexaetsi, barichi jiwi xua Nacom pia nacuatheicha tatsi pata poxoru xanxaein xua tayawenaexae. <sup>8</sup> Daxita pomonae netsiwana pata, pomonae xua jei: 'Nacom pana itoroba', jei, barapomonae apara pomonae jiwi pemuxujainyabiwi. Ichitha jiwi jopa yabara jume cowɛntsiyo barapomonae, icha oveja ichi xua aichaxaibi pepuna ponaewa ichɛntha jopa pejume copi yaputaexae. <sup>9</sup> Xan jiwi tayawenaein daxota pon nejume cowɛnta yawenan xua pepatopaewa Nacom beicha. Icha oveja ichichi xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomonae tana nejume cowɛntsiwi barapomonae beta yawenan.

<sup>10</sup> "Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajɛntɛyapɛsɛwɛ, po peajɛntɛyapɛsɛwɛ jopa weraweracaeyo xua jiwi

jopa juniya mataropeichiya xexeinaponae tsane barapo peajntayapusa. <sup>11</sup> Pon beta pe-eenaen oveja, bapon tsitupa pia ovejamonae, tsipei jopa ichichipaeyo xua petajutebiwatsi pia ovejan tatsi xua poxonae pomonae pecaibiwi jutebina. Barapocotsi coyene ichi jiwi beta ta-eenaen. Jiwi tsitupaen xua barapomonae tacapanepaenexa. <sup>12</sup> Ichitha pon tanacuita ichun xua tayapu eena oveja apara saya piaparatichi. Poxonae bapon neuthu tane pijunuwi, oveja cuenta naetsiriwa, tsipei barapo ovejamonae pia ovejamonae tatsi aibi. Poxonae neuthu icha ovejan teicatsi, bapoxonae icha ovejamonae tsanaothopa. <sup>13</sup> Bapon naetsiriwa tsipei saya oveja eena xua piaparatichi, xuano xua jopa xapain peyabara nanta xeinaexae ovejamonae.

<sup>14-15</sup> “Xan natsicotan be pon ovejamonae beta tayapu eenaen tsipei beta ta-eenaen pomonae tana nejume cowantsiwi. Taxa neyaitane, xuya Taxa yaitan. Barichi yaitan pomonae tana nejume cowantsiwi, xuya barapomonae neyaitane. Xan tana nejume cowantsiwi yaitatsin xua tatsitupaenexa naetho xua jopa peweraweracaewa tsane barapomonae. <sup>16</sup> Barichi xeinan icha tana nejume cowantsiwi pomonae jopa israelmonaeyo. Barapomonae bewa iruru nacaetuta exanaen xantha pomonae caena bayatha tana nejume cowantsiwi iru pomonaeno xua bexa nejume cowantsinano. Cae bicheito exanaen. Barapomonae exanaena pocotsiwa itoroban. Matautano xeinaena bara compa xua xan ponxaein beta ta-eenaen, icha pebin ichi pon ovejamonae peyapu eenaen xua poxonae ovejamonae caetucaetuteta cae curaratha.

<sup>17</sup> “Taxa bichocono neantobe tsipei tsitupaen pomonae tana nejume cowantsiwi. Ichitha equeicha asun tsane. <sup>18</sup> Dapon aibi pon xua pia coutha tana nebexubiwa. Saya jame poxonae tacoutha ichichipan. Xan itacoxonan xua bara jiwi tatsitupaewa. Matautano itacoxonan xua equeicha asu tapoponaewa tsane petupaewa weya. Baxua itacoxonan xua taexanaewa, Taxa tana neitorobixae”, jei Jesús.

<sup>19</sup> Poxonae barapo judiomonae Jesús baxua jume tainchi, bapoxonae equeicha barapo judiomonae yabara najume matsontsonoba. <sup>20</sup> Ichamonae judiomonae yainyaba xua icha judiomonae yainyabatsi, jeichichi:

—¿Eta xua metha bapon pajume naitaewatame pocotsiwa bapon paeba? ¡Apara matayaibatsi! ¡Cauri xeina apara! jei judiomonae.

<sup>21</sup> Ichamonae jeye:

—Dapon aibi pon xanepanaya pepaebiwa icha cauri xeina. Caurimonaepin jopa bapana itac̣paetsi xua pon peitata nac̣tsin axaibi peexanaewatsi, jei ichamonaē.

*Meje yabara poxonaē judiomonaē Jesús jume itawetatsi*

<sup>22</sup> Poxonaē aw̄bo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi matakabin poxonaē nabane jiwi yabara nanta xeina xua caena bayatha piamonaē tatsi equeicha xaneba Nacom pin pia bo tatsi poxonaē ichamonaē abe exana. Barapomonaē baxua yabara nacaetuta peyabara paebinexa xua barapo bo Nacom nexa. <sup>23</sup> Jesús popona Nacom pin pia bo tauchipa boutotha. Barapo Nacom pin pia bo tauchipa bouto pew̄n Salomón. <sup>24</sup> Baxota judiomonaē Jesús imoxoyo caquita umenar̄c̄patsi yawa Jesús jeichichi:

—¿Eta po matakabibe metha ainya muxu paxeinaein xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

<sup>25</sup> Jesús jume nota, jeye:

—Bara bayatha paca tsipaebatsiba ichitha jopa pana nejume yabara cow̄antsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías. <sup>26</sup> Baxua jopa pana neyabara jume cow̄antsim tsipei jopa tajimonaē pam be pocotsi coyeneya aunxuae bayatha paca tsipaebatsi. <sup>27</sup> Pomonaē tana nejume cow̄antsiwi nejume copi yaputane yawa nepuna pona, icha ovejamonaē ichi xua jume copi yaputane pontha pon pe-eenaexaetsi xuano xua barapo ovejamonaē puna pona xua bapon puna poinchi. <sup>28</sup> Tana nejume cow̄antsiwi catan peaj̄nt̄yap̄us̄wa, po peaj̄nt̄yap̄us̄wa xua bapana jopa peweraweracaewa tsane. Matāntano ichamonaē jopa itac̣paetsi xua tana newecobe notsiwa xua tamonaē inta notatsi. <sup>29</sup> Taxa barapomonaē necata. Barapon Taxa bichocono toxecha caein ainya cui, beyacaincha ich̄n xua ainya cui. Dapon aibi pon Taxa wecobe notatsi xua piamonaē tatsi tanotatsi. <sup>30</sup> Xan, ir̄a Taxa bara caein panbe, jei Jesús.

<sup>31</sup> Nexata judiomonaē ibotoxi nota xua Jesús pecuinbabiwa tsainchi. <sup>32</sup> Jesús barai barapomonaē, jeye:

—Paxamtha matowa exaneiban pexeinya tatsita it̄tsi coyenewan Taxa pia peayap̄us̄watha tatsi. ¿Eta po tatsita it̄tsi coyenewan taexanaexae ibotoxitha painya necuinbabichi? jei Jesús.

<sup>33</sup> Judiomonaē jume nota, jeye:

—Jopa apara daxota paca cuinbabichi poxoru pexeinya pet-sita it̄tsi coyenewan neexanaexae. Daxota paca cuinbabatsi

tsipei jam: 'Xan iru Taxa bara caein panbe', jam. Baxua apara abe paebame tsipei be Nacom naexaname jinya coutha poxonaе saya pebim, jei judiomonaе.

<sup>34</sup> Jesús barai, jeye:

—Nacom Pejume Diwesitha yabara paebatsi pomonaе Nacom pejume cowantsiwichi. Nacom jeye: 'Paxam iruru nacommonaе pam', yabara jei Nacom, pomonaе pejume cowantsiwixaetsi. <sup>35</sup> Nacom paeba xua pinaе pomonaе petajume cowantsiwixaetsi pejume diwesi barapomonaе pinaе bara nacommonaе tsenae. Matautano waxainchi yaputainchi barapo diwesitha xua jopa bapana Nacom naerabiyo. <sup>36</sup> Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonaе jan: 'Xan Nacom Pexanton', jan? <sup>37</sup> Icha jopa exanaeinyo pocotsiwa Taxa neitoroba painya xoba pana nejume cowantame baxua. <sup>38</sup> Icha exanan pocotsiwa Taxa neitoroba, bapoxonaе pana necui yabara jume cowande pocotsiwa exanan, bequein jopa pana nejume cowantsim xua paca tsipaebatsi. Bapoxonaе xain payaputaenama xua xan Taxa nebaru popona, xua barichin xua Taxa baru poponan, jei Jesús.

<sup>39</sup> Equeicha barapomonaе ichichipa xua Jesús pewaetabiwatsi ichitha Jesús naetsiriwa barapomonaе weya.

<sup>40</sup> Nexata Jesús pijimonaе caibe baru nawiya icha muxunene beya xua Jordán mentha. Baraxotiya Jesús pijimonaе baru eca, ichaxota Juan bayatha bautisaba jiwí. <sup>41</sup> Pin bicheitomonaе Jesús siwa poinchi pejume taenexatsi. Barapomonaе Jesús yabara natsipaebatsi, najei:

—Xaniyei bequein Juan pexeinya petsita itutsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xaniyei, najei barapomonaе.

<sup>42</sup> Baraxotiya pin bicheitomonaе Jesús yabara jume cowantatsi.

## 11

### *Meje yabara poxonaе Lázaro tupa*

<sup>1</sup> Iru pebin popona, pon pewun Lázaro. Bapon atene. Bapon Betania tomarapin. Iru bapon Lázaro pamchobe tatsi barichi Betania tomarapiwayobe. Barapo pamchobe tatsi ichowayo pewun María, ichowayo pewun Marta. <sup>2</sup> Barapowa María, powa Lázaro pamcho tatsi, powa Jesús taxu epatabinchi icha matcabitha penasiwatha xua petuxueiwa xuano xua taxu tsewa exanaeinchi pentanatha. <sup>3</sup> María

pamchobe najume caitorobabe ichantha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

<sup>4</sup> Poxonae Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tupa peexaneibiwa ataya. Saya atene, apara Nacom pia jiwi tsita itutsichi pia peayapusya itorobi coyenewa. Mataatano iru xan Nacom Pexanton jiwitha tatsita itutsinexa taayapusya itorobi coyenewa, jei Jesús.

<sup>5-6</sup> Bequein Jesús antobe Marta iru María iru Lázaro ichitha cataunxuae eca baxotiya ainya matabibibe poxonae jume taetha xua Lázaro bayatha atene nawita. <sup>7</sup> Pirapae Jesús daxita pijimonae barai, jeye:

—Caibeya poinchi Judea nacua beya, jei Jesús.

<sup>8</sup> Nexata daxita Jesús pijimonae baraichi, jeye:

—Pon Patatanecuidubim, cain judiomonae, Judea nacuatha ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

<sup>9</sup> Jesús barai, jeye:

—Caentacabi doce po horabe xeina poxonae penta tsuncuae. Icha pebin mataqueitha popona jopa xuirapopaeyo penta petsuncuaexae barapo cae pin nacuathe. <sup>10</sup> Barichin poxonae cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonae tupaen jopa neitacupaes tsane xua exanaein baxua, barapo cae pin nacuathe.

<sup>11</sup> Pirapae Jesús daxita pijimonae barai, jeye:

—Wajiton, Lázaro, maituncua. Ichitha tha bexa yaubaxuichi, jei Jesús.

<sup>12</sup> Nexata daxita Jesús pijimonae baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasatatsi, daxota baxua paebame? jeichichi.

<sup>13</sup> Ichitha Jesús namchi: “Lázaro bayatha tupa”, jei, xua poxonae jei: “Lázaro maituncua”, jei. Daichitha Jesús pijimonae tatsi nanta xeina xua metha Lázaro maituncua icha merawi ichi poxonae maiteca. <sup>14-15</sup> Bapoxonae Jesús pijimonae tsita najume itapeinya xeina, jeye:

—Lázaro bayatha naxuba. Pacata daxua wunaes xua jopa baxotiya poponaeyo poxonae Lázaro tupa. Tsipei baxua painya nejume cowantsinexa, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

16 Nexata Tomás, pon icha w<sub>un</sub> Gemelo peweichobe penama naexanaexaebe, bapon Jesús pijimonae tatsi baraichi, jeye:

—B<sub>u</sub> naca bar<sub>u</sub> pona Jesús, xain Jesús naca bar<sub>u</sub> werapa, jei Tomás.

*Mejeyabara xua Jesús namchi: “Xan pon jiwi as<sub>u</sub> taexanaein pet<sub>u</sub>pae cuiru coyene weya”, jei*

17 Poxonae Jesús pijimonae bar<sub>u</sub> patopa Betania tomaratha, jiwi Jesús tsipaebatsi xua pinae bayatha Lázaro cuatro po matcabibe yapucaewa xua m<sub>u</sub>th<sub>u</sub>tha xotsi. 18 Betania tomara taj<sub>u</sub>yo itamataeca Jerusalén tomara saya tres po kilómetro epatiyobe xeina. 19 Pinmonae judiomonae Marta ir<sub>u</sub> María siwa poinchibe pia botha tatsi peitanuwe mat<sub>u</sub>taenexa tsainchibe petat<sub>u</sub>paexaetsibe peweicho tatsi. 20 Poxonae Marta yaputane xua Jesús pijimonae bar<sub>u</sub> patopa, bapowa bo wejonarena xua Jesús pententa weyataeya wabinexatsi. Ichitha nama María botha eca. 21 Marta Jesús baraichi, jeye:

—Pon Necanamataxeinaem jiwi, icha bayatha xote ecaetsipame, metha bayatha jopa t<sub>u</sub>paetsipae taeweicho. 22 Yaputan xua methaunxuae Nacom cacatsina daxita pocotsiwa new<sub>u</sub>caewam, jei Marta.

23 Jesús barai, jeye:

—Eweicho equeicha cata as<sub>u</sub> poponaena, jei Jesús.

24 Marta Jesús baraichi, jeye:

—Aa, bara yaputan xua equeicha as<sub>u</sub> poponaena poxonae po mataqueitha daxita jiwi Nacom as<sub>u</sub> exanaena pet<sub>u</sub>pae cuiru coyene weya poxonae po cae pin nacue daxita weraweracaena, jei Marta.

25 Nexata Jesús jume barai, jeye:

—Xan apara barapo jiton, pon jiwi as<sub>u</sub> jinompa taexanaein pet<sub>u</sub>pae cuiru coyene weya. Mata<sub>u</sub>tano xan pon jiwi tacatsin peaj<sub>u</sub>nt<sub>u</sub>yapus<sub>u</sub>wa, po peaj<sub>u</sub>nt<sub>u</sub>yapus<sub>u</sub>wa jopa weraweracaeyo. Pon nejume cow<sub>u</sub>nta bequein bara t<sub>u</sub>pa ichitha equeicha as<sub>u</sub> poponaena. 26 Pon xeinaena peaj<sub>u</sub>nt<sub>u</sub>yapus<sub>u</sub>wa xuano xua nejume cow<sub>u</sub>ntsina, bapon bapana jopa weraweracae tsane. ¿Baxua bara yabara jume cow<sub>u</sub>ntame? jei Jesús xua Marta tsipaebatsi.

27 Bapowa jume nota, jeye:

—Aa, Tanecanamataxeinaem, bara baxua yabara jume cow<sub>u</sub>ntan xua xam Mesías pon Nacom Pexantom, pon bewa juinya patopaename po cae pin nacuathe tsiue, jei Marta.

*Meje yabara poxonae Jesús itamata wecoyei tsuncuae ichaxota Lázaro yam<sub>u</sub>th<sub>u</sub> uncua*

28 Poxonae Marta najume weta xua Jesús tsipaebatsi, bapoxonae Marta pamcho waba powa pewun María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

29 Poxonae María baxua jume taeba, bapoxonae caena nainya ponataba Jesús petaenexatsi. 30 Jesús abun cataunxuae pijimonae jopa barun ponaeyo tomaratha. Jesús caxinatsi ichaxota copiya Marta Jesús caxinatsi. 31 Judiomonae pomonae María pamchobe itanuwe matateicatsibe xua pomonae pia botha tatsi taenatsibe, poxonae barapo judiomonae tane xua María nainya ponataba, irun barapomonae napuna pona. Barapo judiomonae nanta xeina xua mexeya itara María pamchobe muthun beya ponabewei xua pewecoyeinexabe ichaxota peweichobe tatsi tayamuthun uncuatsibe.

32 Poxonae María itamata patopatsi María pentabocototha uncu, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa tupaetsipae, jei María xua Jesús tsipaebatsi.

33 Jesús tane xua María wecoyei. Taneno xua judiomonae pomonae naponna xua irun wecoyei. Bapoxonae Jesús anthun wecoyei yawa anthunrewew. 34 Jesús baraino barapomonae, jeye:

—¿Exota Lázaro pamuthun xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

35 Irun Jesús wecoyei tsanareca. 36 Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

37 Ichitha ichamonae judiomonae Jesús yabara jeichichi:

—Icha bapon itacupatsi xua pon peitata nacutsin axaibi exainchi, ¿eta xua metha bapon jopa itacupaetsi xua Lázaro yawenatsi xua bayatha jopa tupaetsipae? najei judiomonae.

### *Meje yabara poxonae Lázaro equeicha asun popona*

38 Equeicha Jesús bichocono anthunrewew. Yawa imoxoyo pijimonae barun pona muthun beya. Barapo muthun ibo muthun, yawa muthun yauxatatabanota pin ibo panawatha. 39 Jesús barai barapomonae, jeye:

—Papataxore ibo panawa, jei Jesús.

Lázaro pon tupa bapon pamcho tatsi Marta, Jesús jeichi:



—Patatanecanamataxeinaem, apara bayatha pepon bi-chocono tuxamna, tsipei bayatha cuatro po matabibe yapucaeua poxonae tupa, jei Marta.

<sup>40</sup> Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cowantame, necotsiname Nacom pia peayapuswa, cajeichiba, jei Jesús.

<sup>41</sup> Nexata ichamonaie ibo panawa pataxuba. Bapoxonaie Jesús peitaboco beicha athabeicha necoicha. Yawa jeye Paxatha:

—Аха, jantay coyene weiweinan, yaitama nejume taneme pocotsiwa tacawhaeaeatsi. <sup>42</sup> Bara yaputan xua nejume taibame poxonaie cawhaqueibatsi. Apara catsipaebatsi baxua xua pomonaie xote umene barapomonaie nexa xua tana neyabara jume cowantsinexa xua xan pon tana neitorobim, jei Jesús.

<sup>43</sup> Poxonaie Jesús najume weta baxua, bapoxonaie jume daunweya wawai, jeye:

—¡Lázaro, bara wejondena! jei Jesús.

<sup>44</sup> Bapoxonaie pon xua tupa matha wejondena. Xua bayatha paparuwatha matha caecunta cubaxotsi yawa pesito decano yawa xua painyaweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonaie ba bara pona, jei Jesús.

*Meje yabara poxonaie fariseomonaie irha sacerdotemonaie pia pentacaponae wi tatsi daxita barapomonaie Jesús yabara nanta xeinatsi xua po coyeneya Jesús pewaetabiwa tsainchi*

*(Mt 26.1-5; Mr 14.1-2; Lc 22.1-2)*

<sup>45</sup> Judiomonaie pomonaie María pamchobe cueyatatsibe, poxonaie barapo judiomonaie baxua Jesús cui tainchi Jesús yabara jume cowantatsi pinmonae. <sup>46</sup> Ichitha ichamonaie judiomonaie fariseomonaie beya pona xua peyabara paebinexa pocotsiwa bayatha Jesús exana. <sup>47</sup> Nexata fariseomonaie irha sacerdotemonaie pia pentacaponae wi tatsi daxita barapomonaie nacaetuta penacanamata caitorobi bicheitha, yawa najei barapomonaie:

—¿Eta xua exanaeinchi metha? Barapo pebin exana nawita pexeinya petsita itutsi coyenewan. <sup>48</sup> Icha baraxua saya yabara cui copatinchi metha pinmonae bapon yabara jume cowantsinchi. Barapoxonaie romanomonaie pia pentacaponae wi patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonaie.

49 Caein bapomonae jiwana pewun Caifás. Bapon Caifás barapo weitha sacerdotemonae pia pepa pentacaponaein tatsi naexana. Bapon Caifás jei pin bicheittha:

—Paxam apara jopa baxua payabara yaputaem. 50 Matautano jopa payabara yaputaem xua po coyene pacata xanepana xua ichun bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

51 Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponaein tatsi naexana, daxota tsiwunaeyabara paeba xua Nacom cueicueijei exana xua Jesús bewa tsitupaena judiomonae. 52 Meisa barapo judiomonae Jesús jopa tsitupaeyo, apara irun ichamonae nexano Jesús tsitupa xua Jesús caemonae nacaetuta peexanaenexa pomonae Nacom piamonae tatsi, pomonaeno tajuna ichaxota icha nacuantha. 53 Daxota barapomonae judiomonae pia pentacaponaein tatsi nabaru muxu jei po coyeneya xua poxonae Jesús pebexubiwa tsainchi.

54 Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pewun Efraín, po tomara eca ichaxota ira xuepana susato tsurucuae nacua. Barapo tomaratha pijimonae baru eca Jesús.

55 Bara nama imoxoyo tsurucuae tsoponae po matakabin xua judiomonae pia Pascua wun matakabin tatsi. Pin bicheitomonae tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonae bewa baxua exanaena Pascua wun matakabin pewunaeya. 56 Daxita barapomonae Jesús wenaweneichi. Poxonae barapomonae Nacom pin pia botha pata, baxota barapomonae najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonae.

57 Fariseomonae irun sacerdotemonae pia pentacaponaein tatsi daxita barapomonae jiwi baraichi, jeichichi:

—Pon tane Jesús, nexata bu pana netsipaeba, xua bapon pata tha waetabichi, jei barapomonae.

## 12

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*  
(Mt 26.6-13; Mr 14.3-9)

<sup>1</sup> Poxonae cataunxuae seis po matababibe aibi xua Pascua w<sub>h</sub>n matababin nexa, Jesús pijimonae bar<sub>u</sub> pona Betania tomara beya. Barapo Betania tomara, po tomara ichaxota Lázaro popona, pon Jesús bayatha as<sub>u</sub> exana pet<sub>u</sub>pae cuiru coyene weya. <sup>2</sup> Baxota pexaewa Jesús <sub>u</sub>pain exanatsi. Marta apata pexaewa. Jesús pijimonae tatsi ir<sub>u</sub> naena pexaethopaewatha. Ir<sub>u</sub> Lázaro baxota naeca xua ir<sub>u</sub> naxane. <sup>3</sup> Ir<sub>u</sub> bapoxonae María carena bosib<sub>u</sub> bichocono w<sub>h</sub>nc<sub>a</sub> petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pew<sub>h</sub>n nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonae María pentanatha Jesús taxu tsewa exainchi. Daxita bom<sub>u</sub>x<sub>u</sub> tutu cana<sub>u</sub>pa ducua xua tuxuei tsurucuae. <sup>4</sup> Ir<sub>u</sub>na naeca Judas Iscariote, pon Simón pexanto tatsi. Bapon Judas Jesús pijimonae tatsi jiwana. Barapo Judas pon bexa Jesús caenaetsinchi. Bapon namchi, jeye:

<sup>5</sup> —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaebe xua po paratiximonaebe beyacaincha trescientos po matababibe nexa, poxonae nacuita, jei Judas Iscariote.

<sup>6</sup> Judas apara jopa baxua paebiyo xua peantobexaetsi pomonae peacopeibiwi. Saya apara baxua paeba poxoru bapon pon pecaibin jiwi. Bapon Judas Jesusbar<sub>u</sub> paratixi dunucue tacapoinchi. Ichitha bapon cou jiwana wenoteiba paratixi poxonae Jesusbar<sub>u</sub> jeiba. <sup>7</sup> Nexata Judas Jesús barai, jeye:

—¡Moyande bara copare! Aparaxua barapowa netsibota barapo petuxuei tuxusi nasiwa tapepon nexa xua tat<sub>u</sub>paein tana neper<sub>u</sub> waenexa poxonae po mataqueitha m<sub>u</sub>thiya tana neboyaenexa tsane. Baxua netsibota apara xua m<sub>u</sub>th<sub>u</sub> tana neboyaenexa poxonae t<sub>u</sub>paein. <sup>8</sup> Barapo irathe peacopeibi jiwi paca bar<sub>u</sub> jinompeibina painya neyawenaenexa tsabi tsane barapo jiwi. Ichitha nama paxam jopa ataya paca bar<sub>u</sub> poponae tsainchi xua pata tana neyawenaenexam barapo irathe, jei Jesús.

*Meje yabara poxonae sacerdotemonaepia pentacaponawewi tatsi peb<sub>u</sub>r<sub>u</sub>yaya nanta xeina xua Lázaro pebexubiwa tsainchi*

<sup>9</sup> Pinmonae judiomonae jume tane xua Jesús popona Betania tomaratha. Bapoxonae barapo judiomonae pona Betania tomara beya xua Jesús petaenexatsi iruru xua Lázaro petaenexatsi pon Jesús bayatha asu exana petupae cuiru coyene weya. <sup>10</sup> Nexata sacerdotemonae pia pentacaponae wi tatsi peburu nanta xeina xua iru Lázaro pebexubiwa tsainchi. <sup>11</sup> Tsipei pinmonae judiomonae penta sacerdotemonae pia pentacaponae wi tatsi pia pecuidubiwani tatsi. Matautano barapo judiomonae saya Jesús jume cowuntatsi tsipei Jesús cui tainchi pocotsiwa Jesús wanae exana poxonae Lázaro asu exainchi petupae cuiru coyene weya.

*Meje yabara poxonae Jesús Jerusalén tomaratha patopa (Mt 21.1-11; Mr 11.1-11; Lc 19.28-40)*

<sup>12</sup> Icha mataqueitha baya xua poxonae po mataqueitha Jesús taxu wainchi petuxuei nasiwatha, bapoxonae Jesús pijimonae baru pona Jerusalén tomara beya. Bapoxonaeru Jeruslén tomaratha ena pin bicheito pomonae xua copiya bayatha pata Pascua wan matabin nexa. Daxita barapomonae yaputane xua anoxuae methaunxuae patopaena Jesús barapo tomaratha. <sup>13</sup> Barapo pin bicheito peaxu ucuboba po axu icha coichaxu axu ichi. Barapomonae Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Maisa Jesús pon Pecanamataxeinaein jiwi deta wanae, bapon patopa Nacom peitorobixae! ¡Maisa Nacom bichocono wanae jaintatsi pon peitabocotha eca! ¡Maisa Jesús deta wanae, pon Israel nacuamonae itorobiya pia pepa Peewatsinchi tatsi! jei barapo pin bicheito.

<sup>14</sup> Bapoxonae Jesús tane burro pon penun. Bapoxonae barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

<sup>15</sup> “Sión tomarapiwi pam, jopa pajunuwinde.

Pataema pon itorobiya pepa painya Nepacacaewatsin.

Bapon pacata patopaena xua burrotha equeicaena”, jei Nacom Pejume Diwesitha.

<sup>16</sup> Bapoxonae Jesús pijimonae tatsi jopa yaputaeyo po coyene xua caena bayatha Jesús wanae yabara tsiwanae paebatsi, xuano xua po coyene exanaenano. Ichitha pirapae poxonae Jesús caibe nawicha peitaboco beicha, yawa poxonae Paxa matenta weyataeya wabatsi, bapoxonae barapomonae yaputane po coyene Jesús yabara tsiwanae paebatsi Nacom Pejume Diwesitha, xuano xua jiwi exana poxonae Jesús wanae jaintatsi.

17 Pomonae naponae poxonae Jesús Lázaro wabatsi petapae cuiru coyene weya, barapomonae tamropata notarucupa xua jiwitha paeba pomonaetha pomonae Jerusalén tomarapiwi, pomonae bayatha Jesús pecui taexaetsi poxonae Lázaro asu exainchi. 18 Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita itatsi coyenewa poxonae Lázaro asu exainchi. 19 Nexata fariseomonae caemonae natsipaeba, najei:

—¡Incane matha pataema! Barapomonae jopa naca jume cowantsiyo, yawa daxita jiwi meisa napuna pona bapontha, najei barapomonae.

*Meje yabara poxonae griegomonae Jesús wenaweneichi*

20 Barapo pin bicheito, po bicheito copiya bayatha Jerusalén tomaratha ena, xua baxota wunae pejainchinexa Nacom, barapo pin bicheito jiwanamonae, griego nacuamonaepiwi jiwana. 21 Barapo griego nacuamonaepiwi Felipe imoxoyo caquita poinchi. Barapon Felipe Betsaida tomarapin xua Galilea nacuatha. Barapo griego nacuamonaepiwi Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

22 Bapoxonae Felipe jume yopita Andrés beya, xua equeicha baponbe pejume yopichinexabe Jesús beya. 23 Bapoxonae Jesús baraponbe baraichi yawa daxita barapo jiwi baraichi, jeye:

—Nama imoxoyo barapo matacabi tsoponae, po mataqueitha xan, ponxaein Nacom tana neitapetsixae nebexubina ichamonae. Barapo mataqueitha Nacom ainya cui neexanaena. 24 Xaniyan paca tsipaebatsi. Poxonae trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonae jame bara pexaewa naexana. Icha barapo trigo xuto ichi, xan barapocotsi coyeneya jiwi bara necana ichi tsane. 25 Pon naantobeya nata exana pocotsiwa bapon ichichipa po cae pin nacuathe, bapon jopa xeinaeyo peajantayapusawa, po peajantayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajantayapusawa, po peajantayapusawa ataya tsiteca xua Nacom pia nacua beicha. 26 Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana

exanaena xua bapon peainya cui jiton tsane Taxa pia nacua beicha tatsi, jei Jesús.

*Meje yabara poxonae Jesús nayabara paeba xua pet<sub>u</sub>paewa tsane*

<sup>27</sup> Equeicha Jesús jeye: “Anoxuae bichocono anth<sub>u</sub>th<sub>u</sub>rewein tsipei tat<sub>u</sub>paewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeinyo. Apara tsipatopeican xua taaper<sub>u</sub>tanewa tsane jiwi nexa. <sup>28</sup> Jame bejan: ‘Axa, bara b<sub>u</sub> jiwi cana exaname xua w<sub>u</sub>nae necajainchiwa’, bejan jame”, jei Jesús.

Poxonae Jesús baxua najume weta, bapoxonae Jesús jume tane xua Nacom namchi peitaboco wetsica, jeye: “Bayatha apara baxua jiwi cana exanan xua jiwi w<sub>u</sub>nae tana nejainteibiwanexa, tsipei daxita beta exanan. Mata<sub>u</sub>tano equeicha ichawa exanaein xua jiwi w<sub>u</sub>nae tana nejainteibiwanexa tsane”, jei Nacom.

<sup>29</sup> Pinmonae umena xua Jesús jume taeumeinchi, ir<sub>u</sub> Jesús pijimonae tatsi baxota umenar<sub>u</sub>. Barapo jiwi baxua nayabara yainyaba xua Nacom cueicueijei. Ichamonae jeye: —¡Apara xua jurujurei yam<sub>u</sub>x<sub>u</sub>! jei.

Ichamonae jeye:

—¡Apara bapon tsipaebatsi matatsunpin! jei.

<sup>30</sup> Nexata Jesús pijimonae barai, jeye:

—Pon pajume taneme apara Nacom. Jopa apara paebiyo xua xan nexa. Apara paeba pia xua painya nejume taenexa daxota baxua Nacom paeba. <sup>31</sup> Imoxoyo nama matacabi patopaena, po mataqueitha Nacom yabara paebina jiwi xua penatsicuent<sub>u</sub>siwa xua abe peexanaexae bapontha. Pon jiwi j<sub>u</sub>nt<sub>u</sub> coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonae xubina barapo cae pin nacue weya. <sup>32</sup> Poxonae ichamonae nedutsina naetotha tat<sub>u</sub>paenexa tsane, bapoxonae daxita jiwi cana exanaein xua pomonae peichichipaewa tsane xua tana nejume cow<sub>u</sub>nts<sub>u</sub>inexa, jei Jesús.

<sup>33</sup> Poxonae Jesús baxua paeba jiwi yaputane exainchi xua Jesús pebexubiwa tsainchi poxonae t<sub>u</sub>paena. <sup>34</sup> Bapoxonae barapo jiwi Jesús tsipaebatsi. Jesús jeichichi:

—Paxan pajume tan xua poxonae wamonae yoroba Moisés pia peitorobi coyenewatha pocotsiwa baxota jeye: ‘Bara Mesías ataya as<sub>u</sub> poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha t<sub>u</sub>paena? ¿Jintam metha pon Nacom Peitapetsin? jei barapomonae.

<sup>35</sup> Nexata Jesús tsipaeba barapomonaе xua nacaunuta, jeye:

—Saya caeto pana netaneme pon paca yaputane exainchi. Beta pajinompare tapaca yawenaexae tsainchi, icha paichim xua beta pajinompame poxonaе xometo paca yawena xua beta pajinompame mataqueitha. Pana nejume cowande poxonaе cataunxuae po cae pin nacuathe poponanje. Matautano poxonaе cataunxuae paca itacupa xua pata tanejume cowantsiwam. Jopa abe paexanaeinde xua poxoru poxonaе jopa pata tanejume cowantsixaemxae. Tsipei bara jutiya ichi, poxonaе jiwi abe exana be poxonaе pomonaе pona ichaxota quirei. Jopa beta ponaeyo tsipei jopa xeinaeyo pecoicha. <sup>36</sup> Pana nejume cowande poxonaе cataunxuae po cae pin nacuathe poponanje. Bapoxonaе paxam tajimonaе pam tsane, jei Jesús.

Poxonaе baxua Jesús najume weta, barapo jiwi weya nat-sixitaba yawa wepu aichurucuae.

*Meje yabara poxonaе Jesús yabara paeba xua eta xua metha pinae Jesús jopa jume cowantichi judiomonaе*

<sup>37</sup> Bequein Jesús matowa exana pia pexeinya petsita itatsi coyenewan barapomonaе peitatha tatsi, daichitha pinmonaе barapomonaе jopa Jesús yabara jume cui cowantichi po coyene xua Jesús bara bapon Mesías pon Nacom itorobica. <sup>38</sup> Baxua exana xua nayabara jume cui weta po coyene bayatha pon Nacom peitorobi jume pepaebin Isaías wanae tsiwanaya yabara jei:

“Pon jiwi Necanamataxeinaein barapomonaе jopa jume cowantsiyo xua pacuiduban bequein barapomonaе tane matowa poxonaе paexanan Nacom pia peayapuswatha”,  
jei Isaías.

<sup>39</sup> Barapomonaе jopa jume cowantsiyo, tsipei Isaías equeicha jei:

<sup>40</sup> “Nacom cana exana xua barapomonaе jopa beta xapain naita cui coyene yaputaeyo. Matautano Nacom cana exana xua jopa pejume cowantsiwa pejanta coyene wetsina. Barapomonaе be natsicotane peitata nacutsi jiwi, tsipei jopa beyaputaeyo, xua icha janta coyene pexeinaewanexa. Matautano jopa ichipaeyo xua peyabara jume cowantsiwa po coyene xua Nacom itacupatsi xua pejanta coyene xanepana peexanaewa”,  
jei Isaías pejume diwesitha.

<sup>41</sup> Daxita baxuan Isaías paeba xua Jesús yabara paebatsi. Isaías caena bayatha tane poxonae eca Mesías pia pexeinya pia peitapanae peecaewatha. Daxota Isaías yabara paeba, Mesías yabara paebatsi xua pocotsiwa bayatha petaexae.

<sup>42</sup> Bequein daxita judiomonae Jesús jopa jume cowantichi, daichitha ichamonae judiomonae Jesús jume cowantatsi. Matautano ichamonae judiomonae xua pomonae judiomonae pia pentacaponaeawi tatsi Jesús jume cowantatsi. Ichitha daxita barapomonae jopa Jesús yabara paebichi jiwi peitatha tatsi tsipei fariseomonae cunuwatsi. Tsipei icha barapomonae Jesús yabara paebichipatsi, metha barapomonae itawetsipatsi judiomonae pia penacaetutsi bon tatsi weya, xua fariseomonae itawetsipa. <sup>43</sup> Tsipei barapo Jesús pia pejume cowantsiwichi pijunuwi daxota itapeta jume naitaewata xua jiwi jei: “Jopa Jesús payabara paebinde”, jei jiwi. Barapomonae pomonae Jesús pejume cowantsiwichi baxua itapeta jume naitaewata beyacaincha xua poxonae bequein Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penatsicuentisiwa xua abe peexanaexae*

<sup>44</sup> Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae. <sup>45</sup> Pomonae xua neyaputane barapomonae barichi Taxa yaputainchi. <sup>46</sup> Xan pon yabara yaputane paca cana exainchi Nacom. Patopeican po cae pin nacuathe xua pomonae tana nejume cowantsiwi jopa penantawenonaenexa xua pejinompaewa poxonae jopa Nacom yabara yaputaetsi. <sup>47</sup> Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentisiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimonae tayabara paebinexa xua penatsicuentisiwa xua abe peexanaexae Nacomtha. Jame apara tsipatopan xua jiwi ꞥ tacapanenebiyaenexa tsane. <sup>48</sup> Pon jopa tsita ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxuae paeban, bapon barapo jumetha yabara paebinchi xua penatsicuentisiwa xua abe peexanaexae poxonae po mataqueitha nacua weraweracaena. <sup>49</sup> Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin. <sup>50</sup> Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajantayapusawa, po



peajantayapusuwa ataya tsiteca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

## 13

*Meje yabara poxonae Jesús pijimonae taxu matawane meratha*

<sup>1</sup> Barapoxonaeru bara barapo matacabi tsuxubi, po mat-acabi tsiwanaya mata carucua xua Pascua wun matacabin. Jesús yaputane xua bara nama imoxoyo bara po matacabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowuntsiwichi pomonae xua taji-nompatsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomonae pia pejume cowuntsiwichi.

<sup>2-4</sup> Judas, pon Simón Iscariote pexanto tatsi, bapon cui itorobatsi caurimonae pia pentacaponaein tatsi xua Jesús pecaenaetsinexatsi ichamonaetha. Jesús yaputane xua bay-atha Paxa wetsica pona. Matautano xua equeicha Paxa beicha patopaena xuano xua Paxa catatsi daxita pia peaya-pusuya itorobi coyenewa. Baxua bequein xeina, daichitha poxonae pijimonae baru eca pexaethopaewatha asiya uncu-ataba. Yawa paparuwa nama jonta, po paparuwa matha weruya. Yawa icha paparuwatha naepa cuta. <sup>5</sup> Bapoxonae Jesús mera epata corototha. Bapoxonae pijimonae taxu matawaepona meratha. Yawa paparuwatha taxu tsewa ex-ana po paparuwatha naepa cuta.

<sup>6</sup> Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, ¿eta pocotsiwa metha iru jinya netaxu matawaetsi? jei Simón Pedro.

<sup>7</sup> Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

<sup>8</sup> Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonae jitom tsipaem, jei Jesús.

<sup>9</sup> Simón Pedro jume barai, jeye:

—Tanecanamataxeinaem, meisa jopa netaxu matawaeinde, jame yawa necobe matawaema, yawa nentasipa matawaema, jei Simón Pedro.

<sup>10</sup> Jesús jume barai, jeye:

—Pon xua anoxuae nowaexuba, bapon equeicha jopa nantawenonaeyo xua pia pepon matawaeinchi, saya jame meisa petaxu. Paxam pejuntũ coyene xeicae jiwi pam, saya caein jiwana pam jopa daichiyo, jei Jesús.

<sup>11</sup> Jesús jeye: “Paxam pejuntũ coyene xeicae jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonae Jesús piji-monae tatsi, bapon Jesús caenaetinchi.

<sup>12</sup> Poxonae Jesús nacobe weta xua pijimonae taxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonae barai, jeye:

—¿Bara payaputaneme xuaunxuae pacata exanatsi? <sup>13</sup> Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamatax-einaein’, pana neyabara jam. Bara xainyeya pana neyabara jam baxua, tsipei apara xan bapon. <sup>14</sup> Icha xan painya Tapacacuidubinchi xuano xua painya Tapacacanamatax-einaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha. <sup>15</sup> Baxua paca tsita exainchi xua painya bara paichinexam tsane ichaunxuae ichin. <sup>16</sup> Xaniyan paca tsi-paebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beya-caincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui. <sup>17</sup> Icha baxua paya-putaneme yawa icha baxua paexanaenameno bapoxonae pejuntũ coyene weiweinae jiwi pam tsane.

<sup>18</sup> “Apara jopa daxita paca yabara paebichi xua pejuntũ coyene weiweinae jiwi pam tsane, tsipei caein jiwana pam jopa daichiyo. Xan paca juntũ coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwunaeyabara paeba pejume diwesitha. Nacom jeye: ‘Pon baru xan, pon itara mexeya tajiton, bapon equeicha caewa tana neaitafaetabi jiton naexana’, jei Nacom Pejume Diwesitha. <sup>19</sup> Baxua pewunaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cowuntsinexam tsane xua xan bapon aparane xua ponxaein paca tsipaebatsi. <sup>20</sup> Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae”, jei Jesús.

*Meje yabara poxonae Jesús jeye: “Judas necaenaetsina ichamonaetha”, jei*

(Mt 26.20-25; Mr 14.17-21; Lc 22.21-23)

<sup>21</sup> Poxonae baxua Jesús najume weta, bapoxonae bichocono anthatharewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caein jiwana pam bapon necaenaetsina ichamonaetha, jei Jesús pijimonaetha.

<sup>22</sup> Nexata Jesús pijimonaetha tatsi naitabara taerucupa, nantiya najeye: “¿Jintam metha bepa Jesús caenaetichi?” najei. Ichitha barapomonaetha jopa yaputaeyo xua Jesús yabara jei pon. <sup>23</sup> Caein Jesús pijimonaetha tatsi jiwana, pon bichocono Jesús antobe, bapon Jesús imoxoyo barua xunaeca, barapo pexaethopaewatha. <sup>24</sup> Simón Pedro pecobetha moya jume itoroba jeye: “Jesús yainyabare: ‘¿Jintam yabara paebame?’ jande”, jei Simón Pedro xua jume itorobatsi pon Jesús imoxoyo caquita ecatsi. <sup>25</sup> Bapoxonae Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam cacaenaetsina? jei.

<sup>26</sup> Jesús jume nota, bapon jume notatsi, jeye:

—Pan purawiyoy tha atatsica exanaetsi. Pon catan barapo pan purawiyoy, bapon apara pon necaenaetsina ichamonaetha, jei Jesús pontha pon peyainyabixaetsi.

Poxonae Jesús pan purawiyoy atatsica exana, bapoxonae Jesús cata, Judas catatsi pon Simón Iscariote pexanto tatsi. <sup>27</sup> Poxonae Judas barapo pan Jesús wecobe pitatsi, bapoxonae caena nainya Judas juntu coyene itorobatsi Satanás caurimonaetha pia pentacaponaein tatsi xua Jesús pecaenaetsiwa tsainchi. Bapoxonae Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

<sup>28</sup> Daxita barapomonaetha pomonaetha Jesús pijimonaetha tatsi, pomonaetha pebarua xunaecaexae, jopa xapain yaputaeyo pocotsiwa Jesús itoroba, xua Judas itorobatsi. <sup>29</sup> Tsipei bapon Judas paratixi doroy capopona, daxota Jesús pijimonaetha tatsi nanta xeina xua mexeya itara Jesús itorobawejei xua pia tacomotichi pexaewa penabanaetha coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha. <sup>30</sup> Poxonae Judas Jesús wecobe pitatsi pan purawiyoy, bapoxonae Judas ponataba. Iruu bapoxonae quirei tsanaicharu.

*Meje yabara poxonae Jesús yabara cuiduba jiwiy pena peitorobi coyenewa*

<sup>31</sup> Nexata poxonae Judas pontaba Jesús pijimonaetha barai, jeye:

—Imoxoyo nama paca tsita itatsinchi taayapusya itorobiya coyenewa xua xan apara bara ponxaein Nacom Tananeitapetsin. Barichino paca tsita itatsinchi Nacom pia peayapus itorobi coyenewa tatsi. <sup>32</sup> Icha xan ponxaein Nacom Tananeitapetsin, icha paca tsita itatsi Nacom pia peayapus itorobi coyenewa, nexata Nacom xuya nainya paca tsita itatsina taayapus itorobi coyenewa xua xan apara bara ponxaein Nacom Tananeitapetsin. <sup>33</sup> Pomonae be tapexui tapaca canatsicotaewichi pam, bara nama saya caeto paca baru poponaeinchi. Icha ichin xua caena bayatha xua judiomonae tsipaeban, bara paca jumichichi anoxuae: ‘Jopa paca itacupaes tsane xua pana nepuna ponaename ichaxota taponaeewa tsane’, paca jeichi. <sup>34</sup> Barapo pena itorobi coyenewe paca cuidubatsi, xua janje: ‘Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane’, jan. <sup>35</sup> Icha paxam nantiya pana naantobem tsurubenanaebiyam tsane, daxita jiwi paca cui yaputaena xua paxam bara apara tana nejume cowantsi jiwi pam, jei Jesús.

*Meje yabara poxonae Jesús namchi xua Pedro jei tsane: “Jopa dapon yaitaeinyo”, pinae yabara jei tsainchi Jesús (Mt 26.31-35; Mr 14.27-31; Lc 22.31-34)*

<sup>36</sup> Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi? jei Simón Pedro.

Jesús jume nota, jeye:

—Anoxuae jopa caitacupaeyo xua tana nepuna ponaewam ichaxota ponaein. Ichitha bexa tsane caitacupaena xua tana nepuna ponaewam ichaxota ponaein, jei Jesús.

<sup>37</sup> Nexata Simón Pedro jume barai, jeye:

—Tanecanamataxeinaem, ¿eta xua metha baxua paebame xua anoxuae jopa neitacupaeyo xua tacapuna ponaewatsi ichaxota poname? ¡Ichitha xan bara copatan xua jiwi tana nebexubinexa tacapuna ponaenexatsi! jei Pedro.

<sup>38</sup> Jesús jume barai, jeye:

—¿Bara xaniwaicha xua xam bara copatame xua jiwi necabexubinexa tana nepuna ponaenexam? Jume, apara xaniyan catsipaebatsi barapo merawithe acoibi po jumeyobebe neyabara jam tsane: ‘Jopa dapon yaitaeinyo’, neyabara jam tsane. Vapoxonae iruru wacara pepto fibina, jei Jesús.

## 14

*Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús*

<sup>1</sup> Equeicha Jesús pijimonaē barai, jeye: “Jopa yabara nant<sub>u</sub> exabinde ichawan. Pana neyabara jume cow<sub>u</sub>nteibare yawano Taxa payabara jume cow<sub>u</sub>nteibareno. <sup>2</sup> Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paeban tsipei xainyan. Daxota paca tsiwanaeya pacata tutu w<sub>u</sub>naetinchi bara po bon. <sup>3</sup> Poxonaē wetan xua Taxa beicha taponae<sub>u</sub>wa xuano xua icha nacobe wetan xua bon paca tsiwanaeya tutu w<sub>u</sub>naetatsi, bapoxonaē equeicha patopeicaein. Paca caponaeinchi ichaxoteicha xua tapopona<sub>u</sub>ewa tsane. <sup>4</sup> Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

<sup>5</sup> Tomás jeye Jestusta:

—Patatanecanamataxeinaem, jopa payaputaeyno po nacua beya ichaxota ponaename. Tsipei baxua jopa payaputaeyno, daxota jopa pana neitac<sub>u</sub>paeyo xua pata pona<sub>u</sub>ewa po nacua beya ichaxota xam ponaename, jei Tomás.

<sup>6</sup> Jesús jume nota, jeye:

—Xan apara pon jiwi tamatacaponaein Taxa beicha. Matautano xan pon xainyeya tapaebin. Matautano xan apara pon jiwi tacatsin peajunt<sub>u</sub>yapus<sub>u</sub>wa, po peajunt<sub>u</sub>yapus<sub>u</sub>wa ataya tsiteca. Saya meisa xan ba jiwi yawenan xua pepatsiwa Taxa beicha. <sup>7</sup> Icha paxam pana neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netaneme, jei Jesús.

<sup>8</sup> Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonaē jantema pata jinompaewa tsane, jei Felipe.

<sup>9</sup> Jesús Felipe jume notatsi. Jesús jeye:

—Felipe, bara bayatha cabar<sub>u</sub> popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam. <sup>10</sup> ¿Eta xua metha jopa jume cow<sub>u</sub>ntsim xua bara Taxa neyanta xua bara ir<sub>u</sub> Taxa yantand<sub>u</sub>? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Aparaxa Taxa pon neyantsiya popona baxua apara exana pocotsiwa xua exanan. <sup>11</sup> Pajume cow<sub>u</sub>nde xua Taxa neyanta popona, xua Taxa ir<sub>u</sub> yanta poponan xua daxota Taxa be caein panbe. Icha jopa paca itac<sub>u</sub>paeyo xua pana nejume cow<sub>u</sub>ntame pocotsiwa yabara paca tsipaebatsi Taxa, moya pana necui yabara jume cow<sub>u</sub>nde xua bayatha exanan pexeinya tatsita it<sub>u</sub>tsi coyenewan. Baxuan jiwi tsita it<sub>u</sub>ban xua bara xainyei

xua Taxa neyanta popona xua daxota Taxa be caeinbe panbe. <sup>12</sup> Xaniyan paca tsipaebatsi, pon nejume cowanta, bapon iru exanaena pocotsiwa exanan. Matautano equeicha ichawan mataropeicha exanaena pewanaewan beyacaincha xua pocotsiwa exanan. Tsipei xan ponaein Taxa beicha. <sup>13</sup> Daxita pocotsiwan pana newan caununaya wncame Taxa beicha, bara baxua exanaein, tapaca catsita itutsinexatsi Taxa pia peayapusu itorobi coyenewa tatsi. <sup>14</sup> Bara pacata exanaeinchi poxonae pana newan caununaya wncame Taxa beicha, jei Jesús.

*Meje yabara poxonae Jesús tsiwanaeya paeba xua bexa Nacom najumope tnanaxu itorobina jiwitha*

<sup>15</sup> Equeicha Jesús barai pijimonaе, jeye: “Icha pana neantobem, moya paexande taitorobi coyenewan. <sup>16</sup> Icha baxua paexanaename tha bapoxonaе Taxa wncatsi jan tsane: ‘Axa, ichu itorobare xua barapomonaе peyawenaenexatsi’, jan tsane. Bapoxonaе Taxa pacata itorobina pon ataya paca yantsiya poponeibina. <sup>17</sup> Pon Nacom itorobina, apra bapon bara pia Pejumope tnanaxu tatsi, po Pejumope tnanaxu tatsi paca yaputane exana xua bara xainyei xua pocotsiwa Nacom yabara. Ichitha pomonaе jopa nejume cowantsiyo, barapomonaе jopa yaputaeyo Nacom pia Pejumope tnanaxu tatsi. Daxota barapo Nacom pia Pejumope tnanaxu tatsi jopa itacupaetsi xua barapomonaе peyantsiya jinompawatsi. Daichitha payaputaename barapo Nacom pia Pejumope tnanaxu tatsi tsipei pacata patopaena yawano ataya paca yantsiya poponaena”, jei Jesús.

<sup>18</sup> Equeicha Jesús barai pijimonaе, jeye: “Jopa paca punapentsi tsainchi. Equeicha caibe patopeicaein xua tapaca baru poponaewatsi tsainchi. <sup>19</sup> Bara caeto jiwu jopa netae tsane pomonaе jopa tana nejume cowantsiwi. Ichitha paxam pana netaename. Paxam equeicha asu pajinompaname tsipei xan equeicha asu poponaein. <sup>20</sup> Barapo mataqueitha poxonaе Nacom pia Pejumope tnanaxu tatsi patopeicaena, payaputaename xua xan Taxa be caein pana naexananbe iru xua paxam be caein pana necana exaname iru xua xan be caein paca cana exanatsi. <sup>21</sup> Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon baru poponan”, jei Jesús.

<sup>22</sup> Iru Judas pon seicaya ichandu, pon Judas Iscariote aibi, barapo Judas Jesús tsipaebatsi, Jesús jeichichi:

—Patatanecanamataxeinaem, ¿eta xua jinya meisa pana neyaputane exanaetsi xua bara pana nebaru jinompame xua jopa daichim pomonaetha pomonae jopa cajume cowantsiyo? jei Judas.

<sup>23</sup> Jesús Judas jume notatsi, jeye:

—Pon neantobe bapon exana pocotsiwa itoroban. Bapoxonae Taxa antobe tsane bapon. Xan iruru Taxa pon caein panxaeinbe papatopaeinbe bapontha pata yantsinexa bapon. <sup>24</sup> Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apara baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

<sup>25</sup> Equeicha Jesús pijimonae barai, jeye: “Daxita baxuan paca tsipaebatsi poxonae cataunxuae paca baru popoinchi anoxuae. <sup>26</sup> Inta paxam pacata Nacom najumope tñaxu itorobina. Barapo Nacom pia Pejumope tñaxu tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumope tñaxu tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

<sup>27</sup> “Poxonae paca cuenta ponaeinchi jñntema jinompa paca cana exanaeinchi. Paca catinchi po coyene jñntema tapoponae coyenewa. Barapo jñntema tapoponae coyenewa jopa bara be jñta ichiyo xua jiwi barompaya jñntema pia pejinompae coyenewa tatsi. Jopa yabara pana najñntu exabinde ichawan. Matauta jopa junuwiya pajinompaeinde.

<sup>28</sup> Bayatha pana nejume taneme xua ponaein jan xuano xua equeicha patopeicaein paxantha xua paca baru poponaeinchi jan. Icha xaniwaicha pana neantobem tsipaem metha pajñntu coyene weiweinaetsipame xua taponae Taxa beicha. Tsipei Taxa bichocono ainya cui, beyacaincha xua xan poxonae cataunxuae poponan po cae pin nacuathe.

<sup>29</sup> Baxua paca tsipaebatsi xua tsiwñnae paeban painya tana nejume cowantsinexam tsane poxonae xaniwaicha baxua tsane.

<sup>30</sup> “Nama imoxoyo jopa neitacñpaeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi jñntu coyene itorobeibatsi po jiwitha jopa tana nejume cowantsiwi. Ichitha bapon jopa xeinaeyo peyapusu itorobi coyenewa xua tana neitorobiwa tsane. <sup>31</sup> Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús pijimonaetha.

## 15

*Meje yabara poxonae Jesús yabara paeba uva ʌnboto xua pepa ʌnboto*

<sup>1</sup> Equeicha Jesús jeye: “Icha pepa ʌnboto ichi xua petabu opina wejujuina mene xua uva thei penacoichinexa, xan bara pocotsi jʌta coyeneya cana ichin jiwi. Jiwi ajʌntʌcoyeneyapusʌya cana exanan pomonae tana nejume cowʌntsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara jʌta coyeneya ichi. Taxa yawena pomonae tana nejume cowʌntsiwi, pomonae xanepanaya inta pejinompraewi. <sup>2</sup> Uva pabi pexeinaein daxita ucuboba po maxʌranan xua jopa nacoichiyo. Baroxonae daxita barapo pemaxʌranan po maxʌranan xua dubena xanepanaya nacoita beyacaincha xua copiya poxonae nacoita. Taxa barapocotsi jʌta coyeneya exana. Taxa itaweta pomonae bequein nejume cowʌnta ichitha jopa beta jinompraeyo xan nexa. Barichi pomonae bequein nejume cowʌnta ichitha saya tsiwiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban. <sup>3</sup> Pajʌntʌ coyene wʌnaem painya tana nejume cowʌntsixaemxae xua bayatha po jume diwesi tapaca tsipaebixaetsi. <sup>4</sup> Pana necayawa jinompeibare icha ichin xua ataya paca cayawa poponeibinchi. Uva ʌnboto maxʌranawa ba poxonae iratha maxʌrana boca jopa ba pipatotha matono xuwouncuaeyo xua pethei perubenaenexa. Bara jʌta coyeneya paichim. Icha jopa pana necayawa jinompraem, jopa paxeinaem tsane xua po coyene pexeinya peajʌntʌyapusʌ coyenewa.

<sup>5</sup> “Icha pepa uva ʌnboto ichi xua xeina pemaxʌranawan, bara jʌta coyeneya ichin. Xeinan pomonae tana nejume cowʌntsi jiwi pam. Pepa uva ʌnboto nacoita exana nawita pethei pemaxʌranawantha tsipei poxoru pemaxʌranawan dubena pepa uva ʌnbototha tsica. Bara jʌtiya ichi icha pana necayawa jinompame baroxonae bichocono paca jʌntʌ coyene xanepana exanaeinchi. Daxota icha pana nepentsiya jinompame jopa paca itacʌpaetsipae xua paexaname pocotsiwa xua Nacom ichichipa. <sup>6</sup> Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon petʌpae maxʌranawan nota xua bayatha ucobobeba yawa baroxonae isotototha bebeya petautsinexa.

<sup>7</sup> “Icha pana necayawa jinompraename yawa icha jopa pajʌntemainaem tsane pocotsiwa bayatha paca cuidubatsi, baroxonae pocotsiwa pana newʌcaename bara baxua pacata exanaeinchi. <sup>8</sup> Jiwi Taxa barʌ cui itura jinatsi poxonae



paca tane xua betiya xanepanaya pajinompame painya neexanaexae pocotsiwa Taxa paca itoroba. Yawa Taxa baru cui itura jinatsi tsipei barapomonae paca cui yaputane xua paxam barapara pepa tamonaе jiwi pam. <sup>9</sup> Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonaе tapana nejume cowantsi jiwi pam. <sup>10</sup> Paexanaponde pocotsiwa paca itorobatsi, bapoxonaе bichocono tsitecaeya paca antobe tsoponaе tsainchi, icha xan ichin xua poxonaе exanan pocotsiwa Taxa neitoroba xua daxota ataya tsitecaeya neantobe tsoponaе.

<sup>11</sup> “Baxuan paca tsipaebatsi xua paca juntu coyene xanepana exanaeinchi xua bapoxonaе bichocono pajuntu coyene weiweinaename. <sup>12</sup> Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan. <sup>13</sup> Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonaе peantobexae pia jiton yaitataba xua pebexubinexatsi xua pia jiton tatsi jopa bepetabexubiwa tsainchi. <sup>14</sup> Paxam apara tajiwiwimonaе pam, icha paexanaponaename pocotsiwa xua tapaca itorobiwatsi. <sup>15</sup> Anoxuae jopa bepaca caunutichi xua paxam pomonaе inta amanaya penacuichiwi pam. Nama po cae pin nacuathe pomonaе petanacuichiwi jopa yabara yaputaeyo pocotsiwa exana pomonaе pia pecanamataxeinaewichi tsipei jopa baxua yabara paebiyo. Ichitha paca caunutatsi xua paxam apara tajiwiwimonaе pam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba. <sup>16</sup> Aparo jopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa peweraweracaewa tsane pocotsiwan painta exanaename. Bapoxonaе Taxa bara pacata exanaena poxonaе Taxa beicha pawcame poxonaе pana nebxuna bobenouname. <sup>17</sup> Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

*Meje yabara poxonaе Jesús jeye: “Jiwi necaseba, iru paca caseba”, jei Jesús*

<sup>18</sup> Equeicha Jesús jeye: “Pomonaе jopa nejume cowantsiyo icha barapomonae paca caseba pananta xeinare xua barapomonae copiya necaseba daxota paca casebaru. <sup>19</sup> Icha paxam pomonaе jopa pata tana nejume cowantsiwi jiwana pam tsipaem, bapoxonaе pomonaе necaseba paca antobe tsipae icha ichi xua barompaya antobe pijimonaе. Pomonaе

xote jinompe, pomonae jopa tana nejume cowantsiwi, barapomonae pexantha tatsi paca itapetatsi daxota barapomonae paca caseba. Tsipei anoxuae paxam jopa barapomonae jiwana pam. <sup>20</sup> Pana nejume cayabara nanta xeinare xua bayatha paca tsipaebatsi xua janje: ‘Pon ba tanacuita ichan, bapon jopa ainya cuiyo, jame pia pentacaponaein tatsi ainya cui pon peitorobixaetsi’, paca jeichi. Tsipei jiwi inta abe exana daxota iru pacata abe exana. Jiwi jopa jume cowantsiyo tacuidubiwa. Barichi jopa jume cowantsiyo painya necuidubiwa. <sup>21</sup> Daxita baxuan jiwi paca cana exanaena xua painya neexanaexae pocotsiwa paca itorobatsi tsipei jopa yaputaetsi pon neitoroba pon Taxaxae.

<sup>22</sup> “Icha jopa patopaeinchipae po cae pin nacuathe, xuno xua icha jopa cuidubinchipae barapomonaetha, barapomonae jopa natsicuentcipae xua abe peexanaexae tsipei jopa yaputaetsipae xua abe exana. Ichitha anoxuae jopa itacupaetsi xua pejeiwa: ‘Jopa payaputaeyino xua abe paexanan’, xua pejeiwa, tsipei patopan yawa cuiduban barapomonae. <sup>23</sup> Pomonae xua necaseba, barapomonae iru Taxa casebatsi. <sup>24</sup> Barapomonae tane xua xan exanan pocotsiwa ichan jopa itacupaetsi xua peexanaewa. Icha barapomonae jopa bayatha necui taetsipae xua exanan jopa natsicuentcipae xua abe peexanaexae jopa peyaputaexae tsipae xua abe exana. Ichitha barapomonae bara xaniwaicha necui tane xua exanan. Matautano yaputane xua abe exana. Daxota barapomonae necaseba iru daxota Taxa casebatsi. <sup>25</sup> Ichitha baxua bewa neyabara jume cui wetsina tsipei Moisés pia peitorobi coyenewatha neyabara tsiwunaeya jeye: ‘Barapomonae necaseba poxoru saya apatsi’, jei barapo Moisés pia peitorobi coyenewatha.

<sup>26</sup> “Itorobin Nacom pia Pejumope tanaxu tatsi xua po pejumope tanaxu Taxa werena pona, po pejumope tanaxu paca yawenaena po pejumope xainyeya pepaebin. Barapo pejumope tanaxu neyabara paebina poxonae bapon patopicaena. <sup>27</sup> Paxam bara paichim tsane ichamonaetha pana neyabara paebiname. Tsipei poxonae aena tamropata pitaban tanacuichiwa barapo cae pin nacuathe, bapoxonae caena bayatha pana nebaru jinompame”, jei Jesús pijimonaetha.

## 16

<sup>1</sup> Equeicha Jesús barai pijimonaetha, jeye: “Baxua paca tsipaebatsi xua jopa painya nebarapentsiwa tsane xua tapana nejume cowantsiwam poxonae jiwi abe pacata exanaena. <sup>2</sup> Paca itawetsina judiomonaetha pia penacaetutsi bon weya. Po mataqueitha poxonae jiwi paca jutebina, barapo jiwi

catsawiya nanta xeinaena xua Nacom pecui itorobixae xua daxota painya paca necajutebiwa tsane. <sup>3</sup> Barapo jiwi baxua pacata exanaena, tsipei jopa neyaputaeyo matauta Taxa tsipei jopa yaputaetsi. <sup>4</sup> Baraxua paca tsipaebatsi xua painya tana necayabara jume cananta xeinaewam tsane poxonae barapo matacabi tsane poxonae po mataqueitha jiwi abe pacata exanaena.

*Meje yabara po coyene xua Nacom pia Pejumope tñaxu tatsi exana*

“Poxonae aena tamropata pitaban tanacuichiwa baraxua jopa paca tsipaebichi tsipei paca baru popoinchi. <sup>5</sup> Ichitha nama anoxuae baxua paca tsipaebatsi tsipei ponaein, xua Taxa beicha taecaewa tsane pon tana neitorobixae. Dapon aibi paxam jiwana pam pon neyainyaba xua nejei: ‘¿Eta xota ponaename?’ pon nejei, tsipei daxita pam bara pana neyaputaneme xua xota taponaeawa. <sup>6</sup> Nama anoxuae bi-chocono panthuthu wecoyam tapaca tsipaebixaetsi baxua. <sup>7</sup> Ichitha bara yatsicaya xainyeya paca tsipaebatsi. Baxua pacata wanae xua taponaeawa tsipei icha jopa ponaeinchipae, jopa neitacupaetsipae xua taitorobiwa Nacom pia Pejumope tñaxu tatsi xua painya nepaca cayawenaenexa. Icha ponaein barapo jumope pacata itorobinchi. <sup>8</sup> Poxonae Nacom pia Pejumope tñaxu tatsi patopeicaena, jiwi yabara yaputane cana exanaeinchi pocotsiwa daxita jiwi abe peexanae cuiru coyenein exana. Matautano barapo Nacom pia Pejumope tñaxu tatsi jiwi yaputane cana exanaeinchi xua xan saya xanepanaya Nacom tayabara paebin. Matautano barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentsiwa xua abe peexanaexae. <sup>9</sup> Poxonae barapomonaе abe peexanae cuiru coyene exana baxua tsita itapeinya xeina xua barapomonaе jopa tana nejume cowantsiwi. <sup>10</sup> Matautano jiwi yaputane cana exanaeinchi xua xan saya xanepanaya Nacom tayabara paebin, tsipei Taxa beicha ponaein yawa paxam jopa equeicha pana netaem tsane. <sup>11</sup> Matauta barapo Nacom pia Pejumope tñaxu tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentsiwa xua abe peexanaexae. Tsipei caena bayatha bapocotsiwa exana caurimonaе pia pentacaponaeintha, pon jiwi juntu coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

<sup>12</sup> Ichawa bequein xeinan xua tapaca tsipaebiwatsi ichitha anoxuae jopa paca itacupaeyo xua painya

neyaputaewa tsipei jopa paca coyene cupaeyo. <sup>13</sup> Poxonae patopeicaena Nacom pia Pejumope t̃nax̃ tatsi, barapo pejumope t̃nax̃ paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope t̃nax̃ yabara yaputane paca cana exanaena pocotsiwa bexa tsane exanaena po cae pin nacuathe tsique. <sup>14</sup> Barapo Pejumope t̃nax̃ jiwi cana exanaeinchi xua jiwi w̃nae tana nejainchiwa tsane. Pocotsiwa xua paca tsipaebatsi, barapo pejumope t̃nax̃ xuya yaputane paca exanaena. <sup>15</sup> Daxita xua Taxa pocotsiwa xeina ir̃u apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope t̃nax̃ xuya equeicha paca cuidubina’, paca jeichi.

<sup>16</sup> “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonae pirapaeyo Taxa beicha ponaein”, jei Jesús pijimonaetha.

*Meje yabara poxonae Jesús jeye: “Bequein copiya pawecoyam tsane ichitha bexa equeicha paj̃nt̃ coyene weiweinaename”, jei Jesús*

<sup>17</sup> Bapoxonae ichamonae pomonae Jesús pijimonaetha tatsi caemonae nayainyaba, najei:

—¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana netaename. Bapoxonae pirapaeyo Taxa beicha ponaein’, naca jei? <sup>18</sup> ¿Eta xua metha ‘caeto tsane’, jane? Jopa baxua yaputaetsi, najei.

<sup>19</sup> Jesús pijimonaetha yaputane xua pijimonaetha juntucuru yainyabatsi. Daxota pijimonaetha barai, jeye:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxonae equeicha pana netaename’, jan ¿baxua apara pana necayabara jume yainyabame?

<sup>20</sup> Xaniyan paca tsipaebatsi. Tacoutha paxam pawecoyam tsane yawano paanth̃th̃rewem tsane poxonae ir̃ur̃u j̃nt̃u coyene weiweinaena pomonae jopa tana nejume cow̃ntsi jiwi. Bequein caeto pawecoyam tsane ichitha equeicha paj̃nt̃u coyene weiweinaename. <sup>21</sup> Poxonae yab̃yo b̃pana taecatsi pexuyo, poxonae imoxoyo naexanaena pexuyo, bapowa bichocono wecoyei. Ichitha poxonae bayatha pexuyo naexana, bapoxonae bapowa nacayabara j̃nt̃emaina xua bayatha yaporowa papai xua peatenexae. Daxota bapowa j̃nt̃u coyene weiweina pexuyo bayatha penaexanaexae. <sup>22</sup> Bara j̃ta coyeneya paichim tsane. Poxonae t̃paein xua taponaein xua tsane, bequein pawecoyam tsane,

ichitha panetaename poxonae asun tsane xua ponaein Taxa beicha. Yawa bapoxonae pajuntũ coyene weiweinaename. Dapon aibi pon barapo juntũ weiweinae coyenewa paca juntũ coyene wejuntemaina cana exanaena.

<sup>23</sup> “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana newun caununaya wucaename, bara baxua daxita pacata exanaena. Baxuan pocotsiwa paca tsipaebatsi bara xainyan. <sup>24</sup> Caena bayatha xua beya anoxuae jopa pana newun caununaya wucaem Taxa beicha. Anoxuae nama pana newun caununaya wucaename Taxa beicha. Bara baxua pacata exanaena xua bichocono yatsicaya painya nejuntũ coyene weiweinaewa tsane”, jei Jesús pijimonaetha.

*Meje yabara poxonae Jesús jeye: “Xan amanayabaxubin pon jiwi juntũ coyene itorobatsi po cae pin nacuathe”, jei Jesús*

<sup>25</sup> Equeicha Jesús barai pijimona, jeye: “Pocotsiwan xua bayatha paca tsipaebatsi, bara paeban pecayabara juta pepaebi diwesixitha. Ichitha barapo matabi patopaena, po mataqueitha jopa paca tsipaebi tsainchi pecayabara juta pepaebi diwesixitha. Barapo mataqueitha bara Nacom yabara jume penthiya paca tsipaebinchi. <sup>26</sup> Barapo mataqueitha pana newun caununaya wucaename Taxa beicha. Jopa paca tsipaebichi xua Taxatha tapacata wucaewa tsainchi tsipei apara bara painya coya paca itacupa. <sup>27</sup> Taxa paca antobe pata tana neantobemxaem yawa pata tana nejume yabara cowantsixaemxae xua xan bara yatsicaya Taxa wetsica ponan. <sup>28</sup> Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponaeewa tsane”, jei Jesús pijimonaetha.

<sup>29</sup> Nexata Jesús pijimonaexae baraichichi, jeye:

—Anoxuae bara yatsicaya jume penthiya pana netsipaebame. Jopa paebim pecayabara juta pepaebi diwesixitha. <sup>30</sup> Anoxuae payaputan po coyene xua bara daxita neyaputawan. Matautano payaputan xua jopa pata nantawenonaeewa xua paxan pata paca cayainyabiwatsi. Daxota pajume cowantan xua xam bara yatsicaewa Nacom wetsica neponaein, jeichichi Jesús pijimona.

<sup>31</sup> Jesús jume barai pijimona, jeye:

—¡Anoxuae matapainya pana nejume cowantame! jei Jesús. <sup>32</sup> Bara nama imoxoyo matabi patopa, po mataqueitha tsana parucupaename poxonae jiwi paca yotabina. Paxam pana necuentarucupaename. Daichitha xan jopa companyo tsane tsipei Taxa neyanta bayatha. <sup>33</sup> Daxita baxuan paca

tsipaebatsi painya nejuntũ coyene weiweinaenexam tsane tapana necayawa jinompaexaem tsane. Poxonae cataunx-uae pajinompaename po cae pin nacuathe jiwi paca atene exanaena poxonae abe paca cana exanaena. Daichitha jũntema pajinompare. Tsipei xan amanayabaxubin pon jiwi jũntũ coyene itorobatsi po cae pin nacuathe, jei Jesús pijimonaetha.

## 17

### *Meje yabara poxonae Jesús pijimonaetha Paxatha*

<sup>1</sup> Poxonae Jesús baxua najume weta xua pijimonaetha tsipaeba, bapoxonae Jesús itaboco necoicha. Paxatha tsipaeba jeye: “Axa, aunxuae patopaena xua poxonae jiwi tsita itũtsiname xua xan, apara bara Nexanton, pon taainya cuin. Bapoxonae jiwi tsita itũtsin xua xam jinya neainya cuim. <sup>2</sup> Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowũntsiwi, barapo jiwi catsin peajũntũyapusũwa, po peajũntũyapusũwa ataya tsiteca. <sup>3</sup> Axa, yatsicaya compam xam Nacom, irũ xan Jesucriston compan ponxaein neitorobame po cae pin nacuathe tsique. Pomonaetha nejume cowũnta irũ xuano cajume cowũntano, barapomonaetha xeinaena peajũntũyapusũwa, po peajũntũyapusũwa ataya tsiteca.

<sup>4</sup> “Po cae pin nacuathe exanan xua jiwi wũnaetha necajainchiwa. Bayatha wetan xua bayatha necui itorobame xua taexanaewa tsane. <sup>5</sup> Axa, anoxuae equeicha ainya cui neexande neitabaratha, icha matha neichim poxonae caena bayatha ainya cui neexaname neitabaratha poxonae nexantha poponan poxonae cataunxuae po cae pin nacue jopa forotsinyo.

<sup>6</sup> “Pomonaetha bayatha itapetame, pomonaetha nejume cowũnta, barapomonaetha yabara cuiduban xua xam cayabara pae-batsi. Barapomonaetha bara jinyamonae yawa nepuna pona exaname. Barapomonaetha bara xanepanaya exana xua pocotsiwa itorobame. <sup>7</sup> Pocotsiwan xua xan paeban xuano xua exanan, daxita baxuan exanan tana necatsimxae jinya pex-einya ayapusũ itorobi coyenewa. Anoxuae daxita baxuan barapomonaetha yaputane. <sup>8</sup> Pocotsiwan necuidubame xuya barapomonaetha cuiduban. Daxita baxuan barapomonaetha yabara nejume jejei. Barapomonaetha yaputane xua xan bara yatsicaya xam wetsica ponan. Mataũtano yaputaneno xua xam tana neitorobiwam.

<sup>9</sup> “Cawũcatsi barapomonaetha nexa xua neyawenaewa tsane barapomonaetha. Apara jopa yabara cawũcaetsi pomonaetha jopa nejume cowũntsiyo xua neyawenaewa tsane. Saya jame

yabara caw<sub>u</sub>catsi pomonae tana necatsixaemxae pomonae jinyamonaexae. <sup>10</sup> Daxita pomonae xua jinyamonae apara tamonaer<sub>u</sub>. Daxita ir<sub>u</sub>r<sub>u</sub> pomonae xua tamonae, apara jinyamonaer<sub>u</sub>. Ichamonae w<sub>u</sub>naeya necayabara nanta xeina xua xan ainya cuin tsipei xanepanaya jinompa, pomonae tana nejume cow<sub>u</sub>antsi jiwi.

<sup>11</sup> “Xan jopa poponaein tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonae jopa daichiyo, saya po cae pin nacuathe dubenanaebiyaena. Axa, xam ponxaem bichocono nej<sub>u</sub>nt<sub>u</sub> coyene xanepanaein tsaibim. Pomonae bayatha tana necatsixaemxae barapomonae bebera jinya neayapus<sub>u</sub> neitorobi coyenewatha xua barapomonae jopa pej<sub>u</sub>nt<sub>u</sub> coyene cui itorobinexa tsainchi xua abe peexanaewa tsane xua caurimonae pia pentacaponaein tatsi j<sub>u</sub>nt<sub>u</sub> coyene cui itoroba. Bapoxonae barapomonae be caein cana naexanaeinhibe waantobexaebe barapomonae icha ichichibe xua be caein naexainhibe. <sup>12</sup> Poxonae cataunxuae poponan po cae pin nacuathe, apara xan bebeteiban barapomonae jinya neayapus<sub>u</sub> neitorobi coyenewatha pomonae tana necatsixaemxae. Barapo tamonaexae beta bebetan yawa jopa copatsinyo xua ich<sub>u</sub>n tana newepu aichurucuaewa, saya meisa caein nexubina barapomonae jiwana. Daxota bapon bewa t<sub>u</sub>paena tsipei bichocono peaj<sub>u</sub>nt<sub>u</sub>coyeneypubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

<sup>13</sup> “Anoxuae xan ponan nexainya beicha ichaxoteicha ecame. Ichitha daxita baxuan paeban poxonae cataunxuae po cae pin nacuathe poponanje xua barapomonae bichocono pej<sub>u</sub>nt<sub>u</sub> coyene weiweinaenexa, po pej<sub>u</sub>nt<sub>u</sub> coyene weiweinaewa bayatha xeinan. <sup>14</sup> Nejume diwesi catan barapo tamonae. Ichitha barapo tamonae inta casebatsi ichamonae tsipei barapo jiwi po cae pin nacuathepiwi. Barapo tamonae nama po cae pin nacuathepiwi aibi, icha ichin xua xan po cae pin nacuathepin aibin. <sup>15</sup> Apra jopa caw<sub>u</sub>caetsi xua barapo tamonae nenotsinexa po cae pin nacue weye. Saya apra caw<sub>u</sub>catsi xua barapomonae nebebetsinexa caurimonae pia pentacaponaein tatsi pecuiyainwa. <sup>16</sup> Icha xan ichin xua po cae pin nacuathepin aibin, barichi barapo tamonae jopa barapo cae pin nacuathepiwiyo. <sup>17</sup> Nejume diwesi, apra po diwesi nexainyei diwesi jume. Poxonae barapo tamonae jume tane baxua barapomonae catame xua pej<sub>u</sub>nt<sub>u</sub> coyene weiweinaewa xua peexanaewa tsane pocotsiwa ichichipame. <sup>18</sup> Icha neichim xua neitorobame pomonaetha pomonae jopa jume cow<sub>u</sub>antsiyo, barichin pomonae

tana nejume cowantsiwi itoroban pomonaetha pomonae jopa tana nejume cowantsiwi. <sup>19</sup> Najuntũ coyene catan nexainya beya tha xua exanaetsi pocotsiwa ichichipame. Baxua exanan tsipei antobein tamonae. Exande xua barapomonae irũ penauntũ coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

<sup>20</sup> “Jopa meisa cawũcaetsi barapo tamonae nexa, apara yawano irũ yabara cawũcatsi pomonae bexa nejume cowantsina poxonae jume taena tajume diwesi xua poxonae pepaebixae tsane barapo tamonae. <sup>21</sup> Cawũcatsi xua barapomonae be caein penaexanaenexa xuano xua cae penanta xeinaeya nacana barũ cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsirũ. Poxonae barapomonae be caein nacayawa naexana ponainchibe, bapoxonae ichamonae yabara jume cowantsina xua xam bara yatsicaya tana neitorobiwam. <sup>22</sup> Barapo tamonae peainya cui coyenewa catan, po peainya cui coyenewa xam necatame xua barapomonae be caein penaexanaenexa icha ichichibe xua bara caein naexanatsibe. <sup>23</sup> Xan tamonae yantan irũ xam neyantame, tsipei daxitatsi be caein naexainchi daxota barapomonae yatsicaya bara be caein naexana. Bapoxonae daxita jiwi cui yaputaena xua xam bara yatsicaya tana neitorobiwam. Mataũtano barapo jiwi cui yaputaena xua tamonae antobem icha ichim xua neantobem.

<sup>24</sup> “Axa, necatame barapo tana nejume cowantsiwi. Ichipan xua barapomonae pomonae tana nejume cowantsiwi ponaena ichaxoteicha taponaewa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxonae cataunxuae jopa forotsiyo po cae pin nacue. <sup>25</sup> Axa, pon bichocono nejuntũ coyene xanepanaem. Pomonae jopa tana nejume cowantsiwi jopa pepa jinyamonaeyo tsipei jopa cayaitaeyo. Ichitha xam bara cayaitainchi. Pomonae tamonae, pomonae tana nejume cowantsiwi barapomonae neyabara yaputane xua xam tana neitorobiwam. <sup>26</sup> Barapomonae pomonae tana nejume cowantsiwi yabara yaputane exanan xua xam cayabara paebatsi. Abũ cataunxuae awiya baxua exanaein xua jinya necaantobenexa tsane icha neichim xua neantobem. Mataũtano barapomonae ataya yaitata poponeibin”, jei Jesús poxonae Paxa tsipaeba.



*Meje yabara poxonae Jesús waetabatsi*  
(Mt 26.47-56; Mr 14.43-50; Lc 22.47-53)

<sup>1</sup> Poxonae Jesús najume weta xua poxonae Paxa tsipaeba, bapoxonae pomonae Jesús pijimonaexae tatsi Jesús baru pona. Jesús baru pona foto iya icha muxunene beya, po foto cataunxuae ira tsewa. Barapo foto pewan Cedrón. Barapo icha muxunene beya umena xua ponaein peabi naein, baxota Jesús pijimonae baru patopa. <sup>2</sup> Judas, pon Jesús caenaetatsi, bapon yaputane barapo momiyó tsipei baxota matha matowa Jesús pijimonae baru nacaetuteiba. <sup>3</sup> Judas patopa ichaxota Jesús pijimonae baru uncua. Judas baru pona soldadomonae irano policiamonae, po policiamonae pomonae Nacom pin pia bo peyabara umenaewi. Daxita barapomonae, pomonae Judas baru patopa fariseomonae itoroba iru sacerdotemonae pia pentacaponae tatsi itorobaru. Daxita barapomonae cusin capona. Iru ichamonae lamparan capata iru ichamonae banaxuton capata. <sup>4</sup> Bequein Jesús tsiwana yaputane barapomonae xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

<sup>5</sup> Daxita barapomonae Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Iru Judas, pon Jesús caenaetatsi, baxota nauncuaru.

<sup>6</sup> Poxonae Jesús, jeye: “Apara, bara bapon uncuanje”, jei, bapoxonae barapomonae peama iyiya caibeya yawa xuirabathopa. <sup>7</sup> Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

<sup>8</sup> Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamonae inta painta pu copabare, jei Jesús.

<sup>9</sup> Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ichan tana newepu aichurucuaewa”, jei Jesús.

<sup>10</sup> Bapoxonae Simón Pedro namara wejonta pia wato cusi. Simón Pedro muxuyoro catsoniba pon pewan Malco, po muxuyoroto pecoxa werucuiya. Bapon Malco pon sacerdotemonae pia pepa pentacaponaein tatsi tanacuitatsi. <sup>11</sup> Jesús Pedro baraichi, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiwi atene tana necana exanaewa? jei Jesús.

*Meje yabara poxonae Jesús uncuá Anás peitabaratha tatsi (Mt 26.57-58; Mr 14.53-54; Lc 22.54)*

<sup>12</sup> Bapoxonae soldadomonae iru soldadomonae pia pentacaponaein tatsi iruru policiamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa maxu cubatsi. <sup>13</sup> Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonae pia pepa pentacaponaein tatsi naexana. <sup>14</sup> Barapon Caifás, pon caena bayatha jei judiomonaetha: “Metha wunae xua bara caein piamonae yaitatsina pebexubinexatsi xua daxita piamonae tatsi jopa petajutebinexatsi”, jei Caifás xua bayatha paeba.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús (Mt 26.69-70; Mr 14.66-68; Lc 22.55-57)*

<sup>15</sup> Simón Pedro iru ichun ponxaeru Jesús pijimonae tatsi jiwana Jesustha napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichun bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi. <sup>16</sup> Nama Pedro aisowatha uncuá peboupa juma werena. Daxota bapon pon ichun pana weya pona peboupa beya xua yabuyo petsipaebinebatsi powayo yapu eeneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonae pia pentacaponaein tatsi bapon yaitainchi daxota barapowa Pedro bara copatatsi xua bara jondenaena. <sup>17</sup> Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonae tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

<sup>18</sup> Yaitama iru aque tsuncuaeru daxota pomonae sacerdotemonae pia pepa pentacaponaein tatsi tanacuitatsi iru policiamonaeno, daxita barapomonae isoto itutaeta barapo panatha. Daxita barapomonae nonopumena barapo isototha. Pedro iru baxota nanonopuncuaru.

*Meje yabara poxonae sacerdotemonae pia pepa pentacaponaein tatsi Jesús matowa yainyabatsi*  
(Mt 26.59-66; Mr 14.55-64; Lc 22.66-71)

<sup>19</sup> Iruru bapoxonae sacerdotemonae pia pepa pentacaponaein tatsi tamropata pitaba xua Jesús matowa peyainyabatsi. Jesús jeichichi: “Jesús, ¿jintam baru jinyamonae? ¿Eta po diwesi cuidubame barapo jinyamonae?” jeichichi Jesús.

<sup>20</sup> Jesús jume nota, jeye:

—Caena bayatha daxita jiwi peitatha cueicueijan tsaibin. Judiomonae pia penacaetutsi bontha ataya cuidubeiban. Mataatano Nacom pin pia botha ichaxota judiomonae nacaetuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa. <sup>21</sup> ¿Eta pocotsiwa metha nejume yabara yainyabame? Jame maisa moya yainyabare pomonae bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yaputaexae pocotsiwa bayatha tsipaeban, jei Jesús.

<sup>22</sup> Poxonae Jesús baxua najume weta, bapoxonae caein policiamonae jiwanapin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

<sup>23</sup> Jesús jume nota, jeye:

—Icha bara pocotsiwa abe paeban, moya netsipaebare xua abe. Ichitha icha xua wanae paeban, ¿eta pocotsiwa metha nexata nejumata cuaintaxubame? jei Jesús.

<sup>24</sup> Bapoxonae Anás Jesús yamaxu cubiya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weitharu.

*Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús*  
(Mt 26.71-75; Mr 14.69-72; Lc 22.58-62)

<sup>25</sup> Poxonae baxuaru, iruru cataunxuae Pedro nanonopuncua. Barapoxonae barapomonae Pedro yainyabatsi, jeichichi:

—¿Xam apara Jesús pijimonae tatsi caein jiwanamda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro. <sup>26</sup> Bapoxonae equeicha ichan Pedro yainyabatsi pon sacerdotemonae pia

pepa pentacaponaein tatsi tanacuitatsi. Pon Pedro yainya-batsi, bapon caein jiwana pomonae Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca baru pona momiyó beya. ¿Bara methara? jeichichi Pedro.

<sup>27</sup> Pedro equeicha jume notsiya jeye:

—Jume, jopa dapon yaitaeinyo, jei.

Baroxonaeru caena nainya wacara pebto fiba.

*Meje yabara poxonae Jesús uncuá Pilato peitabaratha tatsi (Mt 27.1-2, 11-14; Mr 15.1-5; Lc 23.1-5)*

<sup>28</sup> Caemumbotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewan Pilato. Ichitha judiomonae jopa jojoniyaeyo barapo botha pon jiwi peyanacua ewatsinchi pin pia bothaxae tatsi. Judiomonae pia juntu coyene cui xeina xua jei: “Judiomonae jopa bewa nanacaetutsi pomonae jopa be judiomonae naexanaeyo pia bothaxae tatsi po mataqueitha poxonae imoxoyo Pascua wan matababin xua poxonae jiwi penabanaewanexa pexaewa”, jei. Tsipei icha baxua exanaetsipa pia coutha najuntu coyene taxobichipa yawa barapomonae jopa itacupaetsipaetsi xua pexaewa xaena, po pexaewa poxonae xane Pascua wan matababintha. <sup>29</sup> Daxota Pilato aisowa bejoniya pia bo weya xua petsipaebinxatsi pomonae pesatotha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

<sup>30</sup> Barapomonae Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonae.

<sup>31</sup> Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentsiwa xua abe peexanaexae, jei Pilato.

Barapo judiomonae jume nota, jeye:

—Ichitha paxan judiomonae pan, romanomonae pia peitorobi coyenewa jopa pana copatsiyo xua ichan pacui itoroban xua jiton pebexubiwatsi xua poxonae abe peexanaexae, jei judiomonae.

<sup>32</sup> Baxua exana tsipei bayatha Jesús tsiwanaya nayabara paeba po coyeneya jiwi poxonae Jesús pebexubiwa tsainchi.

<sup>33</sup> Baroxonae Pilato equeicha pia pin pia bo bejoniya yawa Jesús wabatsi, jeichichi:

—¿Xam judiomonae itorobiya pia pepa Neewatsin? jei Pilato.

<sup>34</sup> Jesús jume nota, jeye:

—¿Apara jincoya necayabara cananta xeinaeya yainyabame? Apara ichan yabara necatsipaebixae baxua, ¿daxota barapo jumetha neyainyabame? jei Jesús.

<sup>35</sup> Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi iru sacerdotemonae pia pentacaponaeawi tatsi, apara barapomonae cacaenaeta taxantha. ¿Eta pocotsiwa metha exaname? jei Pilato.

<sup>36</sup> Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamonae neyawenaetsipa xua judiomonae jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

<sup>37</sup> Nexata Pilato Jesús jeichichi:

—¿Apara xam pon jiwi itorobiya pia pepa Neewatsin? jeichichi Jesús.

Jesús jume nota, jeye:

—Aa, apara bara xan bapon pon jiwi itorobiya pia pepa Taewatsin xuaunxuae bara paebame. Daxota naexanan po cae pin nacuathe yawa patopan tapaebinexa xua pocotsiwa pexainyeiwa yatsicaewa. Daxita pomonae ichichipa xua pejume cowantsiwa xua barapo pexainyei jume, barapomonae bara nejume tane, jei Jesús.

<sup>38</sup> Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

*(Mt 27.15-31; Mr 15.6-20; Lc 23.13-25)*

Poxonae Pilato baxua yainyaba, bapoxonae Pilato equeicha aisowa bejoniya xua equeicha judiomonae petsipaebinexatsi. Pilato barai judiomonae, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinexatsi. <sup>39</sup> Ichitha paxam painya cui paxeiname xua ba caein tapacata isanaxubiwatsi pomonae jiwi pecabi botha nobatsi poxonae xua po mataqueitha Pascua wan matabantha. ¿Bara anoxuae pacata saya pu copatinchi pon judiomonae itorobiya pia pepa peewatsinchi? jei Pilato.

<sup>40</sup> Nexata barapo judiomonae jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonae.

Barapon Barrabás, pon bichocono jiwi pecaibi.

## 19

1 Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amapiya xua xota ba jiwi cuainteibatsi poxonae abe exaneiba. Soldadomonaе baxua exana. <sup>2</sup> Barapo soldadomonaе Jesús mata xatatatsi pee tepa. Matautano bapoxonaе Jesús pia paparuwa juma xuenatsi. Icha paparuwa juma xatatatsi po paparuwa tsobia. <sup>3</sup> Bapoxonaе barapo soldadomonaе Jesús imoxoyo cacuita umenarucupatsi. Yawa Jesús cui caponaeya jeichichi:

—¡Jaina, maisa wanaem pon judiomonaе itorobiya pia pepa Neewatsin! jei barapo soldadomonaе xua Jesús cui capoinchi.

Bapoxonaе Jesús itabara cuaintatsi.

<sup>4</sup> Equeicha Pilato pesato bejoniya judiomonaе beya. Pilato barai judiomonaе, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

<sup>5</sup> Bapoxonaе Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

<sup>6</sup> Bapoxonaе sacerdotemonaе pia pentacaponaewi tatsi iru policiamonaе, poxonaе daxita barapomonaе Jesús taerucupatsi, jume daunweya wawaya jeye:

—¡Naetotha bara teparucua bewa exanaem! ¡Naetotha bara teparucua bewa exanaem! jei barapomonaе.

Pilato barai jiwi, jeye:

—Moya paxam jame bara papire, moya painya coya naetotha teparucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

<sup>7</sup> Ichitha judiomonaе Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa tupaena tsipei pata taitorobi coyenewa baxua peyabara paebixae, jei judiomonaе.

<sup>8</sup> Poxonaе Pilato baxua jume tane, Pilato nama bichocono equeicha junuwa. <sup>9</sup> Equeicha Pilato Jesús caibe maxu coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo. <sup>10</sup> Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitacapaewa xua jiwi taitorobiwa xua tɔparucua necaexanadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

<sup>11</sup> Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonae jopa itorobimchipae xua ichamonae abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

<sup>12</sup> Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonae jume daunweya wawai. Barapomonae jeye:

—¡Icha xam bara saya, pu sotabame, apara romanomonae itorobiya pia pepa peewatsinchi bapon jopa pia jiton tsi-paem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonae itorobiya pia pepa peewatsinchi bapon pia peaitafaetabinchi jitontsi! jei judiomonae.

<sup>13</sup> Poxonae Pilato baxua jume taeba, bapoxonae ecoundeca ichaxota pia coutha cayabara cananta xeinecaeya cueicueije tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei. <sup>14</sup> Bapoxonaerɔ barapo matakabi tsuxubirɔ, po matakabi copiya tsiwanaya ducua Pascua wɔn matakabi. Barapo mataqueitha judiomonae pexaewa xaxaintajeba xua Pascua wɔn matakabi nexa xua baya tsane. Poxonae mateinyaxae tsuxubi, bapoxonae Pilato barai judiomonaetha, jeye:

—¡Incane pataema pon itorobiya pepa painya Nepacacae-watsin! jei.

<sup>15</sup> Ichitha barapo judiomonae jume daunweya wawaya jeye:

—¡Maisa bara tupaena! ¡Bara naetotha tɔparucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacae-watsin? jei Pilato.

Ichitha sacerdotemonae pia pentacaponae tatsi Pilato jume notatsi, jeye:

—Apara ichɔn jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa

pon itorobiya pepa pata Neewatsin, bapon jame apara pon romanomonaē itorobiya pia pepa Peewatsinchi, jei judiomonaē.

<sup>16</sup> Barapo jumetha Pilato Jesús canacobena catatsi barapo judiomonaētha. Baxua Pilato exana xua Jesús bara tupa peexanaenexatsi naetotha. Bapoxonaē barapo judiomonaē Jesús pitatsi.

*Meje yabara poxonaē Jesús tupa ruca exanatsi naetotha (Mt 27.32-44; Mr 15.21-32; Lc 23.26-43)*

<sup>17</sup> Jesús bara pona, yawa pia naeto utucurapona, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demxuwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.) <sup>18</sup> Barapo demxu matasoitotha Jesús cobe matatabarutatsi naetotha. Iru ainya pebinbe cobe matatabarutatsibe. Jesús tutiyotha yanaeto uncuā, ichan Jesús pecoxa weya tayanaeto uncuatsi iru ichan Jesús petsocona weya tayanaeto uncuatsi. <sup>19</sup> Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonaē itorobiya pia pepa Peewatsinchi”, jei barapo petinaē napaeuyotha. <sup>20</sup> Pinmonaē judiomonaē yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pewan Jerusalén. Barapo petinaē napaeuyotha, hebreo jumetha tina, griego jumetha tinano, iru latín jumetha tinano. <sup>21</sup> Daxota sacerdotemonaē pia pentacaponaeawi tatsi, pomonaē judiomonaēxae, Pilato baraichi, jeye:

—Jopa jande ‘Pon judiomonaē itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonaē itorobiya pia pepa Taewatsin, najei’, jande, jei sacerdotemonaē pia pentacaponaeawi tatsi.

<sup>22</sup> Ichitha Pilato jume nota, jeye:

—Xuaunxuae tinadutan bara ducuaena, jei Pilato.

<sup>23</sup> Soldadomonaē poxonaē Jesús canacobena wetatsi xua cobe matabobatsi, bapoxonaē nota Jesús pia paparuwan tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonaē. Matauta dorouto Jesús juma wejontatsi, po dorouto ompareca, xua jopa epa xuxucaeyo. <sup>24</sup> Barapo cuatro poyobe xua soldadomonaē caemonaē natsipaeba, najei:

—Jopa tsana nata epa tsitsicaē tsainchi. Jame metha xanepana xua ibotixi bebeya tsainchi. Bapoxonaē yaputaēinchi xua pon ibotiyō beta xoya, moya copiya pichina, jei.



Baxua barapomonae exana peyabara cui wuna tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuan nata tsabina yawa ibotixi bebeya tsane penacueranta notsinexa tsane tapaparuan”, jei pon Nacom peitorobi jume pepaebin. Bara baxua exana barapo soldadomona.

<sup>25</sup> Jesús pena tatsi imoxoyo uncu ichaxota Jesús ducua. Barichi Jesús pena tatsi iru pamcho tatsi baxota umena. Barichi icha María, powa Cleofas piowa tatsi baxota uncu. Barichi icha María, powa María Magdalena, powa Magdala tomarapiwayo, baxota uncu. <sup>26</sup> Poxonae Jesús taenota pena yawa poxonae taenota pon bichocono Jesús antobe, pon piji-monae jiwana pin bapoxonae Jesús barai pena, jeye:

—Ena, taema bapon nexanto cata uncuareque, jei Jesús.

<sup>27</sup> Bapoxonae Jesús barai bapon, jeye:

—Incane taema barapowa, powayo enaxae, jei Jesús.

Bapoxonae barapowa barapon pena tsicotaeya waba pia botha.

*Meje yabara poxonae Jesús tupa*

*(Mt 27.45-56; Mr 15.33-41; Lc 23.44-49)*

<sup>28</sup> Bapoxonae pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiwuna paebatsi, bapoxonae Jesús jeye:

—Meratsipan, jei.

<sup>29</sup> Baxota juruwato eca xua yawa eca vino mera, po mera atsu. Nexata barapo soldadomona esponjatha mene yut-siya capita. Bapoxonae Jesús naewatha tadutatsi yawa tay-oichatsi pecoiboto deca. <sup>30</sup> Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús.

Bapoxonae Jesús nawisi jetataba. Tupa naicha.

*Meje yabara poxonae soldadomonaepin Jesús epa catsitsi-naxubiya cawuichatsi dejonatha*

<sup>31</sup> Cataunxuae barapo matabi po matabitha poxonae judiomona pewunaeya nacui wunaeta pia pentaquei seicae matabi tatsi nexa. Barapomonae jopa ichipaeyo xua came naetotha dubenaena po pebiwi naetotha werapa poxonae jopaena barapo pentaquei seicae matabi, po matabi peainya cui matabixae. Barapo pentaquei seicae matabi, po matabi tamropata pitaba xua Pascua wun matabin. Judiomona jopa ichipaeyo xua pejontsiwa pepon naetotha barapo pentaquei seicae matabitha. Daxota barapo judiomona Pilato jume itorobatsi, jeye: “Soldadomona

itorobare xua petopa janacaenexa tsainchi pomonae nae-totha dubena xua nainya barapo pebiwi tupa peexanaenexatsi. Matauta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomonae.

<sup>32</sup> Nexata soldadomonae bara beya pona. Yawa barapo soldadomonae copiya topa janaxuba ichan pon Jesús icha muxunene wetarucuiyatsi. Bapoxonae equeicha ichan topa janaxotsi pon Jesús icha muxunene wetarucuiyatsi. <sup>33</sup> Poxonae soldadomonae imoxoyo umenarucupa ichaxota Jesús ducua, bapoxonae Jesús tainchi xua bayatha Jesús tupa. Daxota barapo soldadomonae Jesús jopa topa janaxuichi.

<sup>34</sup> Ichitha caein barapo soldadomonae jiwana, bapon Jesús epa cawuicha catsitsinaxubiyatsi dejonatha. Bapoxonae caena nainya jana othoparena yawano mera othoparenano. <sup>35</sup> Xan, Juan, baxuan daxita tan pocotsiwa soldadomonae Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowantsinexam. <sup>36</sup> Barapomonae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha. <sup>37</sup> Matautano icha jume diwesitha xua Nacom Pejume Diwesi, jeye: “Necoichaeinchi pon xua cawuichatsi”, jei Nacom Pejume Diwesitha.

*Meje yabara poxonae Jesús petupaein ibo mathutha yauxatabotatsi*

*(Mt 27.57-61; Mr 15.42-47; Lc 23.50-56)*

<sup>38</sup> Bapoxonaeru pebin, pon pewan José, pon Arimatea tomarapin, bapon Jesús iru jume cowantatsi. Ichitha José baxua jopa nayopichiyo ichamonaetha xua Jesús pejume cowantsiwatsi, tsipei judiomonae jume cunuwatsi. Bapon José copiya Pilato muxu tsipaebiya jeichichi, jeye:

—Nejume baru jejande tha jontichi Jesús petupaein naeto wetsica, jei José.

—Bara moya taema, jei Pilato.

Daxota José bara beya pona. Bapoxonae José jonta nae-totha Jesús petupaein. <sup>39</sup> Iruru ichan napona Jesús pia mathutha. Bapon pewan Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebeno, po beno xua tuxuei. Barapo benotha muxunaxuba po petuxuei nain pewan mirra, xuano xua icha petuxuei nainwano po petuxuei nainwa pewan áloe. <sup>40</sup> Bapoxonae José iru Nicodemo pitabe Jesús petupaein. Yawa

paparuwatha petuxuei beno muxuna capanaboinca mata quiyontabicabe. Baxua exanabe, tsipei judiomonae pia cui coyene xeina xua poxonae pon petupaein canacui wuna we-tatsi poxonae namuthuqueiba. <sup>41</sup> Imoxoyo ichaxota Jesús po demxuwatha tupa, baxota peubi naein umena. Barapo peubi naein uniyotha ibo itapatororotha muthu boca pena muthu, po muthutha cataunxuae jopa muthutha xubichi petupaein ichu. <sup>42</sup> Barapo pena muthutha Jesús boyatsi, tsipei barapo pena muthu imoxoyo boca ichaxota Jesús tupa. Matauta tsipei quirei tsanaicha xua poxonae patopa pentaquei seicae matakabi, po mataqueitha judiomonae jopa nacuichiyo.

## 20

*Meje yabara poxonae Jesús equeicha asu juina exantsi petupae cuiru coyene weya*

*(Mt 28.1-10; Mr 16.1-8; Lc 24.1-12)*

<sup>1</sup> Bapoxonaeru domingo matakabi jopa, po matakabi xua copiya ducua cae semanatha. Bapoxonae caemambotha poxonae cataunxuae quiriquirica, bapoxonae María Magdalena, powa Magdala tomarapiwayo, muthutha patopa ichaxota Jesús boca. Barapowa tane xua muthu yapusauncua xua bequein ichamonae yapu xatatabanota pin ibo panawatha. <sup>2</sup> Bapoxonae barapowa nainya pata taxainya becuinaerena ichaxota Simón Pedro uncua iru xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petupaein pitatsi, pon Wanacanamataxeinaein. Jopa payaputaeyno ichaxota equeicha botatsi, pana nejei.

<sup>3</sup> Bapoxonae Simón Pedro, iru xan Juan, muthu bepaiyanbe.

<sup>4</sup> Bara beya pana nacuara cuinayanbe. Ichitha xan, Juan, bichocono bichoinan beyacaincha Pedro. Daxota muthutha patopan copiya. <sup>5</sup> Yawa muthu beya nabuxu tsutiya necobiyen. Paparuwa tan xua iratha boca, po paparuwatha Jesús petupaein mata quiyontabatsi, ichitha jopa joniyaeyno.

<sup>6</sup> Bapoxonae Simón Pedro tacoya werena cotacaya patopa. Bapoxonae muthu joniya. Barichi barapon barapo paparuwa tane xua iratha boca. <sup>7</sup> Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca. <sup>8</sup> Bapoxonae xan, ponxaein copiya patopan, iru joniyan muthu iya. Poxonae daxita baxuan tan, bapoxonae nainya jume cowantan xua Jesús bayatha asu.

<sup>9</sup> Bayatha jopa payaputaeyno Nacom Pejume Diwesi, po diwesitha xua xota bapon yabara paebatsi po coyene xua bapon bewa asu tsane petupae coyene cuiru weya. <sup>10</sup> Nexata xan, Juan, iru Simón Pedro caibe panawiyenbe bo beya.

*Meje yabara poxonae Jesús María tsita naitutatsi, powayo  
Magdala tomarapiwayo*

(Mr 16.9-11)

<sup>11</sup> María Magdalena, Magdala tomarapiwayo, powa pana tsiw<sup>h</sup>n caya, bapowa equeicha caiberena m<sup>h</sup>th<sup>h</sup>a patopa. Barapowa m<sup>h</sup>th<sup>h</sup> coiboto juma weya wecoyei tsuncuae. Poxonae wecoyei tsuncuae nantanuweya nab<sup>h</sup>x<sup>h</sup> japasota necobiya m<sup>h</sup>th<sup>h</sup> iya. <sup>12</sup> Bapoxonae bapowa tane ponbe matatsunpinbe xua ecabe ichaxota bayatha Jesús botatsi pet<sup>h</sup>paein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi. <sup>13</sup> Barapo matatsunpinbe María yainyabatsi, je-ichichi:

—María, ¿eta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein pet<sup>h</sup>paein pitatsi. Jopa taeinyo xua equeicha xota botatsi pet<sup>h</sup>paein, jei María.

<sup>14</sup> Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi. <sup>15</sup> Nexata Jesús María yainyabatsi, jeichichi:

—Ja, ¿eta pocotsiwa came wecoyam tsauyam? ¿Jintam wewawenam? jei.

Barapowa nanta xeina xua mexeya itara pon pe<sup>h</sup>bi naein yapu eenawei. Daxota bapowa, jeye:

—Icha xam bayatha pitame pet<sup>h</sup>paein pon Tanecanamataxeinaein, incane netsipaebare xua equeicha exota botame. Tha bapoxonae pet<sup>h</sup>paein equeicha pitichi, jei María.

<sup>16</sup> Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwi Necuidubin”, jei).

<sup>17</sup> Jesús jume nota, jeye:

—Jopa nejayatabinde tsipei cataunxuae jopa ponaeinyo ichaxota Taxa equiya. Jamaisa ponde, paebareno tajimon-aetha xua xan paeban xua jan: ‘Taxa beicha ponaein, po Taxa painya Axa ir<sup>h</sup>’, jan. ‘Barapon Nacom, Tanacom ir<sup>h</sup> paxam painya Nacom’, jan xua, jei Jesús.

<sup>18</sup> Barapoxonae María Magdalena, powa Magdala tomarapiwayo, tsiw<sup>h</sup>n caya Jesús pijimonae tatsi beya. Bapowa tsipaeba xua bayatha tane pon Pecanamataxeinaein

jiwi. Yawano tsipaebano daxita pocotsiwa Jesús paeba bapowatha.

*Meje yabara poxonae Jesús pijimonaе tsita naituta*  
(Mt 28.16-20; Mr 16.14-18; Lc 24.36-49)

<sup>19</sup> Barapo mataqueitha poxonaе cataunxuae awiya domingo, bapoxonaе merawi Jesús pijimonaе tatsi nacaetuta. Tsipei judiomonaе cui cunuwatsi daxota bo bichocono boupa daunwei exana. Nexata Jesús barapo tututha patopa. Yawa pijimonaе peitabarayo deca tauncua. Pijimonaе jacobiya jeye:

—Maisa junteма pajinompare, jei Jesús.

<sup>20</sup> Poxonaе Jesús baxua najume weta bapoxonaе tsita nacobe wan itata pijimonaе yawa naepa wan itata. Poxonaе Jesús pijimonaе taerucupatsi bichocono junteм coyene weiweina petaxaetsi Jesús pon barapomonaе Pecanamataxeinaeаetsi. <sup>21</sup> Pirapaeyo equeicha Jesús pijimonaе barai, jeye:

—Maisa junteма pajinompare. Icha Taxa neichi xua neitoroba bara paca ichichi paca itorobatsi, jei Jesús.

<sup>22</sup> Nexata bapoxonaе Jesús pijimonaе matatsun ofutaba, jeye:

—Nacom pia Pejumope tanaxu tatsi bara paca yantsina, jei. <sup>23</sup> Pomonaе xua pacui cayabara juntemainame abe pia peexanaе cuiru coyenein tatsi, bara barapomonaе Nacom iru cayabara cui juntemainaena abe pia peexanaе cuiru coyenein tatsi. Pomonaе jopa pacayabara cui juntemainaem abe pia peexanaе cuiru coyenein tatsi, bara barapomonaе Nacom iru jopa cayabara cui juntemainaeyo abe pia peexanaе cuiru coyenein tatsi, jei Jesús.

*Meje yabara poxonaе Tomás tane xua Jesús equeicha asu*

<sup>24</sup> Tomás, bapon Jesús pijimonaе tatsi jiwana. Bapon icha wun Gemelo, po wun xua jei: “Nama naexanabe pexuyobe”, jei. Barapon Tomás jopa naecaeyo poxonaе Jesús pijimonaе tsita naituta.

<sup>25</sup> Pirapae poxonaе Jesús napitaba ichamonaе pomonaе Jesús pijimonaе tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuano xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

<sup>26</sup> Poxonaе ocho po matabibe yapucaewa xua icha domingotha, bapoxonaе equeicha bomaxutha nacaetuta

Jesús pijimonaē tatsi. Bapoxonaer<sub>u</sub> Tomás jame naeca. Bequein bom<sub>u</sub>x<sub>u</sub> boupa bichocono daunwei exana ichitha Jesús jonarena. Pijimonaē peitabarayo deca taunca. Yawa jacyobiya jeye:

—Maisa j<sub>u</sub>ntema pajinompare, jei Jesús.

<sup>27</sup> Bapoxonaē Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cow<sub>u</sub>nde, jei Jesús.

<sup>28</sup> Nexata Tomás jume nota, jeye:

—¡Jaina, deta Tanecanamataxeinaem! ¡Yawa Nacom, Tanacom! jei Tomás.

<sup>29</sup> Jesús jume nota, jeye:

—Tomás anoxuae nejume cow<sub>u</sub>ntame tanetaemxaem. Ichitha pomonaē bequein jopa netaeyo xua daichitha nejume cow<sub>u</sub>nta, barapomonaē bichocono j<sub>u</sub>nt<sub>u</sub> coyene weiweina, jei Jesús.

*Meje yabara xua eta pocotsiwa metha yabara tina barapo diboro*

<sup>30</sup> Jesús ainya coyenein matowa pijimonaē peit<sub>u</sub>tha exaneiba pexeinya petsita it<sub>u</sub>t<sub>u</sub>si coyenewan. Daxita barapo coyenein awiya yabara seica xua jopa yabara tinaeinyo barapo diborothe. <sup>31</sup> Daxita xua xuan pocotsiwa yabara tinan po diborothe apara xua baxuan painya yabara jume cow<sub>u</sub>nts<sub>u</sub>nexam tsane xua Jesús apara bara Mesías. Mata<sub>u</sub>tano yabara tinan xua painya yabara jume cow<sub>u</sub>nts<sub>u</sub>nexa xua Jesús apara Nacom Pexanto tatsi. Mata<sub>u</sub>tano yabara tinan xua painya nexainaenexa tsane peaj<sub>u</sub>nt<sub>u</sub>yapus<sub>u</sub>wa, po peaj<sub>u</sub>nt<sub>u</sub>yapus<sub>u</sub>wa xua ataya tsiteca xua poxonaē pajume cow<sub>u</sub>nts<sub>u</sub>name Jesús.

## 21

*Meje yabara poxonaē Jesús tsita nait<sub>u</sub>ta siete poyobe pomonaē pijimonaexae tatsi jiwana*

<sup>1</sup> Bapoxonaē pirapae equeicha Jesús pijimonaē tsita nait<sub>u</sub>ta Tiberias pucua itapatha. Poxonaē pijimonaē tsita nait<sub>u</sub>ta poxonaē apara iche: <sup>2</sup> Jesús pijimonaē tatsi nacaetuta. Barapo matab<sub>u</sub>x<sub>u</sub>yobe meje: Simón Pedro, ir<sub>u</sub> Tomás pon icha w<sub>u</sub>n Gemelo, ir<sub>u</sub> Natanael Caná tomarapin, po tomara eca Galilea nacuatha, ir<sub>u</sub> xan, Juan, ir<sub>u</sub> taeweicho xua Zebedeo pexantobe tatsi panbe, ir<sub>u</sub> ich<sub>u</sub>nber<sub>u</sub>. Daxita barapo matab<sub>u</sub>x<sub>u</sub>yobe pan panacaetutan Tiberias pucua itapatha.

<sup>3</sup> Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonae jeratha daxita panonobabiyān. Ichitha barapo merawitha jopa duwei pataeinyo, bequein payamonan. <sup>4</sup> Poxonae baya pentha tsina, Jesús pana tsita naitata pitha pathiya, tuwatha payana dubendenan. Ichitha paxan jopa payaitaeinyo xua bapon apara Jesús. <sup>5</sup> Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

<sup>6</sup> Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonae pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaewa, poxoru pin duwei tunto pacapirenan. <sup>7</sup> Nexata xan, Juan, ponxaein bichocono Jesús neantobe, Simón Pedro baran, janje:

—Apara bapon Jesús, pon Wanacanamataxeinaein, jan.

Poxonae Simón Pedro nejume taeba, bapoxonae paparuwa xua nama xuenabota nainya yacuinaya nama xatataba. Bapoxonae mene weitata jopiya. <sup>8</sup> Ichitha paxan pomonae jopa paraichinyo jeratha pajebounan. Barapo jera be conotha tajū tuwatha berucuarena saya cien metrobe xeina. Bewayo pajeboundenan tsipei peyacamonaewa mentha yawa ducuaona pin duwei tunto. <sup>9</sup> Poxonae jera wepanonobabiyān, bapoxonae isoto patan xua barapo isototha duwein yutaboya yawano xua pan boquiya. <sup>10</sup> Jesús pana barai, jeye:

—Painta xawena duwei xuaunxuae pacaebouname, pana jei.

<sup>11</sup> Simón Pedro jeratha nontabiya. Yawa taetabo itapa bejutabotsina peyamaewa xua bichocono wanca duwei. Ciento cincuenta y tres po duwei matabaxhmonaebe. Bequein duwei bichocono wanca daichitha jopa ucupanaiyo peyacamonaewa. <sup>12</sup> Nexata Jesús pana barai, jeye:

—Antha matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon apara pon Patatanecanamataxeinaein. <sup>13</sup> Bapoxonae Jesús isoto bepoinya pepichinexa pan. Bapoxonae pana necatsiba yawa duwei pana necatsiba.

<sup>14</sup> Baxua exana poxonae nama acoibi po cuiyobe xua Jesús pana netsita naitata xua poxonae equeicha asu popona petupae cuiru coyene weya.

*Meje yabara poxonae Jesús baru cueicueije Simón Pedro*

<sup>15</sup> Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamonae tana nejume cowantsiwi yawende, icha pon ovejaxi pe-eenaen ichi xua yawena ovejaxi, jei Jesús.

<sup>16</sup> Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamonae tana nejume cowantsiwi yawende, icha pon ovejamonae pe-eenaen ichi xua yawena ovejamonae, jei Jesús.

<sup>17</sup> Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro juntá coyene wecoyei yaitama Jesús yainyaba acoibi po jume cuiyobetha. Pedro jeye Jesththa:

—Tanecanamataxeinaem, bayatha caena daxita yaputaibame. Matautano yaputanemeno xua tacaantobewatsi, jei Pedro.

Jesús jume nota, jeye:

—Icha neantobem, inta tamonae pomonae tana nejume cowantsiwi yawende, icha pon ovejamonae pe-eenaen ichi xua yawena ovejamonae. <sup>18</sup> Xaniyan catsipaebatsi poxonae matha cataunxuae pewowim jinya paparuwa bara jincoutha namaxatabeibame. Matautano matha bara poneibame xua ichaxota ba ichichipa neponaewa. Ichitha poxonae perum tsane, ichamonae camaxu cubiya yotsina. Ichun paparuwa cama xatatsina. Ichamonae camaxu caponaena ichaxota jopa ichipaem xua neponaewa, jei Jesús.

<sup>19</sup> Poxonae Jesús baxua paeba Pedro wnae tsiwanaya cui yaputane exainchi xua jiwi eta bichi tsane poxonae Pedro bexubinchi. Matautano Jesús tsiwanaya cui yaputane exana xua jiwi Nacom wnae jainchinchí xua poxonae jiwi taena xua po coyene cuirutha xua poxonae Pedro tupaena peexanaexae pocotsiwa Nacom itoroba. Bapoxonae Jesús jeye Pedrotha:

—¡Bara ataya yacuiya poponare xua tamonae jitom! jei Jesús.



*Meje yabara poxonae Jesús neyabara paeba ponxaein xua Jesús bichono neantobe*

<sup>20</sup> Poxonae Pedro napatomeicha necota, bapoxonae ne-taenota xua punauncuan ponxaein Jesús bichocono nean-tobe. Xan apara bapon pon bayatha matha imoxoyo Jesús caquita xunaecan, poxonae matha jan: “Tanecanamataxeinaem, ¿jintam pon cacaenaetapaeba?” ponxaein matha jan.

<sup>21</sup> Poxonae Pedro netane, bapoxonae jeye Jestusta:

—Tanecanamataxeinaem, ¿incane ponje tsaneru? jei Pedro.

<sup>22</sup> Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asu poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coyene xua tamonaе jitom, jei Jesús.

<sup>23</sup> Daxota Jesús pijimonaе tatsi, barapomonaе neyabara tsiwun capana pijimonaetha xua xan jopa tatupaewa tsane. Ichitha Jesús jopa paebiyo xua jopa tatupaewa tsane. Saya apara jei: “Icha xan tacoutha ichichipan xua bapon bara ataya asu poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

<sup>24</sup> Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Matauta barapo diborothe xan apara tinan, pon Juan tsocuaein. Bara paichim daxita xua xuan tinan payaputanemeru xua baxuan apara bara pexainyeiwan.

<sup>25</sup> Awiya cui yapu seica xua tayabara tinaewa pocotsiwa Jesús daxita exana. Icha daxita diwesin tsana yabara tininiyaetsipan pocotsiwa Jesús exana, metha barapo diboron jopa po cae pin nacue tsijuntutu canaupetsipaetsi.

Baja Juan.

## Po Coyenein Jesucristo Pia Peitorobiwi Tatsi Pexeinya Coyenein Exana

*Meje yabara xua Lucas yabara tina xua Nacom yabara tsiwɨnae muxu duta xua itorobina jiwitha pia Pejumope tɨnaxɨ tatsi.*

<sup>1</sup> Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesitha yabara catsipaebatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, matautano xua pecuidu-biwano, xua beya yacui weraweracanaya po mataqueitha poxonae athabe juinya. <sup>2</sup> Poxonae pewɨnaeya tsane xua Jesús athabe icha, matha pia peitorobiwi itapeta. Jesús cuiduba barapomonae xua Nacom pia Pejumope tɨnaxɨ tatsi pia peayapusɨwatha tatsi. Jesús cata barapomonae po coyenewan xua Jesús petaexanaenexa tsainchi. <sup>3</sup> Poxonae Jesús equeicha asɨ, poxonae bequein tɨpa, bapoxonae Jesús tsita naitɨta barapomonaetha. Cuarenta po matakabibetha Jesús tsita naitɨba ducuaenaebiya barapomonae. Petsita naitɨba ducuaenaebiyaexae pijimonae, barapoxonae pijimonae yauptainchi xua xaniwaicha bara petɨpaein equeicha asɨ. Jesús barapo pia peitorobiwi yabara cuiduba po coyene Nacom waba jiwi petanaexanaenexatsi pijimonae pomonae itorobiya peewatsixae.

<sup>4</sup> Poxonae cataunxuae awiya Jesús pia peitorobiwi barɨ nacaetuta ducuaenaebiya, Jesús barai, jeye:

—Abɨ jopa paponaeinde Jerusalén tomara weya. Pae-ware xua Nacom Taxa bayatha yabara paca tsiwɨnae muxu duta. Taxa namchi: ‘Tajumope tɨnaxɨ itorobicaein’, jei. Baraxua bayatha paca tsipaebatsi. <sup>5</sup> Barapon Juan bautisaba ɨ meratha. Ichitha tsiwiyo bayiyo bexa tsane Nacom pia Pejumope tɨnaxɨ tatsi paca bautisabina. Pacata patsina Nacom pia Pejumope tɨnaxɨ tatsi painya paca barɨ poponaeenexa tsane, jei Jesús pijimonaetha.

*Meje yabara poxonae Jesús athabe icha*

<sup>6</sup> Poxonae Jesús pia peitorobiwi barɨ nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimonae.

<sup>7</sup> Jesús jume nota pijimonaē, jeye:

—Paxam jopa paca itacupaeyo xua painya neyaputaewa po dapae poxonaē Nacom peexanaewa tsane baxua, matautano xua po mataqueitha poxonaē peexanaewa tsane. Saya meisa Taxa xeina peayapusu itorobi coyenewa, po peayapusu itorobi coyenewatha xua peexanaewa baxua. <sup>8</sup> Poxonaē Nacom pia Pejumope tɛnaxu tatsi pacata patsina painya nepaca baru poponaenexa xua bapoxonaē peayapusuwa painya nex-einaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya tajū nacuantha, jei Jesús.

<sup>9</sup> Poxonaē Jesús baxua najume weta, Jesús athabe caichatsi Nacom. Jesús pia peitorobiwi taeumeinyatsi. Barapomonaē tsaquinaebowa tane xua Jesús matawacaicha duneicatsi. Equeicha Jesús jopa taetsi. <sup>10</sup> Poxonaē awiya came barapomonaē necotumeinya itaboco, barapomonaē jemeicha caquita umenarucupatsi pon xua nacueyatabe, ponbe xua pemainya paparuwa penama xatatsinbe. <sup>11</sup> Baraponbe Jesús pijimonaē tatsi baraichi, jeye:

—Ja, pomonaē Galilea nacuapiwi pam, ¿eta xua metha came awiya paitaboco necotumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi jūta coyeneya ichi tsane ichaunxuae aunxuae icha ichi, poxonaē athabe icha.

*Meje yabara poxonaē Jesús pia peitorobi jiwī tatsi Matías itapatatsi Judas pecoutha petanacuichiwa tsainchi*

<sup>12</sup> Barapoxonaē Jesús pia peitorobi jiwī tatsi demxuwa weiyiya po demxuwa pewɛn Olivo demxuwa xua Jerusalén tomara be-iyiya. Poxoru Jerusalén tomara imoxoyo daxota barapomonaē itacupatsi xua peponaewa Jerusalén tomara beya demxuwa weya bequein bara judiomonaē pia pentaquei seicaē matabi tatsi saya poxoru Moisés pia peitorobi coyenewatha baxua peyabara copatsixae. <sup>13</sup> Poxonaē Jesús pia peitorobiwi tatsi pareca Jerusalén tomaratha, athabe jujuinya po tututha athawetsica jinompa. Baraxota jinompa Jesús pia peitorobiwi tatsi pewɛn Pedro, iru Juan, iru Santiago, iru Andrés, iru Felipe, iru Tomás, iru Bartolomé, iru Mateo. Iru popona ichuɛn Santiago pon Alfeo pexanto tatsi. Iru popona ichuɛn pon pewɛn Simón. Barapon Simón celotemonaē jiwana-pin. Barapo celotemonaē pomonaē ba ichichipa xua pexeinaewa barompaya pia pecanamataxeinaenchi. Iru popona ichuɛn pon pewɛn Judas pon Santiago pexanto tatsi. <sup>14</sup> Daxita barapomonaē iru Jesús peyapin jiwī tatsi baru nacaetuteibatsi, xua pebaru tsipaēbeibinexatsi Nacomtha. Iru Jesús pena tatsi, bapowa María, iru ichowaxi

yabuxi baru nacaetuteibatsi xua pebaru tsipaebeibinexatsi Nacomtha.

<sup>15</sup> Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye: <sup>16</sup> “Tamonae pam, pomonae iru painya nejume cowantsiwixae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueijejei exanatsi Nacom pia Pejumope tuxaxu tatsi xua Judas cui coyene caunutatsi xua pinae Jesús waetabinchi pomonae Judas matacapona. <sup>17</sup> Bara Judas yatsicaya pata jiton petain pana naxu nacuitan barapo penacuichiwa. <sup>18</sup> Poxonae Judas Jesús caenaetatsi, sacerdotemonae pia pentacaponae wi tatsi Judas catatsi paratixi. Pirapae sacerdotemonae pia pentacaponae wi tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, xu pichatecatsino abe peexanaexae. <sup>19</sup> Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wun duta po wun jei: ‘Acéldama ira’, jei. Barapo jume, barapomonae pijumetha xua jei: ‘Pejana ira’, jei”, jei Pedro. <sup>20</sup> Equeicha Pedro barai barapomonae pomonae pejume cowantsiwi, jeye: “Salmos penaxu nae wei diwesitha Judas petupaexae yabara paeba, jeye: ‘Pia bo tatsi tausaya bo tauncuaeinchi.

Jopa ichun ecae tsane baxota’, jei.

Matautano namchino:

‘Equeicha pecoutha tanacuitinchi ichun’,

jei Salmos penaxu nae wei diwesitha,

xua Judas yabara”, jei Pedro.

<sup>21</sup> Nexata Pedro equeicha namchi, jeye: “Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanamateaxeinaein pana nebaru jinompa daxita pan. <sup>22</sup> Barapo pebiwi taneno xua Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducua naebiya pocotsiwa xua pewunaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna cueicueijejei tsane xua po coyene Jesús equeicha asu pepoponaewa”, jei Pedro barapo pejume cowantsi jiwitha.

<sup>23</sup> Barapomonae pomonae pejume cowantsi jiwi najiwana itapeta ayunbe. Ichun pewun José Barsabás, pon icha wun Justo. Iru ichun pewun Matías. <sup>24</sup> Nexata barapomonae

Jesús athabeicha tsipaebatsi, jeye: “Nacom, pon jiwi Necana-mataxeinaem. Daxita jiwi nejuntũ coyene yaputaen. ¿Incane methara ponbe jiwana pon xua ichichipamera, pon xua cuita itapeta ichichipame? <sup>25</sup> Barapon irũ penaexanaenexa jinya neitorobi jiton pon xuya Judas pecoutha petanacuichinexatsi. Judas tũpa nacabeta abe peexanaexae. Judas pona ichaxota po nacuatha jopa nacoicha duntsiyo isoto”, jei barapomonaem.

<sup>26</sup> Nexata barapomonaem wũn jiyatabaxuba ibotiyobe. Nexata saya Matías wũn naitũtaraba. Daxota bapon Matías itapeta cuita wabatsi. Matías once pomonaeyobetha napon pomonaem Jesús pia peitorobi jiwi tatsi.

## 2

*Meje yabara poxonaem Nacom pia Pejumope tũnaxũ tatsi patopeica pomonaetha pomonaem Nacom pejume cowũntsiwi*

<sup>1</sup> Pentecostés matabi tsuxubi, po mataqueitha xua poxonaem jiwi tsinacaetuteiba penabanaenexa pexaewa peyabara nanta xeinaexae xua pexaewa naweta. Barapo matabitha daxita pomonaem Jesús pejume cowũntsiwi baracae botha nacaetuta. <sup>2</sup> Barapo mataqueitha barapomonaem busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canaũpa ichaxota barapomonaem nacaetuta. <sup>3</sup> Barapoxonaem barapomonaem tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonaem jayababa tsiniya taenatsi. <sup>4</sup> Barapoxonaem daxita carepaya barapomonaem jũntũ coyene yũcatsi Nacom pia Pejumope tũnaxũ tatsi pia peayapũ itorobi coyenewa tatsi. Mataũtano daxita barapomonaem barompaya tsanaya icha jumeintha cueicueijeĩ xua be po jumetha Nacom pia Pejumope tũnaxũ tatsi cueicueijeĩ cana exana barapomonaem po jumein xua jopa yaputaeyo.

<sup>5</sup> Barapo matabintha, irũ pinmonaem judiomonaem pata Jerusalén tomaratha, po judiomonaem i dapocotsi nacuan werena peponaewi xua penataenexa Pentecostés wũn matabi poxonaem tsinacaetuta pexaewa penabanaenexa. Barapomonaem bichocono pejume cowũntsiwi Nacom.

<sup>6</sup> Barapo ayei bicheitomonaem pomonaem judiomonaem barapomonaem busi tane xua po busi, busi duneica ichaxota nacaetuta pomonaem barapon Jesús pia pejume cowũntsiwichi tatsi. Barapo judiomonaem jume tane xua daxita barapomonaem barompaya pia jumexitha cueicueijeĩ xua judiomonaem pia pejume tatsi. Bapoxonaem barapomonaem

nanacaetuta Jesús pejume cowantsiwitha. Barapomonae pomonae judiomonae najuntũ coyene cabenaeca. Yawa jopa yaputaeyo xua peyabara nanta xeinaewa baraxua tsipei daxita barapomonae pomonae Jesús pejume cowantsiwichi barompaya judiomonae pijumexitha tatsi cueicueijeji. <sup>7</sup>Daxita barapomonae pomonae judiomonae najuntũ coyene cabenaeca. Nantiya caemonae natsipaeba, jeye:

—¡Jina, bara barapomonae Galilea nacuapiwiba, pomonae bequein barapomonae jopa icha jumeintha pecueicueijeji jiwi xua wajumeintha pecueicueijejiwa! <sup>8</sup> ¿Eta pocotsiwa barapomonae metha daxita barompaya tsanaya icha jumeintha cueicueijeji xua wajumeintha? <sup>9</sup> Xote jinompa Partia nacuapiwi irũ Media nacuapiwiba, irũ Elam nacuapiwiba. Barichi xote jinompe Mesopotamia nacuapiwi, irũ Judea nacuapiwiba, irũ Capadocia nacuapiwiba, irũ Ponto nacuapiwiba, irũ Asia nacuapiwiba. <sup>10</sup> Mataũtano barichi xote jinompa Frigia nacuapiwi, irũ Panfilia nacuapiwiba, irũ Egipto nacuapiwiba, irũ Libia nacuapiwiba pomonae jinompa imoxoyo Cirene nacua. Mataũtano ichamonae pata pomonae Roma tomarapiwi. <sup>11</sup> Barapo Roma tomarapiwi icha judiomonae pepa judiomonae xua yacui naexana. Icha judiomonae jopa pepa judiomonaeyo. Saya judiomonae penaexanaewi, tsipei barapomonae jume cowanta Nacom icha be judiomonae ichi pomonae pepa judiomonae. Irũ pata ichamonae Creta nacuapiwi, irũ Arabia nacuapiwiba. Ichitha daxita waxainchi jume tainchi xua Nacom pewnaewan exana peayapuswatha, poxoru barapo Jesús pijimonae tatsi wajumeintha paeba, jei barapo judiomonae.

<sup>12</sup> Daxita barapo judiomonae najuntũ coyene cabenaeca. Daxota barapomonae jopa xaniwaicha yabara nanta xeinaeyo baxua. Barapomonae caemonae nayainyabiya, jeye:

—¿Eta pocotsiwa metha baxua jane? jei. <sup>13</sup> Ichamonae saya jume cui capana. Barapomonae namchi, jeye:

—¡Apara barapomonae Jesús pijimonae tatsi cãpatsi! jei.

*Meje yabara poxona xua Pedro tsipaeba barapomonae*

<sup>14</sup> Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Mataũtano nontapona pepa bicheito itabaratha tatsi. Pedro jume daunweya barai barapo bicheitho, jeye: “Paxam, pomonae Judea nacuapiwi pamxaem irũ daxita pomonae Jerusalén tomarapiwi pamxaem, incane pana nejume taema, yabara paca tsipaebinchi xuaunxuae pajume taneme. <sup>15</sup> Barapo pebiwe xua Jesús pijimonae tatsi apara jopa cãpaetsi xuaunxuae pacui yabara nanta xeiname. Apara awiya xometo caewa ecareca.

Cataunxuae apara baya daxota jopa cupaetsi. <sup>16</sup> Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiw<sub>u</sub>nae muxu duta pon pew<sub>u</sub>n Joel. Joel baraxua Nacom Pejume Diwesitha tina xua saya tatina, xua pinae Nacom paeba.

<sup>17</sup> Jeyei Nacom:

‘Poxonae barapo cae pin nacuathe po matabi  
opi weraweracaena, bapoxonae barapo  
matabitha daxita carepaya jiwitha  
najumope t<sub>u</sub>nax<sub>u</sub> cayataxubiya catsibin.  
Painya nexanto jiwi ir<sub>u</sub> painya nexantixi  
neyabara cueicueijei tsane pocotsiwa  
xua yaputane exanan.

Pewowi yatsicaya tsita nait<sub>u</sub>teibinchi  
be poxonae camaiteibina.

Pitiri jiwi camaiteibina poxonae amachinae tsane.

<sup>18</sup> Pomonae xua amanaya neyabara diwesi  
canantsipaebina, barapomonaethano  
najumope catsibin barapo matabitha,  
yab<sub>u</sub>xithano, pebiwithano. Barapoxonae inta cueicueijei  
tsane.

<sup>19</sup> Peitabocotha paca tsita it<sub>u</sub>tsinchi po coyenein  
bichocono pew<sub>u</sub>naewan xua jiwi bichocono  
naj<sub>u</sub>nt<sub>u</sub> coyene cabenaeca exanatsi.

Iratha tsicano paca tsita it<sub>u</sub>tsinchi po coyenein  
xua jopa juniya be pejana tsurucuae tsane, xuano  
xua jopa juniya be isoto tsurucuae tsane, xuano  
xua jopa juniya be nobo ts<sub>u</sub>x<sub>u</sub> tsurucuae tsane.

<sup>20</sup> Poxonae patopaetsica pon jiwi Pecanamataxeinaein  
copiya baraxue panecotsiname xua xometo quiri  
jei tsane, jopa pentha tsurucuae tsane.

Yawa panecotsiname xua jomocoichato be  
janowa ducuaena.

Barapo matabi w<sub>u</sub>nae tsane poxonae pon jiwi  
Pecanamataxeinaein patopaetsica.

Barapo matabi Nacom pepa peit<sub>u</sub>panae  
matabi exanaena.

<sup>21</sup> Pomonae picoya penata w<sub>u</sub>caewa Nacomtha xua  
Nacom peyawenaenexa tsainchi, barapomonae  
capanenebiya tsainchi Nacom’, jei Joel  
xua saya Nacom tapaebatsi”, jei Pedro.

<sup>22</sup> Equeicha Pedro barai barapomonae jeye: “Pomonae  
Israel nacuapiwi pamxaem, incane pana nejume taema, xua  
paca tsipaebinchi. Jesús, pon Nazaret tomarapinxae bapon  
Nacom itoroba painya xantha. Bapon Jesús pew<sub>u</sub>naewan

exana pexeinya petsita itutsi coyenewanno Nacom pia peayapuwatha tatsi, painya neyaputaenexa tsane xua Nacom yawena xua Jesús peyawenaewatsi. Paxam bayatha payaputaneme xua bapon tsita naituba ducuaenaebiya. <sup>23</sup> Bayatha Nacom paca cui wanae tsiwanaya tane xua po coyeneya pata exanaename pexantotha tatsi. Nacom bara paca cui copata xua abe paexaname. Jesús pawaetabame painya caenaetsinexa tsane bapon peacuipe jiwitha. Barapomonae Jesús cobe matabobatsi naetotha yawa bexotsi. <sup>24</sup> Ichitha equeicha Nacom asu exana pexanto petupae cuiru nacua weya. Nacom Pexanto capanepa pia peantuyapuwatha barapo petupae cuiru nacua weya, tsipei barapo petupae cuiru nacua jopa xeinaeyo peayapuwawa xua Jesús awiya pebotsiwatsi barapo petupae cuiru nacuatha. <sup>25</sup> Iru David, Israel nacuapiwi itorobiya pia pepa peewatsinchi, caena bayatha tina Nacom Pejume Diwesitha. David tina Jesús jume yabara tatsi. David namchi, jeye:

‘Yaputan xua Tanecanamataxeinaein nebaru  
poponeiba daxita matakabi.

Bapon neyaweneiba.

Bapon nebaru poponeiba daxota

jopa junuwin tsane.

<sup>26</sup> Daxota bichocono juntu coyene weiweinan.

Matautano daxota Nacom Pejume Diwesi

juntu coyene weiweinaya

cueicueijan ichamonaetha.

Bara bequein tupaen, muthutha bocuaeinno,  
ichitha jume cowuntan xua Nacom equeicha asu  
neexanaena pia peantuyapuwatha.

<sup>27</sup> Xam Nacom jopa punaxubim tsane tajumope  
petupae cuiru cuariyatha.

Poxoru xan jinya nexanton tajuntu cui  
xanepanaein daxota jopa benecopatsim

xua tatupaein tuxamnuncuaein,

yawa xua tsabanuncuaein.

<sup>28</sup> Neita cui tsita itubame beta xaniwaicha  
tapoponaenexa tsane poxonae equeicha asu  
neexanaename petupae cuiru nacua weya.

Nejuntu coyene weiweina exaname tsipei

neyanta poponeibame’, jei David

xua saya Jesús tapaebatsi”, jei Pedro.

<sup>29</sup> Equeicha Pedro barai barapomonae, jeye: “Tamonae,  
daxota beta paca tsipaebatsi xua pinae David wamo susato  
nacuapin bayatha pinae tupa. Piamonae muthutha xotsi.  
Awiya waxantha boca barapo muthu ichaxota petupaein



mathatha xotsi. <sup>30</sup> Apará, barapon David, pinae Nacom peitorobi jume pepaebin. Bayatha pinae David nacana wuna tsiwanaya muxu tsidutatsi Nacom, xua pinae David pijimona tatsi jiwana pon jiwi Pecanamataxeinaein tatsi naexanaena. Barapon pon Pecanamataxeinaein jiwi Israel nacuapiwi canamataxeinaeinchi icha cain bayatha David ichi poxona canamataxeina barapo Israel nacuamonae. <sup>31</sup> Bayatha pinae David yabara tsiwuna muxu duta xua bexa tsane Nacom Mesías equeicha asu exanaeinchi. Nacom Pexanto tatsi pon David yabara jume jei, apara bapon Mesías. David namchi xua Mesías jeyei xua saya pinae David tapaeba: ‘Xam Nacom jopa punaxubim tsane tajumope petapae cuiru cuariyatha. Poxoru xan jinya nexanton tajuntu cui xanepanaein, daxota jopa benecopatsim xua tatapaein tuxamnuncuaein yawa xua tsabanuncuaein’, jei David xua Mesías jeyei. <sup>32</sup> Pon Mesías, pon xuaunxuae yabara paca tsipaebatsi apara bapon Jesús pon Nacom equeicha asu exana. Baraxua paxan yatsicaewa pata cui taewi. <sup>33</sup> Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaein exanatsi Nacom. Matautano Jesús nacana jumope catatsi, Nacom. Barichi baxua xuaunxuae pataneme yawa pana nejume tanemeno xua daxita carepaya barompaya icha jumexitha pacueicueijan, baraxua Nacom pia Pejumope tanaxu tatsi pana cata. <sup>34</sup> Poxoru David saya tupa, jopa athabe ichiyo, icha be jopa Jesús ichiyo poxona athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye: ‘Nacom, Tanecanamataxeinaein baraichi. Tacoxatha weya ecare.

<sup>35</sup> Abú beya poxona matapainya necaitafaetabi jiwi pia Pecanamataxeinaein tatsi caexanaeinchi. Barapomona beexanaetsipa pocotsiwa xua xam nepaebiwam’, jeye pinae Nacom xua Mesías tsipaebatsi, jei David Nacom nexa”, jei Pedro.

<sup>36</sup> Equeicha Pedro namchi barapomonaetha: “Paxam, pomona Israel nacuapiwi pamxaem. Anoxuae payaputaneme pon xua naetotha tparucua paexaname, Nacom exana xua bapon jiwi pia Pecanamataxeinaein tatsi naexana. Yawano Nacom naca itata caewata xua pon Mesías jei, pon Nacom itorobica petsitapaenexa jiwi, apara bapon Jesús”, jei Pedro.

<sup>37</sup> Poxona daxita carepaya barapomona baxua jume taerucupa bichocono juntu coyene wecoyeyi tsarucupae. Barapomona Pedro baraichi irú Jesús pia peitorobi jiwi tatsi baraichi, jeye:

—Patamona, ¿eta bewa pabichin tsane metha? jei.

<sup>38</sup> Nexata Pedro barapomonae barai, jeye:

—Icha jũntũ coyene paxeinare Nacomtha painya neauraxae xua abe paexaname. Mataũtano daxita carepaya pam icha monae paca bautisabina Jesucristo pewũnthã xua Nacom pia paca necayabara jũntemainãenexã xua abe painya nexanae cuiru coyenein. Barapoxonae Nacom paca nacana jumope catsibina. <sup>39</sup> Barapo peyabara tsiwũnae muxu dutsiwa apara paxam nexã, irũ muxuna daxita painya pexui nexano. Mataũtano pomonae tajũ beyã jinompa irũ barapomonae nexã. Barichi Nacom pon Wanacanamatãxeinaeinãe, pomonae waba peantobexãe barapomonae irũ nexã, jei Pedro.

<sup>40</sup> Barapo jumeintha yawa ichã jumeintha Pedro tsipaeba barapomonae. Mataũtano Pedro bichocono muxuweta poxonãe jeye:

—Po coyenein xua daxita abe peexanae cuiru coyenein paexaneibame, barapo coyenein pana nacui barapende, po coyenein xua daxita carepaya jiwĩ exaneiba, jei Pedro.

<sup>41</sup> Po matabithã poxonãe Pedro paeba baxua barapo matabithã pomonae jume cowũntã xua Pedro paeba barapomonae bautisabatsi. Barapo matabithã tres mil po bicheito jiwimonaebe naexana xua pomonae copiã pomonae Nacom pejume cowũntsiwixãetsi barapomonae mataropeichã pinmonãe naexanatsi. <sup>42</sup> Barapomonãe nacuiduba nawita, xua Jesucristo pia peitorobi jiwĩ tatsi paeba. Barapomonãe nacana cui nantã jũpaya jinompa. Nacomthã nabarũ tsipaebeibano. Nabarũ nacaetuteibano xua penabarũ epã janaqueibinexã pan xua penabarũ xaibinexã. Barapomonãe baxua exana dubenanaebiãã xua Jesucristo peyabara nantã xeina dubenanaebiããenexatsi po coyene xua Jesucristo bayathã ichã ichi xua poxonãe pan epã janaca.

*Meje yabara po coyeneyã xua jinompa pomonãe copiã Jesús pejume cowũntsiwĩ*

<sup>43</sup> Jesucristo pia peitorobiwĩ tatsi, barapomonãe pexeinãã petsita itũtsi coyenewan exana nawita Nacom pia peayãpusũwathã tatsi. Daxota pomonãe jopã Jesucristo pejume cowũntsiwichi, daxita barapomonãe junuwa, Nacom cunuwatsi poxonãe cui tane baxuan. <sup>44</sup> Daxita barapomonãe, pomonãe Jesús pejume cowũntsixãetsi, barapomonãe xaniwaichã caemonãe pebũũyã nabarũ jinompa. Mataũtano barapomonãe caemonãe nantiãã nacatsibã dubenanaebiãã pichiwixi pocotsiwan xua xeina. <sup>45</sup> Mataũtano barapomonãe daxitan pocotsiwan xua xeina caenaeta dubenanaebiãã. Bapoxonãe barapo paratixi nata tsaba dubenanaebiãã xua

jopa pexeinaexae ichamonae xua icha be pocotsi coyeneya pocotsiwan canantawenona ichamonae. <sup>46</sup> Daxita carepaya barapomonae nabarũ nacaetuta dubenanaebiya Nacom pin pia botha. Mataũtano pia boxitha nabarũ nacaetuta dubenanaebiya pan nabarũ epa nantarũba janaquiya exana dubenanaebiya. Jũntema nabarũ jũntũ coyene weiweinaeya xaerubenanaebiya. <sup>47</sup> Daxita barapomonae carepaya Nacom wũnae jainta dubenanaebiya. Mataũtano barapomonae barũ cui itura jinatsi ichamonae beta peexanaexae. Daxita matacabi tsaibi pomonae Nacom pejume cowũntsiwixaetsi barapomonae Nacom cana exana xua mataropeicha pinmonae tsoponae tsaibi.

### 3

*Meje yabara poxonae pon pejayujayujei jiton equeicha cui jume exanatsi*

<sup>1</sup> Caentaqueitha quiripitha poxonae tres po horabe tsuxubi po horatha poxonae jiwi ba poneiba Nacom pin pia botha xua petsipaebeibinexa Nacomtha bapoxonae Pedro irũ Juan Nacom pin pia botha jonyabe. <sup>2</sup> Barapo bo Nacom pin pia bo tatsi icha coiboto jiwi wũn duta, jeye: “Pexeinya coiboto”, jei. Barapo coibototha daxita matacabi tsaibi pebin cuareteibatsi pon pejayujayujei jiton xua yawa naexana poxonae pexuyo. Daxota bapon baxota cuareteibatsi xua pewũquequeibinexa pomonaetha pomonae joneibiya barapo coiboto iya. <sup>3</sup> Pon pejayujayujei jiton wũca paratixi poxonae Pedro irũ Juan tainchibe xua muxu pejonyaebe barapo coiboto iya. <sup>4</sup> Nexata Pedro irũ Juan tanebe bapon. Pedro barai bapontha, jeye:

—Incane pana taemabe, jei Pedro.

<sup>5</sup> Nexata necota bapon. Nanta xeinataba xua catinchi paratixi. <sup>6</sup> Ichitha Pedro barai bapontha, jeye:

—Canta jopa xeinaeinyo paratixi. Mataũtano jopa xeinaeinyo pocotsiwa oro nain matawũn. Meisa po coyenewa xua taxeinaewa baxua cacatinchi. Jesucristo, Nazaret tomarapin wũnthũ cabaraichi, asiya uncuatabare yawa pondeno, jei Pedro.

<sup>7</sup> Nexata Pedro pocotsiwa pecoxa weya cobe pita. Yawa asiya cuaranotano. Bapoxonae nainya beta taxuyawere daunweya ducuanaya. Pesitano wũnae tsanayano. <sup>8</sup> Nexata bapon pon pejayujayujei jiton jirawũna. Asiya uncuatabano. Ponano. Bapoxonae Pedro irũ Juan puna jonyatsibe bapon, Nacom pin pia botha. Jirajirawiya ponano. Yawano Nacom wũnae jaintatsi. <sup>9</sup> Nexata daxita pomonae xua Nacom pin pia bo tututha peenaexae, tainchi pon pejayujayujei

jitonxae xua pona, yawano xua Nacom w<sub>nae</sub> jaintatsino. <sup>10</sup> Barapomonae daxita carepaya naj<sub>unt</sub> coyene cabenaecaeya tane, tsipei barapomonae bayatha cui tane xua bapon amanaya jiwi w<sub>aquequeiba</sub> paratixi pecoibototha, po coiboto pew<sub>n</sub> “Pexeinya coiboto”, jei.

*Meje yabara poxonae Pedro diwesi paeba Nacom pin pia botha po tututha pew<sub>n</sub> Salomón bo w<sub>n</sub> tututha*

<sup>11</sup> Poxonae pejayujayujei jiton awiya max<sub>n</sub> waetabatsibe Pedro Juanno bapoxonae ir<sub>n</sub> daxita jiwi naj<sub>unt</sub> coyene cabenaecaeya cuinaenouta Nacom pin pia botha xua tututha po tututha Salomón bo w<sub>n</sub> tututha ichaxota Pedro bar<sub>n</sub> jinompa. <sup>12</sup> Poxonae Pedro barapomonae caetaebiya, Pedro barai: “Ja, pomonae Israel nacuamonaepiwi pamxaem, ζeta xua metha daxita paxam pana naj<sub>unt</sub> coyene cabenaecaeya taneme baxua? ζPana neyabara nanta xeinamebe xua pata taayapus<sub>w</sub> watha paaxaibi exananbe pejayujayujei jiton? ζMatautano pana neyabara nanta xeinamebe poxoru Nacom pajume cow<sub>nt</sub>anbe daxota pon pejayujayujei jiton axaibi? <sup>13</sup> Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apra bapon baxua taexana Nacom. Bapon Nacom Pexanto bichocono ainya cui cana exana poxonae pexanto as<sub>n</sub> exana pet<sub>rae</sub> cuiru coyene weya. Bapon apra Jesús pon pacae-naetame pomonaetha pomonae pentacaponaw<sub>i</sub>, pon bepa bequein isanaxubei Pilato poxonae paxam jopa pacopatsim xua bapon peisanaxubiwa. <sup>14</sup> Bapon pon bichocono pe<sub>nt</sub> coyene xanepanaein xua jopa xeinaeyo penatsicuentsiwa xua abe peexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa paw<sub>c</sub>ame xua Pilato peisanaxubiwa ich<sub>n</sub> pon jiwi pejutebeibin pon Barrabás. <sup>15</sup> Poxonae baxua paexaname barapara Jesús pabexubame. Bapon Jesús pon jiwi cana exanatsi xua jiwi aj<sub>nt</sub>yapus<sub>y</sub> pejinompaewa. Bapon Jesús Nacom equeicha as<sub>n</sub> exana pet<sub>rae</sub> cuiru coyene weya. Bara baxua yatsicaya pacui tan daxita. <sup>16</sup> Po jume w<sub>n</sub> peayapus<sub>n</sub> w<sub>n</sub>, baro w<sub>n</sub> Jesús pia w<sub>n</sub>. Daxota pejayujayujei jiton barapo jume w<sub>n</sub>tha axaibi exanatsi. Barapon pataneme xua axaibi, tsipei bapon jume nanta pitabiya jume cow<sub>nt</sub>a barapo peayapus<sub>n</sub> jume w<sub>n</sub>. Daxota barapon painya itabaratha axaibi tsuxubi poxoru jume cow<sub>nt</sub>a Jesús”, jei Pedro.

<sup>17</sup> Equeicha Pedro jeye: “Tamonae yaputan xua jopa payabara yaputaem xua paexaname poxonae Jesús pabexubame. Barichi painya pentacaponawino jopa

yabara yaputaeyo xua baxua exana. <sup>18</sup> Nacom peitorobi jume pepaebiwi bayatha Mesías yabara tsiwana paebatsi. Barapomonaе paeba, jeye: ‘Bexa tsane Mesías bexubinchi’, jei. Nacom bara nacui yabara jume weta baxua xua bayatha Nacom peitorobi jume pepaebiwi paeba. <sup>19</sup> Daxota icha juntu coyene paxeinare Nacomtha painya neauraxae xua abe paexaname. Yawa pajume cowunde painya nepaca cayabara junte mainaenexa abe painya neexanae cuiru coyenein. Yawa Nacom pawncare xua paca juntu coyene xanepana exanaena. Baroxonaе Nacom paca juntu coyene ayapusya exanaena. <sup>20</sup> Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiru coyenein weya. <sup>21</sup> Cataunxuae abu Jesucristo equiya Nacom pia nacuatheicha tatsi. Equeicha bapon patopaetsica poxonaе Nacom wnae exanaena daxitan, be pocotsi coyeneya bayatha Nacom peitorobi jume pepaebiwi paeba. <sup>22</sup> Barichi Moisés pata amo susato jiton namchi: ‘Painyamonae jiwana Nacom cana exanaena, pon Nacom pia peitorobi jume pepaebin tsecae tsane icha neichi. Pajume cowantsiya exande daxita pocotsiwa xua bapon paca tsipaebina. <sup>23</sup> Daxita pomonaе jopa jume cowantsiyo pocotsiwa bapon paeba, barapomonaе Nacom weraweraca cana exanaena xua jopa penaexanaenexa Nacom pijimonae tatsi’, jeyei Moisés”, jei Pedro.

<sup>24</sup> Equeicha Pedro jeye: “Daxita Nacom peitorobi jume pepaebiwi iru Samuel pon xua yatsicaya tabu ducua, baraxua carepaya bapo diwesin yabara paeba barapo maticabin. <sup>25</sup> Barapo Nacom pia peyabara tsiwanae muxu dutsiwa po peyabara tsiwanae muxu dutsiwa Nacom tsiwanaeya muxu duta Nacom pia peitorobi jume pepaebi jiwitha, apara bara iru paxam nexa. Baxua Nacom pena peyabara tsiwanae muxu dutsiwa Abraham yabara tsiwanae muxu dutatsi pon wamo susatopin xua xanepanaya painya nejinompaenexa. Nacom Abraham baraichi, jeye: ‘Caein jinya nemomoxi susato jiwi jiwanapin pepatopaexae tsane daxita i dapocotsi nacuanpiwi yawenaеin’, jei Nacom Abrahamtha. <sup>26</sup> Poxonaе Nacom Pexanto asu exana petupae cuiru coyene weya, baroxonaе copiya pacata itoroba painya xantha pia painya nepaca cayawenaenexa xua daxita paxam painya nenacui barapentsinexa abe painya neexanae cuiru coyenein”, jei Pedro.

## 4

*Meje yabara poxonaе Pedro iru Juan cueicueijeі tsuncuaebe*

*pomonae tomarapiwi pia pentacaponaei tatsi peitabaratha tatsi*

<sup>1</sup> Poxonae cataunxuae Pedro iru Juan cueicueijeibe barapomonaetha, bapoxonae sacerdotemonae pia pentacaponaei tatsi pata. Iru patopa pon soldadomonae pia pentacaponaein tatsi pon Nacom pin pia botha tatsi pe-eenaen. Yawa saduceomonaeno iru pata baxota. <sup>2</sup> Barapomonae bichocono anaepana, yaitama Pedro Juanno paebabe xua po coyene Jesús peturpaein equeicha asu, xua pinae barichi jiwino poxonae tupa equeicha asu. <sup>3</sup> Bara nexata Pedro Juanno waetabatsibe barapomonae. Jiwi pecubi botha capoinchibe. Barapo botha etatsibe tsipei quirei tsanaya xua beya poxonae yaitapenacaena. <sup>4</sup> Pinmonae jume tane po diwesi Juan iru Pedro paebabe, yawa jume cowuntano barapo diwesi. Barapomonae iruru pomonae copiya jume cowanta caena bayatha, daxita barapomonae nexata daxita cinco mil bicheito tsuxubi xua saya pebiwi ununatsi.

<sup>5</sup> Icha mataqueitha judiomonae pia pentacaponaei tatsi, iruru pitiri jiwi, iruno pomonae jiwi pecuidubiwi Moisés pia peitorobi coyenewa tatsi, daxita barapomonae nacaetuta Jerusalén tomaratha. <sup>6</sup> Baxota iru nanacaetuta Anás pon sacerdotemonae pia pepa pentacaponaein tatsi. Iru nanacaetuta Caifás, Anás perobi. Iru nanacaetuta Juan iru Alejandro, ponbe Anás piamonae tatsi. Barichiru nanacaetuta ichamonae pomonae sacerdotemonae pia pentacaponaei tatsi barapomonae piamonae tatsi. <sup>7</sup> Bapoxonae ichamonae itoroba xua Pedro iru Juan pecuaranotatsinexatsibe barapo penacaetutsiwi itabaratha. Yainyabatsibe, jeichibe:

—¿Jintam pia peayapusu itorobi coyenewatha tatsi matautano jintam pewantha tatsi axaibi paexanamebe? jeichichibe.

<sup>8</sup> Pedro bichocono juntu coyene yucatsi Nacom pia Pejumope tuxaxu tatsi pia peayapusu itorobi coyenewa tatsi. Pedro barapomonae jume nota, jeye:

—Pomonae tomarapiwi pia pentacaponae jiwi pamxaem, iruru pomonae pitiri jiwi pamxaem, pomonae Israel pijimonae tatsi pamxaem, daxita barapomonae pam paca tsi-paebatsi. <sup>9</sup> Maisa yabara pana yainyabamebe xua po coyene pejayujayujei jiton axaibi xua painya neyaputaenexa xua eta po coyeneya xua paexananbe poxonae bapon axaibi exanatsi po coyene xua bichocono wanae. <sup>10</sup> Daxota paxanbe paca jume notatsi xua iru israelmonaeipiwi peyaputaenexa po coyene xua pon pejayujayujei jiton axaibi exanatsi poxonae pawan paeban Jesús pewan pon Nazaret tomarapin. Bapon Jesús, pon apara naetotha tparucua paexaname matautano

pon equeicha Nacom petapaein asu exana petapae cuiru coyene weya. <sup>11</sup> Bayatha Nacom Pejume Diwesitha tsiwanaya yabara paeba xua po coyeneya pacana exanaename Jesustha. Paxam be barapocotsimonae pam, be pocotsimonae xua ibo bo peacabiwi. Barapomonae xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cuin xua Nacom ainya cui cana exana beyacaincha ichamonae. <sup>12</sup> Barapo cae pin nacuathe dapocotsin aibi pon capanepeiba jiwi. Saya meisa bapon Jesús capanepeiba jiwi. Ichun Nacom jopa nacata itorobiyo.

<sup>13</sup> Daxita tomarapiwi pia pentacaponaeawi tatsi yabara najuntu coyene cabenaeca xua Pedro Juanno jopa auriyobe xua atsaquiya paebabe. Tsipei barapomonae pomonae pentacaitorobi bicheito yaputane xua Pedro Juanno jopa nacuidubiyobe petinae botha matautano xua baponbe saya pecui pawí jitonbe. Barichi barapo pentacaitorobi bicheito yaputaneno xua xaniwaicha apara baponbe ponbe napuna poponeibabe Jesustha. <sup>14</sup> Barapomonae moya ena tsipei pon pejayujayujei jiton Pedro Juanno axaibiya caquita uncuatsibe. Daxota barapomonae Pedro Juanno jopa abe yabara paebichibe. <sup>15</sup> Pedro Juanno matha pesato beitorobiyatsibe. Barapomonae natsipaeba. <sup>16</sup> Nabarai, jeye:

—¿Eta bichainchi metha baraponbetha Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexeinya petsita itatsi coyenewa Nacom pia peayapusuwatha tatsi. Daxota jopa naca itacupaeyo xua wapaebiwa po coyene xua baponbe jopa apara exanaeyobe pexeinya petsita itatsi coyenewa Nacom pia peayapusuwatha tatsi. <sup>17</sup> Maisa aichaxaibichi xua daxita carepaya jiwi jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomonae.

<sup>18</sup> Barapo pentacaitorobi bicheito equeicha Pedro iru Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomonae.

<sup>19</sup> Bara nexata Pedro Juanno jume notabe barapomonae, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba. <sup>20</sup> Bewa paexanaeinbe daxita pocotsiwa Nacom pana neitorobabe. Bewa papaebinde

daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

<sup>21</sup> Barapomonae pomonae tomarapiwi pia pentacaponaeawi tatsi, Pedro ir<sub>u</sub> Juan jume itawetatsibe. Daichitha saya pu copatatsibe. Barapomonae jopa itac<sub>u</sub>paetsi xua pecuainchiwatsibe Pedro ir<sub>u</sub> Juan jiwi pecunuwixaetsi, tsipei pinmonae jiwi Nacom w<sub>u</sub>nae jaintatsi, petaexae pocotsiwa Pedro ir<sub>u</sub> Juan exanabe. <sup>22</sup> Pon pejayujayuwei jiton pontha pon Nacom pexeinya petsita it<sub>u</sub>tsi coyenewa taexana, bapon axaibi exanatsi poxona cuarenta po weiyobe xeina.

*Meje poxonae pomonae Jesús pejume cow<sub>u</sub>ntsiwichi tatsi w<sub>u</sub>ca Nacom xua jopa pejunuwina tsane poxonae Nacom Pejume Diwesi cueicueiji tsane jiwitha*

<sup>23</sup> Pedro Juanno nainya pontababe ichaxota Jesús pejume cow<sub>u</sub>ntsiwichi tatsi jinompa. Baxota nanabar<sub>u</sub> nacaetutatsibe. Barapomonaetha paebabe, xua baraunchichibe sacerdotemonae pia pentacaponaeawi, pitiri jiwino. <sup>24</sup> Poxonae Pedro ir<sub>u</sub> Juan baxua jume taer<sub>u</sub>c<sub>u</sub>paetsibe, barapomonae Nacomtha tsipaeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno. <sup>25</sup> David pon neitorobi jume pepaebin, nejumope t<sub>u</sub>nax<sub>u</sub> cueicueiji cana exanatsi xua cata paeba, poxonae jeye:

‘¿Eta xua metha, pomonae jopa judiomona naexanaeyo cayabara anaepana?  
Bara bequein ichipa abe cata exana ichitha jopa itac<sub>u</sub>paetsi.

<sup>26</sup> Daxita carepaya nacuanpiwi pomonae jiwi itorobiya pia pepa peewatsiwichi ir<sub>u</sub> ichamonae pomonae jiwi peyanacua ewatsiwichi barapomonae nacaetuta xua abe necayabara paebinexa yawa xua Nexanto pia abe yabara paebichi pon Mesías, pon jinya Neitapetsin’, jeyei David, xua pinae Nacom tapaebatsi”, jei barapomonae xua w<sub>u</sub>ca Nacomtha.

<sup>27</sup> Equeicha barapomonae jeye: “Bara yatsicaya baxua exana poxonae Herodes ir<sub>u</sub> Poncio Pilato, ir<sub>u</sub> icha nacua-monaepiwino, ir<sub>u</sub> Israel nacua-monaepiwino xote nacaetuta Jerusalén tomaratha. Barapomonae nacaetuta xua Jesús abe peyabara paebinexatsi nexanto pon peju<sub>u</sub>nt<sub>u</sub> coyene xanepanaein pon Mesías pon itapetame. <sup>28</sup> Barapomonae, pomonae xote nacaetuta, exana daxita xua caena bayatha cui w<sub>u</sub>nae tsiwanaya yabara paebame po coyene xua barapomonae exanaena. <sup>29</sup> Pata Necanamataxeinaem, matha



jume taema xua pana yabara abe jume baraunchi xua abe pana exanapaeba. Pana care xua neajuntayapuswa xua jopa junuwiya pata paebinexa tsane jinya jume diwesi, tsipei paxan jinya neitorobi jiwi pan. <sup>30</sup> Peatenewi axaibi exande neayapuswatha. Matautano barabw copatame xua pexeinya petsita itatsi coyenewan paexanaein poxona pacueicueijan tsane jinya jume diwesi, Jesús nexanto pia peayapuswatha tatsi pon pejuntw coyene xanepanaein”, jei barapomona poxonae wncw Nacomtha.

<sup>31</sup> Barapomona najume wetarwcpw xua Nacomtha petsi-paebiwa. Bapoxona ichaxota nacaetuta barapomona ira jijiyataxuba. Daxita barapomona jntw coyene wncw cana exanatsi Nacom pia Pejumope twnaxw tatsi pia peayapusw itorobi coyenewa tatsitha. Matautano barapomona Nacom Pejume Diwesi jopa junuwiya paebinoutsiyo.

*Meje yabara poxonae pomona Jesús pejume cowntsiwi pocotsiwan xua xeina daxita baxuan bara barapomona nexa*

<sup>32</sup> Pomona pejume cowntsiwi Jesucristo pinmonae tsona. Barapomona pebwrya nanta xeina be caenthuto coyeneya. Ichw jopa jeiyo: “Apara pocotsiwa xeinan meisa tawa”, jopa jeiyo. Ichitha daxita xua barapomona xeina baxua saya daxita bara barapomona nexa. <sup>33</sup> Jesús pia peitorobi jiwi tatsi ajumeyapuswa yabara paeba pocotsiwa bayatha tane poxona Jesucristo pon jiwi Pecanamataxeinaeinchi xua equeicha petwpaein asw popona exanatsi. Matautano yabara cueicueije po coyene Nacom bichocono wncw exana daxita barapomonaetha peantobexaetsi. <sup>34-35</sup> Jopa ichw acopeibiyo pomona Jesús pejume cowntsiwi. Daxita barapomona xeina xua pocotsiwa penantawenonaewa poxoru ichamona pomona nawita pexeinaewi caenaeta dubenanaebiya pabin, bomwcnno. Barapo paratixi poxonae xeineiba, catsibeibatsi Jesucristo pia peitorobi jiwi tatsitha. Nexata xuya barapo paratixi Jesucristo pia peitorobi jiwi tatsi catsibeiba pomonaetha pomona peacopeibi jiwi xua daxota jopa petaseicaenexatsi pocotsiwa nantawenona. <sup>36</sup> Barichi exana bapon José pon Leví pia pemomo susato jiwana pin. Jesucristo pia peitorobi jiwi tatsi icha wncw duta bapontha, po wncw Bernabé. (Barapo wncw, xua hebreo jume jei: “Pon jiwi pentateiqueibin”, jei.) Barapon José, Chipre tunaetotha naexana. <sup>37</sup> Bapon pia pabi caenaeta. Bapoxona barapo paratixi Jesucristo pia peitorobi jiwi tatsi catatsi peacopeibiwi nexa.

## 5

*Meje yabara poxonae Ananías irw piowa Safira abe exanabe*

<sup>1</sup> Bapoxonae iru ichun pon pewun Ananías iru piowa pewun Safira, pabi xeinabe. Bapon piowabe pia ira caenaetabe. <sup>2</sup> Bapon piowabe najupa nanta xeinabe. Baponbe icha paratixi nata botabe. Icha paratixi Jesucristo pia peitorobi jiwí tatsi catabe bequein Ananías paeba xua daxita catabe Jesús pia peitorobi jiwíthatsi. <sup>3</sup> Bara nexata Pedro Ananías baraichi, jeye:

—Ananías, ¿eta xua metha Satanás jume jejam xua ca-jume tsiduta xua Nacom pia Pejumope tñaxu tatsi muxu-itorobame? ¿Eta xua metha paratixi nata botame xua ira matoma cacata? <sup>4</sup> Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. ¿Eta xua metha baxua najuntu coyene xeiname? Jopa apara muxu-itorobim pebiwi. Jame yatsicaya apara Nacom pia Pejumope tñaxu tatsi muxuitorobame, jei Pedro.

<sup>5</sup> Poxonae baraxua Ananías jume taeba, petupaein Ananías iratha jopa. Daxita pomonae xua jume tane xua bapon tupa, bichocono junuwa. <sup>6</sup> Pewowi pata. Ananías petupaein mata yarabatsi pesato becayatsi, xua pemuthatha xubinexatsi.

<sup>7</sup> Pirapaeyo poxonae tres po horabe weta, Ananías piowa tatsi patopa ichaxota Pedrobaru ena. Barapowa jopa yapuraeyo xua pia pebin tatsi tatupatsi. <sup>8</sup> Nexata Pedro barai barapowa, jeye:

—¿Bara daxita pana catame xoxi pacaenaetame pentoma pabi? jei Pedro.

Barapowa jume nota, jeye:

—Aja, bara daxita, jei barapowa.

<sup>9</sup> Nexata Pedro barai barapowa, jeye:

—¿Eta xua metha pana muxu wetamebe xua Nacom pia Pejumope tñaxu tatsi pamuxuitorobinamebe? Taema, pewowi pomonae aunxuae jinya pebin muthatha xotsi, pecoibototha pata, necamuthatha xubinexa tsanera.

<sup>10</sup> Barapoxonae caena nainya Safira Pedro petaxutha petupaein tanabotabatsi. Poxonae pewowi taeba xua barapowa bayatha tupa, bapoxonae bapowa jontaxorenatsi. Pia pebin cacuita muthatha xorecatsi. <sup>11</sup> Daxita Jesús pejume cowantsi jiwí, ichamonaeno anthutha nayotarucupa pejunuwixae poxonae baraxua jume tane.

*Meje yabara poxonae Jesús pia peitorobi jiwí tatsi ainya pexeinya petsita itatsi coyenewan exana, Nacom pia peayapuswatha tatsi*

<sup>12</sup> Jesús pia peitorobi jiwí tatsi pexeinya petsita itatsi coyenein exana jiwíthatsi Nacom pia peayapuswatha tatsi. Pinmonae Jerusalén tomarapiwi pomonae jume

cowanta Jesús, Nacom pin pia botha nacaetuta. Po tutu pewan Pórtico de Salomón tutu, bapo tututha nacaetuta. <sup>13</sup> Ichamonae, pomonae xua jopa jume cowantsiyo Jesús, junuwa xua penanacaetutsiwa Jesús pejume cowantsi jiwitha tatsi. Ichitha barapo Jerusalén tomarapiwi tsita cui wanaetsi Jesús pejume cowantsi jiwi tatsi. <sup>14</sup> Pin bicheito nayoyotapona, pebiwino, yabaxino pomonae xua jume cowantapona Jesús ponxae jiwi Pecanamataxeinaeinchí. <sup>15</sup> Jesús pia peitorobi jiwi tatsi wanae peexanaexae, Nacom pia peayapuswatha tatsi, daxota pomonae atene namtotha capoinchi. Ichamonae camatha bobena namtotha. Ichamonae weintha bobena. Barapomonae ichipa jayababatsi xua Pedro pejumope tatsi, xua barapomonae peaxaibi exanaenexa tsainchi. <sup>16</sup> Jiwi nacaetuta Jerusalén tomaratha pomonae xua pia tomaran jeba Jerusalén tomara pepuya weya. Barapomonae capata peatenewi iru pomonae xua matajemabatsi exanatsi cauri. Daxita barapomonae peburaya axaibi exanatsi. Daxita barapomonae carepaya equeicha axaibi.

*Meje yabara poxonae Jesús pia peitorobi jiwi tatsi peraxa exanatsi*

<sup>17</sup> Nexata sacerdotemonae pia pepa pentacaponaein tatsi, iru pomonae xua napuna pona, pomonae saduceomonae, daxita barapomonae Jesús pia peitorobi jiwi tatsi anaepanaya jume uwatsi. <sup>18</sup> Daxota pomonae xua anaepana Jesús pia peitorobi jiwi tatsi teicatsi. Jiwi pecubi bothano capoinchi. <sup>19</sup> Ichitha Jesús itoroba matatsunpin. Bapon merawi patopa. Jiwi pecubi coiboto yausaranaxuba. Matatsunpin aisowa bemaxu cayiya Jesús pia peitorobi jiwi tatsi. <sup>20</sup> Matatsunpin Jesús pia peitorobi jiwi tatsi tsipaebatsi, jeye: “Paponde Nacom pin pia botha. Baxota paumende. Payabara paebare daxita jiwitha barapo pena jantx coyene po coyene xua Nacom cata jiwitha xua beta pejinompaenexa”, jei matatsunpin. <sup>21</sup> Poxonae baya caemambotha Jesús pia peitorobi jiwi tatsi bara exana xua matatsunpin paeba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, iru saduceomonaeno waba daxita carepaya Israel nacua pia penapatae jiwi xua penacaetutsinexa pentacaitorobi bicheitho. Barapoxonae barapomonae itoroba ichamonae xua Jesús pia peitorobi jiwi tatsi pecuaranobinexatsi pin bicheitho peitabaratha tatsi. <sup>22</sup> Ichitha poxonae policiamonae jiwi pecubi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya

capona pin bicheito peitabaratha. <sup>23</sup> Policiamonae namchi, jeye:

—Poxonae papatan jiwi pecubi botha, soldadomonae pomonae peewatsiwi barapo pecubi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

<sup>24</sup> Poxonae sacerdotemonae pia pepa pentacaponaein tatsi, iru Nacom pin pia bo peyabara umenaewi pia pentacaponaein tatsi, iru sacerdotemonae pia pentacaponaein tatsi jume tane baxua, bapoxonae najuntu coyene benaecaeya nayainyaba, jeye: “¿Exota metha jane Jesús pia peitorobi jiwi tatsi? ¿Exua jane?” jei. <sup>25</sup> Iru barapoxonae pebin patopa. Barapomonae baraichi, jeye:

—Ja, pomonae jiwi pecubi botha pacaponame, barapomonae Nacom pin pia botha umena. Matautano cuiduba jiwi, jei bapon.

<sup>26</sup> Nacom pin pia bo peyabara umenaewi barapomonae pia pentacaponaein tatsi bapon baru pona policiamonaeno Nacom pin pia botha. Equeicha caewa baru dendensatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya baru cui wunaeya carendenatsi poxoru barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinbabiwa tsipaetsi ibotixitha. <sup>27</sup> Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeye:

<sup>28</sup> —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

<sup>29</sup> Nexata Pedro iru ichamonae pomonae Jesús pia peitorobi jiwi tatsi daxita barapo matabaxuyobe jume nota barapomonaetha, jeye:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi. <sup>30</sup> Pata amo susato jiwi pia Nacom tatsi, barapo Nacom Jesús equeicha petupaein asu

exanatsi pon xua pabexubame, poxonae naetotha tɔparucua paexanadutame. <sup>31</sup> Nacom Pexanto pia peayapusɔwatha exana yatsicaya jiwi pia pepa Pecanamataxeinaein tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha jɔntɔ cui coyene xeinaena bapontha, xua bapoxonae barapomonae Nacom pecui yabara jɔntemainaenexa po coyene xua barapomonae Nacom tsita natsicuentatsi xua abe pe-eexanaexae. <sup>32</sup> Bara yatsicaya pata cui taewi daxita baxuan, Nacom pia Pejumope tɔnaxɔ tatsi irɔ tanerɔ. Daxota paca tsipaebatsi baxua, pocotsiwa xua Jesús exana. Nacom najumope cata pomonaetha pomonae xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

<sup>33</sup> Pentacaitorobi bicheito jume taerɔcɔpa xua pocotsiwa paeba barapomonae pomonae Jesús pia peitorobiwi tatsi. Bapoxonae barapomonae bichocono casebarɔcɔpatsi. Barapo pentacaitorobi bicheito ichichipa xua barapo Jesús pia peitorobiwi tatsi pejutebiwatsi. <sup>34</sup> Barapo pentacaitorobi bicheitha eca fariseomonaepin pewɔn Gamaliel, pon jiwi pecuidubin Moisés pia peitorobi coyene tatsi. Jiwi bapon barɔ cui itura jineibatsi. Bapon asiya uncua yawa itoroba xua bara caeto pesato becayiya tsainchi barapomonae pomonae Jesús pia peitorobi jiwi tatsi. <sup>35</sup> Bapoxonae bapon Gamaliel barai barapomonae pomonae pentacaitorobi bicheitha, jeye:

—Paxam pomonae Israel nacuamonaepiwi pamxaem, dota pam xua pocotsi coyeneya pacana exanaename barapomonae. <sup>36</sup> Metha bara pajɔntemainame poxonae matha bapon Teudas poxonae pia coya pentacaponaein naexana, nayabara paeba xua pinae bichocono peainya cui jiton. Cuatrocientos pebiwimonae matabɔxɔbe puna jinompatsi bapon. Ichitha poxonae Teudas bexotsi ichamonae, bapoxonae pijimonae tatsi dɔcɔpa, poxonae daxita yotabatsi. Saya xua Teudas exana baxua pecui pawɔ. <sup>37</sup> Barichi Teudas pepuya weya ichɔn patopa pon pewɔn Judas. Bapon pentacaponaein najainta poxonae jiwi pewɔn tinae matabi tsuxubi. Bapon Galilea nacuapin. Piamonae pin bicheito puna jinompatsirɔ, ichitha barichi bapon Judas bexotsi ichamonae. Barichirɔ pijimonae tatsi tarɔcɔpatsi poxonae yotabatsi. <sup>38</sup> Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonae saya exanaetsipa xua jiwi itoroba, nexata barapomonae jopa amanayabichipae pocotsiwa xua ichichipa peexanaewa. <sup>39</sup> Ichitha icha barapomonae exanaetsipa pocotsiwa Nacom

itoroba, nexata paxam jopa pacui amanayabichipaem barapomonaе. Dota pam. Daxota jopa paexanaponaeinde po coyene xua Nacom pia peaitafaetabi jiwichi pana naexanaponame, jei Gamaliel.

Barapomonaе pomonaе pentacaitorobi bicheito bara jopa pecuiyo Gamaliel pepaebixae. <sup>40</sup> Barapoxonaе barapomonaе pomonaе pentacaitorobi bicheito equeicha wabatsi Jesús pia peitorobi jiwi tatsi. Bapoxonaе matha copiya ichamonaе itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonaе pu copababatsi nama Jesús pia peitorobi jiwi tatsi. <sup>41</sup> Jesús pia peitorobi jiwi tatsi pentacaitorobi bicheito weya pona. Barapomonaе jũntũ coyene weiweina tsipei peraxa exanatsi ichamonaе, Jesús pijimonaexae xua baxua saya Nacom pecopatsixae. <sup>42</sup> Awiya barapomonaе amsiya yabara cuiduba, Nacom pin pia botha Jesús pia pexeinya jume diwesi yawa xua boxithano. Mataũtano cuidubano xua Jesús apara Mesías pon Nacom itorobica.

## 6

*Meje yabara poxonaе Jesús pia peitorobi jiwi tatsi itapeta siete poyobe peyawenaenexa tsane ichamonaetha*

<sup>1</sup> Barapoxonaе barapo mataqueitha pinmonaе jume cowũnta Jesús. Pomonaе xua griego jume pecueicueijeijiwi anaya tsipaeba, pomonaе xua hebreo jume pecueicueijeijiwi baraichi, jeye: “Patamonaе, powaxi pecuenta werapaewaxichi piseurixi powaxi griego jume pecueicueijeiwaxi poxonaе judiomonaе apata pexaewa, barapowaxi saya peyauxi apatatsi pexaewa. Ichitha meisa judiomonaewaxi powaxi pecuenta werapaewaxichi barapowaxi jopa juniya nabaneibiyo”, jei. <sup>2</sup> Jesús pia peitorobi jiwi tatsi, pomonaе doce poyobe, barapomonaе barũ nacaetuta ichamonaе pomonaе irũ Nacom pejume cowũntsiwi. Barapomonaе pomonaе Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijeijiwa Nacom Pejume Diwesi xua saya pexaewa pata apatsinexa jiwi. <sup>3</sup> Daxota wajiwiwimonaе paitapere siete poyobe pebinbe paxam jiwana. Paitapere pomonaе xua daxita jiwi ita cui jũntũ coyene xanepaneibatsi, pomonaе xua jũntũ coyene yũcatsi Nacom pia Pejumope tũnaxũ tatsi pia peayapusũwatha tatsi, pomonaе xua peyaputaewi. Barapo siete poyobe pacui itorobin xua pexaewa apateibina. <sup>4</sup> Bapoxonaе paxan Jesús pia peitorobiwi tatsi

pan, jopa paapatsin tsane pexaewa. Saya meisa Nacom pata tsipaebeibichi nawita yawa pata cueicueijeji tsaibichi Jesús pejume diwesi, jei barapomonaе.

<sup>5</sup> Jesús pejume cowantsi jiwi tatsi nanta jupaya nanta xeinarucupa. Baroxonaе Esteban itapetatsi. Bapon Esteban pon bichocono jume cowanta Jesús yawa bichocono juntu yucatsi Nacom pia Pejumope tuxaxu tatsi pia peayapusuwa tatsi. Itapetatsi Felipeño, iru Prócoro, iru Nicanor, iru Timón, iru Parmenas, iru Nicolás. Bapon Nicolás Antioquía tomarapin. Bapon copiya jopa naexanaeyo judiomonaepin. Poxonaе jume cowanta Nacom, baroxonaе judiomonaepin naexana. <sup>6</sup> Barapoxonaе barapo siete poyobe Jesús pejume cowantsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya tawuca Nacomtha xua Nacom yawenaena barapomonaе.

<sup>7</sup> Pinmonaе jume tane Nacom Pejume Diwesi. Pinmonaeno iru jume cowanta Cristo Jesús, pomonaе Jerusalén tomaratha jinompa. Iru judiomonaе pia sacerdotemonaе tatsi, barapocotsimonaе pin bicheito jume cowanta.

### *Meje yabara poxonaе Esteban waetabatsi*

<sup>8</sup> Esteban pexeinya petsita itatsi coyenewan exaneiba jiwitha Nacom pia peayapusu itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapusuwa. <sup>9</sup> Nexata nacaetuta pinmonaе judiomonaе pia penacaetutsi botha tatsi. Ichamonaе wun dutatsi xua jeichichi: “Pomonaе pepu sorobabebiwichi poxonaе busi cui tatayebabatsi”, yabara wun jeichichi. Iru nanacaetutapona Cirene tomarapiwi, iru Alejandría tomarapiwi, iru Cilicia nacuapiwi iru Asia nacuapiwi. Daxita barapomonaе Esteban jume matsontsonobatsi. <sup>10</sup> Ichitha Esteban xaniwaicha cueicueijeji exanatsi Nacom pia Pejumope tuxaxu tatsi. Daxota poxonaе Esteban paeba barapomonaе jopa itacupaetsi xua beta pejume notsiwa. <sup>11</sup> Nexata barapomonaе po pin bicheito penacaetutsimonaе ichamonaе nantsiyatsiya catatsi paratixi petacamuxuitorobinexa tsainchi xua Esteban paeba. Barapomonaе pomonaе pemuxuitorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei. <sup>12</sup> Barapo jumetha pemuxuitorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Iru pomonaе jiwi pecuidubiwi Moisés pia peitorobi coyene tatsi barapomonaeno iru anaepana. Daxota barapo penapatae jiwi iru pomonaе jiwi pecuidubiwi Moisés pia peitorobi coyene tatsi barapomonaе Esteban yorobateicatsi. Pentacaitorobi bicheito peitabaratha

capoinchi. <sup>13</sup> Barapo pentacaitorobi bicheito equeicha waba pomonae Esteban jume cui canaerabatsi wabatsi. Barapomonae pomonae penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei. <sup>14</sup> Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonae pomonae penaerabiwi.

<sup>15</sup> Pomonae baxota ena pomonae pentacaitorobi bicheito, barapomonae Esteban necotenatsi. Barapomonae itabara tayena xua Esteban peitabara be matatsunpin itabara, xua bichocono wuna.

## 7

*Meja yabara poxonae Esteban pentacaitorobi bicheito itabaratha pia coya paeba*

<sup>1</sup> Nexata sacerdotemonae pia pepa pentacaponaein tatsi bapon Esteban baraichi, jeichi: “¿Bara xainyei xua barapomonae cabarai?” jei sacerdotemonae pia pepa pentacaponaein tatsi. <sup>2</sup> Esteban jume nota, jeye: “Tamonae pam pana nejume taema. Wanacom wuna nawita. Barapon Abraham tsita naitutatsi poxonae caena bayatha awiya Mesopotamia nacuatha popona. Bapon Abraham wamo susatopin matha copiya tsiwanaeya popona Mesopotamia nacuatha poxonae Harán tomara bewarapiya. <sup>3</sup> Nacom pinae Abraham baraichi: ‘Barapo ira jinya ira cuenta warapare. Jinyamonaeno cuenta warapare. Icha ira bewarapiyama ichaxota po ira beya cacaponaeinchi’, jei pinae Nacom. <sup>4</sup> Nexata pinae Abraham Caldea nacia wewarapiya. Harán tomara pinae bewarapiya. Poxonae pinae Abraham Harán tomaratha popona pinae Abraham paxa tatupatsi pon pewan Taré. Bapoxonae Nacom, Abraham pinae itorobatsi barapo irathe po irathe pajinompame anoxuae. <sup>5</sup> Barapoxonae pinae Abraham cataunxuae jopa catichi ira. Saya pinae tacayabara wuna tsimuxu dutatsi. Nacom pinae Abraham baraichi: ‘Jinya ira tsane, iru jinya jiwi penaitapataya naexana dubenaponeibiwi tsane pomonae jinya nemomo susato jiwi pia ira nexa tsaneru’, jei pinae Nacom. Ichitha pinae barapoxonae jopa xeinaeyo pexui. <sup>6</sup> Baraxua Nacom pinae Abraham baraichi: ‘Jinya nemomo susato jiwi icha nacuatha



jinompaena. Be pomonae penanapaincha jinompaewi tsico-taeinchi xua be pocotsi jiwimonae icha nacua werena peponaewi. Tanacuitinchi ichamonae xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weiyobe tsane xua jinyamonae naitapataya atene exaneibinchi', jei Nacom Abrahamtha. <sup>7</sup> Equeicha Nacom tsipaeba Abraham, jeye: 'Barapomonae xua abe pacata exanaena poxonae paca busi cui tataibina barapomonae jopa cui janteminaein tsane. Barapomonae itawetsiya peraxa jubin. Bapoxonae jinya nemomoxi susato jiwi warapaena po nacuathe ichaxota uncuame yawa wuna nejinchina xote', jei pinae Nacom Abrahamtha. <sup>8</sup> Nacom pinae Abraham itorobatsi xua peexanaenexa po coyene xua pexui pebin wutixi pewi thabiwatsi xua ichaxota nareixacaena. Barapo coyene exana Abraham penanta xeinaenexa iru piamonae tatsi xua po coyene bayatha Nacom pinae yabara tsiwuna muxu duta, xua bepa pinae yaweneibina xua barapomonae pinae bepa yaweneibinchi. Daxota pinae poxonae Abraham pexanto tanaexanatsi pexanto wi thaba, pinae pewun Isaac. Isaac iru pinae barichi pexanto wi thaba, pinae pewun Jacob. Jacob iru pinae barichi wi thaba pexanto jiwi, pomonae bayatha Israel nacuamonaepiwi pia pentacaponae xua tanaexanatsi barapo doce poyobe.

<sup>9</sup> "Jacob pia pexanto jiwi tatsi, barapo doce poyobe, wamo susatomonae. Barapo doce poyobe jiwana caein pewun José. José pentapin jiwi uwatsi. Daxota José pentapin jiwi caenaetatsi. Pomonae bapon José comotatsi barapomonae José Egipto nacua becayiyatsi. Pon be jiwi pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebaru poponaexaetsi. <sup>10</sup> Poxonae José abe jume baraunchaibichi ichamonae, yawa poxonae muxu atene peexaneibichi awiya José capanepeibatsi Nacom. Poxonae faraón peitabaratha taponatsi José, Nacom exana xua José faraón tsita juntu coyene xanepanatsi. Matautano Nacom peyaputaein exanano. Bapon faraón Egipto nacuamonaepiwa pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Matautano faraón cana exana xua José canamataxeina daxita xua xuan faraón xeina.

<sup>11</sup> "Barapoxonae Egipto nacuathe jainbo nacua tsurucuaeno, Canaán nacuatheano iru. Pata amo susato jiwi jopa pexaewa taeyo. Yawa piyain pewerapae nacua tsurucuae poxoru pexaewa ajibi. <sup>12</sup> Poxonae Jacob jume tane xua trigo xu xeina Egipto nacuathe, pia pexui bara beitorobiya. Barapon Jacob pia pexui tatsi, pata amo susato jiwi. Baraxua

poxonae xua copiya aena pona Egipto nacuatha. <sup>13</sup> Poxonae equeicha pona José pentapin jiwi tsita naitapeinya xeina xua bapon bara peweicho jiwi tatsi. Bapoxonae faraón yaputane xua barapomonae apara bara José piamonae tatsi. <sup>14</sup> Pirapae José pentapin jiwi itoroba xua petabarũ dendenaenexatsi paxa tatsi, pon pewũn Jacob, mataũtano piamonae tatsi petabarũ dendenaenexatsi po jiwimonaexae xua setenta y cinco poyobe. <sup>15</sup> Daxota Jacob irũ pijimonaeno Egipto nacua beya warapa. Baxota pirapae bapon tũpa. Irũ pirapae pata amo susato jiwino weraparũ baxota. <sup>16</sup> Pirapaeno Jacob piwan capoinchi Siquem tomara beya. Baxota piwan mũthũtha xotsi, po ira bayatha Abraham comota, po ira Hamor pexantixi tatsi caenaeta.

<sup>17</sup> “Ainya wei tsuxubi. Poxonae barapomonae Egipto nacua wewarapiyaenaba, be pocotsi coyeneya bayatha Nacom yabara tsiwũnae muxu duta, bapoxonae Israel nacuapiwi pinmonae naexana. <sup>18</sup> Nexata Egipto nacuatha ichũn nacua peewatsin naexana, pon José jopa yaputaetsi. <sup>19</sup> Barapo Egipto nacuapiwi itorobiya pia pepa peewatsinchi tatsi pata amo susato jiwi muxuitorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaibi tsane aisowatha xua pewerapeibinexa. <sup>20</sup> Barapoxonae irũ Moisés naexanarũ. Moisés paxa pia botha wichatatsi acoibi po xometiyobe. Barapon Moisés pexeinyan nawita Nacom tsita jũntũ coyene xanepanecatsi barapo pexuyo. <sup>21</sup> Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa cuba, barapoxonae faraón pexantiyo tatsi Moisés pitatsi. Be pexanto tsicotane, pia botha wichata. <sup>22</sup> Bapon Moisés nacuiduba nawita pocotsiwa Egipto nacuamonae yaputane. Daxota peyaputaein tsecaeno, wũnae peexanaein tsecaeno.

<sup>23</sup> “Pirapae poxonae Moisés yacuarenta po weibe jopa, bapon nanta xeina xua piamonae pesiwa ponaewa pomonae Israel nacuamonaexae. <sup>24</sup> Poxonae Moisés piamonae siwa pona, bapon tane xua piamonae jiwana tatsi tabũtsi, Egipto nacupin. Daxota Moisés yawena pon piamonae jiwanaxae tatsi yawa bexuba Egipto nacupin. <sup>25</sup> Moisés nanta xeina, pia coutha nabarai: ‘Tamonae, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua weya, penacapanenebiyaenexa tsane’, najei. Ichitha daũmetha barapomonae jopa tsaqueinaeyo. <sup>26</sup> Icha matabitha Moisés tane xua caepinbe irũ nababerũ Israel nacuamonaepinbe. Moisés barai baponbe: ‘Ja, ¿eta xua metha caepinbe pana nabamebe?’ jei. <sup>27</sup> Pon piamonae ba, Moisés napuna torobapoinchi. Moisés baraichi:

‘¿Jintam caitoroba pata xantha xua pon be jiwi neyabara paebin penatsicuentisiwa xua abe peexanaexae, xuano xua jiwi Necanamataxeinaem naexaname?’<sup>28</sup> ¿Jinya nebexuichi icha mexuae ichim Egipto nacuapin?’ jeichichi Moisés.<sup>29</sup> Poxonae Moisés jume taebiriwa baxua, Moisés naetsiricua Madián nacua benaetsiricuiya. Baxota Moisés tanaexanatsi pexuyobe, pebin wutobe”, jei Esteban.

<sup>30</sup> Equeicha came Esteban barapomonae baru cueicueije. Namchi, jeye: “Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacuatha. Imoxoyo demxuwán, po demxuwán pewán Sinaí baraxota Moisés tsita naitutatsi matatsunpin xua poxonae isototha uncua xua taxuncua tsica naeyo.<sup>31</sup> Moisés yabara najantu coyene cabenaeca. Bapon itatapoinya tsipei ichipa yaitane. Bapoxonae baxota Moisés jume tane xua Nacom namchi:<sup>32</sup> ‘Apara jinya amo susato jiwi pia Nacom tatsin. Iru apara, Abraham pia Nacom tatsin. Iru apara Isaac pia Nacom tatsin. Apara iru Jacob pia Nacom tatsin’, jei Nacom. Moisés pijunuwi bichocono jiyijiyei daxota aichaxaibi xua tane.<sup>33</sup> Nacom pinae Moisés baraichi: ‘Xua nataxu xatatame nataxu wejonde, poxoru po iratha poname apara tairiyo.<sup>34</sup> Tamonae, pomonae Egipto nacuatha jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya’, jei pinae Nacom”, jei Esteban.

<sup>35</sup> Equeicha Esteban namchi, jeye: “Pomonae Egipto nacuatha jinompa, barapomonae Moisés aichaxaibichi. Barapomonae Moisés baraichi: ‘¿Jintam caitoroba pata xantha xua naexaname pon be jiwi neyabara paebin xua penatsicuentisiwa xua abe peexanaexae xuano xua naexaname pon be necanamataxeinaein?’ jei barapomonae. Bequein barapomonae baxua paeba ichitha Nacom cana exana xua bapon Moisés naexana be pon jiwi peyabara paebin xua penatsicuentisiwa xua abe peexanaexae. Matautano Moisés cana exanatsi pon pecapanepaein piamonae. Baxua Moisés naexana poxonae matatsunpin itoroba po matatsunpin Moisés tsita naitutatsi poxonae isototha uncua xua taxuncua tsica naeyo.<sup>36</sup> Bapon Moisés pon wamo susato jiwi capanepatsi Egipto nacua weya. Moisés petsita itutsi coyenewan exana Nacom pia peayapuswatha. Baxua exana Egipto nacuatha, Mar Rojo menthano. Matautano exanano ichaxota ira xuepana susato tsurucuae nacuatha cuarenta po weibetha.<sup>37</sup> Moisés Israel

nacuamonae jiwitha namchi: 'Nacom paca jiwana cana exanaena pon pia peitorobi jume petapaebinchi icha neichi barichi tsane. Bapon xua pon Nacom itorobina, apara pon painyamonaе jiwana tsane', jei Moisés. <sup>38</sup> Matautano apara bapon Moisés pon nanacaetuta poxonaе Israel nacuamonae nacaetuta ichaxota ira xuepana susato tsurucuae nacuatha. Matautano bapon Moisés diwesi tsipaeba jiwitha xua petsipaebixaetsi matatsunpin poxonaе tsipaebatsi demxuwatha po demxuwa pewun Sinai. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntuyapusuwa pexeinaewa. Barapo diwesi iru waxainchi nexaru.

<sup>39</sup> "Ichitha barapomonaе wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomonaе ichipa xua equeicha caibeya penawibiwa Egipto nacua beya. <sup>40</sup> Poxonaе cataunxuae Moisés demxuwatha pona, barapoxonaе barapomonaе Moisés peweicho tatsi pon pewun Aarón, bapon baraichi: 'Painta exande ainya ibo nain nacomun. Barapo ibo nain nacomun naca tsiwana copiya cajjincaena namtotha. Jopa payaputaеinyo xua Moisés aichawiya pon pana matacapona Egipto nacua weya', jeichichi Aarón. <sup>41</sup> Barapoxonaе barapomonaе penain nacom exana be vacayo pebtiyo canaxobeta. Bapoxonaе barapomonaе tabexuba oveja, penain nacom vacayo nexa. Tsipei barapomonaе nanta xeina xua metha penain nacom ichichipa baxua. Barapomonaе bichocono juntu coyene weiweina penain nacom pia coya peexanaexae, xua pin penabanaewa xua pebaru itura jinaenexatsi barapo ibo nacom. <sup>42</sup> Barapomonaе Nacom wepu tsatajopa tsipei barapomonaе pia penain nacom exana. Nacom bara copata barapomonaе xua bara barapomonaе bara exanaena be pocotsi coyeneya xua ichichipa peexanaewa. Daxota barapomonaе opitei be nacom cana exana, po opitei barapomonaе wanae jainta. Barapomonaе pomonaе wamo susatomonaе, exana pocotsiwa caena bayatha Nacom pia peitorobi jume pepaebin yabara cui tsiwanae muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesitha, jeye: 'Israel nacuamonae, paxam oveja pabexubame painya penain nacomun nexa, ichitha xan nexa jopa paraichim. Baraxua paexaname poxonaе pajinompame ichaxota ira xuepana susato tsurucuae nacuatha xua cuarenta po weibetha.

<sup>43</sup> Yawa pacaponaе penain boutiyo nacom

po penein boutiyo nacom pewun Moloc.  
 Yawa pacaponame icha penain opitei nacom  
 po opitei penain nacom pewun Refán.  
 Barapo penain nacombe paexaname  
 painya wuna jaintichi.  
 Daxota xan itorobin ichun xua paca mata  
 cawarapaena Babilonia nacua beya.  
 Bequein jopa bepawarapaem ichitha awiya  
 paca itorobinchi', jei Nacom.

<sup>44</sup> "Wamo susato jiwi exana xua be bo xua anseraboco, xua ichaxota tututha jeba ibo xua po iboton Moisés mata tina xua Nacom pejume caitorobiwan. Barapomona cuita acaba be pocotsi boyo Moisés tsita itatatsi Nacom. <sup>45</sup> Wamo susato jiwi poxonae tawerapatsi paxa tatsi, itorein pita barapo boyo xua anseraboco boyo. Pata tamo jiwi Nacom pia boyo capona poxonae Josué napon. Poxonae pata tamo jiwi ainya nacuan nonota tsiniya barapoxonae equeicha barapo anseraboco boyo capona beya yacobe cui matakabi othopa poxonae David popona pon Israel nacuapiwi itorobiya pia pepa peewatsinchi. <sup>46</sup> Bapon David pon Israel nacuapiwi itorobiya pia pepa peewatsinchi tatsi, Nacom tsita pejuntu coyene xanepanaeinchi. Bapon David ichichipa xua acaba pin bo Nacom nexa po Nacom Jacob pia Nacom tatsi. <sup>47</sup> Ichitha Salomón bapon apara pon Nacom pin pia bo exana. <sup>48</sup> Bequein Nacom pon pepa Nacom jopa poponaeyo botha pocotsi bo jiwi acaba Nacom nexa. Nacom peitorobi jume pepaebin baxua yabara paeba xua Nacom tapaebatsi, jeye:

<sup>49</sup> 'Peitaboco apara ichaxota taequeibithopeibiwa.

Ira apara ichaxota nataxu yatabotan.

¿Eta pocotsi bo netsiexanaename?'

jei pon Wanacanamataxeinaein.

Matautano jeino: 'Ichacuitha ¿eta po irara

xua ichaxota nafinacaecaen?'

<sup>50</sup> 'Apara xan tacoutha exanan daxita ira yawa

peitaboco daxota jopa nantawenonaeyo xua

ichawa tana netsiexanaewam', jei Nacom",

jei Esteban.

<sup>51</sup> Equeicha Esteban barai, jeye: "Maisa bichocono pajuntu coyene daunwam xua jopa bepayaputaem. Matautano pamuxu tutu daunwam, yawano pajuntu coyene daunwam icha be pocotsimonae ichi pomona jopa peyaputaewi Nacom. Barichi paaichaxaibim Nacom pia Pejumope tana tatsi. Paxam bara paichim icha painya amo susato jiwi ichi. <sup>52</sup> 'Apara painya amo susato jiwi bayatha Nacom pia peitorobi jume pepaebiwi catsa jume baru paebatsi, yawa

cueintatsino. Matautano bayatha jutebatsi barapomonae pomonae Nacom pia peitorobi jume pepaebiwi, pomonae namchi: 'Bexa patopaena pon pepa pejunt<sub>u</sub> xanepanaein pon Mesías baraichi', jei. Cain paxam, barapon poxonae patopa, pacaenaetame, pabexubameno. <sup>53</sup> Nacom pia peitorobi diwesi pajume taneme xua matatsunpiwi paca tsipaeba Nacom nexa. Ichitha jopa paexanaem pocotsiwa Nacom paca itoroba barapo pia peitorobi diwesitha", jei Esteban pentacaitorobi bicheitha.

*Meje yabara poxonae Esteban tupa*

<sup>54</sup> Poxonae pentacaitorobi bicheito jume tane pocotsiwa Esteban paeba, bapoxonae bichocono Esteban yabara cui anaepanar<sub>u</sub>c<sub>u</sub>patsi. <sup>55</sup> Ichitha Esteban bichocono j<sub>u</sub>n<sub>t</sub>u<sub>u</sub> coyene y<sub>u</sub>ca cana exainchi Nacom pia Pejumope t<sub>u</sub>n<sub>a</sub>x<sub>u</sub> tatsi pia peayapus<sub>u</sub>watha. Esteban athabeicha necoicha. Bapon necota Nacom pia peit<sub>u</sub>panae coicha tatsi ir<sub>u</sub> Jesucristo xua uncua Nacom pecoxatha tatsi. <sup>56</sup> Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncua Nacom pecoxa weya tatsi ponxae Nacom pia Peitapetsin tatsi, jei Esteban.

<sup>57</sup> Barapomonae jume itapataya namuxu acaba pocotsiwa Esteban paeba. Yawa anaepanaya wawai. Barapomonae be cae bicheito naexana pomonae Esteban betacuinaeyiyatsi. <sup>58</sup> Barapomonae Esteban aisowa bexoyatsi tomara weya. Yawa baraxota ibotontha cuinbabatsi. Pomonae abe peexanaewichi Esteban, barapomonae Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

<sup>59</sup> Poxonae barapomonae Esteban cuinbabompatsi ibotontha bapoxonae Esteban tsipaeba Nacomtha, jeye: "Jesús, pon Tanecanamataxeinaem, nejumope t<sub>u</sub>n<sub>a</sub>x<sub>u</sub> pire", jei Esteban. <sup>60</sup> Bapoxonae pentabocototha uncua. Namtsebiya wawaino, jeye: "¡Jesús, Tanecanamataxeinaem! ¡Necana cui j<sub>u</sub>ntemainare, yawa jopa neyantomatsinde xua barapomonae inta abe exana!" jei Esteban.

Poxonae najume wetaba, t<sub>u</sub>panaicha Esteban.

## 8

<sup>1</sup> Saulo ir<sub>u</sub> bar<sub>u</sub> ita cui w<sub>u</sub>naetsi poxonae ichamonae Esteban bexotsi.

*Meje yabara poxonae Saulo abe exana pomonaetha pomonae Jesús pejume cow<sub>u</sub>ntsiwi*

Po matabitha Esteban bexotsi, barapo matabitha judiomonae tamropata notar<sub>u</sub>c<sub>u</sub>pa xua Jesús pejume cow<sub>u</sub>ntsi

jiwi tatsi bichocono abe exanatsi Jerusalén tomaratha. Daxita Jesús pejume cowantsi jiwi tatsi yotabatsi. Ichamonae Judea nacua berucapiya, ichamonae Samaria nacua berucapiya. Meisa Jesús pia peitorobi jiwi tatsi pomonae xua doce poyobe ena Jerusalén tomaratha. Jopa ducpaeyo. <sup>2</sup> Ichamonae, pomonae Nacom pejume cowantsiwichi, Esteban muthatha xotsi. Barapomonae Esteban bichocono siwa wecoyeichi. <sup>3</sup> Saulo jeita ducanaeta Jesucristo pia pejume cowantsi jiwi tatsi. Daxita bomuxhñ jupaya Saulo jiwi teteica tsiniya yabuxino pebiwino. Jiwi pecabi bo beya capona.

*Meje yabara poxonae Jesús pejume cowantsi jiwi tatsi paeba dubenanaebiya Jesús pia pexeinya jume diwesi tatsi Samaria nacuatha*

<sup>4</sup> Pomonae bewa Jerusalén tomara werucapiyaena barapomonae Jesucristo pia pecapanepae jume diwesi paeba dubenanaebiya daxita po tomarantha xua pateiba. <sup>5</sup> Barapomonae jiwana tatsi pon Felipe baraichi bapon pona pepa tomaratha Samaria nacuatha. Barapo tomaratha tamropata pitaba xua pecueicueijejiwa Cristo yabara. <sup>6</sup> Jiwi nacaetuta dubenanaebiya. Matautano jume naitomatsiya jume taerubenanaebiya pocotsiwa Felipe cueicueijeji Cristo yabara. Matautano barapomonae taerubenanaebiya pexeinya petsita itatsi coyenewan xua Felipe exana Nacom pia peayapusu itorobi coyenewatha. <sup>7</sup> Pomonae xua cauri pexeinaewi, barapomonae equeicha axaibi exanatsi poxonae Felipe taitaweta cauri. Matautano caurimonae barapomonae wawaya wepu ducpeibatsi. Ichamonae pomonae pecuenobichi jiwi, pejayujayujeimonaeno, daxita barapomonae axaibi exanatsi. <sup>8</sup> Felipe baxua peexanaexae daxota barapo tomarapiwi bichocono juntu coyene weiweinaya jinompa.

<sup>9</sup> Barapo Samaria tomaratha popona pon pentawhñ Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxonae bapon pia coya pentacaponaein naexana. <sup>10</sup> Daxita tomarapiwi pomonae peacopeibiwi iru pomonae nawita pexeinaewino, barapomonae beta jume naitaewata pocotsiwa Simón paeba. Barapomonae namchi, jeye: “Barapon Simón apara pon yabara jeichichi: ‘Pon bichocono Nacom pia peayapusuwa tatsi xeina’, yabara jeichi”, jei barapomonae.

<sup>11</sup> Daxita barapo tomarapiwi itapeta jume naitaewata pocotsiwa Simón paeba, tsipei saya caena bayatha barapomonae muxujainyabatsi mara peexanaewi pia coyeneyatha tatsi. <sup>12</sup> Barapomonae jume cowanta po pexeinya jume diwesi Felipe cueicueijeji xua Nacom yawa Jesucristo yabara,

po diwesi xua Nacom waba jiwi petanaexanaenexatsi piji-  
monae tatsi jiwana pomonae Nacom itorobiya ewata. Bapox-  
onae barapomonae bautisabatsi pebiwi yawa yab<sub>u</sub>xino.  
13 Bapoxonae bapon Simón ir<sub>u</sub> jume cow<sub>u</sub>nta. Ir<sub>u</sub>no bapon  
bautisabatsi. Mata<sub>u</sub>tano bapon tamropata pitaba xua Fe-  
lipe peyantsiwatsi. Bapon Simón yabara naj<sub>u</sub>nt<sub>u</sub> coyene  
cabenaeca bichocono poxonae Felipe pexeinya petsita it<sub>u</sub>t<sub>u</sub>  
coyewewan exana Nacom pia peayapus<sub>u</sub>watha.

14 Jesucristo pia peitorobi jiwi tatsi, pomonae peenaexae  
Jerusalén tomaratha, jume tane xua Samaria nacuamonae  
jume cow<sub>u</sub>nta Nacom Pejume Diwesi. Daxota barapomonae  
Pedro itorobatsi ir<sub>u</sub> Juan itorobatsi, Samaria nacuamonae  
beya. 15 Poxonae Juan Pedrobe patopabe barapomonaetha,  
bapoxonae Nacomtha taw<sub>u</sub>cabe Samaria nacuapiwi nexa,  
pomona pejume cow<sub>u</sub>ntsixa Nacom. Baponbe ichichipabe  
xua barapomonae peyanaba jinompaenexatsi Nacom pia  
Pejumope t<sub>u</sub>nax<sub>u</sub> tatsi. 16 Pedro ir<sub>u</sub> Juan taw<sub>u</sub>cabe bara-  
pomona Nacomtha. Tsipei barapomonae awiya cataunxuae  
jopa tapatichi pia j<sub>u</sub>nt<sub>u</sub> coyeneintha Nacom pia Pejumope  
t<sub>u</sub>nax<sub>u</sub> tatsi. Saya meisa poxoru bautisabatsi Jesús pon  
Pecanamataxeinaein jiwi bapon pew<sub>u</sub>ntha tatsi. 17 Pedro ir<sub>u</sub>  
Juan, pecobetha mata jayababe barapomonae. Barapoxonae  
barapomonae tapatatsi pia j<sub>u</sub>nt<sub>u</sub> coyeneintha tatsi Nacom pia  
Pejumope t<sub>u</sub>nax<sub>u</sub> tatsi.

18 Poxonae Simón cui tane xua Pedro Juanno pecobetha  
mata jayababe xua daxota Nacom pia Pejumope t<sub>u</sub>nax<sub>u</sub>  
tatsi tapatatsi barapomonae, Simón ichichipa xua pecatsiwa  
paratixi baponbetha. 19 Simón namchi, jeye:

—Dapo peayapus<sub>u</sub>wa necare. Tha ir<sub>u</sub> poxonae mata  
jayabeiban ichamonae tapateibinchi Nacom pia Pejumope  
t<sub>u</sub>nax<sub>u</sub> tatsi, jei Simón.

20 Nexata Pedro Simón baraichi, jeye:

—Barab<sub>u</sub> xam yawa jinya paratixino cayawa muxuna  
weraweraca exanaena, tsipei saya nanta xeiname xua  
necaitac<sub>u</sub>paewa xua Nacom pia peayapus<sub>u</sub>wa tatsi necomot-  
siwa paratixitha, po peayapus<sub>u</sub>wa bequein Nacom amanaya  
pecatsiwa jiwitha. 21 Jopa caitac<sub>u</sub>paeyo xua nexainaewa  
Nacom pia peayapus<sub>u</sub>wa tatsi, tsipei apara Nacom caj<sub>u</sub>nt<sub>u</sub>  
coyene yarutane xua neaj<sub>u</sub>nt<sub>u</sub>coyenebewa. 22 Nacui barax-  
ore jinya abe neexanae cuiru coyenein. Nacom w<sub>u</sub>care,  
xain Nacom cayabara j<sub>u</sub>ntemaina xua nanta xeiname baxua.  
23 Catainchi xua pejume uwiwa nenth<sub>u</sub>totha xeiname. Xam  
neabewa canth<sub>u</sub>th<sub>u</sub> yancababa daxota beta jopa xapain po-  
ponaem, abe nanta xeiname jincoutha, jei Pedro.



<sup>24</sup> Nexata Simón jume nota. Pedro iru Juan jume notatsibe, jeye:

—Painta yabara wuacarebe Nacomtha baxua xuaunxuae pana netsipaebamebe, xain bapoxonae xeinaein barapo coyene xua jopa abe tana necana exanaenexa, jei Simón.

<sup>25</sup> Bapoxonae Pedro Juanno ichamonaetha nacui yopitabe po coyene xua bayatha jume cowantabe Nacom. Yawa xua penthutotha taecatsibe Nacom pia Pejumope tñaxu tatsi. Baponbe Nacom pia pexeinya jume diwesi tsipaebabe barapomonaetha. Jerusalén tomara bewarapiyabe. Poxonae warapabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

*Meje yabara xua poxonae Felipe iruru Etiopía nacuapin nantenta ponabe namtotha*

<sup>26</sup> Barapoxonae pirapae, Jesucristo pon Pecanamataxeinaein jiwi, bapon pia matatsunpin tatsi, Felipe tsita naitatsiya tsipaebatsi, jeichichi: “Nontaponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya. <sup>27</sup> Felipe nantacotaxuba, bapoxonae bara ponataba. Poxonae Felipe namtotha ecapona, bapoxonae caxina pebin Etiopía nacuapin. Barapon pon pentacaponaein pon peainya cui jiton. Matautano bapon paratixi tayapu eena xua yabuyo nexa powa Etiopía nacua pepa peewatsiwayo. Bapon Etiopía nacuapin bayatha pona Jerusalén tomara beya xua wnae pejainchinexa Nacom. <sup>28</sup> Bapon caewa pia nacua siwa ecapona Etiopía nacua. Cawayu pecaponae naeyotha ecapona yawa yorobecapona po diwesi bayatha Isaías tina, pon Nacom peitorobi jume pepaebin.

<sup>29</sup> Nacom pia Pejumope tñaxu tatsi Felipe baraichi, jeye: “Imoxoyo ponde cawayu pecaponae naeyo beya yawa imoxoyo caquita naecaponde”, jeichichi Felipe. <sup>30</sup> Felipe cuinaepona cawayu pecaponae naeyo beya, ichaxota jume tane xua yoroba Etiopía nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

<sup>31</sup> Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca. <sup>32</sup> Po diwesi ichaxota bapon yoroba xua baxue meje:

“Be poxonae jiwi oveja yamu capona

pebexubinexa tsane, barichi tsane jiwi  
caponaena jiton pebexubinexa tsane.

Be cordero moya, jopa papayo poxona na thabatsi  
barichi tsane jiton moya tsane, jopa papai  
tsane poxona caitacueintinchi poxona  
yawa aperutane tsaneno.

<sup>33</sup> Jiton ura exanaeinchi.

Jiwi ura exanaena.

Jopa beta yabara exanae tsainchi  
poxona jiton atene tsane poxona  
jopa bequein abe exanaeyo.

Jiwi jopa yabara paebi tsane xua pia  
pexui tatsi, poxoru jopa nantaatsi  
tsane pexui, pemomoxino.

Jiwi barapo jiton bexubinchi”, jei Nacom  
Pejume Diwesi, po diwesi Isaías tina xua  
ichaxota yoroba Etiopía nacuapin.

<sup>34</sup> Nexata Felipe yainyabatsi Etiopía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha  
nayabara jei jampa? ¿Bara metha ichan yabara jeichi? je-  
ichichi Felipe Etiopía nacuapin.

<sup>35</sup> Felipe yaputane exana Etiopía nacuapin po diwesi xua  
Isaías tina Jesús jume yabara. Bapoxona nama paeba po  
coyene Jesús pia pexeinya jume diwesi tatsi. <sup>36</sup> Poxona  
Felipe Etiopía nacuapinno namtotha ecaponabe, bapoxona  
Etiopía nacuapin namchi, jeye:

—Taema meniyo eque jeba. ¿Jopa nebautisabim tsane?  
jeichichi Felipe.

<sup>37</sup> Felipe barai, jeye:

—Icha daxita carepaya jume cowantame nejunt  
coyenetha, methaunxuae bara cabautisabinchi, jei Felipe.

Etiopía nacuapin Felipe jume notatsi, jeye:

—Bara yabara jume cowantan xua Jesucristo, bara Nacom  
pexanto tatsi, jei bapon.

<sup>38</sup> Nexata Etiopía nacuapin cobe itoroba xua duntabina pon  
xua cawayu pecomaecaein. Nexata duneicabe Felipe Etiopía  
nacuapinno. Meniyo bejonecabe. Nexata Felipe meniyotha  
bautisaba Etiopía nacuapin. <sup>39</sup> Poxona meniyo wejuinabe,  
Nacom pia Pejumope tñaxñ tatsi Felipe puxanatsi. Felipe  
equeicha jopa taetsi Etiopía nacuapin. Saya equeicha Etiopía  
nacuapin jñntema pona pia nacua beya. <sup>40</sup> Felipe taerucupatsi  
ichamonae Azoto tomaratha. Felipe daxita toman tam-  
ropatecapona xua pecueicueijejwa Jesucristo pia pexeinya  
jume diwesi tatsi, beya yacui jopa Cesarea tomaratha.

## 9

*Meje yabara poxonae Saulo jume cowanta Jesús  
(Hch 22.6-16; 26.12-18)*

<sup>1</sup> Awiya came Saulo ichipa daxita pejutebiwa pomonae Jesucristo pejume cowantsi jiwi tatsi, pon Jesús Pecanamataxeinaein jiwi. Daxota Saulo siwa pona sacerdotemonaepia pepa pentacaponaein tatsi. <sup>2</sup> Saulo wɩca: “Necare cartan judiomonaepia penacaetutsi bon pia pentacaponaeawi nexa. Tha tacaponaeitsi Damasco tomara beya. Icha caxinaein pomonae Jesús pejume cowantsiwi tha jiwi pecubi botha caponaetsi Jerusalén tomaratha, pebiwino, yabaxino”, jei Saulo. <sup>3</sup> Saulo Damasco tomara beya pona. Poxonae baramuxu pepatopae, bapoxonaepin coicha yacaincha matawacaicha matatsun uncuatabicatsi. Barapo coicha peitabocowejopeica. <sup>4</sup> Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, zeta xua metha tamonaepia inta abe exaname?” jei pejume.

<sup>5</sup> Saulo jume nota, jeye: “Pon jiwi Pecanamataxeinaem, zjintamumda?” jei Saulo. Saulo u pejume jume notatsi, jeye: “Apara bara xan Jesús, ponxaein inta abe cana exaname tamonaepia. <sup>6</sup> Nontaponde, tomara be-iyande. Baraxotiya catsipaebina pocotsiwa bewa exanaename”, jeichichi Saulo.

<sup>7</sup> Pebiwi, pomonae Saulo puna poinchi bichocono pijunuwi moya umena tsipei saya u pejume jume tane ichitha pepon jopa xapain taeyo. <sup>8</sup> Saulo nantacotaxuba asiya uncua. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya. <sup>9</sup> Baraxota Damasco tomaratha Saulo eca acoibi po matacabibe. Jopa xapain necotsiyo. Barapo acoibi po matabibetha jopa nabanaeyo, jopa apaeyono.

<sup>10</sup> Baxota Damasco tomaratha popona pon pejume cowantsin Jesucristo. Bapon pewan Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeichichi: “¡Ananías!” jeichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

<sup>11</sup> Nexata Jesús Ananías baraichi: “Nontaponde. Namto beya ponde, po namto pewan Bopiya perucuiyae namto. Poxonaepia Judas pia botha patopame, yainyabare barapo botha. ‘zIncane Saulo, Tarso tomaramonaepin?’ jande. Iraunxu-aeru Saulo Nacom tsipaebauya. <sup>12</sup> Saulo amachinae xua cacamaita, xua Ananiam xua itacuere wanaetsiname Saulo necobetha”, jei Jesús.

<sup>13</sup> Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinaepia bapon cata

abe exanatsi jinya jiwimonaē, pomonaē Jerusalén tomaratha jinompa. <sup>14</sup> Bapon carta capatopa xote, po carta bayatha sacerdotemonaē pia pentacaponae wi caitoroba. Saulo carta capatopa poxoru sacerdotemonaē jume jejei xua Saulo pinaē bara caponaēna jiwi pecabi bo beya pomonaē cawān un-uneiba poxonaē Nacom tsipaēbeibatsi”, jei Ananías.

<sup>15</sup> Jesús Ananías baraichi, jeichichi: “Ponde tsipei yaitama bapon bayatha Saulo itapetan. Bapon Saulo tsipaēbina tajume diwesi icha nacuantha, po nacuantha jinompa pomonaē jopa judiomonaē naexanaeyo. Matautano tsipaēbina pomonaētha pomonaē jiwi itorobiya pia pepa peewatsiwichi. Matautano tsipaēbina barapo tajume diwesi israelmonaētha. <sup>16</sup> Tha bexa Saulo tsita itatichi po coyene xua bewa atene tsane tajume diwesi penatsipei cueicueijeixae tsane”, jei Jesús.

<sup>17</sup> Nexata Ananías pona ichaxota Saulo eca. Poxonaē joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixae Jesús. Bapon Jesús pon jiwi Pecanamatax-einaein neitoroba, pon namtotha catsita naituta xuano xua catsipaēbano. Jesús neitoroba nenecotsinexa tsane yawa Nacom necajuntū coyene yuca exanaenexa pia Pejumope tūnaxūtha, jei Ananías xua Saulo tsipaēbatsi.

<sup>18</sup> Barapoxonaē caena nainya peitacueretotha be petsebocoton taothopeinatsi. Bapoxonaē equeicha caewa wūnaeya daxita carepaya tane. Saulo asiya uncua bapoxonaē caena bautisabatsi. <sup>19</sup> Poxonaē nabane bapoxonaē cui thūnei tsanaya. Be caentacabiyobe Saulo eca Damasco tomaratha ichaxota ena pomonaē pejume cowantsiwi Jesucristo.

*Meje yabara poxonaē Saulo Jesús pejume diwesi paeba Damasco tomaratha*

<sup>20</sup> Caena nainya Saulo pona judiomonaē pia penacae-tutsi bontha tatsi. Tsipaēba barapomonaētha, jeye: “Bara-pon Jesús, apara Nacom Pexanto tatsi”, jei. <sup>21</sup> Daxita pomonaē jume tayena barapomonaē yabara najuntū coyene cabenaeca, nabarai, najei:

—Bara baraponda, pon cain matha Jerusalén tomaratha patopa xua abe peexanaponaenexatsi pomonaē Jesucristo pewān ununaewichi poxonaē Nacom wūqueibatsi. Apara bapon pon bayatha xote patope xua peteicaenexatsi pomonaē pejume cowantsiwi xuano xua pecaponaenexatsi pomonaētha pomonaē sacerdotemonaē pia pentacaponae wi xua Jerusalén tomara beya, najei.

<sup>22</sup> Ichitha bapon Saulo awiya jume tsacatsacapiya cueicuei-jei. Bapon tsita itapeinya xeina xua Jesús apara Mesías. Daxota barapomonaе judiomonaе moya umenarꝥꝥpa tsipei yabara najꝥntꝥ coyene cabenaeca pocotsiwa xua Saulo paeba.

*Meje yabara poxonaе Saulo panepa judiomonaе pecuiyainwa*

<sup>23</sup> Poxonaе ainya maticabin yapucaewa judiomonaе caemonae pebꝥꝥya nanta xeina xua bepa bexubichei Saulo. <sup>24</sup> Saulo ichꝥn muxu baraichi: “Bepa cabexubei ichamonaе”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita maticabi, yawa merawino. <sup>25</sup> Ichitha Saulo merawi panepa poxonaе pijimonaе pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

*Meje yabara poxonaе Saulo Jerusalén tomaratha popona*

<sup>26</sup> Poxonaе Saulo Jerusalén tomaratha patopa bepa bequein barꝥ nacaetutei Jesús pejume cowꝥntsiwichi tatsi, ichitha barapomonaе Saulo cunuwatsi tsipei nanta xeina xua Saulo jopa xapain Jesús pejume cowꝥntsiwichi jiwana tatsi. <sup>27</sup> Ichitha Bernabé Saulo cuaranotatsi Jesús pia peitorobi jiwi tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita naitꝥtatsi Jesús pon jiwi Pecanamataxeinaein. Mataꝥtano pinae Saulo muxu tsipaebatsi. Mataꝥtano pinae tsipaeba Jesús pejume diwesi Damasco tomaratha xua pinae cui tsacatsacapiya cueicuei-jei”, jei Bernabé. <sup>28</sup> Daxota Saulo napopona ducuaeta Jerusalén tomaratha ichaxota Jesús pia peitorobi jiwi tatsi. Saulo Jerusalén tomaratha jume tsacatsacapiya cueicuei-jei ducuaeta Jesús pejume diwesi tatsi pon jiwi Pecanamataxeinaein. <sup>29</sup> Saulo yabara barꝥ natsipaeba Jesús pejume diwesi, yawa barꝥ najume matsontsonobatsi judiomonaе, pomonaе xua griego jume penatsipaebiwi. Barapomonaе judiomonaе, ichichipa xua Saulo pebexubiwatsi. <sup>30</sup> Pomonaе irꝥ Jesús pejume cowꝥntsiwi tatsi jume tane, xua bepa Saulo imoxoyo bexubichei judiomonaе. Daxota Saulo Cesarea tomara becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

<sup>31</sup> Daxita Jesús pejume cowꝥntsi jiwi tatsi jꝥntema jinompa Judea nacuatha, Galilea nacuatharꝥ, Samaria nacuatharꝥ, tsipei jopa ichamonaе abe exanaeyo barapomonaetha. Mataꝥtano barapomonaе mataropeichiya nacuidubapona xua pejume cowꝥntaponaewa Nacom. Mataꝥtano

exanapona pocotsiwa Nacom ichichipa. Nacom pia Pejumope tñaxñ tatsi barapomonae yaweinchi peñntñ coyeneintha tatsi. Pinmonae Jesús jume cocowñntapona.

*Meje yabara poxonae Eneas axaibi exanatsi*

<sup>32</sup> Poxonae Pedro siwa pona ducuaaeteiba daxita tomaran Jesús pejume cowñntsi jiwi tatsi, bapoxonae yawa siwa ponano pomonae Jesús pejume cowñntsi jiwi pomonae ena Lida tomaratha. <sup>33</sup> Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pewññ Eneas. <sup>34</sup> Pedro, Eneas baraichi:

—Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonae caena yacuina nantacotaxuba Eneas. <sup>35</sup> Nexata Lida tomarapiwi, irñ Sarón tomarapiwino, barapomonae Eneas tainchi xua equeicha beta pona. Bapoxonae barapomonae nacui barapenta xua copiya jume cowñnta pejume cowñntsinexa Jesucristo, pon jiwi Pecanamataxeinaein.

*Meje yabara poxonae Dorcas equeicha caewa asñ exanatsi poxonae tñpa*

<sup>36</sup> Irññ jame caena bayatha Jope tomaratha popona powa pejume cowñntsiwayo Jesús. Bapowa pewññ Tabita. Barapo wññ seicaya griego jume wññ “Dorcas” baraichi. Barapowa pocotsiwa wññae itapeta exaneiba nawita. Matañtano barapowa yaweneiba pomonaetha pomonae peacopeibiwi. <sup>37</sup> Barapowa caena nainya atene tsanaya. Caena nainya tñpanaya. Daxita petñpaein matapaeta perñ iquicatsi. Bapoxonae po tutu athabeicha baxota boichatsi. <sup>38</sup> Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonae Jesús pejume cowñntsiwichi tatsi jume tane xua juinya Pedro Lida tomaratha popona. Bapoxonae itoroba pebinbe nacueyatabe xua bepa pinae tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonae Jesús pejume cowñntsiwichi tatsi. Bepa pinae anetha iyaem”, jeibe baponbe.

<sup>39</sup> Bara Pedro puna pona baponbetha. Poxonae Pedro patopa Jope tomaratha, barñ jojoniyatsi Pedro, ichaxota po tututha boca petñpaei Dorcas. Daxita pecuenta werapae-waxichi piseurixi caquita wecoyei tsumenaetsi Pedro. Yawa barapowaxi Pedro tsita itabatsi dorobññ, camisanno xua bayatha Dorcas taxññca poxonae cataunxuae abñ porona.

<sup>40</sup> Pedro pesato beitaweya daxita barapomonae. Pedro imoxoyo caquita eca pentabocototha. Nacomtha tsipaeba. Bapoxonae powa tɔpuncua Pedro pexainya benecoya, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa tɔpuncua necotaxuba. Poxonae Pedro tainchi, bapoxonae nantacotecataba. <sup>41</sup> Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cowantsi jiwi tatsi, iruru powaxi pecuenta werapaewaxichi piseurixi. Barapomonae Pedro tsita itata xua equeicha Dorcas asu. <sup>42</sup> Jope tomarapiwi jume taerucupa xua equeicha Dorcas petapaewa nacosata. Bapowa equeicha asu popona. Daxota pinmonae jume cowanta Jesús pon jiwi Pecanamataxeinaeinchi. <sup>43</sup> Jope tomaratha Pedro baxota popona ainya matababin. Pedro popona Simón pia botha tatsi pon xua duwei peboco wɔnaeteibin.

## 10

### *Meje yabara Pedro iru Cornelio*

<sup>1</sup> Iruru jame Cesarea tomaratha pebin warapaeya popona. Bapon pewɔn Cornelio. Cornelio, jame yatsicaya pia nacua tatsi Italia nacua. Bapon soldadomonae pia pentacaponaein tatsi. Iruru soldadomonae pia nacua tatsi Italia nacua. <sup>2</sup> Cornelio piamonae baru jume cowanta Nacomtha. Mataɔtano Nacom wɔnae jaintatsi. Barapon Cornelio matowa yaweneiba judiomonae, pomonae peacopeibiwi. Bapon paratixi catsibeiba barapomonaetha. Bapon Cornelio tsipaebeiba Nacomtha. <sup>3</sup> Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonae camaita. Matatsunpin patopaeya namchi, jeye: “¡Cornelio!” jei. <sup>4</sup> Cornelio junuwiya camaitiya tane matatsunpin. Cornelio jume epa pita, jeye: “Pon jiwi Pecanamataxeinaem, ¿eta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi. Nacom cayabara nanta xeina. <sup>5</sup> Cornelio, ichamonae Jope tomara beitorobiyama pewabinexa tsainchi pon ainya wɔnbe pexeinaein. Bapon Simón baraichi yawa Pedro baraichi. <sup>6</sup> Barapon Simón Pedro eca icha Simón pia botha tatsi pon Simón seicaya pon duwein peboco wɔnaeteibin. Barapon Simón mar mene itapatha yabo uncua”, jeichichi Cornelio matatsunpin.

<sup>7</sup> Poxonae matatsunpin napitaba, barapoxonae Cornelio ichamonae waba, pomonae xua pia botha petanacuichi-wichi. Iru soldadomonaepin waba, pon xua pia botha tanacuitatsi. Barapon soldadomonaepin pejuntu coyene xanepanaein Nacomtha. <sup>8</sup> Barapomonaetha tsipaebatsi pocotsiwa bayatha Cornelio tsipaebatsi matatsunpin. Cota-caya Cornelio itoroba barapomona Jope tomara beya.

<sup>9</sup> Icha mataqueitha barapomona warapa Jope tomara beya. Poxonae cataunxuae itiya pona poxonae mateinyaxae, poxonae bara imoxoyo patichaba, bapoxonae iruru Pedro bo matatupa beecoinyaru, po bo matatupa pereca. Nacom tsipaebawiya poxonae bayatha mataeinyaxae tsuxubi. <sup>10</sup> Pedro bichocono jainpeca, bepa bequein xaei. Ichitha poxonae awiya cataunxuae tasetatsi, Pedro tsita naitatatsi be poxonae camaita. <sup>11</sup> Pedro athabe necoicha xua peitaboco nayausaranaxuba. Yawa taneno xua pin paparuwa pexainya betaruneicatsi, be xua jiton nantiya caruneicabe. <sup>12</sup> Bapoxonae barapo paparuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibun. Yawa tane daxita xua xuan saya petompacuetontha bobenapona be jomon. Matautano tane daxita xua xuan saya yapupuna be peyapupunaewi. <sup>13</sup> Nexata Pedro peitabocotha jume tane xua namchi, jeye: “Pedro asiya uncuatabare. Pon xua ichichipame, pire. Moya bexore. Yawa xaema”, jei barapo jume.

<sup>14</sup> Nexata Pedro jume nota, jeye: “Bara, bayatha apara jopa bapana camatsawan xaeinyo, xua tamonae jopa copatsiyo xua pexaewa”, jei Pedro. <sup>15</sup> Equeicha Pedro jume tane pe-jume xua tsipaebatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

<sup>16</sup> Pedro matha acoibi po jumeyobe tsipaebatsi baxua. Bapoxonae paparuwa caibe juinya peitaboco beicha. <sup>17</sup> Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonae Cornelio itoroba, barapomona i dapo bon yainyainyaba tsiniya: “¿Incane Simón pia bo?” jei. Bapoxonae bapomona pata Simón pia curara coibototha tatsi. Poxonae barapomona pata, Pedro cataunxuae yabara nanta xeina xua tsipaebatsi xua Nacom tsipaeba. <sup>18</sup> Poxonae Cornelio pijimona tatsi pata baxota, pin jumetha namchi, jeye: “¿Incane Simón pon icha wun ‘Pedro’ baraichi? ¿Baxota bara ecara?” jei.

<sup>19</sup> Awiya came Pedro baxua yabara nanta xeinequiya xua pocotsiwa bapon tane. Nexata bapoxonae Nacom pia



Pejumope tunaxu tatsi Pedro baraichi, jeye: “Pedro, ne-jume taema. Acoibi poyobe pebiwi cawenawenei tsompae.<sup>20</sup> Nontaponde nainya ira bedunatabareinca. Barapomonae naponde, beitatema napontabare, yaitama barapomonae itoroban”, jeichichi Pedro.

<sup>21</sup> Bara nexata Pedro ira bedunatabareca. Pedro barai barapomonae, jeye:

—Apara bara xan, po jiton xua pana newenawenei tsompaem. ¿Eta xua metha papatame? jei.

<sup>22</sup> Barapomonae Pedro jume notatsi, jeye:

—Papatan yaitama Cornelio, pon soldadomonae pia pentacaponaein tatsi, bapon pana itoroba. Barapon pejantaxu coyene xanepanaein. Barapon Nacom jume cowantatsi. Iruxu daxita judiomonae barapon baruxu cui itura jineibatsi yawa antobetsi. Pinae Nacom pia matatsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonae, xua Pedro tsipaebatsi.

<sup>23</sup> Nexata Pedro waba barapomonae xua petamaitenaewa tsainchi barapo botha. Icha matababitha piawa xaxainta xua caponaena. Bapoxonae Pedro napona barapomonae. Iruxu ichamonae naponano, pomonae iruxu Jesús pejume cowantsiwi tatsi, pomonae xua ena Jope tomaratha.

<sup>24</sup> Icha matababitha pata Cesarea tomaratha. Baraxota Simón Pedro ewatatsi. Cornelio pia matabaxuxuyomonae pewabixae baruxu ewateca, yawa pia jiwi tatsino. <sup>25</sup> Poxonae Pedro Cornelio pia botha tapatopatsi, Cornelio Pedro jacobatsi. Bapoxonae Cornelio Pedro peitabaratha pentabocototha tauncuatsi, pewanae jainchinexa tsainchi Pedro. <sup>26</sup> Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

<sup>27</sup> Poxonae Pedro natsipaebiya jonyabe, baxota Pedro pin bicheito tane xua nacaetuta. <sup>28</sup> Nexata Pedro barai barapomonae, jeye:

—Bara bayatha payaputaneme xua waxainchi judiomonae jiwichi wacui coyenewa xeinatsi xua jopa nacui yabara copatichi xua wabaruxu nacaetuteibiwa pomonae jopa judiomonae naexanaeyo. Matautano jopa nacui yabara copatichi xua pia bonthano waponeibiwa. Ichitha Nacom aunxuae necuiduba xua pinae jopa bewa ichamonae catsapiwi jaintin tsane. <sup>29</sup> Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

<sup>30</sup> Nexata Cornelio, Pedro jume notatsi, jeye:

—Petain cuatro po matabibe tsuxubi, quiripitha xote tabothena poxonae yabara nainbotan xua Nacom tsipaeban barapoxonae matatsunpin jemeicha tabothena patopa. Barapo matatsunpin paparuwa nama xatata po paparuwa bichocono daedaena. <sup>31</sup> Matatsunpin nebarai: ‘Cornelio, bayatha Nacom cajume tane poxonae tsipaebame pexainya beya. Cacui taneno xua yaweneibame peacopebiwi daxota Nacom cayabara nanta xeina’, jei. <sup>32</sup> Nebaraino: ‘Ichamonae Jope tomara be itorobiyama, pewabinexa tsainchi pon ainya wunbe pexeinaein. Bapon Simón baraichi, yawa Pedro baraichi. Pedro eca ichun Simón pia botha tatsi, pon Simón pon seicaya duwein peboco wunaeteibin. Barapon Simón mar mene itapatha yabo uncua’, nejei. <sup>33</sup> Daxota nainya itoroban ichunbe acoibi poyobe yaitama apara cawabatsi. Barabun patopame. Daxita paxan xote Nacom peitabaratha rajinompan. Matautano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

*Meje yabara poxonae Pedro pin diwesi paeba Cornelio pia botha tatsi*

<sup>34</sup> Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichun ainya cui xua beyacaincha ichun. Nacom daxita jiwi tsita najupatsi. <sup>35</sup> Daxita nacuantha pomonae xua Nacom wunae jaintatsi xuano xanepanaya exanano, Nacom antobe barapomonae. <sup>36</sup> Bayatha payaputaneme xua Nacom Pejume Diwesi nacariwesi itoroba paxantha pomonae Israel pia pemomoxi susato jiwi tatsi panxaein. Barapo pexeinya diwesi jume jantema jinompa pana exana poxonae Jesucristo pajume cowuntan. Nacom Jesús Pecanamataxeinaein exanatsi daxita carepaya jiwi nexa. <sup>37</sup> Paxam bara payaputaneme xua Juan Jesús yabara cueicueijeichi yawa bautisaba jiwi Galilea nacuaetha. Bapoxonae iruru Jesucristo tamropata pitaba xua cueicueije Galilea nacuaetha yawa daxita Judea nacuaetha. <sup>38</sup> Matautano bara payaputanemeno xua Nacom cata pia peayapusun itorobi coyenewa, Jesucristo Nazaret tomarapin catatsi. Yawano Jesucristo nacana jumope tuxaxu catatsi. Bapoxonae Jesús daxita carepaya tomarantha popona ducuaeta. Yawa axaibi exana ducuaetaetano peatene jiwi. Yawa taitaweta ducuaetaetano pomonae xua cauri pexeinaewi. Daxota bapon baxua beta exana Nacom pebarun poponaexae. <sup>39</sup> Bayatha pacui tan daxita carepaya xua Jesús exana Judea nacuaetha, Jerusalén tomarathano ichaxota jinompa judiomona. Bapoxonae nama Jesús naetha

cobe matatabarutatsi, xua poxonae tupa exanadutatsi nae-totha. <sup>40</sup> Poxonae acoibi po matababibe tsuxubi Nacom petupaein equeicha asu exana. Matautano bapon pana netsita naituta exana. <sup>41</sup> Ichitha daxita jiwi jopa tsita naituta exanaetsi. Saya paxan pana netsita naituta exana. Nacom pana itapeta pia patayopichinexa ichamonaetha pocotsiwa Jesús exana xuano xua paebano. Paxan Jesús pabarū nabanān, matautano pabarū apanno poxonae equeicha asu popona. <sup>42</sup> Jesús pana itoroba daxita nacuantha pata paebinexa tsane Nacom Pejume Diwesi, xuano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentisiwa xua abe peexanaexae. Bexa tsane Jesús daxita jiwi nanantaustiya jiwana torotsiya itawetsina, pomonae cataunxuae jinompa yawa pomonae bayatha werapano. <sup>43</sup> Bayatha pomonae Nacom pia peitorobi jume pepaebiwi Jesús pejume diwesi paeba. Barapomonae namchi: 'Daxita pomonae Jesús pejume cowantsiwichi barapomonae Nacom yabara juntemainaena abe pia peexanae cuiru coyenein tatsi Nacom pia peayapuswathaxae', jei barapomonae, jei Pedro.

*Meje yabara poxonae pomonae jopa judiomonae naexanaeyo pejuntū coyeneintha tapatatsi Nacom pia Pejumope tūnaxū tatsi*

<sup>44</sup> Poxonae cataunxuae Pedro cueicueijeji, bapoxonae Nacom pia Pejumope tūnaxū tatsi tapatatsi pomonae jume tane xua Pedro paeba. <sup>45</sup> Judiomonae, Jope tomarapiwi, pomonae pejume cowantsixae Jesucristo, barapomonae Pedro puna poinchi. Barapomonae daxita yabara najuntū coyene cabenaeca xua irū barapomonae pomonae jopa judiomonae naexanaeyo irū pejuntū coyeneintha taenatsi Nacom pia Pejumope tūnaxū tatsi. <sup>46</sup> Judiomonae yaputane xua bara xaniwaicha Nacom pia Pejumope tūnaxū tatsi tapatatsi pomonae jopa judiomonae naexanaeyo. Yaputane tsipei barapomonae barompaya tsanaya icha jumeintha cueicueijeji. Ichitha barapomonae jopa xapain najume copi yaputaeyo. Judiomonae jume taneno xua pomonae jopa judiomonae naexanaeyo Nacom wūnae jaintatsi. <sup>47</sup> Pedro namchi, jeye:

—Barapomonae apara Nacom pia Pejumope tūnaxū tatsi xeina icha waxainchi ichichi. Jiton dapon aibi pon jeye: 'Jopa bewa bautisabi, apara pomonae jopa judiomonae naexanaeyo', xua pon pejeiwa, jei Pedro.

<sup>48</sup> Pedro cui itoroba judiomonae. Pedro namchi, jeye: "Pabautisabare barapomonae pomonae jopa judiomonae naexanaeyo. Jesucristo pewūn pawūn taibare

poxonae pabautisabame”, jei Pedro. Bapoxonae pirapae barapomonae, pomonae xua aena taenatsi Nacom pia Pejumope t̄nax̄u tatsi, Pedro apusiwatsi xua jopa warapae tsane yawa xua caeto ab̄u ecaenano.

## 11

*Meje yabara poxonae Pedro diwesi tsipaeba pomonaetha pomonae Jesús pejume cow̄antsi jiwi Jerusalén tomaratha*

<sup>1</sup> Jesús pia peitorobi jiwi tatsi ir̄ur̄u pomonae pejume cow̄antsiwi Jesús, pomonae ena Judea nacuatha, barapomonae daxita jume tane xua ir̄ur̄u pinae pomonae jopa judiomonae naexanaeyo bayatha jume cow̄anta Nacom Pejume Diwesi. <sup>2</sup> Poxonae Pedro Jerusalén tomara bewarapiya, judiomonae pomonae xua jume cow̄anta xua ainya cui Jesús pejume cow̄antsi jiwi tatsi pewi thabiwa tsainchi, barapomonae Pedro jume daunweya tsipaebatsi. <sup>3</sup> Pedro baraichi, jeye:

—¿Eta xua metha barapomonae siwa poname pomonae jopa judiomonae naexanaeyo? ¿Eta xua metha naxaneme barapomonaetha? jei judiomonae.

<sup>4</sup> Nexata Pedro diwesi eetapona xua cueicueijeji barapomonaetha. Po diwesin eetapona, barapo diwesin xua poxonae siwa pona pomonae jopa judiomonae naexanaeyo. Pedro namchi:

<sup>5</sup> —Poxonae Jope tomaratha Nacom tsipaeban, pin paparuwa tan be poxonae camaitan. Barapo paparuwa peitaboco weruneica be pem̄tontha nantiya yacaincha opi queraba. Taxainya duneica. <sup>6</sup> Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquib̄un. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi. <sup>7</sup> Peitabocotha jume tan xua nebarai: ‘Pedro asiya uncuatabare. Pon xua ichichipame, pire. Moya bexore. Yawa xaema’, nejei. <sup>8</sup> Jume notan nexata: ‘Bara, bayatha apara jopa bapana camatsawan xaeinyo xua tamonae jopa copatsiyo xua pexaewa’, jan. <sup>9</sup> Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei. <sup>10</sup> Acoibi po jumeyobe nebarai. Saya u barapo jumethabe nebarai. Bapoxonae paparuwa equeicha peitaboco beicha caibe caicha. <sup>11</sup> Paparuwa caibe juinya, ir̄ur̄u pebiwi acoibi poyobe patar̄u. Bapoyobe Cesarea tomarapiwi, taxantha pata. Barapo acoibi poyobe, pomonae Cornelio itoroba. <sup>12</sup> Nacom pia Pejumope t̄nax̄u tatsi nebarai: ‘Napuna ponde. Beitatema pontabare’,

nejei. Iru nebaru pona seis poyobe Cesarea tomara beya pomonae pejume cowantsiwi Jesús. Pajojoniyán Cornelio pia botha tatsi. <sup>13</sup> Cornelio pana netsipaeba xua pinae pia botha tapatopatsi matatsunpin. Matatsunpin namchei: 'Pebiwi Jope tomara beitorobiyama, pewabinexa tsainchi pon xua ainya wunbe xeina, Simón yawa Pedro. <sup>14</sup> Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom', jei pinae matatsunpin poxonae pinae Cornelio tsipaebatsi, jei Pedro barapomonaetha. <sup>15</sup> Pedro equeicha namchi:

—Poxonae Jesucristo pejume diwesi paebaxoyan Corne-liobarutha, barapoxonae Nacom pia Pejumope tunaxu tatsi tapatatsi barapomonaetha. Icha cain painta ichi, barichi pomonaetha Nacom nacana jumope catsiba. <sup>16</sup> Baropoxonae nantana pitaban Jesús pejume, poxonae pana barai: 'Juan saya u meratha bautisaba. Ichitha Nacom seicaya barompaya pia cuitha paca bautisaba. Ichitha Nacom seicaya barompaya pia cuitha paca bautisabina. Baropoxonae painya juntu coyeneintha pacata patsina Nacom pia Pejumope tunaxu tatsi', jei Jesús. <sup>17</sup> Xaniwaicha beta yaputan xua Nacom nacana jumope tunaxu cata barapomonaetha pomonae jopa judiomonaetha naexanaeyo, icha cain ichi poxonae Nacom nacana jumope tunaxu cata pata xantha poxonae Jesucristo pajume cowantan. Daxota Nacom jopa cui yancatabinyo poxonae ichichipa exana barapomonaetha, jei Pedro.

<sup>18</sup> Poxonae Jesucristo pejume cowantsi jiwi, pomonae ena Jerusalén tomaratha, poxonae baxua jume taerucupa moya umenarucupa. Mataufano Nacom wunae jaintatsino. Barapomonaetha namchi, jeye:

—¡Maisa wunae, iru Nacom nacana cui cata pomonaetha pomonae jopa judiomonaetha naexanaeyo xua barapomonaetha pejume cowantsiwa tsaneru Jesús, yawa xua juntema pejinompraewa tsaneru! Baraxua Nacom ichichipa xua barapomonaetha najuntu cui coyene barapenta xua abe, petaxeinaenexa tsainchi peajuntu yapuswa, po peajuntu yapuswa xua jopa weraweracaeyo, jei barapomonaetha.

*Meje yabara poxonae Jesús pejume cowantsi jiwi tatsi jinompa Antioquía tomaratha*

<sup>19</sup> Jesucristo pia pejume cowantsi jiwi tatsi ducupa, tsipei peanaepanaewi yotaba, poxonae po matababitha Esteban hexotsi. Barapomonaetha tsanarucupa, ichun Fenicia nacua beya, ichun Chipre nacua tunaeto beya, ichun Antioquía tomara beya. Barapomonaetha saya judiomonaetha cueicuei-jei Jesucristo pejume diwesi. <sup>20</sup> Ichamonaetha, pomonaetha pejume cowantsiwi Jesús, Chipre nacua tunaetopiwi, Cirene

tomarapiwino, barapomonaē Antioquía tomaratha pata. Daxita barapomonaē tsipaeba pomonaetha pomonaē jopa judiomonaē naexanaeyo Jesús pejume diwesi tatsi pon jiwi pia Pecanamataxeinaeinchi. <sup>21</sup> Barapomonaē yawenatsi nawita Nacom pia peayapus<sub>u</sub>wa tatsi. Daxota pin bicheito pomonaē jopa judiomonaē naexanaeyo, barapomonaē jume cow<sub>u</sub>ntatsi Jesús, pon jiwi Pecanamataxeinaeinchi.

<sup>22</sup> Jerusalén tomaratha, Jesucristo pejume cow<sub>u</sub>ntsi jiwi tatsi, barapomonaē, jume tane xua Antioquía tomarapiwi jume cow<sub>u</sub>nta Jesucristo pomonaē jopa judiomonaē naexanaeyo. Daxota Bernabé Antioquía tomara beitorobiyatsi. <sup>23</sup> Poxonaē Bernabé Antioquía tomaratha patopa be ita cui w<sub>u</sub>naetsi xua Nacom yawena barapomonaetha. Bapoxonaē Bernabé j<sub>u</sub>nt<sub>u</sub> coyene weiweina. Bernabé barapomonaē barai, jeye: “Paa<sub>j</sub>u<sub>n</sub>t<sub>u</sub>coyenyap<sub>u</sub>s<sub>u</sub>ya jinompare Nacomtha. Mata<sub>u</sub>tano Nacom a<sub>j</sub>u<sub>n</sub>t<sub>u</sub>yap<sub>u</sub>s<sub>u</sub>ya pajume cow<sub>u</sub>ntaponde”, jei Bernabé. <sup>24</sup> Bernabé pe<sub>j</sub>u<sub>n</sub>t<sub>u</sub> coyene xanepanaein. Bapon j<sub>u</sub>nt<sub>u</sub> coyene y<sub>u</sub>catsi Nacom pia Pejumope t<sub>u</sub>nax<sub>u</sub> tatsi tsipei daxita i daxuan exana pocotsiwa Nacom itoroba. Mata<sub>u</sub>tano bichocono Nacom jume cow<sub>u</sub>ntatsi. Daxota pin bicheito jume cow<sub>u</sub>nta Jesús, pon jiwi Pecanamataxeinaeinchi.

<sup>25</sup> Nexata Bernabé Tarso tomara bewarapiya, pewenaweneinexatsi Saulo. <sup>26</sup> Poxonaē Saulo caxinatsi baxota, Antioquía tomara bebar<sub>u</sub> warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwi matha Jesús pijimonaē tatsi w<sub>u</sub>n dutatsi xua Antioquía tomarapiwi w<sub>u</sub>n duta xua jeye: “Cristobar<sub>u</sub>monaē”, jeichichi barapomonaē pomonaē Jesús pijimonaē tatsi.

<sup>27</sup> Poxonaē Bernabé ir<sub>u</sub> Saulo cataunxuae cuidubapoponabe Antioquía tomaratha, Nacom pia peitorobi jume pepaebiwi baxota pata, Jerusalén tomara werendena. <sup>28</sup> Bara caein jiwana pew<sub>u</sub>n Agabo. Agabo asiya uncua barapomonaetha. Bapon w<sub>u</sub>nae tsiwanaya paeba. Agabo yaputane exanatsi Nacom pia Pejumope t<sub>u</sub>nax<sub>u</sub> tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxonaē j<sub>u</sub>m<sub>u</sub>ba matha Claudio romanomonaē itorobiya pia pepa peewatsinchi tatsi naexana, bapoxonaē pin jainbo tsurucuae. <sup>29</sup> Daxota Jesús pejume cow<sub>u</sub>ntsiwi tatsi, pomonaē ena Antioquía tomaratha, ichipa yawena pomonaē ir<sub>u</sub> pejume cow<sub>u</sub>ntsiwixae Jesús pomonaē peenaexae Judea nacuatha. Daxota barapomonaē pomonaē Jesús pejume cow<sub>u</sub>ntsiwixae pebur<sub>u</sub>ya nanta xeina xua paratixi taitorobina. Daxita barapomonaē carepaya paratixi cata be xua po coyene cobe itac<sub>u</sub>patsi xua pecatsiwa.

<sup>30</sup> Barapomonae baxua exana. Barapo paratixi Bernabé iru Saulo caitorobatsibe pitiri jiwi nexa xua Judea nacua beya.

## 12

*Meje yabara poxonae Santiago bexotsi iru xua poxonae Pedro jiwi pecubi botha capoinchi*

<sup>1</sup> Barapoxonae Herodes pon Judea nacuapiwi peyanacua ewatsinchi, bapon tamropata pitaba xua pomonae Jesús pejume cowantsiwi tatsi peraxa exanatsi. <sup>2</sup> Herodes itoroba pia jiwi, xua pin cusitha Santiago pebexubiwatsi, pon Juan peweicho tatsi. <sup>3</sup> Herodes jume tane xua judiomonae tsita xanepanatsi xua Santiago bexotsi. Daxota Herodes cui itoroba piamonae xua Pedro pewaetabiwatsi xua pecapon-aenexatsi jiwi pecubi botha. Baxua exana poxonae Pascua wun matabintha poxonae jiwi pan xane po pan xua jopa xeinaeyo levadura xua pocotsiwa cotowa exana. <sup>4</sup> Poxonae Pedro jiwi pecubi botha eca, soldadomonae yapucaumena, Pedro yapucaumeinchi. Soldadomonae, cuatro po bicheito matabuxuoyobe. Cae matabuxuoyo xeina be cuatro poyobe. Be cae matabuxuoyo tamroropatapona poxonae yacaincha umeneibatsi Pedro. Herodes yabara nanta xeina xua peexanaewa tsane xua Pedro pin bicheito peitabaratha cuaranotinchi pepa tomaratha poxonae Pascua wun matabin yapucaewina. <sup>5</sup> Awiya came Pedro jiwi pecubi botha eca. Ichitha Jesús pejume cowantsiwichi jume daunweya wunca Nacom, Pedro tawcatsi.

*Meje yabara poxonae Nacom, Pedro capanepatsi jiwi pecubi bo weya*

<sup>6</sup> Herodes merawi nanta xeina xua baya tsane Pedro cuaranotinchi pepa bicheitha peitabaratha. Barapo merawitha, abu cataunxuae Pedro nantiya cobe nain camaituncuatsibe soldadomonaepinbe. Iru soldadomonaepinbe yacaincha uncuabe jiwi pecubi bo boupa. <sup>7</sup> Caena nainya Jesús pia matatsunpin tatsi Pedro tsita naitutatsi. Jiwi pecubi botha pin coicha pentha tsuxubi bichocono. Matatsunpin Pedro yaubaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxonae Pedro nantiya cobe nain jopeicabe iratha. <sup>8</sup> Bapoxonae matatsunpin Pedro baraichi, jeye: “Coreinya bocoto bichocono nacoto epa catutabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

<sup>9</sup> Nexata matatsunpin Pedro pecoiboto bepuna joniya, pesato beya. Ichitha Pedro xapain jopa naita cui coyene taeyo xua jiwi pecubi bo wepuna joniya matatsunpin. Saya nanta xeina be amachinae. <sup>10</sup> Pedro iru matatsunpin xenta jonyabe soldadomonaepin pon yacaincha uncua ichaxota Pedro etatsi. Bapoxonae equeicha icha soldadomonaepin xenta jonyabe pon ewatuncua pepa boupa xua pesatotha. Pedro iru matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxonae icha namtotha patopabe bapoxonae jemeicha matatsunpin Pedro cuenta aichurucuaetsi tomara namtotha.

<sup>11</sup> Barapoxonae Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba tsipei metha bepa necapanepae Herodes pia xainya weya tatsi xuano xua judiomonaepia xainya weya tatsi, pomonaepi ichichipa abe inta peexanaewa”, najei.

<sup>12</sup> Poxonae baxua nacui cananta xeina, Pedro pona María pia bo tatsi beya. Bapowa Juan pena tatsi. Juan icha wan xeina, Marcos. María pia botha tatsi pin bicheito nacaetuta pewaqueibinexa Nacomtha. Baxota Pedro patopa. <sup>13</sup> Pedro curara coiboto dadacata. Yabuyo powa pewan Rode muxu naya pia yaputaetsi pon patopa. <sup>14</sup> Poxonae barapowa Pedro jume copi tainchi xua wawai abu jopa saranaxubiyo peboupa. Bapowa bichocono juntu coyene weiweina daxota caibe cuinaya piamonaepi tsiwan caya. Namchi:

—Pedro curara coibototha uncua, jei Rode.

<sup>15</sup> Barapomonaepi namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomonaepi jume nota, jeye:

—Metha apara Pedro pia matatsunpin tatsi, pon yantatsi, jei.

<sup>16</sup> Awiya came Pedro peboupa dacadacatuncua. Poxonae barapomonaepi peboupa saranaxoya, Pedro yabara najuntu coyene benaecaeya tainchi. <sup>17</sup> Pedro pecobetha moya jume matawenta. Cotacaya Pedro diwesi tsipaeba barapomonaepi xua bayatha capanepatsi jiwi pecubi bo weya, xua Jesús capanepa pon jiwi Pecanamataxeinaeinxae tatsi. Pedro namchi, jeye:

—Barapo diwesi Santiago patsipaebare iru ichamonaepi patsipaebare pomonaepi Jesús pejume cowantsiwi tatsi, jei Pedro.

Barapoxonae Pedro icha namto be-iya.



18 Poxonae baya pentha tsina soldadomonae nabenaenompa tsipei jopa yabara yaputaeyo po coyene xua Pedro aichurucuae. <sup>19</sup>Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae jutebinchi. Barapoxonae Herodes Judea nacua wewarapiya, Cesarea tomaratha pepoponaenexa.

*Meje yabara poxonae Herodes tupa*

<sup>20</sup> Herodes pon Judea nacuapiwi peyanacua ewatsinchi, bapon Tiro tomarapiwi casebatsi iru Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyo poxoru Herodes caseba barapo tomarapiwibe. Daxota Sidón tomarapiwi iru Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota barapomonae Blasto tsipaebatsi xua barapomonae peyabara jume yawenaenexatsi xua poxonae petsipaebinxatsi Herodes. <sup>21</sup> Daxota Herodes wun duta, barapo matabi, po matabitha xua Herodes siwa ponaeinchi barapomonae. Poxonae matabi tsuxubiba barapo matabitha Herodes pia paparuwa nama xatataba po paparuwa tsofia, pocotsi paparuwan nama xataba pentacaponae. Bapoxonae pia peecaewatha eca. Herodes piamonaetha tsipaeba. <sup>22</sup> Nexata barapomonae wawai Herodes baraichi, jeye: “¡Apara xua bapon paeba, jopa be pebinyo, apara bara nacom tseca!” jei barapomonae. <sup>23</sup> Bara caena bapoxonae Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonae pia coya Nacom naexana. Oro unu caewita poinchi. Jana caewita poinchino. Tsapita poinchino. Herodes tupanaicha.

<sup>24</sup> Pomonae xua jume cowanta Jesús, barapomonae taju tsi-paebapona Nacom Pejume Diwesi daxita nacuantha. Daxota daxita pinmonae jume cowantatsi Jesús.

<sup>25</sup> Poxonae Bernabé Saulono nacui wetabe baxua, Jerusalén tomara wewarapiyabe. Antioquía tomara bewarapiyabe. Juan Marcos baru warapatsi.

## 13

*Meje yabara poxonae Bernabé Saulono Nacom Pejume Diwesi caponabe*

<sup>1</sup> Baraxota Antioquía tomaratha jiwana jinompa pomonae pejume cowantsiwi Nacom pomonae Nacom pia peitorobi jume pepaebiwi iru pomonae jiwi pecuidubiwi Moisés pia peitorobi coyene. Barapomonae meje: Bernabé iru Simón pon icha wanno, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana. <sup>2</sup> Caentacabi, poxonae barapomonae Nacom pejume coyene canatsipaeba exana, yawa yabara nainbota, barapoxonae Nacom pia Pejumope tñaxu tatsi barapomonae tsipaebatsi, jeye: “Paitorobare Bernabé, Saulono, petsipaebinexa tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tñaxu tatsi.

<sup>3</sup> Nexata poxonae xua Nacom wuca najume weta, xuanano poxonae weta xua yabara nainbota, barapoxonae Bernabé Saulono pecobetha mataboco jayabatsibe. Bapoxonae napeyabatsibe.

*Meje yabara poxonae Nacom pia peitorobi jiwi tatsi, Nacom pia diwesi tatsi cueicueijeji Chipre tunaetotha*

<sup>4</sup> Bapoxonae Bernabé Saulonuru itorobatsibe Nacom pia Pejumope tñaxu tatsi. Seleucia tomara bewarapiyabe. Bapoxonae ponabe jeratha po naetha po nae pin nae, petunaeto beya. Barapo tunaeto pewan Chipre. <sup>5</sup> Poxonae patopa Salamina tomaratha, Nacom pia pexeinya diwesi tatsi cueicueijeji judiomonae pia penacaetutsi bontha tatsi. Juan Marcos bichi napon Bernabé Saulono peyawenaenexatsi.

<sup>6</sup> Barapoyobe daxita barapo tunaeto matawacaicha enapona petsipaebinxu Nacom pia pexeinya jume diwesi tatsi. Bapoxonae Pafos tomaratha pata. Barapo tomaratha bapoyobe caxinabe judiomonaepin pon pewan Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan tacueicueijein Nacom nexa”, jei. <sup>7</sup> Barapon napuna poneiba pontha pon Chipre tunaetopiwi peyatunaeto ewatsinchi ponxae pewan Sergio Paulo. Bapon Sergio Paulo peyaputaen. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa. <sup>8</sup> Barapon pon mara pexeinaein icha wan xeina, griego jume, “Elimas”, baraichi. Bapon Bernabé Saulono jume yancatabatsibe, tsipei jopa ichipaeyo xua Sergio Paulo jume cowantsina Nacom Pejume Diwesi. <sup>9</sup> Nexata Saulo, pon icha wñxae Pablo, Nacom pia Pejumope tñaxu tatsi jantñu coyene yucatsi. Pablo bichocono pexainya beya tane. <sup>10</sup> Pablo barai, jeye:

—¡Barjesús, xam pon jiwi nemuxuitorobeibin, abe neexanaein, cauri pexantom, daxita xua pew<sub>u</sub>naewan neaichaxaibim! ¿Eta xua daichim jiwi cui yancababeibame xua pejume cow<sub>u</sub>nteibiwa Jesús, pon jiwi Pecanamataxeinaeinchi?  
<sup>11</sup> Bara anoxuae Nacomtha natsiaenae cuentsiname. Daxota caitacuere piontababa. Jopa caeto pesato taem tsane, beya poxona matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ich<sub>u</sub>n nacobena jayaba, pecobe caponaenexatsi peitata nac<sub>u</sub>tsinxae. <sup>12</sup> Poxonae Sergio Paulo baxua tane bapoxonae bapon Nacom jume cow<sub>u</sub>ntatsi tsipei tsita w<sub>u</sub>naetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

*Meje yabara poxonae Bernabé Pablono Antioquía tomaratha ecabe xua Pisidia nacuatha*

<sup>13</sup> Pablo ir<sub>u</sub> pijimonae tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomona Juan Marcos w<sub>u</sub> pona. Barapoxonae Jerusalén tomara bewarapiya. <sup>14</sup> Nexata Pablo ir<sub>u</sub> pijimonae tatsi Antioquía tomara be-iyiya. Barapo tomara Pisidia nacua nacacuita ecabe. Barapo matabitha, po matabitha pentaquei seicae matabitha, judiomonae pia penacaetutsi botha tatsi pata, yawa enoundeca. <sup>15</sup> Baraxota ich<sub>u</sub>n yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeba. Bapoxonae poxonae najume weta pentacaponawewi, pomona peyabara umenawewi penacaetutsi bo, barapomonae Pablo wabatsi ir<sub>u</sub> piamonae tatsi wabatsi. Barapomonae jeye:

—Pata tajiwimonaem, icha paxeiname diwesi, po diwesi xua barapomonae pej<sub>u</sub>nt<sub>u</sub> coyene tsacabiwatsi xua j<sub>u</sub>ntema pejinompaewa nexa barapomonae pomonae xote ene, bara moya papaebare barapo diwesi, jei barapomonae.

<sup>16</sup> Nexata Pablo asiya uncu. Pecobetha jume matawenta xua moya peenaenexa. Pablo barai, jeye:

—Incane pajume taema, israelmonae pam, ir<sub>u</sub> paxamno pomona Nacom abe paca necaexanaeyainwa pam xua icha abe paexaname, pomonae judiomonae jopa naexanaeyo pam. <sup>17</sup> Wamo susato jiwi, pomonae Israel piamonae, barapomonae Nacom cana exana xua barapomonae nayoyotapona beya xua pin bicheito naexanapona, poxonae cataunxuae Egipto nacuatha jinompa. Nacom itapeta waba barapomonae, xua petanaexanaenexatsi pijimonae jiwana

tatsi. Daxota Nacom pia peayapusuwatha wamo jiwi capanepatsi Egipto nacua weya. <sup>18</sup> Wamo jiwi ira xuepana susato tsurucuae nacua beya warapa cuarenta po weibe. Nacom yaweneiba barapomonae bequein barapomonae abe exaneiba cuarenta po weibe. <sup>19</sup> Wamo susato jiwi tsimaxu dubatsi Nacom poxonae jutebatsi Canaán nacuamonae. Nacom caewitaxuba Canaán nacuamonae siete po bicheito matabuxuyobe. Wamo susato jiwi barapo ira xuya catatsi, Nacom cata. <sup>20</sup> Daxita baraxua Nacom exana barapomonaetha cuatrocientos cincuenta po weibetha.

“Bapoxonae Nacom jiwana cana exana pomonae jiwi peyabara paebiwichi xua penatsicuentisiwa xua abe peexanaexae pentacainompaenexa tsane barapomonae. Nacom baxua exana beya poxonae pon pewun Samuel popona pon Nacom pia peitorobi jume pepaebin. <sup>21</sup> Nexata israelmonae Nacomtha wuca pon be yatsicaya barapomonae barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pewun Saúl, Cis pexanto tatsi, pon Benjamín pia pemomoxi susato jiwana tatsi. Bapon Saúl, pon jiwi itorobiya pia pepa peewatsin naexana cuarenta po weiyobe. <sup>22</sup> Bapoxonae Saúl cui matawentatsi Nacom abe peexanaexae. Equeicha exana ichun pon jiwi itorobiya pia pepa peewatsinchi, pon pewun David. Nacom yabara jume jei David: ‘David tan, pon Isaí pexanto. David netsita juntu coyene xanepana yawa wanae exanano. David itapeta exanaena daxita pocotsiwa ichichipan’, jei Nacom. <sup>23</sup> David pia pemomo susato jiwana tatsi, bapon pewun Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamonae. Baraxua caena bayatha Nacom yabara tsiwuna muxu duta. <sup>24</sup> Pewunaeya poxonae Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa nacui barapentsina abe peexanae cuiru coyenein xua Nacom petsita xeinaenexatsi icha juntu coyenein, xuano xua bewa pinae nabautisabina. <sup>25</sup> Poxonae Juan bara imoxoyo tupa, jeye: ‘jJopa daponyo xan, pon xua payabara nanta xeiname, pon Mesías baraichi. Cotacaya ichun patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu mxi isanaxubiwa tsane pia penataxu xatatsiwa tatsi’, jei Juan”, jei Pablo.

<sup>26</sup> Equeicha Pablo jeye: “Tamonae pam, Abraham pia pemomoxi susato jiwi tatsi pamxaem, iruxu pomonae Nacom abe paca necaexanaeyainwa pam xua icha abe paexaname. Nacom pacata itoroba barapo pecapanenebiyae

diwesi jume po diwesi Juan yabara paeba. <sup>27</sup> Barapomonae pomonae Jerusalén tomaratha jinompa iru pia pentacapon-aewi tatsi jopa Jesús yaitaetsi po coyene xua bapon apara Mesías. Matautano barapomonae jopa yaputaeyo xua bayatha Nacom peitorobi jume pepaebiwi yabara wuna tsiwanaya paeba xua bexa Jesús cana exanaeinchi. Pentaquei seicae matakabitha poxonae ichamonae yoroba po diwesi xua Nacom pia peitorobi jume pepaebiwi tina, judiomonae pia penacaetutsi botha tatsi barapomonae jopa yabara yaputaeyo barapo diwesi. Poxonae Jesús naetotha tɔparucua exanatsi, barapomonae nanta jɔpiya exana Jestustha icha be pocotsi coyeneya bayatha Nacom pia peitorobi jume pepaebiwi paeba. <sup>28</sup> Barapo judiomonae jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomonae Pilato wɔcatsi xua Pilato itorobina soldadomonae xua Jesús pebexubiwa tsainchi. <sup>29</sup> Barapomonae exana daxita po coyene bayatha xua Jesús yabara wuna tsiwanaya paebatsi Nacom Pejume Diwesitha. Barapoxonae Jesús pijimonae petɔpaein naeto wepichicatsi. Pijimonae mɔthɔtha xotsi petɔpaein pitapatororo mɔthɔtha. <sup>30</sup> Ichitha Nacom, Jesús equeicha caewa asɔ exanatsi petɔpae cuiru coyene weya. <sup>31</sup> Matha cain Jesús puna jinompeibatsi ichamonae poxonae Galilea nacuatha popona, Jerusalén tomarathano. Barapomonaetha equeicha Jesús tsita naitata ducuanabiya ainya matakabi dapaein. Pomonae Jesús bayatha tsita naitata, barapomonae apara pomonae xua anoxuae daxita tomaran tsipaeba dubenanaebiya Jesús yabara.

<sup>32</sup> “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiwuna muxu duta wamo susato jiwitha. <sup>33</sup> Baxua Nacom exana poxonae Jesús equeicha asɔ exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha tina Nacom Pejume Diwesitha xua salmos penaxuna weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei. <sup>34</sup> Nacom, Jesús asɔ exanatsi, xua equeicha jopa petɔpaenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiwuna muxu dutan’, jei. <sup>35</sup> Daxota pon xua tina salmos penaxuna weixi diwesintha, barapo diwesintha Nacom baraichi: ‘Jopa copat-sim xua nexanto petsabanuncuawa tsane pon bichocono pejɔntɔ coyene xanepanaein’, jei. <sup>36</sup> Xainyei, David exana xua Nacom ichipa poxonae barɔ popona Israel nacuapiwi. David bayatha tɔpa. Mɔthɔtha xotsi ichaxota pamo jiwi tatsi yamɔthɔ umena. Yawa bayatha tsabanuncua. <sup>37</sup> Ichitha

barapo pepon po pepon Nacom asu exana, barapo pepon jopa tsabanaeyo. <sup>38</sup> Tamonae pam, maisa bepayabara yapuraena name Jesús po coyene xua bapon Jesús pacata cayawa tupa abe painya neexanae cuiru coyenein xua daxota Nacom junte maina barapo abe painya neexanae cuiru coyenein. <sup>39</sup> Tsipei Jesús tupa daxota daxita pomonae jume cowanta bapontha, Nacom juntu coyene wunaetsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi juntu coyene xanepana exanaetsi abe pia peexanae cuiru coyenein tatsi weya. <sup>40</sup> Dota, icha metha jopa Nacom pajume cowantsipaem, bara paichim tsipae icha be pocotsi coyeneya bayatha pomonae Nacom peitorobi jume pepaebiwi yabara tina. Namchiya tina, jeye:

<sup>41</sup> ‘Ja, jiwi pecui caponaemonae pam, bara pana nabenaecare, pawerapare. Xan, Nacom, anoxuae exanaein bichocono pepa pewunaewa poxonae cataunxuae pajinompame. Baxua xua exanan, jopa pajume cowantsim, bara bequein ichamonae paca tsipaeba’, jei Nacom”, jei Pablo.

<sup>42</sup> Pablo, iru pia pepuna ponaewichi daxita barapoyobe judiomonaе pia penacaetutsi bo tatsi wejojoniya. Pomonae baxota umena pomonae jopa yacuiya naexanaeyo xua judiomonaе penaexanaewa, barapomonae Pablo wucatsi xua bepa pinae Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicae matacabitha. <sup>43</sup> Poxonaе najume weta Pablo iru Bernabé, puna poinchibe judiomonaе iru pomonae jopa judiomonaе naexanaeyo. Barapomonae Nacom jume cowanta nawita icha judiomonaе ichi. Pablo Bernabeno tsipaebabe barapomonae: “Nacom pajume cowanta dubenanaebiyama xua Nacom wunaе pia pacata exanaenexa painya juntu coyeneintha pia paca necaantobexae”, jeibe.

<sup>44</sup> Icha matabi, po matabitha pentaquei seicae matabitha, pin bicheito pomonae tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi. <sup>45</sup> Ichitha poxonaе judiomonaе pinmonae necota, jume uwa tsipei pinmonae nacaetuta pejume taenexatsi Pablo. Pablo jume matawentatsi xua paeba yawa tsumu jume baru paebatsino. <sup>46</sup> Nexata Pablo Bernabeno tsipaebabe barapomonae. Jopa auriya paebiyobe. Jeibe:

—Bara xanepana xua copiya Nacom Pejume Diwesi paca tsipaebatsi pomonae judiomonae pamxaem. Daichitha, jopa bepajume taem barapo diwesi tsipei jopa paichichipaem xua painya nexainaewa peajuntayarusawa po peajuntayarusawa ataya tsiteca. Daxota anoxuae ichamonaetha pata tha ponaetsi pomonaetha pomonae jopa judiomonae naexanaeyo. <sup>47</sup> Pata Tanecanamataxeinaein Nacom pana itoroba. Pana baraino, jeye: ‘Paca exanatsi xua painya neyawenaewa daxita pomonae jopa judiomonae naexanaeyo xua xanepanaeya pejinompaenexa tsane. Mataantano paca exanatsi xua beta painya netsipaebinexa Nacom Pejume Diwesi daxita nacuantha, xua jiwi pecapanenebiyaenexa tsainchi Nacom abe pia peexanae cuiru coyenein weya tatsi’, jei Nacom, jei Pablo.

<sup>48</sup> Poxonae baxua jume taerucupa, pomonae jopa judiomonae naexanaeyo, barapomonae bichocono juntay coyene weiweinarucupa, juntema jinompano. Pablo tsipaebatsi: “Nacom Pejume Diwesi jume xeica. Bichocono jume wunaey”, jei. Daxita barapomonae jume cowanta pomonae Nacom cuita itapeta petaxeinaenexa tsainchi peajuntayarusawa, po peajuntayarusawa ataya tsiteca. <sup>49</sup> Barapomonae pomonae Jesús pejume cowantsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein. <sup>50</sup> Ichitha judiomonae anaepana exana yabaxi powaxi Nacom cananta xeinatsi bichocono. Yawa pebiwi pomonae peainya cui jiwi, barapo pebiwi anaepana exanatsiru. Iru judiomonae Pablo Bernabeno abe yabara cueicueijeichibe, daxota daxita jiwi Pablo iru Bernabé casebatsibe. Barapo jiwi Pablo Bernabeno itawetaxotsibe pia nacua beya. <sup>51</sup> Nexata Pablo Bernabeno nataxununtababe tsorobo. Baxua exanabe petsita itapeinya xeinaenexa po coyene bapomonae abe exana poxonae jume itaweta Nacom Pejume Diwesi. Barapoxonae warapabe Iconio tomara beya. <sup>52</sup> Ichitha pomonae Jesús jume cowanta, barapomonae bichocono juntay coyene weiweina. Mataantano barapomonae juntay coyene yucatsi Nacom pia Pejumope tanaexa tatsi.

## 14

*Meje yabara poxonae Pablo Bernabeno Iconio tomaratha pononabe*

<sup>1</sup> Iconio tomaratha Pablo Bernabeno judiomonae pia penacaetutsi botha tatsi joniyabe. Beta paebabe daxota pinmonae Jesús jume cowanta. Judiomonae jume cowanta, iruru pomonae jopa judiomonae naexanaeyo jume cowanta Jesús. <sup>2</sup> Ichitha po judiomonae jopa Jesús pejume cowantsiwichi barapomonae cui tsacaba pomonae jopa judiomonae naexanaeyo cui tsacabatsi. Daxota barapomonae pomonae jopa judiomonae naexanaeyo abe yabara nanta xeina xua pomonae Jesús pejume cowantsiwi tatsi abe yabara nanta xeinatsi. <sup>3</sup> Pablo Bernabeno barapo tomaratha ecabe. Ainya matakabi dapaein baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayapusawa peexanaenexabe pexeinya petsita itutsi coyenewan. Poxonae jiwi cui tane xua baponbe exanabe, barapo jiwi yaputane xua Nacom yawena baponbe, peantobexaetsibe. <sup>4</sup> Daxita jiwi tomaratha be ainya jiwibe natsababe. Ichamonae judiomonae ichichipa. Ichamonae Jesús pia peitorobi jiwi tatsi ichichipa. Daxota ainya bicheitobe nacana exanabe. <sup>5</sup> Nexata bapoxonae judiomonae iruru pomonae jopa judiomonae naexanaeyo peburaya yabara jume baru nanta xeinarucupa xua pentacaponae wi paeba po coyene xua Pablo yawa Bernabé abe peexanaewa tsainchibe xuano xua ibotontha pecuinbabinexatsibe. <sup>6</sup> Poxonae Bernabé Pablobe jume taebabe nainya naetsirucuabe Lистра tomarabe beya, Derbe tomarabe beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha. <sup>7</sup> Barapo tomarantha cuiduba ducuaenaebiyabe Jesús pia pexeinya jume diwesi tatsi.

*Meje yabara poxonae Pablo Lистра tomaratha ibotontha cuinbabatsi*

<sup>8</sup> Lистра tomaratha pebin popona pon pemabinchi, pon xua jopa peponaein. Bapon pexuyotha caena yawa naexaneca, xuano bapana jopa ponae. <sup>9</sup> Bapon pon pemabinchi Pablo jume tainchi xua pocotsiwa cueicueije. Pablo pemabinchi tane. Pablo nanta xeina, xua pon pemabinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemabinchi. Daxota bichocono Pablo naita cui duya bapontha beya. <sup>10</sup> Nexata Pablo jume daunweya barai, jeye:

—Asiya uncuare, jei.

Pon pemabinchi asiya uncuatabiya jirawana yawa nainya ponano. <sup>11</sup> Poxonae Pablo cui tainchi barapomonae, jume daunweya wawai pin jumetha, Licaonia pijumetha tatsi:



—¡Nacombe be pebin j̄uta tsecae waxainya berena patopabe! jei.

<sup>12</sup> Barapomonaē namchi: “Maisa Bernabé bara mexeya nacom tsecae, po nacom pew̄n Zeus. Ir̄u Pablo bara mexeya icha nacom tsecae, po nacom pew̄n Hermes”, jei. Barapomonaē bapo w̄n duta poxoru tsipei Pablo penantacapaēbin tsecae. <sup>13</sup> Ir̄u barapo nacom Zeus pia sacerdotemonae pin xeinara, pon Zeus w̄nae jainteibatsi pia penacae tutsi bo tatsitha. Barapo penacae tutsi bo uncua tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacae tutsi botha tatsi. Barapo tomarapiwi ir̄u Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo ir̄u Bernabé nexabe pia Pablo ir̄u Bernabé yabara nanta xinaebe barapomonaē xua barapomonaē bara pej̄nt̄u coyene xanepanaewi. <sup>14</sup> Bernabé Pablobe jume tanebe xua taexanaeinhibe baxua barapomonaē. Bapoxonaē anaya nama paparuwa tsitsinaxubabe. Cuinaeponaya wawaibe poxoru aichaxaibibe xua baxua barapomonaē exanaena. Jeibe:

<sup>15</sup> —¿Eta xua daxua pana canautame? Apra saya jiwi panbe. Be paxam paichim bara paichinbe. Papatopanbe tsipei apra pata paca catsipaēbinexa tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peant̄ucuiyap̄us̄n, exana peitaboco, iranno, pin mēinno. Daxita xua xuanno yawa muxuna dubena tsiniya Nacom bayatha exana. <sup>16</sup> Waw̄naeya Nacom cui copata daxita nacuapiwi xua bara pejinompaenexa icha be pocotsi coyeneya ichichipa xua pejinompaewa. Daxita jiwi pia cui nata exana saya. <sup>17</sup> Nacom xua pew̄naewan nacopiniwa tsita it̄uba daxota jiwi naita cui coyene tane xua Nacom exana. Barapon Nacom apra pon ema pacata itorobica, pexuwiwanno paca tsijain exaneica catsicano. Pexaewa paca cata. Paca j̄nt̄u coyene weiweina exana, jei.

<sup>18</sup> Bequein Bernabé Pablobe jume daunweya yabara pae babe baraxua, awiya barapomonaē ichichipa jutebina vaca pebton xuano xua w̄nae pejainchinexatsibe Pablo ir̄u Bernabé. Barapomonaē muxu pejutebi vaca daichitha jopa jutebiyo.

<sup>19</sup> Bapoxonaē judiomonaē pomonaē jopa pejume cow̄ntsiwi, Antioquía tomara weparena, ir̄u Iconio tomara weparena. Daxita barapo judiomonaē Listra tomarapiwi bar̄u cueicueijeichi pebar̄u anaepanaenexatsibe Pablo ir̄u Bernabeno. Nexata barapomonaē Listra tomarapiwi

ibotontha cuinbabatsi Pablo. Barapomonaē najuntū coyene xeina xua bayatha tupa Pablo. Pablo tomara coiboto juma bejojontapoinyatsi. <sup>20</sup> Jesús pejume cowantsiwichi Pablo cacuita mata wacaicha umenarucupatsi. Bapoxonaē Pablo asiya uncuataba. Equeicha tomara bepoinya. Icha mataqueitha Bernabé Pablobe Derbe tomara beya ponabe.

<sup>21</sup> Barapoxonaē Bernabé Pablobe muxu tsipaebabe Jesús pia pexeinya jume diwesi tatsi. Pinmonaē jume cowanta Jesús. Equeicha bapoxonaē Listra tomara beya, caibeya ponabe. Iconio tomarano, Antioquía tomara beyano bara bewarapiyabe. <sup>22</sup> Bernabé irū Pablo barapo tomarantha juntū coyene tsacababe pomonaetha pomonaē pejume cowantsiwi xua xanepanaya pejinompaewa tsane. Matautano cui itorobabe barapomonaetha xua bewa barapomonaē beta xanepanaya jume cowanta dubenanaebiyaena. Barichino matautano tsipaebabe xua pinaē poxonaē ichamonaē pepatsiwa tsane Nacom pia peitorobi nacua beicha bewa matha ajuntūcoyenetane exaneibinchi xua ichamonaē taexanaena. <sup>23</sup> Bernabé Pablobe tamroropata itapeta tsiniyabe pitiri jiwi daxita Jesús pejume cowantsiwi pia penacaetutsi bontha. Barapo pitiri jiwi itapetatsi peyawenaenexa xua peyawenaenexatsi pomonaē Jesús pejume cowantsiwi. Poxonaē daxita najume weta xua Nacomtha petsipaebiwa, xuano xua yabara nainbota pitiri jiwi nexa, barapoxonaē Pablo irū Bernabé, Nacom pon Pecanamataxeinaein jiwi, jeichichi: “Nacom, barapo pitiri jiwi beta eenare jinya necajume cowantsixae”, jeibe.

*Meje yabara poxonaē Bernabé irū Pablo Antioquía tomaratha equeicha caibe patopiyabe xua po tomara peecaexae Siria nacuatha*

<sup>24</sup> Copiya matha Pisidia nacua bewarapiyabe. Bapoxonaē Panfilia nacuatha patopabe. <sup>25</sup> Jesús pia pexeinya jume diwesi tsipaebabe Perge tomaratha. Barapoxonaē equeicha Atalia tomara bewarapiyabe. <sup>26</sup> Baraxotiya Atalia tomaratha Antioquía bewarapiyabe jeratha, po naetha po nae pin nae. Antioquía tomara barapo tomara ichaxota bayatha matha barapomonaē Bernabé irū Pablo tawacatsibe Nacomtha poxonaē juntucuru warapabe. Bayatha cain barapo Antioquía tomarapiwi tawaca Nacomtha, xua Nacom beta eenaena peantobexae xua Pablo irū Bernabeno beta eenaechibe poxonaē naceutabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichiwabe bayatha wetabe. <sup>27</sup> Bernabé irū Pablo poxonaē patopabe Antioquía tomaratha caetutabe pomonaē pejume cowantsiwi Jesús. Baponbe barapomonaetha tsipae-

babe po coyene bayatha Nacom Pablo iru Bernabé taexanat-sibe. Matautano tsipaebabe xua Nacom pon Pecanamataxeinaein jiwi, pomonae jopa judiomonae naexanaeyo tacopatatsi xua iru barapomonae peitacupaewatsi xua pejume cowantsinexatsi Jesús. <sup>28</sup> Bernabé iru Pablo baraxotiya ainya dapaein naecabe barapomonae pia xantha tatsi pomonae Jesús pejume cowantsi jiwichi.

## 15

*Meje yabara poxonae nacaetuta Jerusalén tomaratha Jesús pia peitorobi jiwi tatsi iru penapatae jiwi*

<sup>1</sup> Barapoxonae iru pebiwi, pomonae Judea nacuatha jinompa, pata Antioquía tomaratha. Barapomonae tamropata notarucupa xua pecuidubiwa pomonaetha pomonae iru pejume cowantsiwixae Jesús. Jeye: “Icha paichichipame xua painya nepaca capanenebiwa matha pana nawi thabare pebiwi pam ichaxota pana nareixacaename icha be ichi pocotsi coyeneya bayatha Moisés paca itoroba”, jei. <sup>2</sup> Pablo iru Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomonae. Daxota Pablo iru Bernabé wan dutatsibe, iru ichamonae wan dubatsi xua daxita barapomonae peponaenexa Jerusalén tomara beya. Matautano barapomonae itorobatsi xua barapo penawi thabi coyene yabara petsipaebinexatsi Jesús pia peitorobi jiwi tatsi, iruru pitiri jiwi petsipaebinexatsi pomonae penacaetutsi jiwi jiwana xua Jerusalén tomaratha.

<sup>3</sup> Barapo Antioquía tomarapiwi pomonae Jesús pejume cowantsiwi pu taeumena. Pablo iru Bernabé iru icha pebiwi pu taeumeinchi. Barapoxonae Pablo Bernabeno iru icha pebiwino warapa. Barapomonae siwa pona Fenicia nacua beya, Samaria nacua beyano. Barapomonae Pablo Bernabeno tsipaebabe, jeibe: “Pomonae xua jopa judiomonae naexanaeyo, barapomonae pia cui coyenein nacui barapenta po coyenein xua jume cowanta bayatha pia jume cowantichi Nacomtha”, jeibe Pablo, Bernabeno. Daxita pomonae iru pejume cowantsiwixae Jesús bichocono juntu coyene weiweina poxonae jume tane baxua.

<sup>4</sup> Bernabé iru Pablo poxonae patopabe Jerusalén tomaratha, pomonae pejume cowantsi jiwi baponbe matenta weiweinaya wabatsibe. Iruu Jesús pia peitorobi jiwi tatsi matenta weiweinaya waba. Barichiru pitiri jiwi matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbetha. <sup>5</sup> Ichitha ichamonae fariseomonae, pomonae

bayatha jume cowanta Jesús, asiya umena. Barapomonaenamchi, jeye:

—Pomonaenajopa judiomonaenaexanaeyo pomonaenajume cowantsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

<sup>6</sup> Bapoxonaenajesús pia peitorobi jiwi tatsi iru pitiri jiwimonaeno nacaetuta peyabara paebinxabarapo penawithabi coyene. <sup>7</sup> Caena bayatha bapomonaenajume matsonobompa. Bapoxonaenapedro asiya uncuataba. Barai barapomonaetha, jeye:

—Tamonaenapam, pomonaenairu painya nejumecowantsiwixae Jesús, paxam payaputaneme, xua caenabayatha Nacom neitapeta painya xantha. Newabatacueicueijeinexatsane Jesús pia pexeinya pecapanenebiyae diwesi jume pomonaetha pomonaenajopa judiomonaenaexanaeyo, xua iruru barapomonaenajume cowantsinexabarapo diwesi. <sup>8</sup> Nacom pejuntu coyene yaputaeinjiwidaxota naca yaputane exana xua bapon tsitatsi xubarapomonaenajuntu coyene xanepanaewibequeinjopa judiomonaenaexanaeyo. Nacom baranajumope tuxaxu cata barapomonaetha icha matha naca cana ichi. <sup>9</sup> Nacom bichocono antobe barapomonaenacha ichi xua bichocono naca antobe. Nacom juntu coyene puxana exanabarapomonaenaxua abe pia peexanaecuiru coyenein tatsipejume cowantsixaetsi icha naca ichi. <sup>10</sup> Maisa anoxuae jopabepayabara yaputaem pocotsiwa Nacom exana. Matautano barapo nejume cowantsiwi pomonaenajopa judiomonaenaexanaeyo pacui itorobame xua penawithabiwa xua ichaxota nareixacaena xua ichaxota pebiwichi xeinatsi. Matautano be paca ita cui jicha xubarapomonaenabewa exanaena pocotsiwa Moisés itoroba. Aparabaraxuajopana itacupaeyo xua waexanaewa. Iru ru wamo susato jiwi jopaitacupaetsi xua peexanaewa baxua. <sup>11</sup> Nama apara waxainchi wanacacapanenebiyaejiwichi xua saya amanaya xua Jesús pon jiwi Pecanamataxeinaein peichichipaexaebaxua. Barapo nejume cowantsiwi irubaracana ichichi, jei Pedro barapomonaetha.

<sup>12</sup> Bapoxonaenabarapomonaemoya umena. BarapomonaenBernabé iru Pablo jume taeumenatsibe. Tsipaebabe: “Paponeibanbepomonaetha pomonaenajopa judiomonaenaexanaeyo. Paexaneibanbepomonaetha pexeinya petsita itutsi coyenewan Nacom pia peayapusuwiyathatatsi”, jeibe.

<sup>13</sup> Poxonae Bernabé iru Pablo najume wetabe xua paebabe, bapoxonae Santiago namchi, jeye:

—Tamonaē pam, pomonaē iru painya nejume cowantsiwixae Jesús, pana nejume taema: <sup>14</sup> Simón Pedro aunxuae naca tsipaeba. Pedro namchi: ‘Poxonae Nacom copiya tamropata pitaba xua yawena pomonaē jopa judiomonaē naexanaeyo, Nacom jiwana itapeta pomonaē xua peantobenexa tsainchi bapon’, jei Pedro. <sup>15</sup> Xuaunxuae Pedro paeba caena bayatha Nacom pia peitorobi jume pepaebiwi yabara tsiwinae muxu dutsiya tina Nacom Pejume Diwesitha xua Nacom nexa, jeye:

<sup>16</sup> ‘Poxonae daxita baraxua wetsina, xan Nacom equeicha patoparecaein. Exanaein xua caein, pon David pia pemomo jiwi tatsi jiwana matacapoponaena piamonaē, icha matha David ichi poxonae piamonaē matacapopona.

<sup>17</sup> Poxonae baraxua exanaein, barapoxonae ichamonaē pomonaē jopa judiomonaē naexanaeyo newenawenei tsane pia tanejume cowantsinexa tsane. Barapomonaē pia Pecanamataxeinaein tatsi naexanaein taitapetsixae barapomonaē.

<sup>18</sup> Nacom pon jiwi yaputaeya exanatsi barapo coyenein caena bayatha pepaebixae baxua daxota xaniwaicha Nacom exanaena’, jei Nacom pia peitorobi jume pepaebiwi, Nacom Pejume Diwesitha xua Nacom nexa, jei Santiago.

<sup>19</sup> Santiago cataunxuae awiya cueicueije, jeye: “Daxota nanta xeinan, equeicha waxainchi jopa bewa itorobi tsainchi pomonaē jopa judiomonaē naexanaeyo xua peexanaewa po coyenein xua taayapubetsi. Barapomonaē nacui barapenta pia cui coyenein po coyenein xua jume cowanta bayatha pia jume cowantichi Nacomtha. <sup>20</sup> Betatinaetsipatsi carta pomonaē jopa judiomonaē naexanaeyo. Barapo cartatha jeichipaetsi: ‘Jopa equeicha pewi paxaeinde po wi jiwi tajeba ibo nacom nexa. Painya xoba yabuxi panotame po yabuxi jopa painya seurixi. Painya xoba duwei pawu xaneme pon saya pipato tupa xuano pon saya bunopa. Matautano jopa paxaeinde pejanan’, bejei tsipaetsi. <sup>21</sup> Baraxua bewa exanaetsi poxoru caena cain bayatha pomonaē Nacom Pejume Diwesi pecanatsipaebi jiwi yorobeiba barapo diwesi judiomonaē pia penacaetutsi bontha tatsi. Daxita tomarantha xua po matacabintha pentaquei seicae matacabintha barapomonaē yorobeiba Nacom Pejume Diwesi, po diwesi

xua Moisés tina bayatha pocotsiwa yabara tsiwanae muxu duta Nacom”, jei Santiago.

*Meje yabara poxonae barapo bicheito carta tatina pomonaetha pomonae jopa judiomonae naexanaeyo*

<sup>22</sup> Jesús pia peitorobi jiwi tatsi iruru pitiri jiwi, iru daxita pomonae pejume cowantsiwi juntucuru najiwana itapeta. Bapoxonae xua Antioquia tomara beya penajiwana itorobinexa Pablo iru Bernabé. Judas wan dutatsi pon icha wan Barsabás. Iru Silas wan dutatsi, baponbe ponbe bichocono peainya cui jitonbe xua pomonae iru pejume cowantsiwi pia xantha tatsi. <sup>23</sup> Jesús pia peitorobi jiwi tatsi iruru pitiri jiwi, iru pomonae Jesús pejume cowantsiwi, barapomonae carta tina xua pecaitorobinexa xua Pablo iru Bernabé iru Judas iru Silas barapoyobe pecaitorobinexatsi. Barapo carta namchi, jeye:

“Paxan Nacom pia peitorobi jiwi tatsi pan, iru pitiri jiwi panno xua nacaemonae jiwichi xua wajume cowantsiwichi Jesús. Paxan pajacoban patamonae pomonae jopa judiomonae naexanaeyo pomonae iru Jesús pejume cowantsiwichi, pomonae pejinompaexae Antioquia tomaratha, xuano xua pejinompaexae Siria nacuatha, Cilicia nacuathano. <sup>24</sup> Payaputan ichamonae xua patamonae pata tomara weya pipato paca siwa pona painya tomara beya. Paca cajume acaura. Barapomonae namchi: ‘Pana nawi thabare. Matautano paexande pocotsiwa Moisés pia coyenewatha itoroba’, jei. Jopa paitorobinyo barapo jume. <sup>25</sup> Daxota be juntucuru pawanaein xua cuita pananta jupaya nanta xeinan. Paitoroban ichamonae pata xainya weya pia paca necataenexa tsane. Napuna ponabe Bernabé Pablono ponbe bichocono paantobein. <sup>26</sup> Baponbe Pablo iru Bernabé muxu pebocaebe xua pebexubiwatsibe pecueicueije tsurucuaenaebiyaexaebe Jesucristo nexa, pon Wanacanamateaxinaein. <sup>27</sup> Paitorobanbe Judas Silasno. Baraponbe saya pia coutha paca tsipaebinabe daxita xua barapo cartatha papaeban painya neyaputaenexa. <sup>28</sup> Paxan iru Nacom pia Pejumope tuxaxu tatsi pananta jupaya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya u baxua xua pacata tinatsi po cartathe baxua panantawenoname xua painya neexanaewa tsane. <sup>29</sup> Painya xoba paxaneme pewi po wi jiwi tajeba ibo nacom nexa poxonae tauta barapo duwei xua tuxusi exana barapo ibo nacom nexa. Barichi painya xoba duwei paw xaneme pejanano po duwei pipato tuxumena. Matautano ichamonae painyamonae jiwana pia xoba nota yabuxi powaxi jopa

piseurixi tatsi. Icha baraxua panacui barapentsiname xanepanaya pajinompaename. Baja”, jei barapo cartatha.

<sup>30</sup> Bernabé iru Pablo, iru Judas Silasno barapomonaeyobe peitorobixaetsi bara Antioquia tomara be-iyiya. Barapo tomarathiya barapomonaeyobe caetuteta pomonae pejume cowantsiwi. Matautano barapomonaeyobe barapo carta cata barapomonaetha. <sup>31</sup> Pomonae iru pejume cowantsiwixae Jesús bara yoroba barapo carta. Barapomonae bichocono juntu coyene weiweina tsipei barapo cartatha cui matateicaeya yabara paebatsi. <sup>32</sup> Judas iru Silas peitacupaexaetsibe xua beta petsipaebiwabe Nacom Pejume Diwesi xua Nacom yaputane exana, daxota juntu coyene tsacababe barapomonaetha pomonae iru Jesús pejume cowantsiwi tatsi xua beta pejinompaewa tsane. Matautano baponbe cui matateicabe. <sup>33</sup> Barapoyobe barapo pejume cowantsiwitha naecabe caena bayiyo. Barapoxonae barapomonaeyobe pomonae pejume cowantsiwixae Jesús barapoyobe juntu coyene xanepanaya pu napeyabatsi xua penawibiyaexae caibeya ichaxota werena bayatha pomonae peitorobirenaexaetsi. <sup>34</sup> Ichitha Silas juntucuru narunta. <sup>35</sup> Pablo iru Bernabé Antioquia tomaratha ecabe. Baponbe iru ichamonaeno pomonae pinmonae, daxita barapomonaeyobe cuiduba dubenanaebiya yawa tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

*Meje yabara poxonaeyobe Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueijiwa nexa*

<sup>36</sup> Pirapaeyo icha mataqueitha, Pablo barai, Bernabé baraichi, jeye:

—Antho equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomonaeyobe, jei Pablo.

<sup>37</sup> Bernabé ichichipa xua puna poinchibe pon Juan, pon icha wunno Marcos. <sup>38</sup> Ichitha Pablo jopa ichipaeyo xua pebaru ponaewatsi Juan Marcos tsipei bayatha Panfilia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi. <sup>39</sup> Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya. <sup>40</sup> Barapoxonae Pablo cuita waba Silas. Antioquia tomaratha pomonae pejume cowantsiwixae Jesús, Pablo Silasno tatsipaebatsibe Nacomtha xua Nacom peenaenexa peantobexae xua Pablo iru

Silas peenaenexatsibe poxonae cueicueijeibe Nacom Pejume Diwesi. <sup>41</sup> Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomona pejume cowantsiwi Jesús xua beta pejinompaewa nexa.

## 16

*Meje yabara poxonae Timoteo cueyata, Pablo iru Silas cueyatatsibe*

<sup>1</sup> Pablo iru Silas Derbe tomaratha patopabe. Equeicha bapoxonae Listra tomaratha patopabe. Baraxota Listra tomaratha caxinabe pebin pon pejume cowantsin Jesús. Bapon pewun Timoteo. Pena tatsi saya judiomonaewayo. Barapowa iru pejume cowantsiwayo Jesús. Timoteo paxa tatsi griegomonaepin. <sup>2</sup> Jesús pejume cowantsiwi, pomona jinompa Listra tomaratha, iru pomona Iconio tomaratha jinompano, barapomona Timoteo beta yabara paebatsi xua pinae pejuntu coyene xanepanaein. <sup>3</sup> Pablo ichichipa xua bepuna ponaichatsi Timoteo xua peyawaenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xeina. Pablo baxua exana tsipei jopa ichipaeyo xua judiomona anaepana peexanaewa tsainchi xua jopa pewi thabixae tsipaetsi Timoteo. Tsipei Pablo yaputane xua judiomona nawita ichaxota poneibinabe. Barapomona judiomona nawi thabeiba tsipei pia cui. Matautano barapomona judiomona yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomona jopa daxua exaneibiyo. <sup>4</sup> Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomona Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxonae nacaetuta Jerusalén tomaratha pomona pejume cowantsiwi Jesús. <sup>5</sup> Daxota pomona penacaetutsi jiwi bara xanepanaya beta jume cowanta. Daxotano pinmonae jume cowanta. Daxita matabi mataropeicha pinmonae tsopona xua jume cowantapona Jesús.

*Meje yabara poxonae Pablo camaita Macedonia nacuapin*

<sup>6</sup> Nacom pia Pejumope tuxaxu tatsi Pablo jopa copatichi xua pecueicueijeiwa tsane Nacom pejume diwesi Asia nacuatha. Daxota Pablobaru Frigia nacua iya pona xuano xua Galacia nacua iya pona. <sup>7</sup> Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumope tuxaxu tatsi apusiwa. <sup>8</sup> Daxota Misia nacua iyiya. Troas



tomaratha mene itapatha pata. <sup>9</sup> Baraxota merawi Pablo camaita pebin pon Macedonia nacuapin. Bapon Macedonia nacuapin nantacotuncua. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo. <sup>10</sup> Pablo camaita bapon, daxota paxainxainyan xua pata warapaenexa Macedonia nacua beya. Ir<sub>u</sub> xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicueijeiva tsane Jesús pia pexeinya jume diwesi tatsi.

*Meje yabara poxonae Pablo ir<sub>u</sub> Silas Filipos tomaratha ecabe*

<sup>11</sup> Jeratha pawarapan, po naetha po nae pin nae. Paponar<sub>u</sub>span Troas tomara mene itapa weya. Weratha bopiya payiyan petunaeto cacuitiya Samotracia tunaeto. Icha matababitha papatan Neápolis tomaratha. <sup>12</sup> Equeicha baxotiya Filipos tomara bepaiyan, po tomaratha xua romanomonae cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matababin paenan. <sup>13</sup> Caentacabi, po matababi pentaquei seicae matababitha, tomara pepuya beya paponan mene itapa beya, ichaxota judiomonae Nacom w<sub>u</sub>queiba. Paenan baraxotiya. Jesús pejume diwesino pacueicueijan yab<sub>u</sub>xitha powaxi xua cou bayatha nacaetuta. <sup>14</sup> Barapowaxi caewayo jiwana pana jume tane. Barapowa pew<sub>u</sub>n Lidia, Tiatira tomarapiwayo. Barowa caenaeteiba parab<sub>u</sub>r<sub>u</sub>, po parab<sub>u</sub>r<sub>u</sub> m<sub>u</sub> tsobia po parab<sub>u</sub>r<sub>u</sub> ainya matoman. Barapowa w<sub>u</sub>nae jainteiba Nacom. Barapowa beta jume tane pocotsiwa Pablo paeba. Nacom pon jiwi Pecanamataxeinaein, barapowa icha j<sub>u</sub>n<sub>u</sub>t<sub>u</sub> coyene cana exanatsi xua peexanaenexa pocotsiwa Pablo paeba. <sup>15</sup> Barapowa bautisabatsi, yawa piamonae matab<sub>u</sub>x<sub>u</sub>yo tatsi bautisabatsi. Bapoxonae bapowa pana barai, jeye:

—Icha bara metha xaniwaicha pananta xeiname xua Jesús tajume cow<sub>u</sub>ntsiwayo, pon jiwi Pecanamataxeinaein, nexata antha tabothena pamaire, pana nejei Lidia.

Pecono jumeyothena pana barai, bepa pinae xua pia botha pamaichin.

<sup>16</sup> Icha mataqueitha poxonae namtothena paenaponan xua poxonae paponan ichaxota jiwi w<sub>u</sub>queiba Nacomtha, baxota yab<sub>u</sub>yo pacaxinan namtothena. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Matautano barapowayo paratixi caetuba pia pentacaponaein tatsi nexa xua bapowa pecueicueijeiji tsaibixae pocotsiwa cauri

yaputane exana. <sup>17</sup> Barapowa, Pablo, iru paxan pana pu wabapona. Bapowa wawaya namchi, jeye:

—¡Barapomonaе tanacuita Nacom nexa, po Nacom itabo-cotha eca! ¡Paca muxu tsipaeba Nacom pia pecapanenebiyae diwesi! jei barapowayo.

<sup>18</sup> Bapowa baxua exaneiba ainya matababin. Pablo amux-ufaetabi. Pablo barapowa taitaweta cauri. Pablo cauritha namchi, jeye:

—Jesucristo wuntha caitawetatsi. Naetsiriware. Xubari-ware bapowayo, jei Pablo.

Bara caena barapowayo copatabatsi cauri.

<sup>19</sup> Barapoxonaе yabuyo cui tainchi pia pentacaponawewichi tatsi xua equeicha jopa amanaya tacaetubi tsane paratixi barapomonaе nexa. Daxota Pablo Silasno waetabatsibe. Pematacaitorobi bicheito jiwi peitabaratha capoinchibe tomara panatha. <sup>20</sup> Barapomonaе Pablo iru Silas cuaranotatsibe peitabaratha tatsi pomonaе jiwi peyabara paebiwi xua penatsicuentsiwa xua abe peexanaexae. Barapomonaetha jeye:

—Baponbe judiomonaе jitonbe, watomaratha baponbe wamonaе cui tsacabatsi xua najume matsontsonoba. <sup>21</sup> Baraponbe pia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomonaetsi, jei barapomonaе.

<sup>22</sup> Bara nexata Pablo iru Silas baru anaepanaruchapatsibe jiwi. Matautano pomonaе jiwi peyabara paebiwi xua penatsicuentsiwa xua abe peexanaexae, barapomonaе ichamonaе cui itorobatsi xua Pablo iru Silas peuma xuenaxubinexatsibe paparuwa, bapoxonaе xua pecuainchinexatsibe iwatontha. <sup>23</sup> Matha bichocono cuaintatsibe. Bapoxonaе caponatsibe jiwi pecubi bo beya. Pon peyabara equeibin pomonaе cubebatsi jiwi pecubi botha bapon cui itorobatsi jeichichi: “Beta yapu eenare, xua jopa penaetsiriwanexabe”, jeichichi barapon. <sup>24</sup> Poxonaе bapon jume tane pocotsiwa pentacaponawewi cui itoroba, bapoxonaе po tutu taju beya baxota Pablo iru Silas cuaranoyatsibe. Bichocono naepawatha taxu cateitabetatsibe jiwi petaxu cateibabi naewatha.

<sup>25</sup> Papaetha Pablo iru Silas Nacomtha tsipaebabe yawa Nacom pijume weino naxunabe. Ichamonaе baraxota cubebatsi jiwi pecubi botha. Barapomonaе Pablo iru Silas jume tayenatsibe. <sup>26</sup> Barapoxonaе jemeicha bichocono jijiyataxuba. Ibowano jijiyataxubano xua botuxu peyutanotsiwa. Bapoxonaе jemeicha nainya saya dubenanaya peboupan. Matautano pomonaе jiwi pecubi botha jebatsi daxita taxu nain sarababatsi. <sup>27</sup> Pon peyabara equeibin pomonaе

cūbebatsi, bapon nacosataxuba. Bapon tane xua barapo jiwi pecūbi bo saya peboupa umenarꝥꝥpa. Bapoxonae pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno irꝥ ichamon-aeno. <sup>28</sup> Ichitha Pablo waba bapon pon peyabara equeibin pomonae cūbebatsi jiwi pecūbi botha, jeye:

—Jopa jinya coutha nabexubinde, tsipei apara cataunxuae xote pajinompan! jei Pablo.

<sup>29</sup> Nexata pon peyabara equeibin pomonae cūbebatsi jiwi pecūbi botha, wawaya namchi, jeye: “Painta itanatabare”, jei. Jijiyeya cuinaepondena. Pablo irꝥ Silas imoxoyo petaxutha pentabocototha caquita tauncuatabatsibe. <sup>30</sup> Bapoxonae bapon pon peyabara equeibin pomonae cūbebatsi jiwi pecūbi botha, bapon Pablo irꝥ Silas pesato becayatsibe. Pablo irꝥ Silas baraichichibe, jeye:

—Ja, ζeta bichocuaein tsane xua tana necapanepaewa tsane Nacom beicha? jei bapon.

<sup>31</sup> Pablo irꝥ Silas jume notabe, jeye:

—Jume cowꝥnde Jesús pon jiwi Pecanamataxeinaein, bapoxonae necacapanepae jitom tsane irꝥ jinyamonae matabꝥꝥꝥyo pecapanenebiyae jiwi tsainchi, jeibe.

<sup>32</sup> Tsipaebabe bapontha, Jesús pon jiwi Pecanamataxeinaein, pia pexeinya jume diwesi tatsi. Mataꝥtano tsi-paebabe piamonae matabꝥꝥꝥyo jiwitha tatsi, pomonae pia botha petaenaexaetsi. <sup>33</sup> Caena barapoxonae, pon peyabara equeibin pomonae cūbebatsi jiwi pecūbi botha, Pablo, irꝥ Silas wan quiatatsibe. Bapoxonae bapon bautisabatsi irꝥ piamonae matabꝥꝥꝥyo tatsi bautisabatsi. Pablo, irꝥ Silas bautisababe. <sup>34</sup> Bapoxonae Pablo irꝥ Silas bo beya caponatsibe. Pexaewa catatsibe. Bapon piamonae matabꝥꝥꝥyo tatsino bichocono jꝥntꝥ coyene weiweina pejume cowꝥntsixae Nacom.

<sup>35</sup> Pomonae jiwi peyabara paebiwi penatsicuenta siwa xua abe peexanaexae, barapomonae caemꝥbotha itoroba, policiamonae itorobatsi ichaxota pon peyabara equeibin pomonae cūbebatsi jiwi pecūbi botha. Bapon copatatsi xua bara Pablo irꝥ Silas pepu copatsinexatsibe. <sup>36</sup> Nexata pon jiwi peyabara equeibin pomonae cūbebatsi jiwi pecūbi botha, bapon Pablo baraichi, jeye:

—Pomonae jiwi peyabara paebiwi penatsicuenta siwa xua abe peexanaexae, barapomonae necui itoroba xua tapaca isanaxubiwa tsainchibe. Bara paca itacꝥpabe xua bara papu seicaenamebe, jei bapon.

<sup>37</sup> Ichitha Pablo barai policiamonaetha, jeye:

—Apara barapomonae pana cuainta pepa bicheito peitabaratha. Dacotsiwa barapomonae abe painta exana.

Seicaya apara romanomonaē pan. Copiya matha jopa pana caponaeyobe ichaxota pon jiwi peyabara paebin xua penatsicuentsiwa xua abe peexanaexae. Saya barapomonaē pia coutha paeba xua abe paexananbe. Daxota jiwi pecabi botha pana caponabe. Deta aena poxonae juntucuru pana isanaxubapaebabe moya namicha pana itorobabe. Pentacaponae wi patsipaebare, pomonaē pana cuainta, bu jame barapomonaē pia coutha pana nepu sotababe, jei Pablo.

<sup>38</sup> Baxua policiamonaē bayatha jume yopita pomonaetha pomonaē jiwi peyabara paebiwi xua penatsicuentsiwa xua abe peexanaexae. Barapomonaē bichocono junuwa poxonae jume tane xua Pablo iru Silas apara romanomonaē pinbe. <sup>39</sup> Barapomonaē ponarucupa jiwi pecabi botha, Pablo, iru Silas siwa poinchibe peauraxae xua bayatha Pablo, iru Silas cuaintatsibe. Barapomonaē Pablo iru Silas tsipaebatsibe, je-ichichibe: “Maisa pauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei. <sup>40</sup> Poxonae Pablo iru Silas jiwi pecabi bo wenaetabiyabe, Lidia pia bo tatsi be-iyabe. Siwa ponabe pomonaē pejume cowantsiwxiae Jesús. Barapomonaetha baponbe juntu coyene tsacababe xua xanepanaya pejinom-paewa tsane. Bapoxonae bara wewarapiyabe.

## 17

*Meje yabara poxonae Tesalónica tomarapiwi namtsebiya anaepanaeya wawai xua Pablo, iru Silas pecasebixaetsibe*

<sup>1</sup> Pablo iru Silas Anfípolis tomara iyabe. Apolonia tomara iyabeno. Barapoxonae Tesalónica tomaratha patopabe po tomara ichaxota judiomonaē pia penacaetutsi bo tatsi uncua. <sup>2</sup> Pablo pia cui xeina xua judiomonaē pia penacaetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae matakabintha barapo judiomonaē pia penacaetutsi botha Pablo iru Silas cuidubabe. <sup>3</sup> Pocotsiwa Nacom Pejume Diwesi paeba, baxua Pablo tsipaeba po coyene xua pinae pon Mesías bewa bexubinchi ichamonaē, xuano xua pinae bapoxonae equeicha asu tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

<sup>4</sup> Ichamonaē, judiomonaē jume cowanta. Barapomonaē Pablo, iru Silas caemonaē naexanatsibe. Barichi pin bicheiton griegomonaē jume cowantarū, pomonaē Nacom wanae jaintatsi. Barapomonaē jume cowanta Jesús. Iru ainya yabaxi bicheiton jume cowanta Jesús powaxi baru cui itura jineibatsi xua jiwi baru cui itura jineiba. <sup>5</sup> Ichitha

icha judiomonae pomonae jopa pejume cowantsiwi, baxua yabara uwa. Daxota barapomonae pebiwi baru nacaetuba po pebiwi peajuntucoyeneyapubewi xua po pebiwi saya pejinompaewi namtontha. Daxita barapomonae namtsebiya wawai tomaratha. Jasón pia botha tatsi anaepanaya joniya xua Pablo iru Silas pejeichinexatsibe xua pewaetabinexatsibe xuano xua pecaenaetsinexatsibe jiwitha. <sup>6</sup> Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonae pomonae pejume cowantsiwixae Jesús. Pablo iru Silas waetabatsibe. Daxita barapomonae pentacaponae jiwitha becayiyatsi. Daxita barapomonae yabara wawaichiya jeichibe:

—¡Barapo pebinbe daxita nacuantha abe paeba ducuanae-biyabe yawa waxainya becuí joparenabe! <sup>7</sup> Jasón barapomonae matenta weiweinaya waba pia botha. Jasón pia botha maitecabe. Daxita Pablobaru jopa exanaeyo po peitorobi coyenewan xua pon romanomonae itorobiya pia pepa peewatsinchi itoroba. Matautano barapomonae paeba xua pinae ichun popona pon jiwí itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonae itorobiya pia pepa peewatsinchi, jei barapomonae xua namtsebiya wawai.

<sup>8</sup> Poxonae baxua jume tane, pentacaponae iru pomonae xua baxota umena, daxita barapomonae anaepanaeya namtsebiya wawai. <sup>9</sup> Barapo pentacaponae wecobe nota paratixi xua Jasón iru pomonae pejume cowantsiwi wecobe notatsi. Barapo pentacaponae namchi xua pinae equeicha caewa catsinchi Jasón barapo paratixi poxonae Pablobaru tomara weya ponaena. Bapoxonae pentacaponae Pablo baru pu sorobabatsi pewarapaenexa tsane tomara weya.

*Meje yabara poxonae Pablo iru Silas Berea tomaratha ponobe*

<sup>10</sup> Barapo merawitha pomonae iru pejume cowantsiwixae Jesús, barapomonae Pablo, iru Silas itorobatsibe xua nainya pewarapaenexabe Berea tomara beya. Poxonae barapo tomaratha patopiyabe judiomonae pia penacaetutsi botha tatsi jonyabe. <sup>11</sup> Judiomonae, pomonae Berea tomarapiwi, barapomonae pejuntucoyene xanepanaewi icha be jopa Tesalónica tomaratha ichiyo. Jame barapo Berea tomarapiwi bara xanepanaya jume tane Jesús pejume diwesi. Daxita matabi barapomonae Nacom Pejume Diwesitha yorobeiba pia yaputaetsi barapo diwesi, po diwesi xua Pablo iru Silas paebabe icha metha baraxua bara xainyeibe. <sup>12</sup> Daxota pinmonae jume cowanta Jesús. Judiomonae jume cowanta

Jesús. Iru griegomonae jume cowantano, yabuxi, iru pebiwi. Powaxi jume cowanta Jesús, barapowaxitha jiwi baru cui itura jineiba. <sup>13</sup> Judiomonae, Tesalónica tomamonae, jume tane xua Pablo cuiduba Nacom Pejume Diwesi Berea tomaratha. Daxota bapomonae Berea tomara be-iyiya. Baxotiya barapomonae namtsebiya wawai xua Pablo iru Silas pecasebixaetsibe. <sup>14</sup> Ichitha pomonae pejume cowantsiwixae Jesús, Pablo itorobatsi xua nainya peponaenexa imoxoyo mar mene beya poxonae cataunxuae Silas iru Timoteo ecabe Berea tomaratha. <sup>15</sup> Pomonae Pablo cueyabatsi barapomonae Pablo punaxubathopatsi Atenas tomaratha. Barapomonae equeicha caibe nawibiya Berea tomara beya. Barapomonae Silas iru Timoteo tsipaebatsibe xua Pablo najume caruta xua bepa pinae Silas iru Timoteo nainya patopaenabe Atenas tomaratha.

*Meje yabara poxonae Pablo Atenas tomaratha popona*

<sup>16</sup> Pablo ewata, Silas iru Timoteo ewatatsibe Atenas tomaratha. Barapoxonae barapo tomaratha Pablo tane xua barapomonae ainya ibo nacomun xeina. Daxota bichocono yabara najuntu coyene exaba. <sup>17</sup> Daxota Pablo tsipaeba Nacom Pejume Diwesi judi monaetha judi monae pia nacaetutsi botha tatsi. Matautano baxotano tsipaeba pomonae bequein jopa judi monae naexanaeyo, barapomonae Nacom wanae jaintatsi. Barichi daxita matabi pomonae Pablo caxibeiba pomonae nacaetuteiba tomara pin panatha barapomonaethano Pablo cuidubeiba Nacom Pejume Diwesi. <sup>18</sup> Barichi griegomonae ichichipa xua pejume taewa pocotsiwa Pablo paeba. Ichamonae griegomonae itapeta jume cowanta pocotsiwa epicureomonae cuiduba. Iru ichamonae griegomonae itapeta jume cowanta pocotsiwa estoicomonae cuiduba. Barapomonaebe Pablo tsipaeba. Bapoxonae ichamonae Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueijei tsabiyo? jei.

Ichamonae jeye:

—Mexeya maisa bapon cueicueijei pia nacomun nexa, jei.

Barapomonae baraxua paeba, tsipei Pablo Jesús pia pexinya jume diwesi paeba ducuaenabiya, matautano pororu paeba xua Jesús equeicha pinae asu. <sup>19</sup> Nexata ichamonae Pablo teicatsi pecaponaenexatsi atororotha ichaxota ba pentacaponaewi nacaetuteiba, poxonae ichauxi muxu peexaneibi. Barapo pentacaponaewi matabuxuwo pewun Areópagu, Pablo yainyabatsi, jeichichi:

—Pana netsipaebare bepayabara yaputaen po diwesi xua cuidubiya paeba ducuaebiyame. <sup>20</sup> Xuaunxuae pana tsi-paebame, barapo diwesi jopa payaputaenyo bayatha. Pata bequein yabara yaputaetsi xua po diwesi baxua yabara caunuta, jei barapomona.

<sup>21</sup> Atenas tomaramona iru pomona penanapaincha jinompaewi xua icha nacia werena peponaewi, pomona anoxuae jinompa xote, daxita barapomona u saya pepaebeibi. Yawa saya u cou paebeiba poxona pena jume jume taiba, saya baxua paebeiba.

<sup>22</sup> Nexata Pablo Areópago wun matabuxnyo peitabaratha tatsi asiya uncuataba. Pablo namchi, jeye:

“Paxam Atenas tomaramona pam. Bara paca cui yaputainchi xua painya nacomun wnae pajaintame.

<sup>23</sup> Poxona ponan ichaxota painya nacomun wnae pajaintathopeibame tan ainya ibo nacom matabon. Matautano tan baxota, ichaxota nacom wnae pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwi jopa yaputaeyo’, pajam. Xuaunxuae cou asiya pawun dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

<sup>24</sup> “Barapon pon pepa Nacom, daxita barapo ira exana. Daxita carepaya juraya exana. Barapon pon pia coya peewatsin barapo susato nacuano, yawa barapo itabocono. Po bon patsiacabeibame Nacom xua po botha jiwi wnae pe-jaintithopeibinexa Nacom, apara ba Nacom jopa poponaeyo barapocotsi botha. <sup>25</sup> Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapuswano, naca cata. Daxita barapo petusato tutu joibo naca cata. Baxuan daxita amanaya saya nacata exana. Daxita ichauxino muxuna exanano.

<sup>26</sup> “Copiya meisa bapon Nacom compa exana pebin, bara caein. Barapo cae janatha daxita yanacia exana jiwi. Daxita wnae tsiwanaeya yaputaneno poxona naexanaena daxita jiwi. Matautano yaputane xua eta po weiyobetha jinompaena. Matautano yaputane xua pia iranthe bexa naexanumenaponaena. <sup>27</sup> Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cowantsiwa tsainchi. Nacom jopa taj u ecaeyo ichitha bara waxantha imoxoyo popona. <sup>28</sup> Nacom pepoponaexae daxota asu jinompati. Nacom naca exana, daxota beta nacuiyenabatsi, yawa daxota wacobexitha u waexanae.

Ichaunxuae ichin xua paca tsipaebatsi barichi painyamonae baxua paeba pomonae diwesi petinaewi poxonae jei, 'Nacom apara pia jiwichi waxainchi', jei. <sup>29</sup> Waxainchi Nacom pia jiwichixaetsi, daxota jopa bewa nanta xeinaetsi xua Nacom po Nacom pepa Nacom, apara japa po nacomun jiwi exana pecobetha. Barapo nacomun po nacomun xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua pe-exanaewa barapo nacomun. <sup>30</sup> Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonae jopa yabara yaputaeyo pocotsiwa Nacom ichichipa. Ichitha matapainya anoxuae daxita jiwi Nacom cui itoroba xua petsita xeinaenexatsi icha juntu coyene, xua jopa equeicha peexanaenexa abe peexanae coyene. Saya n penanta xeinaenexa tsane pocotsiwa Nacom ichichipa. <sup>31</sup> Nacom matabi wun duta xua po matabeitha tsane Jesús caetucaetutetsina daxita jiwi pia peitabaratha. Barapo matabeitha tsane Jesús xaniwaicha yabara paebina daxita jiwi xua penatsicuentiwa xua abe peexanaexae. Pomonae xua abe exana itawetsinchi, pomonae xua wuna exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaebin. Poxonae Nacom Jesús asu exanatsi petapaewitha, Nacom naca tsita itapeinya xeina xua apara Jesús tsiitapetatsi barapo penacuichiwa", jei Pablo.

<sup>32</sup> Poxonae barapomonae Pablo jume tainchi po coyene xua equeicha petapaewi pinae asu tsaibi tsane, ichamonae Pablo jume cui caponatsi nawita. Ichamonae namchi, jeye:

—Bexa paca jume tainchi equeicha xuaunxuae paebame, jeichichi Pablo.

<sup>33</sup> Nexata Pablo cuenta ponataba barapomonae. <sup>34</sup> Ichitha ichamonae Pablo puna poinchi yawa bapomonae Jesús jume cowuntatsi. Ichun barapomonae jiwana pewun Dionisio. Bapon Dionisio Areópago wun matabexuyo jiwana pin. Pet-siriwa powa iru napon powa iru pejume cowuntsixae Jesús, bapowa pewun Dámaris. Ichamonae iru napona pomonae irun Jesús pejume cowuntsiwichi.

## 18

*Meje yabara poxonae Pablo Corinto tomaratha popona*

<sup>1</sup> Pirapae equeicha Pablo Atenas tomara wewarapiya. Corinto tomara bewarapiya. <sup>2</sup> Baraxota Pablo caxina judiomon-aepin, pon pewun Aquila. Bapon Ponto nacuapin. Piowa tatsi pewun Priscila. Piseuribe mexuaetha Italia nacua wewaraparenabe, tsipei pon romanomonae itorobiya pia pepa



peewatsinchi pon pewan Claudio, bapon judiomonae daxita itorobatsi xua pewarapaewa tsane barapo Roma tomara weya. Daxota Corinto tomaratha patopabe. Pablo siwa pona, Aquila petsiriwano siwa poinchibe. <sup>3</sup> Pablo naeca Aquila pia botha tsipei bapon pia penacuichiwiyo iru xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, iru Pablo piawa nacuita. <sup>4</sup> Daxita matabi, po matabintha pentaquei seicae matabintha Pablo poneiba judiomonae pia penacae-tutsi botha tatsi. Baxota Pablo jume daunweya cueicueijeji pomonaetha pepa judiomonaetha iru pomonaetha jopa judiomonae naexanaeyo. Pablo cueicueijeji barapomonaetha tsipei ichichipa xua barapomonaetha Jesús pejume cowantsiwa tsainchi.

<sup>5</sup> Poxonae Silas iru Timoteo Macedonia nacua wepatoparenabe, barapoxonae daxita matabintha Pablo cuidubeiba judiomonaetha. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomonaetha pewanae ewatsixae. <sup>6</sup> Barapomonaetha tamropata pitaba xua Pablo abe yabara paebatsi yawa tsamu jume baru paebatsi. Nexata Pablo pepatomeicha nama paparuwa nuntaba. Baxua exana poxoru barapomonaetha anthaetabiya jume tane. Pablo barai barapomonaetha, jeye:

—Bara apara painya coutha icha pana natsicuentame xua daxota poxonae paweraweracaename. Jopa tacouthinyo xua jopa paxeinaem tsane peajuntucuiyapuwawa, tsipei bayatha yabara paca tsipaebatsi barapo peajumeyapuru diwesi. Tha anoxuae Nacom Pejume Diwesi caponaetsi pomonaetha pomonaetha jopa judiomonaetha naexanaeyo, jei Pablo.

<sup>7</sup> Barapoxonae Pablo judiomonaetha pia penacae-tutsi bo tatsi wewarapiya. Pablo pona Justo pia bo beya tatsi. Bapon Justo, icha wan xeina, Ticio baraichi. Bapon wanae pejainteibin Nacom. Bapon yabo uncua ichaxota imoxoyo judiomonaetha pia penacae-tutsi bo tatsi pema werena. <sup>8</sup> Iru Crispo, pon judiomonaetha pia penacae-tutsi bo peyapucauncuaein, bapon piamonaetha matabuxuyo baru jume cowanta Jesús pon jiwi Pecanamataxeinaein. Barichi pinmonaetha pomonaetha Corinto tomaratha jinompa poxonae jume tane Nacom Pejume Diwesi, bapomonaetha iru jume cowanta Jesús. Pomonaetha pejume cowantsiwi barapomonaetha daxita bautisabatsi. <sup>9</sup> Bapoxonae Pablo merawi camaituncua Nacom pon Pecanamataxeinaein jiwi. Pablo baraichichi, jeye: “Jopa junuwinde. Nacom Pejume Diwesi paeba ducuaebiyama. Jinxoba moyam. <sup>10</sup> Tsipei apara, xan cabaru popoinchi, daxota ichamonae jopa itacupaetsi xua abe necaexanaewa. Barapo tomarathe tamonaetha, pinmonaetha apara inta jinompa”, jei Jesús. <sup>11</sup> Pablo

baxota popona dieciocho po xometiyobe Corinto tomaratha. Baxota Pablo cuiduba ducuaanaebiya Nacom Pejume Diwesi.

<sup>12</sup> ИҮҮҮ pebin popona pon pewһn Galión. Bapon Galión Acaya nacuariwi pia peyanacua ewatsinchi exanatsi. Barapoxonae judiomonae pomonae Acaya tomarapiwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi. <sup>13</sup> Judiomonae namchi, Galión baraichi, jeye:

—Poxonae bapon Pablo paeba ducuaanaebeiba pinmonae baraxua jume jejei tsaibi. Pablo cuidubeiba jiwi, xua pinae jame bewa jiwi wһnae jainteibi Nacom po coyene jopa jһpaeyo Moisés pia peitorobi coyenewa tatsi, jei barapomonae.

<sup>14</sup> Pablo bara muxu pepaebi, иҮ Galión paebaxoyар. Nexata barapon namchi judiomonae baraichi, jeye:

—Ў judiomonae pam. Painya xoba pana tsipaebame. Jame icha bapon caiba, icha jiton bexotsi, icha ichawiyo exana xua abe, metha jame bapoxonae paca jume jejei tsipaetsi. Ichitha bapon jopa abe exanaeyo. <sup>15</sup> Saya Һ payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame. Tsipei jopa bepacata naexanaetsi be pon jiwi peyabara paebin xua penatsicuentsiwa xua abe peexanaexae. Moya painya coutha pacui itawere, jei Galión.

<sup>16</sup> Bapoxonae Galión pesato benapuna torobabiya barapo judiomonae. <sup>17</sup> Bara nexata daxita judiomonae Sóstenes waetabatsi pon judiomonae pia penacaetutsi bo tatsi peewatsin. Barapomonae Sóstenes butsi Galión peitabaratha tatsi. Daichitha baxua Galión saya cui tane, jopa tsita ainya cuichi.

*Meje yabara poxonae Pablo equeicha Antioquía tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi*

<sup>18</sup> Pablo awiya came baxota popona ainya maticabin Corinto tomaratha. Bapoxonae nama copiya napeyaba pomonae pejume cowantsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxonae juntucuru bara ponatabichiba copiya matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaena xua bayatha Nacomtha nayabara tsiwһnae muxu duta. <sup>19</sup> Bara Efeso tomaratha patarһсра. Baxota Pablo Aquila piseuribe xubetatsibe pia

ponaetsi ichaxota judiomonae nacaetuta barompaya pia penacaetutsi botha. Baraxota Pablo barua cueicueijei barapo judiomonae. <sup>20</sup> Efeso tomarapiwi bequein Pablo apusiwatsi xua abua peecaewa tsane. Ichitha Pablo juntucuru jopa beecaeyo baxota ainya matababin. <sup>21</sup> Nexata Pablo napeyaba barapomonae. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacaetutsinexa pexaewa xua penabanaewa. Metha equeicha paca taeyoparenaeinchi icha Nacom metha newanae ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae. <sup>22</sup> Poxonae Cesarea tomaratha patopa Jerusalén tomara be-iyaya, pia jacobichi pomonae Jesús pejume cowantsiwichi. Bapoxonae equeicha Antioquia tomara bewarapiya. <sup>23</sup> Poxonae bara juntucuru yaainya merawin jopa baxotiya equeicha icha nacuabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomonae Jesús pejume cowantsiwi. Pablo juntu coyene tsacaba xua barapomonae ajuntayarusaya pejume cowantaponaewa tsane Jesús.

*Meje yabara poxonae Apolos Nacom Pejume Diwesi cueicueijei Efeso tomaratha*

<sup>24</sup> Caein judiomonae jiwanapin Efeso tomaratha patopa. Bapon pewun Apolos. Bapon seicaya irua Alejandria tomarapin. Bapon Nacom Pejume Diwesi peyaputaein yawa beta cacueicueijei barapo diwesi. <sup>25</sup> Apolos beta yabara cuidubatsi ichamonae xua Jesús, pon Pecanamataxeinaein jiwi, pia cui. Juntu coyene weiweinaya paeba. Xaniwaicha piamonae cuiduba Jesús yabara bequein saya yaputane xua po coyene pinae Juan pebautisabiwa jiwi xua icha juntu coyene pexeinaenexa Nacomtha. <sup>26</sup> Apolos judiomonae pia penacaetutsi botha tatsi bichocono juntu coyene wanaeya cueicueijei Nacom Pejume Diwesi. Priscila, Aquila piowabe jume tanebe bapon. Wababe bapon, pia bo becayabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo. <sup>27</sup> Apolos ichichipa xua peponaewa Acaya nacua beya. Bapoxonae pomonae pejume cowantsiwixae Jesús, Apolos canatsiwana tinaxotsi carta xua tatinatsi pomonae pejume cowantsiwixae Jesús. Daxota barapomonae tatina xua Apolos pententa weiweinaya wabinexatsi. Poxonae Apolos patopa Acaya nacuatha, bapon yawena pomonaetha pomonae bayatha Nacom jume cowantatsi pomonae Nacom peantobexae. <sup>28</sup> Apolos daxita jiwi peitabaratha jume

amanayaba poxonae Jesús beta yabara paebatsi. Daxota barapomonaе judiomonaе jopa itac̣paetsi xua pejume notsiwatsi bapon po coyene xua poxonaе bapon abe pepaebiwa. Poxonaе Apolos yoroba Nacom Pejume Diwesi bapon tsita itapeinya xeina xua Jesús apara Mesías pon Nacom itorobica.

## 19

### *Meje yabara poxonaе Pablo Efeso tomaratha popona*

<sup>1</sup> Poxonaе Apolos Corinto tomaratha eca, bapoxonaе iṛ Pablo seicaya ducuaenaebiya daxita tomaran j̣paya, po tomarantha ichaxota atororon. Efeso tomaratha patopa, baxota Pablo caxina ichamonaе pomonaе Cristo pejume coẉntsiwichi. <sup>2</sup> Pablo yainyaba barapomonaе, jeje:

—¿Bayatha Nacom pia Pejumope ṭnax̣ tatsi painya j̣nṭ coyenetha pacata pata poxonaе pajume coẉntame Jesús? jei.

Barapomonaе Pablo jume notatsi, jeje:

—Jume, jopa payaputaеinyo. ¿Eta pocotsiwara xua Nacom pia Pejumope ṭnax̣ tatsi? Bayatha jopa payabara jume taeinyo baxua, jei.

<sup>3</sup> Pablo yainyaba, jeje:

—¿Eta pabichim poxonaе pajume coẉntame poxonaе paca bautisaba? jei.

Pablo jume notatsi, jeje:

—Apara saya payabara jume coẉntan xua Juan cuiduba, po coyene xua Juan itorobatsi xua jiwi pebautisabiwatsi, jei.

<sup>4</sup> Pablo jume nota, jeje:

—Aja, Juan bautisaba pomonaetha pomonaе abe pia peexanae cuiru coyenein naci barapenta xua pomonaе pejume coẉntsiwichi Nacom. Daxota metha Juan piamonaetha barai: ‘Pajume coẉnde pon xua tsiwana patopan’, jei Juan piamonaetha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesías’ baraichi, jei Pablo.

<sup>5</sup> Poxonaе baraxua Pablo jume taeṛc̣patsi, caena barapomonaе bautisabatsi Jesús pia peẉntha tatsi pon Pecana-mataxeinaein jiwi. <sup>6</sup> Poxonaе Pablo barapomonaе pecobetha mata jayaba, barapoxonaе barapon Nacom pia Pejumope ṭnax̣ tatsi barapomonaе tapatatsi pẹnṭ coyeneintha, yawa cueicueijej exanebatsi icha jumeintha xua ichamonaе pia jume tatsi. Matautano barapoxonaе barapomonaе cueicueijej Nacom Pejume Diwesi pocotsiwa Nacom yaputane exana. <sup>7</sup> Daxita bapomonaе pomonaе baxota ena doce pomonaе mataḅx̣yobe pomonaе xua Jesús pejume coẉntsixaetsi.

<sup>8</sup> Baxota Efeso tomaratha, Pablo judiomonae pia penacaetutsi botha tatsi poneiba acoibi po xometiyobetha Nacom Pejume Diwesi pecueicueijeianexa. Bapon jopa junuwiyo poxonae cueicueije. Matautano yabara tsipaeba po coyene Nacom waba jiwi petanaexanaenexatsi piamonae tatsi pomonae itorobiya peewatsixae. <sup>9</sup> Ichitha ichamonae aichaxaibi jume tane. Jopa juntucuru bejume cowantsiyo. Saya barapomonae jiwi peitatha tatsi abe yabara paeba Jesús pia pena pecuidubiwa tatsi. Nexata barapomonae pia xainya weya tatsi Pablo napitaba. Saya meisa baru pona pomonae Jesús pejume cowantsiwichi po bo penacuidubi bo beya. Pebin pon pewun Tirano barapo bo, bapon pia bo tatsi. Barapo botha Pablo daxita matabi Nacom Pejume Diwesi cuidubeiba. <sup>10</sup> Baraxota Pablo ainya weibe paeba ducuanabiya Nacom Pejume Diwesi. Daxita pomonae Asia nacuapiwi judiomonae iru pomonae jopa judiomonae naexanaeyo barapomonae jume cowanta Jesús pia pexeinya jume diwesi tatsi, pon Pecanamataxeinaein jiwi. <sup>11</sup> Nacom Pablo yawenatsi xua pexeinya petsita itatsi coyenewan exana Nacom pia peayapuswatha tatsi. <sup>12</sup> Ichamonae paparuwan yawa painyaweran capona Pablo beya xua barapo paparuwantha Pablo peperu jayababinexatsi. Barapo paparuwan nata capona peatene jiwitha. Bapoxonae barapo paparuwantha nainya axaibi tsouneibi. Iru pomonae cauri xeina barapo paparuwantha nacapanenebiya tsaibi. Barapomonae cauri wepu poneibatsi.

<sup>13</sup> Ichamonae judiomonae, pomonae saya pejinompaewi, barapomonae pia cui xeina xua jiwi taitaweteibatsi cauri. Barapomonae ichichipa Jesús wun wun taibatsi poxonae itaweta cauri. Barapomonae caurimonae baraichi, jeye: “iBara Jesús pewantha paca itawetatsi, pon Pecanamataxeinaein jiwi, xua pon Pablo wun yopita ducuanabiya!” jei barapomonae.

<sup>14</sup> Iru barapoxonaeru judiomonaepin pon pewun Esceva, xeina siete poyobe tatsi pebiwi. Barichi barapo siete poyobe wun wun taibatsi Jesús, poxonae itaweta cauri. Esceva sacerdotemonae pia pentacaponaewi jiwana tatsi. <sup>15</sup> Poxonae barapomonae paeba barapo wuntha, Jesús pewantha tatsi, barapomonae jume notatsi cauri, jeye: “Bara tayaputaein Jesús, Pablono bara yaputanno. ¿Incane paxamda? ¿Jintam pamda?” jei bapon cauri.

<sup>16</sup> Bapoxonae barapo siete poyobe pexainya betanaxorenatsi pon cauri xeina. Barapomonae butsi. Matautano barapomonae jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo beju-

masa ducapiya. <sup>17</sup> Pomonae Efeso tomaratha peenaewi, judiomonae, iru pomonae jopa judiomonae naexanaeyo, daxita bapomonae jume tane xua siete poyobe jumasa ducupa. Barapomonae junuwa bichocono. Daxota barapomonae Jesús pon Pecanamataxeinaein jiwi wanae jaintatsi.

<sup>18</sup> Pomonae Jesús jume cowantatsi pinmonae barapomonae jiwana baxota pata. Barapomonae jiwi peitatha tatsi paeba xua bepa pinae bayatha abe exana poxonae mara coyeneya exana nawita. <sup>19</sup> Pomonae Jesús pejume diwesi coyene nacuiduba, barapomonae carendena diboron po diboron xua mara yabara penacuidubiwan. Barapo diboron tauteba. Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonaebe pinae nantomata. <sup>20</sup> Barapoxonae pin bicheito jume cowanta Jesús, pon Pecanamataxeinaein jiwi. Yawa barapomonae tsita itapeinya xeina dubenanaebiya xua bara Nacom apra xeina peayapusa itorobi coyenewa.

<sup>21</sup> Poxonae baxua weta Pablo najuntu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya. <sup>22</sup> Ponbe Pablo yawenatsi, Timoteono Erastono, baponbe Pablo Macedonia nacua beitorobiabe. Cataunxuae abu bapon Pablo Asia nacuatha eca.

*Meje yabara poxonae jiwi namtsebiya wawai Efeso tomaratha Pablo pecasebixaetsi*

<sup>23</sup> Barapoxonae Efeso tomarapiwi anaya anaepanaeya najume cayayataxuba poxoru aichaxaibi xua pejume taewa xua Pablo yabara cueicueijeji Jesús pia pena pecuidubiwa tatsi. <sup>24</sup> Pon xua abe penajume cayayataxubin xua poxonae namtsebiya wawai bapon pewun Demetrio. Bapon pinmonae xeina pomonae petanacuichiwichi xua petaexanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomio. <sup>25</sup> Bapon Demetrio pia petanacuichiwichi waba. Pomonae iru Artemisa pia penain boxi peexanaewi wabatsino. Demetrio namchi daxita barapomonaetha, jeye: “Bara metha payaputaneme xua paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi. <sup>26</sup> Pon pataneme yawa pajume tanemeno, barapon Pablo. Bapon paeba ducuaebiya xua pinae pomonae icha nacom canautsiya exana apra

pinae xapain jopa daxua pepa nacomiyo. Pomonae Pablo cuidubeiba jume jejei tsaibichi ayei jiwi Efeso tomarathano, Asia nacuathanora jume jejei pinmonae. <sup>27</sup> Baxua bichocono nacata abe, tsipei icha jiwi jopa comocaetsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: ‘Artemisa pia pin bo tatsi abe. Xapain jopa pepa Nacom pin pia boyo’, jejei tsane. Cataunxuae anoxuae barapo jiwi Asia nacuapiwi iru daxita nacuanpiwi Artemisa wuna jainteibatsi. Ichitha icha jume cowantsinchi Pablo, metha equeicha jopa bewuna jainteibichipaetsi Artemisa”, jejei Demetrio.

<sup>28</sup> Poxonae baxua Demetrio jume taerucypatsi, anaepanarucupa barapomonae. Yawa barapomonae namtsebiya wawai, jeye: “¡Maisa Artemisa powa pata tanecanamataxeinaewa, barapowa bichocono pejuntu coyene xanepanaewa! ¡Maisa Efesiomonae pan Artemisa wuna pajaintan!” jejei barapomonae.

<sup>29</sup> Barapoxonae daxita tomarapiwi jupaya anaepana. Gayo iru Aristarco, ponbe Macedonia nacuapinbe, ponbe Pablo pepuna ponaexatsibe, baraponbe waetabatsibe. Po botha ichaxota jiwi nacaetuteiba pecueicueijeinexa tsaibi tsane bara bemaxu cayatsibe. <sup>30</sup> Bepa bequein Pablo najoniyaei barapo botha, petsipaebinexa tsane barapomonae, ichitha Jesús pejume cowantsiwichi Pablo jopa pu copatichi. <sup>31</sup> Barichi pomonae pentacaponae wiwana Asia nacuatha, barapomonae Pablo pia jiwi tatsi cou tana cajume caitorobatsi xua bepa pinae Pablo jopa najoniyae tsane baxota. <sup>32</sup> Barapoxonae barapo penacaetutswatha, ichamonae icha caununaya wawai iru ichamonae icha caununaya wawai. Daxita barapomonae najume cayayataxubiya wawai. Ichamonae jopa yaputaeyo po coyene xua barapomonae yabara nacaetuta. <sup>33</sup> Barapo penacaetutswimonae anaepana. Pablo yabara anaepanatsi iru pijimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaetutswatha. Bapon pewun Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae. <sup>34</sup> Poxonae barapomonae Alejandro yaitaerucypatsi xua Alejandro judiomonaepin, barapoxonae equeicha daxita namtsebiya wawai tsompae ainya horabe. Barapomonae namchi, jeye: “¡Maisa pata tanecanamataxeinaewa Artemisa! ¡Maisa barapowa pejuntu coyene xanepanaewa! ¡Maisa efesiomonae pan Artemisa wuna pajaintan!” jejei barapomonae.

<sup>35</sup> Nexata, pon xua tomara peewatsin, bapon uncua barapo penacaetutsi itabaratha. Bapon jume matawenta xua equeicha jopa penamtsebiya wawainexa tsane barapomona. Bapoxona bapon namchi, jeye: “Pomona Efeso tomaramona pam. Bara daxita nacuamonaepiwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia paw. <sup>36</sup> Jiton dapocotsin aibi pon xua nejume barai xua naeraban, daxota saya iru moya pande. Painya xoba ichawa pananta xeiname poxona jopa beta pananta xeinaem. <sup>37</sup> Ponbe, Gayo iru Aristarco, ponbe pacarendename, baponbe jopa abe paebiyobe. Baponbe jopa caibiyobe xua xoyo boca Artemisa pin pia botha tatsi. Matautano Artemisa nacomwa jopa cui aebiyobe. <sup>38</sup> Icha Demetrio iru petanacuichiwichi nanta xeina xua ichamona Demetrio-baru abe taexainchi moya jame barapomona bewa ponaena po bo ichaxota ena pomona jiw peyabara paebiwi xua penatsicuentsiwa xua abe peexanaexae. Bapoxona barapomona itacupatsi xua petsipaebiwa pomonaetha pomona tomara pentacaponawewi po coyene xua ichamona abe exana barapomonaetha. <sup>39</sup> Icha ichawa painya paebichi abu anoxuae jopa papaebinde. Po mataqueitha poxona pentacaponawewi ba nacaetuta pejume taenexa xua jiw paeba bapoxona jame papaebare. <sup>40</sup> Wanamtsebiya wawaijeixae anoxuae daxota romanomona naca yabara anaepanaena tsipei nanta xeinaena xua waxainchi aichaxaibichi xua barapomona naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin. <sup>41</sup> Poxona najume wetaba baxua, barapomona pesato beitorobiyatsi.

## 20

*Meje yabara poxona Pablo siwa pona Macedonia nacua, Grecia nacuano*

<sup>1</sup> Bara najume wetarucupa daxita poxona namtsebiya wawai tsonpae. Bapoxona Pablo waba pomona Jesús pejume cowantsiwichi pebaru nacaetutsinexa. Barapomonaetha Pablo yabara tsipaeba Jesús pejume diwesi xua barapomona peajuntuyarusya xanepanaya pejinompaenexa tsane Nacomtha. Bapoxona Pablo barapomona napeyaba. Macedonia nacua bewarapiya. <sup>2</sup> Daxita barapo tomanan, Pablo siwa pona barapo Macedonia nacuatha, cuidubano pomonaetha pomona Jesús pejume cowantsiwichi, xua



peajantayapusuya xanepanaya tajinompaenexa tsainchi Nacomtha. Poxonae nacui wetaba equeicha Grecia nacua bepatopiya. <sup>3</sup> Baraxota Pablo acoibi po xometiyobe yapucaewa. Bara juntucuru Siria nacua beya warapa jeratha po nae pin naetha. Bapoxonae jume tane xua pinae judiomonae anaepana xua Pablo bexubapaebatsi. Daxota Pablo najantui cui weta xua caibeya peponaewa tsane petaxutha Macedonia nacua beya. <sup>4</sup> Pablo yanabatsi ichamonae. Iru ichun napona bapon pewun Sópater, pon Berea tomarapin, pon Pirro pexanto tatsi. Iru ichunbe naponabe baponbe pewunbe Aristarco iru Segundo, baponbe Tesalónica tomarapinbe. Iru ichun napona, bapon pewun Gayo, Derbe tomarapin. Iru ichun napona, bapon pewun Timoteo. Iru ichunbe naponabe, ponbe pewunbe Tíquico iru Trófimo, baraponbe Asia nacuarinbe. <sup>5</sup> Barapomonae daxita pana netsiwana nantacapona, Troas tomaratha cou baxota pana ewata. <sup>6</sup> Ichitha Filipos tomara weya pawarapan jeratha, po naetha po nae pin nae poxonae weta Pascua wan matacabin. Barapo Pascua matacabintha jiwí xane pan xua pocotsiwa jopa cotowiyo. Poxonae cinco po matacabibe caewa papatan Troas tomaratha, baxota barapomonae pacaxiban. Baraxota paenan siete po matacabibe.

*Meje yabara poxonae Pablo Troas tomara siwa pona*

<sup>7</sup> Pentaquei seicae matcabitha, domingotha, pana nacaetutan, pata epanantarubi janacaenexa tsane pan. Pablo cuiduba pomonae Jesús pejume cowantsiwichi, tsipei baya warapaena Pablo. Daxota poxonae cueicueijeí beya yapapae. <sup>8</sup> Po tutu athabeicha barapo tututheicha pana nacaetutan. Barapo tututha ainya coichan dubena. <sup>9</sup> Pewowindu pewun Eutico, barapoyo bomuxu tututha ventanatha pemuxuburutha eca. Pablo bayiyo tsuxubi xua Nacom Pejume Diwesi cueicueijeí. Barapoxonae Eutico nantacotiya maitecataba. Tajú wejopeica. Po tututha Pablo cueicueijeí tsuncuae xua ichaxota acoibi tututheicha barapo tutu wejopeica. Eutico petupaeyo pitatsi. <sup>10</sup> Bara nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamonae barai Pablo, jeye:

—Jopa pajunuwinde, bara apara asu, jei.

<sup>11</sup> Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueijeí Nacom Pejume Diwesi, beya yajume pentha tsina. Bapoxonae weta. Bara cou nama matacabi wanae tsuxubiba Pablo warapa. <sup>12</sup> Barapo pewowin Eutico equeicha bara asu. Eutico

piamonae bo becayiyatsi. Daxita saya juntu coyene tsacabatsi xua juntea jinompa xua equeicha Eutico peasaxae.

*Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya*

<sup>13</sup> Paxon copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponaei. Bara xotiya, Aso tomaratha paichichipan payapitan Pablo. <sup>14</sup> Poxonae Pablo Aso tomaratha pasaxibarucsuran, bapon equeicha pana yantaba. Mitilene tomara beya pawarapan. <sup>15</sup> Mitilene tomara wewarapiyan. Bapoxonae icha maticabitha imoxoyo Quio tunaetha papatan icha muxunenetha. Baraxota caentacabitha paenan. Equeicha icha maticabitha Samos tunaetha papatan. Barapoxonae equeicha icha maticabitha Mileto tomaratha papatan. <sup>16</sup> Baxua Pablo exana tsipei bapon nanta xeina xua jopa becaeyo ainya maticabin Asia nacuatha. Bapon aichaxaibi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés maticabi tsane, icha bara pecui jupaenexatsi.

*Meje yabara poxonae Pablo tsipaeba penapatae jiwi Efeso tomaratha*

<sup>17</sup> Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwi pewabinexatsi pomonae Jesús pejume cowantsiwichi, xua Mileto tomaratha pepatsinexa. <sup>18</sup> Poxonae Efeso tomarapiwi, penapatae jiwi pata baxota, Pablo barai, jeye: “Bara paxam payaputaneme xua wanae poponan poxonae copiya patopan Asia nacuatha painya xantha. Awiya cataunxuae barichin wanae poponan. <sup>19</sup> Daxita maticabi Jesús pejume diwesi cueicueijan tsaibi. Jopa bichocono atsaca tsaibinyo. Jume wanaeya natsipae-ban saya. Poxonae Nacom pon jiwi Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibe. <sup>20</sup> Paxam payaputaneme xua jopa nacui baraxubinyo xua tapaca tsipaebiwatsi Jesús pejume diwesi xua po coyene painya nepaca yawenaewa tsane. Paca cuidubatsi jiwi peitabaratha tatsi. Matautano painya boxithano paca cuidubatsi. <sup>21</sup> Judiomonae jume daunweya cuiduban. Iruru pomonae jopa judiomonae naexanaeyo jume daunweya cuiduban xua barapomonae bewa icha juntu coyene pex-einaenexa Nacomtha xuano pejume cowantsinexatsi Jesús pon Wanacanamataxeinaein. <sup>22</sup> Nacom pia Pejumope tana-xu tatsi neitoroba xua bewa ponaetsipanjei Jerusalén tomara beya. Ichitha jopa nayaputaeyo pocotsiwa xua baxotiya

tsane ichamonae inta exanaena. <sup>23</sup> Jame anoxuae saya meisa yaputan xua Nacom pia Pejumope t̄nax̄u tatsi yabara netsi-paeba xua daxita tomaran ichaxota pateibin. Nebarai, jeye: 'Jiwi pec̄abi bontha cajebibina, yawa caperaxa exaneibinano', nejei Nacom pia Pejumope t̄nax̄u tatsi. <sup>24</sup> Juntucuru xua icha t̄pan, baraxua jopa netsita ainya cuiyo. Bara jemba tsane icha saya poponaein. Icha t̄pan, bara jemba tsane. Daxota neitac̄pa xua j̄nt̄u coyene weiweinaya exanaein pocotsiwa Jesús neitoroba beya yacuiya t̄pajopaein. Matautano daxota neitac̄pa xua wetsin pocotsiwa Jesús neitoroba, pon Pecanamataxeinaeinchi jiwi, xua tapaca tsi-paebiwatsi barapo pexeinya jume diwesi po coyene xua bi-chocono jiwi peantobewatsi Nacom.

<sup>25</sup> "Bayatha paca tsipaebatsi Nacom Pejume Diwesi po diwesi yabara xua Nacom waba jiwi, petanaexanaenexa tsainchi pijimonae jiwana tatsi pomonae itorobiya peewat-sixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane. <sup>26</sup> Daxota anoxuae paca tsipaebatsi icha jopa pajume cow̄ntsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebibatsi pexeinya jume diwesi. <sup>27</sup> Daxita xua Nacom neitoroba barapo diwesi omeicha paca tsipaebatsi. Jopa icha diwesiyo copatsinyo. <sup>28</sup> Painya coutha xanepanaya pana naj̄nt̄u coyene yabara nanta xeinare. Matautano xaniwaicha payapu eenare pomonae Jesús pejume cow̄ntsiwichi. Paxam pitiri jiwi pam, baxua paexande tsipei Nacom pia Pejumope t̄nax̄u tatsi paca itoroba painya neyapu cainompaenexa tsane Jesús pejume cow̄ntsiwi tatsi. Matautano baxua paexande tsipei barapomonae Nacom pi-amonae tatsi, tsipei pexanto tatsi tsit̄pa xua barapomonae jopa peweraweracaewa tsane. <sup>29</sup> Yaputan poxonae warapaein tacoutha patsina ichamonae. Barapomonae Jesús pejume cow̄ntsiwichi abe exanaeinchi. Barapomonae Jesús pejume cow̄ntsiwichi d̄c̄pa exanetinchi icha neuth̄u ichi. <sup>30</sup> Barichi painya jiwi jiwanamonae ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cow̄ntsiwichi pejume cow̄ntsinexa barapo penaerabi diwesi. <sup>31</sup> Dota pam, xua peabe jume, painya nejume cow̄ntsiwa. Pana necui yabara nanta xeinare xua paca cuidubatsi acoibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

<sup>32</sup> "Tamonae pam, Nacomtha pacata tsipaebatsi xua paca necayawenaewa tsane, xuano xua Nacom Pejume Diwesi

painya necayawenaenexa po diwesi xua paca cuiduba xua pinae Nacom paca antobe. Barapo Nacom Pejume Diwesi peayapusuwa xeina xua ajuntayapusuya paca cana exanapona. Matautano paca catsina daxita pocotsiwa bayatha pepa piamaetha yabara tsiwuna muxu duta xua catsiba paeba. <sup>33</sup> Jopa taichichi tsaibinyo xua ichun pia paratixi tatsi matautano xua ichun pia paparuwan tatsi. <sup>34</sup> Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba. <sup>35</sup> Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajntemainaeinde xua Jesús pon Pecanamataxeinaein jiwi namchi, xua jeye: ‘Ba juntu coyene weiweina bichocono pon cata beyacaincha xua pon pecatsixaetsi’, jei Jesús”, jei Pablo.

<sup>36</sup> Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncua. Pablo daxita baru tsipaeba Nacomtha. <sup>37</sup> Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi. <sup>38</sup> Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopiyatsi po naetha po nae pin nae.

## 21

*Meje yabara poxonae Pablo weratha Jerusalén tomara bewarapiya po naetha po nae pin nae*

<sup>1</sup> Poxonae Jesús pejume cowantsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepapiyan weratha. Barapoxonae equeicha icha matabitha Pátara tomara bepawarapiyan weratha. <sup>2</sup> Pátara tomaratha baxota equeicha icha nae panotarucupan. Fenicia tomara bepawarapiyan. <sup>3</sup> Poxonae Chipre tunaeto patan pamatawacaicha toqueban. Barapo tunaeto pata tatsocona iya paxenta iyian. Siria nacua bepapiyan. Barapo nae Tiro tomaratha botouna, pejotsinexa tsane xua capona. Tiro tomaratha paxubarucupan barapo nae. Baxota painompanno. <sup>4</sup> Baraxota Tiro tomaratha pacaxibarucupan pomonae Jesús pejume cowantsiwichi. Barapomonae pia xantha tatsi pajinompan siete po merawiyobe. Barapomonae Pablo tsipaebatsi, jeichichi: “Jopa Jerusalén tomara beya ponaeinde”, jeichichi.

Nacom pia Pejumope tɯnaxɯ tatsi barapomonaе yabara tsiwanaya tsipaebatsi po coyene xua ichamonae Pablo cana exanaeinchi barapo tomaratha. <sup>5</sup> Poxonae barapo siete merawiyobe payapucaewan paponarɯcɯpan. Daxita pomonaе Jesús pejume cowantsiwichi, tomara weya pana nepu taeumenathopiya yabɯxino pexuino. Taetabo mene itapa bepaiyan. Baraxota pentabocototha paumenan. Nacom patsipaeban. <sup>6</sup> Pana napeyaban barapomonaе, pana naisa teica pata taneantobexae. Bapoxonae equeicha jera panotarɯcɯpan, barapomonaе equeicha pia boxi benawibiya.

<sup>7</sup> Bara papanenebiyan tsɯrɯcɯrae xua Tiro tomara weya paponan. Tolemaida tomara beya papanenebiyan. Baxota equeicha pajacoban pomonaе Jesús pejume cowantsiwichi. Caentacabitha baxota pajinompan. <sup>8</sup> Icha matabitha, Pablono yawa xua pomonaе pata tacueyabixae pan Cesarea tomaratha papatan. Barapo tomaratha Felipe pia bo tatsi bepaiyan. Bapon Nacom Pejume Diwesi pecueicueije ducuaenaebiyae jiton. Bapon jiwana pomonaе siete poyobe pomonaе peyawenaе jiwi. Barapo siete poyobe, matha cain itapetatsi Jerusalén tomaratha xua Jesús pia peitorobi jiwi tatsi peyawenaenexatsi. Barapon pia xantha tatsi paenan. <sup>9</sup> Felipe cuatro po pexantiyobe tatsi xeina. Barapowaxi cataunxuae jopa jitha enaeyo. Barapowaxi tsipaeba jiwi Nacom Pejume Diwesi xua Nacom yaputane exana. <sup>10</sup> Baxota caentacabiyobe paenan Cesarea tomaratha. Barapoxonae Judea nacuapin patopa, pon Nacom pia peitorobi pepaebin, pon pewɯn Agabo. <sup>11</sup> Agabo pana nesiwa pona. Pablo coreinya bocoto mara wejontatsi. Barapo coreinya bocototha petaxuno, pemaxɯno Agabo pia coutha nacaecunta cubaxuba. Bapoxonae Agabo namchi, jeye:

—Bayatha Nacom pia Pejumope tɯnaxɯ tatsi netsipaeba po coyene xua judiomonaе exanaena Jerusalén tomaratha. Bepa pinae barapomonaе caiche tsane pon xua pia bocoto pexeinaein pocotsi bocote, ichaunxuae naichin, bara jɯta caichi tsane pinae. Matautano bepa pinae barapomonaе cacaponaе pomonaetha pomonaе penanapaincha jinompaewi xua icha nacula werena peponaewi, jei Agabo.

<sup>12</sup> Poxonae baxua pajume tan, paxan irɯ pomonaе Cesarea tomarapiwi Pablo pabaran, pajanje:

—Bara, jinxoba poname Jerusalén tomara beya, pajan.

<sup>13</sup> Ichitha Pablo pana jume nota, jeye:

—¿Eta xua metha pana siwa wecoyam? ¿Eta xua metha pana itanuwe forotame? Bara bayatha nacui yabara jume wetan tanecubinexa tsane, matautano tatɯpaenexa tsane Jerusalén

tomaratha tajume cowantsixae Jesús, pon jiwi Pecanamataxeinaein, jei Pablo.

<sup>14</sup> Bequein Pablo jume daunweya pabaran xua jopa ponae tsane ichitha Pablo dapo jumetha bepa ponaei. Matapainya saya jopa equeicha pata jumeyo. Matautano pajan:

—Basaya moya baxua exanaena be pocotsi coyeneya xua Nacom ichichipa, pajan.

<sup>15</sup> Bapoxonae poxonae pana jume wetan baxua, bara nama paxainxainyan. Bapoxonae Jerusalén tomara bepawarapiyan. <sup>16</sup> Ichamonae Cesarea tomarapiwi, pomonae Jesús pejume cowantsiwichi pana nepuna pona. Pana capona bo beya pata tajinompae nexa tsane, pebin pon pewan Mnasón, bapon pia bo beya tatsi. Bapon Mnasón Chipre tunaetopin. Bapon pinae caena bayatha jume cowanta Jesús.

*Meje yabara poxonae Pablo, Santiago siwa poinchi*

<sup>17</sup> Poxonae Jerusalén tomaratha papatan, baxota pomonae Jesús pejume cowantsiwichi weiweinaya pana matenta waba bichocono. <sup>18</sup> Icha matababitha Pablo pana nebaru pona. Pasiwa ponan Santiago. Baraxota iru daxita pitiri jiwi jinompau. <sup>19</sup> Barapomonae Pablo jacobae. Bapoxonae tsiwiyu bexa Pablo tsipaeba daxita po coyene xua Nacom exana pomonaetha pomonae jopa judiomonae naexanaeyo. Yawano paeba po coyene Pablo itorobatsi Nacom, xua petacaponae nexa Nacom Pejume Diwesi tatsi. <sup>20</sup> Poxonae jume tane baxua xua Pablo paeba, barapoxonae barapomonae Nacom wanae jaintatsi. Nexata Santiago Pablo baraichi, jeye:

—Taema, incane jume taema. Judiomonae pin bicheiton tsoponae, pomonae bayatha Jesús jume cowantatsi. Daxita barapomonae namuxutainyaba xua pinae daxita jiwi nantawenona xua Moisés pia peitorobi coyene exanapona. <sup>21</sup> Cayopita ichamonae xua pinae cuidubame judiomonae pomonae icha nacuantha pejinompawewi. Pinae cuidubame xua equeicha pinae barapomonae bewa jopa yabara jume cui exanae pocotsiwa bayatha Moisés itoroba. Matautano pinae cuidubame barapomonae xua pinae jopa bewa penawi thabi coyene exanae tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinae cuidubame xua barapomonae bewa jopa exanae barapo peitorobi coyenewan xua pinae pocotsiwa wamo jiwi bayatha exaneiba. <sup>22</sup> ¿Eta xua waxainchi exanaeinchi? Tsipei judiomonae, pomonae pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame. <sup>23</sup> Paxan xua paca itorobatsi baxua exande. Taema xote pata xantha cuatro poyobe poponabe pebiwi. Barapoyobe yabara nacui wanae tsijume

dutabe Nacomtha pocotsiwa xua exanapaeba. Anoxuae baxua barapomonae bewa exanae pocotsiwa bayatha exanapaeba. <sup>24</sup>Barapomonae maticayande paratixi nanacui baru nantomare sacerdotemonaepintha, xam nexano iru barapomonae nexano xua jopa painya nenajuntu coyene taxobinexa. Nanacui baru nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamonae abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba. <sup>25</sup>Paxan pata tinan carta pomonae Jesús pejume cowuntsiwichi, pomonae jopa judiomonae naexanaeyo. Pata yabara tinan baxua xua pananta xeinan xua barapomonae beexanaetsipa. Pajan barapo cartatha: ‘Painya xoba duwei paw xaneme po duwein jiwi tsiseba ibo nacom. Matautano painya xoba paxaneme po duwein pon saya pipato tapuncua, xuano painya xoba pajana xaneme. Painya xoba pasiwa xeiname yabuxi xua jopa painya seurixi’, pajan, jei Santiago.

*Meje yabara poxonae soldadomonae Pablo maxu waetabatsi judiomonae pin pia botha tatsi, bapoxonae jiwi pecubi bo beya caponatsi*

<sup>26</sup>Nexata Pablo baru poinya barapo cuatro poyobe. Icha maticabi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonae Pablo iru barapo cuatro poyobe Nacom pin pia botha tatsi joniya. Pablo namchi, jeye: “Equeicha papatsinan siete po maticabibe poxonae pawetsin po coyene xua daxota jopa pata najuntu coyene taxobiwa Nacomtha. Pacaponaein duwein sacerdotemonaepin pebexubinexa tsane xua pata catsinexa Nacom”, jei Pablo.

<sup>27</sup>Poxonae barapo siete maticabiyobe imoxoyo yapucaewinaba, bapoxonae Pablo judiomonae Nacom pin pia botha tainchi. Pomonae Pablo tainchi, barapomonae judiomonae pomonae Asia nacua weya pona. Pomonae Pablo tainchi, barapomonae exana xua pin bicheito namtsebiya wawai xua Pablo pecasebixaetsi. Bapoxonae Pablo waetabatsi. <sup>28</sup>Jume daunweya wawai, jeye: “¡Pajume taema, paxam pomonae Israel nacuapiwi pamxaem! ¡Pana yawende! Barapon cuiduba ducuaaebiya daxita jiwi. Abeya naca yabara cui cueicueijei. Matautano abeya yabara cueicueijei Moisés pia peitorobi coyenewan tatsi. Matautano barapo Nacom pin pia bo abeya yabara cueicueijei barapon. Matautano bapon griegomonae maticapoinchi barapo Nacom pin pia bo berena. Poxonae Pablo maticapona

griegomonaē, Nacom pin pia botha tatsi atutube exana”, jei barapomonaē.

<sup>29</sup> Baxua paeba, tsipei poxoru bayatha barapomonaē Pablo tainchi Jerusalén tomaratha. Baxota Pablo bar<sub>u</sub> pona Efeso tomarapin, pon pew<sub>an</sub> Tróximo. Daxota barapomonaē cat-sawa nanta xeina xua metha bayatha Pablo Nacom pin pia botha bar<sub>u</sub> pona Tróximo. Da<sub>u</sub>metha Tróximo baxota jopa naponae<sub>yo</sub>.

<sup>30</sup> Daxita tomarapiwi j<sub>u</sub>paya equeicha jume daunweya wawai. Daxita cuinaerendena, barapomonaē Pablo yoroba teicatsi. Nacom pin pia bo wemax<sub>u</sub> capoinyatsi. Barapoxonaē barapomonaē bichocono yaboupa cateitabanota Nacom pin pia bo. <sup>31</sup> Barapomonaē, pomonaē peanaepanaewi muxu Pablo pebexubichi. Bara nexata romanomonaē soldadomonaē pia pepa pentacaponaein tatsi jume tane xua daxita Jerusalén tomaramonaē najume cayataxuba. <sup>32</sup> Nexata soldadomonaē pia pepa pentacaponaein tatsi, bapon pia soldadomonaē copiya piamonaē cae<sub>ca</sub>etuteta. Bapoxonaē barapo soldadomonaē pin bicheito becuinaeyiya ichaxota Pablo muxu pebexubichi. Poxonaē barapo soldadomonaē taer<sub>u</sub>c<sub>u</sub>patsi barapo bicheito xainya umenar<sub>u</sub>c<sub>u</sub>pa. Barapoxonaē barapomonaē equeicha jopa Pablo butsi. <sup>33</sup> Nexata soldadomonaē pia pepa pentacaponaein tatsi Pablo imoxoyo caquita uncuatabatsi. Bapoxonaē Pablo max<sub>u</sub> waetabatsi. Bapon soldadomonaē pia pepa pentacaponaein tatsi piamonaē itoroba xua ainya naintothabe pemax<sub>u</sub> c<sub>u</sub>baxubinexatsi Pablo. Bapoxonaē bapon soldadomonaē pia pepa pentacaponaein tatsi yainyaba pin bicheitho<sub>ta</sub>, jeye: “¿Jintam baraponda? ¿Eta xua metha bapon exana?” jei. <sup>34</sup> Ichitha barapomonaē ichawan caununaya wawai. Ichamonaē ichawa wawai. Daxota bapon soldadomonaē pia pentacaponaein tatsi jopa xapain jume taeyo. Bapoxonaē bapon soldadomonaē pia pentacaponaein tatsi Pablo itorobatsi soldadomonaē pia bo beya tatsi. <sup>35</sup> Poxonaē patopa soldadomonaē pia bo beya, penonobabeiyaewatha xua nonababei<sub>bi</sub>ya soldadomonaē Pablo yoichiya capoinchi bara beya. Pin bicheito bichocono anaepana daxota Pablo yoichiya capoinchi. <sup>36</sup> Barapo pin bicheito soldadomonaē cayabara wawaya punaenapoinchi, jeye: “¡Maisa pabexore bapon!” jei barapomonaē.

*Meje yabara poxonaē Pablo paeba barapomonaē peitabaratha*

<sup>37</sup> Poxonaē juntucuru Pablo soldadomonaē pia bo beya capoinchi, Pablo barai soldadomonaē pia pentacaponaeintha tatsi, jeye:



—¿Metha ichauyo catsipaebichipatsi? jei Pablo.

Poxonae baxua jume taeba, soldadomonaе pia pentacaponaein tatsi yainyaba, jeye:

—¿Xam necueicueijeinda griego jumera? <sup>38</sup> ¿Xam barapo jitomda egipcio nacuapimda, pon nacaetuteiba exaneiba pijimonae xua ichamonae pejutebeibinexa tsainchi? ¿Xam barapomonaе pia pentacaponaein tatsi, pon xua matacaponaponame cuatro mil jiwi ichaxota ira xuepana susato tsurucuae nacuatha? jei soldadomonaе pia pepa pentacaponaein tatsi.

<sup>39</sup> Nexata Pablo jume nota, jeye:

—Apara pepa judiomonaepiyon. Tarso tomaratha naexanan. Tatomara ainya cui tsipei pepa tomara. Tarso tomara Cilicia nacuatha eca. Nejume cui yabara copare xua barapomonaе tatsipaebiwa tsane, jei Pablo.

<sup>40</sup> Soldadomonaе pia pepa pentacaponaein tatsi bara Pablo yabara jume copatatsi xua Pablo bara pepaebiwa tsane. Pablo ichaxota nonababeibiya baxota asiya uncuа. Yawa pecobetha jume matawenta barapomonaе xua moya peenaenexa. Poxonae moya enarꝥꝥꝥꝥ barapomonaе, Pablo hebreo jumetha cueicueije. Namchi, jeye:

## 22

<sup>1</sup> “Tamonae pam, irꝥ pomonaе pitiri jiwi pam, pana nejume taema xua tapaca tsipaebiwa tsainchi xua tana nabaꝥꝥ jume yawenaewan”, jei Pablo.

<sup>2</sup> Poxonae barapomonaе jume taerꝥꝥꝥꝥ, xua Pablo hebreo jumetha cueicueije, barapomonaе moya enarꝥꝥꝥꝥ. Pablo barapomonaе barai, jeye:

<sup>3</sup> “Xan apara judiomonaepin. Bayatha naexanan Tarso tomaratha, Cilicia nacuatha. Saya apara Jerusalén tomaratha wichaban. Baxota nacuiduban po coyenein wamo susato jiwi itorobeiba. Daxita barapo coyenein pebin pewꝥꝥ Gamaliel, necuiduba. Necui eeneiba xua Nacom tanacuuiteiban xua daxita tajꝥꝥꝥꝥ coyenewatha icha anoxuae daxita paichiponaem. <sup>4</sup> Bayatha jeiteiban pomonaе pejume cowꝥꝥꝥꝥꝥ Jesús pia pena pecuidubiwa tatsi. Teiqueibanno, jiwi pecꝥꝥꝥꝥ bo beya caponeiban, pebiwino yawa yabꝥꝥꝥꝥ. Tsipei ichichipan xua ichamonae jutebeiba xua barapomonaе pejutebeibinexatsi. <sup>5</sup> Sacerdotemonaе pia pentacaponaein tatsi irꝥ pitiri jiwi paca tsipaebina xua bayatha barapomonaе necata cartan xua barompaya wajudiomonaе nexa xua Damasco tomaratha. Barapo cartanxae neitacꝥꝥꝥꝥ xua tateicaewa tsane pomonaе Jesús pejume cowꝥꝥꝥꝥꝥꝥ. Baxota Damasco tomaratha ponan tajeichinexa pomonaе Jesús pejume

cowantsiwichi, tsipei tha Jerusalén tomara becayaetsi barapomonaē, matautano tsipei tha yamaxu cubiya caponaetsi taperaxa exanaenexa tsane barapomonaē”, jei Pablo.

*Meje yabara poxonaē Pablo diwesi paeba xua poxonaē po coyene pejume cowantsiwa Jesustha*

<sup>6</sup> Equeicha Pablo jeye: “Damasco tomara namtotha ecaponan, bara nama mateinyaxae tsuxubi. Poxonaē bara muxu tapatopaeba barapo tomaratha, bapoxonaē pin coicha neyancataba. Taxainya benematawacaicha jopeica. Peitaboco wejopeica. <sup>7</sup> Iratha jopan. Bapoxonaē peitaboco wenebaraichica. Jume taeuncuan, nebarai, jeye: ‘Saulo, Saulo, ¿eta xua metha tamonaē inta abe exaname?’ jei. <sup>8</sup> Nexata yainyaban: ‘Pon jiwi Necanamataxeinaem, ¿jintamūmda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaē inta abe exaname’, nejei. <sup>9</sup> Pomonaē nepuna pona iru coicha taneno. Bichocono bapomonaē junuwa. Saya meisa coicha tane, saya jopa jume taeyo po jume xua nebaraichica. <sup>10</sup> Nexata yainyaban: ‘Pon jiwi Necanamataxeinaem, ¿eta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichun yabara catsipaebina pocotsiwa xua bewa exanaename’, nejei. <sup>11</sup> Barapo coicha bichocono neitata naquitaba exana. Pomonaē nepuna pona Damasco tomara benemaxu cayiya.

<sup>12</sup> “Barapo tomaratha, Damasco tomaratha, cou pebin pona, bapon pewun Ananías. Bapon daxita yabara jume cuiya exaneiba Moisés pia peitorobi coyene tatsi. Barapo judiomonaē, Damasco tomaratha, barapomonaē Ananías xanepanaya yabara paebeibatsi. <sup>13</sup> Ananías nesiwa pona. Bapon nebarai: ‘Saulo, tamonaē jitom, equeicha caewa nepu necotsinde’, jei. Bara caena barapoxonaē equeicha caewa necotaxuban. Bapon bapoxonaē taenotan. <sup>14</sup> Ananías nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejuntu coyene xanepanaein, matautano nejume taenexa pocotsiwa catsipaeba. <sup>15</sup> Aunxuae Jesús yabara cueicueijam tsane daxita nacuan jupayantha. Yabara paebiname daxita xua taneme xuano xua jume tanemeneno. <sup>16</sup> Anoxuae, ¿eta xua metha came ecame? Nontaponde. Barabu ichun cabautisabina Jesucristo pewuntha, pon jiwi Pecanamataxeinaein, necayabara jantemainaenexa abe jinya neexanaē cuiru coyenein’, nejei Ananías”, jei Pablo.

*Meje yabara poxonae Pablo nayabara paeba xua peitorobiwatsi ichaxota pomonaetha pomonae jopa judiomonae naexanaeyo*

<sup>17</sup> Pablo cataunxuae cueicueijei, jeye: “Poxonae caibe nawiyán Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxonae camaitan xua netsita naitaata. <sup>18</sup> Jesús necotan, pon jiwi Pecanamataxeinaein. Bapon nebarai: ‘Antha yacuinaya pontabare Jerusalén tomara weya, tsipei barapomonae jopa xapain cajume cowantsi tsane xua tana neyabara paebiwam’, jei Jesús. <sup>19</sup> Nexata jume epa pitan: ‘Pon jiwi Necanamataxeinaem, barapomonae bayatha necui yaputane xua poneiban daxitan judiomonae pia penacaetutsi bontha tatsi. Bayatha jiwi pecubi botha caponeiban, pomonae necajume cowantsiwi. Matautano bichocono beibanno. <sup>20</sup> Poxonae Esteban bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxonae Esteban bexotsi, saya cui matá taeuncuan. Yabara jume bará cui jejan poxonae barapomonae Esteban bexubapaebatsi. Barapomonae pipaparuwan tajeban’, jan Jesustha. <sup>21</sup> Ichitha bapon pon jiwi Pecanamataxeinaein nebarai: ‘Antha ponde. Aunxuae tajá caitorobinchi barapomonae beya, pomonaetha pomonae jopa judiomonae naexanaeyo beya’, nejei”, jei Pablo.

*Meje yabara poxonae soldadomonae pia pentacaponaein tatsi Pablo waetabatsi*

<sup>22</sup> Pablo cataunxuae paebuncua barapo penonobabeibiyathopaewatha soldadomonae pia botha. Poxonae Pablo jume taerucupatsi xua bepa pinae ponaena pomonaetha pomonae jopa judiomonae naexanaeyo beya, bapoxonae barapo bicheito namtsebiya wawai, jeye: “¡Maisa bapon pabexore bara! ¡Dapocotsin jopa bewa poponae!” jei. <sup>23</sup> Awiya came barapomonae wawai tsompae. Yawa pia paparuwan anaya núnababa. Yawa taetowan anaya athabe bebeicha. <sup>24</sup> Romanomonae soldadomonae pia pepa pentacaponaein tatsi, bapon pia soldadomonae itoroba xua Pablo pecapon-aenexatsi soldadomonae pia bo beya tatsi xua jiwi pecubi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomonae. <sup>25</sup> Poxonae bara juntucuru Pablo maxá cütanotatsi xuano juntucuru muxu pebetsino, Pablo barai soldadomonae pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana

necanaichipaem icha jopa neyabara paebiyo pon jiwi peyabara paebin penatsicuentisiwa xua abe peexanaexae, jei Pablo.

<sup>26</sup> Poxonae baxua jume tane, soldadomonae pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apra cou deta Pablo iru romanomonaepin, jei.

<sup>27</sup> Nexata soldadomonae pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepim? je-ichichi Pablo.

Pablo jume nota, jeye:

—Aa, bara xan tsocuaein, jei Pablo.

<sup>28</sup> Soldadomonae pia pepa pentacaponaein tatsi Pablo jume notatsi, jeichichi:

—Xan iru barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apra seicaya nama xan caena bayatha pexuyothan yacuiya naexanan romanomonaepin, jei.

<sup>29</sup> Poxonae Pablo baxua paeba, bapoxonae pomonae Pablo muxu pecuainchichi Pablo pexeinya wetanatsix-ibarucupiyatsi. Iruu bara wenatsixitabiya soldadomonae pia pepa pentacaponaein tatsi tsipei bapon yaputane xua Pablo apra romanomonaepin. Daxota junuwa xua Pablo pemaxu cubixaetsi.

*Meje yabara poxonae Pablo pentacaitorobi bicheitomonae peitabaratha uncu pomonae judiomonae*

<sup>30</sup> Icha matabitha soldadomonae pia pepa pentacaponaein tatsi bepa yaputaei, bepa jeyei: “¿Eta xua metha Pablo yabara anaepanatsi judiomonae?” bepa jeyei. Daxota bapon, Pablo taxuenaxotsi xua maxu cutatsi. Nexata bapon itoroba xua sacerdotemonae pia pentacaponaei tatsi iru pentacaitorobi bicheito nacaetutsina. Pablo bara bebaru iyatsi. Baraxota cuaranotatsi barapomonae peitabaratha tatsi.

## 23

<sup>1</sup> Pablo pentacaitorobi bicheito beya bichocono naita cui dutsiya necoya. Pablo barapomonae beya namchi, jeye:

—Tamonae, caena bayatha beya anoxuae juntu coyene xanepanaya poponan Nacom peitutha tatsi, jei Pablo.

<sup>2</sup> Nexata sacerdotemonae pia pepa pentacaponaein tatsi, Ananías, bapon itoroba xua Pablo pecoibo cuainchinexatsi

pomonae Pablo imoxoyo caquita peumenaexaetsi. <sup>3</sup> Ichitha Pablo jume nota, Ananías jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxuitorobin, Nacom cacuainchina. Xam ecame xote jinya tana neyabara paebinexam tana natsicuentsiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonae ichamonae itorobame xua tana necoibo cuainchinexa poxonae Moisés pia peitorobi coyenewatha jopa baxua itorobiyo, jei Pablo.

<sup>4</sup> Pomonae Pablo imoxoyo caquita umeinchi, jeichichi:

—Apara sacerdote pia pepa pentacaponaein tatsi abe tsi-paebame pon Nacom tanacuitatsi, jei barapomonae.

<sup>5</sup> Pablo jume nota, jeye:

—Tamona, jopa yaputaeinyo xua pon tsipaeban aparta sacerdotemona, pia pepa pentacaponaein tatsi. Icha yaputaetsipan, jopa paebinchipae. Nacom Pejume Diwesitha namchi, jeye: ‘Jopa bewa painya pentacaponaeiwi jiwana abe pajainchim pomonae xua painya tomaratha’, jei Nacom Pejume Diwesitha, jei Pablo.

<sup>6</sup> Nexata Pablo cui yabara nanta xeina barapomonaetha tsipei ainya bicheitobe, ichamonae saduceomonaer<sub>u</sub>, ichamonae fariseomonaer<sub>u</sub>. Daxota bapon Pablo jume daunweya wawai barapomonaetha, jeye:

—Tamona, bara xan aparta fariseomonaepin, yawa fariseomonaepin pexanton. Tsipei jume cow<sub>u</sub>ntan xua jiwi pet<sub>u</sub>paewi equeicha as<sub>u</sub> tsaibi tsane daxota pana necaponame painya tana neyabara paebinexam xua tana natsicuentsiwa xua abe taexanaexae, jei Pablo.

<sup>7</sup> Poxona, Pablo baxua paeba saduceomona, ir<sub>u</sub> fariseomona, najume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya naba<sub>u</sub> nanta xeina. <sup>8</sup> Saduceomona, paeba xua pinae pet<sub>u</sub>paewi jopa equeicha as<sub>u</sub> tsaibi tsane. Mata<sub>u</sub>tano barapomona, paeba xua pinae matatsunpiwi jopa jinompaeyo, mata<sub>u</sub>tano pinae dowatsi dapomona, pinae ajibi. Ichitha meisa fariseomona, jume cow<sub>u</sub>nta daxita barapo diwesin, xua pinae pewerapeibiwi equeicha as<sub>u</sub> tsaibi tsane, mata<sub>u</sub>tano xua pinae dowatsi jinompa, xuano xua pinae matatsunpiwi bara jinompa. Daxita barapo diwesin fariseomona, jume cow<sub>u</sub>nta. Ichitha nama saduceomona, jopa daichiyo. <sup>9</sup> Daxita barapo bicheitobe namtsebiya wawai. Fariseomona, jiwana ichamonae

nonobapona. Barapomonae yaputane nawita Moisés pia peitorobi coyene tatsi. Barapomonae namchi, jeye:

—Bapon Pablo jopa abe exanaeyoba, metha dowatsi bapon tsipaebatsi, ichacuitha metha matatsunpin bapon tsipaebatsi, jei barapomonae.

<sup>10</sup> Barapomonae daxita najume matsontsonobiya biatane. Bapon romanomonae soldadomonae pia pepa pentacaponaein tatsi, bapon bichocono junuwa tsipei Pablo tsana peru xunaeinchi. Daxota bapon romanomonae soldadomonae pia pepa pentacaponaein tatsi itoroba pia soldadomonae xua Pablo equeicha caponaeinchi soldadomonae pia bo beya tatsi.

<sup>11</sup> Icha mataqueitha merawi pon Pecanamataxeinaein jiwi, Pablo imoxoyo caquita uncuatsi xua tsita naitautatsi. Bapon namchi, Pablo baraichi, jeye: “Pablo, najuntu coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

*Meje yabara poxonae judiomonae nanta xeina xua Pablo pebexubiwa tsainchi*

<sup>12</sup> Icha mataqueitha, ichamonae judiomonae peburuya nanta jupaya nanta xeina xua Pablo pebexubiwa tsainchi. Barapomonae nayabara tsiwanae muxu duta Nacomtha xua bepa pinae jopa nabanae tsane, xuano jopa apae tsaneno xua beya pinae yajainbonaya othopaena poxonae Pablo bexubinchi. <sup>13</sup> Barapomonae pomonae Pablo bexubapaebatsi xuano xua yabara nainbotapaebatsi bichocono pinmonae beyacaincha xua pocotsi cuarenta po pebiwimonaeyobe. <sup>14</sup> Barapomonae pona sacerdote pia pentacaponaeawi tatsi beya, yawa judiomonae pia pitiri jiwi tatsi beya. Barapo pebiwimonaeyobe barai barapomonaetha, jeye:

—Bayatha pana nayabara tsiwanae muxu duban Nacomtha xua jopa pata nabanaewa tsane beya tsane poxonae cataunxuae jopa pabexubinyo tsane Pablo. <sup>15</sup> Paxam iru pomonae pentacaitorobi bicheito, romanomonae soldadomonae pia pepa pentacaponaein tatsi patsipaebare xua bapon pia soldadomonae peitorobinexa xua Pablo pecuaranotsinexa tsainchi painya itabaratha baya tsane. Romanomonae soldadomonae pia pepa pentacaponaein tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenaetsi. Pata tha bexuichi, poxonae barapomonae Pablo caponaeinchi, jei barapomonae.

16 Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pe-waetabinexa tsainchi Pablo. Daxota Pablo perobi tatsi pona soldadomonaepia bo tatsi beya. Baxota Pablo perobi tsipae-batsi xua barapomonaepia Pablo bepa bexubichei. 17 Nexata Pablo waba pon xua romanomonaepia soldadomonaepin pia pentacaponaeiwi jiwana. Pablo namchi, jeye:

—Poye pewowin wato caponde romanomonaepia soldadomonaepia bepa pentacaponaein tatsi beya, tsipei bapoyo diwesiyo xeina xua petsipaebiwa tsane, jei Pablo.

18 Romanomonaepia soldadomonaepia pentacaponaein tatsi Pablo perobi tatsi capoinchi xua romanomonaepia soldadomonaepia bepa pentacaponaein tatsi beya. Bapon namchi, jeye:

—Pablo soldadomonaepia botha pecaein, bapon neitoroba xua pinae bepa caponaeinjei poye. Tsipei pinae xeina diwesiyo xua necatsipaebinxaxa, jei bapon soldadomonaepia pentacaponaein tatsi. 19 Pablo perobi tatsi cobe pitatsi romanomonaepia soldadomonaepia bepa pentacaponaein tatsi. Barua natsixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

20 Nexata pewowin wato jume nota romanomonaepia soldadomonaepia bepa pentacaponaeintha, jeye:

—Judiomonaepia peburua nanta xeina xua bepa sawucaei xua Pablo baya necaponaenexa pentacaitorobi bicheitha. Bepa camuxuitorobei. Bepa jeyei: ‘Panantawenonan pata tha Pablo yainyabichi ichawiyo’, bepa jeyei barapomonaepia. 21 Ichitha jopa jume cowantsinde, barapomonaepia namtotha nantsiyatsiya bobenapaeba pe-waetabinexa tsainchi taxuyo. Barapo cuarenta po pebiwimonaeyobe natsiwanaepia yabara muxu duba Nacomtha xua bepa pinae jopa nabanae tsane yawa jopa apae tsane beya pinae poxonaepia tsane poxonaepia Pablo bexubinchi. Anoxuae barapomonaepia cajume cui ewata xua jam tsane: ‘Baya tsane Pablo pentacaitorobi bicheitha itorobinan’, jam tsane, jei Pablo perobi tatsi.

22 Nexata romanomonaepia soldadomonaepia bepa pentacaponaein tatsi barapoyo napeyabatsi. Pewowin wato ponataba. Pewowin wato baraichi, jeye:

—Ichantha jopa tsipaebinde xuaunxuae po diwesiyo netsipaebame, jei soldadomonaepia bepa pentacaponaein tatsi.

*Meje yabara poxonaepia soldadomonaepia bepa pentacaponaein tatsi Pablo itorobatsi Félix beya pon Judea nacuamonaepia peyanacua ewatsinchi*

<sup>23</sup> Romanomonaē soldadomonaē pia pepa pentacaponaein tatsi waba ainya pentacaponaeinbe. Bapon baraponbetha itoroba. Barai: “Soldadomonaē pacui w<sub>h</sub>naerebe doscientos po soldado matab<sub>h</sub>x<sub>h</sub>be pomonaē xua petaxutha ponaena, ir<sub>h</sub> setenta po soldado matab<sub>h</sub>x<sub>h</sub>be pomonaē xua cawayutha ponaena, ir<sub>h</sub> doscientos po soldado matab<sub>h</sub>x<sub>h</sub>be pomonaē dejonan cajijincaena. Barapo bicheito daxita peponaenexa Cesarea tomara beya merawitha poxonae a las nueve tsuxubi. <sup>24</sup> Matautano pacui w<sub>h</sub>naerebe cawayu ayunbe xua Pablo peequeicaenexa tsane. Matautano paitorobarebe xua Pablo beta pecaponaenexatsi, xua as<sub>h</sub>no Félix beya”, jei. <sup>25</sup> Bapon pia soldadomonaē caitoroba carta. Barapo cartatha namchi, jeje:

<sup>26</sup> “Xan Claudio Lisias. Félix, ponxaem tacabar<sub>h</sub> cui itura jinaeinchi, cajacobatsi. <sup>27</sup> Pon anoxuae cata itorobatsi nexainya beya barapo pebin waetabatsi, judiomonaē waetaba. Muxu pebexuichi. Poxonae jume tan xua bapon romanomonaepin najainta daxota nainya soldadomonaē bar<sub>h</sub> ponan bapoxonae bapon capanepan. <sup>28</sup> Tsipei tha yaputaetsi xua barapomonaē Pablo yabara paebatsi, daxota Pablo cuaranotan judiomonaē pia pentacaitorobi bicheitha tatsi. <sup>29</sup> Jume tan xua barapomonaē Pablo yabara paebatsi xua pinae bapon jopa exanaeyo icha be pocotsiwa barapomonaē pia peitorobi coyenewan tatsi paeba. Ichitha barapomonaē jopa xeinaeyo po coyene xua daxota Pablo pebexubinexatsi, xuano xua daxota jiwi pec<sub>h</sub>abi botha peetsinexatsi. <sup>30</sup> Ichitha bapoxonae jume tan xua judiomonaē namuxuweta pebexubinexa tsainchi Pablo. Daxota Pablo nexainya beya itoroban. Tsipaeban judiomonaē pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana —cabaraichi— bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

<sup>31</sup> Barapo soldadomonaē exana pocotsiwa xua bayatha itoroba pon romanomonaē soldadomonaē pia pepa pentacaponaein tatsi itoroba pon pew<sub>h</sub>n Claudio. Barapo soldadomonaē barapo merawitha Pablo capoinchi Antípatris tomara beya. <sup>32</sup> Icha mataqueitha barapomonaē soldadomonaē pomonaē petaxutha pona, caibe nawibiya ichaxota tauncuatsi soldadomonaē pia bo beya. Pomonaē cawayutha pona awiya Pablo bar<sub>h</sub> poinchi. <sup>33</sup> Soldadomonaē Pablo capoinchi Cesarea tomara beya. Barapomonaē soldadomonaē Félix catatsi barapo carta. Pablono baxota punaxubothopatsi. <sup>34</sup> Félix matha yoroba carta. Bapoxonae Pablo yainyabatsi, jeichichi:



—Pablo, ¿eta po nacua jitomda? jei.

Pablo jume nota, jeye:

—Bara Cilicia nacua piyon, jei.

<sup>35</sup> Félix namchi, jeye:

—Poxonae judiomonae patsina, pomonae xua abe cayabara paeba, bapoxonae cajume taeinchi xua tana netsipaebiwam tsane, jei Félix.

Bapoxonae Félix itoroba soldadomonae xua Pablo yapucaenaeinchi ichaxota po botha peitapanae bo, po bo Herodes cuenta naxuba.

## 24

*Meje yabara poxonae Pablo Félix peitabaratha tatsi nayabara jume paeba*

<sup>1</sup> Icha matabitha poxonae cinco po matabibe tsuxubi, pebiwi pata Cesarea tomaratha. Ichun pewan Ananías. Bapon Ananías sacerdotemonae pia pepa pentacaponaein tatsi. Iru pitiri jiwimonaeno pata. Iru pon xua petapaebeibin jiwi, pon pewan Tértulo bapon napatopa. Barapomonae nacuara pata Cesarea tomaratha. Barapomonae Félix peitabaratha taumeinchi, xua Pablo abeya peyabara paebinxatsi. <sup>2</sup> Poxonae Pablo carendenatsi, Tértulo Pablo abe yabara paebatsi. Félix baraichi, jeye:

—Félix, xam pon pana yanacua ewatame. Daxota juntema xanepanaya pajinompan. Maisa bara beta itorobiya canamataxeiname jiwi jinya neyaputae coyenewatha. Daxota xam beta exaname barapo nacuathe. <sup>3</sup> Félix, xam pon pata paca baru itura jinaeinchim, xua exaname yatsicaya wanae nawita barapo nacue nexa. <sup>4</sup> Jopa ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi. <sup>5</sup> Anoxuae payaputan xua Pablo bichocono pana cui fayacota xua abe exana. Matautano bapon judiomonae cui tsacabatsi xua nacaseba exanatsi daxita nacuantha. Matautano bapon, apara pomonae nazarenomonae barapomonae pia pentacaponaein tatsi, pomonae pecuidubi jiwi icha coyeneya pocotsiwa jopa xainyeyo. <sup>6</sup> Yawa Nacom pin pia bono tatsi juntucuru abe taexanatsino, poxonae juntucuru baru jonyatsi pon jopa judiomonae naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha. <sup>7</sup> Ichitha soldadomonae pia pepa pentacaponaein tatsi, Lisias, daunweya pana wecobe maxu pitatsi Pablo. <sup>8</sup> Soldadomonae pia pepa pentacaponaein tatsi, Lisias, pana barai: ‘Pomonae

Pablo abe jaintatsi moya Félix peitabaratha papaebare', pana jei Lisias, jei Tértulo.

Tértulo equeicha namchi, jeye:

—Félix icha yainyabatsipame Pablotha metha bara ya-putaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

<sup>9</sup> Judiomonae, pomonae Tértulo puna poinchi namchi: "Tértulo bara xaniyei paeba", jei. <sup>10</sup> Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsicuentsiwa xua abe peexanaexae xua barapo tomarathe nexa. Daxota juntu coyene weiweinan xua tana nayabara paebiwa neitabaratha. <sup>11</sup> Icha yainyabame barapomonae, Jerusalén tomarapiwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wanae tajainchinexa Nacom. Anoxuae petain doce matabibibe yapucaeawan poxonae xua bayatha ponan bara beya. <sup>12</sup> Jopa jume matsontsonobeibinyo jiwi. Yawa jiwi jopa jume cui tsacabeibinyo xua anaepanaya penajume cayayatsinexa. Baxuan jopa exanaeinyo Nacom pin pia botha. Matautano judiomonae pia penacaetutsi bontha tatsi, baxuan jopa exanaeinyo. Matautano tomaran pecuariyathan jopa baxuan exanaeinyo. <sup>13</sup> Pomonae paeba xua pinae abe exanan, barapomonae jopa jume cypaetsi xua tana necui yopichiwa xua abe exanan. <sup>14</sup> Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuiduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomonae yabara nanta xeina xua pinae barapo pecuidubiwa jopa xainyeyo. Xan jume cowuntan daxita Moisés pia peitorobi coyenewan. Matautano po diwesin Nacom pia peitorobi jume pepaebiwi tina, barapo diwesinno jume cowuntan. <sup>15</sup> Xan barichindu, Nacom yabara baru jume cowantsiya ewatan icha barapomonae ichi xua po coyene pomonae pewerapaewi equeicha asu tsane, pomonae peajuntucoyenebe jiwi iru xua asu tsane pomonae pejuntu coyene xanepanae jiwino. <sup>16</sup> Daxota jopa najuntu coyene acaurinyo tsipei nayaputan xua Nacom beta taexanan. Jiwithano jopa najuntu coyene acaurinyo.

<sup>17</sup> "Ainya wei dapaein saya icha nacuantha poponan. Bapoxonae equeicha tatomara beya poponan, Jerusalén tomara beya. Patopan baxota Nacom pin pia botha poxoru yaitama paratixi caponan xua tamonae nexa po paratixi

ichamonae taitoroba. Matautano bara beyan xua baxotiya Nacom tatsita exanaenexa xua pocotsiwa be tacatsiwa Nacomtha, xua duwein tatautsiwa tsane. <sup>18</sup> Barapo coyenein awiya exanawiyān, bequein bayatha nenacui yabara jume weta exana po coyene xua daxota Nacom jopa tsitanyo xua taajuntucoyenebewan be pocotsi coyeneya xua judiomonae itoroba. Bapoxonae judiomonae pomonae Asia nacua weparena netaeba Nacom pin pia botha. Barapomonae baxota necaxiba bequein poxonae jopa jiwi namtsebiya wawaya exanaeinyo. <sup>19</sup> Pomonae netane Nacom pin pia botha pomonae Asia nacua werena pepatsiwi bewa dapomonae xote patsi xua necatsipaebinexa tsane xua tana neyabara paebinexa tsane xua abe taexanaewa. <sup>20</sup> Icha barapomonae jopa patsiyo pomonae xote ena b<sub>H</sub> paeba. Barapomonae netane poxonae cain matha judiomonae pia pentacaitorobi bicheito peitabaratha uncuan. Barapomonae b<sub>H</sub> catsipaeba, icha metha bara abe exanan poxonae barapo pentacaitorobi bicheito peitabaratha tatsi uncuan. <sup>21</sup> Saya <sub>H</sub> baxua exanan poxonae peitabaratha uncuan, bapoxonae bichocono wawan. Janje: ‘Anoxuae poxonae paxam pana neyabara paebame xua tanatsicuentisiwa xua abe taexanaewa paxam pananta xeiname xua abe exanan yaitama jume cow<sub>ant</sub>an xua pewerapaewi equeicha as<sub>H</sub> tsaibi tsane’, jan jei”, Pablo.

<sup>22</sup> Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae ab<sub>H</sub> jopa baxua yabara paebiyo pocotsiwa barapomonae paeba. Daxota Félix namchi, bapomonaetha, jeye:

—Ab<sub>H</sub> bexa pacatsipaebinchi, poxonae soldadomonae pia pepa pentacaponaein tatsi patopaena pon Lisias, bapoxonae yabara paebin pocotsiwa Pablo exana, jei Félix.

<sup>23</sup> Nexata Félix itoroba soldadomonae pia pentacaponaein tatsi xua soldadomonae Pablo cataunxuae yapu eeniya pebar<sub>H</sub> jinompaenexatsi Herodes pia botha tatsi, bequein bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamonae xua piamonae peyawenaenexatsi xua pocotsiwa nantawenona bapon.

<sup>24</sup> Icha matabitha pirapaeyo Félix piowabe patopabe. Petsiriwa pew<sub>an</sub> Drusila. Barapowa judiomonaewayo. Félix najume caitoroba ich<sub>an</sub>tha xua Pablo pewabinexatsi Félix berena, matautano xua Pablo Félix yabara petsipaebinexatsi xua po coyene jiwi jume cow<sub>anta</sub> Jesucristo. <sup>25</sup> Pablo Félix tsipaebatsi xua pinae ainya cui xua jiwi beta yanth<sub>u</sub>thiya jinompa icha be Nacom ichi xua beta yanth<sub>u</sub>thiya popona. Matautano paebano xua pinae jiwi pia xoba abe exaneiba.

Matautano namchino xua pinae caentacabitha tsane Nacom wabina daxita jiwi xua peyabara paebinexa xua penatsicuentisiwa xua abe peexanaexae barapo cae pin nacuathe. Félix najuntũ coyene cabenaeca poxonae jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyoyopa neenaeyo, jei Félix.

<sup>26</sup> Félix nanta xeina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo. <sup>27</sup> Baraxua exana beya yaainya weibe jopa. Barapoxonae Félix weta xua pon peyanacua ewatsin jiwi naexana barapo Judea nacuatha, xua icha nacua beya pewarapaexae. Ichũn Félix pecoutha tatsi tapatopatsi pon pewũn Porcio Festo pon xuya pon peyanacua ewatsin jiwi naexana Judea nacuatha. Félix ichichipa xua peweyataewatsi xua judiomonaeweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.

## 25

*Meje yabara poxonae Pablo Festo peitabaratha tatsi tauncuatsi*

<sup>1</sup> Festo bara patopa xua penaexanaenexa pon peyanacua ewatsin jiwi. Poxonae acoibi po matabibewe weta Cesarea tomara weya pona, Jerusalén tomara beya pona. <sup>2</sup> Barapo tomaratha Jerusalén tomaratha sacerdotemonaepia pentacaponawewi tatsi irũ judiomonaeno pomonaepentacaponawewino, barapomonaepablo abeya cui yabara canantsipae-batsi. <sup>3</sup> Barapomonaeposto baraichi: “Bũ painta ichamonaepablo Jerusalén tomara beya capoinchi”, jei. Barapomonaebaxua Festo jeichichi, tsipei Pablo namtotha ewatabobena-paebatsipebexubinexatsi. <sup>4</sup> Festo jume nota, jeye:

—Canta Pablo Cesarea tomaratha eca xua soldadomonaebaru jinompatsi. Tha nama imoxoyo bara beya equeicha caibeya ponaetsi. <sup>5</sup> Painyamonaepiwana pomonaepentacaponawewi moya bũ barapomonaepewuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonaeposto.

<sup>6</sup> Festo cataunxuae Jerusalén tomaratha ocho po merawiyobe yapucaewa xua equeicha ainya dapaeyobe. Barapoxonaeposto Cesarea tomara bewarapiya caibeya. Icha matabibitha Festo eca peequeibithopeibiwatha po tututha ichaxota yabara paebequeiba jiwi xua penatsicuentisiwa xua abe peexanaexae. Festo barai soldadomonaeposto: “Painta caponde Pablo taxainya berena”, jei. <sup>7</sup> Poxonaepablo

patopa, judiomonae imoxoyo umenarucupa pomonae Jerusalén tomara weparena. Barapomonae judiomonae Pablo yacaincha matawaqueicha umenatsi. Barapomonae Pablo cui yabara paebatsi xua abe exana nawita. Ichitha xua barapomonae paeba jopa tsita itapeinya xeinaeyo xua apara bara xainyei pocotsiwa barapomonae paeba. <sup>8</sup> Nexata Pablo pia coya nayabara paeba, jeye:

—Xan jopa abe exanaeinyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomonae itorobiya pia pepa peewatsinchi tatsi, jei Pablo.

<sup>9</sup> Festo bepara antobetsei judiomonae. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchi nenatsicuentisiwa xua abe neexanaexae? jei Festo.

<sup>10</sup> Pablo jume nota, Festo jume notatsi, jeye:

—Xan uncuan peitabaratha tatsi pomonae pentacoponaewi, pomonae romanomonae itorobiya pia pepa peewatsinchi tatsi itoroba. Barapomonae pentacoponaewi bara itacupatsi xua barapo tomarathe tana neyabara paebinexa xua tana natsicuentisiwa xua abe taexanaexae. Jopa nantawenonaeinyo xua taponaeewa tsane Jerusalén tomaratha. Xam bayatha beta yaputaneme xua jopa abe exanaeinyo judiomonaetha. <sup>11</sup> Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomonae neyabara paeba, metha nexata barapomonae jopa nebexubichipae. Tha nama warapaetsi romanomonae itorobiya pia pepa peewatsinchi beya, tacoya nayabara paebichi, jei Pablo.

<sup>12</sup> Copiya matha Festo tsipaeba pejume yaweneibiwichi. Barapoxonae Festo, Pablo baraichi, jeye:

—Yaitama aunxuae siwa ponapaebame romanomonae itorobiya pia pepa peewatsinchi tatsi, xua necayabara paebinexa xua nenatsicuentisiwa xua abe neexanaexae daxota moya ponaename bapon beya, jei Festo.

*Meje yabara poxonae Pablo uncua Agripa peitabaratha tatsi pon peyanacua ewatsin jiwi*

<sup>13</sup> Icha matabitha Agripa, pon peyanacua ewatsin jiwi, bapon pona Cesarea tomara beya. Petsiriwa puna poinchi, bapowa pewan Berenice. Festo siwa poinchi Cesarea tomaratha iya. <sup>14</sup> Baraxotiya Agripa petsiriwano ainya matabin ecabe. Festo namchi Agripatha, jeye:

—Xote eque pon cain Félix xubeta Cesarea tomaratha xua bapon pebar<sub>u</sub> jinompaenexatsi soldadomonae. <sup>15</sup> Poxonae Jerusalén tomaratha ecan, sacerdotemonae pia pentacaponae jiwi tatsi, pitiri jiwino, barapomonae netsipaeba xua bepa pinae Pablo itorobin xua pet<sub>u</sub>paewa tsane. <sup>16</sup> Barapomonae baran: ‘Barapocotsi coyene romanomonae pan pata cui coyene. Paxan jopa pacopatsinyo xua ich<sub>u</sub>n amanaya bexotsi. Jame copiya pomonae xua abe yabara paeba ich<sub>u</sub>ntha, barapomonae bewa paebina bapon peitabaratha tatsi icha bara metha bapon xaniwaicha abe exana. Bapoxonae bapon pia coutha beya nayabara paebichipa xua barapomonae paeba’, jan. <sup>17</sup> Daxota poxonae barapomonae pata xote, jopa be bayathinyo yaitama. Daxota baya caena nainya ecoundecan, po tututha yabara paebequeiban jiwi xua penatsicuentsiwa xua abe peexanaexae. Itoroban soldadomonae xua Pablo pecaponaenexatsi taxainya berena. <sup>18</sup> Xan nanta xeinan xua Pablo bichocono abe exana. Ichitha poxonae barapomonae asiya umena peyabara cueicueijeinexa tsainchi, Pablo jopa paebiyo po diwesi xua daxota tananta xeinaenexa xua Pablo bara abe exana cou. <sup>19</sup> Pocotsiwa xua Pablo yabara cueicueijeichi, saya xua apara pia pejume cow<sub>u</sub>ntsiwa tatsi yabara, mata<sub>u</sub>tano xua Pablo peyabara cueicueijeixae pebin pon Jesús baraichi, xua pinae equeicha as<sub>u</sub> poxonae t<sub>u</sub>pa. Seicaya nama barapomonae paeba xua pinae bapon apara t<sub>u</sub>pa, xua equeicha jopa as<sub>u</sub>yo. <sup>20</sup> Jopa yaputaeinyo xua baxua exanan xua Pablo abe yabara paebatsi. Daxota copiya matha Pablo yainyaban, janje: ‘¿Xam, jinya ponaetsi Jerusalén tomara beya xua baraxotiya cayabara paebinchi xua nenatsicuentsiwa xua abe neexanaexae?’ jan. <sup>21</sup> Ichitha Pablo dapu jumetha netsipaeba xua bepa ponaei Augusto beya, romanomonae itorobiya pia pepa peewatsinchi beya, pon xua bepa pinae yabara paebinchi xua penatsicuentsiwa xua abe peexanaexae. Daxota itoroban soldadomonae xua Pablo ab<sub>u</sub> pebar<sub>u</sub> jinompaenexatsi soldadomonae, beya ab<sub>u</sub> poxonae necui j<sub>u</sub>pa xua itorobin pontha pon romanomonae itorobiya pia pepa peewatsinchi, jei Festo xua Agripa tsipaebatsi.

<sup>22</sup> Nexata Agripa Festo baraichi, jeye:

—Tha bequein ir<sub>u</sub> jume taetsir<sub>u</sub> Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

<sup>23</sup> Bara icha matabitha Agripa ir<sub>u</sub> Berenice patopabe. Paporuwa peit<sub>u</sub>panaewa nama xatatabe. Agripa pinmonae bar<sub>u</sub> pata, soldadomonae pia pepa pentacaponaewi tatsino,

ir<sub>u</sub> Cesarea tomara pia pentacaponawino. Barapo bicheito Agripa bar<sub>u</sub> pona. Festo itoroba soldadomonae xua Pablo pecarendenaenexa tsainchi. <sup>24</sup>Festo barai, jeye:

—Agripa, xam pon neyanacua ewatsin jiwi, ir<sub>u</sub> pomonae pecanamataxeinae jiwi pamd<sub>u</sub>. Bapon xote uncue Pablo. Daxita judiomonae ir<sub>u</sub> Jerusalén tomarapiwi, ir<sub>u</sub> Cesarea tomarapiwi, daxita barapomonae Pablo jume yabara paebatsi xua pinae abe exana. Matautano barapomonae neitoroba nawita xua bepa pinae Pablo itorobin xua petupaewa tsane. <sup>25</sup>Ichitha xan saya tacoya nanta xeinan be jopa neichichi abe exanaeyo, poxonae nejume nota, poxonae tsipaeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaei romanomonae itorobiya pia pepa peewatsinchi tatsi beya, pon pew<sub>u</sub>n Augusto, tsipei bepa pinae yabara paebichi xua penatsicuentsiwa xua abe peexanaexae. Daxota yabara najunt<sub>u</sub> coyene wetan xua bapon Pablo taitorobiwa tsane bara beya. <sup>26</sup>Yaitama bapon jopa abe exanaeyo, jopa yaputaeyo xua eta be tajumichiwa tsane barapo cartatha poxonae Pablo itorobin xuano xua cartano cayabara cui pu catsin bara beya. Daxota anoxuae Pablo painya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha pon romanomonae itorobiya pia pepa peewatsinchi. <sup>27</sup>Tsipei inta jopa xanepanaetsipae icha itorobichipan Pablo pon pewaetabinchi icha jopa yabara paebinchipae xua pocotsiwa bapon peexanaexae, jei Festo xua Agripa tsipaebatsi.

## 26

*Meje yabara poxonae Pablo pia coutha cuita paeba, Agripa peitabaratha tatsi, pon peyanacua ewatsin jiwi*

<sup>1</sup>Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxonae Pablo namax<sub>u</sub> yoicha xua Agripa jacobatsi. Bapoxonae namchi, jeye: <sup>2</sup>“Agripa, pon neyanacua ewatsin jiwi, maisa bichocono junt<sub>u</sub> coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomonae po coyene xua pinae abe exaneiban. <sup>3</sup>Poxoru yaitama, xam Agripa, bayatha yaputaneme pata junt<sub>u</sub> coyenein pomonae judiomonae panxaein. Yaputanemeno baxuan xua pana najume matsontsonoban. Daxota cabaraichi xua saya beta nejume taema xua jopa aitaconaeinde”, jei Pablo.

*Meje yabara poxonaē Pablo nayabara paeba, poxonaē pinae cataunxuae jopa jume cowantsiyo Jesús*

<sup>4</sup> Equeicha Pablo namchi, jeye: “Daxita judiomonaē barapomonaē neyaputane xua poxonaē pexuyon, poxonaē caena bayatha pia xantha tatsi poponan xua tanacuaxae. Barichino neyaputane poxonaē Jerusalén tomaratha poponan. <sup>5</sup> Icha yainyabatsipame barapomonaē, yabara catsipae-bichipa pocotsiwa exaneiban xua fariseomonaē pocotsi juntu coyene cuidubeiba, pocotsiwa judiomonaē cuidubeibatsi, tsipei xan fariseomonaepin. Daxita barapomonaē yaputane xua caena bayatha jume cowantan daxita pocotsiwa xua barapomonaē itoroba. Fariseomonaē itapeta cuita exaneiba pocotsiwa Nacom itoroba beyacaincha ichamonaē xua exaneiba. <sup>6</sup> Judiomonaē necapona xote tsipei saya poxoru yabara wnaē ewatan xua bexa Nacom asu exanaena pomonaē xua werapa. Baxua pinae Nacom wamo susato jiwi yabara tsiwnaē muxu dutatsi. <sup>7</sup> Patamonaē pomonaē Israel nacuamonaepiwi pomonaē xua doce pomonaē bicheitobe, baxua yabara jume cui wnaē ewata poxonaē petupaewi equeicha asu exanaeinchi, xua poxonaē Nacom exanaena. Daxota barapomonaē Nacom wnaē jainteibatsi. Matautano itapeta exana pocotsiwa Nacom itoroba, merawithano, mat-acabithano. Xam Agripa pon neyanacua ewatsin jiwi catsipaebatsi baxua tayabara jume cowantsixaeru, daxota judiomonaē neyabara paeba xua pinae abe exanan. <sup>8</sup> Painya xoba pananta xeiname xua Nacom jopa itacupaetsi xua equeicha jiwi asu peexanaewatsi pomonaē xua werapa”, jei Pablo.

*Meje yabara poxonaē Pablo nayabara paeba xua pinae copiya abe exana nawita pomonaetha pomonaē pejume cowantsiwichi Jesús*

<sup>9</sup> Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaetha pomonaē Jesús pejume cowantsiwichi pon Nazaret tomarapin. <sup>10</sup> Jerusalén tomaratha baxua exanan. Sacerdotemonaē pia pentacaponaewi pia peitorobi coyenewa necata xua daxota tana necui jupaewa xua jiwi tacaponaewa jiwi pecubi botha. Pinmonaecaī caponan, pomonaē Jesucristo pejume cowantsiwi. Xan yabara jume jejan xua barapomonaē pejutewi watsi. <sup>11</sup> Anaya caenaetan, peraxa exananno poxoru ichipan xua barapomonaē pentsina xua Jesús pejume cowantsiwatsi. U baxua exanan. Daxita judiomonaē pia penacaetutsi bontha tatsi exananno. Bichocono anaepanan. Daxota icha nacuantha ponan tajeichinexa pomonaē pejume cowantsiwichi Jesús xua barapomonaē abe taexanaenexa”, jei Pablo.



*Meje yabara poxonaē equeicha Pablo nayabara paeba poxonaē pinaē jume cowanta Jesús*

<sup>12</sup> Equeicha Pablo namchi, jeye: “Barichi sacerdotemonae pia pentacaponae wi tatsi pia peitorobi coyenewa necata xua daxota tana necui jupaewa xua taponae wa Damasco tomara beya, xua pomonae jume cowanta Jesucristo tacaponae nexa tsane Jerusalén tomara berena. <sup>13</sup> Xam pon neyanacua ewatsin jiwi bara xaniwaicha catsipaebatsi poxonaē namtotha paenaponan poxonaē mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomonae nepuna pona nebaru matawacaicha matatsun uncueica. <sup>14</sup> Nexata daxita iratha paothopan. Jume tan xua pon hebreo jumetha nebarai, jeye: ‘Saulo, Saulo, zeta xua tamonaē inta abe exaname? Poxonaē tamonaē peraxa exaname, apara jinya coutha atene nacana exaname icha be buey ichi poxonaē ba pia coutha xua xota sojei nataxu matababa’, nejei. <sup>15</sup> Nexata jume notan janje: ‘Pon jiwi Necanamataxeinaem, zjintam xamda?’ jan. Nejume nota jeye: ‘Apara bara xan, Jesús ponxaein inta abe exaname tamonaē pomonae tana nejume cowantsiwi. <sup>16</sup> Nontaponde. Xua anoxuae necotame catsita naitatatsi. Apara tha tana nejume yopichim. Matautano bexano equeicha ichawa necotsiname tana neyabara paebinexam tsane baxuanno. <sup>17</sup> Cacui itorobatsi xua Nacom Pejume Diwesi necueicueijamexam. Nexata cacapanepaeinchi poxonaē juntucuru caperaxa exana judiomonaē iru pomonae jopa judiomonaē naexanaeyo. <sup>18</sup> Caitorobatsi judiomonaetha iru pomonaetha pomonae jopa judiomonaē naexanaeyo xua jopa equeicha pejinompaenexa poxonaē jopa jume cowantsiyo. Matautano caitorobatsi xua barapomonae jopa peexanaponaenexa pocotsiwa caurimonae pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomonae tana nejume cowantsinexa. Baropoxonaē yabara junteinaein barapomonae abe pia peexanaē cuiru coyeneyin tatsi, matautano xua pexeinaenexa pocotsiwa Nacom yabara tsiwanae muxu duba’, nejei Jesús”, jei Pablo.

*Meje yabara poxonaē Pablo exana pocotsiwa Nacom itoroba poxonaē tsita naitatatsi namtotha*

<sup>19</sup> Equeicha Pablo namchi, jeye: “Agripa, xam pon neyanacua ewatsin jiwi, xan jopa jumefebinyo xua Jesús neitoroba poxonaē itaboco wenetsita naitatsica xua namtotha netsita naitata poxonaē pecoichatha jume tan

xua Jesús netsipaeba. <sup>20</sup> Copiya matha Damasco tomarapiwi tsipaeban Nacom Pejume Diwesi. Bapoxonae equeicha barapo diwesi tsipaeban Jerusalén tomarapiwi. Bapoxonae equeicha daxita Judea nacuamonaepiwi barapo diwesi tsipaebanno. Irũ pomonaetha pomonae jopa judiomonae naexanaeyo tsipaebanno. Barapo diwesi tsipaeban xua barapomonae icha jũntũ coyenein pexeinaenexa, yawa Nacom pejume cowũntsinexatsi, mataũtano xua barapomonae petsita itapeinya xeinaenexa jiwitha xua bara Nacom jume cowũntatsi xua beta peexanaexae. <sup>21</sup> Daxota judiomonae newaetaba poxonae Nacom pin pia botha patopan yawa bepa nebexubei. <sup>22</sup> Ichitha Nacom neyawena. Daxota awiya Nacom Pejume Diwesi paeban bichocono daxita i dapomonaeintha pomonaetha pomonae pepawi jiwi irũ poponaethano pomonae peainya cui jiwi. Baraxua saya meisa paeban be pocotsi coyeneya matha juinya Moisés yabara wũnae tsiwanaya paeba irũ be pocotsi coyeneya matha juinya Nacom peitorobi jume pepaebiwi yabara wũnae tsiwanaya paeba. <sup>23</sup> Barapomonae tsipaeban po diwesi yabara xua pinae bexa Mesías peraxa exanaeinchi ichamonae. Mataũtano bapon pinae pon xua copiya pomonae pewerapaewi asũ nanta caexanaeinchi. Mataũtano xua pinae judiomonae irũ pomonae jopa judiomonae naexanaeyo yabara yaputane exanaeinchi pecapanenebiyae diwesi jume”, jei Pablo xua Agripa tsipaebatsi.

*Meje yabara poxonae Pablo paeba Jesús pejume diwesi Agripatha xua Agripa pejume cowũntsinexa*

<sup>24</sup> Poxonae baraxua Pablo najume weta xua nayabara jume paeba, Festo jume daunweya wawai, jeye:

—¡Pablo, maisa cantsiyaibeca poxoru saya Ʃ necuidubi daxota cantsiyaiba! jei Festo.

<sup>25</sup> Pablo jume nota, jeye:

—Festo ponxaem tacabarũ cui itura jinaeinchi, jopa nentsiyaibiyo apara. Xuaunxuae paeban, apara seicayarũ xua xaniwaicha paeban xua bara apara pexainyeiwa. <sup>26</sup> Ee taema, Agripa, pon pepa peyanacua ewatsin jiwi pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxuae catsipaebatsi bapon baxua daxita yaputane poxoru jopa namicha exanaeinyo. <sup>27</sup> Agripa, xam pon neyanacua ewatsim jiwi. ¿Jume cowũntame pocotsiwa Nacom pia peitorobi jume pepaebiwi paeba? Bara yaputan xua bara jume cowũntame, jei Pablo.

<sup>28</sup> Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowuntsinan Jesús, jei Agripa.

<sup>29</sup> Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata wucatsi xam nexa, iru pomonae nexa, pomonae nejume tane painya nejume cowuntsinexam tsane Jesús. Ichichipan xua painya neexanaewa icha ichin xua tajume cowuntsiwa, bara bequein jopa ichipaeinyo xua painya nemaxutha painya nexainaewa jiwi pecubi nainto be pocotsi nainto xuaunxuae tamaxutha ducua, jei Pablo.

<sup>30</sup> Poxonae Pablo najume weta baxua, Agripa pon peyanacua ewatsin jiwi iru Berenice asiya uncuatababe. Iru Festo pon peyanacua ewatsin jiwi asiya uncuataba. Pomonae iru ena asiya umenarucupa. <sup>31</sup> Aisowa be-iyiya barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexubinexatsi, matautano po coyeneyatha xua daxota bapon jiwi pecubi botha peetsinexatsi, najei barapomonae.

<sup>32</sup> Agripa tsipaeba, Festo baraichi, jeye:

—Icha metha jopa naca wucaetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinexatsi penatsicuentisiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

## 27

### *Meje yabara poxonae Pablo Roma tomara beitorobiyatsi*

<sup>1</sup> Barapomonae najuntu coyene weta xua pata taneitorobiwa Italia nacua beya. Pablo iru ichamonaeru pomonae pe-teiquebiwichi daxita barapomonae itorobatsi Roma tomara beya. Pon barapomonae matabapoinchi bapon pewun Julio, pon soldadomonae pia pentacaponaein tatsi. Barapo matabuxuho soldadomonae bicheito wan dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo iru ichamonae caponatsi Augusto beya. <sup>2</sup> Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa siwa ponaeni. Ichun pana cuey-ata. Bapon pewun Aristarco Tesalónica tomarapin. Barapo tomara Tesalónica tomara eca Macedonia nacuatha. <sup>3</sup> Icha matababitha Sidón tomaratha papatan. Baraxota barapon

Julio, Pablo baru jume wunaetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuano xua bara Pablo peyawenaenexatsi xua xoxi nantawenona. <sup>4</sup>Bara Sidón tomara wepawarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan. <sup>5</sup>Bara mar mene iya paenaponan, Cilicia nacua, Panfilia nacuano imoxoyo pacaquita enaponan. Bapoxonae Mira tomaratha papatan, po tomara Licia nacuatha eca.

<sup>6</sup>Baraxota pon soldadomonae pia pentacaponaein tatsi bapon icha nae taeba baraxota. Barapo nae Alejandria tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya. <sup>7</sup>Ainya maticabin saya bewayo paenaponeiban, poxoru yaitama joibo jera caewa carena tsaibi. Gnido tomara paxenta enaponan. Salmón tomarano paxenta enaponan. Creta tunaetono pantawaqueban. <sup>8</sup>Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewun Buenos Puertos. Barapo tomara imoxoyo eca ichaxota Lasea tomara.

<sup>9</sup>Baraxota came awiya ainya maticabin paenan. Bayatha yapu caewa barapo maticabin poxonae barapomonae warapapaeba barapo maticabitha xua pin mene mara mene iya. Tsipei imoxoyo awubo tsurucuae tsoponae, daxota Pablo nanta xeina xua icha metha paponatsipan, panacabetsipan. Daxota barapomonae Pablo muxuweta. <sup>10</sup>Pablo namchi, jeye:

—Pebiwu pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiwi methaunxuae napentsina, jei Pablo.

<sup>11</sup>Ichitha soldadomonae pia pentacaponaein tatsi, bapon Julio, jopa jume naitomatsiyo xua Pablo tsipaeba. Ichitha dapo jumetha saya meisa pon jera pecanamataxeinaein iru pon jera pexeinaein, baponbe itapeta jume naitomatatsibe. <sup>12</sup>Barapomonae nanta xeina, xua baraxota jopa beenaeyo poxoru barapo tomara jopa cui wunaeyo xua jera peboacaewa poxonae awubo pin joiboxae. Pinmonae barapomonae jiwana tsita xanepanatsi xua Buenos Puertos weya pewarpaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awubo, joibono”, jei. Barapo tomara cui wunaeyo xua ichaxota

jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaei poxonae awabo tsuxubi.

*Meje yabara poxonae maratsaca daunwei pepa mar mentha*

<sup>13</sup>Nexata bewayo joibo tsuncuae, be pocotsiwa parowa wejopeina. Daxota barapomonaе namchi: “Бѣ poinchi cataunxuae saya tsiqui joibiyo”, jei. Bapoxonaе totabiya jera. Barapo Creta tunaeto imoxoyo pitapa pacaquita enaponan weratha. <sup>14</sup>Poxonaе saya caeto paenaponan bapoxonaе pin joibo pana epa taepona, Creta nacua tunaeto wejoparena. Jera epa yutaba. <sup>15</sup>Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba. <sup>16</sup>Cauda tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha. <sup>17</sup>Panacuitontan xua pajonta xuinan. Barapo naeyo pepa jeratha pacatabotan. Nexata jera penacuichiwi pepa бѣmacantha реѣма wemaxубѣгу capabina, мѣхубѣгу babataruba xua pewacatabiyainwa joibo. Nexata barapomonaе bichocono junuwa poxoru nanta xeina xua mexeya itara jera naxatatabawei taetabotha, po taetabo pewan Sirte. Daxota wera jontabota jeratha. Saya jera caputabiya joibotha. <sup>18</sup>Icha matababitha came awiya marat-sacan bichocono daunwei. Daxota ichawan mentha bebai xua xuan capona. <sup>19</sup>Icha matababitha daxota pabeban xua jeratha jeba tsipei ichichipa xua tafafanatsi. <sup>20</sup>Ainya matababin came awiya jopa panecotsinyo xometo. Opiteino jopa panecotsinyono. Pajunuwan. Pananta xeinan: “Metha aparau-xuae jopa nacapanenebiya tsainchi. Bunothopaeinchi aunxuae”, pajan.

<sup>21</sup>Ainya matababin pana yapu xenaca xua jopa panabanaeinyo. Pablo nontapona. Barapomonaе baraichi, jeye:

—Bara bayatha paca tsipaebatsiba: ‘Creta tunaeto beya, jopa pawarapaeinde’, paca baraichiba. Даѣmetha equeicha pawarapame. Daxota aunxuae jera abe exana. Matautano pananta puxanameno xuaunxuae pabebam xoxi pacaponame. <sup>22</sup>Ichitha saya jopa pajunuwinde. Jopa pajiwana tupaem tsane, bequein meisa jera naxubina. <sup>23</sup>Merawi matatsunpin netsita naitata. Barapo matatsunpin Nacom itoroba pon Tanacom xuano xua taexanaexae pocotsiwa bapon neitoroba. <sup>24</sup>Barapo matatsunpin nebarai: ‘Pablo jopa junuwinde poxoru bexa tsane romanomonaе itorobiya

pia pepa peewatsinchi pon Augusto, peitabaratha tatsi uncuaename. Daxota pomonae xua napona cata capanepatsi Nacom', nejei matatsunpin. <sup>25</sup> Daxota, paxam pana najuntꞑ coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena. <sup>26</sup> Ichitha petunaetotha naca monapentsina, jei Pablo.

<sup>27</sup> Poxonae catorce po matabibibe tsuxubi, barapoxonae mar mene pacaxiban. Barapo pepa mar mene pewꞑ Adriático mene. Barapo mentha joibo pana yana muxunenababa. Merawi papaetha, pomonae petanacuichiwi barapo naetha, barapomonae nanta xeina xua imoxoyo ira itiya pona. <sup>28</sup> Barapomonae mene epa tutu canaꞑbareca. Treinta y seis po mꞑ epatiyobe xeina xua iratha deca. Caeto equeicha mene epa tutu canaꞑba, baxota veinte y siete po mꞑ epatiyobe xeina xua iratha deca. <sup>29</sup> Barapomonae pejunuwixae xua jera tofotabina poxonae yꞑtabina ibowantha, daxota barapomonae po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Mataꞑtano barapomonae Nacomtha wꞑca xua xometo pentha tsane, penecotsinexa tsane. <sup>30</sup> Pomonae petanacuichiwi barapo naetha barapomonae nanta xeina xua perꞑꞑpaewa. Daxota barapomonae naemata po nainto arewe dureca pebꞑꞑreca. Ichitha tsiqui naeyo mentha durecano, poxoru pia namicha dꞑꞑpaetsi barapo naeyotha. <sup>31</sup> Pablo barai Julio, pon soldadomonae pia pentacaponaein tatsi, xuano baraino soldadomonaetha, jeye:

—Icha pomonae petanacuichiwi barapo naetha icha jopa enae tsane barapo pin naethe, jopa Nacom capanenebiyae tsane, jei Pablo.

<sup>32</sup> Daxota soldadomonae jeriyo mꞑ ucuiba. Jeriyo mentha jopeica.

<sup>33</sup> Poxonae caemꞑambo, Pablo pijiwimonae jain itoroba. Pablo pijiwimonae barai, jeye:

—Bayatha dos po semanabe painya junuwi jopa bichocono panabanaem poxoru pajunuwame xua pabunothopame. <sup>34</sup> Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaenexam. Bara caein jopa napuxanae tsane. Mataꞑtano jopa caentanatiyo aichurucuae tsane.

<sup>35</sup> Poxonae Pablo najume weta, pecobetha pan pita, Nacomtha tsipaeba barapomonae peitabaratha tatsi. Barapoxonae pan epa janaxuba. Barapoxonae xane. <sup>36</sup> Barapoxonae barapomonae najuntꞑ coyene tsacabarꞑꞑpa. Mataꞑtano barapomonae daxita jꞑntema nabanerꞑꞑpa. <sup>37</sup> Jerapiwi doscientos setenta y seis po matabꞑꞑmonaeebe pan xua daxita

pan. <sup>38</sup> Poxonae barapomonae najain wetarucupa, daxita barapomonae trigo xu bebai pepa mentha poxoru bepa jera tafafanaetsei.

*Meje yabara poxonae jera bunareca*

<sup>39</sup> Poxonae xometo baya pentha tsina, pomonae petanacuichiwi barapomonae jopa yaitaeyo ira, po iratha muxu pepatsi. Poxonae barapomonae pexutoroto tane, barapomonae nanta xeina xua juntucuru jebounaena taetabo itapatha. <sup>40</sup> Daxota barapomonae nayana mu ucuiuba, xua po nainton arewe mene bupana bobendeca. Po catenano pecabobotsi catena, barapo catenano isanaxoreca. Nexata paparuwa duta wera naetotha. Barapo wera pebuxutha duta. Jera nainya cacuita caputabiya ira. <sup>41</sup> Ichitha barapoxonae barapo nae ichaxota tsewa tuwutha naxatatabarena. Buxu naxatatabuncua bichocono. Petafe fotaba maratsacatha.

<sup>42</sup> Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara ducupaenawei. <sup>43</sup> Ichitha soldadomonae pia pentacaponaein tatsi, bapon Julio, ichipa xua Pablo asu popona. Daxota Julio jopa yabara jume copatsiyo xua jutebinchi pomonae peteiquebi jiwichi. Bapoxonae Julio itoroba pomonae yaputane xueiba, copiya pepatsinexa tsane pepa iratha. <sup>44</sup> Pomonae xua jopa xueibiyo napaewan cobena xueibiya. Matautano barapo jera pepan cobena xueibiya. Daxota daxita panenebiya pepa iratha.

## 28

*Meje yabara poxonae Pablo Malta tunaetotha patopa*

<sup>1</sup> Poxonae po tunaetotha papanenebiyan ichamonae pana tsipaeba: “Apara Malta tunaeto”, jei. <sup>2</sup> Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Bapoxonae barapomonae pana waba: “Antha panonopenare”, jei. <sup>3</sup> Pablo isoton nota po isoton tsewa. Poxonae barapo isoton pepa isototha bebebeya, barapo isontha jomo athabe jopeina poxoru bichocono atou. Pablo cobe sinaducuatsi barapo jomo. <sup>4</sup> Malta tunaetomonaepiwi, Pablo cui tainchi xua jomo cobe sinaducuatsi. Barapomonae nantiya natsipaeba, najei: “Barapo pebin aparta pon jiw pejutebin. Bequein panepa pepa mar mentha ichitha barapo nacom, po nacom pewan Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

<sup>5</sup> Ichitha Pablo nacobe n̄n̄t̄aba jomo isototha. Saya ax-aibi tsuncuae Pablo. <sup>6</sup> Daxita barapomonae Pablo cui neco-tumeinchi xua cobe putsunanaya yawa icha iratha jopiyaena pet̄p̄aein. Bayatha cui wenaewatumena. Poxonae baxua jopa daichiyo, daxota equeicha ichawa nanta xeinar̄c̄p̄a: “Metha moya bara Pablo nacom tsecae”, jei bapomonae.

<sup>7</sup> Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matacabibe beta pexaewa pana apata. Baxota yawa pamaitenan. Bapon pew̄n Publio pon iran pata tan. <sup>8</sup> Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Bapoxonae Pablo cobe jayabiya tsipaeba Nacomtha. Bara bapon axaibi tsanaya. <sup>9</sup> Poxonae baraxua exana Pablo, daxita Malta tunaetomonae, pomonae peatenewi, baxota pata. Ir̄a Pablo axaibi exanar̄ daxita barapomonae. <sup>10</sup> Malta tunaetomonae pana bar̄a cui itura jina nawita. Bapoxonae poxonae equeicha pawarapar̄c̄pan jeratha, pana nepu catsiba xua xoxi pata nantawenonaenexa poxonae weratha pawarapan.

*Meje yabara poxonae Pablo Roma tomaratha patopa*

<sup>11</sup> Poxonae acoibi po xometiyobe payapucaewan barapo Malta tunaetotha, barapoxonae pawarapan. Pawarapan weratha po naetha po nae barapo Malta tunaetotha ayaw̄bo tsuncuae. Barapo nae Alejandría tomara werena peponae nae. Barapomonae barapo naetha petafetha cuareta naewiyo be jitonyobe. Saya canaxoba pia nacombe. Icha nacom pew̄n Cástor. Icha nacom pew̄n Pólux. <sup>12</sup> Siracusa tomaratha pajebounan. Barapo tomaratha acoibi po maticabibetha paenan. <sup>13</sup> Barapo tomara wepawarapiyan, Siracusa tomara weya. Bapoxonae Regio tomaratha papatan. Icha maticabitha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha. <sup>14</sup> Baraxota pacaxiban pomonae ir̄a pejume cow̄ntsiwichi Jesús. Barapomonae pana waba: “Cae semanatha pana bar̄a enare”, jei. Bapoxonae equeicha Roma tomara bepawarapiyan. Pecaie payiyan. <sup>15</sup> Pomonae ir̄a pejume cow̄ntsiwichi Jesús, Roma tomaramonaepiwi, cou pana yabara jume tane xua imoxoyo papatan. Daxota cou ichamonae pana siwa dendena pecaerena. Foro de Apio tomara beparena. Ichamonae Tres Tabernas tomara beparena pia pana taetsi. Poxonae Pablo barapomonae tane, Nacomtha tsipaeba. Pablo j̄nt̄a coyene sad̄jei xua j̄nt̄ema pepoponaewa poxonae tane pomonae pejume cow̄ntsiwichi Jesús. <sup>16</sup> Poxonae Roma tomaratha papatan, soldadomonae pia pentacaponaein tatsi, copata xua Pablo



bara saya pepoponaenexa icha botha, xuano xua saya caein Pablo peyapu eenaenexatsi soldadomonaepin.

*Meje yabara poxonae Pablo Nacom pexeinya jume diwesi paeba Roma tomaratha*

<sup>17</sup> Poxonae acoibi po matabibe yapucaewa, Pablo najume caruta ichamonaetha petawabinexa tsainchi Roma tomarapiwi, pomonae judiomonaepia pentacaponawitatsi. Poxonae barapomonaepata, Pablo barai barapomonaep, jeye:

—Tamonae, jopabe exanaeinyo wamonaetha pomonaepjudiomonaexae. Matautano bequeinjopabe exanaeinyo wamo susato jiwi piamonaepia coyene cuithatatsi, ichitha barapomonaepnawaetaba. Matautano jiwi pecubi botha necapona Jerusalén tomaratha xua romanomonaepia pentacaponawitatsi pia xantha tatsi. <sup>18</sup> Barapomonaep, romanomonaep, neyabara yainyabana wita xua icha abe exanan. Ichitha barapomonaepneyaputane xua jopabe exanaeinyo. Daxota barapomonaepichipa xua saya tana necopatabiwa tsane. Romanomonaepaichaxaibi xua jemeicha saya nenacui cayantomata xua tana nebexubiwa tsane tsipei pinaejopabe exanaeinyo. <sup>19</sup> Ichitha judiomonaepneapusiwa xua jopaponaewa tsane. Daxota bewa wucaein xua taponawitatsane romanomonaepitorobiya pia pepa peewatsinchi beya, xua tana neyabara paebinxatsane icha metha abe exanan. Baxota ponan bequeinjopaxeinaeinyo xua po coyene tayabara paebiwa tamonaepxua abe exana. <sup>20</sup> Daxota pacawabatsithapaca cataetsixuano xua thapanejume taeicham. Waxainchi israelmonaexaetsi wanaepewatatsipon Nacom itorobicapaeba. Tajume cowantsixae baxuadaxota anoxuae penainto tamaxutha ducua, jei Pablo barapo pentacaponawitha.

<sup>21</sup> Barapoxonae romanomonaepPablo baraichi, jeichichi:

—Jopapaintapatopaeyo carta Judea nacua werena xuxam necayabara tinaewa. Po judiomonaep, Judea nacua werena pata pomonaepatamonaep, barapomonaepjopabe cayabara paebiyo. <sup>22</sup> Paichichipan pacajume tainchi xujinya coutha nanta xeiname. Poxoru daxitanacuan pajumetan, xua Jesús pia pena pecuidubi coyenewan tatsi abeyabara paeba, jei barapo judiomonaepia pentacaponawitatsi xua Pablo tsipaebatsi.

<sup>23</sup> Pablo muxu tsipaebatsi po mataqueitha xua patsina. Barapo mataqueitha Pablo pia botha tapatatsipin bicheito. Pablo baya tamropata pitaba xua tsipaeba barapomonaetha, beya yapentha. Pablo jume daunweya yabara cueicueijeibarapomonaetha po diwesi po coyene xua Nacom waba jiwi petanaexanaenexatsi piamonaep tatsi poxonae

Jesús jume cowantatsi. Matautano tsipaeba barapomonaetha Jesús yabara xua Jesús apara pon Moisés yabara paeba pia peitorobi coyenewatha. Matautano Jesús apara pon Nacom pia peitorobi jume pepaebiwi yabara tina pia petinae diwesi. <sup>24</sup> Xua Pablo po jume diwesi paeba, ichamonae jume cowanta poxonae cataunxuaeru ichamonae jopa jume cowantsiyo. <sup>25</sup> Barapomona be ainya bicheitobe natsicotane. Daxota bapomonaebe tamropata notarucupa xua peponaewa. Pablo namchi, jeye:

—Po diwesi Nacom pia Pejumo pe tñaxu tatsi cata xua Isaías catatsi xua bapon petsipaebinexa xua wamo susato jiwi petsipaebinexatsi, barapo diwesi po diwesi pexeinya diwesi, xua jeye:

<sup>26</sup> ‘Ponde, barapomonaethano jande:

Pajume taneme ichitha jopa xapain payabara

jume yaputaem pocotsiwa pajume taneme.

Pataneme painya itacueretontha ichitha

jopa xapain payaputaem pocotsiwa panecotame.

<sup>27</sup> Barapomona najuntu coyene ararana exana,

jopa peichichipaexae xua pejume taewa.

Matautano antu faetabiya jume tane.

Barapomona baraxuan exana,

poxoru jopa betaeyo peitacueretontha,

poxoru jopa bejume taeyono pemuxutontha,

yawa poxoru pejuntu coyeneintha jopa beyaputaeyo.

Barapomona jopa ichipaeyo xua tana netsita

xeinaewa icha juntu coyene xua daxota jopa

neitacupaeyo xua tayabara junte mainaewa

abe pia peexanae cuiru coyenein tatsi’,

jeyei Nacom pia Pejumo pe tñaxu tatsi xua

Isaías cueicueijei exanatsi pinae, jei Pablo.

<sup>28</sup> Pablo cataunxuae cueicueijei, jeye:

—Anoxuae xuano bexa tsaneno payaputaename xua pomona jopa judiomona naexanaeyo jume taena Nacom pia pecapanenebiyae diwesi. Bara barapomona beta jume naitaewatsina.

<sup>29</sup> Poxona Pablo najume weta natsixibarucupa judiomona. Poxona pona barapomona yabara najume matsontsonoba xua Pablo paeba.

<sup>30</sup> Pablo Roma tomaratha popona ainya weibe. Pia botha eca xua saya tanacowaeicha eca. Barapo botha daxita mantenta weiweinaya wabeiba pomona pesiwa poneibixaetsi Pablo. <sup>31</sup> Pablo tayapu xanepanatsi xua pepoponaewa. Barapoxona Pablo barapomonaetha yabara tsipaeba po diwesi po coyene Nacom waba jiwi petanaexanaenexatsi pijimona

tatsi pomonae itorobiya peewatsixae. Matautano yabara cuidubano xua Jesucristo yabara, pon Pecanamataxeinaein jiwi. Romanomonae pia pentacaponaein tatsi Pablo jopa cui matawentichi.

Baja Lucas.

## Meje Po Carte Pablo Tatina, Roma Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Roma tomarapiwi*

<sup>1</sup> Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwi jiwana tatsin xua tacueicuei-jeinexa Nacom pia pecapanenebiyae diwesi jume.

<sup>2</sup> Barapo pecapanenebiyae diwesi jume caena bayatha Nacom yabara tsiwuna<sub>u</sub> muxu duta Nacom pia peitorobi jume pepaebi jiwitha poxonae barapomonae tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi. <sup>3</sup> Barapo diwesi yabara tinatsi Jesucristo, pon Wanacanamataxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwanapin tatsi. Barapo David pon caena bayatha Israel nacuapiwi itorobiya pia pepa peewatsinchi. <sup>4</sup> Poxonae Nacom pia peayapus<sub>u</sub> itorobi coyenewatha Jesucristo pon Wanacanamataxeinaein as<sub>u</sub> exanatsi pet<sub>u</sub>pae cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope t<sub>u</sub>nax<sub>u</sub> tatsi j<sub>u</sub>nt<sub>u</sub> coyene xanepana Nacomtha.

<sup>5</sup> Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwi tatsi. Nacom pana itoroba pata cueicuei-jeinexa daxita nacua jiwitha xua barapomonae pejume cow<sub>u</sub>nts<sub>u</sub>sinexa yawa xua peexanaenexa pocotsiwa xua Jesucristo itoroba. <sup>6</sup> Daxita barapomonae pomonae jume cow<sub>u</sub>nta, paxam barapomonae jiwana pam. Nacom ir<sub>u</sub> paca waba xua paxam Jesucristo piamonae tatsi jiwana pam painya nenaexanaenexa. <sup>7</sup> Daxita pam pacata tinatsi pomonae pajinompame Roma tomaratha, pomonae pam xua Nacom paantobem. Yawano Nacom paca waba xua bapon painya tsita nenaj<sub>u</sub>nt<sub>u</sub> coyenein xanepana exanaenexam tsane. Barab<sub>u</sub> Nacom, pon Waxa, ir<sub>u</sub> Jesucristo pon jiwi Pecanamataxeinaein baponbe paca yawenaenabe pia paca necaantobexae. Mata<sub>u</sub>tano baponbe barab<sub>u</sub> j<sub>u</sub>ntema jinompa paca cana exanaena.

*Meje yabara poxonae Pablo ichichipa xua pesiwa ponaewa Roma tomara*

<sup>8</sup> Matha copiya Jesucristo wɛn caununaya tsipaeban Nacomtha, janje tsaibin: “Nacom, yabara jɛntɛ coyene weiweinan Roma tomarapiwi, tsipei daxita nacuan jiwi yabara paeba xua pinae barapo Roma tomarapiwi xaniwaicha beta cajume cowɛnta”, jan tsaibin Nacomtha. <sup>9</sup> Ajɛntɛyapusuɛya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha. <sup>10</sup> Nacomtha yainyabeiban xua icha bapon ichichipa xua bara metha neitacɛpaetsipa xua matapainya tapaca siwa ponaewatsi tsainchi. <sup>11</sup> Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumoɛ tɛnaxɛ tatsi painya nepaca cayawenaenexa tsane painya jɛntɛ coyenewatha. Bapoxonae paca jɛntɛ coyene ayapusuɛ exanaena. <sup>12</sup> Pocotsiwa xuaunxuae yabara paeban apara xua waxainchi caemonae nantiya wanajɛntɛ coyene tsacabinexa xua jɛntema wajinompaenexa. Baxua nacana exanaeinchi poxonae wanatsipaebeibinexa Nacom Pejume Diwesi, po jume diwesi pajume cowɛntame xua irɛɛ jume cowɛntandɛ.

<sup>13</sup> Tamonae pam, pomonae irɛ painya nejume cowɛntsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacɛpaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowɛntsinexa pomonae jopa copiya jume cowɛntsiyo, xua irɛɛ rejɛntɛ coyene tsacabinexatsi pomonae copiya jume cowɛnta. Baxua barichin tsane icha bayatha ichin ichamonaetha xua poxonae yawenan pomonae jopa judiomonae naexanaeyo xua pejume cowɛntsinexa. <sup>14</sup> Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae. <sup>15</sup> Daxota bichocono ichichipan xua paxam irɛ tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

*Meje yabara xua Nacom Pejume Diwesi xeina peyapusuɛ itorobi coyenewa xua jiwi pecapanenebiwatsi*

<sup>16</sup> Jopa ajumeurinyo xua tacueicueijejiwa Nacom pia pex-einya jume diwesi. Poxonae jiwi jume cowanta barapo diwesi, Nacom capanenebiya exana barapomonaе abe pia peexanae cuiru coyenein weya tatsi pia peayapusu itorobi coyenewatha. Nacom capanenebiya pomonaе pia pejume cowantsiwichi, matha copiya judiomonaе, bapoxonae iru pomonaе jopa judiomonaе naexanaeyo. <sup>17</sup> Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom juntu coyene xanepana exana pia peyabara jume cowantsinxae si pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

*Meje yabara xua jiwi penatsicuentisiwa Nacomtha abe peexanaexae*

<sup>18</sup> Waxainchi yaputainchi xua Nacom anaepana pomonaetha pomonaе abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Matautano barapomonaе abe peexanaexae, jopa copatsiyo xua bara pia juntu coyeneintha peyaputaewa pexainyei jumein. <sup>19</sup> Barapomonaе bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene ituta barapomonaetha. <sup>20</sup> Jiwi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacie, jiwi yaputane xua Nacom xaniwaicha popona yawa pia peayapusu itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom. <sup>21</sup> Bequein barapomonaе yabara yaputane xua bara Nacom popona, daichitha barapomonaе jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonaе jopa jei tsaibiyo Nacomtha: “Nacom, pajuntu coyene weiweinan xua pocotsiwa painta neexanaewamxae”, jopa jei tsaibiyo. Saya meisa barapomonaе yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume. <sup>22</sup> Bequein barapomonaе paeba xua pinae peyaputaewi daichitha be pomonaе xua

jopa xapain peyaputae jiwi naexanaeyo. <sup>23</sup> Barapomonaе jopa w<sub>h</sub>nae jainchiyo Nacom, pon ataya tsitecaeya popona. Saya <sub>h</sub> w<sub>h</sub>nae pejainchi ibo nacom<sub>h</sub>n, po ibo nacom<sub>h</sub>n be tsita jiwichi xua saya peweraweracae coyene. Yawano icha ibo nacom<sub>h</sub>n exana xua xuan be peyapupunaewi, yawano po ibo nacom<sub>h</sub>n be jomon xua petompacuetontha pona, yawano po ibo nacom<sub>h</sub>n be duwein xua pecobe xeina yawa pesito xeina.

<sup>24</sup> Daxota Nacom copata xua barapomonaе bara moya peexanaenexa abe peexanaewa be pocotsi coyeneya xua ichichipa. Baroxonaе barapomonaе nantiya nata exana pocotsiwa xua aura exanatsi pia pepontha. <sup>25</sup> Baxuan Nacom copata xua peexanaewa barapomonaе, tsipei barapomonaе jopa jume cow<sub>h</sub>ntsiyo Nacom pia pexainyei diwesi jume. Saya barapomonaе itapeta <sub>h</sub> jume cow<sub>h</sub>nta xua xuan penaerabi diwesi jumein. Pocotsiwan Nacom forota baxuan barapomonaе be pia nacom<sub>h</sub>n cana exana pejume cow<sub>h</sub>ntsinexa, mata<sub>h</sub>tano xua barapomonaе pebar<sub>h</sub> cui itura jinaenexa xua w<sub>h</sub>nae pejainchiwa nexa. Barapomonaе jopa w<sub>h</sub>nae jainchiyo pepa Nacom, pon daxita peforotsin. Barapon waxainchi bewa w<sub>h</sub>nae jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

<sup>26</sup> Daxota Nacom copata xua barapomonaе bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Mata<sub>h</sub>tano barapomonaе pia yab<sub>h</sub>xi tatsi jopa equeicha exanaeyo po coyene yab<sub>h</sub>xi ba exana poxonaе peichichipaewa pia pebin. Baroxonaе barapo yab<sub>h</sub>xi exana xua cae yab<sub>h</sub>xi naichichipa. <sup>27</sup> Barichi pebiwi aichaxaibi po coyene pebiwi ba exana poxonaе peichichipaewa pia petsiriwa. Saya meisa bichocono pent<sub>h</sub>tontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonaе abe peexanaexae Nacomtha natsicuenta. Daxota Nacom copata xua barapomonaе pia pepon atene nata exana.

<sup>28</sup> Poxoru barapomonaе jopa ichipaeyo xua jopa pejume cow<sub>h</sub>ntsiwa Nacom, daxota Nacom copata xua barapomonaе moya bara abeya penanta xeinaenexa. Mata<sub>h</sub>tano Nacom copata xua barapomonaе bara moya exanaena pocotsiwan jopa bewa exanae pocotsiwa xua abe. <sup>29</sup> Barapomonaе jopa juniya j<sub>h</sub>nt<sub>h</sub> coyene y<sub>h</sub>caetsi xua peabe coyenewan. Barapomonaе nasi cui weiweina exanaduta, yawano abe exana ichamonaetha. Yawano exana xua ichichipa pocotsiwa ichamonaе xeina. Yawano ichichipa xua ichamonaе atene exanatsi. Barapomonaе uwa, ichamonaе uwatsi. Yawano barapomonaе juteba, ichamonaе jutebatsi. Yawano penabi coyene exana. Yawano barapomonaе jiwi

muxujainyaba nawita. Yawano barapomonae bichocono piamonae caseba nawita. Yawano caemonae nabaru paxapaxei xua ichamonae abe yabara paebatsi. <sup>30</sup> Yawano barapomonae jume atsaquiya abeya yabara paeba xua ichamonae pocotsiwa exana. Barichi barapomonae Nacom casebatsi. Yawano barapomonae biatane ichamonae. Yawano pia coutha penayabara paebiwi xua pinae painya cui jiwi. Yawano barapomonae peaebiwi xua ichamonae aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi. <sup>31</sup> Barapomonae jopa ichichipaeyo xua Nacom peyabara yaputaewatsi. Yawano barapomonae jopa jume xainyeya exanaeyo pocotsiwan xua exanapaebeiba. Yawano barapomonae jopa xapain antobeyo ichamonae. Yawano barapomonae jopa ichamonae yabara juntemainaetsi xua abe exana. Yawano barapomonae jopa ichamonae xapain yabara nanta xeinaetsi xua peyawenaenexatsi. <sup>32</sup> Barapomonae yaputane pocotsiwa xua Nacom itoroba. Yawano barapomonae yaputane xua pomonae barapo peabe coyenewan exana bewa werapaena. Bequein barapomonae yaputane baxuan ichitha awiya abe eexanapona. Yawano barapomonae junte coyene weiweina, poxonae ichamonae iru barapo peabe coyenewan exana.

## 2

*Meje yabara xua Nacom yabara paebina penatsicuentsiwa jiwi, xua yatsicaewa pexainyei coyenewatha*

<sup>1</sup> Paca tsipaebatsi paxam judiomonae jiwana pam pomonae xua ichamonae pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichantha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichan payabara paebame xua penatsicuentsiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonae payabara paebame xua penatsicuentsiwa xua abe pia peexanaewaxae. <sup>2</sup> Waxainchi yaputainchi xua Nacom yabara paebina daxita jiwi xua penatsicuentsiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonae Nacom yabara paebina xua penatsicuentsiwa jiwi, bapon paebina xua pomonae barapo peabe coyenewan exana bewa peraxa jubebinchi xua atene tsane. <sup>3</sup> Paxam ichan payabara paebame penatsicuentsiwa xua abe pia



peexanaewaxae. Apra painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae Nacom atene exanaena xua poxonae yabara paebina jiwu xua penatsicuentasiwa xua pomonae abe peexanaewi. <sup>4</sup> Paxam paaichaxaibim poxonae Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonae Nacom abu saya juntema ewata xua beta pacata exanaena xua pomonae pamxaem xua pajume cowuntsiname yawa atene paca exanaena pomonae pamxaem jopa painya nejume cowuntsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonae Nacom wucaetsi xua painya nepaca cayabara juntemainaenexa painya abe exanae coyenewan. <sup>5</sup> Paxam ainya unthuton paxeiname. Yawano jopa paichipaem xua icha juntu coyene painya tsita xeinaewa Nacom. Daxota paxam mataropeicha paexanaponame xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonae barapo peabe coyenewan exana. Nacom yabara paebina jiwu xua penatsicuentasiwa xua abe peexanaexae xua yatsicaewa pexainyei coyenewatha abe peexanaexae bapontha. <sup>6</sup> Nacom catsibina pentoman daxita carepaya jiwitha xua pocotsiwan pia petanacuichiwiwaetsi. Pomonae abeya tanacuita xuya abeya matoma catsibebinchi. Pomonae wanaeya tanacuita xuya wanaeya matoma catsibebinchi. <sup>7</sup> Ichamonae Nacom peajuntuyapusu coyenewa catsibina pomonaetha pomonae jopa aitaconaeya exana dubenanaebiyayo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano barapomonae ichichipa nawita xua pia xeinaetsi peajuntuyapusu coyenewa po peajuntuyapusu coyenewa ataya tsiteca. <sup>8</sup> Ichamonae, Nacom anaya exanaena xua atene exanatsi barapomonae pomonae saya u piawa nata exana. Yawa Nacom atene exanaena pomonae jopa jume cowuntsiyo Nacom pia pexainyei jume diwesi. Barapomonae Nacom bichocono caseba itapeta peichichipaewaxae xua abe coyenewa peexanaewa. <sup>9</sup> Atene exanebinchi yawa ajunturewe exanebinchi daxita pomonae abe coyenewan peexanaewi, matha copiya

pomonaē judiomonaē, bapoxonaē ir̄u catsibinchi pomonaē jopa judiomonaē naexanaeyo. <sup>10</sup> Ichitha nama Nacom seicaya catsibina pomonaetha pomonaē xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebar̄u cui itura jinae coyenewa. Yawano catsibina po coyenewa xua j̄ntema pejinompae coyenewan. Matha copiya catsibinchi judiomonaē, bapoxonaē ir̄u catsibinchi pomonaē jopa judiomonaē naexanaeyo.

<sup>11</sup> Barapomonaethabe Nacom catsina barapo coyenein tsipei Nacom tsita naj̄patsi daxita jiwi. <sup>12</sup> Pomonaē jopa judiomonaē naexanaeyo daxita barapomonaē yaputane poxonaē abe exana pia peitorobi coyenewan pexeinaexae. Icha barapomonaē awiya eexanapona pocotsiwa xua abe, Nacom tsita natsicuentatsi. Barapomonaē werapaena abe peexanaexae bequein jopa yaputaeyo Moisés pia peitorobi coyenewa tatsi. Pomonaē judiomonaē barapomonaē yaputane Moisés pia peitorobi coyenewa tatsi. Daxota yaputane poxonaē abe exana. Poxonaē barapomonaē abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi. <sup>13</sup> Pomonaē jume tane Moisés pia peitorobi coyenewa tatsi xvano exana pocotsiwa itoroba, barapomonaē Nacom tsita j̄nt̄u coyene xanepanatsi. Pomonaē saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonaē Nacom jopa tsita j̄nt̄u coyene xanepanaetsi. <sup>14</sup> Pomonaē jopa judiomonaē naexanaeyo barapomonaē jopa xeinaeyo Moisés pia peitorobi coyenewa tatsi. Ichitha ichacuitha barapomonaē exana xua be pocotsi coyene Moisés pia peitorobi coyenewatha itoroba. Baxua barapomonaē exana, tsipei pej̄nt̄u coyenewantha yaputane pocotsiwa xua abe xvano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonaē baxuan exana be barompaya pia peitorobi coyenewan xeina pia j̄nt̄u coyenewantha. <sup>15</sup> Poxonaē barapomonaē beta exana, baxua itapeinya xeina xua barapomonaē pia j̄nt̄u coyenewantha xeina Nacom pia peitorobi coyenewa tatsi. Barapomonaē yacuiya naexana. Barapomonaē pia j̄nt̄u coyenein yaputane cana exanatsi xua poxonaē w̄nae exana xvano xua poxonaē ichacuitha abe exana. <sup>16</sup> Jemeicha jopaena matacabi po mataqueitha poxonaē Nacom itorobina xua Jesucristo yabara paebina daxita jiwi xua pia penatsicuentsiwa xua abe peexanaexae Nacomtha. Barapo mataqueitha Jesucristo yabara paebina jiwi xua penatsicuentsiwa xua abe peexanaexae xua pocotsiwan namicha abeya peexanaexae

matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonae cueicueijan Nacom pia pexeinya peca-panenebiyae diwesi jume.

*Meje yabara xua judiomonae yawa Moisés pia peitorobi coyenewa tatsi*

<sup>17</sup> Paxam papaebame, pajam: “Paxan seicaya judiomonae piwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom. <sup>18</sup> Barichi paxam papaebame xua pinae payaputaneme pocotsiwa xua Nacom pia peichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa. <sup>19</sup> Matautano atsaquiya papaebame, pajam: “Paxan pacuiduban pomonae jopa peyaputae jiwi Nacom. Yawa jume cowanta pacana exanan pomonae jopa jume cowantsiyo Nacom”, pajam. <sup>20</sup> Paxam pananta xeiname xua paca itacupa xua pacuidubame pomonae Nacom jopa peyaputae jiwi. Barichi pananta xeiname xua paca itacupa xua yaputane pacana exaname pomonae pena pejume cowantsiwi. Paca itacupa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan. <sup>21</sup> Poxonae ichamonae po coyenein yabara pacuidubame paxam jopa apara matha pajume yabara cowantsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua iru painya barichiwathamdu. <sup>22</sup> Paxam pacuidubame xua jopa bewa ichan piowa tatsi tapichichi xua iru painya barichiwathamdu. Paxam papaebame xua pinae paaichaxaibim ibo nacomun, ichitha paxam pacaibame pocotsiwan xua jeba ibo nacomun pia botha tatsi. <sup>23</sup> Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi. <sup>24</sup> Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

<sup>25</sup> Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa peru muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés

pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae. <sup>26</sup> Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi. <sup>27</sup> Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha wanae paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba. <sup>28</sup> Pon jiwi tsitatsi xua pepa judiomonaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi. <sup>29</sup> Jame xua pepa judiomonaepin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta rejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexainaewa Nacomtha xua pexanepanaewa. Saya apara meisa Nacom pia Pejumope tñaxu tatsi baxua exana. Jiwi wñaeaya yabara paeba pomonae xua pewi thabiwichi. Ichitha nama Nacom wñaeaya yabara paeba pontha pon icha juntu coyene xeina bapontha xua pexanepanaewa.

### 3

<sup>1</sup> Metha beya ichun yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae. <sup>2</sup> Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa

judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonae", jan tsipae. <sup>3</sup> Ichacuitha metha beya equeicha bapon yainyabichipa jei tsipae; "Daichitha ζeta bichi tsipae icha barapomonae jiwana nacui barapentsipa xua jopa peyabara jume cowantsiwa xua Nacom bexa exanaena pocotsiwa Nacom yabara tsiw<sub>nae</sub> muxu duta? ζDaxota metha Nacom xuya nacui baraxubichipa xua jopa equeicha peexanaewa pia peyabara tsiw<sub>nae</sub> muxu dutsiwa?" jei tsipae. <sup>4</sup> Metha jan tsipae: "¡Jume, apara Nacom bapana jopa baxua exanae! Apara jame Nacom daxitan pexainyewantha exaneiba. Nacom bewa exaneibina baxuan bara bequein jiwi pemuxuitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye:

'Nacom, poxonae cueicueijam jiwi yaputaena xua xam xainyeya bara nepaebin.

Bapoxonae jiwi jume amanayabame poxonae baxua exaname poxonae bequein jiwi cayabara paeba xua abe exaname', jei David Nacom Pejume Diwesitha", jan tsipae.

<sup>5</sup> Ichitha metha ichamonae jume coxonaya najume matsontsonobichipa jei tsipae: "Poxonae waxainchi abe exanatsi bapoxonae Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae coyenewatha Nacom yawenatsi. ζEta xua metha yabara paebinchi baxua? ζMetha Nacom jopa xaniwaicha exanaeyo icha naca atene exana abe peexanae cuiru coyene waexanaexae?" jei tsipae barapomonae, xua saya paeba icha jiwi ichi pomonae jopa peyaputae jiwi. <sup>6</sup> Metha barapomonae jume notsipan, jan tsipae: "¡Jume apara, baxua jopa xainyeyo! Icha Nacom jopa xaniwaichiya exanaetsipae poxonae naca yabara paeba xua penatsicuentiwa bapoxonae jopa itac<sub>paetsi</sub>paetsi xua daxita yabara paebatsi jiwi xua penatsicuentiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itac<sub>patsi</sub> xua daxita jiwi yabara paebatsi penatsicuentiwa", jan tsipae.

<sup>7</sup> Metha ichamonae jei tsipae: "Nacom jopa bewa naca yabara paebi penatsicuentiwa tsane wanaca yabara paebinexa xua abe waexanaewan poxonae naerabiya cueicueijeichi. Poxoru poxonae naerabiya cueicueijeichi ichamonae tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin", jei tsipae barapomonae. <sup>8</sup> Ichamonae iru

jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomonae. Barapomonae naerabiya paeba xua pinae xan barapo coyene cuiduban ichamonae. Barapo naerabiya pepaebiwi xua neyabara jume caenaeraba, barapomonae Nacom tsita natsicuentinchi abe taneyabara paebixae.

*Meje yabara xua daxitatsi pomonaetsi pomonae Nacom watsita natsicuentiswichi abe waexanaexae bapontha*

<sup>9</sup> ¿Waxainchi pomonae judiomonaetsi Nacom tsitatsi xua jopa wanatsicuentis jiwichi xua beyacaincha pomonae jopa judiomonae naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiomonaetsi iru pomonae jopa judiomonae naexanaeyo daxitatsi abe waexanae jiwichi”, jan. <sup>10</sup> Nacom Pejume Diwesitha baxua yabara jeye:

“¡Dapomonae ajibi pomonae xua xanepanaya peexanaewi, xua matautano bara caeinno!

<sup>11</sup> Matautano dapon ajibi pon ichichipa xua peyabara yaputaewa pexainyei coyenewa.

Matautano dapon ajibi pon xua ichichipa penaponaewa Nacomtha.

<sup>12</sup> Daxita jiwi Nacom pentatsi yawano abe peexanae jiwi bichocono.

¡Dapon ajibi pon xua xanepanaya beta exana, xua matautano bara caeinno!

<sup>13</sup> Barapomonae caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa.

Barapomonae pepaebiwantha ichamonae muxujainyabeibatsi.

Barapo pepaebiwantha ichamonae ajuntucoyenetane exanatsi, icha jomo ichi xua ichan sinatsi poxonae bichocono atene exanatsi pewano tsapa pexeinaexae.

<sup>14</sup> Barapomonae saya u cueicueijei xua xuan peabe jumein, po jumein xua atsaca pepaebiwa.

<sup>15</sup> Barapomonae bichocono ichichipa nawita xua ichamonae bichocono atene peexanaewatsi xuano xua pejutebiwatsi.

<sup>16</sup> Daxita ichaxota poneiba barapomonae, ichamonae abe exaneibatsi.

Matautano exaneiba pocotsiwa ichamonae ajuntucoyenetane cana exanatsi.

<sup>17</sup> Barapomonae jopa yaputaeyo xua po coyene

caemonae nantiya j̄ntema jinompa  
penaexanae coyenewa.

<sup>18</sup> Matautano barapomonaе jopa cunuwiyo Nacom xua  
abe peexanaeyainwatsi”, jei Nacom Pejume Diwesitha.

<sup>19</sup> Waxainchi yaputainchi xua daxita Nacom paeba Moisés  
pia peitorobi coyenewatha baraxua judiomonaе nexa. Bara-  
pomonaе bewa exanae Moisés pia peitorobi coyenewa tatsi.  
Ichitha judiomonaе jopa itac̄paetsi xua peexanaewa barapo  
coyenewa. Barichi pomonaе jopa judiomonaе naexanaeyo  
jopa itac̄paetsi xua peexanaewa baxua. Barapo coyeneya  
Nacom yaputane exana xua daxita jiwi jopa pepaebinea xua  
pinae jopa abe peexanaewa barapo jiwi. Matautano Nacom  
tsita itapeinya xeina jiwitha xua Nacom yabara paebina xua  
penatsicuentsiwa daxita jiwi xua abe peexanaexae bapon-  
tha. <sup>20</sup> Dapon ajibi pon itac̄patsi xua pejeiwa: “Xan bi-  
chocono taj̄nt̄u coyene xanepanaein xua Nacom jopa tatsita  
natsicuentsixae abe taexanaexae bapontha. Tsipei daxita  
yabara jume cuiya exanan pocotsiwa Moisés pia peitorobi  
coyenewatha itoroba”, xua pejeiwa. Tsipei jame apara  
barapo Moisés pia peitorobi coyenewa tatsi naca yaputane  
exana xua waxainchi apara abe waexanae jiwichi.

*Meje yabara xua jiwi capanenebiyatsi pejume cow̄ntsixae  
Nacom*

<sup>21</sup> Ichitha anoxuae Nacom jiwi yaputane exanatsi po  
coyeneya bapon exana xua poxonaе jiwi j̄nt̄u coyene  
xanepana exanatsi bapontha. Nacom jopa tsita natsicuen-  
tichi barapomonaе xua abe peexanaexae. Nacom baxua  
exana jopa poxoruyo xua peexanaexae pocotsiwa Moisés  
pia peitorobi coyenewatha itoroba. Moisés pia peitorobi  
coyenewa tatsi, ir̄u Nacom pia peitorobi jume pepaebiwi  
paeba xua bewa jiwi Nacom tsita j̄nt̄u coyene xanepanaetsi.

<sup>22</sup> Nacom j̄nt̄u coyene xanepana cana exana jiwi poxonaе  
barapo jiwi jume cow̄nta Jesucristo. Nacom bara daxita  
naj̄nt̄u coyene j̄piya exana pomonaetha pomonaе pejume  
cow̄ntsiwi Jesucristo, poxoru Nacom tsita naj̄patsi barapo  
pejume cow̄ntsiwichi. <sup>23</sup> Tsita naj̄patsi yaitama daxita  
jiwi peabe coyenewan exana. Yawano barapo jiwi tase-  
icatsi po coyene xua Nacom tsita xanepanatsi barapomonaе.

<sup>24</sup> Ichitha Nacom peantobexae jopa tsita penatsicuentsiwatsi  
barapo jiwi. Baxua Nacom amanaya taexana. Nacom  
pentoma exana xua jiwi pej̄nt̄u coyene xanepanaenexa  
poxonaе Cristo Jesús naetotha tsit̄pa, xua jiwi tsit̄patsi.

<sup>25</sup> Nacom Pexanto itorobica, pon Cristo. Bapon jana picha-  
pabarena poxonaе tsit̄pa jiwi pia peabe coyenewan tatsi.

Nacom junte maina jiwi pia peabe coyenewan poxonae barapomonaе jume cowanta Cristo. Barapo coyenewatha Nacom yaputane exana xua bara junte coyene xanepana cana exana jiwi xua jopa Nacom petsita natsicuentisiwatsi xua abe peexanaexae. Bayatha bapon beitemaya cui taetaepona jiwi abe pia peexanae cuiru coyenewan tatsi pomonaе xua caena bayatha jinompa poxonae cataunxuae Jesús jopa tupaeyo. <sup>26</sup> Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitemaya cui taeyo jiwi abe pia peexanae cuiru coyenewan tatsi. Apara jame Nacom junte coyene xanepana cana exana jiwi poxonae Nacom yabara junte maina jiwi xua pia penatsicuentisiwa xua abe peexanaexae. Baxua exana daxita pomonaetha pomonaе pejume cowantsiwi Jesús.

<sup>27</sup> Daxota waxainchi jopa naca itacupaeyo xua atsaquiya nayabara paebatsi xua beta waexanaewa. Waxainchi jopa najunte coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apara wajume cowantsixae Jesús, daxota bapon naca junte coyene xanepana cana exana Nacomtha. <sup>28</sup> Nama anoxuae waxainchi yaputainchi xua Nacom junte coyene xanepana cana exana pontha pon jume cowanta Jesús. Nacom jopa junte coyene xanepana exanaeyo poxonae bequein ichan ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

<sup>29</sup> Nacom jopa meisa apara judiomonaе pia Nacom tatsi. Apara iru pomonaе jopa judiomonaе naexanaeyo barapomonaе iru pia Nacom tatsi. <sup>30</sup> Icha Nacom ajibi, saya meisa bapon Nacom nacata bara compa. Barapo Nacom junte coyene xanepana cana exana jiwi, pomonaetha pomonaе jume cowanta Jesucristo, bequein pomonaе wi thabatsi xuano bequein pomonaе jopa wi thabichi. <sup>31</sup> Waxainchi jopa nacui barapentichi Moisés pia peitorobi coyenewa tatsi yaitama jume cowantatsi Jesús. Jame poxonae xaniwaicha jume cowantatsi Jesús bapoxonaе bara xaniwaicha exanatsi pocotsiwa Moisés pia peitorobi coyenewatha itoroba.

## 4

### *Meje xua Abraham yabara*

<sup>1</sup> Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, iruru daxita judiomonaе pia pamo susatopin tatsi pon caena bayatha tupa. <sup>2</sup> Abraham jopa pia coya najunte coyene xanepana exanaeyo



xua jopa Nacom petsita natsicuentisiwatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi. <sup>3</sup> Nacom Pejume Diwesitha Abraham yabara paebatsi, jeye: “Abraham jume cowanta Nacom. Peyabara jume cowantsixae pocotsiwa xua Nacom exanapaeba, Nacom juntu coyene xanepana cana exana bapon”, jei Nacom Pejume Diwesitha. <sup>4</sup> Poxonae jiton ba tanacuita ichun, jopa jiton pentoma becatsichi xua saya amanaya nexa poxoru ichun peyabara nanta xeinaexae bapon. Jame jiton ba bewa pentoma catsichi xua poxoru penacuichixae. <sup>5</sup> Ichitha nama Nacom seicayiya exana. Pon yabara jume cowanta pocotsiwa Nacom exanapaeba xua Nacom peyabara junte mainaenexa xua bapon pia penatsicuentisiwa tatsi, bara Nacom yawena bapon. Barapo jiton Nacom tsita juntu coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane. <sup>6</sup> David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntu coyene weiweina. Jeye: “Pon peyabara jume cowantsixae pocotsiwa Nacom exanapaeba, Nacom juntu coyene xanepana cana exana. Jopa apara Nacom juntu coyene xanepana exanaeyo xua poxoru bapon wunaeya xanepanaya peexanaexae. Aparapa poxoru Nacom peichichipaexae, daxota baxua exana”, jei David. <sup>7</sup> Equeicha David jei:

“Juntu coyene weiweina pomonae Nacom yabara junte maina xua puxana exana abe pia peexanae cuiru coyenewan tatsi.

<sup>8</sup> Juntu coyene weiweina pon Nacom jopa tsita natsicuentisichi xua abe peexanaexae”, jei David.

<sup>9</sup> Po pejuntu coyene weiweinaewa xua David yabara paeba, meisa saya u pomonae pewi thabiwichi jopa nexiyo. Aparapa barapo pejuntu coyene weiweinaewa iru pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowanta pocotsiwa Nacom exanapaeba, daxota Nacom juntu coyene xanepana cana exana bapon xua jopa Nacom tsitatsi xua Abraham penatsicuentisiwa xua abe peexanaexae. <sup>10</sup> Abraham jopa juntu coyene xanepana exanaetsi poxonae nacana cui wetatsi xua pewi thabiwatsi. Aparapa Nacom Abraham juntu coyene xanepana exanatsi poxonae cataunxuae jopa wi thabichi. <sup>11</sup> Abraham peyabara jume cowantsixae pocotsiwa Nacom

exanapaeba, Nacom juntu coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntu coyene xanepana exana Abraham, peyabara jume cowuntsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi xua Abraham be coxiyɯn poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowuntsiwixaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom irɯ yabara nanta xeina xua bara irɯ barapomonae juntu coyene xanepana bapontha. <sup>12</sup> Barichi Abraham be coxiyɯn cana exanatsi, xua pomonae bayatha pewi thabiwichi barapomonae be pia pecanamataxeinaeinchi. Jopa Abraham be coxiyɯn cana exanaetsi xua poxoru barapomonae pewi thabixaetsi. Jame apara be coxiyɯn cana exanatsi poxoru irɯ peyabara jume cowuntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

*Meje yabara xua poxonae Nacom cata pia peyabara tsiwɯnae muxu dutsiwa, Abraham catatsi*

<sup>13</sup> Nacom yabara tsiwɯnae muxu duta Abrahamtha irɯ pia pemomoxi susato jiwitha tatsi. Nacom yabara tsiwɯnae muxu duta xua catsina daxita barapo cae pin nacue Abrahamtha, irɯ pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwɯnae muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tɯpa. Apara Nacom cata barapo yabara petsiwɯnae muxu dutsiwa poxoru Abraham peyabara jume cowuntsixae pocotsiwa Nacom exanapaeba. Daxota Nacom yabara tsitatsi xua bara Abraham pejuntu coyene xanepanaein bapontha. <sup>14</sup> Icha pomonae xeinaetsipa pocotsiwa Nacom yabara tsiwɯnae muxu duta, icha barapomonae apara barapomonae tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonae jopa nantawenonaetsipae xua yabara jume cowanta pocotsiwa Nacom exanapaeba. Matautano pocotsiwa xua Nacom yabara tsiwɯnae muxu duta barapomonae jopa tsita xainyei tsipaetsi. <sup>15</sup> Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa

tatsi. Ichitha pomonae jopa xeinaeyo Moisés pia peitorobi coyenewa, barapomonae Nacom jopa tsita penatsicuentstsi-watsi xua abe peexanaexae xua poxonae jopa exanaeyo barapo peitorobi coyenewa.

<sup>16</sup> Daxota Nacom yabara tsiw<sub>h</sub>nae muxu duta Abrahamtha peyabara jume cow<sub>h</sub>ntsixaetsi pocotsiwa Nacom exanapaeba. Nacom pia yabara petsiw<sub>h</sub>nae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonae peexanaewi xua Moisés itoroba. Apra Nacom ir<sub>h</sub> cata pomonaetha pomonae pejume cow<sub>h</sub>ntsiwichi icha Abraham ichi poxonae jume cow<sub>h</sub>nta Nacom. Bapon Abraham be coxiy<sub>h</sub>n cana exainchi xua daxita waxainchi be xua wanacanamataxeinaein, copiya pejume cow<sub>h</sub>ntsixae.

<sup>17</sup> Nacom jeye Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be coxiy<sub>h</sub>m”, jei Nacom Pejume Diwesitha. Daxota barapo yabara petsiw<sub>h</sub>nae muxu dutsiwa Nacom tsita coyene xanepanatsi. Barapon Nacom Abraham yabara jume cow<sub>h</sub>nta pocotsiwa Nacom exanapaeba. Matautano barapo Nacom equeicha as<sub>h</sub> exana pomonae bayatha werapa. Matautano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae ab<sub>h</sub> jopa forotsiyo bapocotsiwan.

<sup>18</sup> Abraham poxonae nawei wetaba xua jopa itac<sub>h</sub>paetsi xua pexeinaewa pexui, awiya cataunxuae yabara jume cow<sub>h</sub>ntsiya w<sub>h</sub>nae ewata pocotsiwa Nacom exanapaeba. Bapon jume cow<sub>h</sub>ntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cow<sub>h</sub>nta pocotsiwa Nacom exanapaeba pocotsiwa yabara tsiw<sub>h</sub>nae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiy<sub>h</sub>n. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom.

<sup>19</sup> Abraham jopa j<sub>h</sub>nt<sub>h</sub> coyene natsepaeyo xua peyabara jume cow<sub>h</sub>ntsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon ir<sub>h</sub> piowa tatsi Sara bara imoxoyo methaunxuae t<sub>h</sub>paenabe. Abraham piseuribe bichocono perunbe. Matautano yaputaneno xua Sara jopa itac<sub>h</sub>paetsi xua pexui pexeinaewa. <sup>20</sup> Bapon Abraham jopa ainya muxu xeinaeyo. Matautano jopa nacui baraxubiyo xua peyabara

jume cowantsiwa pocotsiwa Nacom exanapaeba xua pocotsiwa Nacom yabara tsiw<sub>h</sub>nae muxu duta xua pinae Abraham pexanto xeinaena. Jame bapon Abraham beta xaniwaicha jume cocowantapona. Abraham w<sub>h</sub>nae jaintapona Nacom. <sup>21</sup> Baxua Abraham exanapona poxoru bara yatsicaewa yaputane xua Nacom itac<sub>u</sub>patsi xua peexanaewa pocotsiwa xua bapon yabara tsiw<sub>h</sub>nae muxu duta. <sup>22</sup> Abraham peyabara jume cowantsixae pocotsiwa Nacom exanapaeba, daxota bapon Nacom tsitatsi xua bapon bara peyabara j<sub>u</sub>nt<sub>h</sub> coyene tsita xanepanaeinchi xua jopa petsita natsicuentsexae abe peexanaexae bapontha.

<sup>23</sup> Po jumein xua bayatha Abraham yabara paebatsi xua jeye: “Nacom tsitatsi xua bapon bara pej<sub>u</sub>nt<sub>h</sub> coyene xanepanaein xua jopa petsita natsicuentsexae abe peexanaexae bapontha”, jei, barapo jumein jopa meisa tinaeyo xua bapon nexa. <sup>24</sup> Barapo jumein xua po jumein tina apara ir<sub>h</sub> bara waxainchi nexa xua naca yabara pebar<sub>h</sub>. Wajume cowantsixae Nacom, daxota Nacom tsitatsi xua bara waxainchi ir<sub>h</sub> waj<sub>u</sub>nt<sub>h</sub> coyene xanepanae jiwichi xua jopa watsita natsicuentsiwatsi xua abe waexanaexae bapontha. Waxainchi yabara jume cowantatsi pocotsiwa Nacom exanapaeba, pon Jesús as<sub>h</sub> exanatsi pet<sub>u</sub>pae cuiru coyene weya, pon Wanacanamateinaein. <sup>25</sup> Nacom itoroba xua bapon Jesús naca tsit<sub>u</sub>pa abe waexana cuiru coyenewan. Mata<sub>u</sub>tano Nacom as<sub>h</sub> exanano, xua Jesús as<sub>h</sub> pet<sub>u</sub>pae cuiru coyene weya xua wanaca cana exanaenexa xua jopa Nacom watsita natsicuentsiwa tsane xua abe waexanaexae bapontha.

## 5

*Meje yabara xua Nacom wanaca cana exanaewa xua jopa wanatsicuentsiwa tsane bapontha, xua abe waexanaexae*

<sup>1</sup> Nacom naca cana exana xua bapon jopa watsita natsicuentsiwa tsane abe waexanaexae bapontha. Baxua Nacom naca cana exana wayabara jume cowantsixae pocotsiwa Nacom exanapaeba. Daxota waxainchi j<sub>u</sub>ntema dubenanaebiyatsi Nacom peit<sub>u</sub>tha tatsi Jesucristo wanaca tsit<sub>u</sub>paexae, pon Wanacanamateinainxae. <sup>2</sup> Cristo wajume cowantsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae aj<sub>u</sub>nt<sub>h</sub>coyenes<sub>u</sub>ya jinompatsi. Yawa waxainchi j<sub>u</sub>nt<sub>h</sub> coyene weiweinatsi waw<sub>h</sub>nae ewatsixae xua bexa ir<sub>h</sub> xeinaeinchi pebar<sub>h</sub> cui itura jinaewa po pebar<sub>h</sub> cui itura jinaewa jiw<sub>i</sub> Nacom tsita xeinatsi peainya cuinxae icha bapon ichi. <sup>3</sup> Jopa meisa baxua nexiyo, jame yawa j<sub>u</sub>nt<sub>h</sub> coyene weiweineibatsi poxonae ichamonae

naca atene exaneiba. Tsipei waxainchi yaputainchi xua wanaca jũntũ coyene ayarusũ exanaewa xua daxota jopa waaitaconaewa poxonae bequein ichamonae naca atene exana. <sup>4</sup> Poxonae ajũntũcoyenyarusũya jinompatsi xua daxota jopa waaitaconaewa poxonae bequein ichamonae naca atene exana, baroxonae Nacom naca weyatane xua bara beta waexanaewa. Poxonae Nacom naca weyatane, baxua naca cana exana xua wawũnae ewatsiya ewatsiwatsi xua Nacom nacata exanaena pocotsiwa yabara naca tsiwũnae muxu duta. <sup>5</sup> Barapo wawũnae ewatsiwa jopa naca jũntũ coyene cana exanaeyo xua wajũntũ coyene wecoyeiwa xua jopa wataexae pocotsiwa wawũnae ewatsiwa. Nacom bichocono naca jũntũ coyene yũca cana exana pia peantobe coyenewa pia Pejumope tũnaxũtha. Barapo pia Pejumope tũnaxũ tatsi naca nacana jumope cata wajũntũ coyenewatha.

<sup>6</sup> Poxonae waxainchi jopa naca itacũpaeyo xua wacoutha wanacapanenebiwa, baroxonae Cristo naca tsitũpa abe waexanae cuiru coyenewan nexa. Bapon Cristo tũpa poxonae po mataqueitha Nacom copata xua bapon petũpaewa tsaneba. <sup>7</sup> Barapo cae pin nacuathe nacata ayarube xua nanta xeinatsi xua jiton wayabara nanta xeinaewa xua ichũn peita araranaewatsi xua peyapu cabocaewa xua daxota petũpaewa bequein barapo ichũn daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiũntabe, jopa ichipaeyo xua petũpaewa. Ichitha ichacuiitha tsipae metha jiton yaita aranaetsipa xua peyapu cabocaewa xua daxota petũpaewa pon xanepanaya petaexanaein ichamonae. <sup>8</sup> Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxonae Cristo naca yapu caboca xua wanaca tsitũpaewa bara bequein cataunxuae abe waexanae jiwichi. <sup>9</sup> Nacom naca exana xua waxainchi pejũntũ coyene xanepanae jiwichi xua poxonae jopa natsicuentisichi bapontha abe waexanaexae, xua poxonae Cristo naca tsitũpa. Baroxonae yawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisiwa xua abe peexanaexae, barapo mataqueitha Nacomtha jopa natsicuentisi tsainchi xua abe waexanaexae. <sup>10</sup> Copiyatha waxainchi Nacom pia peaitafaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitũpaexae. Ichitha anoxuae Nacom pia jiwi tatsixaetsi, Jesucristo naca capanenebiya pia

peasũ poponae coyenewatha. <sup>11</sup> Jopa meisa baxuiyo, jame jũntũ coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamateaxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

*Meje xua Adán yabara irũ Cristo yabara*

<sup>12</sup> Caein pon xua copiya abe exana barapo cae pin nacuathe, bapon Adán. Bapon caena bayatha tũpa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana. <sup>13</sup> Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonae pexeinaewa penatsicuentisi coyenewa bapontha bequein barapomonae abe exanaetha. <sup>14</sup> Ichitha po dapaetha poxonae Adán popona weya xua beya poxonae irũ Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeicapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

<sup>15</sup> Pocotsi coyene xua Adán naca tsiexana jopa be ichiyo xua pocotsi coyene naca tsiexana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsiexana pecapanenebiyae coyenewa poxoru caein, pon Jesucristo, naca tsitũpa abe waexanaexae. Barapo coyene xua po coyene Nacom naca tsiexana bichocono peainya cui coyene, beyacaincha po cui coyene Adán naca tsiexana. Barapo coyene Nacom naca tsiexana xua peantobexae daxita jiwi peyawenaenexa ayei jiwitha. <sup>16</sup> Po peabe coyenewa caein canamata exana bapon Adán jopa coyene jũpaetsi xua nacui coyene jũpa exanabe po cui coyene xua Nacom amanaya naca tsiexana. Copiya Adán canamata exana abe peexanae cuiru coyene. Bapoxonae daxita jiwi jũpa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tũpaena abe peexanaexae.

Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya jũntũ coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitũpaexae jiwi. <sup>17</sup>Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusũ beyacaincha xua Adán exana. Jesucristo petsitũpaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya jũntũ coyene xanepana exana. Daxota Nacom weyatane xua barapomonaē jopa xeinaeyo penatsicuentisi coyenewa bapontha bequein barapomonaē abe exana taetha. Barapomonaē Jesucristo ayapusũya nanabarũ yawa popona penanabarũ yawa itorobinexa tsane ichamonaetha.

<sup>18</sup>Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanaē coyenexae xua Jesucristo exana, barapo coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonaē pejume cowũntsixae Jesucristo itacũpatsi xua ataya asũ jinompaena. <sup>19</sup>Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najũntũ coyene xanepana exanapona Nacomtha. Mataũta barapomonaē Nacom capanenebiya exana xua pia penatsicuentisi coyenewa weya, xua abe peexanaexae.

<sup>20</sup>Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanaponaē jiwi poxonaē jopa yabara jume cuiya exanaeyo pocotsiwa Moisés itoroba. Poxonaē jiwi equeicha mataropeicha yaputane Moisés pia peitorobi coyenewa, bapoxonaē equeicha bichocono mataropeicha yaputane abe peexanaē coyenewan. Daichitha Nacom bichocono mataropeicha aantobe tsoponaē xua peyawenaenexatsi barapomonaē. <sup>21</sup>Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi coyenewa xua abe peexanaexae. Nacom jiwi catatsi peajũntũyapusũ coyenewa po peajũntũyapusũwa ataya tsiteca Jesucristo pon Wanacanamataxeinaein wanaca tsitũpaexae.

## 6

*Meje yabara xua waxainchi asu jinompatsi caemonae wanaexanaexae Cristotha*

<sup>1</sup> Waxainchi jopa bewa abe eexanaponaeinchi xua Nacom wanaca yayawenaponaenexa xua daxota wayaputaenexa xua bara Nacom naca antobe. <sup>2</sup> Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa. <sup>3</sup> Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jesustha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa. <sup>4</sup> Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupae cuiru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayapusu itorobi coyenewatha.

<sup>5</sup> Tsipei waxainchi be caemonae nanaexanaeinchi po petupae coyenewatha poxonae bapon tupa. Barichi tsane poxonae equeicha asu naca exanaena petupae cuiru coyene weya icha matha Cristo ichichi poxonae asu exainchi petupae cuiru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petupae cuiru coyene weya, naca barichi tsane. Nacom equeicha asu naca exanaena petupae cuiru coyene weya caemonae wananaexanaexaetsi Cristotha poxonae be naca yawa tupa Cristo. <sup>6</sup> Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane. <sup>7</sup> Daxota ba pon xua bayatha tupa jopa itacupaetsi xua equeicha abe peexanaewa. Waxainchi



barichichi jopa naca itacupaeyo xua equeicha abe waexanaewa tsane. <sup>8</sup> Waxainchi Cristo naca cayawa tupa, daxota jume cowantatsi xua bexa bapon Cristo baru jinompaeinchi. <sup>9</sup> Waxainchi yaputainchi, xua poxonae Cristo equeicha asu exanatsi petupaе cuiru coyene weya, bapoxonaе bapana equeicha jopa tupa exanae tsainchi. <sup>10</sup> Poxonae Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponaе coyenewa xua beta peexanaenexa pocotsiwa Nacom peichichipaewa xua bara ataya tsane. <sup>11</sup> Barichi anoxuae paxam bewa pananta xeinaename be pomonaе xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonaе ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonaе painya nenaexanaexae Cristo Jesustha.

<sup>12</sup> Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan. <sup>13</sup> Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya nexanaenexa pocotsiwa Nacom paca itoroba. Bara paichinde icha be ichi xua pomonaе bayatha werapa xua equeicha asu exanatsi xua jopa equeicha abe exanaeyo. <sup>14</sup> Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenaе coyenewatha, pia paca necaantobexae.

*Meje yabara xua waxainchi bewa exanaetsi pocotsiwa pexainyei coyenewa*

<sup>15</sup> Waxainchi jopa bewa abe eexanaponaеinchi! Anoxuae jopa Moisés naca itorobiyo pia peitorobi coyenewatha xua waexanaewa. Apara Nacom naca itoroba wanaca yawenaenexa xua wanaca antobexae. <sup>16</sup> Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonaе bapon naexana be pon xua amanaya petanacuichin pon pia pentacaponaеinchi nexa. Daxota poxonaе paxam paichichipame xua itapeta painya

neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya jũntũ coyenein xanepana xua jopa painya nenatsicuentisiwa abe painya exanaexae bapontha. <sup>17</sup> Ichitha baxua yabara Nacom tsipaeban, janje: “Nacom maisa jũntũ coyene weiweinan, barapo Roma tomara-piwi pia peexanaexae. Tsipei copiya ƚ saya xua abe coyenewan peexanaewi. Ichitha anoxuae barapomonae cajume cowũnta. Barapomonae bichocono jume cowũnta pia jũntũ coyenewatha pocotsiwa pexainyei jume xua barapomonae nacuiduba”, janje Nacomtha. <sup>18</sup> Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam. <sup>19</sup> Xan cueicueijan pocotsi jumeintha xua jiwi itacũpatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita jũntũ coyene xanepanaya jinompame.

<sup>20</sup> Poxonae cataunxuae saya ƚ painya neexanaewi abe peexanae coyenewan, bapoxonae jopa ƚ painya neexanae jiwi pocotsiwa pexanepanae coyenewan. <sup>21</sup> Poxonae bayatha peabe coyenewan paexaname baraxua apara jopa paca yawenaeyo. Apara saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane. <sup>22</sup> Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apara poxonae Nacom paca jũntũ coyene xanepana cana exana bapontha. Mataũntano Nacom paca catsibina pocotsiwa peajũntũcoyenesũwa po peajũntũcoyenesũwa ataya tsiteca. <sup>23</sup> Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apara po coyene xua peajũntũyapusũ coyene po peajũntũyapusũ coyene ataya tsiteca. Barapo peajũntũyapusũ

coyenewa naca cana exana xua caemonae naexainchi Cristo Jesustha, pon Wanacanamataxeinaein.

## 7

*Meje yabara xua po peitorobi coyenewa poxonae jitha peecaewa yabꞑyo*

<sup>1</sup> Tamonae pam, pomonae pam pomonae irꞑ painya ne-jume cowꞑntsi jiwixae Jesucristotha. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonae cataunxuae jinompa barapo cae pin nacuathe. Ichitha poxonae jiwi werapa barapomonae jopa equeicha bewa exanae pocotsiwa barapo peitorobi coyenewa itoroba. <sup>2</sup> Paca tsipae-batsi peyabara jꞑta paebiwa: Petsiriwa powa xeina piseuri bewa piseuritha cuicuinae pepaebixae barapo peitorobi coyenewa, xua poxonae pia pebin tatsi awiya asꞑ popona. Ichitha icha barapowa pia pebin tatsi tatꞑpatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi. <sup>3</sup> Daxota icha barapowa isa maiteca icha pebin xua nasi cui exana icha pebintha poxonae cataunxuae barꞑ popona pia pebin, bapowa bapoxonae Nacom tsita natsicuentatsi xua abe peexanaexae. Ichitha icha bapowa pia pebin tatsi tatꞑpatsi barapowa itacꞑpatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyo baxua.

<sup>4</sup> Tamonae pam, paxam pomonae irꞑ painya ne-jume cowꞑntsiwixae Jesucristo. Barichi bara jꞑta ichi poxonae Cristo tꞑpa, paxam irꞑ be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxeinaem ichꞑn pon paca itoroba. Baraxua barichi icha yabꞑyo ichi xua pita icha pebin pon bapowa itorobatsi poxonae piseuri tatsi tatꞑpatsi. Anoxuae paxam Cristo piamonae tatsi pam, pon equeicha asꞑ exanatsi petꞑpae cuiru coyene weya. Barapo coyenewatha Nacom naca cana exana xua wanaca itacꞑpaewa xua waexanaewa tsane pocotsiwa xanepana Nacom nexa. <sup>5</sup> Poxonae waxainchi copiya jume cowꞑntatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajꞑntꞑ coyenewatha ichichipatsi nawita xua waexanaewa barapo abe peexanae coyenewan poxonae jume tainchi xua jopa bewa

exanaetsi barapo coyene. Barapo coyene naca cana exana xua saya wawerapaewa tsane. <sup>6</sup> Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itac̣paetsi xua wanaca itorobiwa. Daxota anoxuae naca itac̣pa xua watanacuichiwa Nacom. Waxainchi xeinatsi pena j̄nt̄b̄ coyene po pena j̄nt̄ coyene Nacom pia Pejumope t̄nax̄ tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

*Meje yabara xua Pablo jeye: “Meje xua po peabe exanae coyene xeinan”, jei.*

<sup>7</sup> Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonae yabara uwiya ichichipan pocotsiwan ichamonae xeina. Ichitha barapo peitorobi coyenewa naca tsipaeba, naca jeye: “Jopa yabara uwiya paichichipaeinde pocotsiwa xua ichamonae xeina”, jei barapo peitorobi coyenewa. <sup>8</sup> Poxonae copiya jume cow̄ntan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonae piawan. Ichitha jame ichichipan nawita taj̄nt̄ coyenewatha xua taxeinaewa tsane xua ichamonae piawan poxonae jume tan xua jopa bewa ichichipaein tsane xua taxeinaewa tsane ichamonae piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxeinaewa pocotsiwa ichamonae piawan. <sup>9</sup> Caena bayatha poxonae jopa yaputaeinyo Moisés pia peitorobi coyenewa xan saya j̄ntema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonae piawan peuwiwa yabara, awiya bichocono abe exanaponan. Bapoxonae bara be tat̄pae coyenewaba tsipei jopa j̄ntema tapoponaewa abe taexanaexae. <sup>10</sup> Barapo Moisés pia peitorobi coyenewa tatsi Nacom cata xua jiwi pej̄nt̄ coyene weiweinaenexa xua poxonae pej̄nt̄ coyene xanepanaewa tsane. Poxonae jiwi jume cow̄ntsiya exana daxita xua barapo coyenewatha itoroba, barapo jiwi bexa tsane xeinaena peaj̄nt̄yapus̄wa xua bara ataya tsane xeinaena. Daichitha barapo coyenewa wecoyei necana exana tsipei bewa tat̄pae coyenewa tsane poxoru jopa neitac̣paeyo xua exanan daxita xua barapo coyenewa itoroba. <sup>11</sup> Barapo Moisés peitorobi coyenewa

be netsita penaerabi coyenewa. Mexeya itara xeinacuaein jantocuae peajuntayapuswa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita ituta xua bewa t̄paein tanatsicuentisiwaxae abe taexanaexae Nacomtha.

<sup>12</sup> Daxita po peitorobi coyenewan Nacom cata Moises-tha daxita bara w̄nae, yawa bara pexainyei coyenewan. <sup>13</sup> Barapo Moisés pia peitorobi coyenewa jopa necana exanaeyo xua bewa t̄paein tanatsicuentisiwaxae abe taexanaexae Nacomtha. Apara jame barapo abe taexanae coyene necana exana xua be t̄paein tanatsicuentisiwaxae abe taexanaexae Nacomtha. Bequein barapo Moisés pia peitorobi coyene tatsi w̄nae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

<sup>14</sup> Yaputainchi xua Moisés pia peitorobi coyenewa tatsi apara xanepana, Nacom weya pejume pichipaexae. Ichitha poxoru saya jiton j̄nt̄u coyeneya taxeinainxae taj̄nt̄u coyene necana exana xua abe taexanaewa. <sup>15</sup> Tsipei jopa xapain yaputaeinyo pocotsiwa xua exanan, poxoru jopa exanaeinyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apara baxua exaneiban. <sup>16</sup> Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan. <sup>17</sup> Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua taj̄nt̄u coyenewatha xeinan, barapo coyene necana exana xua apara abe taexanaewa. <sup>18</sup> Tsipei xan yaputan xua xeinan jiton pia coyene. Daxota jopa xinaeinyo pexanepanae coyenewa. Bequein ichichipan xua xanepanaya taexanaewa, ichitha jopa neitac̄paeyo xua baxua exanan tacoutha. <sup>19</sup> Jopa exanaeinyo po pexanepanae coyenewa bequein ichichipaethan xua taexanaewa. Ichitha u exanaponan po abe peexanae coyenewan bequein aichaxaibithan xua taexanaewa. <sup>20</sup> Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitac̄paeyo xua tacoutha nayawenan xua jopa abe taexanaewa. Barapo abe peexanae coyenewa xua taj̄nt̄u coyenewatha xeinan, barapo coyene necana exana xua equeicha

mataropeicha abe taexanaewa.

<sup>21</sup> Daxota nayaputan pocotsiwa exaneiban tajuntũ coyewathã, xua poxonaẽ bequein ichichipan beta taexanaewa tsane bapoxonaẽ abe exaneiban. <sup>22</sup> Bichocono ichichipeiban tajuntũ coyenethã Nacom Pejume Diwesi tatsi. <sup>23</sup> Ichithã yaputan xua po peabe coyenewa tajuntũ coyewathã xeinan neitoroba xua abe taexanaewa tsaibi, bequein nanta xeinan xua beta taexanaewa, ichã Nacom ichichipa. Ichithã barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyewathã xeinan. Xan be pon tanebusi cui taetaein ichãmonaẽ tsipei barapo abe taexanaewa neitorobeiba xua abe taexanaewa.

<sup>24</sup> ¡Ooo, jopa taxanepanaẽ tsocuaẽinyo! ¡Jopa tajuntũ coyewathã tsocuaẽinyo! ¿Jintam methã necapanepaena barapo tapepon weya po pepon xua bewã tũpaena? <sup>25</sup> Daxota Nacomthã janje: “Nacom juntũ coyene weiweinan xua Jesucristo, pon Tanecanamataxeinaein, itacũpatsi xua tanecapanepaewa tsane barapo tapepon weya”, jan Nacomthã. Daxota yaputan xua nanta xeinan xua barã beta taexanaewa pocotsiwa Nacom neitoroba, ichithã tajuntũ coyewathã exanan pocotsiwa xua abe taexanaewa.

## 8

*Meje yabara xua peajuntũyapusũya pejinompaewa po peajuntũyapusũwa Nacom pia Pejumope tũnaxũ tatsi naca cata*

<sup>1</sup> Dapon ajibi pon itacũpatsi peyabara paebiwa xua pomonaẽ caemonaẽ penaexanaewi Cristo Jesusthã natsicuenta abe peexanaexaẽ Nacomthã. <sup>2</sup> Nacom pia Pejumope tũnaxũ tatsi naca cata peajuntũyapusũwa xua wajinompãe coyewewanexã xua caemonaẽ xua wanaexanaexaetsi Cristo Jesusthã. Barapo Nacom pia Pejumope tũnaxũ tatsi neyawena pia peayapusũ itorobi coyewathã. Necapanepã exana po peitorobi coyene weya xua neitoroba xua abe taexanaewa. Mataũtano necapanepã exana xua po peitorobi coyene weya tũpa necana exana. <sup>3</sup> Moisés pia peitorobi coyenewa tatsi jopa itacũpaetsi xua jiwi capanenebiya exainchi abe pia peexanaẽ cuiru coyenein weya. Jiwi jopa itacũpaetsi xua daxita yabara jume cuiya exana barapo Moisés pia peitorobi coyenewa tatsi. Ichithã Nacom Pexanto itorobica pon yatsicaya pepã Pexanto tatsi. Barapo Pexanto tatsi naexana be barã jiton pia pepon tatsi, barã naca perũ coyene jũpa, po pepontsi xua abe waexanaẽ jiwichi. Poxonaẽ Cristo tsitũpa waabe exanaẽ cuiru coyewewan, bapon amanayaba barapo waabe

exanae cuiru coyenewantha. Barapo peabe coyenewan jopa peitacupaenexa tsainchi xua wanaca cana exanaewa tsane xua equeicha abe waexanaewa tsane. <sup>4</sup> Nacom baxua exana xua waxainchi wanaca itacupaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacupa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumope tñaxu tatsi wanaca itorobixae.

<sup>5</sup> Pomonae exana dubenanaebiya pocotsiwa pia pepon ichichipa exana, saya barapomonae yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tñaxu tatsi ichichipa, barapomonae saya yabara nanta xeina xua xanepanaya peexanae coyenewa pocotsiwa Nacom nexa. <sup>6</sup> Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coyene. Iru icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumope tñaxu tatsi ichichipa, barapomonae xeinaena peajuntuyarusñwa po peajuntuyarusñwa xua bara ataya tsane. Matautano xeinaena jñntema pejinompae coyenewa. <sup>7</sup> Pomonae saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonae apara Nacom pia peaitafaetabi jiwichi. Barapomonae jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacupaetsi xua peexanaewa barapo coyene. <sup>8</sup> Pomonae naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonae Nacom jopa tsita xanepanaetsi.

<sup>9</sup> Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinom-pame icha be pocotsi coyeneya Nacom pia Pejumope tñaxu tatsi ichichipa, icha barapo jumope yatsicaewa paca baru jinompa. Pon jopa Nacom pia Pejumope tñaxu tatsi baru poponaetsi, bapon jopa Cristo pijimonae tatsi. <sup>10</sup> Ichitha icha Cristo paca baru popona, Nacom pia Pejumope tñaxu tatsi paca cana exana xua jopa painya nenatsicuentiswam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nejñntu coyene xanepanaexae Nacomtha. <sup>11</sup> Nacom pia Pejumope

tunaxu tatsi Jesús asu exanatsi petupaе cuiru coyene weya. Icha Nacom pia Pejumope tunaxu tatsi paca baru popona, bapoxonae Nacom asu exanaena painya pepon, po pepon xua werapaena. Baxua Nacom pacata exanaena, icha Nacom pia Pejumope tunaxu tatsi ichi poxonae Cristo asu exanatsi petupaе cuiru coyene weya. Baxua Nacom exanaena painya nepaca baru jinompaexae Nacom pia Pejumope tunaxu tatsi.

<sup>12</sup> Tamonae pam, paxam pomonae iru painya nejume cowantsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane. <sup>13</sup> Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonae pawerapaename. Ichitha jame paexana dubenanaebiyama pocotsiwa Nacom pia Pejumope tunaxu tatsi paca cui itoroba xua painya neexanaewa tsane. Bapoxonae jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonae bexa tsane ajuntasya pajinompaename Nacom pia nacuatheicha.

<sup>14</sup> Daxita pomonae Nacom pia Pejumope tunaxu tatsi itorobiya ewata, barapomonae bara Nacom pia pexui tatsi. <sup>15</sup> Nacom paca nacana jumope cata. Barapo pejumope jopa paca cana exanaeyo pomonae be painya nepaca busi cui tatayebeibi jiwi pam xua ichamonae amanaya painya netanacuichi jiwi pam, xua daxota equeicha pajunuwame. Jame barapo Nacom pia Pejumope tunaxu tatsi paca cana exana xua Nacom pia pexui tatsi pam. Barapo Nacom pia Pejumope tunaxu tatsi naca exana xua barompaya wajeiwa: "Axa", wajeiwa Nacomtha. <sup>16</sup> Nacom pia Pejumope tunaxu tatsi iru wajuntu coyenewa natsipaebabe xua pinae bara Nacom pia pexui tatsi wanaexanaewichiba. <sup>17</sup> Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca juntana jebiwa xua bexa tsane naca catsibina. Barapocotsiwa bayatha yabara naca tsiwanae muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo baru xeinaeinchi pocotsiwa Nacom wanaca juntana jebiwa. Nacom naca catsibebina po pexeinya peitupanae coicha xua bayatha Cristo catatsi.

*Meje yabara xua Nacom piamonaetha catsicaena pia pexeinya peitupanae coicha*

<sup>18</sup> Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Matautano



yaputan xua Nacom cata pia pexeinya peitapanae coicha Jesustha. Barichi naca catsibina barapo pexeinya peitapanae coicha po pexeinya peitapanae coicha xua jopa juniya wɔnaeyo. <sup>19</sup> Daxita po jiwi Nacom forota barapo cae pin nacuathe, barapo jiwi wɔnae weyataeya ewata po mataqueitha poxonae Nacom tsita itatsina piamonae. Nacom tsita itatsina piamonae xua daxita jiwi peyaputaenexa tsane xua xaniwaicha barapomonae apara Nacom pia pexui. <sup>20</sup> Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana juntu coyene weta exana xua pejopaewa tsane matakabi po mataqueitha xua barapo cae pin nacue pena nacua naexanaena.

<sup>21</sup> Barapo cae pin nacuathe xua pena nacua, jiwi jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom wɔnae cana exanaena, icha pijimonaetha cana ichi tsane xua pijimonae tatsi bichocono wɔnaeya xanepana naexanaena. <sup>22</sup> Waxainchi yaputainchi daxita baxuan xua pejinompawwan xua Nacom peforotsiwan caena bayatha atene xua beya anoxuae. Atene icha yabuyo ichi xua bichocono atene poxonae imoxoyo pexuyo tanaexanatsi. <sup>23</sup> Daxita baxuan meisa jopa ateneyo. Bara iru waxainchi daxitatsi atenetsi bequein Nacom pia Pejumope tɔnaxu tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajuntucoyenerewetsi xua juntuwethu wecoye-ichi, poxonae waxainchi ewatatsi po mataqueitha poxonae Nacom yatsicaewa naca cana exanaena pia pexuichi, xua barichino naca catsibinano pena pepon. <sup>24</sup> Poxonae Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abu wɔnae ewatatsi. Icha waxainchi xeinaeinchi pocotsiwa xua wɔnae ewatatsi bapoxonae jopa nantawenonaetsi xua came wɔnae ewatatsi, tsipei bayatha xeinaeinchiba. Poxoru jiton ba jopa came wɔnae ewatsiyo pocotsiwa xua bayatha xeinaba. <sup>25</sup> Ichitha icha wɔnae ewatatsi pocotsiwa xua came jopa xeinaetsi bapoxonae bewa wɔnae ewatichi xua jopa bepijawa aitaconaetsi.

<sup>26</sup> Barichi Nacom pia Pejumope tɔnaxu tatsi naca yawena tsipei waxainchi wajuntu coyene faefaenaewi. Waxainchi

jopa yaputaetsi xua betiya cuitiya wꞛcatsi Nacom. Ichitha poxonae jꞛntꞛ coyene bojeichi, poxoru jopa wanaca itacꞛpaewa xua po jumetha wacaunutsiwa, bapoxonae Nacom pia Pejumope tꞛnaxꞛ tatsi nacata wꞛca Nacomtha. <sup>27</sup> Nacom, bapon yaputane pocotsiwa xua jiwi pia jꞛntꞛ coyenewatha nanta xeina. Mataꞛtano barapon yaputane pocotsiwa Nacom pia Pejumope tꞛnaxꞛ tatsi ichichipa paeba jiwi nexa. Nacom pia Pejumope tꞛnaxꞛ tatsi Nacom wꞛcatsi icha be pocotsi coyeneya Nacom ichichipa pomonae xua Nacom piamonae tatsi nexa.

*Meje yabara xua waxainchi amanayabatsi po coyenein xua bequein naca atene exana*

<sup>28</sup> Waxainchi yaputainchi xua daxita po coyenein xua nacata exana bequein wꞛnae, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonae pia peantobexaetsi. Barapomonae Nacom waba petaexanaewa tsainchi pocotsiwa bapon ichichipa. <sup>29</sup> Caena bayatha poxonae aena nacua forota, Nacom tsiwana yaputane barapomonae pomonae pejume cowꞛntsiwichi tsainchi. Mataꞛtano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi. <sup>30</sup> Pomonae xua Nacom itapeta xua caena bayatha xua copiya poxonae aena nacua forota, bara yawano Nacom waba xua peexanaenexa pia pexui tatsi. Pomonae Nacom pewabixae bara yawano exana xua barapomonae jopa penatsicuentsiwa xua abe peexanaexae pecatsixae pejꞛntꞛ coyene xanepanaewa bapontha. Pomonae xua Nacom pejꞛntꞛ coyene xanepana exanaexae, bara yawano yabara tsiwꞛnae muxu duta xua barapomonae naexanaena icha be Nacom Pexanto tatsi ichi.

<sup>31</sup> Anoxuae waxainchi yaputainchi xua Nacom naca yawena daxota dapon ajibi pon naca jꞛntꞛ coyene amanayaba xua abe wanaca exanaenexa. <sup>32</sup> Poxoru Nacom Pexanto jopa asiwiyo daxota Nacom copata xua wanaca tsitꞛpaenexa. Daxita waxainchi yaputaeinchi xua daxota daxitan coyenein Nacom amanaya naca catsiba po coyenein canamatawenonatsi. <sup>33</sup> Dapon ajibi xua itacꞛpatsi yabara paeba xua pinae Nacom tsita natsicuentatsi pomonae pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomonae tatsi natsicuentisichi xua abe petsita exanaexaetsi bequein abe exana taetha. <sup>34</sup> Mataꞛtano dapon ajibi xua itacꞛpatsi yabara paeba xua barapomonae bewa werapaena

penatsicuentsexae xua abe peexanaexae Nacomtha. Barapomonae jopa bewa werapae tsane, tsipei Cristo Jesús tsitupa barapomonae, abe peexanaexae Nacomtha. Bapon Cristo Jesús equeicha asu exanatsi. Anoxuae eca Nacom pia coxa weya tatsi. Bapon Cristo Jesús Paxatha wuca xua nacata wuca. <sup>35</sup> Cristo naca antobe, daxota dapon ajibi pon itacupatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiya Cristo naca antobe. Ichacuitha ichamonae daunwei wanacata exanaewichitha awiya naca antobe. Ichacuitha ichamonae abe wanacata exanaewichiwathatsi wayabara cueicueijeixae Jesús awiya bapon naca antobe. Ichacuitha wajainpaewichiwathatsi awiya naca antobe. Ichacuitha wanacata acoibichiwathatsi paparuwa awiya naca antobe. Ichacuitha wanapeipeichiwathatsi poxonae ichamonae abe nacata exana awiya naca antobe. Ichacuitha ichamonae wanaca jutebichiwathatsi awiya naca antobe. Daxita barapo coyenein jopa canaupatsi xua tsanayiya wanaca exanaewa Cristo weya. <sup>36</sup> Icha naca ichi daxita barapo coyenein, barichiru Nacom Pejume Diwesitha bayatha baxua yabara naca tsiwuna nae muxu duta, jeye:

“Nacom poxoru tapaca cajume cowantsi  
 jiwixaetsi daxita maticabin tsaibi  
 ichamonae ichichipa pana jutebeiba.  
 Barapomonae pana necana exaneiba icha jiwu  
 ichi xua poxonae daxita maticabin ovejan  
 capaneiba pon oveja pejutebeibin beya”,  
 jei Nacom Pejume Diwesitha, xua  
 yabara naca tsiwuna nae muxu duta.

<sup>37</sup> Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapusu itorobi coyenewatha pon wanaca antobein. <sup>38-39</sup> Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonae tupaethatsi, yawa bara bequein poxonae jinompaethatsi. Iru matatsunpiwi jopa canaupatsi xua tsanayiya wanaca cana exanaewa, bequein iru caurimon-aeru, bequein iru pocotsiwan xua anoxuae exanaponaru, bequein iru xua pocotsiwan bexa tsaneru, bequein iru xua pocotsiwan wetsica patopaenano, bequein iru xua pocotsiwan ira wetsinano, bequein iru ichawano xua pocotsiwa Nacom forota. Bara bequein daxita barapo coyenein, ichitha jopa canaupatsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata

barapo peantobewa xua Cristo Jesús xeina, pon Wanacana-mataxeinaein.

## 9

### *Meje yabara xua Nacom itapeta judiomonae*

<sup>1</sup> Pocotsiwan paca tsipaebatsi barapocotsiwan pexainyei jumein. Tajume cowantsixae Cristo, bara jopa naerabinyo. Tajantũ coyenetha Nacom pia Pejumoŋe tũnaxũ tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan. <sup>2</sup> Xainyan, wecoyan. Bichocono tamonae siwa anthũthũtanein tsaibi jopa pejume cowantsixae Cristo. <sup>3</sup> Bichocono antobein barapomonae pomonae tanacuapiwi. Daxota nayabara paeban, janje: Bena bequein siwa tũpacuaein tamonae xua bequein tsana tanaexanaewa Cristo weya, xua be poxonae Nacom tsita tanatsicuentisiwa xua barapomonae abe pia peexanae coyenewan nexa. Bapoxonae xua Nacom tamonae pia pecapanenebiyaenexatsi, daxota Nacom copata xua ichamonae nebexubina, najanje. <sup>4</sup> Pon Israel, pon caena bayatha tũpa, bapon nawũn cata tamonaetha. Daxota tamonae "israelmonae", baraichi. Bapon pia pemomoxi susato jiwi tatsi pomonae tamonaexae Nacom barapomonae pia pexui exana. Barapomonae bayatha Nacom yanta popona xua daxota barapomonae tane Nacom pia pexeinya peitũpanae coicha poxonae xua beta exana barapomonae nexa, Nacom tsipaeba barapomonae pocotsiwa xua bapon peichichipaewa. Mataũtano Nacom yabara tsiwũnae muxu duta pomonaetha pomonae xua ataya yaweneibina barapomonae peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Mataũtano Nacom cata barapomonae po coyene xua barapomonae xaniwaicha wũnae pejainchinexa bapontha. Mataũtano Nacom yabara tsiwũnae muxu duta barapomonae xua Cristo pepatopeicaewa tsane. <sup>5</sup> Barapomonae wamo susato jiwi pia pemomoxi susato jiwi tatsi. Cristo be jiton coyeneya naexana barapomonae jiwana pomonae pia pemomoxi susatopiwi jiwana tatsi. Bapon Cristo apara bara Nacom. Barabũ Nacom bara ataya wũnae jainteibinchi pon xua daxita coyeneintha canamataxeina.

<sup>6</sup> Ichitha barapomonae bequein Nacom cata daxita barapo coyenein, daichitha anoxuae barapomonae jopa Nacom xanepanaya beta tsita jinompaetsi jopa Cristo peyabara jume cowantsixaetsi. Bequein ichamonae nanta xeinaetsipa xua pinae Nacom Pejume Diwesi jopa ainya cuiyo xua barapomonae jopa peexanaexae pocotsiwa Nacom itoroba,

ichitha baraxua jopa xainyeyo pocotsiwa barapomonaе nanta xeina. Baraxua jame tsita itapeinya xeina xua apara jopa daxitiyo pomonaе Israel pia pemomoxi susato jiwi tatsi xua Nacom piamonaе tatsi. <sup>7</sup> Matautano Abraham pia pemomoxi susato jiwi tatsi apara jopa daxitiyo barapomonaе xua Nacom piamonaе tatsi. Nacom caena bayatha tsipaeba Abrahamtha, jeye: “Xam xeinaename pomonaе pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom. <sup>8</sup> Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaе pejume cowantsixae xua Nacom pia peyabara tsiwunaе muxu dutsiwa. Barapomonaе jume cowanta Nacom pia peyabara tsiwunaе muxu dutsiwa xua Cristo capanenebiyaena barapomonaе. <sup>9</sup> Tsipei Nacom tsipaeba Abrahamtha poxonaе yabara tsiwunaе muxu duta. Nacom jeye: “Barapo xometotha xua icha weitha taitorobi coyenewatha bapoxonaе Sara pexanto pabetsina pebin wuto xua nexanto tsane”, jei Nacom.

<sup>10</sup> Jopa meisa baxuiyo, ichawano Nacom exana. Sara pexanto tatsi naexana pewun Isaac. Poxonaе Isaac pinyo, bapon nacueyoba piowa, pewun Rebeca. Rebeca tanama ecatsibe pebin wutobe. Barapo pexuyobe cae axa nantautebe bapon Isaac, pon wamo susatopin. <sup>11-13</sup> Caena bayatha pewunaeya poxonaе barapoyobe jopa naexanaebe, xuano pewunaeya xua poxonaе barapoyobe jopa abe exanaeyobe matautano pewunaeya xua poxonaе jopa wunaе exanaebe, bapoxonaе Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume japabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematatan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonaе xua peichichipaewa, xua pewabiwa barapomonaе. Nacom jopa yabara itapetsiyo barapomonaе peexanaexae pocotsiwa Nacom peichichipaewa.

<sup>14</sup> Ichamonaе paeba, xua pinaе Nacom jopa xapain exanaeyo poxonaе caein jiwana itapeta, xua poxonaе ichan naitematatsi. Apara jopa xapain wunaeyo xua barapomonaе Nacom yabara paebatsi. <sup>15</sup> Tsipei Nacom paeba Moiseshta, jeye: “Pomonaе wunaeya yabara nanta xeinaein xua tayawenaenexa, barapomonaе beta yawenaein”, jei Nacom. <sup>16</sup> Baxua naca cuiduba xua jopa jiton itapetichi poxoru

wūnae peexanaexae. Matautano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxonae Nacom wūnaeya yabara nanta xeina xua peyawenaenexa tsane barapomonaē. <sup>17</sup> Nacom cueicueijeī pejume diwesitha nacua peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itatsi coyenewa exanaein xua tsita itapeinya xeinaein xua xan xeinan bichocono peayapusu itorobi coyenewa. Matautano exanaein xua daxitan nacuan jiwi taneyabara jume taenexa”, jei Nacom. <sup>18</sup> Daxota yaputainchi xua Nacom itacupatsi xua wūnaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichun pejuntu coyenetha pexeinaewa po coyene pejume-febi coyenewa. Baxuan Nacom cana exana pomonaetha pomonaē Nacom ichichipa xua xeinaena barapo coyenein.

<sup>19</sup> Metha paxam pana nebaram xua barapomonaē yabara xua pajam: “Poxonae Nacom atene exana pomonaetha pomonaē petsita natsicuentsixaetsi xua abe peexanaexae ¿baxua Nacom jopa xaniwaicha exanaeyo jampa? Nacom copata xua barapomonaē xeina pejuntu coyeneintha pejume-febi coyenewan. ¿Barapomonaē Nacom tsita natsicuentatsi jampa, poxonae Nacom bequein copata baxua jampa?” pajam. <sup>20</sup> Ichitha paca jume notatsi, janje: “iPaxam pebiwi tsobenae pam! ¿Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaexaetsi: ‘¿Eta xua metha bara necanauta jatsiya exaname?’ xua pejeiwa juruwato. Bapana juruwato jopa itacupaetsi xua pepaebiwa baxua”, paca jeichi. <sup>21</sup> Pon xua juruwato peexanaein bapon itacupatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacupatsi xua pexeinya juruwato exana xua bichocono ainya matoma. Matautano bapon itacupatsi xua bara cana exana xua jopa wūnaeyo xua saya pecasetsinexa.

<sup>22</sup> Nacom barichi itacupatsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita itata pia peanaepanaewa pomonaetha pomonaē abe peexanaewi, ichitha jopa cataunxuae baxua exanaeyo. Matautano bequein ichichipa tsita itata pia peayapusu itorobi coyenewa po coyene xua barapomonaē tupa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha

beitatemaya taetaepona xua barapomonae abe pia peexanae coyenewan, po abe coyenewan xua Nacom anaepana exanatsi. Barapomonae muxu peweraweracae exanaetsi abe peexanaexae. <sup>23</sup> Nacom beitatemaya naca taetaepona wanaca tsita itatsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwɛnaeta xua irɛ waxeinaenexa Nacom pia pexeinya jɛntɛ coyenewa xua bichocono peantobewa. <sup>24</sup> Nacom naca waba pomonaexaetsi pomonae judiomonae jiwanaetsi. Matautano Nacom naca waba pomonaexaetsi pomonae jopa judiomonae naexanaeyo jiwanaetsi. <sup>25</sup> Baxua Nacom yabara paeba pejume diwesitha pomonae yabara, pomonae jopa judiomonae naexanaeyo po diwesitha ichaxota Oseas tina. Nacom jeye:

“Pomonae copiya jopa tamonaeyo, barapomonae yabara jan tsane, ‘Apara tamonae’, jan tsane. Matautano pomonae copiya jopa antobeinyo barapomonae yabara jan tsane: ‘Apara taantobe jiwi’, jan tsane.

<sup>26</sup> Matautano ichaxota ba jiwi yabara jan: ‘Paxam jopa tamonae pam’, jan, baraxota barapomonae yabara jan tsane: ‘Apara paxam tapexui pam, po Nacomxaein ataya tsitecaeya jiwi asɛ jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tɛpa.

<sup>27</sup> Barichi irɛ Isaías yabara jeye judiomonae: “Bequein judiomonae bichocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonae jiwana pomonae xua Nacom capanenebiya. <sup>28</sup> Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena”, jei Isaías. <sup>29</sup> Isaías copiya yabara tsiwɛnae muxu duta, jeye:

“Nacom apara bapon pon xua itoroba daxita coyeneintha.

Bapon wɛnaeya naca yabara nanta xeina xua wanaca yawenaewa tsane xua awiya be conotha pejinompaenexa pomonae wamomoxi susato jiwi jiwana, xua daxita jopa peweraweracaewa tsane.

Icha Nacom jopa baxua exanaetsipae, bapoxonae waxainchi bara naca jɛta ichipae icha bayatha Sodoma tomarapiwi cana ichichi, matautano icha

matha Gomorra tomarapiwi cana ichichi xua  
daxita weraweraca”, jei Isaías  
Nacom Pejume Diwesitha.

*Meje yabara xua judiomonae jopa jume cowantsiyo Nacom  
pia pexeinya jume diwesi tatsi*

<sup>30</sup> Barapo peyabara jatiya paebiwana naca yaputane exana xua apara pomonae jopa judiomonae naexanaeyo Nacom jopa tsitatsi xua barapomonae penatsicuentisiwa xua abe peexanaexae. Baxua Nacom cana exana barapomonae bequein barapomonae jopa tsaqueinaeyo xua pexeinaewa pejuntũ coyene xanepanaewa Nacomtha. Barapomonae xeina pejuntũ coyene xanepanaewa Nacomtha Cristo pejume cowantsixaetsi. <sup>31</sup> Ichitha nama barapo judiomonae paeba, jeye: “Nacom naca juntũ coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha. Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba”, jei barapomonae. Daichitha barapomonae judiomonae jopa itacupaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha. <sup>32</sup> ¿Eta xua metha jane xua barapomonae jopa itacupaetsi xua exana pocotsiwa Moisés pia peitorobi coyenewatha itoroba? Metha poxoru barapomonae nanta xeina xua poxonae beta exana bapoxonae jopa pexeinaewa tsane penatsicuentisiwa Nacomtha. Barapomonae jopa jume cowantsiyo xua Nacom itorobica Cristo, daxota barapomonae Nacom tsita natsicuentatsi xua abe petsita exanaexaetsi. Barapomonae nacabeta exana, poxonae jopa jume cowantsiyo Nacom, atene peexanaexaetsi tsane icha jiton ichi poxonae xuirapopa ibototha xua pia coutha nacabeta exana xua atene naexana. <sup>33</sup> Nacom Cristo yabara paebatsi pejume diwesitha. Icha jiwi ichi poxonae nacabeta poxonae xuirabathopa ibototha, barichi jiwi nacabeta poxonae Cristo jopa jume cowantichi. Nacom jeye:

“Jerusalén tomaratha po tomara atororo

xua po tomara pewn Sión

barapo tomaratha notsin pon

jiwi pecapanenebiyaenexa tsainchi.

Jiwi nacabeta exana poxoru barapo jiwi

jopa jume cowantsiyo bapontha,

icha jiwi ichi xua nacabeta exana

poxonae xuirabathopa ibototha.

Pon jume cowantsina bapontha, jopa bapana

juntũ natsepanayae tsane”, jei Nacom.



## 10

<sup>1</sup> Tamonaē pam, paxam pomonaē iru painya nejume cowantsiwixae Jesucristo. Maisa bichocono tajantu coyenewatha ichichipan daxota bichocono Nacomtha tsipaeban judiomonaē nexa, xua barapomonaē pecapanenebiyaenexa tsainchi abe pia peexanaē cuiru coyenein weya. <sup>2</sup> Barapomonaē yabara paeban xua barapomonaē judiomonaē bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomonaē peexanaewa. <sup>3</sup> Barapomonaē jopa yabara yaputaeyo xua pocotsiwa poxonaē Nacom juntu coyene xanepana exana jiwitha xua jopa xeinaeyo penatsicuenta siwa Nacomtha xua abe peexanaexae. Barapomonaē jujuta xua icha barompaya pia cui coyeneyatha exanaena xua baroxonaē pexeinaenexa tsane pejuntu coyene xanepanaewa Nacomtha xua jopa penatsicuenta siwa xua abe peexanaexae. Barapomonaē jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua baroxonaē jiwi pexeinaenexa pejuntu coyene xanepanaewa Nacomtha. <sup>4</sup> Barapomonaē jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonaē yabara jume cuiya exanaena pinae xeinaena pejuntu coyene xanepanaewa.

<sup>5</sup> Caena bayatha Moisés yabara paeba xua pinae pia peitorobi coyene tatsi itacupatsi xua jiwi juntu coyene xanepana exanatsi Nacomtha xua jopa petsita natsicuenta siwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, baroxonaē bapon bara ataya tsitecaeya poponaena peajuntuyapusu coyenewatha”, jei Moisés. <sup>6</sup> Nacom Pejume Diwesitha yabara paeba pomonaē jopa xeinaeyo penatsicuenta siwa Nacomtha pejume cowantsixae Cristotha. Nacom jeye: “Jopa pananthathu yainyabinde, jopa pajande: ‘Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande. <sup>7</sup> Matautano jopa pajande: ‘Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?’ jopa pajande”, jei Nacom. <sup>8</sup> Nacom equeicha pejume diwesitha pejuntu coyene xanepanaewa yabara jeye: “Tajume diwesi bara imoxoyo dubena xua paca itacupa painya necueicueijeinexa

barapo diwesi. Matautano paca itacupa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najupabe po diwesi xua yabara paca cuidubatsi xua painya nejume cowantsiwa. <sup>9</sup> Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowantsim painya nejuntu coyeneintha xua Nacom Jesús equeicha asu exanatsi petupae cuiru coyene weya. Bapoxonae Nacom paca capanenebiyaena abe painya neexanae coyenewan weya. <sup>10</sup> Poxonae jiton jume cowanta pia juntu coyenewatha Jesthathapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueijeiji xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyenewan weya.

<sup>11</sup> Nacom Pejume Diwesitha jeye: “Pon jume cowanta Cristotha, Cristo yawenaena xua daxota jopa bapana juntu coyene natsepanayae tsane”, jei Nacom, xua pejume diwesitha. <sup>12</sup> Nacom jopa tsita seicayatsi daxita jiwi, bara saya tsita najupatsi, bequein bara metha judiomonae tsipae irano metha bequein jopa dapomonae tsipae pomonae jopa judiomonae naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonae pewancae jiwixaetsi. <sup>13</sup> Tsipei Nacom Pejume Diwesitha jeye: “Daxita pomonae wanca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonae bara capanenebiya tsainchi”, jei Nacom. <sup>14</sup> Jiwi jopa itacupaetsi xua petsipaebiwa pontha pon jiwi Pecanamataxeinaein icha jopa jume cowantsiyo bapontha. Matautano jopa itacupaetsi xua pejume cowantsiwa pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacupaetsi xua peyabara jume yaputaewa bapon icha ichamonae jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein. <sup>15</sup> Matautano jiwi jopa itacupaetsi xua pecueicueijeijiwa xua po diwesi pon jiwi Pecanamataxeinaein peyabara paebiwatsi icha dapomonae ajibi pomonae itoroba barapomonaetha xua barapomonae pecueicueijeinexa. Nacom Pejume Diwesitha yabara jei baxua: “Maisa bichocono daxua wanae xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”,

jei Nacom Pejume Diwesitha.

<sup>16</sup> Daichitha jopa daxita jiwiyu xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi”, jei Isaías. <sup>17</sup> Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

<sup>18</sup> Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonae tatsi capona Nacom

Pejume Diwesi tajü beya.

Po diwesi xua barapomonae paeba tajü beya

jume pichapona daxita barapo cae pin

nacuathe”, jei Nacom Pejume Diwesitha.

<sup>19</sup> Equeicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¡Jume! ¡Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwünae muxu duta. Moisés tatina Nacom, xua Nacom jeye:

“Ichamonae capanenebiyan pomonae

jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae

jopa bichocono peyaputae jiwi.

Paxam paca exanatsi xua baxua paca anaepana

exana, jei Nacom”, xua Moisés tatina.

<sup>20</sup> Baroxonae irü pirapae Isaías atsaquiya yabara tsiwünae muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara

barapomonae cana exanan xua barapomonae

neyaputane”, jei Nacom, xua Isaías tatina.

<sup>21</sup> Equeicha Isaías yabara tsiwünae muxu duta judiomonae Nacom nexa, xua Nacom jeye: “Daxita matabi wabeiban barapomonae. Ichitha barapomonae jopa exaneibiyo pocotsiwa itorobeiban tsipei barapomonae tanejume torobabeibi jiwi xua jopa, tanejume cowantsiwa”, jei Nacom, xua Isaías tatina.

## 11

*Meje yabara xua Nacom itapeta judiomonaepiwi pomonae Israel pon caena bayatha tupa bapon piamonae tatsi*

<sup>1</sup> Equeicha nayainyaban najan: ¿Metha bara Nacom torota daxita piamonae israelmonae jampa? najan. Jume apara, tsipei apara xan barapo israelmonae jiwana pin, daxota jopa netorotsiyo, Abraham pia saineiwimonae jiwana tatsin apara, matautano Benjamín pia pemomoxi susato jiwi jiwana tatsin apara. <sup>2</sup> Nacom jopa torotsiyo piamonae pomonae xua caena bayatha peitapetsixae xua cana exana be piamonae tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonae, jeye: <sup>3</sup> “Nacom ponxaem Tanecanamataxeinaem, barapo israelmonae juteba, jutebatsi pomonae jinya neitorobi jume pepaebiwi. Matautano barapo israelmonae cayatsiya abe exana pocotsiwan iboton xua xuan xota duwei yubeibiya jutebathopeiba xua poxonae catsita tuxusi exana. Xan compan napaeban xua pomonae beta necajume cowantsiwi barapomonae jiwana. Iru ru barapomonae ichichipa nebexubaru”, jei Elías poxonae tsipaeba Nacomtha. <sup>4</sup> Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonae, pomonae tanejume cowantsi jiwi. Barapomonae jopa pentabocototha ume-naeyo xua poxonae wuna pejainchinexa ibo nacom, po ibo nacom pewan Baal”, jei Nacom. <sup>5</sup> Nama anoxuae awiya barichi israelmonae be conotha pomonae jume cowanta Nacomtha pomonae Nacom peitapetsiwi, pia peantobexae barapomonae. <sup>6</sup> Nacom itapeta barapomonae, pomonaetha pomonae peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonae, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxonae Nacom be jopa bapana amanaya exanaeyo jiwi nexa.

<sup>7</sup> Daxota yaputainchi xua pinmonae xua barapo israelmonae jiwana jopa catsibichi pejantu coyene xanepanaewa xua bequein baxua tsiexana nawita po coyenein Moisés itoroba. Jame Nacom cata barapo coyene pomonaetha pomonae peitapetsiwixae, xua pomonae israelmonae jiwana. Barapomonae, pomonae israelmonae jiwana barapomonae Nacom jopa catsibiyo barapo pejantu coyene xanepanaewa. Nacom copata xua barapomonae pejantu

coyengewatha xeina pejume torobabi coyenewa. <sup>8</sup> Nacom Pejume Diwesitha Moisés yabara paeba barapomonaе. Moisés jeye: “Nacom copata xua barapomonaе xeinaena po juntu coyene jopa itacupaetsi xua peyaputaewa. Bequein barapomonaе yoroba xua pejume xainyei coyenewa daichitha jopa yaputaeyo. Matauta bequein barapomonaе jume tane pexainyei jume daichitha jopa jume cowantsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha. <sup>9</sup> Iruru David yabara paeba israelmonaе poxonaе Nacom tapaebatsi. David jeye: “Barapomonaе beitatemaya juntu coyene weiweinapona pin penabanaewantha. Barapomonaе nanta xeina xua jopa catsita natsicuentisiyo xua abe peexanaexae. Poxonaе barapomonaе cataunxuae eexanapona baxua barabu xam Nacom jemeicha atene cana exanaename barapomonaе, jopa pia necajume cowantsixae. <sup>10</sup> Daxota barabu copatsiname xua barapomonaе israelmonaе jopa yaputaeyo po coyene xua barapomonaе catsita natsicuenta abe necatsita exanaexae. Matautano barabu copatsiname xua barapomonaе xeinaena po peatene coyenewa anthathagewe cana exanatsi xua ataya, abe peexanaexae”, jei David, israelmonaе yabara, Nacom Pejume Diwesitha.

*Meje yabara xua pomonaе jopa judiomonaе naexanaeyo Nacom jume cowuntatsi*

<sup>11</sup> Equeicha tacoya nayainyaban, najan: Poxonaе judiomonaе, pomonaе israelmonaexae, Nacom nawepu tsabatsi, jopa pejume cowantsixaetsi imetha bara Nacom itawetsina barapomonaе xua ataya tsane jampa? jume apara! jBarapara Nacom jopa itawetsi tsane xua bara ataya tsane! Nacom capanenebiyaena icha judiomonaе bexa tsane. Bequein anoxuae Nacom jopa capanenebiyaeyo barapomonaе judiomonaе, apara bara capanenebiya abe pia peexanae cuiru coyenein weya tatsi pomonaе jopa judiomonaе naexanaeyo. Nacom baxua exana xua judiomonaе peuwinexa, xua uwatsi pomonaе jopa judiomonaе naexanaeyo xua barapomonaе Nacom pecapanepaexae. <sup>12</sup> Poxoru judiomonaе Nacom nawepu tsabatsi daxota Nacom xanepana exana ichamonaetha, xua daxita carepaya barapo cae pin nacuathe. Judiomonaе jopa Nacom pejume cowantsixaetsi daxota Nacom xanepana

exana, pomonaetha pomonae jopa judiomonae naexanaeyo xua Cristo pejume cowantsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowantsinchi.

<sup>13</sup> Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui. <sup>14</sup> Beexanaein xua tamonae judiomonae paca uwa, xua bapoxonae barapomonae pejume cowantsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa. <sup>15</sup> Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuapiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowantsixaetsi baxua bichocono wuna tsane be poxonae jiwi equeicha asu exanatsi petupae cuiru coyene weya. <sup>16</sup> Ainya pecayabara juta pepaebi diwesiyo paca tsipaebatsi. Poxonae jiwi ba pentubu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jiwi ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jiwi, barapocotsi juta coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

<sup>17</sup> Equeicha pecayabara juta pepaebi diwesiyo paca tsipaebatsi. Jiwi itacupatsi xua olivo nae jiwana maxuranan weucuboba po nae ubanota pabitha xua bebai. Icha olivo nae maxuranan jiwana weucuboba, po nae untha uncua. Barapo maxuranan wantha japateita cuntsiya duba po naetha po nae uncua pabitha, po nae copiya jiwana maxuranan bebai. Barapo nae tabu opinan aisa cana exana xua barapo maxuranan beta nacoita tsipei mene nota barapo nae tabu opina tsina. Bara juta coyeneya ichi, icha olivo naetha cana ichichi, Nacom jiwi barapocotsi coyeneya cana ichi. Nacom jiwana torota po judiomonae jopa pejume cowantsixaetsi

xua bapoxonae Nacom paca cana exana piamonae tatsi pam. Nacom paca cana exana xua peajuntuyapusuwa painya nexeiñawa painya nejume cowuntsixae Jesucristo. Barapo coyene icha be poxonae pemaxuranaan cana ichichi poxonae aisa cana exainchi pemene notsixae petabu opinan tsina, xua beta xu xuwa exana pena maxuránatha. <sup>18</sup> Daxota jopa paatsaquiya aebiya nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara juta paebiwa. Barapo maxuranaan jopa apara nacoita exanaeyo barapo nae tabu opina deca. Jame apara barapo nae tabu opina nacoita exaneina barapo maxuránantha.

<sup>19</sup> Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae. <sup>20</sup> Metha moya bara xainyei tsipae. Bara Nacom torota barapomonae judiomonae jopa pejume cowuntsiwixaetsi Jesucristo. Paxam Nacom piamonae tatsi paca cana exana, tsipei saya apara pajume cowuntame Jesucristo, saya meisa baxuaxae. Jopa pana najuntu coyene yabara atsacande xua painya nexeiñaxae pocotsiwa Nacom paca cata. Jame saya dota pam xua jopa xanepanaeya pajume cowuntsim Jesucristo xua daxota Nacom painya nepaca torotsiwa tsane. Jiwi pemaxuranaan ucubobiya bebai po nae pabitha uncuca. <sup>21</sup> Bara juta coyene ichi, Nacom torota judiomonae pomonae copiya piamonae tatsi jopa pejume cowuntsixae Jesucristo. Nacom bara paca ichipae paca torotsipa icha jopa pajume cowuntsipaem. <sup>22</sup> Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayarube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentsiwa pomonae xua jopa pejume cowuntsiwichi. Ichitha Nacom beta xanepanaya paca cana exana. Nacom baxua paca cana exanaena icha awiwa pajume cowunta dubenanaebiyae-name. Ichitha icha awiwa jopa pajume cocowantaponaem tsane Nacom paca torotsina. <sup>23</sup> Matautano Nacom itacupatsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cowuntsinchi. Nacom baxua cana exanaena icha jiton ichi xua equeicha caewa pecoutha japateita cutanota wantha pemaxurana, po maxurana bequein ucuibiya xuba. <sup>24</sup> Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa pi-

amonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxurana ucuiba. Equeicha barapo maxurana icha olivo nae maxurana wantha japateita cūtsiya duta po olivo nae pabitha ubanota. Baroxonae barapo unupi olivo nae maxuranatha pexeinya thei xuwa. Ichitha icha pebin equeicha pita po maxurana xua ucuiba pepa olivo nae weya yawa equeicha caewa pecoutha japateita cūtanota wantha, barapo maxurana beta xuwa beyacaincha xua xuwa unupi olivo nae maxurana poxonae japateita cūtanota wantha. Icha pebin ichi, Nacom bara itacupatsi cana exana judiomonaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomonae.

*Meje yabara xua Nacom bexa tsane israelmonae capanenebiya tsainchi*

<sup>25</sup> Tamonae pam, paxam pomonae iru painya nejume cowantsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwi pam. Meje baxue xua moya peyawun xeinaewan: Anoxuae israelmonae xeina pejuntū coyenewatha po coyene xua Nacom pejume torobabi coyenewatsi xua daxota Nacom jopa pejume cowantsiwatsi. Ichitha jame bexa poxonae abū daxita carepaya jume cowantsina Nacom pomonae jopa judiomonae naexanaeyo pomonae Nacom itapeta, baroxonae equeicha judiomonae jume cowantsina. <sup>26</sup> Baroxonae daxita israelmonaexae pomonae judiomonaexae pomonae Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae jiwanaetha pomonae Sión tomara wunmonae. Bapon juntū coyene wepichina Jacob pia pemomoxi susato jiwi tatsi abe pia peexanae cuiru coyenewan tatsi, pomonae israelmonaexae.

<sup>27</sup> Juntū coyene wepichin barapo judiomonae abe pia peexanae cuiru coyenewan tatsi. Barapoxonae cayabara jume weta exanaein pocotsiwa caena bayatha yabara tsiwunae muxu dutan barapomonae pia pamo susato jitontha tatsi pon pewun Jacob, pon Israelxae”, jei Nacom Pejume Diwesitha.



28 Ichamonae xua israelmonae jiwana anoxuae barapomonae Nacom pia peaitafaetabi jiwichi tsipei barapomonae jopa jume cowantsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonae baxua exana, daxota paxam pomonae jopa judiomonae naexanaeyo pam, bara paca itacupa xua painya nejume cowantsiwa Cristo. Ichitha barapo israelmonae Nacom caena bayatha copiya itapeta. Barapo israelmonae awiya Nacom antobe, pia pamo susato jiwi tatsi copiya peitapetsixaetsi. <sup>29</sup> Tsipei Nacom jopa ichawa beya paebiyo. Pocotsiwa Nacom cata equeicha jopa caewa pichiyo. Pomonae Nacom itapeta equeicha jopa itawetsiyo. <sup>30</sup> Paxam pomonae jopa judiomonae painya nenaexanaewi pam, copiya paxam jopa painya neexanae jiwi pam pocotsiwa Nacom paca itoroba. Daichitha anoxuae judiomonae jopa peexanaexae pocotsiwa Nacom itoroba, daxota Nacom wunaeya paca yabara nanta xeina pia nepaca cayawenaewa tsane. <sup>31</sup> Ichitha anoxuae bequein barapomonae judiomonae jopa exanaeyo pocotsiwa xua Nacom ichichipa, bexa tsane barapomonae judiomonae jume cowantsina. Poxonae baxua exanaena Nacom, xua wunaeya paca yabara nanta xeina pia nepaca cayawenaewa tsane iru wunaeya yabara nanta xeinaena peyawenaenexa tsane xua barapomonae peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonae Nacom pacata exana. <sup>32</sup> Nacom bara copata xua daxita jiwi bara najupa xua penatsicuentisiwa xua jopa pejume cowantsixaetsi. Nacom bara baxua copata, xua penanta jupiya yawenaenexa daxita jiwi, peantobexae.

<sup>33</sup> ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiwunaeyo yaputaeyo peyaputae coyenein xua bexa exanaena! ¡Dapon ajibi pon itacupatsi xua pecayabara yaputaeya paebiwa pocotsiwa Nacom cuita yabara exana! ¡Barichi dapon ajibi pon itacupatsi xua peyaputaewa Nacom pia cui coyenewan tatsi! <sup>34</sup> Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeinxae. Matautano dapon ajibi, pon xua Nacom pecuidubiwatsi. <sup>35</sup> Matautano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi. <sup>36</sup> Aparaxa daxita coyenein Nacom forota. Nacom canamataxeina pia peyapusu itorobi coyenewatha

daxitan pocotsiwan xua xuan exana. Daxitan bara piawa tatsi. ¡Barabu Nacom wɥnae jainteibatsi xua ataya tsaibi tsane! ¡Je, bara ichi tsane!

## 12

*Meje yabara xua wajinompawewa wataexanaenexa Nacom*

<sup>1</sup> Tamonae pam, paxam pomonae irɥ painya nejume cowɥntsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana najɥntɥ coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo asɥ cata xua pebexubinexa Nacom nexa. Poxonae pana najɥntɥ coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wɥnae pajaintsiname Nacom painya jɥntɥ coyeneintha. <sup>2</sup> Jopa bara paichiponaeinde xua abe paexanaponame po coyenewan icha ichi xua exana dubenanaebiya pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha jɥntɥ coyene paxeiname xua beta painya nenanta xeinaponaeexam tsane. Bapoxonae payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanaponaewa tsane xua meje: pocotsiwa bara wɥnae, mataɥtano pocotsiwa Nacom pejɥntɥ coyene weiweina exanaewatsi, mataɥtano pocotsiwa daxita bichocono matapaeicha xanepana.

<sup>3</sup> Nacom taneantobexae necata barapo peayapusɥ itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwí pam beyacaincha poxonae Nacom pia coutha ainya cui paca cana exana. Nacom paca catsiba pejume cowɥntsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename. <sup>4</sup> Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jɥpae coyeneya exanaeyo. <sup>5</sup> Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowɥntsixae Cristo. Caemonae wanaexanaexae Cristotha, daxota nantiya nayawenatsi.

<sup>6</sup> Nacom daxita carepaya barompaya naca catsiba wajuntu coyeneya waexanae coyenewan, peichichipaexae xua naca yawenaena wanaca antobexae. Barapo juntu coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijeí coyenewa Nacom Pejume Diwesi. Bapoxonae barapomonae bewa cueicueijeí barapo diwesi jiwitha. Bapomonae bewa exanae baxua daxita po pejume cowantsiwatha Nacom barpomonaetha cata. <sup>7</sup> Ichamonaetha Nacom naca jiwana catatsi, po coyene xua ichamonae peyawenaewatsi. Barapomonae bewa moya ichamonae bara beta yawenaetsi. Ichamonae Nacom naca jiwana catatsi po coyene xua ichamonae pecuidubiwatsi. Pomonae yaputane xua pecuidubiwa ichamonaetha, bewa moya bara beta cuidubina ichamonaetha. <sup>8</sup> Ichamonaetha Nacom naca jiwana catatsi peyaputae coyenewa po coyenewa xua rejuntu cui coyene tsacabinexa pejume cowantsiwi xua juntema pejinompaenexa. Pomonaetha Nacom cata barapo peyaputae coyenewa bapomonae bewa moya bara beta juntu cui coyene tsacabina ichamonae. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonae bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonae canamataxeinaeya itoroba. Bapomonae bewa moya bara saya daunweya beta canamataxeinaeya itorobaponae. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwi. Bapomonae bewa moya juntu coyene weiweinaeya yawenae.

*Meje yabara xua pocotsiwa bewa exanae pomonae pejume cowantsiwi Cristo*

<sup>9</sup> Poxonae pana naantobem xaniwaicha nantiya caemonae pana naantobeinde. Panaitemare abe peexanae coyenewan. Saya naitomatsiya paexanaponde pocotsiwa pexanepanae coyenewan. <sup>10</sup> Bewa caemonae nantiya pana naantobem, icha caepi jiwi ichi xua yatsicaewa naantobe xua cae peweicho jiwi. Bewa ichamonae pabarũ cui itura jinaem xua barapomonae peainya cui jiwi beyacaincha paxam.

<sup>11</sup> Juntu coyene daunweya patanacuire pon jiwi Pecanamataxeinaein. Jopa paacoyenefaetabinde poxonae pata nacuitame. Antucoyeneyapusya bapon patanacuire, bichocono painya neichichipaexae.

<sup>12</sup> Painya newunaewatsixae pocotsiwa xua Nacom paca catsibapaeba bexa daxota pajuntu coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua paajuntucoyenetanem, bara saya juntema pajinompare. Jopa paaitaconaeinde. Jopa pana cui barapentsinde xua painya tsipaebeibiwa Nacom.

<sup>13</sup> Nacom piamonae xua iru pomonae Nacom pejume cowantsiwixaetsi payawende pocotsiwa xua barapomonae nantawenona. Pantenta weyataeya wabeibare painya bontha pomonae painya nepaca casiwa poneibiwi, pomonae pejume cowantsiwi Nacom pomonae jopa painya yaitaibi jiji.

<sup>14</sup> Pomonae paca atene exana painya nejume cowantsixae Jesucristo barapomonae patawucare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

<sup>15</sup> Iruru pajuntu coyene weiweineibare poxonae ichamonae juntu coyene weiweineiba. Ichacuitha pajuntu coyene wecoyei tsabindeno poxonae ichamonae juntu coyene wecoyei tsabi.

<sup>16</sup> Peburuya nanta cui juruaya pajinompare xua juntema nantiya pana nabaru dubenanaebiyame. Jopa ichamonae paaebinde. Pacana exande painya jiji xua be pomonae pecui paw jiji. Jopa pana nayabara nanta xeinaeinde xua painya neyaputae jiji pam.

<sup>17</sup> Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xinare xua daxita jiji xaniwaicha painya netaexanaewa tsane pocotsiwa barapomonae tsita cui xanepanatsi.

<sup>18</sup> Paexanaponde daxita pocotsiwan paca itacupa, xain bapoxonae juntema pana nabaru jinompame daxita jiji. <sup>19</sup> Tamonae pam paxam pomonae tapaca caantobe jiwichi pam iru painya nejume cowantsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: “Jame xan saya ba tacoyan xua jiji atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiji”, jei Nacom Pejume Diwesitha. <sup>20</sup> Jopa xuya payantomateibim tsane. Jame paexande xua Nacom Pejume Diwesitha tatsi jeye: “Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae

barapon pin ura paca tsita xeinaena xua bayatha abe pia pacata exanaexae”, jei Nacom Pejume Diwesitha. <sup>21</sup> Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname barapomonaetha pomonae painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

## 13

<sup>1</sup> Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae. <sup>2</sup> Daxota icha ichan jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae. <sup>3</sup> Pomonae beta peexanae jiwi jopa bewa cuitaya junuwi tsane xua pecuitaya junuwuwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwuwatsi pomonae itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename. <sup>4</sup> Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentisixae xua abe peexanaexae Nacomtha. <sup>5</sup> Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa

paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane. <sup>6</sup> Daxota xain barapomonaе pacatsibame pematomatsi paratixi pocotsi paratixi jiwi bewa catsibina pomonaetha pomonaе itorobiya pecanamataxeinae jiwi. Tsipei barapomonaе nantawenona paratixi xua beta peexanaponaewa tsane poxonaе Nacom tanacuitapoinchi.

<sup>7</sup> Daxita barapomonaе barompa paratixi pacatsibare po paratixi bewa pacatsibim barapomonaе. Pomonaе painya nepaca canamataxeinaewi pacatsibare daxita po coyenein peyabara matomatsiwan xua xuan paca waca. Daxita pomonaе pecanamataxeinae jiwi pabarua cui itura jinare, xua daxota betiya painya nebarua cueicueijejewa tsane.

<sup>8</sup> Painya xoba ichamonaе pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonaе bapon jume cowantsiya exana daxita pocotsiwa xua Moisés itoroba pia peitorobi coyenewatha. <sup>9</sup> Moisés pia peitorobi coyenewatha jeye: “Jopa pichinde ichan piseuri tatsi. Jopa bexubinde ichamonaе. Jopa caibinde xua ichamonaе piawan. Jopa yabara uwinde pocotsiwa ichan xeina”, jei barapo itorobi coyenewatha. Barapo coyenein xuaunxuae paeban, irano daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonaе antobeinde icha ichim xua jinya coutha naantobem”, jei barapo peitorobi coyenewatha.

<sup>10</sup> Pon ba beta antobe tsaibi ichamonaе bapana jopa abe taexanaeyo barapomonaetha. Daxota icha antobetsi ichamonaе bapoxonaе barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

<sup>11</sup> Daxita baxuan bewa paexanaename tsipei payaputaneme xua anoxuae po dapaetha pajinompame bichocono peayapube dapae. Barapo dapaetha tsaca pajinompare, tsipei imoxoyo naca itiya pona po mataqueitha Nacom naca capanenebiyaena. Barapo matacabi imoxoyo beyacaincha xua poxonaе aena jume cowantatsi Jesucristo.

<sup>12</sup> Pequireiwa ba bewayo caewanaya poxoru matacabi dawetsina. Bara juta coyeneya ichi poxonaе pomonaе ba abe peexanaewi bara apara pequireitha abe exana. Barapomonaе barapenta xua abe exana poxonaе matacabi tsuxubi. Barichi waxainchi bewa barapentichi xua abe waexanae coyenewa icha barapomonaе ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonaе ba ichi

pomonaē jinompa mataqueitha xua beta exana. Baxua exanatsi poxonae najuntũ coyene w̃naetatsi xua najuntũ coyene ayapusũ exanatsi abe waexanaeyainwa. Baxua icha be poxonae ba soldadopin ichi poxonae matababitha nacui w̃naeta penabinexa. Bapon penaintontha nayaitata xua daxita pepontha xua pebexotsiyainwatsi. <sup>13</sup> Barabũ beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacupa exanae dubenanaebiyae tsainchi xua peamenetsaxawa. Matautano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Matautano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Matautano jopa bewa nauwi tsainchi. <sup>14</sup> Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya j̃ntũ coyenein ichichipa xua peexanaewa.

## 14

*Meje yabara xua jopa bewa abeya yabara paebichi po coyene xua pejinompaewa pomonaē irũ pejume cow̃ntsiwi*

<sup>1</sup> Icha ichañ j̃ntũ coyene faefaena pejume cow̃ntsiwa Cristotha, bapon pacana exande be painyamonae jiwi jiwana pomonaē painya nejume cow̃ntsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuitha po coyeneya xua bapon jopa bewa exanae. <sup>2</sup> Ichamonae ba nanta xeina xua itacupatsi penabanaewa xua daxita coyenein pexaewan. Ichamonae ba pomonaē j̃ntũ coyene faefaena xua pejume cow̃ntsiwa Cristotha barapomonaē ira pipexaewa xane jopa pewi xaeyo. <sup>3</sup> Pon penabanaein daxita coyeneya pexaewan, bapon jopa bewa paebi tsane ichantha pontha pon xua jopa penabanaeinxae pewi. Jopa bewa paebi tsane “Abe exaname jopa nena-banaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara irũ pexanto tatsi, icha ichi pon jopa penabanaein pewi. <sup>4</sup> Xam jopa bewa daxua paebim tsane xua pon ichañ tanacuitatsi xua bapon

natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantauta pon jiwi Pecanamataxeinaein. Bapon jopa nantawenonaeyo xua iru xam canamataxeiname bapon. Saya meisa Nacom itacupatsi xua yabara paeba poxona po coyene icha bapon wunaexana xua icha jopa xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

<sup>5</sup> Ichamonae nanta xeina xua caentaqueitha bichocono peainya cui matabi beyacaincha xua icha matabi tsipei barapo matabitha xua Nacom wuna pejainchiwatsi. Ichamonae nanta xeina xua daxita matabin bara najura xua peainya cui matabin xua Nacom wuna pejainchiwanexatsi barapo matabintha. Daxita barapomona bewa barompaya pia juntu coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ichan yabara nanta xeina. <sup>6</sup> Pon jopa nacuichiyo po mataqueitha xua peainya cui matabi, bapon baxua exana xua Nacom wuna pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wuna pejainchinexatsi, pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam daxita coyeneya pexawan”, jei. Irano pon jopa pewi xaeyo, bapon barapara xua Nacom wuna pejainchinexatsi pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam ira pipexaewa”, jei bapon.

<sup>7</sup> Tsipei dapon ajibi pon waxainchi jiwantsi pomonaexatsi pomonaewajume cowantsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tupaetsipa apara saya poxoru Jesucristo pon jiwi Pecanamataxeinaein bara copata xua bapon petupaewa tsane. <sup>8</sup> Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wuna pejainchinexatsi. Icha Nacom pon jiwi Pecanamataxeinaein copata xua bara watupaewa tsane barapo coyene bewa cana exanaetsi xua jiwi wuna pejainchiwa Nacom. Daxota bequein icha waxainchi jinompaetsipatsi, yawano poxona bequein icha tupaetsipatsi bara barapara barapo coyeneinya waxainchi bewa cana exanaetsi xua jiwi Nacom wuna pejainchinexatsi pon jiwi Pecanamataxeinaein poxoru waxainchi pia-



monae tatsichi. <sup>9</sup> Daxota Cristo tupa, yawano equeicha asu popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonae werapa irano pomonae cataunxuae jinompano.

<sup>10</sup> Daxota dapon ajibi pon paxam jiwana pam pon bewa yabara paebina pomonaetha pomonae iru pejume cowantsiwi Cristo, xua pejeiwa: “Barapomonae Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonae iru pejume cowantsiwi, xua jei: “Maisa barapomonae jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha. <sup>11</sup> Tsipei Nacom Pejume Diwesitha jeye:

“Xan bara xaniwaicha yabara paca tsiwanae muxu dutatsi xua daxita jiwi patsina xua pentabocototha peumenaenexa taitabaratha tanewanae jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei tsane”, jei Nacom pon jiwi

Pecanamataxeinaein xua Pejume Diwesitha.

<sup>12</sup> Bapoxonae barapo mataqueitha yabara cueicueijei tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha wanae exainchi yawano icha bara metha abe exainchi.

*Meje yabara xua jopa bewa exanaetsi pocotsi coyeneya pomonae pejume cowantsiwi abe peexanaewa tsane*

<sup>13</sup> Daxota waxainchi jopa bewa yabara nantiya namuxu-tainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonae pomonae iru pejume cowantsiwi xua pocotsi coyeneya barapomonae peexanaewa tsane xua daxota jopa pejume cowantsiwa tsane Nacom. <sup>14</sup> Tsipei xan tajume cowantsixae Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanejuntu coyene taxobiwa xua icha taxaewa tsane. Ichitha icha ichun yabara nanta xeina xua po pexaewa betaxobichipatsi icha xaetsipa bapoxonae bara tsita xainyeichi, betaxobichipatsi icha xaetsipa. <sup>15</sup> Ichitha icha paxaetsipame pocotsiwa xua painya jiton jopa ichichipaeyo xua pexaewa, pon iru pejume cowantsin bapoxonae peantobe coyenewa jopa pat-sita xeinaem bapon. Painya xoba paexaname pocotsi

coyenetha xua ichun baraxuba Nacom xua poxoru pocotsiwa painya nexaexae. Tsipei apara Cristo bayatha tsitupa bapon.<sup>16</sup> Paxam pananta xeiname xua bara wuna paexaname po coyenein ichamonae tsita abetsi pejunta coyenein taxobixaetsi. Bequein baxua payabara nanta xeinaetham tsipae ichitha jopa paexanaemtsipae barapo coyenein. Tsipei icha paexanaetsipame barapo coyenein, ichamonae yabara jei tsipae barapo coyenein: “Maisa po coyenein barapomonae exana bichocono abe”, jei tsipae.<sup>17</sup> Nacom ichichipa xua waxainchi peburuya junte ma wajinompawea. Daxota poxona Nacom naca itoroba po coyene yabara po coyeneya bewa nabaru jinompaeinchi, jopa yabara paebi tsainchi xua po peitorobi coyenein xua waxaewa yawa waapaewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi pejunta coyene xanepanawea. Matautano bewa pinae junte ma nabaru jinompaeinchi Nacom nexa. Matautano bewa junte coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumo pe tuxa tatsi.<sup>18</sup> Poxona barapo coyeneya Cristo taexainchi bapoxona Nacom tsita xanepanatsi pocotsiwa xua exainchi. Matauta jiji naca yabara paeba xua pinae bara beta exainchi.

<sup>19</sup> Daxota bewa waxainchi exaneibinchi pocotsi coyenein xua junte ma nabaru jinompatsi exanatsi. Yawano bewa exaneibinchi pocotsi coyeneintha xua nantiya jume cowantaponatsi naexainchi.<sup>20</sup> Jopa bewa paxaem ichun peitabaratha pon painyamonae jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon iru metha xaetsipa barapo pexaewa. Bapoxona bapon nanta xeinaetsipa xua bapon pomona jiwana pomona penatsicuentsiwa Nacomtha xua abe peexanaexae. Painya xaexae bapon pacana exaname xua jopa beta pejume cowantsiwa Nacom.<sup>21</sup> Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Matautano jopa bewa paxaem peamenetsaxawa. Matautano jopa bewa paexanaem pocotsi coyenewatha painya jiton exanaena pon iru pejume cowantsin Cristo xua abe peexanaewa tsane.<sup>22</sup> Icha paxam pajume cowantame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca junte coyene taxobiyo saya jame meisa Nacomtha yabara patsipaebare baxua. Painya xoba ichamonae yabara patsipaebame pexaewa po pexaewa barapomonae jopa bapana xae. ¡Maisa junte coyene weiweina pon daxita coyeneya pexaewa penabanaein pon pia junte

coyenewa jopa tsipaebichi xua pinae penatsicuentasiwa xua abe peexanaewaxae Nacomtha poxonae barapo pexaewa xane! <sup>23</sup> Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonae daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowantichi xua waexanaewa pocotsiwa Nacom ichichipa bapoxonae barapara abe exanatsi, poxonae baxuan exanatsi.

## 15

*Meje yabara xua pocotsiwa bewa exanaetsi xua ichamonae tsita xanepanatsi*

<sup>1</sup> Waxainchi pomonaetsi pomonae ajuntucoyenesatsi xua wajume cowantsiwa Cristotha. Daxota bewa yawenaetsi pomonae xua juntu coyene faefaena xua pejume cowantsiwa Cristotha xua barapomonae awiya jume cowantsina. Jopa meisa bewa exanaetsi pocotsiwa xua waxainchi wacoya ichichipatsi. <sup>2</sup> Daxita waxainchi bewa exanaetsi pocotsi coyenewa tsita coyene xanepanatsi pomonae ichamonae pomonae iru pejume cowantsiwi pocotsi coyenetha xua barapomonae yawenatsi xua pejume cocowantaponaenexa. <sup>3</sup> Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonae abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonae jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha. <sup>4</sup> Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawunaewatsinexa. Xeinatsi baxua poxoru Nacom Pejume Diwesi naca cana exana xua jopa dapu coyene xeinaetsi xua bepijawa aitaconaetsi xua bequein ichamonae abe nacata exana. Yawano barapo diwese naca cana exana xua najuntu coyene tsacabatsi xua wajume cowanta dubenanaebiyaewa. <sup>5</sup> Nacom bapon naca cana exana xua jopa bepijawa aitaconaetsi yawano xua naca juntu coyene tsacaba exana. Barabu barapon Nacom paca yawena xua peburaya nanta jupiya pananta xeiname xua painya nabaru exanaewa tsane, icha be pocotsi coyeneya Cristo Jesús exana. <sup>6</sup> Barabu be caemonae pana nabaru wunaewatsinexa jaintame Nacom, pon Jesucristo Paxa tatsi, pon Jesucristo Wanacanamataxeinaein.

*Mejeyabara xua po coyene pomonae jopa judiomonae naexanaeyo tsipaebatsi Nacom pia pecapanenebiyae diwesi jume*

<sup>7</sup> Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi w<sub>h</sub>nae pejainteibinexa Nacom painya neexanaewamxae baxua. <sup>8</sup> Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiw<sub>h</sub>nae muxu duta wamo susato jiwitha. <sup>9</sup> Yawano Cristo daxota patopa xua pomonae jopa judiomonae naexanaeyo w<sub>h</sub>nae pejinchinexa Nacom xua Nacom w<sub>h</sub>naeya peyabara nanta xeinaexae xua peyawenaenexa barapomonae. Nacom Pejume Diwesitha baxua yabara jeye xua Cristo paeba paxatha:

“W<sub>h</sub>nae cajaintatsi daxita nacuan jiwitha pomonae jopa judiomonae naexanaeyo pia xantha tatsi.

W<sub>h</sub>nae cajaintatsi xua poxonae cata nax<sub>h</sub>natsi”, jei Nacom Pejume Diwesitha xua Cristo Paxatha paeba.

<sup>10</sup> Equeicha Nacom Pejume Diwesitha jeye:

“Barab<sub>h</sub> daxita nacuan jiwi caemonae nabar<sub>h</sub> j<sub>h</sub>nt<sub>h</sub> coyene weiweinaena pomonae Nacom itapeta xua pecana exanaenexa piamonae tatsi”, jei Nacom Pejume Diwesitha.

<sup>11</sup> Equeicha Nacom Pejume Diwesitha jeye:

“Barab<sub>h</sub> daxita pam pomonae jopa judiomonae naexanaeyo pam w<sub>h</sub>nae pajainchiname pontha pon jiwi Pecanamataxeinaein. Matautano barab<sub>h</sub> daxita nacuanpiwi w<sub>h</sub>nae jainchina bapontha”, jei Nacom Pejume Diwesitha.

<sup>12</sup> Equeicha Nacom Pejume Diwesitha xua Isaías tatina, jeye:

“Pebin patopaena pon Isaí pia pemomoxi susato jiwi jiwana tatsi, pon David paxa tatsi.

Bapon Nacom cana exana xua bapon itorobiya pecanamataxeinaenexa tsane pomonae jopa judiomonae naexanaeyo.

Barapomonae jume cow<sub>h</sub>antsiya w<sub>h</sub>nae ewatsina xua barapon barapomonae pecapanenebiwa tsainchi abe pia peexanaexae cuiru coyenein weya tatsi”, jei Isaías

## Nacom Pejume Diwesitha.

<sup>13</sup> Barab<sub>u</sub> Nacom pon naca cana exana xua waw<sub>u</sub>nae ewatsiwa Cristo bichocono paca j<sub>u</sub>nt<sub>u</sub> coyene weiweina exanaena. Mata<sub>u</sub>tano barab<sub>u</sub> Nacom j<sub>u</sub>ntema jinompa paca cana exanaena. Nacom baxua pacata exana painya nejume cow<sub>u</sub>ntsixae bapon. Bapoxonae barab<sub>u</sub> Nacom paca cana exana xua jopa juniya painya new<sub>u</sub>nae eewataponaewa tsane Cristo. Nacom pia Pejumope t<sub>u</sub>nax<sub>u</sub> tatsi baxua paca cana exana pia peayapus<sub>u</sub> itorobi coyenewatha.

<sup>14</sup> Tamonae pam, paxam pomonae ir<sub>u</sub> painya nejume cow<sub>u</sub>ntsixae Jesucristo. Bara xaniwaicha beta yaputan, xua paxam beta painya neexanaewam po peantobewa xuaunxuae yabara paca tsitinatsi. Mata<sub>u</sub>tano paxam payaputaneme daxita xua pocotsiwa bewa paexanaename. Mata<sub>u</sub>tano payaputaneme xua po coyene bewa nantiya pana namuxuwetsim. <sup>15</sup> Barapo cartathe pecono jumeयोथा atsaquiya pacata tinatsi. Baxuan xua pocotsiwan pacata tinatsi jopa ichipaeinyo xua painya nej<sub>u</sub>ntemainawa. Daxota atsaquiya pacata tinatsi baxuan Nacom tanebar<sub>u</sub> cui itura jinaexae poxonae necata barapo tanacuichiwa. <sup>16</sup> Nacom neitoroba xua Jesucristo tatanacuichinexa tayawenaenexa pomonae jopa judiomonae naexanaeyo. Tanacuitan Nacom poxonae cueicueijan Nacom pia pecapanenebiyae diwesi jume pomonae aetha pomonae jopa judiomonae naexanaeyo. Barapomonae pejume cow<sub>u</sub>ntsixae Cristo, Nacom pia Pejumope t<sub>u</sub>nax<sub>u</sub> tatsi cana exana xua barapomonae pej<sub>u</sub>nt<sub>u</sub> coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonae bapon duwei jiwi tsitautatsi abe pia peexanae coyenein nexa tatsi bapoxonae barapo jiwi Nacom petsita j<sub>u</sub>nt<sub>u</sub> coyene xanepanaewichi.

<sup>17</sup> Tajume cow<sub>u</sub>ntsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa. <sup>18</sup> Jopa yabara paebinyo xua Cristo exana ichamonae nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonae jopa judiomonae naexanaeyo pejume cow<sub>u</sub>ntsinexa Nacom. Barapomonae Nacom jume jejeichi poxonae jume tane pocotsiwa cueicueijan xuano xua tane pocotsiwan xua exananno. <sup>19</sup> Nacom neexana xua pia Pejumope t<sub>u</sub>nax<sub>u</sub> tatsi pia peayapus<sub>u</sub> itorobi coyenewatha exanan pexeinya petsita itubi coyenewan po coyene jiwi j<sub>u</sub>nt<sub>u</sub> coyene nabenaeca cana exainchi. Daxota poxonae Jerusalén tomara wewarapiyan daxita jiwitha cueicueijan tsoponae Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui

jopan. <sup>20</sup> Daxota ichichipeiban xua tacueicueijejiwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueijeji barapo diwesi. <sup>21</sup> Poxonae xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi: “Pomonae cataunxuae jopa tsipaebichi po diwesi xua bapon peyabara paebiwatsi, barapomonae jume taena, xua bapon yabara jume taeinchi. Bapoxonae barapomonae yaputaena po diwesi xua bapon peyabara paebiwatsi xua daxota bapon jume cowantsinchi”, jei Nacom Pejume Diwesitha tatsi.

*Meje xua poxonae Pablo paeba xua pinae beponaena Roma tomara beya*

<sup>22</sup> Ichamonae tatsipaebaponaexae barapo diwesi jopa neitacupaeyo xua tapaca casiwa ponaewatsi. Bequein bayatha ichichipeiban xua tapaca casiwa poneibiwa tsainchi ichitha jopa neitacupeibiyo. <sup>23</sup> Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi. <sup>24</sup> Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejuntũ coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapana neyawenaewam tsane pocotsiwa nantawenonan tawarapaewanexa poxonae painya tomara weya ponaein. <sup>25</sup> Ichitha anoxuaetha copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae irũ pejume cowantsiwi Cristo. <sup>26</sup> Macedonia nacuapiwi irũ Acaya nacuapiwi pomonae pejume cowantsiwixae Cristo daxita barapomonae pia coya juntucuru exana po coyene tsita coyene xanepanatsi. Barapomonae taitoroba paratixi Jerusalén tomarapiwi nexa, pomonae peacopeibiwi pomonae irũ jume cowanta Jesús icha paxam paichim. <sup>27</sup> Barapo pejume cowantsiwi pomonae Macedonia nacuapiwi irũ Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichũn. Ichitha barapomonae bewa yawenaena pomonaetha pomonae acopeibiwi. Barapomonae pomonae jopa judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae

barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawenae barapomonaetha judiomonaetha pocotsiwantha xua barapomonae pexeinaexae Nacom weya. <sup>28</sup> Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya. <sup>29</sup> Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita jũntũ coyene xanepana xua daxota painya nejũntũ coyene weiweinaewa tsane.

<sup>30</sup> Tamonae pam, paxam pomonae irũ painya nejume cowũntsiwixae Jesucristo. Paca wũcatsi xua be caemonae panaexande xua ajumesũya daunweya painya pana nebarũ tsipaebinexa Nacomtha xua bapon tana neyawenaewa tsane xua tatanacuichiwa bapon. Baxua paca wũcatsi irũ painya jume cowũntsixae Jesucristo pon Wanacanamataxeinaeinxae. Barichi paca wũcatsi irũ painya xeinaexae po peantobe coyenewa Nacom pia Pejumope tũaxũ tatsi naca cata. <sup>31</sup> Nacomtha painta tsipaebare xua jopa abe tana neexanaenexa pomonae Judea nacuatha pejinompaewi, pomonae jopa pejume cowũntsiwi. Mataũtano Nacomtha painta tsipaebare xua barapo Jerusalén tomarapiwi pomonae pejume cowũntsi jiwi tanententa cobe wenotsinexa barapo paratixi. <sup>32</sup> Bapoxonae icha Nacom ichichipaena jũntũ coyene weiweinaya paca siwa patopaeinchi. Mataũtano nafifina caewatsin xua tapaca casiwa ponaewatsixae tsainchi. <sup>33</sup> Barabũ Nacom pon jũntema jinompa naca cana exana paca barũ poponaena daxita. Je, bara ichi tsane.

## 16

### *Meje yabara poxonae Pablo jacoba Roma tomarapiwi*

<sup>1</sup> Anoxuae yabara paca tsipaebatsi powa pewũn Febe, powa beta peexanaewayo. Bapowa paca siwa ponaena. Bapowa be wamcho watsicotaewa irũ pejume cowũntsixae Jesús. Barapowa Nacom tanacuitatsi xua yawenatsi pomonae pejume cowũntsi jiwi Cencrea tomaratha. <sup>2</sup> Barapowa wũnaeya pantenta weyataeya wabare Jesucristo piamonae jiwanaxae pon Wanacanamataxeinaein. Baxua bewa paexanaem icha pomonae pejume cowũntsiwi ichi xua bewa nantiya nantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha

yawena nawita pin bicheitomonaē. Yawano barapowa bay-  
atha iru neyawena.

<sup>3</sup> Painta jacobare powa pewun Prisca. Iru painta ja-  
cobare, pia pebin tatsi, Aquila, tsipei baru nacuitanbe  
barapo tanacuichiwa po coyenein exanan Cristo Jesús nexa.  
<sup>4</sup> Baraponbe bara muxu petupaēbe tana necapanepaenex-  
abe poxonae ichamonae juntucuru muxu tana nebexubi.  
Daxota xan baranbe: “Maisa juntu coyene weiweinan xua  
tapaneyawenaemxaebe”, jan. Barichiru daxita pomonae  
Nacom pejume cowantsiwichi pomonae jopa judiomonae  
naexanaeyo pomonae Nacom petsita nacaetutebiwichi xua  
wunaē pejainteibinexatsi, jeye: “Maisa rajuntu coyene wei-  
weinan xua paxambe pana neyawename xua Pablo jopa  
petupaewa”, jei. <sup>5</sup> Iruno painta jacobare pomonae nacaetuta  
Prisca pia pebinbe pia botha tatsibe. Matautano painta ja-  
cobare Epeneto pon tajiton, pon bichocono antobein. Bapon  
pon copiya jume cowanta Cristo Asia nacuatha. <sup>6</sup> Matautano  
painta jacobare María. Barapowa powa bichocono pacata  
nacuita. <sup>7</sup> Matautano painta jacobarebe Andrónico iru Junias  
ponbe iru judiomonaepinbe icha xan ichin. Baponbe neyawa  
baru muxuna etabe jiwī pecubi botha. Matautano baponbe Je-  
sucristo pia peitorobi jiwī tatsi jiwānabe. Jiwī beta yaputaena  
xua baponbe bara Jesucristo pia peitorobi jiwī jiwānabe tatsi.  
Baponbe caena bayatha netsiwana jume cowantabe Cristo.

<sup>8</sup> Painta jacobare Ampliato pon tajiton, pon bichocono  
antobein, pon iru pejume cowantsixae pontha pon jiwī  
Pecanamataxeinaein. <sup>9</sup> Painta jacobare Urbano, pon xua  
naca baru muxuna tanacuita Cristo. Matautano painta  
jacobare Estaquis, pon tajiton, pon bichocono antobein.  
<sup>10</sup> Painta jacobare Apeles, pon tsita itapeinya xeineiba  
xua bapon bara xaniwaicha Cristo pejume cowantsiwatsi  
poxonae bequein abe taexaneibatsi ichamonae. Matautano  
painta jacobare Aristóbulo piamonae tatsi. <sup>11</sup> Matautano  
painta jacobare Herodión pon iru judiomonaepin icha xan  
ichin. Iru painta jacobare Narciso piamonae tatsi pomonae  
pejume cowantsixaeru pontha pon jiwī Pecanamataxeinaein.  
<sup>12</sup> Iru painta jacobare powa Trifena iruno powa Trifosa.  
Barapowayobe, powayobe iru tanacuitabe xua pon jiwī  
Pecanamataxeinaein tanacuitatsibe. Iru painta jacobare  
Pérsida powayo tajitowayo, powayo antobein iruru pejume  
cowantsixaeru. Barapowa iruru nawita daunweya  
tanacuitaru xua pon jiwī Pecanamataxeinaein daunweya  
tanacuitatsi. <sup>13</sup> Iruno painta jacobare pon Rufo. Bapon  
pon jiwī Pecanamataxeinaein itapeta, Rufo itapetatsi xua  
xanepanaya petanacuitsinexatsi. Iruno painta jacobareno



bapon Rufo pena tatsi, powa iru be taena tsicotan. <sup>14</sup> Iru painta jacobare pon Asíncrito, irano pon Flegonte, irano pon Hermes irano pon Patrobas, irano pon Hermas. Iruano painta jacobare daxita pomonae iru pejume cowantsiwixae Cristo pomonae xua baru jinompatsi barapomonae. <sup>15</sup> Matautano painta jacobare pon Filólogo. Iruano painta jacobare powa Julia. Iruano painta jacobare pon Nereo, irano Nereo pamcho tatsi. Iruano painta jacobare pon Olimpas. Matautano painta jacobare daxita pomonae iru pejume cowantsiwixae Cristo, pomonae baru jinompatsi barapomonae.

<sup>16</sup> Betiya painta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowantsiwichi pomonae xote jinompe, daxita barapomonae paca jacobá.

<sup>17</sup> Tamonae pam, paxam pomonae iru painya nejume cowantsiwixae Jesucristo. Paxam paca muxuwetatsi xua dota pam painya necui naitaewatsinexa pomonae xua tsana paca necaexanae jiwi xua ainya bicheitobe paca cana exana. Barapomonae pacata ayapube exana xua painya nejume cowantsiwa Cristo. Barapomonae catsawa yabara jume toxeinchiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae taju pajume cuitaya ponde. <sup>18</sup> Barapomonae jopa tanacuichiyo xua Jesucristo jopa tanacuichichi pon Wanacanamataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume. <sup>19</sup> Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono juntu coyene weiweinan. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya neexanaenexa. Matautano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane. <sup>20</sup> Nacom bapon apara pon jantema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabu Jesús, pon Wanacanamataxeinaein, paca yawenaena pia paca nacaantobexae.

<sup>21</sup> Iruano Timoteo paca jacobá pon nebaru nacuita Jesucristo nexa. Matautano pon Lucio, irano pon Jasón, irano pon

Sosípater, barapoyobe paca jacobá. Barapoyobe irũ judiomon-  
aepinbe, icha xan ichin.

<sup>22</sup> Xan Tercio, barapo carte saya tatinan Pablo. Xan bapon  
irũũ paca jacobatsi irũũ taantobexae pon jiwi Pecanamatax-  
einaein.

<sup>23</sup> Irũũ pon Gayo bapon paca jacobá. Xan Pablon bapon  
Gayo pia botha tatsi anoxuae poponan. Baxota pia botha  
tatsi tanacaetutatsi pomonae pejume cowũntsi jiwi, Nacom  
wũnae pejainchinexatsi. Irũno Erasto paca jacobarũ pon  
paratixi peenaein Corinto tomaratha xua Corinto tomara-  
piwi pia paratixi tatsi. Irũno Cuarto bapon paca jacobá, pon  
irũ pejume cowũntsin Cristo.

<sup>24</sup> Barabũ Jesucristo, pon Wanacanamataxeinaein, daxita  
paxam paca yawenaena pia paca necaantobexae. Je, bara  
ichi tsane.

*Meje xua Pablo Nacom wũnae jaintatsi poxonae najume opi  
duta exana barapo carte*

<sup>25</sup> Barabũ wũnae jaintatsi Nacom. Nacom itacũpatsi  
xua paca ajũntũyapũsũya cana exana xua beta painya ne-  
jume cowũntsinexa barapo pexeinya pecapanenebiyae di-  
wesi jume coyenewathaxae. Barapo diwesi Jesucristo yabara  
cueicueijan. Caena bayatha poxonae Nacom aena nacua  
forota, barapo pexeinya pecapanenebiyae diwesi jume Na-  
com cataunxuae jopa tsita jume itapeinya xeinaeyo, tsipei  
abũ be namicha jume yawũn xeina xua jiwi jopa yaputaeyo.  
Ichitha anoxuae Nacom tsita jume itapeinya xeina barapo  
diwesi. <sup>26</sup> Barapo pexeinya pecapanenebiyae diwesi jume,  
anoxuae jiwi barapo diwesi yaputane, Nacom pia peitorobi  
jume pepaebiwi peyabara tinaexae barapo pexainyei jume  
diwesi. Mataũtano jiwi yaputane poxoru Nacom peitoro-  
bixae, pon xua ataya tsitecaeya popona. Barapo diwesi Na-  
com jume tane exana daxita nacuanpiwitha, xua barapo jiwi  
pejume cowũntsinexa Cristo. Mataũtano jume tane exana  
xua barapo jiwi peexanaewa tsane pocotsiwa Nacom itoroba.

<sup>27</sup> Barabũ Nacom wũnae jaintatsi, pon meisa compa yatsi-  
caewa daxita peyaputaein. Jesucristo naca cana exana xua  
Nacom wũnae wajainchiwa xua ataya nexa. Je, bara ichi  
tsane.

Baja Pablo.

## Meje Po Carte Copiya Tatina Pablo Corinto Tomarapiwi Tatinatsi

### *Meje poxonae Pablo tatina Corinto tomarapiwi*

<sup>1</sup> Xan, Pablón, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi. <sup>2</sup> Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wanae exanaenexa Nacomtha. Pacata tinatsi daxita nacuariwi pam, pomonae iru painya nejume cowantsiwixae pam Jesucristo, xua pomonae painya newun ununeibiwi Jesús pewun poxonae pawunqueibame Nacomtha. Bapon Jesucristo Wanacanamataxeinaein iruru daxita nacuanthapiwi pomonae pejume cowantsiwi barapomonae pia Pecanamataxeinaeinchi tatsi. <sup>3</sup> Barabu Nacom Waxa, iru Jesucristo pon jiwi Pecanamataxeinaein juntea jinompa paca exanaena. Matautano barabu baponbe paca yawenaena pia paca ncaantobewaxae.

### *Meje poxonae Pablo tawuca Nacomtha Corinto tomarapiwi*

<sup>4</sup> Daxita matabi tsaibi Nacomtha pacata tsipaebibatsi, jan tsaibin: “Nacom maisa juntu coyene weiweinan xua barapomonae tana neyawenaewa xua Cristo Jesús peantobexae barapomonaetha”, jan tsaibin. <sup>5</sup> Painya neyawa muxuna jinompaexae Cristo, daxota Nacom peayapuswa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon. <sup>6</sup> Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanaponame. <sup>7</sup> Paxam paxename pocotsiwa Nacom pia Pejumope tunaxu tatsi paca cata, daxita xua pocotsiwan panantawenoname xua betiya painya nejinompaewa tsane Nacom nexa. Daxita baxuan paxaina dubenanaebiyaname poxonae cataunxuae pawnae ewatsiname xua poxonae Jesucristo po mataqueitha equeicha patopeicaena pon Wanacanamataxeinaein. <sup>8</sup> Nacom paca yaweneibina xua paajuntusya jinompaename beya poxonae Jesucristo equeicha patopaetsica. Dapon xain aibi tsane pon paca yabara

paeba xua painya nenatsicuentisiwa xua abe painya neex-  
anaexae Nacomtha xua poxonae equeicha patopaetsica pon  
Wanacanamataxeinaein Jesucristo. <sup>9</sup> Nacom bara ataya ex-  
aneiba pocotsiwa pia petsiwanae muxu dutsiwan. Bara-  
pon Nacom paca waba painya neyawa muxuna jinom-  
paenexa tsane Jesucristo pon Wanacanamataxeinaein, Na-  
com Pexanto tatsi.

*Meje poxonae Pablo yabara paeba po coyene pomonae pe-  
jume cowantsiwi Cristo xua natsaba nacana exana*

<sup>10</sup> Tamonae pam, paxam pomonae iru painya nejume  
cowantsiwixae Jesucristo. Jume daunweya paca tsipaebatsi  
tajuntu coyenetha tsipei daxita paxam Jesucristo piamonae  
tatsi pam pon Wanacanamataxeinaein. Caemonae peburuya  
cuita pacueicueijan tsurubenanaebiyama. Jopa pana najume  
matsontsonobinde xua daxota painya nenatsabiwam tsipae.  
Jame maisa peburuya pananta xeinare xua be bara cae-  
monae pam. <sup>11</sup> Tamonae pam, pomonae iru painya nejume  
cowantsiwixae Jesucristo. Daxota baxua paca tsipaebatsi,  
yaitama yabuyo powa pewan Cloé piamonae tatsi netsipaeba  
pinae paxam nantiya pana najume matsontsonoba dube-  
nanaebiyame. <sup>12</sup> Jume tan xua paxam jiwana xua barompaya  
tsanaya paeba, jeye: “Pablo yabara jume cowantan pocot-  
siwa cuiduba”, jei. Ichamonae jeye: “Apolos yabara jume  
cowantan pocotsiwa cuiduba”, jei. Ichamonae jeye: “Pedro  
yabara jume cowantan pocotsiwa cuiduba”, jei. Ichamonae  
jeye: “Cristo yabara jume cowantan pocotsiwa cuiduba”,  
jei. <sup>13</sup> Daxita paxam jopa bewa barapo coyene paexanaem  
xua ainyamonaein pana naexaname. Cristo jopa pia coutha  
nanantarubiya exanaeyo tsipei Cristo apara bara caein. Xan,  
Pablon, jopa apara paca tsitupaetsi naetotha. Jopa apara paca  
bautisabichi tawantha xua daxota tamonae painya nenaex-  
anaexam. <sup>14</sup> ¡Pai jaibo! ¿Incane metha barichipaein? ¿Incane  
metha bautisabichipan? Daxota Nacom tsipaeban janje:  
“Nacom maisa juntu coyene weiweinan xua barapomonae  
jopa tabautisabiwa”, jan. Saya meisa bautisaban Crispo iruru  
Gayo. <sup>15</sup> Daxota dapon aibi pon itacupatsi xua pejeiwa: “Xan  
nebautisaba Pablo pewantha”, xua pejeiwa. <sup>16</sup> Jaina iruru  
Estéfanos piamonae tatsi bautisaban. Ichitha ichamonae  
jopa yabara nanta xeinaeyo xua tabautisabiwa bayatha.  
<sup>17</sup> Cristo jopa neitorobiyo xua tabautisabinexa jiwi. Jame  
saya Cristo neitoroba xua yabara tacueicueijeinexa peca-  
panenebiyae diwesi. Ichitha jopa cueicueijanyo icha be ichi  
pon bichocono cueicueijeji poxoru bichocono peyaputaexae.  
Ichi baxua exanaetsipan jiwi jopa yabara yaputaetsipae Jesu-

cristo pia pecapanenebiyae diwesi xua poxonae Cristo nae-totha tsitapa jiwí.

*Meje poxonae Pablo yabara paeba xua Cristo xeina Nacom pia peayapuswa tatsi xuano Nacom pia peyaputae coyenewano tatsi*

<sup>18</sup> Ichamonae jopa beta yabara nanta xeinaeyo po diwesi xua Cristo petsitapaewa naetotha jiwí. Barapomonae yawa muxuna weraweracaena abe peexanaewan. Barapomonae jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonae Nacom capanenebiyaena abe pia peexanae cuiru coyenein tatsi weya. Barapomonae yaputane xua barapo diwesi bichocono peayapus diwesi xua Nacom weya. <sup>19</sup> Nacom Pejume Diwesitha baxua yabara paeba. Nacom jeye:

“Weraweraca exanaein peyaputae coyenewan, po peyaputae coyenewan xeina pomonae peyaputaewi. Pecuidubi coyenewan beban tsane, po pecuidubi coyenewan xeina pomonae peyaputaewi”, jei Nacom.

<sup>20</sup> Pon xua peyaputaein iru pon xua pecuidubin, iru pon jume daunweya yabara cueicueijeí po nacuathe, barapomonae Nacom jopa tsita ainya cuichi. Nacom cui capona peyaputae coyenewan, po peyaputae coyenewan xeina pomonae peyaputae jiwí barapo cae pin nacuathe.

<sup>21</sup> Nacom xainyeya xeina peyaputae coyenewa. Nacom jopa copatsiyo jiwí xua peyaputaewatsi bapon, peyaputae coyenewatha po peyaputae coyenewa xeina pomonae jinompa barapo cae pin nacuathe. Jame Nacom ichichipa xua capanepa jiwí abe pia peexanae cuiru coyenein weya pejume cowantsixaetsi poxonae pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi. <sup>22</sup> Judiomonae ichichipa tane nawita Nacom pia pexeinya petsita itatsi coyenewan xua pejume cowantsinexa tsane Nacom Pejume Diwesi. Seicaya nama griegomonae yabara jeita nawita barapo irathe pia peyaputae coyenewan xua pejume cowantsinexa tsane Nacom Pejume Diwesi.

<sup>23</sup> Ichitha paxan payabara cueicueijan Mesías pon naetotha tsitapa xua jiwí abe pia peexanae cuiru coyenein tatsi. Barapo diwesi judiomonae jopa be jume jejeyo poxoru tsita ajumebetsi. Seicaya nama pomonae jopa judiomonae naexanaeyo tsita penamitacueinchi diwesichi barapo diwesi. <sup>24</sup> Ichitha pomonae Nacom waba pomonae barametha bequein judiomonae tsipae iruru pomonae metha

bequein jopa judiomonae naexanaeyo tsipae barapomonae jame Jesucristo jume cowuntatsi. Barapomonae nanta xeina xua Mesías xeina Nacom pia peyapusu coyenewa tatsi matautano xua Nacom pia peyaputae coyenewa tatsi xua jiwi pecapanenebiyaenexa tsainchi. <sup>25</sup> Pocotsiwa jiwi tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peyapusutsi xua Nacom xeina baxua apara bara jame Nacom tsita peyapusu coyenewatsi bichocono, beyacaincha po peyapusu coyenewa jiwi xeina barapo cae pin nacuathe. <sup>26</sup> Tamonae pam, paxam pomonae iru painya nejume cowuntsiwixae Jesucristo. Paxam bewa pana nacayabara nanta xeinaem xua eta po jiwi pam xua poxonae Nacom aena paca waba. Bapoxonae pananta xeiname xua saya paxam caeyobe pam pomonae peyaputae jiwi pam. Barichi paxam saya caeyobe pam pomonae peyapusuya itorobi jiwi pam. Matautano paxam saya caeyobe pam pomonae peainya cui jiwi pam. <sup>27</sup> Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejantu coyene faefaenaewi pejume cowuntsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa peajantucoyenesawa. <sup>28</sup> Nacom itapeta pomonae barapo cae pin nacuathepiwi jiwana, pomonae pecui pawu jiwi xua piamonae peexanaenexa. Barapomonae pomonae ichamonae abe peyabara paebiwichi, matautano xuan pomonae ichamonae jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi. <sup>29</sup> Daxota dapon aibi pon peitacupaewatsi xua Nacom peitabaratha atsaquiya penayabara paebiwa xua peainya cui jitonxae. <sup>30</sup> Nacom paca exana xua painya

neyawa jinompaewa Cristo Jesús pia peajuntayapusawa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitupa naetotha wanaca capanenebiyaenexa abe waexanae cuiru coyenein weya. <sup>31</sup> Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bu jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

## 2

### *Meje xua Cristo petupaewa diwesi yabara*

<sup>1</sup> Tamonae pam, paxam pomonae iru painya nejume cowantsiwixae Jesucristo. Patopan painya xantha tapaca catsipaebinxatsi Nacom pia pexainyei diwesi jume. Bapoxonae jopa paca tsipaebichi po diwesi ayapube xua tacueicueijiwa xua poxonae icha ichi xua paeba pon peyaputaein bichocono. <sup>2</sup> Poxonae poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonae bapon naetotha tupa. <sup>3</sup> Poxonae paxamtha naitatan nayabara nanta xeinan xua neita coxana xua beta tacueicueijiwa. Matautano tajunuwi unthuthu deideijan. <sup>4</sup> Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueiji pon bichocono peyaputaen. Ichitha seicaya nama paca tsipaebatsi tana neitorobixae Nacom pia Pejumope tanaxu tatsi yawano Nacom pia peayapusu itorobi coyenewathano. <sup>5</sup> Daxota poxonae pajume cowantame Jesucristo apara poxoru jopa painya nejume cowantsixae jiwi pia peyaputae coyenewa. Apra jame poxoru Nacom painya nepaca yawanaexae pia peayapusu itorobi coyenewatha daxota pajume cowantame.

*Meje yabara xua Nacom nacayaputane exana pia Pejumope tanaxutha tatsi*

<sup>6</sup> Paxan pacueicueijan pomonaetha pomonae bichocono pejume cowantsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apra barapo cae pin nacuathe weya ponaeyo. Matautano jopa apra barapo coyene xua po coyene jopa ponaeyo pomonae piamonae itorobiya pecanamataxeinaewi weya.

Pomonae anoxuae piamonae itorobiya pecanamataxeinaewi werapaena, yawano weraweracaena pia peyaputae coyenewan tatsi. <sup>7</sup> Po coyene xua paca tsipaebatsi apara Nacom pia peyaputae coyenewa tatsi. Barapo coyene caena bayatha Nacom namicha yawan xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewanaeya poxonae Nacom nacua forotsina bapon nanta xeina xua naca capanepaena. Baxua apara Nacom pia peyaputae coyenewa tatsi xua matapainya naitata. <sup>8</sup> Barapomonae pomonae piamonae itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonae yaputaetsipa metha jopa Jesucristo naetha tupa exanaetsipaetsi, pon jiwi Pecanamataxeinaein, pon pexeinya peitupanae coicha pexeinaein. <sup>9</sup> Nacom Pejume Diwesitha baxua yabara jeye:

“Nacom bayatha jiwi tsiwanaeta po jiwi peantobewixaetsi pocotsiwan xua bichocono pewanaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwanaeta pocotsiwa xua jiwi jopa bapana yabara nanta xeinae jopa juniya pewanaexae”, jei Nacom Pejume Diwesitha.

<sup>10</sup> Nacom yabara naca yaputane exana baxuan pia Pejumope tnanaxtha tatsi. Nacom pia Pejumope tnanax tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawan xeina.

<sup>11</sup> Jiton dapon aibi pon itacupatsi xua yaputane ichan pia pejantay coyene tatsi. Saya jame meisa ichan itacupatsi xua pia coutha najantay coyene yaputane. Bara juta ichi meisa Nacom pia Pejumope tnanax tatsi yaputane xua Nacom pia pejantay coyenewa tatsi. <sup>12</sup> Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apara jame seicaya naca cata pia Pejumope tnanax tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae. <sup>13</sup> Waxainchi diwesi cueicueijeichi pomonaetha pomonae Nacom pejume cowantsiwi po coyenetha Nacom pia Pejumope tnanax tatsi naca yaputane exana. Jopa apara barapo diwesi cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua



Nacom pia Pejumope t̄nax̄ tatsi ichichipa paeba pomonaetha pomonae Jesús pejume cow̄ntsiwichixaetsi. Barapomonae yaputane barapocotsiwan.

<sup>14</sup> Nama pon jopa pejume cow̄ntsin Jesús jopa yaputaeyo pocotsiwan wacueicueijejewa, pocotsiwan Nacom pia Pejumope t̄nax̄ tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesin tsipei jopa xeinaeyo Nacom pia Pejumope t̄nax̄ tatsi xua peyawenaenexatsi xua peyaputaewanexa. <sup>15</sup> Jame pon pejume cow̄ntsin Nacom, bapon yawenatsi Nacom pia Pejumope t̄nax̄ tatsi xua yabara peyaputaewa daxitan. Ichamonae jopa itac̄paetsi xua bapon peyabara paebiwatsi xua penatsicuentsiwa xua abe peexanaexae. <sup>16</sup> Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

### 3

*Meje xua Pablo yabara paeba pomonae penabar̄ nacuichiwi Nacom nexa*

<sup>1</sup> Tamonae pam, paxam pomonae ir̄ painya nejume cow̄ntsiwixae Jesucristo. Jopa neitac̄paeyo xua tapaca catsipaebiwa tsainchi icha bichocono pajume cow̄ntame Nacomtha icha be pocotsi jiwimonae ichi pomonae bichocono jume cow̄nta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cow̄ntame Cristo. <sup>2</sup> Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitac̄paeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itac̄paetsi xua pewito pexaewa. <sup>3</sup> Paxam cataunxuae painompame icha be ichi poxonae jinompa pomonae jopa pejume cow̄ntsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cow̄ntsiwi Nacom. <sup>4</sup> Ichamonae pomonae paxam jiwana pam, jeye: “Pablo yabara jume cow̄ntan pocotsiwa cuiduba”, jei. Ich̄n jeye:

“Apolos yabara jume cowantán pocotsiwa cuiduba”, jei. Poxonae papaebame baxua bapoxonae bara pajinompame icha jiwi ichi poxonae jinompa pomonaе jopa pejume cowantsiwi Nacom.

<sup>5</sup> Daxota paca tsipaebatsi: Xan Pablo jopa taainya cui jiton, barichirú Apolos. Apra paxanbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaеbe daxota pajume cowantame Jesucristo pon jiwi Pecanamataxeinaein. <sup>6</sup> Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apra bapon, pon paca yawena xua painya nejume cocowantaponaenexa. Barapo coyene icha be nae ichi xua peubi nae. Ichán ubanota. Ichán mera mata epababapona. Ichitha nama Nacom, apra bapon, pon exana xua xaniwaicha xuwa. <sup>7</sup> Ichán copiya uba irú ichán xuya mata epababa meratha. Pon peubixae jopa ainya cui jitonyo. Irú pon xuya pemata epababaponaеxae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos irú xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe. <sup>8</sup> Pomonaе xua uba irú pomonaе xuya meratha mata epababapona barapomonaе Nacom tsita najupatsi. Nacom pentoma cata barapomonaetha be pocotsi coyeneya xua barapomonaе petanacuichiwa. Pon xua abeya petanacuichixae, be conotha matoma catsinchi. Pon xua wnaeya petanacuichixae, wnaeya matoma catsinchi. <sup>9</sup> Paxan pana nabarú yawa tanacuitan Nacom xua pata cueicueijiwa Nacom Pejume Diwesi poxonaе paca cuidubatsi xua painya nejume cowantsiwa tsane Nacom. Barapocotsi jata coyeneya paexanan poxonaе Nacom Pejume Diwesi paca cuidubatsi icha pebin ichi poxonaе uba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntú coyene xanepanaewa tsane. Baxua Nacom paca cana exana, icha be pocotsi jata coyeneya ichi poxonaе pebin bomaxú acabapona xua beya poxonaе bichocono peXEINYA bo. <sup>10</sup> Nacom necopata xua ponxaein copiya matha tapaca cayawenaewatsi xua painya nejume cowantsinexa bapon. Nama bapoxonaе xuya ichamonae paca cuidubapona Nacom Pejume Diwesi xua painya nejume cocowantaponaenexa. Barapocotsi jata coyeneya exanan poxonaе tapaca cayawenaewatsi, icha pebin ichi pon peyaputaеin xua bo peacabiwa poxonaе bo acaba po bo ibo

bo. Bapon copiya matha tsicobe nobabareca po iboton beta petabu caumenaewa xua ichamonae tsicobe nobabarecatsi. Athawetsica xuya ichamonae exanapona. Daxita pomonae acaba barapo ibo bo bewa beta xanepanaya exanaena icha jiwi ichi xua poxonae bewa beta taexanaena xua pocotsiwa taexana Nacom nexa. <sup>11</sup> Poxonae jiton ibo bo acaba bapon copiya beta noba po iboton xua copiya nanta caumena. Bapoxonae ichun bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxonae paca cuidubatsi Jesucristo pejume diwesi. Ichun bewa beta yabara paca cuidubina icha coyene xua baxua painya nejume cowantsinexa. <sup>12</sup> Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewun oro nain, yawano pocotsiwa xua pewun plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jata ichi, pebin itacupatsi xua yawenaena ichamonaetha. Ichacuitha beta cuidubina pomonae xua jume cowanta Jesucristotha pocotsiwa xua bichocono ayapusu. Ichacuitha cuidubina pocotsiwa xua pepawi pomonae xua jume cowanta Jesucristotha xua jopa ayapusayo. <sup>13</sup> Jopaena matabi po mataqueitha Nacom yabara paebina jiwi xua penatsicuentiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapusu po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa. <sup>14</sup> Icha pebin exana pocotsiwa xua bichocono ayapusu xua Nacom nexa, Nacom matoma catsina bapontha. <sup>15</sup> Ichitha icha ichun taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonae Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

<sup>16</sup> Barapara paxam payaputaneme xua painya juntu coyene Nacom tsitatsi xua bara be Nacom pin pia bo tatsi tsipei Nacom pia Pejumope tuxaxu tatsi popona painya juntu coyenetha. <sup>17</sup> Icha ichun saraboba Nacom pin pia bo, Nacom xuya weraweraca exanaena barapo jitontha. Nacom pin pia

bo tatsi, bara po bo Nacom tsita xanepanatsi poxoru pia Pejumo pe tɨnaxɨ tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca jɨntɨ coyene itoroba xua abe painya neexanaewa tsane. Nacom baxua exana tsipei Nacom pia Pejumo pe tɨnaxɨ tatsi popona painya jɨntɨ coyenetha.

<sup>18</sup> Jopa pacopatsinde xua painya coutha pana namuxuitorobame. Icha ichɨn pia coutha nacayabara nanta xeina xua bichocono peyaputaein icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaein. Bapoxonae bapon bara Nacom tsita be pon pepa peyaputaeinchi.

<sup>19</sup> Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentysiwa xua abe peexanaexae pocotsi jiton peyaputaein, peexanaexae barompaya pia peyaputae coyenewatha”, jei Nacom Pejume Diwesitha.

<sup>20</sup> Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha.

<sup>21</sup> Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaein beyacaincha ichɨn pon peyaputaein”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irɨno daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane.

<sup>22</sup> Xan Pablon Nacom neitoroba, irɨ Apolos itorobatsi, irɨ Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajɨntɨyapɨsɨwa, po coyenewano petɨpae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa.

<sup>23</sup> Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

*Meje xua Jesucristo pia peitorobi jiwi tatsi taexana, Nacom taexanatsi*

<sup>1</sup> Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawɯn xeinaewa tatsi po coyene copiya bequein bayatha moya yawɯn xeina xua jiwi jopa yabara yaputaeyo. Barapo coyene xua moya peyawɯn xeinaewa, anoxuae Nacom najume yabara copata xua jiwi bara peyaputaenexa. <sup>2</sup> Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowɯntsineixatsi pia pecanamataxeinaeinchi xua bara xaniwaicha exana. <sup>3</sup> Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Mataɯtano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeinyo xua icha metha barapo coyene jopa exanaeinyo, xua daxota tanatsicuentisixae abe taexanaexae Nacomtha. <sup>4</sup> Tajɯntɯ coyene netsipaeba xua bara pinae xanepanaya taexanaewa. Bequein tajɯntɯ coyene baxua netsipaeba ichitha jopa nayaputaeyo xua metha apara abe taexanaewa xua daxota Nacom tsita natsicuentan. Nacom pon jiwi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejɯntɯ coyene yaputane icha bara metha tsita xeinan xua tanatsicuentisiwa xua abe taexanaexae. <sup>5</sup> Jopa bepijawa payabara paebinde ichamonae xua abe pia peexanaewa. Abɯ tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itɯtsina po coyene xua jiwi pia pejɯntɯ coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itɯtsina po coyenein jiwi namicha xeina pejɯntɯ coyeneintha xua penatsicuentisiwan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya petanacuitsinchi Nacom wɯnae jainchina bapontha. Nacom jopa wɯnae jainti tsane pon jopa xanepanaya petanacuitinchi.

<sup>6</sup> Tamonae pam, paxam pomonae irɯ painya nejume cowɯntsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya neji-

nompaenexa. Barichi paca tsipaebatsi Apolos yabara iru xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyu Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichun bichocono peainya cui jiton beyacaincha ichun. <sup>7</sup> Nacom jopa paca exanaeyo xua peainya cui jiwi pam beyacaincha xua ichamonae pomonae iru pejume cowantsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apara jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apara pajuntemainame pocotsiwa xua Nacom painya nepaca catsibiwa daxita.

<sup>8</sup> Itara mexeya daxita painya nexeinae jiwi pam po coyenein xua paichichipame painya neyaputaewa Nacom yabara daichitha jopa barapomonae pam. Pananta xeiname icha pomonae copei pexeinaewi ichi iru icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita xua Nacom Pejume Diwesi yabara xua bapoxonae pata tana nebaru yaputaewam tsane daxita Nacom Pejume Diwesi. <sup>9</sup> Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonae pecui pawu jiwimonae pan xua daxota daxita nacuanpiwi iru matatsunpiwi pana ichichi xeica. <sup>10</sup> Jiwi pana neyabara nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaeyo. Paxan jiwi pana yabara nanta xeina xua pajuntu coyene faefaenabenan. Jaina nama pana nayabara nanta xeiname xua pajuntu coyene daunwam Nacomtha. Jaina maisa jiwi paca baru cui itura jina, jopa pana daichibenaeyo. Nama atsaquiya abeya pana yabara paeba. <sup>11</sup> Caena bayatha beya anoxuae, paxan bichocono pajainpan. Matautano pameratsipanno bichocono. Matautano painta paparuwan bichocono jonopa. Jiwi pana neba bichocono. Yawano jopa bo paxeinaeyo.

<sup>12</sup> Pana nacobe fifinatontan, patain pata nacuichixae bichocono. Bequein jiwi tsumu jumetha pana casebeiba daichitha barapomonaе Nacomtha patawunqueiban xua barapomonaе peyawenaenexa tsaibi tsainchi. Poxonaе jiwi pana atene exaneiba bara saya pacui copatan. <sup>13</sup> Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonaе jiton ichi poxonaе piawa basuratha xuba. Baxua jiwi painta exanapona beya anoxuae.

<sup>14</sup> Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi. <sup>15</sup> Bequein icha bara metha paxeinaetsipame diez mil poyobe pomonaе painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyan pon be painya axa tapacata natsicotaeinchi, tsipei paxam copiya Cristo Jesús pajume cowantame poxonaе paca cuidubatsi Nacom Pejume Diwesi. <sup>16</sup> Daxota bichocono paca muxu jeichi, paexanaponde icha xan ichin xua exanaponan.

<sup>17</sup> Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowantsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsi-paebina xua tana neyabara paebiwa tsane po coyene xua xanepanaya tapoponaewa tajume cowantsixae Cristo Jesús. Barapo coyenein cuidubeiban ichaxota poneiban daxita i dapocotsi penacaetutsi bon jiwitha pomonaе Nacom pejume cowantsiwichi. <sup>18</sup> Ichamonaе pomonaе paxam jiwana pam, bichocono juntu coyene yucatsi xua ichamonaе peabiwatsi. Baxua exana tsipei barapomonaе nanta xeina xua xan jopa tapaca siwa ponaewa tsainchi. <sup>19</sup> Icha Nacom pon jiwi Pecanamataxeinaein copatsina xua bara taponaeewa tsane aunxuae paca siwa ponaeinchi. Bapoxonaе taein pomonaе xua ichamonaе peabiwichi icha metha barapomonaе xeina Nacom pia peayapusu itorobi coyenewa tatsi. Ichacuitha metha tsipae aparta metha saya paeba. <sup>20</sup> Jiwi jopa patsi tsane Nacom pia peitorobi nacua beicha xua poxoruwanae pepaebixae tsane pia coutha. Aparta jame jiwi patsina bara beicha pexeinaexae Nacom pia peayapusu itorobi coyenewa tatsi. <sup>21</sup> ¿Eta xua painyatsi? ¿Paca tsicapatinchi naewan xua xota paca beinchi? Jume aparta. Ichacuitha metha tsipae

¿paichichipame xua tapaca casiwa ponaewatsi tapaca caan-tobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

## 5

*Meje xua poxonae Pablo itaweta pon penowa tsiperu nacoyoba*

<sup>1</sup> Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomonae bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua. <sup>2</sup> Paxam pomonae painya nenanta xeinae jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya. <sup>3</sup> Bequein jopa yatsicaewa paca baru ecaetsi ichitha paca yabara nanta xeineibatsi be poxonae paca baru ecatsi yatsicaewa. Bara bapon yabara paeban xua penatsicuentisiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonae yatsicaewa tapaca baru ecaewatsi. <sup>4</sup> Poxonae panacaetutame daxita pam, pomonae painya nejume cowantsi jiwi Jesús, paca yabara nanta xeineibinchi icha be poxonae tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi paxeina dubenanaebiyama. <sup>5</sup> Pon xua awiya abe exanapona barapo jiton bara pacopare Satanastha pon caurimonae pia pentacaponaeintha tatsi. Bapoxonae barapo caurimonae pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonae barapo pebin equeicha jume cowantsina Nacom po pebin copiya abe peexanaexae. Pia pejumope tuxu tatsi Nacom capanepaena po mataqueitha poxonae Jesús patopeicaena, pon jiwi Pecanamataxeinaein.

<sup>6</sup> Paxam jopa bewa atsaquiya pajinompam xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonae pinmonae painyamonae abe exanapona. Bara paxam payaputaneme pocotsi diwesiyo ba jiwi yabara canauta jutsiya paeba baxua yabara xua pejeiwa: “Levadura



matawun xoyo bequein peyauyo baxoyo daxita pantha co-towa exana”, xua pejeiwa. <sup>7</sup> Painya xainya weya patorore pon abe peexanaein abe peexanaeyainwa daxita painyamonae xua icha bapon ichi xua abe exana. Barapo coyene icha be ichi poxonae jiwi levadura bebai, po levadura peru levadura abe peexanaeyainwa pan matabutha. Poxonae bapo pebin patorotame bapoxonae painyamona pomona pejume cowantsiwi xanepanaya jinompaena. Caena bayatha judiomona juteba oveja xua poxonae pewunaeya tsane poxonae Egipto nacia weya pona. Bapoxonae Nacom yabara jantemaina judiomona abe pia peexanae cuiru coyenein tatsi poxonae cordero bexotsi xua oveja pebto penun. Nacom tsitatsi xua Cristo bara be cordero poxonae tupa naetha. Cristo naca tsitupa xua abe waexanae cuiru coyenein icha cordero ichi xua tsitupa xua judiomona abe pia peexanae cuiru coyenein tatsi. <sup>8</sup> Waxainchi jopa bewa peabe coyenewa exanaetsi. Jame bewa xaniwaicha juntu coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

<sup>9</sup> Icha cartatha paca tsipaebatsi xua jopa bewa painyamona jiwi pacana exanaem pomona pesi cui weiweinae jiwi xua bequein jopa piseuri jiwi. <sup>10</sup> Barapomona pomona pesi cui weiweinae jiwi pomona jopa pejume cowantsiwi Jesús apara jopa paca tsipaebichi barapomona yabara. Pomona jimun jiwi xua ichichipa copei xeinaewi naexana xua beyacaincha ichamona pomona jopa pejume cowantsiwi Jesús apara jopa paca tsipaebichi barapomona yabara. Pomona jopa pejume cowantsiwi Jesucristo pomona pecaibi jiwi apara jopa paca tsipaebichi barapomona yabara. Pomona ibo nacomun wanae pejainchiwi apara jopa paca tsipaebichi barapomona yabara. Barapomona pexainya weya painya newarapaenexa maisa jame bewa pawarapaem barapo cae pin nacia weya, xua ichaxota po nacia jiwaibi beya xua bara beya painya newarapaenexa. <sup>11</sup> Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomona abe peexanae jiwi bequein paeba xua pinae jume cowanta Jesucristo. Barapomona jopa bewa payawa muxuna jinompaem pomona pesi cui weiweinae jiwi, irano pomona jimun jiwi xua ichichipa copei xeinaewi naexana beyacaincha xua ichamona irano pomona ibo nacomun wanae pejainchiwi, irano pomona nacyra penaexanaewi, irano pomona jiwi pebiataewi, irano pomona pecaibi jiwi daxita barapomona jopa bewa pabarun xaem bequein paca

wabitha tsipaeno xua painya nenanabanaewa tsane”, jan.  
 12 Xan jopa neitacupaeyo xua jiwi tayabara paebiwa xua  
 penatsicuentiwa Nacomtha xua abe peexanaexae pomonae  
 jopa jume cowantsiyo. 13 Jame apara meisa Nacom yabara  
 paeba xua penatsicuentiwa xua abe peexanaexae pomonae  
 jopa Nacom pejume cowantsiwichi. Ichitha bewa payabara  
 paebim xua penatsicuentiwa pomonae penacaetutsi jiwi  
 pomonae pejume cowantsiwixae xua abe peexaneibixae  
 poxonae. Daxota bewa paxam patorotsim pon abe exana  
 painya xantha pon penowa tsiperu wenacoyoba xua awiya  
 baru jijinapona.

## 6

*Meje yabara pomonae pejume cowantsiwi Jesucristo  
 xua peponaewa pontha pon jiwi yabara paeba xua  
 penatsicuentiwa xua abe peexanaexae*

1 Poxonae ichamonaе pomonae pejume cowantsiwi ji-  
 wana pacata abe exana painya xoba paponame ichaxota  
 eca pon jiwi yabara paeba xua penatsicuentiwa xua abe  
 peexanaexae. Jamaisa baxua paexaname xua rawcame  
 pon jopa pejume cowantsin pon jiwi yabara paeba xua pe-  
 natsicuentiwa xua bapon peitawetsinexa pomonae abe pe-  
 exanaewi. Bapoxonae painya pia bapon paca tsipaebichi xua  
 barapomonae paca tsita natsicuenta xua abe peexanaexae.  
 Jame bewa paponaname ichaxota nacaetuta pomonae  
 pejume cowantsiwi Jesucristo. Bapoxonae barapomonae  
 yabara paebina pomonae xua penatsicuentiwi xua abe pe-  
 exanaexae paxamtha. 2 Paxam payaputaneme xua pomonae  
 pejume cowantsiwi Jesucristo, barapomonae yabara paebina  
 pomonae xua penatsicuentiwi xua abe peexanaexae  
 pomonaetha pomonae barapo nacuathepiwi. Barichi bexa  
 tsane poxonae Cristo patopeicaena payabara paebiname  
 pomonae barapo nacuathepiwi xua penatsicuentiwa xua  
 abe peexanaexae. Daxota anoxuae bewa paexanaem xua  
 payabara paebiname xua penatsicuentiwa xua bequein  
 bara conotha abe peexanaexae pomonaetha pomonae pe-  
 jume cowantsiwi Jesucristo po coyenein bara bequein bi-  
 chocono jopa abeyo. 3 Waxainchi yaputainchi xua bexa  
 tsane wayabara paebiwa matatsunpiwi penatsicuentiwa  
 xua abe peexanaexae Nacomtha. Baxua exanaeinchi pox-  
 onae Cristo patopeicaena. Daxota anoxuae paca itacupa  
 xua painya neyabara paebiwa xua penatsicuentiwa xua  
 abe painya nepaca tsita exanaexae pomonaetha pomonae  
 pejume cowantsiwi xua wajinompawea yabara barapo cae  
 pin nacuathe. 4 Icha paxeiname po coyenein xua abe

pacata exana pomonae irara pejume cowantsiwi, jopa bewa paponae ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin. <sup>5</sup> Baxua paca tsipaebatsi xua painya neauramexa tsane. Pon ba peyaputaen bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa? <sup>6</sup> Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

<sup>7</sup> Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha. <sup>8</sup> Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

<sup>9-10</sup> Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxuitorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuaje: Pomonae pesi cui weiweinae jiwi, pomonae wanae pejainchiwi ibo nacomun, iru pomonae penotsiwi yabuxi powaxi bara bequein pia pebiwi xeina, iru po pebiwi cae pebiwi penaisa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamonae, iruru pomonae naxpa penaexanaewi, peatsaxa meran, iruno pomonae jiwi pebiataewi,

irano pomonae peyabara muxuitorobi jiwi pecaibinexa. <sup>11</sup> Copiyatha paxam be barapocotsi jiwimonae pam xua poxonae matha aena pajume cowantame xua abe painya neexanae jiwi pam. Daichitha Nacom paca yabara jumentaina abe painya neexanae cuiru coyenein. Matautano Nacom paca yabara caunuta jeye: “Tapexuimonae jiwi”, paca yabara jei. Matautano Nacom jopa painya tsita natsicuentsiwa xua abe painya neexanaexae. Nacom pia Pejumope tanahtatsi iru Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

*Meje xua Pablo jei: “Wapepon Nacom piawa”, jei*

<sup>12</sup> Jiwi ba jeye: “Xan necopata xua bara taexanaewanexa pocotsiwa xua ichichipan”, jei. Bara bequein xainyei jiwi xua pepaebiwa, ichitha ichacuihitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuihitha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa. <sup>13</sup> Bara jiwi ba xainyeya paeba poxonae jeye: “Pexaewa wanae xua pecotsoro nexa, iru pecotsoro wanae xua pexaewa nexa”, jei. Ichitha bexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsiexana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa. <sup>14</sup> Icha Nacom ichi xua asu exana petupae cuiru coyene weya pon jiwi Pecanamataxeinaein Jesucristo, Nacom bara naca ichi tsane, asu naca exanaena petupae cuiru coyene weya pia peayapusu itorobi coyeneyatha.

<sup>15</sup> Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejuntu coyene xanepanae jiwi. Xan iru barapo pejuntu coyene xanepanae jiwi piamonae jiwanan tatsin. Daxota jopa benatsiperu jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon. <sup>16</sup> Paxam payaputaneme icha pebin natsiperu jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha. <sup>17</sup> Poxonae ichan cae juntu coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejuntu coyenewatha.

18 Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichantha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana. 19 Paxam payaputaneme xua Nacom pia Pejumope tɨnaxɨ tatsi paca barɨ jinompa pia paca nacana jumope tɨnaxɨ catsixae paxantha. Icha barapo Nacom pia Pejumope tɨnaxɨ tatsi ichi xua paca barɨ jinompa, barichi barapo Nacom pia Pejumope tɨnaxɨ tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jiwi pam. 20 Nacom bayatha pacata pematomatsiwa exana xua poxonae Jesús naetotha painya nepaca tsitɨpaewa xua abe painya neexana cuiru coyenein. Daxota beta pajume cowɨntsiya jinompare ichamonae petitɨtha tatsi. Bapoxonae barapomona Nacom barɨ cui itura jinatsi xua pon xanepanaya peexanaein poxonae paca cui tane xua xanepanaya pajinompame.

## 7

*Meje xua Pablo yabara muxuweta xua jitha peenaewa yabara*

1 Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo bu bara moya jopa jitha ecae tsane, bequein bara baxua taxanepanatsi bapon. 2 Ichacuitha poxonae pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabɨxi bewa barompaya seicaya notsina pia pebiwi. 3 Pebin bewa bara exanaena piowatha xua poxonae peisa maitecae coyenewa. Barichirɨ yabɨyo bewa bara exanaena pia pebintha xua poxonae petsicuara maitecae coyenewa. 4 Petsiriwa powa jitha eca, jopa bewa nayabara nanta xeinae xua penaperɨ xeinaewa xua saya pia coutha nexa. Jame bewa nanta xeinae xua apara bara pia pebin tatsi pia perɨto tatsirɨ. Barichi pebin jopa bewa nayabara nanta xeinae xua penaperɨ xeinaewa xua saya pia coutha nexa. Jame bewa nanta xeinae xua apara bara piowa tatsi pia perɨto tatsirɨ. 5 Petsiriwa jopa bewa aichaxaibi tsane xua isa maiteca pia pebin. Pebin irɨ jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha wɨcauyabe bapoxonae baponbe itacɨpatsi xua itompa exanaenabe xua peexanaewa

po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonae po mataqueitha najume wetsina xua Nacomtha pewa caewabe bapoxonae jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pejuntũ coyene jũjũtsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

<sup>6</sup> Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa. <sup>7</sup> Ichichipan xua daxita jiwi jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa naci coyene jupaeyo.

<sup>8</sup> Pomonae pemisa dubenaewi pam irũ powaxi painya seuriwi painya necacuenta werapaewaxichi pam, daxita barapomonae pam paca tsipaebatsi. Bara wanae tsipae icha jopa jitha paenaemtsipae icha be xan ichin xua jopa jitha taecaewa. <sup>9</sup> Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

<sup>10</sup> Ichitha pomonae xua bayatha jitha painya neenaewi pam barapomonae pam paca itorobatsi. Jopa apara taitorobicoyeneya paca tsipaebichi. Jame apara Nacom taneitorobixae xua po coyeneya tapaca catsipaebinexatsi. Paca jeichi: “Yabũyo jopa bewa cuenta warapaena pia pebin xua pexubinexa”, paca jeichi. <sup>11</sup> Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

<sup>12</sup> Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume cowantsiwayo bapon jopa bewa punaxubi tsane bapowa icha bapowa ichichipa xua bapon pebarũ poponaewatsi. <sup>13</sup> Barichi icha yabũyo powa jume cowanta xeina pebin pon jopa pejume cowantsin bapowa jopa bewa punaxubi tsane icha bapon ichichipa xua bapowa pebarũ poponaewatsi. <sup>14</sup> Po pebin bequein jopa jume

cowantsiyo, Nacom tsitatsi xua po coyene barapon pena-coyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowantsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi juntu coyene xanepanena. <sup>15</sup> Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Bapoxonae bapowa bara copata xua pepunaxubiwatsi pia pebin. Barichi ichacuitha yabuyo powa jopa pejume cowantsiwayo ichichipa punaxuba pia pebin pon pejume cowantsin. Bapoxonae bapon bu bara copata xua pepunaxubiwatsi pia petsiriwa. Nacom copata barapomonae jopa pejume cowantsiwixaetsi xua piseuriwi pepunapentsiwa tsipei ichichipa xua jantemiya wanabarun jinompaewa tsane saya. <sup>16</sup> Yabuyom icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

<sup>17</sup> Daxita paxam bewa xanepanaya pajinompaename icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxeiname ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowantsiwichi. <sup>18</sup> Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bu saya barabu tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi bu saya barabu tsane baxua xua jopa pewi thabinexatsi. <sup>19</sup> Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwu bewa exanaena, jame maisa bewa jiwu jume cowantsiya exanaena pocotsiwa Nacom itoroba. <sup>20</sup> Daxita paxam bewa jupa paexana dubenanae-biyaename icha copiya paichim xua paexana dubenanae-biyame poxonae copiya aena Nacom paca waba. <sup>21</sup> Poxonae Nacom waba pon paxam jiwana pam xua poxonaeru bapox-

onae amanaya tanacuitta pia pentacaponaein, bapon jopa bewa yabara nantu exabi baxuan xua pia saya poponaetsi. Ichitha icha bapon itacupatsi xua saya pepoponaewa bu moya saya popona xua jopa penantawenonaenexa tsane xua amanaya petanacuichiwa ichun. <sup>22</sup> Barichi ichacuitha pon bayatha exanatsi xua amanaya petanacuichinexa ichun bapon jume cowanta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichun bapon jume cowanta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba. <sup>23</sup> Nacom pin matomatha pacata matomata poxonae Jesús naetotha paca tsitupa abe painya neexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa. <sup>24</sup> Tamonae pam daxota paca itorobatsi xua painya nejume cowanta dubenanaebiyenexa Nacom, icha paichim xua pajume cowanta dubenanaebiyame poxonae copiya Nacom aena paca waba.

<sup>25</sup> Jopa xeinaein yo po jumetha xua tacueicueijejiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itacupa xua pata tana nejume cowantsiwam tsipei Nacom necata barapo peyaputae coyenewa tana neantobexae. <sup>26</sup> Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wanapa-peichiwatsi. <sup>27</sup> Icha jitha paename painya xoba pana napunapentame. Barichi icha pajeinya ename painya xoba pasi cui weiweiname. <sup>28</sup> Icha jitha paename jopa apara bara abe paexanaem. Iru icha yabuyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

<sup>29</sup> Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: “Waxainchi pin dapae jopa xeinae tsainchi po mataqueitha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae



xua jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi. <sup>30</sup> Daxita jiwi bewa eenaetsi xua Nacom petanacuita dubenanaebiyaewatsi. Daxota pomonae anthathatane xua pewecoyeixaе b<sub>u</sub> barapomonae jinompa icha ichi xua jinompa pomonae jopa anthathataneyo xua jopa pewecoyeixaе xua daunweya penacuichixaе Nacom nexa. Barichi pomonae xua bichocono j<sub>u</sub>nt<sub>u</sub> coyene weiweina b<sub>u</sub> barapomonae jinompa icha ichi xua jinompa pomonae jopa j<sub>u</sub>nt<sub>u</sub> coyene weiweinaeyo xua daunweya penacuichixaе Nacom nexa. Barichi pomonae xua pecomoca dubenanaebiyaewi b<sub>u</sub> barapomonae jinompa icha ichi xua jinompa pomonae jopa pecomoca dubenanaebiyaewi xua daunweya penacuichixaе Nacom nexa. <sup>31</sup> Poxonae cataunxuae pajinompame barapo cae pin nacuathe jopa paichichipa dubenanaebiyaеinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

<sup>32</sup> Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca j<sub>u</sub>nt<sub>u</sub> deideijeі exana. Po pebin jeinya eca itacypatsi xua penaj<sub>u</sub>nt<sub>u</sub> coyene eena exanaewa xua petaexanaewatsi Nacom pon jiwi Pecanamataxeinaein. Barapo coyene Nacom j<sub>u</sub>nt<sub>u</sub> coyene weiweina exanatsi. <sup>33</sup> Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara bar<sub>u</sub> j<sub>u</sub>nt<sub>u</sub> coyene weiweinaenexa. <sup>34</sup> Barapon barapo naxobe coyenewabe muxuna yawa nanta xeina. Barichi yab<sub>u</sub>xi powaxi jeinya ena ir<sub>u</sub>u powaxi jitha ena barompaya tsanaya piawan yabara nanta xeina. Powa xua barana jopa jitha ecae bapowa itacypatsi xua penaj<sub>u</sub>nt<sub>u</sub> coyene eena exanaewa xua petaexanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom rej<sub>u</sub>nt<sub>u</sub> coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara j<sub>u</sub>nt<sub>u</sub> coyene weiweinaenexa.

<sup>35</sup> Baxua paca tsipaebatsi tsipei ichichipan xua tapaca cayawenaewatsi. Apra jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaebiyaenexa Nacom daxita painya j<sub>u</sub>nt<sub>u</sub> coyeneintha.

<sup>36</sup> Pebin ir<sub>u</sub> yab<sub>u</sub>yo nanta xeinabe xua penapichinexa

tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe. <sup>37</sup> Ichitha icha pebin itacupatsi xua jopa nantawenon-aeoyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana. <sup>38</sup> Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

<sup>39</sup> Petsiriwa powa jitha eca powa pejume cowantsiwa bewa piseuri cuicuinaena poxonae cataunxuae jopa tatupaetsi piseuri. Icha pia pebin tatupatsi barapowa itacupatsi xua pichina icha pebin pon saya pejume cowantsin. <sup>40</sup> Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Bapoxonae bapowa bichocono juntu coyene weiweinaetsipa beyacaincha poxonae pita icha pebin. Baxua nanta xeinan xua saya tananta xeinaewa. Matautano iruru barichin jume cowantan xua Nacom pia Pejumope tunaxu tatsi tana nebaru poponaewa. Daxota neitacupa xua yabara tapaebiwa barapo coyenein.

## 8

*Meje xua Pablo peyabara paebiwa pexaewa po pexaewajiji tajeba ibo nacomun*

<sup>1</sup> Anoxuae ichichipan xua pexaewa yabara tapacata tinaewatsi po pexaewa jiji tajeba ibo nacomun poxonae jiji wuna jainteiba ibo nacomun. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabaru jinompawatsi. <sup>2</sup> Pon xua nanta xeina xua pinae yaputane bichocono bapon apara taacoibichi pocotsiwa xua bapon bewa yaputaena. <sup>3</sup> Icha ichun Nacom antobetsi bara Nacom juntu coyene yaputane bapontha.

<sup>4</sup> Daxota equeicha pexaewa yabara paca tsipaebatsi, po pexaewa jiji tajeba ibo nacomun. Barapo pexaewa xuya ichamonae xane cotacaya. Waxainchi yaputainchi xua ibo nacomun jopa xaniwaicha xeinaeyo peayapusawa xua apara saya jiji pecobetha forota. Jame nama yaputainchi pepa Nacom, pon compa. <sup>5</sup> Jiji jume cowanta xua pinae pinmonae jinompa, pomonae nacomun, itabocotha, barapo cae pin nacuatheno. Barichino xua pinae pentacaponae jiji jinompa

itabocotha barapo cae pin nacuatheno. <sup>6</sup> Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajantꞑcoyenesꞑwa, po peajantꞑcoyenesꞑwa xua bapon naca cata.

<sup>7</sup> Ichamonae pomonae pejume cowantsiwi Nacom, jopa yabara yaputaeyo xua ibo nacomꞑn. Barapomonae awiya nanta xeina xua ibo nacom peayapusꞑwa xeina bequein anoxuae barapomonae jume cowanta Nacom. Barapomonae bayatha pia cui xeina xua pexaewa tajebeiba ibo nacomꞑn poxonae wꞑnae jainteiba barapo ibo nacomꞑn. Barapomonae abetha nanta xeina jeye: “Icha xaetsipan pewi po pewi ichamonae tajebe ibo nacomꞑn metha neajantꞑcoyenebe cana exanaetsipa poxoru barapo pewi ibo nacomꞑn piawa”, jei xua abetha nanta xeina. Bequein barapomonae jume cowanta Nacom ichitha jopa yaputaeyo xua ibo nacomꞑn pia pexaewa jopa itacꞑpaetsi xua ajantꞑcoyenebe cana exanatsi barapomonae icha jiwana xaetsipa barapo ibo nacomꞑn pia pexaewa. <sup>8</sup> Pexaewa jopa naca yawenaeyo xua wanajantꞑ coyene xanepana exanaewatsi xua daxota Nacom wanaca weyataewa tsane. Icha waxainchi nabꞑnatsi pexaewa jopa naca yawenaeyo xua Nacom tsita jantꞑ coyene xanepanatsi beyacaincha xua poxonae jopa nabanaetsi. Barichi icha najainbotatsi baxua jopa naca yawenaeyo xua Nacom tsita jantꞑ coyene xanepanatsi beyacaincha xua poxonae nabꞑnatsi. <sup>9</sup> Paca itacꞑpa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajebe ibo nacomꞑn, baxua jopa paca tsita abeyo. Ichitha poxonae paexaname baxua pomonae ainya unthꞑton pexeinaewi, aena pejume cowantsiwixae, barapomonae tsita ayapubetsi. Icha barapomonae xaena barapo pexaewa painya neexanaewaxae bequein barapomonae tsitatsi xua abe peexanaewi poxonae xane barapo ibo nacomꞑn pia pexaewa tatsi. Daxota painya xoba paexaname po coyene painya neichichipaewa. <sup>10</sup> Metha beya paca taetsipa pon pejume cowantsin poxonae panabaname pexaewa po pexaewa jiwi tajebeiba ibo nacomꞑn poxonae wꞑnae jainteiba barapo ibo nacomꞑn. Irꞑꞑ metha beya tsipae bapon naxaetsipa barapo pexaewa poxonae bapon paca jain tane. Paxam pomonae painya neyabara yaputaewi pam

barapo pexaewa. Payaputaneme xua barapo pexaewa apara jopa itac̣paetsi xua jiwi ajanṭcoyenebe cana exanatsi. Ichitha pomonae ainya untḥton pexeinaewi aena pejume cowantsiwixae jopa yaputaeyo baxua yabara icha paxam paichim. Barapomonae awiya nanta xeina jeye: “Icha barapo pexaewa xaein neajanṭcoyenebe exanaena”, jei. <sup>11</sup> Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya untḥton xeina, pon abetha nanta xeina, jeye: “Icha barapo pexaewa xaein neajanṭcoyenebe exanaena”, jei. Daxota bapon payabara nanta xeinare xua apara iṛ Cristo tsiṭpa bapon icha ichi xua paca tsiṭpa. <sup>12</sup> Pacata jopa abeyo xua poxonae paxaneme barapo pexaewa. Jame apara abe paexaname poxonae iṛx̣ xane barapo pexaewa pomonae ainya untḥton xeina. Poxonae abe paexaname barapomonaetha apara bara iṛ abe paexaname Cristotha, tsipei apara barapomonae pomonae iṛ pejume cowantsiwixae Cristo. <sup>13</sup> Metha beya xaetsipan pewito pocotsi wito xua icḥn, pon iṛ pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacoṃn. Poxonae bapon nejain tane, bapon iṛ xane, najanṭcoyene taxoba. Baroxonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

## 9

*Meje po coyenein yabara pomonae Jesús pia peitorobi jiwi tatsi itac̣patsi xua peexanaewa*

<sup>1</sup> Tajanṭcoyene jopa netsipaebiyo xua abe taexanaewa icha xaein barapo pexaewa xua jiwi tajeba ibo nacoṃn. Icḥn jopa itac̣paetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowantame Jesús daunweya tatanacuichixae pon jiwi Pecanamataxeinaein. <sup>2</sup> Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowantsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

<sup>3</sup> Baraxua jume notan pomonaetha pomonae yabara neyainyaba xua pinae icha bara metha yatsicaewa pon Jesús tana neitorobin. <sup>4</sup> Barapomonaetha janje: Bernabé iṛ

xan bara pana neitacupabe xua pata wecobe notebiwabe pocotsiwa xua jiwi pata necatsibiwabe pexaewa. Matautano pana neitacupabe xua pata wecobe notebiwabe pocotsiwa paapan xua poxonae patanacuita ducuaenaebiyambe Jesús.

<sup>5</sup> Matautano icha jitha ecaetsipan bara neitacupaetsipa xua tabaru ponaewa taseuri icha Jesús pia peitorobi jiwi tatsi ichi xua itacupatsi xua peexanaewa baraxua xua piseuriwi baru warapa. Iruru barichi Jesucristo pon jiwi Pecanamataxeinaein pia peweicho jiwi tatsi baxua exana. Iru Pedro exana baxua xua piseuri baru pona.

<sup>6</sup> Poxonae ichamonae paca tsipaeba Nacom Pejume Diwesi, payawenname barapomona pocotsiwa penantawenonaewa. Paxanbe Bernabé iru xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo.

<sup>7</sup> Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itacupatsi xua yawa uva cuei xaexaepona. Barichiru pon ba vaca yapu eena bapon ba itacupatsi mipi yuyucapona vaca xua peapaponaenexa.

<sup>8</sup> Saya jopa meisa jiwi yabara nanta xeinaeyo baxua xua pon tanacuita itacupatsi yawa xane. Aparu iru Moisés pia peitorobi coyenewatha baxua yabara paebaru.

<sup>9</sup> Moisés tina po diwesi pia peitorobi coyenewathaxae, xua jeye: “Poxonae po duwein pon pewun buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apara poxoru peyabara nanta xeinaexae jiwi.

<sup>10</sup> Nacom pana necayabara juta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua uba pabitha, iruru pon xuya nota poxonae naweta, baponbe xeinaenabe pexaewa xua penawetsiwa.

<sup>11</sup> Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa.

<sup>12</sup> Paxam pacatsibame pocotsiwa xua nantawenona ichamonae pomona Nacom Pejume Diwesi paca cuiduba, ichitha paxan paca yawenatsi beyacaincha xua barapomona paca yawena. Daxota bewa pana

necatsibeibim icha paca w<sub>h</sub>queibichipatsi beyacaincha xua pacatsibeibame ichamonaē.

Ichitha baxua jopa paexanaeinyo xua pata caw<sub>h</sub>caewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompeibiwanexa bequein jopa paca w<sub>h</sub>queibichi. Jopa paca w<sub>h</sub>caetsi tsipei jopa paichipaeinyo xua jopa painya nejume cow<sub>h</sub>ntsiwa Cristo pia pexeinya jume diwesi. Jopa paca w<sub>h</sub>caetsi poxorū metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi. <sup>13</sup> Paxam payaputaneme xua pomonaē ba nacuita Nacom pin pia botha barapomonaē ba apat<sub>h</sub>tsi pexaewa Nacom pin pia botha. Barichir<sub>h</sub> pomonaē ba nacuita ichaxota iboto uncua po ibototha duwein bexuba xua tauta xua petuxusi exanaenexa Nacom nexa barapomonaē ba itac<sub>h</sub>apatsi xua xuya penabanaewa barapo duwein xua saya jiwana xane. <sup>14</sup> Barichi Nacom pon jiwī Pecanamataxeinaein jeye: “Pomonaē inta nacuita xua paeba dubenanaebiya tacapanenebiyae diwesi jume, barapomonaē apatatsi pexaewa xua poxonaē ichamonaē apateiba be pematomaqueibiwatsi tsipei barapomonaē cueicueijei tsurubenanaebiya tajume diwesi”, jei Nacom. <sup>15</sup> Ichitha jopa bapana w<sub>h</sub>caeinyo jiwī xua tana apatsinexa pexaewa xua be tanamatomatsiwa. Pacata tinatsi xua jopa tapaca w<sub>h</sub>caewatsi. Ichichipan xua tat<sub>h</sub>paewa tsane pew<sub>h</sub>naeya xua poxonaē tapaca w<sub>h</sub>caewatsi tsainchi. Bichocono j<sub>h</sub>nt<sub>h</sub> coyene weiweinan poxonaē tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

<sup>16</sup> Jopa neitac<sub>h</sub>paeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijeiiwa tsane barapo diwesi. ¡Ichitha xan tsocuaein tsipae icha jopa cueicueijan tsipae barapo diwesi! <sup>17</sup> Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexeinya diwesi nexata ewatsipan xua jiwī tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cow<sub>h</sub>ntaponan be pocotsi coyeneya Nacom neitorobapona. <sup>18</sup> Daxota xua be tanematomatsiwa apara xua poxonaē j<sub>h</sub>nt<sub>h</sub> coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, mata<sub>h</sub>tano metha poxonaē bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsi-

wam. Jopa paca wucaetsi bequein bara neitacupa xua tapaca wucaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

<sup>19</sup> Bequein jopa bewa amanaya tanacuichin tsane ichun, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowantsinexa Cristo. <sup>20</sup> Poxonae poponan judiomonae pia xantha tatsi, exana ducuanabiyen icha be barapo judiomonae ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonae pejume cowantsinexa Cristo Jesús. <sup>21</sup> Poxonae poponan pexantha tatsi pomonae jopa exanaeyo pocotsiwa Moisés pia peitorobi coyenewatha itoroba, bapoxonae popona ducuanabiyen icha barapomonae ichi xua jinompa dubenanaebiya. Bapoxonae jopa exanaeinoye pocotsiwa Moisés pia peitorobi coyenewatha itoroba, xua barapomonae tayawenaenexa, xua pejume cowantsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba. <sup>22</sup> Poxonae poponan pexantha tatsi pomonae juntu coyene faefaena Nacomtha xua pejume cowantsiwa xua aena pejume cowantsixae bapoxonae exana ducuanabiyen icha barapomonae ichi xua exana dubenanaebiya tayawenaenexa xua equeicha bichocono mataropeicha pejume cowantsiwanexa Jesucristo. Daxita carepaya jiwitha peitutha poponeiban, poxonae be pocotsi coyeneya jinompeiba barapo jiwi tayawenaenexa xua equeicha bichocono mataropeicha pejume cowanteibinexa Jesucristo. <sup>23</sup> Daxita baxuan exana ducuanabeiban tacueicueije tsaibinexa Nacom pia pecapanenebiyae diwesi jume, matautano tsipei ichichipan xua juntu coyene weiweinaewa tsane poxonae barapomonae jume cowantsina Jesucristo.

<sup>24</sup> Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi jata coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan. <sup>25</sup> Pomonae ba xua nacui wunaeta xua penaxenacaenexa ichawa jopa exanaeyo pocotsiwa taayapubetsi poxonae

pecuinaeponaenexa. Barapomonaē ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapusu xua jopa weraweracaeyo. <sup>26</sup> Daunweya exanaponeiban Nacom pia petanacuichiwa tatsi be poxonaē xua bichoina cuinaeponan xua tatoxeincha patopaewa. Jopa exanaeinyo icha ichi xua pon naitacueinchiya jiraba. <sup>27</sup> Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cowantsiwa xua peexanaewa pocotsiwa itoroban. Antayapusuya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

## 10

*Meje xua Pablo muxuweta pomonaē wɨnaē jainta ibo nacomɨn*

<sup>1</sup> Tamonaē pam, paxam pomonaē irɨ painya nejume cowantsiwixae Jesucristo. Ichichipan xua painya neyaputaewa tsane po coyene xua poxonaē wamo susato jiwitha pecana exanaewatsi. Barapomonaē Egipto nacua weya pona. Barapoxonaē tsaquinaebowa matatsun dubenapoinchi. Barapo tsaquinaebowa barapomonaē matacapoinchi xua ichaxota ichichipa peponaewa barapomonaē. Daxita barapomonaē icha muxunene beera ɨncababiya po pin pucua rewɨn Mar Rojo wɨn pucua. Barapo pin bicheito epataɨta iyapona xua poxonaē Nacom tsewa taexaniya xua be namto taexaniya. <sup>2</sup> Barapomonaē tsaquinaebowa be caemonaē matatsun dubenapoinchi. Mataɨta barapomonaē be caemonaē Mar Rojo wɨn pucua epataɨta iya pona. Barapoxonaē be caemonaē naexana Moiestha xua Moisés pematacapanaenexa barapomonaē. Barapomonaē barapocotsi jɨta coyeneya exana icha be poxonaē jiton ichi xua poxonaē bautisabatsi mentha caemonaē penaexanaenexa Cristotha, xua Cristo pecanamataxeinaenexa bapontha. <sup>3</sup> Daxita barapomonaē xane po pexaewa Nacom taitorobica itaboco wet-sica. <sup>4</sup> Yawano barapomonaē apa po mera xua Cristo itoroba ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonaē yanta xua barapomonaē yantatsi. <sup>5</sup> Daichitha pin bicheitomonae xua barapomonaē jiwana jopa exanaeyo pocotsiwa



Nacom ichichipa. Daxota Nacom copata xua barapomonaē bara pejiwana werapaponaewa tsane barapo ira xuepana susato tsurucuae nacuatha.

<sup>6</sup> Baxua exana xua nacata yabara canaṁta jṁtsiya exana. Jopa bewa waichichipaewa tsainchi pocotsiwa jopa nacata wṁnaeyo xua icha barapomonaē ichi poxonaē pia coutha abe nata exana. <sup>7</sup> Daxota jopa bewa wṁnae pajainchim ibo nacomṁn icha be barapomonaē jiwana ichi. Barapomonaē wṁnae jainta ibo nacomṁn. Nacom Pejume Diwesitha barapomonaē yabara jeichi: “Barapomonaē ena xua pexaenexa yawa xua peapaenexa. Bapoxonaē yatsicaewa barapomonaē nawiraba ibo nacom tsita nawirabatsi”, jei Nacom Pejume Diwesitha. <sup>8</sup> Waxainchi jopa bewa exanaetsi xua nasi cui weiweina exanatsi icha be barapomonaē jiwana ichi. Barapomonaē jiwana nasi cui exana yabṁxitha xua jopa piseurixi. Daxota caentaqueitha veintitrés mil pebiwi werapa abe pe-xanaexae. <sup>9</sup> Mataṁtano jopa bewa najṁntṁ coyene jṁjṁta exanaetsi Nacomtha xua wanaca barṁ anaepanaenexa, icha barapomonaē jiwana ichi. Barapomonaē najṁntṁ coyene jṁjṁta exana Nacomtha. Daxota Nacom copata xua barapomonaē werapa poxonaē jomon sinebatsi barapomonaē. <sup>10</sup> Jopa bewa Nacom anaepanaya barṁ paebichi, icha be barapomonaē jiwana ichi. Barapomonaē Nacom anaepanaya barṁ paebatsi, daxota Nacom copata xua barapomonaē weraweraca poxonaē matatsunpin juteba po matatsunpin jiwi pejutebin.

<sup>11</sup> Nacom exana daxita baxuan barapomonaetha, xua wanaca muxuweta exanaenexa xua jopa waraichiwanexa icha barapomonaē ichi. Moisés yabara tina barapomonaē xua yaputane wanaca exanaewa xua bara nama imoxoyo barapo nacue weraweracaena. <sup>12</sup> Daxota tsipaeban pon paxam jiwana pam pon xua nayabara nanta xeina xua pinae bichocono pejume cowṁntsixae peajṁntṁcoyenesṁwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonaē metha abe exanaetsipame”, jan. <sup>13</sup> Jopa meisa paxam caurimonaē pia pentacaponaein tatsi paca jṁntṁ coyene jṁjṁtsiyo. Barapara irṁ ichamonaē pomonaē pejume cowṁntsiwi barichichi jṁntṁ coyene jṁjṁtatsi abe peexanaenexa. Paxam paca itacṁpa xua pajṁntṁ coyene amanayabame barapo caurimonaē pia pentacaponaein tatsi. Baraxua paexaname icha barapomonaē ichi xua jṁntṁ coyene amanayaba barapo caurimonaē pia pentacaponaeintha tatsi. Daichitha paca itacṁpa xua payabara jume cowṁntame Nacom xua bara bapon paca yawenaena. Nacom jopa copatsiyo xua caurimonaē pia

pentacaponaein tatsi bichocono paca jũntũ coyene jũjũtsina xua pocotsiwa bichocono pacata ayapube xua daxota abe painya neexanaewa tsane. Ichitha poxonae caurimonae pia pentacaponaein tatsi paca jũntũ coyene jũjũta, Nacom paca yawenaena xua painya nerũcũpaewa bapon weya xua daxota jopa abe painya neexanaenexa.

<sup>14</sup> Tamonae pam paxam pomonae irũ painya nejume cowũntsiwixae Jesucristo. Paxam pomonae tapaca caantobe jiwichi pam. Painya xoba wũnae pajaintame ibo nacomũn. <sup>15</sup> Paca tsipaebatsi paxam pomonae painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban. <sup>16</sup> Waxainchi nacaetutatsi wayabara jũntanainaenexa xua Cristo wanaca tsitũpaewa naetotha. Bapoxonae apatsi vino mera yawa xainchi pan. Barapo vino mera Cristo pia pejana tatsi yabara caunutatsi. Mataũtano barapo pan Cristo pia pepon tatsi yabara caunutatsi. Poxonae apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: "Maisa Nacom painta pexeinya coyene exaname", jeichichi. Bapoxonae be caemonae naexainchi Cristotha waapaexae barapo vino mera. Barichi poxonae pan janacatsi be caemonae naexainchi Cristotha waxaexae barapo pan. <sup>17</sup> Bequein waxainchi pinmonaetsi xua cae pan nabarũ xainchi, ichitha waxainchi be caemonaetsi bapon Cristotha tsipei bara cae pan nabarũ xainchi.

<sup>18</sup> Payabara nanta xeinare xua judiomonae pomonae Israel nacuamonaepiwi. Barapomonae judiomonae xane po duwein ichamonae tauta xua petuxusi exanaewa Nacom nexa. Bapoxonae barapomonae be caemonae naexana Nacomtha. <sup>19</sup> Jopa apara paca tsipaebichi xua ibo nacom xeina peajũntũyapusũwa. Mataũtano jopa paca tsipaebichi xua po wi jiwi tajeba ibo nacomũn ainya cui barapo wi beyacaincha xua icha pewi. <sup>20</sup> Paca tsipaebatsi xua jiwi tajeba pewi ibo nacomũn pomonae jopa yaputaeyo Nacom. Barapomonae tajeba barapo pewi caurimonae. Jopa apara tajebiyõ Nacom. Jopa ichichipaeinyõ xua caemonae pana naexaname caurimonae pijimonaetha. Metha baraxua paexanaetsipame poxonae panabarũ xaneme pomonae nacaetuta pexaenexa po wi jiwi tajeba ibo nacomũn. <sup>21</sup> Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacũpaeyõ xua panabaname yawa xua paapameno ichaxota exanõmpa cauri pia cui coyene pomonae jopa pejume cowũntsiwi.

<sup>22</sup> Icha waxainchi wũnae jaintatsi caurimonae poxonae

xainchi po pewi jiwi tajeba ibo nacom bapoxonae waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayapuswa xua bichocono daunwei xua beyacaincha Nacom.

*Meje xua Pablo yabara paeba xua bewa jiwi yabara nanta xeinae pewi poxonae xane*

<sup>23</sup> Baraxua bequein xainyei poxonae jiton jeye: “Neitacupa xua taexanaewa pocotsiwa ichichipan”, jei bapon. Daichitha jopa daxita nacata wunaeyo xua pocotsiwa exanatsi. Bequein waxainchi naca itacupa xua waexana dubenanaebiyawa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowanta dubenanaebiyawa Jesús. <sup>24</sup> Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara iru ichamonae painya neyawenaenexaru.

<sup>25</sup> Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonae painya juntu coyene jopa paca tsipaebiyo xua apara abe paexaname. <sup>26</sup> Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha. <sup>27</sup> Poxonae jiton pon jopa pejume cowantsin Jesús, paca tsiwaba pexaewa xua pia paca baru xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae painya juntu coyene jopa paca tsipaebiyo xua apara abe paexaname. <sup>28</sup> Ichacuitha metha ichun paca tsipaebichipa, xua jeye: “Apara barapo pewi jiwi tajeba ibo nacom poxonae wuna jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowantsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitatha paexanaem tsane bapoxonae bapon juntu coyene xanepanaya poponaena Nacomtha. <sup>29</sup> Yabara paca tsipaebatsi po coyene xua ichun yabara nanta xeina barapo pewi pejuntu coyenewatha. Jopa apara yabara

paca tsipaebichi po coyene paxam xua payabara nanta xeiname barapo pewi painya juntu coyenewatha.

Ichitha metha ichan neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichan yabara nanta xeina barapo pewi?” jei tsipae. <sup>30</sup> Equeicha metha bapon jei tsipae: “Poxonae pexaewa naban Nacomtha tsipaeban barapo pexaewa nexa, janje: Nacom, maisa juntu coyene weiweinan xua barapo pexaewa tanecatsiwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae. <sup>31</sup> Yabara paca tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wanae jainteibina Nacom. <sup>32</sup> Jopa paexanaeinde pocotsiwa xua abe paexaname xua pocotsiwa daxota ichamonae jupa exanaena. Baraxua jopa paexanaeinde judiomonaetha, iru pomonaetha pomonae jopa judiomonae naexanaeyo, iru pomonaetha pomonae Nacom pejume cowantsiwichi jiwanamonae. <sup>33</sup> Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia pexanae cuiru coyenein weya.

## 11

<sup>1</sup> Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

*Meje xua Pablo yabuxi yabara paeba powaxi poxonae ena penacaetutsi botha xua poxonae wanae jainta Nacom*

<sup>2</sup> Tamonae pam paca weyatainchi tsipei paneyabara nanta xeinaponame xua daxita coyeneyatha. Paxam paexana dubenanaebiyame pocotsiwa xua paca cuidubatsi. <sup>3</sup> Ichitha ichichipan xua painya neyaputaewa xua Cristo canamataxeina daxita pebiwitha. Barichiru daxita pebiwi barompaya piseuriwi canamataxeina. Barichi Nacom Cristo canamataxeinatsi. <sup>4</sup> Icha pebin nantasipa acata poxonae Nacomtha tsipaeba xuano poxonae cueicueijejei Nacom Pejume Diwesi, barapon Cristo jopa baru cui itura jinaetsi. Saya pia coutha ainya cui nacana exana. <sup>5</sup> Jame icha yabuyo jopa nantasipa acatsiyo xua poxonae cueicueijejei Nacom Pejume Diwesi, xuano poxonae Nacomtha tsipaeba, bapowa pia pebin jopa

baru cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jupa icha be poxonae ichi xua daxita matana sibatsi abe peexanaexae. <sup>6</sup> Icha jopa yabuyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina. <sup>7</sup> Poxonae Nacom exana pebin barapo pebin Nacom cui jupatsi. Daxota barapo pebiwi xeinaru barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijeji xua daxota pebaru cui itura jinaenexa xua Nacom pebaru cui itura jinaenexatsi. Ichitha yabuyo bewa baru cui itura jinae pia pebin, tsipei pia pebin canamataxeinatsi. <sup>8</sup> Poxonae Nacom forota jopa Nacom exanaeyo pebin yabuyo weya. Saya jame Nacom exana yabuyo pebin pexainya weya tatsi. <sup>9</sup> Nacom jopa forotsiyo xua pebin yabuyo tsiexanatsi. Jame Nacom forota xua yabuyo pebin tsiexanatsi. <sup>10</sup> Daxota yabuyo bewa nanta acatsina penacaetutsi botha. Bapoxonae bapowa tsita itapeinya xeina matatsunpiwimonaetha xua bapowa baru cui itura jinae pia pebin pecanamataxeinaexaetsi. <sup>11</sup> Daichitha pomonae Nacom pejume cowantsiwixae, pebin nantawenona yabuyo, iru yabuyo nantawenona pebin. <sup>12</sup> Bequein Nacom exana yabuyo pebin peyene weya tatsi, ichitha pebiwi ba nowaeumenarona yabuxi weya. Barapo naxobe coyenewabe Nacom forota, pebin yawa yabuyo.

<sup>13</sup> Pananta xeinare xua icha bara xaniwaicha xua yabuyo jopa nanta acatsiyo poxonae Nacomtha tsipaeba penacaetutsi botha xua poxonae wuna pejainchinexa Nacom. <sup>14</sup> Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana. <sup>15</sup> Barichiru wacui coyenewa ba naca yaputane exana xua yabuxi wuna exana poxonae nantana copaba xua antanapipiya. Bapoxonae yabuyo pia pentanantha nantasipa acata. <sup>16</sup> Pon ichichipa xua yabara pana nejume matsontsonoba baxuan, pajanje bapontha: "Barapo coyene pacuiduban. Matauta daxita penacaetutsi bonmonae jiwu pomonae Nacom pejume cowantsiwi peburuya pana nabaru jupaya nanta xeinan tsipei icha coyene jopa payaputaeyo", pajan.

*Meje xua Pablo yabara paeba xua abe exana pomonae pejume cowantsiwi Nacom poxonae nainya xane po penabanaewa cayabara nanta xeina xua Jesús pia petsitupaewa jiwu*

<sup>17</sup> Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi

xua beta painya neexanaewa. Bequein pana nabaꝛu nacaetutame ichitha painya jũntu coyene jopa paca cana exanaeyo xua paayapusu tsoponaem. Maisa apara abe paexaname. <sup>18</sup> Copiya matha paca tsipaebatsi janje: “Ichũn netsipaeba xua pinae poxonae pana nabaꝛu nacaetutame, wũnae painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba. <sup>19</sup> ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petaenexatsi pomonae jopa iru najume matsontsonobiyo pomonae xua beta peexanaewi! <sup>20</sup> Bequein pana nabaꝛu nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitũpa, daichitha saya paxaneme. Apara jopa pacayabara nanta xeinaem barapo coyene. <sup>21</sup> Daxita paxam carepaya barompaya pia pexaewa nainya xane. Jopa pawũnae ewateibim ichamonae xua painya nenabaꝛu xaenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacũpa exana peatsaxa meran xua apa poxonae muxuna xane pexaewa. <sup>22</sup> Apara paxeiname painya bon ichaxota paca itacũpa xua pana napena jubame. Baraxua be paaichaxaibim pomonae Nacom pejume cowantsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacũpaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacũpaeyo xua tapaca yabara paebiwatsi.

*Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús*

*(Mt 26.26-29; Mr 14.22-25; Lc 22.14-20)*

<sup>23</sup> Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha. <sup>24</sup> Poxonae najume weta xua paxa tsipaeba xua jei: “Axa maisa jũntu coyene weiweinan xua tanecat-siwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya

tanejume cowantsiwaxaem tsane. Poxonae baxua paexaneibame xua paxaibame panecayabara jñntanaineibare painya jñntu coyenewatha”, jei Jesús xua pijimonae tsipaeba. <sup>25</sup> Barichiya exana poxonae najain weta. Bapoxonae corotiyopita pecobetha yawa jeye: “Pena petsiwanae muxu dutsi coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tupaein. Barapo jana tsita itapeinya xeinaena xua jiwi pinmonae yabara jñntemainaein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara jñntanaineibare painya jñntu coyenewatha xua tapaca catsitupaewaxaetsi”, jei Jesús, xua pijimonae tsipaeba. <sup>26</sup> Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara jñntanainame xua painya nepaca tsitupaewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

*Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús*

<sup>27</sup> Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa jñntu coyene xanepanaeyo Nacomtha, apara abe exana Cristotha. Bapoxonae bapon Nacom tsita xeinatsi xua penatsicuenta xua abe peexanaexae Cristo pepontha tatsi xuano xua pia pejanathano tatsi tsipei bapon jopa baru cui itura jinaeyo barapo coyene. <sup>28</sup> Daxota daxita jiwi bewa barompaya matha pewanaeya najñntu coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha. <sup>29</sup> Pon xane barapo pan xuano xua apa barapo uva mera xua tsijunta eca corotiyotha xua Jesucristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa. <sup>30</sup> Daxota pinmonae pajiwana atenem xuano jopa xeinaeyo peajñntuyaruswa. Daxota ichamonae bayatha pajiwana werapame. <sup>31</sup> Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa najñntu coyene cayabara nanta xeinaetsi, xua icha metha bara wanae waexanaewa. Bapoxonae xain Nacom jopa naca atene exanaeyo xua wanat-

sicuentiwaxae xua abe waexanaexae. <sup>32</sup> Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowantsiwi”, xua jopa pewanaca yabara jeinexa.

<sup>33</sup> Daxota tamonae pam poxonae pana nacaetutame xua painya nabaru xaenexa po pexaewa xua poxonae Jesucristo cayabara nanta xeinatsi, matha abu ichamonae paewateibare. <sup>34</sup> Icha ichun jainpa bu bapon matha pia botha xane pewnaeya xua poxonae napatopaena penacaetutsi botha xua poxonae wnae jainta Nacom. Bapoxonae itacupatsi xua bapon penaxaewa po pexaewa poxonae Jesucristo cayabara nanta xeinatsi. Bapoxonae Nacom jopa peraxa jubi tsane bapon xua abe peexanaexae poxonae nanacaetuta pomonaetha pomonae Nacom pejume cowantsiwichi. Poxonae paca siwa ponaeinchi xua tapaca taenexa tsainchi, bapoxonae paca cuidubinchi pocotsiwan xua yabara pana neyainyabame.

## 12

*Meje xua pejuntu cui coyenein yabara po pejuntu coyenein Nacom pia Pejumope tñaxu tatsi amanaya cata daxita carepaya pomonaetha pomonae Nacom pejume cowantsiwichi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tñaxu tatsi cata pejuntu cui coyenein daxita barompaya carepaya pomonaetha pomonae Nacom pejume cowantsiwichi.

<sup>2</sup> Paxam payaputaneme xua abe paexaname pewnaeya poxonae pajume cowantame. Pacopatame xua bara ichamonae ichawa beya paca matabapona xua wnae painya nejainchinexa ibo nacomun, po ibo nacomun jopa cueicueijeio. <sup>3</sup> Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tñaxu tatsi pia peayapusu itorobi coyenewa tatsi. Barichi dapocotsin aibi pon itacupatsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope tñaxu tatsi pia peayapusu itorobi coyenewa tatsi.

<sup>4</sup> Jiwi itacupatsi xua daxita carepaya barompaya pexeinaewa ainya juntu cui coyenein pomonae pejume



cowantsiwixae Nacom. Barapo jantu cui coyenein jopa nacui coyene jupaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tñaxu tatsi. <sup>5</sup> Jiwi pomonae pejume cowantsiwixae Nacom, itacupatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon. <sup>6</sup> Jiwi pomonae Nacom pejume cowantsiwixaetsi itacupatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene jupaeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha. <sup>7</sup> Nacom pia Pejumope tñaxu tatsi tsita itapeinya xeina Nacom pia peayapusu itorobiwa tatsi. Baxua exana poxona Nacom barompaya naca cana exana xua beta waexanaewa wayawenaenexa tsane daxita jiwitha. <sup>8</sup> Ichamonae jiwanatha, Nacom pia Pejumope tñaxu tatsi cata pejantu cui coyenewa xua po coyene barapomonae pejantu coyenetha beta yaputane xua peexanaenexa pocotsiwa pecueicueijiwa ichamonaetha. Barichi ichamonae jiwanatha Nacom pia Pejumope tñaxu tatsi cata pejantu cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonae yabara yaputane pecana exanaenexatsi. <sup>9</sup> Ichamonae jiwanatha Nacom pia Pejumope tñaxu tatsi cata peyabara jume cowantsi coyenewa xua daxota bapomonae nanta xeina xua bara itacupatsi xua peexanaewa daxita coyenein xua Nacom itoroba xua bapomonae peyawenaexaetsi Nacom. Barichi ichamonae jiwanatha Nacom pia Pejumope tñaxu tatsi cata xua po coyenewatha peatenewi axaibi peexanaewatsi. <sup>10</sup> Ichamonae jiwanatha, Nacom pia Pejumope tñaxu tatsi cata po coyenewatha pexeinya petsita itatsi coyene peexanaewa. Ichamonae jiwanatha, Nacom pia Pejumope tñaxu tatsi cata po coyeneya xua pecueicueijiwa Nacom Pejume Diwesi. Ichamonae jiwanatha Nacom pia Pejumope tñaxu tatsi cata po coyeneya beta peyaputaewa xua po coyene poxona Nacom pia Pejumope tñaxu tatsi jiwi cueicueiji exanatsi yawa po coyene poxona jiwi cueicueiji exanatsi caurimonae. Ichamonae jiwanatha Nacom pia Pejumope tñaxu tatsi cata po coyeneya xua ichamonae pecueicueijiwa icha jumeintha, po jumein bequein jopa nacuidubiyo. Ichamonae jiwanatha Nacom pia Pejumope tñaxu tatsi cata po coyeneya xua barapomonae xuya

jume yaputane exana po jumein xua ichamonae paeba po jumein xua ichamonae bequein jopa nacuidubiyo. <sup>11</sup> Daxita barapo jũntũ coyenein exana ducuaenaebiya pon Nacom pia Pejumope tũnaxũ tatsi. Barapo jumope daxita coyenein meisa compa exana, po jumope Nacom pia Pejumope tũnaxũ tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

*Meje yabara xua daxitatsi be caemonaetsi Jesustha*

<sup>12</sup> Pepon bequein caein ichitha nawita xeina xua pia pecueyabiwatsi, petaxube, pesitobeno, pemaχũbeno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi jũta coyeneya ichi, Cristo pinmonae xeina pia pejume cowũntsiwichi bequein bara barapon Jesús caein. <sup>13</sup> Barapocotsi jũta coyeneya ichi, waxainchi seicaya jiwichi. Daichitha daxita waxainchi be caemonaes jiwichi wajume cowũntsixae Jesús. Ichamonae waxainchi jiwanatsi judiomonaetsi. Ichamonaetsi pomonae jopa judiomonaes naexanaeyo. Ichamonaetsi pomonae amanaya tanacuitatsi ichamonae nexa. Ichamonaetsi pomonae saya wajinompaewi xua saya wawan wanata exanae jiwi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope tũnaxũ tatsi wanaca barũ jinompaexae. Nacom daxita waxainchi barompaya carepayatsi naca cata barapo pejumope tũnaxũ, pon bara saya meisa caein.

<sup>14</sup> Pepon jopa xeinaeyo bara caewa xua pecueyatsiwatsi. Apra nawita xeina xuan pecueyabiwatsi. <sup>15</sup> Metha petaxu jei tsipae: “Xan apra jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itacũpatsi xua paeba. <sup>16</sup> Metha pemuxuyoroto jei tsipae: “Xan apra jopa peita-maiqueitũnyo daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itacũpatsi xua paeba. <sup>17</sup> Icha daxita wapepon ƚ peitacuereto tsipae, jopa naca itacũpaeyo xua wajume taewa tsipae. Barichi icha wapepon daxita ƚ pemuxuyoroto tsipae, jopa naca itacũpaeyo xua watuxubiwa tsipae. <sup>18</sup> Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi. <sup>19</sup> Icha daxita baxuan saya ƚ najũpaetsipa, bapoxonae jopa xapain xeinaetsipaetsi pepon. <sup>20</sup> Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

<sup>21</sup> Peitacuereto jopa itacupaetsi xua pejeiwa pecobetha: “Xam jopa cacanamatawenonaetsi”, jopa pejeiwa. Barichi pentasipa jopa itacupaetsi xua pejeiwa petaxubetha: “Paxambe jopa paca canamatawenonaetsibe”, jopa pejeiwa. <sup>22</sup> Po wanaca cueyatsiwa wapepontha xua jopa naca tsita ainya cuiyo, apara bara baxua ainya cui wacanamatawenon-aenexa. <sup>23</sup> Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabarũ itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwi jopa benaca taeyo, naacabatsi paparuwantha wapin uraxae. <sup>24</sup> Po wanaca cueyatsiwa wapepontha pocotsiwa jiwi nacata tane baxuan jopa ainya cuiyo xua waacabinexa paparuwatha xua jopa waauraxaetsi. Nacom nacata exana pepon xua waxainchi beta nayaewatatsi paparuwatha, po wanaca cueyatsiwa wapepontha xua bichocono pecanantawenonaewa baxua. <sup>25</sup> Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonae Nacom pejume cowantsiwichi ichi xua nantiya bewa nayawenae. <sup>26</sup> Icha barapo wanaca cueyabiwan caewa jiwana wepu atene, bara barichi pepon daxita atenerũ. Mataũta icha baxuan caewa jiwana ainya cui cana exanatsi bara daxita nabarũ weiweina ya dubena pepontha.

<sup>27</sup> Paxam Jesucristo piamonae tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo. <sup>28</sup> Nacom itapeta xua pomonae pejume cowantsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiwi tatsi. Bapoxonae irũ itapetatsi pomonae Nacom pia peitorobi jume pepaebiwi. Equeicha bapoxonae irũ itapetatsi pomonae jiwi pecuidubiwi Nacom Pejume Diwesi. Bapoxonae irũ itapetatsi pomonae pexeinya petsita itũtsi coyenewan exana. Bapoxonae irũ itapetatsi pomonae axaibi peexanaewi peatenewi. Irũno bapoxonae itapetatsi pomonae jiwi peyawenaewi. Bapoxonae irũ itapetatsi pomonae peitorobiwi pomonaetha pomonae pejume cowantsiwi. Irũno bapoxonae itapetatsi pomonae cueicueijeji icha jumeintha, po jumein bequein jopa nacuidubiyo. <sup>29-30</sup> Nacom jopa apara daxita piamonae exanaeyo pomonae Jesús pia peitorobi jiwi tatsi. Mataũtano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae

exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyo pomonae exana pexeinya petsita itatsi coyenewan. Matautano jopa apara daxita jiwiyo pomonae axaibi peexanaewi peatenewi. Barichi jopa apara daxita jiwiyo pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyo pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo. <sup>31</sup> Ichitha paxam bewa paichichipaename po juntu cui coyenein xua bichocono wnae po coyenein xua Nacom amanaya cata piamonaetha.

### *Meje xua Pablo yabara paeba peantobe coyenewa*

Ichitha anoxuae yabara paca cuidubinchi icha juntu cui coyenewa po juntu cui coyenewa bichocono toxechiya wnae beyacaincha xua po juntu cui coyenein aunxuae yabara paeban.

## 13

<sup>1</sup> Metha icha bequein neitacupaetsipa xua tacueicueijejwa ainya jumein po jumein ichamonae cueicueijeji, xuano po jumein matatsunpiwi cueicueijeji. Bequein metha neitacupaetsipa daichitha icha jopa ichamonae tsita xeinaeyo peantobe coyenewa, bapoxonae saya apara pin busi jumein exanan poxonae saya cueicueijan. <sup>2</sup> Metha xan Nacom pia peitorobi jume tacueicueijan tsipae, matautano metha yaputaetsipan daxita po coyenein Nacom moya yawan xeina xua bexa Nacom exanaena, matautano metha yaputaetsipan daxita peyaputae coyenewan, matautano metha beta jume cowantsipan xua taneitacupaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jitonyo. <sup>3</sup> Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatapaein tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyanyo.

<sup>4</sup> Jame pon xua peantobe coyenewa xeina daxita jiwi nexa bapon jame juntema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Matautano bapon jame jopa pia coutha penayabara nanta xeinaein

xua peainya cui jiton. Matautano jame bapon jopa peabin jiwi. <sup>5</sup> Barichi bapon jame jopa atsaquiya pepaebin. Matautano bapon jame jopa peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha. <sup>6</sup> Barichi bapon jame jopa juntu coyene weiweinaeyo poxonae ichamonae abe exana. Saya bapon jame juntu coyene weiweina poxonae ichamonae bara xainyeya exana. <sup>7</sup> Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowantapona ichamonae xua barapomonae pomonae ichamonaexae itacypatsi xua xanepanaya peexanaewa. Matautano bapon jame yabara jume cowantsiya ewatapona xua ichamonae bexa beta peexanaewa tsane bequein abe peexanaewi. Matautano bapon ba saya juntema popona bequein bapon abe taexanaethatsi ichamonae.

<sup>8</sup> Po coyene xua jiwi antobe ichamonae barapo coyenewa bapana jopa weraweracae tsane. Jopaena matabi po matabitha jopa nantawenonae tsane xua pomonae pecueicueijeji jiwi Nacom nexa pocotsiwa Nacom yaputane exana. Barichino jopa cueicueijeji tsane icha jumeintha po jumein barapomonae jopa bequein nacuidubiyo. Matautano jopa nantawenonae tsainchi po coyene peyaputae coyenewa. <sup>9</sup> Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijejiwa nacata seica daxota be conotha yabara cueicueijeichi Nacom. <sup>10</sup> Ichitha poxonae Cristo patopaetsica pon daxita coyenein peyaputaein bapoxonae bapon naca yaputane exanaena po coyene xua nacata seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonae.

<sup>11</sup> Poxonae xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonae pinyonba naci baraxuban pocotsiwa exanaponan poxonae pexuyon. <sup>12</sup> Bara juta coyeneya ichi anoxuae. Saya be conotha Nacom yabara yaputainchi. Baraxua be icha be pocotsi juta coyeneya ichi poxonae tsabocototha nayatainchi xua daduna xua daichitha jopa nataetsi. Ichitha bexa tsane yatsicaewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejuntu coyene yaputaewa. <sup>13</sup> Acoibi po

coyenewabe ataya ayapusu tsane. Meje barapo acoibi po jume coyenewabe xuaje: Pejume cowantsi coyenewaru Nacomtha, barichi peyabara jume cowantsiya ewatsi coyenewaru Nacomtha, matautano peantobe coyenewaru. Jame po jume coyenewa bichocono toxeinchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamona waantobe coyenewatsi. Barapo jume coyenewa bichocono toxeinchiya ainya cui.

## 14

*Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo*

<sup>1</sup> Bewa paichichipaename xua painya nexainaewa peantobe coyenewa. Barapoxonae bewano paichichipaename icha juntu coyenein pocotsi juntu cui coyenein Nacom amanaya paca cata. Po juntu cui coyene xua bichocono wanae beyacaincha xua icha juntu cui coyenewa, apara barapo juntu cui coyenetha pacueicueijam Nacom pia peitorobi diwesi. Baxua jame bewa paichichipaename. <sup>2</sup> Pon ba icha jumetha cueicueije po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwi jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope tana xua tatsi cueicueije exana. Bapon apara paeba pocotsiwa Nacom moya yawun xeina, pocotsiwa xua bequein jiwi jopa yaputaeyo. <sup>3</sup> Ichitha nama seicaya pon jame Nacom Pejume Diwesi cueicueije jiwitha, jiwi yaputane exanaeinchi Nacom yabara. Matautano bapon poxonae Nacom Pejume Diwesi cueicueije yawena ichamonaetha xua barapomona juntu cui coyene tsacabatsi xua Nacom pejume cowantsiwatsi. Barichi poxonae cueicueije Nacom Pejume Diwesi juntu coyene sadujei exana pomona anthathurewe xua anthathutane. <sup>4</sup> Pon ba cueicueije ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueije jiwitha Nacom nexa po coyene Nacom yaputane exana, bapon jiwi yaputane exainchi Nacom yabara pomona xua Nacom pejume cowantsiwichi.

<sup>5</sup> Ichichipan xua daxita paxam painya necueicueije xua icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueije xua Nacom Pejume Diwesi ichamonaetha. Pon ba xua Nacom Pejume Diwesi cueicueije ichamonaetha, bapon ba

jame w<sub>nae</sub> exana beyacaincha pon icha jumeintha cueicuei-  
 jei. Ichacuitha bapon pon icha jumeintha paeba itac<sub>pa</sub>tsi  
 xua yabara jume yaputane exana jiwitha po jumein xua  
 pipato pepaebi jumein. Icha bapon barapo coyene exana  
 bapoxonae bapon yawena pomonae pejume cow<sub>ntsi</sub>wi Na-  
 com xua beta mataropeicha pejume cocow<sub>nt</sub>aponaenexa  
 Cristo. <sup>6</sup> Tamonae pam, icha poxonae paca siwa ponaet-  
 sipatsi paca tsipaebichipatsi po jumeintha jopa nacuidu-  
 binyo tacoutha, bapoxonae apara jopa paca yawenaetsi-  
 paetsi. Ichitha icha paca tsipaebichipatsi po diwesi Nacom  
 neyaputane exana, baxua jame paca yawenaetsipa xua beta  
 painya nejume cow<sub>ntsi</sub>wa Nacom. Ichitha icha ichacuitha  
 paca tsipaebichipatsi pocotsiwa xua nacuiduban baxua jame  
 paca yawenaetsipa. Mata<sub>nt</sub>ano icha ichacuitha paca tsipa-  
 ebichipatsi pocotsiwa xua Nacom Pejume Diwesi paeba pocot-  
 siwa bexa Nacom exanaena, baxua jame paca yawenaetsipa.  
 Ichacuitha icha paca cuidubichipatsi Nacom Pejume Diwesi  
 baxua paca yawenaetsipa.

<sup>7</sup> Jiwi ba tanbaba po petanbabiwa arpa mataw<sub>n</sub>, xu-  
 ano ba oba po peobiwa pew<sub>n</sub> flauta. Ichitha icha barapo  
 ainya pecajume exanaewan jopa xapain busi pichapaetsipae  
 bapoxonae jiwi jopa xapain yaputaetsipae po wei xua icha  
 jiwi wei tanbaba. <sup>8</sup> Barichi poxonae ba jiwi naba icha-  
 monaetha bapoxonae ba oba xua penajunutsiwa. Ichitha  
 icha barapo busi, busi caewa, jiwi jopa xapain busi taeyo.  
 Bapoxonae jiwi jopa itac<sub>pa</sub>paetsi xua penacui w<sub>nae</sub>tsiwa xua  
 penabinexa. <sup>9</sup> Barichi paxamtha. Icha icha jumeintha papae-  
 bichipame jiwitha, po jumeintha bequein jopa panacuidu-  
 bim, xuano ir<sub>u</sub> barapo jiwi jopa nacuidubiyo bapoxonae  
 jiwi jopa xapain paca yaputaetsipae. Baraxua apara be  
 saya poxonae sito patsipaebame. <sup>10</sup> Metha beya tsipae  
 xua barapo nacuathe ainya jumein xeinaetsipa xua jiwi  
 barompaya tsanaya pijumeintha paeba. Daxita barompaya  
 pia matab<sub>xu</sub>monaein tsiniya xeina po jumein xua yaputane  
 barapomonae. <sup>11</sup> Ichitha icha xan jopa yaputaeyo po  
 jumetha xua ich<sub>n</sub> netsipaeba bapoxonae xan be tsita tana  
 nanapaincha poponaein xua be icha nacua werena tapon-  
 aein ir<sub>u</sub> bapond<sub>u</sub> be netsita penanapaincha poponaein xua  
 be icha nacua werena peponaein. <sup>12</sup> Paxam paichichipame  
 po j<sub>ntu</sub> cui coyenein Nacom pia Pejumope t<sub>na</sub>x<sub>u</sub> tatsi  
 amanaya cata piamonaetha. Yaitama baxuan paichichipame  
 daxota bichocono paw<sub>ncare</sub> barapo Nacom pia Pejumope  
 t<sub>na</sub>x<sub>u</sub> tatsi xua painya nepaca catsibinexa po j<sub>ntu</sub> cui  
 bichocono w<sub>nae</sub>. Baxua paw<sub>ncare</sub> xua painya neyawe-  
 naenexa pomonae pejume cow<sub>ntsi</sub>wi Nacom, xua beta pe-

jume cocowantaponaenexa Nacom.

<sup>13</sup> Daxota pon icha cueicueijei icha jumetha po jumetha bequein bapon jopa nacuidubiyo, bapon bewa wñcaena Nacomtha xua Nacom bapontha yabara jume yaputane pecana exanaenexa barapo jume. Bapoxonae bapon itacypatsi xua yabara yaputane exana barapo jume xua ichamonae yaputane exanatsi. <sup>14</sup> Icha icha jumetha tsipaeban Nacomtha po jume bequein jopa yaputaeyino saya apara tajumope tñaxñ tsipaeba Nacomtha. Tajuntñ coyene jopa yaputaeyo xua tatsipaebiwa Nacom. Barichi ichamonae jopa yaputaeyo xua tatsipaebiwa Nacom. <sup>15</sup> ¿Eta xua bewa exanocuaein? Jame, bewa wñcaein Nacom tajumope tñaxñtha po jumein jopa yaputaeyino. Matañtano bewa wñcaein Nacom tajuntñ coyenewatha po jumein yaputan. Barichi bewa naxñaein Nacomtha tajumope tñaxñtha po jumein jopa yaputaeyino. Matañtano bewa naxñaein tajuntñ coyenewatha po jumein yaputan. <sup>16</sup> Ichacuitha metha icha jumetha wñnae jainchipame Nacom xua nejumope tñaxñ cueicueijei cacana exana. Pomonae xua cajume taetsipa jopa cajume yaputaetsipae. Daxota jopa itacypaetsipaetsi xua pebññya necajume notsiwa Nacom nexa, xua pejeinexa: “Bara ichi tsane”, xua pejeiwa. <sup>17</sup> Poxonae bequein Nacomtha wñcaetsipame icha jumetha bara bequein wñnae pocotsiwa xua paebame, daichitha ichñ jopa yawenaetsipaetsi xua beta pejume cowantsiwa Nacom. <sup>18</sup> Nacomtha tsipaeban paxam yabara, janje: “Nacom maisa juntñ coyene weiweinan, xua icha jumeintha tacatsipaebiwatsi, beyacaincha daxita barapomonae xua icha jumeintha catsipaeba”, jan. <sup>19</sup> Ichitha poxonae pomonae Nacom pejume cowantsiwichi nacaetuta penacaetutsi botha bara saya wñnae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonae icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe pae-bichipan daichitha jiwi jopa yaputaetsipae xua tacueicuei-jeiwa.

<sup>20</sup> Tamonae pam, paxam pomonae irñ painya nejume cowantsiwixae Jesucristo. Painya xoba pananta xeiname icha pexui ichi poxonae nanta xeina. Jame pajinompa dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonae pinyon ichi xua nanta xeina dubenanaebiya. <sup>21</sup> Nacom jeye pia peitorobi jume diwesitha: “Paebin barapo judiomonaetha poxonae cueicueijei cana exanaein pomonae penanapaincha jinompaewi xua icha nacuapiwi po jumein



xua jopa yaputaeyo pomonae xua petsipaebixaetsi. Bequein baxua exanaein ichitha cataunxuae barapo judiomonae jopa nejume tae tsane”, jei pon jiwi Pecanamataxeinaein pia peitorobi jume diwesitha. <sup>22</sup> Daxota xua pecueicueijejwa icha jumeintha tsita itapeinya xeina xua pomonaetha pomonae jopa pejume cowantsiwi xua apara Nacom atene exanaena barapomonae jopa pejume cowantsixae. Barapo jumein jopa apara nexiyo pomonae xua bayatha pejume cowantsiwi, poxoru Nacom jopa atene exanae tsane barapomonae. Ichitha xua cueicueijej Nacom Pejume Diwesi, baxua tsita itapeinya xeina pomonaetha pomonae pejume cowantsiwi xua apara Nacom yawenaena barapomonae peantobexae tsipei barapomonae Nacom jume cowantatsi. Barapo Nacom Pejume Diwesi pecueicueijejwa jopa apara nexiyo pomonae jopa pejume cowantsiwi poxoru Nacom jopa yawenae tsane barapomonae jopa pejume cowantsixae Nacom. <sup>23</sup> Ichacuitha metha patsipa painya nenacaetutsiwatha xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijejwa icha jumeintha, iru pomonae jopa pejume cowantsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae. Bapoxonae barapomonae paca yabara nanta xeinaetsipa xua apara painya nepacamatajemabi jiwi pam. <sup>24</sup> Ichitha metha pebiwi patsipa painya nenacaetutsiwatha xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijejwa icha jumeintha, iru pomonae jopa pejume cowantsiwi Nacom. Poxonae daxita paxam Nacom Pejume Diwesi papaebichipame barapomonae paca yaputaetsipa xua papaebame. Bapoxonae barapomonae najantu coyene cayabara nanta xeinaetsipa xua abe peexanaewa. Matautano barapomonae yaputaetsipa xua Nacom petsita natsicuentisiwatsi xua abe peexanaexae xua poxonae painya necajume taexae poxonae papaebame Nacom Pejume Diwesi. <sup>25</sup> Nacom exana xua barapomonae peyaputaewa po coyene xua Nacom daxita beta yabara yputane po coyene xua barapomonae nanta xeina pejantu coyenewatha. Bapoxonae barapomonae yaputaena xua bara Nacom jntemaina barapomonae abe pia peexanae cuiru coyenein tatsi. Bapoxonae pentabocototha umenaena xua Nacom wnae pejainchinexa tsainchi. Barapomonae jei tsane paxamtha: “jJaina, maisa deta Nacom paca baru jinompa!” paca jei tsane barapomonae.

*Meje xua Pablo jeye: “Beta xanepanaya paexanaponde pe-nacaetutsi bontha poxonae wnae pajainteibame Nacom”, jei*

<sup>26</sup> Tamonaē pam, paxam pomonaē irū painya nejumlah cowantsiwixae Jesucristo. Paca tsipaebatsi xuaje: Poxonaē pana nacaetutame, ichamonae painyamonae jiwana barabū naxūnaena peweixi xua wūnae pejainchinexa Nacom. Ichamonae irū barabū cuidubina ichamonaetha. Ichamonae irū barabū cuidubina po coyenein Nacom yaputane exana. Ichamonae irū barabū icha jumeintha cueicueijei tsane po jumein bequein jopa nacuidubiyo. Ichamonae irū barabū xuya barapo jumein yabara jume yaputane exanaena daxita jiwitha po jumein ichamonae paeba. Daxita po coyenein xua paexaname bara wūnae paexande poxonaē panacaetutame wūnae painya jaintsinexa Nacom xua daxota xanepanaya mataropeicha painya nejumlah cocowanta dubenanaebiyaenexa Nacom. <sup>27</sup> Poxonaē icha jumeintha pacueicueijam bewa saya cueicueijei nacueyatabe poyobe ichacuitha poxonaē acoibi poyobe. Ichitha ichamonae ajibi tsane. Barapo acoibi poyobe bewa xuya cotacaya barompaya tsana cueicueijei tsoponaē tsane. Bewa bapoxonaē xuya ichan cotacaya yabara jume yaputane exanae pocotsiwan xua barapo acoibi poyobe barompaya seicaya paeba. <sup>28</sup> Ichān dapocotsin aibi pon itacūpatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonaē Nacom wūnae pejainchinexa. Saya bewa moya pia coutha cueicueijei Nacomtha. <sup>29</sup> Bara wūnae tsipae icha saya pacopatsipame nacueyatabe poyobe xua pecueicueijeiwa Nacom Pejume Diwesi xua ichacuitha poxonaē saya acoibi poyobe. Ichamonae bewa jume taena icha metha bara xaniwaicha paeba barapo acoibi poyobe. <sup>30</sup> Icha ichān eca baxota pon Nacom yaputane exana po jumein bewa cueicueijei tsane bapoxonaē pon xua copiya asiya uncuā bewa moya ecaena xua daxota barapon pon ichān itacūpatsi xua cueicueijei po jumein Nacom yaputane exana. <sup>31</sup> Daxita paxam paca itacūpa xua painya necueicueijeiwa Nacom Pejume Diwesi, painya necana exanaenexa xua daxita barapomonaē penacuidubinexa. Matautano paca itacūpa painya necueicueijeiwa painya nejūntū cui tsacabinexa daxita jiwi pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tsoponeibim tsane. <sup>32</sup> Pomonaē Nacom Pejume Diwesi pecueicueijeiwi barapomonaē itacūpatsi xua penaūntū coyene itorobiwa. Daxota barapomonaē ewata xua ichān matha pecueicueijeinexa, xua bapoxonaē bara pecueicueijeinexa tsane ichamonaetha. <sup>33</sup> Tsipei Nacom jopa ichipaeyo xua jiwi ajumeyaexa poxonaē daxita jiwi pebūrya cueicueijei Nacom Pejume Diwesi. Jame Nacom ichichipa

xua pomonae pejume cowantsiwi jantema penabaru jinom-paewa poxonae nacaetuteiba xua wanae pejainchinexa Nacom.

Daxita pomonae xua nacaetuta pejume cowantsixae Jesucristo, exana xuaje: <sup>34</sup> Yabuxi bewa saya moya poxonae nacaetuta pomonae Nacom pejume cowantsiwi xua Nacom Pejume Diwesi pecueicueijeinexa. Nacom baxua jopa copatsiyo xua yabuxi pecueicueijejewa baxota. Barapo yabuxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba. <sup>35</sup> Icha barapo yabuxi ichichipa xua peyaputaewa pocotsiwa ichamonae paeba, bewa barapowaxi pia boxitha yainyabi pia seuriwi. Tsipei jopa wanae tsipae icha yabuxi coyenewatha pecueicueijejewa Nacom Pejume Diwesi. Barapo jume cowantsiwichi xua poxonae yainyaba pia pebiwi.

<sup>36</sup> Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Matautano jopa paxam compa pam pomonae meisa paxename Nacom Pejume Diwesi. <sup>37</sup> Ichamonae pomonae paxam jiwana pam nanta xeina xua xeina po jantu coyenewatha pecueicueijejewa Nacom Pejume Diwesi. Barapo jantu coyene xua Nacom pia Pejumope tuxaxi tatsi amanaya cata. Matautano ichamonae pomonae paxam jiwana pam nanta xeina xua xeina icha jantu coyenewa po jantu coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa. <sup>38</sup> Icha pebin jopa bejume cowantsiyo pocotsiwa paeban, baroxonae painya xoba pajume cowantame pocotsiwa bapon paeba.

<sup>39</sup> Tamonae pam, paxam pomonae iru painya nejume cowantsiwixae Jesucristo. Bewa jame paichichipaename xua painya necueicueijejewa Nacom Pejume Diwesi. Painya xoba pajume itawetame poxonae ichamonae cueicueijejewa icha jumein po jumein bequein jopa nacuidubiyo. <sup>40</sup> Daxita beta xanepanaya paexanaponde poxonae pana nacaetutame penacaetutsi botha xua poxonae wanae painya nejainchinexa Nacom, xua barompaya tsanaya patamropatsiya exanaponde.

## 15

*Meje xua Pablo yabara paeba poxonae Cristo equeicha asu exainchi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume

cowantame, xua daxota beta pajume cowantsiya jinompame Nacomtha. <sup>2</sup> Painya nejume cowanta dubenanaebiyaxae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanaebiyaename icha beta payabara jantanainame pocotsiwa paca cuidubatsi xuanano icha xaniwaicha pajume cowantame baxuan. Icha copiya jopa pajume cowantsim tsane painya janta coyenetha barapo pecapanenebiyae diwesi bapoxonae Nacom jopa paca capanenebiyae tsane.

<sup>3</sup> Copiya paca cuidubatsi pocotsiwa xua ichan necuiduba xua Cristo yabara. Paca cuidubatsi xua Cristo naca tsitapa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua. <sup>4</sup> Poxonae Jesucristo tupa bapoxonae muthutha xotsi. Ichitha poxonae acoibi po matabibe jopa, barapo matabitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua. <sup>5</sup> Bapoxonae Pedro tsita naitutatsi Jesucristo. Bapoxonae equeicha Jesucristo tsita naituta pia peitorobi jiwi tatsitha pomonae doce poyobe. <sup>6</sup> Bapoxonae caena equeicha Jesucristo tsita naituta pomonaetha pomonae pia pejume cowantsi jiwix-aetsi, pomonae beyacaincha quinientos poyobe jiwi. Awiya pinmonae barapo bicheito jiwanamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana. <sup>7</sup> Bapoxonae equeicha Santiago tsita naitutatsi Jesucristo. Bapoxonae equeicha Jesús tsita naituta daxita pomonaetha pomonae pia peitorobi jiwi tatsi.

<sup>8</sup> Bapoxonae nama matapainya xan Pablon netsita naituta Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana. <sup>9</sup> Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacaetutsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua. <sup>10</sup> Ichitha xan nama anoxuae seicaiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusya nacuitan Jesucristo nexa bey-

acaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae. <sup>11</sup> Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta juraya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

*Meje xua Pablo yabara paeba pomonae xua equeicha asu exanatsi petupae cuiru coyene weya*

<sup>12</sup> Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamona jiwana? Bara bayatha payabara yaputanemeba. <sup>13</sup> Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya. <sup>14</sup> Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae. <sup>15</sup> Icha baxua xaniyei paxan be pomonae pemuxitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi petupae cuiru coyene weya ichitha baxua jopa xainyeyo icha jiwi jopa equeicha asu exanaetsi petupae cuiru coyene weya. <sup>16</sup> Icha petupae jiwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae cuiru coyene weya. <sup>17</sup> Icha Cristo jopa equeicha asu exanaetsipaetsi petupae cuiru coyene weya bapoxonae jopa paca yawenaetsipae xua painya nejume cowantsiwa. Daxota awiya paexana dubenanaebiyaetsipame abe painya neexanae cuiru coyenein. <sup>18</sup> Icha baxua xaniyei tsipae xua Cristo jopa asu exanaetsipaetsi petupae cuiru coyene weya bapoxonae pomonae xua bayatha werapa bequein jume cowantsitha tsipae Jesús, ichitha weraweracaetsipa xua abe peexanaexae. <sup>19</sup> Waxainchi jume cowantsiya wuna ewatatsi xua bexa tsane Cristo naca asu exanaena poxonae werapaeinchi. Ichitha icha saya jume

cowanta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonae wajume cowantsiwa jopa naca yawenaetsipae xua po coyene Nacom bexa asu wanaca exanaewa tsane poxonae werapaeinchi. Bapoxonae jiwi pomonae jopa pejume cowantsiwi naca yabara jei tsipae: “iPai barapomonae tsobenae beyacaincha ichamonae bequein jume cowantsitha tsobenae!” xua wanaca yabara jeichiwa tsipae.

<sup>20</sup> Ichitha pocotsiwa xua yatsicaya jame xainyei, apara jame xua Cristo bara yatsicaya asu exanatsi petupae cuiru coyene weya. Bapon Cristo copiya jiwi asu canamata exanatsi xua petupae cuiru coyene weya pomonae xua ataya tsitecaeya peasuxa xua jopa weraweracaeyo. <sup>21</sup> Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asu exanatsi, tsipei jiton copiya asu canamata exanatsi, bapon Jesucristo. <sup>22</sup> Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaenexa. <sup>23</sup> Nacom iche tsane xua poxonae exanaena xuaje: Copiya matha Cristo asu exanatsi. Bexa tsane pomonae Cristo piamonae tatsi asu exanaeinchi petupae cuiru coyene weya poxonae Cristo equeicha patopaetsica barapo irathe tsique. <sup>24</sup> Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusya itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusu itorobi coyenewa Paxa caewa catsina, pon Nacom. <sup>25</sup> Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peaitafaetabi jiwichi. <sup>26</sup> Po coyene Nacom cotacaya exanaena xua apara piamonae asu cana exanaena xua bapana jopa peweraweracaewa tsane. <sup>27</sup> Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane. <sup>28</sup> Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

29 Ichacuitha ichamonae bautisabatsi pomonae pewera-paewi tsibautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa. 30 Daxita matakabi jinompeibatsi xua naca peipeita ichamonae xua naca abe exana wajume cowuntsixae. Icha jopa equeicha asu naca exanaetsipae jopa ainya cui tsipae xua wacueicueijeji tsurubenanaebiwa Nacom Pejume Diwesi. 31 Tamonae pam, paxam pomonae iru painya nejume cowuntsiwixae Jesucristo. Daxita matakabi muxu tatupeibi xua ichamonae tanepeipeita exaneibixae. Baraxua xaniyei icha ichi xua xaniyei xua juntu coyene weiweinan xua Jesucristo pon Wanacanamataxeinaein xanepanaya peexanaexae painya xantha. 32 Xan bara imoxoyo tatupae poxonae Efeso tomara-piwi inta abe exana. Barapomonae baraxua necana exana icha neuthi ichi poxonae ichun waetabatsi. Bequein barapomonae baxua necana exana xua muxu tatupae ichitha jopa asu neexanaetsipae petupae cuiru coyene weya icha jiwi equeicha jopa asu exanaetsipaetsi. Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi. Poxonae baraxua exanatsi jupa exanatsi icha ichamonae ichi pomonae jopa peyabara jume cowuntsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowuntsiwi.

33 Painya xoba pacopatame xua bara ichamonae painya nepaca muxutorobeibiwa. Jiwi ba pia pecayabara juta pepaebi diwesiyo ba jei: “Pomonae abe peexanaewi cuiduba ichamonaetha pomonaetha pomonae ichipa beta exana, xua barapomonae abe peexanaenexa”, ba jei barapo diwesiyo. 34 Equeicha caewa paexande po juntu coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neauranexa.

*Meje po coyeneya xua Nacom exanaena poxonae jiwi equeicha asu exanaeinchi petupae cuiru coyene weya*

35 Metha ichun yainyabina, jei tsane: “¿Eta po coyeneya Nacom exanaena poxonae pewerapaewi equeicha asu exanaeinchi? ¿Eta pocotsi pepon barapomonae xeinaena?” jei tsane. 36 Barapo peyainyabiwa saya pejumexaei. Poxonae paubame peubi xuto, barapo xuto bupana bocareca iratha

xua pexu nantafobabinexa poxonae xua nae pexuwinexa.  
<sup>37</sup> Poxonae paubame jopa apara pepaboto paubim xua pepa  
 nae pexuwinexa. Jame apara ba pexu paubame, metha beya  
 xua trigo xuto tsipae, ichacuitha metha icha pexuton tsi-  
 paeno. <sup>38</sup> Cotacaya Nacom exana xua barapo pexu xuwa icha  
 be pocotsi coyeneya Nacom ichichipa. Daxita peubi xuton  
 tsanaya seicaya pia cui barompa poxonae xuwa. <sup>39</sup> Barichi  
 jiwi pepon daxita jopa najupaeyo. Jiwi pia pepon seicaya  
 tsanaya barompa. Duwei unupiwi pia pepon seicaya tsanaya  
 barompa. Duwei menepiwi seicaya pia pepon tsanaya  
 barompa. Pepupunaewi seicaya pia pepon tsanaya barompa.  
<sup>40</sup> Peitabocotha xeina ainya pepon po ainya pepon peitabo-  
 cotha pejinompaewi nexa. Barichi barapo irathe xeina ainya  
 pepon pomonae barapo irathe pejinompaewi nexa. Po pe-  
 pon pexeinya peitupanae coicha xeina xua peitabocotha ji-  
 nompa barapo pepon bichocono pexeinya pepon. Barichi  
 wapepon pexeinya pepon po pepon xeinatsi po cae pin  
 nacuathe. <sup>41</sup> Xometo poto atsato pia pexeinya peitupanae  
 coicha barompa. Barichi jomocoichato pia peitupanae  
 coicha barompa. Opiteino pia peitupanae coicha barompa.  
 Icha opitei pia peitupanae coicha jopa nacoicha jupaeyo  
 icha opiteiontha po opiteiton pia peitupanae coicha xeina.  
<sup>42</sup> Barapocotsi jata coyeneya ichi pomonae xua equeicha asu  
 exanatsi petupae cuiru coyene weya. Poxonae pomonae pew-  
 erapaewi iratha muthucatsi equeicha caewa tsorobo naex-  
 ana petsabanaexae. Bapoxonae equeicha Nacom asu ex-  
 anaena pena pepon xua petsitecaenexa. Barapo pena pe-  
 pon bapana jopa tupa tsane equeicha, jopa petsabanaexae  
 tsane. <sup>43</sup> Barapo peru pepon jopa xeinaeyo peitupanae coicha  
 poxonae muthutha xotsi. Ichitha jame barapo pena pepon  
 xeina pexeinya peitupanae coicha. Barapo peru pepon jopa  
 xeinaeyo peasuwa poxonae muthutha boca. Ichitha jame  
 barapo pena pepon xeina peasuwa. <sup>44</sup> Barapo peru pepon  
 saya barapo cae pin nacuathe nexa. Daxota poxonae tupa,  
 tsabana naexana, tsorobo equeicha caewa penaexanaenexa.  
 Ichitha poxonae barapo pepon asu exanaeinchi, bapoxonae  
 pena pepon naexanaena pejumope tuxaxu nexa xua Nacom  
 pia nacuathe peponaenexa. Icha jiwi xeina peru pepon xua  
 barapo cae pin nacuathe nexa, barichi pena pepon xeinaena  
 xua Nacom pia nacuatheicha nexa.

<sup>45</sup> Nacom Pejume Diwesitha jeye: “Po jiton copiya Nacom  
 forota, bapon Adán. Bapon peasuwa xeina xua pepopon-  
 aenexa barapo cae pin nacuathe”, jei Nacom. Ichitha Cristo  
 Adán bichocono toxecha ainya cuichi equeicha caewa asu  
 peexanaexaetsi. Daxota bapon Cristo itacupatsi xua icha-



monaetha cana exana xua pexeinaewa peajuntuyapusa<sub>wa</sub> xua po peajuntuyapusa<sub>wa</sub> ataya tsiteca. <sup>46</sup> Copiya jopa xeinaetsi po pepon Nacom pia nacuatha nexa. Saya copiya xeinaetsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa. <sup>47</sup> Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica. <sup>48</sup> Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona. <sup>49</sup> Anoxuae wapepon werapaena icha Adán pia pepon tatsi ichi xua bayatha tupa. Ichitha poxonae Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitupanae coicha xeina.

<sup>50</sup> Tamonae pam paxam pomonae iru painya nejume cowantsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacupaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tupa. <sup>51</sup> Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawun xeina. Daxita pomonae waxainchi jiwanatsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon. <sup>52</sup> Poxonae trompeta matawun asiya obina xua poxonae Nacom daxita wetsina, bapoxonae Nacom jemeicha nainya asu exanaena pomonae pewerapaewi pomonae pejume cowantsiwixae Cristo. Baxua nainya exanaena icha be pocotsi jeta coyeneya ichi poxonae jiton nainya naichaquetabiya necotaba. Pewerapaewi asu exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi. <sup>53</sup> Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacupatsi xua pewerapaewa, bewa pepon naexanaena po pepon xua jopa werapaeyo. <sup>54-55</sup> Wapepon xua weraweracaena Nacom equeicha asu exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacupatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwuna<sub>e</sub> yabara muxu duta. Na-

com Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa peexanaein”, jei Nacom Pejume Diwesitha. <sup>56</sup> Pocotsiwa xua naca amanayaba, apara xua wawerapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoru barapomonae awiya abe peexanaexae. <sup>57</sup> Paxan pajan Nacomtha: “Nacom, maisa pajantꝯ coyene weiweinan xua pata tanecatsiwam jinya neayapusꝯ itorobi coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitupaexae”, pajan.

<sup>58</sup> Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana najantꝯ ayapusꝯ exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

## 16

*Meje xua Pablo paratixi yabara paeba po paratixi jiwi catsiba ichamonaetha pomonaetha pomonae pejume cowantsiwi Nacom*

<sup>1</sup> Yabara paca tsipaebatsi paratixi po paratixi penacaetsimonae jehebapona ichamonae nexa pomonae pejume cowantsiwi Nacom. Paexande icha pomonae penacaetsi jiwimonae ichi xua exana pocotsiwa itoroban pomonae Galacia nacuamonaepiwi. <sup>2</sup> Daxita domingo wꝯn matacabintha paxam daxita barompaya painya paratixi pajiwana wetsabiya pajehebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abꝯ paratixi pajebare xua jopa painya neexanaewa tsane baraxua xua poxonae equeicha patopaein. <sup>3</sup> Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajehebaponaename Jerusalén tomarapiwi nexa pomonae pejume cowantsiwi Nacom. <sup>4</sup> Icha nanta xeinaein xua yapu wꝯnaein paratixi penawichixae metha

moya bara ponaetsipan Jerusalén tomara beya. Bapoxonae barapomonae nepuna ponaena.

*Meje xua Pablo yabara nanta xeina, xua pewarapaewa tsane*

<sup>5</sup> Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha. <sup>6</sup> Metha beya paca barꝰ ecaetsipatsi be caentacabiyobetha. Ichacuitha metha poxonae awꝰbo paca barꝰ ecaetsipatsi. Bapoxonae poxonae weta xua awꝰbo, paca itacꝰpa xua pata neyawenaewam pocotsiwa nantawenonan poxonae warapaein icha tomara beya. <sup>7</sup> Jopa ichipaeinyo xua saya bara caetho tapaca siwa ponaewatsi. Jame ichichipan xua be pecono daepayobe tapaca barꝰ ecaewatsi tsainchi poxonae patopaein. Baxua exanaein icha Nacom baxua inta copatsina. <sup>8</sup> Ecan xote Efeso tomaratha beya poxonae maticabi jopaena po maticabi pewꝰn Pentecostés. Barapo maticabi po maticabi jiwi yabara jꝰntanaina xua poxonae matha Nacom pia Pejumope tꝰnaxꝰ tatsi patopa penacaetutsi jiwitha pomonaetha pomona pejume cowꝰntsiwi. <sup>9</sup> Anoxuae neitacꝰpa xua bichocono tatanacuichiwa Nacom xua jiwi pinmonae pejume cowꝰntsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

<sup>10</sup> Icha Timoteo patopaena painya xantha, pantenta wey-ataema xua bapon jꝰntema pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa. <sup>11</sup> Daxita paxam jopa payabara jande: “Apara bapon Timoteo pewowin, jopa apara peyaputaein”, jopa payabara jande. Jame maisa bapon payawende xua eque-icha jꝰntema caewa peponaenexa taxainya berena. Baxua paexande tsipei xan irꝰ ichamonae pomona irꝰ pejume cowꝰntsiwixae Jesucristo, panabarꝰ wꝰnae ewatan bapon xua Timoteo paewatan.

<sup>12</sup> Apolos pon irꝰ pejume cowꝰntsin matowa tsipaeban xua painya nepaca cataenexa xua bapon pecueyabinexa tsainchi ichamonae pomona irꝰ pejume cowꝰntsiwixae Jesucristo. Ichitha bapon nanta xeina xua anoxuae jopa yapu jꝰpaetsi xua peponaewa tsane xua painya nepaca siwa ponaewa. Bapon ponaena ichitha poxonae tayapu jꝰpaeinchi.

*Meje poxonae Pablo najume wetsiya paeba*

<sup>13</sup> Dota pam, pomona xua abe pacata exana. Beta paajꝰntꝰsꝰya pajume cowꝰnta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyaeo xua beta peexanaewa. <sup>14</sup> Daxita

pocotsiwan xua paexaneibame, peantobe coyeneyatha paexaneibare ichamonaetha.

<sup>15</sup> Tamonae pam, paxam pomonae iru painya nejume cowantsiwixae Jesucristo. Paxam payaputaneme xua Estéfanas piamonae tatsi copiya jume cowanta Jesucristo Acaya nacuatha. Barapomonae bichocono yawena ichamonaetha pomonaetha pomonae iru pejume cowantsi jiwí Nacom. <sup>16</sup> Paca tsipaebatsi xua paxam xuya paexana dubenanaebiyama pocotsiwan barapomonae paca itoroba. Pabarú nacuire barapomonae xuano ichamonaetha iru pabarú nacuitame pomonae jupaeya exana icha barapomonae ichi. <sup>17</sup> Maisa bichocono juntu coyene weiweinan xua Estéfanas iru Fortunato iru Acaico xote pate. Barapomonae inta exana pocotsiwa jopa paca itacupaeyo xua painta exaname xua jopa xote tapaca baru ecaexaetsi. <sup>18</sup> Barapomonae nejuntu cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonae.

<sup>19</sup> Pomonae penacaetutsimonaepiwi, pomonae pejume cowantsiwi Nacom, pomonae Asia nacuatha jinompa, barapomonae paca jacobá. Aquila iru piowa tatsi Prisca, iru pomonae petanacaetutsi dubenanaebiyae jiwichi pia botha tatsi, barapomonae bichocono paca jacobá peantobe jiwixae xua peantobexaetsi pon jiwí Pecanamataxeinaein. <sup>20</sup> Daxita pomonae pejume cowantsiwixae Cristo pomonae xote jinompe daxita paca jacobá. Betiya painta nantiya pana najacobare painya neantobewaxae Cristo.

<sup>21</sup> Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

<sup>22</sup> Icha ichun jopa Jesucristo antobetsi pon jiwí Pecanamataxeinaein barabú Nacom itawetsina pexainya weya, xua bapon be pon abe peexanae jiton tsane. ¡Xam ponxaem Pata Necanamataxeinaem nainya antha patopare!

<sup>23</sup> Barabú Jesucristo pon jiwí Pecanamataxeinaein paca yawenaena pia paca nepaca caantobewaxae xua xanepanaya painya nejinompaenexa. <sup>24</sup> Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.

## Meje Po Carte Cotacaya Pablo Tatina, Corinto Tomarapiwi Tatinatsi

*Meje poxonae Pablo tamropata pitaba xua tatina pomonaetha pomona Corinto tomarapiwi*

<sup>1</sup> Xan Pablon pacata tinatsi. Nacom peichichipaexae bapon necana exana xua Jesucristo pia peitorobi jiwi jiwana tatsin. Xan iru Timoteo pon pejume cowantsin baponbe panbe pacata tinatsi. Paxam pomona iru painya nejume cowantsixae Jesucristo pana nacaetutame penacaetutsi botha Corinto tomaratha xua wanae painya nejainchinexa Nacom. Matautano pata tinanbe pomona iru Nacom piamona tatsi xua Acaya nacuatha jinompa. <sup>2</sup> Barabu Nacom pon Waxa iru Jesucristo pon jiwi Pecanamataxeinaein baponbe paca yawenaena pia paca nacaantobexae. Matautano barabu baponbe paca cana exanaena xua juntema painya nejinompaewa tsane.

*Meje yabara xua poxonae Pablo atene exanatsi*

<sup>3</sup> Bara Nacom wanae jaintatsi pon Wanacanamataxeinaein Paxa tatsi xua Jesucristo Paxa tatsi. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae. <sup>4</sup> Daxita xua xuan ichamonae pana atene exana, xuan Nacom pana cui matateiqueiba, baxua Nacom painta exana xua xuya iru ichamonae pata cui matateicaenexa tsaibi tsane pomonae poxonae atene exaneibatsi ichamonae. Paxan ichamonae pacui matateican icha Nacom pana ichi xua pana cui matateica. <sup>5</sup> Icha Cristo ichichi poxonae atene exanatsi ichamonae, barichi ichamonae pana atene exana pata jume cowantsixae Jesucristo. Nacom, Cristo cui matateicatsi poxonae atene exanatsi ichamonae. Bara pana ichi Nacom pana cui matateiqueiba poxonae ichamonae pana atene exaneiba. <sup>6</sup> Ichamonae pana anthutane exana. Bequein baxua painta exana, daichitha awiya pana itacupa xua tapaca cayawenaewatsi poxonae paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxonae awiya juntema pajinompa dubenanaebiyame bequein poxonae ichamonae paca atene exana icha barapomonae pana ichi xua pana atene exana. <sup>7</sup> Paxan ajuntusuya paca

cui yabara jume cowantsiya ewatatsi xua paxam bara beta pajinompa dubenanaebiyaename poxonae bequein ichamonae paca atene exana. Paxan payaputan xua paxam iru paajuntucoyenetanem poxonae ichamonae pana atene exana. Barichi Nacom paca cui matateica icha pana ichi xua pana necui matateica.

<sup>8</sup> Tamonae pam, paxam pomonae iru painya nejume cowantsiwixae Jesucristo. Paichichipan xua painya neyaputaewa xua ichamonae bichocono painta ayarube exana Asia nacuatha. Baxua bichocono ayarusya pana juntu coyene juntu, beya poxonae awatha muxu jopa juntema pata dubenanaebiyaewa. Ichacuitha pananta xeineiban xua jopa pana itacupaeyo xua pata panenebiwa xua pata aswa tsane. <sup>9</sup> Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowantsiwa tsane xua meisa Nacom bara compra pia coutha pata taneyawenaewa tsane xua jopa pata tana nayawenaewa tsane pata coutha. Nacom apara pon equeicha asu exana pewerapaewi petupae cuiru coyene weya. <sup>10-11</sup> Nacom pana necapanenebiya ichamonae weya poxonae barapomonae bichocono abe painta exana poxonae awatha muxu pata werapae. Matautano awiya Nacom baxua painta exanapona. Yatsicaewa Nacom payabara jume cowantan xua bexa tsane pana necapanenebiyaenano icha awiya painta wacaponame Nacomtha. Nacom pana neyawena poxonae pinmonae painta tsipaebina Nacomtha. Bexa poxonae Nacom pana necapanenebiyaena barapoxonae pin bicheitomonae jei tsane: “Nacom maisa pajuntu coyene weiweinan xua neyawenaewa Pabloaru xua jopa pewerapaewa neantobexae poxonae jiwi pin bicheito sawuca barapomonae nexa”, jei tsane barapo pin bicheitomonae.

*Meje poxonae Pablo jopa yapu jupaetsi xua peponaewa Corinto tomara beya*

<sup>12</sup> Pajuntu coyene weiweinan, daxota atsaquiya pata jeiwa pocotsiwe: Daxita pocotsiwa paexanan po cae pin nacuathe, xuano poxonae pata paca baru jinompaewatsi, pata juntu coyene bara pana tsipaeba xua pinae bara beta paexanan. Pajuntu coyene xanepanan Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Apra baxua jopa paexanaeyo barompaya pata tayaputae coyenewatha. <sup>13</sup> Daxita xua pacata tinatsi jopa icha diwesi pacata yawa muxuna tinaetsi. Pocotsiwa pacata tinatsi saya

pocotsiwa painya nepaca itacupaewa xua painya neyoro-biwa tsane xuano xua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi. <sup>14</sup> Anoxuae daxita pam be conotha pana neyaputaneme. Poxonae Jesús pon Wanacanamataxeinaein equeicha patopaetsica, pana neyabara juntu coyene weiweinaename icha paichin tsane xua paca yabara juntu coyene weiweinaeinchi.

<sup>15</sup> Poxoru pana neyabara juntu coyene weiweiname daxota nanta xeinan xua tapaca siwa ponaewatsi tsainchi. Bapoxonae icha neitacupa equeicha bexa paca siwa ponaeinchi xua daxota ainya cuiyobetha paca siwa ponaeinchi tapaca cayawenaewa tsainchi. <sup>16</sup> Bayatha paca tsipaebatsi janje xuaje: “Poxonae ponaein Macedonia nacua beya copiya ichichipan xua matha tsiwanaeya tapaca siwa ponaewatsi tsainchi. Equeicha paca taeinchi poxonae caewa denan tsane Macedonia nacua werena. Bapoxonae paca itacupa xua tapana neyawenaewam poxonae warapaein Judea nacua beya”, paca jeichi. <sup>17</sup> Bequein baxua paeban, daichitha baxua jopa neitacupaeyo xua taexanaewa baxua. Poxonae baraxua paeban pana nejume cayabara cananta xeiname xua xan apara pon ichawa beya tapaebin xua be pocotsi jiton pon saya exana pocotsiwa bapon ichichipa xua ichawa beya ba paeba. Xan baxua jopa exanaeinyo. Jopa ba paca jeichi “Aja”, jopa paca jeichi. Ichacuitha jopa ba paca jeichi “Jume”, jopa paca jeichi xua poxonae cae coyene yabara paca tsipaebatsi. <sup>18</sup> Nacom bapon bara xaniwaicha tana neyabara paebin pocotsiwa taexanaewa. Bapon Nacom netane xua jopa ichawa beya tapaebiwa. Saya poxonae, ba “aja”, pejeinexa, ba “aja”, jan. Matautano saya poxonae ba “jume” pejeinexa, ba “jume”, jan. <sup>19</sup> Timoteo iru Silvano iru xan paca cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopa bapana jei tsaibiyo bara caetha: “Jume”, yawa “Aja”, jopa bapana jei tsaibiyo. Saya jame ba jei: “Aja”, ba jei tsaibi. <sup>20</sup> Cristo bara daxita exana pocotsiwa Nacom Pexanto yabara tsiwanae muxu duta. Bara Cristo “Je” jei xua peexanaenexa pocotsiwa Paxa itorobatsi. Daxota waxainchi barichichi jei tsaibichi: “Je, barichi tsane bara Cristo Jesús exanaena baxua”, jei tsaibichi waxainchi poxonae Nacom wanae jainteibatsi. <sup>21</sup> Bapon Nacom pana ajuntucoyenesu exana xua beta pata jume cowantsinexa Cristo. Matautano iru bara paca ichi Nacom, paca yawena. Bapon Nacom naca itapeta watanacuichinexa bapon. <sup>22</sup> Barapon Nacom naca cana exana xua wanaca baru jinompaewa pia Pejumope tnanu

tatsi wanaca yaputaenexa xua piamonae jiwichi. Baraxua Nacom naca tsita itapeinya xeina xua bexa tsane naca catsina ichawan.

<sup>23</sup> Nacom neyabara jũntũ coyene yaputane xua xainyeya paeban. Bequein juntucuru nanta xeinan xua paca siwa ponaeinchi ichitha jopa ponaeyino. Jopa paca siwa ponaetsi Corinto tomaratha tsipei jopa daunweya bepaca tsipae-bichi xua paca jũntũ coyene wecoyei exanaetsipatsi. <sup>24</sup> Jopa bepaca yabara itorobichi xua pocotsiwa bewa painya ne-jume cowũntsiwa tsane. Tsipei barapara ayarusũya pajume cowũnta dubenanaebiyame. Pocotsiwa jame paichichipan apara xua pata paca barũ nacuichiwatsi jame, painya nejũntũ coyene weiweinaenexa.

## 2

<sup>1</sup> Daxota juntucuru nanta xeinan xua jopa equeicha tapaca siwa ponaewa tsainchi, tsipei jopa bepaca wecoyei exanaetsi. <sup>2</sup> Icha paca jũntũ wecoyei exanaetsipatsi, dapomonae aibi tsipae pomonae nejũntũ coyene weiweina exana. Jame meisa paxam paca itacũpa xua tapana nejũntũ coyene weiweina exanaewam. Ichitha icha paxam saya pajũntũ coyene wecoyam tsipae jopa pana nejũntũ coyene weiweina exanaemtsipae. <sup>3</sup> Daxota bayatha pacata tinatsi icha carta tsipei jopa bepaca siwa ponaetsi icha saya paca jũntũ coyene wecoyei exanatsi poxonae yabara paca muxuwetatsi pocotsiwa paexaname xua abe paexaname. Apra jame paxam pomonae bewa pana nejũntũ coyene weiweina exanaem. Xan nanta xeinan icha jũntũ coyene weiweinan paxam bara paichim tsane pajũntũ coyene weiweinaename. <sup>4</sup> Poxonae bayatha po carta pacata tinatsi bichocono unthũthũ wecoyan, tsipei bichocono paca yabara najũntũ coyene eena exanatsi pocotsiwa painya neexanaexae beya poxonae yatsicaewa wecoyan xua yatsicaewa taitacuere mene jujuincaewa. Jopa ichipaeinyo xua tapaca wecoyei exanaewatsi. Jame ichichipan xua painya neyaputaewa xua tapaca caantobewichi bichocono.

*Meje poxonae Pablo itoroba xua Corinto tomarapiwi peyabara jũntemainawa tsane pocotsiwa exana pon penowa pita*

<sup>5</sup> Caein pon paxam jiwana pam abe exana ichamonaetha. Bapon jũntũ coyene wecoyei exana ichamonaetha. Bapon jopa meisa apra compra nejũntũ coyene wecoyei exanaeyo. Barichi bapon bara irũ paca jũntũ coyene wecoyei exana daxita paxam bequein saya bapon abe exana pon painyamonae jiwana jiton. <sup>6</sup> Pon yabara icha cartatha pacata tinatsi pon abe peexanaein, pebũũya nanta jũpaya paitawetame



bapon xua pepatopaeyainwa painya nenacaetutsiwatha poxonae wɥnae pajaintame Nacom. Anoxuae bapon nacui baraxuba xua abe peexanaewa. Baraxua bara wɥnae. Painya xoba equeicha paitawetame bapon. <sup>7</sup> Anoxuae paxam bewa pacui yabara jɥntemainaem abe pia peexanae cuiru coyene tatsi. Mataɥtano bewa pacui matateicaename xua peaurayainwa. Icha jopa baxua paexanaemtsipae, baroxonae bapon metha jopa juniya bichocono jɥntɥ coyene wecoyei tsipae, xua daxota anaya pia coutha penacabetsiwa xua pebaraxubixae xua pejume cowɥntsiwa. <sup>8</sup> Daxota paca tsipae-batsi, bapon patsita itapeinya xeinare xua peantobe coyenewa painya netsita xeinaewa bapon. <sup>9</sup> Bayatha yabara pacata tinatsi xua bewa pamuxuwetsim bapon. Paca jɥntɥ coyene jɥjɥtatsi xua tayaputaenexa icha metha bara xaniwaicha pana nejume cowɥntame daxita pocotsiwa paca itorobatsi, bara bayatha pamuxuwetame bapon. <sup>10</sup> Icha paxam ichɥn pacui yabara jɥntemainame abe pia peexanae cuiru coyenein tatsi, barichin tsane irɥ bapon cui yabara jɥntemainaein abe pia peexanae cuiru coyenein tatsi. Tsipei icha ichɥn cui yabara jɥntemainan abe pia peexanae cuiru coyenein apara poxoru copiya painya necui yabara jɥntemainaexae abe pia peexanae cuiru coyenein tatsi. Baxua exanan Cristo tana neitorobixae. Baxua Cristo necui tane xua exanan. <sup>11</sup> Waxainchi ichamonae abe pia peexanae cuiru coyenein tatsi yabara jɥntemainatsi xua caurimonae pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiwi jɥntɥ coyene jɥjɥtatsi xua abe peexanaenexa.

*Meje poxonae Pablo Tito bichocono yabara najɥntɥ coyene exabatsi Troas tomaratha*

<sup>12</sup> Poxonae Troas tomaratha patopan xua tacueicueijeinexa Cristo pejume diwesi bara inta yapu wɥnae xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane. <sup>13</sup> Ichitha bichocono jopa jɥntema poponaeinoyo poxoru bichocono yabara najɥntɥ exaban Tito pon irɥ pejume cowɥntsin Jesuscristo, yaitama jopa caxinaeinoyo bapon. Daxota Troas tomarapiwi napeyaban. Bapoxonae ponan Macedonia nacua beya.

*Meje yabara po coyeneya xua Cristo naca yawena xua wamanayabinexa caurimonae pia pentacaponaein tatsi*

<sup>14</sup> Nacom patsipaeban, pajan: "Nacom maisa pajɥntɥ coyene weiweinan xua painta exaname", pajan. Nacom pana cana exana xua Cristo betiya pana canamataxeina poxonae Nacom Pejume Diwesi pacueicueijan. Mataɥtano

Nacom pana cana exana xua pata amanayabiwa caurimonae pia pentacaponaein tatsi poxonae jiwi yaputane pacana exanan xua peyabara yaputaewatsi Cristo. Daxita nacuantha ichaxota paponeiban, bapon payabara paebeiban. Barapo pexeinya jume diwesi xua papaebeiban taj<sub>u</sub> beya pajume pichipaponan, icha be poxonae petuxuei tuxusi ichi xua taj<sub>u</sub> tuxusi pona. <sup>15</sup> Nacom ichipa nawita poxonae beta patacueicueijan xua Cristo payabara cueicueijan icha be poxonae ichi poxonae bichocono tuxusi ichichipa incienso tuxusi mataw<sub>u</sub>n. Barichi po diwesi xua Cristo payabara cueicueijan, taj<sub>u</sub> pajume pichipaponan pomonaetha pomonae Cristo capanenebiya ducuaenebiya xuano pomonaetha pomonae weraweracapona jopa pejume cow<sub>u</sub>ntsixae Cristo. <sup>16</sup> Poxonae jiwi jopa jume cow<sub>u</sub>ntsiyo barapo diwesi po diwesi pacueicueijan be tsita tuxusichi xua po tuxusi tuxusi barapomonae t<sub>u</sub>pa peexanaewatsi. Ichitha poxonae jiwi jume cow<sub>u</sub>nta, bapoxonae barapo diwesi tsita muxu w<sub>u</sub>naetsi icha xua jiwi ichi poxonae po tuxusi tuxune bichocono ponxo tuxusi w<sub>u</sub>naetsi. Barapomonae peju<sub>u</sub>nt<sub>u</sub> coyenetha yaputane xua barapo jume diwesixae Nacom cata barapomonaetha peaju<sub>u</sub>nt<sub>u</sub>yap<sub>u</sub>s<sub>u</sub>wa po peaju<sub>u</sub>nt<sub>u</sub>yap<sub>u</sub>s<sub>u</sub>wa ataya tsiteca. ¿Jintam metha itac<sub>u</sub>patsi xua barapo Nacom pia petanacuichiwa tatsi peexanaewa xua pia coutha compa exana? Apará dapon ajibi. <sup>17</sup> Paxan jopa paexanaeinyo icha be jopa ichamonae ichiyo xua poxonae barapomonae pia paratixichi paeba dubenanaeibiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonae wanaexanaexaetsi Cristotha.

### 3

*Meje poxonae Pablo yabara paeba Nacom pia pena pet-siw<sub>u</sub>nae muxu dutsiwa tatsi*

<sup>1</sup> Poxonae baxua pacata tinatsi, metha pana neyabara nanta xeinaetsipame xua paxan pomonae ainya cui jiwi pata naexanae jiwi pan. Nama ichamonae cartan capona po cartantha piamonae beta yabara tina barapomonae, xua painya necopatsiwa tsane xua bara pia paca tsipaebeibichi Nacom Pejume Diwesi poxonae barapomonae pateibina painya tomaratha. Metha paxam pana neyabara nanta xeinaetsipame xua xan ir<sub>u</sub> barichind<sub>u</sub> icha ichamonae ichi xua poxonae barapo carta capona pia xua painya necopatsiwa tsane xua bara pia paca tsipaebeibichi Nacom Pejume Diwesi. Bequein metha pana neyabara nanta xeinaetsipame xua xuya painta tinaetsipame xua paxan yabara ichitha jopa apara

paca wɛnaetsi baxua. <sup>2</sup> Poxonae daxita jiwi paca cui tane xua beta painya jinompaewa Nacom nexa, bapoxonae jiwi pana neyabara nanta xeina xua bara beta pata exanaewa xua pata paca yawenaexaetsi xua painya nejume cowɛntsiwa. Pata jɛntɛ coyenewan pana tsipaeba xua bara pinae pajume cowɛntame Cristo. Poxonae jiwi paca cui tane xua beta painya nejinompaewa Nacom nexa, barapo jiwi pana nejɛntanaina xua beta pata paca cayawenaexaetsi. Baxua be poxonae jiwi yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta. <sup>3</sup> Cristo ichichipa xua jiwi tane xua bapon bichocono wɛnae exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiwi petaenexa pejumein itaneton. Mataɛtano jopa tinaeyo peitaneton xua ibo panawatha ichi Moisés ichi. Jame Nacom pia Pejumope tɛnaxɛ tatsi icha jɛntɛ coyene paca cata xua daxota jiwi tsita itapeinya xeinatsi xua Cristo beta exana paxam nexa.

<sup>4</sup> Paxan pana itacɛpa xua baxua papaeban Cristo pata neyawenaexae xua pata jume cowɛntsiwa Nacom. <sup>5</sup> Ichitha jopa pana neitacɛpaeyo xua pata coutha pata exanaewa baxua. Daxita pocotsiwan pana itacɛpa xua pata exanaewa apara Nacom pata taneyawenaexae. <sup>6</sup> Nacom pana necana exana xua pomonae yatsicaewa pata yabara cueicueijeji jiwi pan Nacom pia pena petsiwɛnae muxu dutsiwa coyenewa. Nacom pia pena petsiwɛnae muxu dutsi coyenewa jiwitha jopa xeinaeyo xua tina ainya coyenein xua jiwi peitorobi coyenewatsi xua jiwi bewa exanaena. Barapo Nacom pia pena petsiwɛnae muxu dutsi coyenewa paeba xua saya meisa xua beta pejinompaenexa. Nacom pia Pejumope tɛnaxɛ tatsi itacɛpatsi xua naca cata pena pejɛntɛ coyenein. Nama Moisés pia peitorobi coyenewa seicaya paeba xua bequein jiwi exana xua Moisés itoroba, barapomonae awiya werapaena abe peexanaexae. Nama seicaya Nacom pia Pejumope tɛnaxɛ tatsi peajɛntɛyapɛsɛwa naca cata.

<sup>7</sup> Moisés pia peitorobi coyenewa ibo panawantha tina. Barapo coyene jiwi cana exanatsi xua pewerapaewa abe peexanaexae. Poxonae barapo coyenewa Moisés cata israelmonaetha barapomonae israelmonae jopa itacɛpaetsi xua Moisés peitabara taewatsi tsipei Nacom pia pexeinya peitɛpanae coicha tatsi bichocono pentha Moisés peitabaratha. Ichitha barapo Nacom pia pexeinya peitɛpanae coicha tatsi Moisés pia xainya weya tatsi bewayo caewanaya. <sup>8</sup> Po pena jɛntɛ coyene Nacom pia Pejumope tɛnaxɛ tatsi naca cata bichocono wɛnae tsipei

jiwi cana exanatsi xua pexeinaewa peajuntayapusawa po peajuntayapusawa ataya tsiteca. Barapo pena juntu coyene bichocono wnae beyacaincha po peitorobi coyene Moisés itoroba. <sup>9</sup> Bequein Moisés pia peitorobi coyenewa wnae, barapo coyenewaxae Nacom tsitatsi xua jiwi penatsicuentisiwa xeina xua abe peexanaexae. Nama bichocono wnae Nacom pia pena juntu coyenewa po juntu coyenewa jiwi catatsi beyacaincha Moisés pia peitorobi coyenewa. Barapo Nacom pia juntu coyenewaxae, jopa tsitatsi xua piamonae tatsi pexeinaewa xua penatsicuentisiwa xua abe peexanaexae. <sup>10</sup> Moisés pia peitorobi coyenewa tatsi copiya bichocono wnae, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwnae muxu dutsi coyenewa tatsi jame barapo coyene jiwi bichocono yawenatsi. Daxota barapo coyene yatsicaewa wnae beyacaincha Moisés pia peitorobi coyenewa tatsi. <sup>11</sup> Poxonae Moisés cata pia peitorobi coyenewa israelmonaetha bapoxonae barapomonae tane Moisés peitabaratha tatsi Nacom pia pexeinya peitapanae coicha tatsi. Barapo pexeinya peitapanae coicha caewanaya. Nama Nacom pia pena petsiwnae muxu dutsi coyenewa jopa caewanayiyoy. Nama ataya ayapusaya tsiteca barapo coyene.

<sup>12</sup> Tsipei pajume cowantsiya ewatan xua Nacom exanaena daxita pocotsiwa bayatha yabara pana netsiwnae muxu duta, daxota jopa paaurinyo xua pata yabara paebiwa daxitan. <sup>13</sup> Paxan jopa paexanaeinyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitapanae coicha caewanaya. <sup>14</sup> Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonae jopa peyaputaewa pia juntu coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxuae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonae jopa yaputaeyo xua barapo coicha caewanaya. Matauta anoxuae barapomonae jopa yaputaeyo xua icha jiwi jume cowantsina Cristo saya meisa bapoxonae barapo jiwi itacupatsi xua peyaputaewa Moisés pia peitorobi coyenewa. <sup>15</sup> Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonae jopa peyaputaewa Moisés pia peitorobi coyenewa tsipei najuntu coyene ararana jopa be peyaputaewaxae. <sup>16</sup> Ichitha poxonae jiwi jume cowanta

Jesucristo pon jiwi Pecanamataxeinaein, bapoxonae Nacom cana exana xua pejuntũ coyeneintha peyaputaewa Moisés pia peitorobi coyenewa tatsi. <sup>17</sup> Jesucristo pon jiwi Pecanamataxeinaein irũ Nacom pia Pejumope tũnaxũ tatsi najuntũ coyene jũpabe. Pomonae ba Nacom pia Pejumope tũnaxũ tatsi xeina jopa nantawenonaeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha. <sup>18</sup> Daxita waxainchi wajume cowũntsixae Jesucristo pon jiwi Pecanamataxeinaein, jiwi tsita itũtatsi xua bara Nacom pia Pejumope tũnaxũ tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa peichichipaexae xua peitabara taewatsi ichamonae, tsipei bichocono itabara daedaena xua Nacom pia peitũpanae coicha tatsi. Jame waxainchi jinompatsi xua ichamonae naca jũntũ coyene tane, xua jiwi beta peyaputaenexa xua bara Nacom pon bichocono pexeinaein pejuntũ coyene xanepanaewa. Nacom pia Pejumope tũnaxũ tatsi naca yawena ducuanabiyaena bexa tsane xua waxeinaponaewa tsane pena jũntũ coyenewan. Icha Jesucristo ichi pia jũntũ coyenewatha, barichi tsainchi xua wajũntũ coyenewantha xua poxonae jinompatsi.

#### 4

<sup>1</sup> Nacom pata tanaantobexae pana cata barapo penacuichiwa. Daxota paxan jopa bapana paajũntũcoyenefaetabiya cueicueijanyo Nacom Pejume Diwesi. <sup>2</sup> Jopa paexanaeinyo xua pata yabara cueicueijejwa po coyene ba jiwi aura exanatsi po coyene jiwi moya yawũn xeina. Mataũtano jopa paexanaeinyo po coyene xua pata muxujainyabiya paebiwa. Barichi jopa payabara jume toxechiya exanaeinyo Nacom Pejume Diwesi xua poxonae ichamonae pata cana exanaenexa xua Jesús pejume cowũntsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia jũntũ coyenein tsipaebatsi xua bara xainyeya papaeban. Nacom pana jume tane daxita pocotsiwa papaeban. <sup>3</sup> Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poxoru barapomonaeweraweracaena, jopa pejume cowũntsixae. <sup>4</sup> Jiton ba pon peitata quirein jopa itacũpaetsi xua petaewa. Bara pocotsi jũta coyeneya ichi pomonaeweraweracaena jopa itacũpaetsi xua pejume cowũntsiwa Nacom. Caurimonae pia pentacaponaein tatsi jiwi jũntũ coyene itorobatsi barapo cae pin nacuathe. Bapon barapomonaeweraweracaena cana exanatsi xua jopa peyaputaewa.

Daxota jopa Cristo jume cowantsichi. Matautano bapon jopa copatsiyo xua barapomonaē peyabara jume cowantsiwa Nacom pia pecapanenebiyae diwesi tatsi. Barapo diwesi bichocono wanae xua yabara caunuta xua Cristo pexeinya peitapanae coicha xeina. Bapon Cristo bara Nacom cui jupatsi. <sup>5</sup> Poxonae pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yatsicaya pepa Wanacanamataxeinaein. Paxan amanaya panacuitan paxam nexa pata taantobexae Jesús. <sup>6</sup> Nacom pon xua jeye: “Barabu pecoicha ba pentha pequireiwatha”, jei. Bapon Nacom exana xua pepatopaewa pata juntu coyeneintha pia pexeinya jume diwesi tatsi, po diwesi copiya jopa pata yaputaewa. Pata juntu coyeneintha pata xeinaexae barapo diwesi pana itacupa xua pata yabara yaputaewa Nacom pia pexeinya peitapanae coicha xua paxan patan, xua Jesucristo pata itabara taewa.

*Meje xua Pablo yabara paeba xua pejinompaeya coyenewa xua pejume cowantsi coyenyatha*

<sup>7</sup> Paxeinan pata juntu coyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitapanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peayapusu itorobi coyenewa paxeinan xua Nacom pana cata. Daxota apara Nacom piawa, jopa apara patawiyo. <sup>8</sup> Bequein jiwi ichawa beya pana juntu coyene jujuta xua abe pata exanaenexa poxonae abe painta exana, ichitha awiya pana itacupa xua pata panenebiwa bara weya. Bequein bichocono yabara pana najuntu coyene exaban pocotsiwa jiwi painta exana, ichitha awiya jopa paajuntu coyenefaetabinyo. <sup>9</sup> Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomonaē iratha pana bebai xua pata tanejutebiwa tsane, ichitha Nacom jopa pana copabiyo xua barapomonaē pata tanejutebiwa. <sup>10</sup> Daxita nacuantha ichaxota paponeiban jiwi abe pana exaneiba. Barapomonaē pana wan dubeiba pata tanejutebeibiwa tsane icha Jesús ichichi xua hexotsi. Poxonae jopa pabobenaeyo xua ichamonae jopa pata tanejutebiwa, baxua patsita itapeinya xeinan jiwi xua apara Jesús asu pon pata taneyawenaexae pia peayapusu coyenewatha. <sup>11</sup> Poxonae cataunxuae pajinompan barapo cae pin nacuathe jiwi ichichipa pata tanejutebeibiwa pata

yabara paebi dubenanaebiyaexae Jesús. Daxota baxua jiwitha patsita itapeinya xeinan xua xaniwaicha bara Jesús pana yantsiya popona poxonae jiwi pana wan tane xua poxonae bequein muxu pata bobeneibi. <sup>12</sup> Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajuntayaruswa paxename po peajuntayaruswa ataya tsiteca.

<sup>13</sup> Nacom Pejume Diwesitha jeye: “Jume cowantan daxota cueicueijan”, jei. Paxan pajume cowantan icha David ichi xua poxonae baxua paeba. Irũ paxandũ pajume cowantan daxota pacueicueijan. <sup>14</sup> Payaputan xua Nacom Jesús asũ exanatsi xua petũpae cuiru coyene weya pon jiwi Pecanamataxeinaein. Barichi tsane Nacom asũ naca exanaena petũpae cuiru coyene weya, caemonae waexanaexaetsi Jesththa. Paxan irũ paxandũ Nacom naca caponaena pia xainya beicha. <sup>15</sup> Daxita pocotsiwan xua ichamonae pana necana exana xua paatanein baxuan paca yawena xua painya nejume cowantsinexa. Poxonae jiwi equeicha mataropeicha jume cocowantaponaena Cristo, bapoxonae ayei jiwi Nacom wũnae jainchinchí, jei tsane: “Nacom maisa pajantũ coyene weiweinan xua pata taneyawenaewam pata taneantobexaemxae”, jei tsane. Bapoxonae jiwi bichocono wũnae jainchina Nacom xua bapon bara beta peexanaexae.

<sup>16</sup> Daxota jopa barana paajuntũcoyenefaetabiya jinompaein. Pata pepon ffinapona. Ichitha pata juntũ coyene equeicha mataropeichiya asũya ayarusũ tsoponeibi daxita matakabin. <sup>17</sup> Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo atenewa pata tana neexanaewa pana neyabara nacui wũnaeta xua bexa tsane Nacom pata tana necatsibiwa tsane po coyenein xua bichocono wũnae xua po coyene ataya pata xeinaewa tsane po coyene xua pexeinya peitũpanae coichaxae. <sup>18</sup> Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana juntũ coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayarusũ tsopona.

## 5

<sup>1</sup> Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta

werapaenexa barapo cae pin nacuathe. Poxonae pawera-  
 paein pata pepon weraweracaena icha bouto ichi. Bapox-  
 onae payaputan xua Nacom icha pepon painta xeina xua  
 pena pepon pia nacuatheicha. Barapo pepon ataya payawa  
 jinompaein. Barapo pena pepon Nacom exana, jiwi jopa  
 exanaeyo. <sup>2</sup> Anoxuae bichocono pana najuntũ coyene exaban  
 tsipei bichocono bepaxeinaein icha pena pepon po pena  
 pepon Nacom xeina pia nacuatheicha. <sup>3</sup> Barapo pena pepon  
 Nacom pana cata xua jopa pata jinompaenexa athabeicha  
 poxonae jopa paxeinaeinyo pepon. <sup>4</sup> Poxonae cataunxuae  
 barapo pepon payawa jinompan barapo cae pin nacuathe  
 bichocono pana najuntũ coyene exaban tsipei jiwi painta  
 ayapube exana pata pepontha. Ichitha jopa paichichipaeinyo  
 xua pata jinompaewa be poxonae jopa paxeinaeinyo barapo  
 peru pepon xua pata bebeixae. Jame paichichipan xua pata  
 yawa jinompaewa pena pepon. Po pepon anoxuae payawa  
 jinompan saya werapaena. Paichichipan xua equeicha  
 pata xeinaewa pena pepon po pena pepon xua ataya asuya  
 pata yawa jinompaewa tsane. <sup>5</sup> Nacom pana necui yabara  
 wñaeta xua barapo pena pepon pana catsina. Nacom pana  
 cata pia Pejumoŕe tñaxũ tatsi xua pana netsita itapeinya  
 xeina xua bexa tsane Nacom pena pepon xaniwaicha pana  
 catsina.

<sup>6</sup> Daxita matacabin ajuntũsuya pajume cowñteiban Na-  
 com pon jiwi Pecanamataxeinaein. Payaputan xua pox-  
 onae cataunxuae barapo cae pin nacuathe payawa jinom-  
 pan barapo peru pepon. Cataunxuae yatsicaya Jesucristo  
 tajũ tsana pana cuenta eca, jopa cataunxuae pata xeinaexae  
 barapo pena pepon. <sup>7</sup> Pajinompan pata jume cowñtsiya  
 coyeneyatha Jesús, xua bapon exanaena pocotsiwan bapon  
 paeba, bequein cataunxuae jopa pana nebarũ jinompaeyo  
 itabocotheicha. Apra jopa pajinompaeyo xua pata tatae-  
 waxae ichawa. <sup>8</sup> Ajuntũsuya pajume cowñteiban Nacom.  
 Paichichipan pata bebeiwa barapo peru pepon xua po pe-  
 pon anoxuae payawa jinompan pata jinompaenexa ichaxota  
 Jesús popona pon jiwi Pecanamataxeinaein. <sup>9</sup> Bichocono  
 paichichipan xua pata exanaewa pocotsiwa bapon Jesús  
 pon jiwi Pecanamataxeinaein ichichipa bequein barapo pe-  
 pon payawa jinompan barapo cae pin nacuathe, mataũtano  
 ichacuitha metha bequein poxonae painompan Nacom pia  
 nacuatha. <sup>10</sup> Bexa tsane daxita waxainchi bewa umenaeinchi  
 Cristo peitabaratha. Bapoxonae barapo mataqueitha bapon  
 yabara paebina jiwi xua penatsicuentisiwa xua abe peex-  
 anaexae Nacomtha. Daxita barompaya matoma xeinaena  
 pocotsiwa pia peexanaexae poxonae cataunxuae jinompa  
 barapo cae pin nacuathe. Pomonae wñaeya tanacuita



xuya wanaeya matoma catsibinchi. Pomonae jopa xapain tanacuichiyo xuya antomabeya catsibinchi.

*Meje xua Pablo yabara paeba xua jüntema pejinompae coyenewa yabara*

<sup>11</sup> Yaitama payaputan xua bewa pacunuwin Nacom pon jiwi Pecanamataxeinaein pata baru cui itura jinaenexa bapon. Daxota pamuxuwetan jiwi xua bewa jume cowantsina Jesús. Nacom pana juntu coyene yaputane xua xainyeya bepataexanaein. Barichi paichichipan xua paxam pana juntu coyene yaputaneme beta. <sup>12</sup> Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebaru cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Matautano paca tsipaebatsi xua ichamonae painya nejume noteibinexa poxonae ichamonae abeya pana neyabara paebeiba. Barapomonae pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomonae jopa najuntu coyene yabara tsaqueinaeyo xua po juntu coyenein xeina pia juntu coyeneintha po juntu coyene jopa wanaeyo. <sup>13</sup> Barapomonae pana neyabara nanta xeina xua paxan pomonae pata tanentsiyabi jiwi pan xua poxonae pata cueicueijeixae Nacom Pejume Diwesi. Icha barapomonae baxua pana neyabara nanta xeina apara poxoru Nacom pata taantobexae. Icha barapomonae jopa pana yabara nanta xeinaeyo xua paxan pomonae pata tanentsiyabi jiwi pan, apara poxoru saya pata paca yawenaexaetsi. <sup>14</sup> Cristo pata tana neantobexae paichichipan xua pata tatanacuichiwanexa bapon. Bara xaniwaicha payaputan xua Cristo tsitupa daxita jiwi pomonae pia pejume cowantsiwichixaetsi. Daxota Nacom patsitan xua paxan be pomonae pata werapaewi pan abe pata exanaexae. <sup>15</sup> Cristo tsitupa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxonae jopa jinompae tsane po coyeneya poxonae tsita xanepanatsi barapomonae. Jame barapomonae bewa jinompae Cristo nexa pon naetotha tupa xuano xua equeicha asu exanatsi. <sup>16</sup> Anoxuae jopa payabara nanta xeinaeinoyo xua pata yaputaewa jiwi pia pejuntu coyenein tatsi xua saya poxonae pacui tan poxonae po coyenein exana icha pomonae jopa pejume cowantsiwi ichi. Barapomonae nanta xeineiba xua jiwi pejuntu coyene yaputaenexatsi xua saya poxonae cui tainchi xua exaneiba. Bequein copiya bayatha Cristo

jopa wunaeya payabara nanta xeinaeinyo, ichitha anoxuae jopa baxua paraichinyo poxoru anoxuae bara xaniwaicha payaputan bapon. <sup>17</sup> Pon caein naexana Cristotha pejume cowantsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

<sup>18</sup> Daxita barapo pena juntu coyenein Nacom werena pona. Nacom naca cana exana xua piamonae jiwi tatsichi pomonaexaetsi bequein copiya Nacom pia peaitafaetabi jiwi tatsichi. Baxua Nacom naca cana exana Cristo wanaca tsitupaexae. Matautano Nacom pana itoroba xua paxan xuya ichamonaetha pata cana exanaenexa Nacom piamonae tatsi pomonaexae bequein copiya Nacom pia peaitafaetabi jiwichi. <sup>19</sup> Pocotsiwa xuaunxuae paca tsipaebatsi xua apara meje: Nacom juntema jinompa cana exana barapo cae pin nacuathe pomonae copiya pia peaitafaetabi jiwichi poxonae barapomonae yabara jume cowanta xua Cristo tsitupa barapo jiwi. Bapoxonae Nacom jopa tsitatsi xua barapo jiwi penatsicuentsiwa xua abe peexanaexae. Matautano Nacom pana cata penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamonae cana exana jiwi, pomonae bequein copiya pia peaitafaetabi jiwichi, barapo diwesi pacueicueijan. <sup>20</sup> Paxan pomonae Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxonae paca tsipaebatsi. Cristo patacueicueijan poxonae jume daunweya paca jeichi: “Pana nacui barapende abe painya neexanae cuiru coyenein. Pajume cowande Cristo caemonae painya nenaexanaenexa Nacomtha”, paca jeichi. <sup>21</sup> Cristo bapana jopa abe exanae. Ichitha Nacom tsitatsi xua Cristo penatsicuentsiwa xua poxoru abe waexanaexae. Bapoxonae Nacom naca cana exana xua caemonae wanaexanaewa bapontha xua wajuntu coyenein xanepanaenexa Cristo pia peexanaexae poxonae naca tsitupa. Bapoxonae Nacom tsitatsi xua jopa watsita natsicuentsiwa bequein abe waexanaethatsi.

## 6

<sup>1</sup> Nacom pata tana nebaru nacuita dubenanaebiyaexae, jume daunweya paca muxu tsipaebiya jeichi: “Painya xoba panaitematame po diwesi xua Nacom paca cata paca necaantobexae. Barapo diwesi apara xua Nacom juntu coyene xanepana exana jiwi pomonae pejume cowantsixae”, paca jeichi. <sup>2</sup> Tsipei Nacom, pewunaeya poxonae xua jiwi yabara cui cananta xeinaeinchi peyawenaenexa tsainchi, Nacom Pejume Diwesitha namchi, jeye:

“Po matacabi jiwi yabara cui cananta xeinaein tayawenaenexa tsane, barapo mataqueitha paca jume taeinchi.

Po matacabitha jiwi capanenebiyaein paxam yawa paca yawenaeinchi”,  
 jei Nacom Pejume Diwesitha.

Anoxuae apara barapo matacabi jopa, po mataqueitha Nacom naca yabara cui cananta xeina wanaca yawenaenexa.

<sup>3</sup> Poxonae Nacom patanacuita dubenanaebiyān paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiyo xua abe pata exanaewa xua jiwi pata nejume aebiyainwa Nacom Pejume Diwesi poxonae patsipaeban.

<sup>4</sup> Jame apara daxita beta paexana dubenanaebiyān jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitan. Baxua

paexanan poxonae awiya saya jantema pajinompan poxonae bequein ichamonae atene pana exana, xuano bequein painta seica pocotsiwa panantawenonan, xuano bequein poxonae bichocono painta yapu daunwei tsaibi poxonae paexaneiban. <sup>5</sup> Ichacuitha jiwi pana beiba bichocono.

Matautano ichacuitha jiwi pana cuaranobeiba jiwi pecabi bontha. Matautano ichacuitha jiwi ayei jiwi anaepanaya pana netsaquibabeiba poxonae jiwi ayei acucu. Poxonae panacuiteiban, bichocono ayapusaya panacuiteiban. Ichacuitha merawitha jopa pamaiteibinyo tsipei saya paexaneiban Nacom pia penacuichiwa tatsi. Ichacuitha tsaibi bichocono pajainpeiban. <sup>6</sup> Jiwi patsita itapeinya

xeinan xua paxan pomonae Nacom pia petanacuichi jiwi tatsi pan xua Nacom pata tsita juntu coyene xanepanaexae, matautano tsipei poxoru payaputan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope tuxaxu tatsi pata tanebaru jinompaexae, xuano xua ichamonae xaniwaicha pata taantobexae. <sup>7</sup> Bara xaniwaicha payabara

paeban po coyene pexainyeiwa. Paxan paxeinan Nacom pia peayapusu itorobi coyenewa tatsi. Pata Nacom pata tsita juntu coyene xanepanaexae, paxeinan pocotsi coyenewa xua panantawenonan xua pata tacueicueijeinexa Nacom. Paxan panacui wetan xua Nacom patanacuitan. <sup>8</sup> Ichacuitha jiwi

pana nebaru cui itura jineiba, ichamonae jopa pana tsita daicheibiyo. Ichacuitha ichamonae wunaeya pana neyabara paebeiba. Ichacuitha ichamonae abeya pana neyabara

paebeiba. Ichamonae pana neyabara paebeiba xua paxan pomonae jiwi pata muxuitorobi jiwi pan. Ichamonae pana neyabara paebeiba xua paxan pomonae apara xaniwaicha pata paebi jiwi pan. <sup>9</sup> Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya asuya pajinompeiban. Jiwi pana neatene exaneiba, ichitha jopa pana nejutebeibiyo. <sup>10</sup> Bequein ichacuitha bara pajuntũ coyene wecoyan pata painta exanaexae ichamonae, daichitha awiya pajuntũ coyene weiweinaya jinompeiban. Metha bequein paxan be pomonae peacopeibiwi pan tsipae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexeinaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa peweraweracaewa.

<sup>11</sup> Tamonae pam, paxam pomonae Corinto tomarapiwi pam. Daxita xua po coyenein tajuntũ coyenewatha nanta xeinan baxuan paca tsipaebatsi. ¡Bichocono tajuntũ coyenewatha paca antobetsi! <sup>12</sup> Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonae jiwi tapana neexanaewam. <sup>13</sup> Xan paca tsipaebatsi xua be poxonae icha coxiyũn ichi xua tsipaeba pia pexuyotha. Paca jeichi: “Xuya daxita painya nejuntũ coyenewatha paneantobeinde icha paca ichichi xua tapaca antobewatsi bichocono”, paca jeichi.

*Meje poxonae Pablo jeye: “Icha Nacom ichi xua popona pia pin botha barichi Nacom pana nebarũ jinompa”, jei*

<sup>14</sup> Jopa caemonae pana naexanaeinde pomonaetha pomonae jopa pejume cowantsi jiwi. Tsipei pon pejuntũ coyene xanepanaein jopa itacũpaetsi xua pecueyatsiwa pontha pon peajuntũcoyenebein. Barichi xua pequireiwatha peyonoyoneiwa jopa itacũpaetsi xua quirei tsanaya baxota, awiya peyonoyoneixae. <sup>15</sup> Barichi Cristo pon xanepanaya peexaneibin jopa itacũpaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowantsin jopa itacũpaetsi xua pecueyatsiwa

pontha pon jopa pejume cowantsin, poxoru jopa jupaeyo xua nanta xeinabe. <sup>16</sup> Barichi Nacom pin pia botha jiwi jopa bewa wanae jainchina ibo nacomun. Saya meisa bewa wanae jainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca baru jinompa, pon ataya asuya popona. Nacom caena bayatha baxua yabara jeye:

“Barapomonaе baru poponaein yawa cueyata ducuaеbiyaеin.

Matautano barapomonaе pia Nacomun tatsin tsane.

Barapomonaе tamonaе naexanaena”, jei Nacom.

<sup>17</sup> Daxota Nacom pon Pecanamataxeinaein jiwi, equeicha yabara paeba pomonaе jopa pejume cowantsiwi. Nacom piamonaetha jeye:

“Barapomonaе pia xainya weya paponare.

Jopa caemonaе pana nayawa exanaeinde barapomonaе.

Jopa paexanaeinde peabe coyene po coyene barapomonaе exana.

Nexata xan paca matenta weyataeya wabinchi.

<sup>18</sup> Xan naexanan xua xan painya Axan.

Matautano paxam taxanton jiwi pam tsane, xuano iru taxantixi jiwi pamdu”,

jei Nacom piamonaetha pon daxita peayapusu itorobi coyenewan pexeinaein.

## 7

<sup>1</sup> Tamonaе pam, paxam pomonaе tapaca caantobe jiwichi pam. Xuaunxuae po diwesi paca tsipaebatsi baraxuan apara Nacom yabara naca tsiwanae muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajuntu coyene nanta xeinano. Matautano bewa xua Nacom junuwiya wabaruu cui itura jinaewatsi tsainchi. Matautano bewa xanepanaya exanapon-aetsi beya poxonaе bichocono Nacom watsita juntu coyene xanepanaewa tsane xua jopa wanatsicuentsiwa xua abe waexanaexae bapontha.

*Meje xua poxonaе Corinto tomarapiwi icha juntu coyene xeina xua Jesus pejume cowantsixaetsi*

<sup>2</sup> Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaеinyo ichamonaе xua xuya abe peexanaenexa. Matautano ichamonaе jopa pamuxujainyabeibinyo. <sup>3</sup> Jopa baraxua paca

tsipaebichi xua paca yabara paebatsi xua abe painya ne-exanaewam. Bayatha copiya paca tsipaebatsi, paca jeichi: “Tajuntũ coyenewatha bichocono paca antobetsi, bequein metha poxonae paca barũ werapaetsipatsi, xvano metha bequein poxonae paca barũ jinompaetsipatsino”, paca jeichi. <sup>4</sup> Bara bichocono paca yabara jume cowantatsi xua po coyene tapaca catsipaebiwatsi tsainchi pocotsiwa tajuntũ coyenewatha nanta xeinan xua pocotsiwa painya neexanaenexa tsane. Matautano paca yabara wũnae jaintatsi poxonae ichamonae tsipaeban poxoru tapaca cui yabara paebixaetsi. Bequein ichamonae atene neexana, daichitha poxonae jume tan pocotsiwa paexaname pana nejuntũ coyene tsacaba exaname xua juntema tapoponaewa. Matautano barichi bichocono panejuntũ coyene weiweina exaname.

<sup>5</sup> Poxonae po mataqueitha weya papatan Macedonia nacua weya jopa cuinaya juntema painompaeyo xua jiwi abe pata tana necana exanaewa daxita coyeneintha. Pomonae jopa pejume cowantsiwi bichocono pana casebeiba pata natsipei cueicueijeixae Jesús pejume diwesi. Barichi pomonae pejume cowantsiwi junuwiya payabara najuntũ coyene exabeiban nawita xua jopa xanepanaya pejinompaewa tsipae. <sup>6</sup> Daichitha Nacom pana juntũ cui coyene tsacaba xua juntema pata jinompaewa poxonae bequein paatanein tsaibi. Barapon Nacom apara pon jiwi cana exanatsi xua juntema pejinompaewa poxonae bequein juntũ coyene wecoyei. Baxua Nacom pana necana exana poxonae Tito patopa pata xantha. <sup>7</sup> Pajuntũ coyene weiweinan xua bapon pepatopaexae. Ichitha jame yatsicaewa pana nejuntũ coyene tsacabame xua poxonae bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maisa Pablobarũ bepataebenaen. Bichocono pawecoyan yaitama Pablobarũ abe exanatsi ichamonae. Daxota payabara najuntũ coyene exaban bapon”, pinae pajam. Poxonae baxua jume tan bichocono juntũ coyene weiweinan.

<sup>8</sup> Bequein xan paca juntũ coyene wecoyei exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copiyatha yabara auran baxua. Barapo carta saya bara caeto paca juntũ coyene wecoyei exana. <sup>9</sup> Ichitha anoxuae juntũ coyene weiweinan xua jopa apara poxoru painya nejuntũ coyene wecoyeixae poxonae payorobame barapo carta, saya apara jame poxoru Nacom icha juntũ coyene painya netsita xeinaexae. Paxam pajuntũ coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan

jopa abe pacata exanaetsi. <sup>10</sup> Poxonae jiwi jũntũ coyene wecoyei icha be pocotsi coyeneya Nacom ichichipa, barapo peitanuwetha jiwi cana exanatsi xua peurawa abe peexanaexae bapoxonae barapo jiwi Nacom jume cowũntatsi. Bapoxonae Nacom jopa tsita natsicuentichi xua abe peexanaexae. Barapomonae icha jũntũ coyenein xeina poxonae barapomonae capanenebiyatsi abe pia peexanae cuiru coyenein weya tatsi. Bapoxonae barapomonae jopa bewa aura tsane xua copiya jũntũ coyene wecoyei. Ichamonae pomonae jopa pejume cowũntsiwi Nacom, poxonae barapomonae wecoyei xua jopa peuraxae poxonae abe exana, ichitha barapo itanuwetha barapomonae jopa yawenaetsi. Apara saya barapomonae werapaena Nacom petsita abe exanaexaetsi. <sup>11</sup> Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca jũntũ coyene tsacaba xua beta painya neexanaenexa. Mataũtano paca exana xua pacui yabara nanta xeiname pon abe peexanaein. Bapoxonae nainya paitawetame bapon, abe peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Mataũtano paauram xua painya necopatsiwa bapon xua bara abe peexanaewa. Mataũtano pajunuwame xua Nacom atene paca exana poxoru bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apara daxita paxam jopa abe paexanaem. Saya meisa bapon abe peexanaexae. <sup>12</sup> Bayatha pacata tinatsi po carta xua paca itanuwe exana xua Nacom painya tsita itapeinya xeinaenexa xua xaniwaicha bara pana neantobem painya neexanaexae pocotsiwa paca itorobatsi. Apara jopa pacata tinaetsi xua saya poxoru tayabara nanta xeinaexae pon abe exana, xuano irũ pon coseuri pitatsi, xua tayawenaewa tsane. <sup>13</sup> Pata taneantobemxaem pana nejũntũ coyene tsacabame xua tajũntũ coyene weiweinaewa.

Barichirũ daxita paxam Tito pajũntũ coyene cui tsacabame daxita pocotsiwantha xua beta painya paebixaem bapontha. Jame yatsicaewa bapoxonae bichocono pajũntũ coyene weiweinan xua poxonae Tito pacana exaname, beyacaincha poxonae pana necana exaname xua poxonae pajũntũ coyene weiweinan. <sup>14</sup> Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowũntsiwi weyatan xua bichocono pejũntũ coyene xanepanaexae Na-

comtha”, jan. Paxam jopa panejuntu coyene aura exanaem. Xua ba paca tsipaebibatsi baraxua bara pexainyeiwa tsaibi. Matautano pocotsiwa paca yabara paebatsi Titotha baxua apara bara pexainyeiwano iru. <sup>15</sup> Bapon Tito bichocono paca antobe anoxuae beyacaincha poxonae cataunxuae jopa paca siwa ponaeyo. Bapon paca yabara juntanaina xua paxam pabaruru jume jejam tsaibi pocotsiwa paca itorobeiba. Matautano bapon pantenta weyataeya wabame painya baruru itura jinaexae bapon. Matautano pajunuweibame xua abe painya neexanaeyainwa bapon. <sup>16</sup> Maisa bichocono juntu coyene weiweinan xua tapaca yabara jume cowantsiwatsi xua daxita coyenewan painya neexanaewaxae po coyene xua wuna.

## 8

*Meje xua poxonae Pablo yabara paeba xua Cristo piamonae tatsi paratixi pecacomocae paratixi jejebapona pomonae peacopeibiwi nexa*

<sup>1</sup> Tamonae pam, paichichipan xua painya neyabara yaputaewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowantsiwichi, pomonae penacaetutsi bonmonae jiwi xua pomonae wuna pejainteibiwi Nacom pomonae xua Macedonia nacuatha jinompa. <sup>2</sup> Bequein barapomonae bichocono daunweya juntu coyene jujutatsi poxonae ichamonae abe taexana barapomonaetha, daichitha awiya cataunxuae barapomonae juntu coyene weiweina. Bequein barapomonae peacopeibi jiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibi jiwi Jerusalén tomarapiwi be poxonae yatsicaewa pepa copei pexeinaewi. <sup>3</sup> Xan tan xua barapomonae cata nawita be po coyeneya xua daxita itacupatsi xua pecatsiwi. Matautano ichawano catsiba beyacaincha xua poxonae itacupatsi xua pecatsiwi. <sup>4</sup> Barapomonae bichocono pana muxu fayacotsiya jeye: “Bara pana copare xua bara Jerusalén tomarapiwi patacatsibinexa paratixi pecacomocae paratixi pomonae iru pejume cowantsiwi, pomonae peacopeibi jiwi”, pana jei. <sup>5</sup> Barapomonae baxua exana beyacaincha xua pocotsiwa pananta xeinan xua barapomonae itacupatsi xua pocotsi coyeneya pecatsiwiwa tsane. Matautano barapomonae juntucuru nanta xeina xua bara petanacuichinexa tsane Nacom nexa daxita pejuntu coyeneinyatha. Bapoxonae juntucuru nanta xeina xua barapomonae bara pata taneyawenaenexa tsane be pocotsi



coyeneya Nacom ichichipa. <sup>6</sup> Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tsipei bapon bayatha caena tamropata pitaba xua penonotaponaewa paratixi painya xantha. Poxonae barapo paratixi pacatsibaponame bara pexeinya coyene paexanaponaeme peacopeibiwitha painya neantobewaxae. <sup>7</sup> Paxam bichocono jopa juniya paxeinaem po coyenein xua painya neexanaewa. Bichocono pajume cowuntame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano bichocono painya juntu coyenewatha paichichipame xua ichamonae painya neyawenaewa. Matautano bichocono pana neantobem. Daxota bichocono jopa juniya toxechiya paexanaeinde xua painya neyawenaewa xua poxonae paratixi pacatsibame pomonaetha pomonae iru pejume cowuntsiwixae. Baraxua paexande painya neantobexae barapomona.

<sup>8</sup> Poxonae baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua tayaputaenexa icha bara metha paxam bichocono paantobem ichamonae icha Macedonia nacuamonaepiwi ichi. Barapomona bichocono antobe ichamonae daxota yawena nawita. <sup>9</sup> Paxam payaputaneme xua Jesucristo naca antobe pon Wanacanamateaxeinaein. Jesucristo poxonae Paxatha popona copiya daxita xeina be poxonae yatsicaewa copei pexeinaein. Daichitha bapon pia coutha nacana exana be pocotsin jopa copei pexeinaein poxonae paxa cuenta pona. Poxonae jiton pia coyeneya nacana exana bapoxonae acopeibi nacana exana pia paca necaantobewaxae. Daxota xuya nawita painya nexeiaen jiwu pam tsane xua po coyenewa Jesucristo xeina.

<sup>10</sup> Paca tsipaebatsi baxua painya tapaca cayawenonaeaxetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notarucupame xua paratixi painya nejehebaponaewa Jerusalén tomarapiwi nexa. Baxua bayatha paexaname painya juntu coyeneintha bichocono painya neichichipaexae xua painya neexanaewa baxua. <sup>11</sup> Icha copiya paichim xua paichichipame nawita xua painya neexanaewa baxua, paexanaponde beya poxonae panacui yabara wetsiname. Padodoutaponde xua be pocotsi coyene paca cui jupa xua pocotsi matoma paxeineibame xua pajiwana tsabeibiname paratixi. <sup>12</sup> Icha pebin ichichipa xua pecatsiwa paratixi Nacomtha bapon bara nata jiwana wetsatsina paratixi xua catsina be pocotsi coyene xua cui jupatsi xua pecatsiwa.

Pocotsiwa bapon cata bara Nacom wecobe pita. Saya poxoru Nacom jopa pew<sub>u</sub>caexae poxonae pebin bequein jopa xeinaeyo taethatsi. Saya jame icha jiwi cui j<sub>u</sub>patsi xua pecatsiwa poxonae xeina, bapoxonae jame Nacom wecobe pita.

<sup>13</sup> Jopa paca tsipaebichi xua ichamonaе bewa payawenaename xua painya necatsibiwa daxita xua paxeiname xua beya poxonae daxota painya neacopeibiwa tsane. <sup>14</sup> Saya jame paca tsipaebatsi xua paxam copei pexeinaewi pam ir<sub>u</sub> peacopeibiwi Jerusalén tomarapiwi bewa pebur<sub>u</sub>ya j<sub>u</sub>paeya paxeinaename. Metha anoxuae paxeiname nawita, ichitha barapomonaе jopa xeinaeyo. Daxota paxam pomonaе nawita painya nexeiinae jiwi pam bewa pacatsibiname pomonaetha pomonaе jopa xeinaeyo pocotsiwa barapomonaе nantawenona. Metha bexa tsane barapomonaе xeinaena nawita ichitha paxam jopa paxeinaem tsane. Bapoxonaе bewa barapomonaе xuya paca catsibina pocotsiwa panantawenona. Bapoxonaе daxita pam nanta j<sub>u</sub>paeya paxeinaename. <sup>15</sup> Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ich<sub>u</sub>ntha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

*Meje xua Tito yabara ir<sub>u</sub> pomonaе pia peyanabiwatsir<sub>u</sub>*

<sup>16</sup> Tsipaeban Nacom, janje: “Nacom maisa j<sub>u</sub>nt<sub>u</sub> coyene weiweinan xua Tito pej<sub>u</sub>nt<sub>u</sub> coyenewatha yabara nanta xeina ducuaenaebiya Corinto tomarapiwi xua peyawenaenexa barapomonaе icha xan ichin”, janje. <sup>17</sup> Bapon Tito j<sub>u</sub>nt<sub>u</sub> coyene weiweina poxonaе patsipaeban xua pia paca necayawenonaewa tsane. Daxota anoxuae bapon pia coutha paca siwa ponaena peichichipaexae xua pia paca yawenaetsi.

<sup>18</sup> Ich<sub>u</sub>nd<sub>u</sub> paitoroban pon pejume cow<sub>u</sub>ntsind<sub>u</sub> xua Tito pepuna ponaenexatsi. Daxita pomonaе pejume cow<sub>u</sub>ntsiwi pomonaе penacaetuteibi jiwi xua w<sub>u</sub>nae pejainteibiwi Nacom barapomonaе bapon beta yabara nanta xeinatsi, tsipei pinae bapon beta xanepanaya cuiduba Nacom pia pecapanenebiyae diwesi jume. <sup>19</sup> Jopa meisa pebaxuaxae. Jame yawa mata<sub>u</sub>tano barapomonaе pomonaе pejume cow<sub>u</sub>ntsiwi peitapetsixae barapo pebin xua bapon pata tanebar<sub>u</sub> ponaenexa poxonaе pacapanan paratixi

peacopeiwiwita pata antobexae barapomonaē. Barapo penacuichiwa pata exanaexae pabarũ cui itura jinan Nacom pata exanaexae pocotsiwa bapon pana itoroba. Matautano poxonae baxua paexanan patsita itapeinya xeinan xua paichichipan xua nantiya pata tanayawenaewa. <sup>20</sup> Paichichipan xua xaniwaicha beta paexanan poxonae pin paratixi cun pacaponan xua jiwi abe pata neyabara paebiyainwa. <sup>21</sup> Paichichipan nawita xua xainyeya pata exanaewa Nacom peitabaratha tatsi xuano xua jiwi peitũtha tatsino.

<sup>22</sup> Barichino ichũnno paitoroban pon pejume cowũntsindũ xua baponbe Tito pepuna ponaenexa tsainchibe. Bapon pon cotacaya paitoroban, pajũntũ coyene jũjutũn pata yaputaenexa icha bara metha beta nacuita Nacom nexa. Bara bapon beta jume cowũnta ducuaenaebiya. Daxota bapon irũ paitoroban. Bapon ichichipa nawita xua pia paca yawenaewa tsane pia paca yabara jume cowũntsixae xua bara beta paexaname. <sup>23</sup> Icha ichũn paca yabara yainyaba Tito pana nejume cayabara jume jande bapontha xua janje: “Bapon taneyantsin. Bapon neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe baponbe itorobatsibe pomonaē pejume cowũntsiwi. Baponbe tsita itapeinya xeinaē barapomonaē aetha xua bara xaniwaicha pejume cowũntsinbe Cristo, xua daxota barapomonaē wũnaē pejainchinexa Nacom”, pana nejume cayabara jande. <sup>24</sup> Barapo acoibi poyobe xaniwaicha pantenta weyataeya wabare poxonae patsina painya xantha. Bapoxonaē poxonae baxua paexaname patsita itapeinya xeinaē pomonaē pejume cowũntsiwi xua xaniwaicha bara paantobem barapo acoibi poyobe. Bapoxonaē barapomonaē paca yabara cui yaputaena, xua paxan xaniwaicha papaeban xua poxonae jũntũ coyene weiweinaya atsaquiya tapaca yabara paebiwatsi xua painya nejume cowũntsixae.

## 9

*Meje xua paratixi pejehebaponaewa yabara pomonaē pejume cowũntsi jiwi nexa, pomonaē peacopeibi jiwi xua pomonaē Jerusalén tomarapiwi*

<sup>1</sup> Jopa nantawenonaeyino xua equeicha tayabara tinaewa xua painya neyawenaenexa ichamonae pomonaē irũ jume cowũnta xua painya necatsibinexarũ paratixi pomonaē Jerusalén tomarapiwi. <sup>2</sup> Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonaepiwiwita, janje: “Bayatha icha

weitha Acaya nacuapiwi najuntũ cui coyene wũanaeta xua jehebaponaena paratixi peacopeibiwi nexa”, jan. Barapo Macedonia nacuapiwi, najuntũ cui coyene tsacaba xua irũ pebarichinexarũ pejume taexae xua pinae paxam paichichipame nawita po coyene painya neyawenaewa. <sup>3</sup> Barapo acoibi poyobe itoroban xua ichamonaē jopa taneyabara paebinexa tsane xua tanaerabiwa xua bayatha tapaca yabara paebixae. Daxota bewa pana nacui wũanaetsiname xua painya nejehebaponaewa paratixi xua painya necatsibinexa ichamonaetha. <sup>4</sup> Metha barapo Macedonia nacuamonaepiwi jiwana nebarũ ponaena poxonaē paca siwa ponaeinchi. Metha barapomonaē paca taetsipa xua jopa pana nacui yabara wũanaetsim xua painya nejehebaponaewa paratixi xua painya necatsibiwa ichamonaē. Bapoxonaē bichocono paauran tsipae tsipei bayatha paca yabara paebatsi xua paxam pacatame nawita. Irũrũ paxam paauram tsipae. <sup>5</sup> Nanta xeinan xua bewa copiya itorobin barapo acoibi poyobe xua bara poyobe copiya paca siwa ponaena beya poxonaē xua paca siwa ponaeinchi. Barapoxonaē barapoyobe painya nepaca yawenaenexa xua penotaponaewa paratixi. Bayatha pana nemuxu tsipaebame xua pinae paichichipame painya necatsibiwa ichamonaē barapo paratixi. Po paratixi panotaponame panacui yabara wetsiname, baxua patsita itapeinya xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

<sup>6</sup> Payabara nanta xeinare po diwesi ba xua jeye: Pon ba conotha ũba ba conotha jota pocotsiwan xua penawetsiwan. Pon ba jopa juniya ũbiyo ba jopa juniya jotsiyo pocotsiwan xua penawetsiwan. <sup>7</sup> Daxita pomonaē pejume cowũntsiwi bewa catsibeibina be pocotsi coyeneya nanta xeina pejuntũ coyenewatha. Jopa bewa asiwiya catsibeibi icha aichaxaibi xua pecatsibiwa. Mataũtano jopa bewa catsibeibi poxoru ichũn pecui itorobixae xua pecatsibeibiwa tsane. Nacom tsita jũntũ coyene xanepanatsi nawita pon jũntũ coyene weiweinaya douteiba ichamonaetha. <sup>8</sup> Nacom bara itacũpatsi xua daxita painya nepaca catsibiwa pocotsiwan panantawenoname, mataũtano ichawano xua bichocono nawita beyacaincha pocotsiwa xua panantawenoname. Bapoxonaē paxeinaenname pocotsi coyeneya xua paca cui jũpa xua rajũntũ coyene weiweinaya catsibiname ichamonaetha. <sup>9</sup> Nacom Pejume Diwesitha pon nawita pecatsibin jiji bapon yabara jeichichi, jeye:

“Pon catsibeiba poneiba nawita pomonaetha

pomonaē peacopeibi jiwi Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

<sup>10</sup> Apara Nacom pon catsibeiba jiwi po pexu xua jiwi peubinexa. Matautano apara Nacom pon catsibeiba pexaewa xua jiwi pexaenexa. Barichi Nacom paca catsibeibina beyacaincha xua pocotsiwa panantawenoname. Baroxonae paca cui jupaena xua ichamonae painya necatsiba dubenanaebiyawa tsane nawita, pocotsiwa jopa panantawenonaem. <sup>11</sup> Nacom nawita paca catsibina xua daxota paca itacupaena xua ichamonae pacatsiname nawita. Poxonae pacaponaein barapo paratixi xua pata itorobame peacopeibi jiwi nexa, Jerusalén tomaratha, baroxonae barapomonae Nacomtha jeye tsane: “Nacom maisa pajantū coyene weiweinan xua painta exaname xua daxota barapo Corinto tomarapiwi painta itoroba paratixi”, jei tsane. <sup>12</sup> Poxonae barapo paratixi pacatame barapo pejume cowantsi jiwitha, bara barapomonae pacatame pocotsiwa barapomonae penantawenonaewa. Matautano painya neexanaexae baxua barapomonae wūnae jainteiba Nacom. <sup>13</sup> Barapomonae wūnae jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomonae Nacom wūnae jainchinchi, painya neyawenaexae poxonae pacatame paratixi nawita barapomonaetha xuano xua daxita ichamonaetharū. <sup>14</sup> Barapomonae Nacomtha pacata wūcaena pia paca necaantobewaxae poxoru barapomonae patsita itapeinya xeiname xua Nacom bichocono paca yawena pia paca necaantobewaxae. <sup>15</sup> Nacomtha patsipaeban, pajanje: “Nacom maisa pajantū coyene weiweinan xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacupaeyo xua po jumetha pata yabara paebiwa”, pajan.

## 10

*Meje xua Pablo yabara paeba pia peitorobi coyenewa*

<sup>1</sup> Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebarū cui itura jinae coyenetha xuano peantobe coyenyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae tajū wepainta tineibarena jume daunweya painta

tineibarena”, pinae pana neyabara jam. <sup>2</sup> Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchi pocotsi jumeintha xua daxota jume daunweya tapaca catsipaebiwa tsainchi. Ichamonae paxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowantsiwi. Bewa jume daunweya tsipaebin barapomonaetha xua baxua yabara xua taneyabara paebiwa. <sup>3</sup> Baraxaniwaicha xua paxan apara saya jiwi pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonaeba yabara naba peexanaenexa pocotsiwa ichichipa. <sup>4</sup> Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapusu itorobi coyenewa tatsi xua baraxota pata nayaewatsinexa. Barapon Nacom pia peayapusu itorobi coyenewa tatsi pana necana exana xua paamanayaban po peayapusuwa barapo cae pin nacuathepiwi xeina xua saya caurimonae pia pentacaponaein tatsi pia peayapusuwa tatsi. <sup>5</sup> Ichamonae najume matsontsonoba poxonae pacueicueijan Nacom Pejume Diwesi jopa peichichipaexae xua Nacom peyaputaewa tsainchi. Barapomonae pajume amanayaban poxonae najume matsontsonoba. Barichi pomonae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomonae pacui amanayabundu. Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba. <sup>6</sup> Paxan panacui wnaetan xua pata muxuwetsiwa pomonae jumefeba Nacom pomonae painyamonae jiwana pamxaem. Baxua paexanaein barapomonaetha poxonae paxam matha tsiwanaya xaniwaicha pajume jejam tsurubenanabiyam tsane xua paexana dubenanaebiyame pocotsiwa Cristo ichichipa.

<sup>7</sup> Paxam paca tsitatsi xua paxan be pomonae jopa peainya cui jiwi pan poxonae saya pana taneme. Jopa pana nejuntu cui coyene yaputaem po coyene xua paxeinan pata juntu coyeneintha. Icha ichun xaniwaicha pia coutha nayabara nanta xeina xua bapon Cristo piamonae jiwana tatsi, bapon bewa barichi xua bewa pana yabara jantanainae xua paxan bara Cristo piamonae jiwana tatsi pan icha bapon ichi. <sup>8</sup> Jopa auranyo xua pata coutha pata nayabara paebiwa baxua bequein pata coutha atsaquiya pana nayabara paeban

xua janje baxue: “Apara Nacom pana cata pia peayapusu itorobi coyenewa xua pata paca cayawenaenexa tsainchi xua painya nejunt<sub>u</sub> coyene xanepanaponaenexa. Apara jopa pana catsiyo barapo peayapusu itorobi coyenewa xua pata paca abe exanaewatsi tsainchi”, xua jan. <sup>9</sup> Jopa ichipaeinyo xua pata taneyabara nanta xeinaewam xua pana pata tanejume cunuwiwam xua pacata tinatsi cartan. <sup>10</sup> Ichamonaeyabara paeba, jeye: “Pablo pia cartantha xua taj<sub>u</sub> wencata tineibarena bichocono ayapube xua wayabara jume cow<sub>u</sub>ntsiya exanaewa yawa bichocono jume daunwei tsaibi. Ichitha poxonaebapon patopa waxantha pia pepon saya pecui paw<sub>i</sub> xuano poxonaecueicueijeijopa naca tsita ainya cuiyiyo”, jei barapomonaey. <sup>11</sup> Barapomonaeyapara barabewa pana neyaputaena xua paexanaeyin pocotsiwa xua cartantha papaeban poxonaepapatsin barapomonaey pia tomaratha tatsi.

<sup>12</sup> Pata coutha jopa pana nayabara nanta xeinaeyinyo xua paxan pacui j<sub>u</sub>pan xua pomonaey pia coutha penayabara nanta xeinaewi xua peainya cui jiwi naexana. Saya barapomonaey pia coutha nayabara nanta xeina xua bara betiyya exana daxita, beyacaincha ichamonaey pomonaey piamonaey tatsi. Barapomonaeyapara jopa peyaputaejiwi, poxoru saya jeita nawita xua po coyene beyacaincha piamonaey tatsi exana. <sup>13</sup> Paxan saya tsiwiyo atsaquiyya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeyinchiyya atsaquiyya papaebinyo xua beyacaincha xua poxonaey Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi. <sup>14</sup> Jopa patoxeyinchiyya exanaeyinyo po coyene Nacom pana itoroba poxonaey paca siwa poinchi. Paxan pomonaey pan pomonaey copiyya papatan painya xantha xua pata paca catsipaebinxatsi Cristo pia pexeinyajume diwesi. <sup>15</sup> Ichamonaey pomonaey paxam jiwana pam jume cow<sub>u</sub>nta Cristo pejume diwesi pecuidubixaetsi ichamonaey. Barapomonaey pomonaey pejume cow<sub>u</sub>ntsiwi Cristo pejume diwesi, jopa atsaquiyya bepayaabara janyo: “Barapomonaey jume cow<sub>u</sub>nta apara poxoru barapomonaey pata cuidubixae”, jopa bepajanyo. Jame xua paichichipan xua paxam bewa mataropeichiyya pajume cow<sub>u</sub>nta dubenanaebiyaename. Bapoxonaey pana itac<sub>u</sub>pa xua mataropeichiyya pata nacuichiwa painya xantha. Saya meisa bewa paexanaeyin pocotsiwa Nacom pana itoroba. <sup>16</sup> Paichichipan pata cuidubiwa ichamonaey Nacom Pejume Diwesi xua taj<sub>u</sub> beya xua painya tomara weya poxonaey pawetan xua pata

paca cuidubiwatsi Nacom Pejume Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota iru ichamonae cuidubaru barapo Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: “Barapomonaе tajru weya jume cowanta barapo Nacom Pejume Diwesi pata cueicueijeixae barapo diwesi”, jopa bepayabara janyo.

<sup>17</sup> Icha ichan ichichipa atsaquiya penayabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein. <sup>18</sup> Pocotsiwa xua pebin pia coutha nayabara wruae jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

## 11

*Meje xua Pablo yabara paeba pomonaе xua muxuitorobiya pejeiwa: “Paxan Jesús pia peitorobi jiwi tatsi pan”, pomonaе pejeiwa*

<sup>1</sup> Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara. <sup>2</sup> Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxonae ba pexantiyo douta xua ichan pepichinexa powa bayatha ichan jopa pichiyo. Bapowa antobe pia pebin. Paxam bewa bara paichim, bewa Cristo pantobem. <sup>3</sup> Caurimonaе pia pentacaponaein tatsi pon pia coutha naexana be jomo, bapon Eva muxuitorobatsi peajuntucoyenebewatha. Pajunuwan xua bapon paca muxuitorobina barapo juntucoyenewatha. Bapon paca cana exanaena xua painya nenanta xeinaewa Cristo jopa beta peyabara nanta xeinaewatsi, xua equeicha jopa xanepanaya painya neantobewa tsane Cristo, meisa xua bapontha painya neantobenexa. <sup>4</sup> Paca yabara junuwatsi poxoru pajume naitaewatame pocotsi diwesi xua daxita jiwi paeba. Paxam itapeta pajume naitaewatame ichantha pontha pon peyabara paebin Jesús xua ichan xua pon pepa Jesús aibi. Paxam payabara jume naitaewatame icha jumope xua po jumope jopa xapain Nacom pia Pejumope tnanaxu tatsi. Matautano yabara pajume naitaewatame icha diwesi po diwesi xua



jopa xapain Nacom pia pecapanenebiyae diwesi jume xua po diwesi jume copiya pajume taneme. <sup>5</sup> Pomonae baxuan paca tsipaeba, barapomonae pia coutha nayabara nanta xeina, jeye: “Paxan Jesús pia peitorobi jiwi tatsi pan, xua pata peainya cui jiwi pan”, jei. Ichitha jopa yabara nanta xeinaeinyo xua barapomonae netoxeincha peainya cui jiwi beyacaincha xua xan. <sup>6</sup> Xan saya taepato cueicueijan Nacom Pejume Diwesi tatsi. Jopa bichocono w<sub>nae</sub> tacueicueijejwa jopa be bapocotsinyo be pocotsin xua beta pecueicueijejwa. Daichitha bara yaputan xua yabara tacueicueijejwa. Paca tsita itapeinya xeineibatsi xua bara tayaputaewa, xua poxonae daxita pocotsiwantha paca tsipaebeibatsi.

<sup>7</sup> ¿Metha bara abe exanan jampa poxonae jopa paca w<sub>caetsi</sub> pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeinyo. Tacoutha acopeibi naexanan xua tacui pawinaexanan xua saya meisa ainya cui paca cana exanatsi poxonae paca cuidubatsi Nacom Pejume Diwesi. <sup>8</sup> Ichamonae pomonae pejume cow<sub>antsiwi</sub> pomonae penacaetuteibi jiwi, xua pomonae w<sub>nae</sub> pejainteibiwi Nacom barapomonae wecobe pitan paratixi tanecatsixae. Barapo paratixitha comocan pocotsiwa xua nantawenonan poxonae tapaca bar<sub>u</sub> ecae-watsi xua amanaya tapaca cayawenonaenexatsi. <sup>9</sup> Poxonae cataunxuae paca bar<sub>u</sub> ecatsi bapoxonae inta acoibi pocotsiwa tacanantawenonaewa. Jopa w<sub>caeinyo</sub> painyamona jiton xua pocotsiwa daunweya pacata exainchi xua saya painya tana necatsibiwaxaem. Pomonae Macedonia nacua-monaepiwi pomonae pejume cow<sub>antsiwi</sub> barapomonae inta carendena pocotsiwa xua tacanantawenonaewa. Bayatha jopa paca w<sub>caetsi</sub> xuano xua equeicha bexa jopa paca w<sub>cae</sub> tsainchi xua daxota jopa pacata daunwei exanae tsainchi xua daxita coyenewantha. <sup>10</sup> Taj<sub>ant<sub>u</sub></sub> coyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijejwa baxua xua jopa paratixi paca w<sub>caetsi</sub>. Baxua cueicueijan daxita Acaya nacuatha. <sup>11</sup> ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

<sup>12</sup> Ichitha awiya exanaponaein pocotsiwa xua anoxuae exanaponan xua jopa tapaca w<sub>caponaewatsi</sub> paratixi. Baxua exanan xua tajume cui matawentsinexa, pomonae xua naerabiya atsaquiya paeba, xua jeye: “Paxan j<sub>upa</sub> paexanan icha Pablobar<sub>u</sub> ichi xua paratixi nonotapona be pentoma xua pecueicueijeixae Cristo pejume diwesi”, jei. <sup>13</sup> Barapomonae pemuxitorobi jiwi xua pinae

barapomonae Jesús pia peitorobi jiwi tatsi. Barapomonae jiwi muxujainyaba pia penacuichiwa coyenewatha. Barapomonae be natsicotane Jesús pia peitorobi jume pepaebi jiwi tatsi. <sup>14</sup> Pocotsi coyeneya xua barapomonae nacana exana jopa yabara najuntũ coyene cabenaecaeinyo. Payaputan xua barapomonae apara Satanás piamonae tatsi tsipei barapomonae pia coutha nacana exana xua itara mexeya beta peexanaewi icha bapon ichi. Satanás pon caurimonae pia pentacaponaein tatsi pia coutha nacana exana xua itara mexeya pon xanepanaya peexanaein icha matatsunpin ichi xua pexeinya peitũpanae coicha xeina Nacom weya. <sup>15</sup> Daxota jopa bewa najuntũ coyene cabenaecaetsi xua poxonae Satanás pia petanacuichi jiwimonae tatsi exana icha Satanás ichi poxonae exana. Barapomonae natsicotane be pocotsimonae xua beta peexanaewi. Daxota poxonae Nacom yabara paebina barapomonae xua penatsicuentsiwa xua abe peexanaexae, barapomonae bichocono atene exanebinchi xua be pocotsi coyeneya bichocono abe peexanaexae.

*Meje xua poxonae Pablo pia coya nayabara paeba xua atene exanatsi Jesús pia peitorobi jiwi jiwana tatsixae*

<sup>16</sup> Equeicha paca tsipaebatsi: Jopa paneyabara nanta xeinaeinde xua xan be pon tanentajemabin bequein cueicueijeithan barapo coyeneya. Ichitha icha panecayabara nanta xeiname baxua bara saya beitemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonae xan tacoutha atsaquiya conotha nayabara paebin icha ichamonae ichi xua pia coutha atsaquiya nayabara paeba. <sup>17</sup> Apara jopa paebinyo xua tana itorobixae Jesús pon jiwi Pecanamataxeinaein. Apara saya tacoutha atsaquiya nayabara paeban icha pon matajemabatsi ichi xua pia coutha natsipaeba. <sup>18</sup> Tsipei ayei jiwi atsaquiya yabara paeba pocotsiwa barapo cae pin nacuathe xeina. Daxota xan barichin tacoutha atsaquiya nayabara paeban. <sup>19</sup> Pananta xeiname xua daxita pam painya neyaputae jiwi pam. Ichitha jopa peyaputaewi pam. Bara saya pacui yabara copatame xua pajume naitomatame pomonaetha pomonae be pematajemabi jiwi pomonae naerabiya paeba xua poxonae jeye: "Paxan Jesús pia peitorobi jiwi pan", jei. <sup>20</sup> Mataũtano bara saya pacui yabara copatame xua bara amanaya painya natanacuichinexa tsane ichamonae. Mataũtano saya pacui yabara copatame xua bara ichamonae amanaya paratixi painya nepaca cobe wenoteibiwa xua saya barapomonae nexa. Mataũtano saya pacui yabara copatame xua bara

ichamonae paca yabara muxutoroba painyawan xua painya nepacata notsiwa. Barichi bara saya pacui yabara copatame xua bara ichamonae painya nepaca aebiwa xua barapomonae ainya cui jiwi beyacaincha paxam. Matautano saya pacui yabara copatame xua bara painya nepaca itabara cuainchiwa. <sup>21</sup> ¡Bequein auran xua paca tsipaebatsi baxua, ichitha jopa padaunwan tsobenaeinyo icha paichim poxonae ichamonae pacata abe exana!

Icha daxita jiwi ichi xua atsaquiya nayabara paeba, xan barichin iru atsaquiya nayabara papaeban tacoutha icha pon pematajemabinchi ichi xua poxonae nayabara paeba. <sup>22</sup> Barapomonae atsaquiya nayabara paeba xua barapomonae pinae judiomonaepiwi. Xan iruru apara barichin judiomonaepin. Matautano pinae barapomonae Israel pon bayatha tupa pia pemomoxi susato jiwi tatsi. Xan apara iruru barichin barapon Israel pia pemomoxi susato jiwi jiwana tatsin. Matautano barapomonae atsaquiya nayabara paeba xua pinae Abraham pia pemomoxi susato jiwi tatsi. Xan apara iruru barichin Abraham pia pemomoxi susato jiwi jiwana tatsin. <sup>23</sup> Matautano barapomonae atsaquiya nayabara paeba xua pinae Cristo pia petanacuichi jiwichi tatsi. Nama apara xan iruru barichin Cristo pia petanacuichin tatsin beyacaincha barapomonae. Poxonae baxua paeban apara icha pocotsin ichi pon pematajemabinchi xua pia coutha nayabara paeba. Xan bichocono daunweya ayapusaya nacuitan Cristo nexa beyacaincha barapomonae. Jiwi matowa nejebeiba jiwi pecubi bontha beyacaincha barapomonae. Ichamonae bichocono nebeiba beyacaincha barapomonae. Matowa muxu tatapeibi xua ichamonae inta exana. <sup>24</sup> Daxota cinco po coyenewathabe judiomonae newaetaba pia tanecuainchinexa. Daxita coyenewatha necuainta barapomonae treinta y nueve po cuiyobetha copabeiba xua nejuma cuainta xua xota cuainta xua duwein peru muto. <sup>25</sup> Ichacuitha tsaibi acoibi po cuiyobetha necuainteiba iwatontha. Cae coyenewatha ibotontha necuinbabeiba. Acoibi po coyenewathabe jeratha pon-aetha pin naetha payothopan poxonae pawarapan xua jera bunareca. Cae merawitha yawa cae mataqueithano xoyopan pin mar mentha. <sup>26</sup> Matowa warapeiban tacaponaenexa Cristo pejume diwesi xua jiwi tatsipaebinexa. Ichacuitha inta daunwei xua icha muxunene beya mene iya tapateibiwa tsane poxoru metha awabo tsipae. Ichacuitha inta daunwei poxonae poneiban namtontha xua metha pomonae pecaibi jiwi tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonae tanacua-

monaepiwi metha inta abe exaneibichipa. Ichacuitha inta daunwei poxonae pomonae jopa pejume cowantsiwi metha abe tana neexanaewa tsipae. Ichacuitha inta daunwei poxonae jiwi tomarantha metha abe tana neexanaewa tsipae. Ichacuitha inta daunwei poxonae ira xuepana susato tsurucuae nacuatha taponebiwa xua metha abe tana neexanaewa tsipae. Ichacuitha inta daunwei poxonae pin mene mar mentha metha abe tana neexanaewa tsipae poxonae jeratha ponan po nae pin naetha. Ichacuitha inta daunwei poxonae metha abe tana neexanaewa tsipae pomonae naerabiya pepaebiwi xua pinae pejume cowantsiwi. <sup>27</sup> Xeinan penacuichiwa po penacuichiwa inta bichocono daunwei xua neatene exana. Matautano ainya merawin tsaibi xua jopa maiteibinyo. Matautano tain atenein tsaibi. Matautano bichocono tameratsi tsaibi. Matautano ainya maticabin inta pexaewa ajibi tsaibi. Matautano bichocono aquein tsaibi poxonae inta seiqueiba paparuwa.

<sup>28</sup> Matautano iru icha coyeneinno xua seica xua tapaca tsipaebiwatsi. Matautano xeinan icha coyene po coyene xua neajantucoyenerewe exana xua poxonae yabara nanta xeineiban pomonae Nacom pejume cowantsiwichi pomonae penacaetutsi bonmonaepiwi poxonae ne-eena xua tayawenaenexa barapomonae. <sup>29</sup> Icha ichun pon barapo penacaetutsi bonmonae jiwana pin, icha bapon juntu cui coyene faefaena xua pejume cowantsiwa Nacom, nantanuweya yabara nanta xeinan bapon. Icha ichun juntu coyene jujutatsi xua abe peexanaenexa auran bapon nexa, yawano caseban pontha pon pejuntu coyene jujutsixae. <sup>30</sup> Icha bewa atsaquiya nayabara paebin, baroxonae atsaquiya yabara paebin pocotsiwa xua jiwi tsita itapeinya xeinan xua xan faefaenan xua jopa neitacupaeyo xua tacoutha tana nayawenaewa. <sup>31</sup> Nacom neyaputane xua xaniwaicha bara yabara paeban po coyenein xua inta daunwei. Nacom Jesucristo Paxa tatsi, pon Wanacanamataxeinaein. Barapon jiwi bewa wuna jainteibina ataya. <sup>32</sup> Caena bayatha Damasco tomaratha poponan. Baroxonae pon canamataxeina barapo tomaratha, bapon itoroba soldadomonae xua tomara peyacaincha toxorotsi dutsiwa coibototha peumenaenexa. Barapo soldadomonae tomara coibotontha umena xua pia tanewaetabichi poxonae tomara wewarapiyan xua tanecaponaenexa jiwi pecubi botha. Barapon pon canamataxeina barapo tomaratha bapon tanacuitatsi pon yatsicaewa nacia peewatsin bapon tanacuitatsi, pon pewan Aretas. <sup>33</sup> Bequein barapo soldadomonae bepa newaetabei, ichitha jopa ponaeinyo tomara coiboto iya. Ichamonae ney-

acote yoreca ventana wereca xua pepa tomara juma deca. Bara panepataban.

## 12

*Meje xua Pablo yabara paeba xua petsita itũbiwatsi xua abe poxonae camaita pocotsiwan Nacom tsita itũteiba bapontha*

<sup>1</sup> Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Dai-chitha jopa xapain neyawenaeyo baxua. Jame apara awiya paca tsipaebatsi xua pocotsiwan Nacom netsita itũta xua be poxonae camaitan. Mataũtano paca tsipaebatsi pocotsiwan xua Nacom neyaputane exana xua bapon pia peyabaraxae. <sup>2-3</sup> Caena bayatha ainya wei xua poxonae copiya tajume cowũntsiwa Cristo. Caena bayatha catorce po weibe yapucaewa xua poxonae necapona jemeicha peitaboco beicha po itaboco bichocono tajũ beicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaeyo saya meisa compa Nacom yaputane. <sup>4</sup> Xan yaputan xua necaicha paraiso matawũn nacua beicha. Poxonae patopan barapo nacuatheicha jume tan baxoteicha po jume xua nameicha moya yawũn xeina xua jiwĩ jopa yabara yaputaeyo. Nacom jopa yabara necopatsiyo xua bara barapo jume tatsipaebiwa tsane ichamonaetha. <sup>5</sup> Bequein neitacũpa xua atsaquiya tayabara paebiwa xua pocotsiwan wũnae xua xuan tataexae, daichitha jopa barapo coyeneya exanaeyo. Saya meisa atsaquiya yabara paeban pocotsiwan xua inta ayapube xua po coyene tatsita itapeinya xeinaewa xua apara nefaefaena exana xua daichitha Nacom neyawena. <sup>6</sup> Bara neyabara cui copata xua bara atsaquiya tanayabara paebiwũn tsane pocotsiwan xua beta taexanaewan. Poxonae baxua exanan jopa paebinyo icha be pocotsin pematajemabinchi ichi, xua nayabara paeba tsipei paeban pocotsiwan xua pexainyeiwan. Ichitha xan jopa baxua atsaquiya nayabara cui paebinyo, tsipei jopa ichipaeinyo xua ichamonae taneyabara nanta xeinaewa xua xan bichocono taainya cuin, beyacaincha xua pocotsiwa barapomonae necui tane xua exanan, xuano xua beyacaincha nejume tane xua cueicueijan. <sup>7</sup> Pocotsiwa xua Nacom neyaputane exana bichocono wũnae nawita. Nacom copata xua bara saya atenein tsaibi tsane xua atsaquiya tapaebiyainwa pocotsiwan xua Nacom yabara neyaputane exana. Barapo peatene coyenewa caurimonae pia pentacaponaein tatsi, pon Satanás, itoroba xantha xua atene tana necana exanaenexa. Barapo peatenewa bichocono atenein tsaibi be poxonae

xua xane eto nexatempa. <sup>8</sup> Acoibi po jume yothabe tsaibi Nacom jume fayacotsiya w<sub>u</sub>queiban xua taneperaxa capanepaenexa barapo peatene coyenewa weya. <sup>9</sup> Ichitha Nacom netsipaeba, jeye: “Jume, jopa caaxaibi exanaetsi. Jame cata itorobatsi Tajumope t<sub>u</sub>nax<sub>u</sub> jinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itac<sub>u</sub>patsi xua daxita pia coutha peexanaewa. Jopa ba canantawenonaeyo taayapus<sub>u</sub> coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapus<sub>u</sub> coyenewa. Bara bapon yawenan”, jei Nacom. Daxota ichichipan poxonae inta ayapube tsaibi xua jopa tana neitac<sub>u</sub>paewa xua daxita beta taexanaewa tacoutha. Bapoxonae jiwi tanetaenexa xua bara Cristo neyawena pia peayapus<sub>u</sub> coyenewatha. <sup>10</sup> Daxota j<sub>u</sub>nt<sub>u</sub> coyene weiweinan poxonae inta ayapube tsaibi xua beta taexanaewa. Matautano j<sub>u</sub>nt<sub>u</sub> coyene weiweinan poxonae jiwi abe neyabara paebeiba. Matautano j<sub>u</sub>nt<sub>u</sub> coyene weiweinan bequein jopa xeinaeinoyo pocotsiwa xua tanantawenonaewa. Barichino j<sub>u</sub>nt<sub>u</sub> coyene weiweinan poxonae bequein jiwi neatene exaneiba tajume cow<sub>u</sub>ntsixae Cristo. Matautano j<sub>u</sub>nt<sub>u</sub> coyene weiweinan poxonae bequein jiwi inta ayapube exaneiba. Daxita baxuan nej<sub>u</sub>nt<sub>u</sub> coyene weiweina exana, poxonae inta ayapube tsaibi xua beta taexanaewa xua ichamonae inta daunwei peexanaexae. Bapoxonae bara xaniwaicha as<sub>u</sub>n tsipei Cristo tana neyawenaexae.

*Meje poxonae Pablo yabara naj<sub>u</sub>nt<sub>u</sub> coyene eena exana nawita Corinto tomarapiwi*

<sup>11</sup> Cueicueijan icha ichi poxonae cueicueijei pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijeiwa. Jame apara paxam barapomonaе pam pomonaе bequein bewa xanepanaya pana neyabara paebim. Bequein xan jopa peainya cuiyinyo, ichitha barapomonaе jopa peainya cui jiwi beyacaincha xua xan pomonaе pajume naitaewatame. Barapomonaе naerabiya paeba xua pinae barapomonaе bichocono peainya cui jiwi pomonaе Cristo pia peitorobi jiwi jiwana tatsi. Ichitha barapomonaе xainwaicha bichocono jopa peainya cui jiwi. <sup>12</sup> Poxonaе cataunxuae paca bar<sub>u</sub> popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Matautano jopa aitaconaeyiya exanaeinoyo poxonaе bequein ichamonae inta daunwei exana poxonaе abe neyabara paeba. Jame saya j<sub>u</sub>ntema exana ducuaеbiyan petsita it<sub>u</sub>t<sub>u</sub>si coyenewan painya xantha bequein ichamonae abe

neyabara paeba. Matautano exana ducuaanaebiyān pocot-siwan jiwī nabenaeca exainchi. Daxita baxuan exanan Nacom pia peayapusa itorobi coyenewatha tatsi. <sup>13</sup> Paca yabara nanta xeinatsi xua paxam metha pananta xeiname xua paxam jopa peainya cui jiwī pam. Matautano metha pananta xeiname xua meisa icha penacaetutsi bonmonae jiwī pomonae wanae pejume cowantsiwi Nacom bichocono peainya cui jiwī beyacaincha paxam. Metha pananta xeiname baxua poxoru jopa paca wucaetsi xua tapana neyawenaenexam tsane pocotsiwatha tanantawenonaewa pocotsiwatha xua ayapube pacata exainchi.

<sup>14</sup> Anoxuae nacui yabara wanaetan xua tapaca siwa ponaewatsi tsainchi equeicha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha jopa paca wucaetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaexae pocotsiwa xua paxeiname. Aparā saya paxam cuita paca siwa poinchi. Pexui ba jopa nantawenonaeyo xua paxeiwi jūntana jeba paratixi, jame saya ba coxiyeiwi bewa pia pexui jūntana jebi paratixi. Barapocotsi jūta coyeneya ichin bewa paca yawenaeinchi. Jopa panantawenonaem xua tapana neyawenonaewam. <sup>15</sup> Jūnta coyene weiweinan xua paca catsinchi daxita xua xeinan. Barichi copatan xua bara ichamonaē atene tana neexanaewa tapaca cayawenaenexatsi. Poxonae bequein matowa tox-einchiya paca antobe tsoponaetsi daichitha be conotha xuya pana neantobem.

<sup>16</sup> Ichamonaē pomonaē painyamonae jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newuca paratixi bapon nexa. Daichitha ichacuitha tsipae metha apara bapon naca muxuitorobiya wecobe notsipa paratixi”, jei. <sup>17</sup> ¿Metha paratixi paca yabara muxuitorobiya wecobe notsinchi poxonae pebiwi itorobin painya xantha? ¡Jume apara! ¡Jopa baxua exanaeinyo! <sup>18</sup> Tito itoroban xua painya nepaca siwa ponaewa tsane, irano ichanno itoroban pon iru pejume cowantsin xua Tito pecueiyatsiwa tsainchi. ¿Metha Tito bara paca yabara muxuitorobiya wecobe notsina paratixi? ¡Jume apara! Paxam bara payaputaneme bara Tito betiya xaniwaicha pananta jupaya paexananbe, xuano pana najūnta coyene jupanbe.

<sup>19</sup> Jopa payabara nanta xeinaeinde barapo jumein xua pata paca catsipaebiwatsi xua saya poxoru pata ichichipaexae xua paxam paca tsita xanepanatsi. Jopa baxua paexanaeinyo. Jame po jume xua Cristo ichichipa xua patapaebiwa, apara

barapo jume cui coyeneya papaeban. Daxita baxuan pacue-icueijan Nacom peitatha xua xanepanaya mataropeicha beta Nacom painya nejume cocowantaponaewa tsane. Baxua paexanan tsipei paxam tamonae pam, pomonae pata paca caantobe jiwichi pam. <sup>20</sup> Junuwan xua poxonae tapaca siwa ponaewa tsainchi xua metha pajinompatsipame be pocotsimonae aichaxaibin tataewa poxoru metha aichaxaibin tsipae pocotsiwa xua paexaname. Matautano metha paneyabara nanta xeinaetsipame xua xan jopa paca cui jupaetsi xua poxonae pocotsiwa exanan. Barichi junuwanno xua poxonae tapaca siwa ponaewa tsainchi xua metha nantiya pana najume matsontsonobame. Matautano junuwan xua nantiya pana yabara uwame pocotsiwan paxeiname, xuano xua nantiya pana nacasebame. Matautano junuwan xua nantiya pana naasiwam xua ichamonae jopa bepayawenaem. Matautano junuwan xua nantiya pana nabiaetsipame xuano xua nantiya tsam jume ya pana nacui yopitsipame pocotsiwan xua paexaname. Junuwanno xua nantiya pana naebichipame painya neyaputaexae pocotsiwan xua paexaname, xuano xua nantiya pana natsaquibabame poxoru painya neanaepanaexae. <sup>21</sup> Matautano junuwan xua poxonae equeicha tapaca siwa ponaewatsi tsainchi, Tanacom neexana xua paca yabara auratsi. Bichocono unthathu wecoyan tsane pomonae nexa pomonae xua caena bayatha abe peexanaexae. Barapomonae cataunxuae jopa acuiuriyo pocotsiwan xua abe eexanapona xua poxonae barapomonae yabuxi nata nota xua bequein jopa piseurixi xuano poxonae yabuxi nota pebiwi poxonae jopa piseuriyo. Matautano barapomonae atsaquiya abe eexanapona.

## 13

### *Meje poxonae Pablo napeyabiya najume weta*

<sup>1</sup> Anoxuae equeicha paca siwa ponaeinchi xua nama acoibi po cuiyobetha tsane xua taponaeewa tsane bara beya. Icha ichan ichichipa cui yopita xua ichan abe peexanaexae Nacom pia peitorobi coyenewa baxua yabara naca tsipaeba, naca jeye: “Poxonae jiwi cui yopita xua ichan abe peexanaexae bewa acoibi poyobe yabara paebina bapontha, xua abe peexanaexae bapon. Ichacuitha saya nacueyatabe poyobebe yabara paebichipa bapontha bapoxonae jiwi tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi. <sup>2</sup> Bayatha poxonae paca siwa poinchi yabara paca tsipaebatsi pomonae xua abe peexanaewi pomonae painyamonae jiwana pam xua iru ichamonae. Anoxuae bequein cataunxuae taju



paca cuenta poponatsi, equeicha paca tsipaebatsi xua bay-  
 atha pocotsiwa paca muxuwetatsi, janje: “Poxonae eque-  
 icha paca siwa ponaeinchi ayapube taexanaein pomonaetha  
 pomonae xua awiya abe peexanaponaewi”, jan. <sup>3</sup> Baxua  
 paca cana exanaeinchi yaitama paichichipame xua paca  
 tsita itapeinya xeinaeinchi xua pocotsiwa Cristo neitoroba  
 tacueicueijeinexa bapon nexa. Paca muxuwetsinchi Cristo  
 nexa tapaebixae bapon nexa. Cristo jopa jume faefaenaeyo  
 poxonae yabara paca muxuwetatsi painya abe exanae cuiru  
 coyenein. Jame apara bapon jume daunweya paca tsipaeba.  
<sup>4</sup> Poxonae Jesucristo tupa naetotha jiwi yabara nanta xeina  
 xua bapon Cristo saya juntu coyene faefaena, tsipei jopa  
 pia coutha nayawenaeyo. Ichitha anoxuae Jesucristo asu  
 popona Nacom pia peayapusu itorobi coyenewatha tatsi. Be-  
 quein pajuntu coyene faefaenan anoxuae, daichitha poxonae  
 paca itawetinchi bapoxonae jopa pajuntu coyene faefaenaein  
 tsane. Jame asu pajinompaein. Bapoxonae Nacom pia peaya-  
 pusu itorobi coyenewatha ayapusuya paca itawetsina.

<sup>5</sup> Incane painya coutha pana najuntu coyenein jujure icha  
 bara xaniwaicha metha beta pajume cowantsiya jinompame.  
 Icha bara xaniwaicha pana nayaputaneme xua bara yatsi-  
 caewa Jesucristo piamonae tatsi pam, barapoxonae pana  
 nayaputaename xua bara apara Jesucristo paca baru jin-  
 ompa. Icha jopa Jesucristo piamonae tatsi pam, bapox-  
 onae Jesucristo jopa paca baru jinompaeayo. <sup>6</sup> Ichichipan  
 xua paxam payaputaneme xua paxan Cristo pana baru po-  
 pona. Paxan jopa pemuxuitorobi jiwi pan xua poxonae  
 pata jeiwa: “Paxan Jesucristo pia peitorobi jiwi tatsi pan”,  
 poxonae pata jeiwa. <sup>7</sup> Pawcan Nacomtha xua jopa abe  
 painya neexanaewa tsane. Jopa Nacomtha baxua payabara  
 wcaeyo xua paca tsita itapeinya xeinaeinchi xua paxan  
 Jesucristo pia peitorobi jiwi tatsi pan xua daxota beta painya  
 neexanaewa tsane. Ichitha pacata wcatsi Nacom xua awiya  
 u meisa pexeinya coyene painya neexanaponaewa tsane be-  
 quein metha pana neyabara nanta xeiname xua paxan jopa  
 pomonae Jesucristo pia peitorobi jiwi tatsi panyo. Bequein  
 paxan jopa paca tsita itapeinya xeinaetsi xua bara Cristo pia  
 peitorobi jiwi tatsi pan. <sup>8</sup> Paxan jopa paichichipaeinyo xua  
 pata yabara jume toxeinchiya exanaewa pocotsiwa itoroba  
 barapo Nacom pia pexainyei diwesi jume. Jame apara  
 itapeta paexanan pocotsiwa itoroba barapo pexainyei jume  
 diwesitha. <sup>9</sup> Daxota pajuntu coyene weiweinan poxonae  
 ichamonae pana neyabara paeba xua pinae jopa daunweya  
 papaebinyo. Saya paichichipan xua beta painya nejume  
 cowantsiwa tsane. Awiya Nacomtha pacata wcatsi xua

paxam xaniwaicha painya nejuntũ coyene xanepanapon-  
aewa tsane Nacomtha xua jopa patsita natsicuentisim tsane  
abe painya neexanaexae bapontha. <sup>10</sup> Pewũnaeya xua pox-  
onaẽ tapaca siwa ponaewa tsainchi, matha barapo carte  
pacata tinatsi. Daxota tinan xua jopa bewa paca tsi-  
paebi tsainchi pocotsiwa pacata ayapube exanatsi poxonaẽ  
paca siwa ponaeinchi. Bapoxonaẽ jopa nantawenonaein  
tsane xua tapaca itorobiwa tsainchi xua taxeinaexae Na-  
com pia peitorobi coyenewa tatsi po peitorobi coyenewa  
Nacom necata. Nacom necata barapo peitorobi coyenewa  
xua painya nejuntũ coyene xanepana ponaenexa Nacomtha.  
Apara jopa baxua necatsiyo xua abe tapaca exanaenexatsi.

<sup>11</sup> Tamonaẽ pam, bara wetan anoxuae barapo carte.  
Ichichipan xua painya nejuntũ coyene weiweinaya jinom-  
paewam tsane. Itapeta pajume jejande pocotsiwa xua paca  
muxuwetatsi xua daxota beta mataropeicha painya neex-  
anaponaewa tsane. Pana najuntũ coyene tsacabare xua  
daxota pebũũya caemonaẽ pana nabarũ nanta xeinaeya ji-  
nompere. Juntema panabarũ jinompere. Bapoxonaẽ Nacom  
pon juntema pepoponaein, xuaano xua peantobe tsurucua-  
naebiyaein, barapon paca barũ poponeibina. <sup>12</sup> Betiya painta  
nantiya najacobare painya neantobewaxae Cristo. <sup>13</sup> Daxita  
pomonaẽ xote jinompe pomonaẽ pejume cowũntsiwi Jesu-  
cristo barapomonaẽ paca jacobã.

<sup>14</sup> Barabũ Jesucristo pon jiwi Pecanamataxeinaein paca  
yawenaena pia paca necaantobexae. Barabũ Nacom pia  
peantobe coyenewatha tatsi pajinompaename. Mataũtano  
barabũ Nacom pia Pejumope tũnaxũ tatsi daxita pam paca  
barũ jinompaena.

Baja Pablo.

## Meje Po Carte Pablo Tatina, Galacia Nacuapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Galacia nacuapiwi*

<sup>1</sup> Xan, Pablon, Jesucristo pia peitorobi jiwi jiwana tatsin. Apra ichun jopa neitapetsiyo yawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupae coyene weya. <sup>2</sup> Xan, iru ichamonae pomonae pejume cowantsiwi daxita barapomonae pan paca jacobatsi. Barapo carte pacata tinatsi pomonae Nacom piamonae tatsi pam, painya nejume cowantsixae Jesucristo pomonae Galacia nacuatha painya nejinompaewa. <sup>3</sup> Barabu Nacom, pon Waxa, iru Jesucristo, pon jiwi Pecanamataxeinaein, baponbe amanaya paca yawenaena pia paca necaantobexae. Yawano barabu Nacom juntea jinompa paca exanaena. <sup>4</sup> Bapon Jesucristo naca tsitupa xua wanaca capanenebiya exanaenexa barapo abe waexanae coyene weya xua po abe exanae coyene exana pomonae jinompa po cae pin nacuathe. Nacom pon Waxa ichichipa naca capanepa daxita barapo coyenein weya. <sup>5</sup> ¡Barabu Nacom wuna jaintatsi jiwi xua ataya tsane!

*Meje yabara xua ajibi icha pecapanenebiyae coyenewa*

<sup>6</sup> Najuntu coyene benaegan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iru xeina waxainchi nexa. Yawa najuntu coyene benaegan xua pajume cowantame icha jume diwesi xua be pecapanenebiyae diwesi jume xua saya jiwi paeba. <sup>7</sup> Bara xaniwaicha, xua icha pecapanenebiyae diwesi aibi. Pocotsiwa xua ichamonae paca cana exana baxua paca juntu coyene tsacaba xua painya nejume cowantsinexa icha diwesi, xua toxeinchiya painya nejume cowantsinexa Cristo pia pecapanenebiyae diwesi jume tatsi. <sup>8</sup> Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabet-sipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha. <sup>9</sup> Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichun toxeinchiya ichawiya yabara paca tsipaeba xua pocotsiwa bayatha paca

tsipaebatsi pecapanenebiyae diwesi coyene barabũ Nacom bapontha cabeta exanaena abe peexanaexae, paca jeichi.

<sup>10</sup> Poxonae paeban baxua jopa cueicueijanyo pocotsiwa jiwi beta tana neyabara nanta xeinaewa. Apra jame cueicueijan Nacom wũnae tana neyabara nanta xeinaexae. Icha saya nanta xeineibichipan xua exanan po coyeneyatha xua jiwi beta tana neyabara nanta xeineibiwa tsane bapoxonae xan jopa Cristo pia peitorobi jiwi jiwana tatsin tsipae.

*Meje yabara xua poxonae Pablo Jesucristo pia peitorobi jiwi jiwana pin tatsi cana exainchi*

<sup>11</sup> Tamonae pam, pomonae irũ painya nejume cowũntsiwixae Jesucristo. Ichichipan xua painya neyaputaewa xua po diwesi pecapanenebiyae diwesi xua po diwesi cueicueijan, barapo diwesi apra jopa jiwi pia diwesiyo tatsi. <sup>12</sup> Mataũta barapo diwesi apra xua jopa jiton netsipaebiyo. Yawa mataũtano dapon aibi xua pon necuiduba barapo diwesi. Apra saya Jesucristo neyaputane exana poxonae netsita itata pia coutha.

<sup>13</sup> Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomonae exana pia pejume cowũntsiwa xua abe yabara, yawa pejinompae coyene yabara. Bayatha payaputaneme xua bichocono abe cana exanan pomonaetha pomonae Nacom piamonae tatsi daxita pomonae pejume cowũntsiwixaetsi Cristo. Ichichipan xua daxita weraweraca taexanaewa. <sup>14</sup> Xan bichocono yabara nacuidubaponan po coyene judiomonae pia pejume cowũntsiwa tatsi. Yawa yabara nacuidubaponan po coyene pia pejinompae coyene tatsi. Bichocono nacuidubaponan beyacaincha xua ichamonae nacuidubapona pomonae tanacuapiwi pomonae tana newei jũpaewi. Bichocono ichichipan xua taexanaewa po coyene tamo susato jiwi exana, beyacaincha xua ichamonae exana. <sup>15</sup> Ichitha caena bayatha Nacom neitapeta xua tajume cowũntsiwa tsane bapon pewũnaeya poxonae beya tanaexanaewa tsane. Daxota Nacom newaba, bichocono petana neantobexae. <sup>16</sup> Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomonae jopa judiomonae naexanaeyo. Poxonae barapo coyeneya necana exana jopa baxua yabara paebinyo ichamonaetha. <sup>17</sup> Mataũtano jopa ponaeinyo Jerusalén tomara beya xua baxua tayabara paebinexa Jesucristo pia peitorobi jiwitha tatsi pomonae bayatha netsiwana cana exainchi Jesucristo pia peitorobi jiwi

tatsi. Seicaya nama xan nainya ponan Arabia nacua beya. Bapoxonae pirapaeyo Damasco tomara beya ponan.

<sup>18</sup>Jopa nainya ponaeinyo Jerusalén tomara beya. Saya bara beya ponan poxonae acoibi po weiyobe yapucaewa. Bapoxonae Pedro tan, yawa baxota naecan quince po matabibibe. <sup>19</sup>Jopa taeinyo daxita pomonae Jesucristo pia peitorobi jiwi tatsi. Saya meisa Santiago tan pon Jesús pia peitorobi jiwi jiwanapin tatsi, pon jiwi Pecanamataxeinaein bapon peweicho tatsi. <sup>20</sup>Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

<sup>21</sup>Nexata bapoxonae Siria nacua beya ponan, yawano Cilicia nacua beya ponan. <sup>22</sup>Nama pomonae jinompa Judea nacuatha, pomonae Cristo pejume cowantsiwi, cataunxuae barapomonae jopa xaniwaicha neyaitaeyo. <sup>23</sup>Saya barapomonae jume tane xua ichamonae neyabara jeye: “Apara bapon, pon caena bayatha abe naca cana exana wajume cowantsixae Cristo. Anoxuae bapon yabara cueicueijej tsurucuaenaebiya Jesucristo pia pejume cowantsi diwesi, bequein copiya ichichipa weraweraca cana exana ichamonae pomonae pejume cowantsiwi Jesucristo”, neyabara jei. <sup>24</sup>Barapomonae wnae jainteiba Nacom poxoru anoxuae wnae exanan Nacom nexa.

## 2

*Meje yabara poxonae Jesús pia peitorobi jiwi tatsi Pablo caemonae nabar<sub>u</sub> naexanatsi*

<sup>1</sup>Jerusalén tomara weya ponan xua jiwi tatsipaebinexa Nacom Pejume Diwesi icha nacuantha. Poxonae catorce po weibe yapucaewa bapoxonae Bernabé equeicha paponanbe Jerusalén tomara beya. Yawa ir<sub>u</sub> Tito bar<sub>u</sub> ponan. <sup>2</sup>Bara beya ponan tsipei Nacom netsita it<sub>ta</sub> xua bewa ponaein. Baraxota Jerusalén tomaratha pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo barapomonae compa nebar<sub>u</sub> nacaetuta. Barapomonaetha yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonae naexanaeyo. Baraxua exanan tsipei jopa ichipaeinyo xua barapo diwesi pejumexaei tsane po diwesi bayatha tsipaeba ducuaeteiban yawa xua anoxuae tsipaeban pomonaetha jopa judiomonae naexanaeyo. <sup>3</sup>Tito baxota nabar<sub>u</sub> ecan. Bequein bara bapon griego nacuamonaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonae baxua ichichipa xua baxua Tito pecana exanaewatsi, ichitha jopa baxua cana exanaetsi. <sup>4</sup>Ichamonae pomonae Cristo Jesús jopa xapain jume cowantsichi, barapomonae namicha pata poxonae

pana nacaetutan. Barapomonae ichichipa xua Tito pewi thabiwatsi xua ichaxota pebiwi nareixacaena. Barapomonae namicha pata poxoru ichichipa yaputane xua icha paxan jopa paexanaeinyo pocotsiwa Moisés pia peitorobi coyenewatha itoroba xua anoxuae pata jume cowantsixae Cristo Jesús. Barapomonae ichichipa xua equeicha bewa paexanaein pocotsiwa Moisés pia peitorobi coyenewatha yabara itoroba xua penawi thabi coyene. <sup>5</sup> Matautano bara caetono barapomonae jopa pajume cowantsiya taeinyo. Yawano jopa paexanaeinyo pocotsiwa xua barapomonae pana neitoroba xua jame saya poxoru apara painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

<sup>6</sup> Jerusalén tomaratha tsipaeban pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo. Nayabara paeban barapomonaetha pomonae Nacom piamonae tatsi pecanamataxeinaewichi po coyene Nacom Pejume Diwesi tsipaeban pomonaetha pomonae jopa judiomonae naexanaeyo. Ichitha barapo matabitha barapomonae pomonae Nacom piamonae tatsi pecanamataxeinaewichi jopa neitorobiyo xua tamuxuna cueicueijejiwa xua icha diwesi xua Jesucristo yabara poxonae cueicueijeji ducunaebiyen po diwesi xua yabara paeban pomonaetha pomonae jopa judiomonae naexanaeyo. Jopa inta ainya cuiyo xua barapomonae bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan iru barapomonae penajrae jiwi pan. <sup>7</sup> Barapomonae jopa necatsiyo pena pecuidubiwa xua tacueicueijeinexa. Barapomonae yaputane xua Nacom neitoroba tacueicueijeinexa pia pecapanenebiyae diwesi pomonaetha pomonae jopa judiomonae naexanaeyo pomonae jopa pewi thabiwichi. Icha Nacom ichi xua Pedro itorobatsi xua pecueicueijejiwa tsane barapo pecapanenebiyae diwesi judiomonaetha, barichi Nacom neitoroba xua tacueicueijejiwa tsane barapo diwesi pomonaetha pomonae jopa judiomonae naexanaeyo. <sup>8</sup> Nacom Pedro exainchi Jesucristo pia peitorobi jiwi jiwana pin tatsi xua pomonae judiomonae nexa. Barichi Nacom neexana xua Jesucristo pia peitorobi jiwi jiwana pin tatsin xua pomonae jopa judiomonae naexanaeyo nexa.

<sup>9</sup> Santiago, iru Pedro iru Juan barapo acoibi poyobe jiwi yabara nanta xeina xua barapo acoibi poyobe pepa pecanamataxeinaewi xua canamataxeinatsi pomonae Nacom piamonae tatsi daxita pomonae pejume cowantsixaetsi Cristo. Barapo acoibi poyobe yaputane xua Nacom necata barapo

penacuichiwa. Bapoxonae barapo acoibi poyobe necobe jayaba xua patsita itapeinya xeinan xua peburuya cuita pata nanta xeinaewa xua xan barapoyobe jiwanan poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonae baxua exana poxoru pata jiwimonae pana naexanan, yawano poxoru barapomonae peburuya nanta xeina, xua paxanbe Bernabé panbe paponaeinbe ichaxota pomonae jopa judiomonae naexanaeyo xua iruru poxonae barapomonae nabaruru nacuichina pomonae judiomonaetha. <sup>10</sup> Barapo acoibi poyobe pana itoroba, pana nejei: “Pananta xeinare xua painya neyawenaewa tsane peacopeibi jiwi Jerusalén tomaratha”, pana jei. Baxua bichocono ichichipan xua taexanaewa tsané.

*Meje yabara poxonae Pablo muxutainyaba, Pedro muxutainyabatsi Antioquia tomaratha*

<sup>11</sup> Nexata poxonae Pedro Antioquia tomaratha patopa, bapon itabara taeya muxutainyaban tsipei bapon bayatha abe exana. <sup>12</sup> Pocotsiwa bapon exana baxue: Copiya bapon Pedro naxane pomonaetha pomonae jopa judiomonae naexanaeyo, pomonae xua jopa ba wi thabichi xua ichaxota pebiwi pia penareixacaenaewa bequein bapon judiomonaepin. Ichitha poxonae pata pebiwi, po pebiwi Santiago baru popona, bapoxonae Pedro tsana xane jopa equeicha naxaeyo pomonaetha pomonae jopa judiomonae naexanaeyo. Baxua Pedro exana poxoru Santiagobaru cunuwatsi xua poxoru Santiagobaru paeba xua pinae bewa daxita pebiwi wi thabichi, metha bequein tsipae pomonae pepa judiomonae, matautano metha bequein tsipae pomonae jopa judiomonae naexanaeyo. <sup>13</sup> Bapoxonae ichamonae icha judiomonae pomonae pejume cowantsiwi Jesucristo, barichi jurpa exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowantsiwi, ichitha awiya barapomonae paeba xua bewa pinae wi thabichi pomonae pejume cowantsiwi. Barichi Bernabé bara jutiya ichi iru exana xua tsana wepu xane pomonae jopa judiomonae naexanaeyo. <sup>14</sup> Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowantsixaetsi Cristo pomonae nacaetuta. Janje: “Xam bequein judiomonaepim ichitha poponame icha ichi poxonae popona pon jopa judiomonae naexanaeyo. Jopa exanaem icha ichi poxonae exana pon judiomonaepin.

Xam jopa bewa itorobim pomonae jopa judiomonae naexanaeyo xua bewa exanaena icha judiomonae ichi xua poxonaexana", jan.

*Meje yabara xua judiomonae xuano pomonae jopa judiomonae naexanaeyo xua iru capanenebiya tsainchi xua Jesucristo pejume cowantsiwixaetsi*

<sup>15</sup> Waxainchi judiomonae naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomonae naexanaeyo, tsipei barapomonae abe peexanaewi. <sup>16</sup> Waxainchi yaputainchi xua bequein exanatsi pocotsiwa Moisés pia peitorobi coyenewatha itoroba, ichitha jopa juntu coyene xeicaetsi Nacomtha xua jopa Nacom watsita natsicuentisiwa tsane abe waexanaexae bapontha. Jiwi ba juntu coyene xeica poxonae Jesucristo jume cowantatsi. Waxainchi juntu coyene xEICATSi poxoru jume cowantatsi Jesucristo xua poxoru jopa wajume cowantsiya exanaexae pocotsiwa Moisés pia peitorobi coyenewatha itoroba. Dapon aibi pon pejuntu coyene xeicaein xua pejume cowantsiya exanaexae pocotsiwa Moisés pia peitorobi coyenewatha itoroba.

<sup>17</sup> Waxainchi ichichipatsi xua wajuntu coyene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajuntucoyenebewa xua bequein Cristo naca yawena, bapoxonae jopa naca yawenaeyo Cristo. Matautano bapoxonae bapon abe naca cana exana. ¡Jume, baxua apara Cristo jopa bapana nacata exanae! <sup>18</sup> Nacom tsitan xua tatsita natsicuentisiwa abe taexanaexae bapontha icha equeicha jiwi caewa itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya. <sup>19</sup> Barapo Moisés pia peitorobi coyene jopa neyawenaeyo xua necana exana xua tajuntu coyene xanepanaewa Nacomtha. Saya necana exana xua tatupaewa tsane, poxoru awiya tanatsicuentisiwa xeinan. Ichitha anoxuae Cristo tana netsitupaexae neitacupa xua tapoponaewa Nacom nexa. Matauta anoxuae jopa neitorobiyo Moisés pia peitorobi coyenewa tatsi poxoru jopa xeinaeyo peayapusu itorobi coyenewa xua tana necapanepaewa tsane abe taexanae coyenewa weya. <sup>20</sup> Poxonae Cristo tupa naetotha inta yawa muxuna tupa abe taexanae coyenewan. Daxota anoxuae xan be ichun, tsipei Cristo neyawa popona. Po peajuntuyapusuwatha poponan, barapo peajuntuyapusuwa Nacom necata tajume cowantsixae Cristo. Bapon Cristo, pon Nacom Pexanto, bichocono neantobe, daxota inta tsitupa abe taexanae coyenewan. <sup>21</sup> Jopa benaitematsinyo Nacom pia



peantobewa tatsi. Icha nanta xeinan xua jiwi najuntũ coyene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petsitũpaewatsi bara be poxonae xuban Nacom pia peantobewa tatsi.

### 3

#### *Meje yabara xua Moisés pia peitorobi coyenewa tatsi*

<sup>1</sup> ¡Eta bichi tsobenae Galacia nacuapiwi! ¿Jintam pon mara pexeinaein paca barũ xuajei xua jopa painya ne-jume cowantsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitũpa jiwi naetotha xua jiwi tsitũpatsi. <sup>2</sup> Baraxua pana nejume nore: ¿Nacom paca cata pia Pejumope tũnaxũ tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tũnaxũ tatsi painya nejume cowantsixae po coyene xua yabara paca tsipaebatsi xua pejume cowantsiwa Jesucristo. <sup>3</sup> ¡Maisa bichoconocai! ¿Eta pomonae pam tsobernaem? Poxonae copiya pajume cowantame Nacom pia Pejumope tũnaxũ tatsi paca yawena xua Nacom painya netsita xeinaewa pejuntũ coyene xeicaewa. ¿Anoxuae pananta xeiname xua bichocono pejuntũ coyene xeicaewa paxeiname beyacaincha xua copiyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem. <sup>4</sup> Ichamonae bichocono paca atene exana Jesucristo pexeinya jume diwesi painya nejume cowantsixae. Jopa bewa pana nacui barapentsim xua painya nejume cowantsiwa Jesucristo pejume diwesi, po diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowantsiwa Jesucristo pejume diwesi jopa pexainyei jume tsipae pocotsiwa xua papaebame. <sup>5</sup> Nacom paca cata pia Pejumope tũnaxũ tatsi. Mataũtano Nacom pexeinya petsita itũbi coyenewa exana painya xantha. ¿Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Apra jame baxua pacata exana poxoru painya nejume cowantsixae po diwesi xua pajume taneme.

<sup>6</sup> Abraham pon caena bayatha popona yabara jume cowanta xua Nacom exanaena pocotsiwa Abraham yabara tsiwũnae muxu dutatsi. Daxota Nacom tsitatsi xua bapon Abraham bara pejuntũ coyene xanepanaein xua jopa Nacom tsita xeinaetsi penatsicuentisiwa xua abe peexanaexae. <sup>7</sup> Daxota paxam bewa payaputaename xua pomonae

xaniwaicha Jesucristo pejume cowantsiwichi, Nacom tsitatsi xua barapomonaē bara be yatsicaewa Abraham pia pemomoxi susato jiwi tatsi bequein bara jopa yatsicaewa Abraham pia pemomoxi susato jiwiyo tatsi. <sup>8</sup> Caena bayatha Nacom Pejume Diwesi paeba, xua Nacom capanenebiya tsane pomonaē jopa judiomonaē naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonaē judiomonaē xua capanenebiya tsainchi. Daxita pewnaeya baxua Nacom paeba pia pexeinya jume diwesitha xua Abrahamtha jeye Nacom: “Daxita nacuanpiwi juntu coyene weiweina exanaein tana nejume cowantsixaemxae”, jei Nacom. <sup>9</sup> Daxota daxita pomonaē jume cowanta, juntu coyene weiweina, xua Abraham muxuna, xua iru Abraham pejume cowantsixae.

<sup>10</sup> Pomonaē bequein jume cowantsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonaē hexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonaē jopa exanaeyo daxita po coyene itoroba Moisés pia peitorobi coyenewatha, daxita barapomonaē atene tsane xua Nacom exanaena abe peexanaexae”, jei. <sup>11</sup> Yaputainchi beta, dapon ajibi pon pexeinaein xua po coyene pejuntu coyene xanepanaewa, xua daxota Nacom tsitatsi xua jopa penatsicuentsiwa abe peexanaexae. Tsipei bequein ichichipa xua peexanaewa xua po coyene Moisés pia peitorobi coyenewatha itoroba, daichitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juntu coyene xanepana exana pon pejume cowantsixaetsi, barapon bara ataya asu poponaena”, jei. <sup>12</sup> Jiton jopa nantawenonaeyo xua Jesucristo jume cowantatsi peexanaewa tsane daxita pocotsiwa Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita pocotsiwa xua barapo peitorobi coyenewatha paeba ayapusuya nepoponaewa tsane”, jei.

<sup>13</sup> Cristo naca capanepa poxonaē naetotha naca tsitupa wanaca yantomatsixae xua abe peexanae coyene waexanaexae po peabe exanae coyene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coyene peyawa tupaexae. Baxua yabara Nacom Pejume Diwesitha jeye: “Pon petupaein naetotha ducua bapon Nacom tsita abetsi xua bapon abe peexanaexae”, jei. <sup>14</sup> Cristo Jesús naetotha petupaexae daxota Nacom catsina pomonaē aetha pomonaē jopa judiomonaē naexanaeyo po coyene xua

bayatha Nacom Abraham tsiw<sub>h</sub>nae yabara muxu dutatsi. Nacom Abraham tsiw<sub>h</sub>nae yabara muxu dutatsi xua pecatsinexatsi peant<sub>h</sub>yapus<sub>h</sub>wa. Mata<sub>h</sub>tano Nacom Abraham tsiw<sub>h</sub>nae yabara muxu dutatsi xua Nacom pia Pejumope t<sub>h</sub>nax<sub>h</sub> tatsi naca yawa jinompaena poxonae jume cow<sub>h</sub>ntatsi Jesucristo.

*Meje yabara xua Nacom pia petsiw<sub>h</sub>nae yabara muxu dutsiwa tatsi*

<sup>15</sup> Tamonae pam, pomonae ir<sub>h</sub> painya nejume cow<sub>h</sub>ntsiwixae Jesucristo. Paca tsipaebatsi tsica diwesiyo j<sub>h</sub>ta coyeneyatha xua pocotsiwa jiwi ba exana. Poxonae ba nacueyatabe pebinbe pebur<sub>h</sub>ya nanta xeinabe xua nantiya penata exanaenexabe yawa daxota naw<sub>h</sub>n dutabe paperatha, bara baponbe bewa exanaenabe po coyene baponbe tsiw<sub>h</sub>nae yabara muxu dutabe. Ich<sub>h</sub>n jopa itac<sub>h</sub>paetsi xua ichawa equeicha mataropata tina icha bayatha naw<sub>h</sub>n tinabe. <sup>16</sup> Nacom exana pia petsiw<sub>h</sub>nae yabara muxu dutsiwa Abrahamtha yawa ir<sub>h</sub> Abraham pia pemomoxi susato jiwi jiwanapintha tatsi. Nacom Pejume Diwesitha jopa jeyo: “Pia pemomoxi susato jiwitha”, jopa jeyo. Jame meisa caeintha yabara jei: “Pia pemomoxi susato jiwi jiwanapintha”, jei. Baxua yabara paeba xua Cristo yabara caunutatsi. <sup>17</sup> Baxua paca tsipaebatsi meje: Poxonae Nacom yabara tsiw<sub>h</sub>nae muxu duta Abrahamtha, bapoxonae poxonae cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiw<sub>h</sub>nae muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiw<sub>h</sub>nae muxu dutsiwa tatsi. <sup>18</sup> Icha jiwi itac<sub>h</sub>patsi xua panenebiya abe pia peexanae cuiru coyene weya xua peexanaexae pocotsiwa Moisés pia peitorobi coyenewatha itoroba, bapoxonae ainya cui aibi po peyabara tsiw<sub>h</sub>nae muxu dutsiwa Nacom yabara tsiw<sub>h</sub>nae muxu duta Abrahamtha. Ichitha poxoru jiwi jopa itac<sub>h</sub>paetsi xua pepanenebiwa abe pia peexanae cuiru coyene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiw<sub>h</sub>nae muxu dutsiwa, Nacom amanayiya yabara tsiw<sub>h</sub>nae muxu duta Abrahamtha.

<sup>19</sup> ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwanapin tatsi pon yabara tsiw<sub>h</sub>nae muxu duta Nacom. Nacom cata pia peitorobi coyenewa matatsunpiwitha xua barapomonae xuya Moisés catatsi jiwi nexa.

<sup>20</sup> Ichitha poxonae Nacom yabara tsiw<sub>u</sub>nae muxu duta Abrahamtha, bapoxonae dapon aibi pon capona barapo peyabara tsiw<sub>u</sub>nae muxu dutsiwa Abrahamtha Nacom weya. Jame saya meisa Nacom compa yabara tsiw<sub>u</sub>nae muxu duta Abrahamtha.

*Meje yabara xua daxota Nacom itoroba Moisés pia peitorobi coyenewa tatsi*

<sup>21</sup> Paca yainyabatsi: ¿Moisés pia peitorobi coyenewa abe cana exana Nacom pia peyabara tsiw<sub>u</sub>nae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itac<sub>u</sub>paetsipatsi xua capanenebiyatsi abe pia peexanae coyenein weya peexanaexae po coyene Moisés pia peitorobi coyenewatha itoroba, bapoxonae jiwi j<sub>u</sub>nt<sub>u</sub> coyene xanepanaetsipa Nacomtha peexanaexae po coyene Moisés pia peitorobi coyenewatha itoroba. <sup>22</sup> Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itac<sub>u</sub>paetsi xua penacui barapentsiwa. Daxota daxita pomonae Jesucristo pejume cow<sub>u</sub>ntsiwichi Nacom cana exanaena jiwi po coyene xua bayatha yabara tsiw<sub>u</sub>nae muxu duta xua bepa pinae jiwi capanenebiya tsainchi Jesucristo pejume cow<sub>u</sub>ntsixaetsi”, jei.

<sup>23</sup> Pew<sub>u</sub>naeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yaputane exana xua poxonae Cristo patopeicaena bapoxonae waxainchi bara bewa jume cow<sub>u</sub>ntichi Cristo. Barapo peitorobi coyenewa yabara naca yaputane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca j<sub>u</sub>nt<sub>u</sub> coyene yawenapona beya poxonae Cristo patopaetsica. <sup>24</sup> Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua naj<sub>u</sub>nt<sub>u</sub> coyene xanepana exainchi Nacomtha wajume cow<sub>u</sub>ntsixae Cristo. <sup>25</sup> Anoxuae jume cow<sub>u</sub>ntatsi Cristo, daxota jopa nantawenonaetsi Moisés pia peitorobi coyenewa tatsi. <sup>26</sup> Paxam painya nejume cow<sub>u</sub>ntsixae Cristo Jesús, daxota daxita paxam Nacom pia pexui tatsi pam. <sup>27</sup> Daxita paxam poxonae bayatha ichamona paca bautisaba caemona pana naexaname Cristo Jesththa, Cristo pijimona tatsi pamxaem. Daxota paxam pacoyene j<sub>u</sub>pame Cristo. <sup>28</sup> Nacom daxita jiwi tsita naj<sub>u</sub>patsi. Daxota Nacom jopa tsita ainya cuichi metha bequein judiomona pam tsipaem, ir<sub>u</sub> metha bara bequein griegomona pam tsipaem pomona jopa judiomona naexanaeyo. Mata<sub>u</sub>tano jopa tsita ainya cuichi metha bequein

pomonae amanaya painya nepaca busi cui tatayebeibiwi pam tsipaem, iru bara bequein pomonae jopa amanaya painya netanacuichi jiwi pam tsipaem. Matautano jopa tsita ainya cuichi metha bequein bara pebiwi pam tsipaem, iru metha bequein yabuxi pam tsipaem. Nacom tsitatsi xua paxam be caemonae jiwi pam xua caemonae pana nabaru exaname Cristo Jesustha. <sup>29</sup> Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsiwunaexa muxu dutatsi bara baxua paxam nexa.

#### 4

<sup>1</sup> Xua ichichipan xua tapaebiwa baxua meje: Icha pexuyo paxa cuenta tuptatsi poxonae cataunxuae pexuyo tsecae barapoyo jopa bepijawa catichi ichamonae pocotsiwa xua coxiyuan pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibix-aetsi pomonae wichiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa. <sup>2</sup> Barapo pexuyo nantaata pomonae peyawenaewichi, pomonae bapon wichiya pebaru jinompaewichi. Matautano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyuan paeba. <sup>3</sup> Waxainchi bara pocotsi jata coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba. <sup>4</sup> Poxonae barapo matacabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabuyo petsiperu wenaexanaenexatsi barapo cae pin nacuate. Bapon yacuiya naexana judiomonaepin. Matautano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewata tati. <sup>5</sup> Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi. <sup>6</sup> Nacom pia pexui tatsi painya nenaexanaexae, daxota pacata itorobica pia Pejumope tanaexa tatsi pia painya nepaca cayawenaewa tsane poxonae paca juntu coyene tsipaeba. Barapo Nacom pia Pejumope tanaexa tatsi naca cana exana xua wajeiwa: “Axa”, xua wajeiwa Nacomtha. <sup>7</sup> Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom

paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

*Meje yabara poxonae Pablo yabara nanta xeineiba pomona pejume cowantsiwi Jesucristo*

<sup>8</sup> Pewnaeya xua poxonae payaputaename Nacom, copiya paxam be barapocotsimonae pam be pocotsimonae bewa exanae xua pia nacomn itorobeibatsi, po nacomn xua saya jiwi pia coya cana exana xua jopa pera nacomnyo. <sup>9</sup> Ichitha anoxuae Nacom payaputaneme, yawa paca tsi-paebatsi xua Nacom paca yaputane. Jopa bewa eque-icha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonae cataunxuae jopa pajume cowantsim Nacom. Barapo Moisés pia peitorobi coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonae saya n painya neexaneibi barapo coyene barapoxonae be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi. <sup>10</sup> Paxam awiya cataunxuae paxeiname pocotsi coyenewan xua judiomonae itorobatsi Moisés pia peitorobi coyenewatha. Barapo coyenewa itoroba xua maticabin yabara yawa xua xometon yabara yawa xua wei yabara, po coyene jiwi bewa exanaena penajainbotsi yabara, yawa xua pin penabanaewa peexanaewa maticabin yabara. Barapocotsi coyenein paexaname painya nenanta xeinaexae xua painya nenajuntu coyene xanepana exanaenexa Nacomtha. <sup>11</sup> Tsipei cataunxuae baxua paexaname, daxota juntu coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

<sup>12</sup> Tamonae pam, pomonae irn painya nejume cowantsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi coyenewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyenewatha itoroba. Bara bequein xan judiomonaepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyenewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyenewatha itoroba. Paxam pomonae jopa judiomonae panaexanaem.

Bayatha paxam jopa painta abe exanaem, daxota nanta xeinan xua bara pana nejume taneme pocotsiwa paca itorobatsi. <sup>13</sup> Payaputaneme poxonaem copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo. <sup>14</sup> Bequein pacata ayapube xua poxonaem pana netaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxonaem matatsunpintha paichipaem poxonaem patopa po matatsunpin Nacom pia matatsunpin tatsi, pon peainya cuin, yawano xua icha be poxonaem pacana ichipaem Jesucristo poxonaem patopaetsipa. <sup>15</sup> Copiya bayatha bichocono pajuntũ coyene weiweiname, anoxuae jopa paraichim. Bequein baxua paexaname daichitha awiya wũnaem paca yabara paebatsi ichamonaetha xua paxam bichocono pana neantobem. Mataũtano bichocono jopa juniya pana neantobem pata tana neyawenaexaem tsane xua beya poxonaeno pana naitacuere jucame xua pata tana neantobexaem. <sup>16</sup> Anoxuae pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

<sup>17</sup> Po judiomonaem jiwi pecuidubiwi barapomonaem naemata wũnaeya paca tsipaeba, ichitha peajuntũcoyenebe jiwi. Daxota barapomonaem baxua pacata exana pia painya tana nepenticham pia bapoxonaem xuya painya ichichipaetsi barapomonaem. <sup>18</sup> Baraxua bara bequein wũnaem xua ichamonaem paca ichichipa, daichitha saya jame poxonaem juntũ coyene wũnaem. Barapomonaem bewa daxita matakabi paca yaweneibina jopa meisa metha poxoru ecaeinchipae. Mataũtano bara bewa paca yawenaena poxonaem jopa ecaeinyo. <sup>19</sup> Tamonaem pam, paxam be pomonaem tapexui pam. Paxam nexa bichocono ajuntũcoyenereweina xua anthũthũtanein, icha be poxonaem yabũyo ichi poxonaem bichocono atene poxonaem beya pexuyo pabeta. Baraxua cataunxuae exanaponaem beya poxonaem pajuntũ coyene wũnaem tsane icha Cristo ichi xua juntũ coyene wũnaem. <sup>20</sup> ¡Maisa ichichipan bichocono xua tapaca barũ ecaewatsi anoxuae xua tapaca tsipaebinxatsi icha jumetha, xua jume wũnaeya tapaca tsipaebinxatsi! Tajũ taecaexae xan jopa yaputaeyo xua eta bichin xua tapaca yabara nanta xeinaewatsi xua tapaca yawenaenexatsi.

*Meje yabara xua yabũyobe Agar irũ Sara*

<sup>21</sup> Paxam pomonaem pam pomonaem painya neichichipaewa xua painya neexanaewa pocotsiwa Moisés pia peitorobi coyenewatha itoroba. Pana nejume nore. ¿Paxam jopa pajume

taem xua barapo peitorobi coyenewatha paeba? <sup>22</sup> Barapo peitorobi coyenewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichi-watsi. <sup>23</sup> Powa Abraham tanacuitatsi amanaya, bapowa pexanto tanaexanatsi bara jupa icha be ichi xua poxonae ichamonae tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwanae muxu dutatsi. <sup>24</sup> Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsiwanae muxu dutsiwabe tatsi. Agar pexanto tatsi bapon pia pemomoxi susato jiwi tatsi bewa exanae xua Moisés itoroba pia peitorobi coyenewatha tatsi. Barapo peitorobi coyenewa Nacom Moisés catatsi ichaxota demxuwa, po demxuwa pewan Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwi tatsi barapo coyeneya yacuiya naexanumenapona. Daxota barapomonae bewa exanapona po peitorobi coyene Moisés itoroba. <sup>25</sup> Barapowa Agar caunuta po demxuwa pewan Sinaí xua Arabia nacuatha, po demxuwa Arabia nacuamonae pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaena Moisés pia peitorobi coyenewa tatsi icha Agar ichi xua bewa exanae pocotsiwa Abraham itoroba xua powa pebusi cui taetaewatsi pecana exanaexaetsi. <sup>26</sup> Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanae tsane Moisés pia peitorobi coyenewa tatsi. Waxainchi apara barapo tomarapiwichi. <sup>27</sup> Nacom Pejume Diwesitha Sara tsipaebatsi, jeichichi:

“Petsiriwa powa mawecowam, xam powa jopa xeinaem pexui, juntu coyene weiweinare. Juntu coyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa bichocono ayei jiwi xeinaena pexui beyacaincha po petsiriwa piseuri baru popona”, jei Nacom Pejume Diwesitha.



28 Tamonaē pam, paxam pomonaē iru painya nejume cowantsiwixae Jesucristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwunaē muxu dutatsi. Waxainchi barapo pexuichi, po pexui Nacom yabara tsiwunaē muxu duta wajume cowantsixae. 29 Po pexanto Agar tanaexanatsi xua pon naexana bara jupa icha be ichi xua poxonae ichamonaē pexui tanaexanatsi be pon pewun Ismael. Bapon Isaac taayapube exainchi, pon naexana poxoru Nacom pia Pejumope tūnaxu tatsi peitorobixae. Bara jūtiya ichi anoxuae pomonaē xua Nacom pia Pejumope tūnaxu tatsi pexeinaewi taayapube exainchi xua ichamonaē exana, pomonaē peexanaponaewi po coyene Moisés pia peitorobi coyenewatha itoroba. 30 Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itacupaetsi xua pexeinaewa pocotsiwa coxiyūn pecopaniwa tatsi xua saya cuita pepa pexanto tatsi nexa powa jopa pebusi cui taetaewatsi amanaya”, jei Nacom Pejume Diwesitha. 31 Tamonaē pam, paxam pomonaē iru painya nejume cowantsiwixae Jesucristo. Jopa dapomonaetsi icha be ichi po pexui powa pebusi cui taetaewatsi amanaya pia pexui tatsi pomonaē bewa exanaena pocotsiwa Moisés itoroba. Waxainchi jame barapomonaetsi icha be ichi po pexui powa jopa pebusi cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

## 5

*Meje xua Pablo yabara paeba xua jopa bewa equeicha exanaē Moisés pia peitorobi coyenewa*

1 Cristo naca yawena xua equeicha jopa wanantawenonaewa tsane xua waexanaewa pocotsi coyenewan Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentaewa xua abe waexanaexae. Beta ajuntayapusya pajume cowantaponde Nacom, xua bapoxonaē jopa painya necopatsiwa tsane xua ichamonaē paca itorobina xua painya neexanaewa pocotsiwa Moisés itoroba.

2 Xan, Pablon, pana nejume taema. Jopa equeicha pacopatsinde xua bara judiomonaē paca wi thabina, pomonaē pebiwi pam, ichaxota panareixacaename. Tsipei icha baxua paexanaetsipame bapoxonaē Cristo jopa paca yawenaetsipae po coyene bapon nepaca juntu coyene xanepana exanaewa tsane Nacomtha. 3 Equeicha ichichipan xua tapaca

tsipaebiwatsi. Po pebin xua wi thabatsi xua judiomonae exana, barapo pebin bara be judiomonaepin naexana. Bapoxonae bapon bewa daxita matapaeicha coyenein exanaena pocotsiwa Moisés pia peitorobi coyenewatha itoroba. <sup>4</sup> Paxam pomonae pananta xeiname xua paca jũntũ coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi. <sup>5</sup> Nama jume cowũntsiya ewatatsi xua Nacom naca jũntũ coyene xanepana exanaena xua jopa watsita xeinaewa tsane wanatsicuentisiwa xua abe waexanaexae. Nacom pia Pejumoŋe tũnaxũ tatsi baxua nacata exana wajume cowũntsixae Nacom. <sup>6</sup> Waxainchi caemonae pebũrũya Cristo Jesús piamonae wanaexanaexaetsi jopa naca yawenaeyo icha ichamonae naca wi thaba xua judiomonae wanaexanaewa tsane. Ichacuitha icha jopa naca wi thabiyo baxua irũrũ jopa naca yawenaeyo. Jame pocotsiwa xua wanaca yawenaewa bewa jame jume cowũntichi Cristo Jesús. Barapo pejume cowũntsiwa naca exana xua antobeya wajinompawea.

<sup>7</sup> Bayatha copiya beta pajinompame painya nejume cowũntsiwatha. ¿Jintam metha pacata ayapube exana xua daxota jopa painya neexanaewa pocotsiwa Nacom pia pejume xainyeiwatha paeba? <sup>8</sup> Apara Nacom jopa pacata exanaeyo baxua xua pacata ayapube exana pon paca waba. <sup>9</sup> Payabara nanta xeinare po diwesiyo xua jeye: “Levadura ba peyauyo xoyo atsaxa tsecae daxita carepaya matapaeicha atsaxa exana pantha”, jei. Barapo coyene icha be ichi poxonae abe peexanae coyene po coyene bewayo painya xainya bejojopa tsiniya. <sup>10</sup> Jume cowũntan Nacomtha pon jiwi Pecanamataxeinaein xua jopa painya neitapetsiwa tsane icha painya barompaya nenanta xeinaewa xua icha be jopa ichiyo pocotsiwa nanta xeinan. Icha ichũn paca jũntũ coyene tsacaba xua paca itoroba xua abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, mataũtano metha bequein pon peainya cuin jiton, ichitha awiya atene cana exanaena.

<sup>11</sup> Tamonae pam, paxam pomonae irũ painya nejume cowũntsiwixae Jesucristo. Icha cueicueijan tsipae xua bewa jiwi wi thabichi metha judiomonae jopa inta abe exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tũpa. <sup>12</sup> Pomonae xua paca jũntũ coyene cui tsacaba xua paca itoroba xua paca wi thaba barapomonae pin jumetha yabara janje: “Jame maisa

b<sub>u</sub> moya bara pia coutha natob<sub>u</sub> jucaena xua daxota jopa ichamonae peitorobiwa tsainchi xua penawi thabiwa tsane”, jan.

<sup>13</sup> Tamonae pam, paxam pomonae ir<sub>u</sub> painya nejume cowantsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xeinaewa tsane painya tsita natsicuentisiwa xua abe painya neexanaexae. Poxoru jopa painya nenantawenonaemxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiwi pia coutha ichichipa exana. Jame paexande pocotsi coyene xua ichamonae payawende xua nantiya caemonae painya nenaantobexae. <sup>14</sup> Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarab<sub>u</sub> enaewi, icha ichim xua naantobem jinya coutha”, jei. <sup>15</sup> Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitaetabi jiwi pam tsipae xua jopa beta painya nejume cowantsiwa Nacom.

*Meje xua Pablo yabara paeba pomonae yawa jinompa Nacom pia Pejumope t<sub>u</sub>nax<sub>u</sub> tatsi*

<sup>16</sup> Xua pocotsiwa paca tsipaebatsi meje baxue: Nacom pia Pejumope t<sub>u</sub>nax<sub>u</sub> tatsi payawa jinompare. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana. <sup>17</sup> Po coyene xua wacoutha waj<sub>u</sub>nt<sub>u</sub> coyenetha naj<sub>u</sub>nt<sub>u</sub> coyene xeinatsi xua abe waexanae coyenewa baraxua Nacom pia Pejumope t<sub>u</sub>nax<sub>u</sub> tatsi jopa ichichipaeyo. Po coyene Nacom pia Pejumope t<sub>u</sub>nax<sub>u</sub> tatsi naca itorobeiba xua pexeinya coyene waexaneibinexa baraxua, barapo abe wananta xeinaewa jopa ichipaeyo barapo coyene, po coyene Nacom pia Pejumope t<sub>u</sub>nax<sub>u</sub> tatsi naca itoroba. Bapoxonae waj<sub>u</sub>nt<sub>u</sub> coyene ir<sub>u</sub> Nacom pia Pejumope t<sub>u</sub>nax<sub>u</sub> tatsi pia pej<sub>u</sub>nt<sub>u</sub> coyene tatsi jopa pebur<sub>u</sub>ya j<sub>u</sub>paeya nanta xeinaebe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coyenein pexeinya coyenein. <sup>18</sup> Ichitha icha Nacom pia Pejumope t<sub>u</sub>nax<sub>u</sub> tatsi itorobiya paca mata cainompa bapoxonae jopa bewa pananta xeinaem xua Nacom paca capanenebiyaena abe painya neexanae coyenein

weya painya neexanaexae po coyene Moisés paca itoroba pia peitorobi coyenewatha tatsi.

<sup>19</sup> Pocotsiwan jiwi ichichipa pia coutha exana xua abe meje baxue: Ichamonaē nata siwa xeina xua bequein jopa piseuri jiwi. Ichamonaē bichocono nanta xeineiba pocotsiwa bichocono xua abe, yawa xua pecui tsacatsacapae coyenewa xua weiweina. <sup>20</sup> Ichamonaē wɛnaē jainta ibo nacomɛn. Barichi ichamonaē maratha cataerubenanaebiya xua icha jiwi maratha cataerubenanaebiyatsi. Ichamonaē caemonaē nantiya naita aenae-aenei. Ichamonaē nantiya naba. Ichamonaē nantiya nauwa. Ichamonaē nantiya nacaseba. Ichamonaē asiwa piawan. Ichamonaē natsatabe exana. Ichamonaē pia matabɛxɛmonaē nacana exana be pomonaē seicaya barompaya penanta xeinaewi. <sup>21</sup> Ichamonaē yabara uwa pocotsiwa xua ichamonaē xeina. Ichamonaē juteba xua icha jiwi pejutebiwatsi. Ichamonaē cɛpatsi. Ichamonaē penajainjɛbi jiwi bichocono. Ichamonaē ichawan exana xua peabe coyenewan. Yabara paca tsiwɛnaē muxu dutatsi xua jɛpa be po coyeneya bayatha paca tsipaebatsi, po jiwi bapocotsiwan exana barapomonaē jopa patsi tsane Nacom pia peitorobi nacua beicha tatsi.

<sup>22-23</sup> Ichitha nama pocotsi coyenewan Nacom pia Pejumo pe tɛnaxɛ tatsi cana exanaena jiwi pejɛntɛ coyenetha tatsi baxuanje: Peantobewa ichamonaetha, yawa pejɛntɛ coyene weiweinaewa pejume cowɛntsixaē Nacom, yawa xua jɛntema pejinompaewa, yawa xua jɛntema pejinompaewa xua bepijawa jopa aitaconaeyo poxonaē bequein ichamonaē abe exana, yawa xua beta peexanaewa ichamonaetha, yawano xua peyawenaewa ichamonaē pejɛntɛ coyene xeicaewaxae, yawano xeina xua bichocono pejume cowɛntsiwa Nacom, yawa bichocono pia coutha jopa penayabara nanta xeinaewa, xua saya yabara nanta xeina ichamonaetha, yawa po coyene xua penaitorobiwa pia coutha. Icha peitorobi coyenewa aibi po peitorobi coyenewa xua yabara paeba xua daxita barapo coyenewan pinae abe. <sup>24</sup> Waxainchi pomonaetsi xua Jesucristo piamonaē tatsichi, jeichichi: “Poxonaē Jesucristo naetotha cobe matatabarutatsi, wajɛntɛ coyene, po jɛntɛ coyene jopa wɛnaeyo, nacata yawa muxuna tɛpa. Bapoxonaē nacata aichurubenaē exana po coyene xua abe waexanaewa”, jeichichi waxainchi. <sup>25</sup> Waxainchi jinompatsi wanaca yawenaexae Nacom pia Pejumo pe tɛnaxɛ tatsi. Daxota bewa bara copatichi xua Nacom pia Pejumo pe tɛnaxɛ tatsi bara naca maticarucua ducuaenaebiyaena xua ichaxota daxita pocotsiwantha xua exaneibatsi.

<sup>26</sup> Jopa bewa waxainchi ichamonaetha aebichi. Matautano jopa bewa nantiya naanaepana exanaetsi. Matautano jopa bewa nantiya nauwichi.

## 6

*Meje yabara poxonae Pablo jeye: “Nantiya pana nayawende”, jei*

<sup>1</sup> Tamonae pam, paxam pomonae iru painya nejume cowantsiwixae Jesucristo. Icha ichun pacui taneme xua abe exana, pon pejume cowantsin Jesucristo, bapon payawende xua equeicha beta peronaewa tsane Nacomtha. Payawende bapon paxam jiwana pomonae pam Nacom pia Pejumope tñaxu tatsi pajume cowantsiya jinompame. Jopa anaya bichocono pamuxuconaeinde xua abe peexanaexae. Ichitha dota pam, xua iruru paca juntu coyene cana exana xua abe painya neexanaewa tsane. <sup>2</sup> Nantiya caemonae pana nayawende xua poxonae ichamonaae ajuntucoyenerewe tsaibi pocotsiwa xua ajuntucoyenetane exanatsi. Poxonae nantiya caemonae pana nayawenae bapoxonae bara paexanaenae pocotsiwa Cristo itoroba xua poxonae jeye: “Nantiya caemonae pana naantobeinde”, jei.

<sup>3</sup> Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenae-watsi tsainchi, bapon pia coutha namuxuitoroba. <sup>4</sup> Jiton bewa pia coutha nacui yabara nanta xeinae xua exana, bapoxonae barapon juntu coyene weiweina icha piawa beta exana. Bapon jopa bewa yabara nanta xeinae pocotsiwa xua ichun exana xua bichocono wñae xua beyacaincha bapon exana. Daxita jiwi carepaya bewa barichi bewa pia coutha nacui yabara nanta xeinae icha metha bara wñae xua pocotsiwan exana. <sup>5</sup> Daxita jiwi carepaya barompaya bewa exanaena pia penacuichiwan Nacom nexa be pocotsi coyeneya xua Nacom itoroba.

<sup>6</sup> Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchiwaetsi xua be pematomatsi coyenewa exana.

<sup>7</sup> Jopa painya coutha pana namuxuitorobinde. Dapon ajibi pon itacupatsi xua Nacom muxuitorobatsi. Pocotsiwa xua pebin exana bara barapocotsi coyenetha cuita yabara cana exanatsi. Icha bapon abeya exana barichi bara abeya cuita yabara cana cui matomatatsi. Matautano icha bapon xanepanaya exana bara xanepanaya cuita yabara cana cui matomatatsi. <sup>8</sup> Icha ichun exana pocotsiwa xua pia coutha

ichichipa exana pocotsiwa xua jopa xanepanaeyo, bapoxonae bapon xuya cuita xeinaena pocotsiwa xua abe xua jiwi tupa exanatsi. Ichitha icha bapon exana pocotsiwa xua Nacom pia Pejumope tñaxñ tatsi ichichipa, bapoxonae barapo Nacom pia Pejumope tñaxñ tatsi bapon catinchi peajñntñyapñsñwa xua ataya tsiteca. <sup>9</sup> Jopa bewa ajñntñcoyenefaetabi tsainchi po coyenewa xua beta waexanaewa Nacom nexa. Icha jopa ajñntñcoyenefaetabiya jionmpae tsainchi xua beta waexanaewa Nacom nexa, bapoxonae po mataqueitha Nacom daxita wetsina Nacom naca catsina pentoma pocotsiwa wñnae xua xanepanaya waexanaexae. <sup>10</sup> Daxota poxonae daxita coyeneintha naca itacupa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowñntsiwichi, beyacaincha poxonae yawenatsi pomonae jopa pejume cowñntsiwi.

*Meje yabara xua Pablo najume wetsiya paeba*

<sup>11</sup> Pataema xua matapainya tacoutha tinan, daxota pin itaneton tsica. <sup>12</sup> Pomonae judiomonae xua paca itoroba xua painya nepaca wi thabiwa tsane, barapomonae saya baxua exana pia icha judiomonae wñnae yabara nanta xeinaetsi barapomonaetha. Yawa barapomonae pomonae xua paca itoroba pomonae judiomonaexae naerabiya nanta xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonae naexanaeyo, bara muxuna itorobatsi xua barapomonae bara bewa pebiwi wi thabinchi ichaxota nareixacaena. Bapo coyenewa icha waxainchi exanatsi baxua wamonae pomonae judiomonae jñntñ coyene weiweinaena. Bapoxonae barapomonae jopa nacata abe exanae tsane, bequein tsipaebatsi pomonaetha, pomonae jopa judiomonae naexanaeyo xua Cristo naca tsitupa naetotha”, jei xua naerabiya nanta xeina. <sup>13</sup> Bequein barapomonae paca itoroba xua paca wi thaba ichitha jopa exanaeyo pocotsiwa Moisés pia peitorobi coyenewa itoroba. Barapomonae ichichipa xua paca wi thaba ichamonae, pia barapomonae paca yabara paebichi ichamonaetha xua barapomonae paca itoroba. Barapo judiomonae ichichipa xua icha judiomonae yabara nanta xeina xua pomonae paca itoroba bara beta exana pia paca cui itorobixae barapo penawi thabi coyenewa. <sup>14</sup> Ichitha xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petupaewa naetotha pon Wanacacanamataxeinaein. Cristo naetotha netsitupa

daxota pocotsi coyenein xua xeina po irathe jopa netsita ainya cuiyiyo, xua taxeinaenexa yawa xan jopa tsita ainya cuiyinyo barapo cae pin nacuathepiwitha. <sup>15</sup> Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena jũntũ coyene. <sup>16</sup> Barabũ Nacom paca cata jũntema painya nejinompaewa. Mataũtano barabũ Nacom nantanuweya paca yabara nanta xeinaena pia painya nepaca yawenaenexa. Barabũ Nacom daxita paxamtha barapo coyenebe paca cana exanaena pomonae pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena jũntũ coyenewa, yawano barabũ Nacom paca cana exanaena daxita paxamtha pomonae pam xaniwaicha painya nejume cowũntsiwi pam Nacom.

<sup>17</sup> Anoxuae yawano xua bexa tsaneno jopa ichichipaeinyo xua ichũn inta ayapube exanaena xua poxonaeyabara paeba xua po coyene pinae Nacom jopa neitorobiyo xua tacueicueiweiwa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonae newan duba taperũtotha tajume cowũntsixae Jesús.

<sup>18</sup> Tamonae pam, paxam pomonae irũ painya nejume cowũntsiwixae Jesucristo. Barabũ bapon pon Wanacanamataxeinaein, paca jũntũ coyene weiweina exanaena pia painya nepaca antobexae. Je bara ichi tsane.

Baja Pablo.

## Meje Po Carte Pablo Tatina, Efeso Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonaefeso tomarapiwi*

<sup>1</sup> Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaefeso pam pomonaefeso Nacom piamonaefeso pamxaem, pomonaefeso pajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonaefeso painya nepaca exanaexae Cristo Jesustha. <sup>2</sup> Barabuxua Nacom, pon Waxa iruxua Jesucristo, pon jiwi Pecanamataxeinaein, baponbe paca yawenaena pia paca necaantobexae. Matautano barabuxua baponbe peburuxua juntema jinompa paca cana exanaena.

*Meje yabara xua poxonaefeso Nacom wanaca yawenaewa, wanaca antobexae*

<sup>3</sup> Barabuxua waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: “Nacom maisa pajuntuxua coyene weiweinan jinya pata taneyawenaewaxaem”, jeichichi. Daxita waxainchi Nacom caemonaefeso wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejuntuxua coyenein po pejuntuxua coyenein xeina pia nacuatheicha. Bapo juntuxua coyenein naca catsiba xua wanantawenonaewatsi xua wanaca ajuntuxua coyenexuxua exanaenexa beta xua Nacom watsita jinompaenexatsi. <sup>4</sup> Caena bayatha pewanaeya xua poxonaefeso nacua forotsina, Nacom naca wun duba xua piamonaefeso tatsi wanaca exanaenexa tsane poxoru Cristo caemonaefeso wanaca exanaewa tsane bapontha. Matautano Nacom naca wun duba xua bichocono watsita juntuxua coyene xanepanaenexa tsane bapon xua matauta jopa watsita natsicuentiswatsi tsane xua abe waexanaexae bapontha. <sup>5</sup> Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexatsi. <sup>6</sup> Daxota barabuxua Nacom wunae jainteibatsi pon bichocono pexeinya coyenewa exana poxonaefeso naca yawena wanaca antobexae. Matautano Nacom bichocono wanaca antobexae amanaya daxitatsi caemonaefeso naca cayawa exana Pexantotha, po Pexanto bichocono antobe.



<sup>7</sup> Nacom pia pin wanaca antobexae naca capanenebiya exana abe waexanae cuiru coyenein weya. Nacom tsitatsi xua jopa watsita natsicuentisiwatsi xua abe waexanaexae, yawa naca cayabara cui jantemaina barapo cui. Baxua exana poxoru Nacom Pexanto tatsi jana pichapabarena poxonae bexotsi, poxonae abe waexanae cuiru coyene naca yabara tsitapa naetotha. <sup>8</sup> Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon. <sup>9</sup> Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawun xeina xua jiwi jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewun Jesucristo. <sup>10</sup> Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxonae jopaena barapo matakabi xua poxonae po mataqueitha Nacom ichichipa beexanaena baraxua.

<sup>11</sup> Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wun duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wunaetsi. <sup>12</sup> Paxan, judiomonae pan, pomonae pan xua copiya pawanae ewatan xua Cristo pepatopaewa tsane. Barabun daxota Nacom bichocono wuna pajainchin pexainya peitupanaewa peexanaeinxae. <sup>13</sup> Pocotsiwa xua pexainyei jume diwesi, barapo diwesi apara Nacom pia capanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowantsixaem Cristo painya nepaca capanenebiyaenexa. Bapoxonae Nacom tsita itapeinya xeina xua paxam piamonae tatsi pam poxonae paca cata pia Pejumope tnanaxu tatsi. Bayatha Nacom yabara paca tsiwunaenae muxu duta xua pinae paca catsina barapo pia Pejumope tnanaxu tatsi. <sup>14</sup> Nacom pia Pejumope tnanaxu tatsi naca cata wanaca baru poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiwunaenae

muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowantsina Jesucristo. Baroxonae jiwi wanae jainchina Nacom bichocono peXEINYA peitupanaewa peexanaeinxae.

*Meje yabara poxonae Pablo Nacomtha tawuca pomonae pejume cowantsi jiwi xua Nacom yaputane pecana exanaewa tsane barapomonae pomonae pejume cowantsiwi*

<sup>15</sup> Paca yabara jume tainchi xua paxam pinae beta pajume cowantame Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonae iru pejume cowantsiwi. <sup>16</sup> Daxota ataya pacata wunqueibatsi Nacom, janje: “Nacom maisa juntu coyene weiweinan xua Efeso tomarapiwi neyawenaewa, pomonae necajume cowantsiwi”, jan. <sup>17</sup> Wucan Nacom, Jesucristo Wanacanmataxeinaein, pia Nacom tatsi, pon Waxa pon bichocono peXEINYA peitupanaewa peexanaein. Wucan xua painya nepaca cacatsinexa pia Pejumope tynaxu tatsi painya neyaputaewa tsane pocotsiwan xua xainyei xua Nacom yabara. Matautano wucan xua painya beta neyaputaeronaenexa Nacom. <sup>18</sup> Nacom wucan xua painya neyaputaenexa painya juntu coyeneintha. Baroxonae paca itacupaena xua payaputaename pocotsiwa Nacom yabara paca tsiwun duba xua painya nexainaenexa pocotsiwa yabara paca tsiwunae muxu duba. ¡Maisa bichocono jopa juniyiyo xua pocotsiwa Nacom catsina pomonaetha pomonae pia pejume cowantsi jiwithaxaetsi pocotsiwa bapon juntana jeba barapomonae! <sup>19</sup> Matautano wucan xua painya neyabara yaputaewa tsane Nacom pia peayapusu itorobi coyenewa, po peayapusu coyenewa bichocono wanae xua jopa wetsiyo. Barapo peayapusuya itorobi coyeneyatha Nacom naca yawena wajume cowantsiwixae. <sup>20</sup> Barapo peayapusu itorobi coyenewa jupa po peayapusu itorobi coyenewatha Cristo asu exainchi petupae cuiru coyene weya xua Nacom exana. Barapo pia peayapusu itorobi coyenewatha Nacom Pexanto cuareta pia pecoxa weya xua peitabocothicha xua Pexanto ainya cui cana exana. <sup>21</sup> Nacom Pexanto cana exana xua Jesucristo toxeincha canamataxeina pomonaetha daxita pomonae ichamonae canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu

beyacaincha ichamonae pia peitorobi coyewewan tatsi. Po w<sub>HN</sub> xua Jesucristo xeina xua “Cristo”, jeichichi barapo w<sub>HN</sub> yabara mataw<sub>HN</sub> dutatsi pia peexanaewa. Barapo w<sub>HN</sub> bichocono peainya cui w<sub>HN</sub>, beyacaincha ichamonae pew<sub>HN</sub>xi, po w<sub>HN</sub>xi xua yabara mataw<sub>HN</sub> dubatsi xua peexanaewa pomonae anoxuae jinompa ir<sub>H</sub> pomonae bexa jinompaenano. <sup>22</sup> Nacom exana xua daxita coyewewantha Cristo itoroba pia peayapus<sub>H</sub> itorobi coyewewantha. Matautano Nacom exana xua Cristo daxita pepa pecanamataxeinaein piamonae daxita pomonae pejume cow<sub>ANTS</sub>iwixaetsi. <sup>23</sup> Pomonae pejume cow<sub>ANTS</sub>iw<sub>WI</sub> Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nanta<sub>UTA</sub> pomonae pejume cow<sub>ANTS</sub>iw<sub>WICH</sub>i. Barichi dapocotsiwa ajibi pocotsiwa petaseicaewatsi pomonae Cristo pejume cow<sub>ANTS</sub>iw<sub>WICH</sub>i tsipei Cristo ataya tsitecaeya bar<sub>H</sub> popona barapomonae daxita nacuantha.

## 2

*Meje yabara poxonae xua Nacom naca capanenebiya, wanaca antobexae*

<sup>1</sup> Copiya bayatha poxonae jopa pajume cow<sub>ANTS</sub>im Nacom bichocono abe paexana dubenanaebiyame. Mata<sub>UTA</sub> pajumefebame Nacom poxoru paxam be pomonae pewerapaewi pam jopa painya yawa jinompaexae Nacom pia Pejumo<sub>PE</sub> t<sub>UNA</sub>x<sub>H</sub> tatsi. <sup>2</sup> Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matatsuntha xua beyano Nacom pia nacua beicha tatsino. Barapo caurimonae pia pentacaponaein tatsi, pomonae Nacom jume<sub>FE</sub>batsi, barapomonae j<sub>UNT</sub><sub>H</sub> coyene itorobatsi xua abe peexanaewa tsane. <sup>3</sup> Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua waj<sub>UNT</sub><sub>H</sub> coyewewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae. <sup>4</sup> Daichitha Nacom jopa juniya naca matateicaeyo xua wanaca yawenaewa bichocono wanaca antobexae.

<sup>5</sup> Bequein poxonae cataunxuae bichocono abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxonae Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. <sup>6</sup> Wajume cowuntsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua wae-naewa ichaxota Cristo Jesús eca pia nacuatheicha. <sup>7</sup> Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita matabintha tsoponae tsane. Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesththa. <sup>8</sup> Tsipei Nacom paca antobe daxota paca capanenebiya poxonae pajume cowuntame bapon. Apara jopa baxua painya coutha paexanaem, apara Nacom jame baxua amanaya paca cana exana. <sup>9</sup> Nacom apara jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwi pam tsipae xua poxonae ichantha pajam: “Beta paexanan daxota Nacom pana capanenebiya”, pajam. <sup>10</sup> Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexaneibinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.

*Meje yabara po juntu coyenetha Nacom naca cana exana xua juntema wajinompawea caemonae wanaexanaexae Cristotha*

<sup>11</sup> Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixaem pana nacui yabara juntanainare xua eta po jiwi pamda caena bayatha poxonae jopa pajume cowuntsim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi

thabi coyene xua ichaxota pebiwi penareixacaenaewa saya jiwi pia coya nacana<sup>u</sup>tsiya exana. <sup>12</sup> Bayatha barapo da-paetha poxonae cataunxuae jopa pajume cow<sup>u</sup>ntsim jopa Cristo payabara yaputaem. Mata<sup>u</sup>tano paxam be painya nenanapaincha jinompaewi pam xua icha nacua werena painya neponaewi xua jopa Israel nacuapiwi jiwana pam. Po petsiwa<sup>u</sup>nae yabara muxu dutsi coyenewan xua Nacom juntucuru nanta xeina xua caemona<sup>e</sup> naexana piamonaetha, xua judiomonaetha, barapo coyenein apara jopa paxam nexa. Mata<sup>u</sup>tano pajinompage barapo cae pin nacuathe ichitha jopa paw<sup>u</sup>nae ewatsim xua pocotsiwa xua w<sup>u</sup>nae xua Nacom exanaena paxam nexa cataunxuae jopa painya nejume cow<sup>u</sup>ntsixae. Tsipei jopa painya neyabara yaputae jiwi pam Nacom. <sup>13</sup> Ichitha anoxuae Cristo Jesús paca exana xua caemona<sup>e</sup> pana naexaname bapontha. Paxam pomona<sup>e</sup> bayatha jopa Nacom painya nejume cow<sup>u</sup>ntsi jiwi pam xua jopa painya yabara yaputaexaem bapon. Ichitha anoxuae pajume cow<sup>u</sup>ntame painya neyabara yaputaexae Cristo Jesús, pon naetha painya abewan paca yabara tsit<sup>u</sup>pa, poxonae jana pichapabarena poxonae bexotsi. <sup>14</sup> Cristo meisa bapon naca cata po j<sup>u</sup>nt<sup>u</sup> coyenewatha xua ichamonaetha xuya j<sup>u</sup>ntema jinompa exanatsi. Cristo exana xua caemona<sup>e</sup> naexana pomona<sup>e</sup> xua judiomona<sup>e</sup> ir<sup>u</sup> pomona<sup>e</sup> jopa judiomona<sup>e</sup> naexanaeyo. Cristo cui weraweraca exana po j<sup>u</sup>nt<sup>u</sup> coyenein xua judiomona<sup>e</sup> ir<sup>u</sup> pomona<sup>e</sup> jopa judiomona<sup>e</sup> naexanaeyo penaitafaetabi jiwi naexana xua saya be caemona<sup>e</sup> penaexanaewa tsane. Baxua exana poxonae naetha tsit<sup>u</sup>pa jiwi. <sup>15</sup> Poxonae Cristo naetha t<sup>u</sup>pa bapoxonae bapon cana exana xua Moisés pia peitorobi coyenewa tatsi jopa equeicha xeinaeyo peayapus<sup>u</sup> itorobi coyenewa xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomona<sup>e</sup> Cristo caemona<sup>e</sup> pebar<sup>u</sup> naexanaewa tsainchi pomona<sup>e</sup> xua copiya pia peaitafaetabi jiwixaetsi. Poxonae Cristo baxuan cana exana bapoxonae barapo bicheitomona<sup>e</sup>be j<sup>u</sup>ntema nabar<sup>u</sup> jinompa cana exana. <sup>16</sup> Pet<sup>u</sup>paexae naetha Cristo exana xua equeicha barapomona<sup>e</sup>be jopa nabiyo. Mata<sup>u</sup>tano bapoxonae Cristo naita coxone exana xua barapomona<sup>e</sup>be j<sup>u</sup>ntema pejinompaewa Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomona<sup>e</sup>be Nacom caemona<sup>e</sup> exainchi.

<sup>17</sup> Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo j<sup>u</sup>nt<sup>u</sup> coyenewatha jiwi equeicha caewa Nacom ita coxonatsi xua Nacom j<sup>u</sup>ntema petsita jinompaewa

tsainchi. Daxita paxamtha paca tsipaeba barapo diwesi pomonaetha iru pam pomonae copiya jopa Nacom payabara yaputaem, xua pomonae jopa judiomonae pam. Iru tsipaebatsi pomonae yatsicaya judiomonae pomonae Nacom yauptainchi pejume cowantsixae. <sup>18</sup> Cristo jiwi petsitupaexaetsi abe pia peexanae coyenewan tatsi daxota Nacom pia Pejumope tɯnaxɯ tatsi yawena xua pomonae judiomonae iru pomonae jopa judiomonae naexanaeyo be caemonae naexanabe xua cae axa xeina, bapon Nacom. <sup>19</sup> Daxota anoxuae jopa be painya nenanapaincha jinompaewi pam xua be icha nacia werena painya neponaewi. Paxam iru ichamonae pomonae Nacom pejume cowantsiwiru be pomonae cae nacuapiwi pam. Paxam Nacom piamonae jiwana tatsi pam. <sup>20</sup> Poxonae ba jiwi Nacom pin pia bo acaba copiya matha beta noba po iboton xua iratha tabɯ caumena. Nexata beta nota po iboto xua ainya cui xua po iboto bo daunweya babatanota po iboto xua epataɯta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae bo acaba, Nacom piamonae bara cana jɯtsiya cana ichi. Pomonae Cristo pia peitorobi jiwi tatsi iru pomonae Nacom pia peitorobi jume pepaebiwi barapomonae be bara pocotsi iboton xua tabɯ caumena tsipei barapomonae copiya paca cuiduba Nacom Pejume Diwesi tatsi. Iru Jesucristo be barapocotsi ainya cui iboto po iboto daunweya babatanota po iboto epataɯta botabiya, tsipei Cristo paca yawena xua painya nejume cowantsiwa bapon. Iru paxam be po iboton xua jiwi nanta cajejebabapona, pomonae penanta carubenaewi jiwi pam, tsipei cotacaya painya nejume cowantsixae. <sup>21</sup> Cristo piamonae bara cana jɯtsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabaru jijinapona, pomonae Nacom tsita jɯntɯ coyene xanepanatsi. <sup>22</sup> Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam iru daxita ichamonae pomonae iru pejume cowantsiwi Nacom, caemonae pana naexaname xua Nacom pia Pejumope tɯnaxɯ tatsi pia paca baru jinompaenexa icha Nacom ichi xua pia pin botha popona.

### 3

*Meje yabara poxonae Nacom Pablo itorobatsi xua pecue-icueijeewa Nacom Pejume Diwesi pomonaetha pomonae jopa judiomonae naexanaeyo*

<sup>1</sup> Xan, Pablon, jiwi pecubi botha ecan yabara tanat-sipei cueicueijeixae Cristo Jesús poxonae bapon yabara tapaca cuidubiwatsi pomonaе pam jopa judiomonaе panaex-anaem. <sup>2</sup> ¡Bara pajume taneme xua Nacom necata barapo tatanacuichiwa xua inta bichocono w<sub>h</sub>nae! ¡Nacom neitoroba tana neantobexae xua tapaca cuidubinexatsi tapaca yawe-naenexatsi! <sup>3</sup> Nacom itata xua po coyene xua moya yaw<sub>h</sub>n xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yaw<sub>h</sub>n xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tse-cae. <sup>4</sup> Poxonaе barapo carte payorobiname payaputaename xua bara xan yaputan po coyene xua Cristo moya yabara cui yaw<sub>h</sub>n xeinatsi po coyene xua bexa Nacom exanaena xua jiwi jopa yabara yaputaeyo. <sup>5</sup> Bayatha jiwi jopa yaputaeyo po coyene xua Nacom Cristo moya yabara cui yaw<sub>h</sub>n xeinatsi po coyene xua Nacom exanaena. Ichitha anoxuae Nacom pia Pejumope t<sub>h</sub>nax<sub>h</sub> tatsi baxuan yaputane cana exana pomonaetha pomonaе pia coya Nacomtha nacana exana xua Nacom petanacuichiwa tsainchi pomonaе Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. <sup>6</sup> Meje baxue xua pocotsiwa moya peyaw<sub>h</sub>n xeinaewa: Pomonaе jopa judiomonaе naexanaeyo barapomonaе ir<sub>h</sub> xeinaena po coyene xua Nacom cata judiomonaetha po coyene bichocono w<sub>h</sub>nae xua bayatha Nacom j<sub>h</sub>ntana jeba. Barapomonaе pomonaе jopa judiomonaе naexanaeyo Jesucristo pejume cow<sub>h</sub>antsixaetsi caemonae nanaexana pepa judiomonaetha pomonaе ir<sub>h</sub> Cristo Jesús pejume cow<sub>h</sub>antsiwixaetsi. Barapomonaе ir<sub>h</sub> xeinaena po coyene Nacom yabara tsiw<sub>h</sub>nae muxu duta judiomonaetha xua Cristo Jesús yabara. Barapomonaе pomonaе jopa judiomonaе naexanaeyo daxita baxuan ir<sub>h</sub> xeinaena poxoru jume cow<sub>h</sub>antar<sub>h</sub> Nacom pia pecapanenebiyae diwesi jume.

<sup>7</sup> Nacom neitoroba xua tacueicueijeiwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonaе. Matautano Nacom necata pia peayapus<sub>h</sub> itorobi coyenewa xua tacueicueijeiwa tsane barapo pexeinya jume diwesi. <sup>8</sup> Pomonaе xua be conotha ainya cui xua Cristo piamonaе tatsi barapomonaе ainya cui beyacaincha xua xan. Daichitha Nacom necata barapo tatanacuichiwa xua inta bichocono w<sub>h</sub>nae. Nacom neitoroba xua tacueicueijeiwa tsane pia pexeinya jume diwesi pomonaetha pomonaе jopa judiomonaе naexanaeyo.

Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonaе pomonaе jopa judiomonaе naexanaeyo. <sup>9</sup> Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena hexa tsane, po coyene Nacom moya yawun xeina. Barapo coyene Nacom pon daxita peforotsin, caena bayatha moya nayawun xeina xua jiwi jopa peyaputaewa tsane xua pocotsiwa bapon exanaena. <sup>10</sup> Anoxuae Nacom yaputane exana matatsunpiwi, pomonaе itoroba itabocotha, matautano pomonaе pecanamataxeinaewa itabocotha. Barapomonaе Nacom yaputane exana pocotsiwa bapon moya yawun xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonaе tane xua pomonaе judiomonaе matautano pomonaе jopa judiomonaе naexanaeyo daxita barapomonaе caemonaе naexana pejume cowuntsiwichixaetsi Cristo Jesús. <sup>11</sup> Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petupaexae naetotha. <sup>12</sup> Naca itacupa xua watsipaebiwatsi Nacom wajume cowuntsixae Cristo. Waxainchi yaputainchi xua bapon bara naca jume tane caemonaе wanaexanaexae Cristotha, daxota cui tsacatsacapiya watsipaebiwa Nacom. <sup>13</sup> Daxota jopa ichichipaeinyo xua paajuntacoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

### *Meje yabara xua Cristo jiwi peantobewatsi*

<sup>14</sup> Poxonaе yabara nanta xeinan xua po coyenewa xua Nacom exana bapoxonaе tantabocototha uncuan xua tatsita itapeinya xeinaewa tsane xua baru cui itura jinan Waxa pon itabocotha pepoponaein. <sup>15</sup> Daxita Nacom piamonaе pomonaе pejume cowuntsiwichi, pomonaе itabocopiwi iru pomonaе po irathepiwi, daxita barapomonaе Nacom tsitatsi xua barapomonaе be caemonaе naexana. Bapon daxita barapomonaе paxa tatsi. <sup>16</sup> Nacomtha pacata wucatsi. Tsipei Nacom pexeinaexae peitaboco beicha pocotsiwa jopa juniyiyo xua bichocono wunaе daxota jan: “Nacom care Efeso tomarapiwi xua bichocono jinya neayapusu itorobi coyenewa. Barapomonaе nejumopetha juntu coyene daunweya jinompa exande. <sup>17</sup> Barabu Cristo baru poponeibina barapomonaе pejume cowuntsixaetsi. Barabu barapomonaе bichocono antobe jiwi bichocono pejuntu coyene



yucaewaxaetsi peantobe coyenewa. <sup>18</sup> Barabũ barapomonae beta yabara yaputaena Cristo pia peantobe coyenewa tatsi xua irũũ daxita ichamonaerũ yaputaena pomonae pejume cowũntsiwi. Barapon Cristo pia peantobe coyenewa tatsi bichocono ayei xainto jũntũ coyenewa. <sup>19</sup> Cawũcatsi Nacom xua barapomonae barabũ yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto jũntũ coyenewa xua jiwi jopa itacũpaetsi xua peyabara yaputaewa. Cawũcatsi xua barapomonae nejũntũ coyene yũca exanaenexa daxita jinya nejũntũ coyenewatha.

<sup>20</sup> “Wũnae cajaintatsi poxoru caitacũpa xua bichocono pata tana neyawenaewam beyacaincha xua pata tacawũcaewatsi, xuano beyacaincha pata nanta xeinaewa. Baxua painta exaname poxona jinya neayapusũ itorobi coyenewa nacuita pata jũntũ coyenewatha. <sup>21</sup> Barabũ daxita pomonae pejume cowũntsiwi pomonae caemonae naexana Cristo Jesustha wũnae cajainchina xua ataya petsitecaeronaewa tsane. Je bara ichi tsane”, jan xua pacata wũcatsi Nacomtha.

## 4

*Meje yabara xua Nacom pia Pejumope tũnaxũ tatsi cana exana xua caemonae naexana Nacom piamonae tatsi*

<sup>1</sup> Tatanacuichixae Jesucristo pon jiwi Pecanamataxeinaein daxota jiwi neeta jiwi pecũbi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wũn dubixae painya nejume cowũntsixae bapon icha be pocotsi coyeneya xua Nacom tsita xanepanatsi. <sup>2</sup> Ita ururanaya pajinompeibare xua jopa painya neatsacaewa tsane. Mataũtano jume xanepanaya nantiya pana natsipaebeibare xua jopa paantũtsaxande. Mataũtano saya jopa paaitaconaeinde xua daxota jũntema painompaename poxona bequein ichamona abe pacata exana. Mataũtano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene jũpaem. <sup>3</sup> Nacom pia Pejumope tũnaxũ tatsi paca cana exana xua caemonae painya nenaexanaewa tsane. Daxota peajũntũcoyenesũwatha paexande daxita coyeneya xua caemonae jũntema painya nenabarũ jinompaewam tsane. <sup>4</sup> Paxam pomonae painya nejume cowũntsi jiwixae Cristo Jesús daxota caemonae paca exana. Bequein daxita carepaya paxam barompaya paxeiname Nacom pia Pejumope tũnaxũ tatsi, ichitha barapo pejumope saya bara caein. Nacom yabara paca wũn duba xua daxita paxam painya nexainaewa tsane cae coyenewa xua

po coyene peburuya pana nabaru wunaewatame pocotsiwa xua bexa Nacom exanaena. <sup>5</sup> Matautano bara caein pon jiwi Pecanamataxeinaein. Matautano cae coyenewa xeinatsi po coyenewa xua wajume cowantsiwa Cristo. Matautano saya cae wantha nabautisabatsi xua Cristo pewantha tatsi. <sup>6</sup> Matautano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, matautano daxita carepaya nacuantha popona. Matautano daxita waxainchi carepaya naca baru popona.

<sup>7</sup> Daxita waxainchitha seicaya cabarompaya naca cana juntu cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa. <sup>8</sup> Daxota Nacom Pejume Diwesitha jeye Cristo yabara:

“Bapon athabe juinya tajū beicha.  
Poxonae athabe juinya baru juinya pomonae  
pia peaitafaetabi jiwichi petsita  
itapeinya xeinaenexa xua amanayaba  
barapo peaitafaetabi jiwichi.  
Matautano bapon pia pejume cowantsiwichi  
catsiba po juntu cui coyenewantha xua  
barapomonae Nacom petsita exanaenexatsi”,  
jei Nacom Pejume Diwesitha.

<sup>9</sup> ¿Eta xua metha baxua caunuta poxonae paeba xua “athabe juinya tajū beicha”? jei. Baxua caunuta xua copiya matha Cristo po irathe patopeica xua bapoxonae equeicha caibe juinya athabeicha itaboco beicha. <sup>10</sup> Pon xua po irathe patopeica, barichi bapon athabe juinya tajū beicha xua bapon pepoponaewa tsane daxita nacuantha xuano daxita itabocotha. <sup>11</sup> Cristo catsiba jiwitha xua seicaya barompaya pejuntu cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijei jiwi pia peitorobi jume diwesi tatsi. Ichamonaetha cana exana pomonae xua pecueicueijei dubenanoutsijiwi Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonae eena jiwi pomonaetha pomonae pejume cowantsi jiwi. Ichamonaetha cana exana pomonae xua pecuidubi jiwi pomonaetha pomonae pejume cowantsiwi. <sup>12</sup> Poxonae barapo coyene Cristo exana, piamonae cana juntu coyene wetsiya cana exana xua beta petaexanaewa tsainchi pia petanacuichiwa tatsi. Bapoxonae daxita piamonae tatsi mataropeichiya ajuntuyarusuya jume cocowantapona pomonae piamonaexae tatsi pomonae bara be Cristo pia

pepon tatsi. <sup>13</sup> Baxua Cristo exana xua beya waxainchi caemonae wanaexanaewa tsainchi xua caemonae wanabarũ jume cowantsixaetsi Cristotha. Bapoxonae naexanatsi xua peburũya caemonae wanabarũ yabara yaputaewa tsainchi Nacom Pexanto tatsi. Mataũtano bapoxonae yatsicaya beta jume cowantatsi, bapoxonae jinompatsi be pomonae bayatha pinyontsi xua pocotsimonae itacũpatsi xua Nacom beta petsita jinompaewatsi. Bapoxonae wajũntũ coyene naca cayabara cui wetsiya exana xua wajũntũ coyene xanepanaewa icha Cristo ichi xua bichocono pejũntũ coyene xanepanaewa. <sup>14</sup> Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowanta xua pocotsi coyenein xua poxonae nacuidubeiba xua poxonae cuiduba pomonae jiwi pemuxuitorobiwi. Barapo pemuxuitorobi jiwi yaputane nawita po jũntũ coyeneintha xua jiwi pemuxujainyabiwatsi. <sup>15</sup> Jame bewa pexainyei jume tsipaebichi ichamonaetha po coyeneya xua barapomonae yaputane xua waxainchi antobetsi barapomonae. Bapoxonae beta xanepanaya exanaeinchi wanajũntũ coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonae pia pejume cowantsiwichi. Bapon bara be pentasipa pomonae pejume cowantsiwichi be bapon pepon tatsi. <sup>16</sup> Cristo canamataxeina pia pejume cowantsiwichi. Mataũtano cana exana xua barapomonae barompaya xeina pia petanacuichiwantsi. Bequein barapomonae piawan barompaya xeina ichitha Cristo cana exana xua caemonae nantiya nayawena be caemonae naexana. Poxonae barapomonae barompaya piawa beta exanapona pia penacuichiwana, bapoxonae be caemonae beta naajũntũcoyenesũ xanepana eexanapona, nantiya penantobexae.

*Meje yabara po pena jũntũ coyenewatha wajinompaewa wajume cowantsixae Cristo*

<sup>17</sup> Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompaem icha barapo cae pin nacuathepiwi ichi xua poxonae jinompa poxonae jopa Nacom yaputaetsi. Pocotsiwa xua barapomonae pia penanta xeinae coyenewan tatsi, jopa ainya cuiyo. Jopa pejũntũ coyene yawenaexaetsi barapo penanta xeinae coyenewantha. <sup>18</sup> Barapomonae pia peyaputae coyenewan tatsi jopa xapain pepa peyaputae coyenewiyo. Barapomonae jopa xeinaeyo peajũntũcoyenesũwa pocotsi peajũntũcoyenesũwa Nacom cata piamonae. Barapo coyene

barapomonaē jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonaē najũntũ coyene ararana xua jopa peichichipaexae xua Nacom peyabara jume taewatsi. <sup>19</sup> Barapomonaē jopa ajũntũcoyeneuriyo poxonaē abe exana. Mataũtano barapomonaē atsaquiya abe eexanapona, xua pecũpaewatsi atsaxa mera yawa weiweina ichamonaē piseurixitha tatsi. Barapomonaē cui xeica xua daxita coyenewan abe peexanaponaewa. <sup>20</sup> Ichitha poxonaē ichamonaē yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane. <sup>21</sup> Xaniwaicha yabara pajume taneme Cristo, xuano piamonaē tatsi painya nenaexanaewa poxonaē ichamonaē paca cuiduba po pexainyei jumein xua pexeinya jume diwesi xua Jesucristo yabara. <sup>22</sup> Pana nacui barapende po jũntũ coyene xua bayatha paexaname poxonaē jopa cataunxuae pajume cowũntsim. Barapo jũntũ cui coyene bichocono abe, tsipei paca cana exana xua paexaname pocotsiwan xua painya coya paichichipame poxonaē paca muxuitoroba exana xua daxota abe painya neexanaewam. <sup>23</sup> Pacopare xua bara Nacom paca jũntũ coyene xanepana exanaponaena, xua daxota pena coyene painya nenanta xeinaponaewa tsane. <sup>24</sup> Painompare pena jũntũ coyenetha, po jũntũ coyene Nacom exana xua painya paca catsibinexa. Baroxonaē paxeinaename be pocotsi jũntũ coyene Nacom xeina. Poxonaē paxeiname barapo jũntũ coyene po jũntũ coyene xua pexainyeiwa, baroxonaē beta nantiya pana nabarũ jinompame yawa xua bichocono paca tsita xanepana Nacomtha.

<sup>25</sup> Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonaē irũ pejume cowũntsiwi, tsipei waxainchi daxitatsi caemonaē naexanatsi Cristotha.

<sup>26</sup> Icha paanaepaname jopa pacopatsinde xua painya jũntũ coyene paca itoroba xua anaya anaepanaya abe painya neexanaewa ichan̄tha. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caetotha pande. <sup>27</sup> Jopa pacopatsinde xua bara caurimonaē pia pentacaponaein tatsi paca jũntũ coyene jũjũta abe painya neexanaewa tsane.

<sup>28</sup> Pon xua pecaibin, bũ jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Baroxonaē bapon itacũpatsi xua ichamonaetha xuya catsina pomonaetha xua acopeibiwi pomonaē jopa xeinaeyo xua pocotsiwa nantawenona.

<sup>29</sup> Jopa ajumbeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamonae jume cocowantapona exanatsi po jumeintha xua jiwi muxu xeica exanatsi xuano xua yawenatsi po jumein xua paca jume tane. <sup>30</sup> Nacom pia Pejumope t̄nax̄u tatsi jopa paj̄nt̄u coyene wecoyeyi exanaeinde xua painya nepaca cui taexae xua paexaname. Tsipei paca bar̄u popona Nacom pia Pejumope t̄nax̄u tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope t̄nax̄u tatsi naca j̄nt̄u coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

<sup>31</sup> Jopa paxeinaeinde painya j̄nt̄u coyenein weya po coyenein xua ichamonae payabara j̄nt̄u ajom xua came bichocono painya neyabara nanta xeinaexae xua ichamonae abe pia pacata exanaexae. Matautano jopa paxeinaeinde po coyene xua jemeicha anaya paexaname. Matautano jopa paxeinaeinde po coyene xua saya bichocono panth̄th̄ anaepaneibame. Matautano jopa paxeinaeinde po coyene xua ts̄m̄u jume pabar̄u paebame ichamonae. Barichi jopa paxeinaeinde po coyene xua ichamonae pabiataneme. Matautano daxita jopa paxeinaeinde po coyenein xua bichocono paaitafaetabim ichamonae. <sup>32</sup> Jame seicaya maisa nantiya caemonae xanepanaya pana nata exande. Matautano nantiya pana naweyataema xua nantiya painya nenayawenaewam tsane. Matautano nantiya pana nacui yabara j̄nt̄emainare xua abe nantiya pana nata exaname, icha Nacom paca yabara ichi xua paca cayabara j̄nt̄emainare abe painya neexanae cuiru coyenein Cristo painya nepaca tsit̄upaexae poxonae naetotha t̄pa exanadutatsi poxonae bexotsi.

## 5

*Meje yabara xua po j̄nt̄u coyeneyatha bewa jinompaena Nacom pia pexui tatsi*

<sup>1</sup> Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona. <sup>2</sup> Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsit̄upa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentsiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom

tsita xanepanatsi icha be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

<sup>3</sup> Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamonae pomonae painyamona paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonae xeina.

<sup>4</sup> Jopa nantiya pana nayabara унунjande. Matautano jopa nantiya pana najume cui caponaeinde po jumein xua jopa wнаeyo. Matautano jopa nantiya тунм jume pana nayabara paebinde. Daxita barapo coyenein bichocono abe. Jame maisa bewa itapeta Nacom wнаe pajainchim painya nepaca capanenebiyaexae barapo coyenein weya.

<sup>5</sup> Tsipei paxam bayatha payaputaneme xua Nacom cana exanaena pomonaetha pomonae meje: Pomonae xua penasi cui matacaetsiwa xua jopa poxonae piseuri jiwi, yawano pomonae xua yabara paeba po jume xua jiwi aura exanatsi, yawano pomonae bichocono pitacopeichi xua yabara uwa xua ichamonae xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wнаe jainta ibo nacom. Pomonae barapo coyenein exana bapomonae bapana jopa itacapaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua ирн ichaxota barichi Nacom. <sup>6</sup> Jopa pacopatsinde xua ichamonae paca necamuxuitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. <sup>7</sup> Barapomonaetha jopa imoxoyo pacuicuinaeinde, pomonae Nacom jopa jume jejeichi.

<sup>8</sup> Paxam copitha abe paexaname jopa painya yabara ya-putaexaem Nacom. Baxua be poxonae pomonae pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxonae pomonae pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha.

<sup>9</sup> Pomonae yawa jinompa Nacom barapomonae beta ji-

nompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wunaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa. <sup>10</sup> Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi. <sup>11</sup> Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae patsita itapeinya xeinare pocotsiwan xua barapomonae abe peexanaewanxae. <sup>12</sup> Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomonae tsipei bichocono abe. <sup>13</sup> Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinaeinchi xua pocotsiwa namicha exana, apara deta cou abe. Bapoxonae barapomonae itacupatsi xua naexanaena Nacom piamonae tatsi. <sup>14</sup> Daxota Nacom piamonae tatsi ichun yabara jeichi:

“Nacui cayabara cananta xeinatabare,  
tsipei xam be pon abe neexanaein.  
Natsixire pia xainya weya tatsi pomonae  
be petupaewi pejinompaewi jopa  
tana nejume cowantsi jiwixae.  
Cristo cacana exanaena xua yabara  
neyaputaewa bapon pocotsiwa xua  
pia pexainyei coyenewa tatsi”,  
jei xua ichun yabara paebatsi.

<sup>15</sup> Dota pam, xua abe painya neexanaewa. Jame maisa xanepanaya pajinompare. Jopa pajinompaeinde icha be ichi poxonae jinompa pomonae Nacom jopa jume cowantsiya yaputaetsi. Barapomonae jopa peyaputaewi. Jame maisa pajinompare icha be ichi poxonae jinompa pomonae jume cowantsiya peyaputaewi Nacom. Barapomonae peyaputaewi. <sup>16</sup> Beta pa-eexanaponde daxita coyeneya xua paca itacupa poxonae cataunxuae anoxuae pajinompame, tsipei barapo matababintha jiwi abe bichocono peexanaewi. <sup>17</sup> Jopa pajinompaeinde icha be ichi poxonae jinompa pomonae amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwi Pecanamataxeinaein. <sup>18</sup> Jopa pana nacupa exanaeinde peatsaxa meran xua jiton acoyenebeya

exanaeya exainchi. Jame maisa Nacom pia Pejumoꝑe tanaꝁu tatsi pacopabeibare xua daxita bara paca juꝁtu coyene itorobeiba xua beta painya neexaneibiwa tsane. <sup>19</sup> Nantiya pana natsipaebare pocotsiwa xua Nacom paca juꝁtu coyene weiweina exana. Nantiya pana nabaru naxunare David pia weixi, po weixi pewun salmos. Matautano panaxunare po wei pomonae pejume cowantsiwi pia weixi tatsi xua pewunae jainchi weixi Jesucristoꝓa, pon jiwi Pecanamataxeinaein. Panaxunare painya juꝁtu coyene weya po weixi xua Nacom wunae pejainchiwatsi. <sup>20</sup> Nacom pon Waxa bapontha pajacobeibare, pajan tsaibinde: “Nacom maisa pajuntu coyene weiweinan xua pocotsiwa daxita pata tana necatsixaemxae. Paca wucatsi Jesucristo pata Tanecanamataxeinaein pabuxuna bobenounan”, pajan tsaibinde.

*Meje yabara po coyene xua pebin piseuribe bewa nabaru poponaenabe ponbe pejume cowantsinbe*

<sup>21</sup> Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Bapoxonae xua painya itapeinya xeinaenexa xua painya nebaru itura cui jinaewa pocotsiwa Cristo paca cui itoroba.

<sup>22</sup> Yabuxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba. <sup>23</sup> Tsipei pebin canamataxeina piowa, icha Cristo ichi xua canamataxeina piamonae pomonae pia pejume cowantsiwichixaetsi. Bapon Cristo barapomonae pia Pecapanenebiyaeinchi tatsi. Barapomonae pomonae pejume cowantsiwi bara be Cristo pia pepon tatsi. Cristo bara be pentasipa pecanamataxeinaexae barapomonae. <sup>24</sup> Icha barapomonae ichi pomonae Cristo pejume cowantsiwichi xua pichichi xua peexanaewa pocotsiwa Cristo itoroba, yabuxi bewa barichi. Bewa exanae daxita pocotsiwa piseuriwi itorobatsi.

<sup>25</sup> Pebiwi pam paantobeinde painya seuri jiwi, icha Cristo ichi xua antobe daxita xua i dapomonae pomonae pejume cowantsiwichixaetsi. Cristo pia peantobexae barapomonae tsitupa poxonae naetotha tupa exanadutatsi poxonae bexotsi. <sup>26</sup> Cristo tsitupa barapomonae xua daxita i dapomonae pomonae peyabara jume cowantsiwixaetsi po coyene xua Cristo juꝁtu coyene xanepana pecana exanaenexa Nacom nexa. Baxua exana xua barapomonae jopa pexeinaewa tsane xua penatsicuentiwa xua abe peexanaexae. Baxua Cristo



cana exana poxonae barapomonae tabautisabatsi meratha, xuano xua poxonae paeba xua pinae jume cowanta Nacom Pejume Diwesi. <sup>27</sup> Cristo baxua exana daxita pomonaetha pomonae pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitapanae coicha. Poxonae barapomonae umenaena Cristo peitabaratha jopa yawa ume-nae tsane peabe coyenewan. Matautano jopa yawa ume-nae tsane pocotsiwa xua barapomonae abe exanatsi. Barapomonae pejutu coyene xanepanaewi tsane Nacomtha xua jopa xeinaeyo xua penatsicuentisiwa xua abe peexanaexae. <sup>28</sup> Pebiwi bewa antobe pia seuriwi, pecui untabexae icha barapo pebiwi ichi xua pia pepon natsiantabe. Pon pia coutha natsiantabe bapon piowa antobe xua be caein penaexanaewa tsanebe. <sup>29</sup> Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara juta ichiya cana ichi pomonae Nacom piamonae tatsi daxita xua i dapomonae pomonae Cristo pejume cowantsiwichixaetsi. <sup>30</sup> Cristo beta eena barapomonae tsipei barapomonae be pia pepon tatsi. Waxainchi yaputainchi baxua tsipei barapomonae jiwanaetsi. Waxainchi pomonaetsi xua caemonae wanaexanae jiwichi Cristotha. <sup>31</sup> Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperu cuicuinaenexabe. Bapoxonae baponbe piseuribe be caein naexanabe”, jei Nacom Pejume Diwesitha. <sup>32</sup> Barapo Nacom Pejume Diwesi xua pebin piseuribe yabara baraxua bara be Nacom moya yawun xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iru Nacom piamonae tatsi pomonae pejume cowantsiwichi, daxita be caemonae naexana icha pebin piseuribe ichi xua be caeinbe naexanabe. <sup>33</sup> Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiantabem. Barichi daxita yabuxi pam painya seuriwi bewa paca yabara baru cui itura jinaena.

## 6

<sup>1</sup> Pexui pam, paxam pomonae painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pexeinya cui coyene. <sup>2-3</sup> Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwanae muxu

dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaein barapo cae pin nacuathe”, jei Moisés pia peitorobi coyenewatha.

<sup>4</sup> Paxam pomonae coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

<sup>5</sup> Pomonae amanaya painya nepaca cabusi tatayebeibi jiwi pam xua poxonae ichamonae pata nacuitame pajume baru jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabarū cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim poxonae Cristo patanacuitame. <sup>6</sup> Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. <sup>7</sup> Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonae jopa xapain patanacuichim pomonae xua poxoru saya jiwixae. <sup>8</sup> Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonae bequein amanaya painya nepaca busi cui tatayebeibi jiwi pam xua poxonae ichan pata nacuitame, xuano xua saya poxonae bequein paratixi patsinacuitame.

<sup>9</sup> Paxam pomonae pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua

painya necuainchiwa tsane icha jopa xapain exanaeyo barapomonaē. Pananta xeinare xua barapomonaē bewa exanaē pocotsiwa itoroba pon jiwi Pecanamataxeinaein icha paichim xua iru bewa paexanaename pocotsiwa bapon paca itoroba, pon eca itabocotha. Bapon daxita tsita najupatsi jiwi poxonaē yabara paeba peyaputaenexa icha barapomonaē natsicuenta xua abe peexanaexae.

*Meje yabara xua pomonaē pejume cowantsiwi Cristo po coyeneintha bewa amanayabi caurimonaetha*

<sup>10</sup> Tamonaē pam, anoxuae wetan pocotsiwa xua tapaca tsipaebiwatsi. Ajuntusuya pajinompare pon Pecanamataxeinaein jiwi pia peayapusu itorobi coyenewatha tatsi caemonaē painya nenaexanaexae bapontha. <sup>11</sup> Painya juntu coyene pana naewatsiya yawenare daxita po coyenewantha xua Nacom paca cata xua xota pana nayaewatame painya juntu coyenewa. Baroxonaē paca itacupa xua caurimonaē pia pentacaponaein tatsi paamanayabame poxonaē paca juntu coyene jujuta xua abe painya neexanaenexa. <sup>12</sup> Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonaē peinya pejinompaewi xua caurimonaetha. Barapo caurimonaē xeina pia peayapusuwa yawa peitorobi coyene xua jiwi canamataxeinatsi barapo cae pin nacuathe tsique, pomonaē abe peexanaē jiwi. Matautano jinompa barapo cae pin nacia matatsunthe. <sup>13</sup> Daxota paxeinare daxita pocotsi juntu coyenein xua Nacom paca cata pocotsi coyeneintha xua pana nayaewatame. Anoxuae pana najuntu coyene wunaere xua painya juntu coyene amanayabi dubenanaebiyaenexa tsane barapo peinya pejinompaewi. Baxua paexande xain awiya bichocono pajuntu coyene daunwam poxonaē po mataqueitha paca juntu coyene jujutsina xua abe painya neexanaewa tsane. Bequein paca jujutsina, awiya ajuntucoyenesuya pajinompaename.

<sup>14</sup> Pana nacui wunare icha soldadomonaē ichi xua yabara nacui wunaeta penabinexa ichamonaetha. Painya juntu coyenewatha paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi juta coyeneya paichinde icha be soldadomonaē ichi xua poxonaē yabara nacui wunaeta penabinexa ichamonaetha baroxonaē naera cataruba paparuwan xua tsita itapeinya xeina xua baromonaē nacui wunaeta xua bara xainyeya penabinexa xua pon pentacaponaein peitorobixae. Matautano pejuntu coyene xanepanaewa Nacom patsita xeinare painya juntu coyenetha, painya nenayaewatsinexa

icha be poxonae soldadomonae ichi xua xeina po penaintotha xua nantacari acaba poxonae nacui w<sub>h</sub>naeta xua penabinexa. <sup>15</sup> Pana naj<sub>u</sub>nt<sub>u</sub> coyene w<sub>h</sub>naere xua painya necueicueijeji tsurubenanaebiyaenexa Nacom pia pexeinya jume diwesi xua po diwesi yabara xua jiwi j<sub>u</sub>ntema pejinompaewa. Barapocotsi j<sub>u</sub>ta coyeneya bara paichinde icha be poxonae soldadomonae ichi, xua poxonae nataxu w<sub>h</sub>naetaduba sapaton xua penacui w<sub>h</sub>naetsinexa xua naba. <sup>16</sup> Mata<sub>u</sub>tano pamuxuna xeinare xua bichocono painya nejume cow<sub>u</sub>ntsiwa Nacom, xua pana naj<sub>u</sub>nt<sub>u</sub> coyene yawenama poxonae caurimonae pia pentacaponaein tatsi paca j<sub>u</sub>nt<sub>u</sub> coyene j<sub>u</sub>j<sub>u</sub>ta. Barapocotsi j<sub>u</sub>ta coyeneya bara paichinde icha be soldadomonae ichi xua pema<sub>x</sub>antha duba peperacae nain xua naita arababa. Poxonae pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, baroxonae barapo peperacae naintontha naita arababa barapomonae, yawano baxota itaxubaba iso itere. <sup>17</sup> Pacopare xua bara Nacom paca capanenebiyaena painya paca j<sub>u</sub>nt<sub>u</sub> coyene araranaenexa caurimonae pecuiyainwa. Barapocotsi j<sub>u</sub>ta coyeneya bara paichinde icha be soldadomonae ichi xua penain yoreitha nanta acaba. Nacom Pejume Diwesi painya j<sub>u</sub>nt<sub>u</sub> coyenetha paxeinare xua po jume Nacom pia Pejumope t<sub>u</sub>nax<sub>u</sub> tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi j<sub>u</sub>ta coyeneya bara paichinde icha be soldadomonae ichi xua capona cusi penayaewatsinexa pia peaitafaetabi jiwichi pecuiyainwa. <sup>18</sup> Nacomtha matowa patsipaebeibare daxita maticabintha be pocotsi coyeneya paca yawena Nacom pia Pejumope t<sub>u</sub>nax<sub>u</sub> tatsi. Nacomtha paw<sub>u</sub>queibare daxita painya new<sub>u</sub>cae coyenewatha tsaibi pocotsiwan xua panantawenoname. Xain daxita maticabintha tsaibi tsaca painompeibame, mata<sub>u</sub>ta bapana jopa paaj<sub>u</sub>nt<sub>u</sub>coyenefaetabinde xua paw<sub>u</sub>came Nacom. Bichocono matowa pataw<sub>u</sub>care daxita pomonae Nacom piamonae tatsi. <sup>19</sup> Barichi painta w<sub>u</sub>care Nacomtha xua bapon tanecatsinexa po jume diwesitha xua tacueicueijeinexa. Mata<sub>u</sub>tano painta w<sub>u</sub>care xua tana neitac<sub>u</sub>paewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moy<sub>u</sub> yaw<sub>u</sub>n xeina po coyene yabara xua Nacom capanepa exana pomonae jopa judiomonae naexanaeyo. <sup>20</sup> Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonae neeta jiwi pec<sub>u</sub>bi botha tacueicueijeixae Nacom nexa. Painta

Nacomtha w<sub>h</sub>care xua cui tsacatsacapiya tacueicueijeinexa tsane poxonae icha bewa cueicueijan tsane.

*Meje yabara poxonae Pablo najume wetsiya paeba barapo cartathe*

<sup>21</sup> Tíquico pon paxan paantobein, pon ir<sub>u</sub> pejume cow<sub>h</sub>antsin Jesucristo bapon pacata itorobatsi. Bapon Tíquico bara xainyeya exana poxonae pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina.

<sup>22</sup> Bapon Tíquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca j<sub>h</sub>nt<sub>u</sub> coyene tsacabina, j<sub>h</sub>nt<sub>u</sub> coyene weiweinaya sad<sub>h</sub>jei painya nejinompaewa tsane xua bara beta tapoponaexae.

<sup>23</sup> Barab<sub>h</sub> Nacom, pon Waxa, ir<sub>u</sub> Jesucristo, pon jiwi Pecanamataxeinaein, baponbe j<sub>h</sub>ntema jinompa cana exanaenabe pomonaetha daxita pomonae pia pejume cow<sub>h</sub>antsiwixaetsi. Matautano barab<sub>h</sub> exanaenabe xua barapomonae nantiya naantobe tsane. Matautano barab<sub>h</sub> exanaenabe xua barapomonae aj<sub>h</sub>nt<sub>u</sub>coyenes<sub>h</sub>ya jume cow<sub>h</sub>anta dubenanaebiyaena. <sup>24</sup> Matautano barab<sub>h</sub> Nacom peantobexae yawenaena daxita pomonaetha pomonae peantobewi Jesucristo pon Wanacanamataxeinaein. Bapoxonae barapomonae pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.

## Meje Po Carte Pablo Tatina, Filipos Tomarapiwi Tatinatsi

*Meje poxonae Pablo tamropata pitaba xua tatina, Filipos tomarapiwi tatinatsi*

<sup>1</sup> Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonae jinompa Filipos tomaratha. Patatinanbe daxita pomonae Cristo Jesús pejume cowantsiwichi, pomonae yatsicaewa Nacom piamonae tatsi. Matautano iru patatinanbe pomonae pecanamataxeinaewi pejume cowantsi jiwí. Matautano iru patatinanbe pomonae peyawenaewi pejume cowantsi jiwítha, poxonae yawena peatenewitha, xuano xua poxonae apata pexaewa peacopebiwítha. Barapomonae Nacom piamonae tatsi, yawa barapomonae caemonae naexana Cristo Jesustha. <sup>2</sup> Baraburu Nacom, pon Waxa, amanaya paca yawenaena painya pia paca necaantobexae, yawa xua juntea jinompa paca exanaena. Iru baraburu Jesucristo pon jiwí Pecanamataxeinaein baxua pacata exanaena.

*Meje yabara poxonae Pablo tawuca Nacomtha pomonae Nacom pejume cowantsiwi*

<sup>3</sup> Poxonae paca yabara nanta xeineibatsi Tanacom tsipaebeiban paxam yabara. Jan tsaibinje: “Nacom juntu coyene weiweinan xua barapomonae betiya necatsita dubenanaebiyaexae”, jan tsaibin. <sup>4</sup> Poxonae Nacom pacata wunqueibatsi bichocono juntu coyene weiweinaeya pacata wunqueibatsi xua daxita paxam. <sup>5</sup> Nacomtha yabara tsipaeban xua paxam tapana nebaru nacuichiwam Nacom Pejume Diwesi xua poxonae aena pajume cowantame xua beya anoxuae. <sup>6</sup> Bara xaniwaicha yaputan xua Nacom tamropata pitaba xua xanepanaya beta paca cana juntu coyene exana. Baxua Nacom paca cana juntu coyene exana ducuaanaebiyaena beya poxonae Nacom xanepanaya paca cana juntu coyene wetsina poxonae po mataqueitha Jesucristo patopaetsica. <sup>7</sup> Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonae bequein anoxuae jiwí pecubi botha neeta, yawano poxonae bequein caena bayatha pecapanenebiyae diwesi jume yabara jume yawenaeya cueicueijan jiwítha, yawano xua jiwítha tsita itapeinya xeinan xua barapo diwesi bara pexainyei diwesi

jume, bapoxonae bara pana nebarũ atenem. Daxota poxonae Nacom amanaya neyawena poxonae atene neexana ichamonae pia taneantobexae Nacom, irũrũ Nacom amanaya paca yawena pia paca necaantobexae poxonae paca atene exana ichamonae. <sup>8</sup> Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe. <sup>9</sup> Yawano Nacom paca tsiwũcatsi xua equẽicha matowa mataropeicha painya nepaca catsinexa peantobewa. Yawa muxuna wũcan xua Nacom paca cana exanaena xua painya neyabara yaputaewa daxita coyenewan. Mataũtano muxuna wũcan xua Nacom paca cana exanaena xua painya neitapetsiwa pocotsi coyene xua betiya paca cana exanaena. <sup>10</sup> Bapoxonae payaputaename xua itapetsiya paexanaename pocotsi coyene bichocono xanepana. Bapoxonae bichocono pajũntũ coyene xanepanaya jinompaename. Yawano poxonae Cristo patopaetsica bapon jopa paca yabara paebi tsane xua panatsicuentame abe painya neexanaewan. <sup>11</sup> Paca tsiwũcatsino xua Jesucristo paca necajũntũ coyene yũca exanaenexa, xua po jũntũ coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonae jiwi baxua paca cui taena bapoxonae jiwi Nacom wũnae jaintsinchi jei tsane: “Maisa Nacom paca barũ cui itura jinatsi, xua jinya neexanaexae barapo jiwi pia jũntũ coyenetha tatsi”, jei tsane barapo jiwi.

*Meje poxonae Pablo namchi: “Xua tapoponae coyenewa bara apara Cristo nexa”, jei*

<sup>12</sup> Tamonae pam, pomonae irũ painya nejume cowũntsixae Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecũbi botha neeta tayabara cueicueijeixae Jesucristo. Baxua tana necana exanaexae ichamonae jiwi tajũ jume tane Nacom pia pecapanenebiyae diwesi jume tatsi. <sup>13</sup> Daxota daxita soldadomonae pomonae xote umene pomonae peyapu eenaewi pepa pentacaponaein pia bo tatsi irũrũ seicayano ichamonaerũ, daxita barapomonae yaputane xua xan jiwi pecũbi botha neeta tapaebi ducuaenabiyaexae Cristo nexa. <sup>14</sup> Pin bicheito, pomonae pejume cowũntsiwi Nacom, barapomonae netane xua jiwi pecũbi botha ecan. Daxota barapomonae bichocono ichichipa xua pecueicueijeiwa Nacom Pejume Diwesi. Barapomonae jopa junuwiyo xua cui tsacatsacapiya pecueicueijeiwa Nacom Pejume Diwesi, tsipei bichocono jume cowũntatsi pon jiwi Pecanamataxeinaein.

<sup>15</sup> Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiwi barũ cui itura jinaena barapomonaetha, beyacaincha xua tana nebarũ cui

itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejantũ coyene xanepanaexae. <sup>16</sup> Barapomonae baxua exana taneantobexae peyaputaexae xua jiwi pecũbi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonae ichamonae abe yabara paeba barapo diwesi. <sup>17</sup> Pomonae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecũbi botha. <sup>18</sup> Bequein jiwi Cristo xainyeya yabara paebatsi poxoru tana neantobexae, ichacuitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonae ba jiwi Cristo yabara paebatsi, baxua ba jame bichocono nejantũ coyene weiweina exana.

<sup>19</sup> Yawa equeicha bichocono nejantũ coyene weiweina exanaponaena, tsipei yaputan xua painta wũcame nawita Nacomtha. Yawa yaputan xua Jesucristo pia Pejumope tũnaxũ tatsi neyawena, pebaxuaxaebe bara Nacom necapanepaena pomonae tana neaitafaetabi jiwi weya. <sup>20</sup> Pocotsiwa xua taichichipaewa yawano pocotsiwa xua tawũnae ewatsiwa, xua bapana jopa tacoutha naacauran tsane tajunuwixae xua tayabara cueicueijejwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowũntsina xua poxonae netane xua beta tapoponaewa Cristo nexa. Bapoxonae jiwi Cristo barũ cui itura jinaeinchi poxonae necui taena xua beta xanepanaya poponan Cristo nexa. Baxua jiwi exanaena poxonae bequein asũ poponaethan tsane, xua Cristo tatsita poponaewa yawa poxonae bequein tũpaethan tsane xua Jesucristo tayabara cueicueijeixae. <sup>21</sup> Jame pocotsiwa netsita xanepana apara xua jiwi Cristo barũ cui itura jinatsi, xua Cristo tatsita poponaewaxae. Ichitha icha tũpaein Cristo taein, baxua netsita xanepana bichocono, beyacaincha xua poxonae abũ cataunxuae poponan, tsipei Cristo taein. <sup>22</sup> Awiya cataunxuae poponan daxota neitacũpa xua awiya tanacuichiwa pocotsiwa pexanepanae coyenewa pon jiwi Pecanamataxeinaein nexa. Jopa yaputaeyinyo xua barapo naxobe coyenewabe jiwana itapetocuaein. <sup>23</sup> Inta bichocono ayapube xua barapo naxobe coyenewabe jiwana itapetan. Ichacuitha saya betũpaein xua tapoponaenexa tsane ichaxota Cristo popona, tsipei baxua jame inta bichocono xanepana. <sup>24</sup> Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi. <sup>25</sup> Ichitha yaputan bara, xua awiya po-



ponan xua tapaca yawenaenexatsi xua awiya painya nejume cowanta dubenanaebiyenexa Cristo. Matautano yaputan xua bichocono equeicha matowa painya nejuntu coyene weiweina tsoponaenexa tsane. <sup>26</sup> Daxota poxonae paca siwa ponaeinchi Cristo Jesús wnae pajainchiname xua equeicha tapaca casiwa ponaexaetsi tsainchi.

<sup>27</sup> Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha taju ecan, maisa ichichipan xua ichun yabara benetsipaebina xua beta painya nejinompaewa. Bejume taein xua xanepanaya beta ajuntu yapusuya pajume cowanta dubenanaebiyame Nacom. Matautano bejume taein xua caemonae pebunya jume daunweya pana nabaru cueicueijam painya nejume cowantsiwa Cristo. <sup>28</sup> Jopa pajunuwinda poxonae imoxoyo abe paca exaneiba painya nepaca caaitafaetabi jiwu. Baxuan barapomonae exana be tsita itapeinya xeina xua barapomonae weraweracaena xua poxonae po mataqueitha poxonae Nacom yabara paebina jiwu xua penatsicuentiwa abe peexanaexae xua iru Nacom paca capanenebiyaena barapo mataqueitha. <sup>29</sup> Nacom pexeinya coyene paca cata painya netanacuichinexa Cristo xua poxonae pajume cowantame bapon, matautano xua poxonae ichamonae paca atene exana poxonae ichamonae abe paca yabara paeba painya nejume cowantsixae bapon. <sup>30</sup> Waxainchi bara nanta juraya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonae bayatha pana netaneme xua poxonae jume daunweya paeban Nacom Pejume Diwesi, matauta xua poxonae bara pana neyabara jume taneme xua awiya cataunxuae exanaponan barapo coyeneya.

## 2

*Meje yabara xua Cristo peacopeibin pia coutha naexana, xua jopa peainya cui jityo*

<sup>1</sup> Payaputaneme xua Cristo paca juntu coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxonae ichamonae abe pacata exana. Matautano payaputaneme xua Nacom pia Pejumope tuxaxu tatsi paca baru jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa. <sup>2</sup> Icha daxita barapo pexainyei coyenein payaputaneme, bichocono pana nejuntu coyene weiweina exande. Baxua painta exanaeneme

poxonae caemonae juntema pajinompame, xua caemonae nantiya pana naantobem. Matautano baxua painta exanaename poxonae xua caemonae nanta jupaya pana nabaru nanta xeiname yawano poxonae nanta jupaya ichipaeya paexaname. <sup>3</sup> Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peabi coyene. Jame maisa painya coutha pana nayabara nanta xeinare xua pomonae pecui pawi jiwi pam. Jame maisa sayano ichamonae pacui yabara nanta xeinare xua pepa peainya cuimonae xua beyacaincha paxam. <sup>4</sup> Jopa bewa panantausim painyamonaе jiton pon saya ichichipa nawita xua saya meisa penata exanaewa pexanepanae coyene. Jame bewa muxuna bapon taexanae ichamonae pocotsiwa xua ichamonae tsita pexeinya coyenetsi. <sup>5</sup> Paxam beta peburaya pananta jupaya nanta xeinare icha Cristo Jesús ichi xua poxonae beta ba nanta xeina. Bapon bara iche:

<sup>6</sup> Bapon Cristo peyacuiya jinaein Nacom. Bapon bequein barapara Nacom, daichitha bapon jopa pia coutha ichichipaeya daunweya botsiyo barapo coyenewa xua peyacuiya jupae jinaein icha Nacom ichi poxonae patopeica po cae pin nacuathe tsique.

<sup>7</sup> Daichitha barapo coyene naitematsiya cuenta pona. Bapon Cristo be jiton yacuiya naexana po cae pin nacuathe tsique xua Nacom amanaya petanacuichinexatsi xua pia coya peichichipaexae.

<sup>8</sup> Poxonae bapon naexana po cae pin nacuathe tsique bara yatsicaya be jiton coyene. Bapoxonae pia coutha nacana exana be pon peacopeibin xua jopa peainya cui jitonyo. Bapon exana pocotsiwa Nacom itoroba poxonae jejei xua tupa pecana exanaewatsi ichamonae, bequein barapo petupaewa bichocono pin ura exanatsi xua tupa naetotha.

<sup>9</sup> Daxota Nacom, Cristo bichocono baru cui itura jinatsi poxonae Nacom athabe juinya exana xua Cristo athabe juinya exanatsi.

Matautano Nacom baru cui itura jina, Cristo baru cui itura jinatsi poxonae Nacom bapontha wun duta, po wun xua jei: “Pepa Pecanamataxeinaein”, jei.

Barapo wuntha Jesús copatatsi xua bara pecanamataxeinaenexa pia peayapusu itorobi coyenewatha daxita carepaya jiwi, matatsunpiwithano.

<sup>10</sup> Nacom barapo wun cata xua daxota daxita jiwi poxonae jume taena barapo wun pentabocotontha umenaena, xua Jesús wunae pejainchinexa tsainchi, pepa Pecanamataxeinaeinxae itabocopiwi, irun po irathepiwi, irun pomonae jinompa ira bunpana wetsina.

<sup>11</sup> Daxita barapomonaе Nacom wunae jainchinchichi pon Nacom, Waxa, jei tsane: “Maisa, Nacom paca baru cui itura jinatsi, tsipei bapon Jesucristo bara yatsicaya pon pepa Pecanamataxeinaein jiwi”, jei tsane daxita barapomonaе.

*Meje yabara xua ichamonaе, Nacom pejume cowantsiwi beta cui yaputainchi*

<sup>12</sup> Tamonaе pam paxam pomonaе bichocono tapaca caantobewichi pam. Tsipei bayatha pana nejume cowanteibame pocotsiwa paca itorobeibatsi poxonaе paca baru ecatsi, daxota anoxuae nama bichocono pana nejume cowande beyacaincha xua poxonaе imoxoyo paca baru ecatsi bequein taj ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca capanepaexae. Pana najuntu coyene aura exande xua jopa paatsacande. Yawano pana najuntu coyene junuwa exande Nacomtha, abe painya neexanaeyainwa. <sup>13</sup> Bapon Nacom paca cana juntu coyene yawena xua painya juntu coyene, jume baru jejei pocotsiwa Nacom paca itoroba. Matautano Nacom paca yawena xua painya neexanaewam pocotsiwa Nacom ichichipa.

<sup>14</sup> Daxita coyenewan poxonaе paexaneibame jopa paexanaeinde pocotsiwa anaya painya juntu coyenewatha payabara paebame ichamonaе. Matautano jopa payabara najume matsontsonobinde baxua poxonaе Nacom pata exaneibame. <sup>15</sup> Bapoxonaе poxonaе jiwi paca cui taena, barapo jiwi jopa abeya paca cui yabara paebi tsane xua painya nenatsicuentsiwa xua abe painya neexanaexae. Matautano paca cui taena xua jopa ajuntu coyenebeya pajinompaem. Jame maisa painompare be Nacom piamonaе tatsi coyeneya. Matauta jopa abe paexanaeinde xua icha pomonaе anoxuae paca baru jinompa pomonaе pemuxitorobiwi xua pomonaе peantcuiruyapubewi xua poxonaе abe exana dubenanaebiya. Icha paxam beta pajinompame barapomonaе peitatha tatsi, bara paca tane xua bara beta pajinompame bequein abe peexanae jiwi nataetha, icha be pocotsi juta coyeneya ichi

xua opitei ba poton pentha tsurubenaē poxonaē quirei tsuncuae, bara ba jiwi tane barapo opiteiton bequein quirei tsuncuae taetha. <sup>16</sup> Daunweya pajume cowanta dubenanaebiyama po diwesi jiwi ajuntayapusu exanatsi. Daxota poxonaē Cristo patopaetsica bichocono paca weyataeinchi tajuntu coyenewatha beta xaniwaichiya painya nejinompaexae Nacom nexa. Bapoxonaē yaputaein xua xaniwaicha bara beta paca yawenatsi xua painya nejume cowantsiwam. <sup>17</sup> Bequein metha jiwi nebexubina xua tapaca cayawenaexaetsi, xua painya nejume cowantsinexa, daichitha awiya juntu coyene weiweinan, iruru paxam paca cayawa juntu coyene weiweinaeinchi. <sup>18</sup> Daxota paxam bewa pana nebaru juntu coyene weiweinaename, bequein tupaēin xua tapaca cayawenaexaetsi xua painya nejume cowantsinexa.

*Meje Timoteo yabara iru xua Epafrodito yabara*

<sup>19</sup> Icha Jesús pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonaē juntu coyene weiweinaein xua poxonaē paca yabara jume taeinchi xua netsipaebina Timoteo. <sup>20</sup> Tsipei ichun ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompaē coyenewa icha xan ichin xua bichocono paca siwa yabara nanta xeinatsi. <sup>21</sup> Ichamonae saya itapetsiya yabara nanta xeineiba barompaya pia peexanaē coyenewan. Barapomonaē jopa nanta xeinaeyo xua pocotsiwa Jesucristo pia petaxanaewatsi coyenewan tatsi. <sup>22</sup> Paxam pataneme xua Timoteo neyawena xua pecueicueijiwa Nacom Pejume Diwesi, icha be coxiyūn ichichi xua poxonaē pexanto yawenatsi. <sup>23</sup> Xua poxonaē yaputaein xua ichamonae necana exanaena, bapoxonaē beitorobin Timoteo xua pia paca necataenexa. <sup>24</sup> Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

<sup>25</sup> Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesús, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonaē bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan. <sup>26</sup> Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene

tsocuae”, pinae pajam. <sup>27</sup> Bara xainyei, bapon bayatha bichocono atene bara muxu pet<sub>u</sub>pa<sub>e</sub>. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom ir<sub>u</sub> nantanuweya neyabara nanta xeina xua jopa bichocono taj<sub>u</sub>nt<sub>u</sub> coyene wecoyeiwa tsane icha bapon pet<sub>u</sub>pa<sub>e</sub>x<sub>a</sub>e tsipae, xua beyacaincha j<sub>u</sub>nt<sub>u</sub> coyene wecoyan poxonae xua copiya, xua poxonae saya atene. <sup>28</sup> Daxota bichocono ichichipan xua bapon nainya pacata itorobinchi. Baropoxonae paj<sub>u</sub>nt<sub>u</sub> coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara j<sub>u</sub>nt<sub>u</sub> coyene wecoyeinexatsi. <sup>29</sup> Moya bara bichocono pantenta j<sub>u</sub>nt<sub>u</sub> coyene weiweinaeya jacobare Epafrodito xua pepatopaexae, pon jiwi Pecanamataxeinaein peitorobixae. Epafrodito beta pabar<sub>u</sub> cui itura jinare. Bara paichinde ichamonaetha, pabar<sub>u</sub> cui itura jinare pocotsimonae icha bapon ichi. <sup>30</sup> Bapon bara muxu pebexubichi xua Cristo petanacuichixaetsi. Bapon penapepeichiwatha naexana, inta pewetsinexa pocotsiwa xua jopa paca itac<sub>u</sub>pa<sub>e</sub>yo xua painta exaname.

### 3

*Meje yabara xua po coyene pepa pej<sub>u</sub>nt<sub>u</sub> coyene xanepanaewa*

<sup>1</sup> Tamonae pam, pomonae ir<sub>u</sub> painya nejume cow<sub>u</sub>ntsixae Jesús, paj<sub>u</sub>nt<sub>u</sub> coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha j<sub>u</sub>pa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom. <sup>2</sup> Dota pam pomonae peant<sub>u</sub>coyenebe jiwi yawano xua abe peexanaewi. Matauta dota pam pomonae judiomonae pia cui coyeneyatha tatsi paca itoroba xua painya nenawi thabiwam po coyene xua paw<sub>i</sub> thabame pebiwi xua ichaxota nareixacaena. Barapomonae nanta xeina xua icha baxua exanaena Nacom capanenebiya exanaena. <sup>3</sup> Waxainchi xaniwaicha barapomonaetsi pomonae yatsicaewa Nacom watsita j<sub>u</sub>nt<sub>u</sub> coyene xanepanaewichi, tsipei Nacom pia Pejumope t<sub>u</sub>nax<sub>u</sub> tatsi naca yawena xua jume cow<sub>u</sub>ntatsi watanacuichinexa Nacom. Matautano wajume cow<sub>u</sub>ntsixae Cristo Jesús, daxota bapontha w<sub>u</sub>nae jaintatsi pia wanacata exanaexae. Waxainchi jopa nanta xeinaetsi xua poxonae ichamonae naca wi thaba, barapo coyene naca j<sub>u</sub>nt<sub>u</sub> coyene xanepana exana Nacomtha. <sup>4</sup> Icha pebiwi itac<sub>u</sub>pa<sub>e</sub>tsipatsi xua jume cow<sub>u</sub>nta xua pia coutha nacapanenebiya,

barapoxonae iru xan neitacupaetsipa xua jume cowantan xua tacoutha tanacapanepaewa beyacaincha xua barapo pebiwi. Ichitha pebiwi iru xan, jopa pana neitacupaeyo xua pana nacapanenebiyan pata coutha. <sup>5</sup> Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matabitha newi thaba. Matautano xan bara israelmonae pia saineiwi jiwanan. Matautano Benjamín piamonae tatsi jiwanan tsipei pia pemomoxi susato jiwi jiwana-pin tatsin. Matautano yacuiya naexanan xua hebreo jume tacueicueijejwa, taxa iru taena hebreo jume pepaebiwixae. Matautano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba. <sup>6</sup> Bichocono jume cowantan pocotsiwan fariseomonaepia pecuidubi coyenewan tatsi. Daxota abe exanan pomonaetha pomonae Jesús pejume cowantsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa juntu coyene xanepanan Nacomtha xua jopa xeinaeinyo tanatsicuentisiwa xua abe taexanae coyenewa. <sup>7</sup> Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cowantsinexa Cristo. <sup>8</sup> Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wunae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein. <sup>9</sup> Ichichipan xua be caein naexanan Cristotha xua tajuntu coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyo xua tajume cowantsixae Moisés pia peitorobi coyenewa xua daxota tajuntu coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowantan, poxoru Nacom tanecatsixae pejuntu coyene xanepanaewa. Barapocotsi coyenewa ba Nacom cata jiwitha pomonaetha pomonae pejume cowantsiwixaetsi. <sup>10</sup> Pocotsiwa taichichipaewa baraxua xua apara jame tayaputaewa Cristo. Matautano be yaputaein peayapusu itorobiwa, po peayapusu itorobi

coyenewatha Jesús asu exainchi barapo petupae cuiru coyene weya. Bequein ichamonae atene neexanaena, icha Cristo ichichi xua poxonae atene exanatsi ichamonae, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitupa jiwí, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara juta ichiya ichichipa exanan xua pocotsiwa Nacom ichichipa. <sup>11</sup> Yawano ichichipan xua baxuan exanaein beya poxonae Nacom asu neexanaena po mataqueitha Nacom asu exanaena petupae cuiru coyene weya pomonae iru pejume cowantsiwixaetsi.

*Meje yabara xua po pentoma Nacom pia wanaca catsiwa, juintema beta waexanaexae*

<sup>12</sup> Jopa paebinyo xua xeinan barapo coyene, po coyeney-atha xua Nacom asu neexana petupae cuiru coyene weya. Matautano jopa paebinyo xua Nacom bayatha xaniwaicha juntu coyene xanepana neexana xua jopa daxota abe taexanaewa. Daichitha awiya yabara nacuichiya exana ducua-naebiyán xua taxeinaenexa barapo coyenewa tsipei Cristo Jesús copiya neexana be piamonae jiton tatsin. <sup>13</sup> Tamonae pam, pomonae iru painya nejume cowantsixae Jesús, paca tsipaebatsi xua jopa cataunxuae baxua wetsinyo xua tajuntu coyene bara xaniwaicha bayatha nejuntu coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Juntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein. <sup>14</sup> Bichocono ajuntu yapusuya exana ducua-naebiyán xua pocotsiwa Nacom ichichipa, beya taxeinaenexa po pentoma pocotsiwa Nacom naca catsina poxonae naca wabina pia naca beicha caemonae wayawa jinompaexae Cristo Jesús.

<sup>15</sup> Daxita waxainchi, pomonaetsi xua bayatha beta yabara yaputaetaepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae abu jopa xeinaetsi po juntu coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua. <sup>16</sup> Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

<sup>17</sup> Tamonae pam, pomonae iru painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonae xua jinompa xua poxonae exanapona, icha pocotsi coyeneya paichin

poxonae paca cuidubatsi. <sup>18</sup> Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomonae aichaxaibi po diwesi po coyene xua Cristo naetha tsitupa jiwi”, paca jeichi. <sup>19</sup> Nacom barapomonae weraweraca exanaena. Barapomonae saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonae yabara atsaca pocotsi coyene bequein barapomonae bewa ita aura tsane baxua. Daichitha barapomonae jopa yabara ita auriyo baxua. Saya barapomonae yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa. <sup>20</sup> Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetica itaboco wetsica pon jiwi Pecapanenebiyaein, pon jiwi Pecanamataxeinaein, bapon Jesucristo. <sup>21</sup> Wapepon, po pepon jopa wanaetsi, po pepon atene yawa xua tupaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitupanae coicha, xua po pia pepon tatsi jopa ateneyo, yawa xua jopa tupaeyo. Baxuan Cristo nacata exanaena pia peayapusu itorobi coyenewatha, po peayapusu itorobi coyenewatha itacupatsi xua daxita pecanamataxeinaewa.

## 4

*Meje yabara xua Pablo jei: “Ataya pajuntu coyene weiweineibare pon jiwi Pecanamataxeinaeintha”, jei*

<sup>1</sup> Tamonae pam, pomonae iru painya nejume cowuntsixae Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejuntu coyene weiweina exaname. Matautano paxam pomonae Nacom necata painya nejume cowuntsinexa Jesthath xua be tana nematomatsiwa, xua neyaputane exana xua bara exanan pocotsiwa xanepana poxonae tanacuitan bapon. Tamonae pam, paxam pomonae tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaein.

<sup>2</sup> Itoroban powa pewan Evodia, ichawayono xua powa pewan Síntique xua barapowayobe equeicha penaita coxonaenexabe xua be yatsicaewa caemonae jitowayo penaexanaenexabe pon jiwi Pecanamataxeinaein piamonae jitowayobexae tatsi. <sup>3</sup> Xam ponxaem yatsicaewa tanebaru nacuichim Nacom Pejume Diwesi, caitorobatsi xua



barapowayobe neyawenaenexa tsane. Barapowayobe bayatha neyawenabe poxonae cueicueijan Nacom pia pecapanenebiyae diwesi. Barapoxonae barapowayobe, iru Clemente iru ichamonaeno daxita barapomonae daunweya nebaru nacuita. Daxita barapomonae wun dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajuntuyarusuwa poxonae wun dubeiba barapo diborotha, xua Nacom pia diboro tatsi.

<sup>4</sup> Paca jeichi: “Ataya patsita juntu coyene weiweineibare pon jiwi Pecanamataxeinaein”, paca jeichi. Equeicha paca jeichi: “Ataya patsita juntu coyene weiweineibare”, paca jeichi. <sup>5</sup> Barabu beta pajinompaename xua daxita jiwi painya pia paca yabara yaputaenexa xua bara paxam pomonae pejuntu coyene xanepanaewi pam, tsipei imoxoyo patopaetsica pon jiwi Pecanamataxeinaein.

<sup>6</sup> Jopa payabara nanta xeinaeinde nawita pocotsiwa ba paca juntu deideijeji exana. Jame maisa Nacom patsipaebeibare daxita coyenein yabara. Nacom yabara pawaqueibare daxita coyenein. Matautano payabara jacobebare Nacom poxonae pocotsiwan paca catsibeiba pocotsiwan xua panantawenoname. <sup>7</sup> Barapoxonae Nacom paca juntu coyene junte miya jinompa exanaena. Barapo junte miya jinompa coyenewa jiwi ba jopa yabara yaputaeyo, tsipei bichocono pexeinya coyenewa. Barapo junte miya jinompa coyenewa paca juntu coyene eenaena. Matautano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

*Meje yabara poxonae Pablo jei: “Payabara nanta xeinare daxitan pocotsiwan xua wuna”, jei*

<sup>8</sup> Tamonae pam, pomonae iru painya nejume cowantsixae Jesús, paca tsipaebatsi nama anoxuae pocotsiwa xua tabu ducua paca tsipaebatsi pocotsiwa xua nama wetan. Payabara nanta xeinare daxitan meje xuaje po coyenein: po coyenein xua pexainyeiwan, matautano po coyenein xua jiwi yabara nanta xeina xua pexanepanaewan, matautano po coyenein xua xaniwaichiya pecana exanaewan, matautano po coyenein xua Nacom petsita exanaewatsi pexeinya juntu coyenein, matautano xua po coyenein pexeinya peitupanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wuna jainchina xua barapo coyenein pexanepanaexae.

<sup>9</sup> Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonae Nacom pon peyawa jinaein juntea peroponae juntea coyenewa, bara bapon paca yawa poponaena.

*Meje yabara paratixi po paratixi jiwi cata Pablo nexa*

<sup>10</sup> Tsita juntea coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaenexam. <sup>11</sup> Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua juntea tapoponaewa pocotsiwa xua xeinan bequein inta acoibi ichawa. <sup>12</sup> Yaputan xua beta poponan poxonae bequein be pon taacopeibin. Matautano yaputan xua beta poponan poxonae nawita taxinaein. Bayatha nacuiduban xua juntea tapoponae coyenewanexa tsane bequein tonsanan, yawano bequein ichacuihitha jainpeiban. Nacuiduban xua juntea tapoponae coyenewanexa tsane bara bequein xeineiban beyacaincha pocotsiwa tanantawenonaewa, yawano ichacuihitha bequein inta aibi pocotsiwa xua tanantawenonaewa. <sup>13</sup> Neitacupa xua daxita taexanaewa tsipei Cristo necata pia peantuyapusaewa. <sup>14</sup> Daichitha paxam bichocono winae painta exaname poxonae pana neyawename tapana nesiwamxae poxonae ichamonae jopa xanepanaya necana exanaeyo.

<sup>15</sup> Paxam Filipos tomarapiwi pam, payaputaneme poxonae copiya tamropata pitaban xua cueicueijan Nacom Pejume Diwesi, barapoxonae meisa paxam paratixi pana necataponame poxonae Macedonia nacua weya ponan. Icha tomarapiwi pomonae pejume cowantsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebinexam po coyene xua tapaca cayawenaewatsi painya nejume cowantsiwanexa Nacom. <sup>16</sup> Poxonae cataunxae Tesalónica tomaratha poponan, paxam painta itorobame paratixi. Bapoxonae equeicha cotacaya painta itorobame icha paratixi xua tacana nantawenonaenexa. <sup>17</sup> Paca tsipaebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaename po pentoma xua Nacom paca catsina tapana neyawenaemxae. <sup>18</sup> Bayatha

matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonae bichocono ichichipa po petuxusi tuxueiwa jiwi tuxusi exana Nacom nexa, yawa xua poxonae po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa juntu coyene weiweina exanatsi. <sup>19</sup> Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peitupanaewa. Paca catsina baxua painya neyawa jinompaexae Cristo Jesús. <sup>20</sup> ¡Barabu jiwi, Nacom pon Waxa, ataya wuna jainchinchí! Je, bara ichi tsane.

*Meje yabara xua Pablo najume weta barapo carte*

<sup>21</sup> Painta jacobare pomonae baxotiya jinompa pomonae Jesucristo pejume cowantsiwichi pomonae yatsicaewa Nacom piamonae tatsi. Iru pomonae nebaru jinompa xote pomonae xua iru pejume cowantsiwichi Cristo Jesús, barapomonae paca jacobae. <sup>22</sup> Iruu daxita pomonae Jesús pejume cowantsiwichi pomonae yatsicaewa Nacom piamonae tatsi, pomonae po tomarathepiwi, barapomonae paca jacobaru. Iruu paca jacobae pomonae romanomonae itorobiya pia pepa peewatsinchi pia botha tatsi tanacuitatsi. Barapomonae bichocono paca jacobae, beyacaincha ichamonae poxonae paca jacobae.

<sup>23</sup> Barabu Jesucristo, pon Wanacanamataxeinaein, daxita paxam paca juntu coyene yawenaena pia paca necaantobexae.

Baja Pablo.

## Meje Po Carte Pablo Tatina, Colosas Tomarapiwi Tatinatsi

*Meje yabara poxonae Pablo tamropata pitaba xua tatina pomona Colosas tomarapiwi tatinatsi*

<sup>1</sup> Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae. <sup>2</sup> Barapo carte pacata tinatsi pomona painya neenaewi Colosas tomaratha, pomona Cristo pajume cowantame, iru pomonaeno yatsicaewa xanepanaya Cristo peitabaratha painya nejinompaewino. Barabu Nacom pon Waxa, paca yawenaena pia paca necaantobexae, yawano juntema jinompa paca exanaena.

*Meje yabara poxonae Pablo Nacomtha tawuca pomona Jesús pejume cowantsiwi*

<sup>3</sup> Poxona Timoteo panbe pacata wunqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajuntu coyene weiweinanbe xua barapomonaecajume cowantsixae”, pajan tsaibinbe. <sup>4</sup> Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramona Cristo Jesús jume cowanta, —jei— yawa antobe ichamonaeno pomonaecajume cowantsiwi Jesucristo”, jei Epafras. <sup>5</sup> Paantobem ichamonaecajume cowantsiwi Jesús, yawa xua pajume cowanta dubenanaebiyame. Baxua paexaname tsipei payaputaneme xua bexa tsane Nacom paca catsina xua pia nacuatheicha xeina, xua peantuayarusawa po peantuayarusawa jopa werawera-caeyo. Caena bayatha yabara paca tsiwanaeya muxu duta poxonaecajume Diwesi pajume taneme. Baxua anoxuae cataunxae paewatame. <sup>6</sup> Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwi foforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantapona poxonaecajume aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxae paexanapona. <sup>7</sup> Barapo Nacom pia pecapanenebiyae diwesi xaniwaicha caena bayatha

Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua painta exanapona xua pana yawenapona xua Timoteo panbe pata ecaexaebe jiwi pecubi botha. <sup>8</sup> Epafras xote patopa. Bapon Epafras Timoteobe, pana netsipaebabe xua pinae paxam paantobem daxita pomonae Jesús pejume cowantsiwi Nacom pia Pejumope tñaxñ tatsi painya nepaca yawenaexae.

<sup>9</sup> Bara caena poxonae aena, poxonae pajume tanbe xua pinae Jesucristo pajume cowantame, pomonae Colosas tomarapiwi pam, Nacomtha pacata wñqueibatsi. Jopa seica paexaneibinyobe xua pacata wñqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame. Yawa care barapomonae daxita peyaputae coyenewan po coyenewan nejumope tñaxñ cata jiwitha”, pajan tsaibinbe Nacomtha. <sup>10</sup> Icha paxam payaputaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, baroxonae beta pajijnaponaename Nacom pia paca necayawenaenexa. Bara be Nacom pia pexui pana natsicotaneme tsipei baxua Nacom ãnthũthũ jopa xua ãnthũthũ weiweina. Jiwi pafoforotaponame xua Jesucristo jume cocowantapoinchi. Daxota baxua Nacom ãnthũthũ jopa xua ãnthũthũ weiweina. Paca anthũthũyapusũ exana. Mataũtano yabara paca yaputane exana xua painya neexanaewa tsane pocotsiwa Nacom ichichipa. <sup>11</sup> Timoteo irũ xanno Nacomtha patsipaebeibanbe xua Nacom pia paca catsinexa tsane pia peitũpanaewa xua peyapusũwa, icha Nacom ichi xua xeina barapo peitũpanaewa xua peyapusũwa. Barapo peyapusũwa paca yawena xua pajumefebame xua poxonae ichamonae paca itoroba xua abe painya neexanaewa. Yawa paca yawena xua jũntũ coyene weiweinaya paexaname xua jopa paaitaconaem, xua poxonae bequein ichamonae abe pacata exana. <sup>12</sup> Poxonae Nacom patsipaebame, jũntũ coyene weiweinaya pajacobare tsipei bapon Nacom paca yabara jũntemainã abe painya neexanae cuiru coyenein. Baroxonae Nacom tsita xanepanatsi painya jũntũ coyenein barompaya painyawan painya nexenaenexa pocotsiwa Nacom paca jũntana jeba pia nacuatheicha xua painya nejume cowantsixae bapon. Paca catsibina poxonae paxam bara xoteicha papatsiname. <sup>13</sup> Waxa, Nacom, wanaca capanepaexae Satanás pia peyapusũ itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Apra jame

Nacom yatsicaewa naca cana exana xua bapon piamonae tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe. <sup>14</sup> Nacom Pexanto tatsi naca capanepa, naetotha wanaca tsitupaexae. Daxota daxita abe waexanae cuiru coyenein Nacom naca cayabara j̄ntemaina.

*Mejeyabara xua waxainchi pomonaetsi j̄ntemajinompatsi Cristo wanaca tsitupaexae naetotha*

<sup>15</sup> Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pewnaeya poxonae Nacom daxita forota barapo cae pin nacuathe. <sup>16</sup> Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonae pentacaponae wi nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana. <sup>17</sup> Caena bayatha bapon Cristo ataya popona poxonae cataunxuae jopa bapon foforotaponaeyo daxita. Cristo canamataxeina daxita daxota nacua xanepanaya wnaeya ducua. <sup>18</sup> Daxita pomonae Cristo jume cowanta be caein naexana. Bapon Cristo barapomonae pia Pecanamataxeinaeinchi tatsi. Baxua caunuta xua Cristo canamataxeina barapomonaetha pomonae pia pejume cowantsiwixaetsi. Bapon Cristo antajumopeyapusu exana pomonae pejume cowantsiwichi. Bapon Jesucristo copiya asu nanta canaexanatsi petupaewatha. Daxota bapon canamata exanatsi xua canamataxeina daxita coyenein. <sup>19</sup> Nacom, Waxa, unthun weiweina bichocono poxonae Pexanto cui tane xua cui jupatsi Pexanto tsipei daxita xeina icha bapon ichi xua daxita xeina. <sup>20</sup> Daxita pomonae jinompa po cae pin nacuathe ita coxanatsi Nacomtha. Iruru pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonae po cae pin nacuathepiwi, iruru pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

<sup>21</sup> Paxam copiya Nacom jopa paita coxonaem, be pomonae penanapaincha jinompaewi patsita naexaname Nacomtha. Yawa Nacom pia peita faetabi jiwichi pam, abe painya neexanae dubenanaebiyaexae painya juntu coyenewatha.

<sup>22</sup> Ichitha nama anoxuae payaputaneme xua Cristo bayatha tupa naetha xua poxonae bara jiton cuiru coyeneya. Daxota anoxuae Cristo paca cana exana xua Nacom paita coxoname pomonae pam pomonae copiya Nacom pia peaitafaetabi jiwichi pam. Poxonae Cristo tupa pia paca exanaenexa pomonae pam pomonae Nacom peitatha tatsi penthuthu cui xanepanae jiwi pam. Matauta paca cana exana xua ichamonae painya jopa nepaca yabara paebiwa xua abe painya neexanaewa. <sup>23</sup> Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowanta dubenanae-biyaename Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacua beicha xeina xua peantuyaruswa xua jopa weraweracaeyo xua caena bayatha yabara paca tsiwinae muxu duta Nacom. Barapo pexeinya pecapanenebiyae diwesi bayatha Jesucristo pia pejume cowantsiwi tatsi cueicueijeji xua daxita nacuan yajapaya. Iru xan, Pablon, paebaponandu barapo diwesi.

*Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowantsiwichi*

<sup>24</sup> Xan, Pablon, anoxuae jantema weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajantacoyenetane tsopona tsane pomonae pia pejume cowantsiwichinexa. Barapoxonae Cristo pia coutha paebina xua xan equeicha jopa atenein tsane. <sup>25</sup> Xan, Pablon, Nacom Pejume Diwesi tacueicueijeji jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi. <sup>26</sup> Barapo diwesi caena bayatha Nacom moya yawan xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowantsi jiwixaetsi. <sup>27</sup> Barapo pexeinya jume diwesi Nacom caena bayatha moya yawan xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomona naexanaeyo. Barapo Nacom moya peyawun xeinaewa xua apara Cristo paca yanaba. Daxota paewatame xua bexa Cristo paca catsina, xua caena bayatha yabara paca tsiwinae muxu duta Nacom.

<sup>28</sup> Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Nacomtha xaniwaicha yajunt<sub>u</sub> coyene xanepanaya patsina xua be caemonae penaexanaewa tsane Cristotha. <sup>29</sup> Daxota daunweya nacuitan Cristo tana necatsixae pia peayapus<sub>u</sub>wa xua bichocono ayapus<sub>u</sub> tacueicueijeinexa tsane Nacom Pejume Diwesi poxonae barapomonae tsipaeban. Barapo peayapus<sub>u</sub>wa jiwi tsita it<sub>u</sub>tan poxonae daunweya nacuitan.

## 2

<sup>1</sup> Baxua paca tsipaebatsi pomonae painya nejume cow<sub>u</sub>ntsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata w<sub>u</sub>w<sub>u</sub>caponeibatsi Nacomtha. Ir<sub>u</sub>no pomonae Jesucristo jume cow<sub>u</sub>nta, pomonae jinompa Laodicea tomaratha, barapomonae ir<sub>u</sub> taw<sub>u</sub>can. Ir<sub>u</sub>u<sub>u</sub> daxita ichamonae pomonae jopa netaeyo, taw<sub>u</sub>can. <sup>2</sup> Ant<sub>u</sub>yapus<sub>u</sub>ya Nacomtha pacata w<sub>u</sub>catsi, xua painya nepaca caj<sub>u</sub>nt<sub>u</sub> coyene tsacarabi exanaenexa xua j<sub>u</sub>ntema painya nejinompaenexa xua caemonae nantiya painya nenaantobenexa. Mata<sub>u</sub>tano pacata w<sub>u</sub>catsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yaw<sub>u</sub>n xeina po coyene xua Cristo yabara. <sup>3</sup> Cristo pon peyaputaecin, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, b<sub>u</sub> jame w<sub>u</sub>ca. <sup>4</sup> Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba po jumeintha xua naemata beta paeba. <sup>5</sup> Paca yabara cananta xeineibatsi, be natsicotan xua be paca bar<sub>u</sub> popoinchi bequein taj<sub>u</sub> ecan. J<sub>u</sub>nt<sub>u</sub> coyene weiweinan xanepanaya jume cow<sub>u</sub>ntsiya painya nejinompaexae Cristo, yawa j<sub>u</sub>nt<sub>u</sub> coyene weiweinanno xua painya nenacui xainwaetsiya jinompaexae Cristotha.

*Meje yabara xua jiwi pena j<sub>u</sub>nt<sub>u</sub> coyene xeina Cristotha*

<sup>6</sup> Mexeya poxoru painya neyabara jume cow<sub>u</sub>ntsixa xua pinae Jesucristo pon painya Nepacacanamataxeinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha. <sup>7</sup> Paitacoxonaya yaputaeponde Cristo painya pew<sub>u</sub>naein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ich<sub>u</sub>n paca cuiduba



poxonae pajume cowantame Jesucristo. Yawa matowa pajande: “Nacom, maisa pajantu coyene weiweinan xua painta exaname”, pajan tsaibinde.

<sup>8</sup> Dota pam tsipei jopa ichipaeinyo xua ichamona paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomona xua paca cuiduba pia peitorobi coyenein, baraxua apara jopa Cristo pia peitorobi coyenewa tatsi. Apara saya pon pepawi, bapon pia peitorobi coyenein tatsi, apara saya nacua pia peitorobi coyenein tatsi.

<sup>9</sup> Nacom Pexanto cana nayawa exana xua Cristo xeina daxita i dapo coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi. <sup>10</sup> Apara Cristo piamona tatsi pam. Cristo, bapon compa yatsicaya Pecanamataxeinaein cana exanatsi xua daxita canamataxeinatsi pomona itabocotha peitorobiwi pia peayapuswatha. Poxonae Cristo panantaame, jopa ichauyo pacata seicaeyo xua paxename xua pocotsiwa Cristo jantema popona paca exana. <sup>11</sup> Paxam anoxuae icha jantu coyene paxename Cristo painya nejume cowantsixaemxae, yawano poxoru painya nenantu cui barapentsixaemxae xua abe paexaname. Icha judiomona ichi xua nawi thaba ichaxota pebiwi nareixacaena bapana baxua jopa paca jantu coyene capanepae abe painya neexanae cuiru coyenein weya. Jame xua Jesucristo naetotha tupa, baxua jame paca anthutha coyene capanepa abe painya neexanae cuiru coyenein weya. <sup>12</sup> Poxonae ichan paca bautisaba, be paca muthutha penta, icha Cristo ichichi poxonae muthutha xotsi. Bara paca juta ichi. Yawa poxonae xua pamatawaname be equeicha asu pajinompage, icha Cristo ichichi poxonae Nacom asu exana Pexanto poxonae equeicha itowan popona. Bara paca juta ichi painya nejume cowantsixae Nacom. <sup>13</sup> Caena bayatha paxam jopa paichhipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonaewerapae jiwi patsita jinompame. Saya u abe peexanae cuiru coyenein painya nenanta xeina dubenanaebiyaexaemxae, poxoru saya abe painya neexanaewi. Baxua paexaname poxoru barapo peabewa paca itata cadopiteiba xua abe painya neexanaewa tsaibi tsane. Jopa Nacom pajeichim poxoru paxam barapocotsimona pam, pomona jopa judiomona naexanaeyo pam po judiomona nawi thaba ichaxota pebiwi nareixacaena, Nacom paca exana xua anthutha coyenesuya painya nejinompaewa xua Cristo painya neyawa jinompaewa. Bapon Nacom nacata jantemaina xua daxita abe

waexanae cuiru coyenein. <sup>14</sup> Nacom jopa naca yabara pae-biyo xua abe exainchi poxonae bara bequein jopa exanaetsi po peitorobi coyenein judiomonae exana xuano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya. <sup>15</sup> Poxonae Cristo naetotha tupa, Cristo pecui pawi cana exana po pentacaponae xua abe peexanaewi xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapusu coyene. Pin bicheito itabaratha Cristo aura exana pentacaponae. Anoxuae Cristo pentacaponaein exanatsi xua daxita barapo jiwi pecanamataxeinaenexatsi.

*Meje yabara xua jei: "Itapeta payabara nanta xeinare xua pocotsiwa Nacom jantana jeba jiwi, pia nacuatheicha", jei*

<sup>16</sup> Daxota dapon ajibi pon itacupaetsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po matacabitha poxonae jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonae jomocoichato aena equeica, matautano po matacabintha poxonae pentaquei seicae matacabin poxonae jiwi jopa nacuichiyo. <sup>17</sup> Caena bayatha barapo peitorobi coyenein judiomonae cuidubatsi Nacom, xua saya u pejume. Barapo jumeintha judiomonae cuidubatsi Nacom, xua yabara yaputane peexanaenexa tsainchi pocotsiwa bexa Cristo exanaena. Aparayatha Cristo patopeica. Icha paxam paichichipame xua painya nenaexanaewa tsane Nacom piamonae tatsi bewa paexanaem pocotsiwa Cristo paca itoroba. <sup>18</sup> Jopa pacopatsinde xua ichamonae paca yabara paeba xua pana natsiaenae cuentame xua jopa painya neexanaexae icha barapomonae ichi. Barapomonae paca aeba poxoru tane petsita itubi coyenewan po coyenewan xua ichamonae jopa taeyo. Barapomonae paca itoroba xua pepawi jiwi painya nenaexanaewa tsane painya coutha icha barapomonae ichi xua bequein jumexaeya paeba xua pinae pecui pawi jiwi. Matautano barapomonae paca itoroba xua matatsunpiwi wnae painya nejainchiwa tsane icha bapomonae ichi. <sup>19</sup> Barapomonae jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonae naca cana exana bapontha wajume cowantsixae. Nacom naca cana exana xua beta

wajume cocowantaponaewa, icha be pocotsi coyeneya xua pejume diwesitha paeba, icha poxonae jiwi ichi xua poxonae pia pexui wihatapona pexaewa peapatsixae.

<sup>20</sup> Tsipei Cristo bayatha paca cayawa tupa. ¿Eta xua came awiya payabara nanta xeiname? Poxonae Cristo tupa bapon paca cana exana xua pana nacapanenebiyam abe painya neexanae cuiru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonae baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanae cuiru coyenein weya. Aparasaya jame Cristo paca capanepa, naetotha petupaexae. <sup>21</sup> Judiomonae ainya peitorobi coyenewan xeina xua pia peitorobi coyenewanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

<sup>22</sup> Barapocotsi coyenein po coyenein xua jopa bewa pinae paexanaem tsane barapo coyenein, bapana jopa paca yawe-nae xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein apara pia peitorobi coyenein tatsi pomonae saya jiwi. Aparasaya barapo peitorobi coyenewan saya nainya weraweraca icha pexaewa ichi xua nainya weraweraca poxonae jiwi xane. <sup>23</sup> Paxam pananta xeiname xua barapo peitorobi coyenewa xeina peantayapusawa poxoru be paca exana xua xanepanaya pajinompame, yawa be paca exana xua Nacom wanae pajaintame. Barapomonae judiomonae pia abe exaneibi pia coutha naperaxa exaneiba pia jantemainaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua baxua peexanaewa tsane. Barapomonae saya u pepaebeibi, ichitha cataunxuae jopa xanepanaya jinompaeyo.

### 3

<sup>1</sup> Tsipei Cristo bayatha paca cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa pecoxa weya eca bapon. <sup>2</sup> Saya panaitomtsiya nanta xeinare Jesucristo pia peitorobi coyenewan tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina. <sup>3</sup> Tsipei bayatha paxam paca cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya

neantujumopeyapusawan jiwi jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonae yawa jinompatsi Cristo barapara iru yawa jinompatsi Nacom. Baxua jiwi jopa paca cui yaputaeyo. <sup>4</sup> Bapon Cristo naca jumope antujumopeyapusu exana. Poxonae Cristo equeicha patopaetsica paca cayawa baru naitatsina jiwitha pexeinya peitupanae coichatha.

*Meje yabara xua peru juntu coyene, xuano xua pena juntu coyene*

<sup>5</sup> Po coyenein xua jiwi exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonae paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonae xeina. Bu bichocono pacui yabara nanta xeiname beyacaincha xua poxonae pacui yabara nanta xeiname Nacom. Baxua icha be poxonae paichim poxonae ibo nacom paantobem beyacaincha xua Nacom paantobem. <sup>6</sup> Pomonae xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomonae saya jumefeba nawita pocotsiwa Nacom itoroba. <sup>7</sup> Icha barapomonae ichi, xua abe exana, paxam bara paichim caena bayatha barapocotsiwa paexaname poxonae jopa cataunxuae Jesucristo pajume cowantsim. <sup>8</sup> Ichitha anoxuae daxita pana cui barapende xua daxita peabe coyenein: xua peanaepanae coyenewan, xua juniya pejei coyenewan, xua jopa xanepanaya peexanae coyenein, xua saya abeya peyabara cueicueijejewa coyenewan, xua peyuyujejewa coyenewan. <sup>9</sup> Jopa caemonae nantiya pana namuxuitorobeibinde, anoxuae pena juntu coyenein painya nexainaexae tsipei peru juntu coyenein bayatha papentame. Tsipei barapo peru juntu coyenein jiwi ba ajumebeya cui itorobatsi xua abe exana. <sup>10</sup> Tsipei anoxuae pena juntu coyenein paxeiname tsipei Nacom exana barapo pena juntu coyenein. Barapo pena juntu coyenein paca ita coxone exanapona Nacomtha. <sup>11</sup> Poxonae jiwi pena juntu coyenein xeina pejume cowantsixae, baroxonae Nacom tsita najupatsi, metha bara bequein griegomonaepin tsipae, iru metha bequein judiomonaepin tsipae, iru metha bequein pon xua pewi thabinchi tsipae xua ichaxota pebiwi nareixacaena, iru metha bequein pon jopa pewi thabinchi tsipae xua ichaxota pebiwi nareixacaena, iru metha bequein pon penanapaincha poponaepin tsipae, iru metha bequein pon

unupin tsipae, iru metha bequein pon pebusi cui taetaeinchi tsipae, iru metha bequein pon pepu copatinchi tsipae xua bara piawa penata exanaewa tsane. Aparajame meisa bapon Cristo ainya cui peexanaeinchi. Matautano Cristo baru pona pomonae peantobewixaetsi.

<sup>12</sup> Nacom paca itapeta xua piamonae tatsi pia paca necaexanaenexa pia paca necaantobexae. Daxota nantanuweya pacui yabara cananta xeinare ichamonae xua painya neyawenaewa tsane. Yawa betiya payawende ichamonae. Yawa jopa ichamonae patsita atsacande xua icha coyene painya neexanaenexa. Yawa jopa paaebinde ichamonae. Yawa jopa paaitaconae tsaibinde poxonae bequein ichamonae abe pacata exaneiba. <sup>13</sup> Nantiya pana natsita xeinare po juntu coyene xua jopa painya neaitaconaewa xua poxonae bequein ichamonae abe pacata exana. Pacui yabara junteinare poxonae ichamonae pacata abe exana, icha Cristo ichi pon jiw Pecanamataxeinaein exanatsi xua daxita paca cui yabara junteina xua abe paexaname. Bara paichinde pana nacui yabara junteinare daxita pocotsiwa abe pana nata exaname. <sup>14</sup> Barapo coyenein paexande, yawa mataropeichiya paexandeno xua bichocono nantiya pana naantobeinde. Poxonae baxua paexanaename xua painya nenaantobewam, bapoxonae xaniwaicha paexaname pocotsiwa bayatha paca itorobatsi xua bewa paexanaem icha paxeiname pexanepanae cui unthun. Ichitha poxoru painya nenaantobexae daxota bapo coyenein paexaname. <sup>15</sup> Saya pacopare xua bara Cristo painya juntu coyeneintha pacata itorobina junteina pia pepoponaewa tatsi xua daxota junteina painya nejinompaewa tsane. Tsipei Nacom paca necajainchixae: “Caemonae painya nenaexanaewi pam”, paca necajainchixae. Paxeinare po coyene xua pajam tsaibi: “Nacom, maisa pajuntu coyene weiweinana xua painta exaname”, xua po coyene pajam tsaibi.

<sup>16</sup> Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesitha, barichi xuya ichamonae pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonae pajume taneme Cristo pejume diwesi. Nacom patanaxunare daxita weixi. Juntu coyene weiweinaya patsita naxunare Nacom. <sup>17</sup> Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane,

moya paexande xua pocotsi peexanaewa ichichipa Jesús pon jiwi Pecanamataxeinaeinxae. Bapontha pajande: “Jesús inta Axatha jande: ‘Maisa juntu coyene weiweinan xua bapon yawename’, inta, jande”, pajande Jesustha.

*Meje yabara xua pocotsiwa bewa exanae pomonae Jesu-  
cristo pejume cowantsiwi*

<sup>18</sup> Yabuxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowantsi jiwi pam Jesús pon jiwi Pecanamataxeinaein. <sup>19</sup> Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

<sup>20</sup> Pexui pamxaem paca tsipaebatsi. Painya axa jiwi xua iru painya ena jiwi beta pajume naitaewateibiya exaneibare pocotsiwa paca itorobeiba tsipei baxua Jesús pon jiwi Pecanamataxeinaein tsita ita cui xanepanatsi. <sup>21</sup> Coxiyei jiwi pam, xua saya pebiwi jiwi pam paca tsipaebatsi. Painya xoba painya pexui pamuxutainyabame xua jopa beta exanaeyo. Icha baxua paexaname pexui jopa beta jinompaetsipae.

<sup>22</sup> Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apra jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wnae taexanaetsi pomonae painya nepacacanamataxeinaewi. Apra jame painya wnae taexanaetsi iru Jesús pon jiwi Pecanamataxeinaein, tsipei paxam pomonae Jesucristo painya nejume cowantsi jiwi pam. <sup>23</sup> Daxita i daxuan xua paexaname xanepanaya paexanare. Saya u pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton. <sup>24</sup> Bayatha payaputaneme xua bexa Cristo pon jiwi Pecanamataxeinaein paca catsibina xua paca jantana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein. <sup>25</sup> Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwi jopa natoxeincha necotsiyo. Pomonae pebusi cui taetaewichi, barapomonae

Nacom nanta jupaya tane, icha pomonae pentacaponawewi ichi xua poxonae Nacom nanta jupaya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

#### 4

<sup>1</sup> Pomonae pentacaponawewi pam, xanepanaya pacana exande pomonae painya nebusi cui taetaeibi jiwi, tsipei paxam paxename painya pepa Nepacacanamataxeinaein itabocotheicha.

<sup>2</sup> Nacomtha cuitiya pana cui babatsiya wuca dubenanaebiyama. Poxonae Nacomtha pawuqueibame, pajan tsaibinde: “Nacom, maisa pajuntay coyene weiweinan xua pata tanecatsiwaxaem yawa xua painta exaname beta”, pajan tsaibinde. <sup>3</sup> Yawano painta wucare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yawan xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apara xua Cristo naca yanaba. Jiwi pecubi botha neeta tana natsipei cueicueijeixae barapo diwesi. <sup>4</sup> Painta wucare Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

<sup>5</sup> Dota pam, xanepanaya beta jume wunaeya pajinompare, tsipei paca tane pomonae jopa jume cowantsiyo Jesucristo. Barapomonae patsipaebeibare xua pocotsiwa Nacom ichichipa xua poxonae po mataqueitha cataunxuae paca itacupa xua painya netsipaebiwa. <sup>6</sup> Poxonae ichamonae patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

#### *Meje yabara poxonae Pablo najume weta po carte*

<sup>7</sup> Daxita Tíquico neyabara diwesi paebina xua paca tsipaebina. Bapon be wayapin watsicotaein tsipei Jesucristo pejume cowantsin. Bapon paantobein. Iru bapon Tíquico Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueijeije tsaibi. <sup>8</sup> Daxota Tíquico painya xainya beya itoroban painya neyaputaenexa xua paxan xanepanaya bara jantema pajinompan. Yawa bapon paca necacui tsacarabinexa xua jantema painya nejinompaewa tsane. <sup>9</sup> Tíquico bara beya pona iru ichun napon, pon pewan Onésimo, pon be pata

tayapin patsicotan pejume cowantsixaeru Jesucristo, yawano bapon paantobein. Barapon beta xanepanaya pepoponaein Nacomtha. Tíquico irano Onésimo, baponbe daxita yabara paca tsipaebina xua pocotsiwa xote exananje.

<sup>10</sup> Iru Aristarco tajiton, pon jiwi pecubi botha paecanbe, bapon paca jacobá. Iru Marcos paca jacobá, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantenta weyataeya wabare. <sup>11</sup> Iru Jesús paca jacobá, pon icha wanno, Justo. Po acobi poyobe, poyobe xuaunxae paca jacobá meisa saya barapoyobe neyawena xote poyobe xua jiwana judiomonae, po judiomonae Jesucristo pejume cowantsiwichi jiwánabe. Barapo acobi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cowantsixaetsi Pexantotha. Barapoyobe nejntu cui tsacarababe xua jntema tapoponaewa tsane. <sup>12</sup> Iru Epafras paca jacobá, pon painyamonaé jiwana. Bapon Epafras Cristo Jesús pia petanacuichin tatsi. Bapon jume daunweya pacata wunqueiba Nacomtha, xua Nacom xanepanaya paca necaantuyarusya daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa. <sup>13</sup> Xan bara yatsicaewa tacui taewa xua Epafras pacata jume daunweya wunqueiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa. <sup>14</sup> Iru Lucas paca jacobá, pon jiwi peyawbin, pon bichocono antobetsi xua jiwi antobe. Iru Demas paca jacobá.

<sup>15</sup> Painta jacobare Jesucristo pejume cowantsiwichi, pomonae Laodicea tomaratha ena. Iru painta jacobare powa pewan Ninfa. Iru painta jacobareno pomonae pejume cowantsiwi, pomonae nacaetuteiba Ninfa pia botha tatsi. <sup>16</sup> Poxonae barapo carte payorobame equeicha ichan pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pejume cowantsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha. <sup>17</sup> Paxam Arquipo pabarande: “Taema Arquipo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua wnaeya xanepanaya nacui yabara jume wetsiname xua



exaname”, pajande.

<sup>18</sup>Xan, Pablon, paca jacobatsi. Baxoyo tacobe couyeje, xoyo tinaxuban. Jopa pajɨntemainaeinde xua jiwi pecɨbi botha taecaewa. Nacomtha painta wɨqueibare. Barabɨ Nacom jɨntema jinompa paca exana pia paca necaantobexae.

Baja Pablo.

## Meje Po Carte Copiya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowantsiwixae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntea painya nejinompaenexa.

*Meje yabara xua Pablo yabara paeba xua Tesalónica tomarapiwi pinae beta jume cowanta*

<sup>2</sup> Pacata tsipaebeibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowantsiwi”, pajan tsaibi Nacomtha. <sup>3</sup> Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano, bichocono necaantobexae daxota ayapusaya cata nacuita dubenanaebiya. Maisa bichocono barapomonae wunaewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha. <sup>4</sup> Paxam pomonae painya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonae paca exanaetsi. <sup>5</sup> Poxonae Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumope tuxatu tatsi pia peayapusu itorobi coyenewatha tatsi pana yawena, xua pata cueicueijiwa. Barapo diwesi bara xaniwaicha jume cowantatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajuntacoyenesu exanaenexatsi xua iru juntu coyene xanepanaya painya nejinompaenexa.

<sup>6</sup> Paxam paexanaponame icha paichin xua pocotsiwa paexanaponan. Matautano beta paexanaponame icha ichi

poxonae beta exanapona pon jiwi Pecanamataxeinaein. Bequein ichamonae atene paca exana painya nejume cowantsixae Jesucristo, ichitha barapo diwesi awiya juntu coyene weiweinyaya pajume cowantame. Barapo rejuntu weiweinae coyene Nacom pia Pejumope tynaxu tatsi paca cata. <sup>7</sup> Baxuan painya neexanaexae daxota ichamonae pomonae pejume cowantsiwi Jesucristo, pomonae Macedonia nacuapiwi, barapomonae exana pocotsiwa paexaname. Iruru baxuan exana pomonae Acaya nacuanpiwi. <sup>8</sup> Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuapiwi iru Acaya nacuapiwi jume tane. Jopa meisa barapo nacuabepiwi bara apara daxita nacuanpiwi iruru jume taneru. Daxita barapo jiwi paca yabara yaputane xua painya nejume cowantsiwa Nacom. Daxota jopa panantawenonaeyno xua paca yabara paebatsi ichamonaetha. <sup>9</sup> Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomun po ibo nacomun copiya wnae pajainteibame pabebam painya nejume cowantsixae Nacom. Matautano paca yabara paeba xua baroxonae patamropatarucypame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein. <sup>10</sup> Matautano barapomonae pana netsipaeba xua pinae paxam Jesús pawnae ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petypae coyene cuiru weya. Barapon Jesús naca napaeba exanaena Nacom beya, poxonae Nacom copatsina xua jiwi bichocono peraxa jubebinchi abe peexanaexae.

## 2

*Meje yabara po coyeneya Pablo tanacuita Tesalónica tomarapiwi*

<sup>1</sup> Patamonae paxam pomonae pam pomonae iru painya nejume cowantsiwi Jesucristo icha paxan paichin. Payaputaneme xua tapaca siwa ponaewatsi baxua wnae pata cayawenaexaetsi. <sup>2</sup> Poxonae Filipos tomaratha paponan, barapomonae abe pana exana. Yawa tsumu jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipaebinexatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsi-paebichi barapo diwesi bequein barapomonae pana jume

matawenta. <sup>3</sup> Poxonae paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. <sup>4</sup> Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinexa pia pecapanenebiyae diwesi jume. Apara jopa baxua paexanaeinyo xua daxota jiwi pata taneweyataenexa. Jame apara baxua paexanan xua Nacom pata taneweyataenexa. Barapon pana nejuntu coyene yaputane xua poxonae paexaneiban. <sup>5</sup> Paxam bayatha payaputaneme xua jopa paca tsipaebichi po jume ba jiwi piraichi jume wanaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo. <sup>6</sup> Jopa bapana paichichipaeinyo xua jiwi wanae pata tanejainchiwa, xua poxonae metha bequein bara barapomonaе pam, ichacuiha xua poxonae bequein ichamonae iru. <sup>7</sup> Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, dai-chitha jopa paexanaeinyo barapo coyene. Nama apara saya bewayo paca yayawenaponatsi, icha be pocotsi coyeneya petsiriwa ichi poxonae pia pexui bewayo wichitiya yayawenapona. <sup>8</sup> Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonae daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi! <sup>9</sup> Patamonaе pam, paxam pomonaе iru painya nejume cowantsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matakabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxonae paca cuidubatsi Nacom Pejume Diwesi.

<sup>10</sup> Paxam pomonaе painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya xantha daxita carepaya paxamtha. Matautano Nacom patsita juntu coyene xanepanan, xua penatsicuentisiwa jopa bapon patsita xeinaeinyo. Daxota ichamonae jopa pana neyabara paebiyo xua abe pata pacata exanaewatsi. <sup>11</sup> Matautano payaputaneme xua paca itorobatsi xua beta pajinompame.

Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matateicatsi xua poxonae bichocono paanthututanem tsaibi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxiyan cana ichiya exana pia pexuitha. <sup>12</sup> Paca itorobatsi xua bewa beta pajinompae, icha pomonae Nacom pejume cowantsiwi ichi xua bewa beta jinompae. Baraxua paexande poxoru Nacom paca wun duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua be-icha tatsi. Nacom pia peitorobi coyenewa xua jiwi peitorobi coyenewatsi bichocono peitapanae coyenewa.

<sup>13</sup> Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomara-piwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexainaewa pomonae painya nejume cowantsixae Jesucristo. <sup>14</sup> Patamonae pam. Ichamonae atene paca exana pomonae painyamonae. Baxua paca cana exana, icha Judea nacuapiwi ichichi pomonae pejume cowantsiwi Cristo Jesús. Daxita barapomonae ajuntacoyenetane exainchi pomonae piamonaexae pomonae judiomonaexae. <sup>15</sup> Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peaitafaetabi jiwichi. <sup>16</sup> Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua ira Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsiexana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentsexae abe peexanaexae bapon-

tha.

*Mejeyabara xua equeicha Pablo besiwa ponaena Tesalónica tomarapiwi*

<sup>17</sup> Paxam pomonae patamonae pam, poxonae bequein paxan tajū paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi. <sup>18</sup> Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba. <sup>19</sup> Ichichipan paca siwa ponatsi poxoru paxam pana necana exaname xua pajantū coyene weiweinan. Barichi paxam pomonae pana necana exaname xua pawūnae ewatan. Barichi paxam pomonae pana necana exaname xua matowa payabara paeban pocotsiwa xua paexanan poxonae paca cuidubatsi. Poxonae Jesucristo pon jiwi Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname. <sup>20</sup> Xaniwaicha paxam pomonae pam pana nejantū coyene weiweina cana exaname. Matautano paxan pomonae pana necana exaname xua paca yabara wūnae jainchinchī Jesucristo peitabaratha poxonae bapon peitabaratha tatsi paca barū umenaeinchi beta painya neexanaexae.

### 3

<sup>1-2</sup> Jopa pana itacūpaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowūnta Nacom painya pia paca necataenexa tsanebe. Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacūpatsi xua ajantūcoyenyapusu paca cana exana. Matautano itacūpatsi xua paca jantū cui tsacaba exana xua awiya mataropeichiya painya nejume cowūntaponaenexam Nacom. <sup>3</sup> Bapoxonae dapon aibi tsane paxam jiwana pon ajantūcoyenefaetabiya jume cowūnta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowūntsixae Jesucristo. <sup>4</sup> Matautano poxonae cataunxuae paca barū enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha

be pocotsi coyeneya bayatha paca tsipaebatsi, xuano paya-putanemeno. <sup>5</sup> Tsipei xan jopa neitac̄paeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cow̄nta dubenanaebiyame Jesucristo?” jei. Baxua beyaputaein tajunuwixae xua caurimonae pia pentacaponaein tatsi pon jiwi pej̄nt̄a coyene jaj̄tsin paca cui jaj̄tsipa xua abe painya neexanaewa tsane. Bapoxonae pocotsiwa xua pata tapacata nacuichi-watsi jopa paca yawenaetsipae xua jopa xapain painya nejume cow̄ntsixaem tsipae.

<sup>6</sup> Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cow̄nta dubenanaebiyame Jesucristo. Matautano yabara pana tsipaeba xua pinae nantiya pana naantobe tsurubenanaebiyam. Matautano yabara pana tsipaeba xua pinae pana neyabara antobeya nanta xeiname matauta xua pinae bepana netaename, icha paichin xua bena tapaca taewatsi tsainchi. <sup>7</sup> Patamonae pam, paca tsipaebatsi bequein ichamonae painta ayapube exana yawa pana atene exana, ichitha paj̄nt̄a coyene sad̄jan poxonae pajume tan xua pinae beta pajume cow̄nta dubenanaebiyame Jesucristo. <sup>8</sup> Poxonae paxam awiya beta pajume cow̄nta dubenanaebiyame Jesucristo, pon jiwi Pecanamataxeinaein, baxua paj̄nt̄a coyene sad̄jan pata jinompaewatha Nacom nexa. <sup>9</sup> Anoxuae pana itac̄pa xua pata jeiwa: “Nacom maisa paj̄nt̄a coyene weiweinan Tesalónica tomarapiwi beta necajume cow̄ntsixae”, pata jeiwa. Paxam pomonae pana nej̄nt̄a coyene weiweina cana exaname poxonae Nacom patsipaeban. <sup>10</sup> Matakabintha, merawinthano Nacomtha pacata w̄n̄queibatsi. Nacom paw̄n̄queiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cow̄ntsiwa Jesucristo pocotsiwa yabara pacata seica xua painya yabara neyaputaewa Jesucristo.

<sup>11</sup> Paichichipan xua Nacom pon Waxa ir̄a Jesús pon jiwi Pecanamataxeinaein pana yawenaena xua pata paca casiwa ponaenexatsi. <sup>12</sup> Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxechiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi. <sup>13</sup> Matautano

paichichipan xua Nacom pon Waxa, painya nepaca cana exanaenexa xua bichocono painya nejuntũ coyene xanepanaewa. Matautano paichichipan xua Nacom pon Waxa bichocono ajuntũyapũsũya paca cana exanaena. Baroxonae paxam bichocono Nacom tsita jũntũ coyene xanepanaeinchi. Baroxonaeno jopa patsita natsicuentim tsane abe painya neexanaexae bapontha. Barapocotsi jũta coyene awiya paexanaponaename beya roxonae Jesús pon Wanacanamataxeinaein, piamonae barũ patopeicaena daxita.

## 4

*Meje yabara po jũntũ coyeneya bewa jiwi tajinompae Nacom po coyene xua Nacom tsita xanepanatsi*

<sup>1</sup> Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorbatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajũntũ coyene jinompaem po jũntũ coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponaename”, paca jeichi.

<sup>2</sup> Paxam payaputaneme po pecuidubiwana paca cuidubatsi apara barapo pecuidubiwana Jesús pana itoroba, pon jiwi Pecanamataxeinaein. <sup>3</sup> Xua jame Nacom pocotsiwa ichichipa xua paxam bewa bichocono jũntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi. <sup>4</sup> Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuanõ xua jiwi tsita xanepanatsi. Matautano bapon bewa barũ cui itura jinaena piowa pia peantobexae. Daxita barompaya pebiwi pam bewa irũ bara paichim tsane.

<sup>5</sup> Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabũxi yabara xua penaquentsiwa yabara. Barapo coyene painya xoba paexaname. <sup>6</sup> Jopa paexanaeinde barapo abe peexanae coyenewatha pontha pon irũ pejume cowũntsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca



muxuwetatsi. <sup>7</sup> Nacom jopa naca wɛn dubiyo piamonae wanaca exanaenexa xua abe waexanaponaewa tsane. Jame apara Nacom naca wɛn duba xua jɛntɛ coyene wɛnaeya wajinompae nexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi. <sup>8</sup> Pon jume itaweta po coyene xua ichɛn pepichiwa yabara xua ichɛn piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumo pe tɛnaxɛ tatsi xua painya yawa jinompae nexa.

<sup>9</sup> Po peantobewa xeina pomonae pejume cowɛntsiwi Nacom, xua nantiya caemonae penaantobewa, xan jopa nantawenonaeyino xua yabara tapacata tinaewatsi barapo coyene. Tsipei Nacom pia coya paca cuiduba po coyene xua nantiya painya nenaantobewam tsane. <sup>10</sup> Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cowɛntsiwi Nacom. Ichitha paxam patamonae pam painya nejume cowɛntsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa. <sup>11</sup> Bichocono paichichipare xua painya neexanaewa xua po coyene meje: Jɛntema parubenanaebiyama, xua jopa pana najume matsontsonoba dubenanaebiyam. Mataɛtano painya xoba patsipaebeibame ichamonaetha po coyenein barapomonae bewa exanae. Mataɛtano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi. <sup>12</sup> Icha barapocotsiwa paexanaename ichamonae pomonae jopa Nacom pejume cowɛntsiwi paca barɛ cui itura jinaena xua bara beta painya neexanaexaem. Mataɛtano jopa panantawenonaem xua ichamonae pawɛcame pocotsiwa xua panantawenoname.

*Meje yabara poxonae Jesucristo pon jiwɛ Pecanamataxeinaein equeicha caewa patopaetsica*

<sup>13</sup> Patamonae pam, paichichipan xua painya neyaputaewa po coyene pexainyei coyene, xua petɛpaewi yabara. Mataɛtano jopa paichichipaeinyo xua be wecoyeya pajinompame icha be ichamonae ichi pomonae jopa pejume cowɛntsiwi Nacom. Barapomonae be wecoyeya jinompa jopa xanepanaya pewɛnae ewatsixae po coyene xua poxonae petɛpaewi equeicha asɛ tsane. <sup>14</sup> Waxainchi jume cowɛntatsi xua Jesús tɛpa naetotha xuano equeicha Nacom asɛ juina exana. Icha Nacom pexanto cana ichi, waxainchi jume cowɛntatsi xua Nacom bara cana ichi tsane

pomonaetha pomonae bayatha werapa. Barapomonae pejume cowantsixae Jesús, poxonae werapa asu jujaina exanaeinchi xua Nacom exanaena. Nacom barapomonae baru jujunya exanaeinchi Jesús, xua Jesús pemuxuna caponaenexatsi Nacom pexainya beicha.

<sup>15</sup> Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujunya exanae tsainchi xua Jesús pecaxibinexa tsainchi athabeicha. Jame copiya matha asu jujaina exanaeinchi pomonae bayatha werapa. <sup>16</sup> Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueije matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowantsi xua pomonae bayatha yacui werapaeya othopa bapomonae copiya asu jujaina exanaeinchi. <sup>17</sup> Bapoxonae cotacaya waxainchi pomonae cataunxuae asu jinompatsi, pomonae wajume cowantsiwi Jesús naca cayawa muxuna caetucuetutsiya caponaena pomonae copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. <sup>18</sup> Daxota barapo jumetha caemonae nantiya pana najantu coyene tsacabare xua painya neyaputaewa tsane, po coyene xua pewerapaewi yabara.

## 5

<sup>1</sup> Patamonae pam, jopa nantawenonaeinyo xua yabara pacata tinatsi matabi, yawa dapae yabara xua poxonae Jesucristo pepatopeicaewa tsane. <sup>2</sup> Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha. <sup>3</sup> Poxonae jiwi jei tsane: “Maisa jantema jinompatsi tsipei daxita wnae tsurucuae”, jei tsane, bapoxonae patopaena jemeicha po dapae poxonae jiwi bichocono atene exanaeinchi. Jiwi jopa itacurpae tsainchi xua panenebiyaena barapo peatenewa weya. Jiwi atene exanaeinchi icha yabuyo ichi xua bichocono bewa atene tsane xua pexuyo poxonae naexanaena. <sup>4</sup> Patamonae pam, paxam jopa dapocotsimonae

pam, pocotsimonae jopa jume cowantsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa. <sup>5</sup> Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowantsi jiwixae Nacom. Barapocotsimonae be pomonae poxonae jinompa pequireiwatha, jopa beta jinompaeyo pequirei tsuncuaexae. <sup>6</sup> Pomonae jopa pejume cowantsiwichi Jesucristo barapomonae jopa tsaca jinompaeyo xua pewanae ewatsinexa Jesucristo pia pepatopeicaewa tsica tsane. Barapomonae be pocotsimonae xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompaewa poxonae wanae ewatatsi Jesucristo pia pepatopeicaewa tsica tsane. <sup>7</sup> Pomonae ba xua maita, bara merawi maita. Iruu pomonae ba cupatsi peatsaxa mera, bara merawi cupatsi. Daxita barapomonae jopa xapain Jesucristo wanae ewatichi. <sup>8</sup> Ichitha waxainchi wajume cowantsixaetsi Jesucristo, daxota bewa juntu coyene coxonaetsi xua tsaca jinompatsi xua wawanae ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coyenebe naca juntu coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowantsiya wanae ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasi-pabe exanaeyainwatsi. <sup>9</sup> Nacom jopa naca itapetsiyo xua wanaca atene exanaenexa wanatsicuentiswaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetha pon Wanacanamataxeinaein. <sup>10</sup> Jesucristo naca tsitupa naetha wanaca baru jinompaewa tsane pia nacuatheicha, bequein waxainchi bayatha werapatsi, yawano ichacuiha bequein waxainchi awiya asu jinompatsi, poxonae bapon patopaetsica. <sup>11</sup> Daxota paxam bewa awiya daxita nantiya pana najuntu coyene tsacabim. Matauta bewa nantiya pana naajuntucoyenesu exanaem beta painya nejume cowantsinexa icha paichiponaem xua anoxuae paexanaponame.

*Meje yabara xua Pablo muxuweta pomonae Jesucristo pe-  
jume cowantsiwichi*

<sup>12</sup> Patamonae pam, paca muxuwetatsi xua pabarũ cui itura jinare pomonae painya xantha Nacom tanacuitatsi xua pomonae paca matabona. Barapomonae paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa. <sup>13</sup> Bewa barapomonae beta pabarũ cui itura jinaem peainya cui jiwixae. Matautano bewa bichocono paantobem xua barapomonae betiya painya nepaca mataxeinaexae. Daxita pam nantiya jũntema jinompa pana naexande.

<sup>14</sup> Patamonae pam, paca itorobatsi xua jume daunweya pamuxuwere pomonae afaetabi xua penacuichiwa. Pajũntũ coyene cui tsacabare pomonae jũntũ coyene junuwiya jinompa ichamonae atene peexanaexae barapomonaetha. Matautano payawende pomonae jopa ajũntũcoyenesũya jinompraeyo Nacomtha. Bewayo payawende barapomonae xua jopa painya neaitaconaewam.

<sup>15</sup> Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajũntẽibare xua nantiya painya nãnata exaneibinexa, xuano irũ daxita jiwino.

<sup>16</sup> Barabũ tsitecaeya pajũntũ coyene weiweina dubenanaebiyama. <sup>17</sup> Daxita matababi Nacomtha patsipaebeibare matowa. <sup>18</sup> Daxita pocotsiwa pacata exana bequein jopa pacata wũnaeyo, ichitha awiya barapocotsiwan yabara Nacomtha patsipaebeibare, pajam tsaibinde: "Nacom maisa pajũntũ coyene weiweinan xua pata tana neyawenaewam poxonae bequein painta daunwei tsaibi", pajam tsaibinde. Poxonae baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca barũ jinompaexae.

<sup>19</sup> Jopa paitawetsinde Nacom pia Pejumope tũnaxũ tatsi poxonae paca itoroba pocotsiwa bewa paexanaem. <sup>20</sup> Jopa pajume itawetsinde po diwesi xua ichamonae paeba pomonae Nacom Pejume Diwesi pepaebiwi. <sup>21</sup> Incane pajume taema daxita po diwesin xua barapomonae paeba icha bara metha xaniwaicha po diwesin pona Nacom weya. Saya paitapere po coyene xua pexainyeiwa. <sup>22</sup> Daxita po coyenein peabe coyenein panaitemare xua jopa painya neexanaewam abe peexanae coyenein.

<sup>23</sup> Bara Nacom, pon jũntema jinompa naca exana, barabũ barapon paca jũntũ coyene ayapusũ exanaena xua jũra paca cana exanaena icha bapon ichi xua jũntũ coyene xanepana.

Matautano barabꝰ Nacom paca jũntꝰ coyene xanepana exanaena painya nejinompaewa tsane bapon nexa xua jopa painya nexeinaewam penatsicuentaewa xua abe painya nexanaexae bapontha. Barabꝰ Nacom beta paca jumope eenaena, yawano xua painya jũntꝰ coyenewa, matautano xua painya pepon xua Jesucristo nexa pon Wanacanamataxeinaein xua beya poxonae bapon patopaetsica. <sup>24</sup> Nacom ponxae xua paca wꝰn duba pia paca exanaenexa piamonae tatsi, bapon xainyeya pepaebin. Matautano bapon exanaena pocotsiwa xua bayatha yabara paca tsiwꝰnae muxu duta.

*Meje yabara xua Pablo najume wetsiya paeba*

<sup>25</sup> Patamonae pam, painta Nacomtha wꝰqueibare.

<sup>26</sup> Antobeya painta jacobare daxita pomonae patamonae pomonae Jesucristo pejume cowꝰntsiwichi.

<sup>27</sup> Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonae Jesucristo pejume cowꝰntsiwichi”, paca jeichi.

<sup>28</sup> Jesucristo, pon Wanacanamataxeinaein, barabꝰ paca yawena pia paca necaantobewaxae.

Baja Pablo, irꝰ Silvano, irꝰ Timoteono ponbe necueyatabe.

## Meje Po Carte Cotacaya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonae Tesalónica tomarapiwi pam, pomonae panacaetutame xua wuna painya nejainchinexa Nacom. Paxam iru pomonae pejume cowantsi jiwi pam, pomonae painya neyawa jinompaewi Nacom, pon Waxa. Matauta paxam pomonae xua painya neyawa jinompaewi Jesucristo, pon jiwi Pecanamataxeinaein. <sup>2</sup> Barabu Nacom, Waxa, iru Jesucristo, pon jiwi Pecanamataxeinaein, paca yawenaena pia paca necaantobewaxae xua juntu coyene weiweinaya painya nejinompaewa tsane. Matautano barabu betiya xanepanaya junte miya jinompa paca cana exanaena.

*Meje yabara xua poxonae Nacom yabara paebina jiwi xua penatsicuentsiwa xua abe peexanaexae poxonae Cristo equeicha patopaetsica*

<sup>3</sup> Patamonae pam paxam pomonae iru painya nejume cowantsi jiwixae Jesucristo. Bewa pacata wucaponeibinchi Nacom, xua pata jei tsaibiwa: “Nacom maisa pajuntu weiweinan xua Tesalónica tomarapiwi beta xanepanaya cajume cowanta”, xua pata jei tsaibiwa tsane Nacomtha. Baxua painta wuna xua paexanan, tsipei equeicha matowa mataropechiya pajume cocowantaponame. Matautano equeicha matowa nantiya pana naantobem tsozonaem xua daxita paxam. <sup>4</sup> Daxota juntu coyene weiweinaya paca yabara paebatsi Nacom piamonaetha xua ichamonae matabuxu. Paca yabara jeichi: “Maisa Tesalónica tomarapiwi jume cowanta beta, yawa saya beta dubenanaebiya poxonae bequein atene exanatsi abeya peyabara paebeibixaetsi ichamonae. Matautano barapomonae beta exana dubenanaebiya xua bequein atene exanatsi xua poxonae ichamonae abe peexaneibixaetsi”, paca yabara jeichi barapomonaetha. <sup>5</sup> Baxuan tsita itapeinya xeina xua poxonae bequein Nacom yabara paeba jiwi xua penatsicuentsiwa yawa peraxa jubitha barapo jiwi, barapara xanepanaya exana. Tsipei barapo jiwi natsicuenta Nacomtha abe peexanaexae. Daxota Nacom bara paca yabara cui copata xua painya patsinexa pia peitorobi nacua beicha tatsi,

tsipei bichocono paatenem painya nejume cowantsixaem bapon.

<sup>6</sup> Pomonae xua paca atene exana, bexa tsane Nacom xuya cana exanaena xua barapomonae peraxa jubinchi. Barapara Nacom baxua beta exana pia abe pacata exanaexae barapomonae. <sup>7</sup> Nacom paca nafifina capanenebiya exanaena xua paca yabara cui opi ducua exanaena xua ichamonae atene paca exana. Iruꝛu paxantha barichi tsane Nacom, xua poxonae Jesús patopaetsica, pon jiwi Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapusuwatha patsicaena. Matautano Jesús muxuna patopeicaena pexeinya peitupanae coicha xua be isoto. <sup>8</sup> Jesús patopaetsica xua atene peexanaenexa jiwitha abe peexanaexae pomonae jopa yaputaeyo Nacom, penaitemat-sixaetsi. Matautano atene exanaeinchi pomonae jopa jume cowantsiyo Jesús pia pecapanenebiyae jume diwesi tatsi, pon Wanacanamataxeinaein. <sup>9</sup> Barapo jiwi ataya tsitecaeya ajuntucoyenetane tsane tsana penobixae tsainchi tajū beya xua bapon pon jiwi Pecanamataxeinaein pia xainya weya tatsi. Matautano barapo jiwi jopa tae tsane pon jiwi Pecanamataxeinaein pia pexeinya peitupanae coicha tatsi, xuano xua pia peayapusu itorobiwa tatsi xua bichocono pexeinya coyene. <sup>10</sup> Baxuan Nacom exanaena po matabitha abu poxonae patopeicaena pon jiwi Pecanamataxeinaein, xua daxita piamonae pebaru cui itura jinaenexa tsainchi. Matautano bapon daxita piamonae nabenaecaeya wūnae jainchinchi pomonae pejume cowantsiwichixaetsi. Paxam bara paichim tsane barapo matabitha painya nejume cowantsixaemxae po diwesi jume bayatha paca tsipaebatsi.

<sup>11</sup> Daxota ataya paca yabara wūqueibatsi Nacomtha. Pajan: “Nacom yawende barapomonae xua jinompaena po coyeneya icha xua xam ichichipame poxonae wūn dubame barapomonae xua penaexanaenexa jinyamonae. Matautano yawende barapomonae pewetsinexa tsane jinya neayapusu itorobi coyenewatha po coyene xua wūnae, po coyene barapomonae ichichipa xua peexanaewa. Matautano yawende barapomonae pewetsinexa po penacuichiwa exana necajume cowantsixae”, pajan Nacomtha. <sup>12</sup> Icha beta pajinompame, jiwi wūnae jainchina Jesús, pon Wanacanamataxeinaein, painya nejume cowantsixae tsane bapontha. Matautano Jesús cana exana xua barapo jiwi wūnae paca jainchina painya paca cataexae tsane xua Nacom paca yawena, pia paca necaantobewaxae, xuano xua Jesucristo paca yawenaru pia paca necaantobewaxae pon jiwi Pecanamataxeinaein.

## 2

*Meje yabara xua equeicha patopaetsica pon jiwi Pecanamataxeinaein*

<sup>1</sup> Patamonae pam, anoxuae nama yabara bepaca tsipaebinchi xua Jesucristo, pon Wanacanamataxeinaein, equeicha pepatopaewa tsica. Matautano ichichipan yabara xua tapaca tsipaebiwatsi xua wanaca baru nacaetutsiwa bapon. Daxota jume daunweya paca tsipaebatsi baxua. <sup>2</sup> Icha ichamonae paca tsipaeba xua pinae anoxuae matakabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepijawa payabara najuntũ coyene cabenaecaename xua daxota jopa beta pananta xeinaem. Jopa bichoina payabara jume cowuntsinde bequein paebitha tsane xua pinae baxua barapomonae tsipaebatsi Nacom pia Pejumope tũnaxũ tatsi. Matautano painya xoba payabara jume cowuntame bequein paebitha tsane xua pinae baraxua yabara paebandũ. Matautano painya xoba payabara jume cowuntame bequein paebitha tsane xua pinae barapomonaetha baraxua payabara tinandũ. <sup>3</sup> Jopa pacopatsinde xua ichamonae yabara paca muxutoroba baxua bequein pinmonae paca tsipaebitha tsane baxua. Tsipei baxua pewnaeya tsane xua poxonae barapo matakabi jopaena, bewa matha patopaena xua po coyene jiwi Nacom naitematinchi. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounayiyo. <sup>4</sup> Bapon Nacom abe yabara paebinchi. Bapon jopa tsita ainya cuiyo tsainchi daxita pocotsiwa jiwi wanae jainta. Matautano bapon jopa tsita ainya cuiyo tsainchi bequein po nacomũn jiwi exana. Bapon pia coutha penacanamataxeinaein naexana xua peewatsiwa daxita pocotsiwan Nacom piawa, xua pia wanae jaintichi, xua jiwi wanae jainchina. Matauta bapon ecaena Nacom pin pia botha xua pia coya Nacom najainta.

<sup>5</sup> ¡Bara baxuan yabara caena bayatha paca tsipaebatsiba poxonae cataunxuae paca baru popoinchi! ¿Bara pajantemainame jampa? <sup>6</sup> Anoxuae paxam payabara yaputaneme po coyene xua peayapusũ itorobi coyenewa bapon cui matawentatsi xua pepatopaewa. Saya beya jame patopaetsica poxonae barapo matakabi tsane xua bapon copatinchi xua pepatopaewa tsica tsane. <sup>7</sup> Pinmonae anoxuae bichocono abe exanapona. Saya waxainchi yabara yaputaecinchi baxua Nacom pia wanaca yaputane exanaexae wajume cowuntsixae. Nama pomonae jopa jume cowuntsiyo jopa yabara yaputaeyo baxua. Saya meisa acoibi xua



pitinchi pon xeina barapo peayapusu itorobi coyenewa xua pecui matawentsiwatsi pontha pon bichocono abe peexanaein. <sup>8</sup> Saya bapoxonae naitatsina bapon pon bichocono abe peexanaein. Ichitha poxonae Jesús, pon jiwi Pecanamataxeinaein patopaetsica, bapon bexubina pon bichocono abe peexanaein bexubinchi poxonae ofutarabina, xua ataya weraweraca pecana exanaenexa pexeinya peitupanae coicha peyawa naitatsiya patopeicaexae tsane. <sup>9</sup> Pewnaeya tsane xua poxonae Jesús bexubina pontha pon bichocono abe peexanaein, Satanás pon caurimonae pia pentacaponaein tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusuwa yawa patopaena. Matautano bapon daxita coyeneintha pexeinya petsita itubiwan exanaena peayapusuwatha xua jopa xainyeyo xua jiwi pemuxujainyabinexatsi. <sup>10</sup> Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowuntsiwa pexainyei jume diwesi po diwesi xua barapomonae pecapanenebiyaenexa tsainchi. <sup>11</sup> Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowuntsina barapo penaerabi diwesi jume. <sup>12</sup> Pomonae jopa bejume cowuntsiyo pexainyei diwesi jume barapomonae saya ichichipa nawita xua peabe coyenewan exana. Barapomonae Nacom caununaya itawetsina poxonae yabara paebina xua barapomonae Nacom tsita natsicuentatsi xua abe peexanaexae.

*Meje yabara pomonae Nacom itapeta pecapanenebiyaewa tsane*

<sup>13</sup> Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita matabi pacata wunqueibinchi Nacomtha. Bewa pajan tsaibin tsane: “Nacom maisa pajantu coyene weiweinan beta necajume cowuntsixae Tesalónica tomarapiwi”, bewa pajan tsaibin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonae aena Nacom forota barapo cae pin nacuathe. Nacom baxua exana pia peayapusuwatha po peayapusuwa pia Pejumope tuxaxu tatsi xeina ponxae paca jantu coyene xanepana exana Nacom nexa. Matautano baxua exana poxoru painya nejume cowuntsixae pexainyei diwesi jume. <sup>14</sup> Daxota Nacom bayatha paca waba bapon

painya nejume cowantsinexa poxonae paca cuidubatsi Nacom pia pecapanenebiyae diwesi jume. Daxotano paca waba xua Jesucristo pon Wanacanamataxeinaein painya nenabarũ xeinaenexa pia pexeinya peitũpanae coyewewan.

<sup>15</sup> Patamonae, daxota pajume cowanta dubenanaebiyama equeicha matowa. Painya xoba pajuntemainame po pecuidubiwan xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi. <sup>16-17</sup> Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya jũntũ coyewewatha. Mataũtano Nacom naca cata xua wawũnae ewatsiwa pocotsiwa xua bapon naca catapaeba, pocotsiwa xua wũnae. Paca yabara paebatsi bapontha. Mataũtano paca yabara paebatsi Jesucristotha pon Wanacanamataxeinaein. Pajan baponbetha: “Barabũ payawenaenamebe Tesalónica tomarapiwi. Barabũ pajũntũ coyene cui tsacabinamebe barapomonae. Mataũtano barabũ jũntũ coyene jume cowantsiya ayarusũya pacana exanaenamebe barapomonaetha, xua pia pepaebeibinexa pocotsiwa wũnae xuano pia peexaneibinexa pocotsiwa xanepana”, pajan baponbetha.

### 3

*Meje yabara poxonae Pablo namchi: “Painta Nacomtha wũcare”, jei*

<sup>1</sup> Patamonae, paxam pomonae pam pomonae irũ painya nejume cowantsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha wũcare xua xain pon jiwi Pecanamataxeinaein pejume diwesi tatsi awiya nainya tajũ patsipaebaponaein daxita nacuantha. Mataũtano painta wũcare xua xain ichaxota patsipaeban barapo diwesi daxita jiwi beta jume barũ jejei peainya cui diwesixae, icha paichim poxonae pajume taneme barapo diwesi. <sup>2</sup> Mataũtano Nacom painta wũcare xua xain Nacom jopa copatsiyo xua painta abe exana pomonae bichocono ajũntũcoyenebe. Tsipei jopa daxita jiwiyo pomonae beta jume cowanta po diwesi patsipaeban. <sup>3</sup> Ichitha jame bara ita coxoinchi xua wajume cowantsiwa pon jiwi Pecanamataxeinaein tsipei bara bapon xainyeya naca yawena. Mataũtano bapon paca jũntũ ayarusũya exanaena. Mataũtano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuiru coyewewan. <sup>4</sup> Bara paca yabara jume cowantatsi xua bara bapon pon jiwi Pecanamataxeinaein paca yawena. Bapon

paca yawenaena xua paexaname, xuano xua paexana dubenanaebiyaename pocotsiwan xua paca itorobatsi. <sup>5</sup> Barabũ bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Mataũtano barabũ paca yawenaena xua awiya antũcoyenesũya painya nejume cowanta dubenanaebiyaenexa tsane. Bapoxonae bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxonae jiwi barapocotsi coyene exana jopa aitaconaeyo.

*Meje yabara poxonae Pablo yabara paeba xua jiwi bewa nacuichina*

<sup>6</sup> Patamonae pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo pabarũ jinompame peafaetabi jiwi pomonae aichaxaibi nacuita, xua pomonae irũ pejume cowantsiwixae. Barapomonae jopa yabara jume cuiya exanaeyo po pecuidubi coyenein xua Jesucristo weya bayatha, xuano xuya barapomonaetha pacuiduban. <sup>7</sup> Paxam payaputaneme, xua bewa xanepanaya betiya pajinompaem, icha bayatha paichin. Poxonae paca barũ jinompatsi jopa paacoyenefaetabinyo, apara panacuitan nawita. <sup>8</sup> Poxonae paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apara daunweya panacuiteiban merawintha matakabinthano xua jopa daunweya pata pacata exanaewatsi tsainchi. Jopa panantawenonaem xua painta comocame pexaewa. <sup>9</sup> Bequein pana yabara cui copata xua pata paca wũcaewatsi pata neyawenaenexam tsane, ichitha bara pana netaneme xua pexaewa pana natsiũrain nacuitan, xua irũ bara painya neichinexarũ. <sup>10</sup> Tsipei poxonae paca barũ enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo bũ jopa xae tsane”, paca jeiche. <sup>11</sup> Ichamonae pana tsipaeba xua painyamonae jiwana yabara, xua pinae painyamonae jiwana jopa natsiũrain nacuichiyo pexaewa. Saya pinae dubenanaebiya. Barapomonae saya pinae ichamonae yabara yũyũjeichi. Barapomonae jopa pinae exanaeyo piawa. Saya pinae penabarũ yũyũjei poxonae ichamonae eneibatsi poxonae nacuiteiba. <sup>12</sup> Barapomonae pomonae saya dubenanaebiya, paitoroban pajanje: “Tsipei Jesucristo pana cata pia peitorobi coyenewa pon jiwi Pecanamataxeinaein, daxota pecono jumeyoŋtha paca tsipaebatsi. Bara panacuire painya nenacuichiwa xua pexaewa painya natsiũrain nacuichinexa. Jopa ichamonae payabara nabarũ yũyũjande”, pajanje.

13 Ichitha paxam patamonae pam, pomonae pam iru pajume cowantame jopa paauntucoyenefaetabinde xua xanepanaya painya neexanaewam. Awiya xanepanaya paexanaponde. 14 Icha ichun painyamonaе jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabarun jinompaeinde, xain baroxonae aura xua jopa peexanaexae xua barapo cartathe papaeban. 15 Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Matauta maisa bapon patsipaebare icha paichim poxonae patsipaebame pontha pon pejume cowantsin.

*Meje yabara xua Pablo najume wetsiya paeba*

16 Jesucristo pon jiwu Pecanamataxeinaein xua junteма popona peyacuiya jinaein, bu bara barapo junteма pejinom-pae coyene paca catsina daxita maticabin tsaibi poxonae bequein ichamonae abe pacata exaneiba. Barabun bapon pon jiwu Pecanamataxeinaeinxae daxita paxam paca barun jinompaena.

17 Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacar-tantha barapo jume couxi wetsiya tineiban icha barapo carte ichi. 18 Pon Wanacanamataxeinaein, Jesucristo, barabun daxita paxam bichocono paca yawenaena pia paca anto-bexae.

Baja Pablo, iru Silvano, iru Timoteono ponbe necueyatabe.

## Meje Po Carte Copiya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina, Timoteo tatinatsi*

<sup>1</sup> Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacacapanenebiyaein neitoroba. Matautano Jesucristo, pon Pecanamataxeinaein jiwi, pon wunaewatatsi iruru neitoroba. <sup>2</sup> Timoteo, xam cata tatinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua juntea popona jinya necaexanaenexabe.

*Meje yabara xua Pablo yabara muxuweta pomona abeya pecuidubiwi pia pecuidubi coyenewa tatsi pecuiyainwa*

<sup>3</sup> Poxonae matha cain muxu taponae Macedonia nacua beya, bapoxonae jume daunweya cajeichi, janje: "Ecare Efeso tomaratha jinya necui itorobinexa tsane pomona abeya pecuidubiwi pia pecuidubi coyenewatha. Barapomona seicayiia cuiduba ichi be jopa paxan ichiyo pomona Jesucristo pia peitorobi jiwi tatsi panxaein. Itorobare xua barapomona jopa cuidubi tsane ichamonaetha barapo coyene po coyene xua jopa xainyeyo. <sup>4</sup> Matautano barapomona jopa bewa juntea coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara", cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamonaewajume cowantsixae Nacom.

<sup>5</sup> Xua tapaebixae xua barapo peitorobi coyenewatha paeba apara xua daxita jiwi nantiya caemona penaantobenexa tsane. Barapo peantobe coyenewa jiwi pia juntea coyene wetsina pona poxonae pia juntea coyenein xanepana xua jopa xeinaeyo peabe coyenewa yawa poxonae barapo jiwi pia coutha najuntea coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi

pia juntu coyene wetsina pona poxonae barapo jiwi xaniwaicha jume cowanta Nacomtha. <sup>6</sup> Ichamonae jopa xeinaeyo barapo peantobe coyenewa poxoru jume itaweta, matautano poxoru najuntu coyene eena exana penajume matsontsonobi diwesin. <sup>7</sup> Barapomonaе ichichipa becuidubina Nacom pia peitorobi diwesi jume. Bequein barapomonaе baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomonaе jopa yabara yaputaeyo po coyeneya xua atsaquiya yabara cuiduba ichamonae Moisés pia peitorobi diwesi jume.

<sup>8</sup> Bara yaputainchi xua Moisés pia peitorobi diwesi wnae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa. <sup>9-10</sup> Waxainchi matautano yaputainchi xua Nacom pia peitorobi diwesi jume jopa barapomonaе nexiyo pomonaе bayatha pejuntu coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomonaе nexa pomonaе meje: pomonaе jopa exanaeyo pocotsiwa Nacom pia peitorobi diwesi jumetha itoroba; pomonaе jopa jume cowantsiyo Nacom; pomonaе jopa ichipaeyo Nacom; pomonaе abe peexanaewi; pomonaе jopa juntu coyene xanepanaeyo Nacomtha; pomonaе aichaxaibi Nacom pia peitorobi diwesi jume; pomonaе pia paxeiwi pebewi; pomonaе pia pena jiwi pebewi; pomonaе jiwi pejutebiwi; pomonaе penata siwa xeinaewi yabaxitha xua jopa piseuri jiwi; pomonaе cae pebiwi penaisamaichi jiwi xua be yabaxi penatsicotae jiwi; pomonaе paratixi xeineiba xua ichamonae pejiwana noteibixaetsi poxonaе equeicha caewa pejiwana canawibeibixaetsi; pomonaе jiwi pemuxuitorobiwi; pomonaе naerabiya jume daunweya paeba xua ichamonae naerabiya peyabara paebiwatsi. Barapo peitorobi jume iruru barapomonaе nexa daxita pomonaе seicayiya yabara jume toxeinchiya exana po coyene xua Jesucristo pia pexeinya pecuidubi coyenewa. <sup>11</sup> Barapo pexeinya pecuidubi coyenewa, bara najume jupabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xuano bichocono pejuntu coyene weiweinaein. Barapo diwesibe Nacom itoroba xua tacueicueiweiwa tsane.

*Meje yabara poxonaе Pablo juntu coyene weiweina Jesucristo*

<sup>12</sup> “Juntu coyene weiweinan tanecatsixaemxae peantuyaruswa”, jan Jesucristo, pon Wanacanamataxeinaein. Bapon necata peantuyaruswa tacueicueiweiwa

tsane jiwitha Nacom pia Pexeinya jume diwesi tatsi. Bapon neyabara nanta xeina xua bara beta jume cowanttan, daxota necana exana xua xan pia petanacuichin tatsin. <sup>13</sup> Bapon baxua inta exana bequein bara bayatha bapon abeya yabara paeban. Matautano bapon piamonaetha tatsi abeya tacana exanan. Matautano abeya tayabara paeban barapo pijimonaetha tatsitha pomonaetha pomonaetha pia pejume cowantsi jiwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonae jopa jume cowantsinyo Jesucristo poxonae abe exanan. Matautano jopa yaputaeyinyo pocotsiwa xua bayatha exanan. <sup>14</sup> Daxota Nacom pon Wanacanamataxeinaein bichocono amanaya neyawena taneantobexae. Nacom nejuntu coyene yuca exana po pejume cowantsiwa xuano xua po peantobewa tsita xeinatsi Cristo Jesús.

<sup>15</sup> Cristo Jesús patopeica po cae pin nacuathe tsique pecapanenebiyaenexa tsainchi pomonaetha abe peexanaetha jiwí, xua capanenebiyatsi abe pia peexanaetha cuiru coyenein weya. Pomonaetha abe peexanaetha jiwí barapomonaetha jiwanan xua bichocono abe taexanaein beyacaincha barapomonaetha poxonae abe exana. Baxuan apara xainyei pocotsiwa xua yabara paeban. Jiwí bewa jume cowantsina baxuan. <sup>16</sup> Bequein bichocono abe taexanaein, daichitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristo xua poxonae jopa aitaconaeyo. Daxota ichamonae poxonae netaena Nacom exanaena xua barapomonaetha Jesucristo pejume cowantsiwa tsainchi, pexinaenexa peantuyarusawa po peantuyarusawa xua ataya tsiteca. <sup>17</sup> Nacom, wunae paca jaintatsi: “¡Xam Nacom pon ataya jiwí itorobiya pepa Neewatsin! ¡Xam Nacom pon bapana jopa tupaem tsane! ¡Xam pon xua jiwí jopa itacupaetsi xua necataewa! ¡Xam yatsicaewa compam pepa Nacomam! ¡Ataya paca tsita bará cui itura jinatsi! ¡Barabá ataya jiwí wunae cajainchina! Je bara ichi tsane”, paca jeichi Nacom.

<sup>18-19</sup> Xam, Timoteom, bara xaniwaicha be taxantom canat-sicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwunae muxu duta xua bexa cuidubiname jiwitha Nacom pia pexeinya jume diwesi. Xan caitorobatsi icha be pocotsi coyeneya bayatha barapomonaetha caitoroba. Cajechi: Jume daunweya antuyarusaya beta exande Nacom pia petanacuichiwa tatsi. Poxonae baxua exaname, beta jume cowantsiya exande, yawa pexeinya juntu coyene

xeinare po jũntũ coyene xua xainyeya natsipaebame, xua jopa abe exanaem Nacomtha, cajeichi. Ichamonae bequein beta natsipaeba pijũntũ coyeneintha, ichitha barapomonaē najũntũ coyene barapenta po coyene Jesucristo pejume cowantsiwatsi tsipei jopa jume cowantsiyo pocotsiwa pia jũntũ coyene tsipaebatsi. <sup>20</sup> Barapocotsi coyene Hime-neo exana irũrũ Alejandro exanarũ. Baponbe caenaetanbe pon caurimonae pia pentacaponaeintha tatsi pon Satanás beya poxonae baraponbe nacuidubinabe xua jopa bewa abe yabara paebi tsanebe Nacomtha.

## 2

*Meje yabara xua Pablo yabara cuiduba po coyene xua Nacomtha petsipaebiwa*

<sup>1</sup> Copiya caitorobatsi baxuanje xua exanaename: Nacomtha tsipaebare daxita jiwi nexa; Nacomtha wũcare xua Nacom peyawenaenexa daxita jiwi; yawa jande Nacomtha: “Nacom, maisa jũntũ coyene weiweinan xua daxita xanepanaya jinya netaexanaewam jiwi”, jande. <sup>2</sup> Bewa Nacomtha tawũcaename daxita nacua peewatsiwimonae. Mataũtano bewa Nacomtha tawũcaename daxita pentacaponaeiwimonae. Baxua bewa exanaename xua jũntema beta wajume cowũnta dubenanaebiyenexa Nacomtha, yawa jũntema wajinompaenexa jiwi peitũtha. Barapo jũntema wajinompaewa bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha. <sup>3</sup> Barapo coyenein jame Nacom tsita wũnaetsi pon Wanacacapanenebiyaēin. <sup>4</sup> Nacom bichocono ichipa xua daxita jiwi pecapanenebiwa tsainchi abe pia peexanae cuiru coyenein weya. Mataũtano Nacom ichichipa xua jiwi yaputaena pocotsiwa xua pexainyei coyenewa. <sup>5</sup> Meisa compa Nacom pon pepa Nacom, bapon meisa popona. Barichi saya meisa caein pon itacũpatsi xua jiwi yabara jume yawenatsi Nacomtha, apara barapon Jesucristo. <sup>6</sup> Jesucristo copata xua bara naetotha tsitũpa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonae Jesús tũpa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi. <sup>7</sup> Daxota Nacom newũn duta, jeye: “Bapon apara pon tajume diwesi pecaponaein yawa bapon taitorobi jiwi jiwanapin”, jei Nacom. Bara xaniyeya paeban, jopa naerabinyo. Daxota Nacom neitoroba tacuidubinexa pomonaetha pomonaē jopa



judiomonae naexanaeyo xua Nacomtha pejume cowantsiwa yabara yawano xua Nacom pia pexainyeiwa yabarano tatsi.

<sup>8</sup> Daxota ichichipan xua daxita nacuanpiwi Nacom pewhcaewa tsainchi. Poxonae whcaena Nacomtha bewa namaxh yoichaena xua yatsicaewa pexeinaexae tsane pejunt coyene xanepanaewa. Matautano jopa bewa yajunt coyeneya paebi tsane xua peita aenae-aeneiwa ichantha. Matautano jopa bewa yajunt coyeneya paebi tsane xua penajume matsontsonobi coyenewa.

<sup>9</sup> Ichichipan xua yabxi nama xatabina pocotsi paparuwa be conotha whnae. Saya uuranaya jinompaena xua bichocono jopa atsaqui tsane xua pebarh yuyjeiwa pebiwitha. Jopa bichocono whnaeya nantana fabi tsane. Jopa bichocono nantana pepena exanae tsane pocotsiwatha xua bichocono ainya matoman, pocotsiwa pewh oro, matautano pocotsiwa pewh perlan. Matautano jopa namaxatabi tsane pocotsi paparuwa bichocono ainya matoma.

<sup>10</sup> Jame yabxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono whnae xua yabxi exana, po yabxi xaniwaicha jume cowantsiya jinompa xua Nacom pejume cowantsiwatsi.

<sup>11</sup> Yabxi bewa saya moya jume naitawatsiya jume taena pocotsiwa xua nacuiduba. Saya bewa moya jume jejei tsane.

<sup>12</sup> Tsipei yabxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabxi pentacaponae wi penaexanaewa tsane pebiwi nexa. Jame bewa yabxi saya moya enaena poxonae pejume cowantsiwi nacaetuta xua Nacom whnae pejainchinexatsi.

<sup>13</sup> Tsipei Nacom copiya exana pebin pon pewh Adán, baroxonae yabyo exainchi powa pewh Eva.

<sup>14</sup> Caena bayatha Adán jopa muxujainyabichi pon caurimonae pia pentacaponae in tatsi xua abe peexanaewa tsane. Apra jame barowa Eva muxujainyabatsi, daxota barowa abe exana.

<sup>15</sup> Bequein yabyo atene poxonae tanaexanatsi pexuyo, ichitha Nacom capanepaena barowa icha barowa jume cowantsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

### 3

*Meje yabara xua bewa exanaena pomonae pecanamataxeinaewi pejume cowantsiwi*

<sup>1</sup> Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume

cowantsiwichi pecanamataxeinaewatsi, bara baxua bara xanepana. <sup>2</sup> Daxota pon pomonae Nacom pejume cowantsiwi canamataxeinatsi, bapon bewa xanepanaya beta poponaena xua bapon jopa abe peyabara paebinexa tsainchi ichamonae. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonae ichamonae bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha. <sup>3</sup> Bapon jopa bewa nacupa exanae tsane peatsaxae mera. Yawano jopa bewa bapon naba exanae tsane, saya jame bewa jantema poponaena. Bapon jopa bewa najume matsontsonoba exanae tsane. Yawano bapon jopa bewa pitaparatixichi xua paratixi peasiwiwa. <sup>4</sup> Bapon bewa beta itorobiya canamataxeinaena pia bomonae matabuxnyo. Matautano bapon bewa pia pexui jume naitaewatichi poxonae itorobeiba pia pexui. Yawa pia pexui bewa tsita xeinaetsi pebaru itura jinae coyenewa. <sup>5</sup> Icha barapocotsi jiton ita coxanatsi xua beta itorobiya canamataxeina pia bomonae matabuxnyo, bapon nexata jopa itacupaetsi xua canamataxeina Nacom nexa pomonae Nacom pejume cowantsiwixaetsi. <sup>6</sup> Pebin jopa bewa naexanae tsane xua pomonae Nacom pejume cowantsiwichi pecanamataxeinaewatsi poxonae cataunxuae abu pena pejume cowantsin Jesucristo. Icha bapon pena pejume cowantsin tsipae Jesucristo, metha bapon aebichipa nawita jiwitha, bapoxonae Nacom cana exanaetsipa bapontha, icha be pocotsi coyeneya ichi poxonae caurimonae pia pentacaponaein tatsi itawetatsi, xua Nacom itaweta pia nacula weya, xua Nacom peabixaetsi. <sup>7</sup> Matautano bapon bewa beta poponaena, xua pomonae jopa pejume cowantsiwi Nacom bapon beta peyabara nanta xeinaenexa tsainchi. Icha bapon jopa beta poponae tsane, bapoxonae jiwi abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujata xua po cui coyeneyatha bapon peexanaenexa.

*Meje yabara pomonae jiwi peyawenaewi pomonaetha pomonae pejume cowantsiwi*

<sup>8</sup> Barichiru pomonae jiwi peyawenaewi pomonaetha pomonae pejume cowantsiwi, xua peyawenaewi

peatenewitha, xua muxunano peapatsiwano peacopeibiwatha, barapomonae bewa beta jinompae, xua jiwi pebaru cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nacupa exanae tsane peatsaxae meran. Matautano jopa bewa pitaparatixichi tsane xua paratixi peasiwiwa. <sup>9</sup> Barapomonae bewa beta jume cowantsi Jesucristo po coyene xua Nacom yabara tsita itata xua wajume cowantsiwa, yawano barapomonae bewa muxuna xeinae po juntu coyenetha beta xaniwaicha natsipaebatsi xua jopa abe exanaetsi Nacomtha. <sup>10</sup> Bara matha bu ichamonae cui jujutsina barapomonaetha icha beta xaniwaicha jinompa yawa icha ichamonae jopa abeya yabara paebiyo barapomonaetha. Bapoxonae barapomonae cana exanaeinchi pomonae jiwi peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwatha. <sup>11</sup> Barichi yabuxi bewa beta jinompaena xua barapowaxi pebaru cui itura jinaewa tsainchi jiwi. Jopa bewa bapowaxi abe yabara paebi tsane ichamonaetha, xua ichamonae abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompae, xua ichamonae peyabara jume cowantsiya nanta xeinaenexa xua pocotsiwa bapowaxi daxitan exana pocotsiwan bayatha exanapaebeiba. <sup>12</sup> Barapocotsi jiwi jiwana jiton pomonae peyawenaewi pomonaetha pomonae pejume cowantsiwi, bapon bewa saya cae piseuri baru jijinaena. Matautano bapon bewa beta itorobiya canamataxeinaena pomonae pia bomonae matabuxuyo xua daxota bewa beta itorobiya canamataxeinaena pia pexui. <sup>13</sup> Tsipei barapocotsi jiwi pomonae peyawenaewi pomonaetha pomonae pejume cowantsiwi poxonae barapomonae beta exana pia petanacuichiwa, bapoxonae ichamonae barapomonae wunae jaintatsi beta pia petanacuichiwaxae. Matautano barapomonae ichamonaetha cui tsacatsacapiya yabara paeba xua pia pejume cowantsiwa xua Cristo Jesús pejume cowantsiwatsi.

*Meje yabara po coyene xua naitata xua po coyene copiya moya peyawan xeinaewa po coyene xua wajume cowantsiwa*

<sup>14-15</sup> Bequein ichichipan xua methaunxuae cataeinchi, dai-chitha daxota cata tinatsi xua icha pirapaeyo tapatopaewa tsane, bapoxonae yaputaename po coyene xua jiwi bewa exanaena. Barapo coyene beta xanepanaya penabaru jinompae coyenewa Nacom peitabaratha tatsi, pomonae Nacom

piamonae tatsi. Aparā yabara paeban pomonae Nacom piamonae tatsi, pomonae Jesucristo pejume cowantsiwichi, pomonae nacaetuta xua Nacom wnae pejainchiwa tsainchi, po Nacom ataya asu pepoponaein. Barapomonae yajuntu coyeneya jinompa Nacom pia pexainyei coyenewa tatsi. Matautano barapomonae yabara jume yawena Nacom pia pexainyei jume diwesi poxonae ichamonae abeya yabara paeba barapo pexainyei jume diwesi. <sup>16</sup> Waxainchi paebatsi jeichichi: “Pocotsiwa jume cowantatsi Jesucristo, maisa bichocono xanepana bara be po coyenewa xua moya peyawun xeinaewa, po coyenewa jiwi jopa yaputaeyo”, jeichichi. Wayabara jume cowantsiwa baxua meje:

Nacom naexana be jiton pia juntu coyeneya tatsi, xua barapara bapon Cristo.

Nacom pia Pejumope tnaex tatsi yabara paeba, xua bapon yabara paebatsi, xua bara bapon yatsicaewa bara Nacom. Iru matatsunpiwi tane, xua bapon tainchi.

Bapon yabara cueicueijeichi jiwi yabara cueicueijeichi daxita nacuanpiwitha.

Daxita nacuanpiwi jiwana monae, bapon yabara jume cowantatsi.

Yawano equeicha bapon peitaboco becaichatsi.

## 4

*Meje yabara xua pomonae naerabiya pecuidubi jiwi pomonae seicayiia cuiduba xua ichi be jopa paxan ichiyo*

<sup>1</sup> Nacom pia Pejumope tnaex tatsi beta xaniwaichiya jeye xua poxonae po dapaē tabu ducuaena xua poxonae po dapaetha Nacom daxita wetsina, bapoxonae pomonae pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomonae napuna ponae caurimonae po caurimonae jiwi muxuitorobiya muxujainyabatsi. Matautano barapomonae exanaponaena po pecuidubiwa caurimonae pia pecuidubiwa tatsi. <sup>2</sup> Matautano barapomonae jume naitawatsiya jume taena pocotsiwa paeba pomonae jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po pejuntu coyenetha xanepanaya natsipaeba poxonae abe exana. Daxota barapomonae jopa yaputaeyo po juntu coyene xanepana. <sup>3</sup> Barapomonae pomonae pemuxuitorobi jiwi, jiwi cui matawentatsi xua jitha peenaewa. Matautano jiwi jain matawentatsi xua jopa xae tsane icha penabanaewan, bequein taetha xua barapo penabanaewan Nacom tsijain exana jiwi. Pomonae pejume cowantsiwi xuanō pomonae

peyaputaewi Nacom pia pexainyei coyenewa tatsi, poxonae barapomonae najume weteiba xua natsijain jacobeiba Nacomtha, jei tsaibi: “Nacom maisa jũntũ coyene weiweinan xua tana necatsiwaxaem pexaewa”, jei tsaibi, bapoxonae barapomonae bara xane barapo penabanaewan. <sup>4</sup> Daxita xua pocotsiwan Nacom forota baxuan wũnae. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobebichi xua jei tsaibichi: “Maisa Nacom jũntũ coyene weiweinan xua tana necatsiwaxaem pexaewa”, xua jei tsaibi tsainchi. <sup>5</sup> Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobebixae Nacomtha xua jei tsaibichi: “Nacom maisa jũntũ coyene weiweinan xua tana necatsiwaxaem pexaewa”, wajei tsaibixaetsi.

*Meje yabara xua pon Jesucristo beta tanacuitatsi*

<sup>6</sup> Daxita barapo coyenein xuaunxuae catsipaebatsi, icha barapo coyenein tsipaebiya cuidubame ichamonaetha pomonae irũ pejume cowũntsi jiwi Cristo, bapoxonae xam pon beta netanacuichim tsane Jesucristo. Bapoxonae ichamonaecacui taena xua xam bara bichocono jinya coutha jume cowũnta na-eexanaponame, yawano xua neexanaexaeno pocotsiwan cacuidubatsi po pecuidubiwa bichocono pexeinya coyene. <sup>7</sup> Jume naitemare po diwesi xua saya jiwi cueicueije xua jopa Nacom pia diwesiyo tatsi, po diwesi xua pejemai diwesi xua jopa xapain wũnaeyo. Jinya coutha nacuidubare, xua nenajũntũ coyene cana exanaexam tsane icha be Nacom pia jũntũ coyene ichi. <sup>8</sup> Bequein penacui jũjũtsiwa xanepana xua pepon daunwei penaexanaenexa, ichitha jame xua penajũntũ coyene xanepana exanaewa Nacomtha, baxua jame bichocono xanepana beyacaincha xua penacui jũjũtsiwa. Tsipei barapo penajũntũ coyene xanepana exanaewa Nacomtha naca yawena anoxuae poxonae cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha. <sup>9</sup> Baraxua yatsicaya apara xainyei. Daxota daxita jiwi bewa yabara jume cowũntsina po coyene xua penajũntũ coyene xanepana exanaewa Nacomtha. <sup>10</sup> Barapocotsi coyene waxainchi ajũntũyapusũya daunweya exanatsi. Ichamonaecacui atene exaneiba xua poxonae abe naca yabara paebeiba, tsipei waxainchi jume cowũntsiya wũnae ewatatsi Nacom, pon ataya pepoponaein. Barapon Nacom ichichipa xua daxita jiwi pecapanenebiwa tsainchi abe pia peexanae cuiru coyenein weya tatsi. Bapon jiwi

Pecapanenebiyaein abe pia peexanae cuiru coyene weya tatsi xua pomonae pia pejume cowantsi jiwixaetsi.

<sup>11</sup> Barapo coyenein bewa ichamonae cui itorobiname, xua necuidubiwam pocotsiwa barapomonae peexanaewa tsane. <sup>12</sup> Jopa jume naitaewatsinde xua ichamonae cayabara paeba xua poxonae jopa cabaru cui itura jinaeyo xua poxoru nepewowixaem. Jame bewa beta exanaponaem xua necacui taeponaenexa pomonae pejume cowantsiwi Jesucristo. Xua barapomonae tsita exaname, xua iru barapocotsi coyeneya peexanaenexaru. Beta cueicueijande, matautano beta poponde, yawa matautano antobe tsurucuaanaebiyama jiwi xua ichamonae necacui taenexa. Yawa matauta beta poponde xua bichocono jume cowantame Jesucristo xua ichamonae necacui taenexa. Yawa beta poponde xua nejuntu coyene bichocono xanepana Nacomtha xua ichamonae necacui taenexa. <sup>13</sup> Poxonae cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesi yabara cueicueijande, matautano cuidubareno pomonae pejume cowantsiwi Jesucristo. <sup>14</sup> Caena bayatha pitiri jiwi, po pitiri jiwi pejume cowantsiwi jiwanamonaem, canta jayabiya caitoroba xua necueicueijejewa tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanae coyenewatha jopa yabara toxinchiya exanaeinde po cui coyenewa Nacom bayatha cacata poxonae barapo pitiri jiwi canta jayaba, po cui coyeneyatha neexanaewa tsane pocotsiwa Nacom ichichipa.

<sup>15</sup> Daxita barapo coyenein naitematsiya eexanaponde xua ichamonae necacui taenexa xua bara xanepanaya jume cowantaponame. <sup>16</sup> Dotam xua nejuntu coyenewa cananta xeiname. Matautano dotam xua pocotsiwa necuidubiwam. Awiya beta ajuntuyapusya jume cowanta ducuaanaebiyama. Icha baxua exanaename jinya coutha nacapanepa exanaename xua Nacom cacapanepaena petrae cuiru coyene weya. Iru barichim tsane capanenebiya exanaename xua Nacom capanenebiyaena pomonae necajume naitaewatsiwi.

## 5

*Meje yabara xua pocotsiwa Timoteo bewa cuidubina pomonae Jesucristo pejume cowantsiwichi*

<sup>1</sup> Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwi saya bewayo muxuwetame. <sup>2</sup> Pitiriwaxi saya bewayo cuidubare icha be ichim

xua poxonae ena saya bewayo cuidubame. Matautano saya bewayo cuidubare penawaxi icha be ichim xua poxonae amcho jiwi saya bewayo cuidubame xua tsita auram. Juntu coyene xanepanaya yabara nanta xeinare barapowaxi, xua jopa abe neexanaewam.

<sup>3</sup> Nacom piamonae, pomonae pejume cowantsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi. <sup>4</sup> Icha ichawayo powayo pecuenta tupaewayotsi piseuri, icha bapowa pipexui xeina yawa ichacuitha icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae yaweneibina bapowatha. Barapomonae bewa yawenaena bapowatha xua bapowa piamonaexae tatsi. Bapoxonae bapowa jopa nantawenonae tsane xua ichamonae bapowa peyawenaewatsi. Barapomonae bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonae pexui. Jame barapo coyene Nacom tsita coyene xanepanatsi, matautano barapo coyene Nacom juntu coyene weiweina exanatsi. <sup>5</sup> Powa bara xaniwaicha pecuenta tupaewayotsi piseuri, powa xaniwaicha compa, powa jopa xeinaeyo piamonae matabuxu pomonae peyawenaewichi, bapowa jume cowantsiya wunaewata xua Nacom yawenaena xua bapowa yawenaeinchi. Pebaxuanexa tsane bapowa wunqueiba Nacomtha merawintha, yawa matababintha. <sup>6</sup> Ichitha nama powa pecuenta tupaewayotsi piseuri, powa saya pia coutha nayabara nanta xeina nawita xua penasiwaimeinchiwa pebiwitha, bapowa saya jopa nanta xeinaeyo xua jume cowantsiya wunaewatsina Nacomtha, xua peyawenaewa tsainchi. Daxota bapowa pia juntu coyene tatsi be tupa, xua Nacom be tsita tupaetsi bara bequein bapowa popona. <sup>7</sup> Daxota xua ichamonae jopa abeya peyabara paebinexa pomonaetha pomonae pejume cowantsiwi, cuidubare barapo peyawenaeyo coyenewa barapomonaetha pomonae pejume cowantsiwi. <sup>8</sup> Meje xua pocotsiwe baxue: Icha pon jopa yabara nanta xeinaeyo xua piamonae peyawenaewa tsane, bapon apara bara exana be poxonae jopa jume cowantsiyo. Bapon apara bichocono ajuntucoyenyapubeya exana, beyacaincha pon jopa jume cowantsiyo, pon daichitha piamonae yawena.

<sup>9-10</sup> Barapo paperatha, po paperatha ichaxota saya wun dubatsi powaxi pecuenta werapaewaxichi piseuriwi,

barapo paperatha wun tinadubare. Saya wun tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano wun tinare powaxi xua ichamonae yabara paeba xua pinae bapowaxi xanepanaya exana. Pocotsi coyenein xua poxonae barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomonae petapatebiwichi pia bontha; yawa bapowaxi taxu quiateiba pomonae pejume cowantsiwi Cristo pomonae petapatebiwichi pia bontha; yawa bapowaxi yaweneiba pomonae peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

<sup>11</sup> Ichitha jopa wun tinaeinde powaxi cataunxuae taacoibichi xua xeina sesenta po weibe. Tsipei ichacuiha bapowaxi jantemainsipa pocotsiwa bayatha Cristo yabara tsiwanae muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa. <sup>12</sup> Barapowaxi Nacom yabara paeba xua pinae barapowaxi barapara natsicuenta xua abe peexanaexae, poxoru jopa exanaeyo pocotsiwa bayatha yabara tsiwanae muxu duba Cristotha pocotsiwa xua exanapaebeiba. <sup>13</sup> Matautano barapowaxi fifina, jopa ichichipaeyo xua penacuichiwa daxota saya daxita bontha siwa poneiba, matauta saya cueicueijej tsurubenanaebiya xua ichamonae peyabara paebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebiya ichamonaetha. <sup>14</sup> Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barabu moya jitha enaena equeicha. Barabu moya equeicha xexeinaponaena pexui, yawa moya barabu xua pia boxi bara beta ewatsina. Matautano barapowaxi jopa bewa abe exanae xua daxota ichamonae pomonae jiwi peaitafaetabi jiwi abe yabara paebina xua abe yabara paebinchi pomonae pejume cowantsiwi. <sup>15</sup> Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponaein tatsi cui itoroba, pon Satanás.

<sup>16</sup> Icha petsiriwa, powa pejume cowantsiwayo Jesucristo, icha bapowa tapopoinchi pia botha pijimonae jiwawayo tatsi powayo pecuenta tupaewayotsi piseuri, barapo pejume cowantsiwayo bewa yawenaena bapowatha. Barapo pejume cowantsiwayo jopa bewa copatsi tsane xua pomonae pejume cowantsiwi apatsina pexaewa bapowatha, powa pecuenta



tupaewayotsi piseuri. Bapoxonae pejume cowantsiwi itacupatsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexeinaexae piamonae matabuxu jiwi tatsi pomonae peyawenae jiwichi.

17 Pomonae pejume cowantsiwi bewa bichocono xanepanaya baru cui itura jinaena xua pitiri jiwi baru cui itura jinaeinchi, po pitiri jiwi betiya xanepanaya canamataxeinatsi pomonae pejume cowantsiwi. Po pitiri jiwi cueicueijeji Nacom Pejume Diwesi, matautano xua cuiduba barapo diwesi, barapo pitiri jiwi bewa bichocono xanepanaya baru cui itura jinaetsi yawa bewa pentoma catsibichi beyacaincha icha pitiri jiwi. 18 Nacom Pejume Diwesitha jeye: “Duwein pon pewan buey, pon pexu xu tanacaponaxua poxonae nacuitapona jopa wano atsinde pocotsiwa bapon taayapubetsi poxonae nabusi matoma xaexaepona pentacona”, jei. Equeicha Nacom jeye: “Ponba tanacuita ichan bapon nantawenona xua xeina pia petanacuichiwa matoma”, jei Nacom.

19 Jopa cui yopichinde pitirin xua abe exana pon pomonae pejume cowantsiwi canamataxeinatsi icha jopa xeinaem dos poyobe xua iruxu cui taneruxua ichacuitha tres poyobe xua iruxu cui taneruxu pocotsiwa barapo pitirin xua baxua bara exana.

20 Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cowantsiwi peitabaratha tatsi, xua bapoxonae iru ichamonae pejunuwina xua abe peexanaewa, icha be poxonae xua bapon ichi.

21 Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po juntu coyenewatha xua nanta xeiname xua caein pebin bichocono peainya cuin beyacaincha ichan. Icha barapocotsi juntu coyenewatha cayabara nanta xeinaeya exanaetsipame jopa xainyeya exanaetsipaem. 22 Abu bepijawa jopa mata jayabinde pitirin, xua pecanamataxeinaenexatsi pomonae pejume cowantsiwi, tsipei icha bapon abe exanaetsipa apara baxua be iru xam yawename xua bapon abe peexanaewa. Dotam jinya coutha beta xanepanaya najuntu coyene eenare xua abe neexanaeyainwa.

23 Bichocono necotsoroxaewa, yawa bichocono neparaxaewa, jopa saya u meisa apaeinde mera. Jame moya tsiwiyo yawa muxuna apare vino merayo.

<sup>24</sup> Ichamonae cui taneme abe pia peexanae cuiru coyenewan tatsi, pewanaeya xua po mataqueitha poxonae Nacom yabara paebina xua jiwi penatsicuentisiwa xua abe peexanaexae. Ichitha nama anoxuae jopa ichamonae cui taem abe pia peexanae cuiru coyenewan tatsi, apara jame bexa yaputaename po mataqueitha poxonae Nacom yabara paebina jiwi xua penatsicuentisiwa xua abe peexanaexae. <sup>25</sup> Barichi pocotsiwa jiwi xanepanaya exana ichamonae nexa, baxua ba jiwi anoxuae cui tane. Bequein ichacuitha barapocotsi xanepanaya peexanae coyenewan jiwi jopa cui taeyo anoxuae, ichitha bexa tsane jiwi taena barapo coyenewan, tsipei poxoru barapo coyenein jopa bapana ataya tsitecaeya moya peyawun xeinaewa.

## 6

<sup>1</sup> Pomonae ba pebusi cui tatayebeibiwichi, pomonae pejume cowantsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cowantsiyo Jesucristo, barapomonae ba bewa baru cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinexa Nacom pia cui coyenewa tatsi, matautano xain jopa abe peyabara paebinexa pata pecuidubiwa xua pocotsiwa pacuiduban Jesús yabara. <sup>2</sup> Ichamonae pomonae pebusi cui tatayebeibiwichi, pomonae pejume cowantsiwi Jesús, barapomonae xeina pia pecanamataxeinaewichi, pomonae iru jume cowanta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa xeinaeyo pebaru cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa baru cui itura jinae pia pecanamataxeinaewichi. Matautano bewa beta tanacuichi barapocotsimonae, beyacaincha ichamonae pomonae jopa jume cowantsiyo Jesucristo pomonae pebusi cui tatayebeibiwichiru pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae iru jume cowantarú Jesucristo. Matautano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichixaetsi.

*Meje yabara xua waxeinaewa pepa pexainyei coyenewa xua apara wajume cowantsiwa*

Barapo cui coyene cuidubare jiwitha xua jiwi beta peexanaewa tsane: <sup>3</sup> Ichacuitha ichan cuiduba pocotsi coyenewa xua penaerabiwa. Matautano jopa yabara baru jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanamateaxeinaein. Matautano bapon pon ichan jopa yabara baru jume jejeyo po pecuidubi coyenewa xua Nacom juntu coyene xanepana exana jiwitha. <sup>4</sup> Pon ba bara pocotsi coyeneya exana bara apara pon jiwi peaebin xua peyaputaexinae. Bapon apara ichitha jopa peyaputaein. Bapon naemata yainyaba nawita ichamon-aetha pia xua jiwi penajume matsontsonobinexa bapontha. Daxota barapomonaenantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeaba. Matautano nantiya abeya nayabara nanta xeina. <sup>5</sup> Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonaenantiya jopa yaputaeyo pocotsiwa pexainyei coyenewa. Bapomonaenantiya najei pia coutha: "Icha jan tsane: 'Jume cowantan Jesucristo', jan tsane bapoxonaenantiya xain copei nawita xeinaein", najei barapomonaenantiya pia coutha. <sup>6</sup> Bara xaniyei, poxonaenantiya Jesucristo jume cowantatsi baxua bara bichocono naca yawena. Ichitha saya naca yawena icha waxainchi muxuna xeinatsi wajuntu coyeneintha xua beta juntea wajinompaeawa bequein xua naacopeibi taethatsi. <sup>7</sup> Tsipei poxonaenantiya naexanatsi jopa cayawa naexanaetsi barapo copei po cae pin nacuathe. Matautano tsipei poxonaenantiya wera-paeinchi jopa barapo copei cawerapae tsainchi. <sup>8</sup> Ichitha icha xeinatsi pexaewa, yawa paparuwan bara bapoxonaenantiya bewa juntea jinompaeinchi. <sup>9</sup> Seicaya nama pomonaenantiya bichocono ichichipa xua copei pexeinaewa, barapomonaenantiya exana pocotsiwa caurimonaenantiya pia pentacaponaein tatsi juntu coyene jujuta. Daxota barapomonaenantiya exana pocotsiwa xua ichichipa, xua jopa wunaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua barapomonaenantiya peweraweracaewa tsane. <sup>10</sup> Poxonaenantiya jiwi bichocono ichichipa paratixi, bapoxonaenantiya tamropata notaruxpa xua bichocono abe peexanaponaewa. Barapo pe-ichichipae coyenewa paratixi, jiwi cana exanatsi xua pepsitawa po coyene xua Jesucristo pejume cowantsiwatsi. Daxota barapomonaenantiya be pia coutha najuntu coyene jopojopei exana xua saya peyabara nanta xeinaexae paratixi, xua pe-ichichipaexae paratixi.

*Meje yabara xua bewa Timoteo beta ajuntu yapuxya jume cowanta ducuaenaebiyaena*

11 Tsipei xam Timoteom Nacom piamonae tatsi jiwanam, baxuan cuitaya naetsiriware, pocotsiwa po coyenewatha weraweraca necaexanaewa. Beta poponde Nacom nexa xua nejuntũ coyene xanepanaewa tsane Nacomtha. Eexanaponde pocotsiwa Nacom ichichipa. Jume cowũnta ducuaenaebiyama Nacom, yawano antobe tsurucuaenaebiyama Nacom, yawa jiwithano. Mataũtano saya jũntema poponaeya exana ducuaenaebiyama pocotsiwa Nacom caitoroba poxonae ichamonae bequein cata abe exana. 12 Xanepanaya antũyapusuwa jume cowũntsiya exana ducuaenaebiyama pocotsiwa Nacom ichipa. Peantũyapusuwa po peantũyapusuwa ataya tsiteca, barapo peantũyapusuwa jopa copatsinde xua necajũntũ coyene weaichurucuaewa. Barapo peantũyapusuwa Nacom cacata. Xam baxua xanepanaya yabara paebame pin bicheitoha. 13 Catsipaebatsi Nacom peitabaratha, pon pia peantũyapusuwa cata daxitan coyeneintha. Mataũtano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi. 14 Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonae Jesucristo equeicha patopeicaena pon Wanacanamateaxeinaein. 15 Poxonae po mataqueitha Nacom ichichipaena bapoxonae barapo mataqueitha Jesucristo naitutsina jiwitha. Jiwi yaputaena xua bapon Nacom meisa compa xaina daxita peayapusu itorobi coyenewan. Bapon meisa compa peyawa jinaein pejũntũ coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapusu itorobi coyenewa xaina beyacaincha xua ichamonae xaina pomonae jiwi itorobiya pia pepa peewatsiwichi xua irũ xaina pia peayapusu itorobi coyenewa. Mataũtano bapon pon jiwi pia pepa Pecanamataxeinaeinchi pia peayapusu itorobi coyenewa xaina beyacaincha xua ichamonae xaina pomonae jiwi pecanamataxeinaewichi. 16 Barapon Nacom meisa compa peyacuiya jinaein peantũyapusuwa po peantũyapusuwa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa itacũpaetsi xua imoxoyo peponaewa xua bichocono pecoicha pexeinaexae. Dapon aibi, pon bayatha tainchi Nacom. Mataũtano dapon aibi pon itacũpatsi xua Nacom petaewatsi tsainchi. Barabũ jiwi Nacom barũ cui

itura jinaeinchi, xua ataya tsane. Matautano barabu Nacom itorobina jiwitha pia peayapusu itorobiwatha xua bara ataya tsane. Je bara ichi tsane.

<sup>17</sup> Pomonae xua bichocono copei pexeinae jiwi itorobare xua jopa ichamonae aebi tsainchi. Matautano itorobare xua jiwi jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowuntsina Nacom, pon jopa juniya naca cataponaeayo daxita pocotsiwa xua po coyenein nantawenonatsi xua wanaca juntu coyene weiweina exanaenexa. <sup>18</sup> Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyenewan, icha be juta coyeneya ichi poxonae copei nawita xeina. Barapomonae bewa piawa jiwana wecaenaetsina xua ichamonae pecatsibiwa tsainchi pomonaetha pomonae xua jopa xeinaeyo xua pocotsiwan nantawenona. Matautano barapomonae bewa yawenaena piamonae. <sup>19</sup> Icha barapomonae barapo coyenein exana, baroxonae barapomonae pia coutha nayawena xua nacui wnaeta pocotsi coyenewa xua bexa tsane, xua daxota baroxonae pexeinaewa tsane peajuntuayapusawa, po peantuayapusawa xua ataya tsiteca.

*Meje yabara xua Pablo najume wetsiya paeba*

<sup>20</sup> Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitawatsinde po jumein xua bapana jiwi jopa yawenaetsi. Matautano jopa jume matsontsonoba exanaeinde ichamonaetha pomonae yabara cueicueijej pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo. <sup>21</sup> Pomonae jume cowunta pocotsiwa poxonae yabara cueicueijej peyaputae coyenewa, barapomonae jiwana nacui barapenta po coyene xua Jesucristo pejume cowuntsiwatsi.

Barabu Nacom pon jiwi Pecanamataxeinaein, bichocono cayawenaena pia necaantobexae.

Baja Pablo.

## Meje Po Carte Cotacaya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina,  
Timoteo tatinatsi*

<sup>1</sup> Jaco Timoteo, xan Pablon, Cristo Jesús pia peitorobi jiwi jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwi jiwana tatsin, tsipei Nacom bayatha peexanaexae pocotsiwa bayatha tsiyabara w<sub>nae</sub> muxu duta jiwitha. Po peyabara tsiw<sub>nae</sub> muxu dutsiwa, xua Nacom catsina jiwitha peaj<sub>unt</sub>yap<sub>us</sub>u<sub>wa</sub>, po peaj<sub>unt</sub>yap<sub>us</sub>u<sub>wa</sub> ataya tsiteca. Barapo peaj<sub>unt</sub>yap<sub>us</sub>u<sub>wa</sub> jiwi catsibeibinchi poxonae jiwi jume cow<sub>ante</sub>ibina Cristo Jesús. <sup>2</sup> Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, ir<sub>u</sub> Jesucristo, pon Wanacanamateaxinaein, baraponbe barab<sub>u</sub> amanayiya cayawenaenabe pia necaantobexaebe. Mata<sub>ut</sub>ano baponbe nantanuweya cayabara nanta xeinaenabe pia necayawenaenexa tsanebe. Mata<sub>ut</sub>ano ichichipan xua baponbe j<sub>unt</sub>ema popona caexanaena.

*Meje yabara xua Pablo yabara paebe xua Timoteo bewa  
jume cow<sub>anta</sub> ducuaenaebiyaena*

<sup>3</sup> Poxonae Nacom tsipaebeiban jan tsaibinje: “Nacom, maisa j<sub>unt</sub>u coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei taj<sub>unt</sub>u coyene netsipaeba xua pinae bara beta exanan. Barichi tamo susato jiwi tanacuita barapon Nacom. <sup>4</sup> Xam cayabara nanta xeineibatsi xua poxonae matha cain bichocono nesiwa wecoyam poxonae cacuenta warapatsi. Maisa be cataeinchi merawintha, yawa matakabintha xua bichocono taj<sub>unt</sub>u coyene weiweinaewa tsane. <sup>5</sup> Xan nanta xeineiban xua xam bara xaniwaicha beta jume cow<sub>antsi</sub>ya poponame Nacom. Po pejume cow<sub>antsi</sub>wa xam Nacom tsita xeiname, barapo pejume cow<sub>antsi</sub>wa copiya matha acue Loida, ir<sub>u</sub> ena Eunice Nacomtha tsita xeinabe, beya poxonae xam ir<sub>u</sub> jume cow<sub>ant</sub>ame. Bara beta yaputan xua xam ir<sub>u</sub> barapo pejume cow<sub>antsi</sub> coyenewa Nacom tsita xeiname anoxuae.

<sup>6</sup> Daxota catsipaebatsi, beta naj<sub>unt</sub>u coyene tsacabare, xua yabara nanta xeiname po cui coyenewa Nacom cacata xua po cui coyenyatha xua xanepanaya neexanae ducuaenaebiyaenexa pocotsiwa Nacom caitoroba. Barapo cui coyene bayatha Nacom cacata poxonae canta jayabatsi. <sup>7</sup> Tsipei

Nacom poxonae naca cata pia Pejumope t̄nax̄u tatsi, barapo pejumope t̄nax̄u tatsi jopa jiwi junuwa cana exanaetsi. Jame Nacom naca cata barapo pejumope t̄nax̄u tatsi, xua waxeinaewa tsane peayapus̄u itorobi coyenewa. Matautano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom matautano xuano jiwithano. Matautano Nacom naca cata barapo jumope xua waxeinaewa tsane po cui coyene beta penayabara nanta xeinae coyenewa xua beta peexanaewa tsane. <sup>8</sup> Jopa aurande poxonae yabara cueicueijam Jesucristo, pon Wanacanamataxeinaein, xua poxonae bequein ichamonaе cacui capona. Matautano jopa neyabara aurande xua jiwi pec̄abi botha taecaewa. Baxua necana exana tayabara cueicueijeixae Jesucristo, xua jiwi catsawiya taneyabara nanta xeinaexae xua pinae abe exanan. Cui bar̄u jejande xua ichamonaе bara canth̄th̄u jopojopeya atene exana, icha xan ichin xua yabara cui copatan xua bara ichamonaе atene tana neexanaewa tsane. Baxua cacana exana neyabara cueicueijeixae Nacom pia pexeinya diwesi jume. Nacom cacata peayapus̄uwa baxua nexa, xua jopa nejunuwiwa tsane poxonae caatene exana. <sup>9</sup> Nacom naca capanepa abe waexanae cuiru coyenein weya. Matautano Nacom naca waba xua Nacom watsita naj̄nt̄u coyene xanepana exanaewa tsainchi. Apra jopa naca wabiyo poxoru xanepanaya waexanaexaetsi. Apra jame naca waba, tsipei caena bayatha yabara nanta xeina baxua, beya poxonae forota barapo cae pin nacue xua amanayiya pia wanaca yawenaetsi pia wanaca antobexae. Nacom naca yawena caemonaе pebar̄aya wanabar̄u jinompaexae Cristo Jestha. <sup>10</sup> Nacom naca tsita it̄ta pia peantobewa poxonaе itorobicatsi Jesucristo, pon Wanacacapanenebiyaеin. Bapon weraweraca cana exana po peayapus̄uwa xua xota jiwi t̄pa exanatsi. Matautano naca tsita it̄ta po coyenewatha xeinatsi peant̄uyapus̄uwa, po peant̄uyapus̄uwa ataya tsiteca wajume cow̄antsixae Nacom pia pexeinya jume diwesi tatsi, po diwesi xua Jesucristo yabara.

<sup>11</sup> Nacom newaba xua tacueicueijeinexa barapo pia pexeinya diwesi jume tatsi. Matautano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonaе jopa judiomonaе naexanaeyo. <sup>12</sup> Taexanaexae baxua, daxota atene neexana ichamonaе. Daichitha jopa aurinyo xua tayabara cueicueijeiwa Cristo, poxonaе bequein ichamonaе atene neexana, tsipei yaputan pontha pon tajume cow̄antsixae xua peitac̄paewatsi xua tana neyawenaewa. Bara beta yaputan xua bapon xeina

peayapusuwa xua tana neyawenaewa. Bapon neyawena xua tacueicueije tsurucuaenaebiyaenexa tsane pocotsiwa bayatha bapon neitoroba, beya poxonae barapo matabi tsane, po matabitha poxonae patopeicaena Jesucristo.

<sup>13</sup> Necui coyene jupaeya exana ducuaenaebiyama, po pecuidubiwa bichocono xanepana xua bayatha catsipaebatsi. Jume cowantsiya poponare, matautano antobeya poponde Nacom, iru jiwithano, caemonaeya peburuya wanabaru jinompaexae Cristo Jesustha. <sup>14</sup> Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumope tuxatu tatsi cacata, po pejumope tuxatu tatsi naca baru jinompa.

<sup>15</sup> Bayatha yaputaneme pomonae Asia nacuatha jinompa daxita barapomonae nepunapenta. Pomonae nepunapenta, barapomonae jiwana ichu pewan Figelo, ichu pewan Hermógenes. <sup>16</sup> Barabu Nacom pon jiwi Pecanamataxeinaein yabara nantanuweya nanta xeinaena pomonae Onesiforo pi-amonae tatsi, xua Nacom peyawenaewa tsane barapomonae. Bapon Onesiforo nejuntu tsacaba poxonae beta xanepanaya neyaweneiba. Bapon jopa neacauriyo xua jiwi pecubi botha taecaewa. <sup>17</sup> Poxonae bapon patopa Roma tomaratha bapon matowa newenawenei tsurucuaenaebiya beya poxonae matapainya necaxina. <sup>18</sup> Barabu Nacom pon jiwi Pecanamataxeinaein, bapontha nantanuweya yabara nanta xeinaena peyawenaenexa tsane, poxonae po mataqueitha Nacom yabara paebina jiwi xua penatsicuentisiwa xua abe peexanaexae. Xam yaputaneme bara, xua bapon neyawena nawita Efeso tomaratha.

## 2

*Meje yabara xua Pablo yabara paeba xua ponba beta tanacuita pia pecanamataxeinaeinchi*

<sup>1</sup> Xam Timoteom, be taxantom catsicotainchi. Najuntu coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonaeya peburuya jinya nenaexanaexae Cristo Jesustha. <sup>2</sup> Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowantsiya xaniwaicha cuidubina ichamonaetha pocotsiwa xua cueicueijan.

<sup>3-4</sup> Yabara baru cui copare xua bara ichamonaeya atene necaexanaewa tsane, nejume cowantsixae Jesucristo icha xan ichin xua yabara cui copatan xua bara ichamonaeya atene tana neexanaewa tsane. Poxonae baxua exaname, xam bara



juta coyene ichim icha be soldadomonaepin ichi. Bapon ba atene exanatsi poxonaе naba, xua peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsiexana piawa poxonaе cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae. <sup>5</sup> Barapocotsi juta coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonaе bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa. <sup>6</sup> Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa. <sup>7</sup> Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputaename daxita.

<sup>8</sup> Jesucristo yabara nanta xeinare. Bapon Jesucristo pon naexana xua David pia pemomoxi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asu exana petupaе cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha. <sup>9</sup> Barapo diwesi tacueicueijeixae daxota ichamonae atene neexana, beya poxonaе penaintotha necuba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonaе jiwi pecubi botha tana neetsixae. Tsipei awiya cataunxuae jiwi jume tane barapo diwesi. <sup>10</sup> Daxota jopa junuwinyo xua ichamonae atene tana neexanaewa, matautano bara copatan xua bara moya necana exanaena baxua. Daxota baxua bara copatan pomonaе Nacom pia peitapetsi jiwi tatsi barapomonaе nexa, xua barapomonaе iru pecapanenebiyaenexa tsainchi xua Cristo Jesús capanenebiyaena. Poxonaе barapomonaе barapo diwesi xeinaena, po diwesi pecapanenebiyae coyenewa, bapoxonaе muxuna xeinaena pexeinya peajuntuyapusuwa, po peajuntuyapusuwa ataya tsiteca xua Nacom pia nacuatheicha tatsi.

<sup>11</sup> Baraxue bara xainyei xua jei:  
Icha copatatsi xua bara ichamonae naca atene exana wajume cowantsixae Cristo beya poxonaе naca tupa exana, icha poxonaе Cristo cana ichichi, bapoxonaе yawa muxuna jinompaeinchi Cristo xua pia nacuatheicha.

<sup>12</sup> Icha waxainchi awiya jume cowanta dubenanaebiyatsi xua poxonaе bequein ichamonae

naca atene exana, icha Cristo cana ichichi, bapoxonae barapo coyenewa yawa muxuna waxainchi Cristo, bar<sub>u</sub> canamataxeinaeinchi jiwitha, waitorobiya ewatsinexa tsane barapo jiwi.

Icha waxainchi itawetsiya yabara jeichichi Cristo: “Bapon jopa yaputaeinyo”, jeichichi, bapon xuya itawetsiya naca yabara jei tsane: “Bapomonae jopa yaputaeinyo”, naca yabara jei tsane Cristo.

<sup>13</sup> Icha jopa beta xaniwaicha jume cow<sub>u</sub>ntsiya jinompaetsi, daichitha bapon cataunxuae exana ducuaenaebiyaena pocotsiwa xua bayatha jiwi yabara paebatsi.

Baxua exana, tsipei Nacom jopa itac<sub>u</sub>paetsi xua exana pocotsiwa jopa be pia cuiyiyo tatsi.

*Meje yabara xua pon beta petanacuichin xua ich<sub>u</sub>n beta petanacuichiwatsi*

<sup>14</sup> Xuaunxuae catsipaebatsi baraxua paebare ichamonae aetha yawano cui itorobare baraxua barapomonae Nacom peitabaratha tatsi. Jande barapomonaetha: “Jopa yabara pana najume matsontsonoba exanaeinde xua po diwesin ichamonae pepaebixae”, jande. Barapo penajume matsontsonobiwa barapo coyenewatha bapana jopa naca yawe-nae. Barapo coyenewa saya abe cana exana pomonaetha pomonae jume tane. <sup>15</sup> Exande daxita pocotsiwan pexanepanae coyenewa xua Nacom nexa, xua Nacom jinya necacui taenexa xua bara beta tanacuitame Nacom. Bapoxonae xam jopa nayabara acauram tsane pocotsiwa xua beta xaniwaicha necaunutsiya paebixaem Nacom Pejume Diwesi, po diwesi pejume xainyei jume. <sup>16</sup> Jopa yabara najume matsontsonoba exanaeinde po jumein xua pejumexaei, po jumein xua saya yabara cueicueijei pocotsiwa xeina barapo cae pin nacuathe, po jumein xua bapana jiwi jopa yawe-naetsi. Tsipei pomonae bapocotsiwan paeba, eexanapona pocotsiwan abe peexanae cuiru coyenewan. <sup>17</sup> Barapomonae abeya pia pecuidubi coyenewan tatsi taj<sub>u</sub> nayoyotapona, icha be ichi xua tsuweto xua b<sub>u</sub>pana putsuna xua beya taj<sub>u</sub> putsuna pona. Barapocotsi coyene xua taj<sub>u</sub> nayoyotapona, exanabe pon pew<sub>u</sub>n Himeneo ir<sub>u</sub> pon pew<sub>u</sub>n Fileto. <sup>18</sup> Baraponbe jume naitematabe pocotsiwa pexainyei coyenewa. Baponbe naerabiya jeibe: “Bayatha Nacom nacui weta xua as<sub>u</sub> exana, xua jiwi equeicha jopa as<sub>u</sub> peexanaewa tsainchi pomonae bayatha werapa”, jei baponbe xua naeraba paebabe. Baponbe ainya muxu cana exanabe ichamonaetha

xua barapomonaē jopa xapain pejume cowantsiwa tsane Nacomtha. <sup>19</sup>Nacom pia pexainyei coyenewa, peayapuswa, xua icha cui coyeneya jopa naexanaeyo. Barapon Nacom pia pexainyei coyenewa tatsi jeye: “Nacom pon jiwi Pecanamataxeinaein yaputane pomonaē piamaexae tatsi”, jei. Matautano equeicha jeye: “Daxita pomonaē xua nawan duba xua jei: ‘Paxan Cristobaru pan, pon jiwi Pecanamataxeinaein’, jei, bewa barapomonaē naitematsina abe peexanaē cuiru coyenewan”, jei Nacom pia pexainyei coyenewatha.

<sup>20</sup> Botha ba ichaxota pin bo, barapo bo xeina penain coroton pocotsiwa pewan oro nain, yawano icha penainwan pocotsiwa pewan plata nain. Matautano ba muxuna xeina napae coroton. Matautano ba xeina tsorobo coroton pocotsiwan be juruwaton. Po coroton xua pexeinya coroton, barapo coroton pecanamatawenonaenexa penabarū itata weiweinae matakabintha. Po coroton xua saya pexeinya coroton aibi, barapo coroton pecanamatawenonaenexa daxita matakabintha. <sup>21</sup> Bara jūtiya ichi, icha pebin ichichipa exana xua pocotsiwa pexanepanaē coyenewa pon jiwi Pecanamataxeinaein nexa, bapon bewa naitematsina abe peexanaē cuiru coyenewa xua Nacom pejūntū coyene xanepana exanaenexa bapontha. Vapoxonaē bapon itacūpatsi xua peexanaewa daxita carepaya coyenein pocotsi coyenein Nacom tsita xanepanatsi.

<sup>22</sup> Xam naitemare pocotsi coyenewan pewowi exana xua poxonaē abe exana. Exana ducuaenaebiyama pocotsiwa pexeinya jūntū coyenewa. Matautano beta jume cowanta ducuaenaebiyama. Matautano antobe tsurucuaenaebiyama Nacom, matautano jiwithano. Matautano jūntema popona ducuaenaebiyama. Xam itapeta napuna ponde pomonaē pejūntū coyene xanepanaewi poxonaē Nacomtha tsipaeba pon jiwi Pecanamataxeinaein. <sup>23</sup> Naitemare po peyabara najume matsontsonobiwa jopa xapain wūnaeyo xua jopa xapain peyaputae coyenewiyo, tsipei xam yaputaneme xua jiwi barapocotsi jumetha ba yabara naba. <sup>24</sup> Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wūnaeya exanaena xua daxita carepaya coyene cuintha daxita jiwitha. Matautano bewa bapon beta cuidubina ichamonaē. Matautano bapon bewa saya jūntema poponaena poxonaē bequein abe taexanatsi ichamonaē. <sup>25</sup> Matautano bapon bewa saya bewayo jūntū coyene wūnaeya muxuwetsina pomonaetha pomonaē peacuiifaetabiwichi xua bapon xainyeya pia pecuidubiwa ichamonaetha. Matautano bapon bewa abū ewatsina xua icha metha Nacom

copatsina xua barapomonaē icha jũntũ coyene pexeinaenexa xua peauraxae xua abe exana. Mataũtano barapon bewa abũ ewatsina xua barapomonaē peyaputaewa tsane pocotsiwa xua Nacom pia pexainyei coyenewa tatsi. <sup>26</sup> Poxonae baxua yaputaena, bapoxonae barapomonaē, pomonaē copiya pemuxufebiwi itacũpaeinchi xua beta nanta xeinaena rejũntũ coyenewatha. Barapomonaē yaputaena xua deta cou eexanapona pocotsiwa caurimonaē pia pentacaponaein tatsi jũjũta, xua pocotsiwa abe peexanaewa, pocotsiwa bapon peitorobixae. Bapoxonae barapomonaē itacũpaeinchi xua panenebiyaena bapon weya, mataũtano xua tamropata notarũcũpaena xua exana pocotsiwa Nacom ichichipa.

### 3

*Meje yabara xua po coyeneya jiwi exanaena poxonae po matacabitha opi ducuaena*

<sup>1</sup> Ichichipan xua neyaputaewa tsane xua poxonae po matacabintha opi dubenaena barapo matacabin jiwi taayapube tsainchi. <sup>2</sup> Jiwi barapo matacabintha bichocono pia coutha naantobe tsane. Barapo jiwi bichocono Ʃ pitaparatixichi tsane. Yawano mataũtano aebina ichamonaetha. Mataũtano bichocono atsaca tsaneno. Mataũtano biataenano ichamonaetha, mataũtano Nacom biataeinchi. Mataũtano barapomonaē jopa jume jejei tsaibi tsane paxeiwi. Mataũtano barapomonaē jopa wecobe jacobiya noteibiyo tsane poxonae ichamonaē catsibeiba. Mataũtano abe yabara nanta xeineibina pocotsiwa Nacom piawa tatsi. <sup>3</sup> Mataũtano piamonaē jopa tsita xeinae tsane peantobe coyenewa. Mataũtano ita aenae-aenei tsurubenanaebiyae tsane ichamonaetha. Mataũtano yopita dubenanaebiyaena xua ichamonaē pocotsiwa abe peexanaewa. Mataũtano jopa itacũpae tsainchi xua najũntũ coyene itorobina xua xanepanaya peexanaewa tsane. Mataũta barapomonaē bichocono anaepanaena xua ichamonaē beinchi. Mataũtano barapomonaē bichocono aichaxaibi tsane pocotsiwan xanepana. <sup>4</sup> Barapomonaē pomonaē jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonaē pia coya nacayabara nanta xeinaena xua peainya cui jiwi tsane. Saya barapomonaē itapetsiya naitomatsina xua pocotsiwa cui xeica penaexanaewa. Barapomonaē naitematsina pocotsiwa Nacom pia pexainyei coyene tatsi. <sup>5</sup> Bequein barapomonaē xanepanaya exana dubenanaebiyaena icha be ichi xua poxonae pomonaē xaniwaicha pejume cowũntsiwi, daichitha barapomonaē jopa xaniwaicha jume cowũntsiyo xua icha jũntũ coyene pexeinaewa tsane.

Jopa bewa bara pocotsimonae imoxoyo napuna pon-aem xua barapomonae necuiyainwam. <sup>6</sup> Barapomonae jiwana pomonae bomuxantha pateibina muxujainyabeib-inchi yabuxi, po yabuxi jinompa barapo bomuxantha, po yabuxi xua anacaurea xua penacui yaputaexae xua abe exana bayatha. Barapowaxi awiya came jopa xanepanaya exanaeyo, poxoru saya exana pocotsiwa pia coutha ichichipa exana. <sup>7</sup> Barapo yabuxi jume naitawata nawita, daxita carepaya po coyenein xua jiwi paeba, bara bequein jopa xanepanaya paebiyo. Daxota barapo yabuxi jopa itacupaetsi xua peyaputaewa pocotsiwa xua Nacom pia pexainyei coyenewa tatsi. <sup>8</sup> Caena bayatha pon pewan Janes, iru ichan pewan Jambres, baponbe mara pexeinaeinbe, baponbe cui matawentabe Moiestha, xua Moisés pia peexanae coyenewatha. Icha baponbe ichi, barichi barapomonae yabara jume matawenta Nacom pia pexainyei coyenewa tatsi. Barapomonae saya yabara nanta xeina nawita pocotsiwa peabe coyenewa. Barapomonae taseicatsi pejume cowantsiwa, po pejume cowantsiwa pexainyei jume. <sup>9</sup> Barapomonae jopa beta dubenanaebiyae tsane, tsipei daxita nacuanpiwi cui yaputaena xua barapomonae apara pomonae jopa xanepanaya peexanaewi, icha be ichi poxona caena bayatha jiwi cui tane xua Janes iru Jambres jopa beta exanaeyobe.

*Meje yabara po diwesi xua Pablo najume wetsiya paeba poxona Timoteo itorobatsi*

<sup>10</sup> Ichitha xam bara beta exanaponame pocotsiwa tacuidubiwa. Matautano necui taneme xua bara beta poponan. Matautano necui taneme xua tacoutha yaputan pocotsiwa taexanaewa tsane Nacom nexa. Matautano necui taneme xua bara beta jume cowantsiya poponan Nacomtha. Matautano necui taneme xua saya awiya beta jantema poponan poxona bequein ichamonae jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan. <sup>11</sup> Xam yaputaneme xua jiwi bichocono abe necana exana tajume cowantsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Listra tomarathano. Ichitha pon jiwi Pia Pecanamataxeinaeinchi neyawena xua necapanepa barapomonae pia xainya weya. <sup>12</sup> Bara xaniwaicha, daxita pomonae ichichipa xua najantu coyene xanepana exana dubenanaebiya Cristo Jesustha, barapomonae iru atene exanaeinchi ichamonae. <sup>13</sup> Ichitha pomonae peajantucoyenebe jiwi, iruru pomonae

pemuxujainyabi jiwi, daxita barapomonaе bichocono abe eexanaponaena beyacaincha xua copiya. Barapomonaе muxujainyabiya canamataxeina ichamonaе, xua abe peexanaenexarᵃ, matautano xua barapo ichamonaе irᵃ xuya pemuxujainyabiya canamataxeinaenexa ichamonaе, xua abe peexanaenexarᵃ.

<sup>14</sup> Ichitha xam awiya beta exana ducuaenaebiyama pocotsiwa xua nacuidubame, xuano xua bichocono nejume cowᵃntsiwa. Xam bayatha yaputaneme pomonaе xua cacuiduba barapo coyenein, pomonaе pejᵃntᵃ coyene xanepanaewi. <sup>15</sup> Poxonaе pexuyotham yaputaneme Nacom Pejume Diwesi. Barapo diwesi itacᵃpatsi xua necacuidubiwa xua necacapanepaewanexa abe jinya neexanae cuiru coyene weya nejume cowᵃntsixae Cristo Jesús. <sup>16</sup> Daxita carepaya Nacom Pejume Diwesiin tatsi, barapo diwesiin Nacom ayapusᵃ diwesiin exana. Daxita barapo diwesiin xanepana xua jiwi pecuidubiwa tsainchi. Matautano daxita barapo diwesiin xanepana xua jiwi yaputane peexanaenexatsi poxonaе abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesiin xanepana xua jiwi peyawenaenexatsi xua pejᵃntᵃ coyene xanepana dubenanaebiyaenexa Nacomtha. <sup>17</sup> Barapo diwesiin jiton xanepanaya canacui weta exanatsi xua beta peexanaewa tsane pon Nacom piamonaе jiwana jiton tatsi. Barapo diwesiintha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

## 4

<sup>1</sup> Nacom peitabaratha tatsi yawa Cristo Jesús peitabaratha tatsi, baponbe peitabaratha tatsi caitorobatsi. Bapon Cristo Jesús patopaetsica be pon jiwi itorobiya pia pepa Pee-watsinchi. Matautano bapon yabara paebina jiwi xua penatsicuentsiwa xua abe peexanaexae, pomonaе xua anoxuae cataunxuae asᵃ jinompa, irᵃno pomonaе xua bayatha werapa. <sup>2</sup> Caitorobatsi xua cueicueijande Nacom Pejume Diwesi. Beta jume daunweya cueicueijam tsaibinde Nacom Pejume Diwesi poxonaе jiwi ichichipa cajume taibina, matautano poxonaе bequein jiwi jopa ichichipaeyo xua necajume taewa. Barapomonaе jᵃntᵃ coyene yaputane exande xua barapomonaе petaseicaewatsi pejᵃntᵃ coyene xanepanaewa Nacomtha. Matautano barapomonaе yabara muxuwere abe pia peexanae cuiru coyenein tatsi. Matautano

barapomonaē jantū coyene cui tsacabare xua Jesucristo pe-  
 jume cowantsiwa tsainchi. Matautano bapana barapomonaē  
 jopa tsita xeinaeinde peaitaconaewa. Matautano bapana  
 jopa nacui copatsim tsane xua necuidubaponaewa bara-  
 pomonaē, xua bequein barapomonaē jopa Jesucristo pejume  
 cowantsiwichi taetham tsane. <sup>3</sup> Tsipei jopaena matacabi pox-  
 onae po matacabitha jiwi jopa jume cowantsi tsane barapo  
 pexainyei cuidubi jume. Barapomonaē saya u jeichina po  
 pecuidubiwi saya cuiduba pocotsiwa xua jiwi ichichipa jume  
 tane. <sup>4</sup> Barapomonaē saya naitemapenta xua aichaxaibi  
 pejume taewa pocotsiwa pexainyei jume. Saya barapomonaē  
 u jume naitaewatsina ainya diwesin, po diwesin xua saya pe-  
 jemaī diwesin. <sup>5</sup> Ichitha xam dotam. Najantū coyene babare  
 xua neexanaeyainwa pocotsiwa barapomonaē exana. Jopa  
 junuwinde xua ichamonaē poxonaē caatene exanaena ne-  
 jume cowantsixae Jesucristo. Ichitha xam exana ducuaanaere  
 jinya nenacuichiwa xua Nacom pia pexeinya jume diwesi  
 necueicueijeī ducuaanaetsiwa. Daxita wetsiya exanare pocot-  
 siwa jinya netanacuichiwa Nacom.

<sup>6</sup> Bara nama imoxoyo nebexubina tajume cowantsixae  
 Cristo. Matautano bara nama imoxoyo xua po mataqueitha  
 tsane ponaein Nacom pia nacuatheicha. <sup>7</sup> Ajantūcuiyapusa  
 amanayaban caurimonaetha Jesucristo nexa, icha  
 soldadomonaē ichi xua poxonaē amanayaba pia  
 peaitafaetabiwichi. Bayatha nacui wetan pocotsiwa xua  
 bayatha Nacom neitoroba, icha jiton ichi xua patopa poxonaē  
 penaxenacaewa. Matautano jume cowantsiya poponan  
 Jesús, icha be pocotsi coyeneya ichi poxonaē jiton beta yapu  
 eena pocotsiwa itorobatsi pia pecanamataxeinaeinchi.  
<sup>8</sup> Anoxuae ewatan po pentoma Nacom necatsina xua  
 tajantū coyene xanepanaexae bapontha. Pon jiwi  
 Pecanamataxeinaein, pon xua yatsicaewa xainyeya jiwi  
 yabara paebatsi xua penatsicuentaēsiwa xua abe peexanaexae,  
 bapon pentoma necatsina po mataqueitha poxonaē bapon  
 patopeicaena. Saya meisa jopa compa necatsi tsane, irū  
 barichi tsainchi baxua catsibinchi pomonaē wūnaē ewatsiya  
 ichichipa xua pia pepatopaewa tsane bapon.

*Meje yabara xua Pablo waba xua Timoteo wabatsi*

<sup>9</sup> Nainya nesiwa ponde poxonaē caitacupa. <sup>10</sup> Pon Demas,  
 bapon nepunaxuba, tsipei bapon saya copei yabara cananta  
 xeina nawita pocotsiwa po cae pin nacuathe xeina. Bapon  
 Tesalónica tomara beya pona. Pon Crescente, bapon Galacia  
 nacua beya pona. Pon Tito, bapon Dalmacia nacua beya  
 pona. <sup>11</sup> Meisa pon Lucas, bapon xote barū ecan. Wenawe-  
 nande Marcos, cabarū dena tsane, tsipei bapon itacupatsi xua

tana neyawenaewa tsane. <sup>12</sup> Pon Tíquico bapon Efeso tomara beitorobian. <sup>13</sup> Poxonae nesiwa denam, inta carenande po paparuwa aitiy<sub>u</sub>, po paparuwa cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

<sup>14</sup> Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae. <sup>15</sup> Dotam xua bapon, tsipei bapon aichaxaibi pocotsiwa po diwesin cueicueijeichi.

<sup>16</sup> Poxonae tacoutha nayabara jume yawenaeya cueicueijan pentacaponawewi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom b<sub>u</sub> jopa cabetsi tsane barapomon-aetha xua tana nepunapentsixae. <sup>17</sup> Daichitha Nacom pon jiwi Pecanamataxeinaein, neyawena poxonae bequein ichamonae nepunapenta. Bapon peantuyapus<sub>u</sub>wa necata xua beta tacueicueijeinexa pijume diwesi xua pejume taewa tsane daxita pomonae jopa judiomonae naexanaeyo. Bapoxonae Nacom neyawena xua jiwi jopa necabetsiyo xua tat<sub>u</sub>paewa. <sup>18</sup> Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barab<sub>u</sub> jiwi ataya w<sub>u</sub>nae jainchina Nacomtha. Je bara ichi tsane.

*Meje yabara xua Pablo najume wetsiya paeba*

<sup>19</sup> Inta jacobare powa Prisca, ir<sub>u</sub> pia pebin tatsi, bapon Aquila. Ir<sub>u</sub> inta jacobare pon Onesíforo piamonae matab<sub>u</sub>x<sub>u</sub>yo tatsi. <sup>20</sup> Pon Erasto bapon eca Corinto tomaratha. Pon Trófimo, bapon cuenta ponan Mileto tomaratha yaitama atene. <sup>21</sup> J<sub>u</sub>j<sub>u</sub>re xua patopare xua pew<sub>u</sub>naeya poxonae beya aw<sub>u</sub>bo tsane. Pon Eubulo, ir<sub>u</sub> pon Pudente, ir<sub>u</sub> pon Lino, ir<sub>u</sub> powa Claudia, ir<sub>u</sub> daxita pomonae pejume cow<sub>u</sub>ntsiwi, daxita barapomonae cajacoba.

<sup>22</sup> Barab<sub>u</sub> Jesucristo, pon jiwi Pecanamataxeinaein cabar<sub>u</sub> poponaena. Barab<sub>u</sub> Nacom amanayiya cayawenaena jinya necaantobexae.

Baja Pablo.



## Meje Po Carte Pablo Tatina, Tito Tatinatsi

*Meje yabara poxonae Pablo tamropata pitaba xua tatina, Tito tatinatsi*

<sup>1</sup> Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomonaе pejume cowantsinexa Nacom. Pewnaeya copiya Nacom itapeta barapomonaе, xua pejume cowantsiwa tsainchi. Matautano neitoroba xua barapomonaе yaputane taexanaenexa Nacom pia pexainyei jume diwesi xua daxota barapomonaе Nacom peitabaratha xanepanaya pejinompaewa tsane. <sup>2</sup> Poxonaе barapomonaе jume cowanta Nacom, barapomonaе ewata xua Nacom catsina pia peajuntuyaruswa po peajuntuyaruswa ataya tsiteca. Bapon Nacom bapana jopa penaerabin. Barapo peajuntuyaruswa po peajuntuyaruswa ataya tsiteca, caena bayatha Nacom yabara tsiwinae muxu duta jiwi poxonaе cataunxuae jopa nacua forotsiyo. <sup>3</sup> Ichitha anoxuae nama Nacom peichichipaexae barapo matabitha daxota jiwi yabara yaputane exainchi xua pia pexeinya jume diwesi tatsi. Nacom necopata xua bara tacueicueijiwa tsane barapo diwesi daxita jiwitha. Nacom pon xua jiwi Pecapanenebiyaein neitoroba xua tacueicueijiwa barapo diwesi poxonaе necata barapo pia penacuichiwa tatsi xua tatanacuichinexa bapon. <sup>4</sup> Barapo carte cata tinatsi Titom, ponxaem be yatsicaewa taxantom catsicotainchi iru nejume cowantsixae Jesucristo. Barabu Nacom pon Waxa, iru Jesucristo pon Wanacapanenebiyaein petupae cuiru coyene weya, cayawenaenabe pia necaantobewaxaеbe. Matautano jantema popona caexanaenabe.

*Meje yabara xua Tito Creta tunaeto nacuatha nacuita*

<sup>5</sup> Caena bayatha Creta nacua tunaetha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomonaе pecanamataxeinaenexa pomonaе pejume cowantsi jiwi Nacom. Baxua eexanaponde daxita i dapo tomarantha icha be pocotsi coyeneya bayatha caitorobatsi. <sup>6</sup> Bayatha catsipaebatsi xua pon barapocotsi pitiri jiwi jiwana pin bewa poxonaе poponaena bewa iche: Bapon bewa xanepanaya poponaе xua ichamonaе jopa petsita natsicuentinexa tsainchi xua abe

peexanaexae bapon. Matautano bapon saya bewa cae pet-siriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanepanaya bewa jinompae xua daxota ichamonae jopa peyabara paebiwa tsane xua abe exana barapo pexui. Barichi matautano xua ichamonae jopa peyabara paebiwa tsane xua barapo pexui jopa jume jejeyo pocotsiwa coxiyın itoroba. <sup>7</sup> Po pitiri jiwi canamataxeina pomonae pejume cowantsiwi Nacom, barapomonae tanacuita Nacom piawa. Daxota ainya cui xua barapomonae xanepanaya bewa jinompae. Barapomonae jopa bewa jume-febi pocotsiwa xua Nacom itoroba. Matautano jopa bewa exanae pocotsiwa jiwi nainya bichoina anaepanaya jume nota. Yawano jopa bewa nacupa exanae, yawano jopa bewa nacayatsi. Yawano jopa bewa pitaparatixichi poxonae jopa xapain exanaeyo penacuichiwa. <sup>8</sup> Jame bewa barapomonae matenta weiweinaya wabeibi pomonae pesiwa poneibiwichi pia bontha. Yawa bewa ichichipae pocotsiwa xua wnae. Yawa bewa xanepanaya cayabara nanta xeinae. Yawa bewa beta exanae ichamonaetha. Yawa bewa exanae pocotsiwa Nacom itoroba. Yawa bewa yaputae xua pia coutha najuntı coyene itoroba xua beta peexanaewa. <sup>9</sup> Bewa ajuntıcoyenesıya jume cowantsina Nacom pia pexainyei jume diwesi tatsi po diwesi barapomonae cuidubatsi. Bapoxonae barapomonae itacupatsi xua xuya ichamonae jantı coyene tsacaba xua pejume cowantsiwa tsainchi poxonae cuiduba barapo pexainyei jume diwesi. Matautano barapomonae itacupatsi xua jume jejei cana exana pomonaetha pomonae bequein copiya pejume itawetsixaetsi pocotsiwa xua barapomonae cuiduba.

<sup>10</sup> Tsipei judiomonae jiwanapiwi bichocono pinmonae pomonae pejumefebiwı xua Nacom itoroba. Bichocono pinmonae pomonae jiwi peitorobiwi xua pebiwi bewa wi thabinchi ichaxota penareixacaenaewa. Pocotsiwa barapomonae cuiduba ichamonaetha saya pejumexaei. Yawano jiwi muxitorobatsi nawitano. <sup>11</sup> Barapomonae bewa pajume matawentsim xua jopa pepaebiwa tsane barapo jumein, yaitama barapomonae cana exana xua jopa jume cowantsiyo pomonae xua daxita matabıxımonaein tsiniya. Baxua exana poxonae cuiduba pejemai diwesi po diwesi jopa bewa cuidubi, jiwi peyamuxujainyabiya wıcaenexatsi paratixi.

<sup>12</sup> Caena bayatha popona pon Creta tunaetopiwi jiwanapin, pon piamonae yabara jeichi: “Wanacom pia peitorobi jume pepaebin tatsi”, jei. Barapon yabara cueicueijeı Creta tunaetopiwi pomonae piamonaexae. Bapon yabara jeje piamonae: “Maisa Creta tunaetomonae, barapomonae

jiwi muxuitorobeiba, yawa be unupiwi pomonae peaitoisa jiwi yawa napenajuba nawita yawa fifina nawita”, jei bapon. <sup>13</sup> Poxonae bapon baxua paeba barapara jume xainyeya paeba. Daxota xam Titom barapomonaе bichocono jume matawende xua barapomonaе xaniwaicha junteма pejinompaewa tsane xua Jesucristo pejume cowantsiwatsi. <sup>14</sup> Matautano cui matawende barapomonaе xua jopa equeicha pejume naitaewatsinexa judiomonaе pia pejemaі diwesi tatsi. Matautano cui matawende xua jopa pejume naitaewatsinexa pomonaetha pomonaе xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

<sup>15</sup> Pomonaе yabara jume cowanta xua Cristo tsitupa barapomonaе, barapomonaе jame pejunte coyene xanepanaewi. Barapomonaе daxita po coyenein xua tane tsita xanepanatsi. Seicaya nama pomonaе jopa yabara jume cowantsiyo xua Cristo tsitupa xua barapomonaе tsitupatsi, barapomonaе apara peajuntecoyenebewi. Barapomonaе daxita po coyenein xua tane tsita abetsi. Barapomonaе pia penanta xeinaewan jopa xaexaenaecaeyo, yawa pia junte coyenein tatsi po junte coyenein itorobeibatsi xua poxonae peexaneibinexa, bichocono jopa xaexaenaecaeyo. <sup>16</sup> Barapomonaе jei: “Nacom pajume cowantan”, jei. Daichitha poxonae exaneiba, icha coyene exaneiba icha ichi pomonaе jopa pejume cowantsiwi Nacom. Bara barapomonaе Nacom tsita abetsi pejumefebixaetsi pocotsiwa itoroba. Matautano jopa itacupaetsi xua exana pocotsiwa xua pexeinya penacuichiwa.

## 2

*Meje yabara pocotsiwa Nacom pia pexainyei jume diwesi tatsi*

<sup>1</sup> Ichitha xam Titom pocotsiwa cuidubame bewa cayabara cuita cananta xeineibim xua u pocotsiwa Nacom pia pexainyei jume diwesi tatsi. <sup>2</sup> Pitiri jiwi muxuwere xua jopa bewa nacupa naexanae peatsaxa meran. Matautano muxuwere xua xaniwaichiya pejinompaewa tsane xua daxota ichamonaе pebara cui itura jinaewa tsane, xua barapo pitiri jiwi pebara cui itura jinaewa tsainchi. Matautano muxuwere xua penajunte coyene itorobeibinexa xua peexaneibinexa po coyenein xua wnae. Matautano muxuwere xua xaniwaichiya pejume cowanta dubenanaebiyaewa tsane xua Nacom xaniwaicha pejume cowanta dubenanaebiyaewa tsainchi. Yawano muxuwere xua piamonaе peantobe tsurubenanaebiyaenexa. Yawano

muxuwere xua ayapusuya jume cowantsina poxonae bequein ichamonae abe taexanatsi. <sup>3-4</sup> Barichi pitiriwaxi muxuwere xua xanepanaya pejinompaewa tsane, icha be ichi poxonae jinompa powaxi jume cowanta Nacom. Matautano barapowaxi jopa bewa cueicueiei tsane po jumein xua abe xua ichamonae yabara paebatsi. Yawa jopa bewa nacpa naexanae peatsaxa meran. Matautano barapo pitiriwaxi muxuwere xua piseuriwi peantobe nexa tsaibi tsane, xua daxota iru xuya penawaxi pebarichinexa xua peexanaenexa po coyene wnae xua peantobe nexa tsaibi tsane piseuriwi yawa pia pexuithano. <sup>5</sup> Matautano muxuwere barapo pitiriwaxi xua penajuntu coyene itorobeibinexa xua peexaneibinexa po coyenein xua wnae. Matautano muxuwere xua penajuntu coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawenaenexa pomonaetha pomonae pia botha petajinompaewichi. Yawa muxuwere barapo pitiriwaxi xua jume jejei tsaibi tsane poxonae itorobeibatsi piseurixi xua ichamonae jopa abe peyabara paebinexa Nacom Pejume Diwesi.

<sup>6</sup> Matautano barichi pewowi muxuwere xua penajuntu coyene itorobeibinexa xua peexaneibinexa po coyenein xua wnae. <sup>7</sup> Xam Titom barapo pewowi peitutha tatsi xanepanaya eexanaponde daxita coyenein poxonae exaneibame. Barapoxonae barapo pewowi xua pebarichinexa xanepanaya peexanaenexa po coyenein wnae. Poxonae pewowi cuidubame xainyeya cuidubare nejuntu coyene wetsina. Matautano xanepanaya beta cuidubare. <sup>8</sup> Xanepanaya betiya cueicueijande xua ichamonae jopa abe necayabara paebiwa tsane. Daxota barapomonae aura tsaibi tsane xua abe necayabara paebeibiwa beta neexanaexae. Bapoxonae barapomonae jopa itacpae tsainchi xua abe wanaca yabara paebiwa.

<sup>9</sup> Tsipaebare pomonaetha pomonae pebusi cui tatayebeibiwichi xua amanaya tanacuita xua poxonae ichamonae tanacuitatsi, jande: "Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxonae paca itorobeiba painya nepaca canamataxeinaewi", jande. <sup>10</sup> Yawa jande: "Jopa pacaibinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacaca-

panenebiyaein abe waexanae cuiru coyene weya”, jande.

<sup>11</sup> Nacom bayatha naca yaputane exana xua bara naca yawena pia wanaca antobexae. Naca yawena poxonae naca capanenebiya. Barapo pecapanenebiyae coyene daxita nacuanpiwi nexa. <sup>12</sup> Barapo coyene xua Nacom pia peyawena coyene jiwitha pia peantobewaxae, naca cuiduba xua wanacui barapentsiwa tsane abe waexanae cuiru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowantsiwi, xua pomonae jinompa po cae pin nacuathe. Matautano naca cuiduba xua najuntu coyene itorobeibinchi xua waexaneibinexa po coyenein xua wanae barapo cae pin nacuathe yawa xanepanaya wajinompa dubenanaebiyaenexa xuano xua xainyeya waexana dubenanaebiyaenexa pocotsiwa Nacom itoroba. <sup>13</sup> Yawa naca cuiduba xua wawanae ewatsiya jinompaewa xua equeicha caewa patopaetsica pon xua bayatha Nacom yabara naca tsiwanae muxu duta. Waxainchi ewatatsi xua Jesucristo pia pepatopaewa pexeinya peitupanae coichatha. Bapon barapara wapepa Nacom xuano xua Wanacapanenebiyaein. <sup>14</sup> Jesucristo nacaenaeta xua naca tsitupa wanaca capanenebiyaenexa daxita coyenein weya xua abe waexanae cuiru coyenein. Matautano nacaenaeta wanaca juntu coyene xanepana exanaenexa poxonae naca yabara junteina abe waexanae cuiru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa wanae.

<sup>15</sup> Xam Titom barapo coyenein bewa cuidubim. Juntu cui coyene tsacabare xua barapomonae junteina pejinompaewa tsane. Matautano muxuwere daxita barapo Creta tunaetopiwi xua bara xanepanaya peexanaewa tsane daxita peitorobi coyeneyatha po peitorobi coyene xua Nacom cacata. Jinxoba barapomonae peitutha exaname po coyenewa xua daxota barapomonae tsita pecui pawinaenaewa.

### 3

*Meje yabara po coyene bewa exanae pomonae Nacom pejume cowantsiwichi*

<sup>1</sup> Xam Titom barapo Creta tunaeto nacupapiwi equeicha caewa yabara nanta xeina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponawichi. Matautano muxuwere xua bewa

barapomonaē najuntū cui w̄naetsiya exaneibina xua peex-  
anaenexa tsaibi tsane pocotsiwa xua w̄nae. <sup>2</sup> Matautano  
muxuwere xua bewa barapomonaē jopa abe paebi tsane xua  
ichamonaē abe peyabara paebiwatsi. Matautano muxuwere  
xua barapomonaē jopa bewa jume matsontsonobi ichamon-  
aetha. Matautano muxuwere xua barapomonaē bewa juntū  
coyene xanepanaya cueicueijeī ichamonaetha. Matautano  
muxuwere xua bewa barapomonaē barū cui itura jina dube-  
nanaebiyaena daxita jiwi.

<sup>3</sup> Caena bayatha copiya waxainchi jopa wajume  
cowantsiwi, jopa Nacom wayaputaexae. Yawa jopa wajume  
jejei jiwi pocotsiwa Nacom naca itoroba. Yawa waxainchi  
naca itaxanumena. Waxainchi wajuntū coyene naca itoroba  
xua waexanaewa pocotsiwa waichichipaewa pocotsiwa  
xua abe. Matautano naca itoroba xua bewa exanaetsi po  
peabe coyene naca weiweina exana icha ichi pomonaē  
jinompa po nacuathepiwi. Matautano abe peexanaē cui ru  
coyenein exana dubenanaebiyatsi, xuano xua peuwi juntū  
coyeneya jinompa dubenanaebiyatsi. Matautano ichamonaē  
naca ita aenae-aenei tsurubenanaebiya, yawano xua  
waxainchi nantiya naita aenae-aenei tsurubenanaebiyatsi.

<sup>4</sup> Ichitha Nacom pon Wanacacapanenebiyaēin yabara  
naca yaputane exana xua po coyene bapon naca juntū  
coyene xanepana exana, xuano xua wanaca antobewa  
poxonaē naca capanenebiya abe waexanaē cui ru coyenein  
weya. <sup>5</sup> Naca capanenebiya, apara jopa poxoruyo xua  
xanepanaya waexanaexae bapon nexa, apara poxoru  
nantanuweya naca yabara nanthū coyene xeina pia wanaca  
yawenaenexa. Poxonaē naca bautisaba meratha baraxua  
saya yabara caunuta xua Nacom pia Pejumope t̄naxū  
tatsi naca juntū coyene xanepana exana. Poxonaē baxua  
naca cana exana bapoxonaē pena juntū coyene xeinatsi,  
xua poxonaē Nacom pia Pejumope t̄naxū tatsi naca  
juntū cui coyene yabara cajuntemainā abe waexanaewan.

<sup>6</sup> Jesucristo pon Wanacacapanenebiyaēin nacata itorobica  
Nacom pia Pejumope t̄naxū tatsi pia jopa juniya wanaca  
yawenaenexa. <sup>7</sup> Poxonaē Nacom naca juntū coyene xanepana  
exana, bapoxonaē naca cana exana xua jopa wanatsiaenae  
cuentsinexatsi bapontha. Bapon naca yawena pia wanaca  
antobexae. Daxota waxainchi ewatatsi xua Nacom wanaca  
catsibiwa tsane peajuntūyarusūwa, po peajuntūyarusūwa  
ataya tsiteca, tsipei bapon pia pexuichi.

<sup>8</sup> Baxua jame xainyeya pepaebiwa. Ichichipan xua xam  
jume daunweya tsipaebiname barapomonaē xua bewa bara-  
pomonaē barapo coyene exanaena pomonaē xua pejume  
cowantsiwixae Nacom. Bapoxonaē barapomonaē cui enatsi

xua peyabara nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi. <sup>9</sup>Dotande xua necuiyainwande xua ichamonae yabara necabar<sub>u</sub> najume matsontsonobiwa tsane po diwesin xua pejema diwesin. Matautano cuiyainwande xua yabara necabar<sub>u</sub> cueicueijejewa judiomonae pia pamo susatopiwi tatsi pia w<sub>u</sub>nxi tatsi. Matautano cuiyainwande xua penajume matsontsonobiwa xuano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyeiwanxae.

<sup>10</sup> Icha ich<sub>u</sub>n cana exana xua pomonae Nacom pejume cow<sub>u</sub>ntsiwichi, cana exanatsi xua barapomonae pomonae Nacom pejume cow<sub>u</sub>ntsiwi be pomonae jopa penayaitae jiwi penaexanaewa tsane xua penaita aenae-aeneiwa, bara bapon muxuwere. Icha equeicha jopa xapain exanaeyo equeicha muxuwere. Icha equeicha jopa beta exanaeyo bapoxonae bapon itawere painya xainya weya. <sup>11</sup> Yaputaneme xua barapon pia coutha naj<sub>u</sub>nt<sub>u</sub> coyene matanonoxuba xua abe peexanae cuiru coyene peexanaewa. Daxota abe peexanaexae pia coutha natsicuenta exana Nacomtha.

*Meje yabara xua Pablo muxu tsipaeba pocotsiwa bewa Tito exanaena*

<sup>12</sup> Poxonae nexainya beya cata itorobatsi Artemas, ichacuitha tsipae icha cata itorobatsi Tíquico, nexata bapoxonae yacuinaya ponare Nicópolis tomara beya. Nexata barapo tomarathiya netaename, tsipei bayatha nanta xeinan xua baxotiya taecaewa tsane aw<sub>u</sub>botha. <sup>13</sup> Zenas pon jiwi yaweneibatsi peyabara yaputaeinxae peitorobi coyenein, ir<sub>u</sub>r<sub>u</sub> pon pew<sub>u</sub>n Apolos pon xua casiwa ponabe baponbe yawendebe. Bara exande be pocotsi coyeneya xua caitac<sub>u</sub>pa xua yawename. Baponbe carebe pocotsiwa xua canantawenonabe poxonae pewarapaenexabe xua jopa petaseicaenexa tsainchibe. <sup>14</sup> Barab<sub>u</sub> wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Bapoxonae pia j<sub>u</sub>nt<sub>u</sub> coyenein tatsi Nacom tsita xanepanatsi.

*Meje yabara xua Pablo najume wetsiya paeba*

<sup>15</sup> Pomonae taxantha ena barapomonae cajacoba. Painta jacobare pomonae Jesucristo pejume cow<sub>u</sub>ntsiwichi, pomonae bichocono paantobein pejume cow<sub>u</sub>ntsixae.

Barab<sup>u</sup> Nacom paca yawenaena daxita paxam pia paca  
necaantobexae.  
Baja Pablo.



## Meje Po Carte Pablo Tatina, Filemon Tatinatsi

*Meje poxonae Pablo tamropata pitaba xua tatina, Filemón tatinatsi*

<sup>1</sup> Xan Pablon, ponxaein jiwi pecubi botha taneetsin xua tanatsipei cueicueijeixae Cristo Jesús yabara. Iru Timoteo, pon iru pejume cowantsin Jesús, baponbe panbe barapo carte pacata tinatsi. Xam Filemón ponxae bichocono paca antobetsi tsipei pana yantame xua cueicueijam Nacom Pejume Diwesi. <sup>2</sup> Iru pata tinanbe pomonaetha pomonae pejume cowantsiwi Jesús pomonae jinya botha nacaetuteiba. Iru barapo carte yabuyo nexa powa pewun Apia, powa be wamcho watsicotaewa pejume cowantsixaeru Jesús. Iru barapo carte pebin nexa pon pewun Arquipo, pon daunweya pana nebaru nacuita xua poxonae pata cueicueijejewa Nacom Pejume Diwesi. <sup>3</sup> Barabu Nacom Waxa iru Jesucristo pon jiwi Pecanamataxeinaein paca yawenaena pia paca necaantobexae, xuano xua jantema jinompa paca exanaena.

*Meje yabara xua Filemón Cristo antobetsi xuano xua jume cowantano*

<sup>4</sup> Poxonae Nacomtha tsipaebiban cayabara nanta xeineibatsi jan tsaibin: “Axa, Nacom sawnae jaintatsi tsipei Filemón nejuntu coyene weiweina exana”, jan tsaibin. <sup>5</sup> Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Matautano jume tan xua pinae antobem Jesús xua irano pinae antobem daxita pomonae pejume cowantsiwi. <sup>6</sup> Nacomtha tawucan xua pomonae Jesús pejume cowantsiwi xua barapomonae taena xua waxainchi be nacaemonaetsi wajume cowantsixae. Matautano Nacomtha tawucan xua barapomonae xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowantsixae Cristo Jesús. <sup>7</sup> Taneantobemxae nejuntu coyene tsacarabame yawa nejuntu coyene weiweina exaname xua xaniwaicha jantema tapoponaewa tsane. Xam ponxae be tayapin canatsicotainchi iru nejume cowantsixae Jesús. Beta nepoponaexae daxota beta jinompa daxita pomonae pejume cowantsiwi Cristo Jesús.

*Meje xua Pablo Filemón wucatsi xua Onésimo tawucatsi, pon Filemón pia pebusi cui taetaeinchi*

8-9 Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein matautano anoxuae jiwi pecubi botha neeta tanatsipei cueicueijeixae Cristo Jesús yabara. <sup>10</sup> Cacui itorobatsi xua neyawenaenexa Onésimo. Bapon taxanto be tatsico-taein taneyawenaexae xua cueicueijeji Jesús yabara poxonae cataunxuae xote ecanje jiwi pecubi botha. Bapon bayatha nexainya weya nametaba, pon bayatha amanaya necata nacuichin.

<sup>11</sup> Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixaetsi. <sup>12</sup> Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein. <sup>13</sup> Xan ichichipan xua bapon taxantha eca xua barapon tana neyawenaenexa po penacuichiwa inta exaname xua iru poxonae cataunxuae jiwi pecubi botha neeta tanatsipei cueicueijeixae Jesucristo pejume diwesi. <sup>14</sup> Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi. <sup>15</sup> Metha bayatha Onésimo nametaba nexainya werena saya be caetha nexa xua anoxuae bara tsitecaeya nebaru poponaenexa tsane. <sup>16</sup> Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cowantsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema iru pejume cowantsixae Jesucristo, pon jiwi Pecanamataxeinaein.

<sup>17</sup> Jinya eweicho tana necana exanaemxaem iru tajume cowantsixae Jesús, daxota moya beta weyataeya matenta wabare Onésimo, icha be neichim poxonae nententa weinaya wabame. <sup>18</sup> Icha bapon cata abe exana, icha ichauyo cantoma amanayaba moya newu-care xua barapo matoma tacacatsinexatsi. <sup>19</sup> Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa cawucaetsi pentoma po matoma xua tanematoma amanayabiwam xua bayatha tacayawenaexaetsi xua nejume cowantsiwa Jesús. <sup>20</sup> Bara

barichinde, be pon taeweicho tacanatsicotaeinchi nejume cowantsixaerü Cristo. Inta exande xua caitorobatsi Jesús, pon jiwi Pecanamataxeinaein, pia pejume cowantsiwi pia pejüntü cui coyeneya. Nejüntü coyene tsacarabare xua jüntema xaniwaicha tapoponaewa tsane.

<sup>21</sup> Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi. <sup>22</sup> Baroxonae inta bo tutu netsiwünaere. Tsipei bexa tsane paca taeyopiyaeinchi xua bayatha Nacom painya newücaexae xua tapaca taeyopiyaewatsi tsainchi.

*Meje yabara xua ichamonae Filemón jacobatsi*

<sup>23</sup> Epafra cajacoba pon irü xota eque jiwi pecübi botha penatsipei cueicueijeixae Cristo Jesús yabara. <sup>24</sup> Mataütano irü Marcos, irüno Aristarco, irüno Demas, irüno Lucas, daxita barapomonae matabüxüyo neyawena xua tacueicueijeiwa Jesucristo yabara.

<sup>25</sup> Barabü Jesucristo pon jiwi Pecanamataxeinaein, paca yawenaena daxita paxam pia paca necaantobexae.

Baja Pablo.

## Meje Po Carte Po Carta Nacom Pia Jiton Tatsi Tatina, Hebreomonae Tatinatsi

*Meje yabara xua Nacom Pexanto itoroba jiwitha petacueicueijeinexatsi*

<sup>1</sup> Caena bayatha Nacom itoroba pia peitorobi jume diwesi petacueicueijeji jiwichi. Barapomonae Nacom tacueicueijeichi xua poxonae tsipaebatsi wamo susato jiwi. Barapomonae matowa tacueicueijeji tsaibi xua Nacom tacueicueijeji tsaibichi matautano ainya coyeneintha tsipaeba xua Nacom tatsipaebatsi. <sup>2</sup> Ichitha nama anoxuae matapainya barapo matacabinthe po matacabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxonae cana exana xua Pexanto tatsi pecanamataxeinaenexa daxita coyeneintha. <sup>3</sup> Nacom Pexanto tatsi pexeinya peitapanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxonae naca tsitupa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxonae bapon itaboco beicha pona penacuaretsinexa pexeinya peecaethopeibiwatha Nacom pia coxa weya tatsi xua itaboco beicha xua Nacom pia peecaethopeibiwatha tatsi beicha.

*Meje yabara xua Nacom Pexanto tatsi peainya cuin beyacaincha matatsunpiwi*

<sup>4</sup> Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wun duta Pexanto xua po wun jei: “Nacom Pexanto”, jei, po wun bichocono ainya cui beyacaincha matatsunpiwi pewun. <sup>5</sup> Tsipei Nacom bapana jopa jeiyo matatsunpintha: “Xam Taxantom, anoxuae jiwi tsita itapeinya xeinan xua xan jinya axan”, jopa bapana jei Nacom matatsunpintha. Matautano bapana jopa jei matatsunpin yabara: “Xan bapon pia paxa tatsin tsane,

bapon bara taxanto tsane”, jopa  
bapana jei Nacom xua matatsunpin  
peyabara paebiwatsi.

Saya ba meisa Nacom Pexantotha  
yabara paeba barapo jume.

<sup>6</sup> Matautano poxonae Pexanto itorobica po cae pin nacua-  
monaepiwitha tsique, pon yatsicaya compa tatsi, Pexanto  
yabara jei:

“Barab<sub>u</sub> daxita tamatatsunpiwimonae  
Taxanto w<sub>u</sub>nae jaintinchi”, jei Nacom.

<sup>7</sup> Nacom yabara jei matatsunpiwi:

“Tamatatsunpiwi itoroban xua nainya inta  
nacuita icha joibo ichi xua nainya pona  
poxonae itoroban barapo joibo.

Barichi barapomonae itoroban xua inta  
daunweya nacuita icha nawa coicha ichi xua  
daunweya taxua poxonae itoroban barapo nawa”,  
jei Nacom.

<sup>8</sup> Ichitha nama Nacom Pexantotha jei:

“Jaina, xam ponxaem Nacom, ataya tsitecaeya  
itorobiya ewatsiname xua  
itorobathopequeibame jiwi.

Jinya neitorobiya ewatsi coyenewa  
bara ataya pexainyei coyenewa.

<sup>9</sup> Xam ichichipame pocotsiwa exana  
pomonae xanepanaya peexanaewi.  
Matautano bichocono aitafaetabim  
pocotsiwa exana pomonae abe peexaneibiwi.

Daxota xan Nacom ponxaein, jinya Nacom  
bichocono caj<sub>u</sub>nt<sub>u</sub> coyene weiweina  
exanatsi, beyacaincha xua jinya jiwimonae  
j<sub>u</sub>nt<sub>u</sub> coyene weiweina exanan”,  
jei Nacom Pexantotha.

<sup>10</sup> Equeicha Nacom Pexantotha jei:

“Xam pon pepa Necanamataxeinaem jiwi,  
caena bayatha forotame barapo cae  
pin nacua poxonae aena.

Jinya coya exaname peitaboco.

<sup>11</sup> Daxita baxuan pocotsiwan xua jinya  
neexanaewam weraweracaena.

Tsipei daxita baxuan saya peruwan tsane,  
icha be poxonae paparuwa ichi xua  
peruwa tsane xua tsapatsapaca.

Ichitha xam nama ataya  
tsitecaeya poponaename.

<sup>12</sup> Barapo cae pin nacua ir<sub>u</sub> barapo itaboco

poxoru peruwa tsane pichiname xua  
 nexubinexa, xua pena ira equeicha  
 neexanaenexa yawa xua itaboco.  
 Barapocotsi juta coyeneya exanaename  
 icha be poxonae pebin ichi xua peruwa  
 nama xuena xua xuba, xua  
 penawa penamaxatatsinexa.  
 Ichitha xam nama ataya tsitecaeya poponame.  
 Matautano jinya nepoponae coyenewa  
 ataya jopa weraweracae tsane”,  
 jei Nacom Pexantotha.

<sup>13</sup> Nacom bapana jopa jeiyo matatsunpintha:

“Xam tacoxa weya ecare, beya poxonae abu  
 caexanaeinchi xua itorobiname jinya  
 necaaitafaetabi jiwi”, bapana jopa jeiyo  
 Nacom matatsunpintha.

Saya meisa Pexantotha baxua paeba.

<sup>14</sup> Daxita matatsunpiwi peinya pejinompaewi jiwitha.  
 Barapo matatsunpiwi exana dubenanaebiya pocotsiwa  
 Nacom itoroba. Nacom itoroba barapomonaе xua  
 petayawenaenexa tsainchi pomonaetha pomonaе bexa  
 Nacom capanenebiyaena pomonaе pejume cowantsi  
 jiwixaetsi.

## 2

*Meje yabara xua poxonaе naca muxuweta xua jopa bewa  
 pepawi cana exanaetsi Nacom pia pecapanenebiyaе coyenewa  
 tatsi*

<sup>1</sup> Nacom Pexanto ainya cui cana exana beyacaincha matat-  
 sunpiwi. Daxota bewa matowa itapeta jume naitaewatichi  
 pocotsiwa bapon yabara xua jume tainchi. Bapoxonaе  
 jopa wayabara jumentainaponaе tsainchi po coyene xua Na-  
 com pia pecapanenebiyaе coyenewa tatsi. <sup>2</sup> Po peitorobi  
 coyenein caena bayatha matatsunpiwi Nacom tacueicueije-  
 ichi, barapo coyenein bara xainyei. Pomonaе jopa jume  
 cowantsiyo barapo peitorobi coyenein xuano xua abe ex-  
 anaponano, barapomonaе atene exanaeinchi xua canacui  
 matajupiya cana exanatsi. <sup>3</sup> Cristo naca cana exana xua  
 panenebiyatsi abe waexanaе cuiru coyenein weya. Cristo  
 pia pecapanenebiyaе coyenewa bichocono ainya cui coye-  
 newa. Icha Cristo pia pecapanenebiyaе coyenewa cayabara  
 nanta xeinatsi xua pepawi xua jopa ainya cuiyiyo, waxainchi  
 bapana jopa naca capanenebiyaе tsane xua poxonaе jiwi  
 atene exanaeinchi abe peexanaexae. Barapon Cristo pon  
 jiwi Pecanamataxeinaein barapo pecapanenebiyaе coye-  
 newa yabara tsipaeba copiya. Bapoxonaе xuya barapo

pecapanenebiyae coyenewa naca tsipaeba pomonae jume tane pocotsiwa xua bapon paeba pon jiwi Pecanamataxeinaein. <sup>4</sup> Nacom tsita itapeinya xeina xua barapomonae bara xaniwaicha yabara paeba Nacom pia pecapanenebiyae coyenewa. Baxua exana poxonae Nacom cana exana xua barapomonae pexeinya petsita itabi coyenewan muxuna exana poxonae cueicueijei. Matautano baxua exana poxonae cana exana xua barapomonae muxuna exana pocotsiwa bichocono wanae xua jiwi nabenaeca cana exanatsi. Matautano baxua exana poxonae cana exana xua barapomonae pexeinya peayapusu itorobi coyenewan muxuna cueicueijei. Matautano Nacom tsita itapeinya xeina xua bara barapomonae xaniwaicha cueicueijei poxonae Nacom pia Pejumope tuxu tatsi itoroba barapomonae pia juntu coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tuxu tatsi icha be pocotsi coyenewa Nacom ichichipa xua barapomonae barapo cui coyeneya exanaena.

*Meje yabara xua Jesucristo be jiton coyeneya naexana*

<sup>5</sup> Nacom jopa copatsi tsane xua matatsunpiwi canamataxeinaena barapo pena nacuatha po nacua yabara xuaunxuae pacata tinatsi. <sup>6</sup> Jame nama Nacom Pejume Diwesitha ichu yabara jeye xua pomonae barapo pena nacua pecanamataxeinaewa tsane, jeye:

“Nacom xam jiwi toxeincha bichocono pin juntu coyene xeiname.

¿Eta xua metha yabara nanta xeiname jiwi xua ainya cui exaname xua pecanamataxeinaenexa tsane ichamonae?

<sup>7</sup> Nacom copiya saya caetotha exaname xua jiwi be conotha ainya cui.

Baxua exaname poxonae matatsunpiwi toxeinchiya ainya cui exaname beyacaincha jiwi.

Ichitha cotacaya exaname xua jiwi ainya cui naexana.

Jiwi cana exaname xua pexeinya peitupanae coicha xeina

yawa catame barapomonae peayapusu itorobi coyenewa xua icha jiwi pecanamataxeinaewa tsainchi.

<sup>8</sup> Po jiwi cajume cowanta barapo jiwitha catame peayapusu itorobi coyenewa daxita xua pecanamataxeinaenexa xuantha xua forotame”,

jei xua ichun tsipaeba Nacomtha.

Poxonae Nacom cana exana jiwi xua canamataxeinaena daxita xua xuan forota, dapocotsi coyenewa aibi xua jiwi jopa itacupaetsi xua pecanamataxeinaewa. Daichitha awiya cataunxuae jopa jiwi cui taetsi xua daxita pecanamataxeinaewa. <sup>9</sup> Ichitha waxainchi Jesús yaputainchi pontha pon Nacom saya caetha cana exana xua jopa ainya cuiyo. Matatsunpiwi conotha ainya cui beyacaincha xua Jesús xua poxonae caetha cana exanatsi xua jopa ainya cuiyo xua poxonae popona be jiton. Nacom bichocono peantobexae daxita jiwi daxota bapon copata xua Cristo tsitupaena daxita jiwi abe pia peexanaexae. Anoxuae equeicha Nacom ainya cui cana exana xua Jesús ainya cui cana exanatsi. Matautano Nacom cana exana xua Jesús jopa juniya ainya cuiyiyo xua jiwi itorobiya peewatsiwatsi. Matautano Nacom Jesús catatsi pexeinya peitupanae coicha. Nacom baxua exana xua Jesús pia petsitupaexae jiwi.

<sup>10</sup> Nacom forota daxita coyenein. Matautano daxita baxuan Nacom nata exana. Matautano Nacom ichichipa xua daxita piamonae tatsi pexeinaewa tsane pia pexeinya peitupanae coicha tatsi peponaenexa tsane pia nacuatheicha tatsi. Daxota Nacom tsita xanepanatsi xua poxonae Jesucristo atene exanatsi beta yatsicaewa pejuntu coyene wunaetsinexatsi xua jiwi pecanamataxeinaenexatsi Nacom pia nacuatheicha. Baxua Nacom exana poxonae Jesucristo atene exanatsi poxonae tsitupa xua jiwi pecapanenebiyaenexatsi abe pia peexanae cuiru coyenein weya tatsi. <sup>11</sup> Tsipei daxita pomonae juntu coyene xanepana exanatsi Nacomtha, iruru Jesús pon cana exana baxua barapomonaetha, daxita barapomonae nanta caein Paxa pon Nacom. Daxota Nacom Pexanto tatsi jopa auriyo poxonae naca yabara jei: “Tayapin jiwi pam”, poxonae jei. <sup>12</sup> Nacom Pexanto tatsi pon Jesucristo, caena bayatha Nacom Pejume Diwesitha xua salmos penaxanae weixi diwesintha jeye Nacomtha:

“Cayabara paebinchi tayapinmonae jiwitha.

Cata naxanaeinchi pewei xua wunaeta  
tacajainchinexa poxonae nanabaru  
nanacaetutsin jinya botha pomonae cajume  
cowanta”, jei Jesucristo Nacomtha.

<sup>13</sup> Ichacuitha caena bayatha Jesucristo jeye xua Isaías pia diborotha:

“Xan jume cowantsiya wunaeta ewatsin  
Nacom xua tana neyawenaewa”, jei.

Equeicha Jesucristo jeye:

“Xote ecan, baru ecan tapexui pomonae tana  
nejume cowantsiwi pomonae Nacom



necata”, jei Jesucristo.

<sup>14</sup> Pexui ba bara xeina pejana yawa pewito icha be coxiyeiwi ichi tsipei jiwixae. Barichi Jesús xeina jiton pia pepon tatsi pexeinaexae jiwi pia pewito tatsi xuano xua jiwi pia pejana tatsi. Jesús baxua xeina xua petsitupaenexa jiwi. Daxota itacupatsi xua peamanayabiwa pontha pon xua peayapusu itorobi coyenewa xeina xua jiwi pejutebiwatsi. Bapon apara pon caurimonae pia pentacaponaein tatsi.

<sup>15</sup> Jesús baxua nacata exana wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita maticabin junuwiya jinompeiba xua pewerapaewayainwa.

<sup>16</sup> Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apara jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi.

<sup>17</sup> Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonae pia petaexanae coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitupaenexatsi xua Nacom jiwi pejantu coyene yabara jantemainaenexa tsaibi tsainchi abe pia peexanae cuiru coyenein tatsi.

<sup>18</sup> Jesús atene exanatsi poxonae caurimonae pia pentacaponaein tatsi juntu coyene jujutatsi petaenexa tsainchi icha abe exana. Daxota anoxuae bapon Jesús itacupatsi xua peyawenaewa pomonaetha pomonae iraru juntu coyene jujutatsi caurimonae xua abe peexanaewa tsane.

### 3

#### *Meje yabara xua Jesús peainya cuin beyacaincha Moisés*

<sup>1</sup> Nacom iru paca wun duba poxonae itapeta pomonae pepatsinexa tsane pia nacuatheicha tatsi. Tamonae pam, paxam jiwana pam pomonae pejume cowantsiwi Jesucristo, pomonae pam Nacom paca juntu coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaetha wajume cowantsixae bapon.

<sup>2</sup> Jesús bara xainyeya exana Nacom pia petanacuichiwa tatsi Nacom peyabara tsiwanae

muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa. <sup>3</sup> Jesús pecapanepaexae jiwi bewa bichocono toxecha bar<sub>u</sub> cui itara jinaetsi bapon beyacaincha xua bar<sub>u</sub> cui itara jinatsi Moisés. Barapocotsi jata coyeneya ichi, bewa Jesús cana exanaetsi icha be poxonae jiton ichi xua bewa bar<sub>u</sub> cui itura jinaeinchi xua ainya cui exanatsi peacabixae bo beyacaincha xua bo xua ainya cui tsuncuae. <sup>4</sup> Daxita ba bon tsoponae poxoru apara jiton peexanaexae. Ichitha jame pon yatsicaewa nama daxita coyenewan exana apara bapon Nacom. <sup>5</sup> Bayatha Moisés apara pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiw<sub>u</sub>nae caunuta pocotsiwan xua bexa Nacom exanaena. <sup>6</sup> Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piamonae tatsi. Waxainchi Nacom piamonaetsi icha aj<sub>u</sub>nt<sub>u</sub>yapus<sub>u</sub>ya jume cow<sub>u</sub>ntapoinchi Cristo beya xua poxonae t<sub>u</sub>paeinchi. Mata<sub>u</sub>tano waxainchi Nacom piamonaetsi icha j<sub>u</sub>nt<sub>u</sub> coyene weiweinaya w<sub>u</sub>nae ewatatsi pocotsiwa bexa Nacom wanaca tsixanaewa tsane.

*Meje yabara xua nafifina caewata Nacom piamonae tatsi*

<sup>7</sup> Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumo<sub>u</sub>pe t<sub>u</sub>nax<sub>u</sub> tatsi naca itoroba xua bewa jume taetsi Cristo. Baxua paeba Nacom pia Pejumo<sub>u</sub>pe t<sub>u</sub>nax<sub>u</sub> tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein. <sup>8</sup> Painya xoba pana nejumefebame painya j<sub>u</sub>nt<sub>u</sub> coyenewatha xua daxota jopa painya tana nejume cow<sub>u</sub>ntsiwam. Jopa bara paichinde icha pomonae ichi xua poxonae bayatha nejume matawenta xua exanan poxonae jinompa ichaxota ira xuepana susato tsurucuae nacuatha. Barapomonae nefayacoteiba poxonae nej<sub>u</sub>nt<sub>u</sub> coyene j<sub>u</sub>j<sub>u</sub>teiba beya poxonae anaepanan barapomonaetha poxonae jopa xapain exaneibiyo.

<sup>9</sup> Barapomonae pomonae nej<sub>u</sub>nt<sub>u</sub> coyene j<sub>u</sub>j<sub>u</sub>ta, apara painya amo susato jiwi.

Barapomonaē baxua inta exana poxonaē  
jopa nejume cowantsiyo.

Baxua exaneiba beya poxonaē cuarenta po  
weibe tsuxubi bequein taiba pocotsiwa  
xua taexaneiban barapomonaē xua beya  
cuarenta po weibetha.

<sup>10</sup> Daxota barapomonaē caseban yawa yabara  
jan barapomonaē: ‘Barapomonaē jopa benejume  
cowantsiyo pejuntū coyeneintha yawa  
jopa beyaputaeyo pocotsiwa ichichipan  
taexanan barapomonaē’, jan.

<sup>11</sup> Barapomonaē caseban.

Tacoutha jume daunweya najan:  
‘Barapomonaē bapana jopa patsi tsane  
tanacuatha ichaxota po nacuatheicha  
nafinacaewatsina pomonaē tana nejume  
cowantsiwi’, najan”, jei Nacom  
pia Pejumope t̄nax̄n̄ tatsi,  
Nacom Pejume Diwesitha.

<sup>12</sup> Tamonaē pam, pomonaē ir̄n̄ painya nejume cowantsi  
jiwixae Jesucristo. Painya xoba paxeiname po j̄unt̄n̄ coyene  
bichocono abe, po j̄unt̄n̄ coyene jopa ichipaeyo xua pejume  
cowantsiwa Nacom, pon xua as̄n̄ popona. <sup>13</sup> Jame maisa  
daxita matacabin nantiya pana naj̄unt̄n̄ coyene tsacabare  
xua aj̄unt̄n̄yapus̄ya painya nejinompraewa tsane. Daxita  
pam baxua paexande anoxuae poxonaē cataunxuae po da-  
paetha anoxuae petain paca itac̄pa xua paexaname baxua.  
Matāntano baxua paexande xua jopa pata tana nejumefebi-  
wam painya j̄unt̄n̄ coyenewatha. Icha pana nejumefebame  
painya coutha pana namuxujainyabichipame xua daxota  
abe painya neexanaewa tsane. <sup>14</sup> Bewa xanepanaya aya-  
pus̄ya jume cowanta dubenanaebiyaeinchi Nacom xua beya  
poxonaē t̄p̄aeinchi. Icha baxua betiya ayapus̄ya jume  
cowanta dubenanaebiyaeinchi icha ichichi poxonaē aena  
jume cowantatsi, bapoxonaē nayawa muxuna xeinaeinchi  
Nacom pia nacuatheicha pocotsiwa Cristo xeina.

<sup>15</sup> Daxota equeicha paca tsipaebatsi xuaunxuae po diwesi  
paca tsipaebatsi xua Nacom Pia Pejumope t̄nax̄n̄ tatsi cue-  
icueije, jeye:

“Anoxuae pana nejume taema pocotsiwa paca  
tsipaebatsi, ponxaein Nacomxaein.  
Icha pana nejume taneme bapoxonaē painya xoba  
pana nejumefebame painya j̄unt̄n̄ coyenewatha  
xua daxota jopa pata tana nejume  
cowantsiwam tsane.  
Jopa bara paichinde icha pomonaē ichi xua

poxonae nejume matawenta poxonae jinompa ichaxota ira xuepana susato tsurucuae nacuatha”, jei Nacom pia Pejumope tɛnaxɥ tatsi.

<sup>16</sup> Payabara nanta xeinare pomonae jume tane xua Nacom pejume tatsi xua bapoxonae Nacom jume matawenta-tatsi. Daxita bapomonae apara pomonae Moisés mata cawarapa Egipto nacua weya. <sup>17</sup> Payabara nanta xeinare Nacom xua caseba xua beya cuarenta po weibetha tsuxubi. Bapomonae apara israelmonae pomonae xua abe exana poxonae jinompa ichaxota ira xuepana susato tsurucuae nacua beya, xuano xua baxota werapano. <sup>18</sup> Payabara nanta xeinare pomonae Nacom daunweya yabara paeba, xua jei: “Barapomonae bapana jopa patsi tsane tanacuatha ichaxota po nacuatheicha nafifinacaewatsina pomonae tana nejume cowɛntsiwi”, jei. Bapomonae apara israelmonae pomonae xua jopa exanaeyo pocotsiwa Nacom itoroba. <sup>19</sup> Bara yaputainchi xua barapomonae jopa itacɥpaetsi xua pepatsiwa Nacom pia nacuatheicha tsipei jopa Nacom jume cowɛntsichi.

#### 4

<sup>1</sup> Waxainchi yabara jume cowɛnta dubenanaebiyatsi xua Nacom naca tsiwɛnae muxu duta. Nacom naca tsiwɛnae muxu duta xua bara wanaca itacɥpaewa tsane xua wapatsiwa pia nacuatheicha po nacua xua Nacom pia penafinacaewatsi nacua. Daxota poxonae cataunxuae naca itacɥpa xua wapatsiwa tsane barapo nacuatha bewa yabara najɛntɥ coyene exabichi xua paxam jiwana jopa itacɥpaetsipaetsi xua pepatopaewa Nacom pia nacuatha.

<sup>2</sup> Waxainchi barichichi jume tainchi barapo Nacom pia pecapanenebiyae diwesi, icha bayatha barapomonae ichi xua jume tane barapo diwesi. Ichitha barapo diwesi jopa yawenaetsi barapomonae xua pejume cowɛntsinexa Nacom, tsipei jopa jume cowɛntsiyo barapo diwesi.

<sup>3</sup> Waxainchi nama barapomonaetsi xua wajume cowɛntsiwi barapo pecapanenebiyae diwesi. Daxota naca itacɥpa xua wapatsiwa Nacom pia nacuatheicha ichaxota bapon naca barɥ nafifinacaewatsina baxoteicha. Nacom wamo susato jiwi yabara paebatsi xuaunxuae paca tsipaebatsi. Jeye:

“Barapomonae caseban.

Tacoutha jume daunweya najan:

‘Barapomonae bapana jopa patsi tsane tanacuatha ichaxota po nacuatheicha nafifinacaewatsina pomonae tana nejume cowɛntsiwi’, najan”,

jei Nacom Pia Pejumope tɛnaxɥ tatsi.

Bequein baxua Nacom paeba ichitha caena bayatha weta barapo nacua ichaxota jiwi nafinacaewatsina poxonae nacobe weta xua daxita forota barapo cae pin nacuathe. <sup>4</sup> Po matabi pew<sub>HN</sub> “siete matabi”, jei, barapo matabi Nacom Pejume Diwesitha yabara paeba. Bapon jeye: “Nacom nacuita seis po matabibe.

Barapoxonae nafinacaeca po mataqueitha pew<sub>HN</sub> ‘siete matabi’, jei”, jei Nacom Pejume Diwesitha.

<sup>5</sup> Equeicha Nacom Pejume Diwesitha jeye:

“Barapomonae bapana jopa patsi tsane tanacuatha ichaxota po nacuatheicha nafinacaewatsina pomonae tana nejume cow<sub>NTS</sub>siwi”, jei Nacom.

<sup>6</sup> Ichitha cataunxuae acoibi ichamonae pomonae xua bexa tsane Nacom copatsina xua nafinacaewatsina ichaxota bapon nafinacaewata. Barapomonae jume cow<sub>NTS</sub>sina xua Nacom paeba. Pomonae copiya bequein jume taetha Nacom pia pecapanenebiyae jume barapomonae Nacom caena bayatha jopa copatsiyo xua barapomonae nafinacaewata tsipei jopa jume cow<sub>NTS</sub>siyo pocotsiwa Nacom paeba. <sup>7</sup> Daxota Nacom nanta xeina xua equeicha pena matabi exana. Barapo matabi xua w<sub>HN</sub> duta “anoxuae” jei xua pena coyene. Barapo matabitha xua piamonae tatsi petaitacupaewatsi tsainchi xua nafinacaewatsina. Baxua Nacom exana caena bayatha poxonae David popona xua ainya wei pirapae poxonae jinompa pomonae jopa copatsichi xua nafinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamonae jiwitha, poxonae David popona, pon jeye:

“Icha anoxuae pajume naitaewatame pocotsiwa Nacom paca tsipaeba jopa pajumefebinde painya j<sub>NTT</sub> coyenewatha xua daxota jopa Nacom painya nejume cow<sub>NTS</sub>siwam”, jei David caena bayatha Nacom nexa.

<sup>8</sup> Josué caena bayatha wamo susato jiwi matabapoinchi Canaán nacua berena pomonae Israel piamonaexae tatsi. Apra jopa matabaponaeyo ichaxota po nacua Nacom yabara paeba xua barapomonae nafinacaewatsina. Icha Josué bayatha matabaponaetsipa barapomonae barapo nacuatha barapoxonae Nacom jopa nantawenonaetsipae xua exanaena icha matabi po matabitha poxonae barapomonae itacupatsi xua pepatsiwa tsane barapo nacuatha, po nacua ichaxota Nacom yabara paeba. <sup>9</sup> Daxota cataunxuae awiya barapo matabi tsoponae po matabitha poxonae Nacom

piamonae tatsi nafifinacaewatsina Nacom pia nacuatheicha. <sup>10</sup> Tsipei pon weta pia penacuichiwa pocotsiwa Nacom itoroba bara itacupatsi xua nafifinacaewata ichaxota Nacom nafifinacaewata. Bapon baxua exanaena icha Nacom ichi poxonae nafifinacaeca, poxonae nacobe weta pia penacuichiwa xua poxonae forota daxitan. <sup>11</sup> Daxota bewa ajuntusuya jume cowanta dubenanaebiyaeinchi xua wanafifinacaewatsinexa tsane ichaxota Nacom nafifinacaewata. Baxua exanaeinchi xua ichamonae waxainchi jiwanatsi jopa peyaseicaewa tsane xua nafifinacaewata. Waxainchi jopa ichipaetsi xua icha ichamonae ichi xua jopa nafifinacaewatsiyo jopa pejume cowantsixae pocotsiwa Nacom paeba.

<sup>12</sup> Nacom Pejume Diwesi peajuntuyapusu diwesi xuano peayapusu itorobi coyene xeina. Barapo Nacom Pejume Diwesi barapocotsi juta coyeneya ichi xua icha ba cusi ichi xua po wato nantiya baru ducuabe. Barapo cusi taju uncuiya pebarawa xua pepontha. Barapoxonae barapo cusi itapeinya xeina daxita pocotsiwan xeina wan iya xua matha iya dubeinya bapaniya. Ichitha Nacom Pejume Diwesi ayapusu beyacaincha cusi tsipei barapo Nacom Pejume Diwesi itacupatsi taju bereca pona wajuntu coyenewatha ichaxota nanta xeinatsi. Barapo diwesi naca yaputane exana po coyenein xua wajuntu coyenewatha xeinatsi. Naca yaputane exanano po coyenein yabara nanta xeinatsi wajuntu coyeneintha. <sup>13</sup> Dapocotsiwan aibi barapo cae pin nacuathe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopa taeyo. Daxitan naitatarubena xuano xua Nacom itacupatsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

### *Meje yabara xua Jesús pepa sacerdotepin*

<sup>14</sup> Jesús apara Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabaratheicha tatsi. Daxota bewa ajuntuyapusuya jume cowanta dubenanaebiyaetsi bapon, pon yabara cueicueijeichi ichamonae aetha. <sup>15</sup> Barapo wasacerdotepin pon pepa sacerdotepin, naca weyatane xua wanaca yawenaenexa poxonae juntu coyene faefaenouneibatsi abe waexanaexae. Bapon baxua nacata exana, tsipei bapon barichichi juntu coyene jujutatsi xua abe peexanaenexa. Caurimonae pia pentacaponaein tatsi juntu coyene jujuta icha naca ichi. Daichitha nama bapon Jesús bapana jopa abe exanae. <sup>16</sup> Daxota bewa

ajuntayapusaya wacaetsi Nacom pon bichocono naca antobe. Jopa bewa junuwi tsainchi xua wacueicueijiwa Nacomtha. Bapoxonae Nacom naca weyataena wanaca yabara jantemainaenexa xua abe waexanae cuiru coyenein. Matautano bapon wanaca antobexae naca yawenaena poxonae po matabitha canantawenoneibatsi, poxonae naca juntu coyene jujata.

## 5

<sup>1</sup> Jiwi ba barompaya pia xantha tatsi jiwana taitapetatsi pomonae xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunuta jiwi yabara poxonae cueicueijeji Nacom peitabaratha xua jiwi nexa. Matautano barapo sacerdotepiwi yabara tsiwun dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiwun dubatsi po coyene xua jiwi petaexaneibiwa tsabi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomtha abe peexanaexae. <sup>2</sup> Barapo sacerdotepiwi ichacuitha juntu coyene faefaenouneiba, poxonae juntu coyene jujateibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae juntu coyene jujateibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonae abe peexanaewi xua bequein jopa yaputaeyo xua abe exana, iruru pomonae yatsicaewa nacui yaputane xua abe exana. <sup>3</sup> Barapo sacerdotepiwi iruru abe exaneiba xua rejuntu coyene faefaenaexae poxonae juntu coyene jujateibatsi caurimonae pia pentacaponaein tatsi. Daxota bewa iruru pia coutha nata exanae po coyene xua duwei penata tautsinexa Nacom nexa icha poxonae jiwi tacana ichichi poxonae abe peexanaexae. <sup>4</sup> Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwun duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawun dutsiwa icha bayatha Nacom cana ichi pon pewun Aarón pon copiya pepa sacerdotepin naexana. <sup>5</sup> Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Apra jame Nacom cata barapo peainya cui yabara matawun dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara matawun dutsiwa xua penaexanaenexa pepa sacerdotepin, xua jeye:

“Xam apara taxantom.

Anoxuae xan jinya axaxaein.

Yabara catsiwun dutatsi barapo jinya  
nenacuichiwanexa”, jei Nacom.

<sup>6</sup> Equeicha Nacom Pejume Diwesitha xua Pexanto yabara  
paeba, jeye:

“Xam pon sacerdotepim, xua bara ataya  
tsitecaeya tsane, icha Melquisedec matha  
ichi pon caena bayatha popona.

Bapon pepa sacerdotepin naexana xua  
ataya tsitecaeya pepoponaein”,  
jei Nacom.

<sup>7</sup> Poxonae cataunxuae Cristo popona po cae pin nacuathe  
bichocono jume daunweya tsipaebeiba Nacomtha xuano  
jume daunweya wunqueibano beya poxonae bichocono we-  
coyei. Cristo wunqueiba Nacomtha, pon bequein itacupatsi  
xua Cristo peyawenaewatsi xua jopa petupaewa. Mex-  
eya poxoru bapon itapetsiya peexanaexae pocotsiwa Na-  
com ichichipa daxota bara Nacom jume tane pocotsiwa  
Cristo wuca. <sup>8</sup> Bequein Cristo Nacom Pexanto tatsi, ichitha  
nacuiduba xua Paxa jume jejei xua exana pocotsiwa Paxa  
itorobatsi xua poxonae atene exanatsi xua ichamonae exana.

<sup>9</sup> Bapon pia coutha daxita najuntui cui yabara wunaeta pox-  
onae atene xua penaexanaenexa pepa sacerdotepin. Dax-  
ota bapon Cristo exana xua jiwi capanenebiyatsi abe pia  
peexanae cuiru coyenein weya xua ataya tsitecaeya tsane  
daxita pomonae pia pejume cowantsiwichixaetsi. <sup>10</sup> Nacom  
yabara tsiwun duta xua Cristo pepa sacerdotepin naexana,  
icha matha Melquisedec ichichi xua yabara tsiwun dutatsi  
xua pepa sacerdotepin naexana, pon caena bayatha popona.

*Meje yabara xua poxonae muxuwetatsi pomonae Nacom  
pejume cowantsiwi xua pebarapentsiyainwa po coyene xua  
pejume cowantsiwa Nacom*

<sup>11</sup> Waxainchi xeinatsi nawita xua po coyene wayabara  
natsipaebinexa Cristo xuaunxuae anoxuae paca tsipaebatsi.  
Daichitha bichocono ayapube xua paca yaputane exainchi  
tsipei painya coutha jopa pana nayabara copatsim xua bara  
painya neyabara yaputaewa tsane baxuan. <sup>12</sup> Caena bayatha  
bewa pana naexanaem pomonae jiwi painya necuidubi jiwi  
pam. Daichitha cataunxuae panantawenoname xua icha-  
monae equeicha caewa yabara paca cuiduba Nacom Pejume  
Diwesi pocotsiwan xua jiwi nantawenona copiya nacuiduba  
poxonae aena jume cowanta. Paxam pomonae equeicha  
caewa pajuntui coyene faefaename, xua painya nejume  
cowantsiwa. Barapo coyene icha be poxonae pexui ichi xua



nantawenona mito, jopa peitacꝥpaexaetsi xua pexaewa pe-wito. <sup>13</sup> Pexui poxi isainatsi ba nantawenona mito poxoru pe-wito jopa xaeyo. Barapocotsi jꝥta coyeneya paichim. Paxam jopa paca itacꝥpaeyo xua painya neyabara yaputaewa Cristo pia pecuidubiwa xua po coyene xanepanaya painya neji-nompaewa. <sup>14</sup> Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi jꝥta coyeneya ichi pomonae ba xaniwaicha jume cowꝥnta pia jꝥntꝥ coyeneintha barapomonaes jopa abe exanaeyo. Barapomonaes nacuiduba xua yabara yaputane po coyene abe yawano po coyene wꝥnae.

## 6

<sup>1</sup> Barabꝥ nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowꝥntatsi. Jame barabꝥ nanta xeinatsi, po coyene pepa pena coyene icha pomonae pinyon ichi xua pocotsiwan nanta xeina pomonae beta jume cowꝥnta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubi-watsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Mataꝥtano jopa nantawenonaetsi xua jume cowꝥntsinchi Nacom. <sup>2</sup> Barapocotsiwanje jopa nantawenonaetsi xua eque-icha caewa nayabara cueicueijeichi tsainchi tsipei bayatha payaputaneme. Mataꝥtano jopa equeicha nantawenonaetsi xua caewa nayabara cueicueijeichi tsainchi xua bewa bauti-sabinchi. Mataꝥtano jopa nantawenonaetsi xua equeicha caewa nayabara cueicueijeichi tsainchi xua poxonae Nacom pejume cowꝥntsiwi pecobetha pemataboco jayabiwatsi xua pexeinaenexa pejꝥntꝥ cui coyenein po pejꝥntꝥ coyene Nacom pia Pejumope tꝥnaxꝥ tatsi cata. Mataꝥtano jopa nantawenonaetsi xua equeicha caewa nayabara cueicueijeichi tsainchi xua equeicha jiwi asꝥ peexanaewatsi petꝥpae cuiru coyene weya. Barichi jopa nantawenonaetsi xua equeicha caewa nayabara cueicueijeichi tsainchi xua poxonae Nacom yabara paebina jiwi xua penatsicuentiwa xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae. <sup>3</sup> Jame barabꝥ nayabara cueicueijeichi tsoponae tsainchi icha coyenein xua pena coyene icha Nacom bara naca cui yabara copatsina.

<sup>4</sup> Ichamonae penta xua Cristo pejume cowꝥntsiwatsi. Daxota jopa neyapꝥpaeyo xua equeicha tacuidubiwa Nacom Pejume Diwesi barapomonaetha. Barapomonaes Nacom pia pejume xainyeiwa nacuiduba, xuano yaputane Cristo pon

Nacom itoroba po cae pin nacuathe tsique. Matautano barapomonaе xeina po pejantu coyenein Nacom pia Pejumope tuxu tatsi cata. <sup>5</sup> Matautano barapomonaе yabara jume cui juxta Nacom Pejume Diwesi xua daxota yaputane xua barapo diwesi bara xanepana. Matautano barapomonaе tane po peayapusu itorobi coyenewa Nacom pia Pejumope tuxu tatsi cata jiwitha xua barapo jiwi barapo coyenewatha exana pexeinya petsita itubi coyenewan beya poxonaе Cristo equeicha patopaena. <sup>6</sup> Icha daxita barapo coyenein barapomonaе equeicha nacui barapenta xua jopa Nacom pejume cowantsixaetsi, bapoxonaе nama jopa itacupaetsi xua equeicha caewa pejume cowantsiwa Nacom. Poxonaе Nacom equeicha pentatsi baxua be barapomonaе equeicha Jesús caewa bexotsi naetotha. Barapomonaе exana xua jiwi Nacom Pexanto tatsi yabara jume cui caponatsi tsipei jopa Nacom jume cowantsichi. Baxua icha be poxonaе ichamonae ichi poxonaе matha Jesús naetotha bexotsi xua daxota daxita jiwi Jesús cui caponatsi. <sup>7</sup> Pabi ba po iratha ema mu jojoneca poxonaе ema duneiba barapo iratha, barapo pabitha jiwi pexaewa uba. Nacom exana barapo iratha xua pexaewa xaniwaicha taxainwaetsina xua pomonaе peubimonaе taxainwaetatsi. <sup>8</sup> Ichitha icha icha pabi saya u pesoiwan xuwa, barapo pabi jopa wunaeyo poxoru jiwi jopa yawenaetsi poxonaе uba barapo pabitha. Daxota Nacom exana xua barapo pabi jiwi tautsina xua pesoiwan daxita tupa peexanaenexa. Icha Nacom cana ichi pabintha bara juta cana ichiya exana jiwitha. Icha jiwi Nacom jume cowanta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenae tsane barapo jiwi. Saya jame Nacom itoroba xua barapo jiwi petautsiwa tsainchi po isototha xua bapana jopa itacounayiyo.

*Meje yabara xua wawhnae ewatsiwa xua pocotsiwa Nacom yabara wanaca tsiwhnae muxu dutsiwa*

<sup>9</sup> Tamonaе pam, paxam pomonaе tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae. <sup>10</sup> Tsipei Nacom bara xainyeya exana. Nacom jopa paca yabara junteinae tsane pocotsiwan xua bayatha paexaname. Matautano jopa paca yabara junteinae tsane xua ichamonae painya neyawenaewa pomonaе iru pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponaе, awiya cataunxuae baxuan paexanaponaе. <sup>11</sup> Bequein baxua paexaname

daichitha paichichipan xua daxita paxam awiya payawenaponaename ichamonae. Ajuntuyarusuya rawunaewataponare pocotsiwa Nacom yabara paca tsiwunaemuxu duta xua beya payacuiya werapaeya othopaename. <sup>12</sup> Jopa paichichipaeinyo xua payabara ajuntucoyenefaetabim xua rawunaewatame baxua tsipei jopa pana nayabara copat-sim xua painya neyabara yaputaewa tsane baxua. Jame maisa bara jutiya paichiponaesinde, icha ichamonae ichi xua poxonae bichocono jume cowanta Nacom. Matautano barapomonaejopa bepijawa aitaconaeyo xua wunaewatapocotsiwa Nacom yabara tsiwunaemuxu duta.

<sup>13</sup> Poxonae Nacom yabara tsiwunaemuxu duta Abrahamtha, Nacom pia wuntha yabara tsiwunaemuxu duta Abrahamtha. Baxua Nacom pia wuntha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wuntha paebiyoy. <sup>14</sup> Nacom jeye Abrahamtha: “Bara xaniwaicha bichocono cayawenaeinchi. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom. <sup>15</sup> Abraham abun saya beitatemaya wunaewatapona pocotsiwa Nacom yabara tsiwunaemuxu duta, jopa aitaconaeyo. Baroxonae pirapae Abraham catatsi pocotsiwa Nacom bayatha yabara tsiwunaemuxu duta bapontha. <sup>16</sup> Poxonae jiwi ba yabara natsiwunaemuxu duta xua pocotsiwa bepa pinae exaneibina, pewuntha paeba, po wun xua ichun pewun tatsi pon xua bichocono ainya cui beyacaincha xua barapomonaey. Barapomonaebaxua exana xua ichamonae peyaputaenexa xua bara xaniwaicha xainyeya peexaneibinexa pocotsiwa xua penayabara tsiwunaemuxu dubeibixae. Baroxonae ichamonae jopa itacupaetsi xua baxua yabara jume matsontsonoba barapomonaetha. <sup>17</sup> Nacom ichichipa xua tsita itapeinya xeina piamonaetha, pomonaetha pomonaepecat-sixae tsane pia petsiwunaemuxu dutsiwa xua jopa equeicha ichawa nanta xeinae tsane xua pocotsiwa exanaena. Nacom ichichipa xua barapomonaepayaputaewa tsane xua bapon xaniwaicha exanaena pocotsiwa bayatha yabara tsiwunaemuxu duta Abrahamtha. Daxota Nacom yabara tsiwunaemuxu duta pia wuntha. <sup>18</sup> Ainya coyenewabe Nacom exana po coyenewabe xua jopa itacupaetsi xua ichawa yabara jume toxechiya exana. Meje baxue: Icha coyenewa Nacom yabara tsiwunaemuxu duta; icha coyenewano xua Nacom pia wuntha yabara paeba xua pocotsiwa exanaena. Nacom jopa itacupaetsi xua peyabara naerabiwa barapoxobe coyenebe. Waxainchi pomonaetsi xua pentatsi po coyenein barapo nacue pia coyenein, po coyenein xua abe ex-

anatsi naca cana exana. Matautano jume cowantsiya wanae ewatatsi xua Nacom wanaca yawenaewa tsane xua naca capanenebiya abe waexanae coyenewa weya. Barapocotsiwa bayatha naca yabara tsiwanae muxu duta. <sup>19</sup> Waxainchi wanae ewatatsi xua Nacom bexa naca capanenebiya tsane. Wajume cowantsixae baxua daxota naca juntu coyene ayapusu exana. Naca itacupa xua wayabara jume cowantsiwa. Wawanae ewatsixae baxua naca yawena xua beta jinompatsi Nacom nexa. Baraxua icha be poxonae jera ichi xua tuwatha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wanae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonae nanaexanatsi bapontha. Nacom itaboco beequiya, paparuwa peuma werena pia botha eca xua tututhiya xua pin botha ichaxota wapatsiwa tsane. <sup>20</sup> Jesús itaboco beicha naca tsiwanae patopiya Nacom pexainya beicha tatsi. Bapon copiya bewa bara bepatopiyaena xua wanaca matabaponaenexa xua iru wanaca itacupaewa tsane xua wapatsiwa tsane bara beicha Nacomtha. Daxota poxonae baxua exana Jesús naexana pepa sacerdotepin icha matha Melquisedec ichi pon caena bayatha popona.

## 7

*Meje yabara xua Jesús pepa sacerdotepin naexana, icha matha Melquisedec ichi*

<sup>1</sup> Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaebin Nacomtha jiwi nexa, pon Nacom xua itaboco beequiya. Abraham caibe nawirena xua poxonae nawabchata xua poxonae yotaba ainya nacuanpiwi pomonae jiwi itorobiya pia pepa peewatsiwichi xuano xua poxonae Abraham juteba barapomonae. Baroxonae Melquisedec matenta iya, Abraham matenta iyatsi. Melquisedec Abraham jeichichi: “Barabu Nacom beta cayawenaena”, jei Melquisedec. <sup>2</sup> Abraham nota pocotsiwan xeina pomonae jiwi itorobiya pia pepa peewatsiwichi xua peamanayabixae poxonae juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomonae pijumetha yabara wan caunuta xua jei: “Bapon jiwi itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem wan hebreomonae pijumetha yabara wan caunuta xua

jei: “Jũntema popona”, jei. Daxota barapo naxobe wũnbe yabara wũn caunutatsi xua jeye: “Pon jiwi itorobiya pia pepa peewatsinchi xua beta peexanaein xuano xua jũntema popona”, jei xua hebreo jumetha. <sup>3</sup>Nacom Pejume Diwesitha Melquisedec paxa tatsi pewũn jopa yabara yopitichi. Mataũtano pena tatsi jopa yabara yopitichi. Barichi jopa yabara yopitichi pia pamo susato jiwi tatsi. Mataũtano bapon jopa yabara paebichi ichaxota naexana. Mataũtano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwi nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

<sup>4</sup> Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonae jiwi itorobiya pia pepa peewatsiwichi xua poxonae Abraham juteba. <sup>5</sup> Moisés pia peitorobi coyenewatha jeye: “Sacerdotepiwi pomonae Leví pia pemomoxi susato jiwi tatsi, itacũpatsi xua bara nota caewan pocotsiwa xua jiwi catsiba xua poxonae jiwi diez xuanbe caewan jiwana wetsaba pocotsiwan xua xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamonae tatsi. Mataũtano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi. <sup>6</sup> Ichitha Melquisedec jopa Leví pia pemomoxi susato jiwi tatsi. Bequein bapon jopa dapomonaeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiwũnae muxu dutsiwan, po peyabara tsiwũnae muxu dutsiwan bayatha Nacom yabara tsiwũnae muxu duta. Bequein Abraham xeina po peitorobi coyenewa xua itacũpatsi xua jeye ichamon-aetha: “Barabũ Nacom beta cayawenaena”, xua jei, ichitha Melquisedec baxua Abraham tsipaebatsi. <sup>7</sup> Jiwi ba yaputane xua ba bichocono ainya cui pon xua jeye: “Barabũ Nacom beta cayawenaena”, pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi. <sup>8</sup> Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewerapaewa tsane. Ichitha nama Nacom Pejume Diwesitha

Melquisedec yabara paebatsi pon xua ataya tsitecaeya pepoponaein xua jopa petupaewa. <sup>9-10</sup> Metha jame be icha iche: Poxonae Abraham cata Melquisedectha poxonae caewan jiwana wetsaba diez xuanbe jiwana, bapoxonae cataunxuae abun Leví jopa naexanaeyo. Matautano Leví pia pexui tatsi cataunxuae jopa naexanaeyo. Barichi cataunxuae pia pemoxi susato jiwi tatsi cataunxuae jopa naexanaeyo. Bapon Leví pon matapainya pepa sacerdotepin canamata canaexana poxonae cotacaya ichamonae irun sacerdotemonae naexana. Bapoxonae sacerdotepiwi naexanumenapona. Bapon tsipaebeiba Nacomtha jiwi nexa. Poxonae Abraham catsiba Melquisedectha xua poxonae caewan jiwana wetsaba diez xuanbe Nacom be tsitatsi xua apara be Leví irun cata xua irun be bara Leví pia pemomoxi susato jiwi tatsi catsiba. Poxonae Abraham cata Melquisedectha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwi tatsi nexa bequein barapomonae jopa cataunxuae naexanaeyo.

<sup>11</sup> Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwi tatsi. Barapo sacerdotepiwi jopa itacupaetsi xua jiwi cana exanatsi xua penajuntun coyene xanepana exanaewa Nacomtha xua penatsicuentsiwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiya jopa itacupaetsi xua jiwi yawenatsi. Daxota jiwi equeicha canamatawenona icha sacerdotepin. Barapo sacerdotepin jopa bewa exanae icha Aarón pia pemomoxi susato jiwi tatsi jiwana ichi. Jame barapo sacerdotepin bewa exanaena icha Melquisedec ichi. <sup>12</sup> Poxonae Nacom icha sacerdotepin cana exana be pocotsin icha Melquisedec ichi bapoxonae yawa muxuna bewa exanaena pena peitorobi coyenewa. <sup>13</sup> Barapo pena sacerdotepin pon Wanacanamataxeinaein, bapon baxua yabara paebatsi Nacom Pejume Diwesitha. Bapon apara Israel pemomoxi susato jiwi jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sacerdotepin. <sup>14</sup> Daxita jiwi yaputane xua barapon pon Wanacanamataxeinaein naexana Judá barompaya pia pemomoxi susato jiwi dena tatsi. Poxonae Moisés yabara paeba sacerdotepiwi Moisés jopa yabara paebiyo xua Judá pia pemomoxi susato jiwi jiwana tatsi naexanaena sacerdotepin.

<sup>15</sup> Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin. <sup>16</sup> Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapusu itorobi coyenewatha xua pexeinaexae peajuntucoyenesuwa po peajuntucoyenesuwa ataya tsiteca xua jopa itacupaetsi xua peweraweracaewa. <sup>17</sup> Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,  
 jei Nacom Pejume Diwesitha,  
 xua Cristo yabara paebatsi.

<sup>18</sup> Nacom cana exana xua Moisés pia peitorobi coyenewa tatsi jiwi jopa canantawenonaeyo tsipei barapo coyenewa jopa xeinaeyo peayapusuwa xua jiwi cana exanatsi xua jopa pexeinaewa penatsicuentsiwa xua abe peexanaexae Nacomtha. Matauntano jopa itacupaetsi xua jiwi pecanaexanaewatsi xua pecapanenebiwatsi abe pia peexanae cuiru coyene weya. <sup>19</sup> Barapo Moisés pia peitorobi coyenewa tatsi bapana jopa itacupaetsi xua jiwi juntucoyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua wunaewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

<sup>20</sup> Nacom xainyeya yabara tsiwunaee muxu duta pia pewantha xua Cristo naexanaena sacerdotepin xua ataya tsitecaeya. Jopa nama Nacom pia pewantha yabara tsiwunaee muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi. <sup>21</sup> Ichitha poxonae Cristo pon jiwi Pecanamataxeinaein sacerdotepin naexana, bapoxonae ichun, Cristo yabara paebatsi Nacom Pejume Diwesitha, jeye:

“Nacom pia pewantha yabara tsiwunaee muxu duta, ichawa jopa toxeincha yabara exanae tsane.

Poxonae Nacom yabara tsiwunaee muxu duta, bapon jeye Pexantotha: ‘Xam sacerdotepim xua ataya petsitecaenexa’, jei Nacom”,  
 jei ichun xua Nacom tapaebatsi  
 Nacom Pejume Diwesi.

22 Poxoru Nacom tsiwunaē muxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha. 23 Bayatha sacerdotepiwi pinmonae tsoponae. Ichitha barapo sacerdotepiwi naitapataya werapouneiba, yawa ichamonae naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanae coyenewan tsipei daxita werapouneiba. 24 Ichitha poxoru Jesús ataya asu pepoponaexae daxota ataya tsitecaeya exanaena pia peexanae coyenewa icha pepa sacerdotepin ichi. Jopa nantawenonaeyo xua ichun Jesús pecoutha tanacuitatsi pon xuya sacerdotepin naexana. 25 Daxota bapon ataya tsitecaeya itacupatsi xua jiwi ataya pecapanebiwatsi pomonae xua pepatsiwa tsane Nacomtha pomonae xua Nacom peyaputaewi pejume cowantsi jiwixae Jesús. Jesús baxua exana ataya tsitecaeya asu pepoponaexae xua pewucaenexa Nacomtha xua barapo jiwi peyawenaenexatsi.

26 Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejuntu coyene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentsiyo poxoru abe jopa exanaeyo Nacomtha. Bapon Jesús seicaya exana ducunaebiya. Jopa exanaeyo icha be ichi pomonae abe peexana dubenanaebiyaewi. Bapon Jesús Paxa capoinchi po itaboco tajū beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi. 27 Pepa sacerdotepiwi ba bewa exaneibina po coyene xua duwei jutebeiba iboto matatsuntha xua tuxusi exaneiba Nacom nexa, daxita maticabintha tsaibi. Baxuan nata exaneiba copiya abe pia peexanae coyenewan nexa. Baroxonae cotacaya jiwi taexaneibatsi abe pia peexanae coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua tupa exanatsi saya bara cae cui coyenetha daxita carepaya jiwi nexa xua jiwi abe pia peexanae cuiru coyenewan tatsi nexa. 28 Moisés pia peitorobi coyenewa tatsi canacui coyene exanatsi xua bara saya jiwi naexana pepa sacerdotepiwi. Barapo pepa sacerdotepiwi abe exana xua saya pecui pawī. Barapomonae jopa pejuntu cui coyene xanepanae jiwi Nacomtha. Ichitha Nacom yabara tsiwunaē muxu duta pia wantha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejuntu coyene xanepanaeinxae



Nacomtha. Baxua Nacom exana xua yabara tsiwunaē muxu duta xua pepuya weya tatsi poxonae Moisés catatsi peitorobi coyenewā.

## 8

*Meje yabara xua Jesús pon pejume yawenaēin jiwi Nacomtha*

<sup>1</sup> Anoxuae xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejunta coyene xanepanaēin Nacomtha xuaunxuae yabara paca tsipaebatsi. Bapon eca pia peitupanae ecaethopaewatha Nacom pia pecoxa weya tatsi, peitabocothēicha. <sup>2</sup> Anoxuae Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocothēicha. Barapo bo yatsicaewa Nacom pia pexainyei bo tatsi ichaxota popona xua itabocothēicha. Nacom pon jiwi Pecanamatax-einaēin exana barapo bo. Jiwi jopa exanaeyo barapo bo.

<sup>3</sup> Nacom daxita carepaya pepa sacerdotepiwi yabara tsiwun dubatsi xua jiwi petaexanaenexa tsaibi tsainchi po coyene pocotsiwa xua jiwi amanaya pecatsiwa Nacomtha. Matautano barapo pepa sacerdotepiwi yabara tsiwun dubatsi xua jiwi petaexanaenexa tsaibi tsainchi po coyene xua duwei pejutebiwa pocotsi duwein xua jiwi amanaya pecatsiwa Nacomtha xua abe peexanaexae. Daxota Jesús iru bewa bara ichiya exanae xua Nacom taexanatsi ichi sacerdotepiwi ichi poxonae Nacom taexanatsi. <sup>4</sup> Icha metha barapo dapaetha Jesús poponaetsipa barapo irathe poxonae irun jinompa barapo sacerdotepiwi po sacerdote Aarón yaiwi jopa itacupaetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixae. <sup>5</sup> Ichitha barapo sacerdotepiwi tanacuita be pocotsiwa xua saya penajupae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajupae coyenewa ichitha xaniwaicha jopa najupaeyo xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi wunaē jainteibina Nacomtha bapoxonae Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocotontha seicaya jiwi newunaē jainchina”, jei Nacom.

<sup>6</sup> Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiw<sub>h</sub>nae muxu duta xua bichocono w<sub>h</sub>nae beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi j<sub>h</sub>nt<sub>h</sub> coyene xanepana exanatsi Nacomtha. Ichitha barapo peru coyenewa jopa daichiyu.

<sup>7</sup> Bayatha peru petsiw<sub>h</sub>nae yabara muxu dutsiwa Nacom Moisés yabara tsiw<sub>h</sub>nae muxu dutatsi. Icha barapo coyenewa xeinaetsipa peayapus<sub>h</sub>wa xua daxota jiwi beta j<sub>h</sub>nt<sub>h</sub> coyene xanepana exanatsi Nacomtha, metha jopa nantawenonaetsipae icha pena petsiw<sub>h</sub>nae muxu dutsiwa.

<sup>8</sup> Ichitha Nacom tane xua barapo jiwi jopa pej<sub>h</sub>nt<sub>h</sub> coyene xanepanae jiwi bapontha poxonae barapo peru peyabara tsiw<sub>h</sub>nae muxu dutsiwa xeina. Daxota ich<sub>h</sub>n Nacom Pejume Diwesitha jeye:

“Nacom jeye: Maticabin othopaena, po maticabintha pena petsiw<sub>h</sub>nae muxu dutsiwa exanaein Israel nacuapiwi pia pemomoxi susato jiwitha tatsi ir<sub>h</sub> Judea nacuapiwi pia pemomoxi susato jiwitha tatsir<sub>h</sub>.

<sup>9</sup> Jopa bara j<sub>h</sub>ta coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae maticaponan Egipto nacua weya.

Daichitha barapomonae jopa nacui yabara w<sub>h</sub>naetsiyo xua peexanaenexa pocotsiwa itoroban poxonae catan barapo peyabara tsiw<sub>h</sub>nae muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ich<sub>h</sub>n.

<sup>10</sup> Equeicha ich<sub>h</sub>n jeye:

“Nacom jeye: Barapo peyabara tsiw<sub>h</sub>nae muxu dutsiwa Israel nacuamonaetha, poxonae barapo maticabin wetsina bara baxua exanaein.

Janje: Jiwi pej<sub>h</sub>nt<sub>h</sub> coyenewatha ichaxota nanta xeina taitorobi coyenewa baxota dubin. Barapoxonae barapomonae neyaputaena yawa nejume cow<sub>h</sub>ntsiya jejei tsane.

Tacoutha barapomonae pia Nacom tatsi naexanaein. Barapomonae tamona naexanaena.

<sup>11</sup> Dapon aibi pon bewa cuidubina ichantha xua xan yabara, xuano xua cuidubina pia jitontha xua xan yabara, matautano xua cuidubina peweicho xua xan yabara petana neyaputaewanexa tsane.

Jopa bewa cuidubi tsane barapomona tsipei daxita jiwi neyaputaena pomona pecui pawu jiwi, irano pomona peainya cui jiwi.

<sup>12</sup> Xan barapomona cui yabara jumentainaein abe pia peexanae cuiru coyenein tatsi, xua jopa pexeinaewa tsane xua tana netsita natsicuentisiwa xua abe peexanaewaxae. Bapana ataya equeicha jopa yabara nanta xeinaein tsane barapo abe peexanae cuiru coyenein, jei Nacom”, jei ichan Nacom Pejume Diwesitha xua saya Nacom tapaebatsi.

<sup>13</sup> Nacom yabara paeba pena peyabara tsiwanae muxu dutsiwa tsipei po peyabara tsiwanae muxu dutsiwa copiya Moisés yabara tsiwanae muxu dutatsi saya peru jume. Pocotsiwa ba peru coyenewa ba saya weraweraca. Daxota barapo peru peyabara tsiwanae muxu dutsiwa saya iru weraweraca.

## 9

*Meje yabara xua Nacom pin pia bo tatsi po bo xua itabocotha uncua xuano iruru po bo xua po irathe tsique uncua*

<sup>1</sup> Nacom copiya Moisés yabara tsiwanae muxu dutatsi. Barapo peyabara tsiwanae muxu dutsiwa peitorobi coyenein xeina xua pocotsi coyeneya israelmonae bewa exanaena poxonae nacaetuta xua wanae pejainchinexatsi Nacom. Matautano barapo peyabara tsiwanae muxu dutsiwa itoroba xua jiwi xeina po bo xua Nacom pia bo tatsi xua po irathe.

<sup>2</sup> Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xeina. Po tutu copiya dena pewan: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncua penainto po penaintotha itanatanota penasiwa. Matautano barapo tututha uncua xua pexaethopaewa po pexaethopaewatha xua baxota jeba pan, po pan xua Nacom catatsi.

<sup>3</sup> Paparuwa xua dutsica barapo paparuwa peuma werena icha tutu xeina po tutu pewan: “Yatsicaewa Nacom pia tutu po tutu bichocono pepa peainya cui tutu xua jopa xeinaeyo peabe cuiru”, jei. <sup>4</sup> Barapo tututha uncua xua be pecaxaethopaewa xua u penainto xua oro wan nainto. Baraxota yubeibiya tauteibathopa petuxueiwa po

petuxueiwa tuxusi tuxuei benata poxonae tauta. Matautano barapo tututha uncua xua be caja po caja pewun: “Nacom pia peyabara tsiwunaē muxu dutsi caja”, jei. Barapo caja peuma weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pewun maná matawun xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi pirururujei poxonae pexeinya petsita itutsi coyene exana pia peayapusu itorobi coyeneyatha. Matautano barapo caja juntututha bobena iboton po ibotontha mata tinaduba Moisés pia peitorobi coyenewa. <sup>5</sup> Barapo caja pemata xatatsiwa jumatha nacueyatabe ecabe ainya querubinbe matawunbe xua jumope canaxobiya exana oro nainto, ponbe be matatsunpinbe. Barapo ainya querubinbe matawunbe yabara caunuta xua Nacom baxota eca. Barapo ainya querubinbe matawunbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nunababareca po jana duwein jana. Barapo duwein sacerdotepin bexuba jiwi abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipae-bichi.

<sup>6</sup> Daxita nacui wunaeta pocotsiwa xua barapo tutubetha nexa. Bapoxonae sacerdotepiwi joneibeibiya daxita mat-acabi po tututha xua copiya dena. Barapo sacerdotepiwi barapo tututha exaneiba pia penacuichiwa. <sup>7</sup> Ichitha nama po tutu dabeya saya meisa joniyeiba pon pepa sacerdotepin xua saya caetha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata cajoniyaena duwein jana. Barapo jana nunababa ichaxota querubinbe matawunbe itabarayo deca xua bapon abe pia peexanae cuiru coyenewan tatsi nexa xuano xua iru jiwi abe pia peexanae cuiru coyenewan tatsi nexa xua poxonae jiwi jopa nacui yabara yaputaeyo. <sup>8</sup> Peyabara exanaewa daxita baxuan Nacom pia Pejumope tunaxu tatsi naca cuiduba xuaje: Poxonae cataunxuae sacerdotepiwi taexana dubenanaebiya Nacom po tututha xua copiya dena, jiwi jopa copatsichi xua pata po tutu dabeya ichaxota Nacom popona. <sup>9</sup> Daxita pocotsiwan barapo anserabocototha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwi Nacom wunaē jainteibatsi poxonae sacerdotepin exaneiba pocotsiwa xua jiwi pecatsiwa Nacomtha xuano xua poxonae exaneibano xua duwei pejutebiwa xua tuxusi exana

Nacom nexa. Bara bequein jiwi baxua exaneiba ichitha cataunxuae pia jantũ coyenein tatsi cana exanatsi xua awiya yabara nanta xeina dubenanaebiya abe pia peexanae cuiru coyenein tatsi. Barapo coyene po coyene jiwi exana jopa beta jantũ coyene xanepana exanaetsi xua jopa penatsicuentsiwa tsane Nacomtha xua abe peexanaexae. <sup>10</sup> Barapo peru peitorobi coyenewa xua Moisés pia peitorobi coyenewa tatsi jiwi jopa yawenaetsi xua penajantũ coyene xanepana exanaewa Nacomtha. Saya apara yabara paeba xua jiwi bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jiwi itorobatsi xua po coyenein yabara xua jiwi beta penaperũ xainwaetsiya nowaewa yabara pia wũnae jainteibichi Nacom. Barapo coyenein xua saya jiwi bewa cana exanae pia pepontha beya xua anoxuae Nacom pena coyenewa equeicha exana.

<sup>11</sup> Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocotheicha bichocono wũnae tsipei Nacom daxita matapaecha wetsiya exana. Barapo tutu bichocono wũnae beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocotheicha tsipei barapo tutu jopa apara po cae pin nacuathe tsique nexiyo. <sup>12</sup> Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pewan chivo, xuano xua vaca jana jopa caponaeyo xua penan jana, xua pebto jana. Saya jame Cristo Nacom tsita itutatsi xua bapon jiwi tsitupatsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwi nexa. Daxota bapon Cristo bara ataya tsitecaeya naca capanepa. <sup>13</sup> Sacerdotepiwi ba nota vaca pebton pia pejanan, yawa chivo pia pejana xuano ipuna xua poxonae tautatsi vaca pesowatiyo peweinyo. Sacerdotepiwi mata wenanubaba jiwi daxita baxuantha pomonaetha pomonae xua abe peexanae cuiru coyenein peexanaewixae. Bara bapoxonae barapo coyene jiwi itacupatsi xua cana exanatsi xua jopa penataxobiwa pia pepontha bequein awiya xeina penatsicuentsiwa. <sup>14</sup> Bequein bara baxuan barapo jiwi tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomonaebichocono yawenatsi. Cristo pejana bichocono peayapusũ coyenewa xeina beyacaincha xua duwein pejana. Nacom pia Pejumope tanaxũ tatsi po jumope ataya tsitecaeya popona

barapo pejumope t̄nax̄u tatsi Cristo yawenatsi poxonae saya Cristo nayabara cui copata xua bara pebexubinexatsi poxonae pejana pichapabarena pewan weya pet̄paewatha. Bapon Cristo jopa bapana exanaeyo peacoyenebewa. Cristo wanaca tsit̄paexae Nacom naca j̄nt̄u coyene xanepana exana. Daxota Nacom jopa tsita natsicuentichi abe waexanaexae. Waj̄nt̄u coyene equeicha jopa yabara wanaca tsipaebinx̄a abe waexanae coyene. Daxota jopa bewa ponae tsainchi ichaxota ataya atene tsaibi pomonae jopa pejume cow̄nt̄siwi. Anoxuae jame naca itac̄pa xua aj̄nt̄us̄ya taexana dubenanaebiyatsi Nacom pon xua ataya tsitecaeya as̄u pepoponaein.

<sup>15</sup> Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiw̄nae muxu dutsiwa tatsi. Bapon naca cana exana xua daxitatsi caemonae naexanatsi Nacomtha. Poxonae naca tsit̄pa Nacom yabara j̄nt̄emaina abe peexanae cuiru coyene po peabe exanae cuiru coyenein xua jiwi caena bayatha exana poxonae cataunxuae exanapona po coyene bayatha Nacom Moisés yabara tsiw̄nae muxu dutatsi xua peru peyabara tsiw̄nae muxu dutsiwa. Daxita pomonae Nacom pewabixae barapomonae catsibinchi peaj̄nt̄uyarus̄wa po peaj̄nt̄uyarus̄wa xua ataya tsitecaeya tsane xua bayatha Nacom peyabara tsiw̄nae muxu dutsixae barapomonaetha.

<sup>16</sup> Poxonae pebin ba ichichipa cata pia pecopiniwa ichamonaetha xua poxonae t̄paena, copiya matha yabara caununaya w̄n tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara t̄paba xua poxonae beya pew̄naeya tsane xua pecopiniwa notsinexatsi pon xua t̄pa. Bapoxonae barapomonae bara itac̄patsi xua pexainaewa pocotsiwa xua bapon xeina pon t̄pa.

<sup>17</sup> Barapo papera, po paperatha bayatha pebin nacopiniwa yabara jume tinaduba cataunxuae jopa ainya cuiyiyo poxonae ab̄u cataunxuae bapon popona tsipei jopa copiniwa notichi barapomonae. Saya jame poxonae bapon yatsicaewa t̄paba bapoxonae jame ainya cui barapo papera, tsipei barapomonae itac̄patsi xua pexeinaewa tsane pocotsiwa bapon xeina.

<sup>18</sup> Barichi barapo copiya peyabara tsiw̄nae muxu dutsiwa. Pew̄naeya tsane xua poxonae jiwi xeinaena pocotsiwa bayatha Nacom Moisés yabara tsiw̄nae muxu dutatsi sacerdotepin bewa matha duwein bexubina xua bapoxonae barapo coyene jiwi pexeinaewa tsane.

<sup>19</sup> Moisés daxita pia

peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pewan hisopo naeyo. Bapon mene muxunaxuba vaca jana poyo peweinyo pebtiyo xuano xua muxunaxuba chivo jana. Bapoxonae baxuan bapon Moisés nabanababa Nacom Pejume Diwesitha. Matautano daxita jiwitha mata wenabanababa. <sup>20</sup> Bapoxonae Moisés daxita jiwitha jeye: “Barapo jana po janatha paca mata wenabanabatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiwanae muxu dutsiwa”, jei Moisés. <sup>21</sup> Barichino Moisés exana xua anseraboco mata wenabanababa pejanatha. Matautano muxuna mata wenabanababa xua xuan barapo anserabocototha tututha umena pocotsiwan sacerdotepiwi canacuiteiba poxonae jiwi nacaetuteiba xua Nacom wanae pejainchinexatsi. <sup>22</sup> Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wenabanababi xua daxita baxuan Nacom jopa petsita nataxobinexatsi. Nacom jopa yabara jantemainaeyo jiwi abe pia peexanae cuiru coyenein tatsi icha jopa pejana epacae xua barapo jiwi nexa.

*Meje yabara xua Cristo tsitapa jiwi abe pia peexanae cuiru coyenewan tatsi*

<sup>23</sup> Sacerdotepiwi bewa jutebina duwei pemata wenabanabinexa pejanatha anseraboco. Bapoxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocotha. Ichitha nama barapo yatsicaewa pepa coyenewatha peexanaenexa peitabocotha jame bewa pejana epa-epacae pejana pon pejuntu coyene xanepanaein pon peainya cuin pia pejana tatsi xua Nacom tsita jiwi xanepanatsi xua jopa penatsicuentsiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi nabanababa po cae pin nacuathe. <sup>24</sup> Poxonae Cristo joniya Nacom pin pia botha tatsi xua itabocotha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocotha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuathe tatsi xua itabocotha. Baxoteicha anoxuae Cristo naituta Nacomtha xua wanacata tsipaebinxu Nacom peitabaratha. <sup>25</sup> Pon pepa sacerdotepin

bewa joniyaena bara saya caetotha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocototha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa tupa pecana exanaewatsi xua jiwi abe peexanae cuiru coyenein tatsi nexa. <sup>26</sup> Icha baxua tsipae bapoxonae bapon matowa tupa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe petupaenexa xua saya bara cae coyenewatha ataya petsitecaenexa tsane. Bapon Cristo naetotha tsitupa jiwi xua Nacom jiwi peyabara cui jantemainaenexatsi abe pia peexanae cuiru coyenein tatsi. <sup>27</sup> Daxita jiwi ba werapouneibina saya caetotha. Bapoxonae pirapae Nacom yabara paebina daxita jiwi xua penatsicuentsiwa xua abe peexanaexae. <sup>28</sup> Barichir<sub>u</sub>, icha jiwi ichi Cristo saya caetotha tsitupa jiwi pinmonae, xua Nacom jiwi abe pia peexanae cuiru coyenein tatsi pecayabara jantemainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pew<sub>u</sub>nae ewatsi jiwixaetsi xua bapon pepatopaewa po cae pin nacuathe tsique.

## 10

<sup>1</sup> Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua w<sub>u</sub>nae po coyene xua bexa Nacom exanaena itabocotheicha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xaina itabocotheicha. Moisés pia peitorobi coyenewa tatsi jopa itacupaetsi xua jiwi pejantu coyene xanepana exanaewatsi Nacomtha pomonae w<sub>u</sub>nae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi juntu coyene xanepana exanatsi xua jopa pexeinaenexa xua penatsicuentsiwa xua abe peexanaexae Nacomtha. <sup>2</sup> Icha Moisés pia peitorobi coyene tatsi jiwi juntu coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein



tatsi nexa. Icha jiwi caetotha juntu coyene xanepanaetsipa Nacomtha, bapoxonae jiwi jopa natsicuentisipae xua abe peexanaexae Nacomtha. <sup>3</sup> Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara jantanaina barapo abe pia peexanae cuiru coyenein tatsi. Jiwi yabara jantanaineiba baxuan daxita weitha poxonae duwein jutebeibatsi barapo jiwi nexa. <sup>4</sup> Vaca pebto pia pejana tatsi yawa chivo pia pejana tatsi jopa bapana jiwi juntu coyene wenotichi abe pia peexanae cuiru coyenein tatsi xua jopa penatsicuentisiwa nexa Nacomtha xua abe peexanaexae.

<sup>5</sup> Daxota poxonae Cristo patopa po cae pin nacuathe tsique, Cristo jeye Nacomtha:

“Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.

Jame pebaxuanexa yatsicaewa pepa jiton necana exaname xua naexanan, tatsitupaenexa jiwi abe pia peexanae cuiru coyenein tatsi nexa.

<sup>6</sup> Xam jopa cajuntu coyene weiweina exanaeyo poxonae duwein ompin tautatsi xuano xua pexaewa tauta petuxusi exanaenexano xua xam neyabara jantemainaenexa jiwi abe pia peexanae cuiru coyenein tatsi.

<sup>7</sup> Bapoxonae xan Cristo, janje:

‘Xam Tanacom.

Xan xote po nacuathe patopeicanje taexanaenexa xua pocotsiwa ichichipame be pocotsi coyeneya necui yabara tina jinya diwesitha’, jan”, jei Cristo.

<sup>8</sup> Copiya Cristo paeba xua jeye: “Xam jopa ichichipaem yawa jopa cajuntu coyene weiweina exanaeyo po coyene xua poxonae jiwi bexuba duwein xuano poxonae exaneiba po coyene poxonae jiwi amanaya cacatsibeiba. Matautano jopa ichichipaem poxonae duwein ompin tautatsi xua jiwi abe pia peexanae cuiru coyenein tatsi nexa”, jei Cristo. Baxua Cristo paeba tsipei Moisés pia peitorobi coyenewatha itoroba xua jiwi bewa exanaena barapo coyenein Nacom nexa. <sup>9</sup> Equeicha bapoxonae Cristo cotacaya jeye: “Xan xote po cae pin nacuathe patopeicanje taexanaenexa pocotsiwa ichichipame”, jei. Poxonae Cristo baxua caunutsiya paeba

copiducua cana exana po coyene peru coyene. Cristo anoxuae equeicha pecoutha pena coyene exana poxonae naetotha tsitupa jiwi abe pia peexanae cuiru coyenein tatsi. <sup>10</sup> Nacom naca juntu coyene xanepana exana wanaca cana exanaenexa piamonae tatsi poxoru Jesucristo exana pocotsiwa Nacom peichichipaexae. Jesucristo pia pepon nacaenaeta Nacomtha xua naetotha petsitupaenexa daxita jiwi abe pia peexanae cuiru coyenein tatsi xua bara cae coyenewatha xua ataya petsitecaenexa tsane.

<sup>11</sup> Daxita sacerdotepiwi pomonae judiomonae daxita matacabi exaneiba xua duwein pebexubiwa, bequein barapo coyenewa jopa itacupaetsi xua jiwi juntu coyene wenotatsi abe pia peexanae cuiru coyenein tatsi. <sup>12</sup> Nama Jesucristo bara cae coyenewatha exana poxonae naetotha tsitupa jiwi abe pia peexanae cuiru coyenein tatsi, xua bara ataya tsane. Poxonae Cristo baxua nacui weta Nacom pia pecoxatheicha tatsi equiya xua itabocotheicha. <sup>13</sup> Baxoteicha Cristo abu ewata beya poxonae abu tsane poxonae Nacom cana exanaena xua Cristo cana exanaeinchi xua pecanamataxeinaenexa pia peaitafaetabi jiwichi. <sup>14</sup> Cristo piamonae juntu coyene xanepana exana xua ataya tsane poxonae naetotha tsitupa cae coyenewatha. Barapomonae pomonae xua Nacom tsitatsi xua jopa xeinaeyo penatsicuentisiwa pomonae piamonaexae tatsi. <sup>15</sup> Nacom Pia Pejumope tuxaxu tatsi baxua yabara iru naca tsipaeba bayatha Nacom Pejume Diwesitha, jeye:

<sup>16</sup> “Matacabin othopaena po matacabintha xan tayabara tsiwuna muxu dutsiwa xua pena coyenewa exanaein barapomonaetha. Jiwi pia juntu coyenewantha xua ichaxotanta xeina taitorobi coyenewa baxota dubin”, jei Nacom pia Pejumope tuxaxu tatsi.

<sup>17</sup> Baroxonae equeicha Nacom pia Pejumope tuxaxu tatsi jeye:

“Bapana ataya equeicha jopa yabara jantanainaein tsane jiwi abe pia peexanae cuiru coyenein tatsi”, jei Nacom pia Pejumope tuxaxu tatsi, Nacom Pejume Diwesitha.

<sup>18</sup> Daxota poxonae Nacom yabara junteina jiwi abe pia peexanae cuiru coyenein tatsi, equeicha jopa nantawenonaeayo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsibeibiwatsi.

*Meje yabara xua waxainchi bewa wajuntũ coyeneyatha nanta xeinaetsi xua bara apara imoxoyo itiya jinompatsi Nacom*

<sup>19</sup> Tamonae pam, daxota anoxuae naca itacũpa xua jopa junuwiya patsi tsainchi itabocotha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itacũpa tsipei Nacom yabara copata xua bara Jesucristo naca tsiwanaya patopa barapo tututha pejana pichapabarenaexae poxonae naetotha naca tsitũpa. <sup>20</sup> Anoxuae naca itacũpa xua wapatsiwa Nacomtheicha pena jũntũ coyene waxeinaexae po pena jũntũ coyene ataya ayapusũ xua poxonae Cristo wanaca tsitũpaexae. Baraxua be poxonae metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota joniyaeinchi wajinompaenexa Nacomtha. <sup>21</sup> Bapon Jesús, yatsicaewa wasacerdotepin, pon canamataxeina Nacom pia bo tatsi xua itabocotha. <sup>22</sup> Daxota bewa wajuntũ coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajuntũ coyene xanepanaexae bapontha. Mataũtano bewa wajuntũ coyeneyatha nanta xeinaetsi xua bara apara imoxoyo itiya jinompatsi Nacom xanepanaya wajume cowũntsiya jinompaexae. Mataũtano bewa wajuntũ coyeneyatha nanta xeinaetsi xua bara apara imoxoyo itiya jinompatsi Nacom tsipei jopa jũntũ coyene auratsi xua jopa watsita natsicuentisixae xua abe waexanaexae. Mataũtano bewa wajuntũ coyeneyatha nanta xeinaetsi xua bara apara imoxoyo itiya jinompatsi Nacom tsipei poxonae ichamonae naca bautisaba meratha tsita itapeinya xeinatsi xua Nacom bayatha naca jũntũ coyene xanepana exana. <sup>23</sup> Barabũ naajũntũcoyenesũ exainchi xua jopa junuwiya wayabara paebiwa tsainchi wawũnae ewatsiwa. Baxua exanaponaeinchi tsipei bara yaputainchi xua Nacom bara exanaena pocotsiwa bayatha yabara naca tsiwũnae muxu duta xua jopa yabara ainya unthũtontsi. <sup>24</sup> Barabũ yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonae nantiya naantobe tsainchi, mataũtano xua xanepanaya beta nantiya nata exanaeinchi. <sup>25</sup> Jopa bewa bara jũta coyeneya ichiya exanaetsi be pocotsimonae waxainchi jiwantsi pomonae jopa pateibiyo poxonae nacaetuteibatsi xua poxonae Nacom wawũnae jainchinexa. Ichitha jame bewa nantiya najũntũ coyene tsacabichi xua jũntema wajinompaewatsi. Barapo coyene bewa exanaponaetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua matabi jopaena, po mataqueitha pon jiwĩ Pecana-

mataxeinaein patopaetsica.

<sup>26</sup> Tsipei icha ichamonae waxainchi jiwantsi icha barapomonaе awiya abe exanapona xua pocotsiwa peichichipaexae xua abe exana xua poxonaе bequein peyaputaewatha po coyene pexainyei jume, nama icha coyenewa ajibi, xua ichan equeicha petsitupaenexa barapo peabe coyenewa. <sup>27</sup> Saya jame meisa tanacopatatsi pomonaе awiya abe exanapona xua matabi cunuwa po mataqueitha poxonaе Nacom yabara paebina jiwi xua penatsicuentisiwa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomonaе pia peaitafaetabi jiwichi. <sup>28</sup> Po pebin jumefeba po coyene Moisés itoroba pia peitorobi coyenewatha, xua poxonaе nacueyatabe pebinbe ichacuitha poxonaе acoibi poyobe baponbe yabara paebabe: “Bapon pajume tan poxonaе jumefeba”, jei, bapoxonaе bapon bewa tupaena. Tsipei pomonaе bapon yabara paebatsi xua penatsicuentisiwa xua abe peexanaexae, barapomonaе tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomonaе jopa yabara nanta xeinaeyo xua bapon peyawenaewatsi. <sup>29</sup> Xuaje payabara nanta xeinare: Nacom bichocono atene exana pomonaetha pomonaе Pexanto tatsi itaweta. Matautano atene exana pomonaetha pomonaе abe yabara paeba xua pinae Jesús pejana jopa ainya cuiyo bequein Jesús tsitupa jiwi. Jesús petsitupaexae daxota Nacom yabara tsiwanae muxu duta xua jiwi pejunta coyene xanepana exanaenexatsi Nacom. Matautano barapomonaе jopa natsicuentisi tsane xua abe peexanaexae. Matautano Nacom atene exana pomonaetha pomonaе Nacom pia Pejumope tanaх tatsi tsumu jumeya baru paebatsi po pejumope jiwi yawenatsi pia peantobexaetsi. Barapomonaе nama bichocono atene exanaeinchi beyacaincha xua ichamonae atene exanaeinchi pomonaе jopa exanaeyo pocotsiwa Moisés itoroba. <sup>30</sup> Waxainchi yaputainchi xua Nacom bayatha jeye: “Xan tacoya exanaein pentoma xua jiwi atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonaе xua penatsicuentisiwa xua abe peexanaexae”, jei. <sup>31</sup> Po pebin abe exana bichocono junuwa cana exanatsi poxonaе Nacom yabara paebina bapon tsipei barapo pebin Nacom tsitatsi xua bapon bara penatsicuentisiwa xua abe peexanaexae. Bapoxonaе Nacom, pon ataya asu pepoponaein, bichocono jopa juniya atene cana exanae tsane bapontha.

<sup>32</sup> Bara ataya payabara jantanainare po dapaetha

poxonae bequein aena pajume cowantame Nacom, xua ichitha beta paexaname. Bapoxonae awiya ichitha jantema parubenaebiyame poxonae bequein ichamonae pacata abe exana. <sup>33</sup> Ichamonae xua paxam jiwana pam barapomonae tsam̄ jumeya biatainchi xuan̄o jiw̄i it̄utha atene exaneibatsi. Ir̄ur̄u ichamonaer̄u pomonae paxam jiwana pam barapomonae nacayabara nanta xeina xua barapara ir̄ur̄u atene exaneibatsi poxonae ichamonae atene exaneibatsi. <sup>34</sup> Paxam painya antobexae pacayabara nanta xeiname pomonae jiw̄i pec̄ubi botha jebatsi xua painya neyawenaenexa. Bequein bara ichamonae daunweya pacata nota xua xuan daxita paxeiname, daichitha awiya cataunxuae paj̄nt̄u coyene weiweiname. Bara payaputaneme xua paxeiname itabocotheicha pocotsiwa bichocono yatsicaewa w̄nae beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocotheicha ataya tsitecaeya paxeinaeneme baxua. <sup>35</sup> Jopa pana nacui barapentsinde xua payabara jume cowanta dubenanaebiyame xua painya nepaca catsinexa pocotsiwa bayatha Nacom yabara paca tsiw̄nae muxu duta. Tsipei wajume cowanta dubenanaebiyaexae tsane Nacom, baxua nexa Nacom pentoma naca catsibina xua bichocono nawita xua pia nacuatheicha. <sup>36</sup> Paxam panantawenoname xua aj̄nt̄uyarus̄uya parubenaebiyama awiya xua jopa paaitaconaem bequein ichamonae pacata abe exana xua painya neexanaenexa pocotsiwa Nacom ichichipa. Bapoxonae Nacom paca catsibina pocotsiwa xua bayatha yabara paca tsiw̄nae muxu duta. <sup>37</sup> Nacom Pejume Diwesitha jeye:

“Methaunxuae patopaetsica, pon bewa patopeicaena.

Jopa bayathiyo tsane.

<sup>38</sup> Pon bara netsita pej̄nt̄u coyene xanepanaein, bapon bara ataya poponaena tana nejume cowanta ducuaanaebiyaexae. Ichitha icha bapon equeicha caewa jopa nejume cowantsiyo jopa xanepanaya beyabara j̄nt̄u coyene weiweinaeinyo, pocotsiwa bapon peexanaexae”, jei Nacom.

<sup>39</sup> Ichitha nama waxainchi jopa be barapomonaetsi, pocot-simonae equeicha caewa jopa jume cowantsiyo Nacom. Barapomonae Nacom weraweraca exanaena. Nama waxainchi pomonaetsi awiya jume cowanta dubenanaebiyatsi Nacom beya poxonae waj̄nt̄u coyenewa nacata capanepa exanaeinchi.

## 11

*Meje yabara xua Nacom pejume cowantsiwatsi*

<sup>1</sup> Pon jume cowanta ducuanabiya Nacom, bapon bara xaniwaicha yaputane xua xeinaena pocotsiwa wnae ewata. Matautano pejuntu coyene tsita najume itapeinya xeinatsi xua barapara xainyei po coyene xua barapon yabara jume cowanta bequein cataunxuae yatsicaewa jopa taeyo. <sup>2</sup> Wamo susato jiwi xanepanaya beta yabara paebatsi xua Nacom beta yabara paeba ayapusya pejume cowantsiwaxaetsi.

<sup>3</sup> Waxainchi wayabara jume cowantsixae xua Nacom naca yawenapaeba daxota yaputainchi xua barapo cae pin nacue iru barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

<sup>4</sup> Abel pon caena bayatha popona yabara jume cowanta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pejuntu coyene wnaein. Iruru Cain Abel pentapin tatsi, bapon iruru bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Cain exana. Nacom baxua beita cui jichatsi tsipei Abel peyabara jume cowantsixae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonae yabara yorobatsi Abel pia pejume cowantsiwa tatsi.

<sup>5</sup> Enoc pon caena bayatha popona yabara jume cowanta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocotheicha, xua bapon Enoc jopa petupaenexa bara po cae pin nacuathe. Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonae pewnaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae. <sup>6</sup> Jopa itacupaetsi xua jiwi Nacom tsita xanepanatsi icha barapo jiwi jopa beta jume cowantsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowantsina xua Nacom bara xaniwaicha popona. Matautano jame bewa yabara jume cowantsina xua Nacom bara cata pocotsiwa bayatha yabara tsiwnae muxu duta pomonaetha pomonae pia pejeichiwichi xua pejume cowantsinexatsi. Barapomonae Nacom yaputainchi.

<sup>7</sup> Noé pon caena bayatha popona yabara jume cowanta xua Nacom yawenapaeba. Daxota Noé piamonae tsiexana pin jera nae xua piamonae matabuxhuo pebaru nacapanepaenexa. Nacom Noé pewunaeya yabara muxuwetatsi xua pocotsiwa hexa exanaena pocotsiwa Noé bapana bayatha jopa taeyo, xua pin awubo tsane xua Nacom itorobina. Noé bara jume cowantsiya exana pocotsiwa Nacom itoroba poxona pin jera nae exana xua piamonae matabuxhuo pebaru nacapanepaenexa. Noé pejume cowantsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxona jopa yabara jume cowantsiyo xua Nacom itorobapaeba pin awubo. Nacom tsitatsi xua barapo jiwi atene tsane penatsicuentiwxaxae jopa pejume cowantsixaetsi. Jame Noé Nacom juntu tsita coyene xanepanatsi pejume cowantsixaetsi bapon. Daxota Nacom Noé piamonae matabuxhuo baru capanepatsi.

<sup>8</sup> Abraham pon caena bayatha popona yabara jume cowanta xua Nacom yawenapaeba. Daxota poxona Nacom pewabixae, bapon bara exana pocotsiwa Nacom itoroba. Bapon Abraham pia nacia weya pona xua peponaenexa icha nacuatha, po nacia bayatha Nacom yabara tsiwuna nae muxu duta, xua bapon catapaebatsi. Bapon Abraham pia ira weya pona xua icha nacia beya pona po nacia bequein jopa yaputaeyo ichaxota pona. <sup>9</sup> Abraham peyabara jume cowantsixae Nacom, bapon popona po iratha xua bayatha Nacom yabara tsiwuna nae muxu duta. Bapon Abraham be pon penanapaincha poponaen xua icha nacia werena poponaexae xua poxona icha nacuatha popona. Bapon Abraham poponeiba anserabocon bomuxhixitha icha Isaac ichi iru icha Jacob ichi poxona poponeibabe anserabocon bomuxhixitha. Abraham, iru Isaac, iru Jacob barapoyobe Nacom tsiwuna nae yabara muxu duta barapo ira xua Nacom pecatsinexa. <sup>10</sup> Abraham nacui yabara wuna ewata xua patopaena po tomaratha ichaxota xua pepu umena bon xua Nacom pia nacuatheicha. Apara Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

<sup>11</sup> Barichi Sara Abraham piseuri tatsi yabara jume cowanta xua Nacom yawenapaeba. Bequein bapowa acue xua jopa peitacupaewatsi xua pexeinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntu yapusawa, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwuna nae muxu duta. <sup>12</sup> Bara barichi

Abraham. Bapon bichocono amo tsecae xua bara imoxoyo petupaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota bapoxonae bapon pia pemomoxi jiwi tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Matautano barapomonae icha taetowa beno ichi xua bichocono beno cncn jei xua mar mene itapatha. Jopa itacupaetsi xua barapo jiwi peununaewatsi icha taetowa beno ichi.

<sup>13</sup> Daxita pomonae jume cowunta Nacom barapomonae yajume cowuntsiya werapa. Aba cataunxuae jopa catsibichi pocotsiwa bayatha Nacom yabara tsiwinae muxu duta xua pocotsiwa bapomonae catsibapaebatsi. Daichitha barapomonae yabara jume cowunta xua pocotsiwan bexa xeinaena xua Nacom bexa catsibina. Barapomonae baxuan yabara jume cowuntsiya tsita xanepanatsi. Barapomonae nantiya nayabara nanta xeina, jeye: “Waxainchi pomonae be wananapaincha jinompaewichi barapo pena nacuathe xua be icha nacua werena waponae wi, pomonaetsi xua awiya jeita dubenanaebiyatsi po nacua yatsicaewa pepa wanacua”, jei daxita barapomonae. <sup>14</sup> Tsipei barapomonae baxua paeba, naca yaputane exana xua awiya jeitapona po nacua yatsicaewa pia nacua tatsi. <sup>15</sup> Barapomonae jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarapaewa pia nacuathe ichaxota copiya bayatha jinompa. <sup>16</sup> Ichitha barapomonae ichichipa po nacua xua bichocono winae beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomonae yabara paebatsi xua pinae Nacom barapomonae pia Nacom tatsi. Daxota Nacom barapomonae tsiwinaetatsi tomara.

<sup>17</sup> Nacom Abraham juntu coyene jujatatsi peyaputaenexa icha bara metha yatsicaya jume cowuntatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxonae duwein bexuba Nacom nexa. Abraham pejume cowuntsixae Nacom daxota pexanto capana atororo beya pon yatsicaewa compa tatsi pon pewan Isaac. Abraham muxu pexanto pebexubi icha be pocotsi coyeneya ichi xua poxonae duwein bexuba Nacom nexa. Bapon baxua exana bequein Nacom yabara tsiwinae muxu duta barapo Abraham pexanto tatsi, jeye: <sup>18</sup> “Barapo nexanto Isaacxae nantautsiname nemomoxi susato jiwi”, jei Nacom. <sup>19</sup> Abraham jume cowunta xua icha Isaac tupaetsipa Nacom itacupatsi xua equeicha Isaac caewa asu exanatsi



poxonae bequein pexanto bexubichipa. Poxonae Abraham muxu pexanto pebexubi, apara bara be xua bayatha тара, matautano apara be xua Abraham pexanto equeicha caewa asu taexainchi.

<sup>20</sup> Barichi Isaac yabara jume cowanta xua Nacom yawenapaeba. Daxota bapon Isaac pexantobe tsipaeba, jeye: “Barabu Nacom paca yawenaena pia paca necaantobexaebe”, jei Isaac pexantobetha, Jacob iru Esau.

<sup>21</sup> Barichi Jacob yabara jume cowanta xua Nacom yawenapaeba. Daxota poxonae bapon juntucuru imoxoyo тараенaba barompaya tsipaebabe José pia pexantobetha tatsi xua pia pemomobexae tatsi. Bapon jeye: “Barabu Nacom paca yawenaenabe pia paca necaantobexaebe”, jei Jacob José pia pexantobetha tatsi. Baroxonae bapon Nacom wanae jaintatsi poxonae naewatha nabuxu babatanotsiya yuyutanota tsipei bichocono amo tsecae.

<sup>22</sup> Iru José yabara jume cowanta xua Nacom yawenapaeba. Daxota poxonae bara imoxoyo тараенaba yabara paeba israelmonae. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacuatha beya po nacua bayatha Nacom yabara tsiwanae muxu duta xua Nacom catapaeba. Matautano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiwanae muxu duta xua Nacom catapaeba.

<sup>23</sup> Moisés pena tatsi iru paxa tatsi yabara jume cowanta xua Nacom yawenapaeba. Daxota Moisés matsiyatatsi botha acoibi po xometobe poxonae aena naexana. Moisés pena yabara nanta xeinatsi yawa paxa yabara nanta xeinatsi xua Moisés ituban tsecae. Baponbe jopa yabara jume cuitaya junuwiyobe xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin wutixi bewa jutebinchi.

<sup>24</sup> Iru Moisés yabara jume cowanta xua Nacom yawenapaeba. Daxota poxonae bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés.

<sup>25</sup> Saya jame bapon Moisés itapetatsi xua iru yawa muxuna atene exanaeinchi Nacom piamonae tatsi xua poxonae barapomonae atene exanaeinchi xua ichamonae atene exanaena pomonae Egipto nacuamonaexae. Moisés ichichipa xua pecana exanaewa tsainchi icha piamonae tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xeina.



moxi susato jiwi tatsi pia Nacom tatsi. Bapowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwanamonaе namicha pata xua pecui amanayabiya taenexa Jericó tomaratha, bapoxonae barapowa Rahab matenta weyataeya waba, xua barapo israelmonae jiwanamonaе wabatsi pia botha tatsi.

<sup>32</sup> Jopa equeicha paebinyo xua equeicha pinmonae tayabara paebiwa pomonaе pejume cowantsiwi Nacom. Jopa neyapu jupaeyo xua jopa taxeinaewa matacabi xua tacueicueijeinexa Gedeón yabara, iruno Barac yabara, iruno Sansón yabara, iruno Jefté yabara, iruno David yabara, iruno xua Samuel yabara, iruno pomonaе Nacom pia peitorobi jume petapaebiwi tatsi yabara. <sup>33</sup> Daxita barapomonaе jume cowanta Nacom. Ichamonaе barapomonaе jiwana, amanayaba ainya nacuanpiwitha, pejume cowantsixae xua Nacom yawenaena. Ichamonaе pejume cowantsixae Nacom daxota jiwitha beta xaniwaicha canamata itoroba. Ichamonaе pejume cowantsixae Nacom barapomonaе catsibatsi pocotsiwan xua bayatha Nacom yabara tsiwanae muxu duta. Ichamonaе pejume cowantsixae Nacom, Nacom exana xua coibo acaba neuthun, xua barapomonaе jopa atene peexanaenexatsi barapo neuthun. <sup>34</sup> Matautano ichamonaе pejume cowantsixae, daxota Nacom yawena barapomonaе poxonae Nacom itaxutaba exana po isoto bichocono pin isoto xua barapomonaе po isototha tautatsi. Barichi ichamonaе pejume cowantsixae daxota Nacom capanenebiya tsaibi barapomonaе poxonae muxu pejutebeibichi peopi sojeiwantha xua be cusi. Matautano pomonaе faefaena, equeicha Nacom daunwei exana. Daxota barapomonaе daunwei poxonae naba. Ichamonaе Nacom peyawenaexae amanayaba pia peaitafaetabi jiwichi xua ainya soldadomonaein bicheitontha. <sup>35</sup> Barichi ichamonaе yabuxi pejume cowantsixae equeicha caewa piamonaе xeina, pomonaе equeicha caewa taasutsi petupaewa weya.

Ichamonaе itacupatsi xua panenebiya xua jopa werapae tsane xua icha poxonae Nacom itawetatsina. Nama barapomonaе jopa bepaebiyo baxua daxota barapomonaе werapa poxonae bichocono caitacueintatsi ichamonaе. Barapomonaе, pomonaе pewerapaewi yaputane xua pejume cowantsixae Nacom, daxota Nacom equeicha asu exanaena xua barapomonaе pepatsiwa tsane Nacom pia nacuatheicha. <sup>36</sup> Ichamonaе pejume cowantsixae Nacom, bichocono ajuntacuicoyenetane tsipei bichocono cui capanebatsi ichamonaе. Matautano ichamonaeru cuaintebatsi. Ichamonaeru penain mutontha cubebatsi. Ichamonaeru jiwi pecabi bontha cuaranobatsi. <sup>37</sup> Ichamonaе pejume cowantsixae Nacom,

ibotontha tupa exanatsi poxonae cuinbabatsi. Matautano ichamonae werapa poxonae epa nantarabobiya thabebatsi seruchotha. Iruru ichamonae pejume cowantsixae jutebatsi peopi sojeiwantha xua cusin. Ichamonaeru pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonae acopeibiwi tsobenae, barainebatsino abe taexanebatsino. <sup>38</sup> Pomonae barapo cae pin nacuathepiwi Nacom pejume cowantsiwi yabara paebatsi, yabara jeichiche: “Jopa be cui copatichi xua barapomonae pejinompaewa tsane watomaratha”, yabara jeichichi. Ichitha barapomonae Nacom tsita ainya cuichi beyacaincha barapomonae pomonae barapo cae pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonae demxuwantha dubenanaebiya, muthanthano jinompa, xuano xua duwei pia muthantha jinompano.

<sup>39</sup> Bequein Nacom yabara paeba barapomonae xua beta peexanaexae pejume cowantsixaetsi, daichitha cataunxuae abu barapomonae jopa catsibichi pocotsiwa Nacom bayatha yabara tsiwanae muxu duta barapomonae, matautano xua caeinthano. <sup>40</sup> Barapomonae cataunxuae abu jopa catsibichi baxua tsipei Nacom naca yabara nanta xeina xua bexa tsane iru naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonae Nacom naca cayawa muxuna juntu coyene xanepana exanaena.

## 12

*Meje yabara xua waxainchi bewa exanaponaetsi icha Jesús ichi poxonae exanapona*

<sup>1</sup> Pomonae xuaunxuae yabara pacata tinatsi barapomonae bichocono pin bicheitomonae, pomonae pejume cowantsiwi po coyene xua Nacom yawenapaeba. Barapomonae naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonae. Baxua naca cuiduba xua iru bewa xanepanaya jume cowanta dubenanaebiyaeinchi bequein naca atene exana ichamonae. Barabu waxainchi daxita nacui barapentinchi abe waexanae cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barabu waxainchi beitatemaya ajuntasya awiya exanapoinchi pocotsiwa Nacom naca cui itoroba. <sup>2</sup> Saya meisa Jesús jantanainaeya jinompatsi wanaca yawenaenexa. Bapon copiya bichocono pejume cowantsixae Nacom daxota bapon wanaca canamataxeinaein xua wajume cowantsinexa. Matautano bapon

betiya naca exana xua beta wajume cowantsiwa poxonaе cataunxuae awiya wajinompaewa barapo cae pin nacuathe. Jesús bara saya copata xua atene exanadutatsi naetotha ichamonae poxonaе tupa exanatsi. Bapon jopa auriyo bequein naetotha tupa exanatsi jiwi peitatha tatsi. Ichamonae ba bichocono aura xua poxonaе petupae exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonaе nacana cui wetinchi xua atene exanatsi, xuano xua poxonaе tupa exanatsi naetotha, bapoxonaе bichocono juntu coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pecoxa weya tatsi xua itabocotheicha ichaxota Nacom eca pia pexeinya peecaethopeibiwatha.

<sup>3</sup> Jesús pacayabara jantanainaponde xua bayatha po coyene Jesús abeya exanatsi pomonaе abe peexanae jiwi. Jesús awiya beitatemaya saya popona poxonaе bequein bichocono atene exanatsi barapomonaе pomonaе abe peexanaewi. Daxota jopa paraichinde xua poxonaе jopa pana najuntu coyene tsacabim. Matautano jopa paajuntucoyenefaetabinde xua poxonaе daxota jopa beta painya taexanaewa Nacom. <sup>4</sup> Painya juntu coyenewatha pajume torobabame abe peexanae cuiru coyenein xua painya neexanaeyainwa barapo coyenein. Bapoxonaе jopa panaitematsim xua painya nejume cowantsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua tupa xua bichocono daunweya peexanaexae barapo coyene. <sup>5</sup> Paxam pajantemainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi tapaca cuidubinexatsi.

Poxonaе atene paca exanatsi jopa ajuntucoyenefaetabiya pajinompaeinde xua yabara tapana nejume cowantsiwam.

<sup>6</sup> Tsipei muxuwetsiya cuiduban pomonaetha pomonaе antobein.

Matautano atene exananno pomonaetha pomonaе tapexui tsicotan”, jei Nacom Pejume Diwesitha.

<sup>7</sup> Awiya jantema pajinompare poxonaе bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi

xua poxonae icha bichocono antobetsi paxa. <sup>8</sup> Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonae paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa. <sup>9</sup> Matautano caena bayatha poxonae cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi baru cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom, pon itabocotheicha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocotheicha popona wanaca catsinexa peajuntuyarusu coyenewa. <sup>10</sup> Waxeiwi poxonae pexuichi barapo cae pin nacuathe saya caepatiyo naca muxuwetsiya cuiduba. Baxua nacata exana icha be pocotsi coyeneya xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono wajuntu coyene xanepanaewichi, icha Nacom ichi xua bichocono pejuntu coyene xanepanaein. <sup>11</sup> Poxonae naca atene exana bara bapoxonae nanta xeinatsi xua jopa nacata xaexaenaecaeyo, tsipei bara xaniwaicha naca atene exana. Ichamonae yabara cui copaba xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuenti tsane xua abe peexanaexae bapontha. Barapomonae xeinaena pejuntu coyene xanepanaewa Nacomtha xuano junte ma dubenanaebiyaena.

*Meje yabara xua poxonae Nacom naca muxuweta xua jopa bewa Nacom itawetichi*

<sup>12</sup> Yaitama pajuntu coyene faefaename, xua painya nejume cowuntsiwa daxota painya coutha pana najuntu coyene tsacabare xua beta painya nejume cowuntsiwa tsane Nacom. Matautano xua payabara ajuntucoyenerewem tsaibi ichawan. Pana najuntu coyene itorobare xua awiya ayarusuya painya neexanaponaewa tsane. <sup>13</sup> Painya xoba icha diwesi pajume cowantame po diwesi xua jopa Nacom Pejume Diwesi tatsi. U meisa paexanare pocotsiwa Nacom Pejume Diwesitha yabara paeba xua beta painya nejume cowuntsiwa. Icha baxua paexanaetsipame iru ichamonae barichipae. Bequein barapomonae copiya juntu coyene faefaenaetsipa pejume cowuntsiwatha ichitha bapoxonae beta exanaponaetsipa xua pejume cowuntsiwa pia paca cui taexae.

14 Nantiya daxita jiwí ajuntayapusya betiya pana nabaru jntemiya jinompare. Bichocono pana najntu coyene xanepana exande Nacomtha xua jopa painya nenatsicuentisnexa xua abe painya neexanaexae bapontha, xua painya netaenexa bapon. Tsipei pomonae jopa xeinaeyo barapo coyene jopa itacupaetsi xua Nacom petaewatsi tsainchi. 15 Dota pam xua ichamonae pomonae paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Matautano barapo ichamonae pomonae painyamonae jiwanaxae pia xoba abe exana ichamonae peitutha tatsi xua daxota iru ichamonae pebarichinexa xua abe peexanaewa. 16 Ichamonae pomonae paxam jiwana pam, pia xoba nota icha yabuxitha, powaxi jopa xapain barompaya pia seurixi. Matautano dota pam xua ichamonae paxam jiwana pam jopa tsita pecui pawí tsainchi po coyenewan xua Nacom piawan tatsi. Barapo coyene Esaú exana pon caena bayatha tupa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwanae muxu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaú jopa jume cowantsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo. 17 Paxam payaputaneme xua bapon Esaú pirapaeyo ichichipa xua equeicha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyup tawuca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata pupara. Bequein bara bapon auranaya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

18 Caena bayatha pia Nacom caquita ponaetsi Israel pia pemomoxi susato jiwí tatsi demxuwa itabaratha umena poxonae Nacom Moisés catatsi pia peitorobi coyenewa. Barapomonae jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxonae Israel pia pemomoxi susato jiwí tatsi umena barapo demxuwa itabaratha, baxoyo pin isoto uncueica barapo demxuwatha. Matautano bapoxonae bichocono quirei, yawano nobonno. Matautano pin joibo baxoyo

uncueica. Ichitha jopa bara paichim, jopa pataem baxuan. <sup>19</sup> Paxam jopa pajume taem peobiwa jume po peobiwa pewan trompeta nain matawan, icha poxonae barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom cueicueije barapo Israel pia pemomoxi susato jiwitha tatsi barapo demxuwatha. Pomonae jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane. <sup>20</sup> Barapomonae baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom. <sup>21</sup> Barapomonae bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyen”, jei Moisés.

<sup>22</sup> Jame anoxuae painya nejume cowantsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewan Jerusalén tomara. Barapo tomara eca ichaxota po demxuwa pewan Sión. Barapo tomara Nacom pia tomara tatsi pon ataya tsitecaeya asuya pepoponaein. Barapo tomara xua pepa Jerusalén tomara Nacom pia nacuatheicha tatsi eca. Matautano papatsiname baxoteicha ichaxota jinompa ayeimonae matatsunpiwi, xua weiweinaeya nanacaetutsina xua pia nanabaru wanae jainchinexa Nacom. <sup>23</sup> Matautano pajume cowantame Jesús xua painya nepatsinexa ichaxota Nacom piamonae tatsi nacaetuta pomonae Nacom pia diborotha wan dubena xua itabocotheicha. Barichi papatsiname Nacomtha, pon yabara paebina daxita jiwi xua penatsicuentiwa xua abe peexanaexae. Matautano papatsiname ichaxota jiwi pia jumopein tuxaxu tatsi jinompa pomonae xua beta exana xuano xua Nacom beta cana juntu coyene wetsiya xanepanaya exana. <sup>24</sup> Matauta papatsiname ichaxota Jesús popona pon jiwi peyabara jume yawenaein Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia pena peyabara tsiwanae muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara juntu coyene jumentaina abe waexanae cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonae bapon bexotsi, jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona



xua peyantomatsiwatsi.

<sup>25</sup> Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonae bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonae jopa Nacom capanenebiyaeyo xua atene abe pia peexanaexae. Waxainchi jopa naca itacupaeyo xua panenebiyatsi xua atenetsi abe waexanae coyenewantha icha jopa Nacom jume naitae-watichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonae xua atene abe pia peexanae coyenewantha pomonae Moisés baru popona. <sup>26</sup> Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abu equeicha bara caeto tsane ira jijitsin yawano itabocothichano jijitsin”, jei Nacom. <sup>27</sup> Poxonae Nacom jei: “Abu equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xeina pocotsiwan itacupaetsi xua pejijiyatsiwatsi. Saya meisa jopa aichurucuae exanae tsainchi pocotsiwan xua jopa itacupaetsi xua pejijiyatsiwatsi xua pocotsiwan Nacom piamaetha peyabara tsiwanae muxu dutsi coyenewa. <sup>28</sup> Nacom pia nacua, ichaxota Nacom itoroba, yawano xua waxainchi baxota itorobatsi, barapo nacua jopa itacupaetsi xua jijiyatatsi xua aichurucuae peexanaenexatsi. Daxota bewa jeichichi Nacomtha: “Nacom, maisa pajuntu coyene weiweinan pebaxuaxae”, bewa jeichichi. Poxonae Nacom wanae jaintinchi waxainchi bewa yabara nanta xeinaetsi pia pejuntu coyene xanepanae coyenewa tatsi. Matautano bewa bapon cunuwiya wanae jaintichi pia peayapuswa pexeinaexae. <sup>29</sup> Wanacom weraweraca cana exana jiwi, pomonaetha pomonae jopa pejume cowantsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

## 13

*Meje yabara xua pocotsiwa bewa exanaetsi xua pocotsiwa Nacom tsita xanepanatsi*

<sup>1</sup> Jopa pana nacui barapentsinde xua caemonae nantiya painya nenaantobewam pomonae be painya eweicho jiwi painya nenatsicotae jiwi pam painya nejume cowantsixae Jesucristo. <sup>2</sup> Jopa pajantemainaeinde xua beta painya netaexaneibiwa tsane pomonae pateiba painya bontha pomonae iru pejume cowantsiwi Nacom tsipei metha beya jemeicha barapomonae tsipae pomonae Nacom itoroba xua beta painya

nepacata exanaenexa. Caena bayatha ichamonae pexaewa apata poxonaе matha jemeicha pia botha tapatatsi, xua poxonaе jopa xapain yaputaeyo xua deta cou apara matatsun-piwi.

<sup>3</sup> Payabara nant<sub>u</sub> coyene xeinare pomonae jiwi pec<sub>u</sub>bi botha cuaranobebatsi painya neyawenaenexa barapomonae icha be poxonaе paichim xua ir<sub>u</sub> jiwi pec<sub>u</sub>bi botha paca cuaranobar<sub>u</sub>. Payabara nant<sub>u</sub> coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam ir<sub>u</sub> jiwi pam, paca yabara itac<sub>u</sub>patsi xua ichamonae paca necaperaxa jub<sub>u</sub>biwa.

<sup>4</sup> Paxam bewa beta pananta xeinaem poxonaе jitha pae-name xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxeiname. Tsipei Nacom yabara paebina jiwi xua penatsicuent<sub>u</sub>siwa xua abe peexanaexae pomonaetha pomonae jopa xapain exanaeyo xua be poxonaе yab<sub>u</sub>xi jeita xua po coyene jiwi jopa yabara copatsiyo. Mata<sub>u</sub>tano barichi Nacom yabara paebina jiwi xua penatsicuent<sub>u</sub>siwa xua abe peexanaexae pomonaetha pomonae nasi cui weiweina exana poxonaе bequein pia seurixi xeina.

<sup>5</sup> Jopa bichocono paichichipaeinde paratixi. Jame maisa paj<sub>u</sub>nt<sub>u</sub> coyene weiweinare painya nexei<sub>u</sub>naexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponaе tsainchi”, jei Nacom. <sup>6</sup> Daxota naca itac<sub>u</sub>pa xua jume cow<sub>u</sub>ntsiya jeichichi:

“Nacom, pon jiwi Pecanamataxeinaein,  
baron pon xua tana neyawenaein.  
Jopa junuwinyo poxonaе jiton xua  
abe tana exanaewa”, jeichichi.

<sup>7</sup> Payabara cui j<sub>u</sub>ntanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cow<sub>u</sub>ntsiya jinompa beya poxonaе barapomonae yacuiya werapa. Paxam beta pajume cow<sub>u</sub>ntsiya jinompare icha barapomonae ichi xua beta jume cow<sub>u</sub>ntsiya jinompa.

<sup>8</sup> Jesucristo saya tsitecaeya pepu j<sub>u</sub>pa exanaponae. Baxua exana caena bayatha, anoxuaeno, xvano xua bara ataya tsitecaenano xua jiwi beta peyawenaewatsi. <sup>9</sup> Daxota jopa pacopatsinde xua ichamonae painya nepaca cuidubiwa icha pecuidubi diwesi<sub>n</sub> po diwesi<sub>n</sub> pia diwesi<sub>n</sub> barompa, po diwesi<sub>n</sub> jopa Cristo pia diwesi<sub>n</sub> tatsi. Jame ainya cui xua naaj<sub>u</sub>nt<sub>u</sub>yap<sub>u</sub>s<sub>u</sub> exainchi Nacom pia peantobe coye-newatha. Po coyenein xua itoroba xua penabanaewa

yabara barapo coyenein jopa naca ajuntayapusu exanaeyo Nacomtha. Barapo peitorobi coyenewan bapana jopa yawe-naetsi pomonae bequein xua exanapona barapo coyenewan.

<sup>10</sup> Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitupa xua daxota Nacom jopa tsitatsi xua penatsicuentsiwa xeinatsi xua abe waexanaexae. Baxua apara xua poxonae Cristo tupa naetotha abe waexanae cuiro coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapoc-otsi coyene jopa itacupaetsi xua pexeinaewa barapo coyene tsipei barapo sacerdotemonaе cataunxuae jutebeiba duwei jiwi abe pia peexanae cuiro coyenein tatsi nexa. <sup>11</sup> Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara jantemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya. <sup>12</sup> Cristo barichichi. Tomara cuariya beya tupa exanadutatsi naetotha, xua daxita jiwi pejuntu coyene xanepana exanaenexa tsainchi Nacom. Cristo pejana pichapabarenaexae poxonae tupa, Nacom jopa tsitatsi xua jiwi penatsicuentsiwa xua abe peexanaexae. <sup>13</sup> Ichamonae Jesús aura exanatsi poxonae tomara cuariyatha tupa exanadutatsi naetotha. Barabu copatatsi xua ichamonae iru naca aura exana wajume cowantsixae Jesús xua daxota naca atene exana icha Jesús ichichi. <sup>14</sup> Barapo cae pin nacuathe jopa xeinaetsi tomara, po tomara ataya tsitecaeya ayapusu tsuncuae. Jame wunaeya ewatatsi, po tomara xua bexa patopaetsica Nacom pia nacua wetsica tatsi. <sup>15</sup> Daxota waxainchi bewa wunae jainteibichi Nacom tsipei Jesucristo naca tsitupa. Poxonae Nacom wunae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wunae jaintatsi jeichichi: “Nacom maisa bichocono nejuntu coyene xanepanaein”, jeichichi. <sup>16</sup> Jopa pajantemainaende po coyene xua beta painya taexanaewa ichamonae. Painyawan panata jiwana wetsabare pocotsiwan xua paxeiname xua painya necatsibinexa pomonae xua jopa xeinaeyo. Tsipei poxonae baxua paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

<sup>17</sup> Paexande pocotsiwa paca cui itoroba pomonae painya nepacacanamataxeinaewi. Matautano saya barapomon-

aetha pajume naitaeware. Pabarũ cui itura jinare barapomonaē tsipei barapomonaē paca jũntũ coyene eeniya ewata. Barapomonaē yaputane xua bexa tsane Nacom barapomonaē yabara paebina xua penatsicuentisiwa xua abe pe-exanaexae icha barapomonaē jopa beta paca jũntũ coyene eeniya ewatsiyo. Bara pacopare xua barapomonaē jũntũ coyene weiweina exanatsi poxonaē paca jũntũ coyene eeniya ewata xua jopa pejũntũ coyene wecoyeyinexa xua abe painya neexanaexae. Tsipei icha barapomonaē jũntũ coyene wecoyeyi baxua xapain jopa paca yawenaeyo.

<sup>18</sup> Nacomtha painta wũcare. Bara payaputan xua pata jũntũ coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan. <sup>19</sup> Paca wũcatsi xua painya inta wũcaenexam tsane Nacomtha xua Nacom bara inta pecopatsinexa xua methaunxuae tapaca siwa ponaewa tsainchi equeicha.

*Meje yabara xua najume wetsiya paeba pon tina*

<sup>20</sup> Nacom, barapon peyajũntũ coyene jinaein xua jũntema pepoponaewa. Barapon Nacom Jesús caewa asũ exanatsi petũpaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwi peewatsinchi icha be pocotsin oveja beta peewatsin ichi. Bapon Jesucristo pejana pichapabarenaexae poxonaē tũpa, canacũ wetsiya exana po coyene xua bayatha Nacom yabara tsiwũnae muxu duta po coyene xua ataya tsitecaeya tsane. <sup>21</sup> Barabũ barapon Nacom paca jũntũ coyene xanepana exanaena xua jopa painya nenatsicuentisinexa xua abe painya neexanaexae. Mataũtano bũ bara paca catsina xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barabũ Jesucristo pia peayapusũwa naca cana exanaena xua exanaeinchi po coyene Nacom tsita xanepanatsi. ¡Barabũ jiwi Cristo ataya wũnae jaintinchi pexeinaexae peayapusũ coyenewan! Je, bara ichi tsane.

<sup>22</sup> Tamonaē pam, pomonaē pam irũ painya nejume cowũntsixae paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae. <sup>23</sup> Maisa ichichipan xua painya neyaputaewa tsane xua Timoteo bayatha copatatsi jiwi pecũbi bo weya. Barapon be wayapin watsicotaein pejume cowũntsixaerũ Jesucristo. Ichaunxuae bapon taxantha patopaena bapon methaunxuae nebarũ iya tsane painya xainya beya xua equeicha tapaca siwa ponaewa tsainchi.

<sup>24</sup> Painta jacobare daxita pomonae painya nepaca cana-  
mataxeinaewi. Irano painta daxita jacobare pomonae pe-  
jume cowantsiwir Jesucristo. Italia nacuamonaepiwi bara-  
pomonae paca jacobae, pomonae ir pejume cowantsiwi.

<sup>25</sup> Barab Nacom daxita pam bichocono paca yawenaena  
pia painya nepaca caantobewaxae.

## Meje Po Carte Santiago Tatina, Pomonaes Jesucristo Pejume Cowantsiwi Tatinatsi

*Mejeyabara poxonaes Santiago tamropata pitaba xua tatina pomonaetha pomonaes pejume cowantsiwi pomonaes xua tajw jinompa*

<sup>1</sup> Xan, Santiago ponxaein Nacom amanaya pia petanacuichin tatsin iru Jesucristo pon jiwi Pecanamataxeinaein amanaya pia petanacuichin tatsinno. Paca jacobatsi pomonaes Israel pia saineiwi tatsi pam, pon caena bayatha tupa. Israel doce po pexantobe xeina, pomonaes caena bayatha werapa.

Paxam barapo doce po bicheito matabuxumonaebe pia sainei jiwi tatsi pam, pomonaes pam xua anoxuae tajw nacayayatsiya pajinompame daxita nacuantha xua painya pepa nacua weya.

*Mejeyabara xua po peyaputae coyene Nacom pia peyaputae coyenewa tatsi*

<sup>2</sup> Tamonaes pam pomonaes iru painya nejume cowantsi jiwi pam Cristo, bewa juntu coyene weiweinaya pajinompaem poxonaes bequein pacata ayapube tsaibi tsane ichauxi. <sup>3</sup> Poxonaes pacata ayapube tsouneibi ichauxi ichitha beitatemaya awiya ayapusuya pajume cocowantaponame, bapoxonaes payaputaneme xua paantuyapusuya amanayabame pocotsiwa xua paca atene exana. <sup>4</sup> Bara saya beitatemaya payabara cui copare barapo coyene xua ayapusuya jume cocowantapona paca necana exanaenexa beya poxonaes painya juntu coyene Nacom petsita xanepanaenexatsi. Bapoxonaes painya juntu coyeneintha jopa paxeinaem tsane pocotsiwa pacata seica. <sup>5</sup> Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Matautano Nacom jopa aenae-aeneya itawetsiyo poxonaes cata. <sup>6</sup> Daichitha jame bewa jume cowantsiya pawucaename. Matauta jopa buhujeya pawucaeinde Nacomtha. Tsipei pon buhujeya wuca Nacomtha, bapon ichawa beya tamropata nanta xeinapenteiba icha be pocotsi coyene juta ichi poxonaes ba maratsaca joibo ichawa beya caya tsaibi icha muxunene

beya. <sup>7</sup> Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wnaeyo Nacom pon jiwi Pecanamataxeinaein. <sup>8</sup> Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacupaetsi xua xanepanaya pepoponaewa.

<sup>9</sup> Pon xua Jesucristo pejume cowantsin, bapon bequein saya tsiwiyo copei xeina, bapon bewa jantemiya jantu coyene weiweinaeya poponaena tsipei bapon Nacom peitabaratha ainya cui penaexanaein. <sup>10-11</sup> Matautano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa jantema poponaena pejume cowantsixae Nacom. Poxonae bapon tupaena, bapana jopa cuenta tupa po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto nacuita ducuaebiya baroxonae cuenta tupa copei poxonae nacuita ducuaebiya. Barapo coyene icha be pocotsi juta coyeneya ichi xua pentono. Bara caeto matono weiweinaeya umena. Cotacaya xometo ecoina yawano atsa bichocono, naepanaewan tsaquiwa, pentononno othopeica. Weraweraca xua matono itupana. Pon copei pexeinaein bapon tupaena, saya weraweracaena icha pentono ichi xua weraweraca.

*Meje yabara poxonae jiwi pemuxujainyabiwatsi xua abe peexanaewa tsane*

<sup>12</sup> Nacom jujuta pomonaetha pomonae pejume cowantsiwichi pia yaputaetsi icha barapomonae xaniwaicha antobetsi. Pon xua acuiyapusya jume cowantsiya popona poxonae bara bequein Nacom jantu coyene jujuta, jame bapon jantu coyene weiweinaeya popona. Poxonae yapucaeewa xua bapon jantu coyene jujutatsi baroxonae Nacom yabara wnae muxu dutsina xua bexa bapon Nacom pia nacua beicha peajantucoyenyapusawatha ponaena. Barapo peyabara tsiwnae muxu dutsiwa Nacom cata pomonaetha pomonae peantobewixaetsi. <sup>13</sup> Poxonae ichan matowa jantu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejantu coyene jujutsiwa xua barapomonae abe peexanaewa tsane. <sup>14</sup> Apra jame nama pon jantu coyene jujutatsi abe peexanaenexa, bapon copiya pejantu coyenetha nanta xeinaeya popona xua abe peexanaenexa. Baroxonae poxonae xaniwaicha jantu coyene jujutatsi xua abe peexanaenexa bara bapon exana

xua abe exana. <sup>15</sup> Pon xua abe exana bapon exana po peabe exanae cuiru coyene copiya yabara nanta xeina. Icha bapon awiya abe exana ducuaanaebiya matapainya tupa abe peexanae cuiru coyene peexanaexae bichocono.

<sup>16</sup> Tamonae pam paxam pomonae tapaca caantobewichi pam. Jopa painya coutha pananta xeinaeinde xua pajam: "Nacom nemuxujainyaba xua abe taexanaewa tsane", jopa pajande. <sup>17</sup> Daxita xua wuna, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubena peitabocotha. Nacom jopa bapana ichawa beya pepae-biya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua pentha tsaibi yawa quirei tsaibi. Dapon aibi pon itacupatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana. <sup>18</sup> Poxoru saya Nacom pia coutha ichichipa daxota naca cata peantuyaruswa po peantuyaruswa ataya tsiteca. Baxua naca cata poxona jume cowantsiya jume tainchi Nacom pia pexainyei jume diwesi tatsi. Poxona Nacom baxua naca cana exana bara waxainchi piamonae jiwi tatsichi xua waxainchi ichamonae toxeinchiya jume cowantatsi. Xua copiya wajume cowantsixae, Nacom naca cana exana xua pomonaetsi pomonae wajuntu coyene xanepanae jiwichi Nacom nexa. Daxota Nacom tsita be peainya cui jiwichi beyacaincha ichamonae.

*Meje yabara pomonae xaniyeya pepa pejume cowantsiwi Nacom*

<sup>19</sup> Tamonae pam pomonae bichocono tapaca caantobe jiwichi pam pacayabara nanta xeinare barapo diwesi xua jeye: Daxita paxam bewa pewunaeya pana najuntu coyene wunaeteibim painya nenamnaewateibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxona cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande. <sup>20</sup> Tsipei pon anaepana, Nacom jopa taexanaetsi pexeinya coyene po coyene xua Nacom tsita xanepanatsi. <sup>21</sup> Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiru coyene bichocono nawita pocotsiwa ichamonaetha pata exaname. Matautano painya juntu coyeneintha ita ururaquiya pajume cowande Nacom pia pexainyei jume diwesi tatsi. Tsipei barapo pexainyei jume diwesi xeina peayaruswa



xua paca cana exana xua pajuntũ coyene panenebiyam abe painya neexanae cuiru coyenein weya.

<sup>22</sup> Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame. <sup>23</sup> Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocototha nayaitane. <sup>24</sup> Bara nayaitane. Poxonae bapon pona caena bapon yacuinaya naitabara itaxananaya. <sup>25</sup> Nacom Pejume Diwesi bichocono xanepana. Barapo peitorobi diwesi naca juntũ coyene capanepa exana abe waexanae cuiru coyene weya. Ichitha pon jopa junteinaeyo xua pocotsiwa Nacom Pejume Diwesitha paeba, xuano xanepanaya exana ducuaenaebiya pocotsiwa barapo diwesi itoroba, bapon juntũ coyene weiweina xua pocotsiwa peexanaexae.

<sup>26</sup> Icha pebin nanta xeina xua daxita jume cowantsiya exana Nacom nexa, xua daichitha jopa naebato yatacutsiyo poxonae ichamonae catsawiya yabara paebatsi, bapon pia coutha namuxuitoroba. Matautano pocotsiwa jume cowantsiya exanapona Nacom nexa saya pejumexaei. <sup>27</sup> Pomonae xainyeya pepa pejume cowantsiwi Nacom, barapomonae jopa abe exanaeyo Nacom peitabaratha, pon Waxa. Pomonae xanepanaya exana bewa iche: Bewa yawenae pomonae peacoibi jiwı, yawa bewa yawenaeno powaxi pecuenta werapaewaxichi piseurixi. Matauta jopa bewa exanae pocotsi coyene exana pomonae jopa pejume cowantsiwi Nacom.

## 2

*Meje yabara xua poxonae jiwı bewa daxita tsita najupaetsi*

<sup>1</sup> Tamonae pam, pomonae irũ painya nejume cowantsixae Jesucristo pon Wanacanamateaxinaein. Bapon Jesucristo pon bichocono pejuntũ coyene xanepanaein. Jopa bewa paexanaem painya xantha painya nejume cowantsixae xua ichũn bichocono peainya cuin wũnae penaexanaeinxae beyacaincha ichũn xua jopa wũnae penaexanaeinxae xua daxota bapon catsapin pacana exaname. <sup>2</sup> Ichacuitha metha be pocotsi coyeneya tsipae, xua meje: Metha poxonae paxam panacaetutsipame, bapoxonae irũrũ pebinbe patopaetsipabe. Metha baponbe joniyaetsipabe baxota. Ichũn nacobesi xataba aniyon pocotsiwan daedaena. Matautano paparuwa nama xatata xua mũ daedaena. Nama irũ ichũn acopeibi, nama dapon saya pia penama xatatsiwa taabetsi. <sup>3</sup> Metha pon copei pexinaein pantenta weyataeya wabichipame.

Metha pajam tsipaem bapontha: “Xote ecare ichaxota pex-einya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem. <sup>4</sup> Icha metha baxua paexanaetsipame bapoxonae abeya pananta xeinaetsipame xua jiwi jopa najupaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentsiwa yabara xua abe peexanaexae.

<sup>5</sup> Tamonae pam pomonae iru painya nejume cowantsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibiwi xua barapomonae bichocono pejume cowantsinexa. Matautano Nacom catsibina barapomonaetha pocotsiwa bayatha juntana jeba pia peitorobi nacuatheicha pia peantobewixaetsi. <sup>6</sup> Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Matautano barapomonae ba pentacaponawei peitabaratha paca capona xua abeya pia paca necayabara paebinexa. <sup>7</sup> Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowanta dubenanaebiyaexaetsi, naca jei, “Cristobarumonae”, naca jei.

<sup>8</sup> Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuarabu enaewi icha paichim xua painya coutha pana naantobem”, jei xua barapo diwesitha. Moya bara beta paexanaename. <sup>9</sup> Poxonae ichamonae ainya cui pacana exaname xua beyacaincha ichamonae, bapoxonae paxam apara abe paexaname. Matautano apara paxam pomonae abe painya neexanaewi, tsipei jopa paexanaem pocotsiwa Nacom penajume caitorobi coyenewatha paeba. <sup>10</sup> Icha ichan jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom tane xua daxita tsita abetsi. <sup>11</sup> Nacom namchi: “Jopa panasi cui wainmeinchine poxonae jitha painya neenaewatha”, jei Nacom. Yawa namchino: “Jopa bexubinde ichan”, jei Nacom. Ichitha icha bequein jopa panasi cui wainmeinchim, daichitha pabexubame ichan baraxua be poxonae daxita abe pacayabara

exaname Nacom penajume caitorobi coyenewa. <sup>12</sup> Paxam bewa beta xanepanaya papaebim. Matautano bewa beta pajinompaem. Tsipei bexa tsane Nacom paca yabara paebina painya nenatsicuentsiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya. <sup>13</sup> Pomonae jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jutiya ichane barapomonaetha. Ichitha pomonae xua yabara nantanuweya nanta xeina xua ichamonae peyawenaenexa tsainchi, xuya Nacom bara jutiya ichane po matabitha jiwi yabara paebinchi xua penatsicuentsiwa xua abe peexanaexae.

*Meje yabara xua Nacom pejume cowantsiwichi pia pexinya peexanae coyenewan tatsi*

<sup>14</sup> Tamonae pam, iru pomonae painya nejume cowantsixae Jesucristo. ¿Eta xua metha tsipae? Metha ichun jei: Xan Nacom Pejume Diwesi jume cowantan, jei, ichitha jopa betiya xanepanaya exanaeyo. ¿Bara metha bapon najuntu coyene capanepaetsipa Nacom beya? Aparajume tsipae, jopa najuntu coyene capanepaetsipae. <sup>15-16</sup> Ichacuitha metha tsipae, metha panantaustipame pomonae pejume cowantsiwi Jesucristo painya xantha. Barapomonae metha taabichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichun pon painyamonae jiwana jiton bapomonaetha jeye: “Bara juntema panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonae nantawenona xua pejinompaewa nexa. Baxua bapana ba ichamonae jopa yawenaetsi icha saya ba xua paebatsi. <sup>17</sup> Barichi xua pon pejume cowantsin Nacom Pejume Diwesi. Icha bapon jopa yawenaeyo ichantha pontha pon nantawenona ichawa xua pia peponaewa nexa, bapoxonae bapon pia pejume cowantsiwa Nacomtha be cayabara juntemaina.

<sup>18</sup> Ichacuitha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowanta jopa itacupaetsi xua netsita exana xua bapon xaniwaicha jume cowanta pocotsiwa Nacom itoroba poxonae bequein jopa beta yawenaeyo ichamonae. Bapoxonae xan tsita exanan bapontha xua

xaniwaicha jume cowanttan pocotsiwan Nacom itoroba poxonae exanan pocotsiwa Nacom neitoroba xua poxonae yawenan ichamonae”, jan tsane. <sup>19</sup> Xam jume cowantame xua bara compa pepa Nacom popona, xua ichan bapocotsin aibi. Baraxua bara beta nanta xeiname. Ichitha baxua iru caurimonae jume cowanta yawa bichocono pijunuwi jijiyei. <sup>20</sup> Xam bapocotsim pocotsin ba jopa peyaputaein, incane jume taema. Pon paeba xua pinae jume cowanta pocotsiwa xua Nacom itoroba, xua daichitha jopa beta exanaeyo ichamonae nexa, bapon pia pejume cowantsiwa bara be cayabara jantemaina. <sup>21</sup> Nacom tsita juntu coyene xanepanatsi Abraham, pon wamo susatopin, pon caena bayatha tupa. Bapon Abraham Nacom jopa tsita natsicuentisichi xua abe peexanaexae, ichitha yabara jume cowantsiya peexanaexae pocotsiwa Nacom itoroba. Bapon pexanto isoto beya capona, petautsinexa xua petuxusi exanaenexa Nacomtha, po pexanto tatsi pewan Isaac. <sup>22</sup> Anoxuae payaputaneme xua Abraham jume cowantsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowantsi coyenewa. <sup>23</sup> Nacom exana xua caena bayatha Pejume Diwesitha jeye: “Abraham jume cowantsiya exana pocotsiwa Nacom itoroba. Daxota Nacom tsita juntu coyene xanepanatsi jopa penatsicuentisixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

<sup>24</sup> Anoxuae bara payaputaneme pocotsiwa Nacom tsita juntu coyene xanepanatsi xua jopa tsita natsicuentisichi xua abe peexanaexae pon exana pocotsiwa Nacom itoroba, jopa meisa metha poxoru pejume cowantsixae. <sup>25</sup> Bara cana ichiru Nacom petsiriwatha powa nasi cui matacaeta pebiwitha, pia paratixichi, powa pewan Rahab, powa caena bayatha popona. Nacom tsita juntu coyene xanepanatsi barapowatha xua poxonae peyawenaexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe bupana etatsibe pia botha poxonae baponbe jeitompatsibe ichamonae. Bapoxonae pirapaeyo bapowa baponbe capanepatsibe icha namto iya xua tomara weya. <sup>26</sup> Daxota anoxuae paca tsipaebatsi, icha pepon ba jopa xeinaeyo pejumope, ba pepon tupa. Barichi icha pebin jume cowanta Nacom daichitha jopa exanaeyo pocotsiwa Nacom itoroba bapoxonae pia pejume cowantsiwa bara be cayabara jantemaina.

## 3

*Meje yabara pocotsiwa xua peebatotha pepaebiwa*

<sup>1</sup> Tamonae pam pomonae iru painya nejume cowantsixae Jesucristo. Paxan pajume tan xua pinmonae painyamonae jiwana ichichipa xua penaexanaewa pomonae jiwi pecuidubiwi Nacom Pejume Diwesi. Daichitha pinmonae jopa bewa naexanae pomonae jiwi pecuidubiwi. Bayatha daxita paxam payaputaneme xua paxan pacueicueijan tsurubenanabiyon Nacom Pejume Diwesi xua jiwi jopa bewa abe exanaena. Daxota poxonae baxua pacueicueijan xua daichitha abe paexanan bapoxonae Nacom bichocono pana peraxa jubina beyacaincha xua poxonae bapon cana exanaena ichamonaetha. <sup>2</sup> Daxita waxainchi ichichipatsi nawita xua abe waexanaewa. Anoxuae payaputaema, icha ichun jopa abe exanaeyo xua poxonae paeba bapon jame penthuthu yapu xanepanaein. Matautano bapon itacupatsi xua najuntu coyene itoroba daxita pia pepontha xua xanepanaya peexanaewa abe peexanaeyainwa. <sup>3</sup> Poxonae waxainchi cawayu wano atatsi penainto xua wanaca cui jejeinexa baraxua apara xua wacafebabineaxa daxita pepon ichaxota waponaeewa. <sup>4</sup> Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponaeewa xua xoyotha tsiwiyo tsecae xoyo ira werucueina. <sup>5</sup> Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatiyo tsecae pepon nexa. Daichitha barapo ebatiyotha itacupatsi xua yabara eetaponaeya paeba pia peexanaewa poxonae ichamonae aebatsi. Barichi unu itacupatsi xua petaxuiwa dacotsi iteretiyotha. <sup>6</sup> Icha nawa iteretiyo cana ichi unu, peebato bara ichiya exana daxita coyeneintha. Bequein waebato peyauyo tsecae xua wapepon jiwana xua pin xaintotsi, ichitha bara itacupatsi xua bichocono abe exanatsi naca cana exana. Waebato naca cana exana xua waexanaewa daxita abe waexanae cuiru coyenein xua poxonae wacueicueijeixae waebatotha xua caurimonae pia pentacaponaein tatsi wanaca cui itorobixae. <sup>7</sup> Jiton ba itacupatsi xua ita coxone exana daxita duweimonae, pepupunaewi, jomon yawa menepipichiwanno. Daxita baxua i daxua jiton ba ita coxone exana. <sup>8</sup> Nama peebato jopa be baraichichi. Jopa wanaca yapu xanepanaewa xua waebato cuidubatsi xua jopa abe jume pepaebiwa tsane. Waebato bichocono abe tsecae. Itacupatsi xua jiwi cana exanatsi xua ichamonae pejumetaya anthuthutanewa, icha jomo ichi xua jiwi ba atene

exanatsi pewanatha xua ichacuitha ba jiwi tupa exanatsi xua pewano tsapa pexeinaexae. <sup>9</sup> Barapo ebatotha wanae jaintatsi Nacom pon Waxa. Matautano abe yabara paebatsi pebiwi barapo ebatotha. Ichitha barapo pebiwitha Nacom caena bayatha forota daxota barapo jiwi pia juntu coyene tatsi jupa icha Nacom pia juntu coyene tatsi ichi. <sup>10</sup> Matautano barapo coibototha jume pichapa xua wanae pejainchiwa Nacomtha, xuano xua abeya pepaebiwa. Tamonae pam pomonae iru painya nejume cowantsixae Jesucristo. Jopa bewa barapocotsi coyenewa paexanaem xua poxonae Nacom wanae pajaintame xuano xua jiwi abe payabara pae-bame. <sup>11</sup> Po mera natsibotarucua ira buxupana wetsina, poxonae mene jujuina barapoxonae caena yawa jopa muxuna jujuinaeyo po mera xeica yawa po mera atsaxa. <sup>12</sup> Tamonae pam bara pocotsi juta coyeneya ichi poxonae waxainchi abatsi. Higuera nae jopa ba nacoichiyo olivo nae thei, po pethei aceituna thei matawan. Yawano uva unbototha jopa ba nacoichiyo higuera nae thei. Barichi barapo mene po mera mene natsibotarucua poxonae mene jujuina barapoxonae caena yawa jopa muxuna jujunaeyo po mera xeica yawa po mera atae. Barichi waebatotha jopa bewa xeinaetsi ainya jume coyenewabe po jume wanae yawa po jume abe.

*Meje yabara xua pepa pexainyeiwa xua peyaputae coyenewa*

<sup>13</sup> Icha painya xantha popona pon bichocono peyaputaein xua yawa pecoxonaein bapon bara bewa moya xanepanaya beta poponae yawa bara bewa moya ita ururaquiya poponae. Beta peexanaexae jiwi peitatha, baroxonae jiwi tane xua bara bapon pon bichocono pepa peyaputaein. <sup>14</sup> Metha painya juntu coyenetha paxeiname peuwiwa xua paca juntu coyene atsaca exana ichamonaetha. Yawa metha painya coutha pana nata exaname painyawan pia jiwi wanae paca yabara paebichi xua pia ainya cui paca exanaetsi xua beyacaincha ichamonae. Icha paxeiname barapo peyaputae coyenebe bapoxonae painya xoba paeabame ichamonae painya pepa neyaputae jiwi pamxaem. Poxonae baxua papaebame apara saya panaerabame xua jopa paxainyam. <sup>15</sup> Apari barapo peyaputae coyene xuaunxuae po peyaputae coyene yabara paca tsipaebatsi barapo coyene apara jiwi nanta xeina barapo cae pin nacuathe pomonae jopa pejume cowantsiwi Nacom. Barichi barapo peyaputae coyene cauri nanta xeina. Apari barapo peyaputae coyene Nacom werena jopa ponaeyo. <sup>16</sup> Daxota poxonae ba jiwi pejume uwiwa xeina ichamonaetha yawa u penata exanae coyene piawan bapoxonae ba jiwi jopa xanepanaya penanta xeinaewa

yawa exana daxita abe peexanae cuiru coyenein. <sup>17</sup> Nama pomonae xua peyaputae coyene xeina xua po peyaputae coyene Nacom werena pona, barapomonae copiya juntu coyene xanepanaya jinompa yawano barapomonae jopa naita aenae-aeneyo saya juntema pejinompaexae. Yawa barapomonae yabara jume baru cui itura jina pocotsiwa ichamonae paeba. Yawa jume jejei xua peexanaewa pocotsiwa ichamonae itoroba. Matautano nantanuweya yabara najuntu coyene xeina peyawenaenexa tsaibi tsane ichamonae. Matautano barapomonae wunaeya xanepanaya exaneiba ichamonae nexa xua jopa ichawa beya nanta xeinaeyo xua saya xaniwaichiya exana. <sup>18</sup> Pomonae xua bichocono ichichipa xua juntema pejinompaewa barapomonae cana exana ichamonaetha, xua ichamonae juntema jinompa xua daxota barapo ichamonae bichocono xanepanaya betiya exana dubenanaebiya.

## 4

*Meje yabara pomonae ichichipa naexana pomonae jopa pejume cowuntsiwi piamonae tatsi*

<sup>1</sup> ¿Eta werena pona barapo coyene xua pana najume matsonobame? ¿Yawano eta werena pona barapo coyene xua pana nabame? Apra barapo coyenebe naforoba painya juntu coyeneintha ichaxota paichichipame xua abe painya nenanta xeinaewa. <sup>2</sup> Ichawa paichichipame ichitha jopa paxeinaem daxota ichun anaya pabexubame. Ichawa payabara cui uwame, ichitha jopa paca itacupaeyo xua paxeiname daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawucaem. <sup>3</sup> Poxonae Nacomtha payabara wucame pocotsiwa paichichipame, jopa Nacom paca catsiyo tsipei jopa xanepanaya pawucaem, saya painya nata wucaexae pocotsiwa xua abe painya neexanaewa tsane. <sup>4</sup> ¡Maisa paxam caurimonae pia pepuna jinompaewichi pam! Payaputaneme xua pomonae ichichipa naexana pomonae jopa pejume cowuntsiwi Nacom piamonae tatsi, barapomonae apra ba Nacom peaitafaetabiwichi. Daxota poxonae paichichipame xua panaexaname barapo cae pin nacuamonaepiwi piamonae tatsi, apra panaexaname Nacom pia peaitafaetabiwichi tatsi pam. <sup>5</sup> Daxota Nacom Pejume Diwesi jeye: “Nacom asiwiya antobe po jumope tynaxu naca cayawa exanaeya jinompa exana”, jei. <sup>6</sup> Ichitha Nacom pia peantuyarusuwatha naca yawena xua jopa abe waexanaewa tsainchi. Nacom Pejume Diwesitha jeye: “Nacom jopa yawenaeyo pomonaetha pomonae jiwi peabiwi. Ichitha pia peajuntuyarusuwatha yawena

pomonaetha pomonae ita ururanaya jinompa xua jopa at-saquiyo”, jei. <sup>7</sup> Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonae bapon naetsiricuaena painya xainya weya. <sup>8</sup> Nacomtha patsipaebare, bapoxonae Nacom paca yawenaena. Paxam pomonae abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najuntũ coyene xanepana exande. <sup>9</sup> Abe painya neexanaexae, pana najuntũ coyene acaurande, pawecoyande, yawa panantũ exabare. Poxonae pajuntũ coyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajuntũ coyene wecoyande xua painya neauraxae. <sup>10</sup> Nacom pon jiwi Pecanamataxeinaein pabarũ cui itura jinare xua jopa ainya cui pana nacana exanaem. Bapoxonae Nacom ainya cui paca cana exanaena.

*Meje yabara xua jopa bewa ichamonae yabara paebichi tsainchi xua penatsicuentsiwa xua abe peexanaexae*

<sup>11</sup> Pomonae painya nejume cowantsi jiwi pam Jesucristo, jopa bewa ichamonae yabara paebichi tsainchi xua penatsicuentsiwa xua abe peexanaexae. Pon abe yabara paeba pontha pon Cristo pejume cowantsindũ, bapon muxuna abe yabara paeba Nacom pia peitorobi diwesi. Bapon jopa jume cowantsiyo pocotsiwa xua barapo diwesi itoroba xua pinae jopa bewa abe yabara paebichi ichũn xua xeina penatsicuentsiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba. <sup>12</sup> Aparameisa bapon Nacom pon naca cata pia peitorobi coyenewa. Matautano bapon compa pon jiwi peyabara paebin xua penatsicuentsiwa xua abe peexanaexae. Meisa saya bapon itacũpatsi xua jiwi capanepatsi pia nacuatheicha, xua ichacuiitha ba jiwi itawetatsi pia nacua weya xua abe peexanaexae. Nama paxam apara jopa paca itacũpaeyo xua payabara paebame xua ichamonae pia peexanae coyenewa tatsi. Matautano jopa paca itacũpaeyo xua jiwi paca panepame Nacom pia nacua beicha tatsi, xuano xua jiwi ba ichacuiitha paitawetame Nacom pia nacua weya tatsi abe peexanaexae.

*Meje yabara xua cataunxuae jopa nayaputaeyo pocotsiwa xua baya nexa tsane*



<sup>13</sup> Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam. <sup>14</sup> Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi juta coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa. <sup>15</sup> Jame bewa pocotsiwa papaebim xua jeye: “Icha Nacom pon jiwi Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei. <sup>16</sup> Ichitha nama paxam, jopa baxua papaebim pocotsiwa icha Nacom ichichipa. Saya paaebame poxoru paichichipame xua painya neexanaewa pocotsiwa painya coutha paichichipame. Icha poxona paichimje xua poxona paaebame bapoxona bara apara abe peexanae cuiru coyene paexaname. <sup>17</sup> Pon xua yaputane xua beta peexanaewa, xua daichitha jopa baxua exanaeyo, apara bapon bara abe peexanae cuiru coyene exana.

## 5

*Meje yabara xua pemuxuwetsi coyene pomonaetha pomonae copei pexeinaewi*

<sup>1</sup> Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaexae pocotsiwa xua jopa xaexaenaecaeyo, pocotsiwa xua paca atene exana. <sup>2</sup> Daxita xua xuan paxei name baxuan daxita tsabana, yawa painya pexeinya pabuburun xua pem itane wunaewan baxuan daxita ofon xane. <sup>3</sup> Painyawan xua pocotsiwa pewun oro nain yawa xuano pocotsiwa pewun plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya pantaropeicha xeinaponame barapo copei. Barapo copei pajebame anoxuae. Ichitha po mataqueitha poxona Nacom yabara pae-bina jiwi xua penatsicuentsiwa xua abe peexanaexae bapontha, barapo matabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacaetubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara pae-bina pocotsiwa jiwi pia peexanae coyenewan ichacuitha xua

metha wuna, ichacuitha xua metha abe. <sup>4</sup> Jopa pantomat-sim pomonaetha pomonae pacata nacuita poxonae pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai. <sup>5</sup> Barapo irathe bichocono copei paxeina dubenanaebiyame, matautano paexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxonae Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane. <sup>6</sup> Paxam pomonae copei pexeinae jiwi pam abe payabara paebame pomonae pejuntu coyene xeicae jiwi. Yawano pajutebame barapomonae, bequein jopa itacupaetsi xua pia coutha penayawenaewa.

*Meje yabara poxonae Santiago jei: "Jopa paaitaconaeinde poxonae bequein ichamonae abe pacata exana", jei*

<sup>7</sup> Tamonae pam pomonae iru Jesucristo painya nejume cowantsixae. Beitemaya pawuna aware pon jiwi Pecanamataxeinaein, pon Cristo. Jopa paaitaconaeinde poxonae pawuna ewatame xua poxonae bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxonae beitemaya ewata xua naweta xua naxainwaeta. Bapon jopa aitaconaeयो poxonae beitemaya ewata xua ema taatsanaeinchi pia pabi. <sup>8</sup> Paxam iru bara paichinde. Jopa paaitaconaeinde poxonae pawuna aware pon jiwi Pecanamataxeinaein. Pana najuntu coyene tsacabare xua juntepa painya nejinompaewa tsane, tsipei pon jiwi Pecanamataxeinaein bara nama imoxoyo pewunaeyo tatsoponaetsi xua pepatopaewa.

<sup>9</sup> Tamonae pam pomonae iru Jesús painya nejume cowantsixae. Jopa caemonae nantiya aitaconaeяa pana nayabara paebinde xua abe painya nenata exana dubenanaebiyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentisiwa xua abe peexanaexae. Nama imoxoyo toponae poxonae Nacom itorobina xua jiwi peraxa jubebinchi pomonae abe peexanaewi. <sup>10</sup> Tamonae pam matha pataema po diwesi yabare: Pomonae Nacom peitorobi jume pepaebiwi pomonae caena bayatha jinompa, barapomonae bichocono atene exanatsi ichamonae. Bequein bara barapomonae atene, daichitha awiya jopa aitaconaeयो poxonae abe taexanatsi ichamonae. Awiya barapomonae pomonae Nacom peitorobi jume pepaebi jiwi ba cueicueijeji tsaibi Nacom nexa, pon jiwi

Pecanamataxeinaein. <sup>11</sup> Waxainchi ba yabara nanta xeinatsi barapomonaе, xua bichocono juntu coyene weiweina poxonae beitatemaya awiya jume cowantsiya exana dubenanaebiya poxonae bequein abe taexanatsi ichamonaе. Bayatha caena pajume taneme xua pinae pon pewan Job jopa aitaconaeyo Nacomtha poxonae bequein Nacom yaperaxaeya jume cowanta ducuaenaebiyatsi. Matautano payaputaneme xua Job equeicha matapainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nantu coyene xeinaeinchi xua jiwi peyawenaenexatsi.

<sup>12</sup> Jame xuaje ainya cui: Jopa Nacom pawan caunutsinde xua bapon painya nepaca taewa tsane xua xaniwaicha painya nepaebiwa poxonae yabara pana natsiwana wnae paebame ichamonaetha pocotsiwa bexa painya exanaetsi. Poxonae pajam: “Je”, pam, bara bara paichinde. Poxonae pajam: “Bara”, pam, bara moya bara jopa praexanaeinde. Baropoxonae jopa Nacomtha panatsicuentstim tsane abe painya neexanaexae. Barichi jopa itaboco pawan caunutsinde, yawa irano jopa pawan caunutsinde, matautano jopa icha wanno pawan caunutsinde.

<sup>13</sup> Icha ichan pon painyamonae jiwana jiton ajuntucoyenetane xua abe petaexanaexaetsi ichamonaе, barabу bewa bapon Nacomtha wucaena xua peyawenaewa tsainchi. Icha ichan juntu coyene weiweina, barabу bewa bapon peweixi naxnae xua Nacom wnae jainchiya peyabara naxnaewatsi. <sup>14</sup> Icha ichan atene, bewa pawabim penapatae jiwi, pomonaе pecanamataxeinaewi xua canamataxeinatsi pomonaе Nacom pejume cowantsiwi. Baropoxonae barapomonaе bewa tawucaena xua pon peatenein petawucaewatsi xua Nacom axaibi peexanaenexa. Baropoxonae barapomonaе bewa juinya penasiwatha mata caxuebina Cristo pewantha pon jiwi Pecanamataxeinaein. <sup>15</sup> Poxonae barapomonaе Nacomtha wuca bewa yabara jume cowantsiya wucaena xua bara Nacom pon jiwi Pecanamataxeinaein axaibi exana bapontha. Baropoxonae pon atene jume tsane. Matautano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara junteinaena. <sup>16</sup> Daxota paxam, caemonaе nantiya pana natsipaebeibare xua poxonae abe nantiya pana nata exaneibame, pajam tsaibinde: “Pin uran, yaitama jopa xapain cata exanaetsi necayabara junteinainare”, pajam tsaibinde. Pon Nacom peitabaratha tatsi juntu coyene xanepanaya popona,

poxonae bapon Nacomtha wꙗca bichocono peayapusꙗwa xeina xua daxota Nacom beta cana exana bapontha. <sup>17</sup> Nacom peitorobi jume pepaebin Elías, bapon bara jiton bara wanaca cui jꙗpaein, pon caena bayatha popona. Poxonae bapon Nacomtha matowa wꙗca xua jopa peruneicaewa tsane, baroxonae jopa duneicaeyo tres po weibe yawa equeicha bara caeto nama. Baroxonae barapo nacuatha pin jainbo nacua tsurucuae. <sup>18</sup> Baroxonae, poxonae equeicha Nacomtha wꙗca, baroxonae equeicha duneica yawa pexuwiwan xanepanaya nawetsiya xuwa.

<sup>19</sup> Tamonae pam metha ichꙗn pon paxam jiwana abe exanapona bequein yaputane xua bewa exanaena pocotsiwa pexainyeyiwan. Icha ichꙗn yawena bapontha xua equeicha caewa beta peexanaewa tsane bapon, pon yawena, bara beta exana. <sup>20</sup> Pon yawena bewa yaputaena xuaje: Po jiton xua cana exana ichamonae xua penacui barapentsiwa abe peexanae cuiru coyenein, xua equeicha pejume cowꙗntsinexa Nacom, barapon jꙗntꙗ coyene capanepa exana barapomonae petꙗpae cuiru coyene weya. Mataꙗtano bapon jꙗntꙗ coyene yawena xua Nacom peyabara jꙗntemainaewa xua barapomonae abe pia peexanae cuiru coyenein tatsi xua bequein bichocono nawita.

Baja Santiago.

## Meje Po Carte Copiya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Pedron, Jesucristo pia peitorobi jiwi jiwana tatsin. Daxita barapomonae pam pacata tinatsi pomonae painya nacua nacayayatsiya pawu jinompame xua ichamonae painya nepaca yotabixae. Pomonae painya nejinompaewi pam Ponto nacuatha, iruru pomonae painya nejinompaewi pam Galacia nacuatha, iruru Capadocia nacuatha painya nejinompaemdu, iruru Asia nacuatha painya nejinompaewi pamdu, iruru Bitinia nacuatha painya nejinompaewi pamdu.

<sup>2</sup> Caena bayatha poxonae aena, bapoxonae Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumope tuxaxu tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonae Jesucristo paca tsitupa naetotha jana pichapabarena painya nejume cowantsinexa Jesucristo pocotsiwa bapon paca itoroba. Bapoxonae pajuntu coyene xanepaname Nacomtha. Barabu Nacom bichocono paca yawenaena pia paca necaantobewaxae. Matautano barabu barapon juntea jinompa paca exana.

*Meje yabara xua po coyeneya bewa beta jinompaetsi Jesucristo nexa*

<sup>3</sup> Nacom wuna jaintatsi pon Jesucristo Paxa tatsi. Jesucristo bapon pon Wanacanamateaxinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua painta exaname poxonae Jesucristo equeicha asu exaname petupae cuiru coyene weya”, jeichichi. Jesucristo naca cana exana xua wanaeya jume cowantsiya ewatatsi xua Nacom naca catsina peajuntu yapusawa.

<sup>4</sup> Bara Nacom paca catsibina pocotsiwa paca juntana jeba pia nacuatheicha pocotsiwa xua jopa itacupaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi. <sup>5</sup> Nacom paca yapu eena pia peayapusawatha painya neyabara jume cowantsixae bapon. Barapon Nacom paca capanera xua jopa painya neatenenexa xua abe painya

neexanaexae xua poxonae daxita barapo nacue werawera-caena.

<sup>6</sup> Daxota pajuntũ coyene weiweiname, bara bequein saya cae dapaeyobetha paca ajuntũcoyenerewe exana xua ichamonae abe painya nepacata exanaexae matowa.

<sup>7</sup> Barapo painya nepaca caajuntũcoyenerewe exanaewan piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewñn oro nainto, jiwi ba piraichi isototha tauta peyaputaenexa icha bara metha pepa oro nainto. Po pejume cowantsiwa jiwi xeina bichocono daunwei beyacaincha oro nainto bequein ichamonae juntũ coyene jujuta xua abe peexanaenexa. Barapo oro nainto weraweraca. Barapoxonae poxonae Jesucristo patopaetsica xua awiya beta painya nejume cowanta dubenanaebiyaxae daxota Nacom wñnae paca jainchina. Matautano paca cana exanaena xua peainya cui jiwi pam. Matautano paca cana exanaena xua jiwi paca baru cui itura jinaena painya nejume cowantsiwixae.

<sup>8</sup> Paxam paantobem Jesucristo bara bequein jopa bapon pataem. Matautano anoxuae pajume cowantame bequein jopa bapon anoxuae pataem. Paxam bichocono pajuntũ coyene weiweiname. Bara bequein barapo pexeinya pejuntũ coyene weiweinae coyenewa bayatha payabara paebame daichitha awiya pacata seica xua po jumetha beta payabara paebame barapo peajuntũcoyenesñwa. Daxota bichocono pajuntũ coyene weiweiname tsipei pananta xeiname xua painya nexeiñawa tsane pebaru cui itura jinaewa Nacom pia nacuatheicha. <sup>9</sup> Painya nejume cowantsixae Jesucristo, Nacom paca juntũ coyene capanepaena xua jopa painya neat-enenexa xua abe painya neexanaexae.

<sup>10</sup> Caena bayatha pomonae Nacom pia peitorobi jume pepaebiwi yabara jejeitaponeiba nawita barapo pecapanenebiyae diwesi, xuano yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae. <sup>11</sup> Nacom pia Pejumope tñaxũ tatsi, po jumope Cristo weya pona, barapo jumope cueicueijei barapomonae pejuntũ coyenewatha tatsi. Nacom pia Pejumope tñaxũ tatsi cueicueijei barapomonaetha, jeye: “Payabara tinare xua hexa tsane Cristo, pon Nacom itorobina, atene tsane. Matautano bapon Cristo xeinaena pexeinya peitũpanae coicha”, jei. Barapomonae nayainyaba, jeye: “¿Eta bichi tsane jiwitha poxonae baxua exanaena? ¿Yawa eta poxonae metha baxua exanaena?” najei barapomonae. <sup>12</sup> Ichitha Nacom, barapomonae

yabara yaputane exainchi xua po diwesi barapomonae xua Jesucristo yabara tsiw<sub>nae</sub> paebatsi apara jopa barapomonae nexa. Aparajame barapo diwesi paxam nexa. Po diwesi xua caena bayatha barapomonae yabara paeba barapo diwesi j<sub>pa</sub> po diwesi xua anoxuae ichamonae yabara paca tsipaeba. Barapo diwesi xua pecapanenebiyae diwesi barapomonae paca tsipaeba Nacom pia Pejumope t<sub>na</sub>x<sub>u</sub> tatsi pia peayapus<sub>u</sub> itorobi coyeneyatha tatsi po jumope itorobatsi itaboco wetsica. Barapomonae yabara paeba barapo pecapanenebiyae diwesi po diwesi matatsunpiwi bequein ir<sub>u</sub> ichichipa yabara yaputane.

*Meje yabara xua Nacom naca itoroba xua bewa xeinaetsi pepa pej<sub>ntu</sub> coyene xanepanaewa*

<sup>13</sup> Daxota pana naj<sub>ntu</sub> coyene w<sub>na</sub>ere Nacom nexa xua pana naj<sub>ntu</sub> coyene itorobare xua barompaya painya nenanta xeinaewatha. Aj<sub>ntu</sub>yapus<sub>u</sub>ya payabara jume cow<sub>ntsiya</sub> eware pocotsiwa Nacom paca catsibina pia paca necaantobewaxae xua poxonae Jesucristo patopaetsica. <sup>14</sup> Paexande icha pexui ichi xua ba exana pocotsiwa coxiy<sub>n</sub> itoroba. Jopa paichichipaeinde xua abe paexaname po coyenewa icha be paichim copiya xua abe paexaname poxonae cataunxuae jopa payabara yaputaem Nacom. <sup>15</sup> Seicaya rajinompape pepa painya nej<sub>ntu</sub> coyene xanepanaewatha, tsipei Nacom pon paca waba bichocono pepa pej<sub>ntu</sub> coyene xanepanaein. <sup>16</sup> Baxua paexande poxoru Nacom Pejume Diwesitha jeye: “Paxam daxita bichocono raj<sub>ntu</sub> coyene xanepande, tsipei bichocono taj<sub>ntu</sub> coyene xanepanaein”, jei.

<sup>17</sup> Nacom Waxa, pon jiwi peyabara paebin xua penatsicuentisiwa xua abe peexanaexae, barapon Nacom jopanta xeinaeyo xua ich<sub>n</sub> bichocono peainya cuin beyacaincha ich<sub>n</sub>. Icha paxam barapo Nacomtha pajam: “Axa”, pajam, xua pia painya nepaca yawenaenexa baroxonae pajunuware xua abe painya neexanaeyainwa Nacomtha. Mata<sub>utano</sub> barapon Nacom bichocono paantobeinde daxita matakabin poxonae rajinompame po irathe. <sup>18</sup> Jesucristo paca capanepa painya abeya nej<sub>ntu</sub> paewa weya. Poxonae Jesucristo paca yantomata xua paca capanenebiya, jopacatsiyo po penainto pew<sub>n</sub> oro nainto. Mata<sub>utano</sub> jopacatsiyo po penainto pew<sub>n</sub> plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jiwi ichi xua barapo abeya j<sub>ntu</sub> coyenewatha jinompa. Baxua paca yawena aibi. <sup>19</sup> Saya meisa Cristo naca yantomata abe waexanae

cuiru coyenein weya. Baxua apara xua poxonae Jesucristo naca tsitupa naetotha, icha caena bayatha oveja ichichi xua poxonae bexotsi xua tupa exanatsi xua Nacom peyabara junteinaenexa jiwi abe pia peexanae cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejuntu coyene xanepanaein. <sup>20</sup> Nacom itapeta xua Cristo itapetatsi petupaenexa tsane naetotha caena bayatha poxonae cataunxuae jopa forotsiyo po cae pin nacue. Nacom paca tsita ituta bapon Cristo barapo petabu ducuae matacabitha. <sup>21</sup> Cristo painya nepaca tsitupaexae naetotha xua abe painya neexanae cuiru coyenein daxota Nacom pajume cowuntame. Nacom equeicha Cristo asu exanatsi petupae cuiru coyene weya. Matautano Nacom pia nacuatheicha cana exana bapontha xua xeina pepa peainya cui coyenewa. Daxota anoxuae pajume cowuntame Nacom. Matautano pajume cowuntsiya ewatame Nacomtha xua bexa Nacom paca catsina pocotsiwa xua bayatha yabara paca tsiwuna muxu duta.

<sup>22</sup> Anoxuae pajume cowuntame Nacom pia pexainyei diwesi jume xua Nacom pia Pejumope tunaxu tatsi paca tsi-paeba. Daxota paca itacupa xua pana najuntu coyene wanae exaname Nacomtha xua xaniwaicha painya neantobenexa ichamonae pomonae iru pejume cowuntsiwi Nacom. Daxota bewa bichocono nantiya pana naantobem daxita painya nejuntu coyene daunweyatha. <sup>23</sup> Paxam icha juntu coyene paxei name tsipei be pena jiwi pana naexaname, xua pajuntu coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jiwi pana naexaname painya nejume cowuntsixae Nacom Pejume Diwesi, po jume diwesi jopa weraweracaeyo, xua ataya tsitecapona. <sup>24</sup> Nacom Pejume Diwesi jeye:

“Naepanaewa ba tsewa tsoponae

yawa pentono ba othopeica.

Icha naepanaewa ichi jiwi ba barichi,

ba werapa.

Matautano pocotsiwa jiwi exana xua bequein

tsita ainya cuichi ichitha weraweracaena.

<sup>25</sup> Ichitha nama Nacom Pejume Diwesi ataya

ayapusu tsoponae”, jei Nacom Pejume Diwesitha.

Barapo diwesi apara pecapanenebiyae diwesi xua po diwesi paca tsipaebatsi.



## 2

<sup>1</sup> Daxota daxita pana nacui barapende daxita abe pe-exanae cuiru coyenein, yawano xua pemuxuitorobi coyenewan, yawano xua naerabiya peexanae coyenewan xua naemata w<sub>h</sub>nae pepaebiwa, yawano xua peyabara uwi coyenewan xua ich<sub>h</sub>n xeina, yawano xua abe peyabara pae-biwa ichamonaetha xua ich<sub>h</sub>n peyabara paebiwatsi. <sup>2</sup> Pexui ba poxi anoxuaetha naexana ba jeita mito pia apaetsi xua pewichibinexa peapaexae mito. Icha pexui ichi, barapocotsi j<sub>h</sub>ta coyeneya paichinde. Saya <sub>h</sub> meisa Nacom Pejume Diwesi payorobare nawita xua painya nejume cow<sub>h</sub>nta dubenanaebiyaenexa tsane, matautano xua painya nepaca capanenebiyaenexa tsane Nacom. <sup>3</sup> Icha paita coxoneme Nacom, painya j<sub>h</sub>nt<sub>h</sub> coyenetha bara payaputaneme xua pon jiwi Pecanamataxeinaein bichocono bara pew<sub>h</sub>naein.

*Meje yabara iboto, po iboto peainya cui iboto*

<sup>4</sup> Jesucristo pajume cocow<sub>h</sub>ntaponde, pon jiwi Pecanamataxeinaeinchi, pon xua ataya tsitecaeya aj<sub>h</sub>nt<sub>h</sub>yapus<sub>h</sub>ya pepoponaein. Barapon Jesucristo yabara caunutatsi be pocotsi iboto xua copiya boca xua poxonae bom<sub>h</sub>x<sub>h</sub> exana. Icha jiwi ichi xua barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi. <sup>5</sup> Poxonae jiton ibo bo exana xua Nacom pin pia bo nexa, itapeta po iboton w<sub>h</sub>nae. Bara j<sub>h</sub>tiya ichi Nacom itapeta jiwi, xua pomonae piamonaetha tatsi cana exana pomonaetha pejume cow<sub>h</sub>ntsi jiwichixaetsi. Painya coutha pana naj<sub>h</sub>nt<sub>h</sub> coyene doure Nacomtha beta painya netanacuichinexa icha sacerdotemonaetha ichi xua naj<sub>h</sub>nt<sub>h</sub> coyene douda Nacomtha poxonaetha beta tanacuita. Poxonaetha baxua paexaname bara baxua Nacom tsita xanepanatsi xua Jesucristo painya nejume cow<sub>h</sub>ntsixae. <sup>6</sup> Nacom Pejume Diwesitha jeye:

“Pajume taema, itorobarecan Jesucristo

Sión tomaratha tana nejume

cow<sub>h</sub>ntsiwi taitorobarecan.

Bapon itapetan xua bichocono peainya

cuixae, icha iboto ichi, po iboto

babatanota bom<sub>h</sub>x<sub>h</sub>.

Pon Jesucristo jume cow<sub>h</sub>ntatsi bapon jopa

aura tsane xua bapon Jesucristo pejume

cow<sub>h</sub>ntsixaetsi”, jei Nacom Pejume Diwesitha.

<sup>7</sup> Painya nejume cow<sub>h</sub>ntsixae bapontha, daxota payaputaneme xua bapon bichocono asiwiya paantobem. Ichitha pomonaetha jopa bapon jume cow<sub>h</sub>ntsichi barapomonaetha canacui yabara jume wetatsi be pocotsi

coyeneya bayatha Nacom Pejume Diwesi paeba, xua Jesucristo yabara caunutatsi, jeye:

“Po iboto xua jiwi naitemata xua pomonae ibo bon peacabiwi, barapo iboto pecanamatawenonae ibotatsi naexana”, jei Nacom Pejume Diwesi, xua Jesucristo yabara caunutatsi.

<sup>8</sup> Nacom Pejume Diwesitha equeicha jeye:

“Barapo ibotiyotha jiton taxu aṭtabatsi.

Mataṭtano barapo iboto, ichacuitha jiton xuirapopa exainchi”, jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba barapo iboto Jesucristo yabara jṭsiya canaṭtapaebatsi. Jiwi jopa beta exanaeyo poxoru jopa jume cowṭntsiyo xua Nacom Pejume diwesitha Jesucristo yabara paebatsi. Caena bayatha Nacom pewṭnaeya yabara cui ya-putane xua barapomonae peexanaewa tsane baxua.

<sup>9</sup> Paxam Nacom painya nepaca itapetsi jiwi pam. Paxam po sacerdotemonae pam xua pata nacuitame Nacom pon jiwi itorobiya pia pepa Peewatsinchi. Mataṭtano paxam pomonae Nacom patsita jṭntṭ coyene xanepaname jopa painya tsita natsicuentsexae bapon. Mataṭtano Nacom pia pepa piamonae tatsi pam. Nacom baxuan pacata exana pia painya yabara netacueicueijeinexa xua pia pexeinya petsita itṭbi coyenewan tatsi. Barapon Nacom paca waba abe painya neexanae cuiru coyenein weya. Paca waba pia painya yabara neyaputaenexa Nacom xua xeina pexeinya peitṭpanae coicha. <sup>10</sup> Copiya paxam jopa Nacom piamonae tatsi pam, ichitha anoxuae nama Nacom piamonae tatsi pam. Mataṭtano copiyatha jiwi jopa paca yabara nantanuweya nanta xeinaeyo xua pia paca necayawenaewa tsane. Ichitha anoxuae Nacom paca yabara nantanuweya nanta xeina xua pia paca necayawenaewa tsane.

*Meje yabara xua jiwi bewa beta jinompae xua Nacom petanacuita dubenanaebiyaenexatsi*

<sup>11</sup> Tamonae pam, pomonae tapaca caantobe jiwichi pam. Paxam pomonae be penanapaincha jinompawewi pam xua icha nacua werena painya neponawewi. Daxota paca itorobatsi xua jopa painya neexanaewa tsane pocotsiwa abe pocotsiwa xua painya jṭntṭ coyenewatha ichichipa xua peexanaewa. Barapo abe peexanae cuiru coyenein paca jṭntṭ coyene itoroba bichocono xua painya neexanaenexa po coyenein abe peexanae cuiru coyenein. <sup>12</sup> Beta pajinompare Nacom nexa xua peitṭtha tatsi pomonae Nacom jopa jume

cowantsichi. Icha barapomonaē abe paca yabara paebichipa be pomonaē abe painya neexanaē jiwi pam tsipae bichocono daichitha barapomonaē taena xua beta painya neexanaewa. Bapoxonaē barapomonaē Nacom w̄naē jaintinchi w̄naē painya neexanaexae xua po mataqueitha Nacom yabara paebina jiwi xua penatsicuentaē xua abe peexanaexae.

<sup>13</sup> Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonaē pecanamataxeinaewi painya nacua. Matauta paexande pocotsiwa paca itoroba pon romanomonaē itorobiya pepa peewatsinchi. Jame Nacom ichichipa xua waexanaewa baxua. <sup>14</sup> Paexande pocotsiwa paca itoroba pomonaē nacuan peewatsiwi pomonaē xua tanacuitatsi pon romanomonaē itorobiya pepa peewatsinchi. Nacom itoroba barapomonaetha pomonaē nacua peewatsiwi xua barapomonaē cuainchina pomonaetha pomonaē abe peexanaewi. Matautano Nacom itoroba barapomonaetha xua w̄naē jainchina pomonaetha pomonaē beta peexanaewi. <sup>15</sup> Nacom ichichipa xua beta painya neexanaewa tsane pomonaetha pomonaē xua jopa Nacom yabara yaputaetsi xua barapomonaē pemoyanexa xua jopa abe painya nepaca yabara paebinexa.

<sup>16</sup> Pajinompare, icha be ichi pomonaē jopa nantawenon- aeyo xua ichamonaē amanaya petanacuichiwatsi. Ichitha jopa abe paexanaeinde xua poxoru saya painya nejinom- paexae. Beta pajinompare, icha be ichi pomonaē Nacom amanaya tanacuita dubenanaebiyatsi. <sup>17</sup> Beta payabara nanta xeinare daxita jiwi. Matautano paantobeinde icha- monaē pomonaē ir̄u pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabar̄u cui itura jinareno pon romanomonaē itorobiya pepa peewatsinchi.

*Meje yabara po coyene xua Cristo atene peexanaewatsi*

<sup>18</sup> Paxam pomonaē amanaya painya netanacuichi jiwi pam ichamonaē barapomonaē pam paca tsipaebatsi. Bewa pajume bar̄u cui jejam tsaibim tsane pomonaē xua paca itorobeiba pomonaē painya nepaca canamataxeinaewi. Baxua paexande poxonaē bequein ichamonaē w̄naē peexaneibiwi, matautano xua poxonaē ichamonaē bequein abe peexaneibiwi poxonaē paca itoroba. <sup>19</sup> Baxua Nacom tsita w̄naetsi xua pabar̄u cui itura jiname barapomonaē pomonaē painya nepaca canamataxeinaewi xua poxonaē bequein paca cuainta barapomonaē xua xaniwaicha painya neexanaexae painya nejume cowantsixae Nacom. <sup>20</sup> Icha abe paexaname xua daxota paca cuainta, baxua Nacom jopa

tsita coyene xanepanaetsi xua bequein saya beitatemaya moya paumename poxonae paca cuainta. Ichitha icha jame paca cuainta xua wanae painya neexanaexae xuano xua icha beitatemaya moya paumename baxuan jame Nacom tsita coyene xanepanatsi. <sup>21</sup> Xua ichamonae atene painya nepaca caexanaexae daxota Nacom itapeta paca waba. Ichamonae Jesucristo atene exainchi waxainchi nexa. Jesucristo cana caunutsiya exanatsi xua waxainchi bewa exanaetsi icha bapon ichi xua pocotsiwa exana. <sup>22</sup> Bapon Jesucristo bapana jopa abe exanae. Matautano bapana jopa muxutorobi ichamonaetha. <sup>23</sup> Poxonae ichamonae Jesucristo biatainchi jopa xuya jume barabotsiyo Jesucristo. Poxonae Jesucristo batsi, jopa Jesucristo jeyo, "Aunxuae xuya paca cuaintinchi", jopa jeyo. Ichitha Jesucristo jume cowanta Nacom xua pocotsiwa poxonae Nacom exanaena barapomonaetha pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiwi, xua penatsicuentsiwa xua abe peexanaexae. <sup>24</sup> Cristo pia pepontha yawa muxuna tupa abe waexanae cuiru coyenein poxonae tupa naetotha. Poxonae bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta juntu coyene xanepanaya jinompaeinchi Nacomtha. Daxota Cristo wan exanatsi xua equeicha jopa abe painya neexanaenexa tsane. <sup>25</sup> Ichacuitha oveja itaxanuncuatsi, pipato pepoponaexae jopa penantaatsixae pon peenaein ovejan. Icha oveja ichi paxam bara pocotsi jata coyeneya paichim. Copiya jopa xanepanaya painompaem, jopa painya nenantaatsixae Jesucristo. Ichitha anoxuae xanepanaya pajinompame, tsipei anoxuae Jesucristo panantaatame pon paca yawena. Bapon nepaca eenaein, icha be ichi pon oveja peenaein. Yawano bapon Cristo paca juntu coyene canamataxeina.

### 3

*Mejeyabara xua po coyeneya bewa jinompae pomonae jitha peenaewi*

<sup>1</sup> Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuitha jopa jume cowantsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cowantsina Nacom painya nepaca cui taexae bara bequein Jesucristo jopa payabara paebim.

<sup>2</sup> Barapo painya seuriwi paca taena xua Nacom paantobem.

Yawano xua paca taena xua jũntũ coyene xanepanaya pain-ompame. <sup>3</sup> Jopa metha meisa painya pepon pexeinyowa pana naexanaemtsipaem, xua daxota jiwi painya nepaca yabara paebeibiwa, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana napepenaeinde po penaintotha pewũn oro nainto. Mataũtano jopa pana nama xatabinde po paparuwan bichocono ainya matoman xua bichocono pexeinyowaxi pana naexaname. <sup>4</sup> Icha pexeinyowaxi ichichipa pana naexaname moya maisa pana najũntũ coyene wũnae exande. Barapo pexeinyowa coyenewa bũpana xeina jiwi pejũntũ coyenewatha. Barapo pexeinyowa coyenewa jopa itacũpaetsi xua peweraweracaewa. Painya pexeinyowa coyenewa bewa payabara ita ururanaya pajinompaem, yawano jũntema pajinompreno. Baxuan jame bichocono tsita coyene xanepanatsi Nacom. <sup>5</sup> Barapo pexeinyowa coyenewa caena bayatha xeina po yabũxi xua bichocono pera rejũntũ coyene xanepanaewaxi. Barapo yabũxi jume cowũntsiya ewata Nacomtha, xua Nacom exanaena pocotsiwa yabara tsiwũnae muxu duta. Mataũtano barapo yabũxi exana pocotsiwa piseuriwi itorobatsi. <sup>6</sup> Petsiriwa powa pewũn Sara bara jũtiya ichiya exana. Barapowa exaneiba pocotsiwa piseuri itorobeibatsi pon pewũn Abraham. Barapowa piseuritha jeye: “Tanecanamataxeinaem”, jei bapowa. Paxam bara paichim tsane icha barapowa Sara ichi icha beta paexanaename, yawano xua jopa pajunuwim, bequein painya seurixi jopa xanepanaya paca itorobeibiyo.

<sup>7</sup> Barichi pam pebiwi pam, po pebiwi painya seuriwi painya nexeinea jiwi pam. Beta payabara cui yaputaema painya seuriwi. Yawano painya seuriwi pabarũ cui itura jinare tsipei yabũxi jopa acuicoyenesũyo icha jopa be pebiwi ichiyo. Pananta xeinare xua pebin piseuribe xeinabe po peajũntũyarusũwa jopa bapana weraweracae, po peajũntũyarusũwa Nacom cata piamonaetha pomonae pia peantobewixaetsi. Baxua paexande painya seuriwitha xua wũnae painya neexanaewa xua Nacom bara beta painya nepaca jume taenexa poxonae pawũcame.

*Meje yabara xua jiwi atene pomonae xua beta peexanaewixae*

<sup>8</sup> Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowũntsixae Nacom, icha be ichi poxonae barompaya painya eweicho jiwi nantiya pana naantobem. Pomonae jiwi peyawenae jiwi pana naexande

xua painya neantobexae barapo jiwi. Matautano jopa bichocono painya coutha pana nayabara nanta xeinaeinde. Jame maisa ichamonae itapeta bichocono payabara nanta xeinare. <sup>9</sup> Poxonae ichamonae abe pacata exana xuya jopa paexanaeinde. Yawano poxonae ichamonae paca biatane jopa xuya pabiataeinde. Seicaya nama paexande. Jame Nacomtha patawncare barapomonae xua Nacom pecana exanaenexa xua barapomonae pejuntc coyene weiweinaenexa. Daxota Nacom paca waba xua xuya pacata exana tsipei barapomonae beta pacana exaname. <sup>10</sup> Tsipei Nacom Pejume Diwesitha jeye:

“Pon xua antobe xua po coyene cataunxuae pepoponaewa, xuano xua daxita matakabi junc coyene weiweina poneiba, bapon bewa peebatotha jopa paebi tsane peabe jumeyo. Matautano peopiratotha jopa bewa paebi tsane xua ichamonae naerabiya peyabara paebiwatsi. <sup>11</sup> Bewa tajc beya paponnem xua peabe coyenewan weya.

Yawano saya bewa beta paexanaem. Itapeta paexande pocotsiwa xua jiwi junc tema jinompa exainchi. Bara ajunc yarusc ya paexanaponde baxua. <sup>12</sup> Tsipei Nacom, pon jiwi Pecanamataxeinaein, yawena pomonaetha pomonae pejunc coyene xanepanaewi.

Yawano Nacom jume tane xua pewncawatsi. Ichitha Nacom jopa yawenaeyo pomonae abe peexanaewi”, jei Nacom Pejume Diwesitha.

<sup>13</sup> Dapon aibi pon itacpcatsi xua abe pacata exana icha saya paexaneibame pocotsiwa xua wncae. <sup>14</sup> Bequein icha ichamonae pacata abe exanaena junc coyene xanepanaya painya nejinompaexae, daichitha Nacom paca cana exana xua pajunc coyene weiweinaya jinompame. Jopa ichamonae pacunuwinde, yawano jopa pacuitaya junc deideijande. <sup>15</sup> Jame maisa Cristo bichocono payabara nanta xeinare painya junc coyenetha xua bapon bichocono ainya cui. Pajande: “Pon jiwi Necanamataxeinaem”, pajande. Pana najunc coyene wncateibare xua painya nejume noteibinexa pomonae paca yainyabiya jeye: “¿Eta pocotsiwa pajume cowncsiya ewatame xua Jesucristo bexa paca capanepaena?” paca jei. <sup>16</sup> Ichitha saya ita ururaquiya pajume noteibare, jopa paebeibinde. Yawano pajunuware Nacomtha xua abe painya nepaca exanaeyainwa Nacom, abe painya neexanaexae. Pajinompare xua painya junc coyenewa paca tsipaeba xua wncae bara paexaname. Barapoxonae

icha ichamonae abe paca yabara paeba, barapomonae aura tsane xanepanaya painya nejume cowantsiya jinompaexae Cristo.

<sup>17</sup> Icha Nacom ichichipa xua ichamonae atene paca exana, beta painya neexanaexae, baxua jame wɛnae, beyacaincha xua poxonae atene paca exana poxoru abe paexaname. <sup>18</sup> Tsipei Cristo atene exanatsi poxonae tsitɔpa abe waexanae cuiru coyenein daxita xua poxonae cae coyenetha tɔpa. Cristo bapana jopa abe exanae. Ichitha bapon Cristo naca tsitɔpa pomonae abe waexanae jiwichi. Baxua Cristo nacata exana, xua wanaca exanaenexa xua wapatsiwa tsane Nacom beicha. Bapon Cristo bequein tɔpa pepon ichitha equeicha asɛ exanatsi pia pejumope tɛnaxɛ tatsi. <sup>19</sup> Bapoxonae Jesucristo pia pejumope tɛnaxɛ tatsi pona ichaxota jiwi pia pejumopein tatsi be cɛbathopeibatsi pomonae xua caena bayatha werapa. Barapon Jesucristo pia jumope tɛnaxɛ tatsi yabara cueicueijeji barapo jumopeintha xua Nacom pia peca-panenebiyae diwesi tatsi. <sup>20</sup> Caena bayatha barapomonae jopa jume cowantsiyo Nacom poxonae po mataqueitha Noé popona po irathe. Nacom beitatemaya ewateiba barapomonae, ainya dapaein xua pejume cowantsinexatsi poxonae xua cataunxuae Noé cobe naemata xua pin jera nae exana. Ichitha saya ocho poyobe jiwi panenebiya poxonae bichocono awɛbo xua butuxuba po cae pin nacue. <sup>21</sup> Barapo awɛbo caunuta xua be naca bautisaba. Poxonae naca bautisaba apara jopa wanaca perɛ iquicaenexa tsane xua tsoreichi, apara jame daxota naca bautisaba Nacom, wanaca capanepaexae abe waexanae cuiru coyenein weya. Yawano Nacom wɛcatsi xua wanaca jɛntɛ coyene xanepana exanaewa tsane. Bapoxonae wajɛntɛ coyene naca tsipaeba xua bara beta exanatsi. Waxainchi naca itacɔpa xua wanaca bautisabiwa tsipei Jesucristo equeicha asɛ exanatsi petɔpae cuiru coyene weya. <sup>22</sup> Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, irɛrɛ pomonae itoroba itabocotha barapomonae exana pocotsiwa Jesucristo itoroba.

## 4

*Meje yabara xua jiwi bewa beta tanacuichi Nacom icha be po coyeneya Nacom cata jiwi barompaya pia peexanae coyenewan tatsi*

<sup>1</sup> Yaitama copiya Cristo atene exanatsi ichamonae, waxainchi daxota bewa nanta xeinaetsi xua irɛ naca atene exanaena ichamonae. Pon atene exanatsi ichamonae bapon abe pia peexanae cuiru coyenein wepu pona xua bichocono

pejume cowantsixae Jesucristo. <sup>2</sup> Paxam jopa bewa paexanaem pocotsiwa xua paichichipame xua abe painya nexanaewa poxonae cataunxuae pajinompage. Ichitha cataunxuae paexanaponde pocotsiwa Nacom ichichipa poxonae cataunxuae pajinompage barapo cae pin nacuathe. <sup>3</sup> Caena bayatha paexaname pocotsiwa xua ichamonaexana pomonaexana jopa yaputaeyo Nacom. Barapomonaexana abe exaneiba xua nasi cui exana icha yabuxitha xua jopa piseuriwi. Yawano exaneiba xua pocotsiwa abe yabara nanta xeina pejuntũ coyeneintha. Yawano nacupa exaneiba peatsaxae meran. Yawano pin penabanaewan exaneiba po penabanaewantha jiwi weiweinaya abe exana xua napenajuba yawa bichocono cupatsi. Yawano ibo nacomũn wanae jainteibatsi. <sup>4</sup> Pomonaexana jopa yaputaeyo Nacom, barapomonaexana paca cui yabara nanta xeina, jeye: “¿Eta xua metha jopa naca baru exanaeyo xua waxainchi abe exanatsi?” najei barapomonaexana. Barapomonaexana paca cui capana yawa daxota abe paca yabara paeba. <sup>5</sup> Payabara nanta xeinare pomonaexana abe exana. Barapomonaexana bewa yabara caununaya jume notsina Nacomtha pocotsiwa xua abe exana. Nacom yabara paebina pomonaetha pomonaexana xua cataunxuae jinompa yawa pomonaetha pomonaexana bayatha werapa xua penatsicuentisiwa xua abe peexanaexae. <sup>6</sup> Daxota Nacom Pejume Diwesi bayatha cueicueijeji pomonaetha pomonaexana bequein bayatha werapa xua barapo pewerapae jiwi pejumope tñaxũn pejinompaenexa tsane icha Nacom ichi xua popona. Bayatha Nacom yabara paeba barapomonaexana xua penatsicuentisiwa xua abe peexanaexae barapo cae pin nacuathe xua daxota pia pepon tatsi werapa icha daxita jiwi ichouneibi.

<sup>7</sup> Bara nama imoxoyo po dapaetha poxonaexana Nacom daxita weraweraca exanaena barapo cae pin nacue. Daxota painya coutha pana najuntũ coyene itorobare xua xanepanaya paexaname Nacomtha beta painya wũcaenexa tsane. <sup>8</sup> Pocotsiwa xua ainya cui xua jame bewa bichocono nantiya pana naantobeinde. Poxonaexana ichũn paantobem, pajuntẽmainame poxonaexana bequein xua bapon abe pacata exana. <sup>9</sup> Paxam nantiya pana nantenta weyataeya wabeibare painya boxitha xua painya nenaapateibinexa tsane, xua jopa pana naita aenaeenande. <sup>10</sup> Daxita barompaya paxam Nacom paca cana exana xua painya nexeinaewa barompaya painya neexanaexana coyenewan. Paxam nantiya pana nayawende barapo cui coyenetha, bapoxonaexana paxam pomonaexana beta painya neexanaexana jiwi pam tsane pocotsi coyenewatha xua Nacom paca cana exana. <sup>11</sup> Icha ichũn cueicueijeji, bũ bara cueicueijeji pocotsiwa Nacom cueicueijeji exana bapon. Icha pebin



yawena xua ichun yawenatsi bu bara barapo pebin yawena ichantha po peayapuswatha xua Nacom cata. Daxita pocotsiwan xua paexaname bara beta paexande xua jiwi wanae pejainchinexa Nacom xua beta painya neexanaexae xua Jesucristo peyabaraxae. Bu bara Jesucristo ataya xeinaena peainya cui coyenewa, yawano xeinaena xua peayapusu itorobi coyenewa. Je bara ichi tsane.

*Meje yabara po coyeneya xua bewa exanaetsi wajume cowantsixae Cristo xua poxonae bequein ichamonae atene naca exana*

<sup>12</sup> Tamonae pam painya tapaca caantobetsi jiwichi pam iru painya nejume cowantsixae Jesucristo. Jopa yabara pana nabenaecaeinde poxonae bichocono atene paca cana exana ichamonae painya nejume cowantsixae Jesucristo. Jopa pananta xeinaeinde xua baxua pocotsiwa jopa bewa pacata exanae tsane. <sup>13</sup> Jame seicaya pajuntu coyene weiweinare xua painya nepaca itacupaewa xua ichamonae atene paca exana icha Cristo ichichi xua atene exanatsi. Yawano bexa pajuntu coyene weiweinaename poxonae Jesucristo yawa patopaetsica pia peainya cui coyenewa. <sup>14</sup> Icha ichamonae paca muxucona painya nejume cowantsixae Cristo saya pajuntu coyene weiweinare, tsipei Nacom pia Pejumo pe tnanaxu tatsi, po jumope pexeinya peitupanae coicha yawa popona, barapo pejumope paca yawa popona. <sup>15</sup> Jopa bewa paexanaem tsane xua ichamonae pajutebame xua daxota ichamonae paca atene exana. Matautano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Matautano jopa bewa paexanaem tsane xua ichamonae pajuntu coyene anaepana exaname xua daxota ichamonae paca atene exana. Matautano jopa bewa paexanaem tsane xua ichun pajuntu coyene itorobame xua abe peexanaewa tsane xua daxota ichamonae atene paca exana. <sup>16</sup> Icha ichun atene exanatsi ichamonae, pejume cowantsixae Jesucristo jopa bewa bapon aura tsane. Ichitha jame bapon bewa wanae jainchina Nacom tsipei atene exanatsi pejume cowantsixae Jesucristo.

<sup>17</sup> Po matabitha aena Nacom tamropata pitaba xua Nacom yabara paebina daxita jiwi xua penatsicuentsiwa xua abe peexanaexae, apara barapo matabi bayatha patopa. Barapo matabitha Jesucristo piamonae tatsi umenaena Nacom peitabaratha xua Nacom peyabara paebinexa tsane xua penatsicuentsiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya exanaeyo pomonaetha pomonae jopa pejume cowantsiwi Nacom pia pecapanenebiyae diwesi tatsi. <sup>18</sup> Daunwei nawita pon capanepatsi abe pia peexanae cuiru

coyenein weya pon w<sub>nae</sub> peexanaein. Ichitha nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein. <sup>19</sup> Poxonae ichamonae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume bar<sub>u</sub> jejam tsane Nacom xua paexaname bara bequein paayapube taetham. Nacom paca necaforotsixae yawa peexanaexae xua pocotsiwa yabara paca tsiw<sub>nae</sub> muxu dubeiba xua exana paebeiba, daxota Nacom pia coya canamataxeina painya j<sub>ntu</sub> coyene.

## 5

*Meje yabara xua Pedro muxuweta pomonaetha pomonae pejume cow<sub>ntsi</sub> jiwi*

<sup>1</sup> Ichichipan xua tamuxu wetsiwa penapatae jiwi pomonae paxam jiwana pam pomonae painya nejume cow<sub>ntsi</sub> jiwi pam. Xan ir<sub>u</sub> bichocono penapataein icha barapomonae ichi. Xan natan poxonae Cristo naetotha t<sub>u</sub>parucua exanatsi. Xan ir<sub>u</sub> yawa xeinaein po peainya cui coyenewa Cristo xeina poxonae patopaetsica. <sup>2</sup> Beta pa-eenare pomonaetha xua Nacom paca cana exana xua pamatacaponame, icha pon oveja peyapu eenaein ichi xua beta yapu eena ovejamonae. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono. <sup>3</sup> Jopa atsaquiya pamatacaponaeinde pomonae xua pamatacaponame. Jame saya maisa beta pamatacaponde xua painya necacui taenexa xua bara j<sub>uta</sub> ichiya peexanaenexa. <sup>4</sup> Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweracaeyo.

<sup>5</sup> Barichi pomonae pewowi jiwi pam, bewa paexanaem pocotsiwa xua penapatae jiwi paca itoroba. Daxita paxam bewa nantiya pana naantobem, yawa bewa nantiya pana nayabara ita ururanaya jinompaem. Baxua paexande tsipei Nacom Pejume Diwesitha jeye:

“Nacom aichaxaibi pomonae peabiwi ichamonaetha.

Ichitha Nacom yawena xua peantobexae pomonae

bar<sub>u</sub> ita ururanaya jina ichamonae”, jei.

<sup>6</sup> Daxota papende po coyene xua paaebame ichamonae. Paexande pocotsiwa xua Nacom pecobetha paca ita cowai pia

peayapusu itorobiwatha xua Nacom ainya cui paca necaex-  
anaenexa tsane poxonae Jesucristo equeicha patopaetsica.  
7 Bara pacopare xua Nacom bara daxita paca wepichina dax-  
itan po coyenein xua juntu coyene natsepa paca cana exana  
tsipei Nacom paca yabara nanta xeina nawita xua painya  
nepaca cayawenaewa tsane.

8 Painya coutha pana najuntu coyene itorobare xua beta  
pajinompare. Tsaca pajinompare poxoru caurimonae pia  
pentacaponaein tatsi ichichipa paca abe exana. Bapon  
pacata exana icha neuthu ichi xua ba piyain fiba pox-  
onae jeita ducuaeta pon ichichipa hexaena. 9 Dota pam  
panaitemare bapon xua beta painya nejume cowuntsiwatha.  
Pananta xeinare xua daxita nacuanpiwi jiwana pomonae  
pejume cowuntsiwi Jesucristo barapomonae atene exanatsi  
icha paca ichi. 10 Ichitha bexa tsane xua caeto poxonae paca  
atene exanaena ichamonae, bapoxonae Nacom paca juntu  
coyene xanepana exanaena. Yawano Nacom paca exanaena  
xua beta painya nejume cowuntsiwa tsane. Yawano paca  
exanaenano xua bichocono painya neajuntucoyenesuwam  
tsane. Barapon Nacom painya nepaca antobexae paca waba  
pia paca catichi po peainya cui coyenewa xua ataya tsiteca  
xua Jesucristo xeina. 11 Bu bara Jesucristo ataya xeinaena  
peainya cui coyenewa, yawano xua peayapusu itorobi coye-  
newa. Je bara ichi tsane.

*Meje yabara poxonae Pedro najume wetsiya paeba*

12 Pon pewun Silvano, pon be tayapin tatsicotaein iruru  
pejume cowuntsixae Jesucristo, bapon cobe itoroban xua inta  
tina barapo peya cartiyo xua bapoxonae tapacata itorobinex-  
atsi xua tapaca muxuwetsinexatsi. Barapo cartatha paca  
juntu coyene tsacaba exanatsi xua Nacom xaniwaicha painya  
nepaca cayawenaewa tsane painya nepaca caantobexae.  
Daxota baxua awiya pajume cowuntsiya jinompare.

13 Pomonae Babilonia tomaratha jinompa pomonae  
Nacom pejume cowuntsiwichi, barapomonae paca jacobae.  
Barapomonae pomonae Babilonia tomarapiwi Nacom  
itapeta icha paca ichi xua paca itapeta. Iru Marcos paca  
jacobae be pon taxanto tatsicotaein tsipei yawenan xua  
pejume cowuntsiwa Jesucristo. 14 Paxam nantiya pana  
najacobare painya nenaantobexae.

Paxam pomonae Cristo piamonae tatsi pam barapomonae  
pam bara Nacom junte ma jinompa paca exana. Je bara ichi  
tsane.

Baja Pedro.

## Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwi jiwana tatsin. Pacata tinatsi barapo carte painya nexeiaexae xua pejume cowantsiwa Jesucristo xua bichocono wɥnae icha paxan paichin. Barapo pejume cowantsi coyenewa Nacom werena pichapa, pon bichocono peɥntɥ coyene xanepanaewa pexeinaein. Yawano barapo pejume cowantsi coyenewa Jesucristo werena pichapa pon irɥ bichocono peɥntɥ coyene xanepanaewa pexeinaein. Bapon jiwi Pecapanenebiyaein abe pia peexanae cuiru coyenein weya. <sup>2</sup> Barabɥ Nacom paca yawenaena pia paca necaantobexae. Yawano barabɥ Nacom paca catsina jɥntema pejinompae coyenewa. Barabɥ barapo naxobe coyenewabe bichocono paxeinaponaename xua poxonae payabara yaputaeponaename Nacom xuano xua payabara yaputaeponaename Jesucristo pon Wanacanamataxeinaein.

*Meje yabara pocotsi coyenewano bewa exanaena Cristo piamonae tatsi*

<sup>3</sup> Nacom naca cata daxita pocotsiwa nantawenonatsi xua jɥntema wajinompawanaxa yawa xua xanepanaya wajinompawanaxa Nacom nexa. Daxita baxuan Nacom naca cata pia peayapusuɥ itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua irɥ waxeiaenexa peainya cui coyenewa, xuano xua irɥ waxeiaenexa Nacom pia pexeinya peexanae coyenewa. <sup>4</sup> Poxonae Nacom naca cata pia peainya cui coyenewa, yawano pia pexeinya peexanae coyenewa bapoxonae nama naca cata pia peyabara naca tsiwɥnae muxu dutsiwan. Nacom pia peyabara naca tsiwɥnae muxu dutsiwan bichocono ainya cui xua jiwi jopa itacɥpaetsi xua pecomotsiwa. Barapo peyabara naca tsiwɥnae muxu dutsiwan painya necacatsixae anoxuae paxeiname xua Nacom pia peajɥntɥyapusuɥwa xua jopa weraweracaeyo. Yawano

barapo peyabara naca tsiwuna<sup>8</sup> muxu dutsiwan painya nex-einaexae paca itacapa xua papanenebiyam abe painya neexanae cuiru coyenewa weya xua barapo cae pin nacuathep-iwi po coyene ichichipa abe exana. <sup>5-7</sup> Bequein pajume cowantame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenajuntu<sup>9</sup> coyene itorobiwam. Poxonae painya coutha pana najuntu<sup>9</sup> coyene itorobame, bapoxonae panantawenoname xua muxuna paexaname xua junte<sup>10</sup>ma pajinompame bequein ichamonae abe pacata exana. Poxonae junte<sup>10</sup>ma pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonae pejume cowantsiwi Jesucristo. Poxonae paantobem pomonae pejume cowantsiwi Jesucristo, bapoxonae panantawenoname xua muxuna paexaname xua paantobem daxita jiw<sup>11</sup>i.

<sup>8</sup> Icha paxeiname daxita barapo coyenewan yawa xua paexanaponame daxita baxuan bapoxonae beta painya neexanae jiw<sup>12</sup>i pam tsane Nacom nexa. Yawano beta payabara yaputaneme Jesucristo pon Wanacanamataxeinaein. <sup>9</sup> Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa ichipaeyo xua peyabara yaputaewa barapo coyene. Daxota bapon junte<sup>10</sup>maina xua bayatha wejunte<sup>10</sup>maina exanatsi abe pia peexanae cuiru coyenewan tatsi xua Nacom wejunte<sup>10</sup>maina exana. <sup>10</sup> Tamonae pam paxam pomonae be tayapin jiw<sup>12</sup>i tapaca canatsicotae jiwichi pam iruru<sup>11</sup> painya nejume cowantsixae Jesucristo. Daxota paca tsipaebatsi xua xaniwaicha pana naexande xua daxota patsita itutsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom. <sup>11</sup> Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusu<sup>12</sup> tsoponae ichaxota Jesucristo jiw<sup>12</sup>i itorobiya ewatatsi, pon Wanacanamataxeinaein, xua pon Pecapanenebiyaein jiw<sup>12</sup>i.

<sup>12</sup> Bequein baxua bayatha payaputaneme, ichitha equeicha

paca tsipaebatsi xua jopa painya jantemainaenexa. Anoxuae paxam ajantayapusya pajume cowantame pexainyei jume Jesucristo yabara. <sup>13</sup> Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi. <sup>14</sup> Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaen. <sup>15</sup> Daxota xaniwaicha pacata tinatsi xua baxuan jopa yabara painya nejantemainaewa tsane poxonae tupaen. Bapoxonae bexa tsane pana necui yabara jantanainaename pocotsiwan yabara paca tsiwanae muxu dutatsi.

*Meje yabara xua pomonae tane Cristo pia peainya cui coyenewa tatsi*

<sup>16</sup> Poxonae paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejema diwesi po diwesi xua saya jiwi paeba. Bara pana natan Jesucristo pia pexeinya peitupanae coicha tatsi pon jiwi Pecanamataxeinaein. <sup>17</sup> Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitupanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana”, jei Nacom. <sup>18</sup> Paxan baxua pajume tan xua Nacom cueicueije peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueije itaboco wetsica.

<sup>19</sup> Daxita baxuan naca yawena po diwesi xua Nacom pia peitorobi jume pepaebiwi tina xua barapo diwesi pexainyei jume diwesi. Pajume naitaeware pocotsiwan xua barapomonae paeba, beya poxonae yatsicaewa payaputaename pocotsiwa barapomonae paeba. Barapo pejumein jume xanepana. Bichocono naca yawena icha pecoicha ichi xua pentha exana poxonae quirei xua ba naca yawena. Barapo pecoicha waxainchi jopa nantawenonaetsi poxonae jarawato ecoina xuano poxonae matababi pentha tsina. Barichi poxonae Jesucristo patopaetsica jopa cana matawenonae tsainchi barapo diwesi tsipei bayatha patopeicaena Jesucristo. <sup>20</sup> Matha copiya bewa payaputaem xua meje: Nacom pia peitorobi jume diwesitha dapojumein aibi pocotsiwa pia coya ichichipa paeba barapo Nacom pia peitorobi jume pepaebiwi. <sup>21</sup> Tsipei Nacom pia peitorobi jume pepaebiwi jopa cueicueijeiy pocotsiwa ichichipa pia

coutha paeba xua poxonae tina Nacom Pejume Diwesi. Ichitha barapomonae tatina pocotsiwa Nacom ichichipa, xua Nacom pia Pejumope t̃nax̃ tatsi peitorobixae.

## 2

### *Meje yabara xua pomonae naerabiya pecuidubi jiwi*

<sup>1</sup> Caena bayatha israelmonae jiwana jinompa pomonae naerabiya peitorobi jume diwesi pepaebiwi. Barichi painya xantha patsina pomonae naerabiya pecuidubi jiwi. Barapomonae cuidubina po diwesi xua paca weraweraca exanaena. Barapomonae nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomonae itawetsinchi xua Jesucristo itawetsina, pon xua bayatha barapomonae tsit̃patsi. Nacom nainya weraweraca exanaena barapomonae, abe peexanaexae.

<sup>2</sup> Pin bicheitomonae exanaena xua abe exana pocotsiwa xua barapomonae cuiduba pomonae naerabiya pecuidubi jiwi. Barapomonae pomonae naerabiya pecuidubi jiwi naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi. <sup>3</sup> Barapomonae paca muxuitorobina nawita, yawano paca itorobina xua painyamona amanaya paitorobiname pedoutsinexa paratixi barapomonaetha pomonae naerabiya pecuidubi jiwi. Ichitha caena bayatha Nacom yabara paeba barapomonae, jeye: “Barapomonae bichocono abe peexanae jiwi, daxota bewa werapaena tsipei bichocono abe peexanaexae”, jei Nacom.

<sup>4</sup> Nacom bayatha jopa yabara j̃ntemainaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayiyo. Yawano Nacom napenta exana peita quirei nacuatha beya poxonae barapo matatsunpiwi umenaena Nacom peitabaratha poxonae po mataqueitha Nacom yabara paebina daxita jiwi xua penatsicuentisiwa xua abe peexanaexae. <sup>5</sup> Barichi Nacom jopa bayatha yabara j̃ntemainaeyo po peabe coyenewa jiwi exana pomonae caena bayatha jinompa. Barapo matacabintha Nacom itoroba pin aw̃bo xua bunothopa peexanaenexa pomonae abe peexanae jiwi. Meisa saya Noé ir̃no piamonae tatsi xua siete poyobe tatsi daxita barapoyobe capanenebiyatsi barapo aw̃botha. Barapon Noé cuiduba j̃witha xua jiwi bewa j̃nt̃a coyene xanepanaya jinompaena Nacomtha.

<sup>6</sup> Pomonae Sodoma tomarapiwi ir̃no Gomorra tomarapiwino, barapomonae abe peexanaewi. Barapo tomarabemonae yawa tomarabe Nacom yabara paeba xua pinae abe

exana daxota Nacom weraweraca exana isototha beya poxonae daxita saya ы ipunan naexana. Barapo coyenein Nacom tsita ituta xua bapon bexa jupa exanaena pomonaeintha pomonaе abe exana dubenanaebiya. <sup>7</sup> Ichitha meisa saya Nacom capanepa barapo pin isoto weya pon pewын Lot. Bapon Lot pejынты coyene xanepanaein Nacomtha. Lot cuitaya антһтһ deideijeі pocotsiwa жиwi abe exana.

<sup>8</sup> Bapon Lot, pon pejынты coyene xanepanaein Nacomtha, бары porona pomonaе peajынтыcoyenebe жиwi. Daxita matacabi bapon bichocono антһтһтane xua pejынты coyene xanepanaexae Nacomtha xua poxonaе bapon taiba yawano xua poxonaе jume taiba xua жиwi abe exaneiba. <sup>9</sup> Ichitha Nacom pon жиwi Pecanamataxeinaein yaputane xua peyawenaewa pomonaе peantobewixaetsi poxonaе barapomonaе bichocono жынты coyene жујтеibatsi caurimonae pia pentacaponaein tatsi. Yawano Nacom yaputane xua atene peexanaewa pomonaetha pomonaе jopa pejume cowынtsiwichi. Nacom baxua exanaena beya аы poxonaе barapomonaе umenaena Nacom peitabaratha poxonaе Nacom yabara paebina daxita жиwi xua penatsicuentsiwa xua abe peexanaexae. <sup>10</sup> Pomonaе xua abe exana pocotsiwa xua saya жиwi ichichipa exana yawano aichaxaibi exana pocotsiwa pon жиwi Pecanamataxeinaein itoroba daxita barapomonaе Nacom atene exanaena. Barapomonaе bichocono atsaca yawa ichamonae aebatsino. Jopa junuwiyo xua abe peyabara paebiwa xua matatsunpiwi abe peyabara paebi-watsi. <sup>11</sup> Matatsunpiwi xeina peayapуsыwa yawano xeina peitorobi coyenewa xua beyacaincha pomonaе naerabiya pecuidubi жиwi. Ichitha barapo matatsunpiwi jopa abe yabara paebiyo xua barapomonaе pomonaе naerabiya pecuidubi жиwi poxonaе barapo matatsunpiwi cueicueijeі tsumenae Nacom peitabara tatsi, pon жиwi Pecanamataxeinaein.

<sup>12</sup> Barapomonaе pomonaе abe peyabara paebi жиwi, barapomonaе exana xua icha duwei ichi, xua duwei ba jopa beta nanta xeinaeyo, xua ba saya жиwi tsicobe naexanatsi xua жиwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonaе werapaena pia abewantha icha duwei icha xua werapa. <sup>13</sup> Barapomonaе xuya atene tsane abe peexanaexae ichamonaetha. Barapomonaе jopa auriyo xua abe peexanaewa mataqueitha. Barapomonaе paca muxutoroba abe peexanaexae bequein naxaiba poxonaе pin penabanaewan paexaneibame. Ichamonae paca abe yabara paeba abe peexanaexae barapomonaе yawa aura paca necaexanaexae.

<sup>14</sup> Barapomonaе ichichipa nawita xua peyacaibiwa yаbыxi



daxita xua powaxi taiba. Jopa juniya abe eexanaponaeyo xua abe exana. Barapomonaē nantaŭta pia pepuna pon-aewichi pomonaē pejuñtũ coyene faefaenaewi Nacomtha. Barapomonaē ichichĩ xeica nawita pocotsiwan xua tane daxita. Barapomonaē yacuiya naexana xua abe peexanaewa. Daxota barapomonaē Nacom bichocono atene cana exanaena. <sup>15</sup> Barapomonaē jopa Nacom yabara yaputaetsi pejume naitematsixae po coyene xua Nacom pejuñtũ coyene xanepana exanaewa barapomonaē. Barapomonaē barapo canaŭta juñtsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi. <sup>16</sup> Balaam pon naerabiya peitorobi jume diwesi pepaebin, poxonaē ichichipa abe peexanaewa, cui matawentatsi xua abe exana. Po duwein pewũn burra, bapon cui matawenta, Balaam cui matawentatsi. Burra cueicueijei icha jiton ichi, xua saya jiton cueicueijei. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentatsi poxonaē ichichipa abe peexanaponaewa.

<sup>17</sup> Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be feto mene ichi xua weitha bichocono ameneibi xua ba jiwi jopa yawenaetsi. Yawano barapomonaē icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruneicaenexa. Nacom itaweta barapomonaē xua barapomonaē itawetatsi ichaxota ataya pejinompaenexa peita quirei nacuatha. <sup>18</sup> Barapomonaē bichocono atsaca poxonaē cueicueijei. Yawano barapomonaē pia jume, barapo jume jopa jiwi yawenaetsi. Yawano barapomonaē naemata jume wũnaeya tsipaeba pomonaetha pomonaē aena pejume cowũntsi jiwi Jesucristo xua barapomonaē irũ abe peexanaenexa pocotsiwa bequein barapomonaē aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe. <sup>19</sup> Barapomonaē wũnae tsimuxu duta ichamonaetha xua ichamonaē beta pejinompaenexa. Ichitha barapomonaē pia coutha exana be pomonaē xua caurimonaē pia pentacaponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara juñtũ coyene itorobatsi. <sup>20</sup> Barapo cae pin nacuathe ichamonaē jinompa pomonaē capanenebiyatsi abe pia peexanaē cuiru coyenein weya xua po abe peexanaē cuiru coyene po cae pin nacuathepiwi exana. Barapomonaē baxua exana poxonaē jume cowũnta

Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonaē equeicha abe exana xuano xua icha awiya exana dubenanaē-biya baxuan, bapoxonaē barapomonaē bichocono abe beyacaincha xua poxonaē copiya exana xua pew̃naeya poxonaē jume cow̃anta Jesucristo. <sup>21</sup> Icha barapomonaē jume cow̃anta yawano icha penta Nacom peitorobi coyenewa, bapoxonaē barapomonaē bichocono abe exana Nacomtha. Ichitha icha barapomonaē copiyatha jopa jume taetsipae barapo peitorobi coyenewa, bapoxonaē barapomonaē saya be conotha abe exanaetsipa Nacomtha. Ichitha poxoru barapomonaē pejume taexae barapo peitorobi jume yawa pejume cow̃antsixae, daxota barapomonaē Nacom bichocono atene cana exana, beyacaincha xua poxonaē jopa jume taeyo barapo diwesi. <sup>22</sup> Barapomonaē equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonaē nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranaē meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

### 3

*Meje yabara xua Jesucristo equeicha pia pepatopeicaewa tsica tsane*

<sup>1</sup> Tamonaē pam, pomonaē tapaca caantobewichi pam, ir̃a painya nejume cow̃antsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi. <sup>2</sup> Pananta xeinare pocotsiwa xua Nacom pia peitorobi jume pepaebiwi paeba poxonaē caena bayatha. Yawano jopa pajantemainaeinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaein xuano xua pon jiwi Pecapanenebiyaein pia peitorobi coyenewa tatsi.

<sup>3</sup> Copiya matha pananta xeinare xua meje: Pew̃naeya poxonaē po matabitha Nacom ira weraweraca exanaena, barapo matabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonaē exanaena pocotsiwa saya ichichipa xua abe exana.

<sup>4</sup> Barapomonaē yainyabiya jei tsane xua Cristo yabara: “Bapon bayatha paca tsiw̃nae muxu duta xua equeicha patopaetsica. ¿Eta xua metha awiya bapon paw̃nae

ewatame bara jopa patopeicaeyoba? ¿Incane bapon? Bequein wamo susato jiwi jume cowanta xua pinae bapon patopaetsica ichitha jopa daichiyo beya nama poxonae barapomonae werapa cataunxuae bapon jopa patopaeyo. Bara saya jujurapona wanacuatha xua bapon jopa patopeicaeyo xua poxonae Nacom nacua forota beya anoxuae”, jei tsane barapomonae. <sup>5</sup> Ichitha barapomonae jopa ichipaeyo xua yabara jume jantanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonae mene buxupana weyotsina. Barapo ira Nacom mentha exana. <sup>6</sup> Yawano barapomonae jopa ichipaeyo xua jantanaina xua caena bayatha xua poxonae Noé popona Nacom itoroba pin awabo xua equeicha ira mene buxupana boca yawa xua daxita pocotsiwa barapo iratha weraweraca. <sup>7</sup> Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxonae Nacom cueicueijei pia peayapusu itorobi coyenewatha. Nacom baxuan duba beya abupoxonae weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxonae po mataqueitha Nacom yabara paebina daxita jiwi xua penatsicuentsiwa xua abe peexanaexae.

<sup>8</sup> Tamonae pam pomonae tapaca caantobewichi pam, iru painya nejume cowantsi jiwixae Jesucristo. Jopa pajantemainaende po coyene xua daxita bara Nacom tsita najupatsi pon jiwi Pecanamataxeinaein. Caentacabi tsita najupatsi xua mil po weibe. Matautano mil po weibe Nacom tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi. <sup>9</sup> Nacom jopa apara bewayo exanaeyo pocotsiwa yabara naca tsiwunae muxu duta bequein ichamonae nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya nejume cowantsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanepanatsi.

<sup>10</sup> Ichitha po mataqueitha pon jiwi Pecanamataxeinaein patopaetsica barapo matocabitha jiwi jopa wunae ewatsi tsane. Bapon pon Wanacanamataxeinaein jemeicha patopeicaena icha be ichi pon pecaibin xua poxonae namicha patopa. Peitaboco weraweracaena poxonae pin busi tsuru-

cuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

<sup>11</sup> Tsipei daxita baxuan tautinchi daxota bewa pajinompaem be pomonae pejuntũ coyene xanepanaewi Nacomtha pomonae jopa Nacom tsita xeinaetsi penatsicuentsiwa xua abe peexanaexae. Beta pajinompere icha Nacom ichi xua beta popona. <sup>12</sup> Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matacabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha. <sup>13</sup> Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwũnae muxu duta. Barapo pena ira yawa barapo pena itaboco daxita wũnae exanaena pocotsiwa pexainyeiwanexa tsane.

<sup>14</sup> Tamonae pam, pomonae tapaca caantobewichi pam, irũ painya nejume cowũntsixae Jesucristo. Paca tsipaebatsi baxua xua daxota poxonae cataunxuae paewatame baxuan, xua pocotsiwa Nacom exanaena bara beta paexande. Bapoxonae Nacom paca caxinaena xua jũntema pajinompame, mataũtano xua jopa paxeinaem peabe coyenewa painya jũntũ coyenewatha, yawano xua ichamonae jopa paca yabara paebi tsane xua abe painya neexanaewa. <sup>15</sup> Yawano payaputaneme xua caena bayatha Nacom pon Wanacanamataxeinaein beitatemaya naca ewata xua wajume cowũntsinexa xua pia wanaca capanenebiyaewa tsane. Yawano irũ Pablo baxua yabara pacata tina. Bapon Pablo, pon waantobein, pon irũ jume cowũntarũ Jesucristo. Pablo yaputane exainchi baxuan yabara xua Nacom yaputane exana. <sup>16</sup> Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwi irũ pomonae pejuntũ coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonae pia coutha nanatsiexana xua abe exana xua peweraweracaewa tsane, xua Nacom exanaena.

<sup>17</sup> Tamonae pam, pomonae tapaca caantobewichi pam, irũ painya nejume cowũntsixae Jesucristo. Painya neyaputaexae baxuan pewũnaeya xua Nacom exanaena baxuan, daxota dota pam pomonae abe pacata necaexanae jiwi xua jopa paca necantacapanawa tsane. Jopa pacopatsinde xua barapomonae baxua pacata exana xua jopa painya nepentsiwa

tsane Nacom. <sup>18</sup> Bichocono pana najuntu wuna exanaponde  
Wanacanamateinaein pia peantobewathaxae. Jesucristo  
beta payabara yaputaeponde, pon Wanacacapanenebiyaein.  
¡Barabu bapon ataya xeinaena peainya cui coyenewa anoxuae  
yawa xua bexa tsaneno! Je bara ichi tsane.

Baja Pedro

## **Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.**

*Meje yabara po diwesi xua pon naca ajuntuyarusuya exana*

<sup>1</sup> Pacata yabara tinatsi pon pewun “Pejume”, baraichi, pon jiwi ajuntuyarusuya exainchi. Bapon asu caena bayatha poxonae Nacom abu cataunxuae jopa exanaeyo wanacua. Poxonae bapon naexana wanacuatha, bapoxonae bexa poxonae bapon cueicueije diwesi bara bapoxonae barapon pajume tan. Barapon bara yatsicaya patan. Yawa bapon bara pacobe jayabeiban. <sup>2</sup> Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yarputaewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae. <sup>3</sup> Paca tsipaebatsi xua bayatha patan yawa xua pajume tanno, caemonae painya naexanaenexa paxantha, peburuya wajume cowantsixae Jesucristo. Icha paxan paichin xua Nacomtha Waxatha caemonae panaexanan yawa Pexantotha pon Jesucristo, bara paichinderu. <sup>4</sup> Daxota bara po coyenein pacata tinatsi xua bichocono pata tajuntu coyene weiweinaewa tsane.

*Meje yabara xua Nacom pexainyei juntu coyene peyacuiya jinaein*

<sup>5</sup> Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuiya jinaein. Bapon jopa xeinaeyo peacuirube coyenewa pejuntu coyenewatha, tsipei bapon bichocono pejuntu coyene xeicaein. <sup>6</sup> Icha jeichichi: “Waxainchi Nacom yawa jinompatsi, be caemonae peburuya nacayawa jinompatsi Nacomtha”, jeichichi, daichitha caena poxonae saya abe exanatsi, bapoxonae saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi. <sup>7</sup> Ichitha icha cajinompaetsipatsi Nacom Pejume Diwesi wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuya caemonae naexanatsi. Jesucristo jana pichapabarena poxonae tupa,

pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

<sup>8</sup> Icha jeichichi: “Jopa abe taexanaewa”, jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa. <sup>9</sup> Ichitha icha Nacomtha yabara tsipaebatsi xua abe waexanaewa, xua jeichichi: “Nacom auran yaitama abe exanan”, jeichichi, bapoxonae Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon yabara baru jume cui cowuntatsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein. <sup>10</sup> Icha jeichichi: “Jopa abe exanaetsi”, jeichichi, apara bara yabara jume cuiya exanatsi xua Nacom pon jiwi pemuxuitorobin, tsipei Nacom naca yabara jei: “Barapomonae abe peexanaewi”, naca yabara jei. Yawano Nacom Pejume Diwesi jopa xeinaetsi wajuntu coyeneintha.

## 2

*Meje yabara xua Cristo pon wanaca yabara jume yawenaein Nacomtha*

<sup>1</sup> Pomonae be tamonae tapaca canatsicotaewichi pam, iru painya nejume cowuntsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantautatsi Jesucristo pon wanaca yabara jume yawenaein Nacomtha xua Paxathaxae. Bapon matauta juntu coyene xanepanaya peexanaein. <sup>2</sup> Barapon Jesucristo petupaexae naca yantomata daxota Nacom naca capanepa abe waexanae cuiru coyenein weya. Jopa meisa waxainchi nexa apara bara iru daxita barapo cae pin nacuanthapiwi tatsitupatsi abe pia peexanae cuiru coyenein tatsi.

<sup>3</sup> Icha jume cowuntsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom. <sup>4</sup> Icha ichan jei: “Xan Nacom yaputan”, jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxuitorobin, yawa pejuntu coyenewatha jopa xeinaeyo pexainyei coyenewa. <sup>5</sup> Seicaya nama pon exana pocotsiwa xua Nacom itoroba pon waxainchi jiwantsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara peburuya caemonae nacayawa jinompatsi Nacomtha. <sup>6</sup> Pon xua jei:

“Nacom yawa poponan, caemonae peburaya nacayawa poponan Nacom”, jei, bapon bewa yajuntũ coyene wanaeya poponae, icha bayatha Jesucristo ichi xua bapon beta xanepanaya yajuntũ coyeneya popona.

*Meje yabara xua Nacom pia pena peitorobi diwesi jume*

<sup>7</sup> Tamonae pam pomonae bichocono tapaca caantobewichi pam, irũ painya nejume cowantsixae Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxename poxonae aena pajume cowantame. Barapo peru itorobi diwesi jume caena bayatha pajume taneme. <sup>8</sup> Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, irũ paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: “Nantiya pana naantobeinde”, jei. Icha be pocotsi coyeneya jũta ichi poxonae jiwi jopa beta taeyo poxonae quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacũpatsi xua xanepanaya pejinompaewa, icha be pocotsi coyeneya jũta ichi poxonae jiwi beta jinompa mataqueitha.

<sup>9</sup> Icha ichan jei: “Xan Nacom yaputan”, jei, xua daichitha ita aenae-aeneya caseba nawita pontha xua irũ jume cowantarũ Cristo, bapon apara cataunxuae jopa yaputaeyo Nacom. <sup>10</sup> Pon antobe pontha xua irũ jume cowantarũ Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua irũ ichamonae peexanaewa tsane. <sup>11</sup> Ichitha pon ita aenae-aenei pontha xua irũ jume cowanta Cristo, bapon acuicoyenebeya popona be pocotsin jopa yaputaeyo Nacom. Bapon jopa xanepanaya poponaeyo, icha be pocotsi coyene jũta ichi poxonae pon peitata nacũtsin catsawa pona poxoru jopa xapain taeyo.

<sup>12</sup> Pomonae pexui pam, pacata tinatsi tsipei Nacom paca jũntũ wejũntemaina exana abe painya neexanae cuiru coyenewan xua Jesucristo painya nejume cowantsixae. <sup>13</sup> Pomonae pinyon pam, pacata tinatsi tsipei payaputaneme Nacom, pon Waxa, pon ataya pepoponaein, pon copiya popona poxonae aena daxita forota. Pomonae pewowi jiwi pam, pacata tinatsi, tsipei caurimonae pia pentacaponaein tatsi paamanayabame poxonae paca jũntũ coyene jũjũta xua abe painya neexanaewam tsane.

<sup>14</sup> Pomonae pexui pam, pacata tinatsi, tsipei payaputaneme Nacom, pon Waxa. Pomonae pinyon pam, pacata tinatsi tsipei payaputaneme Nacom, pon



ataya popona, pon copiya popona poxonae aena daxita forota. Matautano pewowi jiwi pam, pacata tinatsi tsipei bichocono paajuntucoyenesum, yawano xanepanaya pajume cowantame Nacom Pejume Diwesi, matautano tsipei pajuntucoyene amanayabame caurimonae pia pentacaponaein tatsi.

<sup>15</sup> Jopa bichocono paichichipaeinde pocotsiwa xua abe po cae pin nacuathe. Matautano jopa bichocono pacayabara nanta xeinaeya ichichipaeinde xuan pocotsiwan xeina pomonae jopa pejume cowantsiwi pomonae jinompa po cae pin nacuathe. Icha ichun saya ichichipa bichocono xua xuan xeina pomonae jopa pejume cowantsiwi bapon jopa apara antobeyo Nacom, pon Waxa. <sup>16</sup> Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonae jopa pejume cowantsiwi pia coutha exana barapo penasi cui tatae coyene. Matautano Nacom jopa itorobiyo xua abeya peichichipae coyene xua peuwiya tae coyene. Matautano Nacom jopa itorobiyo po coyenein xua peaeabi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonae jopa pejume cowantsiwi pia coyene tatsi. <sup>17</sup> Barapo cae pin nacue weraweracaena, yawano muxuna weraweracaena xua xuan abe peexanae cuiru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

*Meje xua pexainyeiwa yabara, yawa xua penaerabiwa yabara*

<sup>18</sup> Pomonae pexui pam, bara nama imoxoyo tsane po matabi Nacom daxita weraweraca exanaena barapo cae pin nacua. Bayatha pajume taneme xua jei: "Imoxoyo patopaena pon Cristo pia peitafaetabinchi", jei. Ichitha bayatha pata pinmonae, pomonae Cristo pia peitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue. <sup>19</sup> Barapomonae pomonae Cristo pia peitafaetabiwichi copiya naca baru nacaetuta poxonae nacaetuteibatsi, ichitha anoxuae bara weya naca wepu pona. Icha xaniwaicha barapomonae waxainchi jiwana tsipaetsi metha awiya cataunxuae naca baru nacaetuta dubenanaebiyasipa. Barapomonae waxainya weya pona, xua daxota jiwi taena xua barapomonae bara jopa wamonae jiwiyo xua jopa pejume cowantsi jiwixae Cristo.

<sup>20</sup> Ichitha paxam Cristo paca cata Nacom pia Pejumope tuxax tatsi pia painya nepaca baru jinompaenexa. Daxota

paxam daxita yabara paca yaputane exana pexainyei coyewewa. <sup>21</sup> Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyo. <sup>22</sup> ¿Jintam pon pemuxuitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxuitorobin. Bapon Cristo pia peaitafaetabi jitontsi tsipei jume matawenta poxonae jiwi paeba xua pinae Cristo Nacom Pexanto tatsi xuano xua Nacom Cristo Paxa tatsi. <sup>23</sup> Pomonae xua Nacom Pexanto tatsi jume itawetatsi xua pejume cowantsiwa, barapomonae jopa nantauntsiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantaanta Nacom be Paxa tatsi.

<sup>24</sup> Daxota painya juntu coyeneintha pajume xeinare Nacom Pejume Diwesi xua bayatha pajume taneme poxonae aena pajume cowantame. Icha painya juntu coyeneintha pajume xeiname xua pajume taneme bayatha, nexata baroxonae peburuya caemonae pana naexanaename Pexanto tatsitha yawa coxiyantha, xua Nacomtha. <sup>25</sup> Matautano Jesucristo yabara naca tsiwunaee muxu duta, naca jei: “Peajuntu yapusawa paca catinchi po peajuntu yapusawa xua ataya tsiteca”, naca jei.

<sup>26</sup> Yabara pacata tinatsi barapo coyenein pomonae xua painya nepaca muxujainyabiwa. <sup>27</sup> Ichitha paxam Nacom pia Pejumope tñaxh tatsi paxeiname, po pejumope tñaxh tatsi paca cata Jesucristo. Baroxonae jopa nantawenonaeyo xua ichamonae paca cuiduba poxoru barapo Nacom pia Pejumope tñaxh tatsi paca cuiduba daxita coyenein. Po coyenein Nacom pia Pejumope tñaxh tatsi paca cuiduba baraxua pexainyeiwa, matautano jopa pemuxuitorobiwa. Bara paichinde caemonae peburuya pana naexande Cristotha, icha Nacom pia Pejumope tñaxh tatsi ichi xua yabara paca cuiduba xua po coyene painya neexanaewa tsane.

<sup>28</sup> Pomonae pexui pam, antabusuya caemonae peburuya pana naexande Cristotha xua jopa wajunuwinexa xua poxonae bapon patopaetsica barapo cae pin nacuathe. Yawa caemonae pana naexande Cristotha xua jopa waaura tsane barapon peitabaratha xua abe waexanaexae poxonae patopaetsica. <sup>29</sup> Bayatha payaputaneme xua Jesucristo pon juntu coyene xanepanaya peexanaein. Barichi bewa payaputaename pomonae juntu coyene xanepanaya peexanaewi, barapomonae barapara Nacom pia pexui tatsi.

## 3

*Meje yabara xua Nacom pia pexuimonaе tatsi*

<sup>1</sup> Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonaе jopa bayatha yaputaeyo Nacom. <sup>2</sup> Pomonaе tapaca caantobewichi pam xua iru painya nejume cowantsixae Nacom, waxainchi bara Nacom pia pexuimonaetsi. Anoxuae cataunxuae jopa naya-putaetsi xua bexa tsane eta po coyeneya naca cana exanaena. Ichitha yaputainchi xua poxonaе Jesucristo patopaetsica, waxainchi naexanaeinchi icha barapon jata coyeneya ichi. Tsipei bapon bara yatsicaewa tainchi. <sup>3</sup> Pomonaе Jesucristo wunaе ewatatsi xua pepatopae wunaе, barapomonaе najuntu coyene xanepana exana, xua jopa xeinaeyo peabe coyenewa, icha Jesucristo ichi xua bichocono pejuntu coyene xanepanaein xua jopa xeinaeyo peabe coyenewa.

<sup>4</sup> Daxita pomonaе abe peexanaewi, barapomonaе Nacom yabara paebina xua penatsicuentsiwa abe peexanaexae bapontha. Tsipei poxonaе abe exana taacoibichi xua exana pocotsiwa Nacom pia peitorobi diwesi jume paeba. <sup>5</sup> Paxam payaputaneme xua Jesucristo patopeica barapo cae pin nacuathe, wanaca juntu coyene jantemaina exanaenexa abe waexanae cuiru coyenein. Matautano payaputaneme xua bapon jopa abe exanaeyo. <sup>6</sup> Daxita pomonaе peburaya caemonaе naexana Cristotha, barapomonaе jopa abe exana dubenanaebiyaeyo. Ichitha nama pomonaе abe exana dubenanaebiya, barapomonaе jopa Jesucristo yaputaetsi, matautano jopa pijimonaе tatsichi. <sup>7</sup> Pomonaе pexui pam, jopa pacopatsinde xua bara ichamonaе paca muxujainyabina. Pon ba xanepana exana bapon ba bichocono pejuntu coyene xanepanaein, icha Jesucristo ichi xua bichocono pejuntu coyene xanepanaya exanaein. <sup>8</sup> Ichitha pon ba xua abe exana ducunaebiya, apara bapon ba caurimonaе pia pentacaponaein tatsi pijimonaе jiwana pin tatsi. Tsipei caena bayatha, poxonaе aena Nacom daxita forota, caurimonaе pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonaе pia pentacaponaein tatsi pia coyenewan tatsi.

<sup>9</sup> Pomonaе Nacom pia pexui tatsi barapomonaе jiwana dapon ba aibi pon ba abe exana ducunaebiya, tsipei bapon jajuntu cui coyeneya popona Nacom pia cui coyenewa tatsi. Bapon jopa itacupaetsi xua abe exana ducunaebiya

tsipei Nacom pia pexui tatsi jiwanapin tatsi. <sup>10</sup> Daxota yaputainchi pomonae Nacom pia pexui tatsi, matautano yaputainchi pomonae caurimonae pia pentacaponaein tatsi pia pexui tatsi. Yabara yaputainchi pomonae jopa xanepanaya exanaeyo, barapomonae jopa Nacom pia pexui tatsi. Matautano yabara yaputainchi pomonae jopa antobeyo ichamonae pomonaetha pomonae iru pejume cowantsiwi, barapomonae jopa Nacom pia pexui tatsi.

*Meje yabara xua poxonae jei: "Caemonae peburuya bara nantiya naantobe tsainchi", jei*

<sup>11</sup> Poxonae aena pajume cowantame, xua beya anoxuae, pajume taneme Nacom Pejume Diwesi. Barapo diwesitha jeye: "Caemonae peburuya bara nantiya naantobe tsainchi", jei barapo diwesitha. <sup>12</sup> Waxainchi jopa bewa naexanaetsi icha ichi pon pewin Caín, pon caena bayatha tupa. Bapon Caín caurimonae pia pentacaponaein tatsi pia jiton tatsi. Bapon peweicho bexuba. ¿Eta xua metha Caín peweicho bexuba? Caín peweicho uwiya bexuba, tsipei pocotsiwa Caín exana Nacom nexa, Nacom tsita abetsi. Ichitha nama pocotsiwa Caín peweicho tatsi exana Nacom nexa baxua jame Nacom tsita xanepanatsi.

<sup>13</sup> Tamonae pam, pomonae iru painya nejume cowantsixae Jesucristo. Painya xoba panantu exabame icha ichamonae paca ita aenae-aenei pomonae jinompa po cae pin nacuathe, pomonae jopa pejume cowantsiwi. <sup>14</sup> Waxainchi yaputainchi xua bewa werapaeinchi abe waexanaexae. Ichitha anoxuae peajuntuyapuswa xeinatsi, po peajuntuyapuswa ataya tsiteca waantobexae pomonaetha pomonae iru pejume cowantsixae. Pon xua jopa antobeyo piamonae jiwanapin tatsi, pon iru pejume cowantsin Nacom, bapon bequein popona ichitha jopa xeinae tsane peajuntuyapuswa. <sup>15</sup> Pon ita aenae-aeneya caseba ichamonae pomonaetha pomonae iru pejume cowantsiwiru Nacom, bapon Nacom tsitatsi be pon jiwi pejutebin. Payaputaneme xua pon jiwi pejutebin barana jopa xeinae peajuntuyapuswa pejuntu coyenewatha, po peajuntuyapuswa ataya tsiteca. <sup>16</sup> Waxainchi yabara yaputainchi xua Nacom wanaca antobewa, tsipei Jesucristo naca tsitupa naetotha wanaca antobexae. Daxota bewa copatinchi xua bara ichamonae naca atene exanaena, xua bequein beya poxonae tupa naca exanaena ichamonae nexa pomonae iru pejume cowantsiwiru. <sup>17</sup> Pebin ba xeina nawita xuan pocotsiwa ba nantawenona xua junte ma popona penaexanaewa tsane. Bapon cui tane pia jiton pon iru pejume cowantsindu Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara

nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwi nexa. <sup>18</sup> Tamonae pam, pomonae iru painya nejume cowantsixae Jesucristo. Jopa bewa saya ichamonaetha jeichi: “Paca antobetsi”, jopa bewa saya jeichi, poxonae jopa yawenaetsi barapomonae. Jame bewa xaniwaicha yawenaetsi barapomonae, bapoxonae jame yatsicaewa antobe tsainchi barapomonae.

*Meje yabara xua wajume cowantsiya jinompaewa Nacomtha*

<sup>19-20</sup> Poxonae yawenatsi ichamonaebapoxonae yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajuntu coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya cui, beyacaincha wajuntu coyene poxonae abe naca yabara paeba, tsipei Nacom daxita yaputane. <sup>21</sup> Tamonae pam, paxam pomonae tapaca caantobe jiwichi pam, painya nejume cowantsixae Jesucristo. Bequein wajuntu coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowantatsi xua waexanaewa pocotsiwa Nacom ichichipa. <sup>22</sup> Yawa Nacom naca cata pocotsiwa wucatsi wajume cowantsixaetsi pia peitorobi diwesi jumein tatsi, yawano poxoru waexanaexae pocotsiwa Nacom ichichipa. <sup>23</sup> Yawa Nacom pia peitorobi diwesi jume naca itorobiya jeye: “Taxanto Jesucristo pajume cowande, yawa nantiya pana naantobeinde”, naca jei. <sup>24</sup> Daxita pomonae ba exana pocotsiwa Nacom pia peitorobi diwesitha paeba, barapomonae Jesucristo yawa jinompa, barichi barapomonae Jesucristo baru jinompatsi. Waxainchi yaputainchi xua bapon naca yawena ducuaenaebiya, tsipei nanajumope cata waxantha wanaca cuidubinexa barapo coyene.

## 4

*Meje yabara xua Nacom pia Pejumope tuxax tatsi, iru pomonae Jesucristo abe peyabara paebiwichi*

<sup>1</sup> Tamonae pam, pomonae tapaca caantobe jiwichi pam, iru painya nejume cowantsixae Jesucristo. Jopa pajume cowantsinde xua daxita pomonae paca jei: “Paxan Nacom peitorobi jume pata paebiwipan”, paca jei. Jame maisa pajumore saya barapomonae painya neyaputaenexa barapomonae icha metha bara Nacom itoroba barapomonae.

Tsipei barapo cae pin nacuathepiwi jiwi ayei pomonae penaerabiwi, pomonae jei: “Paxan Nacom peitorobi jume pata paebiwi pan”, jei. <sup>2</sup> Ichitha paca itacupa xua payaputaneme pomonae xeina Nacom pia Pejumope tñaxu tatsi. Icha barapomonae paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonae payaputaneme xua barapomonae apara Nacom pia Pejumope tñaxu tatsi yawa jinompa. <sup>3</sup> Icha ichamonae paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pewun Jesús”, paca jei, bapoxonae paxam payaputaneme xua barapomonae ba jopa yawa jinompaeyo Nacom pia Pejumope tñaxu tatsi. Barapomonae ba seicaya xeina icha pejumope tñaxu po jumope tñaxu Cristo ita aenae-aeneichi. Paxam bayatha pajume taneme xua barapo pejumope tñaxu bewa patopaetsica po cae pin nacuathe tsique. Bara xainyei bara bayatha barapo jumope tñaxu patopa po cae pin nacuathe tsique.

<sup>4</sup> Tamonae pam, paxam Nacom pijimonae tatsi pam. Paxam pacui coyene amanayabame barapo penaerabi jiwitha. Tsipei po pejumope tñaxu paca yawa popona xua Nacom pia Pejumope tñaxu tatsi, barapo pejumope tñaxu bichocono peayapusu itorobiya coyenewa pexeinaein, beyacaincha po pejumope tñaxu po cae pin nacuathepiwi juntu coyene itoroba dubenanaebiyatsi xua abe peexanaenexa. <sup>5</sup> Barapo jiwi apara barapo cae pin nacuathepiwi, daxota barapomonae yabara cueicueijeji pocotsiwan barapo cae pin nacuathe xeina. Ichamonae iru pomonae po cae pin nacuathepiwixae barapo coyene baxuan jume naitaewatsiya exana. <sup>6</sup> Ichitha waxainchi Nacom piamonaetsi. Pomonae Nacom yaputainchi, barapomonae bara naca jume naitaewata. Ichitha nama pomonae jopa Nacom yaputaetsi, barapomonae jopa naca jume naitaewatsiyo. Daxota naca itacupa xua wayaputaewa pomonae cueicueijeji pexainyei jume. Matautano naca itacupa xua wayaputaewa pomonae cueicueijeji pemuxutorobi jume.

*Meje yabara xua Nacom peyawa cui jinaein xua bichocono peantobe coyenewa*

<sup>7</sup> Tamonae pomonae tapaca caantobewichi pam, iru painya nejume cowantsixae Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonae xua antobe ichamonae apara barapomonae bara Nacom pia pexui tatsi naexana. Matautano barapomonae bara Nacom yaputainchi. <sup>8</sup> Nacom ba peyacuia jinaein peantobe coyenewa. Daxota pon jopa tsita

xeinaeyo ichamonaē peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa. <sup>9</sup> Poxonaē Nacom Pexanto itoroba Nacom naca tsita itata pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peantuyapusuwa, po peantuyapusuwa ataya tsiteca. <sup>10</sup> Barapo yatsicaewa pepa peantobe coyenewa meje baxue: Poxonaē ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicaewa pepa peantobe coyenewa. Poxoru Nacom itorobica Pexanto wanaca wejuntemaina exanaenexa abe waexanae cuiru coyenein. Barapo coyene jame yatsicaewa pepa peantobe coyenewa.

<sup>11</sup> Tamonaē, pomonaē tapaca caantobe jiwichi pam, iru painya nejume cowantsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi. <sup>12</sup> Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonaē Nacom naca yawa poponaena. Nacom beta xaniwaichiya cana exana pia peantobe coyene wajuntu coyene berena. <sup>13</sup> Waxainchi natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope tunaxu cata waxantha. <sup>14</sup> Paxon patan Jesucristo poxonaē Nacom Pexanto itorobica. Daxota pajan: “Bara xainyei xua Nacom Pexanto itorobica, xua barapon pecapanenebiyaenexa po cae pin nacuathepiwi xua abe pia peexanae cuiru coyenein weya tatsi”, pajan. <sup>15</sup> Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, iru Nacom yawa popona bapon.

<sup>16</sup> Daxota waxainchi Nacom yaputainchi, yawa jume cowantatsi xua xaniwaicha bara Nacom naca antobe. Nacom apara pon peyanthuthuya jinaein xua pocotsiwa bichocono peantobe coyenewa. Pon xua bichocono antobe ichamonaē, bapon apara bara yawa popona Nacom, iru Nacom yawa popona bapon. <sup>17</sup> Daxota waxainchi yabara nacuiduba dubenanaebiyatsi xua bichocono peantobe coyenewa. Poxonaē matacabi tsuxubi tsane po mataqueitha Nacom jiwi yabara paebina xua penatsicuentsiwa Nacomtha, barapo matacabitha jopa junuwi tsainchi. Jume cowantinchi xua Nacom jopa wanaca yabara paebiwa tsane xua abe waexanaexae. Icha Jesucristo ichi xua jopa abe exana ducua-naebiyaeyo poxonaē popona po cae pin nacuathe, waxainchi barapocotsi coyeneya ichichi poxonaē jinompatsi po cae pin nacuathe. <sup>18</sup> Poxonaē antobetsi ichamonaē barapo juntu coyenewatha ba jopa cunuwichi barapomonaē. Tsipei

barapo peantobe coyenewatha torotatsi pocotsiwa xua pejunuwiwa xua wajuntũ coyene weya. Tsipei pon junuwa nayaputane xua atene tsaneba, penayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

<sup>19</sup> Waxainchi daxota Nacom antobetsi tsipei bapon copiya pewnaeya naca antobe. <sup>20</sup> Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua irũ jume cowantarũ Nacom, apara barapo pebin pon jiwi pemuxuitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo. <sup>21</sup> Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua irũ jume cowantarũ Nacom”, naca jei barapo diwesitha.

## 5

*Mejeyabara poxonae xua waxainchi juntũ coyene amanayabatsi pomonae jopa pejume cowantsiwi*

<sup>1</sup> Pon ba bichocono tsita xeina pejume cowantsiwa Jesús pon xua jei: “Jesús apara bara bapon pon Nacom itorobica, pon Mesías jeichichi”, jei, bapon jame Nacom Pexanto tatsi naexana. Daxita pomonae antobe Nacom xua paxatha, barichi barapomonae muxuna antobe Nacom pia pexui tatsi pomonae irũ pejume cowantsixae. <sup>2</sup> Poxonae waxainchi Nacom antobetsi xuano exainchi pocotsiwa Nacom pia peitorobi coyenewantha itoroba, bapoxonae yaputainchi xua bara antobetsirũ Nacom pia pexui tatsi. <sup>3</sup> Poxonae Nacom antobetsi, bapoxonae jume cowantsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana. <sup>4</sup> Daxita pomonae Nacom piamonae tatsi, barapomonae juntũ coyene amanayaba pontha pon jiwi juntũ coyene itorobatsi po cae pin nacuathepiwi xua abe peexanaewa tsane. Wajume cowantsi coyenewa Nacomtha, barapo coyenewatha naca yawena xua wajuntũ coyene amanayabiwa pontha pon jiwi juntũ coyene itorobeibatsi po cae pin nacuathepiwi xua abe peexanaewa tsane. <sup>5</sup> Saya pomonae jame jume cowanta, xua pejeiwa: “Jesús apara Nacom Pexanto tatsi”, jei, jame barapomonae juntũ coyene amanayaba bapontha pontha pon jiwi juntũ coyene itorobeibatsi po cae pin nacuathepiwi xua abe peexanaewa tsane.

*Mejeyabara xua po diwesi Nacom Pexanto tatsi yabara*



<sup>6</sup> Bapon Jesucristo patopeica po cae pin nacuathe tsique. Poxonae bapon bautisabatsi, yawa poxonae naetotha tupa exanatsi, xua poxonae jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxonae bautisabatsi, bara yawa iru naca yaputane exana xua poxonae naetotha tupa exanatsi, yawa xua poxonae jana pichapabarena. Nacom pia Pejumope tɩnaxɩ tatsi yabara paeba daxita baxua. Barapo Nacom pia Pejumope tɩnaxɩ tatsi bara xaniyeya pepaebin. <sup>7</sup> Nacom naca yaputane exana xua Jesucristo bara Nacom Pexanto tatsi poxonae cueicueijeji acoibi po jumejobe peitaboco wet-sica. <sup>8</sup> Barapo jume apara poxonae Nacom naca tsipaeba wajɩntɩ coyenewatha. Yawano barapo jume po jume xua cueicueijeji poxonae Jesús bautisabatsi. Yawano barapo jume po jume xua cueicueijeji poxonae bara nama imoxoyo tupaena Jesús. Barapo acoibi jumejobe peburaya cuita caunuta xua jei: “Bapon Jesús apara Nacom Pexanto tatsi”, jei. <sup>9</sup> Ba jume cowantatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowantichi po coyene xua Nacom Pexanto yabara paeba. <sup>10</sup> Pon ba Nacom Pexanto tatsi jume cowantatsi, bapon ba pia jɩntɩ coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowantichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowantsiyo po coyene Nacom Pexanto yabara paeba. <sup>11</sup> Barapo jume, po jume Nacom Pexanto yabara paeba, barapo jume wajɩntɩ coyenewatha jume tainchi, naca jeye: “Nacom peajɩntɩyapusɩwa naca cata po peajɩntɩyapusɩwa ataya tsiteca, po peajɩntɩyapusɩwa Nacom Pexanto tatsi pia xainya werena tapichapatsi”, jei barapo jume. <sup>12</sup> Pon ba Nacom Pexanto tatsi yawa popoinchi, bapon xeina barapo peajɩntɩyapusɩwa. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajɩntɩyapusɩwa, po peajɩntɩyapusɩwa ataya tsiteca.

*Meje yabara poxonae Juan muxu tsipaeba, poxonae imoxoyo nacobe weta xua tina*

<sup>13</sup> Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxeiiname peantɩyapusɩwa, po peantɩyapusɩwa xua ataya tsiteca.

<sup>14</sup> Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae

wɛcatsi pocotsiwa Nacom ichichipa, bapoxonae Nacom bara naca jume tane pocotsiwa yabara xua wawɛcaexae. <sup>15</sup> Tsipei yaputainchi xua Nacom naca jume tane poxonae wɛcatsi, daxota yaputainchi xua bara xeinatsi pocotsiwa wɛcatsi Nacom.

<sup>16</sup> Icha taneme xua ichɛn abe exana pon irɛ jume cowɛnta, xua ichitha pocotsiwa bapon exana jopa tɛpa naexanaeyo, bapoxonae Nacomtha tawɛcare bapon. Bapoxonae Nacom cana exana xua bapon xeina peantɛyapusɛwa. Ichitha icha jiton abe exana pocotsiwa xua tɛpa naexana jopa catsipae-bichi xua Nacomtha tawɛcame bapon. <sup>17</sup> Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jopa tɛpa naca cana exanaeyo.

<sup>18</sup> Yaputainchi pon yawa popona Nacom xua pia Paxaxae, bapon jopa exanae ducuanabiyayeyo abe peexanae cuiru coyenein, tsipei Nacom Pexanto tatsi yawena xua bapon yawenatsi. Mataɛtano caurimonae pia pentacaponaein tatsi jopa itacɛpaetsi xua bapon peitorobiwatsi xua abe peexanaewa tsane. <sup>19</sup> Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane. <sup>20</sup> Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Mataɛtano yawa jinompatsi Nacom Pexanto tatsi, pon pexainyein, pon Jesucristo. Barapo Nacom pexainyein pon naca cata peantɛyapusɛwa, po peantɛyapusɛwa xua ataya tsiteca. <sup>21</sup> Tamonae pam, jopa pajume cowɛntsinde ibo nacomɛn.

Baja Juan.

## **Meje Po Carte Juan Epatotha Tatina, Pomonae Jesucristo Pejume Cowantsiwi Tatinatsi. Barapo Carte Epatowa Carta.**

*Meje xua pexainyei diwesi yabara, yawano peantobe diwesi yabara*

<sup>1</sup> Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowantsixaem. Nacom paca itapeta painya paca exanaenexa piamona. Ir<sub>u</sub> tatinan pomona paca bar<sub>u</sub> nacaetuta pomona be painya pexui natsicotane. Xaniwaicha betiya paca antobetsi painya neyaputaexae pexainyeiwa. Matautano ichamona paca antobe pomona yaputane pexainyei jumein. <sup>2</sup> Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajant<sub>u</sub> coyenewantha cajinompeibatsi anoxuae, matautano xua ataya tsane. <sup>3</sup> Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa ir<sub>u</sub> Jesucristo Wanacanamataxeinaein pon Nacom Pexanto tatsi baponbe naca yawenabe. Baponbe naca yawenaena, matautano amanayiya baponbe naca yabara nantanuweya nanta xeinaena pia wanaca yawenaenexa. Matautano baponbe jantema jinompa naca exanaena.

<sup>4</sup> Jant<sub>u</sub> coyene weiweinan tsipei painyamonae jiwana cui tan, xua beta pejinompaewa. Barapo painyamonae exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba. <sup>5</sup> Paxam, ir<sub>u</sub> painya nejume cowantsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonae aena jume cowantatsi. <sup>6</sup> Icha waxainchi Nacom antobetsi, barapoxonae bewa jume cowantsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonae aena pajume cowantame. Barapo peitorobi diwesi jume naca jeye: "Nantiya pana naantobeinde", jei.

*Meje yabara pomona jiwu pemuxujainyabi jiwu*

<sup>7</sup> Po cae pin nacuathe jiwi ayei jinompa, pomonae jiwi pemuxujainyabi jiwi. Barapomonae jeye: “Nacom jopa itorobiyo Pexanto barapo cae pin nacuathe, pon pewan Jesucristo xua pepa jiton naexana”, jei barapomonae. Pomonae xua bapocotsiwa paeba, bapomonae apara pomonae jiwi pemuxujainyabi jiwi yawa bapomonae Cristo abe peyabara paebiwichi. <sup>8</sup> Dota pam b<sub>u</sub> caurimonae paca j<sub>u</sub>nt<sub>u</sub> coyene j<sub>u</sub>j<sub>u</sub>ta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

<sup>9</sup> Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nanta<sub>u</sub>tsiyo Nacom xua be Paxa. Ichitha jame pon exana ducuanabiya pocotsiwa xua Jesucristo pia pecuidubi coyenewatha paeba, bapon jame nanta<sub>u</sub>ta Nacom be Paxa, mata<sub>u</sub>tano nanta<sub>u</sub>ta Jesucristo pon Nacom Pexanto tatsi. <sup>10</sup> Icha ich<sub>u</sub>n paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena. <sup>11</sup> Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara ir<sub>u</sub> abe exanar<sub>u</sub> icha be bapon ichi pon ich<sub>u</sub>n pon pia botha petapatopaexaetsi.

*Meje yabara poxonae xua Juan opi wetaba po carte*

<sup>12</sup> Ainya diwesin bequein cataunxuae xeinan xua tapaca camuxu tsipaebiwa tsainchi, ichitha jopa beyabara tinaeinyo paperatha barapo diwesin. Daichitha ewatan xua tapaca cataewa tsainchi bexa, mata<sub>u</sub>tano xua tapaca catsipaebiwa tsainchi. Bapoxonae waj<sub>u</sub>nt<sub>u</sub> coyene weiweinaenexa tsainchi bichocono.

<sup>13</sup> Pomonae ir<sub>u</sub> Nacom pejume cow<sub>u</sub>ntsiwi icha paxam paichim, pomonae ir<sub>u</sub> Nacom itapeta, barapomonae paca jacobae.

Baja Juan.

## **Meje Po Carte Juan Cotacaya Tatina, Pomonae Jesucristo Pejume Cowantsiwi Tatinatsi. Barapo Carte Petabꞥ Carucuae Carta.**

*Meje yabara poxonae Juan jꞥntꞥ weiweinaya tatina, Gayo tatinatsi*

<sup>1</sup> Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

<sup>2</sup> Pon tacaantobetsim, pon be tayapin tacanatsicotaeinchi irꞥ nejume cowantsixae Nacom. Nacomtha cata wꞥcatsi xua jꞥntema nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi. <sup>3</sup> Bichocono jꞥntꞥ coyene weiweinan poxonae ichamonaе pomonaе pejume cowantsiwi jiwana taxantha pata yawa netsipaeba. Barapomonaе cayabara paeba xua pinae yajꞥntꞥ coyeneya popona ducua-naebiyame Nacom pia pexainyei coyenewa tatsi. Bara xainyei bara barapo coyenewa exaname. <sup>4</sup> Dapocotsiwa aibi pocotsiwa jume tan pocotsiwa xua nejꞥntꞥ coyene weiweina exana beyacaincha xua poxonae jume tan xua tajiwimonae xaniwaicha beta jinompa Nacom peitabaratha tatsi pejume cowantsixae Jesucristo.

<sup>5</sup> Pon tacaantobetsim, pon be tayapin tacanatsicotaeinchi irꞥ nejume cowantsixae Jesucristo. Bichocono xanepanaya exaname xua Nacom nexa xua poxonae yawename pomonaе Jesucristo pejume cowantsiwichi, mataꞥtano poxonae yawename pomonaе icha nacuan werena pepatsiwi, pomonaе bequein jopa neyaitae jiwi. <sup>6</sup> Barapomonaе pomonaе icha nacuan werena pepatsiwi pomonaе Jesucristo pejume cowantsiwichi jeichichi: “Maisa bichocono pana antobe Gayo tsipei pana yawena”, jei barapomonaе. Cawꞥcatsi xua barapomonaе equeicha neyawenaenexa xua pocotsiwa barapomonaе nantawenona xua poxonaе warapaena jinya neexanaenexa po coyenewa Nacom ichichipa bichocono. <sup>7</sup> Barapomonaе ponarꞥꞥꞥꞥꞥꞥ xua Jesucristo petanacuichiwa tsainchi. Barapomonaе jopa wꞥcaeyo pomonaetha pomonaе jopa pejume cowantsiwi Nacom xua peyawenaenexatsi pocotsiwa penantawenonaewa. <sup>8</sup> Daxota bewa barapomonaе

yawenaetsi xua bapoxonae barapara iru barapomonae nanabaru cueicueijeichi pexainyei jume diwesi.

*Meje yabara po diwesi xua Diótrfes abe exana xuano iruru Demetrio beta exana*

<sup>9</sup> Xan caena bayatha icha coyenewiyo tatinan Jesucristo pejume cowantsiwichi. Daichitha Diótrfes jopa jume cowantsiyo taitorobi coyenewa, tsipei barapomonae pomonae Jesucristo pejume cowantsiwichi pia xantha tatsi Diótrfes ichichipa naexana be pon pecanamataxeinaein.

<sup>10</sup> Daxota icha ponaein nexainya beya, yabara catsipaebinchi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wanae weyataeya wabeibiyo pomonaetha pomonae Jesucristo pejume cowantsiwichi. Iruru pomonae jiwi pententa weyataibiya wabeibiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

<sup>11</sup> Pon tacaantobetsim, pon be tayapin tacanatsicotaeinchi iru nejume cowantsixae Jesucristo jopa acuicoyenebeya poponaeinde icha poxonae ichun ichi xua acuicoyenebeya popona. Saya jame maisa beta exanaponde icha poxonae ichun ichi xua beta exanapona. Pon ba beta exana pocotsiwa Nacom itoroba apara bara Nacom piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

<sup>12</sup> Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Iruru xan xanepanaya yabara paeban Demetrio. Matautano yaputaneme xua pocotsiwa paeban bara xainyei.

*Meje yabara xua Juan opi wetaba po carte*

<sup>13</sup> Xam Gayo ainya diwesi bequein cataunxuae xeinan xua tacamuxu tsipaebiwa tsainchi, daichitha jopa beyabara tinaeinyo paperatha barapo diwesi. <sup>14</sup> Bara nama methaunxuae catayopiyaeinchi nexata bapoxonae wanatsipaebiwa tsanebe.

<sup>15</sup> Bara Nacom juntea popona caexanaena. Pomonae xote jinompa pomonae be jinya jiwimonae, barapomonae cajacoba. Inta jacobare daxita wajiwiwimonae.

Baja Juan.

## **Meje Po Carte Judas Tatina Pomonaetha Pomonae Jesus Pia Pejume Cowantsiwichi**

*Meje poxonae Judas tamropata pitaba xua tatina pomonaetha pomonae bayatha Nacom waba xua pia pejume cowantsinexatsi*

<sup>1</sup> Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonae pam, pomonae bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom. <sup>2</sup> Barabꝰ Nacom jopa juniya paca yabara nanta xeinae tsane xua nantanuweya paca yabara nanta xeineibina pia paca cayawenaenexa. Matautano barabꝰ Nacom bichocono juntema jinompa paca exanaena. Matautano barabꝰ Nacom paca catsibina pia peantobe coyenewa painya neyawa muxuna jinompaenexa.

*Meje yabara xua pomonae pemuxujainyabiya cuidubi jiwi*

<sup>3</sup> Paxam pomonae bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanae cuiru coyenein weya. Barapo coyenewatha Nacom necapaneparꝰ barapo coyene weya. Bequein ichichipan yabara pacata tinatsi baxua, daichitha anoxuae jopa neitacꝰpaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamonaе paca atene exana painya nejume cowantsixae Jesús. Barapo pejume cowantsiwa Nacom caena bayatha caetha nacui coyene cata pijimonaе, xua barapomonaе xuya penacui coyene cacataponaenexa ichamonaetha. <sup>4</sup> Bara barapocotsiwa paca tsipaebatsi, tsipei jiwi namichiya jinompa painya xantha pomonae pemuxujainyabiya cuidubi jiwi xua jopa pacui yaputaem pocotsiwa barapomonaе exana. Caena bayatha barapomonaе Nacom Pejume Diwesitha yabara tinatsi xua barapomonaе pinae bewa atene tsane abe peexanaexae. Barapomonaе peajuntecoyenebe jiwi. Matautano barapomonaе jiwi muxujainyabiya cuidubatsi xua pinae Nacom amanayiya capanepa jiwi pia peantobexae. Nacom

peantobexae jiwi, daxota pinae Nacom copata xua jiwi bara abe peexanaenexa. Barapomonae yabara jume itaweta, poxonae po jumetha ba jiwi jeye: “Jesucristo, bapon yaticaya compa pon Wanacaitorobin xuano Wanacanamataxeinaein”, jei.

<sup>5</sup> Bequein payaputaneme xua bayatha Nacom, pon jiwi Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonae tatsi Egipto nacua wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonae jiwanamonae jutebatsi pomonae jopa pejume cowantsiwixaetsi. <sup>6</sup> Matautano payaputaneme xua Nacom cana exana matatsunpiwitha. Barapo matatsunpiwi nacui barapenta pia peitorobi coyenewan bequein Nacom cata. Matautano barapomonae Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamaxucabiya jebinxatsi pequirei nacuatha beya, beya abuxpoxonae po matacabi tsane poxonae atene tsane poxonae Nacom yabara paebina daxita jiwi xua penatsicuentsiwa xua abe peexanaexae. Barapo matatsunpiwi penaintontha maxucabebatsi, po penainton jopa weraweracaeyo. <sup>7</sup> Pacayabara nanta xeinare xua poxonae po tomarabetha Nacom cana exana, po tomara pewan Sodoma yawa xua Gomorra, yawano xua poxonae ichaxota po tomarantha xua cuariyatha ena. Barapo tomaranpiwi abe exana xua poxonae cana siwainyameinta exana pebiwitha xua jopa be ichiyo xua pocotsi coyenewatha ba pebiwi cana exana yabuxitha. Nacom caunutsiya yabara paeba barapomonae xua barapomonae ataya tsitecaeya peraxa exainchi abe peexanaexae. Barapomonae naca tsita itapeinya xeina xua Nacom bara cana ichi tsane daxita jiwitha icha barapo tomarabepiwi cana ichichi.

<sup>8</sup> Ichitha pomonae anoxuae yabara paca tsipaebatsi, pomonae pemuxujainyabiya cuidubi jiwi, barapomonae abeya nanta xeina dubenanaebiya, xua poxonae baxua yabara amachinae tsurubenanaebiya. Daxota barapomonae pia pepon abeya taxoba exana dubenanaebiya. Barapomonae itaweta Nacom pia peitorobi coyenewa pon jiwi Pecanamataxeinaein. Matautano barapomonae abe yabara paeba Nacom pia matatsunpiwi. <sup>9</sup> Nacom pia matatsunpin, po matatsunpin matacapana icha matatsunpiwi, bapon pewan Miguel. Bapon Miguel najume matsontsonobabe caurimonae pia pentacaponaein tatsi. Yabara najume matsontsonobabe xua Moisés pia pepon xua



jintam metha pinae xeinaena. Miguel jopa nanta xeinaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwi Pecanamataxeinaein atene cacana exanaena”, jopa jeyo, bara bequein itacupatsi xua pepaebiwa baxua. Saya jame Miguel jei: “Barabũ Nacom caitawetsina”, jei Miguel. <sup>10</sup> Ichitha barapomonae pomonae pemuxujainyabiya cuidubi jiwi abe yabara paeba pocotsiwa barapomonae jopa yaputaeyo. Matautano barapomonae exana icha be pocotsi coyeneya ichichipa xua abe peexanaewa. Barapomonae baxua exana bequein jopa pexanepanaeyo taetha, icha duweimonae ichi xua poxonae exana be pocotsi coyeneya ichichipa. Daxota barapomonae pia coutha naajuntũcoyenebe cana exana.

<sup>11</sup> ¡Jaibo, barapomonae tsobenae! Tsipei barapomonae Nacom jopa bejume cowantichi icha be ichi pon pewan Caín, pon caena bayatha peweicho bexuba, peweicho peuwixae. Matautano barapomonae catsibatsi paratixi xua ichamonae catsiba xua barapomonae abeya coyeneya pecuidubixae. Tsipei barapomonae bichocono pitaparatixichi icha be poxonae ichi pon pewan Balaam poxonae paratixi catsibatsi xua ichamonae catsiba xua Balaam abeya coyeneya pecuidubixae. Matautano barapomonae jiwi juntũ coyene tsacabatsi xua jiwi naba peexanaenexa Nacomtha daxota barapomonae werapaena. Baxua exana icha be poxonae pon pewan Coré ichi poxonae jiwi juntũ coyene tsacabatsi xua jiwi naba peexanaenexa Moiestha, xua bapoxonae Coré tupa xua bexotsi. <sup>12</sup> Poxonae paxam paexaname xua jiwi nacae-tuta painya nenabanaenexa painya nenaantobexaem, barapomonae pomonae pemuxujainyabiya cuidubi jiwi paca caxinta pia peexanae coyeneintha. Barapomonae atsaquiya nabane, yawa atsaquiya apa. Saya jopa yabara nanta xeinaeyo ichamonae. Saya meisa barapomonae nayabara nanta xeina nawita. Poxonae barapo coyene exana, barapomonae abe paca cana exana. Po tsaquinaebowan ba xua jopa jiwi catichi mera, xua equeicha pin joibo tabũ torota peira tsewi weya xua jopa peruneicaenexa tsane, barapo tsaquinaebowan ba jiwi jopa catichi mera, jiwi jopa yawenaetsi. Bara juta ichi barapomonae pomonae pemuxujainyabiya cuidubi jiwi. Bequein barapomonae pia coutha beta nayabara paeba, dai-chitha jiwi jopa yawenaetsi. Po naein ba xua jopa nacoichiyo pia matacabintha xua poxonae nacoiteiba barapo naein jiwi ba yatabaca jona tsipei jopa naein penacoichixae. Bara juta ichi barapomonae pomonae pemuxujainyabiya cuidubi jiwi, jiwi jopa beta xapain jinompa cana exanaetsi. Daxota jiwi itaweta barapomonae. <sup>13</sup> Ichamonae aura exanatsi poxonae

barapomonaē abeya cuiduba xua jopa jiwi peyawenaex-aetsi. Barapomonaē bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara jata ichi barapomonaē saya jiwi aura exanatsi abe peexanaexae daxota jiwi cuenta pona barapomonaē. Poxonaē opiteiton ba poton pia namton weya itaxanumeinyatsi saya pipato dubenanaebiya ataya ichaxota pequireiwatha. Bara jata ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom bebai tsane barapomonaē pia xainya weya ichaxota pequireiwatha xua bara ataya tsitecaeya tsane abe peexanaexae.

<sup>14</sup> Barapomonaē pomonaē pemuxujainyabiya cuidubi jiwi yabara paebatsi, xua ichun yabara paeba pon pewun Enoc. Adán xeina seis poyobe pia pemomo susatopiwi xua napuna naexanapona beya poxonaē bapon naexana pon Enoc. Bapon Enoc pon caena bayatha Nacom pia nacua be-icha caichatsi. Bapon Enoc yabara paeba barapomonaē pomonaē pemuxujainyabiya cuidubi jiwi, poxonaē cue-icueijeji pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi baru patopeica, bichocono pin bicheito matatsunpiwi. <sup>15</sup> Bapon baru patopeica matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsicuentsiwa xua abe peexanaexae. Matautano bapon yabara paebina xua pocotsiwa bapomonaē abe exana Nacomtha. Matautano bapon yabara paebina pocotsiwa barapomonaē Nacom abe peyabara paebiwatsi”, jei Enoc. <sup>16</sup> Barapomonaē pomonaē pemuxujainyabiya cuidubi jiwi ichawa beya daxita coyeneintha abeya yabara paeba. Xua daxita coyenein petsita aitacoyenebexaetsi daxota barapomonaē jopa jantu coyene weiweinaya jinompaeyo. Matautano meisa yabara nanta xeina xua piawan meisa penata exanaewan. Barapomonaē peatsacae jiwi bichocono. Bara bequein barapomonaē beta paeba ichamonaetha, saya poxoru xua peyabara muxujainyabinexa xua ichamonaē peyabara muxujainyabinexatsi pocotsiwa xeina.

*Meje yabara xua Judas muxuweta pomonaetha pomonaē pejume cowuntsiwi xua pejume cowuntsiyainwa pemuxuitorobi diwesi*

<sup>17</sup> Equeicha paca tsipaebatsi pomonaē bichocono tapaca caantobewichi pam. Paxam bewa payabara jantanainaem pocotsiwa bayatha paeba pomonaē Jesucristo pon jiwi Pecanamataxeinaein pia peitorobi jiwi tatsi. <sup>18</sup> Barapomonaē paca jeye: “Pewunaeya tsane poxonaē po

dapaetha Nacom yabara paebina jiwi xua penatsicuentisiwa xua abe peexanaexae copiya patsina pomonae cui caponaena, pocotsiwa Nacom piawa tatsi baxua cui caponaeinchi. Matautano barapomonae ichichipaeya exana dubenanaebiyaena icha be pocotsi coyeneya ichichipa xua abe peexanaewa”, jei barapomonae pomonae Jesús pia peitorobi jiwi tatsi. <sup>19</sup> Pocotsimonae baxua exana xua abe exana, bapocotsimonae tsaba exana piamonaetha xua barapo bicheitobe nacasebabe. Barapomonae pomonae abe peexanaewi exana xua pocotsiwan ichichipa peexanaewa. Barapomonae jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope tñaxu tatsi.

<sup>20</sup> Ichitha nama paxam pomonae bichocono tapaca caantobewichi pam. Bayatha painya nejume cowantsixaem Nacom, daxota awiya pana najuntñ coyene tsacabare. Awiya mataropeichiya painya nejume cocowantaponaenexa po pejume cowantsi coyeneya Nacom weya pona. Nacom pia Pejumope tñaxu tatsi pia peayapusñwatha tatsi pawñcare Nacom. <sup>21</sup> Beta payajuntñ coyeneya jinompare Nacom pia peantobe coyenewa tatsi. Pawñnae eware po matabitha poxonae Jesucristo Wanacanamataxeinaein naca catsina peajuntñyapusñwa, po peajuntñyapusñwa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

<sup>22</sup> Ichamonae pomonae yabara ainya muxu pexeinaewi pemuxujainyabi diwesi barapomonae payabara nantanuweya yawende painya neantobexae xua jopa pejume cowantsinexa barapo pemuxujainyabi diwesi. <sup>23</sup> Ichamonae muxu pejume cowantsi barapo pemuxujainyabi diwesi. Nainya payawende barapomonae painya neantobexae xua Nacom pecapanenebiyaenexa bapo abe peexanae cuiru coyene weya pejume cowantsixae tsane Nacomtha. Panantanuweya yabara nanta xeinde ichamonae, painya neyawenaenexa tsane painya neantobexae xua iru pejume cowantsinexa tsane Nacom. Ichitha dota pam xua abe painya neexanaeyainwa icha poxonae xua barapomonae ichi xua poxonae abe exana.

*Mejeyabara xua Judas najume wetsiya wñnaejainta Nacom*

<sup>24-25</sup> Anoxuae nama yabara paca tsipaebatsi Nacom pon pepa Nacom pon nacata compa. Bapon bichocono peyaputaen. Barapon Nacom Wanacacapanenebiyaen. Barapon pia peayapusñ itorobiya coyenewatha paca yapu eenaena xua jopa abe painya neexanaewa tsane. Matauta Nacom paca cana exanaena xua juntñ coyene xanepanaeya

painya neumenaenexa tsane bapon peitabaratha tatsi. Matautano bapon paca cana exanaena xua bichocono painya nejuntꞫ coyene weiweinaya neumenaenexa tsane bapon pia pexeinya peitꞫpanae coicha itabaratha tatsi. Barapon Nacom waxainchi wꞫnae jaintatsi Jesucristo pon Wanacanamataxeinaein petꞫpaexae. Waxainchi jeichichi Nacomtha: “BarabꞫ ataya tsitecaeya xeinaeya poponaename jinya pexeinya itꞫpanae coicha yawa jinya neainya cui coyenewa. Matautano barabꞫ ataya xeinaeya poponaename jinya neayapusꞫ itorobi coyenewa, xuano xua jinya neayapusꞫ exanae coyenewa. Daxita baxuan caena bayatha xeiname poxonae aena, xuano xua anoxuaeno xeiname yawano xua bexa tsane bara ataya xeinaename”, jeichichi Nacomtha. Je, bara ichi tsane.

Baja Judas.

## Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

*Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi*

<sup>1</sup> Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutsinexa daxita baxuan xua imoxoyo bara exanaenaba. <sup>2</sup> Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba iruno xua Jesucristo paeba.

<sup>3</sup> Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Iruno pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

*Meje yabara xua Juan tatina pomonae pejume cowantsiwi, pomonae siete po matabuxumonaebe, pomonae nacaetuta xua Nacom wnae pejainchinexatsi*

<sup>4</sup> Xan, Juan, pacata tinatsi pomonae painya nejume cowantsiwi pam pomonae siete po matabuxumonaebe pam xua painya nenacaetutsi jiwi pam, xua wnae painya nejainchinexa Nacom. Paxam pomonae Asia nacuatha pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wncatsi Nacomtha xua painya nepaca juntu coyene weiweina exanaenexa tsane. Yawa pacata wncatsi xua Nacom paca yawenaena pia painya nepaca caantobexae. Yawa pacata wncatsi Nacom pia Pejumope tnaux tatsi beya xua bapon baxuan pacata exanaena tsipei Nacom pia Pejumope tnaux tatsi siete po pexeinya juntu coyenebe pexeinaein. Barapo Pejumope tnaux Nacom peitabaratha tauncuatsi ichaxota Nacom eca pia pexeinya peecaethopaewatha. <sup>5</sup> Yawano pacata wncatsi

Jesucristotha xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupaey coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitupa naetotha wanaca juntu coyene juntemainaenexa abe waexanae cuiru coyenewan. <sup>6</sup> Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeinya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

<sup>7</sup> ¡Matha pataema!

Cristo patopeicaena tsaquinaebowatha.

Daxita jiwi taena bapon xua bapon taeinchi.

Iruu pomonae bapon cobe matatabarutatsi naetotha bapon taeinchi.

Daxita nacuanpiwi, pomonae bapon jopa jume cowuntichi, daxita barapomonae juntu coyene wecoyeyi tsane poxonae bapon taeinchi.

Je bara ichi tsane.

<sup>8</sup> Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaein, pon itoroba pia peayapusu itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

*Meje yabara poxonae Cristo pia peitupanae tsita itutsi coyenewatha tatsi Juan tsita itutatsi*

<sup>9</sup> Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthuthurewe exana xua poxonae jopa xapain pacata exanaeyo, anoxuae bara neichi. Jiwi anthuthurewe neexana tsipei waxainchi Nacom piamonaetsi jiwantsi pomonae Nacom itorobiya ewata. Tsipei Jesucristo paca yawena daxota cataunxuae pajume cowunta dubenanaebiyame Nacom, iru xandu barichin. Jiwi pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae. <sup>10</sup> Caentaqueitha, po mataqueitha pe-seicae mataqueitha bichocono Nacom pia Pejumo pe tuxu

tatsi nejuntũ coyene yũca exana. Taũma werena jume tan pejume xua bichocono jume daunweya ajumetsaca be poxonae icha xua oba po peobiwa pewũn trompeta. <sup>11</sup> Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowũntsiwitha pomonae siete po matabũxũmonaebe pomonae nacaetuta xua Nacom wũnae pejainchinexatsi. Barapomonae jinompa Asia nacuatha. Barapo siete po matabũxũmonaebe nacaetuta barompaya pia tomarantha tsiniya. Barapomonae meje: Efeso tomarapiwi, irũ Esmirna tomarapiwi, irũ Pérgamo tomarapiwi, irũ Tiatira tomarapiwi, irũ Sardis tomarapiwi, irũ Filadelfia tomarapiwi, irũ Laodicea tomarapiwi”, nejei Jesucristo.

<sup>12</sup> Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewũn oro nain xua pentatutuntha itanacanoba. <sup>13</sup> Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cũta paparuwa po paparuwa bichocono pereca yawa jũntacari jayatsinatsi yawa bichocono daedaena icha be oro nain ichi. <sup>14</sup> Pentanan tatsi bichocono inyapana icha be papũ ichi, yawa icha be main axuto ichi. Yawano peitamaiqueitobe be isoto itareto. <sup>15</sup> Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isototha nain boquiya. Pejume bichocono ajumetsa be poxonae xua ainya menein busin. <sup>16</sup> Pemaxũ coxa iya xeina siete po opiteitobe. Yawa pecoiboto tsina pichapeina cusi xua nantiya barũ ducuaebe. Peitabara bichocono daedaena icha be poxonae xometo ichi poxonae xua pentha xua poxonae atsa.

<sup>17</sup> Poxonae bapon Jesucristo tan, imoxoyo iratha nabotaban bapon peitabaratha. Bara be tatũpaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane. <sup>18</sup> Xan ponxaein xua copiya bayatha tapoponaein. Bequein bayatha tũpan ichitha equeicha anoxuae asũ poponan xua ataya petsitecaenexa. Nacom necata taitorobi coyenewa xua petũpaewi taitorobeibinexa petũpae coyene nacua beya. <sup>19</sup> Daxota yabara tinare xuaunxuae pocotsiwa taneme. Yawano yabara tinare xua aunxuae taepona-

name. <sup>20</sup> Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuana baxua yabara caunutatsi pomonae siete po tomarabe matabaxxi jiwi, pomonae Nacom pejume cowantsiwichi”, jei Jesucristo pon xua uncuana.

## 2

### *Meje yabara xua po diwesi Juan tatina Efeso tomarapiwi*

<sup>1</sup> Jesucristo, pon xua uncuana nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncuana siete xoyobe pia xainya deca xua ichaxota pentatutuntha itanacanoba. <sup>2</sup> Bapon jeye: Yapun xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaibiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxuitorobiwi. <sup>3</sup> Beta pana najuntu wnaetame. Matauta jopa paacoyenefaetabim, bequein ichamonae bichocono abe paca exana painya inta nacuichixaem. <sup>4</sup> Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. <sup>5</sup> Payabara nanta xeinare xua poxonae copiya pana nejume cowantame xua poxonae bichocono pana neantobem. Icha juntu coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Apara xua jan, daxita painya nenacaetutsi jiwi pam pana neneptaponaename xua pata tana nejume cowantsiwam xua daxota jopa pana nejume cowantsim tsane jan. <sup>6</sup> Daichitha cae coyenewa ichichipan xua paexaname. Juntu coyene weiweinan tsipei pananta xeiname icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichocono abe peexanaewi. Xan iruxi aichaxaibin xua pocotsiwa exana barapomonae.



<sup>7</sup> Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumope t̃nax̃ tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peaj̃nt̃yap̃us̃wa, po peaj̃nt̃yap̃us̃wa xua jopa weraweracaeyo, jei Nacom pia Pejumope t̃nax̃ tatsi, jei Nacom Pexanto', jande", nejei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tatsi.

*Meje yabara po diwesi Juan tatina Esmirna tomarapiwi*

<sup>8</sup> Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: 'Meje xua paeba pon xua daxita forota poxonae aena. Yawano bapon daxita wetsina xua bexa tsane. Bequein bapon bayatha t̃pa ichitha equeicha as̃ popona xua ataya tsitecaeya tsane. <sup>9</sup> Bapon jeye: Yaputan daxita xua pocotsiwan paexaname. Bara paca tainchi xua paanth̃th̃tanem poxonae xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinae jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae ̃ caurimonae pia pentacaponaein tatsi bapon piamonae tatsi. <sup>10</sup> Jopa pajunuwinda xua pocotsiwa ichamonae paca anth̃th̃tane exanaena xua tsipei pacata abe exanaena. Caurimonae pia pentacaponaein tatsi itorobina ich̃ntha xua piraichi paca jiwana capanaena jiwi pec̃bi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanth̃th̃tanem tsane diez po matacabibe. Daichitha pana naj̃nt̃ coyene daunweya w̃naere beya poxonae payacuiya werapaeya othopaename. Bapoxonae paxam paca catsibinchi xua be pentoma xua peant̃yap̃us̃wa po peant̃yap̃us̃wa xua jopa weraweracaeyo. <sup>11</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃ tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa

ateneya werapae tsane, jei Nacom pia Pejumope t̃nax̃ tatsi, jei Nacom Pexanto', jande", nejei Jesucristo pon xua uncua.

*Meje yabara xua po diwesi Juan tatina Pérgamo tomarapiwi*

<sup>12</sup> Pon Jesucristo xua uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow̃ntsiwi pomonaé Pérgamo tomaramonaé xua barapon petayorobinexa xua barapomonaé peyorobinexatsi. Jande: 'Meje xua paeba pon pecoiboto tsina tapichapeinatsi cusi po wato nantiya bar̃ ducuabe. <sup>13</sup> Bapon jeye: Bara yaputan xua daxita paexaname. Yawano yaputan xua painompame ichaxota caurimonaé pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cow̃nta dubenanaebiyame. Jopa pabarapentsinde xua pata tana nejume cow̃ntsiwam. Antipas bichocono nejume cow̃nta. Bequein bapon bexotsi painya xantha, daichitha awiya pana nejume cow̃nta dubenanaebiyame. Pomonaé barapo tomaratha jinompa pomonaé xua caurimonaé pia pentacaponaein tatsi itorobeiba barapomonaé Antipas bexotsi. <sup>14</sup> Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonaé xua painyamonae jiwana, pomonaé barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinaé israelmonae itac̃patsi xua xane duwein po duwein poxonae bexuba ibo nacom nexa. Yawano Balac cuiduba xua pinaé barapo israelmonae jopa abe exanaeyo poxonae nata siwa xeina dubenanaebiya yab̃xi. <sup>15</sup> Barichi pomonaé painyamonae jiwana pomonaé abe exana, barapomonaé ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. <sup>16</sup> Daxota icha j̃nt̃ coyene paxeinare. Icha jopa icha j̃nt̃ coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina. <sup>17</sup> Paxam pomonaé painya nejume cow̃ntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃ tatsi paca tsipaeba. Bapon jeye: Pomonaé xua Jesucristo jume cow̃nta dubenanaebiyaeinchi beya xua yacui werapaeya othopaena, barapomonaé catsin po pexaewa pew̃n maná, po pexaewa namicha boca xua ichamonae jopa yabara

yaputaeyo. Yawa barapomonaē catsin iboto, po iboto inyapana, barapo ibototha tinaena pena w<sub>h</sub>n xua ichamonaē jopa w<sub>h</sub>n taeyo. Saya meisa w<sub>h</sub>n yaputaena pon xua catsin barapo iboto, jei Nacom pia Pejumope t<sub>n</sub>ax<sub>u</sub> tatsi, jei Nacom Pexanto', jande", nejei Jesús pon xua uncuā.

*Meje yabara po diwesi Juan tatina Tiatira tomarapiwi*

<sup>18</sup> Jesucristo pon uncuā equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cow<sub>h</sub>ntsiwi pomonaē Tiatira tomaramonaē xua bapon petayorobinexa xua barapomonaē petayorobinexatsi. Jande: 'Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pew<sub>h</sub>n bronze. <sup>19</sup> Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cow<sub>h</sub>ntsiwam. Yawano yaputan xua pocotsiwa payawename ichamonaē. Yawano yaputan xua saya beitemaya j<sub>u</sub>ntema painompame poxonaē bequein ichamonaē pacata abe exana. Yawano yaputan xua anoxuae nawita paexanaponaē beyacaincha xua poxonaē copiya paexaname. <sup>20</sup> Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pew<sub>h</sub>n Jezabel. Powa jei: Nacom nexa tapaebiwayon, jei. Daichitha tana nejume cow<sub>h</sub>ntsi jiwi muxuitorobatsi. Barapowa Jezabel tamonaē cuidubatsi xua bara nata siwa xeineibina yab<sub>u</sub>xi. Yawa bapowa cuidubano po coyene aichaxaibin xua tamonaē jain itorobatsi xua tamonaē xaena duwein, po duwein poxonaē bexuba ibo nacom nexa. Barapo duwein jiwi cata ibo nacomtha poxonaē w<sub>h</sub>naē jainta pia ibo nacom. <sup>21</sup> Caena bayatha ewatan xua bapowa icha j<sub>u</sub>nt<sub>u</sub> coyene pexinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba. <sup>22</sup> Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Ir<sub>u</sub>r<sub>u</sub> pomonaē xua bapowa abe nanabar<sub>u</sub> exainchi barapomonaē atene tsane exanaein xua icha barapomonaē jopa nacui barapentsi tsane pocotsiwa bapowa cuiduba. <sup>23</sup> Yawano bapowa pia pexui tatsi tajutebin. Bapoxonaē daxita pomonaē Nacom pejume cow<sub>h</sub>ntsiwichi neyaputaena po coyene xua xan deta cou jiwi tanth<sub>u</sub>th<sub>u</sub> yaputaein daxita xua poxonaē exaneiba yawa daxita poxonaē xua nanta xeineiba. Bapoxonaē daxita paxam barompaya paca catsibinchi be xua pentoma. Pomonaē xua xanepanaya paexaname, xua w<sub>h</sub>naē paca catsibinchi. Pomonaē xua abe paexaname, xua peatenewa

paca catsibinchi. <sup>24</sup> Paca tsipaebatsi daxita pam pomonae Tiatira tomarapiwi jiwana pam, xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabarũ nacuidubim pocotsiwa caurimonae pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube. <sup>25</sup> Daichitha awiya pana nejume cowũnta dubenanaebiyama beya poxonae equeicha patopeicaein. <sup>26</sup> Awiya pajume cowũnta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonae baxua exanaena, barapomonae catsin taayapusũ itorobi coyenewa xua peitorobeibinexa tsane po cae pin nacuathepiwi. <sup>27</sup> Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa pepũrũwixi, bara jũta ichi tsane pomonae nejume cowũnta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae. <sup>28</sup> Bapoxonae yawa paca catsibinchi po coyene xua tapaca barũ poponaewatsi. Barapo coyene bichocono wũnae tsane, icha jarawato ichi xua jiwi bichocono tsita wũnaetsi poto mataquei pewũnaeya ecoina. <sup>29</sup> Paxam pomonae painya nejume cowũntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tũnaxũ tatsi paca tsipaeba, jei Nacom Pexanto', jande", nejei Jesús, pon xua uncua.

### 3

#### *Meje yabara po diwesi Juan tatina Sardis tomarapiwi*

<sup>1</sup> Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowũntsiwi pomonae Sardis tomaramonae xua bapon petayorobinexa xua barapomonae petayorobinexa. Jande: 'Meje xua paeba Jesucristo pon xua xeina siete po pexeinya jũntũ coyenebe, po coyenebe xua Nacom pia Pejumope tũnaxũ tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem.

Daxota paxam netsita be pomonae pewerapae jiwi pam.  
<sup>2</sup> Pana najuntũ coyene tsacabare. Payawende pomonae tana nejume cowuntsiwi xua pejuntũ coyene wũnae nexa, tsipei barapomonae be pewerapaewi pejuntũ coyene natsepaexae. Paca tainchi xua pocotsiwa paexaname. Baxua jopa Nacom tsita wũnaetsi. <sup>3</sup> Daxota pananta xeinare xua pocotsiwa bayatha paca cuiduba. Baroxonae bapocotsiwa paexande yawano baroxonae icha juntũ coyene paxeinare Nacomtha xua equeicha caewa painya nejume cowuntsiwa tsane. Icha jopa baxua paexanaem tsane, baroxonae nainya jemeicha patopaein paxamtha poxonae jopa paya-putaem xua patopaein. Exanaein icha be pocotsin pon pecaibin ichi xua jemeicha patopa. <sup>4</sup> Daichitha paxeiname barapo tomaratha, Sardis tomaratha, pomonae tana nejume cowuntsiwi. Barapomonae penthũthũ xeicae jiwi. Jopa xeinaeyo po coyene xua peajuntũcoyenebewa tsipei jopa abe exanaeyo. Barapomonae nebarũ jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban. <sup>5</sup> Pomonae xua nejume cowũnta dubenanaebiyaena xua beya yacui werapaeya othopaena barapomonae nama xatabina po paparuwan inyapana. Yawa pomonae wũn dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa wũn iquicaein tsane. Yawano wũn yaputane exanaein Taxa Nacomtha yawano Nacom pia matatsunpiwi tatsi peitabarathano. <sup>6</sup> Paxam pomonae painya nejume cowũntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tũnaxũ tatsi paca tsipaeba, jei Nacom Pexanto', jande", nejei Jesús pon xua uncua.

*Meje yabara po diwesi Juan tatina Filadelfia tomarapiwi*

<sup>7</sup> Equeicha Jesucristo pon xua uncua nejei: "Barichinde tatinare pon Nacom Pejume Diwesi pepaebin pomonaetha tana nejume cowuntsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: 'Nacom Pexanto tatsi, bapon bichocono pejuntũ coyene xanepanaein Nacomtha xua jopa penatsicuentiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonae David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonae

itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonae bapon peboupa saranaxuba ichun jopa itacupaetsi xua peboupa xatataba. Yawa poxonae bapon peboupa xatataba ichun jopa itacupaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichun jopa itacupaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye: <sup>8</sup> Yaputan xua daxita paexaname. Xan copatan xua tajume diwesi pacaponame ichamonaetha. Ichun jopa itacupaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paajuntucui coyenesum, daichitha awiya tajume diwesi pacueicueijam yawa jopa pana nepentsim xua painya tana nejume cowuntsiwam. <sup>9</sup> Ichitha pomonae naerabiya jei: Paxan, judiomonae pan, jei, barapomonae, Satanás, caurimonae pia pentacaponaein tatsi bapon piamonae tatsi tsipei jopa benejume cowuntsiyo. Xan exanaein xua barapomonae patsina paxamtha pentabocototha peumenaenexa tsane painya itabaratha wnae painya nepaca jainchinexa tsane. Bapoxonae barapomonae yaputaena xua xan tapaca caantobewichi pam. <sup>10</sup> Pajume cowuntsiya exana dubenanaebiyama po coyene xua paca itorobatsi xua beitatemaya painompame xua jopa painya neitaconaewa poxonae bequein ichamonae paca yabara abe exana. Daxota barapo matababi, po mataqueitha poxonae caurimonae pia pentacaponaein tatsi daxita barapo cae pin nacuathe jiwi juntu coyene jujatinchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein tatsi juntu coyene jujatsina pomonaetha pomonae Nacom pejume cowuntsiwichi poxonae bichocono atene exanaeinchi xua daxota Nacom jopa pejume cowuntsiwa tsainchi. <sup>11</sup> Imoxoyo patopeicaein. Xaniwaicha beta paxeinare pocotsiwa xua tapana nejume cowuntsiwam xua bexa Nacom paca catsina pocotsiwa paca juntana jeba pia nacuatheicha beta painya tana nejume cowunta dubenanaebiyaexaemxae. Jopa pacopatsinde xua ichun paca exanaena xua abe painya neexanaewa tsane xua daxota jopa painya nexainaewa tsane pocotsiwa paca juntana jeba pia nacuatheicha. <sup>12</sup> Pomonae xua nejume cowunta dubenanaebiyaena barapomonae bichocono juntu coyene ayapusya daunweya exanaein xua pepatsinexa tsane Nacom pia nacua beicha. Bapoxonae bapana jopa

ponae tsane Nacom pia nacua weya. Bapoxonae barapomonaetha catsin po wɥn Taxa Nacom pewɥn, xua jiwi peyaputaenexa xua barapomonaetha apara Nacom piamonaetha tati. Yawa catsin po wɥn pena Jerusalén tomara pewɥn, po tomara Nacom pia tomara tati ichaxota jinompa pomonaetha peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawɥn, po wɥn pena wɥn. <sup>13</sup> Paxam pomonaetha painya nejume cowɥntsi jiwi pam. Icha pamuxu dubename, moya pajume naitaewar xua pocotsiwa Nacom pia Pejumope tɥnaxɥ tati paca tsipaeba, jei Nacom Pexanto', jande", nejei Jesús pon xua uncua.

*Meje yabara po diwesi Juan tatina Laodicea tomarapiwi*

<sup>14</sup> Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowɥntsiwi, pomonaetha Laodicea tomarapiwi xua bapon petayorobinexa xua barapomonaetha petayorobinexa. Jande: 'Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. <sup>15-16</sup> Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonaetha ba aichaxaibi xua apa poxonae po mera mene tɥna xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowɥntame. Jopa panepentsim xua pata tana nejume cowɥntsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowɥntame icha xua pebin ichi xua anaya mene sutabina tsipei mene tɥna. <sup>17</sup> Payabara paebame po coyene xua copei painya nexeiawi pam. Yawa payabara paebame po coyene xua painya coutha pana nayaweneibame xua jopa pacata acoibi tsaibiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenaetha, paca yabara jeichi. Matautano jopa payaputaem xua paxam be pomonaetha peacopeibiwi pana natsicotaneme. Yawano be pomonaetha peitata nacutsi jiwi pana natsicotaneme. Yawano be pomonaetha tamasaina pana natsicotaneme. Apra xua jan: Paxam be barapomonaetha pam tsipei jopa beta painya jɥntɥ coyenewatha pana nejume cowɥntsim. Yawa jopa beta painta nacuichim, jan. <sup>18</sup> Daxota paca tsipaebatsi. Pana necomocare po

penainwan pewun oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexeiaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Matautano pana necomocare pewuwa tabotsinexa painya itamaiqueitha bapoxonae beta pataename. Apara xua jan: Pana newuare xua poxonae po coyene xua beta paca juntu coyene exanaeinchi xua jopa painya nexeiaewam tsane painya juntu coyeneintha, pocotsiwa xua abe, jan. <sup>19</sup> Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowunde yawano icha juntu coyene paxeinare. <sup>20</sup> Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana nabaru xanbe pia bothaxae. <sup>21</sup> Taxa jume cowanta ducuaenaebiyon xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowantsiwi. Pomonae nejume cowanta dubenanaebiyaena xua itoroban, xua beya yacui werapaeya othopaena, barapomonae copatsin xua peenaenexa ichaxota imoxoyo pexeinya taequeibithopeibiwa inta uncua. <sup>22</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tuxaxu tatsi paca tsipaeba, jei Nacom Pexanto', jande", nejei Jesús pon xua uncua.

## 4

*Meje yabara po diwesi xua xuan Juan tsita naitutatsi peitabocotha*

<sup>1</sup> Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po peobiwa pewun trompeta. Bapon Jesús nejei: "Anetha tsinande taxainya betsina. Catsita itutsinchi xua pocotsiwa bexa tsane exanaena", nejei Jesús.

<sup>2</sup> Bapoxonae nama bichocono Nacom pia Pejumope tuxaxu tatsi nejuntu yuca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota. <sup>3</sup> Pon xua equiya baxoteicha bichocono



itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewun jaspe, yawa be pocotsi iboto pewun coralina. Yawano matawacaicha matatsun uncueicatsi coinwawa. Barapo coinwawa bichocono sujeya pentha exana icha iboto ichi pocotsi iboto pewun esmeralda. <sup>4</sup> Barapo pexeinya peecaethopeibiwa pia matawacaicha tatsi, tan icha peenaethopeibiwān veinticuatro po peenaethopeibiwān xoyobe. Barapo peenaethopeibiwāntha ena pitiri jiwi xua matauta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewun oro nain. <sup>5</sup> Barapo pexeinya peecaethopeibiwa weya be yamuxu busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tuxu tatsi xeina siete po pexeinya juntu coyenebe. <sup>6</sup> Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosibu muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asu. Barapo cuatro poyobe nantiyan itamaiquei dubena peitabara weyano yawa peuma werenano. <sup>7</sup> Barapo cuatro poyobe jiwana xua xuan asu, pon copiya be neuthu itabara, iru ichun be vaca pebto itabara, iru ichun be jiton itabara, iru ichun be cotsara itabara, pon pepupunaein. <sup>8</sup> Barapo cuatro poyobe daxita barompaya xeina seis po cuarafeinbe. Matautano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueije Nacomtha pon xua eca barapo pia peecaethopeibiwatha, jeye:

“¡Xam pon bichocono nejuntu coyene xanepanaem,  
xua bapana jopa nexeinaewa abe peexanaewa!

¡Xam pon jiwi Necanamataxeinaem!

¡Xam Nacom, pon neayapusu itorobi  
coyenewa xeiname!

¡Xam pon caena bayatha poponeibame xuano  
xua anoxuae poponeibame xuano xua bexa  
ataya tsitecaeya poponaename!”

jei barapo cuatro poyobe poxonae  
cueicueije Nacomtha.

<sup>9</sup> Pon xua pexeinya pia peecaethopeibiwatha eca, pon xua ataya popona, bapon wnae jaintatsi, barapo cuatro poyobe wnae jainta. Baxua exana tsipei bapon pexeinya

jũntũ coyene pexeinaein, mataũtano tsipei bapon ainya cui coyenewan peexanaein. Mataũtano bapon jeichichi: “Maisa pajũntũ coyene weiweinan pocotsiwan pata tana necatsix-aemxæ”, jeichichi bapon. <sup>10</sup> Poxonae barapo cuatro poyobe wũnae jainta, bapoxonaerũ pitiri jiwi xua veinticuatro poyobe xua barompaya pia peenaethopeibiwatha ena, barapomonae irũ pentabocototha umena xua wũnae pe-jainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonae jeba pon ataya pepoponaein peitabaratha tatsi. Bapoxonae jeye:

<sup>11</sup> “Pata Tanecanamataxeinaem, yawano xam pata Nacom.

Maisa wũnae xua paexana dubenanaebiyã ichamonaetha pata yabara cueicueijeinexa jinya pexeinya jũntũ coyene yawa jinya pexeinya ainya cui coyenewan, yawano jinya neayapuserũ itorobi coyenewa.

Baxuan paexanan tsipei xam daxita forotame.

Tsipei xam neichichipaexæ daxota baxuan forotame”, jei barapo pitiri jiwi.

## 5

*Meje yabara po diwesi xua poxonae Juan tane Nacom pia diboro*

<sup>1</sup> Bapoxonae tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matũba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa. <sup>2</sup> Yawano tan matatsunpin pon peitorobi coyenewa xeina. Yawano jume daunweya yainyaba jeye:

“¿Jintam Nacom tsitatsi pon pejũntũ coyene xanepanaein pontha pon xua Nacom daxota copatsina xua barapo pecat-satabiwa petsitsinaxubiwa tsane xua pepataxubiwa tsane barapo diboro?” jei bapon. <sup>3</sup> Ichitha dapocotsin aibi pon itabocototha popona, irũ pon xua popona po irathe, irũrũ pon popona po ire peũma bereca. Tsipei dapon aibi pon bichocono pejũntũ coyene xanepanaein xua pontha pon Nacom copata xua peitacũpaewatsi xua pepataxubiwa tsane yawa xua peyorobiwa tsane barapo diboro.

<sup>4</sup> Bapoxonae bichocono wecoyan tsipei dapon aibi pon xua bichocono pejũntũ coyene xeicaein xua pon itacũpatsi pepataxubiwa tsane yawa xua peyorobiwa tsane barapo diboro.

<sup>5</sup> Bapoxonae caein barapo pitiri jiwi, nejei: “Jopa equeicha wecoyande. Tsipei pon uncua pon wũn dutatsi: ‘León’, jei xua po wũn jei: ‘neũthũ’, jei bapontha Nacom copata xua exana baxua tsipei pia peayapuserũ itorobiwa canamataxeina.

Apara bapon Judá piamonae jiwí jiwana tatsi, pon Judá caena bayatha tupa. Barichi bapon apara David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itacupatsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa asu poxonae tupa naetotha”, jei pitirin.

<sup>6</sup> Barapoxonae tan Cordero xua oveja pebto penun, pon uncu Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwí pia xainya deca tatsi. Barapo Cordero uncu bequein wan xeina xua poxonae bayatha tsibexotsi jiwí abe pia peexanae cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po pexeinya juntu coyenebe xua Nacom pia Pejumope tuxaxu tatsi xeina. Nacom najumope itoroba daxita irantha. <sup>7</sup> Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha. <sup>8</sup> Poxonae Cordero pita barapo diboro, barapoxonae barapo veinticuatro pitiri jiwí, iru cuatro poyobe xua xuan asu daxita barapomonae pentabocototha umena barapo Cordero peitabaratha tatsi. Daxita barapo pitiri jiwí barompaya xeina xua pocotsiwan pexeinya petaubabiwan pocotsiwan pewun arpa. Yawano barompaya xeina pocotsiwan pecaapaewan xua pocotsiwan pewun oro nain. Yawa barapo pecaapaewixitha wunba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomonae xua Nacom piamonae, pomonae pia peantobewichi tatsi. <sup>9</sup> Barapomonae pena wei naxuna, jeye: “Xam maisa pon bichocono nejuntu coyene xanepanaein xua netsitsinaxubiwa barapo siete xoyobe xua catsataba barapo diboro. Tsipei bayatha pana netsitupame poxonae painta pentoma exaname pata naexanaenexa tsane Nacom piamonae tatsi. Yawano jiwana itapetame, pomonae tsicamonaexi xua daxita carepaya tsicamonaexitha xua necajume cowantsiwa tsane. Matautano jiwana itapetame daxita i dapomonae, pomonae barompaya icha jume penatsipaebiwa. Matautano daxita carepaya tomaranpiwi jiwana itapetame.

Matautano daxita carepaya nacuanpiwi  
jiwana itapetame.

<sup>10</sup> Pana necana exaname be pomonae jiwi itorobiya  
pia pepa peewatsiwichi tatsi pan.

Yawa pana exanameno be pomonae  
sacerdotemonaepiwi pan xua Nacom  
pata tanacuichinexa.

Yawano pana exaname pata itorobiya  
ewatsinexa po cae pin nacuathepiwi”,  
jei barapomonae poxonae naxuna.

<sup>11</sup> Bapoxonae necotan, yawan jume tan xua bichocono  
pinmonae juinya pomonae Nacom pia matatsunpiwi, xua  
juinya barapo pexeinya peecaethopeibiwatha matawacaicha  
umena, yawa xua juinya barapo pitiri jiwi matawacaicha  
umeinchi, yawa xua juinya matawacaicha umeinchi barapo  
cuatro poyobe xua xuan asu. Pomonae jume tan bichocono  
ayei jiwi cuajei. <sup>12</sup> Bapoxonae barapomonae bichocono  
jume daunweya paeba, jeye:

“iCordero, po Cordero bayatha jiwi tsibexotsi  
abe pia peexanae coyenewan tatsi,  
maisa barapo Cordero Nacom tsita  
juntu coyene xanepanatsi!

Daxota Nacom copata xua bapon xeina  
pia peayapusu itorobi coyenewa.

Matautano Nacom copata xua bapon xeina  
daxita pocotsiwan xua Nacom xeina.

Yawano xeina pia peyaputae coyenewan.

Yawano xeina pia peayapusuwa xua  
daunweya peexanaewa.

Matautano jiwi bewa baru cui

itura jinaena barapon pon Cordero.

Matautano jiwi bewa wanae jainchina  
barapon pon Cordero.

Matautano jiwi bewa beta exanae juntu  
coyene weiweina peexanaenexatsi bapon xua  
petsitupaexae jiwi abe pia peexanae cuiru  
coyenein tatsi”, jei barapo matatsunpiwi.

<sup>13</sup> Yawano equeicha jume tan daxita pomonae caena bay-  
atha Nacom forota: pomonae peitabocotha forotatsi, irano  
pomona po cae pin nacuathe forotatsi, irano pomona po ire  
peuma wetsina forotatsi. Yawano jume tan xua pocotsiwan  
pin mene mar mentha jinompa. Daxita baxuan carepaya  
Nacom forota. Jume tan xua jeye:

“Xam Nacom, pon ecame jinya pexeinya  
neecaethopeibiwatha irano xam Corderom,

barabꝰ ataya jꝰntꝰ coyene weiweina  
 paca exanaenabe xua jiwi jꝰntꝰ coyene  
 weiweina paca exanaenabe xua  
 pocotsiwa painya neexanaexaebe.  
 Barabꝰ daxita jiwi paca barꝰ cui  
 itura jineibinabe.

Yawano barabꝰ daxita jiwi wꝰnae  
 paca jainteibinabe.

Yawano barabꝰ paxeineibinamebe peayapusꝰwa  
 xua daunweya painya neexaneibiwabe.

Daxita barapo coyenein ataya tsitecaeya  
 paxeineibinamebe”, jei daxita  
 barapomonaе, pomonaе Nacom forota.

<sup>14</sup> Barapo cuatro poyobe xua xuan asꝰ, jeye: “¡Bara bara,  
 bara baxua exanaena!” jei. Pitiri jiwi, pomonaе veintic-  
 uatro poyobe, pentabocototha umena, xua Nacom wꝰnae  
 pejainchinexatsi, pon ataya tsitecaeya popona.

## 6

*Meje yabara po diwesi xua siete xoyobe xua xuan  
 pecatsababiwan*

<sup>1</sup> Bapoxonaе tan poxonaе Cordero tsitsinaxuba caewa xua  
 catsataba. Bapoxonaе caein jiwana pomonaе cuatro poyobe  
 xua xuan asꝰ jume tan xua daunweya paeba xua be yamꝰꝰ  
 busi, nejei: “¡Anetha, taema!” jei. <sup>2</sup> Bapoxonaе tan cawayu  
 pemainyan. Pon cawayutha equeica, bapon bicheibi cae-  
 queica. Bapon pexeinya tepa catatsi penamata xatatsinexa.  
 Bapon cawayutha ponataba xua beta penabinexa. Bapon  
 amanayaba pia peaitafaetabiwichi.

<sup>3</sup> Poxonaе Cordero equeicha tsitsinaxuba icha pecatsa-  
 tabiwa, bapoxonaе barapo cuatro poyobe jiwana xua xuan  
 asꝰ jume tan, nejei: “¡Anetha, taema!” jei. <sup>4</sup> Equeicha  
 patopa ichꝰn cawayu petsobian. Pon tsijuma equeica, bapon  
 catatsi peayapusꝰ itorobi coyenewa xua jiwi pejꝰntꝰ coyene  
 wepuxana exanaenexatsi po coyene xua jꝰntꝰema pejinom-  
 paewa. Yawano peexanaenexa xua pebiwi penajutebinexa.  
 Mataꝰtano bapon pin dejona catatsi.

<sup>5</sup> Poxonaе Cordero equeicha tsitsinaxuba icha pecatsa-  
 tabiwa, bapoxonaе equeicha barapo cuatro poyobe jiwana  
 xua xuan asꝰ jume tan, nejei: “¡Anetha, taema!” jei. Equeicha  
 cawayu tan petsaebian. Pon tsijuma equeica, bapon comae-  
 queica pocotsiwa pepesabiwa. <sup>6</sup> Bapoxonaе barapo cuatro  
 poyobe pia xantha jume tan xua nejei: “Saya cae kilo trigo xu  
 cae denario nantomatsina, pocotsi paratixi xua nantomata

caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

<sup>7</sup> Barapoxonae barapo cuatro poyobe xua opi ducuanaya jume tan yawa nejei: “¡Anetha, taema!” jei. <sup>8</sup> Bapoxonae cawayu ichan tan pon na daena. Pon tsijuma equeica wun dutatsi: “Pon Petupaein”, jei. Barapo cawayu peputha tapoinchi ichan cawayu. Pon tsijuma equeica wun dutatsi: “Petupaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinexabe poxonae cuatro poyobe necotabe pomona po cae pin nacuathe jinompe, yawano xua pejutebinexabe poxonae jiwi naba, yawano pejutebinexabe poxonae jiwi piyain poxoru pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

<sup>9</sup> Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxona tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomona bayatha jutebatsi ichamona, pecaponaexae Nacom Pejume Diwesi xua amsiya awiya pecueicueijeixae. <sup>10</sup> Pomona xua bayatha jutebatsi ichamona, barapomona jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejuntu coyene xeicaem. Xam ponxaem pocotsiwan yabara tsiwanae muxu dubame baxuan xaniwaicha exaname. ¿Eta poxona exanaename xua poxona jiwi yabara paebiname xua penatsicuentsiwa xua abe peexanaexae, xuano xua pana yantomatsiname xua nejutebinexa pomona jinompa po cae pin nacuathe copiya pata tana nejutebixae?” jei barapomona. <sup>11</sup> Bapoxona barapomona juma xatabatsi paparuwan, po paparuwan inyapana. Yawano barapomona baraichichi: “Abu cataunxuae paeware beya poxona yacui opi ducuiya weraweracaena xua cataunxuae jujutebaponaeinchi pomona iru Cristo pejume cowuntsiwi. Barapomona jujutebaponaeinchi pecueicueijeixae Cristo pejume diwesi, icha xua poxona paichim”, jei Nacom.

<sup>12</sup> Poxona Cordero tsitsinaxuba pecatsatabiwa xua seis po cuiyobetha, bapoxona tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsofia tsanaya icha pejana ichi. <sup>13</sup> Opitei xua

peitabocotha dubena othopeica po irathe tsique, icha be joibo ichi xua jubaba higuera nae xua pethei othothopeica. <sup>14</sup> Peitaboco aichurucuae icha be poxonae ichan ichi xua poxonae mata quiyontaba papera. Matautano demxuan, petunaetonno equeicha ichawa bepoinya poxonae ira jijiyata. <sup>15</sup> Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Iru pomonae pentacaponae i ru pomonae copei pexeinaewi, i ru pomonae soldadomonae pia pentacaponae i xua pomonae jiwi peamanayabeibi jiwi daxita barapomonae nantsiyaba. Daxitaru pomonae pebusi cui tatayebeibiwichi i ru pomonae xua saya penata exanaewi piawan nantsiyabaru. Ichamonae barapomonae jiwana ibo muthantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuan itapatororon tsica. <sup>16</sup> Barapomonae demxuan beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae. <sup>17</sup> Tsipei barapo matacabi patopa po mataqueitha daxita jiwi peraxa jubebinchi. Dapon aibi pon panepa barapo mataqueitha”, jei pomonae nantsiyaba.

## 7

*Mejeyabara po diwesi xua Nacom itapa tina Israel pia pexui tatsi pia pemomoxi susato jiwana piwi tatsi xua peyaitaenexa*

<sup>1</sup> Bapoxonae cuatro poyobe tan matatsunpiwi xua iratha umena. Ichan uncuacha xaxota pocotsiwa xometo weecoina, ichan uncuacha xaxota pocotsiwa xometo bejopiya, ichan be epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. <sup>2</sup> Barichi ichan tan ichan matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peayapusu itorobi coyenewa xeina xua itacupatsi xua abe exanaena pin mene mar mentha yawa iratha. <sup>3</sup> Barapo matatsunpin jeye: “Jopa abe paexanaeinde iratha yawa pin mene mar mentha, paeware abu beya poxonae jiwi paitapa

tinaein Nacom pia pejume cowantsiwichi, pon pata Nacom”, jei barapo matatsunpin.

<sup>4</sup> Jume tan barapomonaе yabara, xua ichun jeye: “Ciento cuarenta y cuatro po jiwimonaеbe paitapa tinan xua Israel pia pemomoxi susatomonaе jiwana tatsi”, jei. <sup>5</sup> Barapo Israel pon icha wun Jacob. Bapon xeina doce po pexantobe tatsi pomonaе caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Rubén, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Gad, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. <sup>6</sup> Pon Aser, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. <sup>7</sup> Pon Neftalí, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. <sup>8</sup> Pon Zabulón, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon José, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe. Pon Benjamín, barapon pia pemomoxi susato jiwana piwi tatsi Nacom itapa tina saya doce mil pomonaе matabuxumonaеbe.

*Meje yabara po diwesi xua pomonaе juma xatabatsi pe-mainya paparuwan*

<sup>9</sup> Bapoxonaе equeicha tan ichamonaе pomonaе bichocono jiwi ayei. Daxita nacuanpiwi jiwana monaе, yawano daxita carepaya tsicamonaеxi jiwana monaе, yawano daxita carepaya icha jumexitha pepaеbiwi jiwana monaе, yawano daxita carepaya toman jiwana monaе. Daxita barapomonaе umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonaе bichocono pin bicheito xua ichamonaе jopa itacupaetsi peununaewa. Daxita barapomonaе juma xatabatsi pe-mainya paparuwan. Yawano barapomonaе



pecobetha cajjinca xua be coichaxu axu. <sup>10</sup> Daxita barapomonaе jume daunweya jeye:

“¡Wanacom pon xua eca pia pexeinya peecaethopeibiwatha yawano Cordero pon uncua, naca capanepa xua jopa waatenewa tsane xua abe waexanaexae!” jei barapomonaе.

<sup>11</sup> Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeibiwa matawacaicha yatoxoyoroto umeinchi. Baroxonaе barapo matatsunpiwi irabe taeumendeca barapo pexeinya peecaethopeibiwa peitabaratha. Yawano Nacom wuнаe jaintatsi. <sup>12</sup> Barapo matatsunpiwi jeye:

“¡Barabu Nacom juntu coyene weiweina exaneibatsi pocotsiwa xua beta waexanaewa!  
¡Bara ichi tsane!

¡Barabu daxita jiwi wuнаe jainteibina Nacom!

¡Matautano barabu Nacom xeineibina pia peyaputae coyenewa!

¡Matautano barabu jiwi jei tsaibi:

‘Nacom maisa pajuntu coyene weiweinan xua amanaya pata tana neyawenaemxae’,  
jei tsaibi jiwi!

¡Barabu daxita jiwi cayabara baru cui itura jineibina!

¡Matautano barabu xeineibiname jinya neayapusu itorobi coyenewa, xuano xua xeinaename jinya neayapusuwa xua daunweya neexanae coyene!

¡Baxuan barabu ataya xeinaename!

¡Je bara ichi tsane!” jei barapo matatsunpiwi.

<sup>13</sup> Barapo pitiri jiwi jiwana caein neyainyaba, nejei: “¿Jintam baruге pomonaе pemainya paparuwa nama xataba? ¿Eta werena pona?” nejei pitirin. <sup>14</sup> Jume notan, janje: “¡Pon pentacaponae, apara xam yaputaneme jame!” jan. Barapoxonaе nejei: “Barapomonaе apara pomonaе werena pona ichaxota poxonaе po mataqueitha jiwi bichocono atene exaneibatsi. Barapomonaе abe pia peexanae coyenewan tatsi Nacom tajuntemaina, tsipei barapomonaе jume cowantatsi xua pon tsitupa barapomonaе, pon ‘Cordero’ baraichichi. Barapomonaе juntu coyene wuнаe exanatsi Nacom. Yawa pemainya paparuwa jume xatabatsi”, nejei pitirin.

<sup>15</sup> Equeicha nejei pitirin:

“Daxota barapomonaе umena ichaxota imoxoyo

Nacom pia pexeinya peecaethopeibiwa.  
 Barapomonaē tanacuita dubenanaēbiya Nacom  
 mataqueitha, yawa merawithano Nacom pia  
 pin botha tatsi xua pia nacuatheicha tatsi.  
 Pon xua eca pia pexeinya  
 peecaethopeibiwatha bapon eenequeibina  
 barapomonaē, tsipei baru popona.

<sup>16</sup> Bapoxonaē barapomonaē jopa piyainyo,  
 yawa jopa pia meratsino,  
 yawa jopa tsaquiwichi xometotha  
 xua bichocono jainchi.

<sup>17</sup> Barapo coyene jopa abe exanaeyo  
 barapomonaētha, tsipei Cordero Nacom  
 Pexanto tatsi, pon uncua ichaxota  
 imoxoyo Nacom pia pexeinya  
 peecaethopeibiwatha, bapon yawena  
 xua barapomonaē yawenatsi.  
 Barapon Cordero barapomonaē beta yapu  
 eenaēinchi, icha be poxonaē  
 pon ovejan peewatsin ichi  
 poxonaē pia ovejan matacapona beta  
 ichaxota penaton mene, po meran  
 mene xeica, xua peasuwa tsane.  
 Bapoxonaē barapomonaē Nacom itacuere  
 mene tsewa exanaena xua pewecoyeixaē”,  
 nejei pitirin.

## 8

*Meje yabara po diwesi xua siete po pecatsatabiwa xua tabu ducua*

<sup>1</sup> Poxonaē Cordero tsitsinaxuba siete po cuiyobetha xua barapo diboro catsataba, bapoxonaē peitaboco moya ducua saya be ainya dapaeyobe. <sup>2</sup> Bapoxonaē tan siete poyobe matatsunpiwi, pomonaē xua umena Nacom peitabaratha tatsi. Barapo matatsunpiwi daxita barompaya catsibatsi siete xoyobe xua pocotsiwan pecaobiwan, po pecaobiwan pewan trompeta. <sup>3</sup> Bapoxonaē pirapaeyo patopa ichan matatsunpin. Barapo matatsunpin capatopa xua be coroto xua pocotsiwa oro nain coroto. Barapo oro nain corototha boca petuxuei tsapato xua petautsinexa Nacom nexa. Barapoxonaē barapo matatsunpin yutabotsiya tautabota xua ichaxota pocotsiwa be pexaethopaewa, bichocono tuxuei tsurucuae. Barapo matatsunpin uncua ichaxota pocotsiwa be pexaethopaewa ichaxota tauteiba petuxueiwan, po petuxueiwan xua tuxusi exaneiba Nacom nexa. Bapoxonaē barapo matatsunpin

catatsi nawita xua petuxueiwan. Pomonae Nacom pean-tobewixaetsi poxonae tsipaebeiba Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pexeinya peecaethopaewa itabaratha tatsi uncua. <sup>4</sup> Barapo petuxuei tuxusi mureiwa matatsunpin pia maxu wetajujuinyatsi Nacom peitabara beya yawa athabe muxuna jujuinya pejume, po jume xua jiwí poxonae tsipaeba Nacom. <sup>5</sup> Bapoxonae barapo matatsunpin barapo oro nain coroto pita, yawa barapo corototha bichocono wanca exana iso itere, po itere-ton xua taxua barapo petuxusi exanathopeibiwatha. Bapoxonae daxita baxua po irathe xuba, bapoxonae yamuxu busi, yawa jerajerei, yawa ira jijiyatano po cae pin nacuatha tsique.

*Meje yabara po diwesi xua trompeta xua pecaobiwan*

<sup>6</sup> Barapo siete poyobe matatsunpiwi daxita barompaya nacui wanaeta pia trompetan xua peobinexa.

<sup>7</sup> Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

<sup>8</sup> Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo. <sup>9</sup> Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

<sup>10</sup> Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxu-ayecapona icha banaxuto ichi. Barapo pin opiteito jopeica mentha xua yawa jopeica ichaxota ira buxupana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira buxupana mentha. Icha ira buxupana menthabe jopa daichiyo. <sup>11</sup> Barapo pin opiteito wan dutatsi “Amargura”,

jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

<sup>12</sup> Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

<sup>13</sup> Bapoxonae pirapaeyo tan matatsunpin pon be cuiyausi xua juinya pupuna ducuanabiya itabocotha. Bapon jume daunweya jeye: “¡Pai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

## 9

<sup>1</sup> Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin muthu deca xua ira bereca. <sup>2</sup> Bapoxonae bapon coibo saranaxuba. Barapo muthu coiboto tsina be pin tsuxu jujaina, po tsuxu icha pabi coicha tsuxu ichi poxonae pin pabi. Barapo tsuxu po irathe naquitaba exana yawa xometo naquitaba exanano. <sup>3</sup> Barapo tsuxu weya pupuna sure, xua daxita iranthe pupuna. Barapo sure catatsi, pocotsi coyene icha puto ichi xua poxonae naca cawata. <sup>4</sup> Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo. <sup>5</sup> Ichitha jopa copatsiyo xua jiwi pejutewiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa

bichocono atene icha be poxonae ichi xua poxonae ichan cawatatsi puto.

<sup>6</sup> Barapo mataqueitha, po mataqueitha jiwi bichocono atene tsane, cuinaya bewerapabenaena ichitha jopa cuinaya werapabenaena tsane.

<sup>7</sup> Sure be cawayumonaen nacui wnaeta xua penabinexa. Barapo suremonaen mataina pocotsiwan be tepan be pocotsiwan penainton xuan pewan oro nain. Matauta peitabaran be jiwi itabaran. <sup>8</sup> Pentanan bichocono antanapipiya be yabuxi, pewanon awanoyei be neutha wanon. <sup>9</sup> Pia pepon tsebocon dubena be penain xuan baxota penayaewatsinexa, po penain pewan hierro nain matawan. Pecuarafein busin be cawayu busin poxonae cawayu cacuinaejjinca ainya naein xua cawayu pecaponaen naexi xua penabiwa tsane. <sup>10</sup> Pebosoton be puton bosoton xua e dubena. Pia pebosonttha itacupatsi xua abe peexanaewa jiwitha xua beya poxonaen cinco po xometobe. <sup>11</sup> Barapo suremonaen xeina pia pentacaponaen, po pentacaponaen peewatsin barapo pia pin matha, po matha ira bematha taerucuaeca. Barapo matatsunpin pon suremonaen pia pentacaponaen tatsi hebreo jume wantha “Abadón”, jei. Seicaya griego jume wantha “Apolión”, jei. Barapo jume wantha jeye: “Pon Pecaewitaxubin daxita”, jei.

<sup>12</sup> Baxua weta xua copiya abe peexanaewan, ichitha awiya seica ainya peabe coyenewabe.

<sup>13</sup> Bapoxonaen equeicha icha matatsunpin xua seis poyobetha oba pia trompeta. Bapoxonaen jume tan xua cueicueiji cuatro po pentetobe weya. Barapo cuatro po pentetobe umena pemuxaburatha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua. <sup>14</sup> Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonaen maxa cubebatsi maxa isacapende xua pomonaen umena ichaxota po mene pin mene, po mene pewan Eufrates”, jei. <sup>15</sup> Bapoxonaen barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui wnaetatsi xua po horathe nexa, yawa xua po matabithe nexa yawa xua po xometothe nexa yawa po weithe nexa xua poxonaen pesorobabiwatsi tsainchi. <sup>16</sup> Jume tan xua pia soldadomonaen yabara paeba xua pomonaen bichocono ayei xainto bicheiton,

jeye: “Bapon doscientos millones xeina po soldadomonaē cawayutha pona”, jei.

<sup>17</sup> Xua xuan tan cawayumonaēin iche: Pomonaē cawayutha eneica pentacaritha cajjinca penain bocoton, petsobiwanno, yawa pesujeiwanno, yawa pedaēdaēnaēwanno. Barapo cawayumonaēin peitabaran be neuthu itabaran. Barapo cawayumonaēin pecoiboton tsina iso itereton tajujuinatsi xua tsuxu tsobia, yawano icha tsuxuno xua coicha sujei. Yawano icha coicha po tsuxu coicha daena. <sup>18</sup> Pin bicheitomonaē werapa tsipei barapo cawayumonaēin pecoiboton tsina tajujuinatsi iso itere, petsuxuno xua sujei, yawa icha tsuxu po coicha bichocono coicha daena. Dos po bicheito cuntiyobe jopa daichiyo. <sup>19</sup> Barapo cawayumonaēin pecoiboton tajujuinatsi pia peayapuswan tatsi yawano pebosoton tsinano. Barapo cawayumonaēin bosoton be jomon matanaēin. Barapo jomo matanaēintha jiwi abe exainchi.

<sup>20</sup> Ichitha ichamonaē pomonaē jopa werapaeyo barapo pewerapaewantha, barapomonaē jopa pentsiyo abe pia peexanaē coyenewan. Matautano jopa barapentsiyo xua antobeya wnaē pejainchiwa caurimonaētha. Matautano jopa barapentsiyo po nacom oro nainto nacom, yawa plata nainto nacom, yawa bronze nainto nacom. Yawano wnaē jainta ibo nacom. Yawano wnaē jainta naē nacom. Barapo nacomunmonaē jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa. <sup>21</sup> Matautano jopa barapentsiyo xua ichamonaē pejutebiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

## 10

*Meje yabara po diwesi xua matatsunpin capona tsica dibiriyo*

<sup>1</sup> Xan ponxaein Juan, bapoxonaē equeicha tan icha matatsunpin pon bichocono peayapusun xua peitaboco wetsica pona po irathe tsique. Barapo matatsunpin tsaquinaebowa muxuna deraquiya duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonaē pentha. Yawa pesitobe be isoto coicha xua bichocono coicha tsobia. <sup>2</sup> Tsica dibiriyo pecobetha capona xua itataduta. Po sito xua pecoxa weya pin mar

mentha uncua, yawa po sito petsocona werena iratha uncua. <sup>3</sup> Bapoxonae bapon jume daunweya wawai be poxonae neuthu jume daunweya fiba. Poxonae bapon wawai, bapoxonae jume tan xua be jurujurei yamuxu siete po jume-yobe xua paeba. <sup>4</sup> Poxonae baxua najume weta xua be jurujurei yamuxu siete po jume-yobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawun xeinare yawa jopa tinaeinde xua barapo siete jume-yobe xua be jurujurei yamuxu”, nejei.

<sup>5</sup> Bapoxonae barapo matatsunpin pon xua po sito pecoxa weya uncua pin mar mentha yawa xua po sito petsocona weya uncua iratha, bapon namaxu yoicha peitaboco beicha po maxu xua pecoxa weya. <sup>6</sup> Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwuna muxu dutan: ‘Equeicha daxua aibi xua peewatsiwa’, jan”, je matatsunpin. <sup>7</sup> Equeicha barapo matatsunpin jeye: “Poxonae matacabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jutsina xua daxita wetsina. Nacom wetsina xuan pocotsiwan caena bayatha Nacom yabara tsiwuna muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwuna muxu duta, baxuan jiwu jopa yaputaeyo poxoru jopa Nacom yatsicaewa tsita itatsiyo jiwitha”, je barapo matatsunpin.

<sup>8</sup> Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncua pin mar mentha, yawa uncua iratha po sito petsocona weya”, nejei. <sup>9</sup> Bapoxonae matatsunpin beya ponan yawa wacan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

<sup>10</sup> Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya. <sup>11</sup> Bapoxonae

netsipaeba, nejei: “Xam bewa equeicha yabara tsiwanae muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

## 11

*Meje yabara po diwesi xua dos ponbe, ponbe yatsicaewa Nacom pia petapaebinchibe xua petaexaebe pocotsiwa Nacom exana*

<sup>1</sup> Bapoxonae necata naeto pocotsiwa xua peera canaabiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaabiware. Yawano epa canaabiware xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wanae jaintatsi, pomonae yatsicaewa Nacom peantobewichi. <sup>2</sup> Ichitha jopa pana epa canaabinde, po pana pesato beya boca ichaxota Nacom pia pepa pin pia bo tatsi uncua. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. <sup>3</sup> Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwanae muxu dutsiya paebinae jiwitha xua beya un mil doscientos sesenta po matabinbitha tsane. Baponbe jume xatatsinbe pocotsi paparuwa xua axun, xua jiwi nama xatabeiba poxoruwecoyei”, nejei matatsunpin xua Nacom tapaebatsi.

<sup>4</sup> Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewun Zacarias yabara tina olivo naebe, yawa yabara tina ainyawabe pocotsiwa petabayubeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabayubeibiwa umena pentacaponaein peitabaratha tatsi, pon po cae pin nacuepiwi pia Pecana-mataxeinaeinchi tatsi. <sup>5</sup> Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peaitafaetabiwichi



jiwitha. Barichi werapaena pomonae ichichipa xua baponbe abe peexanaewatsibe. <sup>6</sup> Baraponbe xeinabe pia peitorobi coyenewa xua itacɥpatsibe peitaboco acatsiwa tsanebe xua jopa ema peruneicaewa tsane. Baxua itacɥpatsibe xua exanabe poxonae baponbe po matakabitha cataunxuae Nacom tapaebi ducuaanaebiyatsibe. Mataɥta baponbe pia peitorobi coyene xeinabe xua meratha equeicha pejana tsanaya exanabe. Mataɥtano baponbe itacɥpatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

<sup>7</sup> Poxonae baponbe nacui wetsinabe xua tapaeba ducuaanaebiyabe xua Nacom tapaeba ducuaanaebiyatsibe, bapoxonae juinaena po muthɥ pin muthɥ tsina pon ayei pon bichocono abe peexanaein. Baraponbe be xua bɥtsibe natsicotainchi yawa amanayabinchibe xua tɥpa peexanaenexatsibe. <sup>8</sup> Petɥpaeinbe saya pesatoha bocaenabe tomara namtotha, po pepa tomaratha ichaxota matha naetotha tɥpa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa irɥ Egipto nacuamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana. <sup>9</sup> Daxita pomonae tomarapiwi jiwana, irɥno tsicamonaeyo jiwana, irɥno pomonae barompaya icha jumexitha pecueicueijei jiwi jiwana, irɥno daxita pomonae nacuanpiwi jiwana, daxita barapo jiwimonae taeumenaena barapo petɥpaeinbe. Baponbe petɥpaeinbe bocaenabe acoibi po matakabibe yawa xua equeicha bara caetono. Daxita barapomonae pomonae taeumena, jopa copatsi tsane xua ichamonae bara petɥpaeinbe pemuthɥthɥ xubiwa tsainchibe. <sup>10</sup> Pomonae xua jinompaena po irathe jantemiya jinompaena xua petɥpaexaebe baponbe. Daxota daxita barapomonae jantɥ coyene weiweinaena, yawano daxota barapomonae nantiya nacatsibina pocotsiwan amanaya penacatsibiwan. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

<sup>11</sup> Ichitha poxonae yapu caewinaba acoibi po matakabibe yawa xua equeicha bara caeto bocaenabe, bapoxonae equeicha Nacom asɥ exanaenabe. Bapoxonae asiya uncuaenabe. Daxita pomonae xua poxonae baponbe taeinchibe, bi-

chocono junuwina. <sup>12</sup> Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinae-bowatha yawa pu taeumenaechibe pia peitafaetabi jiwichi. <sup>13</sup> Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wanae jainchinchí, po Nacom itaboco beequiya.

<sup>14</sup> Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

*Meje yabara po diwesi poxonae xua matatsunpin xua pon siete poyobetha oba pia trompeta*

<sup>15</sup> Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi barapo cae pin nacuathe, anoxuae barapo peitorobi coyenewa Nacom pon Wanacanamataxeinaein piawa iruno Mesías pon Nacom pia peitorobarecaein, bapon piawa tatsi. Baponbe daxita jiwi itorobiya ewatsinchi barapo cae pin nacuathe xua ataya tsane”, jei pomonae xua itabocotha jume daunweya wawai.

<sup>16</sup> Bapoxonae tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopeibi-watha, Nacom peitabaratha tatsi. Barapo pitiri jiwi pentabocotha irabe taeumendeca xua Nacom wanae pejainchinexatsi. <sup>17</sup> Barapo pitiri jiwi jeye Nacomtha:

“Xam pata Nacom, ponxaem jiwi Necanamataxeinaem pajuntá coyene weiweinán xua pocotsiwa painta neexanaexae. Xam barapo pata Nacom, pon neayapusá itorobi coyenewantha neexanaein. Xam pon anoxuae ataya poponeibiname yawa xua caena bayatha ataya poponeibameno, yawano xua bexa tsane ataya poponeibinameno. Tsipei anoxuae po mataqueithe nama tamropata pitabame jinya neayapusá itorobi coyenewa

xua tsita itutame xua poxonae daxita carepaya nacuanpiwi itorobiname.  
<sup>18</sup> Daxita nacuanpiwi cacaseba, ichitha anoxuae matacabi patopa, po mataqueitha bichocono anaya atene exanaename barapomonaе abe peexanaexae. Yawano barapo mataqueitha daxita jiwi yabara paebiname xua penatsicuentsiwa pomonaе xua wɥnae peexanaewi irɥ pomonaе xua abe peexanaewi. Daxita barapomonaе bayatha werapa. Barapo mataqueitha irɥ pomonaе xua cata nacuita, pomonaе jinya neitorobi jume pepaebiwі, irɥ pomonaе xua pejɥntɥ coyene xanepanaewi, barapomonaе matabɥxɥmonaеbe catsibiname pocotsiwan xua bayatha jɥntana jebame xua nematomatsiwan. Barichi catsibiname pomonaetha pomonaе jopa judiomonaе naexanaeyo pomonaе bequein bara ichamonaе saya pecui pawimonaе, mataɥtano bequein bara ichamonaе peainya cui jiwimonaе. Ichitha xam saya bara catsita najɥpa. Mataɥtano barapo mataqueitha daxita omeicha atene exanaename pomonaе abe peexanaewi barapo cae pin nacuathe”, jei barapo pitiri jiwi.

<sup>19</sup> Bapoxonaе Nacom pin pia bo tatsi nacoibo saranaxuba xua itabocotha. Barapo Nacom pin pia botha jiwi tane pocotsiwa xua ichawa yanta xatatababota xua be caja. Barapo cajatha boca Nacom petinae diwesi, pocotsiwa xua Nacom yabara tsiwɥnae muxu duta pomonaetha pomonaе pia petanacuichiwichi pocotsiwa bexa Nacom taexanaena xua barapomonaе taexanaeинchi. Bapoxonaе yamɥxɥ busi xua be jurujurei yawa jerajerei. Mataɥtano ira jijiyata, yawano nawita othopeica xua dederawa, pocotsiwan benata poxonaе po eman ichaxota bichocono aque.

## 12

*Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya*

<sup>1</sup> Bapoxonaе itabocotha naitɥta xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wɥnae, icha be xometo ichi poxonaе pentha. Bapowa nataxu yɥtɥuncua jomocoichatotha. Barapowa mataina tepa, po tepatha doce xoyobe xeina

opitei. <sup>2</sup> Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo. <sup>3</sup> Bapoxonae itabocotha equeicha naitata ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan. <sup>4</sup> Pebosotha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabuyo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonae naexanaena. <sup>5</sup> Barapo petsiriwa tanaexanatsi pexuyo pebin wato. Barapo pexuyo, po pexuyo poxonae wichaba itorobiya ewata pomonae jinompa po cae pin irathe xua daxita carepaya nacuantha. Bapon daunweya beta ewata barapomonae icha pon oveja peewatsin ichi xua poxonae daunweya beta ewata ovejan. Bapon exana baxua naewa xua be naebarupato. Poxonae barapo pexuyo naexana, pitatsi yawa capoinchi Nacom pia pexeinya peecaethopaewatha beicha. <sup>6</sup> Bapoxonae barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwunaeta xua pia ira nexa yawa xua bapowa pexaewa peapatsinexatsi mil doscientos sesenta matakabibetha.

<sup>7</sup> Bapoxonae itabocotha matatsunpiwi naba. Matatsunpin pon pewun Miguel, bapon matakapona pia matatsunpiwi. Iruru pon be Joyoinya, bapon pia matatsunpiwi matakapona. Daxita barapo bicheito nantiya naba. <sup>8</sup> Ichitha pon be Joyoinya iru pia matatsunpiwi tatsi jopa cui jupaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi. <sup>9</sup> Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wun pewun Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

<sup>10</sup> Bapoxonae itabocotha pejume jume tan pon xua jume daunweya wawai, jeye: “Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamataxeinaenexa. Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique.

Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha, pomonae jume cowanta Nacom, abeya muxujainyabeibatsi merawitha yawa mataqueithano xua Nacom peitatha tatsi.

<sup>11</sup> Wajiwimonaetha pomonae iru xua pejume cowantsiwi Nacom, barapomonae amanayaba bapontha pejume cowantsixae xua Mesías tsitupa barapomonae.

Bapon pon Cordero, xua pon oveja pebto penun. Yawano amanayaba bapomonae tsipei Mesías yabara paeba dubenanaebiyatsi pocotsiwa bapon barapomonae taexainchi.

Barapomonae amanayaba, tsipei najei: ‘Bequein bapon pon be Joyoinya ichichipa naca juteba ichitha jopa junuwichi xua werapaeinchi. Awiya jume cowanta dubenanaebiyaeinchi Nacom’, najei.

<sup>12</sup> ¡Pajantu coyene weiweinare pomonae itabocotha painya nejinompaexae! ¡Daichitha tsobenae pomonae jinompa po cae pin nacuathe deque, yawano xua xuan pin mar mentha jinompa, tsipei Satanás bara bereca bichocono anaepanaya patopareca! Bapon Satanás yaputane xua jopa bayatha tsaibi tsane poxonae abe exaneibina po cae pin nacuathe deque”, jei.

<sup>13</sup> Poxonae barapon pon be Joyoinya, pon Satanás itawetsicatsi po cae pin irathe tsique, bapoxonae yabuyo barainatsi, powa xua bayatha pexuyo exana pebin wuto. <sup>14</sup> Ichitha Nacom, barapowa pecuarafe catatsi, ainya cuarafebe xua cuiyausi piawan. Daxota Nacom cata xua bapowa tajubeya pepupunaenexa ichaxota po ira beya xua Nacom bayatha tsiwunaeta, xua pepupunaenexa pon be Joyoinya weya. Barapowa pupuna barapo ira xuepana susato tsurucuae nacua beya. Nacom apata bapowatha pexaewa tres po weibetha yawa xua seis po xometobetha. <sup>15</sup> Bapon pon be Joyoinya pecoiboto tsina mene sutaba xua peawabonexa xua bapowa pemonoxubinexa tsainchi awabotha. <sup>16</sup> Ichitha ira bapowa yaweinchi. Barapo ira, naira yetaxuba yawa mene

apaxoreca, po mene bayatha sutaba bapon pon be Joyoinya. <sup>17</sup> Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua butsi pomonae jume cowanta Nacom penajume caitorobi diwesi xuano xua paeba dubenanaebiya Jesús pejume diwesi. <sup>18</sup> Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

## 13

*Meje yabara po diwesi pon ayei, pon be Corei, irano xua ichan pon ayei, pon be Metsametsawa*

<sup>1</sup> Bapoxonae ichan tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewanxi, po wanxi xua Nacom abe yabara paebatsi. <sup>2</sup> Barapon pon be Corei be neutha xua yaquiquibia. Petaxu be tson taxu. Pecoiboto be neutha coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa. <sup>3</sup> Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi. <sup>4</sup> Barapon pon be Joyoinya wanae jaintatsi, jiwi wanae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wanae jaintatsi, jiwi wanae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabix-ubiwatsi”, jei jiwi.

<sup>5</sup> Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. <sup>6</sup> Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi. <sup>7</sup> Yawano barapon, pon be Corei copatatsi, xua bena xua beinchi pomonae

Nacom pejume cowantsiwichi, beya xua poxonae barapomonaе amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonaе daxita carepaya tsicamonaеxi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonaе icha jumeintha pecueicueijeijiwi peitorobiwatsi. Matautano catatsi xua daxita carepaya nacuanpiwi peitorobiwatsi. <sup>8</sup> Barapon, pon be Corei wunaе jaintatsi xua daxita carepaya po cae pin irathe nacuanpiwi wunaе jainta. Barapomonaе jopa wun dubenaеyo diborotha, po diboro pon Cordero xeina pecobetha, pon Mesías pon naetotha tupa. Barapo diborotha Nacom wun duba pejume cowantsiwichi caena bayatha poxonae Nacom aena forota nacua. Pomonaе wun dubena barapo diborotha jopa weweracaеyo.

<sup>9</sup> Paxam pomonaе painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tynaxh tatsi paca tsipaeba xua meje:

<sup>10</sup> “Pomonaе xua ichun waetabatsi xua atene peexanaenexatsi barapomonaе xuya bara teicaeinchi ichamonaе atene peexanaenexatsi tsane.

Pon xua cusitha namawainta xua ichun bexubatsi, bapon xuya cusitha bexubinchi”, paca jei Nacom pia Pejumope tynaxh tatsi.

Daxota pomonaе pejume cowantsiwi Nacom bewa saya juntu coyene daunweya jinompae xua xuya jopa taexanaе tsane ichamonaetha xua bequein abe taexanaeinchi ichamonaе. Yawano bewa jume cowanta dubenanaebiyaena Nacomtha.

<sup>11</sup> Baropoxonaе tan ichun pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penun. Daichitha poxonae cueicueijeji, be poxonae cueicueijeji pon be Joyoinya. <sup>12</sup> Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wunaе pejainchinexatsi pon be Corei, pon pia coutha nantasipa awanxaeibi exana. <sup>13</sup> Yawano pon be Metsametsawa exana nawita xua pexeinya petsita itatsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa. <sup>14</sup> Barapon pon be Metsametsawa petsita itatsi coyenewa exana pon be Corei peitabaratha tatsi. Barapo petsita itatsi coyenewantha bapon muxujainyaba xua muxujainyabatsi pomonaе jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua

dejona wan, pon bequein wan ducua, ichitha jopa tupaeyo. <sup>15</sup> Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicuei jei tsane yawa jutebina daxita pomonae jopa wanae jainchichi. <sup>16</sup> Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacui tha itapa tinaeinchi, xua pomonae jopa ainya cuiyiyo, iru pomonae xua peainya cui jiwi, iru pomonae xua copei pexeinae jiwi, iru pomonae peacopeibi jiwino, yawano pomonae pia coutha penata exanae jiwi, irano pomonae xua pebusi tatayebeibiwichi. <sup>17</sup> Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewan tatsi, ichacui tha barapo pecatinaewa saya número xua pewan tatsi pia número tatsi.

<sup>18</sup> Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewan. Barapon pon be Corei pia número tatsi baxue: seiscientos sesenta y seis.

## 14

*Meje yabara po diwesi xua pomonae naxuna 144, 000 po bicheitomonae matabuxube*

<sup>1</sup> Baroxonae tan Cordero xua oveja pebto penan xua uncua demxuwatha, po demxuwa pewan Sión. Barapo Cordero baru uncua ciento cuarenta y cuatro mil po bicheitomonae matabuxube. Barapo ciento cuarenta y cuatro mil po bicheitomonae matabuxube daxita carepaya itapa tinatsi barapo Cordero pia wan tatsi, yawano xua Paxa tatsi pia wan tatsino. <sup>2</sup> Baroxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae tajw wemene othopeica. Yawano be poxonae xua yamuxu nameta, yawa be poxonae ainya busin xua pinmonae tanbaba. <sup>3</sup> Barapomonae pomonae tanbaba pexeinya wei naxuna Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asu, yawano xua pitiri jiwi pia peitabaratha tatsi. Ichamonae jopa itacupaetsi barapo wei xua peyaputaewa xua po wei naxuna barapomonae. Saya jame barapomonae, pomonae ciento cuarenta y cuatro mil po bicheitomonae matabuxube yaputane barapo wei xua pomonae po irathepiwi jiwamonae, pomonae bayatha Cordero capanenebiya abe pia peexanaewan weya poxonae tsitupa



barapomonaē. <sup>4</sup> Barapomonaē jopa nataxobiyo xua penasi cui exanaewa xua yabuxitha pejeinya enaexae. Yawano barapomonaē exaneiba daxita xua pocotsiwan Cordero itoroba xua poxonaē barapomonaē napuna poneiba ichaxota Cordero poneiba. Barapomonaē capanenebiyatsi, Nacom capanenebiya xua daxita carepaya jiwi jiwanamonae tatsi xua bapomonaē pecana exanaenexatsi pomonaē bichocono pepa pejuntū coyene xanepanaewi Nacomtha irano Cordero tha pomonaē xua copiya, pomonaē xua Nacom pejume cowantsiwichi. <sup>5</sup> Barapomonaē jopa penaerabiwi tsipei barapomonaē bichocono pepa pejuntū coyene xanepanaē jiwi, Nacom peitabaratha tatsi. Barapomonaē jopa xeinaeyo xua penatsicuenta siwa Nacom peitabaratha tatsi xua abe peexanaexae.

*Meje yabara po diwesi xua cueicueijeji acoibi poyobe matatsunpiwi*

<sup>6</sup> Bapoxonaē tan ichan matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonaē daxita nacuanmonaepiwi nexa, irano pomonaē tsicamonaexipiwi nexa, iranu pomonaē barompaya icha jumein pecueicueijejiwi nexa, iranu daxita tomaranpiwi nexano. <sup>7</sup> Barapon jume daunweya paeba, jeye: “Pacunuwiya jinompare Nacom xua beta painya nejume cowantsiwa. Yawano Nacom wanae pajainde. Tsipei anoxuae nama barapo matabi patopa po mataqueitha Nacom yabara paebina jiwi xua penatsicuenta siwa xua abe peexanaexae. Wanae pajainde pon exana itaboco, xuano xua exana pin mar mene, yawa exana ira baxhpana mene”, jei barapon pon jume daunweya paeba.

<sup>8</sup> Ichan matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonaē cuiduba ichamonaē xua ichamonaē abe peexanaē coyene peexanaenexa xua penasi cui exanaewa tsane yabuxitha, xua iru pebiwitha!” jei matatsunpin.

<sup>9</sup> Bapoxonaē ichan matatsunpin patopa, bapon jume daunweya jeye: “Icha ichan wanae jainta ibo Corei nacomtha xua saya canaxoba yawa icha itapa tinatsi, yawa ichacuiwa xua icha cobe juma tinatsi, bapoxonaē Nacom bichocono casebina bapon xua bapon casebinchi. <sup>10</sup> Bapoxonaē Nacom bichocono abe exanaena bapon. Baxua Nacom exanaena xua bayatha bapon peyabara nacui wanaetsixaetsi. Jopa juniya exanaē tsane poxoru bichocono Nacom yabara anaepana.

Barapon bichocono atene tsane poxonae Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. <sup>11</sup> Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei wunae jaintatsi xuano xua barapo ibo Corei nacom wunae jaintatsi, yawano xua barapomonae itapa tinatsi barapo Corei pia wuntha tatsi”, jei matatsunpin.

<sup>12</sup> Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

<sup>13</sup> Bapoxonae jume tan pejume xua peitaboco wenebaraichica. Nejei: “Baxua tinare: ‘Bu bara juntu coyene weiweina pomonae jume cowantsiya werapaena Jesthath, pon jiwi Pecanamataxeinaein’, jei”, nejei.

Nacom pia Pejumope tunaxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuatheicha. Po coyene xua barapomonae juntu coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo juntu coyene barapomonae yawa ponaena Nacom pia nacua beicha tatsi”, jei Nacom pia Pejumope tunaxu tatsi.

*Meje yabara po diwesi xua matatsunpiwi cusin caucuboba po cae pin irathe tsique*

<sup>14</sup> Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi. <sup>15</sup> Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “iBarapo cusi caucubobare yawa jore pocotsiwa xua naweta tsipei barapo matabi patopa, po mataqueitha naweta po cae pin irathe deque!” jei matatsunpin. <sup>16</sup> Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

<sup>17</sup> Bapoxonae equeicha ichan matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi. <sup>18</sup> Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “iBarapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin. <sup>19</sup> Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara juta ichi Nacom jiwitha, xua poxonae bichocono atene exanaena jiwitha xua abe peexanaexae jiwi. <sup>20</sup> Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taju ayei tsoponae tsane.

## 15

*Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa*

<sup>1</sup> Bapoxonae equeicha tan peitabocotha icha pin petsita itutsi coyenewa xua nebenaeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabetha bapoxonae Nacom nacui weta xua poxonae anaya bichocono atene exana jiwi abe peexanaexae.

<sup>2</sup> Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibu muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa wanae jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pewantha. Barapomonae imoxoyo caquita umena barapo pin mar mene. Yawano barapomonae caumena arpa

matawun xua pocotsiwa pecatanbabiwan xua Nacom catsiba. <sup>3</sup> Barapomonaе naxuna Moisés pia wei tatsi, pon Nacom pia penacuichiwa tatsi taexainchi. Yawano barapomonaе naxuna Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono wnae.

Xam pon, daxita neayapusu itorobiya coyenewan xeiname.

Jinya coyenewan bara pexainyeiwan poxoru beta exaname.

Xam itorobiya neewatsin daxita carepaya nacuanpiwi.

<sup>4</sup> Xam pon jiwi Necanamataxeinaein.

Daxita jiwi junuwiya cabaru cui itura jinaena.

Yawano daxita jiwi wnae cajainchina tsipei saya meisa xam nejuntu coyene xeicaem.

Daxita carepaya nacuanpiwi patsina xua wnae

necajainchinexa tsipei barapomonaе bayatha tane pocotsiwa xua betiya xanepanaya exaname”,

jei barapomonaе.

<sup>5</sup> Bapoxonaе equeicha tan peitabocotha Nacom pin pia bo. Po boyo tututha uncuа barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba. <sup>6</sup> Barapo tutu weya matatsunpiwi pona pomonaе xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juntacari jayabeinatsi. <sup>7</sup> Bapoxonaе tan caein, xua jiwana barapo cuatro poyobe xua xuan asu. Bapon barapo siete poyobe matatsunpiwi catsibatsi coroton xua wamba po coyenewan peabe cui coyenewan pocotsiwan Nacom exanaena, pon ataya popona. <sup>8</sup> Bapoxonaе barapo tututha, bichocono petsuxu wanca. Barapo tsuxu Nacom pia xainya weya tatsi tapichapatsi pon peainya cuin yawa xua peayapusu itorobi coyenewa pexeinaein. Dapon aibi pon pecopatsiwatsi xua pejoniyawa barapo tututha poxonaе cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

## 16

*Meje yabara po diwesi xua barapo corototha xeina siete po coyenewabe po coyenewa xua peabe cui coyenewan*

<sup>1</sup> Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsi-juntutha xeina baraxuan po coyenein xua Nacom bichocono atene exanaena jiwi penatsicuentisixae xua abe peexanaexae Nacomtha”, jei.

<sup>2</sup> Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewan tatsi, xuano xua wanae jainta ibo Corei nacom, bapomonae barapoxonae nainya xeina xua peaperabewan xua bichocono aperutane.

<sup>3</sup> Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petupaein boca. Barapo pin mar mentha daxita werapa xua xuan baxota jinompa.

<sup>4</sup> Bapoxonae equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira buxupana meneintha, bapoxonae barapo menein be pejanan tsanaya. <sup>5</sup> Bapoxonae jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara  
 paebame poxonae atene exaname jiwi xua  
 penatsicuentisixae xua barapomonae  
 bichocono abe peexanaewi.

Bapana jopa abe exanaem.

Xam nejuntu coyene xeicaem,

yawa xua pon anoxuae nepoponaem,

yawa xua pon caena bayatha nepoponaemno.

<sup>6</sup> Tsipei barapomonae jinyamonae jutebatsi,

yawano tsipei jutebatsi pomonae

neitorobi jume pepaebiwi.

Daxota barapomonae xuya werapa exaname,

peyantomatsiwa exaname abe peexanaexae copiya”,

jei barapo matatsunpin Nacomtha.

<sup>7</sup> Equeicha ichan jume tan pon cueicueijei pon uncua ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusu itorobi coyenewan nexainaem. Tsipei xam yabara paebame xua jiwi penatsicuentisiwa xua abe peexanaexae

daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

<sup>8</sup> Bapoxonae equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa. <sup>9</sup> Bichocono daxita carepaya jiwi taxuatsi. Ichitha barapomonae icha jũntũ coyene jopa xeinaeyo mataũtano Nacom jopa wũnae jainchichi, yawa barapomonae Nacom abe yabara paebatsi yaitama Nacom xeina peayapusũwa xua itoroba barapo coyenewan po coyenewan xua peabe cui coyenewa.

<sup>10</sup> Bapoxonae equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonae jopa xapain piamonae matacaponae be pon xua pona poxonae quireitha. Daxota piamonae tatsi jũntũ coyene deideijei. Barapomonae peparaxaewa nawano sine. <sup>11</sup> Jopa juniya exanaponae jop barapo coyenewan po coyenewan xua peabe cui coyenewan, yawano cataunxuae barapomonae exanapona xua Nacom abe yabara paebatsi po Nacom itabocotha eca. Daxota barapomonae Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperũtanewan.

<sup>12</sup> Bapoxonae equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewũn Eufrates. Barapo Eufrates mene namto naexaniya xua pepatsinexa pomonae pocotsiwa werenepiwi pomonae jiwi itorobiya pia pepa peewatsiwichi.

<sup>13</sup> Nexata bapoxonae tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonae barompaya pia coiboton tsina tajujuinatsi acoibi poyobe cauri xua xuan be pocotsiwan cuei. <sup>14</sup> Barapo caurimonae exana pexeinya petsita itũtsi coyenewan. Barapo caurimonae ponarũcũpa xua penacae-tuta exanaenexa daxita pomonae jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusũ itorobi coyenewan pexinaein.

<sup>15</sup> Nacom jeye: “Taema, jemeicha patopaein icha be pon pecaibin ichi poxonae jemeicha patopa. Jũntũ coyene weiweina pon xua yoyoca tsipei nama xatata paparuwa xua jopa

petamsa ponaenexa jiwi itatha xua bapon petaewatsi daxita pia pepon", jei Nacom.

<sup>16</sup> Daxita pomonae jiwi itorobiya pia pepa pecanamatax-einaewichi, barapomonae nacaetuta ichaxota po iratha pewan Armagedon xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

<sup>17</sup> Bapoxonae equeicha ichan matatsunpin pon ichaxota ba jei "siete", jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: "Bara bayatha nacui xainwaetaba", jei pon xua paeba. <sup>18</sup> Bapoxonae bichocono jerajerei itabocotha, yawa pejumein, yawa bichocono jurujerei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae. <sup>19</sup> Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. <sup>20</sup> Daxita petunaeton yawano daxita demxuwan aichurubenae xua ira pejijiyatsixae. <sup>21</sup> Barichino itaboco weothopeica xua jiwi matatsun othopeicatsi pocotsiwan dederawa xua xuan benata ichaxota po eman bichocono aque. Barapo pedederawiwani bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawiwani pocotsiwa bichocono abe barapomonae nexa.

## 17

*Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara*

<sup>1</sup> Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: "Anetha catsita itatinchi xua yabayoy powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara.

<sup>2</sup> Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabarun exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha

barapomonaē ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

<sup>3</sup> Poxonaē cataunxuae Nacom pia Pejumope t̄nax̄u tatsi netsita it̄ta baxua, bapoxonaē matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon t̄sobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina. <sup>4</sup> Bapowa nama xatata paparuwa, po paparuwa m̄u s̄jei yawa m̄u t̄sobia. Bapowa yawa napepena xua pocotsiwan pew̄n oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pew̄n perla. Barapowa pecobetha xeina coroto penain coroto xua oro nain yawa w̄nta pocotsiwan xua be mara, yawa barapowa pia penasi cui matacaetsi coyene xua weiweina. <sup>5</sup> Powa xua yabara caunutatsi Babilonia tomara, barapowa peitapatha tinaduta pew̄n, po w̄n jiwi jopa yabara yaputaeyo. Barapo w̄n jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matauta bapowa daxita pomonaē xua bichocono abe peexanaewi barapomonaē pena tatsi”, jei xua tinaduta. <sup>6</sup> Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono c̄patsi, barapo Babilonia tomarapiwi barapocotsi coyeneya j̄ta ichiya exana. Baxua exana, tsipei barapo Babilonia tomarapiwi juteba pinmonaē pomonaē Nacom pijimonaē tatsi, ir̄u pomonaē Jesús pejume diwesi pepaebiwi”, yabara jeichi barapo Babilonia tomarapiwi.

Poxonaē tan xua barapo tomarapiwi be c̄patsi bichocono, yabara nabenaecan bapoxonaē. <sup>7</sup> Bapoxonaē matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina. <sup>8</sup> Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po m̄th̄u bichocono pin m̄th̄u tsina. Bapoxonaē nama yatsicaewa weweracaena. Bapoxonaē jinompaena jiwi barapo cae pin irathe. Barapomonaē jopa w̄n dubenaeyo Nacom pia diborotha tatsi, po diborotha xua jei: ‘Pomonaē w̄n dubena barapo diborothe jopa weweracae



tsane', jei. Barapo jiwi caena bayatha jopa wun tinaetsi barapo diborotha. Barapo jiwi poxonae taena barapon xua taeinchi pon be Corei bichocono najuntũ coyene cabenaecaena. Daxota najuntũ coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe", nejei matatsunpin.

<sup>9</sup> Equeicha matatsunpin nejei: "Meje tha xua paebichi xua ichamonae itacũpatsi peyabara yaputaewa baxua: Barapo sietepo pentasipabe xua pon be Corei, barapo siete matasipabe demxuan yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo sietepo pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi. <sup>10</sup> Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo sietepoyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacaponae tsane po cae pin irathepiwi. <sup>11</sup> Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: 'ocho', jei, bapon pon jiwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tũpa xua barapo sietepoyobe jiwana. Bapoxonae nama equeicha weweracaena poxonae tũpaena", nejei matatsunpin.

<sup>12</sup> Equeicha matatsunpin nejei: "Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua irũ barapon pon be Corei itorobiya ewatsina. <sup>13</sup> Barapo diez poyobe pomonae piamonae itorobiya pepa peewatsiwi peburũya nanta xeinarũcupa. Mataũtano barapo diez poyobe pomonae piamonae itorobiya pepa peewatsiwi pia peayapusũya exanaewan pon be Corei catatsi, yawano peayapusũ itorobi coyenewa catatsi. <sup>14</sup> Daxita barapomonae pomonae diez poyobe, pomonae piamonae itorobiya pepa peewatsiwi irũ pon be Corei, Cordero bũtsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusũ itorobi coyenewa xeina beyacaincha xua ichamonae xeina pomonae jiwi pecanamataxeinaewichi. Mataũtano bapon

pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

<sup>15</sup> Equeicha barapo matatsunpin nejei: “Xua xam po menein taneme mar menein xua ichaxota yabuyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijeivi, yawano yabara caunutatsi daxita nacuanpiwi. <sup>16</sup> Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepon tautinchi isototha. <sup>17</sup> Nacom itoroba xua barapomonae pia pejuntu coyenetha peexanaewa tsane xua pocotsiwan Nacom ichichipa. Daxota barapomonae pomonae jiwi itorobiya pia pepa peewatsiwichi pomonae diez poyobe, peburuya nanta xeinarucupa xua barapomonae pia peayapusu itorobi coyenewanxae tatsi pon be Corei catsinchi. Baxuan catsina beya abu poxonae wetsina pocotsiwa Nacom bayatha paeba. <sup>18</sup> Petsiriwa powa taneme xua powa nasi cui matakaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi”, nejei matatsunpin.

## 18

*Meje yabara po diwesi xua daxita omeicha cayabara wewapentatsi Babilonia tomarapiwi xua muxuna tomarano*

<sup>1</sup> Bapoxonae equeicha tan ichun matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusu itorobi coyenewan. Bapoxonae bapon exana xua ira bichocono penta tsurucuae

xua pia pepon weya cueicha pona. <sup>2</sup> Yawano bapon jume daunweya wawai, jeye:

“¡Bayatha Babilonia tomarapiwi wetapentatsi yawa tomara abe exanatsi, po tomara pepa tomara!  
¡Yawano anoxuae caurimonae baxota jinompa!

<sup>3</sup> Tsipei daxita carepaya nacuanthapiwi bichocono abe exana, po abe peexanae coyenewa pocotsiwa xua barapo Babilonia tomarapiwi exana.

Yawano pomonae jiwi itorobiya pia pepa peewatsiwichi barapomonae cuiduba piamonae xua abe peexanaewa tsane icha barapo Babilonia tomarapiwi ichi xua abe exana.

Yawano pomonae pecaenaetsiwi piawan, bapomonae xuya copei pexeinaewi naexana, tsipei barapo tomarapiwi copei ayei ichichipa xua beta pejinompaewa tsane”, jei matatsunpin.

<sup>4</sup> Bapoxonae equeicha ichawa jume tan xua wawai itabocotha, jeye:

“Pomonae tamonaepiwi pam, barapo tomara weya paponar<sub>у</sub>ч<sub>у</sub>pare, xua jopa abe painya neexanaenexar<sub>у</sub> icha barapo tomarapiwi ichi xua bichocono abe peexanaewi.

Bapoxonae Nacom jopa paca atene exanae tsane icha bayatha ichichi xua atene exainchi barapo Babilonia tomarapiwi.

<sup>5</sup> Tsipei barapo abe peexanae coyenewan xua barapo tomarapiwi exana bichocono ayei xua daxota Nacom pon itabocotha peecaen tane baxuan.

Daxota Nacom yabara nanta xeina xua atene exana barapomonaetha.

<sup>6</sup> Barab<sub>у</sub> ichamonae j<sub>у</sub>pa exanaena barapomonaetha, icha be pocotsi coyeneya xua bapomonae abe taexana ichamonaetha. Barab<sub>у</sub> barapomonae pentoma catsibinchi xua po pentoma equeicha mataropataba xua peatenewa.

Barab<sub>у</sub> barapomonae bichocono atene tsane, icha be pocotsi coyeneya xua poxonae barapomonae atene taexana ichamonaetha.

<sup>7</sup> Pocotsiwa xua bapomonae exana xua atsaca naexana xua penasi cui matacaetsi jiwi naexana, barab<sub>у</sub> barapomonae bichocono atene tsane, yawa wecoyei tsane.

Tsipei bapomonaē pia coutha natsipaeba, jeye:

‘Waxainchi xote enatsi.

Waxainchi jopa dapomonaetsi pomonaetsi pomonaē waseuri jiwi wanaca cuenta werapaewi.

Matautano waxainchi pomonaē jiwi itorobiya pia pepa peewatsi jiwichi, jopa bichocono atene tsainchi’, jei bapomonaē.

<sup>8</sup> Daxota saya caentaqueitha tsane jopaena po coyene xua abe peexanaewa tsainchi bapomonaē, xua bichocono peperaxa jubuwa tsainchi, matautano xua pejainpaewa tsane bichocono, yawano xua petautsiwa tsainchi xua werapaena. Tsipei Nacom pon pepa Pecanamataxeinaein jiwi peayapusu itorobi coyenewa xeina, yawano bapon pia coutha yabara paebina po coyene xua tsitatsi xua bapomonaē natsiaenaē cuenta abe peexanaexae”, jei matatsunpin.

<sup>9</sup> Pomonaē jiwi itorobiya pia pepa peewatsiwichi xua po cae pin irathe, pomonaē xua bayatha iruru abe exana poxonaē barapo Babilonia tomarapiwi abe exana, barapomonaē bichocono wecoyei tsane poxonaē xua taena iso tsuxu xua poxonaē barapo Babilonia tomarapiwi tautsinchi.

<sup>10</sup> Barapomonaē taju wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonaē pomonaē jiwi itorobiya pia pepa peewatsiwichi najei tsane:

“¡Pai jaibo Babilonia tomarapiwi pam tsobenaē!

¡Babilonia tomara tsocuaem!

Bequein pepa tomara tsocuaem, ichitha saya

bara cae horatha barapo tomaram omeicha

Nacom cawetaxubina”, najei tsane barapomonaē.

<sup>11</sup> Daxita pomonaē caenaeta piawan barapomonaē bichocono wecoyei tsane xua barapo Babilonia tomara siwa wecoyeichi tsainchi tsipei barapomonaē jopa xeinaē tsane xua comocaeinchi xua pia pecaenaetsiwan.

<sup>12-13</sup> Barapomonaē xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira buxupana iboton xua bichocono ainya matoman, yawano xua pocotsiwan be warowaxu pocotsiwan perla matawun, yawano papaburu pocotsiwan bichocono ainya matoman pocotsiwan seda matawun, yawano po paparuwan mu sajei, yawa xua xuan mu tsobia; yawano napaewan, po naein xua bichocono tuxuei; yawano xua ichawan weya forobano xua pocotsiwan marfil matawun, yawano xua ichawan weya forobano xua naewan xua po

naewan bichocono ainya matoman, yawano xua ichawan weya forobano xua pocotsiwa bronce nain matawꞥn, yawano xua ichawan weya foroba xua penainton, po penainton hierro nain matawꞥn, yawano xua ichawan weya foroba xua iboton, po iboton mármol ibo matawꞥn; yawano capana po petuxueiwan canela tseboco matawꞥn, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxona taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaein, cawayumonaein, yawa caronaemonaein, xua cawayu pecaponaenaxi, yawano jiwino capoinchi pecaenaetsinexatsi xua pomonaenaxi jiwi pebusi cui tatayebeibiwichi peexanaenexa tsainchi. <sup>14</sup> Barapomonaenaxi tsane xua barapo Babilonia tomarapiwi yabaraenaxi tsainchi:

“¡Anoxuae jopa paxeinaem pethei, po pethei ainya matoman po pethei paichichipame bichocono! ¡Anoxuae nama pacata aichurubenaenaxi xua copei xeina painya nenaexanaewam xua bara ataya tsane!” jei tsane.

<sup>15</sup> Pomonaenaxi xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonaenaxi tajꞥ wenewatumendena xua abe peexanaeyainwatsi xua Nacom exanaena. Barapomonaenaxi bichocono wecoyei tsane. <sup>16</sup> Barapomonaenaxi tsane:

“¡Pai jaibo pepa Babilonia tomara tsobenaenaxi! Xam Babilonia tomaram bichocono pexeinya tomaram, icha yabꞥyo ichi xua pexeinyawayo poxonaenaxi paparuwa nama xatata po paparuwa bichocono saꞥjei yawa bichocono tsobia. Yawano bapowa napepena xua pocotsiwa pewꞥn oro nain yawa xua be ibotixi xua pocotsiwan ainya matoman yawano po warowa xu xua inyapana xua pewꞥn perla.

<sup>17</sup> ¡Saya bara cae horatha daxita aichurubenaenaxi xua xuan barapo tomara xeina!”  
jei tsane barapomonaenaxi.

Pomonaenaxi jera pecanamataxeinaewi, yawano pomonaenaxi xua naponaxi xua warapa icha tomaratha nexa, irꞥ pomonaenaxi petanacuichiwi barapo jera naeintha, irꞥno pomonaenaxi nacuita jeratha, daxita barapomonaenaxi tajꞥ

wenecotumendena. <sup>18</sup> Poxonae barapomonae tane xua iso tsuxu xua barapo Babilonia tomara tautatsi, barapomonae jume daunweya wawai, jeye: “Icha pepa tomara aibi po tomara wunae pocotsi tomara icha Babilonia tomara ichi”, jei. <sup>19</sup> Barapomonae pia cui xeina xua tsorobotha nantatsaeba poxoru bichocono wecoyei. Wawaya jeye: “¡Pai pepa Babilonia tomara tsocuae!

¡Anoxuae jopa peraichiwa xua pocotsiwan bayatha jera wunbatsi xua copei xeina naexainchi xua poxonae naca comoca barapo tomarapiwi!

¡Daxita baxuan caayawachurucuae exainchi tomara!” jei barapomonae.

<sup>20</sup> Ichitha paxam pomonae itabocotha painya nejinompaewi pam iru pomonae tamonae pam, iru pomonae Jesús pia peitorobiwi tatsi pam, iru pomonae Nacom peitorobi jume pepaebiwi pam.

Daxita barapomonae pam, pajuntu coyene weiweinare xua pacata peaichurucuaexae barapo Babilonia tomara.

Nacom xuya abe exana barapo Babilonia tomara tsipei bayatha barapo tomarapiwi pacata abe exana.

<sup>21</sup> Bapoxonae matatsunpin pon bichocono pia peayapusu itorobiwa xeina, bapon pita iboto, po iboto bichocono pin iboto xua be pocotsi ibototha jiwi cuba trigo xu. Bapoxonae barapo matatsunpin xuba barapo iboto pin mar mentha. Bapon jeye:

“Icha barapo iboto ichin xua xuban barapo pin mar mentha, Nacom barichi wetaxuba barapo Babilonia tomara xua equeicha jiwi jopa petaewa tsane.

<sup>22</sup> Yawano bapana equeicha jiwi jopa jume tae tsane xua petanbabiwan busin xuan pewun arpa matawun, yawano xuan po peobiwa jumein pewun flauta matawun, yawano icha peobiwan jumein xuan pewun trompeta matawun.

Matautano jopa tae tsane pomonae xua barompaya piawan penata exanae jiwi.

Matautano jopa busi tae tsane barapo pin tomaratha xua busi

xu yacatoyeraba trigo xu xua pin ibototha.

<sup>23</sup> Matautano jopa yonoyonei tsane pecoichan.

Matautano jopa jume tae tsane xua pin penabanaewa exana xua poxonae

pebin pecotsiwa pita.

Pomonaē pecaenaetsiwi barapo pin tomaratha  
 bichocono copei pexeinaewi xua daxota  
 daxita nacuanpiwi yabara cui yaputane  
 xua barapomonaē peainya cui jiwi.  
 Barapomonaē pomonaē Babilonia tomarapiwi  
 itacupatsi xua daxita nacuanpiwi  
 muxuitorobatsi mara peexanaewi pia  
 coyeneyatha xua daxota iru abe  
 peexanaenexa tsane, icha barapo Babilonia  
 tomarapiwi ichi xua abe exana”,  
 jei matatsunpin.

<sup>24</sup> Nacom weraweraca exanaena barapo tomara.  
 Barapo tomarapiwi Nacom tsitatsi xua barapomonaē  
 penatsicuentsiwa xeina xua ichamonaē pejutebixaetsi,  
 pomonaē Nacom pia peitorobi jume pepaebiwi, iru pomonaē  
 Nacom pejume cowantsiwichi tatsi yawano daxita pomonaē  
 bayatha jutebatsi po cae pin nacuanthepiwi xua ichamonaē  
 juteba icha tomarantha.

## 19

<sup>1</sup> Bapoxonaē peitabocotha jume tan xua juinya pinmonaē  
 jeye:

“iBarabu Nacom wunaē jainatsi, Nacom naca  
 capanepa abe waexanaē coyenewan weya!  
 iMaisa Nacom pexeinya juntu coyene pexeinaein!  
 iMaisa Nacom bepa juniya xeinaē  
 peayapusu itorobi coyenewa!

<sup>2</sup> Nacom wunaē jaintatsi tsipei bapon Wanacom.  
 Poxonaē yabara paeba jiwi xua  
 penatsicuentsiwa xua abe peexanaexae,  
 bara beta xaniwaicha exana.  
 Yawano bapon bichocono atene exana  
 barapowa powa xua penatsicuentsiwa  
 xeina xua abe peexanaexae.  
 Bapowa penasi cui matacaetsiwa xua  
 weiweina pebiwitha pia paratixichi.  
 Barapowa yabara caunutatsi Babilonia tomara  
 po tomaramonaē xua penatsicuentsiwa xeina xua  
 abe peexanaexae icha bapowa ichi.  
 Bapowa bayatha cuiduba barapo cae pin  
 nacuapiwi xua iru abe exana icha  
 xua barapowa ichi.  
 Tsipei bapowa Nacom pijimonaē tatsi  
 jutebatsi daxota xuya Nacom pijimonaē  
 yantomata xua poxonaē bapowa bexotsi powa

peyabara caunutsixaetsi Babilonia  
tomarapiwi”, jei xua juinya pinmonae.

<sup>3</sup> Barapo pin ayei jiwi jeye:

“¡Barabũ Nacom wũnae jaintatsi!

¡Iso tsũxũ xua baromonaе tautatsi barabũ

barana jopa athabe jujuinae tsane xua pepu

ataya tsane!” jei barapomonaе xua juinya pinmonae.

<sup>4</sup> Baroxonaе veinticuatro poyobe pomonaе pitiri jiwi, irũrũ  
cuatro poyobe xua xuan asũ daxita barapomonaе irabe taeu-

menareca xua Nacom wũnae pejainchinae tsainchi, jeye:

“¡Je bara ichi tsane! ¡Barabũ Nacom wũnae jaintatsi!” jei

daxita barapo matabũxũmonaеbe. <sup>5</sup> Baroxonaе Nacom pia

pexeinya pecaethopeibiwatha, jume tan pejume, xua jeye:

“¡Daxita pam, pomonaе Nacom pata exaname,

Nacom pon pata Nacom, wũnae pajainde!

¡Irũrũ pomonaе paexaname pocotsiwa Nacom

paca itoroba, Nacom wũnae pajainde!

¡Irũrũ pomonaе peacopeibi jiwi irũrũ

pomonaе copei pexeinae jiwi, daxita

paxam Nacom wũnae pajainde!”

jei pejume xua paeba.

*Meje yabara po diwesi xua poxonaе jiwi tsinacaetuta pex-  
aewa penabanaenexa poxonaе Cristo, pon Cordero, pecotsiwa  
nacueyaba*

<sup>6</sup> Yawano jume tan peitabocotha xua pejumein be pin  
bicheitomonaе be poxonaе xua ainya pin mar menein busin,

yawano be xua xuan yamũxũ jurujurei. Barapo jumein jeye:

“¡Barabũ Nacom wũnae jaintatsi

pon jiwi Pecanamataxeinaein!

Bapon nama anoxuae tamropata pitaba

xua daxita carepaya nacuanthapiwi

itorobiya ewatsinchi.

Bapon xeina daxita coyenewan xua pia

peayapusũ itorobi coyenewan.

<sup>7</sup> ¡Jũntũ coyene weiweinatsi yawano

jacobatsi, jeichichi: ‘Maisa pexeinya

jũntũ coyene pexeinaein’, jeichichi!

Baxua bewa exanaetsi tsipei patopa matababi

poxonaе po matababitha jiwi tsinacaetuta

pexaewa penabanaenexa poxonaе pon

Cordero, piowa nacueyaba.

Barapon pon Cordero, pecotsiwa tatsi nacui

xainwaeta, poxonaе po matababitha jiwi

pin penabanaewa tsinacaetuta xua

penabanaewa tsane.



<sup>8</sup> Barapowa copatatsi xua penama xatatsinexa paparuwa, po paparuwa bichocono pexeinya paparuwa.

Barapo paparuwa bichocono inyapana yawa xua bichocono m̄ daedaena.

Barapo pexeinya paparuwa caunuta xua po coyenein Nacom pia peantobewichi tatsi exana xua po coyenein Nacom tsita xanepanatsi.

Barapo yab̄yo yabara caunutatsi Nacom pijimonae tatsi, pomonae Nacom pejume cow̄antsixaetsi”, jei barapo pin bicheitomonae.

<sup>9</sup> Bapoxonae matatsunpin nejei: “Tinare xuaje: ‘Bichocono j̄nt̄ coyene weiweina pomonae Nacom waba poxonae pin penabanaewa tsinacaetuta xua penabanaewa tsane poxonae pon Cordero, nacueyaba pecotsiwa’, jande poxonae xua tiname”, nejei barapo matatsunpin. Equeicha nejei: “Daxita po jumein xua catsipaebatsi barapo jumein xaniwaicha Nacom paeba”, nejei barapo matatsunpin.

<sup>10</sup> Bapoxonae barapo matatsunpin petaxutha irabe taencuarecan xua w̄nae tajainchinexa. Ichitha bapon nejei: “¡Bara! Jopa baxua neexanaeinde. Apara xan ir̄ ponxaein Nacom piawa taexanaein, icha xam ichim xuanano xua icha jinya jiwimonae ichi pomonae Nacom pejume cow̄antsiwichi, xuanano xua jume cow̄anta dubenanaebiya pocotsiwan xuan Jesús paeba. Jame Nacom bapon w̄nae jainde”, nejei matatsunpin.

Baxuan xuan pocotsiwan Jesús paeba xua xuan pexainyeyiwan, baxuantha yawenatsi nawita pomonae Nacom peitorobi jume pepaebiwi.

*Meje yabara po diwesi xua pebin equeica cawayutha, pon pemainyan*

<sup>11</sup> Bapoxonae peitabocotha tan xua naitaboco yausaranaxuba. Baxota naitata cawayu, pon pemainyan. Pon xua cawayutha equeica, w̄n dutatsi, jeichichi: “Pon xua pejume cow̄anta ducuanabiyaein, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentsiwa xua abe peexanaexae. Matautano bapon xainyeya betiya exana poxonae naba ichamonaetha.

<sup>12</sup> Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pew̄n po w̄n xua saya meisa bapon w̄n yaputane. <sup>13</sup> Yawano nama xatata paparuwa,

po paparuwa pejanan dubena be poxonae xua jautux-uba pejanatha. Bapontha Nacom w<sub>un</sub> duta: “Nacom Pejume”, jei. <sup>14</sup> Bapon puna poinchi soldadomonae itabocopi soldadomonae, pomonae Nacom pia soldadomonae tatsi. Barapo soldadomonae pexeinya paparuwan nama xataba xua xuan m<sub>u</sub> inyapana, yawa xua axuiruibi. Yawano barapomonae eneica cawayumonaeintha xua xuantha pe-mainyawantha. <sup>15</sup> Barapon pon mata capana pia soldadomonae pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonae po irathe jinompe. Yawano bapon ajumeyapus<sub>u</sub>ya itorobi ewatsina jiwi. Yawano bapon daunweya yabara paebina jiwi xua penatsicuentsiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonae jopa pejume cowantsiwichi, tsipei bichocono Nacom caseba barapomonae. Barapon Nacom pia peayapus<sub>u</sub> itorobi coyenewan xeina xua jiwi peperaxa exanaewatsi. <sup>16</sup> Bapon naw<sub>un</sub> tinaduta pia pejumainaewatha, yawa naw<sub>un</sub> duta peth<sub>u</sub>totha xua po w<sub>un</sub> jeye: “Pon Corderoxae jiwi itorobiya pia pepa Peewatsinchi tatsi, pia peayapus<sub>u</sub> itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua ir<sub>u</sub> xeina pia peayapus<sub>u</sub> itorobi coyenewa. Mata<sub>u</sub>tano bapon pon jiwi pia pepa Pecanamataxeinaeinchi pia peayapus<sub>u</sub> itorobi coyenewa xeina beyacaincha xua ichamonae xeina pomonae jiwi pia pepa pecanamataxeinaewichi”, jei barapo w<sub>un</sub>.

<sup>17</sup> Bapoxonae matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa. <sup>18</sup> Barapo penabanaewan paxaema, xua pomonae jiwi itorobiya pia pepa peewatsiwichi pewi, yawano soldadomonae pia pentacaponae tatsi barapomonae pewi, yawa pomonae peamanayabeibi jiwi barapomonae pewi, yawa cawayu pewi, yawa pomonae xua eneica pewi. Daxita xua ir<sub>u</sub> ichamonaeno barapomonae pewi. Ir<sub>u</sub> pomonae penata exanaewi pia coutha barapomonae pewi, ichacuitha xua ir<sub>u</sub> pomonae amanaya petanacuichi jiwi barapomonae pewi. Ir<sub>u</sub>no pomonae jiwi pebusi cui tatayebeibiwichi barapomonae pewi, ir<sub>u</sub>no pomonae copei pexeinaewi barapomonae pewi”, jei matatsunpin.

<sup>19</sup> Bapoxonae tan pon ayei pon be Corei, yawano tan pomonae jiwi itorobiya pia pepa peewatsiwichi xua bar<sub>u</sub>

pona pia soldadomonaein. Daxita barapomonaenacaetuta xua nantiya penabinexa tsane pontha pon pia soldadomonaenacatacapona xua yawa pia soldadomonaenacathatsi petanabinexa tsainchi. <sup>20</sup> Barapon pon ayei, pon be Corei, bapon maxu cubiya waetabatsi iru maxu cubiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itubiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wuna pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucua. Barapo pucua ataya tsitecaeya taxuncua bichocono aitareyapusu tsuncuae po peitare pewan azufre matawan. <sup>21</sup> Iruru daxita ichamonaeru jutebatsi cusitha, po watotha xua pecoibototha tapichapeinatsi pon xua matacapona pia soldadomonaenacatacapona. Daxita pepupunaewi bichocono tonsana pewi xaexaetsi pomonaenacatacapona xua jutebatsi.

## 20

*Meje yabara po diwesi xua Cristo itorobiya ewatsina jiwi mil po weibetha*

<sup>1</sup> Bapoxonae tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewan cadena xua bichocono pin nainto. <sup>2</sup> Barapo matatsunpin waetaba, pon be Joyoinya waetabatsi, pon po jomo xua poxonae copiya jiwi muxu jainyabatsi. Bapon apara caurimonaenacatacaponaenacathatsi. Bapon icha wan Satanás. Barapon Satanás maxu cubiya waetabatsi cadenathaxua mil po weibexa. <sup>3</sup> Yawano barapon Satanás xorecatsi barapo pin muthu deca. Bichocono yaxatatabotatsi muthutha. Yaucateitabotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae abuyapu caewina mil po weibexa. Bapoxonae isanaxubinchi xua saya bara caeto tsane.

<sup>4</sup> Bapoxonae tan xua pexeinya peenaethopeibiwan. Baxota ena pomonaenacatacapona xua bayatha catsibatsi peitorobi coyenewan xua jiwi peyabara paebiwa tsainchi daxita xua penatsicuentsiwa xua abe peexanaexae. Bapomonaenacatacapona

xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonae bayatha jopa wanae jainchiyo pon be Corei. Matautano jopa wanae jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wantha tatsi ichacuitha xua pecobe juma tinaewatsi. Barapomonae tan xua equeicha asu exainchi. Barapomonae iru Cristo, nabarua caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane. <sup>5</sup> Ichitha nama ichamonae pomonae xua caena bayatha werapa cataunxuae jopa asu exanaetsi. Barapomonae asu exanaeinchi beya abu poxonae yapu caewina mil po weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya. <sup>6</sup> ¡Maisa bichocono juntu coyene weiweina pomonae equeicha Nacom asu exana petupae coyene weya po peasu coyenewa xua copiya! Barapomonae Nacom piamonae tatsi. Barapomonae jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonaepiwi tatsi xua iru Cristo pia sacerdotepiwi tatsi. Matautano barapomonae nabarua caemonae xua barapomonae barapo cae pin nacuepiwi itorobiya ewatatsi mil po weibetha tsane.

*Meje yabara poxonae caurimonae pia pentacaponaein tatsi xotsi*

<sup>7</sup> Poxonae yapu caewina mil po weibe bapoxonae barapo Satanás isanaxubinchi xua peponaewa tsane muthu weya. <sup>8</sup> Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetutsiwa tsane pia soldadomonae tatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa purun ichi xuan taetabotha bobena xuan acucu xua mar mentha bobena.

<sup>9</sup> Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cowantsi. Ichitha bapoxonae Nacom pin isoto itoroba deca peitaboco wereca, daxita barapo soldadomonaein taxuatsi omeicha. <sup>10</sup> Barapon

Satanás, pon be Joyoinya, pon caurimonae pia pentacaponaein tatsi, pon xua barapo soldadomonaein muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewun azufre matawun. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomona baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

*Meje yabara po diwesi xua Nacom yabara paebajiwixua penatsicuentsiwa poxona eca pia pexeinya ecaethopeibiwatha, po pexeinya ecaethopeibiwa xua pemainyawa*

<sup>11</sup> Bapoxonae tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubena, equeicha jopa naitutsiyo. <sup>12</sup> Bapon Nacom peitabaratha tatsi umena pomona xua caena bayatha werapa xua pomona peacopeibi jiwixuano pomona copei pexeinae jiwixu. Bapoxonae diboron patapenta, yawano pataxuba po diborotha ba nacapanenebiya tsaibi pomona Nacom pia peantobewichi poxonae wun tinadubatsi barapo diborotha. Pomona xua caena bayatha werapa daxita itawetatsi. Barapomona yabara cui jupiya exanatsi be po coyeneya bayatha abe exana xua barapo diborotha pecui yabara tinaexaetsi xua poxonae barapomona abe exana. Daxota barapomona atene tsane. <sup>13</sup> Barichi pomona iru pin mar mentha notatsi, barapomona Nacomtha pata. Iru pomona iratha bobena ira wejjuina xua Nacomtha pepatsinexa. Daxita barapomona Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentsiwa xua abe peexanaexae Nacomtha. Barapomona atene exanaeinchi xua Nacom bayatha pecui yabara tinaexae po coyene xua abe exana. <sup>14</sup> Nacom cana exana po coyenewa xua jiwixu tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomona pewerapeibiwi pia nacua tatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwixu caewa werapaena po jiwixu jopa pejume cowantsiwi. <sup>15</sup> Iru ru pomona xua jopa wun dubenaeyo barapo diborotha po diborotha ba jiwixu nacapanenebiya tsaibi poxonae wun dubeibatsi, barapomona iru barapo isoto pucuatha bebaichi, Nacom bebai.

## 21

*Meje yabara po diwesi xua pena itaboco yawa xua pena ira*

<sup>1</sup> Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naitatsiyo. Yawano pin mar mene aichurucuae. <sup>2</sup> Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabuyo ichi xua poxonae nacui xaxainchiya weta xua poxonae pecotsiwa per<sub>u</sub> nacoyobina. <sup>3</sup> Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom bar<sub>u</sub> poponaena, bara barapomonae Nacom pijimonae tatsi tsane. Nacom ataya tsitecaeya bar<sub>u</sub> poponaena barapomonae penacana exanaexae xua piamonae tatsi pia Nacom tatsi. <sup>4</sup> Barapomonae Nacom itacuere mene canotsina xua pewecoyeixa, xua barapomonae equeicha jopa peatenewa tsane. Equeicha jiwi jopa werapae tsane barapo pet<sub>u</sub>rae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

<sup>5</sup> Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itac<sub>u</sub>patsi xua tana neyabara jume cow<sub>u</sub>ntsiwa xua bara exanaein pocotsiwa xua taneme”, nejei Nacom.

<sup>6</sup> Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bej<sub>u</sub>nt<sub>u</sub> coyene jichatsi xua aj<sub>u</sub>nt<sub>u</sub>coyenyapus<sub>u</sub> peexanaewatsi bara bapon amanaya catsin peaj<sub>u</sub>nt<sub>u</sub>coyenyapus<sub>u</sub>wa, po peaj<sub>u</sub>nt<sub>u</sub>coyenyapus<sub>u</sub>wa xua ataya tsiteca. <sup>7</sup> Pon xua j<sub>u</sub>nt<sub>u</sub> coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha j<sub>u</sub>ntana jeban bapon. Barapon pia Nacom tatsin tsane yawa barapon apara bara taxanto tsane. <sup>8</sup> Ichitha pomonae pijunuwi jopa nejume cow<sub>u</sub>ntsiyo xua ichamonae abe peexanaewa tsane



<sup>15</sup> Barapo matatsunpin, po matatsunpin netsipaeba, bapon capatopa pocotsiwa xua pecacanañbiwa xua be naewa xua oro nainto peepa canañbinexa tomara yawa pecoiboton yawa curara. <sup>16</sup> Tomara nantiya namñxñbñrñ jñrabe xua apiya dena. Barapo matatsunpin epa canñbarena barapo tomara dos mil doscientos po kilómetrobe xeina xua apiya dena yawa xua tañcha xua asiyeicha daxita baxuan nantiya naepa jñra. <sup>17</sup> Baroxonae epa canañba curara mñxñbñrñ sesenta y cinco po metrobe xeina xua pemñxñbñrñ xua aitiyñ. Baxuan matatsunpin exana be jiwi pia pecanañbiya coye-newa tatsi.

<sup>18</sup> Curara iboton ñ xuan pexeinya iboton, xua ira bñxñpana iboton xuan jaspe matawñ. Tomara acaba ñ xuan pocotsiwan oro matawñ be xuan peepa nasabiwan. <sup>19</sup> Po iboton ira weumeina xua doce po ibotonbe, daxita mata pepena xua mata wñnae exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawñ. Po iboto ichaxota ba “dos”, jei, barapo iboto mata pepena xua zafiro ibo matawñ. Po iboto ichaxota ba “tres”, jei, barapo iboto mata pepena ágata ibo matawñ. Po iboto ichaxota ba “cuatro”, jei, barapo iboto mata pepena esmeralda ibo matawñ. <sup>20</sup> Po iboto ichaxota ba “cinco”, jei, barapo iboto mata pepena ónice ibo matawñ. Po iboto ichaxota ba “seis”, jei, barapo iboto mata pepena cornalina ibo matawñ. Po iboto ichaxota ba “siete”, jei, barapo iboto mata pepena crisólito ibo matawñ. Po iboto ichaxota ba “ocho”, jei, barapo iboto mata pepena berilo ibo matawñ. Po iboto ichaxota ba “nueve”, jei, barapo iboto mata pepena topacio ibo matawñ. Po iboto ichaxota ba “diez”, jei, barapo iboto mata pepena crisoprasa ibo matawñ. Po iboto ichaxota ba “once”, jei, barapo iboto mata pepena jacinto ibo matawñ. Po iboto ichaxota ba “doce”, jei, barapo iboto mata pepena amatista ibo matawñ. <sup>21</sup> Barapo doce po boupanbe exana ñ xuan be perla matawñ xua daxita barompaya peboupan tsiniya. Barapo pepa namto xua tomaratha exana ñ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

<sup>22</sup> Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peayapusñ itorobi coyenewan xeina. Irññ xua baxota pepoponaexae Cordero daxota jopa nantawenonaeyo Nacom pin pia bo tatsi. <sup>23</sup> Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya



pecoichaxae tatsi, xuano iraru xeina Cordero barapo coicha. <sup>24</sup> Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wanae pejainchiwatsi po coyene xua tsita exanatsi xua bayatha jiwi tsita exana barapomonaetha. <sup>25</sup> Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae. <sup>26</sup> Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewanaewan xua be copei. Matautano Nacom catatsi po coyene xua Nacom wanae pejainchiwatsi. <sup>27</sup> Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomonae abe peexanaewi iraru pomonae pemuxuitorobiwi. Saya meisa patsina baxota pomonae wan dubena po diborotha ba jiwi nacapanenebiya tsaibi poxonae wan dubeibatsi baxota, xua po diboro xeina Cordero.

## 22

<sup>1</sup> Nexata matatsunpin netsita itata mene, po mene xua mene itarana, po mene xua jiwi axumerasu exanatsi, xua icha Nacom ichi xua jiwi ajuntucoyeneyapusu exanatsi. Barapo mene bichocono mene itarana icha bosibu ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona. <sup>2</sup> Barapo mene, mene ducuaponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajuntucoyeneyapusu exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua jantema pejinompaewa xua jopa peatenewa. <sup>3</sup> Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi iru baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom wanae jainchinch. <sup>4</sup> Bapoxonae jiwi Nacom itabara taeya cueicueijeji tsainchi. Barapomonae peitapatha cainompaena Nacom pewan tatsi. <sup>5</sup> Barapo tomaratha ataya tsitecaeya jopa quirei tsounae tsaibi tsane. Pomonae baxota jinompa jopa nantawenonae tsane pecoicha xua lampara coicha xuano xua xometo coichano. Daxota jopa nantawenonaeyo tsipei Nacom

pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Iru pomonae baxota jinompa jiwi itorobiya ewatsinchi xua ataya tsitecaeya tsane.

*Meje yabara po diwesi xua Jesucristo poxonae patopeicaena xua imoxoyo bara nama*

<sup>6</sup> Bapoxonae equeicha matatsunpin nejei: “Barapo jumein pexainyei jumein. Daxota ichamonaе itacɤpatsi xua tana neyabara jume cowantsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tɤnaxɤ tatsi xua jiwi peyawenaewa tsainchi xua poxonaе jiwi cueicueijeji Nacom nexa. Yawano Nacom itoroba pia matatsunpin xua petsita itɤtsinexa pomonae pia penacajume caitorobi diwesi tatsi petacueicueijeichiwichi xua barapo matatsunpin barapomonae yabara petsipaebinxatsi po coyene Nacom imoxoyo exanaenaba”, nejei.

<sup>7</sup> Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! ¡ɤɤntɤ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

<sup>8</sup> Xan, pon Juan tsocuaein, tan daxita baxuan yawano jume tan. Poxonaе bayatha jume tan, yawa xua bayatha tan xua pocotsiwan matatsunpin netsita itɤta, bapoxonaе bapon petaxutha irabe taeuncuarecan xua wɤnae tajainchinexa bapon. <sup>9</sup> Ichitha bapon nejei: “¡Bara! Jopa baxua nexanaeinde. Apra xan ponxaein taexanaein Nacom piawa tatsi, icha xam ichim yawa icha pomonae jinya jiwimonae ichi, pomonae Nacom peitorobi jume pepaebiwi, irɤno pomonae xua jume cowanta dubenanaebiya daxita po coyenein xua po diborothe tinan. Jame Nacom bapon wɤnae jainde”, nejei matatsunpin.

<sup>10</sup> Yawano nejei: “Jopa moya yawɤn xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. <sup>11</sup> Poxonaе cataunxuae Nacom jopa wetsiyo, pon xua abe peexanaein, bɤ moya bara abe exana ducuaenaebiya. Iru pon xua nanthɤ coyene xeina peacuiru-coyenebewan, bɤ moya bara baxuan nanta xeina ducuaenaebiyaena. Ichitha pon wɤnae exana Nacom nexa, bɤ moya exana ducuaenaebiya. Pon xua Nacom petsita naexanaewatsi xua penthɤthɤ xeicaein penaexanaewa, bɤ moya bara Nacom jume cowanta ducuaenaebiatsi”, nejei.

<sup>12</sup> Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. <sup>13</sup> Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

<sup>14</sup> Juntũ coyene weiweinaena pomonae najuntũ coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itacũpaeinchi xua jojoniyaena tomara coiboto iya tsipei pia paparuwan inyapana yawa juntũ coyene wũnae. Yawa barapomonae itacũpaeinchi xua tomaratha iya xaena po pethei pexaewa, po pethei jiwi ajuntũcoyenesũ exainchi. <sup>15</sup> Ichitha nama aisowatha xua tomara jumatha umenaena pomonae peajuntũcuirucoyenebewi irũũ pomonae mara pexeinaewi. Yawano pesatotha umena pomonae penata siwa xeinaewi yabũxitha, irũno pomonae jiwi pejutebiwinno, irũno pomonae ibo nacom wũnae pejainchiwi. Daxitano pomonae becu jichatsi xua naerabiya pepaebiwi xua naerabiya exanano, barapomonae pesatotha umenaena.

<sup>16</sup> Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwanapin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wũnae xua poto baya ecoina poxonae icha matabi patopa, xan barichin. Patopan tacapatopaenexa jiwitha po coyene xua bichocono wũnae po coyene xua Nacom tsixana, xua jiwi tsixanatsi”, nejei Jesús.

<sup>17</sup> Nacom pia Pejumope tũnaxũ tatsi, irũ Cordero pia pecotsiwa tatsi, pomonae Nacom pia pejume cowantsiwichixaetsi, jeye Jesthath: “Anetha”, jei Nacom pia Pejumope tũnaxũ tatsi irũ Cordero pia pecotsiwa tatsi. Pomonae xua irũũ jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bũ apa po mera jiwi ajuntũyapusũ exainchi xua saya amanaya nexa”, jan.

<sup>18</sup> Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichũn mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be

pocotsi coyene cuirun yabara caunuta po diborothe. <sup>19</sup> Icha ichan jiwana jume wexuba xua po diborothe paeba, xuya Nacom pia diborothe wun xubina, po diborothe jiwi nacapanenebiya tsaibi poxonae wun dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomona peantobewichi Nacom. Barapo pecapanenebiya coyenewa iru barapo tomarano barapo diborothe yabara tina.

<sup>20</sup> Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxaem Tanecanamataxeinaem, jan.

<sup>21</sup> Jesucristo, pon jiwi Pecanamataxeinaein, barabu paca yawenaena pia painya nepaca caantobexae daxita paxam. Je bara ichi tsane.

Baja Juan.